



6

7-g


14



Q. VIII. n5.

20056

6-7.8.14



CAMPORVM
ELOQVENTIAE,
IN CAUSIS, ENU-
MERATIONE PARTIVM,

GENERE. CONIUGATIS,
Adiunctis, longè lateque
patentium;



VOLVMEN PRIMVM.

Auctore **MELCHIORE DE LA CERDA**

de Societate IESV, & Hispalis Eloquentia
Professore Primario.

Editio Tertia, nunc correctius edita.

Cum Indice duplici locupletissimo Rerum & Capitum.



COLONIAE AGRIPPINENSIS

Apud **IOANNEM KINCHIVM,**

sub Monocerote. Anno M.DCXXXVII.


NEW YORK

THE ASSOCIATED PRESS
NEW YORK

THE ASSOCIATED PRESS
NEW YORK

THE ASSOCIATED PRESS
NEW YORK

THE ASSOCIATED PRESS
NEW YORK



ILLVSTRISSIMO
ET REVERENDISSIMO

DOMINO, D. ANTONIO DE

Capata, Sanctæ Romanæ Eccle-
siæ Cardinali.



Melchior de la Cerda P.F.P.

COLLEGIVM Hispalense Societatis Iesu;
Illustrissime, Reverendissimeque Car-
dinalis, cellissimo Regi & inuictissimo
Martyri Diuo Ermenegildo sacrum, sic
aduentus illius splendore, quo Hispalim veniens
Præsul Gaditanus Gymnasia sua illustrasti, ab hinc
tot annos felicitatis suæ radios diffundit in orbis
gentium sedes vniuersas, fama ac celebritate tui
nominis gloriosas, vt altiora quamquam te mane-
ant dignitatis fastigia, filij tamen & alumni Aca-
demix, quia Hispalenses sunt, Archiepiscopum te
suum Hispalensem optent, & sibi Principem tam
inclytum contingere saltem ad referendam tuo-
rum in nos meritorum gratiam aliquam ab im-
mortali Deo assiduè & enixè precentur. Sed
vel Toletanæ Ecclesiæ primaria Hispaniarum se-
des, vel Consilij Regij Castellæ, regnorum Hispa-
lensium suprema dominatio, vel censorum sacræ
fidei principatus altissimus, vel vtraq; sedes celis-
sima cum Archiepiscopatu Toletano, aut pileo, ga-
leroque proxima Beati Petri Cathedra gloriosissi-
ma Cardinalem Zaparam manet pro suis raris, &
cunctorum sermone decantatis generis, consilij,



EPISTOLA

litterarum, virtutum maximarum dotibus, & in
 Ecclesiam meritis immortalibus. Ego verò, cum
 spem Hispalim veniendi sublimiora fastigia, in
 summa Regis Catholici de te concepta opinione,
 & pro benignitate, quam ingente, qui suos nun-
 quam obliuiscitur, & cumulatione gratia fortuna-
 re cōsuevit, omnibus præcidisse videantur, id sem-
 per faciendum duxi, vt memoriam beneficij col-
 lativiciissitudine literaria, quoniam aliter non pos-
 sum, & si possem, id exiguum, vel potius nihil ef-
 fet, gratus ac memor referre conarer. Id enim vul-
 gò iactatur, vt in referenda gratia, cum non possis,
 quod velis; quod possis tamē, id efficias. Cum præ-
 fertim Principes terrarum maximi, quales ac quāti
 sunt Patres Purpurati, à Vicario Christi Iesu in
 Ecclesia primi, cum ab alijs tam longo interuallo
 distent, supremo in honore positi, grati animi me-
 moriam spectant, & ponant eam quæ referenti-
 um est tenuitas, in iusta ac legitima vicissitudine.
 Alij Patres Societatis nostræ monimentis tradent,
 quæ in Gaditanos, quæ in Pampilonenses, quæ in
 Burgeneses, quæ in Carpentanos, quæ in Romanos
 Iesuitas, quæ in vniuersam denique Societatem,
 tua merita magna & illustria constituerunt. Ego
 præceptor studiorum Rhetoricæ Hispalensium
 memini equidem, ac non obliuiscar aduentum il-
 lum solis splendore clariorem. Rhetoricæ sedibus
 & vniuersis Gymnasijs illucentem, cum nostram
 orationem, cum dialogum benignè audisti, descri-
 ptum comiter accepisti, cum de muneris exiguitate
 cogitasti sæpè ac sapiùs, cum in Collegio Anglica-
 no semel inuitatus sermonem de eodem aduentu,
 & de oratione, & de actione præsentibus nonnul-
 lis Patribus intulisti: cum quid acturus esses, non
signi-

significasti sed apertè dixisti, te agitalle domi aliquoties pro referenda gratia, si quæ mittuntur ex religionis præscriptionibus in suos vsus conuerrere potuissent Societatis alumni. Quum ergo, Princeps clarissime, in Rhetorum ordinem, in præceptorem, in gymnasia, in Societatem nostram tantus ac tam prædicandus extiteris Pater, sis etiam, & futurus in omne tempus, quo possim ingenio li fœtu, non referam gratiam aliquam? Campum Eloquentiæ in volumina distributum aliquot dare foras aggredior: Cui melius duo prima volumina dicanda decreuerim, quàm tanto Principi, & eloquentissimo, & in Eloquentiæ Campo patenti, id est, in pulcherrima fortunatissimaque urbe Romæ purpuratorum Patrum dignitate decorato, tot sapientiæ luminibus fulgenti, & post Pontificiam Gadibus, & Pampilone sedem adeptam, post Burgesem Archiepiscopatum, & tantâ postea dignitate depositum purpuræ galerique honorem à Petri supremâ Cathedrâ Ecclesiâ tam insigniter obtinenti? Scio munus istud exiguum esse, & ab homine tenuiore profectum, & ad tantum Ecclesiæ principem sanè nullum. Scio prosapiam generis tui claram & illustrem, & cum magnatibus, cum Principibus Hispaniarum sanguinis communionem coniunctam. Teneo tantam in te facultatem, vimque dicendi, tam variam ac multiplicem antiquitatis, & scientiarum cognitionem, tantam vtriusque Iuris scientiam. Noui virtutes in te omnes Pontificum. Cardinalium suis numeris absolutas, cunctorum sermonibus linguisque celebratas, gloriosè magnificeque terras, mariaque sua celebritate peruagari. Video culmen tuæ dignitatis, fastigiumque supremum, vno duntaxat purpuræ gradu

EPIST. NUNCUPAT.

à Romano Pontificatu distare, proximum primæ Romanæque Cathedræ, cunctos inter Cardinales celsissimo tuo principatu numerari. Miror denique horum ornamentorum splendore tam illustri, vt Solis ipsius aduersi radijs oculorū, sic mentis aciem non perstrictam fuisse, & cogitationem ab opere huiusmodi tibi præcellentissimo Cardinali dedicando non auocatam. Sed id fecit comitas & benignitas tua, quæ cum Principes maximos ornauerit, tum te ipsum gloriosè satis: vt tui, & tuorum beneficiorum memor, Opus Eloquentiæ, quæ Regibus, & Pontificibus magno fuit semper ornamento, & suis in cœtibus floruit, magnificentissimeque dominata fuit, propria quondam Principum, Regum, & Imperatorum, ac propterea tuo Principatu non indigna, maximo Ecclesiæ Principi dicatam. Accipe igitur hæc duo prima Campi Eloquentiæ volumina, qua Sociorum Iesu res benignitate soles excipere. Quod si nostrâ tui, tuorum in nos meritorum, tuæ dignitatis memoriæ conseruatam & in animo penitus in hærentem spectare volueris, non indigna munuscula patronij tui auctoritate, & vsitata semper benignitate suscipies, fouebis, & qua fuisti in prouehendis ingenij monumentis propensione mirabili, fortunabis.

ODARION
AD STUDIO SAM
ORATORIAE FACULTA-

TIS IUVENTUTEM SUPER EMENDA-
tione Camporum Elo-
quentiae,

Sic est: edaci dente volubiles
Hora polorum sedibus insita,
Longeq₃ distantes in ipsis
Cuncta terunt, minuuntq₃ terris

Sive ista Carpus carpat edacitas,
Seu vim molares Eunomia inferant,
Sororve Thallotte voraces

Figat edax sine fine dentes,
Nil Noctiluca sub face Cynthia
Corruptioni ferrea spicula,
Limasq₃ dentatasq₃ serras,
Aut cariem fugit obsoletam,

Vel ipsa diuūm templa Quiritium,
Carumq₃ dure Pyramidum strues
Vrgente pessundantur AEuo
Progenie Chronij voraces,

Per hanc Deorum pradia coelitem,
Campiq₃ & horti, quos topiaria
Decircinauit arte Chloris,
Quosq₃ opibus Zephyrus repleuit

Labore dignis Herculeo peti,
Qualoq₃ dignis Hesperidum legi:
Omnes vel experti senectam,
Vel vitium, dederunt ruinam.

Sic quos Suada Romula sacros
La-Cerda Campos panderat amulos
Quintilianis viretis,
Aut geminos Ciceronis hortis,

I N C A M P.

Licet rosarum murice plurimo,
 Et liliorum messe niuentium
 Campi scaterent, baccharumq;
 Et casta segetem reserrent:
 Licet ororum copia cum thymo
 Late patientes sterneret areas,
 Virtutis intexens decora
 Calicolum monumenta Diuum:
 Tamen fluentis dura necessitas
 Aetatis, illum sustulit inclitum
 Campis honorem, dissiptoq;
 Artificis studio Minerua,
 Multiplicatis cumq; loco typis,
 Zyzaniorum damna frequentium,
 Totamq; lapparum cohortem
 Cum tribulis dedit implicatam:
 Quae pigra Campis Murcia floridis,
 Vel imperitum turba Typographum
 Inuexit, apricumq; maium
 In segetem tribulorum acutam
 (Damnum Latina grande loquentia)
 Inuexit, id quod Christiadam graue
 Sensere Athena, quas bicornis
 Lambit aqua sapiente Rhenu.
 Sed enge docti pulpita circuli
 Sensum doloris ponite: ponite
 Iustos querelarum sasurros
 Ex habitis male Melchioris
 Cerdæ viretis, eq; scatentibus
 Errore Campis doctiloquentie
 Zelator est non nemo vestra,
 Qui veterem facit esse Cerdam:
 Hic senticetis damna creantibus,
 Mendis probrosis lato patentibus

Iniecit

ELOQVEN,

Iniecit optatam securim,

Hiscæ decus referens vireti.

Nunc ergo Campos docta reuifite

Cohors Minerva. Currite, currite

Quâ meta fulget: Christiana

Laureola venient Suada.

CENSURA VOLUMINVM CAM-

pi Eloquentiæ Patris Melchioris de la Cerda,

è Societate Iesu.

Libros, qui Campi Eloquentiæ inscribuntur, Auctore Melchiore de la Cerda, è Societate Iesu à Regio Senatu inspiciendos commissos ad trutinam Ciceronis examinaui, eosque existimo cum Oratoribus magnam vtilitatem, tum Rhetoribus maximam allaturos. Est enim Auctor in uentione varius, vniuerso dicendi genere copiosus, Græca Libanij eloquentia apprimè instructus. Opus verò velut ἀνθολόγιον, aut potius Rhetorum officina. Quamobrem quoniam è Republica fore putauì, & felix faustumque fiet (quando opus ab omni contra Fidem macula purum esse videtur) in communem vtilitatem excudantur. Dat. Compluti Idibus Februarij, à partu Virginis anno decimo tertio supra mille sexcentos.

Magister Ildefonsus Sanctius in Aca-
demia Complutensi Doctor He-
braica linguæ Primarius.

APPRO-

A P P R O B A T I O.

HÆc Patris Melchioris de la Cerda volumina accuratè inspeximus. nihilq; in eis inuenimus, quod vel Fidei integritati, vel morum probitati aduersetur. Censemus præterea, ea esse sermonis elegantia, ac verborum puritate, vt non mediocri facultatis Oratorie Professoribus sine allatura emolumentum. Consentium enim mi. um in modum auctori suo, qui, vt tota nostra Bæthica Prouincia experta est, ita est eloquentiam professus per annos plus quadraginta, vt semper admirationem, & audientibus excitauerit, & absentibus, tanto cum studentium profectu. vt & nostra Societas, & reliquæ religiosarum familia præclari eius ingenij, maximiq; laboris copiosis fructibus feliciter redundarint. Digna itaque arbitramur, quæ typis excussa in lucem ad communem vtilitatem prodeant. Granata, in nostro Collegio Diui Pauli Societatis Iesu 22. die Octobris, anno 1612.

Ioannes Antonius de Leon.

Franciscus de Castro.

F A C U L T A S S O C I E T A T I S.

MArcus Del Castillo, Prouincialis Societatis Iesu in Prouincia Bæthica, potestate ad id mihi facta à Reuerendo admodum Patre Claudio Aquaiua, Præposito nostro Generali, facultatem concedo, vt hæc duo prima volumina Campi Eloquentiæ, quæ reuiderunt, & approbarunt priùs viriè nostra Societate graues, & docti à Patre Melchiore de la Cerda composita, typis mandentur. In quorum fidem has literas manu nostra subscriptas, sigilloque nostro munitas dedimus. Hispali, Domi Professorum Societatis Iesu, die decima octaua mēsis Octobris, Anno Domini 1612.

MARCVS DEL CASTILLO.

E L E N.

LENCHVS CAPITVM

PRÆCIPVORVM VOLVMINIS I.

A mplificatio ex fine cathedra Doctōri deferenda, pag. 3	
Terum exemplum ex vno fine proposito in Catilinam, ibid.	
Terum ex multiplici fine,	ibid.
Englobatio causarum ex fine cum dilemmate,	4
Ex fine cum forma, ib. Ex fine & causa efficiente,	ibid.
Ex fine cum effectis, 5. Ex fine cum enumeratione,	ibid.
Ex fine cum similitudine & effectis in laudem Ciceroni,	6
Ex fine cum dissimili,	7
Ex fine cum dissimili & exemplo,	ibid.
Ex fine cum adiunctis in laudem Hyacinthi,	8
Alterum exemplum superiori simile,	ibid.
Ex fine cum repugnantibus,	9
Alterum exemplū ex fine cum repugnantibus,	ibid.
Decimasexta ratio amplificandi ex fine cum comparatio- ne, 10. Ex fine officia diuersa petuntur,	ibid.
Laus ex fine,	11
Vituperatio ex fine cum similibus effectis & causis efficien- tibus,	ibid.
Secundum vituperationis exemplum ex fine multiplici,	11
Suasio ex fine,	13
Alterasuasio, 14. Dissuasio ex fine,	15
Coniectura ex fine,	ibid.
Ex fine motus animorum, 16. Spes ex fine,	ibid.
Odium ex fine, 17. Obtestatio ex fine,	18
Exaggeratio ex fine,	ibid.
De sede, quam finis in oratione continet,	ibid.
Exordium ex fine, in laudem doctōris Martinij.	19
Narratio, 20. Epilogus ex fine illustratus.	21
Alter epilogus, ad orationem in laudem Beati Ignarij Con- fessoris habitam, de gloria Domini ab eodem semper ap- Pari-	

INDEX CAP.

petita,	22
De causa efficienti,	23
De causa absoluta & adiuuante,	ibid.
De causis procreantibus & conseruantibus,	24
De causis efficientibus sua sponte & consilio, & non sponte,	ibid.
Amplificatio ex absoluta causa amoris in amicum,	25
Ex adiuuanti, 27. A procreantibus exercitatio,	28
A conseruanti vsus & exercitatio,	ibid.
A causis sponte agentibus in laudem B. Thoma,	29
A causa agentis sponte & consilio,	ibid.
A causa, cuius species sunt quatuor natura.	30
A causa efficienti ex necessitate,	ibid.
A causa efficienti ex fortuna,	ibid.
Ex efficientia à casu de homine in venatione interfecto,	ibid.
Efficiens cum materia,	31
Efficiens cum effectis,	ibid.
Efficiens cum simili,	32
Efficiens cum forma,	ibid.
Efficiens cum forma materia, & ex varijs generibus causarum & effectis,	ibid.
Causa ex minore cum exemplis,	33
Effecta, 34. Effectarum conglobatio,	ibid.
Alteri effectorum conglobatio,	ibid.
Tertiæ effectorum conglobatio vehementi interrogatione, & repetitione, & adiunctione,	35
Effecta cum interrogatione & demonstratione,	ibid.
Effecta per prateritionem,	36
Effecta cum fine,	37
Effecta cum comparatione,	ibid.
Effecta cum comparatione & exemplo,	38
Ex causis ad effecta,	ibid.
Effecta cum enumeratione per exemplum,	39
Effecta cum collatione & dissimili,	ibid.

Effectis cum comparatione,	ibid.
Ex expoliendum ex causis & effectis,	40
Post effecta causas exquirat orator in parentē B. Barbarā,	
ibid.	
Effecta cum causis,	41
Effecta cum dubitatione & Apostrophe, ad amplificationē,	
42 Effecta cum dissimilibus,	41
Ex effectis cum repugnantibus,	ibid.
Effecta ad concludendum cum obsestatione,	44
Effecta ad concludendi rationem alteram,	ibid.
Causa omnes in B. Ignatij Confessoris laudem honoremq̃	
collata,	45
Ex fine in laudem B. Ignatij Confessoris,	ibid.
Ex efficiente in laudem B. Ignatij Confessoris,	46
Ex forma in laudem B. Ignatij Confessoris,	ibid.
Ex materia in laudem B. Ignatij Confessoris,	47
Effecta in laudem B. Ignatij Confessoris,	48
Quem locum teneant causa in Oratione,	50
Exordium ab enumeratione causarum,	ibid.
Exordium per praecupationem causas officij reddens,	51
Tertium exordium ex causis cum partibus absoluti exordij,	
53	
Quartum exordium ex eisdem causis cum partibus plenioris & absolutioris exordij,	54
Quintum exordium,	55
Sextum exordium ab eisdem causis,	56
Septimum exordium,	57
Octauum exordium,	58
Nonum exordium in laudem B. Sebastiani,	60
Decimum exordium ad orationem in laudem Beatissimi Ignatij Confessoris, & Societatis Iesu Conditoris, ex causis petiitum,	61
Occupatio, 63 Narratio,	ibid.
Altera narratio scilicet Iuda teterrimi ex eisdem causis &	
Rem-	

INDEX CAP.

<i>stendens,</i>	<i>ibid.</i>
Confirmatio,	64
Refutatio, 66 Reprehensio,	67
Enumeratio causarum in Epilogo,	68
Amplificatio in Epilogo per causas ad affectus mouendos,	<i>ibid.</i>
Officia causarum ad laudem ex efficiendi,	69
Vituperatio ex efficiendi,	70
Ad suasionem,	71
Ad dissuasionem.	<i>ibid.</i>
De partium distributione,	72
De partium enumeratione,	74
Vituperatio ab eadem enumeratione.	76
Enumeratio ex causis,	78
Enumeratio cum similibus & exemplis in Aegadam Pro- consulem,	<i>ibid.</i>
Enumeratio cum dissimili.	79
Enumeratio cum eisdem dissimilibus & descriptione,	80
Enumeratio cum antecedentibus & consequentibus in Leo- uigildum, 81 Enumeratio cum comparatione & de- scriptione in Antonium.	84
Enumeratio cum comparatione,	85
Enumeratio cum repugnantibus & minoribus,	86
Quibus schematibus illustretur & amplificationum gene- ribus Enumeratio,	87
Enumeratio cum repetitione,	<i>ibid.</i>
Secunda exercitatio cum repetitione,	88
Enumeratio cum repetitione in singulis periodis,	<i>ibid.</i>
Enumeratio per prateritionem cum repetitione,	89
Enumeratio per prateritionem ad subiectionem facientem,	90
Enumeratio cum articulis, traductione, interrogationibus. <i>ib.</i>	
Enumeratio vehemens cum interrogatione,	91
Enumeratio inquirendo causas per subiectionem,	92
Enu-	

Enumeratio per subiectionem cum repetitione initio periodi, & cum interrogatione concludens,	93
Enumeratio per subiectionem,	ibid.
Enumeratio per subiectionem cum correctione & dubitatione,	94
Enumeratio per ironiam,	95
Quam partem orationis sortiatur enumeratio,	ibid.
Exordium in laudem B. Ermenegildi ex enumeratione peritum,	ibid.
Secundum exordium ab enumeratione per praecupationem,	96
Tertium exordium ab enumeratione,	98
Exercitatio enumerationis in distributione	100
Exercitatio enumerationis in narratione,	ibid.
Alterius enumerationis exercitatio in enarratione facti vehementiore contra parentem S. Barbara cum amplificatione.	101
Vsus & exercitatio enumerationis in Confirmatione, & imprimis ad ingressum eorum, quae confirmanda sunt,	103
Vsus & exercitatio enumerationis in Confirmatione, & primum de laude,	ibid.
Exemplum in Ciceronis laudem,	ibid.
Exercitatio in laudem Academiarum per enumerationem,	104
Vsus enumerationis in vituperatione,	105
Vsus enumerationis ad amplificationem cum expolitione, comparatione, dissimilitudine, & suis schematis,	ib.
Affectus per enumerationem,	106
Affectus per enumerationem ad indignationem haeretici,	107
Ad virgendum enumeratio cum praeiteratione, gradatione, & similitudine,	ibid.
Enumeratio in peccatorem amplificata ad reprehensionem cum repetitione acclamatione, & exemplis,	108
Amplificatio per enumerationem ex sermocinatione.	109
	Secunda

INDEX CAP.

Secunda ratio amplificandi per enumerationem ex sermone cinatione,	110
Frequentatio per enumerationem post laudem in oratione de laude B. Macharij,	111
Frequentatio secundi generis ex enumeratione de Christo Iesu Nasalarijs,	112
Frequentatio ad superioris similitudinem de viro clarissi- mo Rhetorum inuisente classem,	ibid.
Digressio per enumerationem,	ibid.
Amplificatio per enumerationem in ingressu laudis alicu- ius,	113
De enumeratione in Epilogo dominante,	114
Epilogus per enumerationem, siue frequentationem, cum petitione,	ibid.
Epilogus per enumerationem ad misericordiam captan- dam in cathedra petitione,	115
Alter Epilogus per commiserationem,	116
Tertium Perorationis genus,	117.

ADIVNCTA.

D E antecedentibus & consequentibus,	120
Laus ex adiunctis salu B. Ioannis Euangeliste,	121
Lau B. Ermenegildi,	122
Lau.,	124
Lau Pratoris ex adiunctis,	128
Lau viri Nobilis,	130
Lau Iurisperiti,	131
Lau Medici,	135
Lau Theologiae Doctoris,	139
Vituperatio adolescentis humili generi nati,	142
Alter vituperatio Leouigildi,	143
Suasio ex adiunctis ad bellum Isabella Anglorum Regi- na faciundum,	146
Dissuasio ex adiunctis ad Casarem,	148
Ad coniungendum ex adiunctis,	ibid.
Ad	Ad

INDEX CAP.

reprehensionem ex adiunctis in filio prodigo,	150
pem, ut literis vacent diligenter adolescentes,	151
inuidiam ex adiunctis de Cesare,	152
odium ex adiunctis in peccato Cain,	153
etus ex adiunctis in furem,	154
e Christo Iesu in crucem sublato,	155
adiuncta cum causis efficientibus in filio prodigo,	156
onglobatio causarum efficientium & adiunctorum,	157
ertia amplificatio ex adiunctis cum efficientibus in occi-	
fores B. Thoma Cantuariensis	158
Adiuncta cum fine, de Christi Iesu Transfiguratione, ibid.	
Adiuncta cum forma,	159
Adiuncta cum materia,	160
Adiuncta cum forma & materia,	ibid.
Adiuncta cum effectui in Rhetoris aduentu,	161
Adiuncta cum antecedentibus,	162
Adiuncta cum consequentibus,	163
Adiuncta cum antecedentibus & consequentibus,	164
Adiuncta cum similibus,	166
Adiuncta cum dissimilibus,	167
Secunda ratio amplificandi ex adiunctis per dissimilia,	168
Tertia amplificatio ex adiunctis per dissimilia oritur re-	
petitionibus & percontationibus de B. Iohanne	170
Adiuncta ex attributis persona, loci, temporis,	171
Adiuncta ex persona, re, & modo,	ibid.
Adiuncta cum repugnantibus,	172
Adiuncta cum comparatione,	173
Altera amplificatio ex adiunctis cum comparatione,	ibid.
Adiuncta cum exemplis,	175
De antecedentibus	176
Antecedentium prima exercitatio,	ibid.
Altera exercitatio ex antecedentibus,	177
Tertia exercitatio ex antecedentibus, qua mortem sanctis-	
	simis

I N D E X C A P.

- ſima Regina Maria praiſſe viſa ſunt, cum enumeratione*
& loco communi, ibid.
Quarta ratio amplificandi ex antecedentibus cum adiu-
ctis, contrarijs illustrata flore ſchematum maximorum,
 179
Quinta ratio amplificandi in Antonium ex antecedentibus
& conſequentibus, 181
Ratio ſexta amplificandi ex antecedentium deſcriptione,
ibid.
Ratio ſeptima amplificandi ex antecedentium conglobatio-
ne. 182

D E C O N S E Q U E N T I B U S.

- P***rima Exercitatio ex ſolis conſequentibus. ibid.*
Secunda exercitatio ex conſequentium deſcriptione
cum petitione, ibid.
Tertia exercitatio ex conſequentium conglobatione, 183
Quarta exercitatio ex conſequentium frequentatione, &
rerum pugnantium conſuctu, cum prateritione & diſ-
ſolutis, ibid.
Quinta exercitatio ex antecedentibus & conſequentibus
ad vituperationem, 184
Sexta exercitatio ex conſequentibus & antecedentibus,
cum enumeratione & prateritione, 186
Septima exercitatio ex ſequentibus in fine, & anteceden-
tibus per expolitionem, cum contentione, 188
Octaua exercitatio ex conſequentibus cum comparatione
& ſine multiplici in Iuda odium, 189
Nona exercitatio ex conſequentibus cum ſimilitudine per
deſcriptionem, 190
Decima exercitatio ex conſequentibus cum diſſimilitudi-
ne, ibid.
Vndecima exercitatio ex conſequentibus effectis, addita
comparat. one cum articulis & ſimonia, 191
 Duo-

VOLVM. I.

<i>decima exercitatio ex consequentibus per sermocinationem,</i>	<i>ibid.</i>
<i>ima exercitatio ex sequentibus cum praecipitatione, & sermocinatione,</i>	192
<i>rmocinatio ex adiunctis de Herode in pueros Innocentes,</i>	193
<i>ltera sermocinatio ex antecedentibus & consequentibus cum comparatione,</i>	<i>ibid.</i>
<i>Dialogismus ex fine cum antecedentibus & comparatione, cum dissimilitudine,</i>	194
<i>Prosopopeia in laudem B. Pauli primi solitudinis incolae & habitatoris,</i>	195
<i>Notatio Maxentij in laudem B. Marcelli Martyris,</i>	199
<i>Mimesis ex adiunctis in heluones, compotaresq.,</i>	200
<i>Pathopoeia de Beatorum Martyrum letitia,</i>	201
<i>In B. Agnete, Barbara, Catharina, affectus spei,</i>	202
<i>Affectus ad pudorem,</i>	204
<i>Alterum exemplum ad pudorem,</i>	205
<i>Affectus ad amorem Dei immortalis,</i>	206
<i>Affectus ad odium,</i>	208
<i>Affectus ad inuidiam,</i>	210
<i>Affectus ad misericordiam,</i>	211
<i>Affectus ad metum,</i> 213	<i>Postulatio,</i> 216
<i>Obsecratio,</i> 217	<i>Obtestatio,</i> 219
<i>De expolitione. Expolitio in Confessore sanctissimo Parente Sociorum Iesu Ignatio Beatissimo.</i>	224
DE EXORDIO ET NARRATIONE	
<i>ab adiunctis.</i>	
E xordium ab adiunctis persona,	227
E xordium ab adiunctis loci,	228
<i>Exordium ex adiunctis temporis ad orationem B. Eustachij,</i>	229
<i>Exordium ex adiunctis quatuor, persona, loci, temporis, ac modi in laudem Philippi hoc nomine Tertij, Hispaniarum</i>	<i>rum</i>

INDEX CAP.

<i>rum Regis, scholas Soc. Iesu inuisentis,</i>	231
<i>Exempla narrationum ex adiunctis,</i>	232
<i>Puer deductus in Societatis Iesu Scholas,</i>	ibid.
<i>Altera narratio Salmanticensis scholastici.</i>	233
<i>Narratio petentis collegium Dialectica.</i>	234
<i>Narratio petentis collegium maximum.</i>	ibid.
<i>Narratio petentis Canonatum siue Cathedram,</i>	235
<i>Narratio ad deliberationem in bello contra Agarenos Gra-</i> <i>nateses,</i>	236
<i>Altera narratio ad praelium nauale,</i>	237
<i>Vltima narratio in deliberatione,</i>	238
<i>De narratione iudicali. Narratio in genus iudicale cadens</i> <i>ad Lutheri accusationem,</i>	240
<i>Altera ad iudicium spectans narratio de equite Salmanti-</i> <i>censi ab scholastico occiso,</i>	242
<i>De epilogis ab adiunctis,</i>	245
<i>Peroratio orationis ex adiunctorum frequentatione.</i>	ibid.

DE GENERE ET FORMA.

R <i>Ationes amplificandi à genere,</i>	247
<i>Laus virtutis à genere,</i>	ibid.
<i>Altera exercitatio de eodem in genere in formas distributo,</i> 248	
<i>Secunda amplificationis ratio, proposito aliquo generali</i> <i>quasi genere, vnde vni omnis emanet ad amplificationem, ib.</i>	
<i>Altera exercitatio, aliquo proposito generali loco generis</i> <i>in partes excurrere instituto conuenientes,</i>	249
<i>Tertia ratio amplificandi à genere,</i>	250
<i>Laus B. Laurentij ex Martyrum laude,</i>	251
<i>Amplificatio à toto integra & partibus eius. Amplificatio</i> <i>ex toto & partibus ex summi corporis fabrica,</i>	254
<i>De proprio. Amplificatio à proprio,</i>	255
<i>Altera amplificatio in B. Pauli laude ex proprio,</i>	256
<i>De coniugatis,</i>	257
<i>De exercitatione coniugatorum.</i>	258

VOLVM I.

ANIMALIA.

233					
232					
ibid.					
233					
234					
ibid.					
235					
Gra-					
236					
237					
238					
ademi					
240					
anti-					
242					
245					
ibid.					
247					
ibid.					
uto,					
erali					
ib.					
neria					
249					
250					
251					
atio					
254					
255					
256					
257					
258					
N l-					
	C	Atelli Melitenses, 260	rum perdicum, 297		
		Canis venaticus, 261	Acanthis, Ispinus, siue ligu-		
		Canes pecuarij, 263	rinus, 299		
		Mimici canes, 267	Alauda, siue Galerita, ibid.		
		Canum vltima descriptio, 268	Galandris, Anas, 300		
		Caprarū descriptio, 268	Anser, 301		
		Cuniculi, ibid.	Aquila, 302		
		Echinus, 269	Ardea, 303		
		Elephantus, 270	Bubo, Carduelis, 304		
		Equus, 272	Ciconia, 305		
		Descriptio pulli, 271	Columba, 306		
		Descriptio mali equi, ibid.	Columbarium, siue peri-		
		Eques. Catu, siue felis, 273	streon, 307		
		Leo, 274	Pulli, 308		
		Voracitas Leonis, 275	Turtur, 309		
		Alia descriptio Leonis, 276	Educatio turturam. ibid.		
		Descriptio Leporum, 277.	Cornix. Ratio capiendarum		
		& seq.	cornicum, 310		
		Lupus, 282	Coruus, 311		
		Descriptio Muli, 283	Coturnix, ibid.		
		Ovis, ibid.	Datio coturnicum & perdi-		
		Tonsura Ouium, 284	cum venandorum, 312		
		Rhinoceros, 285	Ortygometra, 313		
		Simia, 286	Cuculus, ibid.		
		Sphinx, Sus, 289	Cygnus, 314		
		Subulcus, 290	Gallus, 315		
		Pretium & aestimatio carnis	Capus, 316		
		suillae, 291	Gallina 317		
		De animalibus genera non-	Gallinarium, ibid.		
		nulla. 292	De ouis, 318		
		A V E S.	Ouum, 319		
		A ccipiter, 293	Gallopauis Indicus, 321		
		Descriptio capienda-	Pauo, ibid.		
			Gra-		

INDEX CAP.

Graculi,	322	H O M O.
Grues,	ibid.	C Aput hominis, & eius
De Gryphe,	324	fabrica, 349. & seq.
Hirundo,	325	Cellapenaria, 358
Milvus,	326	Taberna aromatica, 359
Noctua,	ibid.	Fruges, ibid. & seq.
Passer, Pauo,	327	Herba, 362
Educatio Pauorum,	329	Allium, 363
Pelicanus,	ibid.	Cepe, Lactuca, 364
Perdix,	330	Raphani Cardui, Arbor, 365
Aucupium Perdici,	ibid.	Ligna casa, 366
Phasianus,	331	Vitia arborum, Vites, ibid.
Phoenix, Pica,	332	Malum Punicum, 368
Psittacus,	ibid.	Ficus, ibid.
Struthiocamelus,	333	Castanea, Nux, 369
Turdus,	334	Glans, Horti fructuarij, ib.
De auibus generatim,	335	Rosa, Liliu, 370
De vermibus & insectis,	340	Viola, Vestes, 371
Vermis, Lumbrici, Apes, ib.		Vestitus muliebris, 374
Crabones, Culex, Locusta,		Galerus, Galerus Presbyterorum, Thorax coriaceus,
343		
Fuci, Vespa,	ibid.	275
Scarabaeus, Bombix,	ibid.	Nimius cultus muliebris im-
Cicada, Grillus, Araneus,		probat, 376
344		Cannabis, ibid.
Eruca,	345	Linum, 377
Tipula, Millepeda, Lens, Ci-		De sparto, Calamus aquari-
mex,	ibid.	cus, 378
Circulio, Volaox, Serpentes,		Pictores, 380
346		Textoria, 381
Basiliscus, Serpens,	347	Sutor, Pictores, ibid.
Anguis, Hydrus, Lacerta, ib.		Mensa, Abacus, 382
Stellio,	348	Coquinaria, 384
		Pran-

V O L V M. I.


<i>Fraudia,</i>	<i>ibid.</i>	<i>Arma,</i>	419
<i>Alia descriptio prandij, &</i>	<i>Telum, Scutum, Sagitta,</i>		
<i>rerum diuersarum in</i>	420		
<i>prandium incidentium,</i>	<i>Arcus Balistarius, Funda,</i>		
387	<i>Sclopi,</i>	<i>ibid.</i>	
<i>Eduia, Pisces,</i>	393	<i>Tormentum, Bellica machi-</i>	
<i>Lychnus pensilis,</i>	395	<i>nationes veterum,</i>	421
<i>Candelabrum, Laterna, Fū-</i>	<i>Aries,</i>		422
<i>damenta adificij, ibid.</i>	<i>Vinea, Plutei, Cuniculi,</i>		423
<i>Aedes amplissima,</i>	396	<i>Agger: vallum, fossa, descri-</i>	
<i>Architectonica trochlea, Co-</i>	<i>ptio libri,</i>	<i>ibid.</i>	
<i>chlides,</i>	399	<i>Littera scripta.</i>	
<i>Tympanum, Cyconia, Le-</i>		ORATIONIS.	
<i>ctus cubicularis, ibid.</i>		I <i>N Arithmetici laudem</i>	
<i>Colus,</i>	401	<i>ex adiunctis,</i>	425
<i>Rhombus, Acupitrix, Mu-</i>		<i>Oratio in Geometra laudem</i>	
<i>scipula, ibid.</i>		<i>ex adiunctis,</i>	403
<i>Hypathrum,</i>	402	<i>Oratio in Aristoteli laudem</i>	
<i>Solarium, Clepsammidium,</i>		<i>ex adiunctis aliorum ope</i>	
<i>Proscenium,</i>	403	<i>subsidioque argumento-</i>	
<i>Nauis,</i>	404	<i>rum,</i>	437
<i>Triremes,</i>	406	<i>Pro Complutensi Academia</i>	
<i>Faber ferrarius,</i>	<i>ibid.</i>	<i>legatos, qui Paranymphe</i>	
<i>Morbi,</i>	407	<i>dicuntur, pramittente ad</i>	
<i>In agroto quot & quanta</i>		<i>Licentiatos, docum Do-</i>	
<i>necessaria sunt,</i>	411	<i>ctorum pro meritis acce-</i>	
<i>Chirurgi theca,</i>	412	<i>pturos suis,</i>	445
<i>Tonsores,</i>	413	<i>Oratio Paranymphe, ad Il-</i>	
<i>Balnea,</i>	<i>ibid.</i>	<i>lustrem Dominum An-</i>	
<i>Carcer,</i>	414	<i>tonium Ildefonsum Mē-</i>	
<i>Preces contra laruas, lami-</i>		<i>docium,</i>	446
<i>as, umbras nocturnas,</i>		<i>Responsio nobilis Antonij ad</i>	
<i>Lamia,</i>	415	<i>Paranympum,</i>	448
<i>Cursus equestris, Miles,</i>	416	<i>Oratiuncula secunda Para-</i>	
		<i>nym-</i>	

INDEX CAP.

<p><i>Nymphi ad Licentiatum Petrum Antonium, 449</i></p> <p><i>Responsio Doctoris Petri An- tonij ad Paranympum, 450</i></p> <p><i>Oratiuncula tertia ad Li- centiatum Ioannem Al- pharum, 451</i></p> <p><i>Responsio Ioannis Alphari ad Paranympum, 453</i></p> <p><i>Quarta Oratiuncula Para- nymphi ad Licentiatum Ioannē Castrensem, 454</i></p> <p><i>Responsio Ioannis Castrensis ad Paranympum oratio- nem, 456</i></p> <p><i>Oratio 1. in laudem B. Igna- tij Confessoris, ex fine ali- orum ope argumentorū, 458</i></p> <p><i>Oratio 2. in laudem B. Igna-</i></p>	<p><i>tij Confessoris, ex efficien- tibus causis aliorum ope argumentorum 469</i></p> <p><i>Oratio 3. in laudem B. Igna- tij Confessoris ex Enume- ratione, subsidio aliorum argumentorum, 478</i></p> <p><i>Oratio 4. in laudem B. I- gnatij Confessoris Socie- tatis Iesu Fundatoris, ex eadē enumeratione, 494</i></p> <p><i>Oratio 5. in laudem Beatissi- mi Ignatij Confessoris, & Societatis Iesu Condi- toris, ex enumeratione a- liorum ope argumēto- rum, 509</i></p> <p><i>Oratio 6. in laudem B. Igna- tij Confessoris, ab adiun- ctis ope aliorum argu- mentorum: 522</i></p>
---	---

FINIS ELENCHI CAPITVM
voluminis primi:

ORA-




ORATIONVM

Siue

ELOQVENTIÆ CAMPLINCAVSSIS, ENVME.

ratione Partium, Genere, Coniugatis,
Adiunctis longè lateque
patentis.



VOLUMEN PRIMVM.



ORDIOR primum patentis Eloquentia Campi
volumen à Causis, Enumeratione partium, Ge-
nere, adiunctis, & consequentibus, quorum sin-
gulares & mirificas ad omnem amplificationē
excursiones factas ex locupletissimis Rhetorum
arariis nosse poterit studiosus Oratoria facultatis alumnus. Sin-
gulis argumentis proponuntur præceptiones, quæ naturam eo-
rum explicans vniuersè. Amplificatio, quoniam multiplex est,
ex singularum exercitationum inscriptione patebit, quam plu-
ribus præceptis illustrare opus non est. Loquimur enim cum
scientibus, atque vsum requirentibus, breuitas plus notitia af-
feret, quàm longitudo bonas mentes obruens perturbansque
plerumquæ. Exordiamur igitur præscriptiones à fine: distri-
buimus enim volumen hoc in quinque libros, quorum primus
causas, alter distributionem, tertius Adiuncta, & antecedentia,
& consequentia, & genus complectitur: proximus descri-
ptiones habet, vltimus orationes integræ. Quasi omnia bo-
nus Rhetor & Diuini verbi concionator in suum vsum con-
tulerit, rem ipsam, quæ de aget, ostendet & illustrabit, &
quo volet, spiritu afflante caelesti, auditorum animos impellet.

CAMPI ELOQVENTIÆ

Præceptiones ad Finem spectantes.

Causarum cognitio perutilis est & necessaria, nam scientia est cognitio per causam & effectum. Hinc exclamat Poëta.

Felix qui potuit rerum cognoscere causas.

Causa autem est, cuius vi aliquid fit.

Quatuor genera causarum fecit Aristoteles, Finem, Materiam, formam, efficientem.


Finis est, cuius gratia aliquid fit. Est autem finis causarum omnium prima & nobilissima, eaque ratione, quemadmodum primo loco tractanda est, sic etiam exercenda, & suis excolenda illustrandaque variis amplificationibus: finis enim causa sunt omnia. Agunt enim homines honesti omnia boni alicuius gratia, & quidquid bonum esse sibi, atque utile vel natura monstrauerit, vel persuaferit ratio, in id ipsa quasi hortante natura impelluntur.

Finis est duplex, summus & destinatus: summum, perfectum, vel ultimum, eum dicimus qui per se expetitur, ut est status vniuscuiusque rei in suo genere perfectissimus. Finis primarius sacra Theologia, & sacerdotis est Deum pie colere. Iurisprudentia primarius finis est. Rempub. administrare.

Destinatus est, vulgò secundarius, qui ad summum consequendum comparatur, ut bona fortuna, honores. Tanto autem finis nobilior est, quanto proprius ad Deum accedit.

Forma est nota & ratio rei, per quam res est id quod est & ab aliis distinguitur, ut alia est forma domus, alia navis, alia hominis, alia animalium rationis expertium. Ut animal rationis particeps est causa, qua homo dicitur homo, ut homo est animal rationis particeps. Id ergo ceteris anteponendum est.

Materia est causa ex qua aliquid fit, ut ligna, lapides, calx sunt materia domus: as argentum, aurum, statua: res omnis de qua haberi possit oratio, est materia subiecta Rhetorica. Aedea sunt male materiata, ergo ruinam minitabuntur, vel parui sunt pretij.



AMPLIFICATIO,

EX FINE CATHEDRÆ

doctori deferenda.

Tenim cum omnes in hac Academia cathedræ, cum subrogationes ab scholasticis proficisci debeant, dum illæ perfectò maximè construuntur ad scholasticorum fructum & commodum: in quo & omnes, qui sunt illius facultatis, & annum audierunt, deligant præceptorem, quem Academicæ consulturum esse putent, & unusquisque studio & suffragio suæ matrem adiuvent atque prouehant.

*Alterum exemplum ex vno Fine proposito,
in Catilinam.*

Si Senatores in te omnes, si populus Romanus, si Consul ipse, si cuncti magistratus, si boni omnes in te Catilina excubias & vigilias agent: si parati sunt pro Patria mori, si te ex vrbe eijcere, si sentinam tuorum exhaustite: quid expectas? muta istam mentem mihi crede, obliuiscere cædis atque incendiorum tuorum. Neque enim plus vnus improbi, & sociorum sceleratissimorum conatus ad patriæ perniciem, quam Consulum, quam Magistratum, quam bonorum omnium præsidia ad eiusdem salutem inualescent. Tuque pro te tuosque perditurus eas, pro indignitate & atrocitate sceleris, quod te auctore in patriam irruerit, ignorare non potes.

Ex multiplici fine.

Illi Romani ludos gladiatorios, siue ad timorem militum imminuendum, siue ad feritatem Martis ostendendam, siue ad oblectandos spectatorum animos, siue ad vulnera sanguinemque manantem, atque adeo ad mortem contemnendam ad consequentem ætatem, memoriamque consecrarunt.

Alterum ex multiplici Fine.

Non te natum esse ad laborem recordaberis? non ad virtutem colendam, non ad patriam adiuuandam, non ad Rempublicam defendendam, non ad sanctorum vestigia sequenda? atque his laboribus susceptis, & magnis aditis vitæ periculis ad gloriam beatorum immortalem adipiscendam?

Conglobatio causarum ex Fine, cum Dilemmate.

Satis causæ habuerunt Catholici plurimi; cur ab Angliæ finibus excederent. Cesserunt, si videbant alienos à se Principes aulæ regiæ, qui sane fuerunt, inuidiæ; si commoueri omnia videbantur tempori; si vis suberat armis; si societas Magistratum factioni; si periculum sacerdotum; Reipublicæ; si Regina sitiebat sanguinem, summæ potestati, cui obistere non poterant. Neque ob eam causam fidem Religioni Catholicæ datam non seruabant, cum sese reseruabant ad occasionem commodiorem, cum fieri de cursu temporis quædam videretur ad meliorem spem inclinatio.

Ex fine cum formâ.

Non video causam, cur is in virtutem non debet se totum animo atque voluntate conijcere, & illius causa labores omnes atque pericula subire. Cum in rem omnium pulcherrimam, præstantissimamque mentis aciem intenderet, neque magis egregia forma ac figura prædium cuiuscunque pulchritudinis humanæ decus in animo posset insidere. Quæ in habitum atque formam cælestem, immortalitatis splendore circumfusa, respiciens in sæculorum omnium æternitates, trophæis, monumentisque de Dæmone, Mundo, Carne statutis ornata in media Beatorum curia, visendam spe spectandamque præbeat omnium cœlitum insignibus decorata clarissimis.

Ex Fine & causa efficiente.

Fecisti equidem bene, quodq; oportebat, vt iuris peritiæ operam dares, ad finem, quem aptabas, consequendum. Num siue sæculi, siue Ecclesiæ itineribus contenderes, ea est facultas iuris prudentia, quæ patefecit viâ ad Regum consilia celsissima. & ad Ecclesiæ sacerdotia maxima. Cum præsertim qui tuos conatus promoueret & animum expleret mirû in modum, te patrius excitabat in summa dignitate collocatus, plurimum valens apud Regem gratia & auctoritate, qui celsissimo sanctæ Inquisitionis

quisitionis & Regii senatus ordini præsidebat, & præfectus erat Ecclesiæ Toletanæ, quæ primaria nostrarum de Hispania est Ecclesiæ. Ette vel Canonicum, vel Decanum Ecclesiæ tantæ facere sibi semper in animo fuerit, aut quidquid ille vellet, à Regibus Hispaniarum impetrare poterat, ut gradibus quasi suis in patrum locum celsissimum peruenires.

Ex fine cum effectis.

Iacobe sanctissima honestissimaque scemina, visione de Patris Francisci morte vehementer perculsa, quanquam mulier, multum tamen laboris atque virium habuit ad accelerandum properandumque, quoad in Patris mortui conspectum veniret. Quorsum Iacobe ornatissima, splendidissimaque properas? Quid ista tanta celeritas, festinatioque significat? Quid vestes lugubres atque mœstæ, thuris & odorum suauitatis spectant? Quo funeralium vis & multitudo, tapetes atrii, quos te impetrante tui ministri deferunt? Quo denique reliquus omnis apparatus, studium & adhibita diligentia, nisi ut ritè faceres omnia procurari, quæ necessaria fuissent ad iusta tanto Parenti persoluenta? Præsentia profectò tua, vestitus mutatio, lachrymarum ingens vis, sumptus in exequiis concelebrandis facti, tantum studium, pietas, & ardor inflammatus, indices fuerunt, & testes tuæ in Beatum Franciscum eximie voluntatis.

Ex fine cum enumeratione.

Atque potentissimus Hispaniarum Rex Philippus suscipere bellū debet in Anglos. In quo agitur Hispaniæ gentis gloria, quæ nobis à maioribus cum magna in ipsa re militari, cum summa in defendenda religione tradita est. Agitur salus & incolumitas Angliæ Catholicorum, qui multis iniuriis vexati Philippi potentissimi opem & auxiliū implorarunt. Agitur aurum & argentum, quod ex Indiis in Hispaniam mari deportatur, ad quod capiendum Hæretici nefarii classes ædificant & instruunt. Aguntur bona mercatorū Hispalensium, quibus in felto mari, periculosoque reddito classibus hæreticorum, perfrui non possunt: & ab Hispaniarum Rege illis Christianis potissimū consulendum est. Et quoniā Hispani semper ab hostibus metui præter reliquas gentes atque formidari visi sunt, conseruanda est opinio nominis, & gloria comparata. Quod prædones Britanni, qui abhinc annos aliquot, tot in partibus, multis in insulis, vna aut altera armata classe, nostrorum regnorum ditioni sub-

iectas gentes turbandas diripiendasque curarunt, non modo adhuc poenam nullā suo dignam furore susceperunt, sed ab illo tempore nostris rebus sic imminet, & efficere conantur, ut se Britannia regni sui finibus continere nolint, sed sollicitate Turcas, & Gallos armare student, atque adeo in Lusitania, id est, in oculis & Hispaniarum luce crudelia & exitiosa bella gerere. In hæc intuens, Philippe potentissime, totum te debēs animo atque voluntate ad huiusmodi mala propulsanda conferre, & ut propulses, mari classes instruere, & terram copiarum omni genere abundantes exercitus conflare.

Ex fine cum similitudine & effectis in Ciceronis laudem.

ATque ille Cicero, cui patriæ salus iucundior fuit, quam vita sua, consulatum adeptus, omnem suam eloquentiam, consilium, quo valebat plurimum, industriam & vigilantiam, viros & nervos omnes ad dignitatem administrandam contulit, ut honore consequuto non dignus duntaxat videretur, sed quod ipse sibi proposuerat, multorum vinceret expectationē, & illorum nefarios hominū sermones præcideret, qui novis hominibus præcludendum aditum ad Rempublicam putabant. Cum igitur exorta fuisset Catilinæ coniuratio, cum faces ad Patriæ exitum, ad Italiæ vastitatem, ad Reipub. interitum, & ad vniuersi prope regni Romani occasum ultimū iam accensæ metuerentur, & tela iugulis omnium senatorum & consulum præcipue, reliquorumque Magistratuum intenta; omni studio atque diligentia, ad patriam Rempub. pulcherrimum & fortunatissimum imperium, malis imminetibus liberandum, sine cunctatione caput in medium armorū discrimen, & in nefarios inflammatae facis ardores iniecit. Sic equidem ad Reipublicæ commodum incumberebat, ut tanquam speculator altissimum locum obtinens, à Reipublica nunquam oculos deiiceret, ut prospiceret tempestatem futuram. Quod Prætores fortissimos & amantissimos Reipublicæ viros ad se Cicero vocauit, quod iussit illos ad pontem Miluiū peruenire, atque ibi in proximis villis bipartitos robur delectæ iuuentutis secum educere, quod tertia fere vigilia exacta in legatos Allobrogū pontem magno cum comitatu ingredi incipientes impetus factus est, quod literæ quæcunque erant in eo comitatu, signis integris Prætoribus traditæ, Allobroges comprehensi, & ad Ciceronem, cum iam dilucesceret, deducti, quod ex ædibus Cethegi maximus

licarum

ficarum & gladiatorum numerus elatus, quod Lentulus signum & manum recognouit, quod Catilinam ducem, quod duces reliquos quod illorum copias rerinuit atque retardauit, quod nihil vitæ periculum exhorrens principes coniurationis in carcerem coniecit, & vltimo supplicio mactauit, quod toti vrbi, templis, delubris, testis omnibus ac mœnibus subiectos propere iam ignes, circumdatosque restrinxit: quod denique gladios in Repub. districtos retudit, mucronesque eorum à iugulis ciuium Romanorum reiecit, Rempublicam ex ferro, flamma, ac pene ex faucibus sati ereptam, conseruatam, ac restitutam relinquens: omnia ad Reipublicæ conseruationem adhibita diligentia, labori, studioque accepta Romani referre debebant.

Ex fine cum dissimili.

ATque Reges ipsi, situm Salmanticensis vrbis ad Academiam delegerunt, non amœnitate locorum ducti, quod enim solum magis sterile & agrorum bonitate magis desertum, quam Salmanticense? sed deliciarum & voluptatum, quæ ab studiis auocare scholasticos poruissent, inopia, atque ipsarum mulierum deformitate, qua nulla tellus terriores, nulla magis horribiles, nulla minus ornatè vestitas, minus comptis politasque ferebat illis temporibus.

Ex fine cum dissimili & exemplo.

Sed hæ res, quæ ceteros scholasticos remorari solent, non retardarunt: non indulgentia parentum ad voluptatem, non somnus ad otium & quietem, non amœnitates locorum ad delectationes, non pecuniæ ad ludos, non amicorum prauitas ad nequitiam & ad peruersitatem morum, non sui ipsius amor, non caro, blanda conciliatricula voluptatum, ad libidines & impuritates, non libertas ad intollerandam licentiam, ad audaciam, ad furorē quo adolescentes (laxis, quod aiunt, habenis) in omnia scelera præcipites fieri solent. Postremo successiuas horas, requietis intervalla necessaria, honestas delectationes, ceteraque adolescentum valetudini sustentandæ iusta ac debita subsidia, illa nec habenda quidē vaquam curauit. Itaque omnes quidem nunc in hac Academia Ioannem Ildenphonsum, sicut aliquē non ex adolescentum genere communi, sed ut summū singularemque iuuentutis honorem ac illustre decus intuentur. Nunc denique incipiunt credere, fuisse adolescētes hoc ingenio atque virtute præditos, ut ferendis laboribus (quod in locuplete adolescente, nobili, & à natura tam bene formato multis homi-

nibus incredibile, atque falso sermone prædicatum diceretur) quasi nati fuisse viderentur. Nunc intelligant non sine causa hanc classẽ commendatam fuisse maxime, cum hunc tantum, & istiusmodi adolescentes alios hac præstantia virtutis & literarum ornatos habeamus; Fitq; hinc, ut in hanc Academiã parces filios suos mallint mittere, quàm in alias literarũ officinas,

Ex fine cum adiunctis in laudem

S. Hyacinthi,

Qui sunt illi, à nobis oratione nostra nominandi, quos sibi imitandos proposuit B. Hyacinthus? Christum I E S V M & Beatum Dominicum intelligite. Quis est Christus I E S V S? Assertor humani generis, magister sanctitatis, præceptor absolutæ perfectionis, fons perennis & inhaustus virtutũ omnium, splendor æterni Patris, qui ab incunabilis suis, à præsepio in extremum vique spiritum, demissionem, patientiam, charitatem, virtutes omnis generis hominum, sermone docuit & exemplo. Quis est B. Dominicus? Auctor Religionis Concionatorum sanctissimæ, Princeps & Antesignanus præconum diuini verbi, imitator Christi I E S V, defensor Christianæ Religionis, propugnaculum eiusdem fidei, terror hostium nostrorum, parens & exemplar Beati Thomæ, Petri Martyris, Beati Florentini & aliorum aulæ cœlestis Heroum clarissimorum. His duobus potissimum ducibus cum B. Hyacinthus perfectionis itinere contenderet, in absolutam virtutem, in consummatam sanctimoniam, in decora, & ornamenta cœlestia omni ratione comparanda se totum animo atque voluntate coniciebat. In hæc duo exemplaria intuebatur, in hæc specula fulgentissima inspieciebat, in hos duos soles oculorum & animi aciem intendebat, ut cum ad illorum similitudinem sese fingeret atque perpoliret, omnibus sanctitatis numeris absolutus Heros euaderet.

Alterum exemplum superiori simile.

Qui sunt oratione nostra proponendi, quos sibi principes suarum actionum isti libidinosi proposuerunt? Venerem & Cupidinem dico. Quæ est ista Venus? mater libidinum, fax impuratum, seminarium turpitudinis, quæ suis comptis capillis, cerusato ore, blanditiis verborũ, obscæno motu multiplici, & gestib. mille turpissimis faces iactat & incendia libidinis. Quis est ille Cupido? filius Veneris, Deus amoris, auctor obscœnitatũ,

signifer

Signifer matris, concitator voluptatum, armiger libidinis, percussor, depopulator adolescentiæ, obsessor animorum, perniciosus labelque castitatis. Qui nitidulus, candidus, paruulus, nudus, & fucatus, arcum sagittasque intendit in corpora, in animos tela iacit nequissima turpitudinis, atque ad exitium & ad perniciem ultimam viros mulieresque trahit. Hos habent Duces actionum suarum libidinosi, hos sibi proponunt ad alendos libidinis ardores, ad flammam accendendas, quibus ardeant, flagrentque miserandum in modum, cum in hanc carnis appositissimam materiam ipsis funesta fax Veneris adhæsit.

Ex fine cum repugnantibus,

Quid militis nomen? quid datum iusiurandum? quid gladii? ex baltheo pendentes? quid sica? quid tela? quid reliqua militaria instrumenta volunt, nisi fortitudinem inuictam ad regnorum defensionem? & signauus ac timidus terga verteret, abiectis armis, aut per summum dedecus creptis vel traditis dabit in seruitutem, vinciendum constringendumque turpissime? Hunc militem dicet nemo, qui non acriter resistat hostibus, qui cedit loco, qui gladios hostiles, qui tela, qui mortem ante oculos positam intrentis iugulo telis exhorrebit.

*Ex fine cum repugnantibus alterum
exemplum.*

Atque hoc fieri non potest, quod sæpe à nonnullis dicitur, de patria sua fuisse comperitorem, atque in patrio solo natum, eidem se debere fauere, eidem suffragari, atque si possent suffragio suo deferre cathedram perinde, quasi conditor ille Limenius cathedram reliquerit hisce Doctoribus. & leges ac iura permittant patriam iustitiæ præponi. Itaque in hac ipsa honorum contentione, quæ semper literarum præpositis ornamentis sileri consuevit; eadem nunc crebro vsurpatur; posteaquam nonnulli Patriæ amentes se nimium studiosos magnos fautores hominibus natali solo oriundis præbere voluerunt. Magna est vis patriæ; magna eiusdem charitas, cui vrbani nemo dubitabit vnquam omnem operam aut studium præstare: sed salua semper virtute, saluis & integris Christianæ fidei præscriptionibus.

*Decima sextaratio amplificandi ex fine
cum comparatione.*

ECquem vidistis, eequem audistis, in tantis conuiujs, in tantis prandijs, tanta intemperantia versatum fuisse? Antonius pecunias habebat, eas omnes in epulas, in pocula conferebat. Inuitabat plurimos sui similes, sterni sibi lectos, conuiuia passim parari faciebat: discumbere turpes & flagitiosos, qui nullam suam rem habebant, videres. Antonii patrimonium absuuebant. Hæc tu omnium Adolescentum profligatissime ac perfectissime faceres, cum tamen immodicis sumptibus cum tanta rei familiaris iactura, nisi ventris complendi, & inferendi ciborum redundantiam, præ ingluvie, præ intemperantia, auiditate ferreris insatiabili. Cernitis quantum & quam immensum rei familiaris naufragium factum fuerit? quantæ videantur euerse afflictæque domus? ruinæ miserabiles? Per fortunas, per bona sua, per redditus, nescio quis tyrannus, aut quæ calamitas peruasisse videatur, ut illum eiectum tanquam è naufragio nudum aspiciatis in litus. Videtis neque aulae pendere de parietibus, neque administrorum tumultu percrepare palatia, neque voces audiri, neque solitos conuiuarum clamores. Nudos fratres videre potestis domi continere se sorores præ velorum inopia, ipsum famelicum semper & macie confectum mensas aliorum in singulos dies confectari. Ventri cum primò inservisset intemperanter, vnde se aleret, nihil reliquum fecit in posterum. Quid, si nonnullæ superfuerant pecuniolæ, quas habere potuisset ad manum, in folia picta, in ludum deterrimum conferre nō desistebar, ut ad has se ille solum parum duas res, ad edendum, & ad ludendum existimaret.

Ex fine officia diuersa petuntur.

Satis constare potest ex superioribus exercitationibus varietas officiorum, quæ ex fine fieri possunt. Sed separatim aliquot profervenda sunt. Ex fine namque laus, vituperatio, suasio, dissuasio, coniectura, gaudium, odium, spes, obrestationes, exaggerationes peti possunt, ut officia reliqua omitтам, quæ ad horum similitudinem perenda sunt.

Lausex fine.

LAudo te mi Iesu, & multis laudibus in cœlum tollo, quod cum ab æterno Patre missus esses in hæc terrarum sola, ut nos ex Dæmonis seruitute liberares, ex altissimis cœlorum palatiis, tanquam Gygas fortissimus tanta celeritate cursum suscepisti, ut hominis in pristinum statum restituendi causa, in Virginis Mariæ uterum descendens, ab utero in præsepium, à præsepi in tot te labores Patri obediendi gratia, & tanti muneris exequendi cumulatissime, fortiter ac libenter conieceris, lustra ueris populos, adieris prouincias, maria nauigaueris, & obieris pedibus tot itinera difficillima: inde in crucem, tanquã in equum alatum ascenderis, & flagris cæsus, spinis coronatus, diritatem subieris clauorum, & mortis atrocitatem intollerandam.

*Vituperatio ex fine cum similibus effectis, &
causis efficientibus.*

Quamdiu populus quondam Romanus fuit, & stetit eorundem Romanorum imperium in Christianorum usque tempora florentissima, tua illa M. Antoni profectio, tua incitata præceptisque celeritas in castra Cæsaris, illa vestitus mutatio, tam subita, tam repentina, illi mutati ad maiorem celeritatem equi, tuus ille truculentus aspectus, in oculos & in ora C. Cæsaris datus, tua denique seditiosa, turbulentaque concio ad sempiternam sceleris tui memoriam, cum in hominum mentibus insedisset, tum æternis maledictorum notis figebatur. Quid enim aliud cœrasti? Quid machinatus es? Quid efficere conatus, nisi ut Cæsarem à senatu disjungens, ad bellum patrię faciendū omni crudelitate deterribilem incitares? Equidem ut ignis materiam nactus, in quam adherescat facile flammam concipit, & longè lateque dispersus omnia, in quę inuadit, flammarum ardore vastat atque populatur, vires præsertim augente vi ventorum statuque vehementissimo: Ut tuba accenduntur & inflammantur militum animi, & dato signo committendi prælii ubique percrepante tubicinis strages fiunt maximæ, vulnera inferuntur accipiunturque grauissima, cadunt fortissimi strenuissimique milites, & alii exultant in hostilium turmarum funeribus, cadauera cadaueribus cumulatur, & augentur, & illorum sublatos cumulos prætergressi, repelluntur, aut prosternuntur, vel ipsi repellunt prosternuntque per corpora humi prostrata transilire aduersarios prohibendo: denique

denique sanguinis flumine redundat campus vniuersus, atque cooperiuntur iugera camporum immensa, cadauera fluctuare solent fluctibus iactata redundantibus; ita Antonius facibus orationis accendit Cæsaris dubitantem animum, & impulit atque proiecit in bella ciuilia, in sceleratam mentem contra patriam arma capiendi. Quod Cæsar ab oppido Ariminensi vehementius pulsari tympana, militesque quam citato gradu properare Romam, inferri fecit infesta patriæ signa, quod consules ex vrbe Roma profugerunt, omnesque Consulares, quod cunctus Senatus effusus, quod in his Cn. Pompeius imperii Romani decus & lumen clarissimum, quod cuncta Respub. suis sedibus exterminata, quod tota Italia sola terrarum, horum ciuiliū bellorum tonitru contremuerunt, & ardore conflagrarunt, quod nulla fuit ciuitas, nullus populus, nullæ prouinciae, nulla regna, quæ Cæsariano fulmine non deflagrarunt: ab illa tua pestifera intercessione vulnera hæc omnia patriæ facta fuerunt. Hinc stirps & semen malorum serpsit, & promanauit ad tyrannidem occupandam, quæ vsque eo tanto cum malo, cum intoleranda seruitute exiit, donec adolescentum optimorum & libertatis amantissimorum virtute sublata fuit.

*Secundum vituperationis exemplum
ex fine multiplici.*

Ille quidem magna vituperatione dignus est, qui pecunias ad ludos, ad inanes sumptus, ad libidines implendas, ad huiusce sæculi iactationem superbissimam datas sibi fuisse putat; neque animaduertit ad honestas impensas, ad familiam alendam, ad virtutis exercitationes, ad caritatis obeunda munera ab immortalī Deo sibi tributas: vt illis proximum adiuuet, & gloriam Beatorum acquitendam curet: atque ita diuitiis huiusce sæculi quasi fluxis & perituris, quatenus illæ ad hominis victum, & ad alendum sustendandumque corpus cum omni moderatione necessariæ sint, & nobis ipsis ad ciuium Beatorum opes consequendas adiumento possunt esse, vtamur. Quamobrem videant illi, quantum iure optimo reprehensionem subire debeant qui domos ornant aulæis, abacos auro argentoque cælato, lectos peristromatibus, & conopæis bombicinis, in equis pulcherrime stratis equitant, mediam urbem præteruchi gaudent, lecticis & quadrijugis fragore horribili concrepantibus. Nunquam nisi prætereuntium & consequentium famulorum grege stipati prædeunt in publicum, conuiuia magnificenti

ſentiffima concelebrant, atque ludos præbent apparatusiffimos, ut ſeſe iactent & oſtentent magnificè, & à mediocri hominum genere differant, & Magnates & potentiffimos viros ementiantur, & cum inaniffima aura, & cum ipſo vento populari ſerviant imperitæ multitudini, & aliquos de ſeipſos ſermones haberi, aliquam fieri mentionem tot impenſis & ſumptibus factis magnum ducant & amplum. Neque interea vident cæci homines & amentes, hanc tantam remeritatem & infaniam eo ſpectare, ut breuiſſimo tempore diſſipent patrimonia, exhauriant rem familiarem, & alienum grande contrahant, reddituſq; ſuos tot tributòrum onere redigant ad nihilum, quodque reliquum temporis ſit, cum ex ære alieno nequeant exire, miſeram & ærumnoſam vitam agant. Quoties enim, quoties vidimus iſtorum pleroſque poſt iacturàs huiuſmodi factas ſe in villas recepiffe ſuas rei familiaris anguſtiis oppreſſos, quoniam pecunias unde ſe alant, in ciuitatibus non habent? Quoties creditorum oppreſſi multitudine, qui debita ſua exigunt, atque premunt, & urgent, ut ſoluant, de iudicum mandatis bona occupari vident, & nihil præter id, quod ad ſe alendos neceſſarium ſit præſinito accipientes? Quoties, quoniam exhauſerunt & abuſumpſerunt patrimonium miſerrima fortuna iactari, fame pereunt, & victum cortogare coguntur? Plenæ ſunt ætates, plena monumenta, pleni hominum huiuſmodi annales oppidorum, neque vlla vnquam ciuitas iſtorum miſerias cælare potuit.

Suafio ex fine.

Equidem ad ſacram Theologiam, atque ad artes & diſciplinās omnes, ad omnem ſermonis elegantiam & orationis ornatum tantum valere debuit vis ipſa, facultasque dicendi, ut cum tota ſpectet ars Rhetoricæ, ut ornatè politicèque dicas, & artium atque diſciplinarum maximarum opes & theſauros reconditos expromas, atque proſeras in lucem, ut in diſputationibus domineris, te iactes in legationibus, in concionibus vim habeas, in omni re priuata publicaſque actiones litterarum principatum obtineas, in hoſtes fidei tones, ac fulmina iacias, teneas animos auditorum, & quocumque velis, impellas, unde velis, etiam deducas: quid ſit, quod debeas prius, & magis amplum arte bene dicendi ducere, non video; Huc equidem, huc denique pertinet & confertur eloquentia, ut quidquid voluerit, candito ſermone loquatur, polito exornet, luminibus ſententiarum illuſtret, ac denique diſtione ex artis præſcriptionibus per-

bus persuadeat. In hanc igitur artem incumbere, cuius si finem nactus fueris, ad reliquarum amplitudinē sine dubio peruenies.

Altera suasio.

TV Religionem aliquam ex sacris diuersorum ordinum familiis nō suscipies illico? Non, iniiciente tibi cupiditatem alicuius ordinis immortalī Deo, tantī Domini voluntatem exequeris? cum in animi tui commodum, in cœlorum gloriam spectent iniecta desideria? cum id velit immortalis Deus, ut Religiosorum itinere ad maiorem gloriam consequendam enitaris atque contendas? Vis scire quo aspicere debes? quo te totum cōferre? quo adolescentum, qui Christi consilia sequutī sunt, in Religiosorum familiam cooptantur, conatus pulcherrimi spectant? ut iucunditatem, ut diuitias omnes, ut honores vulgi, gloriam, plausus & acclamationes, iactationem & ostentationem contemnant. Ea de causa se suasque omnes actiones alterius iudicio submittunt, humiles & attritas vestes induunt, contemptissimis escis vescuntur, se intra parietes cœnobiorum continent, paruas & angustas cellulas incolunt, media nocte surgunt ad matutinas preces persoluentes, reliquis diei temporibus, statis iam & præfinitis horis, aut diuinis aut domesticis rebus nauant operam, vi & acerbitate verberum corpus lacerant, ciliciis acriter pungentibus carnis cupiditates comprimunt, contemplantur Christi Iesu beneficia, diuinorum operum pulchritudinem & magnificentiam, cruciarum virgarum, spinarum diritatem, trucidis molem & machinam tantī Domini humeris comportatam, dignitatem & maiestatem sanctissimæ Triados celsissimam. Certis & legitimis diei temporibus mirum est silentium, taciturnitas summa cunctorum totius ordinis ministrorum, demittere se student omnes & abiicere modis omnibus, exercere se ipsos in labore, patientiaq; corporis & animi, seruare se castos & integros corporibus & animis incorruptis, optimè semper inter sese conuenientes domesticos & externos mutua charitate completi. Neq; tam in conductorum manu sunt operarii, quàm viri Religiosi in suorum potestate præfectorum. Denique se ipsos disiungunt à rebus humanis, & ad ductum & imperium certorum hominum, qui Christi personam sustinent, se totos adiungunt, ut omnem vitam ad Dei præscriptiones dirigant, & hac ratione diuinæ iustitiæ splendorem, & immortalis deinde gloriæ claritatem corporis compagibus soluti sequantur.

Dissuasio

Dissuasio ex fine.

Dissuadeo igitur tibi, quod mihi faciendum! nulla ratione purarem, neque facere mihi veniret unquam in mentem, ut omissa Theologia sacra Iuris peritiæ vacarem, quin à Iuris peritiæ studio velim ad sacram Theologiam animum auocares. Nam si tibi propositum est Ecclesiæ itineribus velle progredi, & quod tibi insedit in animo, ad quod te tua propensio fert, & naturalis ab infantia cunabulis inclinatio, huic sæculo nuncium velis remittere, & in aliquem te Religiosorum familiam recipere, quanquam ad confessiones audiendas decreta Pontificum valeant, non tamen ad munus, quod proprium Religiosorum est, concionandi, non ut cum viris sacrarum familiarum disputationibus sacræ Theologiæ interesse possis, quæque disputentur intelligere, aut de suggestu Doctorum sacrorum volumina interpretari, sacros annales veteris aut noui Testamenti explicare; non deniq; ut magistrorum gladium & lauream, aut aliquam dignitatem & Præfecturam consequaris. Quin & illi, qui Iurisprudentiæ periti in sacrarum familiarum ordines in aliquam coaptantur, si ea ætate fuerint, ut liberalium artium, & sacræ Theologiæ studio vacare possint, in hæc studia de mandato superiorum ingrediuntur, ut officia Religionis præstantissimo studio, doctrinaque faciant. Quod si vel auditas tibi fuerit iniecta veri boni cognoscendi, & arcanorum nostræ fidei inuestigandorum, quæ res te citius ad exitum optatum producer, quam sacra Theologia? Hæc de Deo immortali agit, & illius præexcellens, diuinamque naturam sacris suis dogmatibus intelligendam, cognoscendamque proponit, atque mysteriorum Christianæ Religionis explicandum munus habet, & propriam, peculiaremque prouinciam.

Ex fine coniectura.

Scilicet eras institutus hæres à Petro, & expectabas amplam hæreditatem, atque hunc, si conualesceret, mutaturum esse voluntatem metuebas, atque vitam ablaram fuisse per te non coniiiciemus? qui non secundo te vocandum esse sciebas ab infirmato mutata voluntate prioris testamenti, & ob eam causam non caprurum fuisse, quam mortuo testatore te adiisse vidimus, hæreditatem.

Ex fine motus animorum.

Cum homines nati sint ad laborem, & ad virtutem, atque his duobus sociis & comitibus ad gloriam cœlorum immortalē comparandam, equidem dolebit, vehementerque dolebit Christianorum optimus quisque, cum videat tot homines sic agere vitam suam, ut nihil minus in animo habere videantur quā felicitatem sanctorum, quam cœlicum immortalitatem, quam ipsius Dei optimi ac maximi diuinum aspectum. Mœrebit, cum sic ab scopo proposito discedant, sic vagentur & exerent tanta cum nequitia, peruersitateque peccatorum societatem ineuntes, ut cœlo, Diuis omnibus, Virgini Mariæ, Christo IESU omnium remississe videantur, & hæreditati cœlicum, ad quam & viuentes & superstites modis omnibus contendere debebant. In finem Beatorum præcellentem & illustrem mentis aciem intendite, si quæ sæculi sectatores appetunt, parui ducere debetis, quæ caro concupiscit, fugere, quæ mundus defert, repudiare. Quæ speciem aliquam illustrem habere videntur, & re ipsa infirma sunt & sordidissima, quorumque bonorum hæreditatis assequendæ ratio inquinatissima, neque ad illa nisi turpes & sordidi abiiciunt vnquam sese. Ad veras, ergo diuitias, ad solidas voluptates, ad immortales honores viam affectent & omni conatu contendant, si finis illius, ad quem nati sunt, post mortem fieri compotes voluerint.

Spes ex fine.

Hac profectò spe sustentabaris, vir doctissimè, cum nunquā otiosum spiritum ducebas, magnam partem noctium vigilabas, rem omnē tuam cum literis, cum libris habebas, & salutem tuam successiuis horis cunctis te laborib. conficiens infringebas & debilitabas. Videbaris summum sacræ Theologiæ gradum appetere, & in tempus respicere futurum, quod adest iam & præsens est, cum tuarum daturus es documenta progressionum. Atque ad illud studium incumbebas, ut cum summo honore decedens cunctorum suffragatione, Doctorum insignibus ornatus famam tui nominis spargeres per omnes Academiæ angulos, & ad Cathedrā appedendam, deferendamque primā contentione totus aspirares: atque ita quod homines præcipuè de tuis laboribus augurabantur, id magis extaret & emineret. Inter omnes enim, qui suis in disputationibus meliorem sui ipsius rationem reddiderit, qui literariis in actionibus in omni genera obui-

obiectiendi, vel respondendi enunuerit, is principem locum & plane primum sperare debet. Atque id causam sine dubitatione afferet, cur consequaris Licentiari Doctorisque insignibus non docti homines a laboribus litterarijs conquiescant, cum ad amplissima sacerdotia, ad dignitates maximas, ad Pontificatus honores vocentur. Et quanquam cursum literarium confecerint, alterum ineant, & multo difficiliorem alicuius in Ecclesia gradus obtinendi: ad hanc cum peruenierint, restat extremus omnium maximus, difficillimus, vt in secundo se collocatos putent, vt seruiant Reipub. salutem animorum consulant, honorem immortalis Deo tribuant, seque dignos tanta sede, tanto dignos honore præstent, vt meritis potius, quam hominum gratia, vel aliquo fortunæ flatu secundo ad tantam amplitudinem peruenisse eos profiteantur omnes, atque recognoscant: ipsiq; ad illa alacrius præstanda propositis Beatorum præmijs, vehementius incitentur. Ita quidem vnus finis in alterum intueretur, & ex alijs alij pendent, vt quasi gradibus suis à primo perueniatur ad extremum. Magnum est enim lauream literarum consequi, maius honores Ecclesiæ vel sæculi obtinere, maximum eos ad gloriam & ad decus diuini numinis immortale referre, & triplici hoc fine consequuto, si boni, si virtute præditi fuerint, homines hos doctos sapientesque cælorum gloriam comparare. In singulis elaborandum est: & vt vnusquisque plus habet amplitudinis, plus desiderat laboris atque contentionis.

Odium ex fine.

Norunt Romani furorem Antonij, norunt effrenatam violentiam: qui furiosus Tribunus plebis seditiones in Senatu temerè concitauit, & suam illam intercessionem violentam atque furentem opposuit, vt consilijs senatorum obstiteteret: qui Cæsarem, si sana mente esset ad tanti ordinis auctoritatem, integra re conabatur adducere, & eidem consulere, ne arma contra patriam perniciosè caperet, sed dimisso exercitu depositis armis supplex ad petendum Consularum Romam veniret, & quod omnes candidati faciunt, prodiret in campum Martium populi beneficium accepturus; si vellent pro suis rebus in Gallia præclare gestis gratiam à Romanis iustam ac meritam, vt ille clamabat, deferri sibi pedem id temporis in vrbe ponenti.

Obtestatio ex fine.

QVare vos, auditores, obtestor atque obsecro, ut si vestros animos saluos esse cupitis, si in gloriam Beatorum ascendere desideratis, si nihil in animis magis assiduum esse debet quam salus & incolumitas animorum, atque civium Beatorum status fœlicissimi adipiscendi cupiditas, Deum immortalem orare non desinatis, & vestris precibus placare maiestatem suam, improborum sceleribus violatam, & huiusce rei conficiendæ causa filium adhibete deprecatorem. Precamini Parentem Christi Iesu dignissimam, quæ vos cum filio mansuetissimo æterno Patri reconciliare potest. Atque cum ipse Christus Iesus vos tanto Domino suis meritis & morte sanctissima reconciliarit, cum Virgo sanctissima, quæ ianua est cœlorum, preces filio Christo Iesu adhibere non desinet, ille vobis suppliciter aduentibus, & opem & auxilium summo cum animorum sensu implorantibus, suum diuinum numen ostendet.

Exaggeratio ex fine.

QVod vero totam Flandriam Hispanis præsidij vacare voluistis, id cuiusmodi esset, neminem nostrum intellecturum existimastis? postulatum est enim, ut milites ex præsidij, ex urbibus, ex omnibus locis, in quibus collocati fuissent, Rex Philippus iuberet emitti, & facturos vos, quod Regia maiestas vellet, & eidem obtemperaturos esse confestim: eos collocet, quibus in locis velit. Scilicet non eo vestræ mentes & postulationes spectabant, ut cum totam Flandriam Hispanis militibus liberauerint, Flandri potestatem habeant in Philippum arma capiendi: atque hæc quæ suspicionibus & coniectura capiebantur, euentu comprobata fuerunt.

Plura finis officia numeraremus, nisi ex affectibus in Demonstrationis exercitatione commotis, huic patri factum satis fuisset. Nunc pauca de sede, quæ sibi finis in oratione collocauerit, verba faciamus.

De sede, quam finis in oratione continet.

Mediocri ingenio præditus intelliget ex superioribus exercitationibus in confirmatione, in amplificatione, in affectibus, ob eam causam in Epilogo dominari posse finem. Quod si in narratione plurimum potest, & ab eodem Exordia petuntur, patet illius usus admodum. Subijciamus igitur exordium aliquod, & narrationem, atque perorationem non prætereamus, ut clariora finis documenta demus.

Exordium

Exordium ex fine, in laudem Doctoris Martinij.

OMnes qui aliquem nullis impulsis amicitijs, nullis priuatis adductis officijs, nulla denique necessitate coacti, sed sua solum voluntate commendandum in hac amplissimi theatri celebritate susceperunt, providere debent non solum quid operis in presentia tollant, sed etiam honos illorum, quantum detrimenti si bene non processerit oratio, capere valeat in posterum: omnium enim iudiciorum aleam subire debet, & hominum non immerito doctorum reprehensionem, si plausus & admirationes Auditores non fecerint. Atque eo magis, si, ut ante dixi, faciunt nullis vinculis astricti, nullo sine honestatis spectato, sed dicendi cupiditate flagrantes. Nam qui sibi hoc sumit, ut in hominum doctissimorum & eloquentissimorum consensu, habeat orationem, & reliquis tacentibus, solus ipse verba faciat, quis huic ignoscat, si qua in re à Rhetoricæ præceptionibus declinauerit? Quapropter hoc etiam magis ab hominibus eiusmodi orator laudandus ac commendandus est, qui non solum non voluntarium dictionis prouincium suscepit, verum etiam seipsum eiusmodi fore profitetur ac præstat, ut ille nisi religione officij, & virtutis, & quadam fidei necessaria ratione dicturus in publicum non prodeat. Huic enim nemo non ignoscat, qui si paululum progressus fuerit, non inani gloriæ, sed temporibus inseruiens in suggestum ascenderit. Ita hoc Auditores ex eloquentiæ summo principe Marco Cicero-
ne intellectū est: cum nullius rei tam illum considerantem Romani vidissent, quam quod nullam fere causam suscepisset, nisi temporibus amicorum, & utilitate communi compulsus. Atque ille ijs præsidijs, ingenij, eloquentiæ munitus, quibus liberior hac in re solutiorque potuisset esse, tamen hac cura continebatur, nondum confirmato solum consilio, & ineunte adolescentia, sed firmata iam ætate & oratione iam sua canescente, habenteque suam maturitatem atque senectutem. Quo minus mirari debetis, Auditores, si nunquam prod re videar in hunc locum nisi inuitus, neque ita frequenter atque alij multorum facultatis & artis oratoriæ præstantes æmuli, sed aut amicorum præcibus, aut quod hodierno die in laudatione feci, ne multis maximis Doctoris Martinij in me beneficijs extantibus deesse videar.


Narratio.

ERat hic vir locupletissimus, qui rem familiarem in an-
 no habebat magni mercatoris, gnavi & industrii partibus sus-
 ceptis. Et quoniam Burgis comedere fieri non posse videt,
 ut res cedat ex animi sententia, mutat domicilium Hispalim,
 quæ propinqua mari, & in Italiam, & in Flandriam, & in Indiam
 utramque occasiones offert plurimas onerum, diversarumque
 mercium dimittendarum, quæ conduplicato quæstu veneant,
 ubique locorum, quo expediantur: maximè si huiusce quæstuo-
 sissimæ mercaturæ exercendæ causa, mittat procuratores ali-
 quot egregie fideles, & negotiandi contrahendique non insci-
 entes, vel alijs det suas partes, qui mediocri lucro res aliorum,
 & istius mercatoris locupletissimi novissent agere, & quidem
 sine fraude & cum magno mercatorum emolumento: qui mer-
 ces eidem maximas, illis in locis vendendas, aliasque comparan-
 das mittendasque commiserint. Cum bene mercatura proce-
 deret, neque quod raro accidit cum annos triginta nunquam
 onerare destitisset in prædicta loca, præsertim in Indiam, neque
 paruulo damno, nullo naufragio, integris semper rebus in por-
 tum inuectis, deportatisque mercibus & argento prægrandi in
 Hispaniam, quod cupiebat, cuiusque rei causa Hispali domici-
 lium sibi collocauerat, impetrauit; ut in redditus annuos pluri-
 mas pecunias contulerit. Exultare iam homo locupletissimus,
 & præ cæteris multis iactare sese hominibus Hispali, altius vel-
 le ascendere, & cum nobilissimis viris, filias in matrimonium
 collocare, filij equitare, induere pretiosos cultus, & quadriju-
 gis vehi, domus denique famulorum, & ancillarum grege per-
 strepere, tota suis aulæis & suppellectile pulcherrima nitere.
 Denique ille speciem præbere, non nobilium modo, sed dyna-
 starum potentissimorum, & usque eo progredi fortunatus homo,
 ut populos & vrbes festinet emere, si ium ad extremum relin-
 quere hæredem populorum & ditionum suarum præpotentem
 dominum. Quo is aspirabat, peruenit aliquando. Sed en breui
 moritur, & quod industria, labore pater acquisierat, nescit re-
 tinere filius, profundens omnia per luxuriam, & grande æs a-
 lienum contrahens, ut dynastæ fortunam, & statum amplissi-
 mum in vrbe conseruet. Qui dum sumptus immodicos facit
 singulos in dies à creditoribus appellatus in iudicium, cogit ut
 in vnum oppidulum se recipere, ut sibi consulat, neque se ma-
 gis perdat, atque visus est in illum usque diem perdidisse. Vides
 quid

quid sumptus libido faciat? quo perducatur hominem inconsiderantia, non se suamque fortunam honestate merendo? Recordari postea filius incipit temperantiam patris, & moderationem adhibitam, consilium & industriam in acquirendo. Ipse deplorare non desinit fortunam florentem præteritam, & præsentem suam, & suorum miseram, multumque iactatam. Qui dum superstites fuerint, nullum diem lætum aspecturi sint, rebus contractis, & adeo in angustum adductis; neque reuisurum ciuitatem amplius; in oppidulo cum hominibus rusticis & aggregatis æturi semper in posterum.

Epilogus ex fine illustratus.

A Vdi atque attende anime mi, vt scias quid tu Christo Iesu debeas. Confiteare tandem aliquando, quod fecit iste tantus, tamque præpotens Dominus, te & gratè, & iustè debere profiteri, & tibi, quæ pro salute tua fecerit omni ratione recognoscendi impositam fuisse necessitatem. Nam simul atque tempus humanæ libertatis recuperandæ ab infinita sæculorum omnium æternitate præfinitum adfuit, hominum restituendæ salutis, & dignitatis gratia, de mandato Patris æterni, nulla mora, protinus incredibili celeritate, tanquam gigas, vt vidistis, in terrarum sola descendit, atque primum in Virginis uterum interuentu spiritus diuini humanam sibi naturam copulans, nulla vel minima Virginitatis labecula, nouem menses in eius visceribus delituit, ab utero Matris in porticum ruinofam & male materiata[m] sese dedit. Vitam deinde nobiscum triginta continuos annos egit in multis laboribus, vigilijs, inedia, in summa rerum angustia ac difficultate, atq; adeo in tanta, quantum sciunt omnes, egestate, & extrema certe quidem mendicitate. Tum concionibus, exemplo vitæ, summa sanctitate, iter rectum & directum in beatorum gloriam ostendit, miraculis maximis & stupendis dignitatem, maiestatemque suam testatam & exploratam hominibus faciens. Deniq; quemadmodum ex totius orationis decursu, quamuis sacræ fidei præscriptionibus instituti non essetis, potuistis agnoscere, comprehensus à nefarijs satellitibus, iussu Principum veteris legis, & per summam discipuli crudelitatem inaudita paucorum nummulorum auiditate inbiantem, & imminuentem innocentia suæ integerrimæ traditus, iniquissimis modis tractatus, vexatusque seruilem in modum, ritumque nequissimorum hominum, ex cæde, & ex sanguine viuentium, virgas & spinas perculit.



perulit, ac tandem in crucem se tolli passus est. Quid amplius vultis homines? Quid ille mitissimus Agnus facere potuit, quod non praestiterit, & ex omni semper parte abundè nimis & absolutè, vt nihil absolutius fieri potuerit? Atque hæc omnia, quospectauerunt, nisi ad humanam conditionem misere-
reiacentem excitandam, & in pristinum, vnde Adami scelera-
ta defectione ceciderat, statum, & dignitatem insigniter flo-
rentem restituendam. Quæ si vestrum causa mitissimus Agnus
fecit, si vestrarum miserris arumnarum, atque ea de causa fe-
cit, vt in antiquum decus, & gloriam veterem reuocaret; cur
non eam dabitis operam, vt quo tantis, & tam immortalibus
infinitæ misericordiæ monimentis vocamini, & tanta caritate
accerimini, vos excitetis, tot & tam ingentibus auxilijs subsi-
dijsque adiuuandi. Huc exurgite Auditores, & cursu celeri,
precor aduolate, quo cum celeritate mirabili perueneritis, in
vestrum vsu fructumque vbertimum cursus huiusmodi ve-
locitate Gigantem suscepisse scitote.

*Alter Epilogus ad orationem in laudem Beati Ignatij Confes-
sori habitam, de gloria Domini ab eodem sem-
per appetita.*

Quid igitur restat, Auditores, nisi, vt eo, quo Beatissimus Pa-
triarcha, & parens sociorum Iesu clarissimus Ignatius ver-
ba, quo mentem, quo facta contulit, eo nos actiones nostras, a-
nimos & sermones conferendos existimemus? Quemadmo-
dum ille gloriam diuini numinis in omni rerum genere, pro-
ponendam ante oculos, in animoque defigendam statuit, idem
nos non indiligenter faciendum praestandumque curemus. In
hanc rem omnes ille vires, & nervos corporis & animi inten-
dit, iam inde à primis translationis suæ cunabulis, hoc conten-
dit, & enixus est per omne vitæ suæ tempus, cum demissionis,
cum patientiæ, cum caritatis, & cunctarum virtutum facta ma-
xima pulcherrimaque fecit: cum tam multa visione, specieque
multiplici diuina recreatus fuit & illustratus, huiusmodi spe-
tacula gloriosa in obscuro tenebrarum loco iacere volens:
cum idem tot miracula edidit ingentia, & stupenda: cum tres
homines, vt alia omittam, à mortuis excitauit, & ea sileri sem-
per voluit & nullo modo foras efferri, sui ipsius & suarum re-
rum contemptor, & gloriæ diuinæ maximus præco & ampli-
cator illustrissimus, hæc omnia diuinæ bonitati, potentiaque

terræ ac cœli dominatoris Dei tribuens : cum Societatem Iesu, Religionem inclitâ, toto terrarum orbe, tanto humano generis bono, dispersam diffusamque latissimè condidit, fundauitque sanctissimè; cum eidem nomen minimæ, non minoris imposuit; cum non ab Ignatio, sed à Iesu nominatam, & illius sanctissimo nomine insignitam exire in orbis Gentium lucem clarissimam voluit, vagientem primam ac nascentem paruulâ, adultam iam & prouectam, & per omne tempus vetustate corroboratam & amplificatam omnibus incrementis : cum postremo (cætera vos recordari potestis orationis capita) non generis sui Loyolæ stemmata gloriosa, non lupos, non lebetes, fumosarum imaginum insignia, sed Iesu nomen suis quatuor literis incisum insignitumque magnificentissimis, & ad immortalis Dei gloriâ pro sociorum suorum vetustissimo, gloriosissimoque monumento fulgentibus, & in terrarum fines ultimos usque penetraturis prodire voluit in hanc lucem orbis gentium clarissimam, illud nos monere voluit, illud tuos præstare, quod ipse optimus verissimusque diuinæ gloriæ buccinator fecit, ut ad gloriâ diuinam vires totas & animos conferant. Quæ ut nos, ut ipsi præstent patrocinium suum tantus Patriarcha apud Deum immortalem & cœlestem, qua plurimum valet gratia, interponet.

DE CAUSA EFFICIENTE.

EFFICIENTS causa est, quæ vi sua aliquid efficit, ut sol diem efficit, toto cælo luce diffusa. Cuius est triplex distributio; prima in absolutam, & adiuuantem : altera in procreantem & conseruantem : tertia in agentem sua sponte & consilio, & non sponte nec consilio.

De causa absoluta & adiuuante.

CAUSA absoluta & perfecta est, quæ per se rem efficit, ut ignis calefacit, aqua refrigerat, aer humectat, terra exsiccatur per se sine ope alterius. Hinc niscus apud Virgilium lib. 9. se solum auctorem facta cadis proficitur, his verbis :

Me me, adsum qui feci, in me conuertite ferrum
O Rutuli, mea fraus omnis, nihil iste nec ausus,
Nec potuit.

Dicitur autem causa efficiens absoluta agere per se, non quod aliis causis non indigeat, ut materia, sed quod alia efficiente causa, non sit ei opus ad agendum.

Adiuuans causa est, quæ sola non efficit, sed aliam adiuuat, ut sunt instrumenta, quibus artifices vtuntur ad opera facienda. Medicamenta, quæ medici adhibent ad depellendos morbos: milites, commeatus, classes, duces, equites, pedites, quorum adiumento Imperatores victoriam reportant.

De causis procreantibus & conseruantibus.

Altera distributio causæ efficientis fuit, in procreantem & conseruantem: Causa procreans est, quæ generat aliquid ac procreat. ut parentes filiorum, scriptores librorum, & opifices operum suorum causa procreantes esse dicuntur. Hinc laus Ciceronis, de S. Sulpitio 9. Phil. Quamquam nullum monumentum clari: Seruius Sulpitius relinquere potuerit, quam effigiem morum suorum, virtutis, constantia, pietatis, ingenij filium. Causa conseruans est, quæ rem iam factam tuetur, atque conseruat. Ut Rempub. leges, iudices, magistratusque conseruant.

De causis efficientibus sua sponte, & consilio,
& non sponte.

Causa sponte efficiens est ea, quæ particeps est consilij, quod ducitur ad agendum: ut homo qui sua sponte facere quidvis solet. Causa efficiens non sponte sua est, quæ consilio caret: cuius formæ quatuor sunt, Natura, Necessitas, Fortuna, Casus.

Causa Natura efficiens est, quæ duce natura aliquid efficit, inde naturalis vocata: ut venti mari incumbentes causa sunt naturales tempestatum: sol excitans vapores, aerque frigidus cogens eos, nubes efficiunt, & pluuiam. Huc pertinent terræ motus, fulmina, tonitrua, grando, & alia id genus.

Necessitas est causa efficiens necessario: ut orta tempestat
est cau-

est causa quamobrem mercator abiecerit merces in mare. Fortuna est causa efficiens foelicem rerum euentum, vt inuentio thesauri ei, qui domo profectus fuerat alio consilio.

Casus est causa efficiens infœlicem rerum exitum: vt si quis venator mittens sagittam, interficiat in alio loco dormientem, casus est aut imprudentia. Quanquam tot sint in causarum efficientium differentia: tamen nullo separatim discrimine. Rhetor hanc causarum dissimilitudinem vno comprehendit tur efficientium nomine. Nos tamen aliquot cuiusumque discriminis propositis exemplis earum officia, rationesq³ amplificandi reuocabimus ad efficientium nomen generale.

AMPLIFICATIO.

EX ABSOLUTA CAUSSA AMORIS

in amicum.

SI semper amicus habitet, penitus qui amat, in eo quē diligit, si omnia eius consilia quamuis abdita & inuoluta, cogitationesque tacitas animo inuestigat & euoluit, si suscipit personam istius, eiusque tum bona, tum mala ducit sua; si eo sensim progreditur amando, vt à se ipso alienus & abstractus, apud eum magis, quem amore prosequitur, quam apud se esse videatur: si is, qui diligit mutuum facit, & ei, qui se amat, parem atque accipit, voluntatē reddit; si tum illud euenit quod est in amore summum, vt alter in alterius pectore quodammodo viuat, & vnus è duobus animis mirā quadā & inexplicabili ratione confletur: quis nisi amor habet vim faciendi vnum, & colligandi ex duobus, præstantique modo res inter se miscendi? Amor facit, vt summa sit conglutinatio animorum in vnum coeuntium, vt voluntates quadam inclinatione propendeant, & opiniones ac sententiæ mirificè inter se consentiant. Amor facit, vt summa sit & mentium & voluntatum consensio, vt neque sententiæ sententijs, neque appetitiones appetitionibus repugnent & officiant, tum illud oriatur, quod quærimus absolutum ex omni parte atque perfectum, cuius nunquam in rebus humanis, præterquam in amicitia similitudo illa reperitur. Amor facit, vt verè amici à veteribus Latinis vnanimes & concordēs appellentur. Amor cogit Aristotelem illud non minus notum, quàm acutum & graue responsum ad posteros transmittere, amicum

animum esse vnum in corporibus duobus habitantem. Amor facit, vt vera sit illa memorabilisque sententia : qui eadem velit alteri, quæ sibi, & in eum non sit secus animatus ac in seipsum, qui pari dolore, parique lætitia afficiatur atque amicus, qui cū altero sentiat, eademque non vna aliqua animi parte, sed toto animo expectat, hunc esse verum amicum atque germanum. Amor facit, vt videamus veros amicos in aspectu & sermone mutuo acquiescere, incredibili cumulari gaudio, & quodā voluptate sine satietate pasci : absentes autem & locorum intervallo disiunctos, licet abundēt alijs omnibus animi corporisq; bonis & externis, in media tamen copia, nescio quid requirere, & angī animo, & tacito quodā desiderio tabescere. Amor facit, vt mentium voluntatumque consensu similes inter se prorsus functiones, actiones, officia, sicut ab vno fonte manent. Amor facit, vt cū omnis hominum vita intelligentia & voluntate gubernetur, atque hæc fiat nobis duo præcipua & faciendi, & agendi principia, ne possit eorū vitæ genus esse dissimile, quorū sensus omnibus in rebus mirificè congruunt. Hic amor facit, vt quorum est insignis inter ipsos animorum coniunctio, eosdem non solum eisdem studijs teneri, eisdem rebus delectari & dolere, sed etiā vti simili amictu & incessu. Tanta vis est concordia, quæ mentes eorū voluntatesque construxit, vt ne minimis quidem in rebus eos à se inuicem disungi ac diuelli pariat. Sed hanc tantam & animorum & factorum consensionem, quantam vix in duobus, tribusue paribus amicorum aliquando vidimus vel audiuius, vel legimus fuisse, in omnibus hominibus tanta varietate nationum, ciuitatū dissimilitudine, discrepantia sermonum atque linguæ, sine aliquo diuino munere & dono existere posse, credere stultum est. Diuini amoris æstu à charitate scilicet, non humana vi, & industria perfici potest. Charitas enim, quæ conturbare solent hominum vitam, & alienare aliorum ab alijs voluntates, tantumque vel odij vel inuidiæ incendium excitare, vt nulla queat hominum prudentia restringi, ea quidem omnia de medio tollit. Charitas magnanimiter perferre iniurias, & benignè ac leniter condonare facit, in rebus aliorum secūdis non inuidere, non inhumanos neque crudeles nos esse in aduersis, nec inconstanti leuitate fluctuare iram, insolentiam, avaritiam & alias animorum perturbationes comprimere, eos quos amat cariores habere indies, nec tanquam in hoc sæculo natos, sed cælestium diuitiarum participes, Christi I E S V sanguine assertos in libertatem, co-
hæredes

hæredes Iesu opū diuinarum futuros, comites supremorū spirituum amare, & memoria, & cogitatione cōprehendere, nihil velle, nihil appetere, nisi quod sit ē Christi disciplina, tendere supplices ad Deum manus, diuinā opē expectare, diuinū auxiliū ac misericordiā implorare, sibi, suis amicis, inimicis, alienis & propinquis bona multa precari, & omnes ex Dei voluntate cupere regi ac gubernari, vt reconciliatis inimicis, & in Christi Iesu amicitiam reductis, permanentibus amicis in Dei gratia, consensione doctrinæ Christianæ, coniunctione voluntatum, honestate vitæ, trium diuinarum personarum communionem imitantes, quæ modò credunt, videre post obitū possint, & sempiterna ac cœlesti vita cum Patre, & Filio, & S. sancto vno Deo perfruantur, cui in omnē æternitatē gloria & imperiū debetur.

Ex adiuuanti.

AN verò existimatis fieri potuisse, vt vir iste tanta sapientia præditus esset, nisi multa sibi fuissent ad literarum cursum ineundum persequendumque adiumenta? An verò quod sibi summum erat ingenium paruam vim habuisse putatis? Quæ memoria, custōs rerū, quas audiebat & legebat ipse, cūctarū propensio quanta fuit eidem ad studium literarum, & naturalis inclinatio? Quid verò Academia impetrare non posset tot bonis præceptoribus & scholasticis industrijs & diligentibus abundans, tot optimarum plena prælectionum, tot ac tantis in singulas hebdomadas disputationib. locupletata? Parētes, quod cuiquam incredibile videretur, eum per literas, & per nuncios incitabant, vt nihil magis frequentia literarum, & eorum, qui de patria veniebant, aduentu vsurparet atque repeteret, quam studium literarum, quam progressiones mirabiles semper incredibili celeritate faciundas. Neque parentes ab Academia discedendū adolescenti cōstituerunt æstus tempore grauissimo, non vacationibus datis, non vllis aduersæ valetudinis tentationibus: vsque eo non solum adhærere libris, eos voluēre semper, sed mortem gloriosā in duxerunt, quam vacando libris, si quæ vis morbi de medio auferret, obijisset. Quæ omnia absoluebantur & perficiebantur magnopere æmulatione contubernaliū quorundam, qui certatim ad literarum studium dies & noctes incumbabant, atque frequentatione dubitationum suarum, & argumentorum, quæ in concertationibus literarijs ponebant, assiduitate conferendi, quæ audierant, inter se quereperendi, consuetudine verum indagandi, & in summam quæstio-

nem

nem perducendi, vt quid efficeretur, quid esset tenendum, certū & exploratum haberet. Hinc & contubernaliū vnumquemque laudabant præceptores, verè dicebant illos & prædicabant scholasticos, honorificè appellabant, & opponebant principes discipulorum æmulis & aduersarijs ad respondendū, & ad satis faciendum, si quæ contra sententiam suam, aut doctrinam constanter rationibus, argumentisque confirmatam attulissent. Denique vt alia multa præteream incitamenta proficiendi, illa fuerunt non parui ductenda, quod cum in illū condiscipulorum oculi & ora conijcerentur ad suas difficultates, suosque laqueos dissoluendos afferrent, neque minus avidè, quam ipsos magistros, neq; minus confidenter consularent & expectarent responsum, ex illius vultu, & ore pendentem. Sed sit iam extremum in his adiumentis spes & expectatio summa, quàm sustinebat in Academia, ad eam scienciæ magnitudinem perueniendi, vt in scholasticis sui generis & ordinis nulla maior animis cunctorum concipi, nec haberi videretur.

A procreantibus exercitatio.

Quid amplius causæ requirimus ad sacram Theologiam quidissimè discendam, quàm illius inuentorem, & auctorem fuisse cœlorum opificem & architectum Deum, & de cœlo traditam generi mortalium atque delictam esse? Itaque quotiescumque Theologiæ meminerimus, quoties tantæ disciplinæ mysteria recondita & abstrusa perscrutati fuerimus, & in cœlorum sedes nostras inferre cogitationes, & ad auctorem diuinæ doctrinæ Deum immortalem Theologos referre necessarium erit, qui si ad tanti Domini veritatem, virtutem, sanctimoniam & absolutam perfectionem non aspirauerint, aut tantæ maiestatis discipulos, alumnos & filios verè se, constanterque iactare poterunt?

A conseruanti vsu & exercitatio.

Quid vna quondam vigilantia Ciceronis, & labores pro Republica suscepti? Quid illius incredibilis atque toties commendata eloquentia ad salutem Reipublicæ & ad patriæ conseruationem magis expetendum videbatur? Hic cùm videret coniurationem nefariorum hominum, ex latebris atque ex tenebris erupisse, palamque armatam volitare cœpisse, & ad Consules interficiendos, ad conficiendos Magistratus, ad extinguendum Senatum, ad Rempub. ad occasum interitumque deducen-

deducendum tela iugulis Romanorum intentæ de manibus coniuratorum extorquens, saluos & incolumes Magistratus, patriam & Rempub. suo consulatu conseruauit. Atque occasurum procul dubio pulcherrimum terrarum opus, monimentum Romuli, sedem omnium gentium atque nationum, præsidium orbis vniuersi quasi Athlæ salter, suis humeris sustentauit. Inde parens patriæ à Catone, à Sulpitio, à Volcatio, à Pompeio, à Senatu Populoque Romano fuit appellatus.

A causis sponte agentibus in laudem Beati Thomæ.

BEatus Thomas egregia sua indole, & ingenio mirabili in literas & in virtutem ferebatur, neque egebat hortatibus, non impulsore aliquo, qui stimulos & calcaria ad vtriusque rei studium & contentionem admoueret: sed naturali sua propensione modò virtutis actiones, modò literarum suscipiebat; vt nunquam illum nisi in virtute, vel in literis versantem aspiceres. Sic autem tempora vacandi literis & virtuti partiebatur, vt cum de literis ageret, aut de virtute, animi voluntas in vtramque partem propensa comprobaretur. Ita parentes, atque præceptores nullum vnquam de literarum studio, nullum de virtute verbum adolescenti fecerunt. Ita videbantur illius perspicere animum propensum ad vtriusque studij admirabiles & præclaras actiones.

A causa agente sponte & consilio.

ATque illis res in hoc adolescente fuit semper spectata magna opere, quæ nos in admirationem maximam sui studio-
sos, & amicos adducebat, qui cum posset maiorum suorum itineribus incedere, equitate more locupletum adolescentum, patrimonio, quod à maioribus acceperat, quoniã nemo impedi-
ebat, & cum multorum adolescentum exemplo fecisset, haberet excusationem aliquam; cum quod exemplo fit, id fieri iure putetur, tamen ad libidinem, ad sumptus alios, ad otium abuti noluit, sed ad virtutem, ad literarum studium, nullo suatore, nulli huiusmodi consiliorum auctore, sed sponte ac voluntate sua studiorum iter ingressus fuit. Atque ita literas & disciplinas didicit tanta cum auiditate proficiendi, vt sitim nunquam ex-
plere videretur. Voluit ipse enim primus Dux esse splendoris huiusce literarij in stirpem & familiam suam illati. Et quemad-
modum fratres ad rem militarem, vt parentum exempla seque-
rentur, nullius hominis impulsu applicuerunt sese, rem iste
etiam

etiam adolescens literarum agendam suscipiendamque decreuit, ut rogæ militiæque qui de prosapia sua fuerant summa cum laude floruerunt.

A causa, cuius species sunt quatuor natura.

Quid moramur tempestatem grauem, vehementemque existere tam turbato, commotoque mari vehementissime, aperta existente causa, vi ventorum horribili, quibus fluctus tolluntur in cælum, & puncto temporis deprimuntur in imas profundum voragines. Boreas ipse, Eurusque violentissimi extiterunt, in mare incubuere vehementissime, totumque à profundo fræuens ac fremens horribifico fluctuum insanientium fragore commouere visi sunt.

A causa efficienti necessitate.

Malus puer, malus scholasticus. Quid huic scholastici facias, nescies prorsus: ita auersus à literis, & ab icholis videtur alienus esse: quem nunquam sponte ac voluntate surgentem ad prælectionem, nunquam sumentem libros in manum, nunquam describentem aliquid, aut discentem aspicias. A prædago trahendus est in gymnasium & in classem intromittendus, ut retinendus à præceptore, & is aliquid agat in negotio literarum, qui malè cogendus ferulis, aut virgis semper?

A causa efficienti ex Fortuna.

Quid in diuitijs, & de fortunis tuis omnibus gloriaris? atque ipsos rides, & pro nihilo habes inopes & egentes viros? quos si fortuna locupletes fecisset, & ad tuam euexisset dignitatem, tui similes videres; & si te reliquisset, deseruissetque in humili statu fortunæque contemptissimæ, omnino hircere non auderes. Cogita igitur fortunæ & temporum hæc esse munera; quorum bonorum non tam facultatem vnquam, & copiam expectendam boni putauerunt, quam in vtendo rationem, & in carendo patientiam.

Ex efficienti à casu de homine in venatione interfecto.

Quod hominem ille necauerit venantem, & inter virgulta versantem, ipsis abditum arbusculis, occultatumque dumetis densissimis, cum in aues aera præteruolantes collineasset sagittam, dignus venia procul dubio, quem vellet viuum, vellet nunquam

ORAT. DE CAVSSA EFFICIENTE. 5

nunquam occisum, non secus quam seipsum viuum & incolumentum: sic cecidit illa mors, ut eam non cecidisse, neque euenisse veller occisor. Casus ut culpam nescit, sic pœnam sustinere nequit. Atque casus si melior fuisset, si fortunatus, inde discederet occisus homo. Quoniam igitur ita tulit casus infestus, ut venantem & peragrantem lucum sagitta de medio abstulerit, habere vos debet placatos & propitios occisor ad ignoscendum.

Efficiens cum Materia.

Video politam imaginem, video ex omni parte perfectam, neque causam aliam esse perfectionis animaduerto, quam auctorem & egregium artificem pingendi, cuius manus omne consequitur artificium. Ars cum parente rerum natura certare visa est, penicillum summum erat, colores nitidi & illustres, adhibito summo temperamento ad imaginis similitudinem exprimendam. Materia affecta admodum & apposita, ad suscipiendas formas & figuras similes, quod nitore auri suis in locis distincta luminibus illustrissimis habebat splendorem & claritatem eximiam. Non Apellis dissimilis, aut illo sane præstantior pingendi laude videbatur auctor operis admirandi.

Efficiens cum effectû.

Complectimini Saulum, nondum Paulum è Sado factum ante suam translationem mirabilem & stupendam, illa nobilitate generis, suis oppidus maximis, auctoritate plurima fretum, in Patrum veteris legis peritissimorum curiam ingredientem, & habentem sermonem longum & valde accensum, quem iracundia, quæ ad ingrediendum illum adegerat, suppeditabat, & faces ardentes magis alebat ad Christianorum exitium & perniciem ultimam tonitru multo, & fulmine verborum iacto. Cuius oscum sustinere non possent, & vultum in dicendo flagrantem, causam commiserunt, & Christianorum persequendorum prouinciam. Datæ sunt literæ, dati satellites ad comprehendendos Christianos, ubicumque locorum reperirentur illi. Data denique instrumenta Principum obsignata signis & eorundem auctoritate confirmata: quorum ille præsidio munitus accelerat profectionem suam totus iracundia ardens, & insatiabili Christiani nominis extinguendi cupiditate flagrans.

Efficiens

Efficiens cum simili.

IN Saulo liber præsens exemplum subdicere, quem proficiscentem Damascum animo complector. Quæ cupiditas delendi Christiani generis, & in cultores Christi IESU ardens iracundia? Torum ex ore, ex oculis, ex pectore flammæ spirantem eadem Saulum in equum sustulit, & accinctum gladio collocauit in sella, & ad tantos processus & cursus faciendos impulit, ut non currere, sed aduolare videretur, sanguinem Christianorum audissimè sitiens. Ille admouere calcaria, crebro stimulare equum, illa velle perumpere atque calcaribus multum sanguinem exprimere: anhelans, & defudans custodiam, vincula, necesse non inare passim, atque in eam partem omnia, nulum ut Religionis Christianæ vestigium studio & diligentia suâ relinquendum putaret. Quem vero ad modum dicam properasse Saulum? quanta adhibita contentione currendi? similem illorum dico, qui persequuntur hostes fugientes, & ferrum & crudelitatem spirando persequi non desistunt ad adipiscendos omni celeritate prouolantes, cum nacti fuerint inimicorum sanguine protinus saginandi. Ut Tygres, quæ lacessitæ, Euro velocius dumeta, saltus, & loca difficillima cæco furore inflammatæ præteruolare visæ sunt, vestigijs insequentes hostem, aut longè conspicatæ, corporis dilaniandi discerpenti-que certissimæ. Tantus erat aduolantis cursus citatissimus, præceps & cæcus in Christianorum sobolem impetus, & odium insaturabile.

Efficiens cum Forma.

O Summam cœli pulchritudinem, cuius formam rotundam atque globosam suspicimus, tanta pulchritudine præstantem, tanto splendore micantem, clarissimis astrorum globis & Lunæ varietate noctu distinctam! Diu solem astrorum principem claritate orbi terrarum illucentem aspicimus ab illo summo rerum omnium opifice & auctore Deo formatum.

*Efficiens cum Forma, Materia, & ex varijs generibus
causarum, & Effectiv.*

Homo quid expectas? cur in auctorem tui ipsius Deum immortalem non intueris, qui te hominem ex limo & argilla finxit, corpore atque animo constantem, & ad sui similitudinem animum in corpore conclusum formauit rationis, & intelligentiæ participem? cumque potuisset propter scelera
tua

tua te dare præcipitem in profundam inferorum caliginem, in hunc usque conseruauit diem, & multis præsidiiis muniuit, muneribus auxit & cumulauit plurimis, in nobilissima collocauit terrarum parte, Christianæ Religionis cumulauit insignibus, Sacramentorum rem & magnitudinem attribuit ad reficiendū te ex alicuius ruinæ capitalis naufragio, & omnium scelerum, quæ in suam maiestatem cōcepisses. Quod tot habeas præsidia, tot adiumenta ad naturam tuam iacentem in pristinam dignitatem restituendam, non commoueris? Quod cōfessores, quod concionatores, quod plurimorum exempla sanctorum, quod vita Beatæ Virginis docet, nihil curabis? Ille te de Cruce pendens Christus IESVS clauorum diritate manus pedesq; transfixus ~~sub~~ boni Pastoris, iacentem in sordibus & squalore peccati excitare debuisset ad animi salutem, ad gratiam recuperandam, ut animi te ipsum tui misereatur: Quem si semel Deus deturbauerit in sedes inferorum tuis maximis sceleratissimisque flagitiis infensus, emergendi nullam ex tam profundo pelago facultatem habebis. Ipse Deus immortalis te ad cœlorum regionem, ad immortalem Beatorum gloriam comparandam, & ad tantæ maiestatis aspectu perfruendum in omnes sæculorum æternitates creauit: quid expectas? quid immoraris, quid iaces? Huc exurge, inquit ipse IESVS, restitua te, atque complectar, in illis sempiternæ gloriæ tabernaculis collocabo, quæ præmia sunt sanctissimæ antea vitæ. Nihil mihi gratius neque iucundius est, quàm meritorum meorum, quàm cruciatuum, & mortis acerbissimæ fructus aspicere, quàm videre candorem animorum, pulchritudinem & ornamentum, pugnas acerrimè commissas, prælia secundissimè facta, vulnera hostibus animorum illata, victorias & insignia reposita, victoriarum, & ornamentis omnibus decoratos & illustratos animos, debitis præmiis, & honoribus sempiternis afficiendos in solium usque Patris æterni celsissimum augustissimumque deducere. Enim verò ferus est ac ferreus ille, quem hæc ad reditum in gratiam cum immortali Deo non commouerint.

Causa ex minore cum exemplis.

Hic ego si hanc provinciam non omnium amicorum rogatu suscepissem, si hoc à me muneris non vniuersum trilingue collegium postulasset, si me animus atque amor in artem bene dicendi, existimatio deamatæ facultatis, atque artis oratoriæ non hoc facere coegisset, atque hæc vna causa fuisset,

quoddam sapientissimum hominem, quoddam doctorem egregium, quem ego in curriculo liberalium artium præceptorem sortitus essem, quem loco parentis habuerim, quem in provincia Dialecticæ, Philosophiæ, tam acutè, tam accuratè, tam doctè prælegentem omnes commendauerint, tamè digna causa fuisset, cur hæc theatri lucem aspicerem laudes suas oratoris voce prædicaturus, ut inter condiscipulos obseruantiam meam in præceptorem signa testata relinquerem. Fecerunt hoc multi in Academia nostra, fecit etiam nuper Baccalaureus clarissimus M. Antonius, qui te Martinum commendauit propter discipuli obsequium & obseruantiam præceptori debitam.

EFFECTA.

Conglobatio Effectorum.

Væ quidem à me, si, ut dicenda essent, dicerentur, vehementius agerem, Patres, quam adhuc egisdicerem quantum virgæ Christi IESV religionem, quantum iustus virgarum infixi misericordiæ sensum afferre debuissent. Reuocarem animos vestros ad columnam, cui Christus Iesus alligatus fuit, memoriam, ad illam acerrimorum iustum per multum tempus tanta crudelitate infixorum acerbam vehementemque multitudinem, & illam vim stagnantis sanguinis, & toro corpore copioseque largè profluentis. Agerem vobiscum, Christum IESVM spoliatum vestibus, corpus vinculis acerrimis constrictum, eas in crudelissimè excarnificatum modis omnibus, plagas inflictas innumerabiles, & vnam præcipuè medio tergo luculentam, non cruciatis solum carnibus, sed concitis, & ex omni parte dilaniatis. Oftererem Christum Iesum, illum vindicem nostræ libertatis, Filium æterni Patris, speculum & imaginem tanti numinis, pro nostræ carnis extinguendis ardoribus, & libidinum maculis & sordibus eluendis perpeffum fuisse.

Alteræ Effectorum conglobatio.

Fortissimi fuerunt illi Imperatores Romani, & omni memoria agnissimi, qui Romam ab hostibus defenderunt, illorum furentes impetus propulsaunt, coniecerunt in fugam innu-

innumerabiles copias, vrbes ceperunt & Prouincias, & totum terrarum orbem bellis plurimis terra marique commissis in tantæ Urbis imperium potestatemque redegerunt. Nonne ab his Imperatoribus victoriæ fuerunt reportatæ? Nonne triumpho prouinciis captis & subactis Regibus magnificentissimè deportati, & tantâ cum gloriâ laudis Imperatoriæ in vrbe Româ summo apparatu splendoreque acti? Nonne denique sua fuerunt monumenta rerum præclarissimè gestarum, vbique locorum constituta?

Effectorum tertia conglobatio cum vehementi interrogatione, & repetitione, & adiunctione.

ATque haud scio, an malim te videri nullo pudore fuisse in ingressu gymnasij? An amicos aliquid habuisse pudoris & consilij, qui pro te nullum verbum præceptoris fecerint? Non tu nefariis in hoc gymnasio sceleribus admissis in perpetuum tibi aditum præcluseras? Quid tandem erat à te factum, quamobrem cum reliquis scholasticis in gymnasio retinendus fuisses? An absentia tot dietum? an turbæ datæ in scholis? an perturbatio gymnasij? an offensiones susceptæ? an verba contumeliosè facta? an iniuriæ tui & aliorum ordinis factæ? an largita superbè præceptoris responsa? an vis illata plurimis? an querimoniarum de te multorum ad præceptorem delatarum? Tu verò qui volebas in gymnasium recipi, qua demissione, quo satisfaciendi desiderio, qua mutandi vitæ, & morum corrigendorum voluntate, quo animo, quàm deliberato nihil in posterum scelestis admittendi? quem ipso aspectu, motu corporis, atque responsis perferre præceptor non potuit, qui te emisit, exclusit, in malam rem abire iubens; ne tuo prauo exemplo commisceres & perturbares Academiam in posterum.

Effecta cum Interrogatione & Demonstratione.

AN verò tu eras Christianus, cum in platea pauperes clamitabant, non communi more, sed intoleranda fame pereuntes, te sedente pro foribustuis in sella diductis cruribus? Et qua in hac vrbe maior vnquam fames fuit, cui diuites non succurrerent, horreis præsertim suis omnis generis frumento completis? At tu illo ipso tempore palam omnibus audientibus pauperum miseras, & voces aspernabaris, atque alteram portam, porticum scilicet, aperueras ad triticum carissimo pretio venditum occultè quidem efferendum.

An verò toto illo tempore quisquam te granū frumenti, nisi pecuniā grandi vendentem aspexit? quisquam dico etiam panem extorsit? quisquam deposcēs ope tuā famem aliquā ex parte leuauit? Nominandus est ille annus ad ignominiā tuam. In ciuitate cum summa caritas esset, & inopiā rei frumentariæ, neque frumentum importaretur ex aliquot locis, neq; in vrbe propter inopiā veniret, peribant pauperes, fame enecati reperiebantur, fames intoleranda tota vrbe erat, neque tu in tanta miseriā & vastatione ciuitatis opem & auxilium tulisti.

Effecta per Præteritionem.

QUæ vero promulgata ab ineunte regno Isabellæ edicta fuerunt? Quæ decreta publicè affixa? Quæ præconis voce quàm intentā prædicata? Quæ delata ex Aulā Reginæ ad Angliæ reliquos populos, vrbesque quascunq;? Quæ promissa multis, qui Catholicos indicarent, qui proderent, qui de regno exeuntes retinerent, qui deferrerent ad Iudices creatos? Qui locus Anglicani Regni non explorabatur? Cuius pecuniæ non publicabantur, fortunæque Catholicis? Quod genus iudicij, quæ prouincia, quæ ratio inquirendi reperiebatur, quæ non tentata demandataque fuerit in Catholicos? Qui populus, quod oppidum, qui portus oraque Anglorum erat, in qua non essent speculatores exploratoresque cōstituti, vt tamquam canes venatici loca omnia inuestigarent, atque odoraretur, vt simulatque aliquem inuenissent, vinctum constrictumque traherent? Quis autem improbus fuit, qui hoc toto Regni tempore non comparandas sibi pecunias, & prædas faciundas sibi maximas non arbitraretur ex Catholicorum bonis? Quis hæreticus prouincias, quis legationem in Catholicos à Regina petebat, quam nō acciperet, & obiret consequendi quæstus cupiditate? Cōprehensis carcer diuturnus, solitudo, squalor, sordes compaebantur, damnatis spoliatio bonorum, iniuriæ contumeliæque grauissimæ, crucis ignominia, exquisita supplicia, inauditæ neces parabantur. Hic aliquando ferius, quàm ipsi vellent Christiani, cum malorum, quæ inferebantur, acerbitate commoti seipso tenere non possent, quin excitarent illum suam non sopitam, sed temporum iniquitate ad opportunam occasionem reseruatam virtutem Catholicæ fidei defendendæ, passi fuerunt illi viri, qui fortunas suas, qui opes, qui statum omnem, qui vitam, qui sanguinem pro Religione deuouerunt plerimi, qui hostes

fidei.

fidei, feras indomitas, prædonum infinitam manum virtute sua, sanctitate debellandam comprimendamque curauerunt.

Effecta cum fine.

Cum, Beate Hiacynte, remisisti nuntium huic sæculo, & Canonicatus amplissimo te sacerdotio abdicasti, non te remouisti ab hoc honore populari, & ab hac illustri vulgi gratia? Cum in Beati Dominici sacram familiam coaptandum dedisti, & sequutus fuilli vestigia tanti Parentis, non valere iussisti clarissimorum Pontificum gratiam: non illorum ædes amplissimas? Cum ciliciis, vigiliis, inedia, virgis corpus tuum assidue conflictares, non studebas domitas & compressas habere carnis cupieitates? Cum cor cionareris, cum itinera faceres, cum aures præberes confitentibus, cum labores omnes grauissimos, & hominum iudicio intolerandos susciperes, non ad animorum salutem, non ad peccatorum fibras extirpandas, non ad hortos diuinis virtutibus conferendos incumbebas? Cum miracula tot, & tam stupenda ederes, non animorum incolumitatem non immortalis Domini decus & gloriam quærebas? Cum in medias fluuiorum aquas te coniceres tumentes, & incitatis vorticibus præcipiti ruentes impetu, nonne in Deum intuebaris, & in spem diuinæ potestatis erectus, calcandas superandasque fluminum intumescantium vadæ decreuisti? Cum pallium proiiceres in medium flumen turgescens, & aquis adauctum hyemalibus, ut illo longè lateque explicato pro cimbâ te duce, te nauclero cœlesti, socij, comitesque vterentur, & in vltiorem ripam transmitterentur incolumes, non in potestatem diuini numinis infinitam, & in omnes partes interminatam mentis oculos coniciebas? Cum denique spirares mortuus cœlestem suauitatem, & corpus incorruptum diuino afflatu suauissimam auram afflaret, casu nos hæc miracula edita fuisse dicemus? an ut intuerentur homines castitatem tuam, corporis, & animi integritatem, Virginitatis laurcam, Deum immortalem præuidisse constabit?

Effecta cum comparatione.

Quid est tam amœnum, quam ver ipsum, quo non modò ijs, quibus natura sensum dedit, sed etiam cœla atque parietes latari videntur? Quid tam iucundum, quam tempus istud, quo non modò homines, sed bruta ipsa exhilarari atque gestire videntur? Quid tam lætum, quam verni temporis amœnitas?

Quod ita lætū est, ut summi, medi & infimi homines illud inire magnopere cupiant, ut auram salutarem, & temperationem cœli, & viriditates omnes, & vestitus agrorum, & cæteras amœnitates habendas, captandasq; curent? Qui idcirco rusticationes decernunt, & villas rusticanas ædificandas censent & curant, ut in agris se oblectare possint, præsertim tantâ cum delectatione corporum & animorum.

Effecta cum comparatione & Exemplo.

ITaque veterum multas ciuitates, quæ seditionibus suis percussæ, & afflictæ fuerunt, omittam. Illa præpotens Roma, quæ quondam opibus, imperio, fortitudine, gloria tantopere floruit, hoc vno malo concidit, discordiis maximis & seditionibus concitatis. Cum in foro Tribuni plebis turbulenti ac pestilentes tranquillitatis & otij communis inimici conciones turbulentas haberent, tunc temere populum concitabant, tum novos magistratus & leges petebant, tum optimos viros gubernaculis imperij deiciebant. Quod si hæc Romæ tunc, cum illa non solum fortissimis viris, sed etiam sapientissimis abundabat, commoueri mala accepimus, quot & quantas flammæ putaris in aliis locis discordiarum excitatas fuisse, cum Reges absentes, ipsique moderatores fuerunt, & hominibus rerum nouarum cupidis, & regni cupiditate flagrantibus occasiones datæ sunt. Hinc motus ciuiles in Regnorum perniciem profecti fuerunt, hinc perfidia multorum hominum, qui à Regum suorum fide turpiter defecerunt, præsertim disunctis in locis, ubi maior est ad facinus audacia, pauci verò sunt, qui possint seditionis furori resistere.

Ex causis ad Effecta.

Quid istud rei? Quæ nunc tanta rerum mutatio videtur in adolescente tantâ cum probitate? In hoc adolescente nulli mores optimi inesse videbantur: in vita ipsius nihil erat præter otium, præter delectationem, voluptates, amicitias improborum turpiter ac nefariè retentas. Agebat iste cum improbis, cum nefariis adolescentibus. Idem ad rixas, ad simulates, ad folia lusoria, ad ædes prohibitas non modò noctu solus, sed diu in clarissima luce præsto fuit, lustrationes viarum & platearum quotidianæ quasi delicæ & amores sibi videbantur: cum prohiberet nemo, nullum ille vitiorum genus prætermittebat, cumulabat potius, & augebat malis suis
soribus

foribus. At cum nescio quis bonus amicus verba fecisset paucissima, vno verbo facto sic in alterum mutatus, ut iam nihil in hoc adulescente videatis præter laborem, vigiliis, bonis studiis, exercitationes insignes, bonorum sermones, & familiaritates. Ille se totum dedit bonis adolescentibus, virtutis amantibus ad castitatem, ad virtutem, ad confessiones, ad cœnobias facias, ad templorum lustrationes propensus fertur. Domo nunquam egreditur nisi necessarium, & ad cholas, aut ad templum audiendi sacri causa. Quid ergo conferam tempora præsentia cum præteritis? Ut superiora improborum amicorum consuetudo, sic præsentia bonorum familiaritas attulit.

Effecta cum enumeratione per incrementum.

Ille vnus adolescens, vnus Antonius, vnus Rhetor nos cum suis carminibus & orationibus non modò ignominia, & turpitudine liberauit, sed etiam effecit, ut aliquando videremur aliis scholasticis nos opposituros esse, atque cum aliis non decertaturos solum, sed etiam præmia reportaturos, sine quibus ignavia multorum cum summo probro atque dedecore gymnasij per multos annos ex concertationibus exercebamur victi semper & superati. Quo mihi etiam dignus videtur honor huic delatus fuisse Rhetori, Poëtae, dicam an Rhetoricæ? an vtriusque, id quod est honorificentius?

Effecta cum collatione & dissimili.

Quid ergo quæris illum orationem non fecisse tam politam, tam elegantem? A quo igitur est facta? opinor si incertum fuisset, quisnam fecisset, verisimilius tamen esset, eum fecisse, qui Rhetoricen audisset? Deinde cum esset nemini dubium, quin alias orationes publicè pronuntiasset eum certè potius, qui nonnullas attulisset, quàm illum, qui nullas: postremò certè potius illum, qui biennium in Rhetorum classe fuisset, quàm eum, qui de quarta classe transisset ad Dialecticam, autorem constituemus.

Ex Effectis cum comparatione.

Nec verò illorum quisquam, quibus à veteribus Romanis morte obitâ pro Republicâ positas in excelsso loco, atque in rostris statuas accepistis statutas, fuit minimo fidei Christianæ Martyrii aut acerbitate mortis, aut in susceptâ moriendi

causâ præconendus, qui cum causam virtutis, causam Romanæ sedis, causam Vicarij Christi I E S V, causam Religionis susceperint, cumque præceptis Christi I E S V, diuinæque legi parentes, fortitudine & alacritate mirabili occumberent, luce, palam, in mediis plateis, à nefariis pestibus & sacrorum Religionisque hostibus in Dei immortalis hominumque conspectu fuerunt confecti, non sine gaudiis & lætitiis maximis, multis præclarisque fortitudinis suæ datis testimoniis. Eorum igitur fortitudinem constantiamque quisquam spoliandam honoris & gloriæ diuinis ornamentis esse dicet, cuius mortem in sanctissimâ causâ expandam monumento sempiternæ gloriæ omnes iudicauerunt?

Ad expoliendum ex causis & effectis.

QUam vos causam esse putatis, cur in tot Academiis, in tantâ multitudine adolescentum, in tantâ præstantiâ ingeniorum acerrimorum, in maximâ bonorum præceptorum copiâ, in tanto studio & accuratione bonarum artium tradendarum, tantis præsertim propositis præmiis, atque ælissimis Reipub. honoribus, tam sint pauci, tamque planè nulli numerentur, qui in literis plurimum excellent? Facilis est responsio. Omnes omittendæ sunt voluptates, relinquenda studia delectationis, ludus, iocus, sermones etiam penè nostrorum familiarium deferendi, suscipiendi labores, vigiliæque plurimæ, omnis denique corporum & animorum adhibenda contentio, contra vim imbecillitatemque naturæ nostræ. Addo etiam multos ab ineunte pueritia literarum inire cursum, quorum neque ingenium literis maturum est, & studia plus roboris ac firmitatis postulant: atque illorum inscientia & teneritudo nullis consiliis neque exemplis ad studium, ad laborem fingi formatique potest.

Post effecta causas exquirat Orator in parentem

B. Barbara.

QUid accidit, cur tantopere pater filiam accusaret? ut eam neque securi percutere verecundaretur deficiente carnifice? Homines cuiuscumque generis, qui nomen Christianum, qui lege in nostram odissent, cum nostrorum Martyrum cruciatu atque supplicio pascere oculos, animosque satiare vellet, sanguinis accusandi nunquam iis animus fuit. Unus plures Christianos prodidit: ecquando autem visus est quisquâ tantâ crudelitate

crudelitate fuisse, ut filium aut filiam in iudicium adduxerit? At contra, quamcumque intrabat domum Prætor, nullum ex ea spectaculum parentes victorum comprehensorumque filiorum præbuerunt; sed ipsi vincendos, confrindosque se dabant potius, quam filij in ullum vitæ discrimen adducerentur: quia ipsorum filiorum amor omnium amorum iucundissimus generi hominum fuit, atque carissimus, & quia nihil est filijs amantius: nullum est autem testimonium amoris certius, quam quos charos æquè ac te ipsum habueris, eorum nolle non ortem aspicere, (quid dicam, quod tu fecisti, afferre velie?) Hanc igitur quam ob rem accusasti? quam ob rem occidisti? quam ob rem in eâ carnificis officio functus fuisti? Equem audisti in orbe patentem, qui filiam manu sua indignissimè vitæ priuauerit? Fera tua & immanis natura fecit, crudelissimum, omnique diritate deterrimum in Christianos odium conceptum, compressumque hanc à te tantam, tam inauditam, ac planè feram crudelitatem extorsit.

Effectuum causis.

Quid vis amplius? Quid diuitias appetis? Quid argentum & aurum concupiscis? Quid illius accumulandi causa dies noctesque laboras? Si victus quotidiani causa, satis iam bonorum tibi est, quid quæris amplius? Si honoris alicuius consequendi desiderio, quæ tibi cupiditas altioris loci, quem antequam consequaris propter pericula exhortere debuisti. Sin metuis ab alijs dignitate superari, quid metuis, quos vides ipsos corpori officere; nunquam autem animum posse offendere? Sin quòd bona splendorem alicui offerunt, & honorem, idcirco hæc ipsa omnibus modis coaceruare studes, nonne ostendis ea te æstimare, quæ præ bonis cœlestibus parui facere debebas? Facis iniuriam Deo, si maiorem spem dignitatis tuæ in bonis interituris ponis, quàm in iis opibus, quas Beati Ciues obtinebunt in perpetuum. Quod si tibi nulla causa est, cur huius sæculi bona tanta cupiditate velis appetere? Si tibi diuitias Beatorum propter sordes sæculi contemptissimas Deus immortalis largitur, nec quidquam relinques, quod non illis Beatorum palarijs infinitum in modum cumuletur & augeatur, per Deum immortalem, quæ est ista tanta cupiditas, tam inexhausta insatiabilisque libido? Quis vnquam homo fuit tam cæcus, quis tam temerarius & amens, ut cum Chrystallinam, atque per lucidam aquam haberet, perturbatam & cadaueribus inquinatâ bibere

velit? Scis Franciscum nihil post sæculo nuntium remissum habuisse, nihil possedisse, omni spreuisse, contempsisseque, nihil viro sanctissimo defuisse tamen, atque hunc amorem tantæ paupertatis sponte ac voluntate sua delecta fructu post mortem tulisse sempiternos. Nisi hoc alienum putas a fortuna tua, quem vestem & habitum Franciscanorum non induisse rectè scimus. Quasi verò cupiamus in Francisci sacrorum alumnorum angustias adducere fortunam tuam, quem ornatum, cultu honestorum non indigentem, non lacerata veste dissolutaque horridum volumus, sed habentem ad viuendum quod satis est; non tamen morientem, neque tabescentem amplissimorum secundâ fortunâ, & illorum bonis & opibus intiantem.

*Effecta cum dubitatione & Apostrophe, ad
Amplificationem.*

EN Pompeij patremne appello, an filium? recentior memoria filij est, & cum bellis præsentibus coniunctior. Tantumne te appellè, cum tibi vindictam, & quotidie secundiores exitus in bello pro Republica suscepto pollicebaris. Negabas filio æquè atque patri fortunâ infelicitet cessuram esse: vius inuentus est, qui patrem & filium perdiderit, cum exercitu victore terrarum & maria præteruolauerit, ferrum tibi, tibi & tuis mortem minitans, & patris turpiorem exitum, ni te dederes, ni traderes exercitum, & quas veller, quas optaret pacis condiciones offerret. Vnda tuorum aceruo militum còperta, campi sanguinis inundanti flumine manant, tu superatus vix fuga saluus euasisti. Venio ad Cn. Pompeium patrem, tu enim Pompei pater cum Cæsar gener tuus fuisset, cum illū auctoritate iuisses, cum ad Galliam primò obtinendam, deinde ad prorogandam adiutor auctorque fuisses, cumque omnia ad illum ornamenta detulisses, cum victor fuisses omnium gentium ac nationum, hoc si quis tibi res tantas ad Cæsaris gloriam molienti diceret, fore tempus, cum is victor Galliarū, qui auctoritatem Senatus, iudiciū bonorum omnium neglexisset, tuam non modò personam bello persequendam, verum Principibus Romanis, cunctis senatoribus tecum Reipub. partes agentibus, arma capturum, disturbaturum exercitum, & ad filios bellum conuersurum, denique de filijs, de te patre, de cuncto senatu magnificè glorioseque triumphaturum; non responderes, id nisi machina propè mundi, atque hac prorsus vniuersitate ruente, accidere non posse? Quanta cōuersio status? quanta inclinatio tuorū tēporū?

Effecta

*Effecta cum dissimilibus.**Ad reprehensionem per dubitationem in I. Syl-
lam dictatorem.*

IN omne genus hominum improborum, vtrum superbiam prius reprehendam, an crudelitatem? sine dubitatione crudelitas grauior fuit semper, atque atrocior. Accepistisne ex literarum annalibus, quemadmodum sit iste solitus proscriptos homines in exilium mittere? quot neces fecerit, atque has intermissâ publicâ concione? Cum illi, qui iugulabantur, luctibus & lamentis cõplerent omnia, perturbaretur multitudo, quiescere iussit omnes, præter paucorum cædem, addens, qui suo iussu occiderentur, in ciuitate fieri mali nihil, cum præscriptorum capita atria capere non possent, cum viæ plateæque omnes sanguinis flumine redundarent, atque ipse crudelitate celebratus post hominum memoriam crudelissimi cognomen tyranni deportasset. Superbiâ verò quâ fuerit quis ignorat? quemadmodum Senatorem quemque despexerit? potestate suâ per multum tempus fungi non permisit? Senatorem nemo non Imperator magni habebat, & ad illum res omnes deferrebat: nihil nisi quod tantus ordo censeret faciundum putabat. Senatores is ut infimos, & contemptissimos homines tractauit: se solum fœlicem, se fortunatum, se Dominum cunctarum gentium appellans.

Ex effectis cum repugnantibus.

Tves abusus in publicum prodiens cum tuo illo ore impudenti dicere te parentibus audientem fuisse? Quo verbo fratres tuos, atque sorores, tum cum ad obseruantiam te adducerent minus morigerum, ingratos monitores demonstrabas fuisse. Tu obediens parentibus, quos neque oculis videre poteras, neque sermonem illorum audire, quos videndos, audiendosque cunctis in rebus natura ipsa, Deusque immortalis dederunt? Tu patri tuo, matri etiam verba duo, si vnum facerent, respondebas, & quidem liberè nimis & audacter. Tu fratres in parentum obedientiam te reuocare volentes, orantes, atque supplicantes superbissimis, & insolentissimis verbis ab oculis tuis repulisti. Idemque tu in parentis obsequio, & obseruantia singulari, cum illi vnâ curam canis, cum lacrymis te obsecrarent, tu auerso vultu, tergo quo verso, immoderata brachiorum iactatione, tanta impietate,

intem-

intemperantia quæ fuisti, ut nec punctum quidem temporis interesse paterere inter abitum tuum atque obsecrationem paternam; saltem dum absolueretur obsecratio, & paternæ lacrymæ fluerent, non constitisti. Nondum quicquam significabat, cum negabas; nondum patefecerat voluntatem, cum notam tibi & exploratâ dicebas, neque quidquam fieri posse dicebas, & quidem semper intemperanter. Atque nō magno argumento hoc fuisse dicam, cur parentum colendorum mandatum non exequutus fueris? Neque tibi curæ fuisse confirmem eos, quos carissimos habere debueras, cum nihilo secius tractaueris sæpe, quàm administros parum tibi fideles, & multis in rebus vi potius & malè, quàm officio & voluntate obsequentes?

Effecta ad concludendum cum obtestatione.

INterea quidem per Deum immortalem, quoniam omnem nostram salutem, libertatem, dignitatem, gloriam beatorum & factorum nostrorum præstantiâ pulcherrimorum, & Assertoris I E S V maximis & immortalibus meritis obtinemus, à mandatis diuinis non discedamus, Iesum colamus, & in virgas, in spinas, in illius vulnera sanctissima mentis oculos tollamus. Simul & illud tanquam necessarium cogitemus, nisi virtutem partâ, & meritis tanti Domini miseros nos & calamitosos futuros in perpetuum. His præsiidiis munitos, tanquam duplici vallo septos, legiones inferorum non formidaturos esse, neque causam ullam formidandi nos habere: atque tandem futurum tempus, & diem illam adfuturam, cum Dei gaudia verissima, plenissimaque nobis patriamus.

Effecta ad concludendi rationem alteram.

Faciendum est igitur, Auditores, vobis, ut nomen Christiani sanctissimis actionibus comprobetur. Nec enim verū Christianum quemquam post aliquod crimen capitula susceptum putare debitis, nisi ad se rediret, & peccati sordes ac maculas eluceret. Quo enim puncto temporis inspectante immortalī Deo audax, impudens, & temerarius plagam animo lethalem infixit, & id egit, ut gratiam immortalis Dei abiiceret; eo die non modò se gratia tanti Domini, sed veri Christiani dignitate spoliavit. Esset enim statim deiiciendus in inferorum regiones, si Deus hominem huiusmodi repentina morte voluisset opprimere.

CAVSÆ OMNES IN B. IGNATII
CONFESSORIS LAUDEM
honoremque collatæ.

SED hæc omnia genera causarum in vnius Principis Ecclesiæ laudem conferamus, quo summam amplificandi ipsis ex causis petendam eloquentia studiosi habeant in promptu, maximè, qui non tantâ memoriâ sunt, vt tam multiplicem ac variam causarum amplificationem habere possint expeditam, & ad occasiones & opportunitates passim obuiam, pro quæstione qualibet Rhetorica producendâ in hunc Solem, & Theatrum, atque adeò in templa celebriora, ceu magni Theologi concionantes solent.

Ex fine in laudem Beati Ignatii
Confessorii.

CVM domo fraternâ, cum paternis laribus, cum patrio solo excederes, Ignari sanctissime, cum relinqueres inanis sæculi iactationem, cum aulæ Regiæ, Principum palatiis, militari iactationi nuntium remitteres, cum in itinere dimitteres famulos, & remaneres solus, cogitationis susceptæ tandem & voluntatis explendæ proposito, ac deliberatione constanti, cum incidens in pauperem vestes cum illo commutares, & vestitu pretioso te exuens, indueres te attrito, lacero, milleque centonibus refarto, cum viciatim, ostiatimque corrogares stipem, & te in Xenodochium conferens, in pannosos, pedore, squalore obritos pauperes inferres, & vnâ cum illis caperes cibum, cubares humi, hyeme totus frigore tremens, video quò tuæ cogitationes spectarent: vt inires vitam consiliorum Christi rationibus innitentem, & ad perfectionis modos exquisitos aspirares breui magnis Dei muæctibus, & donis cœlestibus afficiendus.

Ex

*Ex effluenti in laudem B. Ignatij
Confessoris.*

A Morille diuinus, qui in tuis visceribus hæret, Ignati clarissime, magnam in te vim habet, vt nihil cogites, nisi gloriã diuini numinis: nihil agas, nisi actiones tuas in hanc gloriam Dei celsissimam conferens: nihilloquaris, nisi cœleste ac diuinum, & tanti Domini decus immortale spectans. Cùm regimen fœminarum à Societate repellis, cùm varijs tempestatibus in te vnum excitatis gaudes, cùm plebi fame periclitantẽ succurris, cùm Romam cum primis comitibus contendis, veterem plebis erudiendæ morem, & frequentẽ vsum Confessionis & Eucharistiæ restituis, cùm honoribus in Societatem aditum obstruis, cùm distribuis iam Societatem in prouincias, & has prouincias in varias terrarum partes describis, cum summo Magistratu te ipsum abdicare conaris, hac amoris diuini magnitudine flagrabas. Cùm postremò visiones cœlestes, tot luminum stupendorum clarissimam lucem, ingentem miraculorum multitudinem à Deo tibi datam & impertitam vides, & Deum ipsum horum bonorum ac munerum diuinorum auctorem recognoscis, amor ipse diuinus princeps fuit in te tot & tam illustria monumenta cumulans & augens, & adducens te ipsum in tam illustrem ac veram immortalis Dei cognitionem.

Ex forma ad laudem B. Ignatij Confessoris.

Video te, Princeps Ecclesiæ clarissime, varia multiplici quæ forma fulgentem, gladio accinctum ab vno latere, & ab altero sica, pretiosis vestibus indutum, famulis ac pueris comitatum, in Aula Regia versantem, & cum Principibus Hispaniarum agentem. Video præterea cum galea in capite, cum lorica in pectore, in vna manu scutum, in altera gladium, vel hastam tenentem, & peditem, aut equitem magnas strages edentem, partes tuorũ fortiter & acriter defendentem. Video te sacco asperissimo vestitum, fune præcinctum crassissimo, & ex illo pendentem scuticam ferreis rotulis, & globulis acutissimis ad carnem lacerandã insertis. Iam alio vultu, ore pallido, longissimo iam capillo, impexa longiore quæ barba, squalidum & horridum macie propè confectum, & totum exhaustum, nudis pedibus omni tempore, summa etiam hyeme incedentem. Video te in habitu ac forma peregrini Ierosolymam contendentem.

Video

Video te tunica talari, & epicugio, qui communis vestitus es Presbyterorum Ecclesiæ honestissimorum, salutis animorum consulentem, & huius rei causa nouam, afflante Spiritu cœlesti Religionem instituentem, à Romanis admissam Pontificibus, & eorum auctoritate confirmatam. Quid hæc, Patriarcha clarissime, tam variaz multiplicisque formæ? Tempora equidem sæculi, & tuæ translationis, & institui, ac societatis nobis ante oculos statuuntur.

*Ex materia in laudem Beati Ignatii
Confessoris.*

QUAM varia multipliciaque sunt munera, quæ præstas, Heros diuine, cum te in Xenodochia confers, & pauperibus in lecto iacētibus in se uis, & infima lætus & hilaris officia facias eorū quos alij fugere & vitare solent, fastidiens neminē. Quid dicam te lectos sternere? quid purgare eosdem? quid pauperes medios amplecti? collocare in lectis? fratres tuos, & carissimos quidem appellare? in singulis te ipsum intueri Christi IESV personam sanctissimam? Illa magna sunt, cum obis uias, lustras plateas, inuestigas pauperes, in xenodochia defers curandos, & omnibus modis fouendos curas; cum pro uis publicis, pro compitis, pro plateis, pro locis celebrioribus pueros, & plebem infimam Doctrinæ Christianæ rudimentis imbuendam instituere conaris, & conciones habere de uitijs, de uirtutibus, de pœnis inferorum, de gloria Beatorum, de omni denique Christianæ Religionis instituto. Christi gloriæ appetentis materia est hæc tam multiplex, & tua, & tuorum Religione dignissima. Iam uerò cum vis prima docere pueros elementa, & scribere, & legere eosdem ab indice Alphabetario tuorum opera ducentes primordia suæ institutionis, occupationes sunt hæc tuorum, per te traditæ tuis, atque demandatæ. Nullum apud te tam humile, tam infimum officium, quod Deo gloriā attingens non magni facias: ut iam mirari desinamus humaniores omnes disciplinas, Latinas, Græcas, Hebraicas, Rhetorice ipsam à tuis tradi, & cum eadem liberalium artium studia coniungi. Notæ sunt sacrarum literarū diuinæ Theologiæ officinæ parentes & apertæ cuiusq; sciendi cupidissimo. In Confessionibus audiendis, in ministranda sacra Eucharistia, in habendis concionibus, in ope subsidioque morientibus ferendo, in omni re salutem animorum, & gloriam Dei spectante tui operam & studium nauant te Dux præceptoreque cunctarum exercitationum insigni.

Effecta

*Effecta in laudem B. Ignatij
Confessoris.*

QUæ signa apparent, & oculis omnium spectantur Beati Ignatij non adumbrata, sed maximarum expressa virtutum. Prodeat paupertas Societatis IESV, quam audeo dicere, omnium maximam & angustissimam cunctarum nostræ religionis sacrarum esse familiarum. Adsit integritas corporis & animi virginitas illa Angelica, quâ nec minimo sensu caro tentata fuit à virginis visione. Caritas dicet. Ignatium in medias flammæ pro salute proximorum irruere paratissimum fuisse, & quodcunque libenter, & lætè admodum appetiisse mortis periculum: quod Romano Pontifici se, suosque præcipuo obedientiæ voto astringit, quod Christi nomen in orbis terræ fines ultimos, & vexillum IESV gloriosissimè triumphans tantâ Christiani honoris celebritate penetrauerit Duce Ignatio, suis nullam oram, regionemque non obeuntibus, quod tot cōfessores, tot martyres perpererit Ecclesiæ: quod sui signis semper infestissimis contra hæreseos sectatores conflixerint sæpè vitam cum sanguine profundentes: quod sui omnis generis literarum cognitione, quod voluminibus tam multis proditis, & quotidie exeuntibus in publicum, Ecclesiæ lucem attulerunt: quod de cathedris, de suggestis, & in Academicis & in templis ad instituendos & literis & virtutibus animos tantam vim adhibuerunt, effecta sunt profectò pulcherrima, spiritus, & eximiæ virtutis Ignatij Confessoris. Iam verò beatificatio ipsa & ad illam confirmandam auctoritatis vicarij Christi IESV, tot prodigijs virtutum, & miraculorum stupendorum adducta, dies ipsi festi, tam multa spectacula, tam varij apparatissimi que ludi, cunctarum ferè maximarum Ecclesiarum, & ciuitatum singularem, & equitum, & dynastarum maximorum ad dies hos celebrandos, & omni magnificentiâ certè quidem augendos mirabilis conspiratio, decretaque exeuntia in publicum, vim & splendorem habebunt insignem. Nolo attingere quæ libris iam typis excusis, & foras emissis, nota sunt & testata generi mortalium vniuerso. Dicam quæ nōdum literis mandata sunt: quæ in Cantabria in prouinciâ Guipozcoâ, in patrio solo Beatissimi Ignatij tantâ conspiratione cunctorum celebrata fuere: quod octo dialia consequuta diem solemnem celebrata fuerunt, quod ludi apparatissimi, quod taurorum agitationes bis, quod simulationes personarum, quod iuuenta multa, quod

singulis

singulis suis diebus spectaculorum varietas populo adhibita fuit, quod tot populorum effusiones, & concursus ex prouinciis maximus spectatus, & festorum dierum, & obeundi sacelli Petri sanctissimi, & illius palatii colendi causa, in quo ille natus & editus in hanc lucem, signa videntur mirandæ sanctitatis, ob quæ in illum omnes propensi, mirèque affecti fuerunt. Idem prædicauit adhibitus summâ religione cultus, decantatæ solemni more, modulationeque Ecclesiæ continente vespertinæ preces & sacrum quanto ritu cæremoniisque celebrioribus fieri potuit atque celebrari. Adhæc cum more maximorum Ecclesiæ heroum, pèr uigiliis, & ad inediam solemnem, & ad colendas ferias huiusce Patriarchæ totos annos voti religione Oppidani Cantabri constrinxerunt sese; cum v'sitatis anni temporibus & ter decantanda sacra, & ad sacelli & Ecclesiæ maiorem religionem, cultumque sacerdotia (quæ Capellanix dicuntur) suis redditibus annuis fundarunt, atq; stabilierunt ciues ipsi de communi conspiratione Oppidanorum & Principum totius prouinciæ; cum miracula facta plurima locis in illis, alijsq; in sedibus Beatificationis huiusce celebratæque; cum nullus ferè in Cantabriz partibus illis nascatur infans, qui non Ignatii nomine & honore afficiatur, signa sunt hæc maximæ Beatissimi Ignatii sanctimonix. Mitto innumerabilia quæ afferri possent. Cum in Portugallia in cæteras partes desertas & propinquiores agros, camposque patentes ingentes aquæ effudissent sese, parcentes machinationibus puluere tormentario plenis & rotulis, ipsis papyraceis tormentis vndique circumdatis, quæ vis, & quam ingens magnitudo miraculi fuit, cum nubes ipsæ urbem transierint, & mœnia salua reliquerint, post urbis portas confestim delabentibus ingenti fragore montibus aquarum crassissimis? Quid de infante dicam, qui nondum sacro fonte ablutus, decerrante matre cum parente, de nomine, quo afficiendus esset, ad sacra suscipienda delatus in templum, ore proloquutus. & distinctos sonos edens, sustulit controuersiam, nomen Ignatii, quod sibi imponendum esset, indicans & proferens? Sed abstineamus à miraculis persequendis, in tanta felicità Societatis IESV inuidentium copiâ, in tot obrectatorum, & maleuolorum multitudine. Age verò quantum habet & ostendit sanctitatis in Ignatio, ipsius Societatis incrementum, tam breui tempore tot aucta collegia, tot ædes probationis, tot professorum domus, tot prouinciæ, tam longè, lateque diffusi focii IESV, illorum bonus odor sanctitatis, tot

fructus allati & litterarum, & virtutis? Idem socii cum ignominia tonante aduersariorum tumultu cum dedecore & ignominia expulsi, summo mox honore & gloria reuertes, & & plausu tanto, tanta acclamatione redditi & restituti, quantam ostendunt capitis & fundatoris sui virtutem & sanctitatem absolutam? Nihil sanctitatis, Auditores, nihil miraculorum, nihil prodigiorum stupendorum in aliis Patriarchis Ecclesiæ celsissimis reperieris, quod non in beato Confessore eluceat; & emineat Ignatio. Quæ si vera, si sancta, si testata, si re comparata sunt, colite Auditores tantum Ecclesiæ Principem, & lumen cœli clarissimum, tanta sanctitate præditum, decus & gloriam Ecclesiæ illis temporibus ab immortali Deo reſeruatam. Quibus multis in locis labantem, & iam cadentem Religionem sua ope, suorumque subsidio fulcire potuit, poterit cæteris in partibus stantem fidem conseruare, & exemplo vitæ, concionibus, consiliis salutaribus, doctrina disciplinaque Christi IESV gloriam & honorem augere.

Quem locum teneant in Oratione.

Apparet non solum in confirmatione & in amplificatione, sed etiam ex Cicerone in Exordiis, in Narratione, & in Confirmatione ob varia officiorum genera, in quibus vim suam ostendunt, locum habere causas. Quod in Exordiis primum appareat ex ordine partium Orationis.

Exordium ab Enumeratione causarum.

Credo ego vos, Auditores optimi, mirari, quid sit, quod cum tot præclari adoleſcentes, egregiique Oratores in hac Complutensi Academia sint; ego potissimum in hanc theatri celebritatem prodierim, qui neque hisce viribus, neque firmis lateribus, sed affecta iam ætate, & prope senectute media fuerim, ut his, qui dicere potuissent, essem proculdubio posthabendus. Omnes equidem ii, quos posse benedicere non ignoratis in hac laudatione, tantam loci dignitatem propter temporum breuitatem contingere noluerunt. Ita sit, ut adsint, propterea quod cohonestatum lauream venerunt, vacant autem idcirco, quia prouinciam suscipere recusatunt. An cæteris ego in arte benedicendi præstantior? minime verò neque illius adeo sum peritus, ut alijs eloquentiæ laudem non tribuam. Quæ me igitur

ut res præter cæteros impulit, ut laudes Doctoris sapientissimi prædicarem? Quia si quis præsentium Oratorum, quos Academia videtis habere, in quibus summa vbertas est, & facultas orationis, si quis, inquam, oratione habuisset, id quod hodie no die fieri necesse est, multò minorem gloriam sibi comparasset, quam comparasse putaretur. Ego etiam, si nullam mihi gloriam peperero, quæ in huiusmodi literariis actionibus potissimè spectanda est, nequaquam tamen honorem, qui nullum contempsit fuisse, amisisse videbor. Deinde quod cæterorum, neque accurata admodum oratio tanta videri potest propter præstantiam & laudem suam: Ego si quid minus politum dixerò, vel minus reprehendendum videbitur, quod non ad Eloquentiam me totum contulerim, vel ignosci occupationibus meis poterit, quibus detentus tam elaboratam & politam orationem habere nequiverim. Accedit illa quoque causa, quod a cæteris forsitan ita petiti sunt, ut utrumvis saluo officio, & elegantiâ communitate facere posse viderint: A me autem is petiit, qui me & iure suò, & officiis omnibus cogere visus est: cuius ego neque potestatem in me, neque summa in me, fratresque meos merita, negligere debeam. His de causis ego hanc provinciam orator vnus accepi, non comparatus vnus, qui multo tempore instructus ad laudem accessissem, neque in adolecentiâ flore, ut suauitate vocis, & magna contentione dicerem: sed coactus præ omnibus, qui tot vinculis & tam acerrimis constrictus me expedire non possem. Forsitan queratis, quis iste tantus casus, & quæ tanta necessitas, quæ tot ac tantos oratores deterruerit, quo minus in laudem tanti Doctoris, quemadmodum consueuerint, orationem velint habere? quod adhuc multos ignorare non mirum est. Propterea quod abhinc triduum eius rei, quæ lauream hanc anteuertit, causa publicata est. Res ea est, sacerdotii in Ecclesia Hispalensi possessio capienda, cuius ad illum nuncii diplomataque Romani Pontificis auctoritate testata confirmataque venerunt. Hæc necessitatem attulit, ne sine laurea discederet: hinc aliorum Doctorum laurea noto & veteri more capiunda fuit.

*Exordium per præoccupationem, causas
officii reddens.*

SI quis vestrum Auditores, aut eorū, qui adsunt, forte miretur, me, qui ab hoc dicendi genere iam pridem abstinueram, atque ita cecineram receptui, ut rarò me proditurum in publicū

fuisse cuncti putarent, tam breuiter, vix vno mense præterito, in hanc loci celebritatem ad dicendum prodierint; is si orationis habendæ causam rationemque cognouerit, vnâ & id, quo facio, approbabit, & nullum apprehensioni relictum fuisse locum videbit. Cum collega trilinguis in hac Academia fuisset, Auditores, atque ex hoc collegio decessissem, vt aditum mihi in Theologorum sodalitatem patefacerem, factum est, vt cum nonnullum in meis vigiliis & laboribus, tum maximum in Doctore sapientissimo præsidium meis contentionibus positum esse arbitrarer. Itaque cum multi illius opem implorantes, ad illum supplices venissent, vt suæ petitionis causam contentionemque susceperet; se sæpe esse pollicitum, sæpe promississe dicebat, si quod tempus accidisset, quo aliquid ab eo requirerem, commodis meis, salutæ semper iustitiæ, se non defuturum. Venisse tempus respondebat candidatis, non iam vt causam meam, sed omnibus exploratam iustitiam defenderet, me heque hominem quidem in hac Academia, ad quem confidentius confugerem, habere, quod eorum gratiam studiis deditus, parietumque umbraculis tectus non magnopere acquisissem. Quas res labor in studiis, ingenia in litterariis actionibus, virtus in omni contentione efficere debuisset: eas omnes me nunquam non publicis omnium testimoniis præstitisse, rogare & orare, sibi veniam illi darent, qui fidem mihi iam diu astrinxisset, & sine summo scelere minime violare posset. Tuli grauitè & acerbè, Auditores, vt aut tanto Doctori videretur ingratus, à quo tantopere fueram adiutus: aut si ego, qui me ad aliorum lauream & laudem non admodum multis precibus antea contulissem, istius viri de me tantopere meriti temporibus & honore cohonestando non obtulissem. Diceris habere illum alios Oratores obligatos sibi, valdeque deuinctos, qui præsertim aliis temporibus, eisdem in contentionibus ab eodem adiuti fuissent. Quò ego exemplo ingrata animi labe aspergeret, si quam gratiam alii referebant, hanc ego non referrem, id mihi quam fuisset turpe, quis non aspiciet? Adductus igitur sum officio, fide, virtute, beneficiis omnibus, gratorum hominum exemplo, naturæ vi, lege communi, vt laudem præsentis laureæ ex sapientissimi Doctoris tempore florentissimo susceperem. Quæ in oratione, Auditores, illa me res magnopere delectat, quod hæc, quæ videtur ardua prouincia, non tam difficilis est, quam propter multitudinem rerum, de quibus à me dicendum est, iucunda. Commendo enim virum nobilem, sapientis-

pietissimum Doctorem, varia multiplicique cognitione præstantem. Quamobrem si propter materiã copiosam fuerat expetenda, hæc vna est, quæ nos in libero, lateque patenti campo compellet excurrere. Quod si hanc materiam tam copiosam, tam illustrem, tam singularem non haberem, si aut hoc vir iste sapientissimus non petiisset, aut mihi cum Doctore hoc Ioanne Ildenphonso causa tantæ necessitudinis non intercederet, & hoc quod facio, me ferendæ gratiæ causa facere non profiterer, ut homo singularibus in me meritis & beneficiis immortalibus aliquod à me grati animi testimonium haberet, tamen ut hominum sermonem fugerem, & linguas in me iure quidem optimo concitatas declinarem, in hanc theatri lucem prodire non recusarem. Quamobrem dum de illius laudibus & ornamentis maximis constituto breui tempore, verba facio, vestra me quæso singularis humanitas & attentio in finem usque prosequantur.

*Tertium exordium ex causis, cum partibus
absoluti exordii.*

QUamquam mihi semper frequentia vestri ordinis formidolosa, celebritas huiusce loci similiter ad agendum metueda, ad dicendum propter amplitudinem planè fugienda visa est: tamen præsentis aditu laudationis non mea me audacia, sed temporum difficultas, ne tacere contenderem, hodierno die fecit. Nam cum antea propter sapientiam vestram & tanti suggesti dignitatem non auderem in hanc theatri mediam celebritatem descendere, statueremque huc nihil nisi ex cultum labore, perpolitum arte afferri oportere, omnem meam industriam priuaris gymnasiolorum exercitationibus adhibendam putaui. Ita neque hic locus vacuus vnquam fuit bonis oratoribus, qui sanctorum virtutes commendarent, & meus labor intra domesticos parietes versatus, aliquam orationem magis elaboratam comparare sibi potuit. Nam cum propter huius auctoritatem loci ad orationis aliquam facultatem, copiamque consequendam magis incumberem, perfeci, Auditores, ut aliquid elaboratius, quam antea proferrem. Nunc cum & temporis tantum huic exercitationi tribuerem, quantum huiusce facultatis studiosi; & ad dicendum ætatis tatum accesserit, quantum vires & latera nostra ferunt, si quid oratione potuero, his feriis sanctissimi Læandri, qui nostris sæperebus opem & auxilium tulit tribuendum, deuouendumque censeo. Atque illud

imprimis mihi lærandum iure video, quod in hac prima ex hoc loco ratione dicendi materia, talis oblata est, in qua oratio nemini deesse possit. Dicendum est enim mihi de B. Læandri singulari maximeque virtute: huius autem orationis difficilior est exitum quam principium inuenire. Itaque mihi non tam copia, quam modus in dicendo quærendus est.

*Quartum exordium ex eisdem causis cum partibus plenioris
& absolutioris exordii.*

Immortalis gloriæ ostendendæ, quam in cœlesti regione sibi comparauit Beatus Hyacinthus, non casu aliquo, vel æmulatione proposita, sed partim opportunitate temporis oblata, partim dignitate sua hisce felicissimis temporibus, cum in aliis terrarum partibus celebrata, tum Hispali paucos post mentes celebranda, initium hodierna dies attulit, eademque occasione, quæ Heros iste sanctissimus sibi ornamenta peperit, ex hac loci celebritate commendanda. Tantam enim gloriam comparatam, tam eximium & immortalem ordini Dominicatorum honorem allatum, tam cœlestem ac plenè diuinam in sanctorum cœtu sedem adeptam, taciti nullo modo præterire possumus. Digo enim Hyacintho in sanctorum numerum adscripto, non solum illius virtutem, sed Matris Ecclesiæ felicitatem in tanta præsentium hæreticorum sentina laudatam ornataque video. Gaudeo enim, vehementerque lætor B. Hyacinthum, quidē sanctissima sacri Domini familia fuit, in tantam gloriam euectum fuisse. Nec sanè me facere officium filiorum egregiè fidelium satis vnquam purarem, nisi tantæ Religionis, atque nostræ fidei sanctissimo gloriosissimoque Patre, quibus modis, cuique darum esset, laudibus & honoribus affecto. Ergo & mihi, & reliquis mei similibus oratoribus cum gloria Patris celsissimi, tum honores ab omni fere Christiana gente tributis, quasi stimulos & calcaria, ad aliquid de sua sanctitate dicendum, admoerunt. Intellectum est istud maximè in feriis Hyacinthinis in Octobrem mensem, vt maior honoris accessio fieret, ab Hispalensi senatu reservatis. Ille quidem Pater sanctissimus fructus omnis antea actæ vitæ cum iam pridem à discessu animi è corpore in cœlesti aula tulerit: hac ætate felicissima exultatis Matris Ecclesiæ gaudio & incredibili lætitia tum tummo Romani Pontificis iudicio facto, & afflatu Spiritus Diuini ad illum in sanctorum ordinem adscribendum in his terrarum sedibus interposita

interposita auctoritate tulit. Ex quo profectò intelligi potest, quanta in B. Hyacintho sit gloria, & dignitas insignis, cum in comprobante sanctitatem suam non minor, quam Vicarii Christi IESU sit cœlestis celsitas & amplitudo diuina. Quod quidem B. Hyacintho suis maximis & cœlestibus meritis, iure quidem optimo contigit.

Quintum Exordium.

A Spectus iste vester iucundissimus, frequentiaque tanta, quantam me intueri gaudeo, & alacritatem mihi summam affert orationis habendæ, & spem laudationis susceptæ aliquæ ex parte satisfaciendi: quanquam enim animus mihi semper fuit in hunc locum veniendi, ætas tamen & anni defuerunt, qui simul atque accedere visi sunt, auidus equidem fui huiusce semper lucis aspiciendæ. Quod si antea id facere potuissem, nunquam tentare postea sine dubitatione desinerem. Hodierno equidem die, cum me & vestra dignitas & concio tanta recreauerit, fundamenta iacere potui orationum in posterum habendarum. Nam est commendatus à nobis Licentiatus dignissimus, & abundans iis ornamentis, quæ mihi materiam orationis amplissimam suppeditarunt. Atque ego tum erectior ad dicendum, quanto minore cum expectatione in hunc locum ascendi. Et quidem cum hodierno die primum prodeam in hanc theatri lucem clarissimam, paululum si ornate dixerò, adolescentiæ ignosci potest, cuius in vbertate summa inesse solet luxuries quædam, quæ annis & ætate depascenda est. Quam si primum accedens ad forum de se confiteri non est verecundatus orator, neque nos affici pudore debemus, si adolescentes elaboratum nihil & absolutum, in tanta præsertim literatorum & eloquentium multitudine protulisse videamur: in quæ tot sunt Roscii, quot auditores. Si quis in culpa ponendus est, ipse est præcipuè noster Licentiatus, cuius de laudibus, ut dicemus aliis præteritis consummatis oratoribus, in quos oculos conijcere potuisset, ab eodem tanta voluptate electi fuimus.

Quare dum munus demandatum oboeo, me quæso vestra
animorum attentio singularis in exitum
vique prosequatur.

Sextum exordium ab eisdem causis.

SI quantum in Theatris, locisque celebrioribus eloquentia boni oratoris potest, tantum in hoc concessu atque auditorum celebritate oratio mea valeret, nō minus in hac provincia, & munere demandato cederem orator eloquentium virorum orationi, quam tum in suspiciendā, cum multum ac vehementer obstiti deferenti. Verum & illud hominis esse putavi, qua de re provinciam oratorem suscipere oporteret, animis deinde non amplius contendere; & hoc constantis, qui cum fidem deponenti obligare decrevissem, eam suo tempore egregie fideliterque praeſtare. Atque ego quidem cum audax praeſcipue fuiſſe videbor in commendando homine doctissimo, tum impudens in hoc amplissimo loco tot virorum splendore charitateque decorato; non solum quod in hanc loci amplitudinem prodire ausus fuerim (quod tamen si audacter sit in materia difficili, tamen exemplo multorum non est tam temerarium) sed quod non dubitavi, id ipsum quod difficultatem habet, laudem scilicet tanti, & tam amplissimi viri meis viribus imparem confiteri; & quod nemo in tam exiguo spatio temporis ausus est, id mearū vitium imbecillitate tentare ausum esse. Nisi forte hoc rationis habet, quoniam cum facta vis fuerit, in tanta temporis breuitate, & amicorum & hominum de me bene meritorum coactu faciendum decreuerim. At si in hoc theatro more institutoque aliorum Oratorum, qui opinionis suae discrimen nullum subire voluerunt, non ageretur, ut primus in laurea Doctoris suscipienda Franciscus Antonius fuiſſet. Quia praeter spem, praeter communem cunctorum opinionem accidit, ut quod prorogatum tempus fuerat, id propositum fuerit multo ante, in curam Regiam (quod omnes sciunt) instante necessaria, celerique profectio. Quamobrem ignosce audaciae meae debet, quod tanto honoris mei discrimine temporis, quod ablatum fuit, rationem non habuerim. Nec impudentiae tribui potest, cum benignitati auditorum fidens, contenditis preces exaudierim tanto laudandi Doctoris commodo & utilitate praesenti; neque laudes virorum praestantissimorum ullius oratoris inscientia, aut inopia orationis veterem suam & illustrem amplitudinem amittunt. Quare dum laudes, viri praestantissimi utilitatibus serviens, voluntati morigerans, & honoris mei parum curans fretus benignitate vestra persequor, me ex hoc loco dicentem benivolis, & attentis auribus excipite.

Septimum

Septimum exordium. Ex eisdem causis:

ET si vecor, ne probro mihi detur, pro sapientissimo viro me habiturum orationem, in hunc locum hominem parum in dicendo versatum descendere, minimèque deceat, cum Doctor hic præstantissimus magis de re literaria, quam optimi quique Duces de militari gloriari possit, me ad eius laudem parum orationis elegantiam & ornatum asferre non posse. Tamen tot Principes eloquentiæ, & omnis generis literarum multitudo, quæ ad hanc lauream convenit, magis terret oculos meos, qui quocunque inciderint, florem eloquentiæ, & luminis totius sapientiæ intuentur. Non enim locus iste aliquorum parum doctorum hominum consessu, non ego exiguo studiosorum numero stipati sumus. Nam illi magistri eloquentiæ, qui non solum adesse solent, & coryphæi sacræ disciplinæ, cæterique reliquarum artium & disciplinarum principes, qui nisi semel aut iterum oculis Oratoris cernuntur, etsi ad decorandam huiusce diei celebritatem conveniunt, quanquam tantis honoris & gloriæ insignibus cohonestamur, afferunt tamen aspectu præsentiaque sua Oratori timoris non parum, ut ex hoc loco tot sapientissimis hominibus audientibus dicere sine timore magno non possimus. Quos si ex mei ingenii tenuitate & mediocri usu & exercitatione orationem æstimaturos magis, quam ex suæ eloquentiæ viribus & immenso ac profundo sapientiæ pelago censerem, deponerem profecto onus, nec inter tantam vim & magnitudinem artis oratoriæ, & sapientiæ, existimarem meæ orationi locum futurum esse. Sed me recreat eloquentissimorum & sapientissimorum hominum consilium & prudentia maxima, qui profecto nec inopiæ, nec tenuitatis nostræ putabunt esse, quem oratorem nunc primum ferè theatra hæc amplissima acceperunt, eundem posse tantæ suæ eloquentiæ, & sapientiæ maximæ horrida & inculta, & nunc primum ex umbraculis in hanc lucem prodeunte oratiunculâ satisfacere. Quamobrem tot Oratores antiquissimi, Iurisconsulti, Medici, Theologi sapientissimi non periculum honoris, sed favorem denuntiant, neque ut perturbato, sed ut pacato animo dicamus, hortantur, neque silentium modo orationi nostræ, verum etiam animos & alacritatem præsentiam pollicentur. Reliqua verò multitudo, quæ tota est auditorum, tota nostra est, neque sane quisquam eorum, quos undique stantes, aut confidentes extra cancellos suis in gradibus audire nostra ver-

ba cerno, & huius laudis exitum expectantes, non cum dignitate Doctoris clarissimi fauet, rum de se, de suis orationibus, de muneribus ad hoc theatrum demandatis, non aliquot postea diebus idem fieri iudicium posse arbitrabitur. Verum genus est aliqua ex parte aduersum, & infestum huic Oratoriae actioni, & eorum, quos orationes habitæ, verborum & sententiarum luminibus distinctæ claros & illustres oratores reddiderunt; qui celebritate nominis comparata nobis timorem etiam injicere possent; quorum laus cum multis orationibus illustris sit, admonere me debuit, ut hunc primum ad laudem istiusmodi introitum non deformidem, qui unam, alteram & plures orationes pro consequenda numinis gloria sapius habuerunt. Quamobrem adsum animo promptiori, & timorem quemcunque habebam, depono. Nam si unquam de laboribus, & de studiis, de sapientia omni honore decoranda cohonestandaque animi, voluntatesque perspectæ fuerunt, si denique unquam locus amplissimorum ordinum Patribus amplissimis datus est, ubi studia sua in literatos, & omnibus sapientiae ornamentis praeditos Doctores, & vultu, & silentio, & animorum perspicua benignitate declararent, hoc profecto tempore eam occasionem nacti fuerunt, ut ostendant eos, qui semper literis ac virtuti dediti fuerunt, quique tantas & tam mirabiles progressiones fecerunt, meritos fuisse, qui ab illis ornati decoratique hoc potissimum tempore, in persona tanti Doctoris, per eorum virtutem, beneficentiam, liberalitatemque cohonestentur.

Octauum Exordium. Ex eisdem Causis.

Summæ præpotentisque terrarum Imperatriciis, quæ diebus præteritis diem suum obiit, vitæ integritatis ostendendæ, non consuetudine Hispaniarum, sed partim rerum suarum admiratione, partim Regii, Imperatoriique sanguinis virtute perspecta, necessitatem præsens exequiarum dies attulit, eademque materiam, quæque dolorem efficiet, quæque augebit vehementer in tanto funeris mœrore demonstrabit. Tantam enim Imperatriciis dignitatem, tam summam præcellamque maiestatem, tam incredibiles illius admirandasque virtutes, tantam in summa Imperatoriae maiestatis gloria benignitatem, tam denique memorabilem, ac plane celebrandam religionem, summo studio ac pietate proferre debemus. Imperatrice enim cel-

fissima

ssima commendata, non solum illius stirpem Regiam & Imperatoriam, sed Regias & Imperatrice Christiana dignissimas virtutes commendatas prædicatasque video. Admirati enim fuimus, ac vehementer admirati, cum videremus talem ac tantam Imperatricem, quæ in tanto honore & gloria fuisset, tanta præditam fuisse sanctitate, in tantæ præsertim dominationis, ac florentissimæ fortunæ gloria, quæ res diuinas, quæ Deum immortalem sæculi tumultu & inanitate non raro quidem obruta obliuisci s' let. Nec mihi persuadere potui, nec fas esse existimaui prætereire diem hunc silentio, tanta, tamque supremæ præponentiq;æ Domina tantarum virtutum & ornamentorum cœlestium particeps non honore istiusmodi eximio & illustri decorata. Ergo & mihi inusitatam hanc, & ad hodiernum vsque diem præclusam viam tantarum virtutum admiratio religioque patefecit, & omnibus votis ad beneuolas aures attentioresque mentes præbendas faces ardentes admouit. Intellectum est enim omnibus quidem in his ornamentis celebrandis, & maxime in pietate sanctitateque commemoranda, cum Imperatricem Christianissimam religiosissimamque Regi potentissimo, Reginæq; cum illa sanguinis communione coniunctis, tot Principibus & Magistratibus Hispaniarum in tanto dolore ac mœrore versantibus ostenderimus, commemoratis præsertim illius præclarissimis actionibus, tot virtutibus ac moribus integerrimis, & extantibus in Christianam Religionem, tot eiusdem meritis immortalibus, illos omnes & Reges præcipuè potentissimos huiusce sæculi gloriam quancunque, & splendorem, claritatemque Regiæ maiestatis Beatorum honoribus & dignitatibus sempiternis conaturos anteferre. Illa quidem fructum omnis antea actæ vitæ in cœlesti aula maximū iam accepisse cogitare debemus, cum summo gaudio Beatorum omnium, tum maximæ, sanctissimæq; Triados, quæ merita bonorum cumulatè compensare nunquā desinet, & efficere præmiis immortalibus, maximis, magnificentissimisque benignitate consueta. Ex quo intelligi debebit, quanta in virtute diligentissimè, sanctissimeque semper culta sit dignitas, cum in acceptis præmiis tanta spectetur in Dominam celsissimam diuini numinis largitas ac beneficia. Erit verè fortunata illa, cuius ex meritis & virtutibus maior multo consequuta, quam in hoc sæculo perfruebatur, & perfrui poterat, ad animum gloriæ magnitudo redundauerit. Quod quidem sanctissimæ Imperatrici

iure

Iure quidem optimo accidit: quæ enim est illa ex omni genere mulierum in tanto honore & gloria versata? quæ aut generis claritate, aut pietate, aut religione, aut omni genere virtutum præstantior?

Novum exordium in laudem B. Sebastiani.

Cum propter egregiam ac singularem B. Sebastiani, Iudices, in Hispalensium salute custodienda & crude illima pestilentia à nostris ciuibus, à viris, à mulieribus auertendâ opem allatam & auxilium singulare, tum multos & bonos Poëtas, & egregios Oratores eius laudibus viderem accessisse præcones, capiebam animo non mediocrem voluptatem, quod cuius intercessio apud Deum immortalem vniuerso populo Hispalensi saluti fuerit, de eiusdem, bonorum & egregie fidelium ac gratiorum oratorum consensu, maximis & immortalibus meritis celebrandis, in vulgus exeunte literarii certaminis edicto conuenisse viderem. Cum autem audirem plures, partim Poëtas, partim Oratores, multo alacriore, quam aliis annis, studio ac religione flagrantibus dicturos esse, salutem acceptam, conseruatamque, maximè cunctorum studia, religionemque excitasse gaudebam, magisque ac vehementius gaudebam, si ob eam causam nostrorum Poëtarum & Oratorum maior esset numerus ac multitudo, quod illæ appetit suam, & parentum, & ciuium salutem, & vitam precibus, intercessione, patrocinioq; texisset. Nunc etiam vester, Iudices, conspectus & confessus iste magis reficit & recreat mentem meam, cum video vos ad hanc diuinitatis celebritatem auctoritatem tantam, & Oratoribus alacritatem afferre. Video enim ex vobis neminem, cui orationes gratæ non sint, cui poemata non iucunda, cui laudes tanti Principis non acceptæ admodum, & attentis ac beneuolis auribus non excipiantur. Quamobrem non extimesco, quod in suis orationibus extimescere solent præstantes Oratores, ne nostra nunc Oratio parum à vobis attentè audiat: qui B. Sebastianum maximè ornatum, prædicatumque vultis, beneficiorum, quibus obstricti estis, memoriâ sempiterna: sepiusque mihi venit in mentem admirandos vos fuisse in B. Sebastiani virtutibus ad prædicationem proponendis, studiosissimos, appetentissimosq; illius honoris, & alicuius, si non paris, referendæ gratiæ, ut illius opportunissimo tempore magis, quam aliorum Ecclesiæ Principum maximorum sanctitatem, religionemq; colatis. Quamquam

quàm mihi non sumo tantum Patres, neque arrogo, ut meam orationem D. Sebastiani maximis erga nos meritis facturâ satis esse putem: sed ut gratû me, & memorem beneficiorum præbeam, integerrimam cum vitam, sanctissimos mores, summam fortitudinem, inuictâ patientiam, constantiam, mortem, gloriamq; consequutum ostendam. Quod si omnia non præstitero, quæ sunt à bonis Oratoribus præstanda, petam à vobis, Iudices, ut cuius precibus ac patrocínio mea, parentum meorum, vestrum omnium, nostrorum civium, utriusque Senatus, & urbis & Ecclesiæ salus custodita sit, qui gratus videri voluit, vos ei vestram veniam tribuatis. Equidem ad hanc prouinciam, quam in tanti Martyris laude arduam ac difficilem suscipio, istud consolationis accedit, quod mihi non solum de B. Sebastiano dicendum est, cuius dignitatem magis, quam res alias quascunque nostri status ac fortunæ, quam honorem, quam vitam nostram cohonestare vellem, sed etiâ de eodem alii Oratores, qui plura, quam ego de illius virtutibus, ac meritis in nostram ciuitatem extantibus dicent, in hunc locum dicturi conscendent. Vos me dicturum, ne tanto viderer officio defuisse, quod cœpistis & optastis facere, attentis beneuolisque auribus excipite.

*Decimum Exordium ad Orationem, in laudem Beatissimi Ignatii Confessoris, & Societatis IESV Conditoris
ex causis petiturum.*

SI quis vestrum expectat causas orationis habendæ in Beatissimi Ignatii Confessoris laudem iustas ac necessarias, quibus non gloriæ inanis cupiditas, sed necessitas in hunc locum vestrum Oratorem adduxisse visa est, is spectet quis ille sit, qui dicat, & officio me parentis adductum hanc suscepisse prouinciam minimè profectò mirabitur. Adductus sum enim officio cohonestandi Parentis mei, honorandique oratorio munere feriis hisce sacris ac solemnibus Beatificationis nunc primum ex instituto celebrandæ. Tantam enim feriarum celebritatem, & nunc primum Romanorum auctoritate celebrandam, tam insignem, & præclarum honorem, tam cœlestem ac diuinam gloriam, cum aliis modis & rationibus, cum ritibus & cæremoniis Ecclesiæ sanctissimis colendam, tam venerandam ligatâ solutâque inter nos oratione si filius aliquis prætermisisset, id benè de Parentis pietate iudicantium reprehensionem optimo quidem iure veniret. Parentes enim cum iura diuina

& humana nobis colendos, summopereque venerandos proponant, & imperent, ipsa etiam natura tantam in seuit in filiorum animos pietatem, ut de illorum honore dies noctesque cogitent, & ubi paterni nominis gloria agitur, ab illorum paribus augendis, agendisque capitis etiam periculo auocari nequeant. Quæ si in humanis in corpore, in honore sæculi tantam vim habent, in cœlestibus, in animo, in Beatorum gloria quanta pietate & obseruatione in Ignatii Parentis optimi sanctissimi que cultum ac Religionem imitari debemus, cum hoc sit tempus illud, & primum, & tam solenne, illius colendi suscipiendique Pauli V. Vicarii Christi Iesu auctoritate decretum? Est equidem iustum ac pium officium & Religioni debitum, & omni iure quidem urgente præstandum, & multò magis quod ad animum, quod ad cœli gloriam totum conferatur, dato mihi, reliquisque alumnis simili Francisci Dominici, reliquorumque Ecclesiæ Patriarcharum Duce ac Principe clarissimo. Neque me audaciæ accusabit quisquam vel insolentiæ, quod in tam celebri, maximè que bonis Oratoribus patenti campo nostram excursare videam orationem. Quin ea potissimum de causâ huic cœlesti Principi inservire possum, ac debeo, cum neque in audaciâ, neque in superbiæ crimen venire valeam, qui in aliis feriis Sanctorum solennibus cum aliqua laude versatus fuerim, & in tanta rerum copia materia deesse non possit, cum modus potius quærendus sit, quam rerum sylvarum & alacrem reddens Oratorem. Quamobrem dum de Beatissimo parente Ignatio, nunc in Beatorum ordinem adscripto, verba facio, me quæso vestra benignitas in finem usque dicentem excipiat. Ac ne quis vestrum quærat, quibus de rebus dicturus sim, hunc mihi proposui defixique orationi scopum, quæ non virtutes omnes perlustrat, (hoc enim multos sibi dies postularet) sed gloriam immortalis

Dei; in quam ab incunabulis translationis suæ, ad vitam meliorem, verba, facta, cogitationes, ut nec minimum deflecteret, forma constantiq; æqualitate, dirigendas, conferendasque decreuit.

* *

*

Occupatio.

QUæret aliquis, cur tot Exordia cumulauerimus? Primum, quòd quo plus auri & argenti aliquis cumulauerit, u locupletior erit, tum ut intelligat Rhetor olim veteri Romanorum memoria maiorem Exordiorum partem à causis & Praoccupatione petitam fuisse. Quod in Ciceronis Exordiis, quæ in nostris adumbrare studuimus, Eloquentia studiosus, Oratoris volumina adiens, versansque diligenter, agnosces.

Narratio.

Rem vobis, quemadmodum gesta est, breuiter narrabo: Adolescentes, quoniam Bacchanalia instaurabantur, adierunt cum gallo gallinæco in campum longè lateque patentem ad gallum agendum. Quem simul atque de manibus emissum viderunt, malis medicis appetere cæperunt, Vnusquisque dabat operam, ut alterum cursu præiret, nanciscendi galli, & euellendæ plumæ afflictius causa. His ad multum tempus vis incredibilis malorum medicorum in miserum gallum coniciebatur, quem multitudine agitatorum appetitum, malè vexatum in orbem concluserunt, ut conficerent aliquando, & ad alias se delectationes conuerterent. Quærere exitum gallus, si qua peteret: qui cum ex omni parte præclusus esset, propinquior agitatoribus magis ac magis obruebatur malorum multitudine medicorum, usque eo, quoad à ceruicibus caput abscissum, & in triumphî similitudinem, cuspidè gladii affixum, gestatum est: ut speciem pugnæ commissæ spectatoribus agitatores præberent.

Vides in hac Narratione auctores ludi adolescentes, fines Bacchanalium celebrandorum, atque instrumenta, mala medica, gladium. Effecta sunt vexatio galli, nec allata.

Alterâ Narratio, Scelus Iudæ terribili ex
eisdem causis ostendens.

Scelus nequissimi Iudæ propter insignem prodicionis nequitiam paucissimis verbis perstringamus, qui tantæ fuit auctor improbitatis, ut Dominum & præceptorem suum hostibus crudelissimis prodiderit. Atque ille nuntio iam remisso Apostolorum dignitati, totus sudans & anhelans præibat, festinans & acc-

& accelerans, vt Assertorem generis hominis proderet: cui obuiam processerunt satellites armati gladiis, & fustibus muniti, Iudâ terribilissimo duce festinationem accelerante & excitante: Quem cum intuentur, ab Assertore vno verbo facto armorum strepentium fragore summo, humi cecidére resupini, quasi cæci & amentes. Neque surgerent, nisi facta potestate per Christum Iesum. Hic illi diuinæ potestatis obliti, quem osculo notauerat & designauerat Iudas, hunc tantum Dominum à fronte, à tergo, & à lateribus quam tumultuosissimè adoriuntur. Strepitu, tumultuque tanto surgere Iudæi excitati, virique ac mulieres, exilire de lecto, proferre capita de fenestris mirari comprehensionem, percontari de comprehenso, multi clamare scelus indignum, & ob stupefcere comprehensionis iniquitatem, propter summam Christi Iesu virtutem, & quam prouiderant, & audierant magnitudinem multitudinemque miraculorum stupendam, clamare multi scelus indignum, facinus flagitiosum: mulieres, quæ natuta sua misericordes sunt, eiulatibus complere omnia: satellites nihilo minus moueri patientiæ Agni spectata magnitudine: Ictibus multis pulsare, propellere mitem Agnum, rapido citatoque gradu sudantem, anhelantem trahere, & inter trahendum dictis factisque, & modis omnibus indignissimis tractare.

Confirmatio.

Erigebant & confirmabant sese ad omnem subeundam dimicationem Martyres inuictissimi. Neque aliter fieri poterat, vt tantam vim & acerbicatem suppliciorum perferre possent; nisi Deus ipse vim & robur inuictum tribuisset in tanto discrimine & fluctibus in Martyrum vitam redundantibus, atque diuina consolatione, gaudiis cœlestibus, diuinitus sæpe obiecta visione, cumulasset. Quin & precibus Sanctorum adductus, & ad ostendendam fidei Christianæ præstantiam, ad Religionis causam, pro qua fortiter occumbebant, illustrandam miracula plena admirationis & inauditi stuporis edebat, quibus sic efficiebantur spectatores, vt erroribus suæ sectæ relictæ, Christianorum sacra susciperent, & darent seiplos, præter opinionem, in medios rogos & flammæ ardentes. His erecti confirmatiq; rebus Martyres fortissimi, supplicia tyrannorum exquisita, Religionis defendendæ causa, subibant. Atque cum certo scirent illos manere gloriam cœlorum sempiternam, honores Beatorum nullo xuo perituros, voluptates veras & solidas, & quod
omnium

omnium præstantissimum est, aspectum sanctissimæ Triados, ad hanc felicitatem assequendam totos neruos & vires corporum, animorumque contendebant. Pro secundâ feliciq; Beatorum fortunâ consequendâ mori gloriosum ducebant, & milles, si toties mortem oppetere potuissent, vitam cum sanguine profundere huiusce finis adipiscendi gratia desiderabant. Non genera suppliciorum expectabant, sed occasionem opportunitatēque temporum turbulentiſſimorum oblatam. An obliuisci possumus Laurentij crates ex ferro factas, ad ignem admotas, flammarum ardore flagrantēs, in illas corpus imponi, tanquam in currum triumphalem gaudēbat. Latum & hilarem vultum ostendere, verba tyranno fortiter facere, hortari carnificem ad verſandum in alteram partem latus, & ad edendum, (quod alterum satis costum latus vi defecit) tyrannum inuitare, medijs in flammis, flammās ipsas Martyrem ducere rosas atq; flores suauissimos, gratias agere Deo immortales, cupere vehementer & adeo precari summo opere vt flammæ magis ac magis inualescerent, & per multū tempus illarum vis ardorq; permaneret. Quid Catharina (vt alias nostræ fidei Virgines omitam) an rotas ligneas vel ferreas gladiorum acerrimorum acie multiplici confertissimā incitata celeritate conuersas nostris mentibus villo vnquam tempore excidere posse credimus? Quæ forma, quæ materia vtriusque machinationis? quam horrida, quam formidolosa? Vtramque Laurentius & Catharina adieciunt, & constantissimè pertulerunt. Quo magis torquentur Martyres clarissimi, maiores animos suscipiunt, plus roboris ac firmitatis accipiunt, & ostendunt formam & pulchritudinē animorum suorum, qui medijs in cruciatibus ludos spectare, & apparatissimis se interesse spectaculis vili sunt, gaudijs omnibus perfusi, atque voluptatibus affecti diuinis, breuiter recepturi laborum & cruciatuum suorum absolutam perfectamq; mercedem: qua nihil cumulati⁹, nihil maius, nec magis expectandum esse videatur. Ita comprehendebantur, vt ipsi darent se se in hostium suorum manus: ita manicis compedibusque constringebantur, vt illi manus & corpus libenter vincendum constringendumque traderent: Ita ignominij afficiebantur, & omnibus contumelijs onerabantur, vt se beneficijs immortalibus, atque diuinis honoribus affectos putarent: Ita denique tradebantur in necem, in crucem, in tormentorum omnium acerbitates, vt ad vitam meliorem, & nullo vnquam no interituram se proficisci non dubitarent. Sic Heroes in præstantes,

& præclari, cruciatus huiusmodi, tanquam obsides futuræ gloriæ, & immortalis vitæ à summo præpotentique Deo datos, assiduè vehementerque precabantur.

Refutatio.

Hic ego contendo, neq; credibile fuisse, virum hunc in *has* pecunias cupiditatis oculos adiecit, neque ullam fuisse causam adiiciendi. Non habitum, non formam auari prætulisse, neque vquam in munitissimum locum, etiam si maxime vellet, hominem hunc potuisse aditum habere. Quod si aut vllum ex his nummis in manus hominum venisse suspicio fuerit, aut vlla res exiterit, in quam contulisse pecunias necessarium fuerit, hunc hominem crimini affinem putatote. Primum enim non infimum asserimus, sed principem facile vicini-
tatis locupletem & copiosum, pecunijs abundantem, dantem de suo largè nimis, atque liberaliter, alieni nunquam appetente quin sustentantem & augentem rem aliorum familiarem, mutuas dantem passim pecunias & erogantem inopum & egen-
tum hominum generi. Quod si causam habuisset cur eas pecunias appeteret, non mirarer. At quæ causa potuit esse locupleti? Grandis pecunia fuerat? eâ nos curâ liberauit aduersarius, secundum quem ad centum nummos aureos non peruenerat, aut si accesserat, summam hanc non superabat profecto. At decrant homini pecuniæ: qui hoc tempore loculos pecuniarum refertissimos habebat. Et constat inter omnes, hoc ipso die, quo pecunias ablatas dicis, hunc eundem grandem pecuniam mutuam dedisse. Quid deinde? à nemine visus ex domesticis? non in breuiore, non in longiore pallio, non in habitu atque formâ furantis? non postremo vr is, qui nosceretur communi vestita? Quid denique locus ille, in quo arcâ erat, quæ continebat summam huiusmodi, patebat? communis erat? an vero remotum cubiculum, in quod heus se concludebat, & arcum habebat duplici clauis conclusam, obseratam, obductam ferro, quo priusquam penetraret, à ianua, & aditu multiplici perueniendum erat? Auditus strepitus? vox illius audita? comprehensus ab aliquo? è manibus euasit arreptus pallio? illud reliquit, in fugam se celeriter coniiciens? Nihil horum. Quid ergo testimonium falsum dicis, & apertis indicijs accusatio tua mendacij arguitur, tanto tuo probro ac dedecore manifesto?

Repre-

Reprehensio.

Illene literatus homo, ex vestris Gymnasijs eijcietur, et Academia Complutensi amandabitur? Qui vestram ornavit Academiam, cathedram moderatus fuit primariam per multos annos, tantam laudem comparavit indulgentissimæ matri? Qui Princeps Theologorum, qui Parens tantæ Academicæ habebatur, qui ubicunque fuisset, siue in consessu Doctorum grauissimorum, siue in aliqua prouincia demandata, nihil nisi gymnasiorum vestrorum utilitatem, nihil nisi parentis gloriam & honorem appetebat? Agite qua de causa? quis hoc non reprehendet, inceptorem perfectorem, que tantorum operum, & auctorem tantarum utilitatum & commodorum ex officina literaria excludi, eijci, amandari? O rem non modo visu scdam, sed etiam auditu! Ut homini alteri, hoc Doctore multo inferiori, locus honorarior daretur, ut paucorum suffragatorum cupiditas hominem eadem patria natum adiuuaret, & ad cathedram prouheret primariam immoderata & insatiabilis, fecerunt ij, qui neque leges, neque iustitiam seruauerunt, neque Deum suis in suffragijs ferendis ante oculos proposuerunt. At qua in re? in cathedra primaria, quæ pondus & momentum est rei literariæ summum, qua iacente iacebunt reliquæ: ab hac enim (ut ita dicam) reliquæ vitam & spiritum accipiunt ad impertiendas scholasticis utilitates literarias. Requiritur vero quemadmodum cum hæc ita sint, ad facinus isti suffragatores tam fuerint audaces? Quia taciturnum Doctorem nostrum, quia nihil loquentem, quia certum de cathedra, & ob eam causam nihil ad suffragia incumbentem viderunt. Ideo magis ad nequitiam auferendæ cathedræ oblata occasione, totis ita nervis contenderunt, quoad consequuti fuerunt, & minus docto nefarie, scelerateque detulerunt. Hæc forma Academicæ? hæc species bene constitutæ Reipublicæ literariæ? diripi, spoliari matrem auidam suis ornamentis, & Doctoribus orbari, per summum scelus, atque nequitiam eijci, exterminarique sapientiam, decus & honorem eripi? Quo boni Academicæ filij se conuertent? Quem optabant, quo cum contenti erant, & feliciter rem literariam procedere gaudebant, hunc de cathedra non solum deijci, sed squalidum, atque fordidatum, ab Academicæ gremio complexuque diuelli æquis animis videbunt? si quod vnquam tempus lugenæ calamitatis fuit, istud profecto lacrymas extorquere possit.

Sed finis sit, neque enim præ sensu, præ dolore acerbissimo longius progredi valeo. Precemur tamen à Deo Optimo Maximo conuersionem hanc temporum, & ut inclinationem fortunæ benignis oculis intueatur.

Enumeratio causarum in Epilogo.

QVare si nos hostes, lacessunt quotidie, si imminet cum exercitu & copijs & classibus instructis imperio nostro, &eductâ toties acie configere nobiscum ac rrimè nõd-sistunt: Si tot amissimus ornamenta pacis, sūt sidiæque Reipublicæ: si vidimus agros vasta i, cladem finitimis populis inferri maiorem audimus: Si hæc non alio, quam ad gloriam nostræ Reipublicæ imminuendam, ad minuenda vectigalia, ad bona ciuium diripienda abhinc tot annis acerrimis alijs hostibus, bello graui diuturnoque configentibus, fœdatam & prope perditam habemus, cum neque muris ipsis altissimis, ex saxo factis fortissimo, non a hæneis portis muniti, non diuerso genere telorum, non omnibus tormentis, instrumentis vsitatis, bellicisque machinationibus tueri ac defendere potuimus. Si sæpe victi fuimus, atque prælijs multis partim in fugam coniecti, partim nostrorum internecione facta miserrima, malis omnibus oppressi. Quid expectamus amplius? quin pacem, quæ nihil habitura sit insidiarum, honestissimis conditionibus accipiamus.

Amplificatio in Epilogo per Causas ad affectus mouendos.

OSpes fallaces! O cogitationes inanes! sperabam equidem hoc robore, atque hac firmitate virium, quæ sunt adolescentis robusti, me semper futurum esse, neque mortem quidquam rei habituram esse mecum, in senectutem vsque non aggressuram, nisi post ir ultos annos, post captatas voluptates, & perceptas huiusce vitæ iucunditates. Id temporis, cum iam ad me rediissem, & in gratia Dei immortalis fuissem: O spes fallaces! O cogitationes inanes! inopinantem mors inuadit, in medijs voluptatibus, in medijs delicijs, atque ipsius sæculi iucunditatibus. Itaque mors fregit & debilitauit vires, præcidit machinationes omnes & inanissimas turres quas mente architectatus fueram inscius & ignarus consilij. Mors imminere visa est, quæ propter morbi grauitatem, propter desperatam à medicis valetudinem non multum abesse potest. Quidnam? quid

acerbissimo lo-
optimo Maximo
ionem fortunæ

ninent cume-
rio nostro, &
è nõ d-sistunt
Reip. blicæ:
inferni maio-
m nostræ Rei-
bona ciuim
us, bello gra-
po perditæ
factis forti-
enere telo-
ris, bellicæ
Si sapem
niecti, pat-
is on. nity
quæ nity
ous accipio

equidem
nt adole-
em quid-
e non ap-
otates
m isma
pes fu-
adit, a
cultu
ræcio
archi-
ere vi-
ram
ram
quid

quid iudici supremo, quid largitori bonorum omnium, quid auctori vitæ Deo Optimo Maximo respondebo? qui me viribus integris, bona valetudine, & alijs opibus maximis fortunauit, ut scirem, & obedirem suæ maiestati, & itineribus diuinæ Legis progrediens, ad cælorum gloriam aspirarem. Fregi mandata sua, violau. Legem diuinam, laxavi habenas sceleribus ac flagitijs omnibus, atque in his sum angustis, his mortis impendentis difficultatibus opprimor, ut ex limo & argilla factus, qui mortem nunquã ad futuram putaram, mortis videar, & appaream effigies, ossibus dentaxat consistens, proculdubio morti propinquus, atq; etiam breuissimè sine dubitatione moriturus. Quid agam? Peccauì, sceleratè feci, ad tuam, bone Iesu, clementiam confugio, qui spem veniæ de cruce sanctissimã dedisti, & apertis protensisque brachijs in sinum complexumque tuum vocasti. Grauiam mea scelera fuerunt, sed maior est profecto tua pietas, & infinita benignitas, quã dolentes, lugentes, supplices atque prostrati ad tuos pedes veniam suorum scelerum à cælesti tuâ Maiestate coniequuntur. Dolendum est homini propter flagitia sua? dolorem profecto vellem quàm maximum accipere, disrumpi, diuellique viscera concupiscerem præ sensu, præ lacrymarum ingenti multitudine. In clauos, in crucem, in mortem tuam intuenti mihi dolorem affers maximum, & efficis maiorem, quam explicare possum. Qui sensum hunc ex corde duro & adamantino haurire voluisti, spem consequendæ cælestis immortalitatis iniicies, ut minimè peccatorum veniam, neque Beatorum gloriam desperans, sed in te vno, in tuis cruciatibus, & in meritis passionis immortali-
bus spem salutis meæ ponens, animam exhalet.

Officia causarum: Ad laudem ex Efficienti.

Sed cum parentum tuorum præstantiam, cum illorum in rebus gerendis consilium, & prudentiam singularem, & tantam sui nominis in hac ciuitate memoriam relictam recordor, perspicio id, quod omnes iure optimo dabunt, te veram parentis similitudinem, & imaginem expressam fuisse: ut quis te nouerit, qui te viderit, parentes tuos non desideret. Ita in oculis, in ore tuo, in grauitate, summa in statu & incessu, in omni motu corporis, cum appositâ ad Rempub. gerendam dignitate, & quod caput est, in actionibus vitæ præclarissimis, in conseruandâ, tuendâque Republicâ, in omni procuratione muneris publici, cum integritate maximâ, sine fuce villo, vel pigmentis vanæ

simulationis, parentum viuam effigiem ante oculos ciuium videntem spectandamque proposuisti. Sic tibi honorificum est parentibus natum fuisse clarissimis, & in omni benè morata ciuitate cunctorum Sermonibus & laude cohonestatis, vt ab illorum tu virtute non degeneraucis: peruersitas enim filiorum parentum sæpe laudes obscurauit; quemadmodum præstantia bonorum, contemptam & obscuram familiam è tenebris in lucem vocauit. Quamobrem sic affectus esse debes in posterum, vt incepisse te putes: insistere vestigijs parentum quotidie magis enitaris, neque desistas, donec ad similitudinem patris deductus, cum illius mores & vram imitatus fueris, aliquod tuæ virtutis in hac ciuitate monumentum statuas; quo præsentibus non solum homines tuam virtutem laudent, facta efferant, sed & posterius ad tui memoriam præclaris virtutis tuæ positus statutisque monumentis excitentur. Hæc enim excellens virtutis præstantia, quæ nota non solum hominibus suæ ætatis fuerit, sed ad omnem posteritatis memoriam æternitatemque propagatur.

Viruperatio ex Efficienti.

Virerer equidem mendacij notam, qua merito deberem iniuri, si te parentis tui similem dixissem: tantum abest vt prædicare fuisset in animo. Nam quoties mores improbos, vitam nefariam, & omnia ad perniciem præfligata in te vno fuisse video, non solum parentum nobilitate, tanta virtute filium indignissimum iudico; verum etiam vix apud me statuere possum, an ex illo te genitum dicam, & susceptum in hanc lucem. Nam filij parentum aliquam speciem & adumbrationem habere solent, & tales pleiunque totus esse videntur, quales fuerint parentes, quorum stirpe procreati sunt: at in te nullum adumbratum paternæ virtutis vestigium, quid expressum insigniter dicam? Verè nominandus inter illos, qui a parentum virtute contestatà descenderunt, atque ita deflexerunt, vt, cum se parentum insigni virtute prædicatorum nominarunt filios, se magis execrabiles, magis detestandos, & omni odio dignos præbuerint, quam si numquam tantorum se parentum filios iactauissent. Cum tuis nefarijs sceleribus, libidinum illecebris, & in omnem intemperantiam effusis cupiditatibus, dedecoris & ignominie maculis inultis tuo nomini, quantum in te fuerit, tenebras rebus præclare gestis & virtutibus parentum tuorum offundendas curaueris, non adducar profecto, vt te filium tantorum parentum appellem.

Ad Suasione[m].

QUOD si parentes tuos intueri velis, & quantum ille laudis generi suo attulerit considerare, daturus operam es, ut ijs, à quibus progenitus es, & susceptus in hanc lucem, respondere studeas. Quos vero principes tuæ familiæ poteris appellare, & de tantis, tamque præclaris patentibus iure quidem optimo gloriari, & illorum virtutes atque res præclare gestas sine vanâ orationis suspicione, omni loco atque tempore publicis priuatis sermonibus prædicare; hos si tibi proposueris imitandos, & facta gloriosa in memoriam redegeris, & ad res militares, & ad omnem statum Reipub. & ad maiorum tuorum verum splendorem retinendum excitaueris, qui & in bello clari fuerunt, & ad difficiles & periculosas contentionis, sæpe terrâ, marique electi Duces, in omni vero administratione Reipub. principem in Senatu locum obrinuerint; si his itineribus procelleris, ad illorum imitationem te totum contuleris; horum te filium, paternæ virtutis æmulum & imitorem, tantorum parentum excellenti præstantiâ dignissimum iactare sine pudore queas. Quem cum aspexerint omnes, non oris solum dignitate, omnibus corporis lineamentis, sed quod præstantius est, & in quo vera laus inest, virtutis, consilij, industriæ, fortitudinis paternæ viam effigiem intueantur.

Ad dissuasionem.

QUOD si penitus perspicere volueritis conditorem, & in illius mores nefarios, deprauatamque vitam intueri, ciuitatem in colendam non magnopere putabitis, à latrone sceleratissimo constructam, & ad sua latrocinia, ad suas rapinas & ad incurSIONES faciendas magis edificatam dicetis, quam ad hanc terrarum partem, tanquam amœnam & salubrem sedem deligendam. Qui si non in animo habuisset in abditis & tenebricosis locis habitare, in humidis atque palustribus, in deujs atque syluestribus, quo se post spoliatos, necatosque viatores recepiſſet, quod faciles aditus paterent nemini, ingredientibus autem in cœno statim inhærent, progressi longius dumetis, & virgultis implicati, non se expedirent prius, quam in occulto receptatore latronum loco necaretur: nunquam ad situm, & positionem loci palustrem, humidam, difficilem, totamque penè syluestrem captandam oculos adieciſſet.

De partium distributione.

Herbetius diffinit, partium distributionem, alicuius generalis in suas partes diductionem esse. In partium enumeratione continetur, diuisio, partitio, distinctio.

Diuisio est proprie, qua genus in suas formas distribuitur, de quibus in nominandi casu dicitur, ut virtus distribuitur in Iustitiam, Prudentiam, Fortitudinem, & Temperantiam. Dicimus enim: Prudentia est virtus, &c.

Partitio proprie est distributio, qua totum, aut integrum in suas partes distribuuntur, de quarum singulis non potest dici in nominandi casu, ut domus in pavementum, parietes, tectum distribuitur, & non dicimus: domus est tectum, nisi per metaphoram.

Distinctio est vo. in suas significationes distributio: cavia, aut animal terrestre, aut aquatile, aut sydus coeleste significat.

Distributio est duplex; vna perfecta, altera imperfecta. Perfecta est, qua constat omnibus partibus. Ut Rhetorica constat quinque partibus, inuentione, dispositione, elocutione, memoria, pronuntiatione. Imperfecta non omnibus constat, ut si dicas, Antonium exhausisse bona Pompeii, & ades, hortos, suppellectilem, vinum, aurum, argentumq. numeres.

Cum velis vii perfectâ partium enumeratione, sic vteris, nullam vt partem relinquant. Ut si velis probare calliditatem non esse virtutem, id ita probes: Calliditas non est iustitia, neque prudentia, neque fortitudo, neque temperantia: non igitur est virtus.

Diuisio neque plura, neque pauciora habebit membra quam diuisum. Hac enim diuisio; virtutum altera est fortitudo, alia prudentia, alia iustitia, imperfecta est: deest enim membrum vnum, nempe temperantia. Vitiosa quoque est

hac:

hec: Rhetorica diuiditur in inuentionem, dispositionem, elocutionem, memoriam, pronunciationem, iudicium: nam redundat iudicium.

Velim te tamen admonitum habere, vti Rhetores frequentius imperfecta enumeratione, eamq; probari sapientibus ad amplificationem: satis enim est si illa partes numerentur, quae ad rem presentem pertinent.

Atque illud notandum est ad partium distributionem quamcunque, nullo discrimine Oratores vti nominibus, partium enumeratione, partium distributione, non tam rei, quam elegantiae sermonis inseruietes.

Omissam de industria, quae vulgò dicuntur distributiones fortuitae, cum subiectum distribuitur in sua accidentia, aut accidentia in sua subiecta, vel accidentia in sua accidentia. Subiectum diuiditur in sua accidentia, vt hominum, alij magni, alij parui, alij patres, alij filij, alij docent, alij docentur, alij in Asia, alij in Africa, alij in Europa. Accidentia in sua subiecta diuiduntur, vt arborum, aliud nix, aliud populus, aliud calx, aliud cerussa, aliud equus, aliud paries: sapientium, alius Paulus, alius Salomon, alius Plato. Perditorum ciuium, alius Catilina, alius Lentulus, alius Cethegius.

Accidentia distribuuntur in sua accidentia, vt sapientium & doctorum virorum, alij sunt Christiani, alij Ethnicici. Diuitum alij ciuiles, alij Ecclesiastici, alij auari, alij liberales, alij superbi, alij humiles, & sexcenta alia id generis, quae libens praeferij, quoniam enumerationis nomine appellari volunt magistri Eloquentiae, ne studiosorum Rhetorum ingenia & memoriam perturbent & obruant harum rerum subtili enumerata diuersitate.

CAMPI ELOQVENTIÆ

DE PARTIVM

ENUMERATIONE.

Amplificatio ab enumeratione studiorum.

ET enim quod est ingenium tantum, quæ tanta facultas dicendi & copia, quæ istius vitam tot virtutum ornamentis insigniam, iam pridem in omnium ore linguisque versatam, aliqua ex parte possit commendare: Cuius ut pueritiæ & adolescentiæ laudes virtutesque attingam, pueritia bonæ indolis specimen habet in se introitum ad literarum studia clarum, deductionem ad scholas sociorum IESV cum expectatione tanta, & ingenij, & virtutis opinione commendatam, auiditatem politorum literarum, & totius honestatis percipiendi progressus maximos, fructus ex utraque re perceptos tantos, quantos condiscipuli laudabant, & certatim æmulabantur. Cuius tractatio ad Dialecticam brevissima fuit, & laudabilis, quibus in studijs cunabula huiusce facultatis (quam summulas vocamus) in hac scientia quærendi atque disserendi disputationes habitas, argumenta posita, responsa data, eorum, qui adsunt, s. i. o. ignorare neminem, cum in publicis concertationibus in propugnatores ponebat argumentum, & pro posse ingeniosè, subtiliter, & acutè obiciebat, cum eum, cui propugnandi locus dabatur, & una significat one, (id quod omnes videbant,) aberrantem à veritate in viam sæpè reduxit, & in media argumentandi contentione, cum argumentantes calent maximè, & oppugnatores aliquid efficere velle videbantur, non solum de sua sententia deiciebat, sed planè refellebat, & convincebat. Cuius in Philosophiæ totius arcanis progressio, laureæ adipiscendæ fuit, præmiique in honorum renunciatione gradus, certum quoddam augurium: simul in sacra Theologia perdiscenda nominis famæque, relictis semper à tergo condiscipulis, non ambigua declaratio. Iam verò suorum studiorum plurima & maxima constituit monimenta, & indicia in Academia Saguntina, Vallisolerana, Complutensi, quam iste per annos viginti continuos ita cohonestavit & illustravit, ut ea in altiore gradum ascendere nullo modo posset. Vix autem per omnes sæculorum ætates de suo gradu deici aliquando posse videatur. Hoc præceptor liberalium artium, & sacre Theologiæ alumni, neque cœnobio Religioso-

Religiosorum, quæ antea frequentabantur, neque vigilias & lucubrationes aliorum, neque magis ingeniosa, vel vilia scripta desiderauerunt. Tantum quique scholasticorum existus prælectionibus utilitatis habebat, quantum & diligentissimi hominis, & omnium doctissimi præceptoris labor & cognitio singularis afferre potuit. Nulla difficultas literaria per hoc omne tempus, nisi tanti Doctoris ingenio iudicioque excutiebatur, nulla res unquam tantis difficultatibus affecta, vel tam implicita fuit & obscura, quæ non ad eundem expedienda deferretur & illustranda. Quæstiones liberalium artium Philosophiæque examinandæ, pericula examinis Baccalaureorum, Licentiatorum subeunda. Comprobatio communis laureæ afficiendorum sacræ Theologiæ literatorum hominum, qui & in alijs Academijs, & in sua Philosophiæ, Theologiæque vacassent, propria semper huiusce Doctoris fuit. Idem ille Doctor Theologus suggesta antiquissima partim insignium Ecclesiarum, quæ maximi concionatores ascendebant, partim etiam templi maximi, & Academiæ sacelli Gregotiani, quæ nunquam nisi maximis & doctissimis hominibus paruerunt, suis ille concionibus cohonestavit illustravitque omnia. Neque hoc solum in frequentioribus sanctorum ferijs, sed in anni totius decursu, in celebrioribus Sanctorum, Virginis Mariæ diebus, in Quadragesimæ statim solemnitatibusque temporibus fecit; sed etiam conciones celebriores magnificarum supplicationum decretarum ad templa, sacellaque illustriora pompa religionis neque cohonestatas sortitus est. Principem denique nullum Ecclesiæ, nullum Ducem, neque Magnatem sæculi, qui paulo magis honorificè, atque apparatu vitando excipiendus esset, is oratione vel prælectione non ornandum celebrandumque suscepit concessu Doctorum amplissimorum Academiæ deferente, & enixè vehementerque efflagitante. In virtutibus verdè suis & ornamentis res gestas, & laudes commemorare multitudine magnitudineque pertimesco: simul ornamentorum præstantiam commemorando assequi non potero, quibus ab illo scholasticos adolescentelque omnes, collegarum conventus omnes, ordines, & cæterus Doctorum clariores & illustriores redditos fuisse notum est. At enim hæc ita gesta sunt ab isto, ut propter obscuritatem cognita non sint ab omnibus. Hominem esse abiectior neminem, qui nomen istius audierit, quin facta quoque eius gloriosa commemorare

non

non possit, ut mihi magis tacendum sit, ne multas virtutes prætermittere, tum ne quas dicendo adaugere videar: sic enim mihi videtur hæc multitudo, quæ ad audiendum conuenit, non cognoscere ex me quidquam noui potuisse, sed ea, quæ fecit, mecum recognoscere. Quæ cum ita sint, homo amens ac perditus sit, necesse est, quid non agat, ut hominem hunc, qui literis, qui gratia, qui auctoritate, qui virtute huic Academix ornameto fuerit, non omni ratione commendandum putet.

Vituperatio ab eadem Enumeratione.

ET enim quod est tantum flumen ingenij, quæ tanta verborum copia, & sententiarum vis? quæ istius vitam tot vitiis, flagitijsque contaminatam, iam pridem in omnium reprehensionibus & vituperationem adductam aliqua ex parte adumbrare possit? Cuius (ut ad ostentandam maculas ignominiasque præteream) adulta ætas quid aliud habet in se, nisi animum nudatum & spoliatum à seipso gratia Christi IESU, nefariam & impiam defectionem, relictam fidem, desertam Religionem, Ecclesiæ Romanæ auctoritatem, dignitatemque contemptam? Cuius defectio cum uis fuit commodorum, & utilitatum maximarum inimicis & hostibus Iesu Christi, Isabellæ deterrimæ Reginæ Angliæ, & Angliæ prædonibus rapacissimis; quæ in Regno multos sceleratos, multos latrones, multos prædones ad diripiendas res Christianorum excitauit. Cum in Christi cultores Hispanos odium suum renouauit, & instaurauit inueteratum, cum naues (quarum ille maximus pirata erat, & pro Prætoris se gerebat) ad Christianorum direptionem ascendit, & eas aggrediebatur, si poterat, tormentis omnibus oppugnabat, & multa longè lateque disiuncta maria transibat, nauigabatque. Cuius nauigatio, multarum, & hyberno æstiuoque tempore Hispalensium regum fuit direptio, & in diripiendis mercibus diuersarum gentium, atque nationum contra leges omnes humanas atque diuinas inaudita quædam inhumanitas, intolerandaque crudelitas. Iam vero suæ defectionis & ad Lutheranos traducti nis exercendæ plurima & turpissima constituit monumenta. In Insulis atque portibus idem ille cum prædonibus, per illud tempus quo dabatur, ita furebat, atque vastabat obuia, ut multas villas, plurimos etiam populos, omnes agros depopularetur. Hoc prædone neque mercatoribus nostris in Indos transire liberè, neque ex Indiis in

in Hispaniam nauiga io patens & aperta dabatur. Tantum prædo nefarius cum suis piratis asciis, atque aggregatis diripiebat, quantum poterat inuadendo, rapiendoque nunciis. Maximi, quod omnes sciunt, acerui ex vectorum pecunijs effecti, inuicta vis auri & argenti coaceruata: item delatæ merces in Angliam, in socias & amicas non raro Prouincias. Naues pœnissimæ frumento, & oleo, viæque captæ & ex nanitæ, atque homines ignoti propter rapinas socij subito facti, & in hostium numero habiti. Plurimi propter erundas pecunias seruilem in modum tractati omnibus onerati contumelijs, & occisi multi, trucidatique crudelissimè, alij tracti in Angliam in miseram seruitutem, in carcerem, in squalorem, in sordes maximas traditi. Idem prædo rerum humanarum atque diuinarum, simulachra vetustissima religiosissimaque partim sanctorum Christi militum, quæ magnæ fuerant Religioni ciuitatibus, partim etiam Virginis Mariæ, quæ omni studio, religioneque colebantur, spoliauit, nudauitque omnia. Neque hoc solum in imaginibus religiosissimis sanctissimisque fecit, sed etiam omnia delubra sanctissimis nostræ Fidei religionibus consecrata deppecularus est. Imaginem denique nullam, quæ ex argento, vel auro facta videretur, reliquit. In stupris verò & flagitijs suis, & suorum comitum, nefarias libidines commemorare pudore deterreor, simul illorum ignominiam, & infamiam commemorando per censere non potero, quibus virgines, viduas, coniuges, mulieresque omnes, quas nanciscebatur, integras ab illorum petulantia conseruare non liberum eras. Sunt illa indignissima, quæ passim patrabantur, quæ in insulâ sancti Dominici captæ atque direptæ, quæ in portu Corumnensi actæ fuisse commemorantur. Proh summam Dei immortalis patientiam in sceleribus hominum nequissimorum, in stupris, in libidinibus, atque in sacrilegijs omnibus perferendis! Euerfa templa multis in locis, & disturbatas aras, & imagines Christi IESV tractas atque raptatas, & sacrilegis pedibus conculcatas fuisse cognouimus: hæcque ita commissa sunt ab istis hominibus, vt fuerint ab omnibus, & in oculis & ore Christianorum patrata.

* *

Enumeratio ex causis.

Quid tibi, IESV mansuetissime, circumcisione opus fuit? Qui sic fuisti conceptus, & in hanc lucem existi, vt totius criminis & culpæ fueris expertus: natus autem crimen non potuisti committere naturâ etiam diuinâ præditus. Deinde cur infans tam cito circumcideris, statim octo post diebus a natalitijs tuis? Reseruaretur melius istius stigmatis acerbitas, & dolor in illud tempus cruciatuum grauissimorum & mortis, in crucis ligno subeundæ: nunc non modò caro tua tenera est, sed infantilis, quæque indulgentia parentum alenda erat. Postremò tu Virgini hoc non luctuosum & acerbum spectaculum forte putasti, consueto in loco, eadem inspectante Virgine, carnem tuam refecari adeo delicatam? Quid illam loquuturam, quæ videbat, quæ spectaculo intererat acerbissimo, quid aucturam, quæ te plorantem aspiceret, intelligereut omnes, non sciebas? os lacrymis oppleturam suis, dolore cruciatuque conficiendam maximo ignorabas? Non occurrebat animo tuo, Mariæ Matris tuæ stigmata doloris graua inurenda fore? Equidem mortales exemplum à te petere diuinæ legis seruandæ, qui lege solutus tam illustre testimonium obedientiæ dabas, sine dubitatione voluisti.

*Enumeratio cum similibus & exemplis in
Aegeam Proconsulem.*

IN maleficorum sceleratorumque, in furum homicidarumque custodiam tu Aegea tantum numerum Christianorum ipsumque Andream includere ausus es? Nunquamne tibi multitudinis, nunquâ illius tantæ frequentiae, quæ tunc animo te iniquissimo infestissimoque intueretur, venit in mentem? Nunquam tibi populi concitati libertas, nunquam species ipsius multitudinis in oculis animoque versata est? Nunquam te in horum conspectum proditurum? Nunquam in forum ciuitatis exiturum? Nunquam sub illorum manus potestatemque venturum esse cogitasti? Hæc multitudo proculdubio conficeret, & carceris vinculis solueret Andream, nisi Beatus Apostolus utrumque facere prohibuisset. Atque erat ista libido crudelitatis execranda? quæ tot scelerum suscipiendorum causa? Nulla profectò, præter cupiditatem placendi tuis Imperatoribus incredibilem infinitamque. Nam vt homines, quos in famulatu fuisse scimus, omnes inuestigare modos, atque rationes nouas, & inusitatas non rarò inuenta excogitare dicuntur, vt eorum, quibus ser-

uiunt animos explere possint, sic tu in omne genus hominum, & maxime Christianorum infestus, ex omnibus tuæ iurisdictionis partibus imminebas. Quicumq; homo Christianus ex alijs populis, qui cultor denique Christi Iesu deprehenderetur, statim tuis iudicibus & custodibus tenebatur. Omnes Christiani in custodiam coniciebantur, & in eos quæstiones & iudicia capitis exercebantur. Versabatur in Achaia temporibus illis nō Dionysius ille, nec Phalaris (tulit enim ista quondam insula multos & crudeles tyrannos) sed nouum monstrum ex crudelitatis visceribus exortum. Non enim Tygridem tam infestam neq; leænam catulos arripientibus tam iratam, quàm te in tuâ ciuitate tibi demandatâ Christi cultoribus Iniquum infestumque fuisse credo. Hoc etiam infestior, quod bene facientibus & ad salutem animorum, ad beatorum gloriam conuocantibus vitam eripiebas. Æthneâ face multo infestior, hæc enim finitimos tantum incēdijs vastabat & depopulabatur: Tu in omnes gentes, ad tuam etiam iurisdictionē non pertinentes, faces tuæ crudelitatis auxiliares, subministrare non dubitabas. At quæ causa tunc afferebatur à te tam nefariæ crudelitatis? eadem, quæ proximē in oratione commemorabatur. Quicumque accellerant ad Achaia Christiana Religione præditi, Christianos esse & ad turbandam perdendamque ciuitatem venire ijs probro crimineque continuo dabas: illi, ad eripiendum animum tuum ex inferorum ac Dæmonis faucibus, veritatem ipsam, Religionem veram, gloriam: cœlestis aulae, opes Beatorum, immortalitatem sæculorum omnium proponebant, & quod sibi ad omnes vestrorum in se beneficiorum numeros valere debebat, id ad vitam eisdem eripiendam satellites tuos, & te ducem & principem tantæ crudelitatis excitabat & inflammabat.

Enumeratio cum dissimili.

IN hac tam peruersa deprauataq; natura, & ingenio adolescentis, (quæ ita rarè simul existunt, vt si quando adolescentem istiusmodi acceperimus, portentis & prodigij similem dicamus) quid primum, & quibus tandem rationibus & modis vituperandum censuamus? Nonne & audaciâ isti, qui vituperatur, possumus singularē ostendere, & mores efferos immanemq; naturâ, & vitam flagitijs omnibus deditâ, & deniq; omnia ad perniciē profligata atq; perdita? Quorū nos nihil nec purgandi hominis istius

istius causa sine reprehensione dissimulare poterimus. Parentes veritus est & maiores nat? qui homo? adolescens? ulus bonus & prudens, morigerus & obsequens admodum? Nihil vnquam nisi quod pater, quod mater vellet, atq; cuperet faciens? annos natus quatuor & decem, v? facile in officio continere potuerit, colendę virtutis non insolens, in bonorum disciplina versatus? At omnia contraria esse vidistis, qui & audax fuerit & impudens, & aemini morem vnquam gesserit, neq; parentum, neq; maiorum natu vocem aut sermonem exaudire visus est. Sic illos contemnebat & aspernabatur, vt filius famulum, vt mancipium quodq; contemptissimum. Neq; adolescentulorum bonorum societas & exempla pulcherrima, neq; facta & exempla pręstantissima indomitas eius cupiditates cohibere potuerunt. De socijs quid loquamur, quos audaces & impudentes, corruptos & omnino deprauatos, dies & noctes sibi adiungebat? Nullum bonum & studiosum coluit vnquam. Quę porro in illis verborum turpitudines, quę rerum obscœnitates? Ad hunc hominem, (quamquam ille nequam non fuisset) penitus deprauandum, satis essent, qui in turpissimis rebus, & nefarijs amoribus vitam agebant suam, quę prorsus est disiuncta ab honestate, & cum impurissimis meretricibus implicita.

Enumeratio cum ei/dem dissimilibus, & descriptione.

SI Pictauorum Ecclesię Præsules, Hilari sanctissime, vbi triauro gemmisque fulgeos? vbi baculus Pontificius, à summo leuiter inflexus? vbi nunc candidior alba vestis tunicā superimposita? vbi sedes Pontificis amplissima? vbi tot, tantaque ornamenta Pontificibus à populo, & à Presbyteris honorificentissime data? Denique vbi conciones in templis habitę? vbi comitatus honorificus? Vbi homines, qui domitux sumptibus tuis & expensisalebantur? vbi celebritas Pictauij? vbi itiones in Templum Maximū & reditiones tuę? solus nunc & extra concursus oppidanorum versaris. Quantū interest inter tuā, & veterem amplitudinem, inter Pontificis dignitatē pristinam cū Pictauij Præfecturā Ecclesię summa præcellentiq; auctoritate tuebaris. Hostes nunc Religionis te de sede celsissimā deturbarunt. Habirabas in loco celebriore ciuitatis, vbi te contumeliarum concursus fiebat nullam non diei partē maximus, nunc in solitudine solitariam agis vitam, & ab vrbis, oppidanorumque congressu remotissimam. Tu Pictauorum gregi pręesse visus

es & oues pastum doctrinæ à te capescebāt: nunchostes in exilium miserunt, & te vagas & errantes sine pastore oues relinquere coegerunt. Summa Pictaui dignitas, tibi & honos erat, nunc nulla non modò dignitas, sed summæ iniuriæ factæ, impositæque contumeliæ: excedis è ciuitate, comitatur Eusebius Vercellensis, eadè exilii pœna mulctatus. Duo Pontifices, lumina Ecclesiæ clarissima, sed obscurata nunc atque deformata propter Arrianorum impietatem in Gallinariam insulam relegamini. Quò cum peruenistis, fame coacti, folia arborum, herbas agrestes & amaras admodum, & radices fortasse arbutularum (quarum erat in illis locis, sicut in cæteris solitudinis partibus vîitata copia) collegeretis, vt his famelici, propeque absumpti aleremini.

*Enumeratio cum antecedentibus & consequentibus
in Leouigildum.*

Rogat & orat Leouigildus Ermenegildum, vt de vrbe Hispalensi decedat, ad Galleciam vel ad Aragoniam proficiscatur. Demonstrat in Arrianorum secta Hispalenses esse non posse, si Ermenegildus Rex Christianus Hispali viuere, atque hanc urbem Hispaniarum caput & principem tueri perseueret. Non tulit id Ermenegildus, noluit id facere quod pater nequissimus orabat, vt urbem Hispalim, prouinciâ Bethicam, Regnû istud relinqueret, & in Aragoniam patri obtemperandi causa, aut in Galleciam proficisceretur. Posteaquam filium exorare non potuit Leouigildus, contendit ab eodem per Paschasium Pontificem Arrianum, vt feriis excitati Domini à mortuis de manu Pontificis Ariani sacram Eucharistiam acciperet: venerat in carcerem Paschasius, atq; eo consilio, vt id nomine Leouigildi à filio efflagitaret, adduxerat etiam administratos, & assiduos coadiutores suos, quorum Paschasius in conspectum Ermenegildi nonnullos daret. Erat in vinculis Ermenegildus, corpus acerrimè constrictum videbatur, & idem Rex vix seerigere poterat tecto adeò demisso, vt si stare, capite tectum contingeret necessariò. Et tamen allegationes omnes, & oblatas patris conditiones, & preces Arriani Pontificis aspernatur. Discedit iratus Paschasius, vt qui clamaret, incredibile est, quanto mihi videatur Ermenegildi voluntas obstinator, & in hac voluntate retinendæ Christianæ Religionis obfirmatio. Quod

vbi rescivit Pater, vbi tanta cum contentione, tantis verborum fulminibus agere Paschasium animaduertit, cumque ipsum Ermenegildum sectæ Arrianorum nocere iudem Arriani dicerent, contemni maiestatem, Leouigildi filium plus posse quam parentem, mittitur carnifex, qui mortem afferat Ermenegildo. Aspectu carnificis quantam voluptatem Ermenegildum putatis accepisse? quos discisso capite cantus diuinorum spirituum auditos fuisse? quos sermones atque verba Christianorum? securi esse percussum Principem Ermenegildum, Regem Hispalensem, fortem Christianæ fidei defensorem propter patris Leouildi flagitiosissimi singularem nequitiam, & impietatem inauditam. Nemo iam Leouilde, neque tui, neque tuæ crudelitatis, quam in filium, acerrimum Christianæ dignitatis propugnatorem exprompsisti, obliuisci potest. Arriusne tibi tanti fuerit, vt eius sectam, filii natu maximi sanguine luiveres? Idcirco exercitum & copias coegisti, vt tuâ crudelitate & impietate filium captum, & coniectum in carcerem capite mulctares? Quod eum Paschasii Arriani postulationem nequissimum repudiasset, tibi renuntiatum est, idcirco sanguinem filii crudeliter & impiè profundendum imperasti? Nesciebas à cultore Christianæ Religionis, cuius reuera filius propugnator erat, non modò non accipiendam de manibus Arriani sacram synaxim, sed neque verbo Arrianorum contra fidem aures esse præbendas? Expertus es optimi filii virtutem tunc, cum se ad Christianæ Religionis signa contulit? cum in te parentem suum pro Christo IESV exercitum comparauit: cum omnem imperii sui vim filio & vxore genti Romanorum datis obsidibus in tuam conuerterit perniciem, quam attulisset profectò, nisi à Romanis, in quorum se fidem dederat, proditus & desertus fuisset. Tantane tua Leouigilde crudelitas erit, vt eam non Leander solus, non Fulgentius, non alii Christianæ Religionis cultores subire visi fuerint solum, sed etiam filius, & hæres tuorum Regnorum & Imperiorum omnium? Tunc quòd illum Christi defensorem, quòd Religionis Christianæ propugnatorem, quòd duccem sectæ Arrianorum opprimendæ audieris, quòd videris, quòd ad tuum nutum non fuerit, quòd libidini cupiditatique dæmonis non paruerit, opprimendum putabis? ob id à te habebuntur delectus? cogentur milites? instruentur acies? ciuitates Regni, Princepsque Hispaniarum Hispalis, non modò deciuiratibus Christianis vna, sed omnium caput & arx

& atx ad direptionem & vilitatem vltimam vocabitur, vt à
 mœnibus, à rectis, a capite suo filius Ermenegildus sce us, atq;
 tuos impetus propulsare studeat? Nam quaro abs te circum-
 sessane fuerit ciuitas, perstiterisne ciuitatem illam, in qua se-
 dem & domicilium filius habebat, oppugnare? sollicitaue-
 risne, & subornaueris Duces Romanos, ad nefariam prodicionem
 atque perfidiam? Denique summum scelus, & per eandem per-
 fidiam Ermenegildum proditum atque desertum comprehen-
 deris, conieceris in carcerem? & quoniam à Religione non de-
 fecerit, interficiendum curaueris? negare non potes Leoui-
 gilde. Habeo testimonium carnificis ad necem à te missi: ha-
 beo testimonium & auctoritatem annalium: habeo testimo-
 nium Matris Ecclesiæ, quæ in Martyrum numerum relatum
 & ascriptum Ermenegildum recolit. Ob Fidem ab Ermene-
 gildo IESV CHRISTI defensionem à te comprehensum, per
 scelus summum coniectum in custodiam, & iniecta manibus
 & pedibus acerrima vincula, corpus constrictum, & oppre-
 sum, denique discissum filii caput esse constat. Interfectus est
 à quo? à Leouigildo? homine alienigena, credo, aut ignoto,
 qui Ermenegildi nomen non audierit, neque vultum, neque
 oculos vnquam viderit: Imò verò à Patre suo, & naturâ, &
 sanguine cum filio coniuncto, Regiâ & excelsâ stirpe procura-
 to, dignitate & maiestate Rêgali, nomine & honore cellitatis
 tecum affecto, & sine causa, nullo nomine, iniustitiâ, atque im-
 pietate summa, tantam quod Religionem CHRISTI colebat.
 Quæ causa tibi debuit esse, si partem vllam humanitatis ha-
 beres, à furore mentis & insaniâ resipiscendi. Atque illo die,
 quo CHRISTI IESV à mortuis excitari sacræ feræ re-
 colebantur, omnibus negotiis forensibus & capitalibus
 intermissis, tu filio tuo mortem affers per summum scelus
 flagitium: Cum soleat hoc sacro solennique die mater Ec-
 clesia suos cultores & administratos statâ hac celeberrima-
 que luce redeunte ad pietatem, ad virtutem, ad reli-
 gionem excitare: cum supplicationes in oppidis, in ci-
 uitaribusditionis cuiuscunque Christianorum, longo agmi-
 ne, summa pompa, sacras celebresque habendas so-
 lida religione decreuerit: cum apud Gentes Regno-
 rum Imperiorumque Christiana fide præditorum celebri-
 tas huiusce diei tanto in honore gloriaque fuerit: cum CHRI-
 S T V S se ex ipso sepulchro exiens, immortalis gloria
 circum-

circumfusum, visendum, spectandumque Virgini Mariæ præbuerit: Tulæritiam, tu iucunditatem huiusce diei tui sanguine sacrilogas manus respergens, contaminauisti. Crudelitas & impietas longius progredi non potuit.

*Enumeratio cum comparatione & descriptione
in Antonium.*

EOrum omnium, qui latrones Cæsaris vocabantur, princeps erat M. Antonius, de cuius improbitate singulari grauissimarum orationum tonitrus ac fulmina legistis. Recordamini, quem orator describit, vultum hominis, & ex ea molli-
tie, quam in adolescentia ostendebat, illius mores perditos, meretriciosque. Hic est Antonius, quem Principem in exercitu toto C. Cæsar, cum vndique nequissimos homines, proditores patriæ aggregasset, & cum ipse sui similes secum habuisset innumerabiles, audacia, nequitia, avaritia, regnandi libidine congruentem, sui que simillimum iudicauit. Quem patriæ charitate violata, non ratio, non virtus aliqua, sed regnandi libido, auditasque coniunxit. C. Cæsaris in patriam animum inimicum hostilemque noltis, fingite vobis, si potestis aliquem, qui in hac auditate hiantequæ avaritia pat ad perdendam delendamque patriam esse posset. Is erat Antonius iste, qui ut ipse non solum vita, sed etiam corpore atque ore significabat, immensa aliqua vorago erat, & gurgis vitiorum, libidinumque impurissimarum. Hunc Cæsar in exercitu suo, hunc in acie Pharsalica, hunc in Italiæ, in prouinciarum Imperii Romani arcibus, populisque capiendis diripiendisque, hunc in militum, & Ducum suorum numero, hunc in ærarii expilationibus Principem adhibebat, tantamque retulit gratiam pro inter-
cessione, victoria ciuili potius, ut Antonius, qui in bello socius, & comes fuerat, etiam gerens consulatum sibi commodus & vltimus Collega fuerit, ut quem omnes Romani odissent, neque videre vellent, sine eo Cæsar esse non posset. Ut cum alii ne oculis quidem ipsis eum aspicerent, quibus omnibus infestus erat, eodem Magistratu vterentur. Postremo vitia Antonii deterrima, propter quæ malè audiebat, vnum Cæsarem ad consuetudinem, & congressum quotidianum non offenderint. Illi erat in curia proximus, domi suæ assiduus, libidinum suarum satelles & administer, ac tum maxime, cum
sedenti

sedenti Cæsari ludis Lupercalibus in conspectu populi Romanī, vinctus, nudus, ebrius concionatus est, & cum plangore multitudinis, Regni insigne capiti imponendum curauit.

Enumeratio cum comparatione.

Fidem sanctissimam qui colit, potest dici Dominici non studiosus esse, qui factis itineribus, concionibus habitis, instituta Concionatorum Religione fidem conseruare, & amplificare conatus est? Pudorem & pudicitiam qui amat, potest non odisse libidinosorum quotidiana adulteria, meretriciam vitam, domestica nonnullorum lenocinia, cum corporis & animi castitatem Beati Dominici, compressiones carnis plurimas, & adhibitam corpori castigationem audierit? Qui religionem Dei immortalis retinendam curat, eidem qui depulit errores Arrianorum, & disiecit tenebras multorum animis offusas ignorationis & inscientiæ maximæ, & profundendi Religione Christiana sanguinis studio & cupiditate flagrabat, non existimet laudē esse tribuendam? Is ei nō deditissimus fuerit, qui non præscriptiones Dei solum, & Ecclesiæ mandata integra semper & inuiolata custodiebat, sed itineribus consiliorum Christi IESV obediendæ paupertatis & demissionis in cælos contendebat? Qui Beatorum sedes immortales adipisci voluerit, is in Beatum Dominicum non studio voluntateque propensa feretur, cum cogitet dignitates cælestis Aulae, honores Beatorum Dominico delatos, qui laurea Virginis, honore Patriarchæ, insignibus Doctoris, & infulis Confessoris in Heroas cælorum claros & illustres ornatus floret? Qui nobilitatem generis, iactationem sæculi; pro virtutis splendore, pro Beatorum claritate commutatam curauerit, is non in gloriā Guzmaniorum stemmatibus sancti Dominici virtute additam, in accessionem gloriæ factam, pro vulgi plausibus, & inanitate contemptâ, mentis aciem intendet? An si quo in homine quidquam boni inesse rusticus & agrestis viderit, continuò mirabitur & similis illius esse concupiscet, nos qui cumulum bonorum omnium, multitudinem virtutum maximarum, abundantiam cælestium diuitiarum & modum rationemque ad florentem hanc & cælestem fortunam aspirandi in vno Principe recipiamus, eundem, Beatum scilicet Dominicum, non colimus, non suspicimus? Quid illa, quæ magnum pondus habent, non cuiusvis animū commouere possunt, quod ad Christi Iesu

amicitiâ, sanctissimæque Triados, facilem aditum Virginis Mariæ (cuius studiosus ille à puero fuit) ostendit intercessionem patrociniisque suscepto?

Enumeratio cum repugnantibus & minoribus.

Sed ego multitudine magnitudineque tuarum laudum fretus, vide quò progrediar. Quis filius patri, quis servus hero ita morem gessit, atque tu fratri maximo natu, ut quodcunque illi collibitum esset, tibi placeret? quid ratum Franciscus habebat, scire desideratis? proferte quid tutori fratri suo fuerit libitum, id fratri minori natu collibitum erat: Quid fratri fuerit probatum, id huic probatum etiam erat. Paulò ante cupetorum, quibuscum versatus fuerat, condiscipulorum testimonia proferebamus: Quid ita? non domesticis probatus? non fratri atque de sua familia hominibus acceptus? imò quia propter virtutes suas tam charus fuerat, externorum ad maiorem laudem iudicia facta, efflagitabamus, ut quo minus secundum omnia vos de tanto viro existimaretis, non recusaremus. Equis demissionem eius, & mores ad fratris nutum fictos atque formatos ignorat? obedientiam sui ipsius voluntatis inimicam, ne contra fratris voluntatem & placida veniret, omnes certe magnoperè commendarunt. Atque in studiis instituendis atque persequendis in curriculum usque literariæ contentionis factum, nihil unquam, nisi ex illius animo, atque præscripto fecisse constat. Proh virtus hominis eximia! Esse ne putassemus quenquã adolescentem tantâ virtute præditum, ut quod suum esset, id à tutore petere non auderet? cuius petendi leges potestatem faciebant, imò quæ sibi sæpe fuissent opus ad sumptus necessarios, ne parum modestus videretur Franciscus, ea magis à fratre volebat animo advertere, per eumque admoneri, quàm ne tutorem non arrogantiam arguere videretur. Sed nimis multa videbor de hac re dicere: nò habere se hoc in suis magnis laudibus & ornamentis, dicet aliquis. Quid? Parum? ne est, usque eò se demittere quenquam & abiicere, ut cum adolescens esset, sic se temperauerit, ut actiones suas ex illius, in cuius ditione fuerit, nutu & voluntate dirigeret, vultum & nutus hominis perspiceret, atque adeo tacitos & reconditos animi sensus ad obediendum cognitos & exploratos haberet? Quo studio & alacritate iussa exequeretur, qui sic à necessariis rebus postulandis

landis abſtinebat? quem modum & moderationem haberet in reliquo genere rerum, quas adoleſcentes appetunt, quas effla- gitant, & pro conſequendis tutores ſuos vrgent, atque pre- munt, & ſi non tutores ſuccurrant ſtatim, litem intendunt, vt in libidines ſuas, in multas infanias ſuo arbitratu pecunias extor- queant?

Quibus ſchematibus illuſtretur, & amplificationum generibus enumeratio.

Licet ex ſuperioribus facile ſit intelligere, quibus ſchema- tibus enumeratio illuſtretur, tamen ſeparatim ſchema- tis illuſtratas aliquot enumerationis exercitationes ſubiicia- mus, quæ decori ſint & ornameto maximo exercitationibus oratoriis.

Nullum ſchema repetitione frequentius, à qua duximus ini- tium, ad amplificationem enumerationis: repetitionem alia ſe- quentur ſchematum genera, quæ exercitationum inſcriptio ſuis nominibus notabit.

Enumeratio cum repetitione.

ITaque biennio conſumpto in Rhetorum claſſe, è Rhetò- ricis exceſſit, Dialecticæ facultatem audire voluit; vel patri, qui iuſſerat, vel auiditati ſuæ, vel conditionibus quas habitu- rus erat, ſatis promiſſum eſſe ducens. Ad Dialecticos ergo ſe contulit, reque Dialecticam interpretantem præceptorem ha- buit. Ille præceptori ſuo frequentione, ſtudioque non deſuit: Ille gymnaſium ſuis argumentis & reſponſis publicarum diſ- putationum cohoneſtauit: Ille ſæpe, ſæpius, ac ſæpiſſimè arma dedit, quibus condiscipuli ad argumentandum vterentur: ille ſe primum ſemper aduerſariis obiecit, cum illiſque primus in acie duce præceptore fuit, tuosque aduerſarios eſſe duxit ſuos.

Quæ quidem à te, in eam partem accepta ſunt, vt illum ad examinis periculum ſubeundum primum præ- ceteris condiscipulis de- ſignaueris.

* *

*

Secunda exercitatio cum repetitione.

Quo tandem animo esse putatis, aut adolescentes, qui literas perceptum in Academiam veniunt, aut eos, qui prælegendi munus præstant, & cathedras omnes moderantur, cum pestilentiam in hanc urbem inuasuram metuant? Cum non procul ab hac urbe distantes populi numerentur infecti iam esse pestilentia? Cum vnius hominis infecti pestilentia, in hanc urbem aduentus totam ciuitatem contaminare possit? Cum rumor pestilentia oppidanos oppresserit, cum tantam multitudinem adolescentum, quos Dialecticæ, quos Medicinæ, quos Iurisperitiæ, quos denique sacrae Theologiæ vacantes videtis vno solum rumore Salmantica fugare possit, & in patrium solum vitandæ pestilentia causa vnumquemque propellere, putatis ne vos, hac quiete, & auditorum flore perfructuros, nisi eos, qui vobis omnium artium & disciplinarum gymnasia complent, non solum, ut necessarium est, pestilentia, sed etiam pestilentia formidine liberetis?

*Enumeratio cum repetitione in singulis
periodis.*

Non possum appositè Iudam accusare; si cuius opus est ad vnum duntaxat crimen, non solum ingenio, verum etiam arte quadam singulari. Vnum hoc crimen videtur esse, verum in illo tot, & tanta scelera continentur, ut ea quo pacto distinguere ac separare possim, nesciam. Est venditionis crimen, cuius causa pecunias Iudas sceleratissimus accepit. Est prodicionis, quod Christum IESVM impiè ac nefariè prodidit. Est perfidia, quod omnium perfidiosissimus in Dominum perfidiam & inimicitiam concitauit. Est crudelitatis, quod Agnum mitissimum obtulerit belluis immanissimis, discerpendum, dilaniandumq; tradiderit. Est impietatis, quod parentem filius, quod discipulus præceptorem, quod seruus Dominum crudelitati obiecerit inimicorum. Est ingrati animi, quod à præceptore beneficiorum memoriam abiecerit acceptorum. Est auaritiæ, quod pecuniarum cupiditate captus pretio sanguinem addicere non erubuerit innocentis. Est maiestatis violata, quod Imperii Beatorum, Regnorumque cœlestium Principem, & Regem celsissimum ita nefariè violare ausus est. Est immanitatis plusquàm ferina, quod insontem, tanta sanctitate præcellentem Christum, ipsam potius innocentiam, summamque sapienti-

sanctimoniam intantas coniecerit suppliciorum acerbitates. Est hæreseos, quod à Domino Christo IESV à sua fide sanctissima Religioneq; defecerit aduersariorū factionibus studens. Est superbix Luciferi sectatricis, quod in Deum ipsum, in auctorem vitæ arma cepetit, & vniuersam diuinorum spirituum aulam sibi fecerit infestam & inimicam. Illud verò, quid sit, iam non possum dicere, quoque nomine appellem, nescio, quod ipsum Christum Iesum, inspectante senatu discipulorum, simulatione pacis, oculi signo dato, vincendum constringendumq; tradiderit. Cum Christum Iesum dico, quem me vis intelligere Iudas nequissime? Ipsum Deum, Filium Patris Æterni. Nihil est quod dicam amplius.

*Enumeratio per præteritionem cum
repetitione,*

TV præ cond scipulis tuis optimo ingenio præditus es, & latissimis tui præceptor s doctissimi hominis, & antiquissimi, & imprimis ab omnibus commendati opinionem tuis progressionibus adauxisti. Tu maximam & frequentissimam scholasticorum celebritatem curatam à præceptore, qui occupationibus necessariis impeditus prælegere non poterat, muneris istius obeundi prouinciam sustines, occupatis omnib. gymnasii subsellis inferioribus & superioribus: sed non istud in laude tua pono, quod adolescentes ingenio magno, industria singulari, summa eloquentia commemorantur, qui id fecerint. Nolo communem cum aliis laudem amplificare oratione mea. Exquisita quæro, non vulgaria de nostro Doctore prædicabo, & in eloquentiæ studia, & in reliquarum artium & disciplinarum Oceanum ingresso.

*Enumeratio per præteritionem, cum
repetitione*

NOstis hæc omnia multò melius, quàm ego meâ possim oratione referre, quæ nunc ego omnia prætereo ac relinquo. Nihil de castitate hominis loquor, nihil de sua demissione, nihil de singulari patientia & fortitudine, tantum de vna charitate, quo facilius vos iudicium de sacellis, de Xenodochiis exstructis, de Sacerdotiis (vulgò Præbendis) institutis, & de misericordia egentium multitudinì semper è facultatibus suis tributâ facere possitis, quoniam id vos maximè video desiderare, dicam.

Enumeratio per prateritionem ad subiectionem facientem.

Sed quid ego ineptus de hoc homine apud vos dico? Ignoratum hominem scilicet pluribus verbis commendo? Estne quisquam omnium suæ artis atque disciplinæ viorum, de quo melius existimetis vos? Estne quisquam qui vobis prudentior, humanior, officiosior, doctior esse videatur? Quid inuidi, qui hunc suis in circulis propter virtutis præstantiam, & eruditionis laudem corrodere solent, secum taciti, si se colligent, existimabunt aliter? Nonne quoties in literarum mentionem incidimus, toties hunc, qui bene de doctis viris Academiæ loquuntur atque sentiunt, & virum bonum & doctum esse dixerunt: & honoris causa appellare consueverunt, quod nemo nisi aut de optimo, aut literatissimo facere consuevit?

Enumeratio cum articulis, translatione interrogatione.

Omnia iam, inuictissime Ioannes, prouisa, parata, constituta sunt, cum tua summa cura atque diligentia, tum etiam eorum Dueum, quos tecum habes ad pugnam contra Turcas committendam. Adest etiam hostis in oculis, sin conspectu nostro, qui pugnandi studio summo inflammatus venit. Omnes adsunt omnium ordinum milites, omnis denique generis, plenæ sunt triremes, plenæ iam puppes, pleræque prora: causa quidem est post Religionem natam hæc inuenta vna, in qua omnes senserint vnum atque idem. Atque omnes quo studio, qua alacritate, qua virtute, qua spe ad dignitatem fidei & ad honorem Christi IESV defendendum consentiunt? Quid ergo hic equites Venetos commemorem, qui tibi ita summam pugnae concedunt, ut tecum de Religionis amore certent, quos ex multa diuturna que disunctione ad huius pugnae societatem concordiam que reuocatos fidei causa cum Rege Philippo coniunxit? Pari studio defendendæ Religionis conuenisse vides Italos fortissimos Duces, & inter illos classi Italorum Præpositum, eximia virtute præditum Antonium Columnam; milites item suos (cum stipendiis ad pugnandum hic dies frequentes aduocauerit) video ab omni alia expectatione ad tuendam Christianam fidem esse conuersos. Omne robur adest Cruciferorum Ordinis

Ordinis Beati Ioannis, Equitum fortissimorum. Quis enim est illorum, cui non causa præsens, fœderis iuxta societas, Christianaque Religio amor, honos, & decus immortale Christi IESV, cum sit carum, tum ad sanguinem usque profundendum dulce nimis atque iucundum? Operæ pretium est, Imperator fortissime, aliorum, qui nobiscum conuenerunt, studia cognoscere, qui sua virtute multorum Imperatorum stipendia consequuti, hanc audissimè pugnam expectant, quam quidem ex diuersis nationibus oriundi, & multi summo nati loco, audius expectare nequeunt. Sed quid ego singulatum nationum homines persequor, quos societas ista, quos communis causa, quos denique fides eadem, quæ carissima vnicuique debet esse Christiano, ad Religionem defendendam excitauit? Hispanus est nemo tuæ gentis, nationisque bellicosissimæ, qui Turcarum imperus deterrimorum frænare non cupiat, qui non obuiam velit occurrere, qui non tantum, quantum viribus possit, conferre gestiat ad prælium committendum. Qui tecum sunt in triremi Imperatoria, qui veniunt Equites clarissimi, qui Comites, qui Marchiones, hoc idem deprecant. Omnes paratos & instructos habes, expeditos ad prælium omnes ex omni gente, ordine, atque natione; ad signum, buccinarum clangore multo, terrificoque Arcubus horum displosione, tormentorum fragore percrepent omnia, ut cælum rueri velle videatur.

Enumeratio vehemens cum interrogatione.

Quid mali aut sceleris fingi aut excogitari potest, quod non in Anglia hæresis suscepit, & patrauerit? Quod toto orbe flagitium, quod latrocinium, quod parricidium, quæ superbia, quæ auaritia, quæ ventris ingluuies, quæ iracundia, quæ odii magnitudo, quod adulterium, quod stuprum, quæ libido, quod dedecus infamiae ab hæresi remotum fuit? Quis improbus non hæresi fuit affinis, atque reus? Quis proditor diuinæ Maiestatis, quis desertor Religionis, quis prædator factorum, quis corruptor inuenturis, quis corruptus, quis perditus inueniri potest, qui se in hæresi non familiarissimè vixisse fateatur? quæ cædes per annos multos sine hæreseos factione factæ? quod nefarium sacrilegium non per illam admissum? Iam verò quæ tanta in illo inquam hominē voluptatis illecebra fuit, quanta in hæretico? Hic alios amareturissimè: aliorum amoris flagitiosissimè seruit: aliis fructus diuitiarum.

diuitiarum pollicetur, cum aliis necem bonorum, non modò impellendo, verum etiam adiuuando, facit. tam verò quam subito non solum ex vrbe, verum etiam ex omnibus locis ingentem numerum perditorum hominum colligit? Nemo non modò perditus Londini, sed nec vllò in angulo totius Angliæ libidinis, & libertatis appetens erit, quem non ad deserendam fidem, ad euertenda templa, ad stupra sacris virginibus facienda, ad rapinas & prædas non asciuerit. Atque iidem isti Hæretici scelerum & flagitiorum consuetudine assueti, stimulos & morsus conscientiae cum ferre non possint, Ecclesiam per se fingunt, atque mentiuntur, mentientes caput illius hæreseos ream, & adiutricem mulierem insanam & furem Eliza-berham.

*Enumeratio inquirendo causæ, per
subiectionem.*

IN hac tanta tam eximia, tam singulari virtute, quæ ita rarò extitit, ut si quando perspecta sit, fere ab solutionem & perfectionem adferat, quibus illum adolescentem valde bonum ornamentis præditum esse censes oportere? Nonne & indolem eius, qui commendatur, mirificam esse præclaros mores, egregiam naturam, & vitam donis & muneribus eximiis instructam, omnia denique ad exemplar, & formam honestatis spectare? Horum tu nihil non in hoc adolescente, pro laudis instituto præconio non inuenies. Laudatur à te Petrus Martinus, qui homo? Adolescens probus & integer, & à bonis in precio magno habitus, annos natus nondum decem & octo, vetus perfectò Rhetor, sciens Græci sermonis, & multum in historia versatus, ut hoc ab omnibus prædicare sæpe audiistis. Diuitiz tamen istum adolescentem, & à parentibus relictæ patrimonii amplitudo, & numerum acerui ab itinere virtutis aliquando deflexerunt. De suspicionem cuiuscunque vitii nunquam illum apud suos amicos, aut apud præceptores purgare necesse fuit. Diuitias sic maximas obtinuit, ut quæ sibi necessariae fuerint, eas ad victum quotidianum acceperit, reliquas tutor administrauerit. Occasiones porro quæ potuerunt esse in eo, qui ut omnes scimus, domi se semper tenuerit, ab scholis rediens & literis & studiis se totum addiderit? Hæc sane vita maximè dis-iuncta à sceleribus, & cum officio planè coniuncta viderur. Quæ res & alia cogitari potuisset, quam obrem sui semper simili non esset? Nobilitas, inquires, generis animum extulit. No-bilitas

bilitas generis efferebat? Quando obsecro? Necesse est enim tunc aditum inferiorum difficilem, congressus cum his nullos, nullos sermones habuisse: At is fuit maximè comis & humanus, qui quamvis plurimis nobilitate præiret, infimis comitate par esse videbatur.

*Enumeratio per subiectionem cum repetitione initio
periodi, & cum interrogatione
concludens.*

QUæro abs te, Isne qui sacerdotium postulat indignus erat, qui impetret? An illi non mouebunt qui pro eo postulabāt? An postulatio tibi non æqua videbitur? Postulabant homines nobilissimi, atque illustrissimi nostræ ciuitatis, quos nominare non est necesse: quia nosti mores & splendorem illorum, quia præsentés sunt, & vos eisdem videris, qui tanto splendore sunt ac dignitate, vt tales à populo Hispalensi putentur, vt quidquid postularent, nemo esset, qui non æquum putaret. Postulabant pro homine egentissimo, & literis, ac virtute iam inde à pueritia dedito, qui vel ipse hoc sacerdotium appetere, vt se magis virtuti dederet, & vestram Ecclesiam suo splendore cohonestaret. Res porro à vobis eiusmodi postulabatur, vt æquè vobis atque homini conueniret, tantum ad se sacerdotium deferri. Quæ cum ita sint, quæro abs te, quam ob causam sacerdotium eidem non detuleris?

Enumeratio per subiectionem.

PROfiscuntur Reges obseruata de cælo stellula, relinquunt imperiorum gubernacula, nullo strepitu, nullo tumultu, nulla gaza, neque apparatu regio comitante. Quo? in finitima loca? minime Auditores: in remota igitur? ita quidem. Quonam? quod stella deduceret. Cuius Principis inuicendi causa? Regis Iudæorum, & Principis summi, & Imperatoris dominantium. Verno profiscuntur tempore? hyberno potius, summa hyeme, hyemis infestissimo tempore, quod tempus esse solet aquarum, frigorū & niuium maximarum. Quid perueniunt? Ierosolymas. Quam tu mihi narras urbem? Caput Iudææ & non ad Præsidem continuè, cuius domus Regum excipiendorum apparatissimum hospitium debet esse. Quid igitur sibi rei cum Herode, qui Iudæa præsidebat? Nihil rei præter percontationem. Quinam Herodes accepit? Accepit Reges simulatione humanitatis, quem illi percontatione Regis Iudæorum nati plurimum ac vehementer perturbarunt. Et quæ
Regibus

Regibus in Iudæam veniendi causa? Regem ut inuiderent, quem prædicabat stella fuisse natum. Quid Reges ab Herode acceperunt? quod constanter periti veteris legis responderunt. Illud esse tempus à variis prædictum, Regis quem expectabant: in lucem prodituri oppidulum Bethleem esse, quo in loco nasciturum esse varum oracula prædicabant, adirent illuc, & ubi adorassent, ad se reuerterentur, quòd quem illi præstitum honorem, à suis sedibus venissent, eundem illi iustum ac debitum vellent eadem submissione tribuere. Quid agunt Reges? discedunt ab Herode, & nullo duce monstrante viam. Quinam igitur in porticum pervenerunt? Quæ se suis ex oculis abduxerat, eadem stella visa est continuò præire denudò appatens, & deducens illos in Bethleem, in ædem usque, in porticum usque humilem, & malè materiaram, super quam illa constitit, & Reges in illam ingressi, quem inquirebant infantem inveniunt? inveniunt certè quidem. At quomodo? iacentem inter duo animalia, quem inuisunt: nec inuisunt solum, sed ad illius pedes prostrati suis donis ac muneribus afficiant, & in illius pueri formâ atq; figurâ maiestatem immortalis Dei latentè adorant. O fidem omni laude prædicandam! non exhorrent Reges humilitatem ædiculæ, non indignitatem præsepis, non inopiam parentum extremam, non solitudinem & speciem foris apparentem infimam & contemptissimam.

*Enumeratio per subiectionem cum correctione
& dubitatione.*

Sed quisnam est tam eloquens de Rhetoricis nostris? tametsi qui minus sunt eloquentes, quàm qui adolescentes limina Rhetoricæ vix ingressi fuerunt? An ex eo numero, qui ex Rhetoricis ad alias artes disciplinasque transierunt? Non est credibilis tantus in vlllo furor, ut qui vix flosculos Rhetoricæ delibarent, aut in aliis artibus versantur, tantam audeant sibi præripere laudem. Ac si nihil hæc duo genera adolescentum cogitant, videndum est, nequid præceptores Rhetoricæ. Qui? omnes enim qui sunt, aut tanta superbia non erunt, ut id sibi sumant, aut recordari diuitias oratoris ad Qu. Fratrem, omni conventionem repudiabunt: ut aut nolint, aut si tantum sibi sumerent, contra Ciceronis sententiam venire se proculdubio videant.

Enumeratio per ironiam.

Nisi fortè etiam dubium est, quomodo ipse ad tantum honorem ascenderit, homo scilicet nobili genere natus, summis opibus ac facultatibus, excellenti ingenio, rectissimis studiis, atque optimis artibus, bonitate singulari atque existimatione, prudentia & exercitatione, acerrima mente, atque consilio, homo denique omnibus ornamentis præditus, ut cum honorem alius nemo mereretur accipere. Non est necesse demonstrare verbis, cum neque literas nouerit, & ad illas percipiendas hebiti fuerit & obtuso nimirum ingenio. Quibus porro potest ille hominum existimationibus uti, qui propter Præturam hanc nefariam absens nunquam in obliuione iacuerit, sed in assidua commemoratione omnibus omnium flagitiorum reus fuerit?

*Quam partem orationis sortiatur
enumeratio.*

E Numeratio in omni parte orationis dominari potest, & cum excellentia singulari. Et quanquam ex superioribus quidem exercitationibus pars illa confirmationis constare potest, tamen singulas modo ex instituto partes persequamur, quo clarius id, quod diximus, & imprimis in Exordio, præpositis aliquot Exordiis confirmemus, deinde ex ordine ad partes alias accedemus.

Exordium in laudem B. Ermenegildi ex enumeratione petitur.

Quæ res in habendis orationibus plurimum possunt, ex pro nobis ambæ faciunt in hoc tempore, maxima Diui Ermenegildi, virtus, & Auditorum, qui meam spectant orationem, in tantum Regem & Martyrem Christi IESV venerandum singularis pietas, & religio notissima. Quorum vnus affert orationis vbertatem & copiam, alterum incredibilem ad dicendum alacritatem. Laus enim D. Ermenegildi, fidem egregiam, patientiam animi, constantiam in extremum vsque spiritum seruatum ostendit. Neque hæc duntaxat, quæ tantopere mirari videntur omnes, summa in hoc Rege inesse videbimus, sed vnus filii, Regnorum maximorum hæredis, vxoris iungendæ, & suorum Regnorum pro tuenda Religione deuotionem.

Accedit

Accedit illud quoque decus, ac lumen Ermenegildi, quoddam superiora ornamenta, magis illustriora reddit, & omnibus divinarum laudis numeris absoluit: quod post carceris squalorem, post custodiæ tenebras, & angustias maximas, post tollerantiam & perpeffionem acerbissimum maximatum, caput ille discindendum ultro carnificis obiecit crudelitati. Quantam verò mihi Auditores benevolentiam, quantum studium & attentionem polliceantur, declarat tantæ multitudinis, quantam capit huiusce theatri amplitudo, qui factus est ad audiendas sui Patroni laudes concursus maximus, nunquam ex hoc loco perspectus, nobilitatis magnificentissimus iste motus, & honorificentissima Senatorum Hispanensium frequentia, cum splendore confessus Ecclesiæ sanctissimæ, Portionariorum, & Canonicorum omni dignitate florentium. Atque tu ipse Cardinalis excellentissime, qui pro feriis tanti Regis administrandis nostram orationem audire voluisti, quantos dabis plausus, ut de Dino Ermenegildo dicere sine magna voluptate & alacritate non possim. Vos igitur omnes, quos adesse video, qui mihi fauetis & facitis animum, quem cuperem & habere vellem ad dicendum, & te ipsum Rex & Martyr fortissime, auctor & Princeps istius orationis instituendæ, testor & imploro ad Orationem hanc tanquam navim in portum usque velis passis, & aura secundissima prouehendum.

*Secundum Exordium ab enumeratione per
praecupationem.*

Poterit aliquis vestrum querere P. G. quid sit, quoddam cum summi oratores præceptoresq; eloquentissimi suadeant, ego potissimum surrexerim, qui neq; ætate, neq; ingenio, neq; auctoritate sim cum his, qui sedeant, comparandus. Multi enim eorum, quos videtis adesse eloquentiam sibi cum natura, tum arte atque exercitatione compararunt. Neque quisquam est eorum, quos enumerare potuissem, qui in hoc laudationis genere non fuerint summa cum laude versati. Quid enim mihi nunc primum in hanc lucem prodeunti, cum exercitatissimis collegii trilinguis oratoribus, cum multis veteranis oratorum facultatis Principibus, cum præceptoribus Academiæ Complutensis exquisitissimis, quorum in voce suauitas, in agendo dignitas, in verbis splendor, in sententiis gravitas, in omnibus dicendi

endi luminibus laus præcellens & admiranda non meam, sed aliorum, qui quondam Oratores summi singularesque fuerant, gloriam adæquarunt? Omnes profectò, quos habet Academia nostra, huiusce laudis & orationis appetentes fuerunt, habere tamen propter occupationes suas orationem fortasse non potuerunt. Ita sit ut ad fiat, propterea quòd lauream Magistri sapientissimi cohonestare voluerunt: taceant autem de circò, quia tempora occupatissima afferre voluerunt. Quid ergo audacissimus ego ex omnibus? Qui occupationibus distingar etiam non minimis? Quæ me res præter cæteros impunit, ut istius viri præstantissimi laudem suscipirem? Quia si qui istorum dixisset, qui dicere potuerunt, in quibus est summa orationis vbertas atque copia, si quis verba de laude Magistri nostri facienda decreuisset, id quod hodierno die, propter perfectionem quæ instabat, fieri necesse erat, fortasse nisi incommodo suo facere non potuisset. Ego, etsi omnia quæ mihi fuissent agenda, intermitterem, nequaquam res meæ quidquam detrimenti capere potuissent: deinde quòd cæterorum oratio, propter excusationem, quam afferrent, nec postulanda tam facile videbatur, & propter nobilitatem & amplitudinem suam, id postulare, non magnæ fuisset, quod omnes fatebuntur, prudentiæ. Ego si quid non ita perpolitum arte, perfectum numeris oratorijs attulissem, vel non admodum animaduertendum esse, propterea quòd nunc primum ad dicendum ascenderem, vel ignosci adolescentiæ meæ potuisset. Accedit illa quoque causa, quòd à cæteris forsitan ita petitum esset, qui neque officijs, neque sanguinis communionem cum Magistro sapientissimo coniuncti essent: à me autem ille contendit, qui apud me & sanguinis communionem, & beneficijs, & dignitate plurimum potest; cuius ego neque coniunctionem cum parentibus meis ignorare, neque auctoritatem negligere, neque summa in me beneficia negare potuissem. His de causis huic ego laudi orator accessi non electus vnus, qui maximâ eloquentiâ, sed interceptus ex omnibus, qui meas occupationes intermittere potuissem. Neque uti maximâ fuisset auiditate dicendi, verum uti non omnino diem necessarium obire desinerem. Forsitan quaratis, quæ ista tanta temporis breuitas, quæ perfectionis celeritas & repentina festinatio, quæ tot ac tales oratores impedierint, quominus de studijs, de laude præstantissimi viri, quemadmodum consueuerunt, possent orationem habere. Id vos adhuc ignorare non mirum est,

propterea quod repentinè nuntij, literæque istius rei, quæ nostræ orationis necessitatem attulit, abhinc quatuor dies venerunt. Res ea est, patrem nostri Magistri, qui diem laureæ antevertit, ex periculoso morbo laborare nuntiatum est. Ad illum senem iam, & grauissimè ægrotantem, moriturum certò, ut prædixerunt Medici, nisi dies aliquot ante obitum proficisceretur, res paternas bene constitutas relinqui non posse. Hic repentinus & luctuosus paterni morbi nuntius præponendæ tot ante dies laureæ, simul & orationis vñrato Academiæ more necessitatem habendæ, nobisque in discrimen honoris adducendæ causam æquissimam attulit. Quare dum breuiter de doctissimi Magistri laudibus dixero, quam veniam temporis angustia nostræ parum elaboratæ dictioni postulant, vestra benignitas, & singularis in omnes oratores iam pridem perspecta beneuolentia, minimè profectò, quemadmodum spero, denegabitis.

Tertium Exordium ab enumeratione.

SI Doctor aliquis P. G. aut eorum qui præsentibus sunt, forte quaesierit, cur ego qui tot annos in sacris Literis studijsque ita sum versatus, ut hoc omiserim dicendi genus, nullasque habuerim orationes, subitò nunc, intermissa facultate sacrae Theologiæ, ad orandum ascendam: is si nostræ orationis habendæ causas rationesque cognouerit, vnà & id. quod facio, laudabit, & in hac laude omnia, nullam mihi iustam futuram fuisse excusationem putabit. Cum auditor in Academia vestra Rhetoricæ fuisset, Patres, ita quidem ex his studijs excessi, ut Rhetoricæ gymnasijs gratiam aliquam, iucundamque mearum in arte benedicendi progressionum memoriam reliquerim: factum est autem, ut cum magnam in suis oratoribus multis, tum nonnullam in me spem huiusce facultatis cohonestandæ positam esse plures arbitrentur, qui nunc bonitate causæ adducti, ferè omnes ad me de communi consensione conuenerunt, ut suarum præsentium feriarum laudem celebritatemque defenderem. Me sæpe esse pollicitum, sæpe ostendisse dicebant, si quod tempus, dum sacrae Theologiæ vacarem, accidisset, quo tempore meum officium Rhetorum ordo desideraret, eorum honori me non defuturum. Venisset tempus, aiebant, ut ordinem Rhetoricæ, ad honorem famamque totius Academiæ commendatum haberem: se nullum genus Oratorum in hisce sacris solemnibusque feriis, ad quos adire potuissent, prætermitturos esse;

se : quod caput sanctissimum D. Ermenegildi Senatus Hi-
 spalensis in nostrum Collegium ex suo templo maximo augu-
 stissimoque transferendum decreuisset. Quas res in Carmini-
 bus Poësis, Rhetorica in orationibus, Hispana musa in suo ge-
 nere, cunctorum ingenia in suis facultatibus, & in suis opibus
 efficere potuissent, eas omnes Academiz tantæ cunctos ordi-
 nes hac vna celebritate præstituros esse : rogare & orare non
 destiterunt, vt illos laborantes de tantarum feriarum honore
 consolaret, quos me Rhetoricæ non inscientem maximè ad-
 iuuare oporteret. Tuli grauiter & acerbè, Patres, in eum me
 locum adductum, vt aut eos homines spes falleret, qui opem
 à me & auxilium expectassent, aut ego qui me ad sacra Theo-
 logiæ disciplinam colendam abhinc duobus annis dedissem,
 tempore atque officio coactus ad artem Rhetoriæ & faculta-
 temque traducerer. Dicebam habere Rhetoricæ ordinem ex-
 quisitos facultatis oratoriæ magistros, & præterea nobiles a-
 lumnos & singulares Oratores, qui, quemadmodum sciebant,
 sæpius ad dicendum in istiusmodi Sanctorum laudibus ante
 me in hunc locum surrexissent : Quibus ego Oratoribus no-
 minatis, quod excellentes in suo munere fuissent, sperabam
 hanc à me prouinciam posse reici, id erat mihi aduersarium
 maximè. Nam nisi hoc isti etiam præceptores & summa lau-
 de cumulati Oratores se facturos esse non polliceretur, ne-
 que me ipsum adiissent, neque hanc prouinciam vt susceperem,
 à me efflagitauissent. Adductus igitur sum officio, fide, preci-
 bus, bonorum Oratorum exemplo, aliorum meæ doctri-
 næ permissu concessuque veteranorum, vt munus hoc di-
 cendi, non ex meorum studiorum, sed ex præsentiam feria-
 rum ratione mihi suscipiendum putauerim. Quo in mune-
 re illa me res excitare & inflammare debet ad dicendum, quod
 hæc, quæ videtur esse, exercitatio oratoria, non potius Rheto-
 ricæ, quam Theologiæ res est existimanda. Afferro enim diui-
 tias aliquot Theologorum, monimenta factorum annalium,
 rationes ex factorum Doctorum annalibus petitas. Quamob-
 rem, etsi verba mihi petenda sunt ab Oratoribus, & ex illo-
 rum præscriptionibus oratorium artificium, & ars exquisita
 proferenda, propemodum manere in officio Theologorum
 videor, & non omnino à tractandis Theologis versandisque
 discedere. Quod si hanc causam, tam iustam, tam illu-
 stre, tam necessariam non haberem, si aut hoc à me

Rhetorum ordo non petijſſet, aut mihi præceptorum, quila-
borem hunc ſuſceperunt, auctoritas & exiſtimatio non inter-
cederet, & hoc, quod facio; ab ſtudijs meis non diſcedens, pro-
fiterer; vt Diuus Ermenegildus regia dignitate; contemptione
rerum humanarum, in Chriſtum ſolum fide & amore, patien-
tia, magnitudineque animi, ſanguinis pro Religione profuſi
constantia, cuius merita in urbem Hiſpalim, in totam Prouin-
ciam Berhicam, atque in regna Hiſpaniarum florentiſſima an-
te oculos omuium poſita, me dicente commendaretur, quis
tandem eſſet, qui omnem ſtudiorum rationem intermitten-
dam, & ſi opus eſſet, omittendam non curaret? Quid eſt, pro
Deum immortalem! in quo Oratores Reipub. plus hoc tem-
pore prodeſſe queant? quid quod aut populo Hiſpalenſi gra-
tius eſſe debeat, aut alumniſ huiuſce Reipub. literaræ optatius
eſſe poſſit, aut ſaluti, bonoque noſtrorum animorum magis
accommodatum, quàm Regem ſanctum, & Martyrem, & Pa-
tronum Collegij, de totâ non ſolum vrbe, ſed etiam Hiſpania
tam bene meritum, vt illius Hiſpaniarum Principis pro Reli-
gione ſanguine profuſo, fides, quæ in Hiſpania labare, atque
concideſſe velle videretur, constantiſſimè retineatur, debitis, vt
par erat, orationibus commendare? Dicam ergò de Martyris in-
uiſtiſſimi laureâ, de genere mortis obitæ, (quoniam reliqua
ſcio, qui ſibi commendanda ornamenta ſuſceperint,) ſi me be-
neuolis & attentis auribus audieritis.

*Exercitatio Enumerationis in Diſtri-
butione.*

Primùm mihi videtur de demiffione, deinde de pau-
pertate, tum de charitate Beati Franciſci
eſſe dicendum,

Exercitatio enumerationis in Narratione.

ATque vt inde oratio mea proficiſcatur, vndè hæc omnis
cauſa manat, bellum graue & contumelioſum Regnis Hi-
ſpaniarum, atque Sacræ Religioni Chriſtianæ à teterrimis ho-
ſtibus inferitur Flandro & Anglo, quorum alter tot annos bellis
oppreſſus, alter fidei inimicus, maximè occaſionem nullam, ad
noſtros populos & prouincias attentandas prætermittendam
ſemper ratus eſt. Nuntij afferuntur quotidie Hiſpanis mercato-
ribus

us, quorum magnæ res aguntur in negotiatione Indica occupata? Ad Regem Philippum pro suis classibus, quas capiendæ & diripiendas isti prædones classibus maximis ornatis & instructis curant, literas nuntiosque mittunt Insularum B. Domini incolæ habitatoresque, qui sunt in Hispaniarum ditioribus, significant portum ab his esse captum, urbemque Gaditam quæ in aditu est, & faucibus Bethicæ, totam esse perturbatam Anglorum aduentu repentino; hos eosdem mare infestum facere, & in Hispaniarum portus huc illucque navigantibus præcludere, spoliare multos, diripere naues, partim prædas facere, partim captas naues cum contra tantam multitudinem præstare nequeant se defendere, rebus omnibus onustas in Angliam deferre: Hostes eosdem magnis damnis illatis, metum & plura velle nobis inferre. His necessarium esse classes Hispaniarum, rebus omnibus ornatas opponere, quæ aduersarijs præstare iniiciant: atque hoc potissimum tempore vnam necessarium esse classem potentissimam, munitissimamque; & huic tantum Marchionem de sancta Cruz præficiendum, fortissimum & insignem vnum de Ducibus Hispaniæ fortissimis, rebus omnibus, & victorijs florentem, famam & nominis celebritate præstare, præterea neminem.

res Enumerationis exercitatio in Narratione facti vehementiore, contra parentem B. Barbara, cum amplificatione.

incipite nunc crudelitatis inauditæ supplicium acerbissimum. Pater iugulum filiæ poposcit, quam ipse idolorum manu suâ necaret. Iudices statim carnificem de totâ ciuitatem & immanem constituerunt: hoc officio delatorum iugulum filiam prosequutus est. Nam quemadmodum tam idolorum persuaserit, item de publicâ delatione innotuit, de contumelijs, & iniurijs in filiam sanctissimam, tam verè, tum grauiter & vehementer possem, tamen dimittam, eaque omnia vestris animis integra referat, quod neque taceri vllò modo potest, neque dici proferre, cognoscite. Pater ad filiâ manu suâ conficiendam, & operam suam pollicetur, ipse gladium fulgentem, & iugum, qui pollent esse, & quidem erant in vrbe, numero multo, Præfecto, Iudicibus & oppidanis inspectantibus, sublimè intendit, & à filiæ cervicibus caput abscindit. Inauditam inauditam! O ferinam immanitatem! filiam

tu de improviso susceptam, quam tibi Deus Optimus ac Maximus, ut illi gratias ageres, dederat, ausus es occidere? Si te magnitudo maleficij, si te hominum existimatio non mouebat, ne illud quidem cogitabas, huius inusitatæ crudelitatis, huius impietatis inauditæ, gentes, omnes & posteritatem sæculorum omnium nunquam oblituram esse? An quis tum præfectus, qui Prouincæ præerat, & in his locis in Christianos crudelitatem insatiabilem expromebat, in filiam animaduertere tuo rogatu noluerat, idcirco te in filiam tam crudelem, tam impium esse legemus? Pluris apud te Deus immortalis, quam idolorum cultus teterrimus debuisset esse! Multum te cecauit idolorum amor, & quidem præter reliquos homines, qui eò usque progressus fuisti, ut cum in alijs, & maximè in filia te detestabilem, coelitis & immortalis Deo infestissimum reddideris: cui si renuntiatum fuisset, pro Religione filiam in iudicium delatam esse, tamen te patrem meminisse deberes, ut patris animum haberes, non feræ & immanis belluæ. Hoc quam tibi fuerit infestum, tamen ex conscientia cruciatibus & angoribus assiduis intelligeres, tamen etiam ex hominum oculis & ore, de facinoris inauditi feritate cognosceres. Tacuerunt aliqui Præfecti crudelitatem exhorrentes, quamdiu aderat ille, qui tantam carnificinam exerceret, simul atque liberè proloqui possent, in hominis figura belluarum immanitatem iactarent. Manserunt testimonia tuæ impietatis, manserunt annales verustissimi, & dum erit genus hominum, manebunt, patrem vnum post hominum memoriam, offerentem sese, non iussum, nec inuitatum fecisse carnificis officium in nece filia virginis sanctissimæ, non propter sceleris alicuius perfidiam, sed propter fidem Christo Iesu egregiè constanterque seruata, non propter impuritatem aliquam aut libidinem, sed propter nuptias cum cœlesti Rege castitatis Religione celebratas, interfectæ. Atque te non iussu Præfectorum, sed sponte, voluntateque tua, non coactuludicum, qui impetrare nollent, sed ultro oblatâ manu, sponte, præstitâ operâ carnificis crudelissimi, non denique in carcere, non clam & occultè, sed in oculis hominum palam & apertè, non minis atque terroribus, sed impulsu hortatuque tuo ab Imperatoris Præfecto ad tantam crudelitatem adhibitum fuisse. Fuerunt in eo loco Christiani homines nobilissimi, principes defendendæ Religionis: testes fuerunt etiam de tuorum grege sceleratorum multi homines, qui quanquam fautores idolorum & administri Præfectorum, cum tamen brachium ad cubitum

vsque

etque nudatum more carnificum viderunt, & intentum manu sacrilegâ gladium, atque aded in filia: caput brachiorum contentione deiectû viderunt, hanc tantam impietatem non modo negare interrogati, sed palâm & apertè exhorrentes, iactare non desinerent. Diceret etiam posteritas saculorum omnium, atque illud tonitru terrifico fulmen de cœlo iactum, quo mortem miserrimam & impietate tuâ dignissimam confestim obiisti, vt vno penè puncto temporis & filia in cœlestis aula sedes ascenderit, & tu pater crudelissimus in inferorum obscurissima loca sempiternis cruciatibus torquendus descenderis.

Vsus & exercitatio Enumerationis in Confirmatione, & in primis ad ingressum eorum, qua confirmanda sunt.

Res est eiusmodi, quæ maximè vestros animos excitare atque inflammare debet. In hac agitur generis Hispalensis gloria, quæ cum magna vobis à maioribus vestris rebus omnibus, tum summa in Religione defendendâ tradita est. Agitur salus multorum Imperio nostro parentium, pro qua multa & grauiâ bella maiores nostri gesserunt. Aguntur classes nostræ, quibus amissis & mercatorum fortunæ, & aurum, quod ex India plurimum affertur, amittentur. Aguntur multorum Catholicorum, qui à Regina Angliæ teterrimâ modis omnibus vexantur, libertas & incolumitas, quibus est & à nobis Catholicis, & à potentissimo Hispaniarum Rege consulendum.

Vsus & exercitatio Enumerationis in confirmatione, & primùm de laude.

Exemplum in Ciceronis laude.

Quidego contra Ciceronem loquar, cum id quod loquor consulatu suo, virtute, eloquentia ipsa comproberetur? Hic à principio suorum studiorum, atque eloquentiæ ab omni studio sensuque commodorum mentem suam ad Romanum imperium nomenque contulit. Hic cum coniuratorum manus Rempublicam delere voluisset, è ciuitate partim eos eiecit, partim in carcerem coniecit, atque extremo supplicio mactauit. Hic coactas Manlij copias omni diriores crudelitate dissipauit, & suæ eloquentiæ magnitudine

Ducem & Principem Catilinam scelus anhelantem, pestem patriæ nefariè molientem abire non solum coëgit à Senatu, sed cuncti, exultantibus atque gaudio triumphantibus, è ciuitate: Testantur mœnia, delubra, domus, Rempublika vniuersa, à ferro, à flamma, à vastitate, vt & ipsi Romani extinctam coniurationem, & illius consilio, atque eloquentià capitis periculo liberatam: testantur ingenij monimenta, orationes omnibus oramenti, oratorijs redundantes, quarum immortalis memoria verus populi Romani nomen illustrarunt, & illustrabunt in perpetuum.

*Exercitatio ad laudem Academiarum per
enumerationem.*

ATque vt Salmanticensis Academiæ laudes facilius intelligantur, hæc sum rogaturus: Extruxeruntne illam Reges? fatebuntur omnes. Constituerunt stipendia maxima, & amplissima? non negabunt. Edificaueruntne gymnasia singulis disciplinis, & artibus percipiendis dicata? edificarunt. An bonorum Præceptorum in omni scientiarum genere præcellentissimorum numero celebritateque exornauerunt? notum id quidem est. An concursu omnis generis & ordinis auditorum Academia celebratur? omnium maximè hæc de causa celeberrima est Salmanticensis Academia. Quid de Collegiorum numero dicemus? quanta diuersitas colorum & panni varietas, tanta est Collegiorum; sed famâ notius & celebritate quatuor maxima commendantur. Ex hac Academia Doctores multi, multi iterati in singulis artibus atque disciplinis prodierunt: plures hæc vnica tulit quàm olim Athenæ, quàm reliquæ in quacunque terrarum parte ædificatæ florentes Academiae. Ad quas verò Præfecturas, ad quæ munera Doctores Salmanticenses ascenderunt? Ecclesiæ tribunalia, consilia Regum, sedes Pontificum plenæ sunt Salmanticensium Doctorum, & illorum literis ac sapientiâ non Hispaniarum solum & vltima Hispaniæ subiecta sola terrarum, sed alienigenarum, & Romani Pontificis tribunalia celsissima. At quibus immunitatibus, & prærogatiuis Academia donata Salmanticensis? omnibus, quæ dari possunt cuicumque Academiæ. Quamobrem illa præ cunctis Academijs appetitur ad gradus, ad honores sæculi consequendos, & ad eius cathedras omni ratione contenditur. Atq; hæc famâ, hoc nomine semper fuit, vt literis operum nauasse minimè videatur, nec vllam percepisse rerum scientiam

Scientiam & cogitationem, qui Salmantica in litteris non studium suum & diligentiam contulerit.

Vsus enumerationis in vituperatione.

Nunc mihi temporis, quod mihi ad dicendum datur, quoniam in animo est causam omnem exponere, habenda ratio est diligenter. Itaque primos actus istius vitæ turpissimos & flagitiosissimos prætermittam. Nihil à me de pueritiæ suæ flagitijs peccatisque audiet, nihil ex illa impurâ adolescentiâ, quæ qualis fuerit, audiistis, aut ex illis quos sui simillimos habuit, intelligere potuistis. Omnia præteribo, quæ mihi turpia videbuntur: neque solum quid vos audire, verum etiam quid me deceat dicere considerabo. Vos quæso, date hoc & concedite pudori meo, ut aliquam partem de istius impudentiâ reticere possim. Omne illud tempus, quod fuit, antequam ad Magistratus Reipub. accessit, habeat per me solum ac liberum. Sileatur de famâ non virtutis specie, sed seditionum turbulentissimarum moru collectâ: sileatur de pravis affectionibus, & ingenio nequissimo, seditionum: rixarum communium nulla mentio fiat: bacchationes, & pergræcationes nocturnæ, quas domestici, parentesque sui pertulerunt, prætereantur. Lucretur probra veteris infamiæ, patiatur eius vita reliqua me hanc tantam iacturam facere.

Vsus enumerationis ad amplificationem, cum expolitione, comparisone, dissimilitudine, & suis schematis.

Quid, quod salus Catholicorum summum in periculum ac discrimen vocatur? Regno expulsi sunt multi Christi Iesu cultores, egregiè fideles sacrosanctæ Matri Ecclesiæ. Veniunt ad vos adolescentes multi, & ædibus & possessionibus paternis relictis, propter Christi Religionem conseruandam. Imminet quotidie Regina Elizabetha, suis non solum Catholicis inimicissima, sed Hispanis etiam & Catholico Regi Philippo: Catholici autem omnes spoliati, & nostræ insulæ direptæ, atque attentata Portugalia vindictam propter conatus & imperus nefarios, & classem iam, & Ducem à vobis fortissimū depolscunt, (cum præsertim Rex Catholicus bellum faciendum omni contentione constituerit,) & perstant, neq; se aliud summâ sine reprehensione facere posse vident. Vident & fatentur

hoc idem, quod & omnes Gentes, vnum Regem Hispaniarum esse, in quo Christiana Religio natus, & cum potentissimum esse (quo etiam instant vehementius,) cuius aduentu ipso atque nomine, cum primum in Angliam miserit, hostium animos fractos esse intelligunt, atque debilitatos. Hi Catholicos Hispanos, quoniam hostes hæreticorum acerrimos esse vident, etiam atque etiam precantur: insuper, qui detrimenta ceperunt, & in aliquo fuerunt aliquando periculo supplicat, ut se, sicut Christianos homines, & pro Christi Iesu Religione, vitam cum sanguine profunderè paratissimos, dignos existimēt, quorum salutem suā fortitudine tueantur. Atque hoc etiam magis, quod eos Carolus Imperator defendit, quodque maioribus periculis opprimantur, neque modò sint Reges Catholici, præter Hispanos potentissimos, qui à tam imortua belua possint defendere. Philippum audierunt Angli Catholici semper propugnatorem fidei Christianæ maximum, nunc videre suos Duces in Anglicano mari cupiunt tanta fortitudine, tantâ potentiâ, tanto diuini numinis auxilio fractos, ut à suorum Regum, & Imperatoris Caroli, cuius viuit & viuet immortalis memoria, viribus & felicitate minime differant.

Affectus per enumerationem.

Respiciate, Auditores, hominum fortunas, respiciate dubios variosque casus, respiciate vicissitudinem fortunæ, respiciate inclinationem temporum, respiciate debilitatem humanæ naturæ, quæ tam cito in hoc homine præter opinionem facta, mortis interuentu propè repentino ad nihilum redacta est. Nihil illum iuuentutis flos, nihil bona valetudo, nihil corporis vires, nihil nobilitas generis, nihil opes, neque diuitiæ, ut vitam prorogaret ad senectutem, quid senectutem appello? ad pauciores annos, annos etiam nomen? neque ad biduum, neque ad vnum diem adiuuare hæc omnia potuerunt. Octaua diei hora fuerat, cum staret & deambulet, cum suis loqueretur, cum expectaret pro foribus, vestitus togâ serica, & ridens multum & cachinnans, vocatur ad prandendum & hora solita, quatuor post horas, duodecima scilicet & ante Solis occasum, cum quatuor horæ solum intercessissent, nuntiatur mortuus.

Affectus per enumerationem ad indignitatem hæretici.

Primùm homines isti gratia cœlesti suos animos exuunt, pro qua recuperanda Filius Patris Æterni naturam humanam indudus, in hæc terrarum sola descendit: deinde scelera multa suscipiunt, quæ Deus execratur, & auctores eorum addicere supplicijs inferorum, nisi ad se redierint. Deinde libidines suscipiunt effrænas, ad quas rescandas & extinguendas se passus est Christus Iesus alligari columnæ, & carnes sanctissimas discerpi ac dilaniari virgarum diritate. Post superbiam & arrogantiam suam sumunt spiritus insolentes & intolerandos Luciferei, ad quos reprimendos caput Christi redimitum sentibus acerrimis, & ex omni parte sanguinem elicientibus, præbet spectaculum plenissimum mœoris & luctus. Tum crudelitates in omne genus hominum expromunt, & exercent carnificinam post homines natos inauditam, quam mansuetudine sua & lenitate mitissimus Iesus ablegandam, & exterminandam ex sinibus humanæ naturæ statuit. His fascibus atque insignibus Magistratus ornati potestate sibi tradita per summum scelus, libidinem, superbiam, & crudelitatem in vijs, in plateis, in iudicijs abutuntur. Et quisquam erit, qui perferre possit dominationem hæreseos, ut contemptæ, conculcatæque Religionis flagitia præteream?

Ad urgendum enumeratio, cum præteritione, gradatione, similitudine.

ITa quæro ab te, Petre Antoni, quomodo is literas didicit? Ipse Pater eum imbuit, an alijs ambuendum tradidit? si Patrem dicis, rudis ille fuit & expertus literarum; si per alios scientiam hausisse dicis, quæro, præceptoresne de patria fuerint? Qui sunt hi, cur non à te nominantur? quo in oppidulo? suone? Hoc quia miserrimū est, & contemptissimum, nulli modò sunt, neque vlli fuerunt vnquam. Si de aliqua ex celebrioribus Academicis, quando illas viderat, aut accesserat filius, qui Salmanticam, aut Complutum nullis annis ante venit, neque si venit, vnquam plus biduo fuit, aut, quod tu planum facere contendis, amplius vno mense? Quas literas didicit? quibus in gymnasijs? in quorum disciplina versatus est? Quomodo factus repente, literatus? Pretium alicui dedit? alio in loco dedit?

cui

cui dedit? per quem dedit? unde aut quantum dedit? qui inops erat, & egens rerum omnium, ut vix ad alendos filius sibi sup-
peteret, neque filij vescerentur, cum quisquam hunc in villam,
aut in opus aliquod non conduceret? nonne illis modis ad literarum cognitionem & scientiam perueniri solet? Et simul tibi in mentem veniat, facito, quemadmodum ingenium istius depinxeris: hominem vastum & agrestem fuisse, nullo ingenio, neque memoria præditum, protus ad rem literariam ineptum. Qua in re prætereo illud, quod mihi maximo argumento ad huius inscientiam poterat esse, in glebis, in orationibus, in vita horrida & inculta, in agresti & rustica asperitate literarum partem nullam reperiri: ut non cultus & elegantia in barbariæ mediæ fluctibus alitur, sic non in ingenium hebes & obtusum agrestium & rusticorum hominum cadit præstantia literarum. In Academijs literæ percipiuntur, ex litteris gignitur scientia, ex scientia literati atque docti, ex doctis Prætores, Præfecti, Consiliarii, Censores sacræ fidei, quorum nihil in hoc homine, quem magnificè commendas, inesse videtur.

Enumeratio in peccatorem amplificata ad reprehensionem cum repetitione, exclamatione, & exemplis.

QUousque tandem abutere, peccator, patientia Dei? quando Deum immortalem tuus furor aspernabitur? quem ad finem sese effrenata iactabit audacia? nihilne te maiestas tanti Domini, nihil in te collata beneficia, nihil accepta vita, nihil conseruatio tui ipsius, nihil illius in sceleratos, teque minus sceleratiores supplicia constituta, nihil pœnæ commouere poterunt? latere putas peccata tua Deum immortalē? exploratos omnes tuos sensus, atque tuæ conscientiae latebras, & recessus omnes habere cognitos, penitusque perspectos non vides? Quid agas, quid loquaris, quid cogites à sua præpotenti maiestate, diuinitateque cœlesti teneri non animaduertis? O dementiam execrandam! O furem præcipitem! Hæc intelligit, hæc videt Deus; homo tamen peccat, peccat; imo inueterascit, & cal-
lum obducit flagitijs & sceleribus suis. Fit scelerum omnium machinator & architectus, nullum genus peccatorum relinquens, nullum, quod non suscipiat, prætermittens: Et hæc inter nunquam cogitat, quemadmodum vim immortalis Dei, & iram in se quotidie conuertat & inflammet magis. O malum! Ad inferorū sedes te peccator præcipitari seueritate diuini

diuini numinis dampnatum iampridem oportebat, in te conferri pestem illam mortis æternæ, quam tu iampridem multis asciuiſti. An vero Deus optimus maximus Dauidem Regem clarissimum, Vriæ necati, & libidinis captatæ causa, tot calamitatibus afflixit, & gentem Hebræorum perdidit innumerabilem, peccatorū te autem quotidianis sceleribus labefactantem magis statum animi, & alios in exitium & interitum deducen-tem passim, sua lenitate feret? Nam illa nimis antiqua prætereo, quod Adamum de Paradisi sedibus deiecit in terram hanc vastam, atque desertam, & posteritatem suam, tot morborum generibus, malis infinitis, atq; adeo cœlorum exclusionem multauerit, quodq; per tot annos in expiatam Adami perfidiam aduētu expectato, & acerbissima morte Filij sui expiauit. Fuit, fuit semper tantū odium & iracundia Diuinæ Maiestatis in scelatorum tyrannidem, ut flammarum ardoribus quinque nobilissimas & amplissimas ciuitates absumpserit. Habemus eundem summum præpotentemque Deum, peccator, qui conceptum habet idem in peccatorem odium vehemens & graue. Non abest Diuinæ iustitiæ gladius, neque seueritas ad scelus vlciscendum. Tu, tu, inquam, dico aperte, peccator, erras vehementer, si perpetuam illam futuram lenitatem putas, qui tarditatem temporis grauitate supplicij cōpensabit. Decreuit Deus optimus, ac maximus superiores ciuitates flammis & incendijs vastare, parum amplitudo sua, parum magnificentia adiunxit hominum multitudinem. Lucifer pulchritudine sua superbè extulit & insolenter sese: Minimum punctum intercessit, quin instar fulguris in regiones inferorum datus fuerit præceps. Simili seueritate vsus fuit, aquarum inundatione totum genus humanum delens, præter paucos in arca Noe saluos & incolumes: non multum temporis alios Reges potentissimos & Imperatores terrarum, pœna remorata fuit. Ad vero circa te, peccator, tot annos in peccatorum sordibus iacentem patietur Diuina iustitia aciem hebescere gladij, iampridem districti, & in tui ipsius viscera infigendi?

Amplificatio per enumerationem ex fermocinatione.

Si hæc ad Regem delata fuerint, 'non solum effugiemus, inquit, homines in suis quærendis vtilitatib. nimium diligentes: sed accedit nobis etiam illud: Senator est C. Antonius frater M. Antonij, homo in fratris sententia tuenda plane pertinax & contumax, quem minimè expediat esse in hoc consilio,

quod

quod conamur omni ratione constituere: propterea quod iam antea, cum frater in procuratione Regia delectus non esset, illam fratris repulsam non solum grauitertulit, sed etiam aduersarios ultus est. Hos Senatores ex illo die, quores ad Regem deferrebat, non habemus. Q. Antonium, & C. Sulpicium, seuerissimos, atque integerrimos viros, quoddiauites & copiosifunt, Senatores habebimus, qui quoniam summa sunt iustitia & integritate, senatoriam dignitatem si accipiant, vsui maximo nostræ ciuitati futurum est. Hoc præsertim tempore, cum ex nobilissima & antiquissima familia L. Philippus, cum ad ceteras res, tum ad gerendam Præturam homo summa vigilantia atque virtute Præturam inibit: qui quoniam huic consilio præfuturus est, ita ex legibus & æquitate ciuitatem administrabit, vt pacato constitutoque consilio nostio magnam Prætoris personam, magnamque Præturæ expectationem ad Oppidanorum summam voluntatem sustinebit. Calendæ sunt hodie Ianuarij, omnium breuiter animos & voluntates explebit.

*Secunda ratio amplificandi per enumerationem, ex
sermocinatione.*

Quantum B. Dominici fuerit in Christianam Religionem studium, ac pietas singularis, arbitror ex ego cognoscetis, si rogetis eundem, cur Salmanticam ad litterarum studia profectus fuerit? vt Religioni litteratus inseruiret. Cur libros pro filio mulieris redimendo vendidit? etiam vt Religionis in proximos caritatem ostenderet. Quomodo id faciebat? tradens libros parenti, quos offerenti pretium venderet. Si minus emptores darent, quàm poposcisset parens, aut quàm ad filium redimendum opus esset, se vendendum emendumque proponebat Dominicus. Etiam quid amplius: huc conciones suas, huc studia, huc in animorum salutem susceptas exercitationes conferebat. Ecquod fuit singulare tanti Confessoris in Religionem caritatis inflammatae testimonium? quod Religionem instituit ad augendam propagandamque Christi Iesu fidem, quorum commilitonum nomine? concionatorum fidei. Quid extremum? vitam suam pro eadem Religione dedere cupiebat in districtos gladios & mucrones iugulo inimicorum intgendos.

*Frequentatio, per enumerationem post laudem in oratione,
de laude B. Macharij.*

Ubi audieritis aliquem de solitarijs Patribus loquentem
atque ita dicentem: Tu Machari in vasta solitudine Præ-
tus multorum fratrum fuisti: tu, cum tibi tot fratres, disci-
puli que tuæ fuissent commissi, nihil per multos annos de cu-
solicitudineque remisisti: tibi apud eisdem omnis generis
utrum maximæ, clarissimæque susceptæ fuerunt exercita-
tes. Tu à fratribus virtutibus tuis gratiam inieras: tu exem-
tuo cœtus omnes excitasti: tu, cum aliquid faciendum es-
quod haberet quicquam laboris atque difficultatis, primus
omnium oculis laborem suscepisti: tu, qui in via virtutis ala-
res essent, qui à multis commendarentur, res singulares a-
las demandasti: tu dæmonem occurrentem tibi non semel,
animum inuadere molientem, aggredi, cumque illo de-
re fortiter ausus es: tu carnis appetitiones non inedia so-
& precibus, vexationeq; cilicij, sed susceptis maximis labo-
s, onerum pondere grauissimo compressisti. Te per omne
us nemo in solitudine tua non conuenire, nemo non vi-
cupiens, multorum dierum iter faciebat. Tu multas horas
rum diuinarum adhibuisti commentationem. Tu corpus
ercuisti semper, ut animus Deo semper vacaret. Tu præter
um, præterque communem carnis imbecillitatem, vigi-
edia corpus conflictasti tuum, vexasti, & adeo redegisti
iutem, ut animo obedientem effeceres. Tu totum illud
s, quod in solitudine posuisti, cilicio carnem intus lace-
orpus foris sic abiecisti, depressisti que vestitu attrito, dis-
e. ut inter tuos cum tunica talari crassissima contemptis-
e versareris. Tu propter amorem, caritatemque tuam
ratos aliquorum animos, & oppressos prauitate dæmo-
asti, & coegisti ad sæculum redeundi susceptam abijcere
tionem. Tu denique cum perenni humani generis hoste
ediens & configans acerrimè, ex illius ore audisti, tua,
emissione se perterritum, dolentem, frementemq; fugif-
ue hæc tot ac tanta tuarum virtutum ornamenta, in ho-
obliuione iacere voluisses & sempiterna taciturnitate
uæ si quisquam de tuis fratribus diceret, num à tuis lau-
ostinere posset?

*Frequentatio secundi generis ex enumeratione, de
Christi Iesu Natalitiis.*

QVare gaude tuo isto tam excellenti bono Christe IESV, fruiere fructu & gloria, tum Pastorum aduentu, tum Regum muneribus. Degenerate hominum, quod in pristinam dignitatem restitutum venisti, quoties cogitabimus, toties de tuis maximis beneficijs, toties de natura Diuina cum humana in vtero Virginis copulata, toties de tuis natalitijs, toties de tuæ misericordiæ monumentis cœlestibus ac diuinis cogitabimus, quæ non humana & peritura, sed æterna sunt & immortalia, & plane debeo dicere, in cœlorum sedibus collocanda. Tantus est splendor in tuo aduentu, tanta in natalitijs & virtutibus tuis meritorum præstantia, vt, cum omnia humana fortunæ telis sint exposita, hæc cum sæculorum omnium sint æternitate permanfura.

*Frequentatio ad superioris similitudinem de viro
clarissimo Rhetorum inuisente
classsem.*

QVare gaude Rhetorum classis hoc tanto bono, fruiere fortuna ac fœlicitate tanta, fruiere beneficio & splendore tuas illustrante sedes, ex quo maxima est vtilitas, gloriaque Rhetorum classis. De luce hodierna, quam faustam ac fœlicem videtis, quoties cogitabitis, toties de beneficio tanto, toties de aduentu præsentis fœlicissimo, toties de liberalitate maxima, toties de fœlicitate, qua vti fuistis, cogitabitis, quæ non modo ad literas spectat, sed ad virtutem maximè, quæ cum ad animum redundant, bona dicere potestis vera & solida. Tanta accessit vtilitas vestris studijs, tantum in accepti beneficij magnitudine incrementum, vt non à fortuna oblatum, sed à Deo optimo ac maximo planè impertitum esse videatur.

Digressio per enumerationem.

ATque vt omnes intelligant, me aduersario meo tantum laudis tribuere, quantum doctissimo & sapientissimo Doctori tribuatur, dico eius ingenio, & scientia maximas & nobilissimas Academiæ partes susceptas, iuuentutemque plurimam liberalium artium atque Philosophiæ præsidjs munitas, & instructas fuisse. Eidem cathedram sacrae Theologiæ, quæ ab alijs efflagitabatur doctissimis sapientissimisque candidatis;
magna

Magnâ difficultique contentione, sui ingenij, maximæ scientiæ & exquisitæ doctrinæ documento dato, plurimâ sacræ Theologiæ scholasticorum suffragatione fuisse delatam. Ab eodem Doctore cathedram hanc per quadriennium summo studio, labore & eximiâ nominis celebritate ornatam esse atque illustratam. Magnam Academiæ præterea spem suis prælectionibus eiusdem cathedræ retinendæ allatam, patefactumq; tanto Doctori fuisse aditum ad Primariam decursu temporis obtinendam: Doctorum confessum clarissimum, omnibus sapientiæ ornamentis florentem, atque ipsam denique totam Academiam tantæ sapientiæ lumine illustratam profiteri sese, atque testari. Atque hæc omnia suis maximis & immortalibus in Academiam meritis extantibus fuisse consequutum addo. Satis opinor hoc esse laudis, atque ita reputo, ut hoc vos intelligatis à nullo candidatorum, qui hunc cathedram conscendunt, Doctorem Ioannem Ildephonsum similiter ex hoc loco laudatum. Requiritur fortasse hunc, quemadmodum cum hæc ita sint, præsens mihi cum tanto Doctore possit esse magna contentio? Cognoscite suffragatores! non enim sine causâ contentionem hanc cum tanto Doctore suscepti.

*Amplificatio per enumerationem in ingressu
laudis alicuius.*

VENIO nunc ad istius, quemadmodum ipse proposui, studia; ut homines vulgo, artes atque disciplinas, ut qui dotes hominis agnouerunt, sapientiam, ego quo nomine appellem nescio: pelagus immensum & infinitum nauigare incipiamus, vos postea hominem tantum, tamque sapientem, quo volueritis homine & honore prosequimini. Multitudinem prius & diuersitatem rerum accipite; deinde fortasse non magnopere laborabitis, quo nomine appellandum putetis. Nego in Latinâ linguâ tam copiosâ, tam ornata facultate, tot flosculis, tot ornamentis Oratorijs abundante, ullam vim oratoris, vllum exquisitum dicendi genus, & Ciceronianum fuisse; nego ullam margaritam aut gemmam poëseos exstitisse, aut quicquam ex politioribus literis, & Historiæ Annalibus depromptum poeticum ornamentum, Historicum, Otatorium; nego ullam esse Hebræicæ aut Græcæ linguæ, aut Philosophiæ tam egregiam cognitionem, neque in Poëtis, neque in Oratoribus, neque in Philosophis fuisse, quin perceperit & haberet, cuius ab illo sapius factum fuit periculum in disputationibus, in scriptis,

atque in prælectionibus. Magnum videor dicere. Attendite etiam quæ sequuntur verissima: non enim ornandi, neque amplificandi causa dico. Nihil in liberalibus artibus, neque in Aristotele, neque in auctoribus antiquissimis, atque recentioribus, nihil in Mathesi, neque Arithmeticâ, non in Musicis, non in sacrâ Theologiâ tam abstrusam reperietur atque reconditum, quod scientiam istius hominis & cognitionem fugere videatur. Sed antequam aggrediar ad illius maxima grauissimaque studia, ab Humanioribus, à Græcis & Latinis literis incipiam: sic enim facilius perspicietur, qualis in maioribus sublimioribusque studijs fuerit, quæ coluit, quæ adolescens, atque istius ætatis, in qua nunc est, prosequutus fuit: cum in pueritia, quæ patiens non admodum esse solet laborum, & maxime inimica contentionis, tam illustrem ad Dialecticam, & ad sacram Theologiam aditum sibi comparauerit.

De enumeratione in Epilogis dominante.

Sive Epilogus fiat per enumerationem solum, siue per commiserationem, siue per vtriusque societatem & conjunctionem, Enumeratio magnam habet dominationem in Peroratione, id quod exempla testabuntur.

Epilogus per enumerationem, siue frequentationem cum petitione.

Quare colite Hispalenses Patronum insignem sanctum Ermenegildum fide cā, quam bello contra patrem suscepto videtis comprobari, tum dignitate, tum auctoritate Patroni: patientiā autem tantā, quantum eam convenit existimari, quam vinculis, ferro, & mente confirmatam esse videatis: causa vero eiusmodi, quæ luce claritatis eximix, cantu Divinarum vocum, & iudicio Marris Ecclesiæ comprobetur. Quæ cum ita sint, petimus à vobis, Hispalenses, si qua non modo humana, verum etiam diuina in tantī Martyris gloriā commendatio debet esse, ut eum, qui vos, vestram urbem, qui vestros maiores, qui posteros amplitudine suā liberavit; qui etiam diuinis Christianæ Religionis mysterijs æternum morte suā testimonium dare constituit; quique est in eo numero, qui semper apud omnes, Martyres habiti sunt atque dicti, sic in vestram defensionem pa-

ORAT. DE ENUMERAT. PARTIVM. 117

dem patronum adoptatum veneremini, inter vosque recolatis anniuersariâ celebritate, vt religione vestrâ honoratus, & in summâ gloria habitus ab Hispalensibus, & debito honore cultus esse videatur.

Epilogus per enumerationem ad misericordiam captandam in cathedra petitione.

OMnia circumspicite, non Magistratû modò, à quo scientiâ iuris ciuilibis habeatis, sortiri poteritis, neque adeo vnde còmodo quidem vestro fontes sacræ Theologiæ haurire, sed aliarum bonarum artium adiumenta & instrumenta necessaria petere ad absolutam Iurisprudentiæ cognitionem percipiendam valeatis. In his comparandis multos & magnos labores suscepi per omne tempus, libros omnes & veterum Romanorum & Græcorum Annales euolui, vt autius ciuile accuratius intelligerem, aut ad Iurisconsultorum montem & sententiam interpretarer. Obsecro vos igitur, & oro per pietatem matri debitâ, per fidē iureiurando datâ, per iustitiam in suffragatione seruandam, per Academiæ incrementa, per cunctorum scholasticorū, per vestrū omnium, quibus antiquius nihil esse debet, progressionem, vt hoc tempore nostri rationem habeatis. Et si non paupertatis, at antiquitatis; si non temporis, at iustitiæ nulla capiat obliuio, vt vobiscum, in qua Academia tenipus antea etæ vitæ conerui laborans atque deludans, in eadem hac in honori sede collocatus manere possim. A quibus subleuabor, si a vobis repudier? in quas sedes recipiat, si ab hac Academia eijciar? Quos præter Auditores, præter suffragatores appellem, habeo neminem. Vobis me totum, vobis studia nostra, progressusq; committo. Vobis committo existimationem ac spem reliquæ vitæ, tot laboribus & vigilijs probatus, spectatus cunctis in literarijs concertationibus, varijs in disputationib. argumentorum acumine non nullo, & passim in arida sæpe ieiunâq; materia, in ardua ac difficili, in abstrusa & recondita, argumentorum obiectu frequenti processuq; felici commendatus, celebratus ore vestro, linguisq; Doctorum, atque deniq; in reuocationib. liberalium artium, & sacræ Theologiæ, primus in toto plaulu, tanta semper acclamatione declaratus omnis generis & ordinis spectatorū. Non nudus, & inanis ab ornamentis necessarijs, sed instructus, & munitus præsidijs omnib. ad vos venio, vosq; obsecro, suffragatores exquisiti, vt quâ existimationem, quam expectationē in hoc theatrū in studijs tot annorum

acta iam ætate, decursâque attuli, eam faciatis consequuta cathedra per urbem, & per gymnasia, per Academiam, alacrem lætamque volitare: necis, de cuius iustitia nemo quidem dubitat, à competitore superatus, indignissimo dedecore, turpissimâque ignominia notetur.

Alter Epilogus per commiserationem.

Quapropter commendata Iurisperitia Pontificiâque facultate, Patres, iam facile perspicere poteritis, amissas esse in orbe terrarum ciuitates, amplissimas ornatissimasque prouincias regnorum omnium & Imperiorum, diuisionem omnem longissimam latissimamque interire prorsus, nisi hæc omnia nos Pontificij Cæsareiq; iuris auctoritate conseruemus. Quid enim Hispaniæ, quid Italiæ, quid reliquis terrarum locis fieri, si harum facultatum præsidia Reges non habuerint, & iuris utriusque peritorum numerum & nomen non auerint? Quid potest esse, in quouis genere mali, quod non ad mileros homines, utroque iure sublato, per summum detrimentum atque perniciem non perueniat? si de conseruandis bonis sibi consulere voluerint, ipsa per summâ iniuriam auferentur. Cum domos, atque possessiones retinere cupierint, per vim agris & suis penatibus homines euerrentur: cum pecuniæ debeantur, nunquam exigi poterunt: cum optimam existimationem retinere cupient homines, omnibus iniurijs afficientur. Dixi iam antea, ut has duas artes retineatis, ipsam rationē bene viuendi, legum magis atque Pontificum decretis, quam ullis artificijs, & machinationibus humanis teneri. Etenim ad incertos casus & euentus canonum sacrorum & legum bonarum præscriptiones spectant. Homines porro sunt, quorum audacia suppliciorum metu cohiberi non possit; si autem veritas iudicum fuerit in flagitijs vindicandis, consequitur tranquillitas in rebus publicis, ut aut rectè faciendum intelligant homines, si viuere voluerint; aut malefacta, si rectè non fecerint, grauiter vindicanda. Quod si hæc non essent omnia, si populis, urbibus, & Imperijs, si generi mortalium suis institutis & decretis leges non deseruirent, etiamne hæc legum ignorabimus edicta, & decreta Iuris Pontificij sanctissima ad vitam, & spiritum inter mortales tuendum valere? etiamne ad animorum salutem, cum maleficia prohibeant, non aspiciamus, asferre plurimum vtilitatis? etiamne ad virtutum omnium, & fidei conseruationem vim habere incredibilem? etiamne ad colendam hominis vitam, & à
bestiarum

bestiarum feritate ritumque disiungendam præsidij maximis vtramque scientiam esse inunitam? Itaque hæc, Auditores, quæ desiderari omniratione potuerunt, his duabus scientijs inesse docuimus. Omnes Iurisperitis Præfecturas, atque à regibus delata rerum publicarum gubernacula videtis. Neque quidquam aliud agitur hac oratione, nisi ut hæc duo præsidia firmissimæque propugnacula, leges, atque sacri Canones propter suas utilitates & opportunitates maximas, & simul propter præstantiam & dignitatem suam, vestro studio, atque diligentia, me hortatore iuasoreque, quo æquum est in honore & gloria huiusce temporibus habeantur.

Tertium Perorationis genus.

Videtis igitur Christum Iesum, discipulis inspectantibus, & Virgine Maria, in cælorum regiones ascendentem, plenum gloriæ, plenum splendoris, plenum maiestatis infinitæ. Videtis positum in vestra manu ac potestate, auxilio tanti Domini & suis meritis immortalibus, ad eam, in quam sua se virtute intulit, cœlestem aulam aditum vobis patefacere gloriosum & immortalem. Videte igitur, utrum sit æquius vos Christianos homines, ad tantam gloriam vocatos, in tantam dignitatem efferendos, si per vos non steterit, inter diuinarum mentium cœtus collocari, aut dedi inimicissimis atque immanissimis inferorum legionibus, præsertim cum tot vobis audita fuerint res, quæ vestros animos pro vestra dignitate amplificanda excitare debeant. Primum gloria tanti Domini, quam partis de ferocissimis hostibus trophæis, & tot monumentis rerum gestarum magnificentissimis clarissimam effecit. Tum actus Apostolorum spectantium, & ipsius maximè Virginis Mariæ, quæ huic tanto adfuit spectaculo, præsentia, qui & omnibus ornamentis, & animorum dignitate floruerunt. Deinde recens memoria fratris maximi, cuius ingressu in Beatorum sedes hodierno die non hominis solum natura immortalitate cœlesti coronatur, sed supra cœtus omnis generis & ordinis Beatorum ad Patris æterni sedem collocatur. Postremus scopus huius actus gloriosissimi, & ascendentis Christi Iesu spectaculum ad omnes vitæ nostræ partes, si Beatorum gloria perfrui voluerimus, recte constituendas cohortans atque persuadens. Quare si excitandi etiam estis à me, qui pro concionis exitu estis Auditores, video hoc præcipuè pro spectaculi præsentis ratione vobis persuadere oportere, ut ex omni genere rerum,


H 3 gloriam

gloriam Beatorum, cuius cognita bonitas, conditio, & fœlicitas in Dei optimi & maximi aspectu consistit, diligenter vobis acquirendam existimetis. Fuit magna semper bonorum virorum in Ecclesia Christianæ Religionis copia, quæ cum semper fuerit, semper in hanc illi gloriam, in ipsam æternitatem animorum intendebant. Quid faciendum vobis est, quorum vestigijs insititis, & eorum studijs ad gloriam hanc aspirantibus, & dici præsentis fœlicitate ante vestros oculos versante, cum dæmone præsertim insidiantes semper, & ipso mundo, partim vitiorum agminibus, partim suis inanissimis rebus inaniorum arcem inuadente, tot bella aut à vobis necessario suscipiantur, aut subito atque improviso nascantur, nonne & animum ad iacundum certamen erigendum, & eundem magnitudine splendoris, & gloriæ cœlestis inflammandum putatis? Recordamini quos socios & comites habuerit Christus Iesus, quos Ecclesia Martyres inuictissimos, quos singulæ Christianorum Prouinciæ omnibus maximis virtutibus reduntantes ad populum & urbium suarum tutelam & defensionem adoptarunt, tæm vestræ ciuitatis Iustas, & Rufinas, ac Isidores, atq; celsissimum Regem Ermenegildum Martyris laurea condecoratum hoc tempore recordari vellem: præterea dies ipsos Domini nomine appellatos, auspicia cunctarum hebdomadarum fœlicissima, atque diem patefacientis Christi Iesu gloriæ immortalitatem, & foras proferentis in monte Thabor tribus discipulis visendam spectandamque iucundissimè. Agite nunc, inferte oculos in Beatorum aulam cœlestem, introspicite penitus in omnes cœli partes, vtrum videtis quidquam desiderari posse, quod hac gloria Beatorum maius, quod magis appetendum sit? Quæ si diligenter attendere volueritis, & mentis oculis cœlestem hanc gloriam collustrare, profecto vos ad labores impigros, ad iniurias patientes, ad disciplinæ vsum & exercitationem alacres, ad omnem casum, fortunæque aduersam fortissimos, ad humanarum rerum contemptionem veros Iesu Christi sectatores præstabitis. Nihil nisi de Deo, nihil nisi de Christo Iesu, nisi de Matre sua, nisi de Beatorum gloria cogitabitis. Infestis signis inferuntur dæmones, in vestros animos inuadunt præcipiti ac cæco furore, vos & multis & firmis præsidijs, Christo Iesu adiutore, potestis huic immani, intolerandæque feritati resistere. Primum obijcitur contra istorum impetus Christus ipse Iesus, cuius robore & infinita virtute pugnam inituri sumus, & vt à Christo aliorum egregiè fidelium admi-

nistrorum

nistrorum contra dæmonem, animi liberati fuerunt, sic à nostro capite legionum infernalium imperus terroresque depellet. Constituitur ex altera parte gratia Sacramentorum, quæ profecto non modò virtute sua resistere hostium furori possunt, sed etiam acies hostiles fundere, &que delere. Atque ex ipsorum Sanctorum precibus, ex meditatione gloriæ Sanctorum, ex cognitione Christi Iesu in cœlorum sedes ascendentis maxima firmissimæque auxilia sumuntur. Veniet nobis subsidio in ximo virginum cœtibus comitata Virgo Maria, Parens Iesu Assertoris integerrima, quæ Regina cœlestis aulæ, præficiens maiestate summa sedibus illis altissimis, splendore, gloriaque redundantibus, preces Filio pro nobis adhibere nunquam intermitter. Quamobrem nemo Christianæ fidei cultor sibi vlla excusatione vtendum putet. Omnes ciues cœlestis aulæ, Spiritus Diuini, Virgo sanctissima, Christus Iesus vno consensu vnâque voluntate nos tuebuntur. Quod si tantas auxiliorum nostrorum copias perditus aliquis atque dissolutus despexerit, obsecro per Christum Iesum, per gloriosum eiusdem in cœlorum sedes ascensum, antequam gratiam cœlestem abijciens, à suo se Creatore diuellat, atque distrahat, obeat cœlestem aulam, collustret sedes & tabernacula Beatorum, & valere Sanctos iubeat omnes, iubeat valere Spiritus omnes diuinaeque mentes, & inter tantam vim ac multitudinem Angelum custodem iubeat valere, iubeat valere Virginem sanctissimam, valere Christum Iesum in perpetuum: valere denique celsissimam Triadem, tum cum maximè nuntium cœlo remiserit, quæ Dei clementia fuit, & erit infinita semper, eius fortasse mentis speciem aliquam Beatorum & visionem suauissimam admirandamque diuinitus obijciat; qua homo commotus, ab humanis rebus abstrahatur, & ad cœlestes, mutata prorsus voluntate, rapiatur.

* * *



ADIUNCTA.



ADIUNCTA sunt, quæ cum re sunt coniuncta, ut locus, tempus, ut ea, quæ rem circumstant, ut vestitus & comitatus hominē circumstant, & apparatus, colloquia, pedum crepitus, strepitus hominum, rubor, pallor, ceteraque, quæ suspicionem possint mouere. Latissimè patent Adiuncta, namq; in hominis animo vel corpore sunt, ut virtus, ut oris splendor vel deformitas, aliaque innumera comprehendunt: sic ad Adiuncta spectant literarum studia, honores publici, & priuati, patria, genus, natio, responsa, quæ vitam comitantur, & consequuntur post mortem habiti honores: sic Cicero laudat Pompeium in Manilianâ à virtutibus imperatoris; Casarem in Marcellinâ oratione à misericordiâ, fortitudine, bellicis laudibus.

De antecedentibus, & consequentibus.

Antecedentia sunt, quæ rem antecedunt, ut iustitia virtutem, homo animal, adilitas magistratum, ortus Sol diem.

Consequentia sunt, quæ rem necessario consequuntur, ut hominem animal, iustitiam virtus, adilitatem magistratus, Solem dies.

Sol ortus est, igitur dies est, ab antecedentibus. Dies est, igitur sol ortus est à consequentibus. Hinc illud Ciceronis Ph. 7. Luculentam plagam accepit, ut declarat cicatrix. Probat Cicero, quoniam cicatrix magna esset, vulnus fuisse magnum.

LAUS EX ADIVNCTIS SOLIS

B. Iohannis Euangelista.

IN Beato Iohanne Euangelistâ multa sunt, eaque præclara ornamenta, quibus mirum non est, carum adeo fuisse suo Præceptori. Nam virtutes, quæ in reliquis nostræ Religionis Antesignanis sparsæ sunt, arque diffusæ, in tanto Principe coactæ coaceruatæque reperiuntur. Atque inter alias (omnes enim enumerare velle, fuisset infinitum) quantâ fuit ille demissione? qui cum se carum esse videret Assertori Iesu præ reliquis, & dilecti nomine & honore affectum, nunquam tamen prærogativâ tantâ sese iactavit inaniter: sed cum suavißimum illud nomen usurparet, semper ad Divinæ largitatis gloriam & magnificentiam conferebat: cum rogare Dominum & percunctari posset de multis rebus, humiliter atque demi'se gerebat sese. Quæ fuit illius comitas & affabilitas; quæ discipulos sibi plurimos adiunxerat, & hominum colligebat benevolentiam, & gratiam omnium retinebat? quæ castitas & integritas corporis & animi, cuius nomine singulari eximium se illi præbuit Christus IESVS, & eidem Virginem de cruce Patriam Æterno spiritum extremum exhalaturus commendavit? Ex Discipulorum delecto numero vnus ille somnum cepit, in sinu complexuque Assertoris sui. Quæ fortitudo? quæ magnitudo animi, cum in medijs fluctibus cruciatuum Præceptoris Christi, palatium Iudicum solus ingrediebatur, & animum patefaciebat alumnis veteris legis. In multis percontationibus in multo strepitu sacerdotum, in multo furore, atque hostili amentia fortem & inuictum retinuit animum? Quæ fides? quàm clara & illustris? cum reliquis socijs & comitibus fugatis atque dispersis, in passionis vehementissima turbulentissimaque tempestate, solus ille permanfit cum Præceptore suo, plenus fidei, plenus animi. Ibat & redibat ad Virginem, vt faceret participem tantorum cruciatuum Matrem Domini sanctissimâ. Ad extremam crucem cum Maria fuisse scimus eundem, & morientis extremum spiritum excepisse testem locupletissimum admirabiliû & stupendorum operum, quæ mortis Domini tempore grauissimo diuina virtute patrata fuerunt. Quæ fuit patientiæ magnitudo cum tyrannorum comprehensionem, cum contumelias, & probra maxima, cum vim olei feruentis, cum flammam ignis ardentis, cum denique solitudinem desertam, & per tot annos

exilij gravitatem, in tantâ rerum penuria & inopia maxima, radicibus & herbis vefcens fylueftribus, lætus & hilaris patiebatur? quæ deniq; caritas ardens & inflammata, qui nihi agebat, nihil loquebatur, nihil cogitabat, niſi facta caritatis? Hanc ſuis in concionibus, in publicis & priuatis ſermonibus commendabat diſcipulis ſuis: huiusce virtutis commendandæ cum ſinem nullum faceret, & ad ſe ipſos amore mutuo complectendos diſcipulos hortaretur, erant illi cupidiffimi mentis præceptoris tenendæ, & quò iterata, & roties geminata caritatis colendæ verba ſpectarent: percontantibus igitur diſcipulis de propoſito frequentiore loquendi de caritate, reſponſum largitus eſt huiusmodi, quo maxima præclariffimaque caritatis dignitas cernitur: quoniam, inquit, omnes virtutes vna caritas complexa eſt, quam ſi quis coluerit, aditum ſibi clarum & illuſtrem ad cœleſtis aulae gloriâ patefaciet. Has omnes virtutes cum cogito tanta cum præſtantia fuiſſe in B. Ioanne Euangelifta, iam nunc inimiè miror, illum tantis à præceptore prærogatiuis & immunitatibus donatum eſſe.

Laus B. Ermenegildi.

Videamus virtutes tanto & Principe & Hiſpalenſi Patrono digniſſimas, atque illius maximas & clariſſimas dotes à primis ſuæ traductionis temporibus ad noſtram Religionem monitis & hortatu Leandri ſanctiſſimi in tanto Martyre perſpectas & cognitâs. Videamus autem imprimis fidem, quam pater nullis precibus, nullis allegationibus Principum, nullo Arrianorum hortatu, nullis minis neque terroribus, non cum exercitu contendens Hiſpalim celeritate maxima, nō comprehensione, non mortis periculo, non intenta ſuis ceruicibus bipenni diriffima labefactare potuit. Intueamur contempTIONem atq; deſpicientiam rerum humanarum, quas tam parui habuit, ut non patrimonium lautum & copioſum, non redditus annuos, & quidem ampliſſimos, non ædes magnificas & læxas, non pulcherrimam ſuppelleſtilem, non denique diuitias hominum vſitatas & communes, quæ magnam viris ſanctiſſimis laudem & gloriâ, & nobis ad dicendum de tantis tamque eximijs rebus materiam ampliſſimam compararunt, ſed ditionem Regnorum potentiſſimam, diademata gemmis illuminata fulgentibus, ſceptra ex auro puriſſimo facta, ſolum Regiæ Maieſtatis altiffimum, omnem potentiam & magnificentiam Regum maximorum ſuperbiſſimam, quibus nihil eſt in orbe ter-

terrarum opulentiùs, nihil clariùs, neque illustriùs, spreta con-
 temptaque commemorabunt oratores. Quam verò magnani-
 mitatem prædicabimus? Quæ celsitas & exaggerata Regiæ di-
 gnitatis maiestas? Nihil in rebus humanis, quamvis esset in-
 signi pulchritudinis specie ex cultum, putavit expetendum, o-
 mnia verò contemnenda, repudiandaque pro cœlestium or-
 namentorum eximio splendore? Quam patientiæ laudem ex-
 tollemus? quas comprehensionis iniurias factas? Ariarum
 satellitum ad carcerem missorum furorem pertulit sæpe ac sa-
 pius, vincula manibus & corpori suo iniecta, prægrandes ferri
 catenas, & illum squalorem, & sordes, tantam laborum & mo-
 lestiarum acerbicatem, carnificis os & vultum ferocem ac tru-
 culentum, animum ferreum ac ferinum, intentam in caput &
 infixam tanta diritate bipenni, qua diuisum in duas partes
 caput illud Regiū & excelsum, totum sanguine manare cœpit,
 & à vertice in pedes vsque flumine largo profluere. Non mortē
 Regis gloriosam lux clarissima splendore de cœlo diuinitus al-
 lato illustrauit? non tenebras noctis, & carceris angusti cali-
 ginem depulit radijs longè lateque diffusis, & locum illum,
 (quod Hispalenses viderunt) immensa claritate complentibus?
 non cantus exauditi fuerunt cœlestes atque diuini, quibus laus
 immortalī Deo tribuebatur, & Rex inuictissimus ad Martyris
 lauream accipiendam vocabatur? Vnam (vt cæteras virtutes
 prætereamus) caritatem tollamus in cœlum: non enim Regem
 clarissimum Regnorum amplitudo ad imperium, non Regis
 dignitas ad Regiæ maiestatis splendorem, non subditorum
 multitudo ad inanem speciem, non diuitiæ & opes Regiæ ad
 plausum & iactationem, non denique decora & ornamenta
 Regum potentissimorum, quibus capiuntur, delectanturque
 mortales, ad sæculi voluptates perfruendas auocarunt. Non fi-
 liorum amor de caritate Dei, non vxoris delitiæ suauitatesque
 de Christi Iesu amore flagranti quidquam detraxerūt. Diuitias
 & opes Regias, diadematis splendorem, sceptri existimatio-
 nem, solij magnificentiam, omne regale decus contempsit &
 aspernatus est, cœlorum & Christi Iesu flagrans amore cœlesti.
 Quid quiddam filium, Principem regnorum, vnicum suorum Re-
 gnorum successorem, paruulum & nondum sex annos natum,
 delicias & amores, vxorem splendidissimam, sanctissimamque
 fœminam, sociam & comitem vitæ, filiam Galiorum Regum,
 magnum incitamentum, & stimulum acrem admodum tradu-
 ctionis

ctionis ad fidem à sua societate disiunxit, distraxit, & amandavit in Italiam? dicam clara voce, vt omnes audiat, & in Deum immortalem amorem Regis inflammatum agnoscatis. Misit obfides pro pecunijs mutuis ad bellum impio sacrilegoque parenti pro Christiana Religione faciundum. Hæc si in Ermene-gildo non inesset caritatis admirandæ magnitudo, putatis illum tanta Fide, tanta magnitudine animi, tanta contemptione rerum humanarum, tanta patientiæ præstantia, denique Martyris infulis & insignibus clarissimis decoratum ornatumque florere potuisse?

Laus Cæsaris.

SIquem in re militari ducem, fortem & inuictum Imperatorem laudauit antiquitas, hunc Cæsarem maxime cæteris, qui fuerunt, præponendum indicaret, cuius à pueritia in re militari vita consumpta, nullum à bellicis laboribus tempus vacuum habuit, qui miles fuit maximorum Imperatorum. Prima autem stipendia fecit in Asiam M. Thermi Prætoris militiam sequutus, à quo, velut à Sylla Pompeius contra duces Marianæ factionis in Italia, ad accersendam classem adolescens, ac penè puer missus est in Bithyniam, in quo obeundo munere talem se præstitit, vt Regem & totam Prouinciã comitate sibi deuinxerit & facilitate sua. In eadem adolescentia positus Seruilius Isaurico Imperatore meruit in Cilicia, à qua mors illum Siliæ non multo post tempore reuocauit in urbem Romam. Magna iam nominis celebritate commendatus erat omnibus, & in hunc adductus alicuius Prouinciæ Senatus auctoritate & populi Romani benignitate consequendæ. Neque spes equidem illum fefellerat. Omnium enim Romanorum in illum oculi coniecti, omnium animi Cæsarianæ dignitatis amplificandæ cupidissimi videbantur. Primum urbanis Magistratibus relictis (nam de fortitudine dumtaxat est in animo mihi dicere, ne longior videar esse, quàm exercitationis ratio postulat) Quætori obuenit Hispania, quam cum lustraret, cum ille cum imperio potestateque sua Gades venit, quæ id temporis vrbs erat clarissima, & vna de quatuor, quæ conuentus iuridico florentissimos habebat, ad Alexandri Magni statuam constituisse dictus est, & ad illam ingemuisse, quasi pertæsus ignauiam suam, qui nihil adhuc memoria dignum gessisset in ea ætate, in qua toto iam terrarum orbe potius fuisset Alexander Magnus. Aspirat igitur iam inde ab illo tempore ad magnas expeditiones, ad capiendas

capiendas Prouincias, ad ferocissimas gentes subigendas Fauet fortuna desiderijs, & conatibus Cæsaris, mittitur Prætor in vltiorem Prouinciã, pacata reuertitur ad Consulatam, triumphumque debitum. Sed ne triumpharet, causa fuit, Consulatus, quem cum consequi nõ potuisset, nisi priuatus, repudiato triũpho ad Consulatus petitionem totus incubuit. Abiens Consularu, naetus Galliam Transalpinam, & Cisalpinam, & Illyricũ, & progressu temporis Comatam ad quinquennium. Post adiectas decreto senatus Prouincias ad suos conatus, & ad animum explendum idoneas, quot & quanta prælia fecit? quot exercitus fudit, quot superauit? quot ad internecionem deleuit? Ariouistum Regem, excitantem inuehentemque secum innumerabiles Germanorum copias, duobus filijs, duabusque captis vxoribus, fugere coëgit. Maximum fuit prælium in Belgarum gentem, quæ tertia pars Galliarum est, quam in Cæsarem ardentem, secumque innumerabiles copias, ex diuersis maximeque bellicosis hominibus armatas ducentem, & ex syluestribus locis erumpentem, virtute sua simili rerum magnitudine gestarum in Gallia profligauit. Pacatas iam atque sedatas habebat Gallias Iulius Cæsar, cum nouum exortum esset, grauissimũ periculosissimumque bellũ omnis generis Gallorum, & eorum qui victi fuerant, & illorum qui nunquam ante arma ceperant contra populum Romanum, atque tanto periculosius, quod Cæsar aberat in Italiam profectus: vnde celeriter rediēs nauali pugna superatos, qui bello superfuerant, vt in officio Galliam contineret, & gentem ad omnia consilia mobilem deterteret, hos partim interfecit, partim sub corona vëdidit. Nihilo seci⁹ Germani viribus suis & multitudine confisi, & natura maximè loci muniti, quodd Rhenus interiectus esset, quem propter altitudinem rapiditatemque suam Romani non facile transire possent, multas gentes excitarunt. Sed ponte incredibili celeritate confecto, proh Deum immortalem! quot gentes, quàm innumerabiles, quàm bellicose, quàm feræ & immanes à Cæsare superatæ fuerunt? non armis, non ferro configens, sed solum aduentu suo Sueuos feros & immanes, quorum esse centum pagos & populos constabat, totamque Germaniam partim deterruit, partim præliatus maximis cladibus affecit. Sed quid singulos commemoro, fuit ea laus Cæsaris, vt annis nouem, totam Galliam, quæ à saltu Pyrenæo, Alpibusque, & monte Gebennæ, fluminibus Rheno, & Rhodano continetur, patetq; in circuitu ad bis, & tricies centum millia passuum populo Romano parefecit,

refecit. Taceo socias ciuitates; prætereo de populo Romano benè meritas gentes, quas exercitu suo tutatus, & ab immanissimis gentibus, & in illud vsque tempus incredibili ferocitate exultantibus defendit. Sileo Hispaniam vltiorem, duas scilicet Hispaniarum florentissimas partes, Bethicam atque Lusitaniam à C. Cæsare Prætore pacatas; consulares verò Prouincias Gallias, quæ subiectæ populo Romano fuerunt, conseruatas, aliquot alienatas, maximeque inimicas imperio tanto, non deterritas duntaxat, & superatas, sed onere tributorum populo Romano persoluendorum grauatas. Quid aliud restare videbatur ad fortitudinem clariorem & illustriorem reddendam? Quis vnquam ad Britanniam accessit, mari semper periculoissimò tutam, & propter gentis feritatem neque à populo Romano, neq; ab alijs gentibus bello attentatam vnquam? Huc se Cæsar incognito mari recepit; sed primò res malè processit: aduersa enim tempestate iactatus, magnam partem classis amisit; sed relictis nauibus, alijs denuo factis Britanniam inuadendam capiendamque curauit, & contra vim tempestatemque maris turbulentissimam contendens, victis iam atq; fugatis hostibus, in flumen Tamesim penetrauit, & totam Britanniam armis captam, tributis impositis, populi Romani imperio subiecit. Cum Cæsar victor iam tot populorum, tot urbium, tot gentium & nationum bellicosissimarum esset, Britannia excedendi iam tempus erat, & necessarium: sed quid agat Cæsar, qui se inimicorum iniurijs Romæ malè tractari, & honores a populo Romano tributos eripi sibi videt per summam inuidiã? Cui Consules aduersantur, aduersantur septem Tribuni plebis, re clamat senatorius ordo, & omnium maximè Princeps Imperij Romani Cn. Pompeius: qui ferre æquo animo non potest parem esse sibi Cæsarem. Duo res agunt Cæsarianas, atq; his obstant reliqui vehementissimè. Omnia raptim, & turbulenter aguntur in Senatu. Intercedunt duo Antonius & Curio, vis affertur Tribunitiæ potestati, cedunt curia, cedunt senatu, cedunt ciuitates, mutatis ad celeritatem iumentis recipiunt se ad Cæsarem, docent de statu rerum suarum, de facti iniuria, de sacrosancto Magistratu violato. Docent Cæsarem, nolle senatores pacem cum Cæsare, petere rem iniquam, ut à Pompeio retento exercitu, Cæsar dimittat legiones, deponat arma, tradat Prouinciã, si consulatum velit, veniat priuatus sine armis, sine ferro, supplect à populo Romano contèdat. Quid ait Cæsar? videt hæc omnia non aliò spectare, quàm ad perniciem suam. Traiecit igitur

Rubiconem

Rubiconem cum exercitu, accelerat in urbem Romam, videretis exire. Senatores, discedere Consules, Pompeium aduolare Capuam ad agendum de rebus bellicis, diuidi populum terrarum Dominum in duas partes. En arma capta, en bella ciuilia. Videretis etiam parari exercitus ab vtraque parte, conscribi milites, euocari sociorum auxilia, implorari suppetias Regum, denique rem eò progredi, vt duo maximi inuictissimique terrarum Imperatores castra collacent in campis Pharsalicis. Committitur pugna ab vtraque parte, facile Pompeiani fugantur, & alij in Africam, alij in Hispaniam, Pompeius Alexandriam fugit. Cæsar ad Ducem, vt ille dicebat, sine exercitu, deinde ad exercitus sine Duce properat, nihil temporis volens relinquere Pompeio ad se reficiendum, instaurandumque exercitum. Quò cum peruenisset, & Pompeium occisum vidisset, non bellum Alexandriæ excitatum confecit? non totum Ægypti imperium pacatum reliquit, maximeque sedatum? Quo conficiendo quantum temporis insumpsit? triduum duntaxat. Inde in Africam, & tandem in Hispaniam celeriter aduolat: non cernere videmini Pharnacem, Magni Mithridatis filium, Regem Ponti potentissimum, damna patris refarcire volentē, & occasione bellorum ciuiliū exultantem, atque bellum in Romanos maximum comparantem? Non ostendam superbiam Pharnacis, non commemorabo copias coactas, non proferam Regi spem aliam & animum Regni recuperandi temporum procellis iniectum, sed præter omnium opinionem animum creuisse Pharnaci putatote. Quò plus igitur habuerat animi, quò plus virium ac potestatis, eò magis inuictam Cæsaris fortitudinem debetis admirari, qui triduo postquam in illius aspectum venit Regem Pharnacem profligauit. Inde celeriter in Africam transiens Scipionem, & Iubam reliquias exercitus reficientes superauit. Restat Hispaniense bellum, quod alebant filij Pompeij, quod non minore fortitudine confecit: quibus bellis foeliciter confectis, toto iam terrarum Orbe deuicto, quinquies triumphum agens, Romam victor cunctarum gentium, atque nationum ingressus, quod cupiebat, quod con-
teadebat, obtinuit & tanquam alter Alexander potius est orbis terrarum Imperio.

Laus Prætoris ex adiunctis.

NEqueo non commendare dignitatem Prætoris in administranda Prætura, in gubernanda ciuitate, in tota constituenda Repub. quam tanto consilio, tanta vigilantia, tanto labore & studio, tanta iustitiæ æquitatiſque laude gessit, vt ad Præturam & honores gerendos natus fuisse videatur. Quid enim de consilio dicam, quod sibi summum est ad clauum Præturæ tenendum; quo deliberationes de Republica maximas habet, & has suis in locis, suo tempore opportunas maximeque vtilis, ad quas adhibet optimum quemque prudentissimumque de Repub. Senatorem; atque hos vt maximè idoneos videt, ita maximè rebus gerendis præficit: res ad Senatum defert, & verbis grauib. maximeque apposis in suo statu, vt sese habent, ostendit, quid boni, vel mali apportetur, quid metui, sperariue possit ostendens, rogat sententias quemque Senatorum, pro antiquitate dignitateque suâ, dicunt, audit attentè, laudat, vt maximè Reipub. interesse videt. Denique quod maxima pars probant, cum id sequi reliquos necessariû sit, maturat exequi: Pro uidet futura, præcidit fibras malorum, & omnium stirpem radicibus euellit, vt antequam nascatur malum, illum occurrissè consilio prudentiaque singulari animaduertant omnes. Atque cum hæc dignitas ornata fascibus, administris plurimis, apparitoribus solitis, duplici Proprætoris honore, summam habeat auctoritatem & splendore; tantâ tamen comitate gerit eam & administrat, vt Senatores omnes, florem nobilitati, omne genus hominû sibi deuinxerit, maximè elegantia & humanitate solita, qua tractat potentiores, qua cunctis honorem suum tribuit, pro statu, pro fortuna tractans, & plus honoris tribuens, quam quisquam sperare posset, nemini vnquam, aut de industria, vel per minimam incuriam, vel minimum detrahens. Itaque carus est, & acceptus omnibus. Aspectu Prætoris lætari videntur & gestire omnia, atque cum comem se Prætor, & tantopere benignum præbeat, nihil in illo in sceletatos nefariosque homines vehementius: quem seuerum, acrem ac vehementem experiuntur, otiosi metuunt, timent aleatores, perturbatores terrent, exhorrent publicatarii, reliquum facinorosorum genus vehementissimè reformidat: quorû sentinâ vacuam habens ciuitatem, ac maximè purgatam, visens, reuisens, obiens, & lustrans vias omnes, & præcipuè suspecta loca, præter opinionem, præter cogitationem, facinorosos in ludis, in maleficijs opprimit, cōprehendit,

hendit, & iubet in custodiam detrudi. Qui latuerant antea, & nusquam inueniri potuerant, ex suis extracti latebris, & proditi custodiæ, vinculisque mandantur. Maturat fontes punire, & pro gravitate sceleris aut leuitate, pœnam statuere. Cauet ille plurimum in puniendo, ne pœna maior sit quàm culpa : atque pœnam ab egentibus, si soluendo non essent, aut remittebat, aut multam, quod sine partis offensione fieret, imminuebat. Non ille crimina aut opinionibus vulgi, quibus facilè Prætores raperentur in errorem, nec æquum sapè de cernerat; sed gravitate maleficij atrocitatem mortis, peruersitate rei, modum pœnæ statuendo, prudens æquusque ducebatur. Ad pœnam irrogandam nunquam accedit iratus, vt illam teneat mediocritatem, quæ est inter nimium & parum. Quibus personis pœnas pecuniarias leges præfinit, eas sic temperat, vt nihil ille sibi lucri capiat : quæ arbitrio relinquuntur Prætoris, eas ad inopum miseras subleuandas, aut ad factorum confert ædificationem instaurationemque sacellorum, ad Xenodochiorum sumptus, ad alia misericordiæ & pietatis opera singularia; nunquam ex his quicquam sibi ascripsit, aut in suam utilitatem, vsumque conuertit. Semperque pœnis modum moderem statuit, vt eas cum statu fortunaque multandorum metiretur, non ad exinanientos exhaustiendosque homines spectare videretur. Ita diligens erat, & assiduus officio præstando, vt cum aures præberet litigatoribus horas vfitatas manè & vesperi, vel ante præfinita tempora, vel post, quod longum tempus esset in noctem vsque lustrandis obeundisque viis, macello, carnario, officinis omnibus & tabernis vinariis, fructuariis, & foro olitorio, piscario, escario, reliquisque diuersi generis poneret. Petit repetitque loca, quibus conuentus & frequentia solet esse, propter anniuersariam feriarum instaurationem, ne quid turbæ, ne quid tumultus suboriretur, sed omnia pacata tranquillaque spectarentur. Ad diurnos labores adiungere solitus est lustrationes nocturnas, ferri, armorumque tollendorum causâ totam urbem circuiens & peragrans à signo receptui dato, & post multam noctem domum repetens. Ita ludi, alex, furta, maleficia ablata, mulieres profligatæ de ciuitate eiectæ, pactiones, & venditiones repressæ, incendia restincta seditionum, leges & iura seruata, retenta pietas, boni mores culti, pax habita. Respublica florens ac fortunata fuit tanto, tam prudenti, benigno, affabili, vigilanti, laborioso, iustitiæ & æquitatis amante Prætorè : quod nobilitas sui gene-

ris, insigne Crucis pectori affuturum, dignitas comitatus honorifica, multarum maximarumque rerum usus, & experientia diuturna, tanta de suis clarissimis virtutibus opinio, & apud Consiliarios Regios existimatio, & apud Regem ipsius collecta gratia testatur omnibus me tacente relinqueret.

Law viri nobilis.

Patria huius illustrissimi viri Madritum est, oppidum situm in Castellâ nouâ, temperie cœli, salubritate aeris, copiâ & vbertate rerum omnium abundans, cinctum mœnibus fortissimis & altissimis, ædificiis ornatum magnificentissimis. In eo Reges Hispaniarum propter situm & positionem loci sedem habent, & domicilium suum. Celebratur ab Hispanis & alienigenis propter Senatum Regium, & consilia omnis generis & ordinis omnium consiliorum. Denique illustratum splendore & dignitate Comitum, Marchionum, Ducum, reliquorum Regni magnatum, & Principum maximorum, qui aut Regiam consecretantur, aut à Rege accersiti quotidie veniunt, vel ipsi aulâ Regiâ persiuedi causa, menses aliquot Madriti morantur. Nobili genere natus est ille: refert autem nobilitatem suam ad Guzmaniorum antiquissimam illustrissimamque familiam, quæ viros nobiles, & claros admodum habet, & cum summis maiorum imaginibus insignes, tum diuitiis, & opibus abundantes, & multis honoribus Reipublicarum & ornamentis gloriæ singularibus affectos. Vt enim omitram alios titulos, & honorum insignia, an quisquam negare potest, ex eius stirpe fuisse Comites, Marchiones, Duces, & inter alios Ducem Sydonium, decus & lumen Hispaniarum clarissimum? Quorum de familiâ cum agimus, id illius nobilitatem & splendorem ostendendum, non raro scientes antiquitatis & claritatis familiarum, vetustatem & gloriam Guzmaniorum cum Regiâ & excelsâ Visigothorum progenie coniungere soliti fuerunt. Cum verò quis iactat familiam suam, & famosis Guzmaniorum imaginibus se clarum & illustrem dicat, hunc Visigothorum & Guzmaniorum genere natum & editum in lucem continuo vicimus, & quasi ad illum comparandum neminem qui clarissimarum familiarum splendorem suorum claritate parentum obscurare videatur. Huius vetustissima, clarissimaque familiæ viri, amplissimas semper opes habuerunt, quibus
le &

se & alios alere possent, & ad omnem speciem & splendorem illustrem magis glorioseque iactare. Neque verò de familiaris aliis opulentissimis extiterunt unquam, qui maiores gesserint dignitates, qui ampliores ulli in locis honores habuerint. His floruerunt semper in Repub. Guzmanorum stipe procreari Principes, qui vel patrimoniis maximis, aut honoribus amplissimis, aut Praefecturis saeculi, vel Ecclesiarum, vel ditione Comitum, Marchionum, & Ducum potentiores extiterunt. Hunc splendorem generis vel ore suo proferebat vir iste clarissimus ad dignitatem summam composito, conformatione lineamentorum, atque ipsa recta & excelsa corporis statura, summa in incessu, & statu, atque sessione, in omni motu corporis gravitate, ut quo genere, quibus divitiis, quibus honoribus praeditus fuerit, iuventibus facile quidem esset conicere. Ad haec corporis & fortunae bona virtutes adiunxit plurimas, tantaque nobilitatis laude dignissimas: quibus se magis clarum & illustrem reddidit generi mortalium, quibuscum agit, versaturque familiariter. Nam se comem atque benignum praebet, amicitias multorum colligit, retinet facilitate suavitatque suā. Illam oris dignitatem, illam corporis formam & habitum pulcherrimum ad Dei cultum & obsequium, & ad Reipub. usus & utilitates confert. Neque verò quicquam huic viro nobilissimo fuit unquam gratius, quam patrimonium suum, non ad alendam solum familiam suam honestissime, sed etiam ad pietatis actiones, ad officia misericordiae praestanda, liberaliter conferre. Quamobrem domus illius semper inopum & egenarum multitudine celebrabatur: nunquam ianua, nunquam vestibula vacabant horum venientium, & aliorum discedentium multitudine, qui nullo tempore vacui inanescere dimittebantur. Ad quas virtutes accedebat consuetudo rei divinae singulis diebus audiendae, consulendi prius animo, neque ullius criminis capitalis labe eiusdem animi unquam aspergendi. Quamobrem curae fuit illi semper expiare conscientiam per confessionem celebrioribus solennibusque Sanctorum feriis decursu anni redeuntibus. Quod in Aula Regia, in tanto strepitu, atque tumultu rerum aulicarum, ubi maximè iactatio saeculi dominatur atque regnat, nemini quidem non mirabile videbitur. Obiit mortem consentaneam vitae, quam egerat integerrimè, & ex Christianae disciplinae praescriptionibus, cum expiata conscientia, tum accepta sacra Synaxi, summo studio & religione, millies osculans effigiem

Christi Iesu de cruce pendentis implorans opem Virginis Mariæ, Sanctorum omnium, & Angeli custodis, crebrò Iesum in illis angustiis extremis appellans, adhuc interruptis morientibusque vocibus, donec animam exhalauit. Vbi ad funus conclamatum est, nemo fuit, qui non ex illius morte dolorem grauissimum acceperit, summi, medij & infimi lugebant, pauperes maximè, prælidium maximum, & alleuamentum inopiæ suæ se amisisse lamentabantur. Magnus concursus factus fuit virorum & Aulæ Regiæ Principum ad illius exequias cohonestandas, qui tanquam ad commune restringendum incendium confluxisse videbantur: tantum valet optimorum, & virtute florentium virorum in hominum animis excitatus amor, vt mortuos magis, quàm viuos omnibus officiis & honoribus prolequamur.

Laus Iurisperiti.

Cursus tuorum studiorum mirabiliter confectus me cogit, Doctor maxime, vt sine laude foelicem illorum progressum & exitum non præterirem. Nam cum iniisses Grammaticæ studia, in ea non amplius triennium posuisti, & cum in auditoribus intelligendis, in locis eorum difficillimis explicandis multum condiscipulis tuis præstitisses, magnam apud omnes laudem merebaris, & omnium æqualium tuorum optimus & præstantissimus prædicabaris. In Grammaticis audita Poesi, quis te præstantior euasit Poeta, scientia in metiendis carminibus, in faciendis Epigrammatis concinnior & acutior? In quibus tam copiosa ac diuite vena affuebas, vt non cogitato solum componeres, sed etiam ex tempore non agnum numerum optimorum versuum funderes. Ab his studijs excedens, quæ sunt prima cuiuscunque generis literarum fundamenta, quoniam patrem Iurisperitum habuisti, & parentes plerumque volunt, vt filij artem eam, & studia sequantur, quibus parentes dediti fuerunt, tu memor obseruantia, quam filij parentibus debent, & illius pieraris, quâ paternum, maternumque nomen colitur parentis studia coluisti. Quæ cum iniisses studia Salmanticæ, talem te in eis, tam sedulum, & diligentem, adeò laborum omnium patientem tribuisti, vt nunquam ab illo die, quo pedem Salmanticæ potuisti, ab Academia discesseris, nisi confecto studiorum curriculo, (quod quinquennium est,) & post lauream baccalaurei acceptam. Non dicam hic quanto studio, quantâ

quantâ diligentia, quantâ contentione corporis & animi in ius Pontificium, atque civile incubueris. Et quoniam vnum alterius studij particeps est, nec quisquam in altero perfectus vir euadet, nisi vtrumque summâ auiditate studium fuerit complexus, quanta te voluntate in vtramque facultatem conieceris, dictu est incredibile. Nunquam absens à prælectionibus, præsens semper & assiduus auditor, vt nunquam dies vllus fuerit, neque hyeme tanta vi & magnitudine frigoris, neque ætus tempore tantis Solis ardoribus, quo absentem à prælectionibus te viderint condiscipuli. Veniebas assidue, aderas oportunè, audiebas attentè, excipiebas celeriter, percipiebas insigniter, nihil tuas aures, nihil mentem præteribat. Repetebas egregiè ac fideliter, & præceptorem sæpe de difficultatibus arduis percunctabaris, obiiiciens & opponens rationes alias, & plurimas legibus innitentes, atque confirmatas responsis Iurisconsultorum, & adeò subtiliter & acutè, vt acuminis magnitudinem & præstantiam, facilitatem & vim obiiiciendi sæpe præceptores admirarentur, & priuatim, & publicè commendarent. Hoc quinquennio quis vnquam te nisi domitæ versantem libros, aut in scholis res literarias agentem, aut audientem prælectiones vidit? scilicet otiosus in perystilio cum æqualibus tuis eras, aut in tyronem aliquem ridicula iaciebas colludens, iocansque, vel circulos consectabaris (quibus desides solent interesse adulescentes) & tempus literis datum perdere videbaris, detinebas aliquos, remorabaris, ne puncto temporis ingrederentur in gymnasium. Nec minimam à te quisquam offensionem accepit, seridè semper agens, & aliquid literarum: & præceptorem anteuertens, præoccupabas sedem, vt propius cathedram consideres, à foribus gymnasij, & ab ipsis angulis remorus, quibus in locis ingredientium interuentu, quis interturbari solet, & liberiores & solutiores scholastici otii non interturbantes gymnasij suis fermunculis, sedes occupare solent. Quinquennio autem toto, quæ disputationes habitæ sunt in gymnasio, in collegijs, quibus tu non interfueris, & argumentum non posueris tuum? An verò præterit quinquennium, quin eius quo de agimus viro disputationes cohonestauerint Doctores? Quàm acerrimus propugnator, & telorum, ab aduersariis iactorum depulsor insignis exstitisti? Nihil opus erat, præceptorem subministrare de suggesto, non in viam reuocare, quem aberrantem nunquam viderat, sed cogeatur tuorum celeritate veritateque responsorum comprobare, laudare, mirari responsionem

quancunq; tuam acuminē plenā & intelligentiā Jurisperitiæ
 plausus crebros excitare tantā sui obitupescactus admirabilita-
 terespondentis, denique concludere vsque eò perduciposse
 argumentum, quò peruenierant oppugnator & propugnator,
 neque quidquam responsi amplius dari posse, præcidisse te ar-
 gumenti persequendi longius filum vno verbo factō, vel red-
 dito responso. Adcō ad propriū, & ad rem, quā de contro-
 uersia erat, respondebas, vti nihil supra. Sic de compositione
 duarum legum, quæ sibi ipsis videbantur aduersariæ, responde-
 ri debere, neque quidquam aliud, sæpe præceptor confirmabat:
 atque ex tuis responsis componi plura responsa Iurisconsulto-
 rum, & ad concordiam adduci, quæ sibi ipsi aduersari videban-
 tur. Confecto iam Iurisperitiæ curriculo in prælectionibus,
 quæ ad baccalaurei lauream accipiendam, præire solent, cum
 illa magis ad speciem antecedant gradum, quàm ad ingenij
 periculum faciendum, in his tanta documenta progressionum
 tuarum dedisti, vt pedem nemo in illis prælectionibus sup-
 ploserit, nemo mutuas vtriusque palmæ percussiones audie-
 rit, non sibilos vsitatos, non cachinnationes immoderatas,
 non strepitum gymnasium, non subcellia concrepuerint, sed te
 ab initio in exitum vsque tanquam præceptorem audiuerint
 de cathedrâ totam legitimamque horam prælegentem: qui
 discipulum prælegere, atque horâ baccalaureorum vsitata tan-
 ta quiete tranquillitateque audiebant pro foribus consistere,
 audire, mirari, plures ingredi, compleri penè gymnasium au-
 ditorum numero. Qui verò dies ille? quæ lætitiæ præceptoris,
 cum honore baccalaurei decorandum ornandumque discipu-
 lum, decus & lumen gymnasiolorum vtriusque iuris videret
 cum id sibi datum muneris, quod quisque præstandum libens
 susciperet, animaduertit, eam de te habuit orationem, de
 scientia, de studio, de progressionibus in Iurisperitiæ facultatē,
 de spe summa, & suo, & reliquorum præceptorum animis con-
 cepta, vt de Licenciato doctissimo nihil maius, nihil laudabi-
 lius dicere potuisset, tanta approbatione, tanto plausu audito-
 rum, vt parietes ipsi tibi plaudere quoque viderentur lautez
 delatæ lætitiæ incredibili gestientes. Accessit tempus relegen-
 dæ repetendæque priuatos intra parietes Iurisperitiæ, & ad
 honores appetendos præuisionis veluti cuiusdam & compara-
 tionis biennium: quemadmodum vero repetieris ab homi-
 num celebritate remotus, ipsa in solitudine, in cœnobio Reli-
 giosorum, vbi neque amicorum interuentu, neque propin-
 quorum

quorum & domesticorum officiis, neque urbano receptu tumultuque a literis auocareris, tempus diurnum nocturnumque in libris positum declarauit. Tres matutino, totidemque horas vespertino, amplius tres nocturno in Iurisperitia versanda quotidie ponebas, successiuis horis antiquorum annalibus euoluendis tradebas, aut libris aliquot tuæ facultatis recentioribus, & exquisitis, quibus cresceret facultas & cognitio Iurisperitiæ, quod ad Iurisconsultorum intelligentiam, ad leges, & mentem auctorum callendam valeret plurimum veterum annalium cognitio, & isti, qui nunc exeunt in publicum accuratissime summa elaborati libri recentiores. Sed concludam iam laurea Licentiæ, ad quam cum peruenisses, omnium suffragatione Doctorum tuæ scientiæ, progressionisque comprobata fuerunt, & apprimè doctus & sciens Iurisperitiæ optimorum similis iudicatus es, te superior inuentus est nemo, neque peritior vnquam post conditam Academiam in B. Barbaræ sacellum fuit ingressus quisquam. Quid amplius expectas? quæ maiora de te, certioraue iudicia fieri, quæ clariora aut illustriora de Licentia maximi doctissimi que viri testimonia dari possunt?

Laus Medici.

EXponenda quidem nobis est, si tui sumus honoris cupidi, vir eximie, ratio tuorum studiorum, & à primis literarum cunabulis altius repetenda: vt quem viri doctissimi tenuerunt cursum, cupidi literarum incuntes persequendum conficiendumque putemus. Atque in Grammaticæ studiis, talem te sciimus fuisse, qualem adolescentem summo ingenio, memoria maxima, & insatiabili auiditate discendi in eam artem ingressum fuisse cognouimus. Cui facillima præcepta omnia, & ediscendi ratio ad verbum accurata, percipiendæ, reddendæque cuiuscumque rei, quam audieris, quamque præceptores exegerint, summa facilitas, vt in promptu omnia videreris habere. Quæ in puero bona indole & egregia ad virtutem propensione, honesta ac liberali facie, quali tu semper fuisti præditus, reddebantur gratiora, & a præceptore præclara voluntate magis commendata. Iam inde ab his studiis, documenta dare incipiebas tuarum in Dialecticam, in Philo'sophiam, in artē medendi progressionum. In quibus talistamque præstans euasisti, qualem prima nobis ætas in Grammaticis posita semper pollicebatur.

De quibus antequam dicam, de consilio prudenter capto Rhetoricæ vacandi pauca mihi verba faciunda sunt. Quod enim à te capi melius velle et, qui tibi bene vellent, & ex animo, præstantiusque dare consilium potuissent, quàm quod cœpisti, Rhetoricæ præceptionibus imbutum, & post vnum & alterum annum huic facultati deditum, ad Dialecticæ transire, ne ieiunus & aridus esses in dicendo, vt ornatè politeque loquereris, vt te in tuorum conuentu condiscipulorum, in publicis disputationibus concertationibusque literariis, in aliquâ postea cōtentione vel Philosophiæ vel Medicinæ te iactares, & ex tenebris tuam scientiam erueres in lucem, & in doctissimorum hominum conspectum claritatemque proferres? Quos vidimus, quos, inquam, tu vir sapientissime, & præsentis nouimus, qui pressi verborum inopiâ, destituti facultate loquendi intra domesticos parietes latuerunt, aut in publico conati verbum facere, visi sunt, hædere passim & reuocare sese conati fuerunt: quæ loquuti sunt, ea tam barbarè, & inquinatè extulerunt, vt auditores risus & cachinnationes sustulerint, & cum libilis & suppletionibus pedum eiectione de theatris fuerint. Atque in hac arte benedicendi non contentus fuisti, nisi biennium totum posuisses: porro in ipso liberalium artium curriculo, quod tempus ab audiendis prælectionibus vacuum dabatur, repetitioni studioque priuatim Rhetoricæ sic dedisti, vt vnâ eximeres horam, quam audiendæ oratoriæ facultati, libenter studioseque poneres. Et quidem solitus es dicere, nullum tempus fructuosius poni, quam Eloquentiæ studiis datum: quod non ad oratoriæ solum artis studium, sed ad omnium artium & disciplinarum ope augendas amplificandasque contulisses. Hinc sermonis tui candor, mundicia, & elegantia scriptorum, habitæ in theatroperelegantes, & persubriles orationes, conspersæ verborum floribus, sententiarum pulcherrimis luminibus, quibus lumen rebus adhibebas, & cuncta insignia & ornamenta dicendi videbaris assequutus. Sed tempus iam est de Dialecticæ studiis dicendi, in quibus quantam laudem consequutus fueris, dicere profectò, nisi notiora fuissent omnibus auditoribus, quàm mihi, qui de his studiis ad dicendum surrexi. Sed percurram capita præcipua, præteribo leuiora, quæque mihi moram afferrent ad maiora properanti. Nam cum in disciplinam magistri Ferdinandi Francisci te tradidisses, te diligentior nemo, in gymnasio frequentior nemo, nemo in percipiendis difficultatibus, in indagandâ, inuestigandâque veritate, in propugnandâ

enter capto Ris
nt. Quod coim
& ex animo, p
m quod coepi
vum & alter
Et. anbre, ne
re que loquer
in publicis di
aliqua postea
tates, & ex
octissimorum
Quos vid
tes novimus,
loquendi in
nati verbum
ari fuerunt:
ulerunt, ven
eum libilis &
Atque in hac
um totum po
quod temp
petitioni fuit
eximeres hec
udioseque p
struere volu
ad oratore
disciplinarum
inc sermon
abit in the
feret verba
, quibus
ta dicendi
Etia stud
fueris, dic
ibus, qu
percurrant
oram affe
m magist
emo, in
difficultate
propugn

tui præceptoris opinione, de tuis optimis præstantissimisque condiscipulis repertus est. Primus repetebas prælectionem, primus ponebas argumentum, atque illud acutum, subtile, summaque cum breuitate, sed candore Latini sermonis mirando. Quod probabas, quod verius esset inquirendo; nunquam desistebas in concertationibus publicis, aut priuatis exercere, & quæstionem, quæ in contentionem venerat, discutere, vel oppugnantis vel resellentis personam sustinendo, donec eò iam in Philosophiæ studijs progressus fueras, ut non solum magistri doctrinâ, sed tuâ diligentia, lectioneque multa, & progressionibus maximis ad præceptoris honorem, ad laborum allevamentum, ad gymnasij gloriam, ad stimulos & calcaria discipulis addenda magnum attuleris momentum. Te condiscipuli, te præceptor amabat, te cuncti Academiae alumni, omnes singulorum ordinum & classium commilitones laudabant. Et quanquam propter ingenij tui, magnitudinē, propter singularem admirandamque progressionum tuarum præstantiam, quâ inter omnes principatum, & dominationem habebas amplissimam, nonnullis parum prudentibus, qui se tibi exæquare vellent, tua ista tanta laus, inuidiam aliquam faciebat, tamen nemo erat, quamuis inuidus & obrectator, qui de te iudicium non faceret honorificum sine contentione, cum de præstantiâ fuisset scholasticorum decertatio, de te semper honorificè loquendo. Quo tu nisi acerrimo tuo ingenio consequutus fuisses, & tanta liberalium artium cognitione, nunquā profectò, neque primus examinis periculum subijsses baccalaureorum, neque in renuntiationibus Philosophiæ primus appellatus esses. Quid ego de medicinæ facultate dicam, ad quam tua studia, & omnes, quas propoluimus, Grammaticæ, Rhetoricæ, Dialecticæ, & Philosophiæ progressionες contuleras? nihil tam amplum dici potest, quod non tuis sanè meritis inferius esse videatur. Nam quadriennio toto, quod datur ad medicinæ facultatem, honorem nominis ac celebritatem opinionis, quum medicinæ operam nauare cœperas, tuâ diligentia & ingenij acumine in tam altum gradum euexisti, ut cum multi fuissent, excellentesque in medendi facultate condiscipuli, qui laudem maximam & decus gymnasio afferrent, tuo quidem ingressu obscurati fuerint paucos intra dies, teque disputante, disceptanteque in gymnasio omnes conticere viderentur: Quam obrem nemo breui tempore tecum de facultate, de scientia medicinæ contendebat. Omnes honorem tribuebant, omnes deferrebant

palmam, & secum præclarè actum putabant, cum te præsentè
 alicuius verbì, quod multò antè præmeditati fuissent, interpo-
 nendi de suâ arte facultatem haberent. Quòd si illud approba-
 res, si viderere attentè audire, magni ducebant, & ad honorem
 aliquem comparandum putabant non parum pertinere. Non
 huiusce rei plura testimonia sumerem, quàm diem illum glo-
 riosum, & ad nominis tui æternitatem consecratum, cum pri-
 mas medendi disputationes habuisti. Quibus de concertatio-
 nibus cum cogito, toties video obstupescere Complutenses, &
 vix apud se esse. Non enim discipulum, sed præceptorem, neque
 præceptorem, sed Principem & Apollinem, & auctorem artis
 medendi Æsculapium putabant se audire. Quid facies? quid
 præstabis, cum post baccalaurei lauream occeperis exercere
 te ipsum in agrotorum curationi us, & experiri cœperis, quæ
 per quadriennium à præceptoribus accepisti? cum tu abdens te
 magnam partem temporis in cubiculum abditum atque remo-
 tum, verses, & euoluas cunctos medicinæ auctores, conferas
 cum doctissimis hominibus, communices cum ijs, quos ad re-
 colendam repetendamque medendi facultatem principes au-
 ctoresque delegisti? Quid ages cum laurea medicinæ decoratus
 mederi cœperis humanis corporibus, & artis remedia, pharma-
 caque salutaria adhibere? Notissimum est, quod dicam, & à so-
 cijs & consortibus tui laboris prædicatum: prædixisse te agroto
 morbi gravitates, & periculosiores euentus. Nondum Doctor
 arteriam consuluerat, cum te consulere prius iubebat, & cum
 sententiam rogaret, ad eam illum sapissimè adiunxisse suam,
 nulla neque decisione, neque accessione medicamentorum.
 Quid si addam amplius se collegisse non rarò Doctorem, &
 mutasse præscriptiones suas de iudicio, sententiaque tua, teque
 inter duodecim omnium, quos vidit Academia præstantissimos
 Doctores, primum in renuntiationibus appellatum fuisse?
 Quid gloriosius tibi possit accidere non video, non assequi
 profectò possum, nisi id quod ante Doctoris lauream conse-
 quutus fuit nemo, vt in experiundi munere, ipsoque exercen-
 dæ medicinæ tempore ante biennium confectum cathe-
 dram medicinæ suffragijs alumnorum medicinæ
 cunctorum obtinueris.

* *
 *

Laus Theologi Doctoris.

SI Medicos & Iurisperitos iure suo quidem optime nostris in
 exercitationibus laudandos accepimus, non debemus pro-
 fectò Theologorum obliuisci, & ad illorum laudem glorio-
 sam clarissimi viri Ioannis Ildephonsi: cuius patria silentio præ-
 tereunda non est, quæ caput est totius Castellæ veteris, terra si-
 tu multitudinæ & varietate fructuum copia & abundantia re-
 rum, quæ necessariae sunt ad victum, & ad delicias hominum,
 maximè bonitate vini, fertilitate oliuarum, vi & copia frumen-
 ti, mellis suauitate, magnitudine & multitudine pastionis, a-
 quis dulcibus passim scatentibus in solitudine, agris amœnis
 & iucundis vitidarijs pulcherrimis & amœnissimis, fontibus
 e. vertice montium defluentibus vel ad imas valles, vel ad
 camporum latè patentium equora, celebratur vbique locorum.
 Salubritate tanta aeris, temporatione cœli ac clementia, vt ne-
 que hyeme frigorum vis, neque æstus tem. ore grauitas calo-
 rum, ardoreque Solis metuantur. Quamobrem bona semper
 valetudine ciues vtuntur, non in graues morbos incidunt, nun-
 quam pestis, quod homines celebrant, grassans etiam ac per-
 uadens finitimos populos, in hac ciuitate fuisse dicitur. Cincta
 quidem mœnibus est altissimis, & ædificijs publicis & priuatis,
 profanis ædibus, & sacris Templis cohonestata. Tanta celebri-
 tate, comitate gentis, elegantia morum, salutaribus institutis,
 virorum fortitudine, sapientum doctrina, nobilissimarum fa-
 miliarum splendore clara admodum & illustris, vt neque me-
 liorem, neque clariorem diuinus ille Plato potuisset optare. Sa-
 tis autem sit ad illius laudem maximi imperij sedem, libertatis
 domicilium, castella, atque adeò terrarum omnium quandam
 arcem pulcherrimam fortunatissimamque fuisse. Quæ cum de
 rebus à me prædictis gloriari possit, tum quod cetalem ac tan-
 tum virum suo in solo ediderit in lucem, educauerit, & suorum
 ciuium ornamentis cohonestauerit. Sed quanquam non parui
 ad gloriam referat, qua quisque in ciuitate sit natus, & ipse et-
 iam clarissimus Imperator Themistocles, si Seriphius esset,
 nunquam se nobilem futurum fuisse confiteretur, multo tamen
 ego quidem ornamenta ea magis laude digna iudico, quæ splen-
 dore maiorum solent hominibus euenire. Quapropter de no-
 bilitate tui generis mihi pauca dicenda sunt. Natus hic vir
 clarissimus in ea familia fuit, quæ viros aluit omni genere
 laudis

laudis florentes, claros & illustres parentum nobilitate, & antiqua proauorum progenie celebratos, qui non illustri solum genere clari equites, insignibus B. Iacobi, & reliquorum Ordinum Equestrium viros iactare potuerunt, sed dynastas magnos, populorum ditione potentes, suis titulis & honoribus insignes, Comites, Marchiones, Duces, & alios Regnorū Principes clarissimos. Quorum si longam seriem ab origine repetitam oratione celebrare voluissimus, longiorem orationem haberemus, quam temporis ratio præfiniti postulat. Illi vobis multò, notiores sunt, quam mihi profectò, qui de clarissimo viro dicere aggressus fui. Horum si noster Doctor vestigijs insistere voluisset, qui illum honores, qui gradus maiorum suorum manerens attendite. Ego non possum in illustrissimo viro nō commendare fortunas & opes, quas à maioribus iure hereditario accepit, quibus cum se magnificè alere potuisset, si Aulicorum fortuna consecrari veller, tamen ad studiorum rationem contulit: quæ cum sequeretur in hac Academia Complutensi, scitis quas ædes habuerit, quàm amplas, quo in loco celebriore, quam familiam aluerit fortunæ & generi clarissimo consentaneam. Neque obsumptus huiusmodi in opum obliuisceretur ad domum suam confluentiū: cum amplius sex mille nummos aureos haberet in redditus annus, magnam illorum partem in alendis pauperibus, suamque misericordiam implorantibus consumebat. Quod factum diuino beneficio crediderim, ut in maximis temporum angustijs, in magna caritate & inopia rei frumentariæ non viciatim & ostiatim corrogantium miseriam & egestatem subleuaret; sed ut priuatim & occultè latentium domi, nec foras exeuntium propter honestatem, mulierum inopiam erogatis pecunijs & frumento laueret. Quod in illo mirabile semper, ac valde prædicandum cernebatur, qui facie ipsa, dignitate oris, conformatione corporis, omnium membrorum lineamentis, tanto lepore ac suauitate congruentium liberalitatem hanc præ se ferre videbatur. Arque tam munificus, tam liberalis à primis Dialecticæ cunabulis visus est. Iam verò cum vnde viginti annos natus Theologiæ operam daret, cum magis vir, quam adolescens videretur, hac liberalitate, quantopere cunctorum animos sibi deuinciebat? sic à puero didicit vir esse, & actiones suscipere misericordiæ, ut quid egressus ex his studijs futurus esset, augurari potueritis. Sed in studiorum pelagus ingressurus, video eum digressus fuisse ad facta virtutum pulcherrima. Quare redeo iam tandem eò, vnde mea digressa fuit oratio, atque omittis

Gram.

nobilitate, &
non illustri
reliquorum
dynastas mag
noribus
orū Principes
ne repetitam
nem habet
bis multo, non
no viro dicere
insistere
orum manere
no nō commu
editario acc
licorum totu
m contulit
scicis quas
quam fam
eam. Neque
d domum
reos habet
alendis
us consum
in maxim
rei frumen
m & egre
domi, aut
nopia et
irabile sem
a. dignit
um lineam
ralitatem
eralis à p
uigintia
quam ad
etorū an
ones
rus esse
stus, ne
Quare
que om
Gra

Grammaticæ, Poeseos, & Eloquætiæ studijs, quid de Dealecticæ
studijs, quid de Philosophiæ progressionibus, quid de laurea
prima, de Magistri insignibus dicam maius, quam quod omnes
scitis, & prædicatis, hunc magno ingenio præditū fuisse, tamq;
vberi ac fecundo, tam acri & acuto, ut res varias ac multiplices,
subtiles & acutas indagauerit, collimauerit sagittas argumen
torum suorum, repulerit tela aliorum ingenij vi & acrimonia
quibuscunque in disputationibus publicis aut priuatis intorta:
Sed quid non præstaret, qui laboris patientissimus, libros nun
quam de manibus deponebat? nullum sibi ab scriptione, aut le
ctione, aut disputatione tempus abire permittebat? nemini vn
quam cedendi causam habebat, multis autem æqualibus laudē
Dialecticæ præcipiebat, & Philosophiæ, quod locus honorificus
in renuntiationibus testatum vniuersæ reliquit Academiæ no
minatus inter primos? Quem cursum quemadmodum in sacra
Theologiæ longè patenti campo tenuerit, actiones publicæ
prædicarunt, in huiusce diuinæ cœlestisque disciplinæ theatro
palam perspectæ, cunctorumque sermonibus commendatæ.
Is enim erat sermo cunctorum: hæc laudes per alumnorum om
nis ordinis & cœtus ora volitabant, non minore nominis cele
britate futurum virum hunc insignem in Theologiæ studijs,
quàm in Dialecticæ ac Philosophiæ. Hæc nescies fefellit alum
norum omnium, Doctorum & Patrum grauissimorum ani
mos? Nonne omnia, ut iactabant omnes in vulgus, doctissi
mo & sapientissimo viro processerunt? Cum duo viri, illustri
genere nati, in his renuntiationibus Doctor hic, & Antonius
ille Manriquius, omni laude celebratus, versarentur, non con
tenderunt de primo loco, non de primo gradu certarunt, & is,
quod omnes expectabant, cunctorum suffragijs Doctorum e
uasit superior: cui cæteri duodecim viri præstantissimi lauream
recepturi cesserunt illicò: his gradibus ad hunc locum peruenit.
Quid ergo asseremus de tanto Doctore, nisi propter nobilita
tem, nisi propter ingenium acerrimum, propter bonarū artium
cognitionem, propter sacra Theologiæ magnitudinem con
sequutam, tot præsertim virtutibus ornatum, ad Pontificiam
aliquam dignitatem peruenturum esse? Deus ipse faxit, ut quem
a pueritia cursum tenere cœpit, fœlicem ac secundum bono A
cademiæ, Christianæ Religionis commodo, & maiorum ho
nore suorum, quod omnes præceptorum suo, vobis omnibus, &
nostris scholis gratulentur, ad exitum usque veniat illustri
Pontificum tiarâ decoratus.

Vituperatio adolescentis humili genere nati.

Quid est, cur te ipsum iactare queas in aliquo cætu nobilissimorum adolescentum, ac non potius quærere latebras obscuritatis, in quas te conijcias, ne quis tam dirum & immane monstrum magis excretur, atque ipse detestabilis es tibi ipsi, & vniuerso generi ciuitatum, quæ te, quæ parentes tuos nouerunt, & illorum faciem, & sordes, à quibus originem trahis? Nam vt patriam omittam, oppidulum paruum atque humile, & nullis mœnibus cinctum, sine portis, sine conditore: ædiculæ parue sunt & humiles, neque vlla descriptione, ex luto & cæno factæ, saxi, & lapidibus congestis, in campis casu repertis; non emptis coagmentatæ, tectæ arundinibus, aut regulis vetustioribus, sine forma, sine specie domorum, quæ nullas contignationes habent, nulla superiora cubicula, sed infimam habitationem, fœdam ac deformem; vt in tugurij similitudinem, quod se recipiunt pastores, & vbi se ab aquis hyemalibus & æstiuis ardoribus defendunt. Atque huiusmodi ædiculæ nullo ordine continuatæ, sparsæ ac dissipatæ, & ab aliis aliæ disunctæ videntur, ad quas per accliuia loca conscendens summa cum difficultate, spiritum, ægrè ducit: cuius habitatores vasti sunt & agrestes, horridi & inculti, inopes & egentes admodum, vnde nullus prodijt vnquam ad aliquod sacerdotium, quid dicam ad honores, vel ad literaria munera? Ex hoc oppidulo prodiisti tu omnium tuorum rusticanorum intimus & cuntemprissimus, obscuris parentibus natus: sicq; illi fax & sordes dicebantur oppiduli, vt probum & labes inferretur cuiquam de tuo oppidulo, ad cuius indignitatem sordes tuas admisceres. His parentibus ortus hac fœditate oris es; hac deformitate corporis, voce absona, & agresti, motu deformi, cruribus diuaticatis, immani gibbo, vt qui te videat, se vidisse immane portentum putet. Has scilicet labes, & maculas corporis indignissimas, bonis aliquot fortunæ, pecuniolis, & rebus ad victum necessarijs, mediocriter saltem suppetentibus occultabis. Quem te magis inopem magis mendicum dicemus qui in summa rerum inopia, & extrema mendicitate viuis? qui nihil habes, vnde te alas, nisi ostiatim corrogaueris, & pauci sint, qui propter indignitatem tuam tibi velint erogare? Extorquendus igitur à te cibus est, si manes in oppidulo, & multos dies manebis ieiunus, aut si foras exieris, vicatim cogendus, vt famem explcas.

repleas. Sed mittamus hæc, veniamus ad tua scelera. Quis te in hoc oppidulo sceleratior? quis nequior vnquam repertus est, qui desidem & ignauam vitam, & vagorum otium & errantium consecraris? qui nihil vnquam facis, nisi parentum obsecrante dignum? te nemo suo congressu, nemo societate, nemo aditu, nemo sermone dignū putat, qui quantum audere potes in oppidulo, tantum audax es ad facinus: imò sic es à virtute alienus, vt te neque recitantem aliquando quisquam in templo, neque preces adhibentem viderit: & quod grauius est, valdeque suspiciosum, an fidem colas, nemo viderit pedem inferentem in ædem sacram, nisi diebus festis, & non omnibus, atque serò post bonam sacri partem factam, vt magis videre metur Quæsitorem hæreticæ prauitatis id facere, quam sponte, & bonorum more Christianorum. Quin furta te facere suspitio est inter homines, & inter eosdem conuenit nulli rei honestæ te operam dedisse, sibi que persuadent omnes, nullam vnquam ad punctum temporis cognitionem te boni hominis suscepisse, sed tanquam animal quoddam expers rationis, tanquam impurissimam, intemperatissimam que pecudem, ad sordes omnes, & fæcem te abiectum atque prostratum fuisse. Itaque cum in promptu habeamus, quantum natura hominis pecudibus, reliquisque bestiis antecedit, tu præter vultum nihil hominis habuisse videris, sic ad ea te abijcis, atque prosternis, quæ sæpe fugiunt atque declinant ipsæ bestię deterrimæ. Atque in ore hominem non gerere visus es omnino, sed caput in formam quasi suilem degenerare visum est, vt hominis indignitatem, & sordes in te tantummodo agnoscamus. Quam te igitur mortem obiturum esse dicam? quam improbi homines, quam scelerati, & à Deo prorsus auersi, vt aut morte repentina de medio tollaris, aut ex insidijs interficiaris, qui neque Deum videris agnouisse, neque numinis sanctissimi notitiam vllam habuisse.

Altera vituperatio Leouigildi.

Non ponam in vituperatione patriam tuam, teterrime Leouigilde, qui, quamuis Rex fueris, ignotum tamen, teris fuisse videtur patrium solum: vt neque patria videatur tui, & tam exitiale portentum sine dedecore suo suscepisse, Leouigildum Regem impium ac sacrilegum rulerit. Cre-
im te ore truculento, immani facie, diductis oculis, & cruentem spirantibus fuisse: tu illis lateribus, illa gladiatoria
totius

totius corporis firmitate, tantum a'uisti crudelitatis, quantum vidēte posterū te euomuisse, profudisseque crudelissime tuum in sanguinem. Fueris Regia & excelsa sanguinis & nobilitatis stirpe procreatus; Gothorum fumosas imagines, & Regiam progeniem iactaueris; sed profectō parentibus tuis, ipsique Regi potentissimo, qui te in Regni partem accepit, æternas dedecoris & ignominiaē maculas inuisti: ut quantum ille te exuerit ad altissimum Regiaē dignitatis gradum, tantum profectō tuipse tuis vitijs & sceleribus depressisse videaris, & obscurasse Regiam dignitatem. An verō negare possim, te opes amplissimas & fortunas Regum florentissimorum habuisse, & ob eam causam suppetisse tibi pecunias ad sumptus domi militiaeque faciendos, ad ostentandam Regiam maiestatem, & celsitatem augustissimā? Cū summa vituperatio sit quemquam exulisse se in potestate, fuisse insolentē in fortuna amplissima, mala fecisse aliis propter potestatem dignitatis, ut status & Regia dignitas crudelitati videatur ac libidini, non clementiaē, aut bonitati facultatem ac materiam dedisse, quæ tua scelera? quā tetra? quā immania? quā inusitata, quā detestabilia? Atque primum iniurias à te factas subdidis, per vim ablata bona, extortas pecunias, imposita tributa prætereo. Immanitas ac detestanda feritas, in hominē & in Deum impietas, cogit me nonnulla proferre scelera. An quisquam est, qui neget, te tanta impietate fuisse, ut Religioni Christianæ bellum feceris, ut illam ad occasum interitumque deducere conatus fueris, impiis decretis, ferro, atque castris? ut Deo ipsi honorem eripere, Christum Iesum gloria diuinitatis priuare fueris ausus? atque tantam impudentiam oris & animi habuisse, ut negaueris Christum Iesum vtraque natura diuina & humana constare; humanitatem reliqueris, diuinitatem tollendam eripendamque curaueris? O crudelem hominem! O ferum & impium! quā sectam colore, quibus fauere hominibus, quibus opem ferre non dubitasti? Arrio sceleratissimo, & illius sacrilegis sectatoribus, qui Matrem Ecclesiam lacerare, & dulcissimam Christi Iesu sponsam contrucidare aggressi fuerunt, sponsum Iesum diuinitatis honore per summam nequitiam impietatemque spoliantes. Atque non vident scelera, ablata celsitate diuinitatis, merita eripi virtutis infinitæ, qua labem & maculam infinitam, ex Adami defectiōne contractam, venit Filius Æterni Patris expiatum in hæc terrarum sola: vel si vident, novos errores & noua confingentes portenta, furore & amentia præcipientes, in inferorum sedes de-

volunt. Huic sceleri alia scelera cumulaſti, qui minimè
 s cultores Religionis Chriſtianæ quieſcere, omnibus iniu-
 afficis, maculis aſpergis, atque adeo teter, & importunus
 ſectaris, vt exilium & mortem miniteris. Quantâ tu impie-
 te fuiſti, cum filios eiſdem prauitatis erroribus imbuïſti?
 m Arrij falſa dogmata ſequi, fraudes tuas & fallacias eos con-
 ſtari cõegïſti? Nonne omnes, qui tecum in aula tua verſantur,
 ai tibi miniſtrant, qui aditus ad te faciles habent; qui tuam
 ratiam colligunt, qui retinendam curant, à Deo nefariè abdu-
 ti, prius Chriſtianæ veritati nuntium remiſerunt, Arrium &
 alius ſectatores ſequuntur, Chriſtum abiurant, ſuam execran-
 tur Religionem, & Filium Patre faciunt inferiorem? Quam
 contrarius es, & infeſtus Læandro Pontifici Hiſpalenſi, tecum
 ſanguinis communionem coniuncto? At qua de cauſa? quia fi-
 lium ſuis monitis ſalutariſ, & hortatu cœleſti ab Arriano-
 rum ſecta traduxit ad Religionem Chriſtianam: Video Præ-
 ſulem ſanctiſſimum hac de cauſa eiectum ab vrbe Hiſpalenſi,
 Pontificia dignitate deturbatum, proficiſcentem in exilium,
 & abeuntem in terras ab vrbe Hiſpali diſiunctas, iacentem in
 ſqualore multo, ſuis ouibus, ſuo grege priuatum, quod Chri-
 ſtianam Religionem defendit, quod Chriſti dignitatem tueretur
 quod cum aliis homines ab hac impietate abſtraxerit, filium
 præcipuè tuum Leouigilde, filium (inquam) Ermenegildum
 Regem Hiſpalenſem, quem Arriani perſonam deponentem, eod
 paſtor optimus perduxit, vt egregium ſe Chriſtianum, cultor-
 em Chriſti Ieſu præſtantiſ, inimicum Arrij capitalem, &
 hoſtem factionis Arrianæ acerrimam præbuerit. Accepimus
 Leouigilde eod te furoris & amentię progreſſum fuiſſe, cum
 primum traductionem filij tui ad Chriſtianam Religionem ac-
 cepiſti, vt non deſtiteris, donec modos omnes, & rationes
 tentaueris, quibus filium tuum à propoſito, ſemelque ſuſcepto
 conſilio abducere conateris. Vana proceſſerunt, & irrita fue-
 runt tua conſilia. Quid ages improbe? Quo procedes? vt arma
 capias contra filium, vt obſidias urbem Hiſpalim, vt ad prodi-
 tionem Romanos milites pecunijs compellas, vt denique com-
 prehenſum filium in vincula conijcias, graui premas pondere
 catenarum, denique mortem afferas per ſatellitum, carnificemq;
 miſſum. Quid dicam amplius? O cœlum! O terra! quæ te mors,
 qui miſerrimus manet exitus, & pleniffimus miſeriarum Leo-
 uigilde? Quanquam ſtimulante conſcientia, & fodicantibus
 ijs rebus, quibus ſine ſcelere obſiſtere non poteras, contra tuam

De quibus antequam dicam, de consilio prudenter capto Rhetoricæ vacandi pauca mihi verba faciunda sunt. Quod enim a te capi melius velleat, quicquid bene vellent, & ex animo, præstantiusque dare consilium potuissent, quam quod cœpisti, Rhetoricæ præceptionibus imbutum, & post vnum & alterum annum huic facultati deditum, ad Dialecticæ transitum, ne ieiunus & aridus esses in dicendo, ut ornate politeque loquereris, ut te in tuorum conuentu condiscipulorum, in publicis disputationibus concertationibusque literariis, in aliquâ postea contentione vel Philosophiæ vel Medicinæ te iactares, & ex tenebris tuam scientiam erueres in lucem, & in doctissimorum hominum conspectum claritatemque proferres? Quos vidimus, quos, inquam, tu vir sapientissime, & præsentis nouimus, qui pressi verborum inopiâ, destituti facultate loquendi intra domesticos parietes latuerunt, aut in publico conati verbum facere, visi sunt, hæcere passim & reuocare sese conati fuerunt: quæ loquuti sunt, ea tam barbarè, & inquinatè extulerunt, ut auditores risus & cachinnationes sustulerint, & cum sibilis & suppletionibus pedum eiectione de theatris fuerint. Atque in hac arte benedicendi non contentus fuisti, nisi biennium totum posuisses: porro in ipso liberalium artium curriculo, quod tempus ab audiendis prælectionibus vacuum dabatur, repetitioni studioque priuatim Rhetoricæ sic dedisti, ut vnâ eximeres horam, quam audiendæ oratoriæ facultati, libenter studioseque poneres. Et quidem solitus es dicere, nullum tempus fructuosius poni, quam Eloquentiæ studiis datum: quod non ad oratoriæ solum artis studium, sed ad omnium artium & disciplinarum lopes augendas amplificandasque contulisses. Hinc sermonis tui candor, mundicia, & elegantia scriptorum, habitæ in theatris perelegantes, & persubtiles orationes, conspersæ verborum floribus, sententiarum pulcherrimis luminibus, quibus lumen rebus adhibebas, & cuncta insignia & ornamenta dicendi videbaris assequutus. Sed tempus iam est de Dialecticæ studiis dicendi, in quibus quantam laudem consequutus fueris, dicerem profectò, nisi notiora fuissent omnibus auditoribus, quam mihi, qui de his studiis ad dicendum surrexi. Sed percurram capita præcipua, præteribo leuiora, quæque mihi moram afferrent ad maiora properanti. Nam cum in disciplinam magistri Ferdinandi Francisci te tradidisses, te diligentior nemo, in gymnasio frequentior nemo, nemo in percipiendis difficultatibus, in indagandâ, inuestigandâque veritate, in propugnandâ

tui præceptoris opinione, de tuis optimis præstantissimisque condiscipulis repertus est. Primus reperebas prælectionem, primus ponebas argumentum, atque illud acutum, subtile, summaque cum breuitate, sed candore Latini sermonis mirando. Quod probabas, quod verius esset inquirendo; nunquam desistebas in concertationibus publicis, aut priuatis exercere, & quæstionem, quæ in contentionem venerat, discutere, vel oppugnantis vel refellentis personam sustinendo, donec eò iam in Philosophiæ studijs progressus fueras, vt non solum magistri doctrinâ, sed tuâ diligentia, lectioneque multa, & progressionibus maximis ad præceptoris honorem, ad laborum alleuamentum, ad gymnasiij gloriam, ad stimulos & calcaria discipulis addenda magnum attuleris momentum. Te condiscipuli, te præceptor amabat, te cuncti Academix alumni, omnes singulorum ordinum & classium commilitones laudabant. Et quanquam propter ingenij tui, magnitudinē, propter singularem admirandamque progressionum tuarum præstantiam, quâ inter omnes principatum, & dominationem habebas amplissimam, nonnullis parum prudentibus, qui se tibi exæquare vellent, tua ista tanta laus, inuidiam aliquam faciebat, tamen nemo erat, quamuis inuidus & obrectator, qui de te iudicium non faceret honorificum sine contentione, cum de præstantiâ fuisset scholasticorū decertatio, de te semper honorificè loquendo. Quo tu nisi acerrimo, tuo ingenio consequutus fuisses, & tanta liberalium artium cognitione, nunquā profectò, neque primus examinis periculum subijisses baccalaureorum, neque in renuntiationibus Philosophiæ primus appellatus esses. Quid ego de medicinæ facultate dicam, ad quam tua studia, & omnes, quas proposuimus, Grammaticæ, Rhetoricæ, Dialecticæ, & Philosophiæ progressionibus contuleras? nihil tam amplum dici potest, quod non tuis sanè meritis inferius esse videatur. Nam quadriennio toto, quod datur ad medicinæ facultatem, honorem nominis ac celebritatem opinionis, quum medicinæ operam nauare cœperas, tuâ diligentia & ingenij acumine in tam altum gradum euexisti, vt cum multi fuissent, excellentesque in medendi facultate condiscipuli, qui laudem maximam & decus gymnasio afferrent, tuo quidem ingressu obscurati fuerint paucos intra dies, teque disputante, disceptanteque in gymnasio omnes conticere viderentur: Quamobrem nemo breui tempore tecum de facultate, de scientia medicinæ contendebat. Omnes honorem tribuebant, omnes deferrebant

palمام, & secum præclare actum putabant, cum te præfente alicuius verbi, quod multò antè præmeditati fuiffent, interponendi de fuâ arte facultatem haberent. Quòd fi illud approbares, fi viderere attentè audire, magni ducebant, & ad honorem aliquem comparandum putabant non parum pertinere. Non huiufce rei plura teftimonia fumerem, quàm diem illum gloriofum, & ad nominis tui æternitatem confecratum, cum primas medendi difputationes habuiffi. Quibus de concerrationibus cum cogito, toties video obftupefcere Complutēfes, & vix apud fe effe. Non enim difcipulum, fed præceptorem, neque præceptorem, fed Principem & Apollinem, & auctorem artis medendi Æfculapium putabant fe audire. Quid facies? quid præftabis, cum poft baccalaurei lauream occeperis exercere teipfum in agrotorum curatione, & experiri cœperis, quæ per quadiennium à præceptoribus accepiffi? cum tu abdens te magnam partem temporis in cubiculum abditum atque remotum, verfes, & euolvas cunctos medicinz auctores, conferas cum doctiffimis hominibus, communices cum ijs, quos ad recolendam repetendamque medendi facultatem principes auctoresque delegiffi? Quid ages cum laurea medicinz decoratus mederi cœperis humanis corporibus, & artis remedia, pharmacaque falutaria adhibere? Notiffimum eft, quod dicam, & à locijs & confortibus tui laboris prædicatum: prædixiffe te agrotorum morbi gravitates, & periculofiores euentus. Nondum Doctor arteriam confuluerat, cum te confulere prius iubebat, & cum fententiam rogaret, ad eam illum fæpiſſimè adiunxiſſe fuam, nulla neque decifione, neque acceffione medicamentorum. Quid fi addam amplius fe collegiſſe non rarò Doctorem, & mutafſe præſcriptiones fuas de iudicio, ſententiaque tua, teque inter duodecim omnium, quos vidit Academia præſtantiffimos Doctores, primum in renuntiationibus appellatum fuiſſe? Quid glorioſius tibi poſſit accidere non video, non aſſequi profeſſò poſſum, niſi id quod ante Doctoris latitèam conſequutus fuit nemo, ut in experiundi munere, ipſoque exercendæ medicinz tempore ante biennium confectum cathedram medicinz ſuffragijs alumnorum medicinz cunctorum obtinueris.

* * *

Lam Theologi Doctoris.

SI Medicos & Iurisperitos iure suo quidem optime nostris in
 exercitationibus laudandos accepimus, non debemus pro-
 fectò Theologorum obliuisci, & ad illorum laudem glorio-
 sam clarissimi viri Ioannis Ildephonsi: cuius patria silentio præ-
 tereunda non est, quæ caput est totius Castellæ veteris, terra si-
 tu multitudinæ & varietate fructuum copia & abundantia re-
 rum, quæ necessaria sunt ad victum, & ad delicias hominum,
 maximè bonitate vini, fertilitate oliuarum, vi & copia frumen-
 ti, mellis suauitate, magnitudine & multitudinè pastionis, a-
 quis dulcibus passim scatentibus in solitudine, agris amœnis
 & iucundis viuidarijs pulcherrimis & amœnissimis, fontibus
 ex vertice montium defluentibus vel ad imas valles, vel ad
 camporum latè patentium equora, celebratur vbique locorum.
 Salubritate tanta aeris, temporatione cœli ac clementia, vt ne-
 que hyeme frigor vis, neque æstus temore grauitas calo-
 rum, ardoreque Solis metuantur. Quamobrem bona semper
 valetudine ciues vruntur, non in graues morbos incidunt, nun-
 quam pestis, quod homines celebrant, grassans etiam ac per-
 uadens finitimos populos, in hac ciuitate fuisse dicitur. Cincta
 quidem mœnibus est altissimis, & ædificijs publicis & priuatis,
 profanis ædibus, & sacris Templis cohonestata. Tanta celebri-
 tate, comitate gentis, elegantia morum, salutaribus institutis,
 virorum fortitudine, sapientum doctrina, nobilissimarum fa-
 miliarum splendore clara admodum & illustris, vt neque me-
 liorem, neque clariorem diuinus ille Plato potuisset optare. Sa-
 tis autem sit ad illius laudem maximi imperij sedem, libertatis
 domicilium, castella, arque adedò terrarum omnium quandam
 arcein pulcherrimam fortunatissimamque fuisse. Quæ cum de
 rebus à me prædictis gloriari possit, tum quod realem ac tan-
 tum virum suo in solo ediderit in lucem, educauerit, & suorum
 ciuium ornamentis cohonestauerit. Sed quanquam non parui
 ad gloriam referat, quæ quisque in ciuitate sit natus, & ipse et-
 iam clarissimus Imperator Themistocles, si Scripius esset,
 nunquam se nobilem futurum fuisse confiteretur, multo tamen
 ego quidem ornamenta ea magis laude digna iudico, quæ splen-
 dore maiorum solent hominibus euenire. Quapropter de nò-
 bilitate tui generis mihi pauca dicenda sunt. Natus hic vir
 clarissimus in ea familia fuit, quæ viros aluit omni genere
 laudis

laudis florentes, claros & illustres parentum nobilitate, & antiqua proauorum progenie celebratos, qui non illustri solum genere clari equites, insignibus B. Iacobi, & reliquorum Ordinum Equestrinum viros tractare potuerunt, sed dynastas magnos, populorum ditione potentes, suis titulis & honoribus insignes, Comites, Marchiones, Duces, & alios Regnorū Principes clarissimos. Quorum si longam seriem ab origine repetitam oratione celebrare voluissemus, longiorem orationem haberemus, quàm temporis ratio præfiniti postulat. Illi vobis multò, notiores sunt, quàm mihi profectò, qui de clarissimo viro dicere aggressus fui. Horum si noster Doctor vestigijs insistere voluisset, qui illum honores, qui gradus maiorum suorum manerent, attendite. Ego non possum in illustrissimo viro nō commendare fortunas & opes, quas à maioribus iure hereditario accepit, quibus cum se magnificè alere potuisset, si Aulicorum fortunā consecrari veller, tamen ad studiorum rationem contulit: quæ cum sequeretur in hac Academia Complutensi, scitis quas ædes habuerit, quàm amplas, quo in loco celebriore, quam familiam aluerit fortunæ & generi clarissimo consentaneam. Neque obsumptus huiusmodi inopum obliuisceretur ad domum suam confluentiū: cum amplius sex mille nummos aureos haberet in redditus annus, magnam illorum partem in alendis pauperibus, suamque misericordiam implorantibus consumebar. Quod factum diuino beneficio crediderim, ut in maximis temporum angustijs, in magna caritate & inopia rei frumentariæ non viciatim & ostiatim corrogantium miseriam & egestatem subleuaret; sed ut priuatim & occultè latentium domi, nec foras exeuntium propter honestatem, mulierum inopiam erogatis pecunijs & frumento laueret. Quod in illo mirabile semper, ac valdè prædicandum cernebatur, qui facie ipsa, dignitate oris, conformatione corporis, omnium membrorum lineamentis, tanto lepore ac suauitate congruentium liberalitatem hanc præ se ferre videbatur. Atque tam munificus, tam liberalis à primis Dialecticæ cunabulis visus est. Iam verò cū vnde viginti annos natus Theologiæ operam daret, cum magis vir, quàm adolescens videretur, hac liberalitate, quanto opere cunctorū animos sibi deuinciebat? sic à puero didicit vir esse, & actiones suscipere misericordiæ, ut quid egressus ex his studijs futurus esset, augurari potueritis. Sed in studiorum pelagus ingressurus, videor digressus fuisse ad facta virtutum pulcherrima. Quare redde iam tandem eò, vnde mea digressa fuit oratio, atque omittis

Gram-

maticæ, Poeseos, & Eloquætiæ studijs, quid de Dialecticæ
 lijs, quid de Philosophiæ progressionibus, quid de laurea
 na, de Magistri insignibus dicam maius, quam quod omnes
 is, & prædicatis, hunc magno ingenio præditū fuisse, tamq;
 eri ac fœcundo, tam acri & acuto, ut res varias ac multiplices,
 otiles & acutas indagauerit, collimauerit sagittas argumen-
 rum suorum, repulerit tela aliorum ingenij vi & acrimonia
 buscunque in disputationibus publicis aut priuatis intorta:
 id quid non præstaret, qui laboris patientissimus, libros nun-
 nam de manibus deponebat? nullum sibi ab scriptione, aut le-
 tione, aut disputatione tempus abire permittebat? nemini vn-
 uam cedendi causam habebat, multis autem æqualibus laudē
 Dialecticæ præripiebat, & Philosophiæ, quod locus honorificus
 in renuntiationibus testatū vniuersæ reliquit Academiæ no-
 minatus inter primos? Quem cursum quemadmodum in sacræ
 Theologiæ longè patenti campo tenuerit, actiones publicæ
 prædicarunt, in huiusce diuinæ cœlestisque disciplinæ theatro
 palam perspectæ, cunctorumque sermonibus commendatæ.
 Is enim erat sermo cunctorum: hæ laudes per alumnorum om-
 nis ordinis & cœtus ora volitabant, non minore nominis cele-
 britate futurum virum hunc insignem in Theologiæ studijs,
 quàm in Dialecticæ ac Philosophiæ. Hæc spes fefellit alum-
 norum omnium, Doctorum & Patrum grauissimorum ani-
 mos? Nonne omnia, ut iactabant omnes in vulgus, doctissi-
 mo & sapientissimo viro processerunt? Cum duo viri, illustri
 genere nati, in his renuntiationibus Doctor hic, & Antonius
 ille Manriqueus, omni laude celebratus, versarentur, non con-
 tenderunt de primo loco, non de primo gradu certarunt, & is,
 quod omnes expectabant, cunctorum suffragijs Doctorum e-
 uasit superior: cui cæteri duodecim viri præstantissimi lauream
 recepturi cesserunt illic: his gradibus ad hunc locum peruenit.
 Quid ergo asseremus de tanto Doctore, nisi propter nobilita-
 tem, nisi propter ingenium acerrimum, propter bonarū artium
 cognitionem, propter sacræ Theologiæ magnitudinem con-
 sequutam, tot præsertim virtutibus ornatum, ad Pontificiam
 aliquam dignitatem peruenturum esse? Deus ipse faxit, ut quem
 à pueritiâ cursum tenere cœpit, fœlicem ac secundum bono A-
 cademiæ, Christianæ Religionis commodo, & maiorum ho-
 nore suorum, quod omnes præceptori suo, vobis omnibus, &
 nostris scholis gratulentur, ad exitum usque veniat illustri
 Pontificum tiarâ decoratus.

Vituperatio adolescentis humili genere nati.

Quid est, cur te ipsum iactare queas in aliquo cætu nobilissimorum adolescentum, ac non potius quætere latebras obscuritatis, in quas te conijcias, ne quis tam durum & immane monstrum magis execreretur, atque ipse detestabilis es tibi ipsi, & vniuerso generi ciuitatum, quæ te, quæ parentes tuos nouerunt, & illorum faciem, & sordes, à quibus originem trahis? Nam vt patriam omittam, oppidulum paruum atque humile, & nullis mœnibus cinctum, sine portis, sine conditore: ædiculæ paruæ sunt & humiles, neque vlla descriptione, ex iuto & cæno factæ, saxis, & lapidibus congestis, in campis casu repertis, non emptis coagmentatæ, tectæ arundinibus, aut regulis vetustioribus, sine forma, sine specie domorum, quæ nullas contignationes habent, nulla superiora cubicula, sed infimam habitationem, fœdam ac deformem; vt in tugurij similitudinem, quod se recipiunt pastores, & vbi se ab aquis hyemalibus & æstiuis ardoribus defendunt. Atque huiusmodi ædiculæ nullo ordine continuatæ, sparsæ ac dissipatæ, & ab aliis aliæ disinctæ videntur, ad quas per accliuia loca conscendens summa cum difficultate, spiritum, ægrè ducit: cuius habitatores vasti sunt & agrestes, horridi & inculti, inopes & egentes admodum, vnde nullus prodijt vnquam ad aliquod sacerdotium, quid dicam ad honores, vel ad literaria munera? Ex hoc oppidulo prodiisti tu omnium tuorum rusticanorum infimus & contempnissimus, obscuris parentibus natus: sicq; illi fax & sordes dicebantur oppiduli, vt probrum & labes inferretur cuiquam de tuo oppidulo, ad cuius indignitatem sordes tuas admisceres. His parentibus ortus hac fœditate oris es, hac deformitate corporis, voce absone, & agresti, motu deformi, cruribus diuaticatis, immani gibbo, vt qui te videat, se vidisse immane portentum putet. Has scilicet labes, & maculas corporis indignissimas, bonis aliquot fortunæ, pecuniolis, & rebus ad victum necessarijs, mediocriter saltem suppetentibus occultabis. Quem te magis inopem, magis mendicum dicemus qui in summa rerum inopia, & extrema mendicitate viuis? qui nihil habes, vnde te alas, nisi ostiatim corrogaueris, & pauci sint, qui propter indignitatem tuam tibi velint erogare? Extorquendus igitur à te cibus est, si manes in oppidulo, & multos dies manebis ieiunus, aut si foras exieris, vigatim cogendus, vt famem

explicis.

expleas. Sed mittamus hæc, veniamus ad tua scelera. Quis te in hoc oppidulo sceleratior? quis nequior vnquam repertus est, qui desidem & ignauam vitam, & vagorum otium & errantium confectaris? qui nihil vnquam facis, nisi parentum obscuritate dignum? te nemo suo congressu, nemo societate, nemo aditu, nemo sermone dignū putat, qui quantum audere potes in oppidulo, tantum audax es ad facinus: imò sic es à virtute alienus, vt te neque recitantem aliquando quisquam in templo, neque preces adhibentem viderit: & quod grauius est, valdeque suspiciosum, an fidem colas, nemo viderit pedem inferentem in ædem sacram, nisi diebus festis, & non omnibus, atque serò post bonam sacri partem factam, vt magis videre metuz Quæsitòrum hæreticæ prauitatis id facere, quam sponte, & bonorum more Christianorum. Quin furta te facere suspitio est inter homines, & inter eosdem conuenit nulli rei honestæ te operam dedisse, sibi que persuadent omnes, nullam vnquam ad punctum temporis cognitionem te boni hominis suscepisse, sed tanquam animal quod iam expers rationis, tanquam impurissimam, intemperatissimamque pecudem, ad sordes omnes, & faciem te abiectum atque prostratum fuisse. Itaque cum in promptu habeamus, quantum natura hominis pecudibus, reliquisque bestiis antecedit, tu præter vultum nihil hominis habuisse videris, sic ad ea te abijcis, atque prosternis, quæ sæpe fugiunt atque declinant ipsæ bestię deterrimæ. Atque in ore hominem non gerere visus es omnino, sed caput in formam quasi suilem degenerare visum est, vt hominis indignitatem, & sordes in te tantummodo agnoscamus. Quam te igitur mortem obitutum esse dicam? quam improbi homines, quam scelerati, & à Deo prorsus auersi, vt aut morte repentina de medio tollaris, aut ex insidijs interficiaris, qui neque Deum videris agnouisse, neque numinis sanctissimi notitiam vllam habuisse.

Altera vituperatio Leouigildi.

NON ponam in vituperatione patriam tuam, teterime Leouigilde, qui, quamuis Rex fueris, ignotum tamen, posteris fuisse videtur patrium solum: vt neque patria videatur tantum & tam exitiale portentum sine dedecore suo suscepisse, quæ Leouigildum Regem impium ac sacrilegum rulerit. Crediderim te ore truculento, immani facie, diductis oculis, & crudelitatem spirantibus fuisse: tu illis lateribus, illa gladiatoria totius

ferri volunt. Huic sceleri alia scelera cumulaſti, qui minimè ſinis cultores Religionis Chriſtianæ quieſcere, omnibus iniurijs afficis, maculis aſpergis, atque adeo teter, & importunus infeſtaris, ut exilium & mortem miniteris. Quantâ tu impietate fuiſti, cum filios eiſdem prauitatis erroribus imbuiſti? cum Arrij falſa dogmata ſequi, fraudes tuas & fallacias eos conſectari cõgèiſti? Nonne omnes, qui tecum in aula tua verſantur, qui tibi miniſtrant, qui aditus ad te faciles habent; qui tuam gratiam colligunt, qui retinendam curant, à Deo nefariè abduçti, prius Chriſtianæ veritati nuntium remiſerunt, Arrium & illius ſectatores ſequuntur, Chriſtum abiurant, ſuam execrantur Religionem, & Filium Patre faciunt inferiorem? Quam contrarius es, & infeſtus Læandro Pontifici Hiſpalenſi, tecum ſanguinis communionem coniuncto? At qua de cauſa? quia filium ſuis monitis ſalutarijs, & hõrtatu cœleſti ab Arriano-rum ſecta traduxit ad Religionem Chriſtianam. Video Præſulem ſanctiſſimum hac de cauſa eiectum ab vrbe Hiſpalenſi, Pontificia dignitate deturbatum, proficiſcentem in exilium, & abeuntem in terras ab vrbe Hiſpali diſiunctas, iacentem in ſqualore multo, ſuis ouibus, ſuo grege priuatum, quod Chriſtianam Religionem defendit, quod Chriſti dignitatem tuetur quod cum alios homines ab hac impietate abſtraxerit, filium præcipuè tuum Leouigilde, filium (inquam) Ermenegildum Regem Hiſpalenſem, quem Arriani perſonam deponentem, eodẽ paſtor optimus perduxit, ut egregium ſe Chriſtianum, cultorem Chriſti Ieſu præſtantem, inimicum Arrij capitalem, & hoſtem factionis Arrianæ accerrimum præbuerit. Accepimus Leouigilde eodẽ te furoris & amentię progreſſum fuiſſe, cum primum traductionem filij tui ad Chriſtianam Religionem accepisti, ut non deſtiteris, donec modos omnes, & rationes tentaueris, quibus filium tuum à propoſito, ſemelque ſuſcep- to conſilio abducere conateris. Vana proceſſerunt, & irrita fuerunt tua conſilia. Quid ages improbe? Quò procedes? ut arma capias contra filium, ut obſidias urbem Hiſpalim, ut ad proditionem Romanos milites pecunijs compellas, ut denique comprehenſum filium in vincula conijcias, graui premas pondete catenarũ, denique mortem afferas per ſatelliteſ, catiſicetq; miſſum. Quid dicam amplius? O cœlum! O terra! quæ te mors, qui miſerrimus manet exitus, & pleniffimus miſeriarum Leouigilde? Quanquam ſtimulante conſcientia, & fodicantibus ijs rebus, quibus ſine ſcelere obſiſtere non poteras, contra tuam

conscientiam venisti. Quare dices? cum restitueris Leandrum Retaredo id negotij dans, ut in extremo vitæ spiritu ei reconciliaretur: aliquid est, non inficiabor: sed non hæresim eiurasti, neque fidem Iesu Christi suscepisti, quod necessarium erat, ad animi salutem, ita te in inferiorum sedes præcipitem actum esse, nostra lex Christianorum, Religioque testatur. Quid homini potuit infelicius euenire?

*Suasio ex adiunctis ad bellum Isabella Anglorum
Reginæ faciendum.*

Nihil mihi facilius est, Rex Catholice, id quod iam dudum animo deliberatum habes, quam persuadere tuæ Regiæ Maiestati, ut classem instaures in Isabellam Anglorum Reginam. Nam quanquam seruel ornata & instructa rebus omnibus, naufragio perijisse sciamus, Tu primum potentissimus es, omnibus bonorum copijs circumfluis, multò argento & auro ditissimus abundas, quod partim in Hispania penditur, partim ex Indorum sedibus, duabus quæ tantis classibus, in nostra Regna redeuntibus, pondere plurimo auri, argentique oneratis adfertur. Neque Rex quidem ullus, vlla vnquam sæculorum memoria, non ex Hispanis solum, sed neque de potentissimis Persarum, aut Macedonum Principibus fuerunt, qui tecum de potentia, de pecunijs, de argento, de auro contendat. Cedit ille Tyrannus Turcarum immanissimus, & prædiuitijs & summis opibus Philippi, debiles quorumcunque Regum & infirmæ vires nuncupantur. Ad hanc verò potentiam naues plurimæ, & trimeres accedunt, quæ partim diuersis in partibus sparsæ sunt, partim nouæ ædificari quam breuiter possunt, quæ si vnum in locum conferantur & armentur in Isbellæ perniciem, noua classis magis instructa magisque ornata, omni rerum genere munitissima comparabitur, quæ magnam capiet militum multitudinem, & ex his onerariæ fient ad cibaria, commeatusque omnes comportandos. An verò frumenti vis desiderabitur? Id Hispania dabit, & Sicilia, horreum quondam Romanorum, cum primum imperaueris. Vim verò tormentorum, tormentarij pulueris, omnis generis militiarum instrumentorum paratam iam pridem copiam ingentem ad bellum hostibus faciendam non deesse vides. Quid quod milites tibi sunt strenui, quod fortes, quod scientes rerum militarium, quod cum multis & diuersis hostibus præliati, quod victores multarum gentium, quod horribiles habiti sunt hostibus, quod

quòd cum rem aggressi fuerunt, persequendi, & ad exitum perducendi cuiuscumque belli Principes sunt, qui solo nomine & aduentu multorum hostiũ civitates in deditiõem acceperunt, neque quidquam magis scienter appetunt. quam Angliam, quam captam Isabellam, quam illius vitam, & sanguinem, quæ tot Christianorum millia concidit, & contrucidavit immanissimè. Si quod tempus opportunum, nunc istud maximè, cum sumptibus plurimis exhaustam Angliam, regnum vix huic bello gerendo posse sufficere constat inter omnes: cum Catholici classis Hispaniæ reditu recuperabunt animos ad arma capienda contra tetram hanc & immanem belluam. Concitabuntur præterea multi Catholici, iam dudum iniurijs Isabellæ ferendis defessi, eiusdem tributis & vectigalibus immanissimis onerati, novis in Christianos pœnis constitutis exhausti. Concitabuntur multi Principes, partim Anglici, partim Scotij, qui iampridem hanc temporis oblatam occasionem ab immortali Deo precantur. Iam dudum omnes propter potentiam tuam per literas atque legatos opem & auxilium efflagitant. Oppida ab Isabella capta, multa bello attentata ab eadem Religionem afflictam atque prostratam fuisse regnis in Anglicis, & finitimis in provincijs querentur: his miserijs, quæ succurrat, satis esse nomen & famam dispersam classis Hispaniæ redeuntis in Angliam: præterea nihil aliud. Quod si tempus hoc abierit, aliud erit expectandum. Nunc istud maximè idoneum est ad navigandum, ad mare transmittendum Anglicanum. Quod si locus quaeritur opportunus, cum in fluvium Tamesim classis penetrauerit, Londinum classem peruenisse putato. At amisisti magnos clarosque duces, naufragio pereunte classe: fateor. Sed quot habes viros nunc, quot etiam Duces peritissimos rei militaris, in bello multum diuque exercitatos? De his, cum agunt hostes, metuunt ac reformidant magis in dies Hispanorum robur. Quòd si ab hostibus inustam inaculam mare præoccupantibus, & infestam Hispaniã classe, vel eunte in Indiam, aut reuertente, navigationem reddentibus, & cum oneribus, & mercibus suis venientibus, ad nostros considerare volueris, nihil credo de bello suscipiendo te dubitaturum esse. Quid quod tuæ virtutes, quod inflammatus defendendæ Religionis ardor, quòd præcellentissimum Regis Catholici cognomentum nemini præter te tributum incitare debet & inflammare Regiam Maiestatem, ad bellum hoc prosequendum?

Dissuasio ex adiunctis ad Cæsarem.

Quid agis Cæsar? quid arma contra Romanos capis? quid bellum facere paratus es? An tibi non venit in mentem contra quos exercitus pares? contra Romanos, Principes terrarum, Dominos gentium cunctarum, victores nationum bellicosissimarum, potentissimorum Regum, & imperatorum fortissimorum. Romanis neque pecuniæ ad bellum, neque com meatus deesse possunt, neque locus, neque tempus opportunum. Cum rerum potiantur, deligent, quem volent? volent autem, quem videbunt committendo prælio magis idoneum locum, neque tuis copiis cogentur alieno tempore prælium committere: cum ducere bellum possint pecunijs adsumptis, & cæteris rebus necessarijs semper suppetentibus. Qui vero populus? quæ gens? quæ Prouincia? qui denique Reges suppetias populo Romano ferre desinunt? Amici, socij federati concurrent omnium gentium, cunctarum denique nationum in tuam pestem arma conuertentur. Sed age non tanta potentia finge populum Romanum esse, non ijs viribus atque neruis ad ducendum sustinendumque bellum: non te milites veterani coacti, non prærogatiuis & immunitatibus donati, non tot Duces fortissimi, & qui bello præficietur Imperator Pompeius, omnium gentium, omnium sæculorum, omnis memoriæ facillime Princeps, ab incepto bello deterrebit? si te hæc omnia non commouebunt, si tuum in exitum & in perniciem non vis apertam ruere, quid patriæ respondebis, contra quam nulla iusta causa reperietur nefaria arma capiendi? Nihil illius te nomen, nihil pietas communis, nihil suauitas & dulcedo patriæ commouebit? in patriæ tecta, in forum, in curiam, in Capitolium, in focos, profana sacraque omnia, copias duces. & armata manu Rubiconem trajiciens, tectis omnibus ferrum & crudelitatem minitari teter & impius aspiceiris?

Ad coniiciendum ex ad iunctis.

Quid coniiciam, cum nulla extent expressa sceleris vestigia? Vbi, qua ratione, per quos, quo tempore maleficium sit admissum: quæ nisi multa & manifesta sint, profecto res tanta, tam scelestæ, tam atrox, tam nefaria credi non potest: scilicet huius adolescentis vita perditæ, tum singularis audacia ostenditur, & ab eodem multa antea commissa maleficia. Primum de sceleribus in hunc usque diem purgauit aduersarius,

quem

quem nunquam pedem suum extulisse domo dixit, nec in delectationes adduci potuisse rusticanas. Qui sic in vrbe versatus est, ut præter vias tritas, quæ deducunt in tribus suæ templum, & in templum maximum, & in gymnasia, nescierit alias omnino: quia domesticis Cartusianus, Capucinus etiam appellatur. Atque cum domi est, fere semper in cubiculo est, & cum libris, cum literis rem semper habet, alias neque res agit, neque nouit vnquam, quasi nihil ad illum spectent. Audacia deinde quæ potest esse adolescentis, qui totus ad modestiam compositus, nemini verbum fecit nisi modestum, nisi honestum, nisi ex adolescentis optimè sanctissimèque instituti disciplina? Qui cum sit productus à Patre in publicum, vel iussus venire ad se, & respondere coram eis, qui rei quidquam rogauerint, rubor oboritur statim naturalis, quo perfusus, nescit verbum vllum proloqui. An in illo maleficia audita fuerunt vnquam, vel quisquam de tam optimo adolescente suspicari visus est? Et tu repente exortus es, qui maleficij bonum adolescentem arguas? Neque locum, neque tempus, neque causam profers neque per quos ad præceptorem deferas, habes. Qui locus igitur tuit non morigerandi parenti suo? in platea, ais? In qua platea? in sancti, dices, Saluatoris, in loco tam remoto, tam ab ædibus suis disuncto, vbi neque visus est vnquam. At accersiuit Pater, nescio cuius mandati, quod ille exiqui debebat, deferendi ad amicum causa. Neque enim seruos habebat, quos cum mandatis mitteret, & patris intererat filium mitti potius quam seruum, ut conficeretur negotium, quod nisi per filium confectum iri spes non erat. Non quæro, quam verisimile sit, patrem non habuisse quos mitteret, qui nunquam nisi comitatus exire solet foras grege famulorum præcuntium, & subsequentium, præsertim tam procul à domo suâ, qui neque in vicini domum, nisi bene comitatus solet accedere. Deinde quam credibile sic filium à Patre mittendum, quem sciet nullius hominum domum tenere? At quod tempus attribuis? pomeridianum, magis alienum. Cum domi se continent nobiles, & qui sunt huiusce generis, florentissimæque fortunæ, neque id temporis exigunt, nisi negotiatores, aut operarij. Quomodo autem respondit? se id non facturum. O nequam hominem, qui neque modestiam adolescentis, neque eius obseruantiam in patrem agnouisti, neque patris domesticam disciplinam, neque dignitatem & splendorem maximum, neque seueritatem in puniendo, si quid minus modeste, minus

rectè dictum, vel factum fuisset à filio. Age igitur, dic causam cur ad Præceptorem miserit. Quia cum filio nimis responsum fuisset intemperanter, manus ab illo voluit abstinere pater, ne si inieciisset, ita depexum, ita pro suis factis mulctatum dedisset, ut in posterum hominis officium fractus & enervatus non faceret. Relinquitur ergo, cum nihil habeas, quod possis criminose, ac suspiciosè dicere, ut adolescentem apertè ludificari & calumniari sciens videaris, ut qui consimilem luseris iam olim ipse ludum de Petro Ioanne in amicum suum incidente.

*Ad reprehensionem ex adiunctis in
filio prodigo.*

Quid agis? quò te is perditum? nihilne te tua ætas, nihil adolescentia expers consilij, quæ præcepta ac temeraria fertur, & eget consilio senum, & maxime parentum, flectet? Nihil parentis aspectus, nihil verba, nihil domestici, nihil fratres tui, nihil in patrem obsequium & obseruantia commouere potuerant? Nihil ipse discessus, nihil lacrymæ, nihil affectus paternus maternusque tuum animum lenient? nihil salus, quam tuo parenti dicere vis in perpetuum, nihil abundantia paternæ domus, nihil rerum omnium affluentia, nihil tranquillitas & quies, nihil status & fortuna florens, nihil illius splendor, & dignitas à sententia auocare valebunt? Putasne te prudentiorem alijs adolescentibus esse, magis cautum, magis prouidum futurum, & pecuniarum & patrimonij conseruatorem magis tenacem, magis parcum & strictum de tuo, quàm alios adolescentes, qui vix à patre suo patrimonium acceperunt, cum illud per luxuriam effuderunt, atque consumpserunt? Nescis quid locus afferat alienus, quid amicitia, quid societas improborum, quantæ sint infidelitates in hominibus, quàm multi in secundis rebus adsint, quàm desint illicò absumpta re familiari & pecunijs, quibus inescantur homines? si quod tempus eiusmodi est, cum nihil te magis insciens, neque magis stultum videatur esse, tanta equidem temeritas tua iam sit, ut non procul abhorreat ab insania. Sed perstas in proposito, patrimonium de patris, quod tibi iure hæreditario obuenerit: quo consilio? qua prudentia? quo modo? quo suasu? quâ ætate iterum? quo tempore? quâ de causâ? Si nihil in adolescentibus est consilij, si senes de suis rebus prudentissimos adire debent, & eosdem consulere, si adolescentes natura sua præcipientes
sunt,

& omnibus sæpe consilijs denij, quid postulas, quid impru-
 a, quid temeritate lapsus facis? Quis tibi suavit? nemo. Tu
 consilium dabis? in sua causa ius sibi nemo dicit. Quomodo
 tibi, tam audacter, tam liberè fieri, non criminis loco da-
 Atque hoc tempore, cum pater augebat patrimonium, &
 perdendum tam multi paratissimi sint: si nulla præsertim
 isa, sic agas, nisi ut per intolerandam, & impudentem li-
 am omnia dissipas atque perdas, viuendo turpiter, & libi-
 e cum mulieribus profligatis, non potes equidem à repre-
 one temeritatis abesse, quamque tu stultus & temerarius
 s, non videberis in delectatione esse diuturna.

*Ad spem, ut literis vacent diligenter
 adolescentes.*

inmo ingenio præditus es, & maxima semper fuisti me-
 ia, & inest in te literis vacandi egregia quædam atq; pro-
 voluntas, nihil ut sit quod desperes scientiam te cõsequu-
 esse maximam, ad quam aspiras, maximè quia ut literatũ
 sis, omne studium & diligentiam adhibes. Adde bonam
 linem, vires corporis, ætatem aptam studijs ineundis, ut
 puer admodum, neque ætate sis prouectus, sed in exeun-
 ili ætate, ut iam inire velis adolescentiam, quæ plus ha-
 poris & virium ad labores capiendos. Quid quòd Hispalì
 de nihil opus erit Complutum aut Salmanticam studio-
 usa contendere: cum ciuitas hæc propter amplitudinem
 habeat officinas literarias, & duas, ut scis, Academias:
 s in Academijs plures habeantur literariæ disputatione-
 que plures literati viri conueniant, propter Religiosa-
 niliarum conuentus, in quibus cum liberalium artium,
 phiæ, & sacræ Theologiæ studia colantur, tum & accu-
 nis doctrina cœlestis explicatur, atque discitur diligen-
 Præter Academias autem duas Societas I E S V quoti-
 atefecit ludum Dialecticæ, & præbet quatuor præle-
 sacræ Theologiæ auditoribus, qui suorum opera Præ-
 m uti voluerint, ad quas percipiendas, inter seque reco-
 radibus suis prouehit sapientiæ studiosos à primis Græ-
 rudimentis in Dialecticorum, atq; in sacræ Theologiæ
 a, & officinas. Quoniam verò quenquã Rhetoricæ sci-
 e, Græcarumque literarum, magnum affert adiumentũ

ad specimen egregium in alijs artibus de sua scientia præbendum, & ad illustrium doctrinarum opes & diuitias proferendas in lucem claritatemque mortalium, præposuit huic idoneos præclarosque muneris præceptores. Neque quidquam Hispalenses à suâ conqueruntur abesse ciuitate, quod ad absolutam perfectamque cognitionem desiderare posse videatur. De Præceptorum nostrorum scientia nihil dicam, quod & eos Hispalenses audierint, & testes esse possunt: tu quod tuum commodum fuerit, iudicabis de Præceptoribus, quos tua intersit audire. Neque plures in alijs Academijs, neque doctiores magistri esse possunt, quàm in vrbe, propter amplitudinē suam, Hispalensi, non celebriore solum, sed Hispaniarum facilè principe, in quam omnes exquisiti & præstantes in quacumque facultate ac scientia doctores afferuntur. Locus eâ est temperie cœli, salubritate aëris, vt omni rerum copia abundet: vt cum ad bonam valetudinem valdè salubris videatur ista ciuitas, tum ad corporis victum & delicias suppetant affatim omnia. Quid quod pater tuus eadem, qua tu voluntate, sit, vt cum alios habeat filios, quos mercaturam velit exercere, te vnum potissimum delegerit, quem ad literas, ad studia natum, & affectum naturali propensione cognouerit. Neque te vllis vnquam negotijs, nullis domesticis rebus distinebit: tradidit autem te in disciplinam nostram, vt fructus feras literarum præstantes, ac ne vlla occasione ab studijs abstraharis, pædagogum bonum & literatum dedit, quo secundum præceptum vtare duce ac principe studiorum. Brige te igitur atque confirma, exple animum parentis, spe magna ingressus es in literarum studia, in quibus turpissimū erit cunctorum spes fallere adolescentem sui corporis, atque naturæ præsidijs munitum. Quò te tuum ingenium, quò natura præstans, & conatus optimus, quò parentes tui, quò cupiditas scientiæ, quò dignitates & honores vocant, te nostra excitat, & inflammat oratio,

Ad inuidiam ex adiunctu de Cesare.

Nescis equidem, nescis C. Cæsar, captâ vrbe Româ, quantâ inuidiam habeat Dictatura tua, quæ semper in liberis populis, maximeque in opulentissimis ciuitatibus pacatæ Reipub. statu nunquam locum habuit: Cùm summum illius imperium, summa dignitas & principatus in ciues, in Senatores, in Magistratus omnes formidolosa plane species videatur, & eadem sic fascibus stipata terrificis, armata satellitum grege perstreptente, gladijsque

gladijsque aspectum oculorum perstringentibus. Sanè potestas silentij Consulibus indicendi, summa reliquorum Magistratum taciturnitas inuidiæ nihil nõ habitura est. Quid cum exerceat potestatem suam spectantibus oppidanis, in medio foro, in oculis & luce Romanorum: vt neq; fugere quemquam possit dominandi libido, & præ reliquis Magistratibus dominatio superbissima? Quid cum te sedente in dictatoria dignitate tribuni sileant, neque possint intercedere, quorum potestatem cum suis ornamentis spoliavit Sylla, reliquit intercessionem nudam & inermem? Quid cum dignitas senatoria, neque domi, neque militiæ valeat adhibere suam auctoritatem: neq; censeat Senatus, neque iubeat populus, nisi quodd tibi collibitum fuerit? An verò in curiâ dominari Dictatorem, in concionibus præesse populo, imperia decernere, distribuere prouincias, demandare Magistratus, ferre leges, & cum velit, abrogare, partiri orbem terrarum vniuersum, omnia per se ipsum facere non inuidiosum Senatui populoque videbitur? Quietis Reipub. Romanæ temporibus, neq; ad sex menses (quem modum Imperio statuerunt maiores sui) sed per omne vitæ suæ tempus, nimis, mihi crede, magnam inuidiam habet Dictatura, neque vilo modo toleranda videtur hominibus in libertate natis & semper educatis.

Ad odium ex adiunctis in peccato Cain.

Tantum scelus Cain commiserat? tantum flagitium in Dei immortalis maiestatem susceperat, vt neque seipsum, neque fratrem, neque præsentiam diuini numinis respexerit? siccine seipsum velle perdere Cain, qui fratricidio manus suas, & animum polluerit? At quem fratrem? optimum, integerrimum, nihil mali facientem, immortalī Deo sacrificantem, summa pietate, atque religione, & ex primitijs, id est, ex meliore, vltroque præstantiore bonorum parte, atque illud sacrificium toto cultu, tantâ sanctitate facientem, vt illam Deus euentu manifesto comprobauerit, preces Abelis exaudiens, & eiusdem preciens sacrificium nimis sanctum, nimiaque ex animi Religionis profectum, & ex ea iterum animi præstantia, qui se suas res Deo deuouerat, nihil magis eximium, quam Deum habuit, suasq; delicias & amores duxerit? At fratrem occidisti, fratrem profudisti eius, qui tibi carus esse debuit, atq; periurum: quem natura ipsa, leges omnes, atq; iura commendauit, quem cum occidisti, vix te apud te metipsum fuisse crede-

tem; nec non putasse tibi natum ex parentibus alterum esse fratrem, pro quo si opus esset, vitam cum sanguine profundere debuisses. Tunc reputabas tecum præsentiam diuini numinis, Deum ipsum ubiq; locorum præsentem esse, quem nihil fugit, nihil latet eorum, quæq; agimus, quæq; cogitamus? quiq; tacitas animorum cogitationes perspectas & penitus exploratas habet? Credo equidem si id temporis, cum manus volebas iniicere, cogitationem boni hominis suscepisses, & ad cælum tuos oculos sustulisses, recordatus fuisses præsentiam diuini numinis, potestatem tanti Domini, & illum toties in sceleratos homines gladium diuinæ iustitiæ districtum, abstinuisses a cæde, continuisses pugionē, tui ipsius & inuidiæ vires repressisses. O scelestum ac nefarium hominem! O fratricidā impium & sacrilegum! Vide fratrem ad tuos pedes prouolutū, sanguine multo profluentem. Vide sanguine tanti fratris stillantem pugionem tuum, terram vnda defluenti madefactam & imbutā, atq; adeo ad occisi per summum icelus, cadauer st. gnantem cruoris paludem, vt te quantum odij cœperit fratris tui, tantum in te ipsum omne gen⁹ hominū fuisse concita ū allata morte non ignores.

Metus ex adiunctis in furem.

TE non metuere dicam fur, non contremiscere miserum hominem, qui in ipsa faciundi furti meditatione, cum tendis ad locum, spectas tempus nocturnum, & summum noctis silentium, tum cū maximè iacent homines in lecto & somno grauissimo consopiti sunt. Ne te quis persentire possit, quemadmodum animam comprimis? retines ad multum tempus, & magna cum difficultate & compressu corporis multo, minimos muris strepitus exhorrens, atque hominum inanes umbras. Atque si quem sese commouere audis, & inclamare furis præsentiam, quam illico terga vertere soles? quam eodem itinere summa cum celeritate reuerrere eo, vnde te intulisti in domum interiorem? Quia malè procedit, in quanto metu versaris, ne quis te ex domesticis, qui primis in cubiculis dormiunt, audierit clamore excitatus à somno? Et quia suspicio iam erat, & metus, cœpisse fures parietes transfodere, atque illos aucupari tempora huiusmodi ad sua furtis; & vñtatū est nonnullis, se in cubicula prima recipere, vt cū inclamarint, qui intus sunt, surgant celeriter & accurrant, & hærentem in domo furem opprimant, atque à tergo & à fronte interceptum fugere non permittant, miserande homo, contempnissime omnium,
ad vñ-

virgas referuate, ad ignominiam & infamiam damnande, furti grauitas tulerit, laqueo suspendende, nondum furto o, quid ages? pallens totus, ac tremens, & præ angustijs præ spiritu, his ere non audes, & vt tui ipsius misereri velint, flagitas? non obsecras contractis humeris, & toto corpore emisso, & vtramque tendens manum, & supplici & tremuli voce, vt te dimittant protinus, ne te prodant, quoniam oratus es, & nequissimus te spiritus deceperit? Non addis iudicio nihil boni comparaturos se præter ignominiam & infamiam furi inurendam; quiduis potius te paratum esse peris, & supplicij quodcunque subire genus, si per illos statuantur vt ad Iudices delatus subeas virgas & ignominiam & infamiam tuorum redundaturam in perpetuum? Non adiungis infamiam notus eis fueris, quoniam parentibus ortus honoris? Quid plura? quoniam ciuis, quoniam denique vi-

*Ad mœrorem & lacrymas ex adiunctis: De Christo
Iesu in crucem sublato.*

tuere peccator Christum Iesum, vindicem humanæ libertatis, recuperatorem salutis & dignitatis tuæ sublatum in crucem, sine forma, sine colore, pallidum, atque deformatum, oculis obrutis, genis depressis, sublato pectore, manus & pedes extendum diritate clauorum, sed brachijs distentis, apertisque visceribus in suum sinum atque complexum, tanquam sibilo boni precis accersentem, & te ipsum ad peccatorum veniam, ad salutem recuperandam, gloriam cœlestis aulae repetendam impetantem. Suspice crucem, molem immanissimi ligni, spectulum illud luctuosum adducens omne genus spectatorum, mœrorem, & in lacrymas acerbissimas. Suspice faciem, speculum Angelorum, splendorem Patris Æterni tuis peccatis & sceleribus deformatam. Suspice pectus diuinæ sapientie pignus amoris diuini, tot vibicibus fœdatum, suggillatum, adeo notatumq; turpissimè. Suspice manus, quæ cœlestis sedes, quæ fabricam hanc & elegantiam mundi totius mirabilem ad nostrum vsum & delicias effecerunt, traiectas in latere clauorum. Suspice pedes, clauis quoq; transfossos, qui Galilæam, Samariam, Iudæam vniuersam pro salute generis nostri multis factis itineribus peragravit. Suspice, suspice illud corpus diuinum, atque cœleste, mellis suauitate dulcius, sicutis confectum, & ad explendam, depellendamque

situm à nefarijs hominibus felle acetoque permixto perfasum. Suscipe latus hastæ diritate transfixum, patens & apertum, cruore diuino, aquaque cœlesti profluens, fontem illum perennem & inexhaustum infinitæ pietatis, quo diluuntur nostrorum sordes peccatorum, & omnia delentur & expiantur crimina. Patet semper, vt aditum ad illum habeamus, & in illum, tanquam in arcam Noe, columba, & animalia cætera confugientes, fluctus & tempestates concitatas euadamus. In illum tollētes oculos, tot indignissimis tractatum modis, clavis perfossum, transfixumque crudelissimè, omni ex parte fœdaturum, atque deformatum, omnibus supplicijs dilaceratum & excarnificatum intueamur, & supplices manus tendentes, manus ipsas, pedesque traictos, fel & acetum Christo Iesu porrectum, faciem demissam; deiectos oculos, tot vibices, tot cruciatus, mortis acerbicatem, & vulnus lateris aperti, Patri Æterno suppliciter offeramus, vt qui nostris sceleribus pœnas inferorum iam pridem meriti fuimus, cruciatibus & meritis tanti Domini in cœlestem aulam ascendamus.

Quibus cum argumentis adiuncta cohereant & coniungantur.

Non sat est affectus nosse, quos ex adiunctis eliciamus, nisi argumenta, quæ valent ad splendorem, & amplificationem adiunctorum nouerimus; quæ ex causis instituens tradam, vt in adiunctorum loco verseris insigniter.

Adiuncta cum causis efficientibus in filio prodigo.

Video equidem filium prodigum ad patrem reuertentem, & pœnitentem iam eum suorum scelerum, & acerbissimè profundentem lacrymas, & de reuerfione paternam in domum, vnde accepto patrimonio exierat, cogitantem, atq; hanc secum ineuntem consilij rationem, vt ad patrem redeat, ad illius pedes abiiciat sese, petat veniam effusi per luxuriam patrimonij, quæ solet esse parentum in filios indulgentia summa, quæ caritas & vsitata lenitas, recepturum in suam gratiam vagum & errantem, & ad se redeuntem. Quem ubi pater adspexit, quamuis sordidum & squaloris plenissimum, continuo in eius irruit amplexus, totus lætans & exultans, vt vix apud se

se esset præ gaudio. Exuere illum vestibus contemptis fortis-
 que, & nouis induere iubet administratos, albensque stot-
 necare vitulum fartum & opimum, multos menses ante sa-
 tum: facit denique pater conuiuium lautum & magnificum,
 reuersione filij, & ovis amissæ recuperatione. Magna hæc
 plane admiranda filij perditum in meliorem vitam moresque
 stantiores traductio. Vnde tanta mutatio, tam repentina
 versio: à misera ærumnosaque vita, quam agebat, à suarum
 iacturâ, ab extremâ penuriâ & mendicitate, à fame, qua
 erandum in modum conficiebatur, qui neque suilib. escis,
 neque filiquis (horrendum quidem) satiabatur: cum ante in o-
 rerum abundantia viueret, & illo quidem neque locuple-
 neque fortunatior videretur in sua ciuitate quisquam. Re-
 latus igitur pristinam fortunam, & affluentiam bonorum
 nium, siue ad vestitum, siue ad victum, siue ad delicias, &
 itates vera, quorum omnium egebat infœlix adolescens,
 tituit tandem, ac deliberauit animo, domum patris redire,
 rdans fortunam pristinam & præsentem, inter quam for-
 vtramque, tantum interualli intericetum fuerat.

Conglobatio causarum efficientium, & adiunctorum.

Æc magnitudo cathedræ primariæ facit, vt nisi planè præ-
 stantia candidati proferatur, nisi omnibus ingenij præsi-
 munita scientia, nisi labores suscepti dies noctesque, nisi
 sacræ Theologiæ versati, nisi maxima cognitio, nisi tam
 summatum sacrarum literarum intelligentia, vt nihil ab an-
 tis Patribus differat, cathedra deferenda non sit. Accedat
 oportet laureæ primus in Academia gradus consequutus,
 io omnis generis hominum de competitoris ingenio ha-
 scripta summâ Doctorum consensione comprobata, do-
 centa ingenij publicis in disputationibus & reliquis lite-
 actionibus data, fama nominis & celebritas consequuta;
 dicam; libros habeat typis excusos, aut breui mandan-
 oportet, si tantam cathedram, tam honorificam, tam splē-
 m & cunctarum principem, primariam delaturus est. Qua-
 oc, quo minus sit intellectum, nisi plane appareat, co ma-
 st, antequam cathedra deponatur, prouidendum. Quam-
 cum multis ex rebus intelligi possit, Academiam no-
 non modo alijs scientijs plusquam cæteras terrarum par-
 erum etiam sacræ Theologiæ floruisse, tum ex hac vel ma-
 quod ad hanc primariam cathedram nunquam, nisi va-
 riâ mul-

ria multiplicique cognitione , præditi Doctores ascenderunt.

Tertia amplificatio ex adiunctis , cum efficientibus: in occifores Beati Thomæ Cantuariensis.

Non dubito quin tamen nullus in vobis sensus humanitatis, nulla ratio vnquam fuisset Religionis, tamen in aspectu sacrarum imaginum, ac delubrorum omnium tremere vos necessarium esset. Potuistisne apud vos esse? potuistis corpore vel animo consistere, cum in B. Thomam, tam impij, tam scelerati, tam nefarij fueritis? Beatumne vos Thomam inuadere ausi estis? Ipsone in templo, & omnium maximo, tam antiquo, tam sancto, tam religioso manus impias & sacrilegas afferre conati estis? si in pueritiâ non ijs artibus & disciplinis instructi eratis, vt ea, quæ de templis literis mandata sunt, disceretis, & cognosceretis, at postea cum in ipsum templum ingressi fuistis, potuistis aspicere, quod videre necessarium est, sacrarium Assertoris Iesu ante vestros oculos positum esse, tot imagines & simulacra Sanctorum cognoscere potuistis, quorum tanta est religio, vt neque hostes, nisi fidei fuerint inimici, cum urbem diripiant, quidquam audeant in templis maleficij suscipere.

Adiuncta cum fine: De Christi IESU transfiguratione.

Videmus Assertorem Iesum in verticem & summa iuga montis Thabor ascendere. Cuius rei causa? quorsum, obsecro, quem in finem ascendit, Auditores, & secum deducit ex duodecim Discipulis tres clarissimos omnium Petrum, Iacobum, & Ioannem? Quid sibi vult aduentus Moysis & Heliz Varum olim diuinorum? Quid ille discessus ab vrbe Solymorum, & in solitudinem desertam recessus cum tribus discipulis? Quid hoc? Ascendere Iesum in montem, in summa fastigia peruenire sibi velle cum suis discipulis esse? adesse Petrum cum Iacobo, cum Ioanne? interuenire duos Vates diuinos, & participes hos fieri visionis admirandæ, quæ illos manebat iucunditatis, diuinitatisque perfruendæ? Proh! Deum immortalem, in illo vertice, ac summo montis fastigio facies visa est IESU Christi,

sti de repente, præter expectationem sociorū, Solis splendor micare, vestes albere niue albenti candidiores. Ex his, ex ore, ex pectore diuinam cœlestemq; claritatem diffundebat, quā obstupescit, incredibili, ac diuinā gloriæ suauiter perfusi Apostoli, Vatesque, qui cum illis erant, apud se esse non poterant, non poterant non mirari diuinitatis lucem claram, non capere fructus iucunditatis præstantissimos. Petri volebat manere, atque tabernacula collocari illius cœlestis gloriæ perfruendæ causa: continuo vox Æterni Patris in auribus influēs missa fuit de cœlorum sedibus, Christum in filij nomine & honore efficiens, ac iubens eum præcedere & auctorem sanctitatis audire. Quorsum hæc Patres? Quorsum? vt intelligere valeatis, ad cœlestem aulam non nisi multis laboribus & difficultatibus homines ascensuros, suscipiendos, & anhelando, & omnibus vitæ periculis obiciendo se, ad cœlestem Dei gloriam perfruendam peruenturos sollicitos, ad cœlestem Dei gloriam perfruendam peruenturos sollicitos autem, atque hos omnium maxime delectos, qui a diuini numinis perfrui possint: neque homines hanc lucem percipere, non tantam suauitatem percipere posse, nisi eos, maximis susceptis laboribus, periculisque neglectis, expertiorum & flagitiorum, maximis virtutibus cumulati, ab impuritate & purgati maximè albenti niue candidiores in cœlestem sedes ascenderint.

Adiuncta cum formâ.

Quid adest ab illo Pontifice, cur Pontificis honore dignus non sit? An dignitas, quam ore suo præfert amplam & illustrem? An literarum cognitio? quis illo doctior & in omni genere scientiarum, maximè sacræ Theologiæ doctrina præstantior? An virtus, qui speculum & lumen sanctitatis habetur illum? An grauitas, quem qui intueatur, ad dignitates honores gerendos natum fuisse fatebitur? Cum incedit dimissis, & ore ad modestiam valde composito, tantâ auiditate, vt infulis ipsis, & insignibus Pontificiæ dignitatis orationis cœlestem splendorem diffundere videatur. Atque cum in ore rei diuinæ, vel precibus sacris præest, auctoritate tantâ, Religione, tantâ dignitate cernitur, vt omnes vel aspectu addat attentiores, & religionem afferat componendi corporis, manuum ipsarum ad omnem honestatem, dignitatemque singularem, & vt animos, ad rem, qua de a sanctissimam conferant atque conuertant.

Adiuncta

Adiuncta cum materia.

RHetorica, quæ ars est benè dicendi, Regina quondam habitata terrarum, firmamentum cuiuscunque bene moratæ, beneque constitutæ Reipub. quæ dominabatur regnabatque in omni libero populo, maximeque in pacatis tranquillisque ciuitatibus: quam summi, medijs, & infimi dicebant, tanquam necessariam ad Magistratus gerendos, & sine quâ aditum ad Rempub. habebat nemo. Neque Reges ipsi expertes tantæ facultatis gubernacula capiebant regnorum. Quin, quod maius est, & huic arti, quod vñs tulit, peculiare, turbulenti magis Reipub. temporibus, & cum reliquæ artes, & studia silebant, inter armorum strepitus, & medias inimicorum acies iamiam inclinatas viribus orationis instaurando, & victorias de manibus sæpe hostilibus extorquendo, dominatum habuit. Quam, quid dicam in Campo Martio laudationes suscepisse Magistratum? Quid commemorem in Curia aut impulsisse cunctum Senatum in Reipub. vtilitatem, aut auocasse iamiam inclinatam in fœdera cum Pirrho Epyrotarum Rege faciendam? Quid dicam etiam accusasse fontes, defendisse innocentes, suscepisse ægras, ac prope deploratas Reipub. partes? Denique contra Catilinam, contra Clodium, contra furias alias Reipub. pestesque funestas valuit plurimum, cum huiusce facultatis materia tam longè lateque pateat, vt ad vniuersi generis, quod de voluerit Rhetor agere, quæstionem pertineat.

Adiuncta cum forma & materia.

Considera corpus istud, quamuis infimâ naturâ præditum, Cex limo, & argillâ factum, tantis necessitatibus astrictum, tamen societatem inijsse cum animo, spiritû sane præcellentis, intelligentiâ, memoriâ, voluntate, tribus donis ac muneribus præcellentissimis constanti, & ad Dei similitudinem formato. Post istius vitæ decursum, si particeps fuerit laborum, & conflictationum, quas subire debet egregiè fidelis homo, cupidus diuinatum voluptatum, cœlestiumque præmiorum, pro dormita hac putida ac fœtida carne, tandem aliquando in partem venturum esse gloriæ cœlestis & præmiorum, quibus beati ciues in illis domicilijs celsissimis perfruuntur, vt quoniam consors laboris fuerit, sit etiam præmiorum. O beatos illos dies! O beatas etiam noctes! O tempora fœlicissima fortunatissimaque, cum corpus te ipsum abiecasti, ad pietatis munera, ad deli-

arum contemptiōnem, ad despicientiam iucunditatum
s cunctarum: cum te ipsum totum, cum manus admini-
operum omnium in virtutis actiones, in charitatis studia
ntate mirabili coniecisti: cum omni loco ac tempore,
periculorum habita ratione, itinera pedes faciebas, & o-
s excipiebas, pro Christi Iesu gloria libens & hilaris, mo-
s: cum non recusabas inedia, non exhorrebas cilicium,
cuticas ex funiculis ferreis constantes, cum discerpebas,
iabasque carnem, & quod frequens erat, auerteras aspe-
oculorum ab obiectu rerum inanium, praecludebas au-
diculis vanisque sermonibus, omnes sensus frangebas,
abasque, & obediētes rationi faciebas! Ita quidem post
em particeps fies præmiorum cœlestium, & venies in par-
næreditatis æternæ, præter gloriam communem corpo-
præter splendorem & claritatem propriam & peculiarem
um cunctorum. Sensus omnes redundabunt suis delicijs
ortalibus, percipient suas iucunditates & suauitates exi-
neque vlla pars corporis vacabit veris ac solidis volupta-
t. Sic equidem, cum se homines tanta felicitate cumula-
spicient, præ luce, præ claritate gloriæ immortalis, præ di-
ate, præ honore, præ gaudijs cœlestibus, vix apud se esse vi-
ntur.

Adiuncta cum effectū in Rectoris aduentu.

Desit ipse Rector illustrissimus, qui de more suo comitatus
Collegis duobus, & ipsis varijs praeuntibus magna aucto-
e & strepitu antecedentium, & consequentium, qui multo
aduentum denuntiabant. Intrat gymnasium, astantibus
nistris officij ergo, qui illum comitabantur, consider, &
em Rectoris dignitatem aspectu gerens, & amplitudinem
mam. Conticere alumni rei literariæ, componere sese &
re ad audienda verba præceptoris, ipse vero Rector oculos
receptores intentos habere, audire partem aliquam præle-
is attentione non minore, qua absoluta, cuius officij cau-
nerat, id præstare incipit: Ab auditoribus sumere statim te-
onium, & quidem cum iurando, de modo, de ratione
legendi: an ex præscriptioibus Academiæ, vel ad volunta-
uam, & arbitrium administrentur omnia. Hoc intervallo
auditores è gymnasio manere solū, qui testimonia dictu-
t, summum intus esse silentium, foris sermones haberi
mi, circuli non pauciores, multa iactari, atque ea omnia,

vel ad doctoris honorem, vel ad cathedræ spoliationem, si suum, ut par erat, officium non fecisset.

Adiuncta cum antecedentibus.

ATque si fortunam hominis miseram & calamitosam, si inopiam, & angustias, quibus antea vrgebatur, & illam vitam inopem diuitum liberalitate subleuatam aliquantulum recordari voluerimus, an maduerremus quod, cum in urbem Hispalim pedem intulit, neque nummulum secum deferabat, sed faciebat, quod alij suæ humiliatis, a quibus contemptæ fortunæ faciunt, ut se in aliorum dent famularum, & quod datur vitæ tempus seruiendo collocent, atque ponant, & ex annuis stipendijs, & mercede persolutâ cogant nummules aliquid, quibus mediocriter vestiti, habeant speciem aliquam mediocrem, quâ iam versari valeant inter homines: Hi si quo sunt ingenio, si quâ industriâ & calliditate, ad quæstum aliquem aspirant, cogitant Indiam vnam, aut alteram, affectant primam nauigationem, quâ se transmissuros esse putant in Perusiam, aut in Mexicanam oram: quo cum penetrarunt, rei suæ seruire, laborare plurimum, operas præstare baiulorum, quoad aurum, & argentum cernulent per aliquot annos, ut hoc aucti reuertentes in Hispaniâ, emptis ædibus, prædijs opimis, pecunijs in redditus collatis, inter diuites habeantur & numerentur. En statum primum, & fortunam miseram & ærumnosam. Quid huic homini facias, qui immemor istius fortunæ perferri quidem non potest? Incipit efferre sese, more nobilium tractare filios & filias, dicere, & appellare titulis & cognomentis, quæ splendorem afferunt & claritatem nobilitatis, uxorem in lecticis collocare, in quadriugis & albeis perstat imponere. Ornat domum peristomatibus pretiosissimis, pulcherrimâ veste, magnificentissimâ suppellectile, attribuit spondam uxori, & quidem stratum tapete pulcherrimo, longissimo, latissimoque, & ornatam puluorum splendore sericorum. Addit ministros, qui venientes excipiant, deducant in palatium, & discedentes reducant in portas usque, atque adeo elegantia solatia in aulam introducunt. Ipsis autem in palatijs, quem sellarum ordinem, quos abacos, quos lectos pulcherrime stratos & ornatos ad usum & ad speciem magnificam aspicias? Illum vero equitem prodeuntem in publicum, iustrantem plateas aliquot, & equo peragrantem, pedibusue vias, vicosque ciuitatis, comitatu stipatum famulorum, honoratum

statum sæpe nobilium occurrentium officijs, & quacunque
 æterit iactantem sese, ut plane vanas efflare gloriolas, & ina-
 s sæculi ventos aucupari videas. Eum omnes cernunt, &
 nistentes sæpe, quoad abduxerit se è conspectu, respicere
 n desinunt. Vide quid faciat nummus.

Adiuncta cum consequentibus.

Abora, vir optime, desuda in Iurisperitiâ, perge quo cœpisti
 itinere. Graue est alumnū literarum surgere è lecto alben-
 tatim cœlo, aut horas duas ante primum diluculum (cū
 t mediam noctem cubitū ieris,) dare operam literis; mole-
 n est totos dies, eundem petere repetereq; scholas, interesse
 lectionibus, abesse nunquam, audire alieni iussimē, quærere
 uditis, conferre cum condiscipulis, versare liberos magnam
 tis partem, & cū cœnobitarū cymbalis (quod mediæ no-
 tempus est) vrbs personuet, captum ire somnum; intestum
 alitudini, valdeq; contrariū vim frigoris hyeme, molestias
 ris æstate, & alias vtriusq; temporis iniurias tolerare patiē-
 & contra vim, gravitatemq; morborum, quos ex laborib.
 iorum literati contrahunt, contendere; quid quod hoc toto
 pore, cū longissimum sit, & quinquennium debeat esse,
 tra scholastici sunt exules & extorres, & cœlo sæpe contra-
 aletudini bonæ, & corporum affectionibus, procul à pa-
 à parentibus, à fratribus, à cognatis, ab amicis, à delicijs &
 aditatibus, quibus corpora reficerent, & salutem suam cō-
 rent? sed post hæc molestias exantlatas, consolationem
 ies præmijs, quæ labores in literis positos consequuntur.
 dum cogitant scholastici, dum animis complectuntur suis.
 olum ad labores & ad vigilias suscipiendas animantur, sed
 n est, quam in libris inhærere, & ab illis nunquam auelli
 t. Labores consequitur, in eadem Academia confecto Iu-
 tiæ curriculo, laurea Baccalaureorum, qui primus aditus
 gradus illustris ad literarios honores accipiendos: Licen-
 tia; atq; tandem illud summum omnium & præ-
 ssimum ornamentorum, insigne Doctoris. Cum vero tan-
 speritiæ scientiâ fueris præditus, ut ad collegia possis cō-
 re, ut de cathedrâ decertare cum competitoribus, quan-
 abet laudis quenquam esse collegam? in vnum de maxi-
 optatum collegijs, illorum vestem, & insignia gerere,
 ram demū consequi magna suffragiorum multitudine,
 niâ totā plaudere Salmanticensi? Quid vchi pervias, per
 L 2 plateas

plateas humeris scholasticorum laurea redimitorum triumphali, & in cathedram imponi, collocari, prælegere publice, interpretari ius ciuile, audiri silentio summo, & magna sæpe auditorum admiratione, adhærere possi, pro posse rogatum soluere quæstiones, tollere dubitationes allatas, facere satis obiectis? Magna sunt hæc, mihi crede, vir egregie, & quæ ad maiores honores spectant. Hinc Præfecturæ ciuitatum, hinc Præfecturæ sæculi, vel Ecclesiæ, hinc consilia Regum, hinc postremo amplissima sacerdotia Pontificiæque dignitates, ad quas, nisi multis laboribus, magnis difficultatibus, nunquam datur ascensus, sæpenumero consequantur.

Adiuncta cum antecedentibus & consequentibus.

Fœlicissimus & fortunatissimus B. Dominici status & dignitas in cœlesti regione consequuta, quam mihi prima tempora in sæculo posita tanta virtutis admiratione prælagire visa sunt. Cuius in laude, cum adhuc in sæculo versaretur, illa castitas & integritas corporis ponenda est; qua se integrum & incorruptum ab omni labe conseruauit. Cum vero inter Canonicos versaretur, non solum lumen prætulit sanctitatis & faciem ardentem viris ordinis sui, sed ciuibus & viris quibusque eximjs. Sane tanquam lucerna in edito & excelso loco posita lucem videbatur afferre mortalium generi cunctorum. Excitata sunt suis temporibus graues & vehementes hæreseos tempestates, quibus homines sacrilegi statum Ecclesiæ perturbabant, multos abducebant à sacra religione, & quemadmodum nubes cœlū caligine, sic nefarii dæmonis satellites animos hominum tenebris errorum circumfundeabant, ac regiones. Huic malo perdoctissimos sanctissimosque medicinam faciendam rati magistratus, id negotij B. Dominico demandarunt. Quod tanto studio, & corporis & animi contentione munus præstitit, vt errores ex illis populis & ciuitatibus depulerit, deiecerit tenebras hominum animis offusas partim priuatis sermonibus, partim concionibus & omni vigilantia, qua in specula positi nusquam oculos ab Ecclesiæ dignitate deiciebat. Cum nihil igitur sibi prius nec antiquius Matre Ecclesia fuisset, Romam cum Pontifice Osmenfi profectus, de concionatorum Ordine instituyendo cogitauit, hancque sibi mentem Deus iniecit, vt officium faceret Catholicæ fidei conseruandæ, veræ Religionis enunciantæ mortalibus, & cunctorum, qui sparsi fuissent, & in hominum animos insedissent, errorum contra fidem surgentium depellen-

ellendorum. Hanc cum Romanus Pontifex Religionem auctoritate confirmasset, cum prærogatiuis & muneribus ornasset & auxisset, quos ille sanctissimus Ordo fructus erit? quam vbetes utilitates ac præstantes sacræ Religionis sit hæc longè lateque sparsa, & per orbem terrarum diffusa concionatorum Religio? Vnam de præstantissimis sanctissimisque Religionibus Mater Ecclesia consequuta fuit sacramentum concionatorum, lumen fidei, propugnaculum Religionis, arcem bonorum, montem perfectionis absolutæ, fontem inexhaustæ sapientiæ, parentem omnis ordinis Sanctorum mundissimam, perfugium & receptaculum Christianorum, gloriam, & immortale Christi Iesu decus. Tua est, B. Dominicalaus, tua sunt trophæa, & virtutis absolutæ toto terrarum orbe, celsissimisque Beatorum sedibus monumenta constituta, & tot viros illa Religio sanctissima pepererit omnibus sanctorum numeris absolutos, quod Confessores plurimos, & Martyres inuictos, quod castissimas Virgines, quod Doctores præstantissimos, fortissimosque Petros, Catharinas interrimas, beatissimum Thomam, Doctorem Angelicum, & neminem Fidei Christianæ clarissimum. Quod Academiæ, quod nobilia sacrarum omnium familiarum D. Thomæ doctrina sustententur, & tuorum Patrum clarissimam verissimamque sapientiam continent, tibi totum hoc, quantumcumque est, quod certe maximum est, tuis laboribus, tuæ virtuti referre debemus actum. Denique, quoniam omnia me persequi velle, neque Religionis est institutæ, & maioris videtur operis, & temporiscul dubio longioris, illa tuæ sunt Religionis decora & ornamenta maxima, quod de primis Fidei Christianæ Censoribus Dominicanus fuerint Præfectorum eius, Religionis Christianæ defensores acerrimi, vigilantissimique: illos Principes conuerunt, adhibueruntque in procellis turbinibusque sedantes Romani Pontifices. Quid amplius volumus, quod ad tuæ Religionis laudem, ad tuæ virtutis prædicationem præstari afferri poterit, quam tuis & tuorum humeris sustentatam ferri Christianam Religionem: tuis præsidij fulciri, protegi, virtute corroborari, virtute doctrinaque vigere? Id sapientissimè declaravit cœlestis, tuam prædicans insignem clarissimam doctrinam, tanquam arcem fortissimam conatibus hæreticorum tererrimis obiectam & oppositam; neque doctrinam solum ad hostiles depellendos errores, sed ad incursiones omni-propulsandas virium oppositione suarum, & ad iugula

telis inimicorum intentis fortiter constanterque dimouenda.
 O virum omni laude dignissimum ! O verum pastorem totius
 virtutis a soluta clarissimum ! Hunc vitæ cursum clarissime
 sanctissimeque confectum, tot labores & vigilias sine intermis-
 sione suscepas, tantos Christianæ Religionis fructus allatos, tot
 pericula capis, & adita delicta crimina, honores iure merito con-
 sequi debeant, iure gloria Beatorum, iure dignitas clara & il-
 lustus, ut te in Sanctorum numero collocatû, & duplicis (quod
 vulgo dici solet) nomine & honore affectum omnes Christiani
 coleremus, tibi acra templa, tibi aras erigeremus, anniverſariū
 omne tuum die sanctissime recoleremus, & ut inter Con-
 fessores sanctissimos, inter Patriarchas celsissimos, inter Augu-
 stinos, inter Hieronymos, inter reliquos saciarum familiarum
 parentes, & principes eximios laureâ virginitatis decoratum,
 & insigniter fulgentem debitis honoribus afficeremus.

Adiuncta cum similibus.

Nunquam hominem vidi tam similem Ildefonso, qui me-
 lius vitæ suæ rationes constitutas haberet, ut neque mini-
 mum à rectâ ratione discrepent. Omnia intervalla diei, vel mo-
 menta temporum, sic partitus est, ut nullum habeat vacuum
 præfinitis actionibus, consideratissimeque præstandis, omnia
 autem occupatissima, ut neque minimum detrahat de tempo-
 re, neque addat, quod singulis rebus agendis dandum consti-
 tuerit. Atque istud non licet animadvertere solum in negotiis
 domesticis & externis, sed in omni sermone familiari: qui sic
 loquitur, ut præfinitò loqui videatur, neque verbum illum fa-
 ciat, nisi consideratum, & multo ante præmeditatum. Ut nun-
 quam vltum pœniruisse quisquam audierit inconsiderantiae,
 quæ cum aliquo egerit, aut vnum verbum proloquutus fuerit:
 quid dicam temeritatis, cum illud verbum inconsiderantiae præ-
 viritanti comparatione, loquissimumque in verbis, & actioni-
 bus provisione maximum gravissimumque fuisse videatur? In
 vestitu vero nisi concinnus, nisi compositus, nisi ad modestiam
 ornatus occurreret nemini. Odit ille in privato negligentiam
 corporis, quam ipse gravissimo verbo vitium appellat, moder-
 ratam diligentiam probat: sic accedere videbis eum vultu re-
 cto & ad dignitatem composito, oculis denatis, & in loquen-
 do, in spem non senatorem Christianum vidisse dicet, qui pran-
 diis, studiis, deambulationibus, rebus divinis, & exercitatio-
 nibus animi sua semper legitima tempora fuerit impertitus. Ut
 enim

im horologium recta moderatione constitutum, nec minimum à proposita temperatione discrepat, semper suis spatijs legitimis signa dabit horarum, ut neque breuiores alias, neque longiores horas in illo, (quod de alijs horologijs vulgò querebatur, si recte obseruare voluerimus,) animaduertamus: ita quidem virum hunc bene compositum semperque præclare constitutum, neque vnquam vllò tempore à proposita sibi præstataque viuendi ratione defecisse videbimus.

Adiuncta cum dissimilibus.

Neque te tuorum vitiorum pudebit, neque pœnitebit vnquam, qui vel satietate tandem aliquando redire debuisti in viam? Quod spectas tempus resipiscendi? quem locum tibi opportuniorem, aut quos homines, obsecro, magis idoneos ad te perditum & profligatum in gratiam diuinam, vnde sceleribus deiectus es, restituendum? tempus, si sana mentes, tuum te iam pridem officium monet. Cum multis leuioribus peccatis Deus in inferorum sedes alios deiecerit, tu tibi ne peccandi licentiam liberam & impunitam fore putabis perpetuum? Qui locus autem scholis Religiosorum hominum ad Dei gratiam adulescenti de sæculo, qualis tu es, retinendam opportunior erit? Cum vero homines Religiosi sint, de iustituto suo animorum saluti consulant, quid magis in animis dari cupiunt, quàm animos, quorum de salute cum agunt, non se suum officium facere, & in delicijs maxims veripi putant, nisi ab alienatos à Deo mortales, vel confessionum conditione, vel alijs modis diuinæ Maiestati reconciliauerint? Quis est frater tuus? quàm dissimilis est tui, quàm alia vi- quàm alijs moribus, & abhinc annos multos, à pueritia sua, equam à parentibus in scholas nostras deductus esset, in hoc locum venire gestiebat: quas poterat etiam puer nobis in horas consume- bat. Nihil equidem illi gratius, neque iu- dius erat, quàm cum amicis suis, cum Confessario agere de tempore, quo venturus esset in scholas ad Grammaticæ cun- a. Theologus est iam, & nobiscum amplius annos octo po- in scholis, neque nosse visus est homines alios, quibuscum- et, neque locum ad manendum, totos dies festos, profestos- e. ut nesciat extra nostrum peristilium aliò pedem efferre, nec erre nisi in hanc Academiam. Et tu hanc vitæ rationem non itures aliquando, eodem parente susceptus, eadem domo, em parietibus contentus, & eadem disciplina imbutus.

non ad fratris mores, similitudinemque vitæ optimæ traduceris? Nisi verò parentes tuos, neque fratrem nosse vis, & iam qui visus es, ore quidem impudenti, ferocique animo, parentes alios, & aliud genus e mentiris: dic obsecro, vt saltem hæreditatis aliqua fratri tuo fiat accessio, nobis verò errorem eripias, in quo iam diu versamur.

*Secunda ratio amplificandi ex adiunctis
per dissimilia.*

Regina Maria, quæ si non erat in regno suo, erat tamen Regina melioreque iure, quam Isabella erat, eodem genere, eisdem maioribus, eadem cum Isabella sanguinis communione coniuncta, denique erat Regina serenissima: si tamen a regno per scelus eiecta, at non ita deserta, vt regnum recuperare non posset, adiuta Regum Gallorum, & sanè potentissimorum viribus in Regalem sedem restitueretur. Hanc per fraudem, per blanditias, per pollicitationes & cum iusiurando suum in regnum accersit Isabella, quam vbi finibus Angliæ tenuit, in arcem munitissimam, includit, post multos annos de hac Regina, nihil mali merita, nihil vnquam perfidiæ cogitante, nihil iuspicante, Isabellæ Reginæ sanguinem suum prodentis immanitate detestabili prolata est sententia, vt in Castello, hæretico Pontifice præsentē, & nescio quibus Regni proceribus spectantibus, capite plecteretur, nulla de causa, nulla culpa, nec minima. Multa acerba, multa turpia, multa detestanda habuit imperium Isabellæ, tamen illo scelere post Religionem desertam, atq; violatam, quod in Mariam Reginam Isabellæ immanitate fuit editū, haud scio an vllum indignius, iniquius, & grauius commiserit. Mithridatem illum Ponti Regem immanissimum, qui cum populo Romano per multos annos magna belli contentione confligit, auito, patrioq; regno expulsus Tigranes excepit, diffidentem suis rebus confirmavit, perditum refecit, atque recreauit: Deiotarum bello ciuili superatum, hostem Cæsarianæ partis acerrimum, suis in regnis supplicem & abiectum, procedentem obuiam Cæsari, & ad suos prostratum pedes, erroris veniam petentem, Regis nomine & honore affectū ab Imperatore terrarum potentissimo legimus, & imperatis nō multis pecunijs regnum tenere permissum, regiamque dignitatem retinuit Cæsar, & conseruauit Regem, qui & hostis fuit, & exercitus fuit Cæsariani, qui contra eundem confligit, qui signa contulit, qui de Cæsare necando planè contendit: restitutus

tus à Cæsare fuit in Regnum, regnavit per omne vitæ suæ
 tempus, & Regis nomen & honorem retinuit, quemque armis
 ceciderat, violauerat, eum precib⁹ & aspectu placavit: Illa Re-
 gina Maria, quæ semper socia, quæ semper amica fuerat, quæ
 tanta tecum sanguinis communione coniuncta, quæ (quod ca-
 ut est) nihil mali fecerat, nullâ in re tuam dignitatem violarat,
 quæ Christiana vixerat, quæ se Catholicam professâ fuerat, ob
 hanc causam in vincula per summum scelus & fraudem con-
 ducta, in custodiâ indignissimis tractata modis, denique v' timo-
 ris supplicio mactata fuit. En cur filius tibi propinquus sta-
 tem suam fortunâ non arbitretur, cum matris suæ spectaculo
 tristissimo videat per impuram quandam, hæreseos labe in-
 cinctam Reginam, se fortunis omnibus spoliari, & omni suo
 regno possenudari? At equidem eo facto turpissimo Catholicæ
 Fidei splendorem maculare voluisti, ignara quid sacra Fides,
 quid Christiana Religio valeat, quid dignitas Ecclesiæ Roma-
 næ, quæ in medijs hæreticorum fluctibus quæta est, & lucet in
 tenebris, atque turbinibus hæreseos, splendetque per se
 semper, neque ullis tempestatibus potest obrui. Non id facit
 Catholicus & Christianissimus, utroque nomine dignissimus,
 Philippus Rex Hispaniarum potentissimus, qui ceciderat, & ex-
 ceciderat à te proceres Catholicos, exules & extorres à patrio Re-
 gno adolescentes magnâ spe atque virtute, moniales per ter-
 ram, per maria tuam immunitatem & diritatem execrandam
 persequentes, profugas & vagas in Regna sua non recepit solum,
 sed etiam pecunijs adiuvit, collegijs & cœnobijs magnificen-
 tissimis sustentat, & pro Catholicâ fide protegendâ abhinc tot
 annos bellum alit in Flandriâ, contra te classes omnibus rebus
 armatas & instructas in Londinum fluvium, in Thamesim
 intro propter Londinum intulisset, nisi impetus illarum inci-
 piens fœdissima tempestas maris Anglicani retardasset. Atque
 tempore bellum infert alijs gentibus à fide sacrâ deficienti-
 bus, ut Catholicos in eadem Prouinciâ conflictatos tueatur,
 Anglicani belli, cum per tempus licuerit, perficiendi summâ
 suorum Regnorum potentiâ minimè quidem me-
 moriam abiciens.

* *
 *

Tertia amplificatio ex adiunctis per dissimilia, ornata repetitionibus & percontationibus de B. Ioanne Baptista.

Estne Ioannes is, qui more hominum reliquorum conceptus, grandæva muliere natus est, & iam ad concipiendū inutili? Qui in matris utero à Virgine Matre Assertoris Iesu dignissima inuisus, communi parentum nostrorum labe fuit expiatus? Qui diuitias omnes parentum suorum, amplissimè, magnificentissimeque repudiavit? Qui terrarum orbem vniuersum gaudijs natalis diei maximis lætitijsque compleuit? Cuius de sanctitate cum vulgò dicimus, atque virum tantum celebramus, prius sanctitatis splendore clarum prædicamus, quàm in hanc lucem editum? Estne hic Ioannes, qui cum nuntios accepisset Principes Iudæorum, postulataque illorum, ut Messia dignitatē velleret, & haberet, cum laude honorifica Christo Iesu tributa repudiavit? Estne hic Ioannes, qui laudat⁹ prædicatusque fuit à vindice nostræ libertatis IESV Christo, ut idem tantus Dominus homini cuicumque meritis, & sanctitate præponeret? Atque, ut alia omittam, estne hic Ioannes, qui testimonium dedit Christo IESV pulcherrimum præclarissimumque? Qui Iordanis aqua caput aspersit eiusdem IESV Christi? Estne denique hic Ioannes, qui Regis effrænatae libidini sese opposuens, caput à ceruicibus securi carnificis obtulit præcidendum? Vide Herodes impie, quid inter te, cuius nomine caput viro sanctissimo à ceruicibus ablatum fuit, & nuntiante Herodiade saltatrice præclara illa mandata deferuntur ad matrem, cui Regis nomen & dignitas, quæ præsidium debuit esse virtutis conservandæ, tam immeritò defertur, vide, inquam, quid inter te, & tantum Ioannem intersit. Huic Principes veteris Legis testimonio suo, legationibusque ad eam rem missis, Messia dignitatem deferunt: te omnes viri, mulieresque propter libidines impuritatesque tuas vituperant, atque adeò probris & maledictis omnibus vexant. Ille præconio IESV Christi præ reliquis hominibus tollitur in cælum: tu sermonibus, linguisque cunctorum infra mortuos amandaris. Ille denique caput pro veritate gladio carnificis deuouere non formidauit: tu te in sedes inferorum tuis maleficijs deiecisse præcipitem, omnibus priam testantibus, testis esse non desines.

Adiuncta

*Adiuncta ex attributis persone, loci,
temporis.*

Fuerunt literæ à patre de filio præceptoris missæ, & quoddam fuerat multos dies ab scholis nimis ita cundè scriptæ, summè expectabant auditores, quid in literis contineretur. Aperit præceptor gymnasio frequentissimo, summa eò spectabat, mirari patrem ex ratione temporis, ex numero mensum negligentiam si ij, incurantiam præceptoris, nihil in rum filium, nullas in studijs progressiones fecisse, qui tantum temporis abfuisset, quem ante professionem suam in Classe secundano um reliquisset, eundem adhuc in eadem versari & rudimentorum plane inscium. Postulat igitur pater, sibi respondeat præceptor, quisnam hoc tempore filius, an negligens, an alienus à literis? nullo, vel me tiori ingenio? literis aptus, vel ineptus? in gymnasio frequens, an infrequens, & an in Tertianorum gymnasiū transire possit, an manendi necessitas puero sit in classe Secundanorum iam duodecim annos nato? sic multa de filio rogasse, filium nihil respondisse: videri truncum & stipitem, de quo, ut quid explorati haberet, rudimenta saltem clariora à filio se exegisse nullo am illum reddidisse rationem: matrem in culpa esse, filio nimis indulgentem, quem si reliquisset sibi, si non ex patris eripuisset manibus, virgarum multitudine coopertum vix viuum reliquisset.

Adiuncta ex persona, re, & modo.

Eloquentia, inquis, magnam habet auctoritatem, nonne vobis M. Tullius videtur loqui? Discite orationem veterani, & vos recentiores, etiam tu præceptor discas ab egregio dicendi artifice, quamquam ille nunc primum in hunc locum ascendit, sed tamen dicere ab adolescente Rhetoricæ dedico, oratore bono, cum omnium orationis ornamentorum scienti. Quid in oratione, nonne & quis dicit, & quid, & quomodo queritur? An hæc tu ita confundis, & perturbas, ut quicumque velit, quid velit, quomodo velit, possit dicere? Quis eras tu, qui dicebas? quo studio? quibus progressionibus? qua facultate? quot orationes antè habueras? quisnam illud tibi onus & prouinciam imposuit? Video enim te quidem audaciz fore coa guendum, & impudentiz, qui contra legem, contra morem, post annos nullos in vsu & exercitatione positos.

positos, orationem huiusmodi ex hac loci celebritate habueris, quæ non ita habenda fuit, ut tu habuisti, raptim & cursim dicens, sine auctoritate, sine dignitate, quam retinere debebat. Orator indicendo, ut rem ipsam non minus dictione, quam vultu, quam gestu, & aptâ corporis moderatione veterum Oratorum similis exprimeret.

Adiuncta cum repugnantibus.

AN verò cum Doctor ille sit, & de senatu vestro antiquissimus, de Matre semper Academiâ bene meritus, & præceptorum clarissimus, auctoritate suâ, suis ornamentis, & beneficij in Academiam collatis non immeritabit, ut quod alijs Doctoribus æquè præstantibus, & singulari virtute, exquisitaque sapientiâ tribuistis, sibi triuendum putetis? Nisi verò, quia vobiscum mansit, & per omnes vitæ suæ tempus manere vult, dignum putatis, quem excludatis illis præmijs & honoribus, qui sæpe dati fuerunt Patribus de vestro confesso recentioribus, qui potuerunt aditum ad cathedram patefacere proposita in decertatione capientibus, qui negari non possunt, nisi proditoribus Academiæ, nisi hostibus Reipub. literariæ deterrimis, & proditoris omnium patrum grauissimorum sententiâ conuictis. Videte Patrem de vestro ordine grauissimum, vestrū socium & comitem, consortem laborum omnium, æquè Academiæ consulentem, & vestræ amplificationis appetentem, cum hominibus nostris versatum annos circiter triginta non modò sine labe, sine macula, sed sine offensionis minimâ suspicionem, tantâ cum approbatione omnis generis ordinum & ætatum, ut reprehensionem equidem omnium vereri debuissetis, si tales in tantum Doctorem, tales in tantam virtutis præstantiam, & in tam illustre sapientiæ lumen, tanta antiquitate notissimum, non præberetis animos, & ad huiusmodi rem concedendam non omnibus suffragijs incuberetis; cum iam cani tam multi, exarata rugis facies, & auctoritas tanta magis clamitare, & vestras mentes deberet impellere, quam cuiusquam apud nos valere picta nitore vario, distincta diuersis luminibus, turbulentiissimis affectibus plena, vehemens & ardens oratio.

* *

Adiuncta

Adiuncta cum comparatione.

Hic te si res ipsa, si indignitas iniuriæ tuæ non commouebit, si facta adolescenti nobili, facta locupleti, facta filio facile principis vicinæ suæ: si loci celebritas apud te ponderis parum habebat, tu ne illud quidē animaduerteres, eiusmodi fuisse factam iniuriam, quam parentes vlcisci necessario debuissent, cum verbis non contumeliosis solum tractaueris, sed pedibus conculcaueris? Etenim quid erat, quod ad has iniurias addi potuisset acerbioris? Adolescens ille suis parentibus carus erat, & eisdem habitus in delicijs maximis, atque hunc tam fœdum reddidisti, quam qui ex gravissimis iniurijs contumelijque deformes manere solent. Dico adolescentem nobilitate generis clarum esse, teque multo nobiliorem, qui iactas passim nobilitatem maiorum. Dico nihil illo pacatius, nihil ad lenitatem, nihil ad bonitatem virtutemque propensius: dico denique nihil in his iniurijs, neque verbo, neque facto contra te fecisse bonum adolescentem, cum sese defendere conaretur, & à corpore suo vim omnem propulsare, intercessisse quosdam, qui te ex tuis factis, atque virtutibus ornarunt. Quid habes cur te non plectendum similiter, atque mulctandum à præceptore timeas, cum post conditam Academiam, ut ex auditis intelligere potuerunt omnes, nihil tetrius ab adolescente factum fuisset recordentur?

Altera amplificatio ex adiunctis cum comparatione.

At quæ hæc Complutensis Academia, parens bonarum artium, & doctrina sapientissimorum hominum abundans, quæ sunt ad virum omni literarum laude cumulandum perficiendumque necessaria, satis abunde suppeditare potest, & abundantius quidem, quàm aliæ plerimæ toto terrarum orbe celebres Academiae, siue literas humaniores, siue Græcas atque Hebraicas, siue facultatem dicendi spectes. Artes vero liberales, ipsa Philosophia, Medicina salutavis, Iuris Pontificij facultas, sacra cœlestisque Theologia traduntur in hac Academia. Atque singularum artium atque doctrinarum præceptores exquisiti numerantur, doctiores profecto, & sapientiores multarum Academiarum magistris doctissimis sapientissimisque, quorum vocibus gymnasia personant. Illi vero tantum honorem Academiae tribuunt, quantum alij quicumque exquisiti afferre possent, magis stipendijs propter famam

ac celebritatem nominis accersiti, ut plane ex varijs orbis terrarum partibus confluat alumnorum numerosa multitudo, relictis alijs Academijs, horum præceptorum literis & doctrina imbuendi. Quâ in Academia maior alacritas & ardor, maiores vnquam in studij progressionibus, decretationes acriores ac vehementiores, per omne anni tempus singulis non modo mensibus, sed hebdomadis, atque diebus, ad literas percipiendas, incitamenta maiora nulla in Academia, neque in Complutensi, vigent, propter renuntiationem, ac gradus locis suis ex ordine publicatos solennibus statisque anni diebus, concursu omnis generis & ordinis alumnorum, sono concentuque tibiarum, spectatorum plausu & acclamatione tanta, quantam spectare possit aliquis, maiorem profecto viderit nemo. Cessant equidem necesse est non is Athenæ bonarum artium inuentrices: cedat nobilissima quondam Ægypti Alexandrina necesse est Academia: cedat, quæ in ipsis Italiæ vicinibus ac medullis floruit felicissimis temporibus, appellata, celebrataque cunctorum Annalibus magna Græcia: quæ omnes si prædicatæ fuerunt totæ terrarum orbe, tamen illorum artes & disciplina tantam minimè, quantam nostris temporibus, abolutionem, perfectionemque nactæ non fuerunt. Tacemus de Italorum, de reliquorum hominum Academijs, quibus longum esset statum Academicæ nostræ & fortunam felicissimam conferre. De Salmanticensi solum dicamus aliquid. Demus illi reditus plures, & ampliora stipendia, demus tantam multitudinem & præstantiam collegiorum, demus illi cunctis notissima quatuor collegia primaria, ex quibus in Ecclesias, in Academias, in Præfecturas, in Regum consilia tot homines doctissimi prodierunt: demus iuris civilis scientiam, quæ se cum Italica non æquauit solum, sed illis fortasse præstitit Academia: Verùm Salmanticenses relinquunt Complutensibus vsum & exercitationem earum artium, atque disciplinarum, quæ Compluti coluntur. Concedant concertationes assiduas, vim argumentandi, acrimoniam persequendæ argumentationis, & ad exitum perducendæ, tantam contentionem inquirendæ inuestigandæque veritatis, feruorem & ardorem disputationum, politam limatamque questionem rerum, quæ in certamen, & dimicationem adducuntur; quæ omnia doctos admodum & absolutos perficiunt, & ipsas in sublimi gradu sine contentione collocare solent Academies.

Adiuncta cum exemplis.

Quid ais bone vir? tu istis fascibus, ista Consulatus dignitate, ista denique totius Imperij Romani potestate, tantum, in celsissimo gradu positus, præcipies tibi maiestatis & principatus, ut desinas esse Consul, qui debes & ad imperij commodum & utilitatem Rempub. administrare? Tune, reliquos Magistratus, quorum vium & iurisdictionem tua potestate muniendam confirmandamque sciebas, quos afflictos, & quasi veratos cernimus, parum te curare, & te magis ad speciem, quàm ad rem insignia gerere demonstras? Sic tu ad Imperij perniciem tradita potestate per summum scelus, & tyrannidem abuteris. Nescis planè quid sit Consulem agere, nescis quid sit virum esse Consulem, quem stipatum fascibus, armatum imperij potestate, ornatum apparitoribus, & ad oculorum aspectum maiores Regia maiestate decoratum esse voluerunt. Consulem in curuli sella, in ornatu apparatuque summo, in vestitu corporis pretiosissimo, in ipso propè Regali splendore summam auctoritatem & dignitatem habere quis nesciat? Cum ad illum res omnes deferantur, cum eidem se cæteri magistratus subijciant, cum ad Senatum primus deferat, primus sententiam dicat, cum idem decreta faciat, leges lanciat, vetustiores abroget, omnem denique Rempub. & ob eam causam totum terrarum orbem suis humeris sustineat, quæ species? quæ dignitas? quæ maiestas Consulis? Hanc tu Antoni non ita vim potestatemque superbissimam sustinebis, ut Syllas Dictatura deposita recorderis, & Puteolis vi pediculatorum absumptos? ut memineris dominantem Cæsarem, viginti quinque pugionibus confectum? ut denique repetas memoria, Reges propter superbiam & nimis crudelem regnandi rationem, Regijs gubernaculis fuisse deiectos? Ut referre desinamus Ciceronis temporibus Gabinios, Pisonesque, duos Reipublicæ turbines, omnibus ignominia maculis notatissimos. Hos si recordatus fueris, & ad Reipubl. utilitatem Consulatum retuleris, vituperationem nullam, nullam reprehensionem, neque capitis periculum, quod imminere tibi ceterò scias, nisi resipueris, vllò unquam tempore formidabis.

CAMPI ELOQVENTIÆ
DE ANTECEDENTIBVS.

Actum est à nobis de adiunctis, nunc agendum de antecedentibus, & consequentibus, in quorum exercitatione magna pars adiunctorum, & vis incredibilis, magnopereq; Oratori spectanda, posita est. Quidquid enim antecedit, quidquid consequitur, ad adiuncta potissimum reuocabitur. Quorum trium vim argumentorum, qui in omni re ad dicendum propositâ contenderit excitare, magnas ille vires eloquentia, neruosq; contendet ad omnem exercitationis varietatem, amplificationemq; oratoriam: ac primum antecedendum exercitationes proferamus in medium.

Antecedentium prima exercitatio.

Quis scholasticus huic viro cathedram non derulit in conuenticulis, in circulis, ante suffragationem? Quis doctorum hominum non primas tribuit inter candidatos? Quis illi non modò ex Doctoribus, sed ex Collegis omnibus præceptoris prouinciam, si per leges Academiæ licuisset, non commendaret? Quis denique non solum de patrio solo, sed ex omni ordine & classe alumnorum, non hunc omnibus præposuit sine contentione competitoribus? Non omnes inclamarunt victoriam? non renuntiauerunt cathedratum? non in cathedram, tanquam in curum victorem olim triumphantem imponere, nondum delata cathedra voluerunt, nisi vi facta, nisi abdendo se in cubiculum, & obdendo pessulum, vir iste doctissimus restitisset? Deniq; vniuersa multitudo suffragatorum, antequam suffragia explorarentur, & ex vrna fuissent elata, antequam Rectoris & Consiliariorum voce renuntiaretur victor, non virentibus ramis, non palmis, non oliuis in sublime elatis, cursu plurimo, sursum deorsumque facto, cathedratum prædicauit? Et tu vnus, præ cæteris competitoribus repulsam turpem, & ignominiosam passus, suffragatores nostros corrogatos, subornatosque dictabis imprudenter?



Altera exercitatio ex antecedentibus.

VTRA est splendidior, vtra illustrior commemoratio? prodidit eum, qui cum collega fueram, qui cum me fors, consuetudoque collegarum, qui cum me studiorum, honorumque ratio coniunxerat, qui cum octo annos, & totidem antè in literis, in vtriusque iuris facultate conjunctissimè vixeram. An adiuvit studio, & gratia mea? An oratione mea atque suffragio euexi in locum excelsum, omni contentione, amicorumque meorum suffragatione, quo multis alijs præteritis in cathedræ petitione superior exitit? Dubitare quisquam potest, quin honestum istud fuerit, vt & illud, quod in primo loco positum, turpe nulli non generi hominum videretur?

Tertia exercitatio ex antecedentibus, qua mortem sanctissimæ Regine Mariæ præisse visa sunt: cum enumeratione & loco communi.

ID, quod fuit, dicam, quod testatum fuit, quod literis mandatum: venisse Mariam, Reginam Galliæ, & Scotiensem, accessit Isbellæ Reginæ Anglicæ: tum viæ se difficillimæ fide data commisisse, cum prius polliceretur auxilium se esse laturâ ad pacandum Scotiense Regnum, & ad eandem Reginam Mariam ab insidijs & periculis inimicorum tutandam. Venit igitur Maria, viæ pedem in Anglorum Regnum intulit, cum Isabella in custodiam conjiciendam imperavit. Et quâquam per aliquot annos, humanitatis specie & simulatione falsa in Reginæ morem relictis ad seruiendum ministris tractata fuit, neque Regina Maria mortem aliam allaturam putauerat, tamen ad extremum, cum id, quod latuerat, quod quivis de perfidia mōstri huiusmodi facile sibi persuaderet, emerfit, iniquissimis modis, & inhumane, & impiè tractatur, ablati Catholicis ministris, & hæreticis in illorū locū subrogatis, qui premerent, qui vexarent Catholicam Reginā. Crudelitas ea progressa fuit, donec ad illud inhumanitatis, & impietatis genus pervenit, vt Maria omni Regiæ maiestate spoliata caput, quod fidem Iesu Christi sanctissimam deserere noluerit, carnificis nefar: & crudelitati subijcere debuerit. Hic Isbellā si res ipsa, si indignitatis iniuriæ tantæ non commovebat, si Mariæ virtus, si sanguinis communio, si regnorum, quæ Regina præpotens habuerat, & habitura esset, si Anglici

Melch. de la Cer Vol. I. M Regni,

Regni, quod iure hæreditario veniebat, amplitudo, apud Isabellam ponderis nihil habebat, ne istius quidem animaduertent, eiusmodi fore hoc peccatum suum, quod Reges Galliarum quæ essent, qui debebant esse, necessitate vindicauissent? Quod filius Rex Scotiensium, cum primum per ætatem posset, maternæ memor iniuriæ, memor allatæ mortis acerbissimæ fuisset ulturus? Non denique cogitaret multis post sæculis fidem sibi non habituros esse Reges exteros, neque Christianos, neque sectæ cuiuscunque, quod Reginam, quod propinquam, quod nepotem, quod à se inuitatam, quod adductam in Regnum Regia fide interposita per tantum scelus, & perfidiam inauditam prodiderit & impiè ac nefariè necauerit? Quid erat in Maria Regina nefarium? quid improbum? Perfidiæ credo, aut infidatium, aut alicuius sceleris eiusmodi audieras atrocitatem Isabella, ut ipso nomine, & metu vitæ tuæ iudicium vehemens ac seuerum exerceres? Romanæ sedis faultrix erat, & sanctissimæ Romanæ Ecclesiæ filia, quam viuens tum verbo, & virtute, & viribus Regnorum, tum armis atque iuguli deuotione tuendam defendendamque deliberauerat. Hæc Regina sanctissima Christianissimaque, tuæ perfidiæ inaudita magnitudine, proditionisq; nefariæ detestando crimine, Regno patrio, fortunaque Regali cellissima spoliata, producit in palatium (neque enim ausa fuisti in publicum, in plateam) conficienda. Si nihil aliud, saltem ut eam, quæ tua causa tot annos fuit in sordibus, & in squalore iacuit, pulchram tamen obsoletius productam, ad supplicium vellem aspiceres. Quod decus Regiæ maiestatis Deus in mortalis dederat, quod ornamentum, & insigne fortunæ cellissimæ, hoc à te, nequissima muliere, ereptum esse grauius & acerbè parentur Christiani: neque defuissent lacrymæ administrarum suarum, sed etiam tuarum, tui ipsius etiam fortasse, quemadmodum fuerunt illorum, qui postea audierunt. Atque ideo, quod communis est causa, commune malum, communes insidie in Reges susceptæ; communis est Principum totius orbis consensus, & in Regiam Maiestatem iniuria facta communis dolorem & motum efficit animorum. Certum enim est, quod cara fuerit Maria cuiuscunque generi Christianorum, quod cara eius vita quibuscunque Gentibus ac nationibus vita etiam salutisque suorum Regnorum. Precari dies & noctes Deum non desinunt cultores Christianæ Religionis, ut suorum Regum dies, & vita quæ in longissima in sæcula propagetur: Quis autem tunc erat, qui tueri posset Mariæ vitam contra tuam perfidiam, & prauitatem?

tatem? Filius forte Reginae Mariae, qui puer erat, & procul aberat: scilicet magno subsidio fuissent, cum te commouebas in illius perniciem, subditi; minus equidem, qui tuis armis oppressi tenebantur. Perfacile fuisset Regi Gallorum, tempora obfuerunt, ne quod faciendum erat, efficeretur, ne te tetram & immanem belluam, tuosque nefarios conatus, & facta teterima, scelestissimaque cohiberent.

Quarta ratio amplificandi ex antecedentibus cum adiunctis, contrariis illustrata flore schematum maximorum.

AT quem hominem P. Clodius tantis, tam insignibus affecit iniurijs? quem non modò inimicum habuit, & infectatus modis indignissimis, sed è ciuitate per summū scelus eiecit, atque sed proficisci voluntarium in exilium coegit? Quem hominē, Deus immortalis? non dicam conciuem tuum, quod apud homines maximum est; non Romanum Equitem, quod clarissimum est, nihil enim minus libenter de Cicerone commemoro, nihil aliud minus laude dignum in suis maximis & clarissimis ornamentis inuenio. Fuit ille ciuis Romanus, honestissimus, & splendidissimus in vrbe terrarum princeps: Vixit semper, atque versatus fuerit, ad C. Marij, & Cn. Pompeij, vel Cynnae, C. Sertorij ornatissimorum hominum latus, ceterorum tamen Equitum Romanorū albo suum quoque nomen Tullius ascripserat. Sed de patria sua, de splendore Equestri nihil dicam. Virtutem laudemus in Cicerone, non ijs, qui literati sunt, nemini enim eorum, qui in historiā, qui Romanis in Annalibus, qui suis in libris versatus fuerit, dubium est, quo Cicero in vrbe Romana splendore fuerit, quā apud ciues suos dignitate, quā estimatione; sed neque hominibus imperitis ignotum est, quem in hominem vim funestissimi Tribunatus, P. Clodi, contuleris. Quod cum propter indignitatem rei, tum etiam propter Ciceronis dignitatem acerbum omnibus, atque maximè detestandum videtur. Estne Tullius is, qui summas artes omnes, atque Iuris peritiam, Graecas literas, & eloquentiam absolutam atque consummatam obtinuit? Qui propter eloquentiam & virtutem suam honores Romae faciliè cum adeptus esset, amplissimè & magnificentissimè gessit? Qui coniurationem Caesaris, multorumque

torumque Catilinæ similium adolescentum inuestigauit, pro-
 tulit, & extinxit? Qui Rempub. Romanam ex impiis cōiurato-
 rum manibus, ex ferro, ex flamma eripuit, atque conseruauit?
 Cuius de maximis meritis in Rempub. Romanam, Italosq; v-
 niuersos fuerunt supplicationes ad suorum Deorum puluinaria
 dectetæ, in quibus publicæ voces de Ciceronis beneficijs au-
 diebantur in templis, & publicæ quoque tabulæ fixæ videban-
 tur pro valuis, vt omnes istius honores inter suos & amplitudi-
 nes maximas iustissimasq; causas possent agnoscere? Estne hic
 Cicero, quid apud populum Romanum, & apud Senatum vni-
 uersum, cum à te furia & peste ciuitatis vocaretur ad supplicium,
 quod propter Equites Romanos participes cōiurationis iugu-
 latorum in custodia contra leges & iura populi Romani venisse cū
 accusatores & inimici dicerent, cum magis inuidioso crimine,
 quam vero accusaretur, ita maximi fuit habitus, vt illius à ci-
 uitate discessum lacrymis & squalore prosequuti fuerint? Ita
 porro curæ fuerit Senatui bonisq; omnibus hominis rati, pa-
 triæ, Reique publicæ restituendi, vt ipse Pompeius ad Senatum
 de restituendo Cicerone detulerit. At quemadmodum restitui-
 tus est? publica lætitia gratulationeque ciuitatis, humeris totius
 Italiæ, vt agmen perpetuum, qua præteribat, à porta qua Romā
 ingrediens vehebatur, per vias omnes in Capitolium vsque
 cerneretur. Postremò estne hic Cicero, qui & animum habuit
 in Rempubl. eiusmodi & tantum auctoritate apud suos ciues
 senatoresque potuit, vt perficeret in foro, in curia solus vnā tā-
 tum oratione, quod non modò Romanus nemo, sed neque om-
 nes vnā viri clarissimi commendatissimiq; potuerunt: & o-
 mnium animos voluntatesq; sibi deuinceret? Cum præsertim
 Romæ fuissent tā multi, qui nobilitate generis, vel factis egre-
 gijs, aut industria gratiam à Senatu populoque Romano inire
 possent, & modis omnibus colligere per se, perque alios cona-
 rentur? Denique pestis Reipub. turbulentissimæ Tribune, vide
 quid inter te, cuius causa M. Tullius in exilium proficiscitur, &
 patriam mauult relinquere, quam tot ciues propter se vnum ar-
 ma ciuilia capere, & inter eundem interfit. Hunc homines ex
 cunctis ordinibus omnes testimonio suo, vocibusque de Cice-
 roniana virtute missis publicè laudarunt; te bonorum omnium,
 & Reipub. studiosorum voces, priuati, publicique sermones vi-
 tuperarunt. Illum omnes defentorem Reipub. columen Imperij,
 parentem patriæ nominauerunt, & semper hoc nomine & ho-
 nore affecerunt; te peste in patriæ, turbine Reipublicæ, exitiū
 vrbis,

urbis, euerforem Imperij appellare nunquam desierunt. Et hoc de homine, ac de eius bonis etiam in ciuitate per ipsum conseruata monumentum tuorum flagitiorum crudelitatisq; posuisti, in qua nomen parentis patriæ Ciceroni datum cunctorum linguis & sermonib. vsurpabatur. Viderunt ciues domum Ciceronis iussu tuo, per te conductis operariis ad id scelus patrandū, dirutam & euersam, & dominum omnibus ignominijs & iniurijs affectum, furori tuo cedentem, & in exilium abeuntem.

Quinta ratio amplificandi in Antonium ex antecedentibus & consequentibus.

ET enim cum infinita regnandi cupiditate flagrauerit Antonius, cum exclusus à Quartanis, & Martijs legionibus Murinam accelerauerit, cum obsederit Consules designatos, noluerit parere Senatui, cum alterum se Cæsarem duxerit, cum denique Romanis bonis omnibus iratus veniat, & vltendū se desiderio flagrans, quid futurum putatis? Hinc Magistratuum spoliaciones, hinc Senatorum imminuta potestas, hinc Consulū neces, hinc cædes bonorum, hinc defensorum Reipub. interitus, hinc totius Italiæ vastitas, hinc prouinciarum occupata possessio, hinc denique totius Imperij occasus, nisi providere consilio suo mente boni properassent, consequeretur.

Ratio sexta amplificandi ex antecedentium descriptione.

PETIMUS à vobis peccatores, vt ante animi discessum è corpore, nunc cum maximè potestis, & datur vobis per Deum optimum, ac maximum resipiscendi facultas, vt quas Deus de sceleratis hominibus pœnas sumpserit, quæ supplicia statuerit in libidinosos, quæ in avaros, quæ in superbos, quæ in sectatores scelerum ac flagitiorum, quæ maximè in auctores & Principes nequitiarum consideretis: vt qui vester status in hodiernū vsq; diem fuerit, quæ vulnera iniusta peccatorum animis, quam teti & execrandi, quàm hominibus bonis, quàm cæritū ordini cunctorum, quàm Virgini sanctissimæ Triadi fueritis infesti, cogitetis. Vt cum sanie quadā terribili, raboq; fœdissimo manare vester animus, & intolerandam odoris fœditatem, quam nemo perferre possit, exhalare sentietur; cum ipsa nocte, erebique de-

formitate fœdiores velut imagines & simulacra nequissimo-
rum spirituum, imo velut titiones (vt ita dicam) addicti flammis
inferorum flagrantibus in omnem sæculorum futurarum æter-
nitatem, cognosceris, à furore, & mentis insaniâ relipiscatis.

*Ratio septima amplificandi ex antecedentium
conglobatione.*

Illa quæ antecesserunt factum, considera: quemadmodum a-
lienatio animi, habitæ inimicitia, minæ iactatæ passim, arma
comparata, accersiti consortes aliorum scelerum, pecuniæ da-
tæ, prandia, cœnæ concelebratæ, habiti sermones, idoneus lo-
cus, tempus, præstitutum fuerit, tûm intelliges non sine causâ
eadem porius in te, quàm in Petrum oportere conferri.

DE CONSEQVENTIBVS.

Prima exercitatio ex solis consequentibus.



CONSTITVE nihil opis esse in hac voce, Rhe-
tor sum: iam omnia subsidia bonis artibus, iam
nitorem Dialecticæ, iam elegantiam Musicæ,
Geometriæ, Arithmeticæ, Astrologiæ nonnun-
quam, ac sæpe Latino sermone poliendæ, iam
medendi facultati nervos, iam vtriusque luris
Doctrinæ vires suas, iam denique sacræ cœlestisque disciplinæ
flores & insignia, iam omnibus maximis, clarissimisque doctri-
nis vim omnem loquendi, Latineque se iactandi, quæ in Ora-
toriâ facultate posita est, hac oratione, maximo rerum huma-
narum detrimento, tolles.

*Secunda exercitatio ex consequentium descriptione
cum petitione.*

PETIMUS à vobis peccatores, vt quàm acerrimè carnem affi-
ctetis, vt quam fortissimè hostibus animi capitalibus resista-
tis, vt hoc cogiteris in hac carnis conflictatione, nisi quæ sit
magnitudo vestræ voluntatis, nisi quod robur animi demonstra-
ueritis, eò progressuros esse grauissimos & nequissimos aduer-
sarios quotidianis illecebris, & consuetudine peccandi, vñ non
modò cogitationibus ipsis, verùm etiam sermonibus, factis de-
nique

nique turpissimis vos inuestent: ut mundus fallacissimus, Dæmon nequissimus, caro intemperantissima, omnes hostes capitales, vos totos dissipent, & perdant omnino.

Tertia exercitatio, ex consequentium conglotatione.

EGo verò ætatis non modò meæ, sed multo etiam superioris, & honoris amplissimi puto esse, & eloquentiam exercere, & habere orationes ad sapientissimos, doctissimosque viros commendandos. Et profectò aut hoc est incitamentum bonorum artis Oratoris alumnorū, ac planè enitenti iuuentutis ad omnem artium laudem, & doctrinarum maximarum vim ostendendam, aut si hæc ars bene dicendi non coletur, profectò nulla vnquam proferendis aliarum facultatum doctrinarumque diuitis potestas dabitur. Non medicina vigere, non iuris peritia iactare sese tuis in tribunalibus, non sacra Theologia contra hostes fidei, viribus orationis destituta, tela contorquebit. Itaque semper Catholici nationum aliarum in arte Oratoriâ diligentissimè laboriosissimeque defudarunt; qui quotidie cum hæreticis in rerum maximarum, & ad nostram fidem spectantium contentionem venire debebant.

Quarta exercitatio, ex consequentium frequentatione, & rerum repugnantium conflictu, cum præteritione & dissolutis.

Atque hi scholastici Academiam suis turpissimis libidibus dedecorabunt. Non queror diminutionem pecuniarum, non flagitium huius iacturæ atque damni. Prætermitto illa, hoc silere neque, quod nemo domesticus est, quin apertissimè verissimeque testari possit, vos matrem vestram, vos parentem literarum communem, vos officinam studiorum, altricem ingeniorum, arcem humanæ, diuinæque sapientiæ celsissimam vestris seditionibus, atque turpis quotidie datis perturbare: eam denique vos Academiam, principem reliquarum, coloniâ Doctorum præstantiâ abundantem, firmum magnumque Christianorum contra Religionis hostes subsidium, dedecorare, quæ Præfecturas omnes & sæculi, & Ecclesiæ firmat munitque præsidis suis, quæ quibuscunque amissis Academiis semper floruit ac permansit, intermissis aliarum pestilentiâ grassante studiis

salua semper fuit & incolumis. Quæ si multarum rerum egens, & ornamentorum inops fuisset, vobis alumniis ali deberet, & sustineri vestrum ope, viribus, & nervis maximè contentis, illa, quæ nunquam ab studijs vacavit, nunquam aliquo fatali malo conticuit, in pace floruit, in bello non squaluit, literatos ad omne tempus emisit. Sed hanc omnem orationem, ad exitum referuo, cum de illius dignitate toties imminuta violataque querat. Nunc quid existimatis in Academia vobis integrum fore, ut in tanta licentia thesauros sapientiæ quærat, non acquisita sapientia? ad honores ascendatis, sine literatis honoribus? ullam putetis vestrum rationem habendam esse sine modo, sine ratione, sic intemperanter, licentiusque quàm quisquam adhuc viderit, dissolutorum adolescentum more vagantium? Erratis equidem vehementer: omnes honores, & ornamenta, quæ sunt comparanda, non negligentiâ, atque socordia, sed labore, diligentia, virtuteque obtinere poteritis.

*Quinta exercitatio ex antecedentibus & consequentibus
ad vituperationem.*

Quid enim est, quod te in Academia delectare possit boni adolescentis, in qua nemo est, extrâ pauculos vicinos, & amicos tuos, qui te non horreat, qui te non oderit? Quæ nota desidii, ceu sanguidæ pecudi non iusta est corpori tuo? quod turpitudinis dedecus non hæret infamie tuæ? quæ seditio, quæ turba reperietur, quam tu non concitaveris? cui scholastico ad nocturnas peragrationes, aut ad tumultum aliquem, aut ad facinus comitè te ipsum non præbueris? Quid verò illud nuper, cum nocte quadam parietes perforandos curaveris, ut in ædes, quas tu scis, te ipsum intruderet, nisi apparitor cum valentissimis aliquot satellitibus adfuisset? Non patefecisses aditum, quod volebas ad tua scelera? Quid quod alijs in fuga (nescio enim quomodo postea evasisti) perturbans custodiam, frangens vincula nocturno tempore & adulterinis clauibus aperiens fores, quod, inquam, alijs tuis sceleribus scelus cumulasti? Hoc ego prætermitto, & facile patior sileri, ne in adolescente tanti facinoris audacia, aut exitisse unquam, aut non vindicata fuisse videatur. Sed apparitoris manus iterum fuga declinasti, neque te, neque tuorum scelerum consortes consequi potuit. Prætermitto absentiam prælectionum tuarum, quas rarò integras te audiuisse scimus: ad illa venio, quæ non ad priuatam ignominiam vitiorum tuorum, non ad domesticam tuam turpitudinem & infamiam,

miam, sed ad summam Academiæ, atque ad multorum scholasticorum perniciem pertinent. Potesne prodire in publicum, in oculis, in aspectu versari condiscipulorum; cum scias condiscipulum esse neminem, qui nesciat te labem esse, & perniciem alumnorum Academiæ plurimorum, & sceleris, atq; furoris tui Iudicem ipsum, atque Præfectum scholarum gravissimas de te sumpsisse pœnas. At iam illa omitto, (neque enim sunt aut obscura, aut non multò post commissæ,) quoties tu bonos alumnos, quoties sedatos, atque tranquillos perturbare voluisti, quod illi tuum, & tuorum amicitiam atque congressum, ut vitare possent, viarum deflexu, & communi semper, cum in te inciderent, aspectus declinatione fugiendum curauerint? Quoties tibi iam, quoties vis allata fuit? quoties imperus in te, in tuos factus, quod illorum petitiones cum vitare non possent prohi, fortesq; adolescentes, ad manus pervenire necessarium erat? Venisti sæpe in scholas, ingressus es peristylum ipsum, in unam aut in alteram deflexisti porticum, hic cum omnia loca incredibili completa essent scholasticorum omnis ordinis multitudine, quis te ex tanto numero suum in circulum accersivit? Quis nisi ex tuis amicis & familiaribus salutavit? Hoc quod post conditam Academiæ contigit nemini, & quod omnes testati fuerunt, certissimum extitit tuæ pravitatis argumentum. Quid quod aduentu statim tuo circuli soluebantur, conventus tollebantur plurimi, alius & alius discedebat? Aspectu quidem tuo vacua fuit illa pars peristylj, ne tui conveniendi, ne salutandi adolescentis improbissimi, ne suum in circulum admiscendæ labis, & nequitie tantæ necessitas bonis & honoratis adolescentibus imponeretur. Et parum putabimus argumenti, ad ea quæ postremo consequuta sunt, ut in carcerem fueris cōiectus, ut vinculis acerrimis mandatus, detrusus in obscurum & caliginosum locum, in quem mandari solent turbulenti, turpes & infames, tui similes scholastici? Denique nisi preces intercessissent multorum, nisi Doctores Academiæ gravissimi allegati fuissent, irremediabilis addendus procul dubio dicebaris, qui ab Academiæ leucas viginti longè à suæ iurisdictionis sedibus fuisti relegatus in perpetuum.

Sexta exercitatio ex consequentibus, & antecedentibus, cum enumeratione & prætensione.

ATq̃e si diligenter, quid Annibal potuerit, & quid effecerit, & qui Imperator fuerit, considerare volueritis, cunctis Ducibus, quibus cum populus Romanus bella gessit, hunc Ducem anteponeris. Quem Saguntini adolescentes, adhuc mœnibus fortissimis & altissimis cincti, clausis portis, non rudes in remilitari, vt aliud nihil dicam, obsidentem urbem propulsare non potuerunt. Quem legati à S. P. Q. R. missi acerrimè vehementissimeque obsidentem oppidum auctoritate tenatus ab obsidio his contentione reuocare non potuerunt. Qui capto quidem oppido, & amicis populi Romani confectis, ad bellum Italix faciendum copias tantâ celeritate conuertit, vt Alpes cum transisset, & penetrasset in Italiam, Prouinciam totam & urbem Romam incredibili terrore perturbauerit. Ad quod bellum maximis, & fortissimis imperatoribus ita populus Romanus incubuit, vt alij urbem Romam, alij Italiam tuerentur, horum res in Italiâ calamitosa, & exitus ærumnosi curam Senatorum, & cunctorum terrorem ciuium auxerint? Marcelli verò res totæ tantæ extiterunt, vt neque maius Imperatoris nomē, neque egregia facinora clariora commemorari potuerint, neque maiore consilio, neque virtute facta. Nam cum totius belli impetus ad illas partes, quas tuendas susceperat, constitisset, cumque castra Marcelli Annibal totius Italix robur fore putauisset, quibus expugnatis, & captis tota facillè caperetur Italia; perfecta à Marcello sunt hæc omnia, vt Italix florentissimas potentissimasque ciuitates acriter ac vehementer defenderet, vt impetus Annibalis fortitudine & constantia Marcelli retardarentur. Quid Marcelli leuiora prælia, quid vigilias & excubias, quid conflictum frequentem & acerrimum tantâ spe & animo Annibalis vincendi commemorem, cum ille primus Romanorum animos ad præliandum contra Annibalem erexisse, primus attulisse spem videretur ab Italia omnium hostis acerrimi propulsandi? Mirto prælia Annibalis, prætereo ad lacum Thrasimenum occisa Romanorum infinita millia, taceo Cannensem pugnam tanto populi Romani damno, & Equestris, & Patricij ordinis sanguine profuso constantem. Silco accessum Annibalis

balis ad urbem Romam, hastamque muros præteruolantem, tanto Romanorum mœnibus ipsis, atque adco intra mœnia contentorum inaudito terrore. Notum est, quemadmodum Titum Sempronium Consulem apud Rubiam profigauerit, Flaminium fuderit ad Thrasimenum lacum. Quid commemorem ope Fabij Maximi, consilio & prudentia tanti Imperatoris copias Annibalis fractas, sur bundam Ducis Carthaginensis mentem compressam? At quemadmodum rursus collectis viribus, instaurato exercitu Annibal fregerit copias Romanorum Cannensi bello, cuius victoria prouerbio satis trito ac peruulgato calamitatem Romanam posteris tradidit, non recordari videmini; non item inteffectos prostratosque equites, non iacentium cadauerum Romanorum acervos, non ltragem ad quadraginta millia peditum, & ad duo millia supra septingentos equites editam; Non tres amplius modios annulorum Carthaginem missis, non trepidam, trementemque Romam vniuersam, non omnes delinquenda ciuitate cogitantes & agentes. Soluit tandem oblidionem Annibal, castra mouere coactus est, & ad patriam a Scipione vehementer oppressam suis viribus defendendam, accelerare. Expulsus patria, regnoque suo, tantum tamen consilio atque auctoritate valuit, vt se ad Regem Antiochum conferens, nouis viribus, & copiis exercitum, & bellum redintegrauerit, sed vterque victus fuit. Cum tamen à Rege peteretur Annibal, ad Bythiniae Regem in summâ rerum desperatione se contulit: si bellum hoc magnum, si graue, & periculofum non esset, si hostis non formidandus, non omnium fortissimus & acerrimus, neque tanta cura studioque Senatus, & P. R. bellum suscipiendum curasset, neque tot annos contendisset dubio semper & ancipiti Marte, neque claros, & magnos delegisset Imperatores, neque illorum, qui cum Annibale congressi fuerunt, adeò memorabilis fuisset, & gloriosa prædicatio. Cuius belli ex omnibus pugnis, quæ sunt innumerabiles, vel acerrima cunctis videtur illa, quæ fuit cum Scipione commissa, summaque contentione pugната. Qua ex pugna, cum se ille, vt prædixi, eripuisset, & primum ad Antiochum, deinde ad Bythiniae Regem confugisset, etiam in extrema fortuna, fugaque nomen retinuit Imperatorum. Itaque Annibal Carthagine capta, & regni sui finibus, & oris omnibus expulsus, tantum vira nocere videbatur, vt cum omnia, quæ Annibal terruerat, amisset, tamen non ante Scipio conqueuerit, neque bellum confectum putauerit, quàm

confectum

confectum iam & hac luce vitali privatum ceterò sciuerit. Hunc Romani hostem, maximum omnium iudicauerunt: quo cum per tot annos, tot præliis acerrimis & periculosis, tanta Romani Imperij clade tot Imperatores bella gesserunt, & ab eodem superati necatq; fuerunt. Qui ab Italia ad patriæ defensionem reuocatus, castra mouere coactus est, cum Italia, vrbsque Roma respirare potuerunt aliquando tot annos bellorum acerbitate vexatæ, morte autem Annibalis bella confecta facile sibi persuasit S. P. Q. R.

Septima exercitatio, ex consequentibus in fine, & antecedentibus, per expolitionem cum contentione.

Quid igitur ait peccator, si carni semper bellum inferendum est, vnum esse hominem miserum & ærumnosum, cui omnia turbulenta sint, nulla quies, nulla tranquillitas per omne suæ vitæ tempus. Nonne illi ipsi Christianæ perfectionis amantes multa pro debilitate carnis, & imbecillitate naturæ humanæ ad statum hominis conseruandum eidem homini tribuunt? Primum quæ parentes illi sanctitatis dicunt, naturæ ipsius legibus, & virtutis finibus metiuntur, non vagos & errantes homines, non solutos & perditos volunt. Qui enim per Deum immortalem, si plus apud hominem fragilitas carnis deteret, quam ipsius animi salus, & vera causa valuisset, hodie tantum Christianæ gentis florem, tantam castitatis integritatem, tanta tamque illustria virginittatis ornamenta tenuissemus? An tibi florens status videretur, cum ante Christianæ Religionis vagientia cunabula carnis blanditiæ, delitiæque non respuerentur seueritate doctrinæ, & conficiatione surgentium cupiditatum acerrima? Cum ex omnibus corporis sensibus omnem iucunditatem & voluptatem habebat caro, cum nullâ neque publicâ, neque priuatâ libidine turpissimi sectatores carnis abstinebant? Cum ita patebant laxis habenis corpori omnia blandimenta, lenociniaque carnis, ut nullam neque mediocrem, neque maiorem Venerem libidinosis respuerent, omnibus se corporis illecebris, nequissimisque voluptatibus, instar pecudum intemperantissimarum, dedentes? Etenim quæ secta quondâ fuit, non dico Peripateticorum, quæ satis latè quondam florere dicebatur; non Pythagoreorum, qui permultum præcepto, & disciplina seueriore valuisse laudabantur.

dabantur, non Platoniorum, quorum usque ad Romanam ætatem discipula Philosophica, & gloria celebris & prædicanda remansit, quæ secta, inquam, tam debilis, & infirma fuit, quæ dogmata sua atque opiniones præceptionum, non aliqua specie castitatis tueretur? At etiam quæ speciem habere videbantur libidinis, qui politi fuissent & elegantes, ea ab hominum oculis removere suadebant. Romani Floram perditam ac profligatam mulierem leænæ figura occultare voluerunt, simulatione Deæ Campestris. Atque aliqui peruersi homines, ut ad suas libidines fenestram omnem patefaciant, carnis infirmitatem afferrent? Quid ergo, si queratis boni viri, quid principes sanctitatis fragilitati carnis concedunt? dicam breuiter. Aliquot honesta requietis intervalla, vacationem per breue tempus à labore, & intermissionem nonnunquam exiguam, ut maiore postea contentione redeant usitata pensa. Ita quidem, ut nunquam è memoriâ excidat Deus ipse, ratio officij; ita ut ex his, quæ agunt, quæ cogitant, quæ loquuntur, fructus capiant animorum, & facta, dicta, cogitata in Dei immortalis gloriam conferre meminerint.

Octaua exercitatio ex consequentibus cum comparatione, & sine multiplici in laude odium.

Hinc illa sollicitudo, in qua fuisti, loci & opportunitatis querendæ, ut Dominum ac Præceptorem tuum traderes: Hinc itiones, ac reditiones tuæ, ad conueniendos Principes veteris legis: Hinc defectio nefaria sollicitantis & concitantis perditum Iudæorum gregem in sui Creatoris exitium: Hinc impudens accessus ad Dominum osculi simulatione proidentis Agnum mitissimum, ut ad illum comprehendendum satellites quàm tumultuosissimè aggredierentur: Hinc denique comprehensio tanto probro, dedecoreque Iesu Christi Præceptoris insonoris, iniuriæ, contumeliæ, flagella, spinæ, mors denique acerbissima, quæ te flagrante face malorum omnium in Assertoris caput redundarunt, profecta. Nisi verò te extra culpam magnam ponas, & crimen in Iudæos conteras, scelerum tantorum perfectores: at tu inceptor mala hæc struxisti, tu princeps & auctor cohorti sceleratæ præiustisti, ut quæquam illi perfecerint, tu tamen faciem prætuleris, & ad necem omnium crudelissimus & teterrimus Iudæorum, auctorem innocentia-
torius

totius & sanctitatis dederis. Quid dicam amplius:

Nona exercitatio ex consequentibus cum similitudine per descriptionem.

Videor mihi videre urbem hanc Hispalim, caput provincie Bethicæ, Reginam Hispaniarum, emporium cunctarum gentium vno pestilentie ardore deflagrantem. Cerno dolens animo funeribus redundantem patriam, miseras atq; lugendas mortes civium plurimorum. Versantur mihi ante oculos baiuli pallido vestitu amicti, deportantes gestatoris in sellis pestilentie contagione infectos in xenodochia. Cum verò auribus accipio cymbalorum pulsus ubiq; sensus omnes, & animum percellentium, tum vacuitatem ædium, solitudinem urbis, fugam potentum, metum quonibus iniectum, immiputionem familiarium, orbitatem omnis generis & ordinis, atq; stragis edendæ mortem adhuc finem non facientem; cum hæc, inquam accipio, misera quidem, atque miseranda nimis forte videntur, sed tamen ad mortem obeundam alacritate debemus esse mirabili. Ut enim iussu Imperatoris boni milites nullum mortis periculum recusant, & mortem alacres & erecti, fortitudinis maiorum memores, appetunt, & nos ad Dei optimi atque maximi voluntatem animos conformantes nostros gladios pestilentie, flammæque flagrantes, prompti paratissimi que subibimus.

De ima exercitatio ex consequentibus, cum dissimilitudine.

ET enim si gymnasia perturbare omnia, & rem literariam permiscere volumus, totam Academiam periculosam infestaque redderemus: si nullam quietem volumus præceptores habere, languere omnes in literarum studiis, artes facultatesque cunctas iacere, nullam auctoritatem obtinere sanctiones institutaque conditorum; perturbatores in Academia contineamus, non excludamus sediciosos, noctes diesque permutamus, cum armis, cum sicis intra gymnasia nostra versari. Vno verbo audito, vel facto, hisce scholasticis non ad animorum voluntatem in solitudine, in celebritate, in peristyllis Academiæ, ipsis in gymnasiis, inter domesticorum subsellia, ante præceptorum oculos contentiones erunt turbæque periculosissimæ, atque adeo gravissimæ sæpe lætalia que vulnera inferentur, cædes nonnunquam maximæ indignissimæque sicut. Ipsi conditores, quibus otium, quibus quies necessaria semper visa fuit, à scholasticis gladios, &

ficas omni loco, ac tempore remouerunt: iidem comprehendī huiusmodi adolescentes. & in custodiam coniici voluerunt, atque ita in vinctis mandandos compedibus, manicisq; ferreis constringendos premendosque decreuerunt, vt isti turbulentī adolescentes, rei literariæ, studiisq; nocere nihil possent.

Vndecima exercitatio ex consequentibus effectis addita comparatione, cum articulis & synonymia.

HÆc si diligentia nostris in gymnasiis ad literas percipientibus adhiberetur, si virtus, si gloria diuini numinis quaereretur, proferrem in Rhetoricis scholasticos insignes, ostenderem in poësi Poetas admirabiles, numerarem in vtroque genere summos & singulares alumnos, haberemus suas statim diebus ligatas & solutas orationes, Rhetores susciperent actiones omnes virtutis & honestatis, summā corporum & animorum contentione. Illa denique consequeretur bene constitutæ præclareque florentis Academix species, qualem nec præclatiorem, nec illustriorem vidissemus vnquam. Hæc ergo dicerem hoc tempore, si tantæ literarum & virtutis lumina nostrorum oculorum, & animorum aciem suo splendore perstringerent. Nolite hæc quæso mirari, vnâ stimulos & calcarea pectoribus Rhetorum non admovente diligentia, quâ absente omnia literarum studia iacere, necessarium est.

Duodecima exercitatio ex consequentibus per sermocinationem.

ET enim sic ratiocinabantur, sic literarum alumni plurimi inter se & cum competitoribus loquebantur: apertè iam, & perspicuè paucas huiusmodi fore literarias contentiones. Qui nunquam se in mediis oratoribus constitutum putabat, is posteaquam nescio quos adhibuit deprecatores, & allegauit homines ciuitatis potentissimos, in primis constitit. Quid igitur; quid omnes competitores? quid iste vir bonus? Omnes eloquentiæ studiosi, qui de soluta, de ligata oratione iudicium facere poterant, quod palam dictitabant, & sibi persuaferint nihilne id valebit? nihil ipso Rhetorum Senatu disseminante contrarium? Quid ipse euentus? non orationes? non carmina? non sermones omnis generis Doctorum consequuti locum habebunt? non quæ vulgo iactabantur, frustra pro vastis templorum, pro gymnasijs toribus assignandum, qui veniret

ad concertationem futurum neminem? Nonne omnium hæ voces fuerunt? Verè loquar, Auditores, vehementer res hæc me commouebat: optimus enim quisq; competitor ita loquebatur. Et iste quidem præmium bonis oratoribus eripiet; sed non habebimus iterum literarias contentiones quod exciret. Etenim quis poterit hoc victore declarato ad contentionem animum adducere?

Vltima exercitatio ex consequentibus, cum præoccupatione, & sermocinatione.

Quid igitur rei desideraretur, quod ab illo abesset? Quid consilij, quod non inesset in Licentiatò? quid animi, quod non esset ad resistendum sceleratis? Non dicam multa de Præatore tanto: fac non tam literatum tibi videri, quam reuera fuerit. Quid illa tot Regiæ Maiestatis consilia? quid ordines omnes? quid Rex ipse? quid denique Procures totius Regni? Non omnes de latam Præfecturam commendarunt? non literati gratulati fuerunt, aut per se, aut per nuntios, aut per literas, quibus hominis conueniendi potestas non fuerat? Cur omnes Auditores Regij consentientes potius Prætorem delegerunt, quàm aut præterierunt, aut vllam leuicrem causam demandarunt? An hoc timebant, si hoc cum illo summo & æquissimo iure fieret, vt possent à se Magnates aliquot alienare? scilicet ij homines sunt Consiliarij, qui Regem, & ius non spectarent potius, quàm alienationem aliquorum: Qui si fuerunt huic Licentiatò amici, id propterea fuerunt, & sunt, quod decus & lumen Iuris peritiæ vident, neque illum causam vllam, cuius patrocinium susceperit, amisisse, iam inde ab illo tempore, cum Aduocatum in graues & desperatas causas venisse viderint, & audierint. Hi sermones iactabantur, hæc vulgò audiebantur, & ad aures perueniebant Regias: non Præfectura, sed consilio Regio Licentiatum huiusmodi dignum fuisse: respiraturos in posterum reliquos Aulae Regiæ Aduocatos: plus occupationum, plus causarum habituros esse maioresq; facturos deinde quæstus, qui litigatores, non iam obstante, neq; causas præripiente

Licentiatò huiusmodi, patrocinium pollicebuntur, & suscipient, & in litem omnium necessariorum iam

Aduocati venient.

ALIÆ

ALIÆ FORMÆ AMPLIFICANDI.

Accedunt alia forma amplificandi ex adiunctis petende, quæ non parum splendoris orationibus afferent. Quibus accedunt antecedentium & consequentium amplificationes.

*Sermocinatio ex adiunctis de Herode in
pueros innocentes.*

Dic nunc Herodes, non à te coactos fuisse peritos veteris Legis: coëgisti tamen: Dic non te detulisse Regum aduentum: attamen detulisti. Dic non egisse pluribus verbis cum Principibus de Messie promisso expectatoque aduentu: respondetis egi. Dic non respondisse constanter omnes, protulisseque diuinorum responsa vatum: responderunt tamen, & confirmarunt. Dic non dimisso cœtu satellites in vnum locum à te conuocatos fuisse, & eosdem armatos in puerorum infantium perniciem exitumque: ac conuocati à te fuerunt, & armati. Non ij tuo iussu, tuis facibus succensi, conuolarunt statim, & in populos, & in oppidula districtis gladijs irruentes, suos mucrones fulgentes pueris Innocentibus in pectora crudeliter infixarunt? fecerunt equidem. Quare igitur tantæ crudelitatis auctor fuisti, dicas mihi? quia puer erat natus? quia infans id temporis exierat in lucem? quia fidem datam liberandi generis hominum tuorum è crudeli seruitute Dæmonis præstitum venerat, gratiam hanc referes? Qui tam agrestes & barbari, qui tam inhumani fuerunt & efferi, hac naturâ, tuisque istis motibus? qui pro bono malum, pro salute pestem vltimam auctori salutis suæ impiè ac furenter comparare cogitauerint, tantum abest, ut quod tu fecisti, facere constituerint?

Altera sermocinatio ex antecedentibus & consequentibus, cum comparatione.

Qui Reges clarissimi Christi I E S V inuisendi causa, relictis Imperiorum suorum gubernaculis, tot populos & vrbes continuis itineribus præterierant, quod properabant, tandem Hierosolymas accesserunt. Atque videte trium Regum ingressum in ciuitatem. Cum stellulam ex aspectu suo amisissent, post deliberationem habitam adeunt Herodem; & illi Reges Regem de Rege Solymorum nato, Rex Herodes de rebus mul-

sis Reges percontatus est. Hic tandem per officij simulationem, per summam fraudem Reges dimisit, & supplicans humiliter, ut post cultum Regem, quem quaesitum venerant, ad illum reverterentur, quod in animo sibi esset, quæ illi fecissent, debita religione facere. Accersere deinde Herodes peritos legis, colloqui cum illis, multa de Regum aduentu dicere, percontari ex illis tempus à Vatribus Messia aduentui præstitutum illi respondere, quæ nolle Herodes audire, venisse iam & ex prædictionibus Vatum diuinorum, illud esse præsens, quod aderat, quod videbat Rex. Progredi longius Herodes, ut ab illis locum percontaretur. Quæ postquam omnia explicuerunt, Herodes dimittit illos, & quæ scimus convocatis militibus verba fecit iratus admodum, quod deludi seipsum à Regibus ægè passus fuerat. Iam equidem ereptum sibi putabat imperium, & ablata Regni gubernacula, succedere etiam Regem, qui suæ potentiz viribus, suâ fortitudine & inuictâ manu, de sede Regiâ præcipientem deturbaret. Quis vnquam Rex ex tyrannis veteribus tantam exercuit crudelitatem adipiscendæ, vel retinendæ Regiæ dignitatis causa, quantam hic in pueros, infantes vagientes, adhuc in cunis, & vberibus maternis inhiantes adhibuit? omnes qui crudelitate sanguinis perciti fuerunt, à pueris, ab infantibus manus abstinerunt, iniecerunt autem illis, à quibus vel violati fuerant, vel coëgerunt exercitus in ipsos omni copiarum genere abundantes.

*Dialogismus ex fine cum antecedentibus, &
comparatione cum dissimilitudine.*

Tempora fuerunt in Gallia misera satis & calamitosa, cum Artianorum hæresis lata nimium & alacris cum animorum perniciæ multorum exultabat in urbibus ac populis alie citationi subiectis. Aliquot post annis repressa fuit hæresis Artianorum, & paulatim extincta: At Hilarius repressit exultantem ferocitatem, & faces ad Regnorum incendium subiectas extinxit: ablata est enim liberè bacchandi Artianorum facultas tanto tamque vigilantî Pastore. At Imperatores Arrio fauebant: propterea magis diuina Pastoris virtus visa fuit, & splenduit in tantis nubibus & cæcis tenebris excellētius. At insectati fuerunt Hilarium Pontificem Arriani, atque in horum perferendis iniurijs constantia Pastoris lucem prætulit semper clarissimam

nam: constantiam dico? cœlestem virtutem melius possem dicere. Quæ in dimicatione etiam atque etiam facite, recordemini, quæ fuerint contumeliæ, quæ vis, quod periculum: ab exilio reductus, & in Pontificiam sedem restitutus fuit: scio equidem. Et quid aliud? recordamini hanc sedem administratam per aliquot annos magno Galliarum commodo, profligatis & deletis penitus Arrii nefarijs erroribus, & in suum veterem statum reuocatas reductasque Gallias. Ibi patres, illo in regno, in Pontificia dignitate collocato, & Pontificiæ Sedis honore officioque Præsidis præcellentissimi fungente, cum essent plenæ Galliæ hostium Fidei, cum plenæ hæreseos, cum plenæ terribiliorum Arrianorum, Religionem Christianam veterem suum statum recuperasse, legere potuistis. Itaque quod Læander in Bethica fecit diuina sua virtute, id Hilarius in Gallijs fecisse legimus & audiuius. Læander pestem Arrianorum depulit ex Bethica; Hilarius ex omnibus Galliarum finibus. Læander Leouigildi Regis conatus & furorem fregit; Hilarius Constantium furentem & inflammatum, sua sanctitate continuit. Læander in exilium eiectus, per literas, per bonos viros, per administratos agere nunquam destitit de radice tanti mali stirpitis extrahenda; Hilarius, dum in exilio fuit, eiusdem generis ac seminis Arrianorum ex Galliarum sedibus extirpandi, ac funditus tollendi causas omnes & occasiones quæsiuit. Denique Læander in antiquam dignitatem restitutus, quanquam serò, tandem tamen aliquando in ipsis extremi spiritus angustijs ad veritatem agnoscendam Leouigildum compulit; quanquam Rex ipse ad doctorem omnino capiendum, & ad execrandum detestandumque Arrianorum errorem, & ad profitendam, recipiendamque Christianam Religionem Magnatum suorum metu, vel quod edibile fuit, ad motum omnem sensumque inueterata peccandi consuetudine obduruerat: Hilarius quæ literis suis, quæ consilij magnitudine, quæ summa sanctitate, quæ vi præstantiaque miraculorum, quæ laboribus & periculis capitis Constantium facere cogerit, arbitror satis Annalium peritos meminisse.

*Prosopopeia in laudem B. Pauli, primi solitudinis
incola & habitatoris.*

SI B. ille Paulus, incola & habitator solitudinis, suis infulis & insignibus ornatus, immortalis gloriæ splendore circumfusus, in hæc terrarum sola veniret, & in hæc mediam auditorum coronam prodiret: quid aliud de solitudine dicturus esset, nisi quod continet laudes huiusce vitæ mirabiles, & singularia commoda, ut nos ad huiusce vitæ rationem intelligendâ, & ad eiusdem emolumenta penitus animis & mentibus percipienda mirum in modum excitaremur? Putamus vitam hæc plenam esse laboris, plenam difficultatis, horridam & asperam, immanem & efferam, quod procul ab urbium celebritate, ab hominum concursu sit degenda: sed erratis procul dubio, quicumque hoc errore falso ducti fuistis adhuc. Quid enim Paulus diceret, si dono ac munere diuino nos de tantæ vitæ bonis, & egregijs laudibus doceret? An verò putatis quidquam in Christianæ vitæ cōsummatâ sanctitate futurum, quod non huic integerrimæ sanctissimæque vitæ tribueret? ubi diceret, de missionis, patientiæ, castitatis, mansuetudinis, caritatis, afflictationum carnis, cum Deo familiaritatis maximæ, meditationis rerum diuinarum, laboris & contentionis corporum & animorum, cunctarum virtutum præstantissimarum exercitationes nunquam intermitteri, suscipi verò summo & inflammato studio, constanti perpetuaque assiduitate videntur. Cum ita viri sanctissimi tempora partiantur, ut operas præstent, & utantur corporis exercitationibus, animos iucundissimâ diuinæ contemplationis dulcedine reficiant, colloquantur cum Assertore Iesu, cum ipsius integerrima Parente, Virgine Mariâ, cum Beatorum ciuium legionibus celestissimis, lustrent mentibus viridaria Aulæ cœlestis amœnissima, vias illas auro purissimo stratas, plateas longè lateque patentes, gemmarum eximio & illustri splendore fulgentes peragrent, & altius ascendentes, cœtus & ordines clarissimos percurrant beatorum immortalis gloriæ circumfusus, in ipsius summi præpotentisque dominatoris oculis & ore cupientes acquiescere, vnde palatijs cœlestibus, cunctis Aulæ cœlestis Principibus, tantæ dignitatis claritas accedit infinita. Huiusce boni visendi causa, & deliciarum diuinarum suauitate perfusi sic nituntur, & elaborant, ut corpus laboribus frangant, afflictionibus belluam indomitam carnem comprimant, cupiditates omnes coercant

& do-

& doment, inediâ, cilicio, verberatione, sensusque omnes rationi morigeros & obsequentes reddant. Nihil illos, addit B. Paulus, strepitus huiusce sæculi, nihil inanis ostentatio, nihil e-
mentitus fucatusque nitor, nihil falsæ dignitatum umbræ, nihil
voluptatum illecebræ, nihil gaudia lætitiæque, nihil ludi, spec-
taculaque publica, nihil vestitus quotidiana mutatio, nihil
sumptus immodici & effusi, nihil lauta splendidaque conuiuia,
nihil postremò prauorum hominum exempla teterima solita-
rios in agro vitam agentes Patres offendere valebunt, cum ab-
sint procul ab urbibus, in quibus hæc inuitamenta sunt, & inci-
tamenta flagrantia propter concursum celebritatemque fre-
quentem. Quos enim vestitus ament, qui vestitus contemptio-
ris sunt appetentes? quas escas velint, qui pane tantum duroque
contenti sunt? quorum aliqui herbis etiam & radicibus ad
summum vescuntur? quos honores appetant, qui de locis in-
ferioribus certatim contendunt? quæ negotia agant, qui in ci-
stellis & corbulis texendis occupantur? quas carnis illecebra
excitabunt, qui pro domandâ carne spurcissimâ corpora sup-
plicijs exquisitis excruciant & affligunt? quanti iactationem
sæculi habebunt, qui nihil nisi Deum, nihil nisi sanctissimam
huiusce Domini voluntatem colunt & obseruant? quos tumultus
& turbulentos urbium motus sentient, qui rure tanta cor-
porum & animorum iucundissima tranquillitate perfruuntur?
quas voluptates, quas iucunditates sectatorum sæculi capient,
qui psallere, orare, res agere diuinas, & cogitare de Deo immor-
tali, præcipuum semper & amplum duxerunt? In hac solitudine
Moyse Deum familiariter alloquutus: in hac, inquit idem Hi-
larius, Moyse tabulas sanctissimæ legis accepit: Helias à Do-
mino singularibus fuit affectus donis ac muneribus: Heli-
sæus præceptorem suum sanctitatis magnitudine clarus & illu-
stris æquauit: in hanc B. Ioannes ab ipsis pueritiæ cunabulis so-
litudinem concessit, ut setanta tolerantia laborum, inedia, &
carnis compressionibus compararet ad veritatis viam, & iter
colorum, ad Assertoris Iesu aduentum generi Solymorum e-
uentandum. David etiam nihil magis cupiebat, quàm dari sibi
temporis aliquid ab Imperij negotijs liberum, quod diuinarum
rû meditationi vacans, in solitudine iucundissimè sanctissi-
eq; poneret. Sed quid commemorandis exemplis immoror,
in Vindex nostræ libertatis solitudinis vtilitatem & laudes
maximas, quadraginta diebus in eadem positus, quasi præpara-
tione quadam & longa prouisione prius, quam cruciatus, &

mortis fructus vberissimos caperet, sui diuini numinis præsentia consecravit, in illam se conferens, vt hostis nequissimi Dæmonis incurfus & imperus exciperet, vt bellum gereret cum hac effera & immani bellua, vt victoriam deniq; gloriosam, retulis ac fractis telis, quæ terribilissimus inimicus contorserat, honorificè reportaret. Quod si de meis rebus (addit B. Hilarius) fateri volo, à puero me fuisse versatum in solitudine fatebor libentissimè; neque me pœnitet profectò, neque pœnitebit unquam. Tuli fructus vberes ac præstantes meæ mansionis, meæ constantiæ, meorum laborum, vigiliarum, inedia, afflictationum, reliquarumque vitæ perfectioris exercitationum, cum è viuus excedens, diuinarum Mentium, Vatum sanctissimorum, & Apostolorum ordinibus celsissimis, plausu multo splendoreque comitantibus in cœlestem aulam exultans ac triumphans ascendi. Nunc in quanta sim gloria, in quo honore positus, quibus immortalitatis præmijs affectus, ex claritatis magnitudine, ex dignitatibus clarissimis adeptis considerate: & in fornacem hanc, ad vasa Regis æterni mensa dignissima, quæ suo illustri semper eximioq; nitore splendent in perpetuum, politè perfectèq; singenda; in cellam hanc & apothecam omnis generis bonorum cœlestium copijs refertissimam; in nundinas locupletes & copiosas, & omnibus cœlestis aulae mercibus abundantes; in sealam illam Iacob præcellam, per quam & homines in cœlorum sedes ascendunt, & diuini spiritus descendunt; in hæc terrarum sola, in viam lacteam, & totam auream, & immortalis vitæ delicias, & solidas voluptates deducentem, mentes vestras, animosque conuertite. Quod si pallida videtis ora, vultusque Patrum solitudinis, si corpus inediâ, compressionibus carnis imbecillum & propè exhaustum, si tantam solitudinem, & inopiam formidatis, contemplantini animos diuinis virtutibus ornatos, & gloriæ cœlestis claritate fulgentes, & illam bonorum omnium affluentiam permanfuram in perpetuum, frequentiam insuper, & cœtus Beatorum, & nihil erit infra Lunam, quod non incredibili semper altitudine contemnatis.



*Notatio Maxenti in laudem B. Marcelli
Martyris.*

Nonne ipsum os, & animus in periculis ostensus, & alacritas & studium in gerendâ summi Pontificis dignitate declarabant vultum Marcelli Pontificis, quem Maxenti præstandis operibus stabularij addixeras, ut illius officij indignitate, sordibus & odore teterrimo à sacra Religione deterres? Multum habet indignitatis & offensionis stabularij sedes, sed illud Marcellus non recusabit; subibit omnem indignitatem & contumeliam, dummodo suis prodesse possit ouibus, & in loco versari foetido; sordidoque tanto opere, habere curam equorum, curare iumentorum multitudinem, non perhorrescere sordes & stercorea, pascere suis temporibus, ablucere, abstergere, purgare sæpe loca suis instrumentis vîsitatis, perpeti rerum & loci tantam foeditatem & indignitatem Marcellus maximæ voluptati, studioque semper erit, dummodo suis laboribus & acerbitatibus salus Christianis, & sanctissimæ Fidei gloria patiatur. Quod si partes Pontificis summi præstare, si sedere in sede celsissimâ, & Christi Iesu locum tenere tantæ dignitate, si tueri dignitatem supremam Petri in illa augustissima celsissimaque maiestate nequeat, neque fungi muneribus tantæ sedis amplissimis valeat tantis affectus afflictusque difficultatibus; tamen nunquam amittet potestatem dignitatemque semel Ecclesiæ delatam. Tu verò Maxenti cum moras dignitate Pontificem summum, cum in humilem sordidumque locum coniicias, cum abiicias ac prosternas suam amplitudinem, magis excitatam & amplificatam videbis. Quid nunc sceleris moliris? quid dies & noctes admoues scelerum? quid ardentibus oculis, inflammato vultu, per te, per aliorum flagitiorum administros omnes machinas adhibes, quibus magis ac magis incendium excites, & nullam quiescentem capis, ut perdas virum omni sanctitate clarum, quem cum aliarum, ac perditum magis ac magis putaueris, magis auctum & cumulatam bonis, veris ac solidis intelliges? Nam cum vitam hanc vitalem ademeris, cœlestem & immortalem præcedis ac flagitiosis factis viro sanctissimo gloriam comparabis. Ita mouisti tantam dignitatem, ut verbo

N 4

qui-

quidem & re Pontifex appelletur summus : ita à supremo loco in humilem & iorditum deiecisti, vt tantæ sedis potestatem insignibus spoliatus non amiserit : Ita in equorum curam & officium humile coniecisti, vt animorum salutem & dignitatem clam per administratos procuret : Ita pascit equos, & iumenta tua, vt animus diuinis gaudijs & voluptatibus pascatur : ita contempsisti illum & abiecisti, vt cultores veræ Religionis suum pastorem recognoscant & profiteantur : ita suis infulis & insignibus supremæ dignitatis Pontificiæ spoliasti, vt principes Christiani, Heroesque clarissimi parati sint omnem eidem cultum, & honorem tribuere : ita possidendo stabularium fecisti, vt summus Pontifex, vt Pater generis Christianorum, Princeps Præsulum Ecclesiæ, Vicarius Christi IESU, aperiendæ, claudendæque sedis cælorum potestatem habeat amplissimum : Ita te postremo vindicas cædis indignitate delatæ, vt inter damnatos & additos inferorum pœnis breuiter numereris, Marcus illis inter Heroes cælestes, inter Beatorum Principes domicilium sibi cellissimum collocabit.

*Mimesis ex adiunctis in heluones compo-
toresque.*

TV mihi etiam abstinentiæ, tu temperantiæ, tu virtutum harum stuoliosissimorum hominum mentionem facis, qui nō modo tuis omnibus te complete, sed etiam poculis frequentissimis omnibus horis atque momentis obruere non desistis ? Nam hæc tua sunt, quæ te hominem abstinentem temperantemque mirificè delectant. Adest puer, inclamas, vlescatur, potemusque semper : quæ non modò abstinentiæ temperantiæ non sunt, sed nec Alcinoi, nec illius sectatorum heluonum compo-
torumque spirituosissimorum. Ista sunt abstinentiæ tuæ documenta, quæ tu homo temperans & abstinens frequentissimè das : Vntrem infarcite, complete vos escis omnibus, & pocula frequentate dies noctesque : Quæ verba, Auditores, ab Epicureorum & Lapitharum temporibus, in omnibus populis, non modò tenebris vetustatis, sed luce veritatis oppressa sunt,

*Pathopaiia de Beatorum Martyrum
lætitia.*

GAudere igitur ac lætari Polycarpus Beatissimus, cum audiret ab inimicis invidias sibi parari, cum vitam & sanguinem clam & pa'am appeti, cum fluctus in se passim hostili invidia deflagrante commoveri videret, nihil ille magis appetere, nulla quidem ex re maiorem capere voluptatem, atque ipsis oculis & ore ferre lætitiam. Atque cum affingere multa cognosceret aduersarios, quod facerent eam, quam minabantur, mortem acerbiorē, magisque formidandam, minime continere inclusam animo voluptatem, expectare singulos dies mortem, & ut hostes afferrent, otare Deum immortalem gaudens gestiensque non desinebat. Quid cum Smyrnæ præsidente Proconsule, & fremente furenteque multitudine mortis damnatur, & flammis ardentibus addicitur, quid illo lætius esse poterat? cum in rogam accensum conijcitur, vix apud se esse poterat præ tanto, tamque cœlesti beneficio. Quanta vero lætitia B. Vincentium affecerunt exquisita suppliciorum genera, quibus tanta cum immanitate cruciabatur? Alacer & lætus erat, cum in equuleo torquebatur, cum exdebatur virgis, cum erat nudus in carcere fragmentis strato ~~celi~~ ^{terre} accis, cum testarum aculeis vehementer pungebatur, vulnerabaturque infixis & in hærentibus in carne. Augebat incredibiliter lætitiam splendor ille cœlestis, cuius alacritate carcer illustrabatur medijs in tenebris: & in cæca profunda que noctis caligine, cernebantur iam lætissimi vberrimique fructus cruciatuum, cum Dacianus Vincentium non via iam peruulgata hostium, non minis ac terroribus, non suppliciorum acerbitate, sed bonitate verborum, mollitia culcitæ Militensî rosa infartæ, delitijs & blanditijs carnis à fide Christiana dimouere conaretur. Sed has Martyr inclitus detestari voluptates, incunditatesque corporis incredibili lætitia perfusus, cruciatus omnes appetere, constanter & enixè deposcere, nihil ille mihi magis lætum clamare, quàm pro Religione cruciatus omnes subire, in craticulam imponi, prunis ardentibus subiectis comburi, fexteis vnguibus excarnificari, laminis torqueri candentibus, gaudium adferunt effusum, & plane gestientem mihi lætitiam, Declarant sic Christi Iesu Martyres inuictissimi, quibus fuerint illi lætitijs elati, quibus voluptatibus exultauerint, quanta alacritate corporis & animi subulierint.

cum voluptates omnes, cum iucunditates carnis, cum honores & dignitates oblatas, cum rerum omnium affluentiam lætè nimis atq; iucunde contempserunt, vt Christi Religionem morte sua testatam posteritati relinquerent. His nos gaudijs & lætitijs non excitabimur ad veras & solidas Beatorum voluptates, nullo vnquam tempore perituras, cœlesti semper suauitate percipiendas? Ferus equidem & immanis est, & prorsus suæ salutis oblitus, nihil de Beatorum gloria cogitans, qui præsentibus sanctorum Martyrum exemplis ad veros lætitiæ solidæ fructus capiendos non exardescet.

*In Beata Agnete. Barbara, Catharina,
Affectus spei.*

Quis spem in Deo Optimo, Maximo non habeat, & in Christi Iesu meritis immortalibus, quo um beneficio nullam defectionem animi meruit Agnes? Mihi certè spem fecit maximam, & afferre debet cuicunque generi Christianorum hæc Virgo sanctissima, quæ puella quidem, & vix tres & decem annos nata, non animo cecidit tantis ignominijs & supplicijs affecta. Sperare Præfecti filius non destitit, nobilitate generis, copijs bonorum omnium, dignitate potestateque patris se consequuturum esse, quod optaret: Agnes spei plus habebat, quàm dici posset, nullis se præmijs, neque minis, neque terroribus, neque supplicijs exquisitis, à susceptâ causâ propositoque consilio abducendam esse. Minatur Præfectus in prostigatarum mulierum, (quæ corporis copiâ quæstum faciunt) ædem infamem & plenam dedecoris & turpitudinis deferendam, & inferendam contra voluntatem, vtinuita, & à virorum impuritatibus abhorrens, cunctorum prostituatur libidini, quæ spe in Christo Iesu posita corpus libidinibus istiusmodi, & infamia turbissima liberabat. An illa virginem spes frustrata fuit? non fefellit profecto: ecce cum in turpitudinis & impuritatis locum deferretur, & derruderetur Agnes, cœlestis claritatis splendore teguntur & occultuntur partes corporis nudatæ, ne deformium corporis partium aspectu oculi castorum offenderentur: nec improbi ac turpes ad libidinum & impuritatum suarum accessum excitaretur. Intrudunt igitur virginem, & relinquunt in turpitudinis officina satellites Veneris execranda. Effertur ipse filius Præfecti, eadem spe effertur multi adolescentes libidinosi videntur, virginis pulchritudine turpiter & impurè potiundi.

Sed

Sed adeſt Deus ipſe, qui diuinis iam miraculis potētiam & præſentiam ſui numinis declarauerat, alacritatem Virgini iniecerat, in eadem eſſe, ſeminarioq; libidinū, & impuritatum omnium, defendendæ ſpem attulerat, & conſeruandæ virginittis. Editur ſtatim miraculum, quo plena animi, plena ſpei nullam ſubiſſe ignominiam, neq; turpitudinem Agnes: claritate diuini luminis non virgo ſolum, ſed cubiculum, in quod homines nefarii tantam coniecerant & incluſerant puellam cœleſtem, circumfunditur. Perſtat filius Perſecti facibus libidinis accenſus, & ad virginem pergit proprius accedere, in omnem turpitudinis intemperantiam effuſus: ſed orare pergit Agnes, nec ſpes fallaces, nec cogitationes inanes, non fruſtra ſuſcepta cauſa. Repente filius ille Veneris & Princeps impuritatis concidit mortuus: quem ubi iacentem humi viderunt ſocij, comitesque reliqui, & maximi ſatellites Præſecti, fremere cuncti ac furere incipiunt, vociferari, veneficijs & magicis artibus Agnetis conſectum eſſe filium Præſecti. De cuius morte cum domum patris repentinus & acerbus veniſſet nuntius, quid putatis illum patris amore, filij ſuaauitate commotum, percuſſum mortis nuntiatæ dolore grauiffimo ſeciſſe, qui vno tempore, ſanta calamitate, cunctorum vociferationibus, domeſticorum luctu, vxoris ciuilatu grauius ac vehementius percelleretur? Ipſa quidem Agnes agere gratias immortalī Deo, dicere, ac repetere ſæpe ac ſæpius non fruſtra ſpem in Chriſto Ieſu ſe collocaſſe, neque collocaturam eſſe deinde fruſtra, iterare & ingeminare ſæpiſſime, non inaniter poſiturum illum eſſe ſuas ſpes, qui diuini numinis opem imploraret, atque hæc quàm gaudens ælæta confirmabat? Venire interim pater, venire alij: & propterea pater comitatus ſatellitum præeuntium & conſequentium multitudine miniſtrorum, conſectus mœrore, ac luctu perditus: ſed cum virginis precibus à mortuis excitaretur adoleſcens, & deteſtaretur ſuperſtitionem idolorum, & proſitteretur veritatem Chriſtianæ Religionis, inflammari furoribus inferorum execrandis Pontifices idololatriæ, neque deſiſtere, quoad perniciem ac peſtem vltimam Agneti machinarentur. Sed ſperare ſœlicem exitum Agnes, & principijs ac progreſſionibus ſimilem finem. Magna, inquit, me ſpes tenet bene mihi euenire, quod ad tui honoris, tuæ gloriæ propagandæ cauſa mittar ad mortem: Spes me etiam tenet fore, vt neque impiorum conſilia plus valeant, quàm noſtra, neque imbecillitas ætatis deſinat grauitatem acerbitateſque ſuppliciorum ſuſtinere. Vis flammæ ſubeam?

ſubibo

subibolibenter. Vis iugulum dedam carnifici? dedam fortissimè. Vis quamcunque mortem oppetam? adibo iucundissimè. Spes omnis est in te, in te omnis mea spes posita: tu fer opem, qui spem tot editis adhuc miraculis dedisti, Christi Iesu meorum rerum præsidium & anchora tutissima. Quid deinde? flammarum disunctione & amandatione longissima ab Agnetis corpore præsens Domini præsidium declaratur, quo adiuta insigni statim virtutis magnitudine prædita sanctissima Agnes caput obijcit securi carnificis, & ad Virginis decus lauream Martyris adiunxit. Puella fuit Agnes & corporis imbecillitate, & tatis teneritudine, communi mulierum conditione; sed animi magnitudine diuina virtute freta, difficultates omnes superans, in cælum laurea duplici decorata penetrauit. Cum hanc Virginem mente complexus fueris, complectere etiam Catharinam regali sanguine procreatam, mulierem tamen, & gemina Virginis & Martyris laurea cumulatam. Complectere denique cum alias virgines, tum B. Barbaram patri fortiter & tyranno resistentem, & à spe, quam in Deo rerum suarum unico perfugio posuerat, victoriæ deportatæ cœlestisque gloriæ consequutæ decus immortale profectum fuisse procul dubio inueniemus.

Affectus ad pudorem.

HO sego adolescentes meis oculis intuear, & æquo animo videam, quos turpitudinis infamiaeque suæ neque pudeat, neque tædeat? Nihilne vos sermones multorum, nihil inuictæ nomini vestro maculæ, nihil generi offusæ tenebræ, nihil oclusus ad honores aditus, nihil mortalium vultus oraque commouere potuerunt? si sensum vllum humanitatis habetis, si participes rationis estis, quæ vobis impendent mala, quæ ruina familiaræ vestræ, qui casus grauissimi vos mancant, & exitus exitiales vitæ cum probro tanto dedecoreque amittendæ considerate: aut expellendi virgis è ciuitate, vel scelus in patibulo luendum est. Vestrorum affines culpæ scelerum laqueo suspensipendent adhuc: Pudeat vos tantæ turpitudinis, pudeat infamiae, & antequam in Iudicum manus incidatis, ab his flagitijs abstinete. Sæpe vidimus fractos pudore, qui nulla alia ratione vincerentur; in quo homine nihil pudoris est, hunc in desperatorum flagitiosos greges referimus: de quo desperarunt boni, in hoc nulla necesse est significatio pudoris appareat. Si veteret pudoris laude maxime commendatos suos homines voluerunt, omniaque

omniaque ea, aliquos pudenter viuendo consequutos esse legimus, quæ alij flagitiosi impudenter agendo semper amiserunt, cur pudenter facere vos omnia non studebitis? Multi pueri quondam & adolescentes, quia boni, quia prudentes fuerunt, in quibus nihil apparebat nisi ingenuum, nihil nisi moderatum, nihil nisi pudens, nihil nisi pudicum, omni laude celebrati fuerunt: qui scelerati fuerunt, si prius fuerunt in aliquo honore & gloria, tamen impudentiæ prudentes exitus quærere conabantur, ne tanta apud omne genus hominum infamia laborarent. Redite igitur ad vos, & nolite ita pudoris fines sæpe transilire, ut cum bene & nauiter impudentes vos & haberi & dici necesse sit, tum viuatis omnibus dedecoris & infamiæ maculis notatissimi.

Alterum exemplum ad pudorem.

Quem non pudeat superbiæ suæ? quem non inconsideratæ temeritatis? qui cum suis nefarijs flagitijs ac scelerib. ex-craudis diuinam maiestatem violauerit, velit bonus & integer, & ab omni macula liber videri? An verò te elationis intolerandæ non pudeat, qui cum scelerum ac flagitiorum sordibus plurimis fueris inquinatus, tot libidinis & auaritiæ maculis apectus, non motus comprimendos, & omni ratione coercedas cupiditates curas? Iesus tener ac delicatus, octauo die à suis natalitijs, nulla minima labe infectus, quippe qui filius Patris æterni, splendor & imago tantæ Maiestatis, ipsa fuit virtus & absoluta sanctimonia, neque suscipere scelus vllum poterat, sanguinem suum profudit, & vagiens ac plorans, præ doloris magnitudine, præ cruciatus acerbissimo sensu, carnem abscindi sibi tenellam passus est, & signum Circumcisionis, quo Iudæi à cæteris gentibus internoscebantur, in corpore sanctissimo impressum & iniustum relinqui. Iphis Filij exemplum sequuta Virgo Maria, non quadraginta dies post editum in lucem tantum Dominum in templum venit? non Filium æterno Patri deuouit, cum donis ac muneribus, quæ præcipua fuerunt semper inopum & extrema prope mendicitate laborantium? Cum lege soluta fuisset, cum Filium interuentu Spiritus diuini concepisset, cum salua integritate peperisset, cum denique his de causis nullo præcepto fuisset legis astricta, puduit Virginem tantam, puduit Reginam cœlestis Aulæ, templi limina adire, in conspectum venire sacerdotis, emblema diuinum dedere Simeoni, diuinæque deuouere Patris æterni celsitati? O temeritatem hominum

minum modo viuendum intolerandam ! O impudentiam nostram minimè ferendam ! Nos cum nefariè quotidie astringamur flagitijs, cum in omni libidinum impuritate, tanquã spurcissimæ suæ in cœno, fœditatem odoris amantes, dies noctesq; volutemur, cum scelera sceleribus singulis horis atque momentis, cumulemus & adaugeamus, cum denique necesse habeamus execrari pestem hanc, & perniciem animorum, cum pudere oporteat, ac cedere vitiorum, cum debeamus omni sensu, dolore, lacrymis testari malum nostrum, & supplices & abiecti ad Confessarij pedes, ad Christum Iesum aram, quem nostris sceleribus toties in crucem sustulimus, nostrorum petere veniam delictorum, venire nos in templum, ad pedes Confessarij nos prosternere, eluere sordes animorum pudeat? & ore impudenti, in sceleribus ac flagitijs versari in populi clarissima luce non pudeat? Discamus demissionis exemplum à Virgine, & à Christo Iesu, cum peruenit nos peccatorum, veniam deprecari: cum suppliciter ac demissè eandem petierimus, speremus de benignitate Domini, nos eam sine dubitatione consequuturos esse.

Affectus ad amorem Dei immortalis.

TE mi Deus summe præpotensque ex animo diligam & amem in perpetuum: quem enim magis carum, magis eximium habere debeam inuenio neminem. Te rebus omnibus cuiuscumque generis & ordinis præponam. Posthabebo fratres, amicos, parentes meos, qui me genuerunt, & ediderunt in lucem, à quibus neque corpus, neque animum, neq; diuitias, neque honores, neque gloriam, neq; decus accipere potuissem, nisi tu largitor fuisses munificus ac liberalis, princeps & auctor omnium præcipuus ac singularis. Quid enim illi mihi donarunt, vel donare potuerunt, quod à te, tanquam à fonte bonorum omnium perenni & inexhausto, tanquam à maximo veroque parente cunctarum rerum, non profectum fuisset, & in me, & in omne genus hominum infinita tua potentia liberalitateque collatum? Quòd cælum tantis syderibus collucens, Lunæ varietate distinctum, claritate Solis illustratum; tantam fabricam & elegantiam Vniuersitatis huiusce venustissimam, ætheris ardorem, æris circumfusi regionem, mare immensum atque profundum, terram pulchritudine diuersitateque rerum retertissimam; tandem denique vim & copiam singulis in locis contentam, meis vñibus inservire video, tuæ sunt potentia,

tua

tuæ liberalitatis illustrissima monumenta: quorum nihil ab hominibus, nihil à Principibus terræ potentissimis, nisi te prius munificè magnificeque largiente, potuissimus accipere. sic illi diuitijs & bonorum omnium copijs affluunt; si tu locupletare illos volueris, si opibus potentiz, honoribus, & fortunis amplissimis augere: sic homines ad dandum largiendumque propendunt inclinatione voluntatis; si mentem tu dederis eisdem ad bene merendum de bonorum genere mortalium. Quid quod ea, quæ largiuntur parentes, quæ conferunt homines alij, conservari nō possunt, & hæc vita, qua perfruuntur, incolumis nequit retineri, nisi dono ac munere tuo retineatur conserveturque? Quid quod Filium in hæc terrarum sola misisti, ut lucem cœlestem nostris mentibus perferret, & ex Dæmonis servitute in veram libertatem vindicaret, & in cœli sedem altissimam, unde parentum nostrorum culpa deiectioni fuimus, sua virtute restitueremur? Quid deinde locupletes & copiosi fuissimus, in summa gloria & honore collocaremur, fungeremur amplissimis muneribus Reipublicæ in ore cunctorum, clarissimæque luce felices ac fortunati versaremur, si post discessum animi & corpore deijceremur in obscuram & caliginosam noctis sempiternæ regionem? His omnibus miserijs & ærumnis liberamur meritis ac virtute Christi Iesu cœlesti. Quamobrem abijciamus amorem hominum, rerumque omnium, quæ infra Lunam sunt, & in Deum immortalem transferamus. Hunc amore summo prosequamur, de illius cellissima dignitate, potentia, gloria, maiestateque cogitemus. Nihil apud nos valeant diuitiæ, nihil honores, nihil parentes, nihil Principes potentissimi: sed Dei solum immortalis dignitas & maiestas excelsa, quo nihil maius, neque bonis omnibus affluentius cogitari potest: præter quem omnia, quæcunque fuerint, quæcunque specie pulchritudinis & communi hominum æstimatione magni habita, nulla sunt, & pedibus trahi debent à veris Christianæ Religionis cultoribus. Ut cerui æstivo tempore in summis solis ardoribus sitientes, ad aquas decurrunt, & advolant, ut sitim expleant: ita nos Dei summi præpotentisque amore flagrant, & sitientes fontem bonorum cœlestium inexhaustum, aviditate debemus infinita tantum & tam liberalem Dominum appetere, nos eidem semper dedere, voluntatibus, animisque propensis, nihil velle, nihil desiderare nisi summum & infinitum DEI sempiterni numen, tanta

magnitu-

magnitudine amoris, ut Deum duntaxat amores, & delicias nostras ducamus. Hoc amore flagrabat Paulus, cum exilia, carcerem, vincula, virgas, cruciatus omnes, & mortem, pro Christi dignitate subire cupiebat. Eodem amore Petrus ardebat, cum rogatus ab Assertore Iesu de amore, quo illum prosequeretur, ausus est proferre Dominum eundem, suamque maxime mentem diuinam, quam haberet sui amoris, & charitatis accensæ testem. Cum multis testibus nostræ Religionis integris & in corruptis hoc planum facere possemus, tum planius Virginis sanctissimæ discessu è vita, pleno amoris, pleno caritatis: quæ nihil magis cupiebat, & hac infinita cupiditate Dei immortalis visendi flagrans, extremum spiritum exhalauit. Atque ipsius Legis diuinæ mandata ad duo potissimum capita, amoris in proximum, & inflammata charitatis in Deum, referri non ignoramus. Quamobrem omnes amore singular Deum summum præpotentemque Mundi totius opificem, tam beneficum & liberalem largitorem amemus, ad cuius aspectum perfruendum editi fuimus in hanc lucem.

Affectus ad odium.

Quis ferat templum Diuinæ Maiestati consecratum non debito cultu, religione coli? & in æde Deo immortali, Matricque integerrimæ Mariæ, & Principibus cœlestis aula dicata, summa cum sanctitate non esse quenquam mortalium? Tu templi sanctissima limina ingredi, tu intra parietes eiusdē templi religiosos esse, tu in eodem loco, pleno sanctitatis, pleno religionis, cum alijs tui similib. colloqui videaris? & ea loquaris, quæ ab omni cultu, religioneque procul absunt? quæ non modò aliena sunt à loci maiestate, sed neque in tuorum parentum oculis agere auderes? quæ si loquereris audiente quocunque honesto proboque ciue, obiurgaret te statim, & tuam impudentiā increparet, & cum probro tuo ac dedecore maximo, è templo augustissimo sanctissimoque te eijceret, vel eliciendum multo ante clamaret? clamaret etiam, ut tui te puderet, & ubi esses, quo in loco, coram quo etiam Domino, in cuius diuini numinis aspectu, quid reliqui agerent, cuius rei causa templum ædificata fuissent, ut recordareris, sæpe ac sæpius iteraret. Moneret te etiam non domi tuæ, non in ciuitatis platea, non in aliqua scena, non in theatro, ubi spectarentur & audirentur Comæciæ, prodirent actores, hiltriones gesticularentur, & risus & eachinni commouerentur, turpia verba fieret, & vsurparentur
sed

sed in templo, in loco religiosissimo, in æde immortali Deo sacra, coram sacratio Christi Iesu, in suis oculis, in suo ore celsissimo: Atq; id temporis, cum res diuina fieret, cum Sacrum celebraretur, & tor essent viri mulieresque, quæ sanctissime, religiosissimeque suis temporibus & starent, & in genua procumberent. Et id temporis etiam, cum Sacris, & communione fidelium, congressuque, & sermone, huiusmodi turpissima facta facerentur, & turpitudines & impuritates verborum ex ore spurcissimo euomentibus viris interdiceretur. An vero præsentem Rege huiusæ sæculi, summo cum silentio, ex illius ore pendent omnes, modestiâ summâ, curâ, studioque magno animi Regis explendi, & non verbum modo non facientes minimè, sed vultum, & nutus minimos expectantes adessent Heroes & Magnates in aulâ Regiâ; & te in oculis, in præsentia terræ cœlique potentissimi Dominatoris, tanta cum impudentia, intentaque loquentem voce, & tumultuantem, & cachinnantem sæpe, inturbantem & offendentem eos, qui in templo essent, immemorem loci, oblitum religionis, & sermonem omnibus dantem, qui præsentem essent, & ad summam impudentiam deprauatum, & perditum adolescentem viderent? Si antiqui lucos & sylvas Dijs suis Deabusque sacras tanta religione coluerunt; Christiani veri Dei augustissimum venerandumque templum non omni cultu & sanctitate prosequerentur? Reges honore tanto efficiantur, & in illorum conspectu nihil nisi summa cum Aulicorum elegantia, munditiæque, gereretur: Deus ipse summus, præpotens, terræ cœlique Dominus contemneretur, & sperneretur audacter, & impudenter in templo? Odium necesse est in te vnum cunctorum hominum, Dei; immortalis iracundiam excites, qui præsentiam sui nominis violare ausus fueris. An vero frustra fabulis traditū putabimus, quod Pyrrhus o. cisi Priami in Idolorum templo, Ajax Oileus vio atæ Cassandra pœnas luerit, non ut templorum religionis admoneremur? Quid quod Pompeius, victor omnium gentium, post templum Solymorum direptum, post ablatum aurum & argentum, nullam fuit in posterum sceleriter victoriam consequutus? Atq; ipse Christus Iesus vendentes & ementes, arrepto flagello, illa oris auctoritate cœlesti, illa grauitate maiestateque celsissima, verborum fulminibus horribicis tonans & fulgurans, fugauit & eiecit e templo, euerfis prius nummulariorum mensis, dispersis ac dissipatis toto pavimento pecunijs, & quæ in mensis essent, rebus disiectis diffusisque. Est sane hominibus Deoque

immortali nimium infestus ille, qui sanctitatem templi debito cultu religioneque non prosequitur: nec impune liber ac solutus, audax & impudens, contemptor templorum, religionisque, versabitur inter mortales.

Affectus ad inuidiam.

ENim vero intolerandus es, Leouigilde, hac tuâ potestate Regiâ, his tor regnis & imperijs potentissimis, quorum viribus fretus, omnia pro libidine geris, nullâ non modo virtutis, & iustitiæ; sed neque communis vrbانيتatis & humanitatis vîtatæ ratione habita. An vero Regem teipsum appellem, qui à via virtutis abducere, à Religione studeas abstrahere, & minis atque terroribus à veritate auocare genus hominum, & à vero immortalique Deo filium tuum Regem inclitum, columnem, & firmamentum Christianæ Religionis? Ecquis Regis nomine dignior erit, aspiciamus. Ermenegildus propugnator veritatis; tu oppugnator es. Ille fidem acerrimè defendit; tu vehementer oppugnas. Ille sequitur mandata Dei voluntatemque sanctissimam; tu nihil non facies contra Dei præceptiones, legemque diuinam. Ille cœlestem, & nunquam interituram gloriam appetit; tu fluxam & cito perituram. Ille sempiterni numinis honorem, & immortale decus tuetur; tu tantæ Maiestatis gloriam imminuere conaris, & modis omnibus extinguere. Ille ad Beatorum sedes & dignitates amplissimas cœlestis aulae cōtendit; tu teipsum das præcipitem in damnatorum regiones obscurissimas. Ille vitâ tibi dare, & gloriam immortalem veller; tu pestem & exitium cum alijs Christi Iesu ministris, tum eidem egregio fidelique cultori filio moliris. Vter igitur melius Rex appellabitur, tunc, an Ermenegildus? Is, qui omnia pietatis, fidei, religionis officia sanctissimè integerrimeque facit; an tu, qui leges sanctitatis, veritatis, & humanitatis omnis & iura nefario scelere polluis? Atque vtralia tua scelera præteream, vel hoc vnum aspice nefarium & detestabile: quod minimè contentus es satellites & ministros Arrianæ sectæ auctoritate tua, potentiaque adiuuare, nisi crudelitatem omnem adhibeas in filium. Atque primo cogere milites, deinde urbem Hispalim obsidere, postea cum illo conflagere, denique per summum scelus atque perfidiam donis, ac muneribus corrumpere Romanos perstitisti; ut deserant, ac prodant, quem tueri pecunijs & obsidibus datis & acceptis constricti debebant, filium tuum Ermenegildum. Cogis milites, Ermenegildus delectus habet;

urbem

urbem oppugnans, Ermenegildus defendit; prælium deposcis, ad manus venire non reculas; tu copias tuas, ille suas acies educit in medium campum: vicisti? sic ita: sed quomodo? scelere, perfidia, prodicione scelerata Romanorum: & filius proditus ac desertus fugis? deseruit fidem? transit ad tuas partes? Qui filium, qui uxorem, qui Regnum ad fidei defensionem contulerat, seipsum & caput deuouet carnificis à te missi gladio sine cunctatione districto, & crudeliter in medium caput immisso. Tunc Rex? tunc pater, an tyrannus intolerandus, crudelitate barbarus, & diritate sanguinis percitus? neque Tygrides unquam tanta crudelitate fuerunt, non ursi, non leones tanta rabie agitati, ut foetus, quos ediderint & procreauerint, crudelissime conficiant: insitus est à natura cuicunque generi animantium & ferarum immanissimarum amor ad foetus procreandos, alendos, & conseruandos admirabilis, in quarum educatione conseruationeque cum laborem cernimus, naturæ ipsius amorem videmur cernere. Tu leonibus, ursis, Tygride quacunq; immanior, naturam humanam exuere, & omnem sic abijcere visus es amorem, à natura parentibus & bestiis etiam deterrimis insitum, ut non destiteris, quoad vitam ademeris in carcere, missio ad filium occidendum crudeli carnifice. Vnus tu repertus es, qui tantum immanitate bestias viceris, ut qua de causa filium conseruare debuisses, & pluris habere, & magis ornare tuorum accessione regnorum, ex hac tu cum per summam crudelitatem de medio sustuleris. Quid dicam amplius? non Regis, neque parentis honore, sed importuni monstri portentique detestandi dignus probro dedecoreque turpissimo habendus es.

Affectus ad misericordiam.

EGone contineam lacrymas, ac non effundam in his acerbitatibus, si quem fortasse possim ad misericordiam flectere? Quid agis anime mi ad Dei similitudinem create? siccine patieris te in luctu & squalore iacere? siccine deformatum peccati sceditate? inquinatum scelera omnium sordibus, in miseris tantis, & ærumnis esse? A Creatore tuo abstractum te videas, & hostili odio dissidentem, amicum nefarii Dæmonis, & inimicum sempiterni Numinis, seruitute miseranda premi, tanquam vile mancipium inferorum. Qui ad libertatem natus fueras, & filius immortalis DEI, donis ac muneribus gratiæ cœlestis ornatus, siccine de gradu dignitatis altissimo te deieceris tuorum prauitate flagitiorum?

O homo ! qui in honore, & gratia cœlesti eras, qui ius habebas ad cœli gloriam consequendam; illud tam facile falsis voluptatum illecebris delinitus amiseris ? qui diuinæ pulchritudinis aspectu perfrui poteras; deformem & horribilem Dæmonis vultum subire poteris ? qui suauitates & iucunditates Beatorum percipere; cruciatus & acerbitates damnatorum perferes ? qui nunquam interituros cœlitum honores consequi; iniurias & ignominiam nequissimorum spirituum sustinebis ? qui lucem alpicere cœlestem & immortalem; in tenebris & in caligine noctis sempiternæ iacebis ? qui perfrui gaudijs, & lætitijs omnibus veris & solidis; timoribus assidujs, angoribus & cruciatibus torqueberis in perpetuum ? qui inter Beatorum cœtus & ordines tanto cum gaudio voluptateque versari; cum legionibus inferorum horrificis, cum nequissimis spiritibus, cum furij fœda terrificaque facie formidandis commorabere ? Quid istud malis ? quid miseriarum ? quid calamitatum & ærurnarum obsecro ? Ideone Filius Patris æterni in terrarum sola descendit ? ideo naturam humanam admirabili societatis vinculo sibi copulauit ? ideo in præsepi tener ac delicatus, ab illo puncto temporis, quo bellus & aureus infans exijt, in hanc lucem ploratus edidit & vagitus ? ideo octaua luce à sanctissimo natali die carnem teneram & cœlestem gladio sibi passus fuit rescindi Simeonis ? ideo per omne suæ vitæ tempus, per tres & triginta continuos annos homines è seruitute liberandi causa tanto opere laborauit, & desudauit, tot ieiunia fecit, post virgas & spinas in crucem temporib. illis plenam dedecoris & ignominie sublatum extremum spiritum exhalauit ? Vbi precor homo, natalia Domini, vbi labores & vigilie, vbi contumelie & ignominie pro genere hominum libenter ac fortiter toleratæ ? vbi doctrina cœlestis ? vbi multitudo, magnitudoque miraculorum ? vbi illa quinque millia verberum ? vbi aculei spinarum diuino capiti crudeliter infixi ? vbi crux suis humeris comportata ? vbi postremo mors tanta alacritate obita ? vbi merita ? vbi fructus horum omnium cruciatuum ? tot homines in suam vtilitatem cœuererint facta Ch isti Iesu sanctissima, & fructus tulerint vberes ac præstantes, & immortalis gloria dignissimos; tu ferus & inhumanus, improbus ac nefarius, his fructibus te ipsum priuaueris, tuis nefarijs & execrandis sceleribus, tuis præcipue turpibus, & impuris voluptatibus ? Recordare homo, quot tui similes, quod natura tua præditi, & multo clariore illustrioreque dignitate: quot non viri solum corroborata iam ætate, sed pue-


rià teneris suis annis, ab ipso pueritiæ flore, cum nobili genere nati essent, & omnib. bonorum copijs affluerent, magnis Reipub. muneribus, amplissimis honoribus ac dignitatibus fungerentur, cum essent Regiæ & excelsæ sanguinis & nobilitatis stirpe procreati, cum in celsissimo Regiæ dignitatis gradu collocati, in summo honore & gloria fuissent, vniuerso illis hominum genere humiliter ac de misse seruiente, voluptatib. & honoribus huiusce sæculi, atque adeo perituræ gloriæ nuntium remisissent, diuinæ maiestatis se consecrarunt, deuoueruntque. Horum tu non facta pulcherrima potius imitabere, quàm nequissimorum, & à Deo procul abhorrentium vestigia nefaria sequeris? Recordare misericordiam Dei infinitam, qui te de cruce suspensus, & brachijs protentis apertisque sibili boni pastoris in suum amplexum vocat, vt accurras & adules, statim veniam petens peccatorum, qui nihil magis vult, quàm tibi in viam redeunti misericorditer ignoscere. Cruci affixus est tribus clauis, commouere se non potest, & quamuis suâ infinitâ virtute posset, non faciet tamen, vt tu ad suos celeriter amplexus properes ac festines. Ille te amplectetur medium, scelera & flagitia tibi condonabit. Quid expectas? quid immoraris? Mitis est & misericors, qui si tuam nollet vitam & incolumitatem æternam, non te accerferet, non vocaret, non ille crucem subiret, non apertum latus hastæ diritate demonstraret, in quod, tanquam in immensum, & infinitum misericordiæ pelagus, te totum immergere, & omnes maculas & labe peccatorum flumine sanguinis, tam largiter & copiosè profluentis, deleti poteris & obruere. Id vt facias, bonus latro documenta dabit diuinæ misericordiæ, & mansuetudinis Christi Iesu infinitæ, qui quamuis improbus & sceleratus, vno verbo duntaxat, Paradisi mentione facta, recognita tantî Domini potestate, veniam suorum consequutus fuit scelerum ac flagitiorum.

Affectus ad metum.

Fieri profecto non potest, si quidquam humanitatis habes, quin simul atque aliquod flagitium admiseris, continuo totus tremas corpore atque animo. An non veniet statim in mentem tibi multorum hominum, qui propter sua scelera grauius ab immortalî Deo mulctati fuerunt? Non recordaberis infinitam Domini potestatem, quem diuersis & grauissimis flagitiorum generibus ad iracundiam, ad vindictam toties pro-

uocasti? Quid illius sæpe gladius in sceleratorum hominum pectora districtus egerit? quorum vitam petierit? quæ potestas suorum armorum? qui sanguis profusus? quorum vita adempta? quot strages edita? quot clades, & calamitates hominibus allata fuerint propter suorum vitiorum multitudinem magnitudinemque? Multi quidem paucioribus & minoribus peccatis gladio diuinæ iustitiæ conciderunt, atque vno sæpe scelere, & vix pene commissio, dati sunt in inferorum pœnas sempiternas: & tu tantis flagitijs contaminatus, tot vitiorum sordibus inquinatus, non formidabis diuinæ iustitiæ seueritatem? Quod adhuc te sustinuerit, quod pertulerit incredibili sua benignitate, quod in te gladium non distinxerit, quod non dederit præcipitem in obscuras inferorum regiones, quod expectauerit adhuc, & expectet, quod ad sanctitatem te vocet, ad suam gratiam inuitet, putas hoc perpetuum fore, & impune te semper abiturum esse? Caue homo, caue obsecro, ni vis, vt tarditatē diuinæ maiestas supplicij grauitate compenset, & morte repentina conficiat. Quot mors immatura præoccupauit adolescentes? quot in ipso iuuenturis flore, qui ad senectutem se peruenturos esse putabant, de medio rapti fuerunt, & inimicorum gladio occisi, sica traiectione, confossi pugionibus, & ex insidijs, adeo repente, vt neque proferendi nominis Christi Iesu tempus datum fuerit? Hi ceciderunt, ceciderunt in obscuram sempiternæ noctis caliginem, & cruciati sunt, & cruciabuntur in perpetuum exquisitis suppliciorum acerbitatibus. Quibus si facultas ad hanc vitam redeundi concederetur, quam vitam agerent? quam duram? quam asperam? quantis supplicijs carnem hanc mulctarent, affligerent, & comprimerent, cilicijs, inedia, vigilijs, & omnibus horis atque momentis, & vt merita fuit, discerperent, & dilaniarent? Atque omnes sibi pœnæ, omnes cruciatus leues viderentur præ odio quidem hostili, quo bestiam hanc terribilissimam persequi vellent & insectari, memores pœnarum, quas passi fuerunt, & paterentur in omnem sæculorum memoriam. Non intueri Dæmonem, & mentis oculis cernere videris, dies noctesque nullam horam, neque minimum punctum requiescentem, vt insidietur & præcipitem agat te in inferorum sedes execrabiles? Quid agis conscius tantæ feritatis? Non timebis cum cubitum eas, ne te dormientem adorietur, & gulam comprimat, suffocet, (si vis apertè loquar) & det præcipitem in vallem miseriarum, & ærumnarum plenissimam, te miserum, & infœlicem, ærumnosum, & calamitosum peccatorem. Cum

rem. Cum eris in inferorum sedibus, cum in illo carcere caliginoso, cum deflagrabis flammarum ardoribus, cum deterreberis furiarum terrificæ facie, cum pœnis pœnæ, cum supplicijs supplicia cumulabuntur & augebuntur, cum ad communes damnatorum cruciatus accedent, & addentur, qui præcipui debentur & singulares, & exquisiti tuis tetræ & inauditis sceleribus, illorum nullum finem statuendum, non defatigandos vnquam Luciferi satellites, valentissimos & exercitatissimos scias. Quid hic ages homo nefarie? Quibus lamentis, quibus ululatibus, & dissonis rugitibus inferorum illa obscura caligifonaque loca complebis? Cogita à tergo semper insidiantem hostem, nec vllum periculo vacuum temporis momentum, immanem æferinam hostis crudelitatem, casus aliorum miserabiles, & exitus tragicos & exitiales, & iam te profecto incipiet tædere vitiatorum, incipiet pœnitere flagitiorum tuorum: & quem virtutis & honestatis pulchritudo, Dei immortalis maiestas, Beatorum gloria, & præmia sempiterna in officio non continuerunt, inferorum pœnæ, cruciatus damnatorum, mortis imminētis pericula, grauis ac vehemens ludicis æterni seueritas à flagitijs auocabit. Magnæ quidem & extremæ dementiæ fuit, semper illa pericula, quæ vitare possis, non maturè cauere: sed cum extrema perijice, scelere ac nequitia sua quenquam vltro tot mala sibi accersere & attrahere. In horum numero tu videris esse, qui fores salutaribus monitis diuinæ iustitiæ, & intimis animorum sensibus occluseris, & nullum ad benè de tua salute sperandum optimo cuique æstimatori locum reliqueris.



POSTULATIO.

TRia illa potentissima Rhetorice præsidia, postulatio, obsecratio, & obtestatio accedunt, quorum luminum primum simpliciter deponit, illi proximum humiliter ac dimissè supplicat, tertium flagrans & ardens omnino testandi vim habet; quorum exempla sequentibus discernes exercitationibus.



Postulatio.

AVarus equidem id postulat, ut quoniam pecuniarum cupiditate flagrat, & diuitijs huius sæculi inhians, nullam aliam cogitationem, nisi de nummis, nisi de fortunis & opibus humanis suscipere potest, ut ad hos nummos comparandos, ad facultates & fortunas suas augendas, vos auditores præbeatis. Vobis equidem operam sibi præstantibus sperat, id quod per prauas rationes, per summum scelus, per aliorum spoliationem & fraudem apertam consequutus est, se breuiter ita quidem aucturum esse, ut cum ad pecunias magnas peruenerit, tum omnibus honorum copijs affluat, quibus copiosus ac bene nummatus, & facile suæ ciuitatis locupletissimus appelletur; se diuitijs, & pecunijs maximis non præditum, nullum gaudium, nullam lætitiā capturum esse confirmat; cum arcas aperuerit, & tentauerit, & respexerit nummorum refertos loculos, præ gaudio vix apud se futurum esse lætitijs omnibus gestientem. Quare petit à vobis, qui potestis, & consueuisti alios vestro studio locupletare sæpissime, ut pecuniarum, & diuitiarum cupiditate flagrantem animum expleatis. Hæc quoniam iniqua vobis postulatio videtur, aliam ego, ut vos videbitis, multo æquiorē afferō. Primum à vobis Antonius petit, ut si vel nummulum aliquem, si quidquam rei acquisiturus sit, nisi bonis & honestis rationibus, nisi summo iure, & ex Dei diuinis præscriptionibus, ut nihil vnquam honorum sibi compareret, neque auctam vnquam rem familiarem aspiciat; sed pauper & inops, totos vitæ suæ annos agat, & ostiatim stipem cogens ad se alendum & sustentandum; sin aut id quod cupit, & in quod est voluntas propensior, velle Deum intellexerit, ut crescant & augeantur suæ facultates & fortunæ magis ac magis ad commodandum alijs, ad opitulandum miseris & ærurnosis hominibus; id postulo atque peto iterum atque iterum, ut tales vos mihi præbeatis ad fortunas, & ad patrimonium vestrum augendum, ut non auaritiæ, sed liberalitati materiam suppeditasse videamini. Auarus pecunias vult, ut illæ nulli sint vlui, neque sibi, neque proximo; ego sic peto, ut meis honestè moderateque inseruiam, & multo magis indigentibus, & opem nostram implorantibus. Ille diuitias appetit, ut hæredes locupletes & copiosos relinquat, & ipse vitam in multis miserijs & angustijs agat; ego quidē, ut viuens & incolumis inopum & calamitosorum hominū generi opem feram

feram, & ante discessum animi è corpore in diuinum cultum religionemque conferam. Ille eos vult, vt loculorum aspectu pecuniis confertissimorum se oblectet, vt arces aperiens, tentet attraheretque loculos, vt eisdem sua verba iucundissima auarorum vilitato more faciat; ego vt ex comodo allato pauperibus, ex sumptibus rectè factis, ex collatis in vsus honestos atque præclaros, quàm magnam latitiàm accipiam, & bonorum omnium largitori Deo, ea munificus ac liberalis dicam, quæ bonum Christi cultorem dicturum esse maximè scio. Auge me bonis tuis, & fortunâ meum statum, & fortunatiorem redde, liberalissimè magnificentissimeque Deus, ad tuam misericordiam impetrandam ijs omnibus, qui bonitati diuinæ confidentes, meam opem imploratum venerint. Quæ fuerit hominis cuiusque postulatio, vos Auditores cernite, vt quæ boni viri facere debeant & consuecant, intelligatis.

Obsecratio.

Obscuro sanctissime mitissimeque Deus, vt mei ipsius miseraris, qui in hac miserâ & ærumnosa sæculi valle versor, innumeris periculis & telis hostilibus expositus. Tu mihi fer opem, qui promissisti à tuis genibus non repulsum esse quemquam hominem, qui misericordiam tuam implorauerit. Sponte soles miseris, & calamitosis hominibus occurrere, nullius etiam oratione sæpe vocatus, nunc verò clamoribus multis. & assiduis precibus, tot lacrymis in tuo conspectu profusis, obsecro nostratum te misereatur calamitatum, qui vides, in quibus periculis versemur, quibus inimicorum insidijs dies noctesque circumuenti premamur. Obsecro benignissime Deus, me ipsum ex hac dæmonis seruitute liberares. Peccaui, impiè egi, ad clemenciam tuam confugio, vt ignoscas obsecro, & meotum mihi des veniam peccatorum. Tu me ad tuam similitudinem & imaginem Deus Optime ac Maxime formasti, & editum in hanc lucem, sacro fonte ablutum, & Fidei Christianæ insignibus ornatum, & labe ac maculâ parentis Adami in matris utero contractâ expiatum per salutare lauacrum, in eum statum adduxisti, vt in tuâ gratiâ positus, in veterem amicitiam redirem. A pueritiæ cunabulis, quibus me beneficijs affecisti? quibus cumulasti donis ac muneribus? quos præceptores ac magistros Religionis, quos ad colendam diuinâ legem doctores mihi præbueris? maximos duces ac principes virtutis omnib' sanctitatis nuncie-


ris expletos. In quâ me Christianæ ditionis parte, in quibus regnis ac prouincijs fidei cultorum egregiè fidelium numero ac præstantiâ florentibus, doctrinaque verissimâ sanctissimâque Christi Iesu abundantibus, sanctorumque Doctorum, & Religiosarum omnium familiarum prædijs maximis firmissimisque munitis collocasti? Me tuum amicum antea, nunc inimicum & impurum flagitiosumque vides, qui his omnibus beneficijs à tua diuina maiestate acceptis, tam ingratus tuerim, ut vno solùm aspectu mulieris, vnâ voluptatis illecebrâ, à te meo duce parenteque summo defecerim, & in miseriam, & ærumnam peccati detestabilem & execrandam inciderim. Quid agam sanctissime Deus? quò me conuertam? cuius opem & auxilium, nisi tuum implorem in hac tantâ, & tam ærumnosâ calamitate? Per tuam misericordiam & benignitatem infinitam, per Filij tui merita, & per cruciatus eiusdem acerbissimos, per mortem suam sanctissimam, mihi in genua tua procumbenti, tuamque opem imploranti, quæso velis ignoscere. Agnosco bonitatem tuam, & prauitatem meam: agnosco tuam benignitatem, & ingrati animi mei labem: agnosco pulchritudinem tui numinis, & deformitatem ac maculas conscientia meæ. Recordor acceptorum beneficiorum magnitudinem, & obliuionem meam, & ingratum, & immemorem animum: recordor per te, per custodem Angelum, sensus intimos & motus animi factos, & à me toties abiectam tui ipsius, boni Angeli, mandatorum tuorum, tuæ diuinæ voluntatis memoriam. Occidi, perij, interij totus miser, nisi tuâ benignitate opem mihi feras in tanto luctu & miserijs iacenti. Vates ille Regius misericordiam tuam summo dolore, lacrymis multis implorabat: & afferens tuæ maximæ benignitatis monimenta ab initio nascētis mundi, egregijs numinis tui cultoribus testata, ut ignosceres suppliciter orabat: eandem implorabat misericordiam Magdalena, quæ demisso vultu, oculis in terram defixis, non erubuit vultus, & ora subire conuiuiarum, & procumbens in genua, à tergo sumens in manus pedes Assertoris Iesu, lacrymarum ingenti multitudine spargebat eos, & præ suspirijs, præ lacrymis verbum proloqui minimè poterat: sed os admouens pedibus, oscula imprimebat millies labijs infixis & inhzrentibus, & magis ac magis lacrymis pedes sanctissimos perfundens eosdem capillis aut fulgenti clarioribus abstergebat, ipsamque contra conuiuiarum sermones & linguas detrahentes & obtrestantes maledicè defendisti, & liberam ac vacuum omni cura,

sine angore, sine solitudine, peccatorum vinculis solutam discedere iussisti. Multos alios afferre possem testes tuæ benignitatis, & infinitæ misericordiæ: sed præ lacrymis loqui non possum. Tu igitur benigne, pie, misericorsque Deus, qui mihi mentem iniecisti confugiendi ad numen misericordiæ tuæ sempiternum, mihi precanti, gementi, lacrymanti da veniam, quam efflagito. Quid enim aliud ego possum facere nisi flere? nisi gemere? nisi mortem, & omnes quoscunque cruciatus & inferorum flammam velle, ac polliceri me potius perferre paratissimum esse deinceps, quàm quidquam sceleris in tuam Maiestatem suscipere?

Obtestatio.

Sed quid pluribus opus est ad huiusce peccatoris ingratum in diuinam maiestatem animum ostendendum. Te, te ipsam obtestor terra, te mare, te cælum, & omnia, quæcunque Dei immortalis cœlesti potestate creata sunt: (quæ mirum est profecto non in hunc peccatorem conspirasse, & de tam scelerato, & omnibus vitiorum sordibus contaminato peccatore non sumpsisse pœnas.) Te testor terra, quam patefactis inferorum faucibus non absorpsisse peccatorem, mirum est profecto. Te testor mare, quod finibus contentum tuis, non rēte effudisti ac redundasti, ut tam scelestam, tam tetram belluam obrueres. Simile quidem est miraculi: & ut alias sensu carentes omittam, Te cur non tester cælum, unde multa sæpe fuerunt in improbos & nefarios homines fulmina crebro fulgure, & ruentis prope totius machinæ tuæ fragore terrifico? Hunc, hunc peccatorem non ictu alicuius fulminis conflagrasse, & deiectum in inferorum sedes animum eiusdem, flammis ardentibus flagraturum in perpetuum, quis non miretur? Non est credibile, tantam in vlllo feritatem esse potuisse, nisi manibus, nisi oculis tenerentur innumerablem bestiam tam terribilæ flagitia. Nullum enim sceleris, nullum flagitij genus reperietur, quod non ab hoc admissum fuerit in Deum immortalem. Atque sic est ex omni flagitiorum colluione factus, ut noua quotidie cogiter, noua nefarie & impiè in homines Deumque moliatur. Vos etiam testor, Auditores, quos aures occlusisse crediderim ad libidines, in quas semper sese effudit intemperanter. Testor quoque iudices, qui toties
admini-

administros suos ad hunc hominem comprehendendum, & coniciendum in carcerem, atque adeò in interiorem locum disiunctissimumque recessum detrudendum, & amandandum, procul cum infimis & sordidis hominibus, cum infamibus & latronibus & omni turpitudinis notâ condecoratis sæpe iussistis. Testor denique parentes eius miseros, qui filij sui scelerati liberandi causa iudicijs plurimis ad summam inopiam redacti, aliena misericordia viuunt stipem adhinc iam multos dies corrogantes vicatim. Quos antea diuites, quos copiosos, quos omnibus bonis affluentes vidistis, & honestè non inodò, sed aliquando magnificè domi suæ sumptus facientes; vt qui filios hominum, qui seruos, qui comitatum intuerentur, facile sibi persuaderent, multis pecunijs, fortunisque maximis locupletatos Principes ciuitatis esse. Si terra, si mare, si cælum ipsum, si lites & iudicia, si pericula capitis, si turpitudine & infamia, si parentum extrema nunc inopia, mendicitas, cæteræque miseriæ commouere non potuerunt: quid teller potissimum nisi crucem ipsam, nisi mortem Christi IESV? si hæc duo tantum animum ferro diriolem non commouerint, scio nihil vim vllam habiturum esse ad flectendum mentem tuam, & à scelorum multorum maximorumque prauitate deterrendum. Intuere igitur crucem illam, quam tanquam molem & machinam ad euertendas opes inimici Christus Iesus suis humeris comportauit. Intuere manus ac pedes clauorum diritate transfixos. Intuere Dominum terræ cœlique præpotentem in crucem actum, & te, te, inquam, benignitate summa ad gratiam inuitantem. Sic fortasse dirus iste tuus, & ex adamante factus animus tantæ benignitatis magnitudine mollietur.



DE COMMORATIONE.

Commoratio quoque ex adiunctis petitur, & sola, & alijs argumentis ornata. Nihil enim est aliud, quàm exercitatio, qua in eadem re immoramur, alijs & alijs coloribus rem distinguendo, vt si perfectissimum virum in B. Ignatio visendum proponamus.

Per-

Perfectio paupertatis in B. Ignatio.

AT quem mihi proponis paupertatis laude cumulatum virum? Ignatium, non solum se abdicantem rebus humanis, & sæculi vestibus exuentem pretiosis, & pauperis attritis, & centonibus induentem, & cum illis communi solum cibo potuque vires reficientem, ad sustentandam corporis imbecillitatem, ita plenum spei divinæ, fidentem summo præpotentique Deo, ut neque manticis, neque cucurbitâ utatur ad panem, & aquam necessariam deportandam. Qui cum iam Auctor esset Religionis Sociorum IESV, tanti paupertatem habuit, ut suis omni non modò usu superuacaneo rerum interdiceret, sed necessario, nisi parçè, nisi tenuiter, & pauperum verè egentium modo, qui cubicula non tabulis pictis ac nitidis, non signis opere mirabili fictis, non etiam imaginibus magno pretio emptis, non sellis multis, non librorum magnâ copiâ, reliquarumque rerum ad speciem supellectile exornata colebant: sed lecto, sellâ, mensâ, libris ad usum duntaxat necessarijs, contentos alumnos esse voluit, & ijs omnibus non politis, neque venustis, sed rudibus & impolitis, quæ præberent usum, non ostenderent accurationem. Atque his in hunc modum uti voluit, quasi commodatis, ut cum superiores vellent, auferrent, alijs eorum in locum suppeditatis, ad usum necessarium. Quid quòd in cubiculo nihil, quod esui, quod potui esset, neque quicquam ex fructibus, neque ex dulcibus; nihil conditanæ suos auferre, nec habere permisit, quia præscriptionibus prohibuit suis; & quæ foris dono mitterentur, in communiter deferri præcepit. Patent cubicula suorum nullis clauibus clausa, nullis asseruata seris communibus, neque pensilibus, ut cum quis venerit in cubiculum, introire possit, verbo solum audito, ingredi: scilicet Pater sanctissimus suos ed sp. stare voluit, & sibi persuadere, ut è cubiculo iussi discedere, discederent confestim, & in aliud, quasi in suum libenter immigrarent, cum animi magnalæritia; hinc commutatio passim vestium, immigratio familiaris ex uno in aliud cubiculum sociorum. Hinc verbum illud, Meum, ac Tuum, in alumnorum Ignatij ore versatur nunquam, sed usus solum usurpatus rerum, quas vel in cubiculo habent, vel in suo gestant corpore, ut inauditum planè & inusitatum sit socijs omnibus, vnum aut alterum verbum illud, meum & tuum. Quæ usquequòd exercen-

Expolitio in Confessore sanctissimo, Parente Sociorum IESV, Ignatio Beatissimo.

DEbemus, qui boni sumus rerum æstimatores, & veri sanctitatis absolutæ censores, pietatem Beatissimi Ignatii recognoscere, quâ in virtute, sicut in alijs, exemplum licet in tuamini exemplaris Christi IESV. Nam vultu ipso, ore, oculis, sermone, omnibusque suis actionibus pietatem exprimere visus est: ut nemo sanè accesserit ad eum, quem exceperit pietatis egens, qui non discesserit laudans, & resectus Ignatii pietate mirabili, neque notus solum, sed ignotus, amicus, & inimicus, fautor Societatis, seu obrectator. Quæ virtus quoniam longè lateque patet, & ad humana, & ad sacra pertinet, & in res ipsas, & in homines confertur, quocunque in genere tanti principis excellentia semper obijt officia pietatis absolutæ. Hæc non solum in colenda maiestate diuini numinis, sed in minimis quibuscunque rebus Deum attingentibus, à quibus à ij pietatis expertes non admodum abstinere, hæc inquam, ille magni colenda semper ac suspicienda curauit. Quamobrem cum ille ad Sacramentum Altaris accessurus esset, dici non potest, quâ comparatione, quâ pietate, vir sanctissimus accederet. Septem Urbis templa, & religione, & Pontificum Indulgentijs celeberrima suis anni temporibus, quamuis varijs modis affectus, diligenter & piè viuebat pedes, & hyemali tempore, ne tantorum bonorum communione seipsum fraudasse videretur, & alijs ad eadem sacra obeunda non exemplo fuisse maximo, Piacularia verò grana, quæ dicuntur, & cereas Agni cœlestis effigies, pietatque sanctorum iconculas, & alia id genus, tanti ducebat, tam cara habebat, ut & commendauerit semper, & ad pietatem excitandam donauerit frequenter, & earum copiam habuerit diligenter pieque asseruatam, ut post illius discessum è vita nihil ferè aliud apparuerit in suo scrinio. Sed quæ religioni hanc pietatem sanctissimis Mariæ & Christi Iesu, & cœlicum imaginibus, simulacris, & signis omnibus præstiterit, vel ex eo cognoscite, quòd nomina tanto cultu prosequutus fuerit, ut religiosiore quidem non potuerit: solum eorum audito nomine, lacrymæ statim oboriebantur, quibus opplebat os, & alienos sæpè ad Religionem adducebat. Veteres Æneam suum armis & pietate insignè celebrarunt, qui Penates, & sacra secum adue-

aduexerit, & Græci per medias flammæ saluum & incolumem excedere passi fuerint, hostes quamuis & Troianæ genti infestissimi. Carretani, quod vrbe à Gallis capta, Romani cum Diis æternoque Vestæ igne ad se profugerant, & vrbe Roma donati fuerunt, & digni habitû, à quorum nomine omnis Deorum suorum cultus ceremoniam traheret, & haberet in perpetuum. Metellus cognomento Pius appellatus fuit, qui pium se adeo, in Palladium Mineræ simulacrum præstiterit. Pompeius iuuenis olim celebratus, qui pietatem in exercitu, thesseram militarem voluerit. Atque hæc omnia vel in humanis, vel in falsis Diis & Idolis commentitiis locum habuerunt, & tantam eminentiam; in vero cultu, sanctâ Religione pietas non erit honori maximo, clarissimoque ornamento Beatissimo Patriarchæ Ignatio? Pietate quàm singulari pro Catholica Religione, pro Principibus, & Regibus, & Imperatoribus Christianis fuisse dicitur, non est facile commemorare dicendo. Qui Princeps eximius obliuisceretur Romani Pontificis, Vicarii Christi IESV? Scis sancte Deus, maiori semper cura fuisse, maiore & magis inflammato ardore muneris huiusce præstandi. Quid dicam fuisse, illum? ne vel minima vnquam indiligentia in eo animaduersa est. Sed vbi testes sunt tam locupletes, quid moror nonnullis rudi & incondito genere orationis spectaculis proferendis? Vos lacrymæ sanctissimæ, testamini pietatem Ignatii in sanctis precibus statim magna vi & copia semper erumpentibus: vt neque enitens, atque contendens cohibere posset, vsque eò, vt parum affuerit, quin oculorum aciem amiserit. Quod igitur remedium? Quanquam sua nihil, publicæ tamen vtilitatis, vniuersæ Societatis intererat, & coercere, & reprimere vim illam ingentem & flumen lacrymarum. Fuit autem pietate diuina consequutus, cum pro bono publico & Ecclesiæ precaretur, vt lacrymas cum velleret, contineret. Itaque quasi in manu vir sanctissimus habenas teneret, easdem pro voluntate sua, & adducebat, & remittebat. Sed duo pietatis accipite, precor, exempla ex innumerabilibus. Cum adhuc tyro, & nondum se vestibus sæculi exuisset, incidens eques in Maurum Virginis integritatem negantem, sic probri Mariæ allati vlciscendi, & honoris defendendi optimus miles fuit cupidus, vt inicius an occidendi Mauri religione teneretur, à manu habenas deposuerit, relinquens equum, quam versus partem velleret, iter progredi, certus tamen, si quâ Maurus contendebat, progrediretur, hominis occidendi, quod eam putaret Dei voluntatem. Sed cum diuina

providentia aliò deflecteret, abiecit voluntatem, factum illud diuino consilio ducens. Qui miles hac in virginem pietate fuit, & nondum iactis perfectioris vitæ fundamentis, qua precor esset, cum ad tantum perfectionis culmen, summumque fastigium peruenit? Illud etiam notum, qui tribus verbis, piè, benigneque hominem à nostra Religione alienum; Mane nobiscum Isache, compellans adeo ad Dei cultum flexerit, omninoque traduxerit. In homines vero talem, tam sanctum se præbuit, qualem in hunc Isachum, qualem scopus iustituti sui & Societatis fundatæ, in generis humani societatem infinitam spectans, prædicat & extollit. Qui pius in aduersarios, & suæ Religionis capitales inimicos fuit, qualis in reliquum proximorum genus existimandus erit? Hac pietate in omne genus sanctitatis, & virtutum maximarum excitabatur mirabili studio flagrantique ardore. Hac eadem pietate ad summum contemplationis fastigium, & tantam cum Deo familiaritatem ascendit. Hac, ut materia facilis ad concipiendum ignem, qui flammam mittit, & tollat in sublime, facillimus & aptissimus factus est ad tantas visiones cœlestes, & lumina claritatis diuinæ, quibus à traductione sua per omne tempus illustratus fuit, & visus post mortem plurimis immortalis gloriæ radiis circumfusus. Quibus de splendoribus non dicam amplius, quàm librum totum compactum & concinnatum fuisse. Et addo maximam visionum partem Parentem diuinum cœlasse filios suos, quæ sua semper cœlestis admiranda modestia fuit. Si pius Moyse, si pia Virgo, si pius Christus IESVS prædicatur, in pietatis speculum quartum, Virginis, & Verbi splendorem illustraturum clarissimè. Talem ac tantum parentem decebat, lumen istud pietatis. Rex apud aculeis caret, examen reliquum minimè pungens, neque exulcerans, neque vulnus faciens ullum, nihil mali cuiquam inuehens; aculeos infigere solent apes reliquæ, & sæpe, si quando violatæ, vel minimum læssæ sunt, bombo terrifico hominem insectantes.

DE EXORDIO ET NARRATIONE AB ADIUNCTIS.



Am latè patent adiuncta, ut nulla sit pars orationis, quam non obtineant. Pater illorum imperium in amplificationibus. Imperent modò in Exordiis, & in Narrationibus, quarum partium subiiciuntur exempla.

Exordium ab adiunctis persona.

MAGNUM mihi negotium facerent aduersarii, Auditores, in hac cathedræ primariæ, quod illi dicunt, dubia & ancipiti contentione. nisi vobis merita cuiuscunque nota essent, & Academiam totam nostri labores alacres & læti peruagarentur. Nam qui vobiscum versatus fui semper, & in hac Academia sic meorum studiorum tabernacula collocaui, ut ab ineunte pueritia prima Grammaticæ rudimenta didicerim, & reliquas artes liberales, ipsam Philosophiam, atque tandem cœlestis disciplinæ studia summo labore, qua spe, quo ingenio, qua auiditate, qua laude audistis omnes, & vidistis, coluerim, & persecutus fuerim, ad gradus usque perendos, & ad cathedras contendendas, quod modò cernitis, quid vos, minimè peregrinantes, nec errantes tanquam hospites in Academia, sed in cunctorum peruagato sermone versantes, narratione longa remorari velim, non video. Non debemus, qui fuimus aliquando Rhetores, & nostræ eloquentiæ specimen non vnum theatro frequentissimo, sæpe vobis audientibus, in sapientissimorum Doctorum laude præbuimus, obliuisci præceptiones oratorias, quibus uti narratione non licet in re perspicua, & omnibus testata. Quod si nobilissimi homines olim Romæ candidati, in honorum & Magistratuum suorum petitione, ne parum politi & elegantes haberentur, ab hoc narrandi genere abstinuerunt, me inscientem, in exercitum adeò præstabo, & impollitum, & inelegantem, ut trita narrem & peruulgata? Non faciam, Auditores.

Postulatio.

AVarus equidem id postulat, ut quoniam pecuniarum cupiditate flagrat, & diuitijs huius sæculi inhians, nullam aliam cogitationem, nisi de nummis, nisi de fortunis & opibus humanis suscipere potest, ut ad hos nummos comparandos, ad facultates & fortunas suas augendas, vos auditores præbeatis. Vobis equidem operam sibi præstantibus sperat, id quod per prauas rationes, per summum scelus, per aliorum spoliationem & fraudem apertam consequutus est, se breuiter ita quidem aucturum esse, ut cum ad pecunias magnas peruenerit, tum omnibus bonorum copijs affluat, quibus copiosus ac bene nummatus, & facile suæ ciuitatis locupletissimus appelletur; se diuitijs, & pecunijs maximis non præditum, nullum gaudium, nullam lætitiā capiturum esse confirmat; cum arcas aperuerit, & tentauerit, & respexerit nummorum refertos loculos, præ gaudio vix apud se futurum esse lætitijs omnibus gestientem. Quare petit à vobis, qui potestis, & consuecistis, alios vestro studio locupletare sæpissime, ut pecuniarum, & diuitiarum cupiditate flagrantem animum expleatis. Hæc quoniam iniqua vobis postulatio videtur, aliam ego, ut vos videbitis, multo æquiorē afferō. Primum à vobis Antonius petit, ut si vel nummulum aliquem, si quidquam rei acquisiturus sit, nisi bonis & honestis rationibus, nisi summo iure, & ex Dei diuinis præscriptionibus, ut nihil vnquam bonorum sibi comparet, neque auctam vnquam rem familiarem aspiciat; sed pauper & inops, totos vitæ suæ annos agat, & ostiatim stipem cogens ad se alendum & sustentandum; sin aut id quod cupit, & in quod est voluntas propensior, velle Deum intellexerit, ut crescant & augeantur suæ facultates & fortunæ magis ac magis ad commodandum alijs, ad opitulandum miseris & ærurnosis hominibus; id postulo atque peto iterum atque iterum, ut tales vos mihi præbeatis ad fortunas, & ad patrimonium vestrum augendum, ut non avaritiæ, sed liberalitati materiam suppeditasse videamini. Avarus pecunias vult, ut illæ nulli sint vsui, neque sibi, neque proximo; ego sic peto, ut meis honestè moderateque inseruiam, & multo magis indigentibus, & opem nostram implorantibus. Ille diuitias appetit, ut hæredes locupletes & copiosos relinquat, & ipse vitam in multis miserijs & angustijs agat; ego quidē, ut viuens & incolumis inopum & calamitosorum hominū generi opem feram

feram, & ante discessum animi è corpore in diuinum cultum religionemque conferam. Ille eos vult, vt loculorum aspectu pecuniis confertissimorum se oblectet, vt arces aperiens, tentet attriectetque loculos, vt eisdem sua verba iucundissima auarorum vilitato more faciat; ego vt ex comodo allato pauperibus, ex sumptibus rectè factis, ex collatis in vsus honestos atque præclaros, quàm magnam lætitiã accipiam, & bonorum omnium largitori Deo, ea munificus ac liberalis dicam, quæ bonum Christi cultorem dicturum esse maximè scio. Auge me bonis tuis, & fortunã meum statum, & fortunatiorem redde, liberalissimè magnificentissimeque Deus, ad misericordiam impetrandam ijs omnibus, qui bonitati diuinæ confidentes, meam opem imploratum venerint. Quæ fuerit hominis vniuscunque postulatio, vos Auditor s cernite, vt quæ boni viri facere debeant & consuecant, intelligatis.

Obsecratio.

Obscero Sanctissime mitissimeque Deus, vt mei ipsius miseraris, qui in hac miserâ & ærumnosa sæculi valle versor, innumeris periculis & telis hostilibus expositus. Tu mihi fer opem, qui promisisti à tuis genibus non repulurum esse quemquam hominem, qui misericordiam tuam implorauerit. Sponte soles miseris, & calamitosis hominibus occurrere, nullius etiam oratione sæpe vocatus, nunc verò clamoribus multis & assiduus precibus, tot lacrymis in tuo conspectu profusis, obsecro nostrarum te misereat calamitatum, qui vides, in quibus periculis versemur, quibus inimicorum insidijs dies noctesque circumnenti premamur. Obscero benignissime Deus, me ipsum ex hac dæmonis seruitute liberares. Peccavi, impiè egi, ad clemẽtiam tuam confugio, vt ignoscas obsecro, & meorum mihi des veniam peccatorum. Tu me ad tuam similitudinem & imaginem Deus Optime ac Maxime formasti, & editum in hanc lucem, sacro fonte ablutum, & Fidei Christianæ insignibus ornatum, & labe ac maculã parentis Adami in matris utero contractã expiatum per salutare lauacrum, in eum statum adduxisti, vt in tuã gratiã positus, in veterem amicitiam redirem. A pueritiæ cunabulis, quibus me beneficijs affecisti? quibus cumulaisti donis ac muneribus? quos præceptores ac magistros Religionis, quos ad colendam diuinã legem doctores mihi prębui? quos maximos duces ac principes virtutis omnib⁹ sanctitatis nume-


ris expletos. In quâ me Christianæ ditionis parte, in quibus regnis ac prouincijs fidei cultorum egregiè fidelium numero ac præstantiâ florentibus, doctrinaque verissimâ sanctissimâque Christi Iesu abundantibus, sanctorumque Doctorum, & Religiosarum omnium familiarum prædijs maximis firmissimisque munitis collocasti? Me tuum amicum antea, nunc inimicum & impurum flagitiosumque vides, qui his omnibus beneficijs à tua diuina maiestate acceptis, tam ingratus tuerim, vt vno solùm aspectu mulieris, vnâ voluptatis illecebrâ, à te meo duce parenteque summo defecerim, & in miseriam, & ærumnam peccati detestabilem & execrandam inciderim. Quid agam sanctissime Deus? quò me conuertam? cuius opem & auxilium, nisi tuum implorem in hac tantâ, & tam ærumnosâ calamitate? Per tuam misericordiam & benignitatem infinitam, per Filij tui merita, & per cruciatus eiusdem acerbissimos, per mortem suam sanctissimam, mihi in genua tua procumbenti, tuamque opem imploranti, quæso velis agnoscere. Agnosco bonitatem tuam, & prauitatem meam: agnosco tuam benignitatem, & ingrati animi mei labem: agnosco pulchritudinem tui numinis, & deformitatem ac maculas conscientiae meæ. Recordor acceptorum beneficiorum magnitudinem, & oblivionem meam, & ingratum, & immemorem animum: recordor per te, per custodem Angelum, sensus intimos & motus animi factos, & à me toties abiectam tui ipsius, boni Angeli, mandatorum tuorum, tuæ diuinæ voluntatis memoriam. Occidi, perij, interij totus miser, nisi tuâ benignitate opem mihi feras in tanto luctu & miserijs iacenti. Vates ille Rexus misericordiam tuam summo dolore, lacrymis multis implorabat: & afferens tuæ maximæ benignitatis monimenta ab initio nascētis mundi, egregijs numinis tui cultoribus testata, vt agnosceres suppliciter orabat: eandem implorabat misericordiam Magdalena, quæ demisso vultu, oculis in terram defixis, non erubuit vultus, & ora subire conuiuiarum, & procumbens in genua, à tergo sumens in manus pedes Assertoris Iesu, lacrymarum ingenti multitudine spargebat eos, & præ suspirijs, præ lacrymis verbum proloqui minimè poterat: sed os admouens pedibus, oscula imprimebat millies labijs infixis & inhzrentibus, & magis ac magis lacrymis pedes sanctissimos perfundens eosdem capillis autò fulgenti clarioribus abstergebat, ipsamque contra conuiuiarum sermones & linguas detrahentes & obtrestantes maledicè defendisti, & liberam ac vacuum omni cura,

sine angore, sine solitudine, peccatorum vinculis solutam discedere iussisti. Multos alios afferre possem testes tuæ benignitatis, & infinitæ misericordiæ: sed præ lacrymis loqui non possum. Tu igitur benigne, pie, misericorsque Deus, qui mihi mentem iniecisti confugiendi ad numen misericordiæ tuæ sempiternum, mihi precanti, gementi, lacrymanti da veniam, quam efflagito. Quid enim aliud ego possum facere nisi flere? nisi gemere? nisi mortem, & omnes quoscumque cruciatus & inferorum flammam velle, ac polliceri me potius perferre paratissimum esse deinceps, quàm quidquam sceleris in tuam Maiestatem suscipere?

Obtestatio.

Sed quid pluribus opus est ad huiusce peccatoris ingrati in diuinam maiestatem animum ostendendum. Te, te ipsam obtestor terra, te mare, te cælum, & omnia, quæcunque Dei immortalis cœlesti potestate creata sunt: (quæ mirum est profecto non in hunc peccatorem conspirasse, & de tam scelerato, & omnibus vitiorum sordibus contaminato peccatore non sumpsisse pœnas.) Te testor terra, quam patefactis inferorum faucibus non absorpsisse peccatorem, mirum est profecto. Te testor mare, quod sinibus contentum tuis, non rite effudisti ac redundasti, ut tam scelestam, tam terram belluam obrueres. Simile quidem est miraculi: & ut alias sensu carentes omittam, Te cur non tester cælum, unde multa sæpe fuerunt in improbos & nefarios homines fulmina crebro fulgure, & ruentis prope totius machinæ tuæ fragore terrifico? Hunc, hunc peccatorem non ictu alicuius fulminis conflagrasse, & deiectum in inferorum sedes animum eiusdem, flammis ardentibus flagraturum in perpetuum, quis non miretur? Non est credibile, tantam in villo feritatem esse potuisse, nisi manibus, nisi oculis tenerentur innumera bestiarum tam terribilia flagitia. Nullum enim sceleris, nullum flagitij genus reperietur, quod non ab hoc admissum fuerit in Deum immortalem. Atque sic est ex omni flagitiorum colluione factus, ut noua quotidie cogiter, noua nefarie & impie in homines Deumque moliantur. Vos etiam testor, Auditores, quos aures occlusisse crediderim ad libidines, in quas semper sese effudit intemperanter. Testor quoque iudices, qui toties admini-

administros suos ad hunc hominem comprehendendum, & coniciendum in carcerem, atque aded in interiorem locum disunctissimumque recessum detrudendum, & amandandum, procul cum infimis & sordidis hominibus, cum infamibus & latronibus & omni turpitudinis notâ condecoratis sæpe iussistis. Testor denique parentes eius miseros, qui filij sui scelerati liberandi causa iudicijs plurimis ad summam inopiam redacti, aliena misericordia viuunt stipem adhinciam multos dies corrogantes vaticim. Quos antea diuites, quos copiosos, quos omnibus bonis affluentes vidistis, & honestè non inodò, sed aliquando magnificè domi suæ sumptus facientes; ut qui filios hominum, qui seruos, qui comitatum intuerentur, facillè sibi persuaderent, multis pecunijs, fortunisque maximis locupletatos Principes ciuitatis esse. Si terra, si mare, si cælum ipsum, si lites & iudicia, si pericula capitis, si turpitudine & infamia, si parentum extrema nunc inopia, mendicitas, cæteræque miseriæ commouere non potuerunt: quid tæster potissimum nisi crucem ipsam, nisi mortem Christi IESU? si hæc duo tantum animum ferro diriorem non commouerint, scio nihil vim ullam habiturum esse ad flectendum mentem tuam, & à scelerum multorum maximorumque prauitate deterrendum. Intuere igitur crucem illam, quam tanquam molem & machinam ad euertendas opes inimici Christus Iesus suis humeris comportauit. Intuere manus ac pedes clauorum diritate transfixos. Intuere Dominum terræ cœlique præpotentem in crucem actum, & te, te, inquam, benignitate summa ad gratiam inuitantem. Sic fortasse dirus iste tuus, & ex adamante factus animus tantæ benignitatis magnitudine mollietur.



DE COMMORATIONE.

Commoratio quoque ex adiunctis petitur, & sola, & alijs argumentis ornata. Nihil enim est aliud, quàm exercitatio, qua in eadem re immoramur, alijs & alijs coloribus rem distinguendo, ut si perfectissimum virum in B. Ignatio visendum proponamus.

Per-


Perfectio paupertatis in B. Ignatio.

AT quem mihi proponis paupertatis laude cumulatum virum? Ignatium, non solum se abdicantem rebus humanis, & sæculi vestibus exuentem pretiosis, & pauperis attritis, & centonibus induentem, & cum illis communi solum cibo potuque vires reficientem, ad sustentandam corporis imbecillitatem, ita plenum spei diuinæ, fidentem summo præpotentique Deo, ut neque manticis, neque cucurbitâ utatur ad panem, & aquam necessariam deportandam. Qui cum iam Auctor esset Religionis Sociorum IESV, tanti paupertatem habuit, ut suis omni non modò usu superuacaneo rerum interdiceret, sed necessario, nisi parcè, nisi tenuiter, & pauperum verè egentium modo, qui cubicula non tabulis pictis ac nitidis, non signis opere mirabili fictis, non etiam imaginibus magno pretio emptis, non sellis multis, non librorum magnâ copiâ, reliquarumque rerum ad speciem supellectile exornata colebant: sed lecto, sellâ, mensâ, libris ad usum duntaxat necessarijs, contentos alumnos esse voluit, & ijs omnibus non politis, neque venustis, sed rudibus & impolitis, quæ præberent usum, non ostenderent accuratorem. Atque his in hunc modum uti voluit, quasi commodatis, ut cum superiores vellent, auferrent, alijs eorum in locum suppeditatis, ad usum necessarium. Quid quòd in cubiculo nihil, quod esui, quod potui esset, neque quicquam ex fructibus, neque ex dulcibus; nihil conditaneis suos asseruare, nec habere permisit, quin præscriptionibus prohibuit suis; & quæ foris dono mitterentur, in communitatem deferri præcepit. Patent cubicula suorum nullis clauibus clausa, nullis asseruata seris communibus, neque pensilibus, ut cum quis venerit in cubiculum, introire possit, verbo solum audito, ingredi: scilicet Pater sanctissimus suos eò spectare voluit, & sibi persuadere, ut è cubiculo iussi discedere, discederent confestim, & in aliud, quasi in suum libenter immigrarent, cum animi magnalæritia; hinc commutatio passim vestium, immigratio familiaris ex uno in aliud cubiculum sociorum. Hinc verbum illud, Meum, ac Tuum, in alumnorum Ignatij ore versatur nunquam, sed usus solum usurpatus rerum, quas vel in cubiculo habent, vel in suo gestant corpore, ut inauditum planè & inusitatum sit socijs omnibus, vnum aut alterum verbum illud, meum & tuum. Quæ usquequòd exercen-

tur, & inualuerunt in Societate, vt maximè angusta inter eos paupertas seruetur Apostolorum, primis orta nascentis Ecclesiæ cunabulis. Vultis dicam ferè, quod de paupertate iudicium fecerit Ignatius? Matrem illam Religionis, murum Societatis fortissimum appellauit. Ego verò audeo dicere, omnium sacrarum Familiarum veniâ, quod omnes mihi concedent, quod ad priuatum Religiosum vsu spectat, nullum ex sacris omnibus familiis, neque seuerius, neque angustius, in quo omnia ita contracta sint, & adducta in angustiam, atque in suis Societatis Iesu paupertatis genus. Quod verò ad communitatem, vel ipsius Societatis vniuersitatem spectat, Domos Professas sic institutas & fundatas voluit, atque præscripsit. vt nullos redditus haberent, nihil præter donum incolendam, & hortum quo valetudini, & pensis quotidianis exhausti irent refectum seipsos, ad operas proximorum, & onera rependa Religionis. Pro concionibus, pro sacris, nihil erogandum censuit atque imperauit, quod liberius sui munera spiritus obirent, & quod gratis acceperunt, gratis in Dei obsequium pietatemque conferrent. Ita procul à Societate funera externorum pecunijs erogatis concelebranda, procul sacerdotia illa (quæ vulgo Capellinæ dicuntur.) Voluit suos nudos & inanes rerum ferè omnium, vni nudo & pauperi Christo Iesu semper inseruire. Tanta fuit Patriarchæ sanctissimi in rigidam ac seueram paupertatis rationem propensio & amor singularis. Verum sanè paupertatis Apostolicæ, & Christi Iesu disciplinæ, viuum & expressum exemplar, licet in Confessore Ecclesiæ sanctissimo recognoscere: si enim paupertas in rerum humanarum contemptione ac despicientia posita est, quàm pauper ille, qui tam verè & ex animo paupertatem amplexus fuit? Qui modus, quæ ratio fingi potest rerum contemnendarum, quam non ex superioribus in Ignatio vigentem aspiciamus? Si paupertas, vel à paruo dicta est, vel à paruolare, quem magis paupertatis amantem reperiemus, atque Ignatium, qui vias omnes suis ad res huiusce sæculi præclusit, qui domos non iuncturis non emblematis, non opere mirifico, sed vsitato, honesto, ad paupertatem spectante, ædificandas præscripsit? Addam duo, quæ in Heroe Religionis insunt illustria, & prædicantia paupertatis amorem infinitum. Professi, præter commune paupertatis votum solenne, facere alia debent priuata laxandæ nunquam, sed astringendæ potius paupertatis. Cum verò ambitio miserrima sit honorum contentio, conturbetque facile,

facile, aut palam, vel occultè Religionis officia sanctissima, suis, honoribus huiusmodi interdictum voluit præcipuâ voti Religione constrictis. Cuius de virtute Patris & suorum sanctissima in his summo iure seruandis exempla afferre potuimus illustria, & omni admiratione digna, nisi ad alia properaret oratio. Vos Auditores, in hoc paupertatis amore cogitate quos volueritis, parentes sacrarum Familiarum, & inter alios Dominicos, Franciscosque, & horum similem agnoscetis Beatissimum Ignatium.

Alia possem genera commorationis afferre, sed contentus superiore, in quo & adiuncta, & subsidia aliorum argumentorum insunt, ab alijs abstinebo. Qui plura commorationis genera voluerit, adeat nostræ Demonstrationis opus. Tamen bone Lector admonitum vellem, superiorem commorationem, & ad alias exercitationes huiusce generis patefacere posse viam, siue adiuncta nuda, siue alijs argumentis conuicta consideraueris.



DE EXPOLITIONE.

Vltima est Exercitatio ad locum adiunctorum spectans, Expolitio, qua latius patet atque commoratio: hæc enim priuatim progreditur: Expolitio verò sapius sese effundit vniuersè. Huius Expolitionis, genera videbimus in Demonstratione nostrâ, meâ solùm interest, vnâ aut alterâ ex adiunctis, Exempli ergo, literis mandare.

Expolitio in Confessore sanctissimo, Parente Sociorum IESV, Ignatio Beatissimo.

DEbemus, qui boni sumus rerum æstimatores, & veri sanctitatis absolutæ censores, pietatem Beatissimi Ignatii recognoscere, quâ in virtute, sicut in alijs, exemplum licet intueamini exemplaris Christi IESV. Nam vultu ipso, ore, oculis, sermone, omnibusque suis actionibus pietatem exprimere visus est: ut nemo sanè accesserit ad eum, quem exceperit pietatis egens, qui non discesserit laudans, & refectus Ignatii pietate mirabili, neque notus solum, sed ignotus, amicus, & inimicus, fautor Societatis, seu obtrektor. Quæ virtus quoniam longè lateque patet, & ad humana, & ad sacra pertinet, & in res ipsas, & in homines confertur, quocunque in genere tanti principis excellentia semper obijt officia pietatis absolutæ. Hæc non solum in colenda maiestate diuini numinis, sed in minimis quibuscunque rebus Deum attingentibus, à quibus a i pietatis expertes non admodum abstinent, hæc inquam, ille magni colenda semper ac suspicienda curauit. Quamobrem cum ille ad Sacramentum Altaris accessurus esset, dici non potest, quâ comparatione, quâ pietate, vir sanctissimus accederet. Septem Urbis templa, & religione, & Pontificum Indulgentijs celebrissima suis anni temporibus, quamuis varijs modis affectus, diligenter & piè viuebat pedes, & hyemali tempore, ne tantorum bonorum communione seipsum fraudasse videretur, & alijs ad eadem sacra obeunda non exemplo fuisse maximo, Piacularia verò grana, quæ dicuntur, & cereas Agni cœlestis effigies, pictæque sanctorum iconculas, & alia id genus, tanti ducebat, tam cara habebat, ut & commendauerit semper, & ad pietatem excitandam donauerit frequenter, & earum copiam habuerit diligenter pieque asseruatam, ut post illius discessum è vita nihil ferè aliud apparuerit in suo scrinio. Sed quæ religioni hanc pietatem sanctissimis Mariæ & Christi Iesu, & cœlicum imaginibus, simulacris, & signis omnibus præstiterit, vel ex eo cognoscite, quòd nomina tanto cultu prosequutus fuerit, ut religiosiore quidem non potuerit: solum eorū audito nomine, lacrymæ statim oboriebantur, quibus opplebat os, & alienos sæpè ad Religionem adducebat. Vereretur Æneam suum armis & pietate insignè celebratū, qui Penates, & sacra secum adue-

aduexerit, & Græci per medias flammæ saluum & incolumem excedere passi fuerint, hostes quamuis & Troianæ genti infestissimi. Czretani, quod vrbe à Gallis capta, Romani cum Diis æternoque Vestæ igne ad se profugerant, & vrbe Roma donati fuerunt, & digni habiti, à quorum nomine omnis Deorum suorum cultus ceremoniam traheret, & haberet in perpetuum. Metellus cognomento Pius appellatus fuit, qui pium se adeo, in Palladium Mineræ simulacrum præstiterit. Pompeius iuuenis olim celebratus, qui pietatem in exercitu, thesseram militarem voluerit. Atque hæc omnia vel in humanis, vel in falsis Diis & Idolis commentitiis locum habuerunt, & tantam eminentiam; in vero cultu, sanctâ Religione pietas non erit honori maximo, clarissimoque ornamento Beatissimo Patriarchæ Ignatio? Pietate quam singulari pro Catholica Religione, pro Principibus, & Regibus, & Imperatoribus Christianis fuisse dicitur, non est facile commemorare dicendo. Qui Princeps eximius obliuisceretur Romani Pontificis, Vicarii Christi IESV? Scis sancte Deus, maiori semper cura fuisse, maiore & magis inflammato ardore muneris huiusce præstandi. Quid dicam fuisse, illum? ne vel minima vnquam indiligentia in eo animaduersa est. Sed vbi testes sunt tam locupletes, quid moror nonnullis rudi & incondito genere orationis spectaculis proferendis? Vos lacrymæ sanctissimæ, testamini pietatem Ignatii in sanctis precibus statim magna vi & copia semper erumpentibus: vt neque enitens, atque contendens cohibere posset, vsque eò, vt parum affuerit, quin oculorum aciem amiserit. Quod igitur remedium? Quanquam sua nihil, publicæ tamen vtilitatis, vniuersæ Societatis intererat, & coercere, & reprimere vim illam ingentem & flumen lacrymarum. Fuit autem pietate diuina consecretus, cum pro bono publico & Ecclesiæ precaretur, vt lacrymas cum velleret, contineret. Itaque quasi in manu vir sanctissimus habenas teneret, easdem pro voluntate sua, & adducebat, & remittebat. Sed duo pietatis accipite, precor, exempla ex innumerabilibus. Cum adhuc tyro, & nondum se vestibus sæculi exuisset, incidens eques in Maurum Virginis integritatem negantem, sic probri Mariæ allatæ vlciscendi, & honoris defendendi optimus miles fuit cupidus, vt incius an occidendi Mauri religione teneretur, à manu habenas deposuerit, relinquens equum, quam versus partem velleret, iter progredi, certus tamen, si quâ Maurus contendebat, progrediretur, hominis occidendi, quod eam putaret Dei voluntatem. Sed cum diuina

providentia aliò deflecteret, abiecit voluntatem, factum illud diuino consilio ducens. Qui miles hac in virginem pietate fuit, & nondum iactis perfectioris vitæ fundamentis, qua precor esset, cum ad tantum perfectionis culmen, summumque fastigium peruenit? Illud etiam notum, qui tribus verbis, piè, benigneque hominem à nostra Religione alienum; Mane nobiscum Isache, compellans adeo ad Dei cultum flexerit, omni noque traduxerit. In homines vero talem, tam sanctum se præbuit, qualem in hunc Isachum, qualem scopus iustituti sui & Societatis fundatæ, in generis humani societatem infinitam spectans, prædicat & extollit. Qui pius in aduersarios, & suæ Religionis capitales inimicos fuit, qualis in reliquum proximorum genus existimandus erit? Hac pietate in omne genus sanctitatis, & virtutum maximarum excitabatur mirabili studio flagrantique ardore. Hac eadem pietate ad summum contemplationis fastigium, & tantam cum Deo familiaritatem ascendit. Hac, ut materia facilis ad concipiendum ignem, qui flammam mittit, & tollat in sublime, facillimus & aptissimus factus est ad tantas visiones cœlestes, & lumina claritatis diuinæ, quibus à translatione sua per omne tempus illustratus fuit; & visus post mortem plurimis immortalis gloriæ radiis circumfusus. Quibus de splendoribus non dicam amplius, quàm librum totum compactum & concinnatum fuisse. Et addo maximam visionum partem Parentem diuinum exlasse filios suos, quæ sua semper cœlestis admiranda modestia fuit. Si pius Moyse, si pia Virgo, si pius Christus IESVS prædicatur, en pietatis speculum quartum, Virginis, & Verbi splendorem illustratum clarissimè. Talem ac tantum parentem decebat, lumen istud pietatis. Rex apum aculeis caret, examen reliquum minimè pungens, neque exulcerans, neque vulnus faciens vllum, nihil mali cuiquam inuehens; aculeos infigere solent apes reliquæ, & sæpe, si quando violatæ, vel minimum læssæ sunt, bombo terrifico hominem insectantes.



DE EXORDIO ET NARRATIONE AB ADIUNCTIS.



*Am latè patent adiuncta, ut nulla sit pars orationis, quam non obrineant. Patet illorum imperium in amplificationibus. Imperent modò in Exordiis, & in Narrationibus, quarum par-
tium subiiciuntur exempla.*

Exordium ab adiunctis persona.

MAgnum mihi negotium facerent aduersarii, Auditores, in hac cathedræ primariæ, quod illi dicunt, dubia & ancipiti contentione, nisi vobis merita cuiuscunque nota essent, & Academiam totam nostri labores alacres & læti peruagarentur. Nam qui vobiscum versatus fui semper, & in hac Academia sic meorum studiorum tabernacula collocaui, ut ab ineunte pueritia prima Grammaticæ rudimenta didicerim, & reliquas artes liberales, ipsam Philosophiam, atque tandem cœlestis disciplinæ studia summo labore, qua spe, quo ingenio, qua auiditate, qua laude audistis omnes, & vidistis, coluerim, & persecutus fuerim, ad gradus usque petendos, & ad cathedras contendendas, quod modò cernitis, quid vos, minimè peregrinantes, nec errantes tanquam hospites in Academia, sed in cunctorum peruagato sermone versantes, narratione longa remorari velim, non video. Non debemus, qui fuimus aliquando Rhetores, & nostræ eloquentiæ specimen non vnum theatro frequentissimo, sæpe vobis audientibus, in sapientissimorum Doctorem laude præbuimus, obliuisci præceptiones oratorias, quibus uti narratione non licet in re perspicua, & omnibus testata. Quod si nobilissimi homines olim Romæ candidati, in honorum & Magistratuum suorum petitione, ne parum politi & elegantes haberentur, ab hoc narrandi genere abstinuerunt, me inscientem, in exercitum aded præstabo, & impolitum, & inelegantem, ut trita narrem & peruulgata? Non faciam, Auditores.

At est aliquis laborum meorum insciens, ignarus progressionum nostrarum, & cursus studiorum: non committam tamen, ut cum suffragatores omnes non inscii sint, vestras aures offendam, quas prælectioni tam attentas præbuitis nec minimum oculos à nobis inter prælegendum auercentes, ut vobis æquissimis Iudicibus, & Academiæ consulendi cupidis admodum diffidam. Quamobrem nulla meorum studiorum mentione habita, nullo de progressionibus verbo facto, quæ in bono præceptore spectanda sint, solum ostendam, & breuiter & simpliciter, ex quibus quid factu optimum sit, boni rerum æstimatores, & incorrupti Iudices intelligatis.

Exordium ab adiunctis loci.

SI quæ loci dignitas huiusce postulat, spectare voluissem Auditores, ab hoc dicendi genere abstinere hodierno die, neque in hanc theatri amplitudinem, tam illustrem & præclaram loci celebritatē quæ desertis oratoribus, & facultatis Oratoriæ gloria commendatis semper patuit, cum mente semper & animo formidauerim, tum oculis modò in omnes partes coniectis, timere quidem sine magno timore non possum, ascendissem. Quocunq; enim me conuertam, video clarissimos Magistratos, sapientissimos Doctores, lumina & ornamenta Academiæ, Principesque & Antesignanos totius sapientiæ cognitionisque dotibus distinctos, & inter eos, Crassios, Antonios, Cicerones, ac Demosthenes conspicuos, quorum aspectus timorem iniicit huiusmodi, ut penè mutum & elinguem me non fieri, hiscere ausum fuisse, mihi meam inopiam cogitanti, & eorum thesauros & diuitias eloquentiæ pendenti, mirum profectò videatur. Quod si summi Oratores in suggestum ascendētes, vix apud se esse visi sunt, & receptui, nondum missa voce, continuò canere cupierunt, sæpe ac sæpius etiā gratiam Auditorum aucupati suarum orationum ornatu & elegantia, quid mihi futurum putatis, qui nullam adhuc gratiam neque collegi, neque merui ex hac loci celebritate deportare? Adductus in has angustias, quibus me videtis, habeo profectò subsidii nihil, nisi opem vestram & benignitatem, qua multorum animos iacentes erigere consuevistis, implorem, quæ plus quidem opis offerre debet, quo magis & illa visus sum tempore indigere, & in eadem spem ponere diffidentiae nostræ, & examinationis, quæ si non ad pallorem accessit, neque ad præclusum spiritum,

rum, tamen ad officium liberè faciundum, & ad bene de Academia merendum frangit ac debilitat animum. Quare adeste, precor, Auditores, Oratori benignitatem vestram flagitanti, qua timorem, quem amplitudo loci facit, omittens, orationem habeam, de laudibus viri clarissimi hoc consessu Doctissimorum virorum, hoc concursu omnis generis & ordinis alumnorum, tanta spe & expectatione literarum & ornamentorum, quibus abundat materies copiosa nimis & gloriosa Theologorum senatui Doctorum, qui talem actantum virum tanta laude cumulatam obtinuerunt, ut maiori nequeant sperare quinquam. Ac si quærat, quibus de rebus dicturus sim, omissa patria, nobilitate generis, fortunis & opibus amplis, in literarum, in honorum, in virtutum campo latissimo, per spatium, quod Oratori detur, quo poterit ornatus, vobis benigne audientibus, excurret Oratio.

Exordium ex adiunctis temporis, ad Orationem

B. Eustachii.

Dies hæc, Auditores, mihi præstituta foeliciter ad B. Eustachii laudem, non bonis oratoribus fugienda fuit, temporum varietatem & conuersionem afferens, lætam & iucundam, & quam vulgus putat aduersam multumque iactatam, licet cultores perfectionis amantes, pro suarum virtutum numeris omnibus expletis, bonam & secundam, id quod faciunt bene quidem, & sic facere debent, appellare consueuerunt. Nam primum secunda fortuna, dum in seculo fuit, opibus, filiis, vxore, honore nimium amplificata, primam partem sibi vendicat; altera tempus habet Christi IESV in venatione oblari, & ad prælia magni Athletæ Beatum Eustachium comparantis admirandam visionem; tertia conuersiones rerum & inclinationem fortunæ maximam, fortunas amissas, discessum à patriis laribus in inopia extrema lugubrem ac miserum, ablatos filios, ereptam vxorem, ipsum hæc omnia variosque ictus inflictos fortiter pro Christi IESV gloria perferentem; vltima restitutum Eustachium in pristinum statum & honorem maximum, filios & vxorem redditam, ac diuino numine recuperatam, cunctorum foelicem ac fortunatum progressum in vitæ vsque discessum gloriosum. In quibus omnibus licet Auditores documenta data virtutis, patientiæ, fortitudinis in B. Eustachio, de perenni humani generis inimico triumphante, gloriosasque deportante victorias, agnoscere, laudare, mirari modis omni-

bus, & ipsius Eustachii tam multiplici ratione probati, & spectari, perpetuam constantemque perseverantiam ante oculos Auditorum imitandam proponere. Nam si Beatum Iob amicū Dei immortalis, vereque tantæ maiestati gratiosum, quo de ipsa temporæni numinis celsitas gloriatur, patientiæ laudibus & trophæis insignem, decus & lumen inuictorum Dei alumnorum, exemplar inuictæ patientiæ, fortitudinis, & constantiæ viuum & expressum colimus, & veneramur; debemus quidem similem Iob viri præstantissimi Eustachium quoque patientissimum, & eisdem penè in certaminibus celebratum, & trophæis immortalitatis non minoribus exornatum, pari quidem in laude ponere, & ad Dei sempiterni laudem honorandum colendumque hodiernâ, & tam faustâ, tam fortunatâ dici celebritate honoris plenâ oratione proferre. Quod si mihi quisquam opposuerit perugilium hoc esse feriarum B. Matthæi, & vespertinum tempus, cum preces vespertiæ tanti Principis huiusce cultu ac religione Mater Ecclesia diuino spiritu afflata recolit, & instaurat, non inficias ire possum, sed priuam B. Eustachio priuata religione sui studiosorum tempus hoc in sacello sibi consecrato, pro suarum feriarum honore, dicatum fuisse consecratumque meminerit. Atque recordetur idem, ob hanc causam nihil de sanctissimi Apostoli feriis detrahi, quæ publicè cunctorum templorum Ecclesiæ patentibus valuis ubique locorum recoluntur solemnī ritu cæremoniisque celebrioribus. Quare dum huius diei celebritate insigni, studiosi B. Eustachii perfruuntur, date veniam ad quatuor tempora vitæ præstituta breui oratione recolenda: quæ usque eò progrediuntur, ut amissis bonis, ablatiis filiis & vxore, eisdemque postea miraculo cœlesti recuperatis, vitam cum sanguine pro Christi IESV Religione Beatissimus profundat Eustachius.

EXORDIVM EX ADIVNCTIS QVATVOR,
*persona, loci, temporis, ac modi, in laudem Philippi, hoc
 nomine tertij, Hispaniarum Regij, scholæ Societatis.*
 IESV inuisentis.

SI quod tempus fuit, celsissime Rex, in quo Societas IESV, cuius & Austriacæ familiæ Regiæ & excelsæ beneficiis maximis per omnem ætatem, vbique locorum, & Regia planè liberalitate affecta, gratiam aliquam referre potuit, hoc profectò præiens fuit & fœlicissimum, te nostram Academiam inuisentem, & splendore tuæ Regiæ Maiestatis scholas illustrante, vt oblata fœlicitatis occasionem sine crimine graui, & perfidiæ notâ valde turpi, in sæculorum posteritatem eluendâ nunquam, prætermittere tuæ amplificationis studiosa non potuerit. Tantam enim Maiestatem Regiam, Hispaniarum & Indiarum dominatione fortunatissimam, atque ad vltimos lapponios, & in Sinarum, quò nullæ gentes accesserunt, sinus remotissimos tanto dominatu penetrantem, dominantemque ditiorne potentissima, sine summa, debitaque tantæ Maiestati submissione recognoscere debuit in tanta scholis omnibus, Academicæ & huic loco Solis luce oborto splendore clariore. Nam si nullis in locis de tanto tamque præpotenti terrarum Domino Societas non fuisset merita, Regio solum nomine, & sui Regis celsissimi, potentissimiq; solo aspectu illustrata, tam ingentis beneficii magnitudinem, inusitatamque liberalitatem pro suis viribus & facultatibus literariis, atque adeo reduntantibus humanæ facundiæ fluminibus efferre debuisset, præsertim tot innumeris & immortalibus, tot Principum, tot Regum, tot Imperatorum beneficiis affecta, tot ab eisdem Collegiis, domibus Probationum, domiciliisq; Professorum amplificata, per omnes fere partes sedesque Christianorum: Et iis modis atque rationibus, quibus inimicorum fidei conatibus, & hæreticorum factionibus in Societatem tumultuantibus obuiam Principes Austriaci processere non raro, nostrorum defendendorum, & ab illorum impiis & sacrilegis manibus defendendorum causa. Si Pompeium victorem Asiæ, inuisentem Athenas bonarum artium inuentrices, & imperatoriâ suâ maiestate, ad triumphum vsque permansuta, populorum, vrbium, prouinciarum, regnorum dominatu potentissimo carente præditum præceptores omnes literariis honoribus ornandum decorandumq;

curarunt, qua grati animi voluntate, quibus officiis, qua demissione colemus, & quantum in nobis fuerit, hac nostra ingenii tenuitate Regiam hanc Augustam tuam Maiestatem, tot beneficiorum memores obsequio tuo dediti prosequemur? Obest nobis & Oratori tua hæc Maiestas, nostrorum ut oculorum, sic mentis aciem insolito splendore perstringens, non inficiabor: At quam deterrere videtur sceptri potentia Regalis, excitat benignitas tua, tanto Rege, tantoque Cæsare dignissima, quæ dum mihi facit animos, ad instituendam orationem, & ad eandem in exitum prouehendam alacritatem afferre non desinet.

EXEMPLA NARRATIONVM

ex adiunctis.

Exempla proponemus ex adiunctis aut solis, aut comitatu antecedentium, & consequentium: ex iis tribus duntaxat argumentis, simplices Narrationes constant.

*Puer deductus in Societatis IESV
scholas.*

Deductus fui à parentibus in Societatis IESV scholas, & primum ad præfectum, qui me excuteret. Qui legendi scribendiq; peritum misit in Primanorum classem, primis Grammaticæ rudimentis imbuendum, quibus institutus, & classes omnes breuiter prætergressus, transii prouectus in Grammaticis ad Rhetores, inter quos versus optimos & solutas orationes facere didici ad Præceptoris, & quod cupit est, ad Ciceronis imitationem. Orationes pronuntiabam, & suauitate vocis, & venustate agendi, nec vlla fuit Rhetoricæ exercitatio, ad quam cum prouectis non deligerer à Præceptore, cui carus eram, non ingenio solum & literariis progressionibus commendatus, sed etiam propensione in virtutem naturali, frequentatione factorum, expiatione conscientia celebrata, & ab omni dissensione, tumultuque alieno prorsus animo: qui nihil nisi scholas, & domum, & templum tenebam, & ad summum rusticationem propinquiorem vrbi. Cum in Academiam venirem, primum rectà in templum, precibus adhibitis in gymnasium. neque vnquam in porticibus, nunquam in peristylis, nunquam

in classe visus fui, nisi res literarias agens. Cum excessi è Rhetoricis in Dialecticorum gymnasiis candorem illum & mundiciam animi retinere omni semper ope contendi. Liberalium artium curriculum confeci, nunquam publicis concertationibus abesse studens, siue argumentando, siue propugnando boni Dialectici, ac Philosophi nomen obtinui: cuius specimen, non vulgare dedi excussus ad Bacchalaurei Licentiatique gradum, quib⁹ insignibus ornatus processit tandem ad Theologos: Theologorum studium & nomen, ut in reliquo progressu feceram, & diligentia & virtute prouehere conatus fui in studiorum usque cursum confectum. Hic meorum studiorum ad Theologiam usq; duplicem lauream cursus perpetuus atq; constans, nullis intermissus ludis, neque vanis oblectationibus, nullis laboribus, neque vigiliis fractus.

*Altera Narratio Salmanticensis
scholastici.*

Missus Salmanticam à patre, iam Grammaticis & Rhetoricis non mediocriter imbutus, ut iuri civili operam nauarem, nihil mihi prius, nec antiquius fuit, quam ut bene tempus consumerem, & pecunias paternas, disunctus à vagis & errantibus adolescentulis, & tempus inane terentibus, bene semper infumerem. Adiunxi me ad contubernales, moribus, studiis & voluntate mirificè conuenientes, qui sic partiti tempus fuimus, ut diem audiendis prælectionibus, nocte recolendis separatim in cubiculis, postea spatio trium horarum expleto, conati conferremus inter nos: ita sexqui hora cœnando, repetendoque consumpta nos in nostra cubicula redeuntes in duodecimam usque pensum literarium repetebamus. Quæ ut bene procederent, neque audiendi sacri, neque Virginei circuli unquam persoluendi, neque excutiendæ conscientiæ consuetudinem intermisimus, octauo quoque die sordes animorum per sacras Confessiones eluendo. Hunc cursum tenuimus per quinquennium, quoad tempus relegendi iuris accessit, & Bacchalaurei, tandem iam elapso quinquennio, gradus & honores primi summa præceptoris voluntate delati.

Narratio petentis Collegium Dialecticæ.

Oppressi inopia parentes mei, Complurum me miserunt post Grammaticæ nauatam operam, ut qui ingenio æqualibus & maioribus natu videbar euellere, & maioribus studiis vacare non poteram in patria, Dialecticæ Collegium contenderem. Qualis euaserim, Vicarius sæpe suæ diligentia relictus à præceptore, nolo dicere, qui dicens, me laudarem: Sed tentant progressionem meas à vobis Præfecti examinandis adolescentibus, præceptores de vestra Academia magni & exquisiti, qui si non Rhetorem, Grammaticum tamen, & audiendæ Dialecticæ idoneum probarunt, ad artes liberales, & ad Philosophiam me natum acuto ingenio commendarunt, & vos Rector, & Collegæ sapientissimi, suis testimoniis, ut spero, probatum accepistis. Si pro votis non succellent contentio huiusmodi, cogor inopia patrios in lares redire, ubi in Grammaticis consistam, præcis ad euolandum ingenti pennis. Vos quid optimum factu pro vestra benignitate decernetis.

Narratio petentis Collegium maximum.

Institutis literis humanioribus, & Rhetoricæ facultate non mediocriter instructus, Collegium Dialecticorum obtinui, in quo cum Collegis meis Dialecticæ, Philosophiæ quæ sic vacavi, ut ad primum in renuntiationibus gradum omni labore ingenium & studium conferrem. Neque in collegio, neque in gymnasiis, neque in publicis concertationibus muneri argumentandi, refellendi, & opponendi defuisse videbor: qui primas detuli, quas omnes mihi pollicebantur, & condiscipuli deferrebant ingenio, studio, progressionibus meis. Hac celebritate lauræ sic creuit fama mei nominis, ut Theologorum Collegium sine cunctatione nactus fuerim. In quo sustinui quidem nominis existimationem, & eam opinionem alui scientiæ, acuminis, progressionum, quæ me ad summum Collegium appetendum perduxit, quod non contenderem quidem, nisi commemoratis studiorum incrementis niterer.

*Narratio petentis Canoniciatum suae
Cathedram.*

Ratio ipsa postulat, ut quoniam quatuor de Canoniciatu Hispalensi tam amplo tamque honorifico decertamus, rationem breviter suorum exponat quisque studiorum. Omissis literis humanioribus, quæ fundamenta bonarum artium & disciplinarum sunt, quoniam illorum cognitionem candorem sermonis, & facilitatem Latinè loquendi ex prælectione potuistis intelligere, Salmanticam scire meorum studiorum fuisse parentem. In qua quinquennio confecto Baccalaurei gradum accepi, inde me in D. Hieronymi cœnobium ius civile relecturus recepi, in quo quantum alii relaxandis corporibus dare solent, tantum me studiis utriusque Iuris tradidi, & collegii, & cathedræ appetendæ proposito & voluntate deliberata, ut inde ad Canoniciatum, ad consilium Censorum sacræ fidei, vel ad Regium supremumque Senatum, adiuuante Deo, totus aspirarem. Successerunt omnia mihi pro votis, qui mentem animumque ad altiora direxeram semper, atque contuleram. Nam Licentiati laurea decoratus, in B. Barbaræ Sacello, cuius audio nomine tremit doctissimus quisque, cunctis Doctoribus nostram scientiam cognitionemque Iuris acclamatione comprobantibus. Continuo ad ingenii documenta danda publicè prælegendo me contuli: maguam enim ex studiis, maiorem ex laurea tanta comprobatione, & plausu honorifico consequuto nominis gloriam pepereram. Neque prælegendo solum detentus fui, vna Collegium vetus contendi, obtinui. Annus durat fuit interim dum antiquior me contentebat, à quo cathedram contendi, & quod paucis contingit, etiam sapientissimis, ex prima contentione institutionum cathedram detuli, suffragiorum ingenti multitudine meis candidatis antecellens. His trophæis & insignibus literarum me comparaui ad Sacerdotium amplissimum Hispalense, unde Deus potest patefacere nobis aditum ad opes nostris maiores, quibus Ecclesiæ commodare valeamus, & huic Hispalensi Ecclesiæ honori & gloriæ decursu temporis vobis adiuuantibus, esse. Candidati nostri potuerunt iactare progressus literarios simpliciter adumbratos narratione breui, non tantam Doctorum comprobationem, non Salmanticensem gradum, non Collegium, non Cathedram, non data publicis prælectionibus ingenii documenta in eadem florentissima Salmanticensi Academia.

Observatio

Observatio.

HÆ Narrationes simplices sunt, & temporum ordinem seruant, quæ omnes ex adiunctis, antecedentibus, & consequentibus constant, ut sint perspicua, ut breues: cum semel res dicantur & breuiter, credibiles fiunt rationibus allatis, neque deest varietas, ut iucunda sint, his enim virtutibus narratio constat. Sed hæ Narrationes pro exornatione: quæ sequuntur, spectant ad deliberationem. Quæ cum duplex sit, priuata, & publica: illa Narrationem nunquam exigit, eius dimittit rei, de qua dicenda est, quia nemo ignorat id, de quo consulit. Extrinsecus possunt pertinentia ad deliberationem multa narrari. In concionibus sæpe illa, quæ ordinem rei docet, necessaria est narratio, in quibus Narratio breuius esse potest, propter concursum multorum, qui inscii sunt eius rei, quæ venit in deliberationem.

*Narratio ad deliberationem in bello contra
Agarenos Granatenses.*

Graue bellum & periculosum ab Agarenis Granatensi Regno inferitur, qui in Philippum Regem concitati sunt, & ab aliis sectæ Mahumetes sectatoribus adiuantur. Qui Regulum iam inde clàm à multis mensibus creatum renuntiarunt, & belli faciendi causa montes altissimos, & omni propè aditu præclusos occuparunt, quorum & notitia, & difficultate locorum freti sperant se, quod per summam perfidiam tentarunt, per crudelitatem non minores esse confecturos. Affertur quotidie literæ Granatensium Christianorum, quorum magnæ villæ, prædia & reditus aguntur, vitam summum in periculum adduci cunctorum, res populorum finitimorum multas direptas & vicos exustos esse non paucos, templa euerfa, aras disiectas, cõculcatas imagines Sanctorum, Sacerdotes crudelissimis suppliciis affectos, disiectos corde, & intestinis proiectis foras, impiè ac nefariè necari, ingentem carnificinam omnis generis Christianorum, qui ubiq; capiuntur, fieri, itinera præclusa

præclusa, montes occupatos, confluere ad illos sui generis homines, & Africanos, & ex Regno Argiliensi multitudinem innumerabilem, Marchionem Beiarensem magnis rebus gestis huic bello propter locorum diuersitatem non satis esse conficiendo. Vnum à Granatensibus Dominum Ioannem excellentissimum ab Austria fratrem tuum deposci atque expeti, eundem hunc pro magnitudine animi, pro fortitudine à Carolo V. patre suo tuoque, Imperatore inuictissimo, hæreditariò accepta, metui, præterea neminem. Bellum quod sit, vides, Rex Catholice, nunc quid agendum sit considera.

Altera Narratio ad prælium nauale.

Rex Turcarum immanissimus, & Imperii sui propagandi causa, & Christiani nominis extinguendi desiderio flagrans, magnam classem rebus omnibus ornatam & instructam comparauit, quâ in Siciliam prouinciam tuam, Rex Catholice, primum innadere, est in animo, inde in magnas Italiæ partes, quibus præoccupatis, & Romæ, & tuis finitimis Regnis, id quod facile putat, copiis omnibus pedestribus & equestribus imminere. Sicilienses Itali in magno metu sunt, & in periculo, quod vides, si quemadmodum impius Rex Turcarum minitatur, impetum in has partes fecerit. Romanus Pontifex per literas, per legatos cum Christianis Principibus, & cum Veneretis egit, te semper Catholice Rex ducem cæteris præponens, ut foedus ineatis in tam immanem Turcarum Regem, eaque de causa classem plurimis nauibus ornatam & instructam comparetis ad illius conatus infringendos, & ad opes euertendas terribimi tyranni, ut cum diuino præsertim auxilio, tum machinis bellicis, quibus ille fidit, suam debilitetis, & frangatis potentiam, ut nouerit, quibus cum sibi res sit, quoque pugnent summo præpotentique Duce. Huic pugnae nauali ducem & Imperatorem omnes præponi volunt fratrem tuum excellentissimum Ioannem Austriacum, rebus bellicis insignem, & victoriis de Agarenorum gente deportatis, notum patriæ fortitudinis exemplar, cuius nomine, hostiles Turcarum impetus probè norunt facili negotio esse retardatos. Hunc propter fortitudinem, prudentiam, foelicitatemque ab hostibus metui, præterea neminem.

Vltima Narratio in deliberatione.

Omnes Hispani, Rex Catholice Philippe, hoc nomine III. legatos ad tuam Regiam & Augustam Maiestatem mittunt, meque oratorem huic causæ præfecerunt, qui dicendo rem facile suadere possem propter vsum & exercitationem, & propter graues & difficiles alias legationes obitas in Romana cura Regumque aliorum maximorum aula. Quos ipsi propè exploratum habent, ex illorum perfidia maxima, & ab hinc tot annos retenta Mahumetes sectâ nefariâ, tuis Regnis malum aliquod comparare grauissimum, eiusque rei transiente causa cœtus nocturnos cogere; cum Agarenis diuersarum Prouinciarum, per literas, per interuencios agere, eò iam rem perduxisse vt arma comparent, instrumenta bellica in specus occultissimas conferant, pecunias cogant, ducesque proponant, ad capiendam occupandamque Hispaniam, quam illi suam nuncupant; Illi nobis inopinantibus diem præstituisse dicuntur iam, cum quo maxime Christiani in exequiis Christi IESV, vita functi instaurandi, inter seque recolendis, occupati distentique sint. Omnes Hispani me rem hanc tibi, Rex Catholice, suadere volunt, atque eo magis, quod scelus post hominum memoriam inauditum non tam occultè consilare potuerunt, vt non ad tuæ Maiestatis aures peruenerit, & abhinc annum de re transigenda consulas, & sapientissimos, maximosque Christianæ fidei cultores in deliberationes adhibeas, tum quòd à Regibus aliis de perfidia deterrima, vt tuis caueas, tibi consulas, literas acceperis: atque hac de causa, quòd nisi profideas maturè, cum velis, & maxime cupias, non poteris, oppressus nequissimorum hominum insidiis. Quæ quoniam sic patent, & illustratæ sunt insidiæ, vt in actum propè iam erupisse videantur, & non adumbrata, sed expressa machinæ, quam moliebantur, vestigia intueris id te præmonitum habere vellent Hispani tui semen malorum & stirpem tantæ prodicionis à Valentinis Agarenis ortam, progressam ad Castellanos, & productam ad incolas & habitatores prouinciæ Bethiæ, cui quoniam finitimi sunt Africanis, viciniore mari facilè se conuectam rem daturos esse putent, vt vno die, vna hora occupatos Christianos in Passionem Christi IESV recolenda inopinantes opprimant, diuersisque in locis, cunctis partibus Regnorum tuorum, cum tot millia in tuam Regiam Maiestatem, in tuos, & Christi fidem concitata videantur,

videantur, multitudine bellorum oppressus, Rex Catholicus, succurrere non possis, id temporis tota Valentia, Castella noua, & veteri, Berthica vniuersa, omnibus Hispaniarum fluminibus sanguine reduntantibus. Summa coniurationis & perfidie breuiter à me fuit exposita; quid illi tentauerint, ac moliri fuerint vides; tu quos Agarenos excludendos, & à Regnis eiciendos curare debes, & per quos potissimum Regni tui Principes, pro tuo summo consilio considerabis. Primum enim mihi de genere gentis Agarenorum, deinde de coniuratione sua nefaria, ac de perfidia in tuam, diuinamque Maiestatem, postremò de impietate, Christianoque nomini infestæ gentis eiectione videtur esse dicendum.

Mandauimus literis tres Narrationes, ad Suasoria Narrationis exercitationem. Excute singulas & explora, eas virtutibus Narrationis quatuor, breuitate, perspicuitate, veritate, & quod placet Ciceroni, & Quintiliano, Gracis omnibus, & maxime Hermogeni, instructas & ornatas videbis.

De Narratione iudiciali.

Q Vanquam à Iudicii Narrationibus possem abstinere, & deberem quidem aliqua subiecta Ciceronis contentus esse; cui tantum tribuo, ut pudeat me, & omnes pudere debeat, ubi Cicero loquutus fuit, verbum vllum proloqui, cum inscientia sit, vel extrema potius dementia, aliquid illo dicente, vel scribente, in eodem genere dicendo, vel scribendo tentare quenquam, tamen ignosci mee audacie debes, quod in nostris rebus, & propriis Christianorum adumbrare conatus fuerim summum eloquentia Principem, veteribus omisis exemplis, quorum nullum in nostrum usum cadere potest. Dum igitur Narrationes nostras inspiciat, & explicet nouus Rhetor, ex quibus suas possit exprimere facilius in fictis causis: nam in veris nunquam versabitur, ab Oratoribus iudiciis translatis ad Iurisperitos.

*Narratio ingenue Iudicialē cadens, ad Lutheri
accusationem.*

OMnia quò facilius argumentis perspicere possitis, rem gestam dum breuiter expono, quæso diligenter attendite. Nefarius Lutherus aditu ad cupiditates suas & honore præcluso, cum statuisset omni scelere vexare Christianam Religionem, videretque ita Fidem Christi IESV in Hispania cultam, ut vim nullam sui conatus nefarii habere possent, & ut carcerem, & vincula Quæditorum Fidei sanctissimorum effugeret, & flammam ignis, quo arderet hæreseos damnatus præceptor sacrilegus, & liberas quæreret prouincias erroribus hæreseos inquinatas, ad lacerandam Christianam Religionem, subito reliquit Hispaniam, & abiectis insignibus Religiosi, se in Germaniam ad suos conatus & machinationes appositam contulit. Videbat liberum sibi ad eas partes aditum futurum esse, ut errores suos spargeret, & infectas partes magis inquinaret suarum opinionum commentis, ubi frænum iniici sibi non posset, & liberioris vitæ homines cupidi, in errores omnes, in fallacias, & fraudes omnes inducerentur dogmatibus Lutheranae sectæ, vitam vagam & solutam, & carnis blanditias omnes & lenocinia tribuentibus. Cœpit ergo primum in Romanam Sedem, in Vicarii Christi IESV sanctissima placia, nefarie proba conicere, ut Capite vexato suis contumellis, homines ab obedientia Catholicae Sedis abduceret, quæque doceret Cathedra sanctissima, quæque præscriberet, falsa esse persuaderet rudi & imperitæ multitudini, & hominibus carnis & libidinum appetentibus. Inde imprudenter ad virginalem statum, liberumque arbitrium oppugnandum aggreditur; quod vinculis astringi non posset, ut ille falsò dicebat, surgentibus passim & rebellantibus in hominem motibus effrænatīs at corpibus. Inde laxare habenas properauit carnis intemperantiæ, in omnem libidinem effusæ, dare facultatem virginibus nubendi virginitatis voto detinctis, quòd non tenerentur vlla voti Religione in tanta carnis lasciuientis, & ebullientiumurbationum rebellante. Qui hæc sustulit, tollebat etiā Confessionem auricularem de Ecclesia, Sacramenta omnia, imagines Sanctorū, ritus tandem omnes & cæremonias, quasi hominum inuenta potius, quàm dogmata delata mortalibus ad salutem & gloriam immortalem comparan-

parandam necessaria. Ut reliquos incitaret suo prauo exemplo, quoniam quod Princeps & caput facit, id fieri licere sibi facile in unum cæci & amentes inducunt, quamuis impium, & diuinis legibus infestum, de pluribus morer, ducit uxorem, & ducit in matrimonium nefariam Monachalem virginem, Deo dicatam voti Religione, & publicè, & cunctis inspectantibus, & sacrilegas nuptias non matrimonij dignitate, sed sceleris societate celebrat, coniunctis epulis, vino, saltatione, tympanis, choreisque turpissimis exhilarantibus. Hic tunc alacer & lætus (qui enim superiora commiserat, quid non sceleris admitteret?) impudenti ore loca omnia infestare, spargere ac diffundere venenum ad sectam corroborandam & augendam, concionari vijs omnibus, & compitis, quasi missus de cælo vates: ad illum omnes libertatis amantes, omnibus libidinibus & flagitijs constrikti concurrere, in suam se aggregare sectam: deniq; cò peruentum, ut omnes finitimæ nationes, quæ eodem ingenio & naturæ erant, tentatæ primùm, deinde infectæ, tandem eruperunt ex latebris & tenebris Lutheranâ factione tumultuantes. Tumultuari igitur omnes, & principum aliquorum amentiam Lutheranorum furores aliter deniq; armis castriq; tentari, institui Ecclesia noua, ex fallacijs & fraudibus conflata Lutheranis, abi ci, repudiari Matris Ecclesiæ Catholicæ Romanæ Fides & Obedientia sanctissima Romano Pontifici debita, & ad salutem, gloriamq; cœli necessaria. Hæc si misera, si luctuosa, si animis perniciosa, si Deo immortalis cœlitibusque bellum impium & exitiale faciunt, cur non accusem, & quo narraui ordine in vestrum iudicium Lutherum adducam, tanti concilij auctoritate damnandum? Cuius ut reliqua scelera missa faciam, mortem terribilissimam vitæ nefariæ, flagitiosæq; consentaneam, & exitu foedissimo terminatam, & ab illius vitæ sceleratis sacrilegisq; sectatoribus occultatam, per summum dedecus, & probrum obitam, & ad illum damnandum, & omnibus ignominia maculis inurendum multum facientem, inter confirmandum, defectione & impuritate breuiter expositâ, vestris nollem animis pro atrocitate post hominum memoriam inaudita accusationis excidere.

Hac in narratione nullam cupies virtutem, quam non inuenies. Est enim brevis, nihil breuiter repetens, & nullam rem exaggerationibus, si Lutheri perfidiam, scelera, & sacrilegia perpendas, arguet: credibile est, cum verissima narret & ra-

tionem reddat singulorum testata cunctisq; cognita præferat: suavis admodum est, quæ perturbations, motus animorum, exitus inopinatos, colloquia personarum, tristitias, voluptates, læticias continet.

*Alteræ ad iudicium spectans narratio de equite Salmanticensi
ab scholasticis occiso.*

Clitas est in Castella veteri, imprimis illius provincie clara & nobilis; homines autem ipsi Salmanticenses, cum summe in honestos & nobiles officiosi, tum præterea maxime urbani & elegantes in scholasticos, propè, præter ceteros Castellanos, ad otium & quietem potius, quam ad ullam vim & seditionem accommodati. Accidit cum eques quidam, cum alijs sui generis ac fortunæ nocturno tempore, mutatis, ut fieri solet, diurnis vestibus, in simulatorum habitu atque forma lustraret urbem visitato more & consuetudine, galero caput & pallio faciem obvolutus, ut incideret in nescio quos scholasticos non admodum sedatos & quietos, qui continuò laceßere equitem cœperunt, & nescio quæ ridicula in illum iacere; quæ probabonuseques ducens, & in eam partem accipiens, ut se de decoratum putaret, & ad vlciscendum se, quasi legibus læcuiastictum, parem gratiam, similia retorquendo, quæ illos morderent, referre cœpit. Adolescentes qui ad respondendum paratissimi, & ut se homines præbere viderentur, ieiiciendis retorquendisque dictis constantes, & ad libidinem suam omnia facere assuefacti, pergere ac perstare suis inceptis. Irasci Eques, & illius comites, & alumni Academicæ multo magis flagrare, ut iam parum quin ad gladios: sed interuenerunt nescio qui, ij summa vi retinere equitem, & aduersarios conati sunt, vicini scilicet, qui clamoribus excitati concurrunt illic. Eques, qui iam transigendæ rei occasionem non habebat; & adolescentes, qui interuentu vicinorum impediti, ne noti quidem, inde discedunt, sed interminati, fore ut vlciscerentur seipsos. Diuersas igitur vias ingressi, nescio quomodo post mediam multum noctem, iterum plateam conuenerunt in vnam, qui vbi nouerunt seipsos, vtraque pars clamare, hic locus & tempus vlciscendi. Educuntur gladij, ab vtraque parte, fit impetus vchemens.

vehemens, clamor interea fit in plateâ strepitusque exauditur armorum, & ictuum vicissim inflictorum crepitus & creber & frequens, nec tamen, quia media nox erat, & omnes cubabant in lectis, tam citò exauditur, quòd ferè iam per aliquod spatium gladijs decertarant inter se. Pro se quisque manus afferebat: vexatur eques ab scholasticis, qui numero plures erant, & gladij utendi non inscij, & cum duo equitis comites leuiter sauciarentur in turba, scholasticus item vulneraretur; eques tandem accepto graui vulnere concidit, questus lateralem se accepisse plagam. Hic Prætor Salmanticensis, nescio quo casu, obiens, vt ex officio facit, urbem, im plateam accedens, audire visus strepitum clamoremque turbæ, accelerat. Atque scholastici, qui nouerunt Prætozem & satellites, diffugere cœperunt veloci cursu, qui vellent Prætoris manus effugere, & equitem mortuum putabant, & Confessionem efflagrantem audierant. Aduolare Prætor, & incitare suos satellites ad capiendos auctores cædis; scholastici accelerare magis fugam, properare non minus velociter Prætor & satellites, & iam iam parum à comprehendendis auctoribus cædis abesse: reliquis despectentibus, & nescio quibus deuerticulis euadentibus, duo scholastici comprehenduntur, & auctor cædis. Deducuntur in custodiam vr-
bis publicam, & vinculis mandati, manicis compedibusque vexantur, atque ad eò detruduntur in neruos. Quid hic tumultus exortum in ciuitate, dum effertur brachijs nonnullorum totus sanguine manans eques, & qui nondum illatus in domum, ipso in limine egisse visus est animam, sine expiatione conscientiz, nullis Sacramentis exceptis. Qui fletus hic domesticorum, qui ploratus puerorum, qui ciulatus vxoris & mulierum! omnia luctibus personabant. Neque quidquam miserius, nihil luctuosius, quàm exanimatam coniugem videre, humi prostratam per multum tempus, ore, vultu, voceque ablata mulierum effigiem spirantium inortuam. Interea cæde totâ vrbē diuulgata, & scholasticorum comprehensione, custodiaque Academiæ filios perturbante, videres amplius mille scholasticos aduolare in carcerem, & omnes armatos obsidere ex omni parte, cedere ictibus ianuas vehementer, deposcere comprehensos, & quia suæ iurisdictionis non essent, nec ad Prætozem pertinerent, diplomatibus Pontificum Romanorū, Regijs sanctionibus, Prærogatiuis, & immunitatibus Academiæ Reçtori reddēdos restituēdosq; deposcere. Iterare & ingeminare voces

cuncti, ni redderent, & statim frangendas portas, perrumpendos aditus, & ad minimum ligonibus, falcibus, machinis alijs & instrumentis ferreis euellendas deiciendasq; portas omnes. Hæc ante custodiam publicam, in plateâ verò maximâ, vbi ædes Prætoris erant, non minores motus, tumultus maximi. Oppidani vocabantur ad arma, vt auxilio iam & subsidio Regi venirent iussi. Rector excitatus, magna turba comitatus primò petere carcerem pacandorum & sedandorum scholasticorum causa, deinde domum Prætoris: suis polliceri comprehensos se repetiturum, & suo iure efflagitaturum, nec capturum interuallum requieris, quo ad ij redderentur. A Præторе reddi sibi comprehensos efflagitare, quòd ad se pertinerent, quòd comprehendere ille iure non potuisset. Rogare, nollet urbem in discrimen adduci, tantos motus concitari, sanguine redundare loca omnia, nosse naturam, ferocitatem, consuetudinemque scholasticorum, quos volens & maximè contendens continere non posset, ius esse Rectoris, quando Rector nunquam oppidanos, ne Prætor scholasticos vinctos constrictosque habere velleret in custodia. Se hoc cunctis audientibus Rectorem indicare Prætori, præmonere, vt si quid postea mali, urbis moderatoris culpam omnem esse nossent omnes, eâ carere Rectorem, qui pacem, qui quietem, qui nihil velleret præter ius suum. Commotus metu Prætor & Rectoris officio, tantaque urbanitate, metuens etiam perniciem urbi impendentem, & feros mores, flagrantisque animos adolescentum, adiit custodiam publicâ, cunctis lætantibus & exultantibus oppidanis, & Academiæ scholasticis, & restituit comprehensos Rectori, prædicens præmonensque in scholasticos occisores, tanti equitis habitâ quæstione cædis, animaduerneret. Rectore ea, quæ sequuta fuit die, quæ fuit proxima Calendis Iunij quæstionem habere cæpit de cæde: nam reliquos, nihilerat, quod comprehendendos inuestigaret, ac quæreret, quòd abierant ex urbe, & quò ille nesciret, neq; quisquam indicare poterat; sic eadem nocte, in scijs omnibus, & repetendis scholasticis comprehensis omnes occupati fuerant.

Quæ virtutes in priore narratione spectanda sunt, hæc non minus perspicuas reddidit posterior consequens narratio.


DE EPILOGIS AB ADIVNCTIS.

E Pilogi non petuntur ab adiunctis, sed à partium distributione per enumerationem, cum amplificatione non utaris. Sed quoniam urgere posset quis, coaceruationem hanc, seu summam rerum, decursis breuiter capitibus, in adiuncta cadere; Huic non obfistam magnopere, dummodò à trito & Regio Doctorum artis oratoria itinere non deflectamus. Vt illi tamen faciam satis, vnum subijciam exemplum, quod nihil mea, vel adiunctorum frequentatione, vel enumeratione constare dicat aliquis, dummodò contra Rhetorum præscriptiones non veniamus. Exemplum ducetur ad absoluendam orationem ex adiunctis corporis, fortuna, & animi perductam ad exitum vsque suum.

Peroratio Orationis ex adiunctorum frequentatione.

Quam obrem, doctissime vir, si nobilitate generis, si patriæ claritate viges, si patrimonium iam lautum & copiosum accepisti, & illius redditus, ad literarios sumptus, & ad pietatis opera contulisti: si magna eloquentia, liberalium artium cognitione, si sacra cœlestisque disciplina, si varia multiplicique rerum scientia præditus es: si is es, qui ad suggesta celebriora, ad magnas Ecclesiæ dignitates aspiras, si hoc tempore lauream Doctoris tantò plausu, & Academiæ totius acclamatione accipis, si cunctorum oculi in te conijciuntur, & honorifici priuatim & publicè de te sermones habentur; exple cunctorum animos, spes & expectationes maximas, quas cuncti de te habent, laboribus, vigilijs, virtutibus tuis, magnis in Ecclesiâ meritis, maiores, & ampliores redde. Quò te præconia superiora, quò tot decora & ornamenta vocant, quemadmodum adhuc fecisti, solita celebritate perge. Cum id præstiteris, te maioribus tuis, te tot laudibus congestis, te claris Ecclesiæ sedibus, te, quod caput est, Christiani Doctoris nomine, & honore dignum putabis, & similem quidem eorum, quos Principes Ecclesiæ magnos ex hac Academia florentissima prodijisse multi sciunt, & recordantur. Neque enim quod tuis laboribus, quod tuis ornamentis clarius

& illustrius tibi comparare valeas, boni vtrquam nobilitatis, sapientia, virtutis æstimatores inuenient. In hoc enim est elaborandum, hoc bonis omnibus & illustribus viris, sapientissimisq; Doctoribus perficiendum, vt Rempub. vt Ecclesiam, vt Deum immortalem pulcherrimis suis in actionibus sibi omni loco ac tempore proponant, & hoc itinere cursus faciant, ad Beatorum gloriam progressionem mirabili comparandam.



DE GENERE, ET FORMA.



DARTIVM distributionem genus sequatur & forma, quod ad illius similitudinem amplificandiratio conferatur, cum primum genus ipsum, vel aliquid loco generis præponatur, inde dilatetur oratio, partibus aliquot, quæ sint veluti forma, vel formis ipsis nonnullis amplificatione decursis: sed amplificationem antecedant generis vel forma præceptiones.

Genus igitur est, quod duas aut plures partes, sui ipsius communione similes amplectitur, quæ forma dicuntur. Vt virtus genus est, continet in se iustitiam, prudentiam, fortitudinem, & temperantiam. A se est genus, continet in se Grammaticam, Dialecticam, Rhetoricam. Animal genus est, amplectens hominem, equum, lionem, & alia animalia. Locus est genus, Asia, Europa, Africa, regionis, ciuitatis, pagi, domus. Tempus est genus, temporis præteriti, præsentis, & futuri, anni, mensis, hebdomada diei hora: item ætatum hominis, infantia, pueritia, iuuentutis, virilis ætatis, senectutis.

Triplicia sunt genera: summa, vltima, & media. Summa genera dicuntur, alio nomine cathegoria: ea autem sunt, supra quæ nulla alia genera sunt, eaque sunt decem, quæ his vocabulis nominantur: Substantia, qualitas, quantitas, rela-

relatio, act. o, perpeſſio, vbi, quando, ſitus, habere. Vl. image-
nera ſunt, qua ſolum dicuntur de indiuiduis, vt homo de So-
crate, Platone, Arſtotele. Media, ſeu interiecta genera
ſunt, qua inter ſumma, & vltima continentur, vt inter ſubſtan-
tiam & hominem, eſt corporeum, corpus animatum, ſentiens,
animal.

Species verbum priſcum eſt, cuius composita tantum extant,
& hac deriuata, ſpecula, ſpeculator: ſolebant enim priſci Lati-
ni ex edito ſaxo, cui ſpecula nomen erat, obſeruare, quid procul
agerent hoſtes. Inde ſpecies pro re viſa, vt facies pro re facta, di-
citur: ipſa igitur imago, qua in aſpiciendi inſtrumentum reci-
peretur, ſpec es ſit vocata. Qua à Rhetoricis forma dicitur.
Nobis hoc loco ſpecies, ſine forma, eſt pars generi ſubiecta, vt
Dialectica, Rhetorica, Pratura, Conſulatus, Tribunatus. Vt
quod iuſtitia eſt, vtique virtus eſt.

Rationes amplificandi à genere.

Prima ratio amplificandi à genere, nihil aliud eſt, quàm
cum à genere propoſito dilataimur in ſpecies, vt ſi virtutem
laudes in formas aliquot deſcendens à g. nere.

Laus virtutis à genere.

Quidni commendemus virtutem, quæ nobiles habet, & cœ-
leſtes ac diuinas filias, foetus ſuæ dignitatis vberriſimos ac
præſtantiſſimos? Age enim laudares iuſtitiam, ius ſuum vni-
cuique tribuentem; laudares fortitudinem, res arduas ac diffi-
ciles aggredientem, nulla pericula formidantem, omnia con-
ſtanti robore ac virtute perficientem, niſi virtutis laude nitere-
tur? laudares temperantiam, in libidines, ac non rectos animi
motus, firma & moderata dominatione tenentem imperium,
niſi virtutis laudem & decus conſectaretur? Denique num
prudencia rerum gerendarum rationem & vim obtineret, niſi
gubernacula tractaret ex virtutis rectis maximeque deuinctis
vinculis, & aptiſſima ſuauiſſimaque lege conſtrictis? Niſi
Dux & Princeps præſiceret, quid in quacunque re agen-

dam, quò progrediendum, quo quidque exitu terminandum esset? Inde quidem iusti nomen iustè deportarunt: sortes nunquam abiecerunt excellentiam animi sui ad res sordidas & abiectas, nihilque fractis & angustis animis fecerunt. Ipsi verò temperantes homines, sic modum & finem tenuerunt, vt nullos vnquam fines transilientes, naturæ leges seruauerint, mandata Dei coluerint, humana diuinaque iura integra & inuiolata conseruauerint: Prudentes ipsi quasi gubernaculum manu tenentes, flatu secundo semper vecti, portum pacatum & tranquillum tenuerint, sine vllò, quo sæpe homines pereunt, maris periculo a ingressi, naufragio facto, ~

Alter a exercitatio de eodem genere in formas distributo.

SI laudantur artes ingenuæ & liberales; quæ ingenuos, & honestos homines reddunt suis inuentis & laudibus eximijs, quæ laus Dialecticæ, quæ Arithmeticæ, quæ Geometricæ, quæ Rhetoricæ laus tribuetur? hæc omnes artium numero magnarum contentæ suis omnibus numeris absolutæ explentur. Qui enim Arithmetica numerorum rationes; Geometria, terrarum situs, & dimensiones; Dialectica, verum à falso disiunctum, ac diiudicatum; Rhetorica, tantam elegantiam & ornatum, tot insignia & lumina protulisset ad vsum & ad splendorem humani generis clarum & illustrem, nisi artis viam & rationem sequeretur quælibet facultas & ars enumerata? Quidquid, Auditores, numeris deuinctum, dimensione definitum, veritate comprobatum, & luminibus illustratum orationis legeritis, & audieritis, ab artis excellentia ductum ac profectum putate; quæ rem suam, munus, & institutum prouehit in tantam amplitudinem, vt ab illa omne suum decus & gloria proficiscatur.

Secunda amplificationis ratio, præposito aliquo generali, quasi genere, vnde vñ omnis emanet ad amplificationem.

ET enim; Auditores, cum omnibus me virtutibus natum esse cupiam, tum id vehementer appeto, vt gratus sim, & dicar, & videar. Hæc est enim vna non solum virtus magna, sed fons & origo bonorum sine dubitatione maximorum. Quid enim pietas, nisi voluntas grata in parentes? qui sunt boni ciues, nisi

nisi qui de patria bene meriti sunt? qui fortes milites, qui magni Imperatores, nisi qui fortitudinem acceptam à Deo in Reipub. ac patriæ defensionem contulerunt? qui verè Reges, nisi qui Regiam potestatem à Deo tributam, Deo ipsi tribuunt sacram tuendo Religionem? qui vero magis sapientes, quam qui Aca-
demijs meritam gratiam referunt? Illà vero hominis ratione, quâ cognoscimus Deum principem & auctorem rerum omniũ, eidem summo, præpotenti que Domino gratias agendas intelligamus, & tanquam parenti, cui omnia debeantur, tribuenda-
que sint, grati ac memores nostras actiones, fortunas, vires corporis, studia literarum, sapientiam omnem, vitam, summa demissione exhibeamus. Quis enim mortalium vel paululum intelligens, cui non veniat in mentem, si qui sumus, si qui fueri-
mus progressu temporis, si quidquid habuerimus bonorum aut felicitatis, id in fontem bonorum Deum, à quo cuncta profu-
xerunt, vt in mare flumina debere suo quidem iure redire; ipsi-
usque Domini sic omnia esse, cuncta sic Deo cellissimo deberi, vt non ingrati solum, sed impij debeant appellari, & sane re ipsa fuerint, qui non in illis gratiam diuini numinis memoriam pro-
sequantur. Denique sic se ingratos homines habere certo sci-
ant, atq; latrones nefarij, prædones impij, qui ex direptione vi-
uunt, & aliquando prædas non facturi mortis interuentu, tam ingrati animi labem Luciferi diuinam gloriam præripientis supplicio, tandem aliquando in inferiorum sedibus luituri, & nulla vnquam pœnarum intermissione maxmarum recreandi.

*Altera exercitatio, aliquo præposito generali longi-
neris, in partes excurrens instituto
conuenientes.*

O Fallaces hominum spes! O cogitationes inanes! O miseram ærumnosamque fortunam, & in medio cursu, tum, cum minus opinamur, deficientem & opprimentem homines clarissimos, insperatæ & inopinatæ mortis interuentu! Omnes modo mortem excellentissimi Domini Ioannis ab Austria lugent. Lugent Hispani, quorum sedibus patrijs natus fuit: lugent Granatenses, à quorum ceruicibus gladios Agarenorum hostiles & impios depulit: lugent Itali, cuius fortitudine ac fœ-
licitate superatam Turcarum classẽ, & maiore quidem ex parte submersam & obrutam, vrbibus & prouincijs propin-
quioribus imminentem recordantur: lugent Flandri, quo im-
peratore

peratore imperus hostium retardatos, tot victorias consequutas, Religionem Christi Iesu defensam nunquam obliuiscuntur: lugent fortissimi viri, quo mortuo fortitudinis tantum propugnaculum amissum dolebunt magis in posterum: lugent Heroes & Principes Hispaniarum, cum decus & lumen Hispaniæ tam præter opinionem, ac subito extinctum aspiciunt: luget frater illius Philippus, secundus hoc nomine Rex Hispaniarum, qui similem illius nunquam adipiscetur ad metum hostibus iniiciendum: luget Romanus Pontifex, tantum fidei præsidium, tantum columea & robur, terra marique Religionis hostibus formidatum animaduertens è viuis ablatum: lugent cuncta Regna Hispaniarum, & Indiarum, quod tanto lumine fortitudinis & Religionis clarissimo orbata se vident: lugent postremo vrbes nostræ, prouinciæ, regna, & in sordibus & squalore iacent, quæ tantum defensorem & propugnatorem rerum suarum alienis in sedibus, tamque remotis mortuum acceperunt, ut illius saltem cadaver habere non merita fuerit Hispania, ubi pro meritis sepeliretur, & ossibus ornaretur decorareturque patrium solum, de tanto Principe gloriandi nunquam finem facturum. Obijt enim diem suum in Flandria, quanquam sui generis Principibus, & Hispaniarum id temporis Philippo Regi fratri subiecta: tamen quantis sumptibus, qua magnificentia, quo superbissimo & magnificentissimo, ac prope Regali Hispaniarum incolæ cunctis in urbibus exequias ad mœrorem lætumque omnem acerbissimas, qua sua patientia, maximoque in tantum principem amore celebrarunt?

*Tertia ratio amplificandi à
genere.*

Cum de re aliqua priuatim loquimur, & in genus excurremus, egregia amplificandi ratio proponetur, ut Sex. Roscium parentem à filio non occisum fuisse ex parricidio generatim amplificato probat orator, ita nos eloquentiam hominū, & priuatam virtutem ex eloquentia & virtute commendatā generatim copiose ornateque celebrabimus. Commendamus B. Sebastianum Martyrem, B. Petrum Principem Apostolorum, ex Martyrum, ex Apostolorum laude magnam vim & copiam ostende-

ostendemus, omnibus eloquentia fluminibus redundantem. Proponamus igitur laudandum Beatum Laurentium, excurrentem in Martyrum laudem insignem, tanquam in genus.

*Laus Beati Laurentij ex Martyrum
laude.*

LAudaui, & merito quidem, gravitatem suppliciorum, patienter fortiterque perferentem, ingentem Laurentium: celebraui flammam tanquam rosas suaves ac iucundas Martyri inuictissimo visas, læto hilarique animo aditas, atque toleratas: commendaui Heroa fortissimum in cratem, tanquam in equum ingentem, siue in currum deauratum impositum, & verba homini nequissimo facientem, parui habentem ardores flammarum accensos, cōtempnentem cruciatus omnes graues & exquisitos, & prouocantem tyrannum ad carnes assas, & affectas iam ad esum, prandendas deglutientiasque illa sua insatiabili, inauditaq; sanguinis hauriendi cupiditate. Deniq; ostentaui equitem fortissimum, victoriam insignem deportantem, & agentem ex hoste deterrimo triumphum clarum & gloriosum. Qui cum ex flammis his & cratibus inflammatis Martyris gloriam adepturus, in sedes Beatorum celsissimas euolauit, quam nobis dignitatem, quam inclitā, quā honorificam, quam omnibus ornamentis redundantem ostēdit? Ille purpurā fulgenti clarissimus sedē habet cum Sebastianis, cum ipso Principe Martyrum celsissimo. Qui vero sunt Christi Martyres, alij, nisi Heroes Christianæ Religionis, Principes cœlestis aulae gloriosi, & ex Magnatibus diuinis atque cœlestibus locum excelsum obtinent in militante, triumphantique Ecclesia? Qui sunt, nisi lumina terræ, cœlique clarissima, quorum lux suppliciorum acerbioribus magis nitere visa est, & collucere clarissime? Sic equidem Gedeone, & militibus hydrias in castra portantibus, ipsis multo fragore contractis, continuo latens & abdita lux fulgere visa est: quæ luminum clarè micantium conspicua lux, quos alios potissimum, nisi Martyres præfert, diuinæ claritatis magnitudine fulgentes? Contemplamini, quæso, lucem, quam Beatus Stephanus Protomartyr lapidum grandine terrificā, nimboque concrepanti crudeliter appetitus & obrutus, lucem clarissimam diffudit. Quid enim in honorifica lapidatione, tum maxime, cum magis ab hostibus Fidei

per summam crudelitatem impeteretur, fecit? Quæ verba inuictor robore ac magnitudine animi proloquutus? O diuinam lucem! O cœlestem amoris in proximos claritatem! pro se preces adhibet, stans; pro inimicis, in genua procumbens! Quis non seuerum, vehementem, & atrocem putaret, animo ferreo & indomito sanctissimum Stephanum id temporis, cum hostes Christi terribilissimos, durâ & indomitâ ceruice, animis obstinatis, & pertinacibus auribus oclusis, diuini Spiritus sanctissimis cogitationibus aditum obstruentes, & tanti numinis sanctitati resistentes, similes parentum suorum, ab omni pietate prorsus abhorrentium, feros & immanes appellauit? Cum parentum diritatem obijceret, cum pertinaciam & feritatem generis oppoueret, cum eos ob facta crudelia maiorum vestigijs insistentes repeteret, & ingemina-ret, nonne durus, inhumanius, ferreus mortalium oculis & iudicio videretur? sed fractâ hydriâ, lapidibus appetitus, horrifico nimbo fractus, disruptis ac dilaceratis carnibus, tot apertis & patentibus toto corpore, brachijs, collo, capite, omni reliqua membrorum parte fenestris, quàm incredibilem, & planè celebrandam mansuetudinem ostendit? Quid? Ipse Iob, nisi robore ac magnitudine animi exploratâ, tot documentis fortitudinis inuictæ datis, amissis bonis omnibus, filijs & coniuge carissimâ, tot plagis ac vulneribus affectus, ingenti vermium scaturientium multitudine coopertus, sanie multa, fœdissimaque manans, ab amicis derelictus, & omni humano subsidio destitutus iaceret in sterquilinio, opificem & molitorem huiusce vniuersitatis Deum extollens, tantâ patientiæ fuisset commendatione celebratus? Omitto cæteros Athleras. Quid de socijs & comitibus Christi Iesu dicam, quorum celsitas, & antiquitate, & dignitate cæteris omnibus præit? At illi suam hanc gloriam & honorem amplissimum, Martyrum inuictissimorum laude decorarunt. Alij fuerunt telis confecti, alij gladio traiecti: Bartholomæus pelle exutus, Ioannes in olei frequentis dolium immissus, Iacobus notus omnibus fuisse peremptus, Andreas sublatus in crucem, illa duo Ecclesiæ lumina, Doctor Gentium gladio caput à ceruicibus tradidit abscindendum. Princeps Ecclesiæ Petrus spiritum vltimum exhalauit actus in crucem. Atq; illi omnes imitati fuere præceptorem suum. Tu mi Christe Iesu numeros huiusce tam excelsæ Martyrum dignitatis omnes & absolutos ostendis tuis discipulis; & generi Sanctorum vniuerso. Itaq; Princeps Martyrum, Antesignanus & Dux horum

horum Athletarum insignis & excelsus, praeire societatis tuæ consilijque celsissimis Principibus voluisti tot suppliciorum generibus excruciarus. Quæ quàm multa in tuo corpore sanctissimo crudeliter exercita fuerunt? Quis enim poterit adumbrare iniurias factas, contumelias impositas, risus & ignominiae maculas iniustas, cum à nefarijs satellitibus comprehensus, indignissimis tractatus modis fuisti, cum virgis caesus, sentibus redimitus, in crucem actus, mortem pro humani generis recuperandâ libertate subiisti primus, & Martyrum principatum in aula cœlesti gloriosus & triumphas obtinuisti? quis dicat, quanto splendore, quanta gloria Martyrum dignitatem illustrissimâ tuâ cœlesti, præcipuaque laurea prouexisti? tibi proxima fuit, & secundum te laureæ tantæ decus immortale Virgo virginum consequuta fuit; à qua meritis & gradibus suis distincti cæteri Ecclesiæ Martyres gloriosi in locum eundem altissimum ascendere. Sic videre est cœtus fortissimorum Martyrum gloriosorum, purpura fulgenti ornatos, agno de collo pendere speciosissimo, diademate splendenti decoratos, proprijs insignibus fulgentes, immortalitatis gloria circumfusus, cohonestare palatia Beatorum amplissima: eorum agminibus ornatissimis splendidissimisque præesse Ducem ingentem gloriosissimumque Imperatorem Christum Iesum: illi proximam Virginem Mariam decus & honorem eisdem Athletarum maximorum sedibus asferre quàm immensum: proximos comites & socios Christi Iesu, Prothemartyrem Stephanum, cæterosque illustrissimos Magnates magno quidem ornamento huic nobilissimæ dignitati semper esse, & inter hos decus Hispaniarum, gloriam Martyrum cratibus suis insignem diuinum Laurentium.

Amplificatio à toto integro, & partibus eius.

Sic à toto integro possumus amplificare præclare satis orationem. Totum integrum est, quod componitur ex partibus integrantibus, de quibus non dicitur in nominandi casu, ut domus in tectum, parietes, pauimentum: nec dicimus, tectum est domus. Corpus diuiditur in suas partes: nec dicimus, caput est corpus humanum. Partes integrantes sunt, è quibus totum integrum componitur.

Ampli-

*Amplificatio ex toto & partibus & humani
corporis fabrica.*

Considera humani corporis elegantiam, & hanc tanto officio ad vsum omnem, & venustatem à Deo formatam fabricam tam admirabilem. Atque intueri caput supra col- lum in altiore loco positum, & illud suis sensibus ornatum, tam appositis ad varios vsus & opportunitates, & ad necessitates passim incidentes. Aures valent ad audiendum, ad sonos om- nes pertipiendos, ad voces accipiendas in tam variâ multipli- cique rerum diuersitate. Oculi speculatores officijs funguntur suis, plurimis, & longo intervallo distantibus, & circumactis, & coniectis in diuersas partes, sublatis in cœlum, demissis in terram, & lætis, & tristibus, & placatis, & minacibus. Nares fenestris suis patentes percipiunt suauitates odoris, qui fertur in sublime; & ad odoris foeditatem sentiendam & fugiendam commodæ sunt & opportunæ. Ore gustatus ipse continetur, qui est sensus ex omnibus maximè voluptatibus, quique dul- cedine præter cæteros sensus commouetur: dulcia, amara, a- cria, affecta ad esum, neque esculenta solum, sed poculenta gu- stat. Manus ac pedes, quemadmodum partes suas tuentur, & ad diuersas functiones habiles sunt, & opportuni? Corpus me- dium, inter crura & caput interiectum, quàm cum hominis fa- brica congruit ad omnem elegantiam, si in eleganti homine ac bene à natura formato conspiciatur? Circumspice omnia, laudabis opificem & Architectum tanti operis Deum immor- talem, & quantum brutis animantibus, pronis, & ad pastum capessendum deiectis semper in terram, præstet, non desines admirari, videns hominem recto & excelsa corpore, & ad cœli aspectum, in quod creatus est, vtramque oculorum aciem eri- gentem atque tollentem. Tanta est conformatio humani corporis, tantus ex omni parte concentus, & mirifica consensio.

* * *

DE PROPRIO.

INest in proprio magna vis ad amplificandum. Quod sic definitur: Proprium est quiddam simplex, quod speciei soli, & omni, & semper conuenit. Vt hominis proprium est ridere posse, loqui, ratiocinari posse, rationis & disciplinae pacem esse; equi hinnire, Leonis rugire, bouis boare; virtutis redere bonum hominem, in quo est. Denique omnes propriae affectiones, rerum animatarum, & animae expertium, virtutum, scientiarum, huius sunt loci.

Amplificatio à Proprio.

Miraris alienigenam diuersis in locis tam acutè disputantem, colligentem multa, & ratiocinando nihil non efficere, quod probandum & ostendendum curauerit, siue in perystilio cùm doctis hominibus disputauerit, & rem huc atque illuc traxerit suis argumentis, & veritatem extorquere conatus fuerit. Intrueri in gymnasium, & quidem in disputationibus publicis comparantem se ad argumentandum: Primum ut aperto capite propugnatorem tentare volens, tentat vocem mittere, & oratiunculam habere ad aditum sibi patefaciendum ad argumentum suum: erigere hic se Auditores, prospicere de suis locis, animaduertere quod tendat comparatio, & aditus factus ad ingenij specimen præbendum: subridere aliqui, & non quidem hominis contemnendi causa, sed admiratione, & audaciâ hominis prospectâ, quæ in loco tam celebri, & minimè quidem noto, vellet facere periculum in literis sacris, vbi tot essent Doctores, tot Professores sacrae Theologiae, tam clari & præstantes Magistri, de totâ sane Academiâ nimium exquisiti. Sed ecce qui primo risus aliquos mouere videbarur, adducet breuiter cunctos auditores in admirationem, acutè nimis & ingeniosè sæpe ac sapius obijciens, & in horam ferè integram trahens & producens argumentum. Usque eo ut propugnator labare videretur, & in angustias adductus, nisi pro se suo tempore responsa subministraret. Hinc sermones multorum, apparere literarum capacem, & ad res literarias affectum & propensum mirificè, & quod proprium docti sit, summâ cum præstantiâ munus obijci suum.

*Altera amplificatio in B. Pauli laude
ex proprio.*

QUæ facultas orationis, quod tantum, & tam incredibile genus dicendi cogitari potest, quod non dicam exornare, sed enarrare B. Paule tuas præclaras virtutes possit? Hoc affirmo, & hoc pace dicam tuâ, nullam in tuis ornamentis esse laudem amplio rem, quàm eam, quam Vincti cognomento consequutus es. Soleo sæpe mecum tacitus cogitare, & assiduis usurpare sermonibus traductionis tuæ primordia, tot itinera facta, tot conciones habitas, tot gentes ad Christi Iesu fidem tuis concionibus traductas, caritatem illam iagentem & inflammata ad nationum cunctarum multitudinem infinitam ab Idolorum cultu traducendam, infinitas alias laudes & virtutes innumerabiles, quas noua semper accessione cumulaſti, atque his omnibus video Vincti pro Christo Iesu Pauli laudes eximias & admirabiles præstitisse. Cognomentum enim Vincti ita magnum est, vt illud nullius mens, nec cogitatio capere possit. Atque alias plurimas B. Pauli laudes possumus communicare cum alijs Heroibus Christi Iesu, maximè cum socijs & comitibus tanti Domini, ne propriæ sint duntaxat B. Pauli: Et certè itinera facta, conciones habitæ, fides maxima, caritas incensa, traductio multarum gentium, & alia quidem ornamenta communia sunt tanto Principi cum Apostolis ipsis: At vero istius cognomenti gloriæ, Pauli Vincti, honoris socium habet ille neminem, totum hoc, quantumcunq; est, quod certè maximum est, totum est B. Pauli, & ille propter excellentiam tanti cognomenti decus eximium notum omnibus planè immortale deportauit. Hoc & literis multorum & sermonibus Christianorum, cognominis honore decoratus est. Ita quotiescunq; Vinctum audimus, omnes & intelligimus & re cognoscimus B. Paulum. Nihil sibi ex hoc cognomēto Sebastiani, nihil Laurentij, nihil Stephani, nihil omnes Apostoli decerpunt. Quin est ille Princeps Ecclesiæ, Vicarius Christi Iesu Petrus, in istius cognomenti gloriam se non offert, tibi cedit B. Paule, tuam esse istius cognomenti gloriam, & præcipuo Christi Iesu munera tibi declaratam tributamque fatetur, vt propriam & peculiarem. Comparasti equidem tibi maxima virtutum ornamenta, illustres admodum & excelsos signorum gradus, & alia decora & lumina donorum cœlestium clarissima: sed ea detulisti, quæ & alij

Magnates

Magnates cœlestis aulae detulerunt : verum Vincit dici. Vincti nomine appellari, istius cognomeni honore Paulum intelligi, atque recognosci, magnam habet in te laudem : hoc qui deportauerit præter te cognomen, agnoscis profecto neminem. Sic etiam Beatissime Paule alia propria sunt tibi cognomena, clara & illustria præ alijs Magnatibus Ecclesiæ celsissimis, illud Doctoris cognomen, quod cunctas gentes & nationes tuis cōcionibus institutas, & luce veritatis illustratas ostendit, tibi nouum præ cæteris honorem peperit. Alij multi fuerunt Ecclesiæ Doctores, qui laboribus, qui vigilijs, qui monumentis ingenij, qui doctrinâ Christi Iesu diffusâ, & aspersâ in orbem terrarum vniuersum, Doctores dicti & habiti sunt, & illos hoc nomine & honore celebrante Diuino Spiritu afflatâ Matre Ecclesiâ : sed qui cunctarum gentium Doctor prædicans fuerit, vnus fuit solum & habitus & commendatus sanctissimus Paulus. Illa vero etiam Apostoli prærogatiua, vt cum Apostolum dicimus, intelligere opus sit B. Paulum, quantum in tanto Principe laudis habet & honoris amplissimi? Cum Oratorem dicunt Rhetores, & audiunt mortales omnes, Ciceronem intellectum & prædicatum volunt : Idem de Virgilio, idem de Homero, vno Latinorum, altero Principe Poetarum Græcorum, fatentur omnes, Poetæ solum audito nomine, præterito proprio. Alia multa priuatim tibi, propriæque debentur, nullo cum alio Ecclesiæ Principe communia, cum tuba, tum buccina diuini verbi, diceris, non expresso Pauli nomine. Quæ omnia gloriam tantam tibi, & in his terræ infimis, & in altissimis cœli sedibus compararunt, quam nulla facultas oratoria pro sua magnitudine poterit adumbrare dicendo.

DE CONIUGATIS.

IN hunc locum incidunt coniugata, quæ dicuntur vulgo abstracta, est vox eiusdem significationis alia, quæ ab eodem abstracto tanquam à suâ causa deriuatur : vt à sapientiâ sapiens, sapienter, sapere.

Nomen abstractum est causa reliquorum, vt iustitia est causa, cur Aristides sit iustus, & sic nominetur, & iuste iudicet. A Cicerone definiuntur coniugata, quæ sunt generis eiusdem, id

est primogenita, & deriuata: Hinc illud Ciceronis: Si pietati summa tribuenda laus est, debitis moueri cum Q. Metellum tam pie lugere videatis.


Triplicia sunt coniugata. Quadam significatione & voce, vt sapientia sapiens, sapienter, sapere: quadam significatione, & non voce, vt virtus, probus. Alia sunt voce, & non significatione, vt somnus, somniculosus: differunt coniugata ab etymologia. Coniugata enim deriuatione, etymologia significatione continetur.

De exercitatione coniugatorum.

Amplificatio coniugatorum vna quidem est, cum à deriuatione occasionem rei augenda videor arripere, vt si laudes iustitiam hoc modo: Si laudanda iustitia est, quidni laudetur. Aristides, qui iuste omnia faciens, iusti nomen est adeptus.


Ad superiorem modum vituperabis aliquem: Si iniustitia exterminanda, quæ iniustos reddit homines, cur hominem iniuste leges & iura perfringentem, è Repub. velut infestum gentibus humanis, ipsi Deo inimicum non expellemus?


Hinc describendo rem amplificabimus. O iustitia, quæ merito nomen habes huiusmodi, & à qua iusti nominantur, iuste facta omnia facientes. Hinc suadendo rem quoque amplificabis: quidni igitur, si Philosophiæ operam damus, Philosophos sequemur, è suæ disciplinæ descriptionibus philosophantes?



CCEDVNT exercitationes descriptio-
num in locum adiunctorum ascribenda,
quod ex adiunctis descriptiones maxime
pesantur. De quibus praecepta nobis tra-
denda non sunt, quod duo APPARATVS
volumina, tertium etiam DEMON-
STRATIONIS ad multitudinem va-

rietatemque rerum describendarum, nihil & ad vsum, & ad
splendorem spectans praetermittendo, retulerimus. Hac in volu-
mina quidquid collibitum fuerit descripturus bonus Rhetor, &
concionator diuini verbi se conferre poterit. Quas descriptio-
nes etiam multas & varias in hunc locum retulimus, eas mul-
tò aliter expressas idem intelligat. Hic enim & sermoni, &
Rhetoricae artificio adiuncta sequuti statuimus inseruire. Ad-
iuncta igitur vel persona, vel brutorum animantium, vel gene-
ris cuiuscunque rerum spectent, quae hic sequimur, descriptio-
nem absolutam consummatamque cupientes.





ANIMALIA.

Catelli Melitenses.



Aggredimur descriptiones ex adiunctis, & descripturi Animalia rationis expertia, instituimus eas à Catellis Melitensibus.

Catelli Militenſes paruuli ſunt, ac delicati, in magno pretio matronis habiti. Qui ſi membris omnibus puſilli, & graciles fuerint, quadrato corpore, capite inſtar murini, roſtro paruo, auribus non maioribus cuniculorum, cruribus breuiſſimis, pedibus anguſtis, cauda oblonga, magnopere commendantur. Maiore autem digni commendatione, cum collum longiuſculis pilis ad armos uſque ueluti iubatum ſit, partes cætera tonſis ſimiles. Qui mites & blandi, delicatuli præterea, huc illucque ſaltitant, colludunt, in matronarum gremium iniiciunt ſeſe. Suſpiciunt, & intuentur ſuſpenſo intentoque ore, expectant manus illarum, & tenue ſputum, quod inhianti ore, & exerta lingua excipiunt. Gaudent ſe attræctari, demulcerique manibus, leniter latrant, & mordentium ſpeciem præbentes, minime quidem mordicant. Illi mundi eſſe ſolent, qui præter oblatum tangunt aliud nihil. Atque in pedes electi, anteriores non raro porrigunt inſtar manuum, moritant, & quod uulgo dici ſolet, ſeruiunt. Quod ſi matronæ procul ab eo loco, in quo conſident, aliquod proijciant, quod ore, præcipiant, reportandum, continuo imperata facientes, læti & hilares celeritate mirabili roſtro reportant, & offerunt, quaſi morigeri & obſequentes dicto mulierum præcipiennium. Quamobrem mirum non eſt, in tantis eos delicijs haberi, ſic enutriti diligenter & ſtudioſe, ut catellorum iſtiusmodi cingulo ſerico collum exornetur, cupreis campanulis circumſepto, ut quacunque domum peruaſentur, perſentiri poſſint, & internoſci, & uocati ſuo nomine, conſectum accurrant. Hoc eſt elegans & pretioſum catellorum

genus,

genus, & quod magni venit. Alij sunt hirsuti admodum longioribus pilis, alij breuibus, & glabri propemodum.

Canis venaticus.

CAnis venaticus, qui maximè venatoribus probatur, celer & mediocriter robustus esse debet, qui cum incredibili sit ad inuestigandum sagacitate narium, simulatque odoratus fuit, sagacissimè feram latratu statim excitare possit, aduolantem mirà celeritate persequatur, neque desistat, quoad à venatoribus incitatus magis, ac magis ad insequendum, currat & inuolet vsque eo, quoad consequatur, cuniculum ore capiat, & ex illo deferat pendentem ad herum, nullo modo affectum. Quod si valentissima fuerit, & robustissima fera, vt capere non possit, morsu vigeat, premat, defatiget, quoad cursu desistat, & venatores comprehendant occisam venabulo, vel adigant in retis. Hic autem animaduertere libet canem hunc venaticum post captam feram, quasi in contentione superiorem, & adeo victoria præcellentem, exultantem, & quasi triumphantem in præda facta, tanta lætitia gestientem, vt præmium, si per dominum sibi licuerit, eam ipsectet, quam mandat, & deuoret. Quod si non licere sibi agnoscit, continet sese, bestiam asseruare satis habet, & ducit præmium maximum ad venatoris vsque aduentum, vt quod sibi collibitum fuerit, pro arbitrato suo statuat. Quod si ceruum, vel aprum confecit, abstinet à præda in oculis & ore posita, nec attingendi quidem cùm facultas datur, vel minimum facit, quod suum non est facere, nec ad se pertinet, faciundum officio fungentibus relinquit, ne alienis se rebus admiscuisse videatur, vt se virtutis æmulum & studiosum à natura fuisse facile sit omnibus agnoscere, neq; tam carnibus voluisse explere seipsum, & famem saturare suam & auiditatem ferinam appareat, quam victoriam in pugna periculosa, tamque aperto discrimine sitienter expetuisse. Quod videre licet magis in lepore, quem insequutus fuit, quem occisum discerpere, & illius sanguinem lambere gaudet. Sin, quod persæpe fit, cursu confectum aut spiritu, quantum supererat, extrema contentione exhausto, defessum currendo, & deficientem in medio cursu, plane exanimem assequatur, prorsus non attingere videas canem hunc, astare ramen duntaxat gesticulantem, quasi non culpæ, sed virtutis ergo certasse velit. Sed quid non facient canes hi, qui à teneris annis sic alti & educati

sunt, sic assuefacti equis venaticis, ut agiles, fortes, sagaces, celeres cunctis hominibus fuerint blandi, solis infesti tetis, non faciles ad latrandum, taciti admodum in venatione, præsertim inter vestigandum, ijs omnibus præditi signis bonorum canum, atque adeo, qui læti semper, & alacres fuerint, & animo magno ad inuadendum, qui aures deinde mouent, & frontem versus dirigunt, qui circumspectant vndecunque & ferarum tractus, & halitus sequuntur, & olfaciunt. Inde videre est canum inter venandum continentiam, obedientiam, sagacitatem, egregiamque fidelitatem. Qui tantâ disciplinâ spectantur laudabiles, ut videas parere domino, nunquam eos ab illo discedere, illius insistere vestigijs, suspensos expectare eiusdem aduentum, & copiam, & facultatem factam persequendi signo suis temporibus dato, comprehensam feram seruare, vel ad dominum deferre fideliter, & egregiè satis.

Secunda descriptio canis venatici.

NON omitam profectò, quamuis molestus esse videar, canem tibi magnum ostendere, qui Mastinus nobis vocatur, ferocissimum imprimis ad quæcumque animalia inuadenda, capiendaque audacissimum, atroci vultu, & capite maximo, labro superiore super inferius dependente, acutis dentibus, collo tumente, amplo pectore in leonum horricorum speciem ac similitudinem, magnis pedibus, discretisque digitis, duris & curuis unguibus, ut loco magis in hære possit, quò valentior feram prosternat conculcetque. Is canis, hac horribili forma atque figura, simul atque leonem emissum vidit, valentissimam bestiam appetens, horrentibus per totum corpus villis, ingenti primum latratu insonuit, mox ingruit assultans, contraque belluam exurgens hinc & illinc artificij plenissima dimicatione, versutia calliditateque maxima infestare, & deuitare visus est, usque eò, quoad assidua rotarum vertigine affixit, ad calum illius tellure concussa: Quem fractum ac debilitatum iacentem viderunt omnes, techna mirabili, machinationeque canis ad leonem superandum adhibita: Qui se dedere cani continuo visus est, & præda illius dentes fugere aperte non potuit, neque carnificinam declinare. Porro canis hoc in valentissima bestia fecit, ut à venatoribus emissus in vrsos, in ceruos, in damas, sagax odore, latratu horribilis, importunus latratibus feram insequeretur, cogeretque ad lassitudinem,

nem, quoad in venatorum manus iniecerit, & quam iussu signoque venatorum assequi cœperat feram, non relinqueret, etiam si in alias multas incideret, currens & aduolans per rura, per campos, per sylvas, per valles imas, per montes acceleraret, nullum insequendi finem faciens.

Tertia descriptio canis venatici.

QUæ sagacitas canum in leporibus inuestigandis? sic inuestigant, ut à vijs, à tramitibus recedant, capita teræ obliqua admouentes, ad vestigia subrigunt, auresque demittunt, & faciles subinde oculos per singula voluere nunquam intermittunt, caudis blandientes multis in latera orbibus, per vestigia simul omnes progredientes. Qui simul atque ad leporem ipsum accedere, & iamnam prope esse videntur, id venatori planum faciunt celerius progrediendo, pergendoque significando vehementius animo, capite, oculis, gestu multo corporis, aspectum oculorum modò in leporem, modò in latibula dirigentes: diuerso tamen imperu, recto, aduerso, obliquo, & verè iam arrigendo animum, gestiendoque, quòd propinquiore lepori sint. Vehementius tamen premere, ac persequi leporem accelerant, nec remittere certum est illis plurimo vehementique latratu cum lepore quoslibet saltus, dumeta, saxa, locaque omnia alacritate mirabili velocitateque transmittendo, amissis nunquam vestigijs, & quando è conspectu leporem amiserint, prosequantur indicijs alijs, neque facile ad venatorem nisi cum præda reuertantur.

Quarta descriptio canis venatici.

SI superiora iucunda fuerunt, multò tibi iucundiora fore credo, quæ sequuntur. Nam propono tibi canem sagacem, longè venatoris vinculo alligatum, silentio maximo odorantem, inuestigantem & venatori præeuntem, atque præcurrendo quem ad pergendum attrahit, atq; allicit. Qui ubi vestigia deprehendit, & feram acerrimo natium sensu assequitur, hic subito consistere cernitur, nec se commouere, & præsagiens non procul ab eo loco venationem esse, gaudere ac lætari incipit, & blandiri venatori, qui proximè accedens, & osculatione pedum, & complexu inuitatus ad prædam, ad institutam venationem

incumbere perseverat. & pedetentim vsque eo procedere, donec ad cubilis locum pervenit, quem ultra non progreditur significatione venatoris notissima. Id temporis iacere venatores retia, canis latrare, excitare feram, lepus vero perterritus apparere, conari ac velle fugere, sed retibus præclusa fuga in calles incidere, & comprehendi confestim. Quo capto canis instar hominum, quasi victoriam expugnatam deportaverit, exultare lætitia, triumphare gaudio, & modis omnibus gestire, denique quasi vitulari.

Quinta descriptio canis venatici.

CAnes sagaces ex odore maxime probantur, qui neque optimi multum, neque magni, sed parvi sint & fortes, Agalæi propter alacritatem dicti, vnguibus probè armati, & multis dentibus acuti, odorandi indagandique principes maximi, tum ad vestigia deprehendenda, tum ad notandos aeris halitus idonei maximè. Quocumque venator deducat, præsto sint, seu recta, seu oblique, siue ad dextram, siue ad sinistram procedentes, seropes quascunque & latebras laterum indagent, & ubi odorati fuerint, apparentibus vestigijs, auxij & solliciti discurrant, & obuia quæque perseruntur, lapides, colles, vias, arbores, vites, sepes, arces, tandem deprehenso aeris tractu per omnes ruris ambages sequantur, donec in ipsum leporem incidant. Quorum si in ipsa venatione opera velit uti, ij esse debebunt, qui cautè vestigia ponant, qui tacite & insidiosè accedant, qui præ corporis exiguitate facile inter vites, aut inter arundines lateant, sagitta autem excitati è latibulo. serpentis instar, mira alacritate prædam inuadant, qua partim vnguibus acutis, partim dentibus subacta, illam ad venatorem referant, qui lætus accurrens canem vnà cum lepore a terra sublatum gremio reponit. Horum canum similes Britannia ferre dicitur.

Ultima descriptio canis venatici.

Probat Xenophon canes illos, qui immittantur in ceruos, lepores, damas: qui corpore sint longo, valido, non admodum aspero, oblongo, auriculis parvis, tenuibusque membranis, collo procero, pectore robusto & lato, pedibus anterioribus brevioribus, & rectis, cruribus longis & rectis, scapulis latis, costis laterum obliquis, lumbis non pinguibus, sed moderatione quadam,

quadam, denique caudâ longâ & astrictâ, id est, solidâ & virium ac nervorum plurimum habente.

Canes pecuarij.

CAnis pecuarius robustissimus valentissimusque, ore ferocissimus, nigro fulvoque colore, nunquam non ringens, simulatque aliquem aspexit præter pastorem, quem longè prospectum agnoscere solet, & eidem occurrere, colludere, blandiri caudâ, admovere se cruribus, lingere nonnunquam manus & frustulum obiectum capere. In ouium custodia positus, quia natura est & ingenio versutus, fraudulentus, clandestinus, taciturnus, non se commouet, nisi cum lupum appropinquantem videt, & impetu facto, multum diuque pugnans aut vincit, aut mille moribus faucium fugat, vel in pastoris oculis ab eodem inflammatus præsternit, & impressis dentibus suffocat. Sæpe circuire videas gregem vniuersum, obseruare custodireque latratu multo, ut lupi arceantur longius, disturbentur, dissipenturq; feræ immaniores, nec vilo modo audeant accedere. Quid cum accidit, ut ouem media nocte, tum cum pastores quiescunt, lupus abstulerit, sentiens canis pecuarius, aut ouem balare audiens, quanta lupum celeritate persequitur, quanto quamque vehementer latratu vexat, & premit, quoad fessus & defatigatus currendo balantem ouem perferre non possit lupus, aut ex illius ore ac faucibus abstulerit? Quamobrè canis hic robustus est, & ad cursum promptus & strenuus, & ad rixam & pugnam comparatus, cum insidias lupi depellere, & raptorem fugientem consequi, & ex ore ac faucibus prædam extorquere debeat.

Secunda descriptio canis pecuarij.

QValem oportet esse canem ad pecoris custodiam, talem tibi describam. Ille non strigosus, neque pernix, similis eorum, qui damas, ceruos, & velocissima sectantur animalia, nec tam obesus & grauis, ut non sit egregius pecoris custos. Robustum ergo, promptum & strenuum volo, quoniam ad rixam, & ad pugnam & cursum comparatur. Cum & lupi depellere insidias, & raptorem ferum consequi fugientem, prædamque ex ore, ex faucibus eripere debeat. Ad hos casus magis habilis est, quam brevis, quam quadratus, villas custodientium similis, generosus admodum, & magno corpore, vegetis viribus, animo non

deiecto, graui latratu, atque formidoloso, quique in adeuntes, non temerè, nec frustra insiliat; sed vires in suum tempus, conatus & impetus opportunos reseruans. Vbi lupum viderit, inuadat vehementissimè acutis dentibus, prædam fac at insignem & egregiam. Vt autem nihil ille capiat detrimenti collum corio crudo circumuentum habebit, quod guttur, & totas fauces muniat, & ab eodem corio surgentibus ferreis aculeis erectis, nequam harum partium attingere audeat fera, quam attingens ad canem proculdubio accedens, & reliquas corporis partes mordens, vulnerare poterit, non tamen occidere. Sic etiam nihil feras, nihil lupos canis exhorrebit, gutture atque collo velatifferratis thoracibus clauisque acuminatis, & transfixis septo. Quò tutior autem sit, & à luporum moribus defendatur, aculei duorum tantum digitorum latitudine distabunt.

Descriptio canis villatici.

Canem villaticum, villæ custodem, & eorum, quæ villæ proxima sunt, magis opimum, & grauem, quàm pecuarium aspice, vasto canoroque latratu; vt prius auditu maleficum, deinde conspectu deterreat, & nonnunquam nec visus horribili stremitu fuget insidiantes. Qui colore nigro fuerit, siue luce clara fur venerit, terribilior conspicitur; siue nocte, nec cernitur quidem, propter umbræ similitudinem, & ob eam causam noctis tenebris tectus, niger tutiorem habet accessum ad furum: maximè si fuerit quadratus, capite non ita magno; vt corporis occultetur pars maxima, deiectis, & propendentibus auribus, nigris aut glaucis oculis, acri lumine micantibus, amplo villosoque pectore, latis artibus, cruribus crassis, & hirtis, cauda breui, vestigiorum articulis, & vnguibus amplissimis, qui neq; mitissimus sit, neque rursus crudelis ac truculentus. Ille enim furibus quoque adulatur, hic etiam domesticos inuadit: sed seuerus & blandus, vt nonnunquam etiam iratus intrecatur. In custodia vigilans esse debet, non vagus & errans, frequens & assiduus, cautus valdè, non temerarius, neque præceps. Quippe nihil nisi certum indicet. Non vano strepitu, & falsa suspitione concitatus villam terroribus compleat inanissimis. Atque cum naturâ bonus sit, siue domi natus, siue emptus, his moribus, his institutis formandus. Nec multum refert villaticus canis corpore grauis sit, & parum velox: plus enim cominus, & in gradu, quàm eminus, & in latissimo cursu facere debet. Nam semper

circa

circa seſta, aut intra vallum conſiſtere, neque longiùs abire, neque aberrare debet. Quando enim melius fungitur officio, niſi cum aduenientem ſagaciter adoritur, & latratu deterret, neque patitur propius accedere, vel audacius, & conſtantius appropinquare tem inuadit vt laceſſitus, & ſeipſum fortiter & conſtanter vindicat?

Canes adium cuſtodes.

CANES domeſtici egregiè fideles eſſe debent, neque aſpectu horribiles, ſed re ipſa fungentes officio ſuo, vt domum latratu defendant; cum opus ſit, inuadunt; pro foribus excubias agant, & dominorum rem tueantur. Qui nunquam admittant in ædem quenquam præter domeſticos, agnoſcant neminem: lapidatione factâ hominem alienum latrare nunquam deſiſtant: licet etiam illos allicere conetur aliquis, panem, & offas canum illecebras obſceniens, ſemper tamen ſe implacabiles, ſemper inexorabiles præbeant, vt illorum latratus & impetus perferre nemo queat, præter dominum, cui blandiores erunt, auribus, & caudâ eidem fauebunt, & illius manibus caput ſubiicient, & dorſum. Multò autem actiores & vehementiores ſentientur, ſi in hunc modum tractentur, vt quò ferociiores ſint, interdiu ſemper includantur, ligati vinctique teneantur, & noctu ſoluantur, qui leuiſſimum propter morum experrecti, officium ſuum faciant. Nam illos in ædium cuſtodia poſitos, & totos dies domum peruagantes, & ſtatis prandendi, cœnandique temporibus ad menſam accurrentes, & ita comparantes ſeſe, vt vnum in ianuam, alterum ad domini manum porrigentis, & obſceniens aliquid oculum coniciant, parum hominibus boni cuſtodes probantur.

Mimici canes.

CANES dociles experietur homo, qui voluerit illos aliquos ludicris modis inſtituere, & ad ludos diuerſos, & ad mimica opera præſertim aſſuefacere. Nihil non iuſſi facient: ibunt, quo iubeantur; redibunt ſtatim, vt reuocentur; quam voluerunt, deferent, referentque rem dentibus apprehenſam ex collopendentem. Ludere hos videbis, tranſilire palum tranſuerſum, in duos ſe pedes erigere, molliter ad Symphoniz cantum mouere ſeſe, denique morigeros ſe præbere, & inſtar ſeruorum, ſæpe mandata quæ fuerint, celeriter exequi.

Descriptio vltima canum.

Libet voces ipsorum canū breui descriptione persequi, quos latrare modò audias, impetum facere volentes in aliquem, ut illorum sæuo latratu tota domus personet. Quid cum lamentantium similes, lugrubrem quandam & querulam vocem edunt, nonne ululare dicuntur? cum os in rugas diducunt, torquent nates, ostendunt dentes, truci vultu, rictu terrifico ringere videas, quasi parare se velint ad inuadendum. Præsertim cum aduersi fuerint sibi, & infesti duo canes, & ambo ringentes & rixam ad pugnam inflammantes.

Caprarum descriptio.

Capræ non longo admodum corpore, longa, & acuta habent cornua, frontem robustam, eis oculis sunt, qui in tenebris splendent, lucemque ciaculantur. Superiores dentes non habent, præter primores geminos. Spirillo eiusmodi sunt, ut dependeat ex omnium mento villus, qui aruncus vocatur. Hoc si quis apprehensam è grege vnam trahat, cæteræ stupentes spectant. Sensu illæ sunt audiendi acerrimo præditæ, & auribus & naribus respirare dicuntur, aluntur herbis & arborum ramusculis, quos ore possunt attingere in montibus & conuallibus, ita ut pascuentes loca crebrò permutent: summaque tantum contingant, sese duos in pedes erigentes, si propter altitudinem ore sublato contingere non possint. Idque cum facere possint propter celeritatem, qua donatæ à natura, nihil mirum, quod locis montanis, & excelsis gaudeant. Quamobrem magister pecoris huiusce acer, durus, strenuus, laboris patientissimus, alacer, atque audax esse debet, qui per rupes, per solitudines facile vadat, non, ut alterius generis Pastores, sequatur, sed plerunque antecedit gregem. Atque capellæ dum dumera pascunt, capris cedunt: quæ cedit, cohiberi debet, ne procurrat, sed placidè, lentè pabuletur. Ut largi sit vberis, & non strigosissimi corporis, in capra etiam requiritur.

Cuniculi.

Cuniculi dicti sunt, quòd sub terra cuniculos facere soleant, ubi lateant in agris. Illi enim natura timidi quærant antea in collibus terreis, & solertia sibi à natura data adæquant puluere, ne deprehendantur. Atque in specus inferunt & intru-

dunt

dunt sese, quos multos foderunt receptacula commorandi, intra quæ delitescunt totum diem, neque egrediuntur unquam, nisi manè aut vespere, cum tutos se putant, & ab hominum insidijs liberos. Quid si hominem vident, vel strepitum audiunt minimum, continuo sese referunt in receptacula sua, vnde non extrahuntur, nisi venandi cupiditate homines viueram immitrant, quæ ex latebris suis eos exire cogat in apertum locum, & in retia compellat. Paruo sunt corpore, multoque leporibus minores, caudâ etiam breviori, exiliore capite, & minima carne præditi, sed candidiore corporis colore speciem habent venustiore, & iucundiore, quàm reliquorum leporum multitudo. Quamvis non candidos solum, sed attos, fuscios, sufflavos, rubros, & alijs coloribus insignitos aspicias, & rursus vel totos colore vno præditos, vel vario distinctos; sed inter alias causas placendi magis hominibus hanc exiguitatis vnam non exiguam puta. Parua nescio quomodo longioribus iucundiora sunt & gratiora generi mortalium, ut pueri magis grati sunt, & iucundi, quàm adolescentes, quamvis habeant speciem & formam elegantem, & valde expectatam.

Echinus.

Echinus terrestre animal est, cuniculi magnitudine, sed specie porcinâ, aculeis vallatus, ore, pedibus, ac parte inferiore rata & minime perniciosâ lanugine opertus, qui aculeis erectis & acriter pungentibus ab iniurijs & malis illatis seipsum tuetur. Nam cum serpentibus & herinaceis mutuo odio flagrat, qui si fortasse in latibulis occurrant, Echinus in orbem se contrahit, ut præter spinas nihil emineat, quas erigit & attollit horrendum in modum: irruens verò in eum serpens, & spiris implicans, frustra mordet & premit, nam malo suo gravissimo, quod arctius circumvoluta premere perstat, eo magis ipsa sibi aculeos imprimat, & findit, vulnera faciens, & sanguinem exprimens plurimum, quibus cum afflicta, non remittit tamen, quoad moriatur, mortem sibi asciscens, dum in aduersarij necem incumbit. Sæpe ambo eo conflictu pereunt: aliquando Echinus euadens, serpentis immortui corpus aut carnes aculeis infixas gestat.

Elephantus.

Elephantis magnitudo, & tota species stupenda quidem est, plurimos autem & maximos India fert, robore & magnitudine præstantes. Quibus si natura opitulata fuit, ad necem arcedendam in eâ corporis mole, tantaque vastitate multum opis & auxilij rulerit. Elephas totus niger est, glabrâ cute sine pilis, obsecrum est, & durum admodum dorso tergus, venter mollis, setarum nullum tegumentum, nullum in caudâ præsidium ad abigendas muscas, sed cancellata cutis, ad quam inuitatur id genus animalium odore. Cum ergo aperti cancelli vim & multitudinem illarum receperunt, conclusi, compressique euecant & conficiunt examen molestissimum & infestissimum proceritati, vastitatisque Elephantis horrendæ. Hoc enim datum est illis pro cauda, pro iuba, pro villo: sed inter alia dentes ab utraque parte quatuor habet Elephas, quibus conficit cibum, & in farinæ speciem molit. Duo præterea prominent grandes, quos mares grandiores, reflexosque habeat, forminx rectos, atque pronos. Atque cum tam vastum & procerum sit animal, linguam tamen habet exiguam, in ore latentem adeò, ut vix oculis videri possit, sed talem tantamque na rem nactus est, ut ea manus vice utatur. Quippe qui non nisi ad os illam admouens, & bibat, & edat, suoque rectori eam erigit, atque offert, quæ arbores maximas prostermit. Quoties autem immersus per aquam ingreditur, ea edita in sublime, reflataque respirat. Proboscidem habet pendentem, angustam, & longam, ad terram accedentem, intus concavam, suillique labri speciem præbentem, quam ita rebus apprehendendis accommodat, ut ne minima quidem numismata eum fugiant. Sublatâ proboscide terrificus videtur, barrire quasi volens, aut barriens, si opus est. Hæc præcipue, cum ad alia donata sit promuscis, & ad cibos capiendos, & ad alia opera stupenda, tum ad bellum gerendum, & ad pugnam acerrimâ contentione committendam. Quid magis stupendum, quam Elephantem promuscide prosternere arbores, & ramum arboris, quem viri quatuor & viginti fune trahentes ad terram flectere non possent, semel, iterum, ac tertio motum ab Elephanto tractumque fuisse: palmas celliores fronte prostermit, ut iacentium fructus capiat. Quanto autem cum stridore, quam horribili pugnas Elephantes ineant, testes sunt exercitus,

exercitus, illorum horrifco barritu fæpe in fugam coniecti, fæpe perturbati, & ad interneccionem deleti. Sed cæteras corporis partes accipite. Crura priora multò pofterioribus longiora, pedes ipfos maiores etiam, rotundos, equinorum fimiles, digitos leuiter difcretos inuenietis. Quâ de caufâ ad natandum parum habiles funt, cum ad fluuios, ad aquam accedunt, aquam turbidam bibunt & fordidam, neque claram oculis intueri poffunt, nec ad bibendum adduci. Quamobrem illam pedibus perturbare folent, vt bibant : faciem enim fuam, & molem corporis vaffiffimam oculis cernentes in aquis, exhorrent mirandum in modum. In quo illud eft mirabile, tantâ odorum & vnguentorum fuauitate permulceri, vt flores offerantur eis, & in prata ad flores legendos agantur, qui odoratu flores interofcentes colligunt, collectos in culathum inferunt, quem eorum rector fuftinet. Quem poftquam floribus compleuerunt, lauatioue ftatim tanquam homines lauti delectantur, abluti autem, quafiffimum, quem floribus plenum reliquerunt, expetunt, in eum locum, vnde difcefferunt, redeunt. Quòd fi non afferatur ftatim, barritum edunt, neque prius cibum fumunt, quàm flores collectos videant, quos de quafiflo tollentes, illis fui præfepis labra exornant. Quam odorum fuauitatem cibo comparantes, ftabulum, vbi diuerfantur, qui indulgere volunt, herbis ac floribus fternunt. Inter cætera tamen à naturâ Elephanti donata, tam acerrimis fenfibus eft, & odoratu maximo valent, vt antegredientes fubfequentesque, cum herbam odorati fuerint humanis calcatam veftigijs, eam primus euellit, & ei, qui à tergo proximus eft, olfaciendam tradit, is rurfus alteri, qui poft eum ftat, ac deinceps per omnium quafi manus contrectatur, donec ad illum, qui extremum agmen ducit, peruentura fuerit. Is fimul ac olfecerit, barritum vaffum edens, quafi fignum fugiendi dat. Fugere ftatim omnes in valles imas; aut in loca concaua, & paluftria : vel fi minus id concedatur, in nemora lucosque remotiffimos, ab eo loco iter auertere, prorfusque fe amouere ab eo loco, quacunque frequentes homines iter facere folent, quod ab hominibus, tanquam ab animalibus fibi infeftiffimis, timeant. Confulere denique hac fugâ & omni itinerum declinatione ab infidijs, à periculis imminentibus vitam incolumitatemque feruare pergunt. Atque cum hac corporis horrenda fpecie fint, funt tamen mites & manfueti, vt ad hominis rationem propius accedant.

Quippe

Quippe qui si vagabundum hominem, & errantem per desertam solitudinem viderint, ad notum & directum iter deducunt. Si verò confertis pecoribus occurrerint, imbecilliora manu dimoment, ne quod animal obterant imprudentes, & ad progrediendum planum & expeditum iter relinquunt. Neque verò hominibus nisi laceffiti nocent vnquam. Atque summum pœnarum illud est, vt ad teli iactum promuscide sublimem iaculentur. Hæc natura, hæc virtute præditum est, tantum tamque horrendum animal; vt ab illo mansuetudinem, & misericordiam, qui natura sumus inexorabiles, & implacabiles, accipiamus.

Equus.

CVM in equo quatuor spectanda sint, color, forma, mentum, & pulchritudo. Hi colores præcipui sunt, bladius, aureus, albineus, rufus, murteus, ceruinus, gilbus, scutulatus, albus, niger, pressus, sed varius, nescio quam habeat speciem & elegantiam præstantem multiplici splendore suo, præsertim cum equi maculam præferant albam in fronte. Qui sic excellunt, tantâ sunt pulchritudine, & venustate præditi, vt equestre nullum Calamidis signum spectabilius esse videatur. Fortissimus autem illorum laudabitur magnopere, qui à teneris didicit laborem perferre, altius ingrediens, & reponens crura mollissimè, primus viaminire, reliquis præire, fluuios traicere tumentes & incitatos, & ignoto ponti committere seipsum audet, nullos strepitus, nullos fragores exhorret. Eâ autem est compositione oris, & conformatione corporis, vt arduâ ceruicem arguto capite, breui aluo, obeso tergo, luxuriante thoro, animoso pectore, honestis spadicebus, glaucisque emicet. Si verò datum fuerit signum committendi prælij, & procul armorum horror ingruere visus fuerit, & campi latè armatorum millibus occupati buccinæ clangore personuerint, stare loco nesciat, & in arma, in prælia furens præcepsque feratur, micet auribus, & tremat totis artubus, & compressum conclusumque intus ignem naribus efflet, multiplici hinnitu, horrendoque fremitu complens omnia, densis admodum iubis iactatis, ac dextris in armis recumbentibus, duplici spina, quæ per lumbos agatur ducaturque, fodiat ictu terram, quacumque transierit, vehementi, vbicumque fuerit, solido cornu semper vngulâ personanti.

Descriptio pulli.

Cum natus est pullus, confestim licet indolem aestimare: qualis ille futurus sit equus, è pullo coniectare possumus. Bius bona signa sunt, si cum gregalibus in pabulo contendat, in cursu, aliaque quacumque re, quò præstantior sit, excellat. Si flumen prius traiciat audacter, gregem præeat imprimis, nec respectet alios. Si hilaris, si intrepidus, si denique aspectu, neque nouæ rei auditu terreatur. Si alacritate lasciuiaque cum æqualibus ceter, victor euadat. Si fossas pontem, quæ non horreat, quæ cum honesti sint animi documenta, mores quales spectabuntur in pullo? Qui sunt mires, & concitati. Quippe qui ad obsequendum reperiuntur habiles, & ad laborem certamina patientissimi, ut qui ex summâ quiete facile concitantur, vel ex incitatâ festinatione non facile teneri possunt. Quâ verò formâ, quàm præstanti, quàm spectatâ? exiguo capite, nigris oculis, naribus apertis, & igne spirantibus, auribus arrectis, & breuibus, ceruice molli laraque, nec longâ, iubâ densâ in dextram partem ceruicis iactatâ, lato pectore, pleno & musculorû thoris numeroso, substrictoque, spinâ duplici non prominenti, latis lumbis, & subsidentibus, clunibus rotundis, feminibus torosis ac numerosis, crinibus æqualibus, arque altis, rectisque, generibus rotundis, ungulis duris, & altis, & concavis, caudâ longâ & setosa, crispaque, toto denique corpore venis ita diffusis, & apparentibus, ut quæque qua in parte corporis fuerint, sine difficultate videantur: sic denique corpus vniuersum compositum, sic ex omni parte ad speciem & usum conformatum erit, ut sit grande, sublime, rectum ad aspectum, agile, & ex longo, quantum forma permittit, rotundum.

Descriptio mali equi.

Omitte equum, quem tibi describam, ac noli, quæso, emere, ni vis ab omnibus iure optimo reprehendi, & nulli aut exiguo tibi vsui videri. Quis enim malè pecunias impensas non dicet, in equo, cui vitio dari videas ea, quæ sequuntur? Cuius caput graue, & carnosum fuerit, aures magnæ, rares angustæ, oculi caui, ceruix oblôga, iuba parum pilosa, pectus angustum, & latera parum carnis habentia, lumbi acuti, coxæ asperæ, crura duriora, & tarda ad motum, genua agrè flexilia, parum mollia, & quæ gressum equi difficilem & periculosum præ-

Melch. de la Cer. Vol. 1.

stant, ut & magis lasseretur, & sapius offendar, ac non raro (quod vulgò dicitur) cespitet, femora parum solida, tibiæ varicosæ, cynepodes crassi, tenues ungues, & ungulæ plenè carnosæ. Passim de terreitur, rerum non modò nouarum, sed frequentia aspectu visarum, inanes umbras, & quamcunq; aspiciens, consistere, retrocedere, à via discedere cernitur. Mouere se loco non vult. calcitrat postremò, & in itinere, non multum spatij, vel paucas progressus leucas, lassus ac fessus in puluerulento præsertim loco iacere auet. Cum verò ad oppidulum a quo, quod est in itinere, accedit, nunquam medium callem præteruehet equitem, sed ad parietes adhærebit, nolens longius progredi, inde calcaribus admotis, & stimulis infixis, & multis fustibus vix euellatur, & persequi cogetur iter legitimum: sic hinc ire, sic fremere incipit affectans diuersoria, & ædes quasunque aper-
tas, in quas nisi de industriâ, & vi adhibita contentioneq; multa seipsum equitemque intulisset, atque planè intrusisset. Sic opus est famulum habenas sumere in manus, & insidentem illa perfodere, stimulare, agitare, quoad oppidum transierit, neque domum vllam videat, ut actus habenis, & coactus calcaribus longius progrediarur. Cum autem sternendus est, opus est vicinos conuocare, qui adiuuent domesticos (neque enim illi sufficere possunt) vnus caput, duo à dextra, & à sinistra collum, reliqui corpus, & quidè vinculis astrictis pedibus. & fune ad an-
nulum ferreum alligato, difficili negotio, magno labore in scapulas sella iniiciatur, & post multam adhibitam contentionem, fessus iam & fustibus valdè multatus eam accipit. Quid dicam de frâno? ut amouet caput? ut retorquet os? multorum opera necessaria est, ut collum, ut aures, ut caput famuli teneât, ut vnus lupatum per vim maximam inferat, & intrudat. Et cum mantricam in clunes imponi sentit, antequam ad sellam funiculis constringendam accedas, & quæcumque alia imponenda ut loculos coriaceos ab armis vel a tergo pendentes ferre nequit, calcaribus mille deicere ac deturbare conatur: Quod minori vitio verteretur, nisi equitem excutiens, malè æp us afficeret. Nulli equidem, non frâno, non sella, non oneri facili se præbet: denique dominus vendidisset libentissimè, si inuenisset, qui bestiam tam indomitam, tot vitis laborantem emere voluisset, & multo quidem vilis, quàm ipse emisisset. Nam satius est equo carere indomito, & pedibus iter faceret quàm difficilem, tardum, durum, & intolerandum equum habere.

Eques.

Vide equitem inequo ferè indomito insidentem, mira venustate, recto corpore, & excello, & cruribus compositis ad equestrem speciem & elegantiam, cum habenis in manu ad exercendum, deprimendumque equum, quem multo cursu, sursum deorsumque facto equum defatigare vides. & officium facere tanta peritia equitandique scientia, ut laudent omnes, omnes mirentur, veniant spectatum, & sese equites effundant artis istiusmodi cognoscendæ cupidissimi. Quem exultantem & moderatius excurrentem continere solet & coercere, ut habenas, cum opus est, adducit? ut remittit? ut versat in omnem partem? ut incitat ad cursum, ut reuocat, & parere lupato cogit? planè videtur ab incunabulis, ad rerum equestrium scientiam institutus. Sed inter alia illa scientia fixo sustinendi equi in præcipiti etiam & lubrico loco, quanto clarior est, cum refractarium lupatis aded refregit? quam admiranda illa in equo tractando & in exercendo virtus, expectata laus, quæ indomitum & effrenatum equum in exiguum sæpe gyrum compulsi? sed quid non ageret, qui præter equestrem scientiam, præter usum & exercitationem, ad hunc gyrum agendum atque conficiendum orbem, brachiorum, & manus incredibili robore fuit præditus?

Catus, siue felis.

Catus animal est velox, & scandendo, reprimendo, saliendoque miræ agilitatis, valdè mordax, diuersa murium genera, & aues quoque venatur, & ob eam causam naturæ beneficio in tenebris cernit. Vescitur eisdem, quibus canes, cibus; pisces præcipue appetit in cibum, & in ventris ingluuiem effusus intemperanter. Cuius rei causa non raro pericula subit maxima. Fornaces & calida loca diligit, unde pilos sæpe adurit. Si gelidam aquam proieceris in illum, vel pauculis guttis resperseris quasi æstro percitus, & furiis agitur, fugit celeriter in eum usque locum, ubi consistens, excutit sese, & abstergere conatur lingua lambendo. Purè nimis & molliter cubare gaudet, quare in pulvinulis, in lectis mollissimè stratis, in tenuissimis molliissimisque vestibus cubantem aspicias. Vnde abactus, ed redit simul atque despexeris, ut fustibus & flagellis necesse sit deterrere, ne malo affectus reuertatur. Domo sua relicta vagatur, & domus & recta vicinorum peruagans penum quarrit, & loca, ubi se exple-

re consuevit, & aliquid prædæ nancisci. Vbi sæpè miser facile capitur, qua domos ingreditur, per fenestras, per loca, in focuam, in laqueos comparatos incidens. Mures captat & venatur solertia maxima obseruans, & expectans inuadendi tempus, & dentibus arripiens, ex ore pendentes trahere solet ad aliquod tempus. Quos aliquando ex ore deicit, vel leniter humi statuit obseruans, si mus se commouere audeat; quem spatium aliquod currere permittit, sed accurens & capiens iterum magis premit, quasi volentem se ex ore suo ac dentibus liberare: & vlciscitur audaciam, puncto temporis deuorans ac deglutiens, & aliud deinde se proripiens prædæ maioris faciundæ causa. Denique, vt alia omittam, rixari solent duo sæpe feles, & tanta rabie feruntur incitati, dentes & vngues in omnes corporis partes, maxime in collum iniicientes, vt rictum diducant, exerant aliquando linguam, dentes ostendant, ogganuiant, & cæco furentique impetu inuadant se ipsos, & complexi acerrime constringant sese, in mutuam quasi necem contendentes, sui plerunque inscientes adedò, vt se sustinere nequeant, sed de rectis in peristylium horrifico strepitu ac fragore dent præcipites sese. Fugere statim ambo, & diuersi & quasi agitati in tenebras, & in locum abditum recipere sese: ridere præsentis, cachinnari, clamoribus insectari, & sæpe lapidibus appetere, donec è conspectu amissi minimè comparent.

Leo.

Leonum ferarum omnium, & belluarum immanissimarum Regem esse magno sunt argumento caput, pectus, genua, incessus, saltus, celeritas, cursus, visus, iuba, os cataphractum, latera firma, nerui solidi, vngues magni. Ille capite firmissimo est, facie magis quadrata, quàm ossca. Quam speciem habet frons in medio magis caua, eminentibus decorata superciliis, qui oculos hadet charopos, concauos, non admodum rotundos, magnitudine mediocri, aspectu horribili. Oculi tamè prægrandibus vestiti superciliis, & pilis quasi horrentibus timorem incuriunt. Rictus oris amplius, & in tantam amplitudinem labra tenuia, ita vt partes superiores inferioribus superiniectæ sint. Bone Deus, quos dentes habet? teretes & acutos, quàm ceruicem rigentem, & ex vno osse constantem, nullis vertebreis coherentem! Quamobrem nullis eam articulatis ossibus, nullis spondilis coniunctam flectere nequit, nullam in partem retorquere. Sed quæ spiritus magnitudo? quæ celsitas

ras animi in Leone videtur inesse, cum colla armosq; veltiunt iubar? quam lumina vis & robur in pectore? his costis, eo dorso valde firmo munitum est, victus omnes, & plagam omnem illam perferre possit. Cum verò crura multum roboris ac nervorum habeant, tum pedes ad incedendum, & sistendum stabiles: sed priores quintis distinguuntur digitis, posteriores quaternis, eosque habet vnguibus armatos rapacissimis, & ad discerpandos hostes, & carnificinam exercendam aptissimos. Incedit autem tardis & passibus multum distantibus, humeris ad singulos passus commotis, ad militum nostrorum similitudinem, qui in urbanâ lustratione, numeris quasi in incessu servatis hastati progrediuntur ad ostentationem, iactationem que superbissimam. Atque vngues retrahunt, ne hebetes, & obtusi reddantur quasi in vaginam inclusos. Quæ si speciem habent maximam, si iactationem & insolentiam ferè intolerandam, quid illud in capite, præcellsum diadema, quasi regis dominationis præcellentissimum insigne? Quid cauda illa tracta modò, rapataque, modò in vnum & in alterum latus iactata cum longitudine sua, tum quasi non paucò, eiusque frequenti verberese stimulan & inflamman ad pugnam, cum erigit iubas, cum rugitu horrendo tonant loca terrarum deserta? Quid præ se fert, & ostentat id temporis cursus, propositi & incessus visitati immemor? cursu citato fertur, rapido ac præcipiti, sui ipsius quasi inscius & impotens, ut se ipsum retinere nequeat, quò vult, rem transactus, & exercitaturus carnificinam accelerans & aduolans.

Voracitas Leonis.

Ferocissimus quidem est in edendo, nisi pastus & satietus nunquam quiescens, semper crudelissimus & immanissimus, cibum ut quærat numquam segnis. Quærit anxius ac sollicitus, donec prædam faciat: cum cadauera non degulset, & crudis carnibus satietur, quod viuum comprehendit, suis vnguibus rapacissimis apprehendens, & discerpens, dentibus ferratis, fame intoleranda, crudum & sæpe solidum deglutit, ad ventris voraginem imam detrudens. Quòd si quid reliqui fecerit, ad illud non reuertitur. Nee deuorandi finem facit, quoad ritu reliquorum syluestrium animalium suam insatiabilem auuditare, & famem expleat, intemperantia tanta, tanta incontinentia vescendi, ut in carnes sese effundens, plurima deuoret solida, nihil dissecans. Quæ postea, quoad concoctæ carnes illæ

fuertint, biduo, triduoque abstinere videas, ad tantam iam expletum satietatem, & interim iacere, cubandoque fouete seipsum. In tanta autem multitudine carniū, quas deuorare potest, non autem decoquere, vt simiæ, & alia animalia, vomitionibus se purgans Leo, iussuris in ora vnguibus, & in fauces adactis, quas alius capere non potest, extrahit, & euomit frustra esculentorum halitum redolentia terribilissimum, fœtido illo suo ore, salua iam & humore corrupta.

Alia descriptio Leonis.

DONO ac munere diuino datum est Leoni sic incedere, vt vestigia reddat prorsus incerta venatoribus, neque latibuli vestigium ex impressis pedum vestigiis consequatur. Cum enim ingreditur, non rectâ iter facit, nec simplex ponit vestigium, sed varium imprimit & multiplex. Modò enim progreditur, modò regreditur, tum rursus procedit, idemque vicissim retrò comitat, modò quasi sursum versus, modò permixtum facit vestigium, deinde partim progreditur viam, partim obliterat, vt ne venatores eius vestigiis insistentes, lustrum, vbi cum suis catulis habitat, inuenire possint. Atque hæc vestigia, quod admiratione dignum est, variè inuoluta obliuiscit, & incerta reddit, cum eundo, progrediendoque obliquè, tum cauda confundendo, ne catuli furto substrihi possint: inuolutis semper vestigiis incedit, tanquam vaginâ conditis, intus vnguibus, ne attritis acies retundatur, ac se, & carulos tueri nequeat. Ac ne vestigantibus occasio detur magis aperta venatoribus, qui catulos auferre volunt multitudine canum circumvallati, latratu multo, multo impetu appetitus, ictibus horisicis telorum, & omnis generis armorum sauciatus, illos defendit inter tantam vim & armorum, & hostium multitudinem, oculis sin terram defixis. Nec ille venabulorum fulgorem, nec horrorem pertimescit, sed impresso semper utroque vestigio pro catulis acerrimè pugnantem videre quantam admirationem affert! Præclarè contemnit factam saxorum lapidationem, & crebram missionem telorum: neque infinitis vulneribus, inuicti animi robore, & incredibili magnitudine omittit eos tueri ac defendere, priusquam hæc contentione, susceptaque catulorum defensione, extremum spiritum exhalans, occumbat. Non enim sanè suâ tantopere morte mouetur, quàm ne ab antro sui catuli abripiantur: quos si rediens aliquando læna vidit

vidit subtractos, quemadmodum se affligat? miserabili voce non aliter exclamare solet, plorareque, quam eiulare solent mulieres, cum patria armis vastatur, diripiuntur ædes, cædes fiunt indignissimæ, & crudelitate in omnium funeribus exultante deterrimâ, ignis ardore deflagrat.

Descriptio Leporum.

OMnes corporis partes in Lepore mirificè ad celeritatem compositæ sunt: siquidem ea, quæ insunt, cernuntur in corpore. Caput agile est, breue, rotundum, pronum, & acutum terminatur, aures sublimiores, collum angustum, molle, oblongum, scapulæ rectæ non arcuæ, sed laxæ, solutæque ad motum faciliorem crura leuia ac solida, exiguo intervallo distincta, posteriora magis distant, & diuariantur, pectus non graue, nec carne multa obductum, costæ leues, aluus carnosa, ilia tenera, fœmora longa, & solida, pedes anteriores summè flexiles, longi, molles aliquantulum, posteriores solidi, duriusculi, angusti, recti, lati, nulliusque utrimque non contemptores asperitatis, posteriora crura prioribus multò longiora, parumque procurua, breuibus villis leuibusque notata. Quæ compositio, conformatioque totius corporis, quantam vim habeat ad agilitatem summam, nemo ignorat. Atque cum cauda ad currendum non multum emolumenti habere videatur, ne illa possit cursum retardare celerem, auribus maximè ducitur in cursum. Quia verò timidus est admodum, terram proximè aratri vomere perstrictam quærit, ibique nonnunquam stratus, nulla alia re abditus, venatores canesque ipsos prætereuntes, sagaciter propè omnia perquirentes, coloris tantum beneficio, quia dorsum pullum est, latet. Cum verò lepores alij montani, alij campestres, alij palustres sint, velocissimi sunt primi, proximi verò minus, tardissimi sane postremi, qui loca omnia pererrant, in cursu molesti sunt. Sciunt enim compendia viarum, currunt per aduersa vel plana maximè, per diuersa variè, per decliua minimè: nam facilius capientur, cum per decliua ferantur, propter pedum posteriorum altitudinem præcipientes in caput acti. In accliuibus verò pedum inæqualitas facit, ut corpus æqualiter feratur, cum quantum locus humiliter subsidit, tantum ipse altitudine crurum erigatur, ut quasi in plano currere videatur: aut quod ad leporem sanè locus videri planus possit.

Sed ubi lepus cubat? In arbutis occultioribus, in densis fruticeis, in foraminibus terræ profundis: quem vagire audias, & quod alij dixerunt, acutam vocem edere. Quiescere scias interdum, noctu vagari, & nunquam nisi nocte ad pastum progredi, atque in patibula vsque longinqua, natura duce, ut se exerceat, & pedum celeritatem armet. Atque cum hæc sint in lepore, ille naturâ timidus est, pauidus & fugitiuus, & admodum debilis & imbecillis: qui non prius cubile solet adire, quam modò ingrediens, modò egrediens, tua confuderit, conturbaueritque vestigia, ut ea struentibus insidias, parantibusque laqueos occultet, ad fallendos homines naturali sagacitate præditus. Neque lepus duntaxat venatorum, sed vulpium insidias cauet, quorum incursiones perhorrescit, ut extimescit auium impetus, & exhorret coruorum & aquilarum voces: quibus cum aibus nullum inire fœdus, nullam pacem facere dictus est vnquam, sed se intrudit in dumeta, in alta fruteta, in cespites, aut cum angustis virgetur, in quoduis aliud latibulum iniciit sese. Sed ut alia omitamus, animalia videre leporem fugientem vulpeculam, vulpeculam insectantem leporem. Postquam vulpes in leporis vestigium incidit, ex eo sensum percipit, animam continens, comprimentque spiritum sensim, & pedetentim vsque ad vestigium leporis insistit, quoad in cubili deprehendens, tanquam ex insidiis securum & inopinantem aggreditur: sed lepus non soluto, nec remisso animo somnum capiens, sed sollicito ac suspensio, simul atque vulpem aduentantem sensit, de cubili exilit, properat, ac fugæ se mandat, cursum ad summam celeritatem faciens nullius vestigiis insistens currere non desistit. Lepus ubi longam viam contexit, qui iam longinquo intervallo à vulpe distet, in dumeta, ac fruteta densiora abdens sese, ex longo cursu libenter ac multum quiescere cernitur, & vulpes è vestigio insequi, nec concedit quidem, ut è fuga multum consistat, reficiat, ac recreet sese; sed ad alterum cursum ex quiete leporem excitare properat, statimque agitare. Lepus rursum fugam capere, & quam incitato cursu, à tergo abscessu longiore vulpem relinquere properat, iterum requietis intervalla capiens, ex cursu magis defatigatus, ac vix respirare valens. Vulpes accedens fraterum, in quod ille se coniecerit, virgere pergit multum, valdeque excutere. Leporem non consistere magis videbis, sed procurrere, & prouolare, vulpem non minus insequi: imbecillus & infirmus lepus longius procurrere non potest. Itaque cedere vulpi cogitur, labori succumbere. Vulpes verò inuadere cernit

rum, & longinquitate temporis, captioſaque inueſtigatione currendo ſellum leporem comprehendere.

Deſcriptio venandorum Leporum.

D Eſcribam venationem Leporum, qui incolæ ſunt, & habitatores montium. Qui non tam veloces ſunt, quàm qui in patentibus camporum æquoribus verſantur, niſi quando traiectus habeant ad radices montium in planiciem explicatos, quò ex montibus decurrant. Hos ubi venatores excitant, & inſequuntur, fugere ſcias, & ut reliquos propere & accelerare fugam, quantum poſſunt. Cum autem non procul abeſt, ut capiantur, campeſtris viæ breuitatem illi declinare, in altiorem locos, & montes ſe convertere, in ſuas ſedes ſeſſuantes euadere ſtudent id temporis, & inſperatam ſalutem aſſequi. Canibus enim & equis itinera ſunt inſeſta montium & inimica: quam obrem pedes illis obteri ac debilitari neceſſarium eſt, & eo acerbius vexari canes, quippe quorum pedes carnei ſunt, & minimè ad ſaxa perferenda reſiſtentes. Lepores ob pedes pilis conueſtiſſimos durtatem & aſperitatem locorum facilius pati poſſunt.

Deſcriptio Leporum aliorum.

M ULTò diſſimiles ſunt Lepores in crebris dumetorum frequentium locis commorantes, qui laboris inertia ſegnes, non ad curſum velocitate valent, ex pedum tarditate ad fugiendum laborantes: quos capi facile videas à venatoribus. Optimus enim illorum habitus, & ceſſatio torpere facit, & currendi inſuetos, & ad proficiendum longè imbecilles. Quamobrem quàm facilis ſit eorum venandorum ratio, vel ex eo potiſſimum cernes, cum frutices Lepores videas per paruulos, & minimè continenti crebritate denſos permeare, denſiores verò, qui tranſiri non poſſunt, tranſilire, ubi fruticeum aliud ex alio nexum latiſſimè continuatur, corporis gravitate parum ad ſaltum valentes, ſanè quàm cito laborare ac ſuccumbere: canes verò ab eis ipsis primum aberrare, quòd non eos per minutarum artuſcularum frequentiam vident. Et verò per frutices ſalire properant odoris ſenſu illeſti, deinde viſos tandem aliquando inſequi pergunt, de contentione currendi nihil remittentes. Sic Lepores ipſos partim ex continuatione ſaliendi ad fugiendum remolleſcere, & viribus deficientes comprehendere neceſſe eſt.

*Tertia descriptio Leporum campestrium,
venandorum.*

Lepus, quem canes & equi insectantur, si Campestris fuerit, celeriore concitationeque cursu, quàm Montanus, viam conficit, propter corporis exiguitatem & tenuitatem. Cum gracili habitu sit, ipsum celeritate præstare, vero proximum est. Primum à canibus, à venatoribus excitatus, exiliens saltu fertur, dumera virgultaque densiora præterlabitur, herbas quamvis altas & frequentes transilire potest, ex illis facile explicare sese atque elabi, aurium robore ad cursum incitatus, fugiens eas retorquet, eisdemque ne à currendo retardetur, tanquam stimulis concitatur. Currere igitur leporem scias, nec eundem tenere cursum, rectum atque directum: sed huc & illuc se versare, à recto cursu deflectere, vt exterreat canes, & ad id circūuenire diuerticulum, quò vult iter conuertere, aurium alterutram intorquere, atque inflectere, & ea quasi moderatrice cursum dirigere. Neque verò improuidè vno eodemque tempore omnes sui corporis nervos contendere visus est, sed impetum insequētis obseruare, & si ad insequendum tardus & segnis ille, sic non omnem suam celeritatem profunderet. Sed canes duntaxat attingendi maturans, sese integrum seruare, & ex viribus suis gerere, non omnem suam currēdi vigere facultatem, ne ex incitato cursu deficiat. Penitus enim cognoscit sese cursu longè multumque excellere, & videt impensius, non esse opus nimiam celeritate cursus. Quod si pedum celeritate canis ad conficiendum interpellat, id temporis omnibus reuocatis viribus lepus quàm maximo cursu fertur. Cum longè multumque canibus anteuertit, & longo post se intervallo venatores, & equos reliquerit, in aliquem tumulum properat ascendere, & in posteriores pedes sese erigens, tanquam ex aliqua specula, tantum certamen prospicere gaudet, & vt conicere licet, quas irationis particeps, more hominū, vt debiliores ridere venatores & canes. Ex quo tempore omnibus in rebus se superiorem vicens, quietem & tranquillitatem adeptus, ex lassitudine gratè libenterque dormit.

Vltima descriptio.

Cum exeundum est ad venationē, diluculo fiat, ne inuestigatione venator priuetur, si mora fiet, & ut leporē canes inueniant, & vestigium maneat, quod singulis horis euanescit. Stollam custos retium, leuem indutus retibus diuerticula claudit fragosa, decliua, caua, obscura, riuos, aquasque perennes: hæc enim præcipua sunt leporum perfugia. At quâ ratione diuerticula, biuia, vias, vel semitas latas, & angustas præcludit? hastilia figit supina, ut cum adducantur, contendere possint, in ijs summis laqueos æquales subijcit, pariterque fuscit in medio reticulum, oblongum lapidem, magnumque suspendit, ne rete, cum leporem cøperit, reducere possit. Vbi casses in opportunis locis obiecerit, circumiens cautius obseruat, leporem iam incipit agitare, insequi cum clamore, ad retia adigere. Cum in rete incidit, canum iram, non pulsando, sed leniendo refranare, venatori clamando dicere captum esse, aut hac illacue lepore transcurrere. Venator, qui cum neglecta tenuiq; veste, & calceo venatum exiit, manu baculum gestās, saltum adire, canes inuestigandi perissimos, capiendi que cupidissimos dimittere, illi leporem insequi, virgere, premere, venatori significare toto cum caudis corpore micantes, hostiliter insultare, certatim præterire, studiosè concurrere, repente cōsistere, diuulsi rursus inuadere, postremò ad leporis cubile peruenire, & in ipsum tandem incurrere. Quid de Lepore? Lepus subitò è latibulis erumpens, canum in se latratum & clamorem fugiendo cōuerrere, discurrens Lepus & canes, hos venator clamans animare, lo canes, lo segnis, bene O canes, sequi nec perturbare ob oculos posurus, sed ab oculis proripiens refugere, & loca vbi primùm inuenitur reperere, pro more clamare, & loqui cum retium custode. O puer, heus puer, ha puer, ehe puer, caprusne lepus? vbi custos significauerit, vel inclamauerit captum esse leporem, reuocatis canibus, alium inuestigare pergit, vel incitare canes, & currentes inclamare: Euge, euge, O canes instate, virgere, premite, capite, deserte, date in manus, bellè canes, bellè O canes mei, optimi, bellissimi.

Lupus.

Vide prægrandem & atrum Lupum, cumque ferocissimum, ouibus infestum, quarum carnes appetit, in speciem & similitudinem canis, ore & dentibus valeus, rigenti collo, humeris latis, hirsutis femoribus, ululat horrendum in modum, & toto impetu fertur illo rictu suo ampliore, os quàm maximè diducens, vt maiore vi mordere queat, inuadit in teras voracissimus & propè insatiabilis, pilos & ossa deuorat, & multa solida. Ferox adèd est, & insidiosus, audax, & dolosus, vt eorum rapax natura fert. Vbi caulas intrauit, non solum interficit quòd satis esset ad ventrem, sed magnam partem gregis iugulat. Sed quomodo ouem capit? insidiari incipit, ouile circuire, canis somnum ac pastoris desidiā vel absentiam explorare, caulas intrare, aut incidens in grege nouium interficere, transglutire multo commansu, & sese explere ad satietatem vsque, deinde numerum ouium ingentem iugulare, exercere carnificinā maximā, & nisi balatu multo, excitus occurrisset, interuallo longo disunctus Pastor cum canibus, periissent ferè oues omnes à lupo, qui Pastoris ope fugatus, eādem reliquam intermittit. Sed quid miraris lupem hunc truculentum adèd, & ferum in oues natura imbecilliores, qui in bouis vitulum, in oculis & ore bubulci non audentis opem ferre, audacter inuadit, & arrectis naribus trahere conatur, quamuis vitulus visus fuerit retrahere sese, & per multa interim pugna fiat, dum ille vitulum expugnare, hic resistere conatur: adèd pugnaciter resistentē perspiciens vitulum obtinentem non remittit, sed ex vi retrahendi, & tergiversandi in suum dorsum recidere compellit, & continuò impetu facto ventrem illius lacerare, & distractum exedere, ac conficere pergit. Neque hoc etiam mirabere, cum lupi naturā sint crudeles & immanes: vt homines, insidias moluntur. Circumagi scias illos, in orbes conuerti plures, deinde excurrere, donec ex vertigine currendi, & caligine eorum aliquis lapsus est, quem illico stratum humi cæteri omnes impetu facto dilaniant. Sed calliditatem istiusmodi fame dominante minus admirabere, si videas lupum cum tauro callidate contendere, contra quem lupus ire, & simul eum à fronte adoriri nō audeat, cornua extimescit, & illorum mucrones oppositus: pugnare tamen calliditate sua non desinit, & quasi aduersus pugnam committere paratissimus, minas iacere, & illius oculis crebrò sese obijcere,

obijcere, deinde feretorquere, in dorsum insilire, & celerrimè ad illius perniciem incumbere, quoad eum, natumque versutià debilitatem suam compensans, tandem expugnat.

Descriptio Muli.

Mulus naturâ suâ a sinum magis quam equum refert: quàm obrem asini vocem edit, & illius multa propria ac peculiaris habet, auriculas longas, pedes exiguos, corpus macilentum, reliqua verò habet, ut equus nigranti tamen plerumque colore, magnus & caudatus est, ceruix tamen illorum non eresia, ut equorum, etiam si longa sit, sed proiecta protensaque. Hordeo herbaque vescitur; sed maximè potu pinguescit, atque inter bibendum, extrema duntaxat labra videas immergere. Sed cum nati sint ad onera perferenda, clitellas eorum dorsis muliones imponunt; quibus detractis rudete incipiunt, gaudere, indulgere volutationi, ut à lassitudine recreentur, denique exurgentes extergere sese quasi multo totius corporis, & ad palus corporis statos iam se comparare.

Ovis.

Ovis ea debet esse laude prædita, quæ corpore amplo, multaque lana sit & molli, & villis altis & densis toto corpore, maxime circum ceruicem & collum. Ventrem quoque habebit pilosum, sed & cruribus erit humilibus, cauda longa, nec colore vario distinguetur; cornibus tamen caret, quibus valetaries ad sui defensionem. Balatus earum tenuis est, & remissus. Mitis tota est, & mansueta, quæ radicitus herbas capit, & arboribus obest, plurimis plantis morsus est exitialis. Pascua tenuia & vberima debent esse, ut lanam ferat molliorè. In pascendo ruminat, ut quæ superiorum dentium ordine careat. Illa verò pabuli vbertate saturatur, tum verò longè pascitur à sentibus, quæ lanam diminunt, & corpus incidunt. Quæ pinguis ac nitida sit ex potu, illa quamvis debilis sit, capris valentior fiet. Est enim algoris patiens, quæque hybernis temporibus pruinam, quam susceperit, sustinet: quæ minus virium habet, parum præ sua imbecillitate constans, discutit corporis motu: contenta autem, si à caudis glaciem excutiat. Cum autè mitis sit, & natura sua maximè quiesca, & aptissima est ad hominum vitam, & ad parendum admodum facilis. Pastoribus enim obedit

obedit, & canibus obtemperat, & capras sequitur, tamen otile genus amens, & moribus, ut dici solet, stultissimum est. Quippe quod omnium quadrupedum ineptissimum, repit in desertam solitudinem sine causa, hyeme sæuiente ipsum egreditur stabulum, & obductum niue, nisi pastor compulerit, redire non vult, sed petit deuia, nisi mares à pastore ducantur, quos reliquus grex consequitur: sed oues tanto se amore prosequuntur, & caras habent vicissim, ut afficiantur dolore maximo, si viderint aliquam earum imbecilem. Atque id temporis hoc facere solent, ut soli pro ea se obijciant, & umbram eidem obtendant. Quid memorem ouium utilitates, quas afferunt hominum generi, quæ ad cibum, lac, caseum, & carnem; & ad corpus vestitum, & pelles attulerunt. Quamobrem præmoneamus pastores, ut prouidi sint ac vigilantes in custodiendis pascendisque ouibus, ut eas mansuetudine clementiaque moderentur, & in cogendis recipiendisque ouibus acclamatione, ac baculo minentur, nec vnquam telum emittant in eas, nec ab illis longius recedant, nec aut recubent, aut confidant: nam si procedunt, stare debent. Grex enim, quod aliud custodis officium, nisi sublimem celsissimamque veluti oculorum speculam desiderat? neque tardiores & grauidas, dum cunctantur; neque agiles & fœras dum procurrunt, separari à cæteris sinant, ne fur aut bestia hallucinantem pastorem decipiant.

Tonsura Ouium.

Adest iam tempus tondendarum ouium ineunte Iulio, vel vellendarum, quod prius factum fuit. Id tempus expectatur, ut oues neque frigus, si lanam detraxeris; neque æstum, si nondum detonderis, sentiant. Sed officio fungentes huiusmodi, ut pedibus ac manibus deuinctis inter duo cruia interijciant ouem vallantem & pronam modò, modò resupinam, oblquam & à lateribus iacentem detondent paulatim forcipibus in vasa proxima illatis, ad abstergendas, ut credo, loides inter tondendum susceperas. Interim dum tondentur oues, ut gaudent illæ, ut conticent, & sese commoueri patiuntur, & in utrumque conuerti latus, nonnunquam breui contentæ balatu, quo se demulceri quasi gaudent, & gratificari videntur tonsoribus. Tonderi omnes partes debent, quia mole vellerum & grauitate leuantur, nudæ quasi & spoliatæ amictu, qui ad frigoris vim depellendam à naturâ datus est, vellere crescente exurgenteque ad iustam densitatem. De tonsas
vngi

ungi vſtrato medicamine, & imbui neceſſarium eſt, & delibuto tergo triduum manere, vt oues medicamina iſtiusmodi peribant: neque hac indulgentia ſolũ recreantur oues, ſed ſi mare, ſi flumen proximum eſt, ad litus mergendę deducuntur, vel aqua cœleſti cum ſale paululum coſtâ pecudum iſtiusmodi tonſa & vincta membra diluuntur. Hac cura ioue oues ſcabrę fieri non poſſunt, atque lana mollior & prolixior renaſcitur. Videas conglobatam lanam, vellera glomerata, poſt tonſuram in ſua loca deferri quoad in ſaccos ampliſſimos & longiſſime inferenda detrudendaque ſint, quibus complentur, & inferuntur, magno quidem ad vſus hominum, ad veſtes præcipuè conſciendas, emenda.

Rhinoceros.

Rhinoceros Elephanti ſimilis, longitudine par, breuior cruribus, cornu in nare habet, in quo id eſt peculiare, vt quamuis alia ſingulis animalia cornibus conſpiciantur, vt Oryx, onager, cæteris tamen à mediâ fonte, huic vni è naribus promineat. Cuius fiducia aduerſus elephantem pugnare non metuit, cuius duo cingula tanquam draconum volumina cernere eſt à dorſo in ventrem vſque tantum animal circumeuntia, vnum iubam verſus, alterum ad lumbum. Frons illius eſt ornata pilis, & leuiter ruſa, dorſum ſtauo ſpectatum colore, & maculis diſtinctum purpureis. Pellis tamen tanta firmitate munita eſt, vt ægrè iaculo penetrari queat: nam prædenſa cernitur, ceu cruſtis quibuſdam ſquamarum compacta, colore & figura teſtũ referente teſtudinis. Cornu autem illud, quod vnicum eſt, in hanc formam figuratum eſt, vt reprædum ſit, idem modicè reflexum, breue tamen, & acutum inſtar enſis, & ad eò valens, vt quidquid impetierit, aut ventilet, aut perforet, ferrum etiam & ſaxa traiciat: quod contra Elephantum pugnaturus ſaxis exacuat & leniat, poſtea congregiens eo acuminato elephanti crura toto rictu ſubitus, aluum petit, quam ſcit eſſe molliorem, & ſuis iſtibus peruiam, eamque diſcerpit: ſic valentiſſimam beſtiam vincit, & fuſo ſanguine exanguis procumbit Elephas. Viſ ſcire cauſas pugnandi? pugnat pro paſtione, pro qua tuenda multi dicuntur occumbere. Atque in aluum fertur toto impetu Rhinoceros: Nam ſi non præoccupauerit, ſed in aliam Elephantis partem aberrauerit, proboscidē feritur, ac dentibus laniatur, quorum viſ diſiſſimam illius, & ſaxi ſimilem cutem & iaculo ſuperiorem penetrat.

Simia.

partes corporis, cum perscrutari pediculos, cum illos ex intimis quasi corporis partibus latentes extrahere visa est, ex utraque manu digitos vsitatos ad comprimendos atterendosq; admo- uere, quasi pro malo, & pro morfu referat gratiam debiti & di- gnos iudicet, qui pro malis illatis talia subeant. & patiantur. Denique pro ridiculo ac delectamento simiæ istiusmodi ma- ximè habentur, cum ad hominum morem vestiantur & ornan- tur sæpissimè, quòd parum attentos, aut imperitos fallant, proq; homine salutentur nonnunquam: aut si deprehensa fuerit spe- cies ac dissimulatio, res magis videatur ridicula, & spectato- rum cachinnis excipienda.

Sphinx:

Sphinx monstrum Thebarum deterrimum, cuius caput est & manus puellæ, corpus canis, alæ avis, vox hominis, ungues leonis, cauda draconis. Hanc in Phincio monte sedentem ænigma proposuisse ciuibz fabulantur Poëtæ, soluere nescien- tem interemissæ; cum verd id Oedipus soluisset, sese ipsam ex monte deiecisse. Vnde ab astringendo dicta, vel quòd cogeret transeuntes consistere, dum ænigma proponeretur, vel quòd homines suis quæstionibus ita constringeret, vt se expedire non possent: vel quia sic omnium mentes suis propositionibus ligatas constrictasque teneret.

Sus.

Sus est facie deformi, capite paruo, angustâ fronte, plana que, oculis cauis, profundisque, amplitudine rostri notissimâ ad terram faciliùs infodiendam: nam mollium & radicum appe- tens est. Quamobrem os à naturâ latum est, latum anterius, in cuius medio inter nares additum nescio quid quasi acutum ha- bens angulum, quo terram fodiat, cauetque. Atque ex inferiore malâ dentes prorumpunt exerti ad robur & auxilium, quibus armatur his in sublime spectantibus, illis deorsum retortis. Collum suis, crassum, & cernix rigens corio duriore testa, procerum corpus, setisque horrentibus rigens, ungues bisulcæ, cauda non longa, quàm facili, cum vult, intorquet, & inflectit. Appetens est luti, cœni, sordium, quibus se oblectat & volu- tatur avidissimè, species & adumbratio libidinosorum. Vbi- cumq; fuerit grunnans prodit sese, & non aspectus agnoscitur. Glandibus & fursuribus infertus pinguescit: in sterquilinis rostro, rictuque amplissimo versat, & prouoluit sordes omnes, Maleb. de la Cor. Vol. 1. T odorum

odorum suauitatem omnem tanquam venenum fugit. Naribus enim crassis interceptisque vim hebetem olfaciendi habet. Itaque tetrum & intolerabilem odorem percipere nequit omnino. Sed istius animalis saginandi, quanta cura est mortalibus, ut carnibus, quarum gustatus est suauissimus, macris, pinguibus, & permixtis vescantur? Quæ cura deinde ad ignem indurandi, ad escarum delicias? Nullum conuiuium celebratur, in quo non apponantur carnes suillæ carnibus alijs permixtæ, quibus & ius sapere, & perfici dicitur & absolui. Quid de pernisi integris vino decoctis æstimare licet, quibus nihil suauius, nihil iucundius, nihil conuiuiis magis appetitum, nec expectatum, ut si tardari videant, nec inferri suo tempore; efflagitent statim & impotunis & magnis vociferationibus? Hinc boleti, hinc lucanici, hinc farcimina, hinc ventres falisci, hinc lumbi, hinc succidia, hinc iscium, tomaculum, fumen, on asum, hinc costæ, quibus non parum hyeme iugulandorum suum tempore replentur inferciunturque domestici. Quoniam autem animal voracissimum natura existit, & lanij rarum esse suum aiunt, qui non aliquo vel hepatis, vel pulmonis, vel alio vitio laboret, cum potissimum splene laboret, danda est aqua bibenda, qua canales repletæ sint, & sitientibus admotæ: quippe ligni succus medicabilis potus, intestinorum tumorem compescit.

De Subulco.

Subulcus vigilans, impiger, industrius suum, quas pascit, rationum habere debet diligenter, suam præcipuè ut obseruet ententem, includatque ut in hara fœrum edat; denotet, quot & quales sint, & curet maxime, ne quis sub nutrice aliena educetur. Nam facillimè porci, si euaserint, ha am, miscent sese, & serosa, cum decubuit, æquè alieno ac suo præbet vbera. Atque officium maxime obibit, cum vnâquamque maxime cum suo fœtu clauserit. At si nescit internoscere, vel memoria est imbecilli, præclare succurret, si diuersis notis signauerit, si numero distinxerit: quamuis id magnum habet laborem in gregibus amplis præstare. Memineat haras ita fabricari, ut limen earum in tantam altitudinem exurgat, quantum possit nutrix euadere, lactens autem supergredi non possit, ita nec alienus irrepit. Suam quisque matrem locus expectat, qui tamen non debet amplius octo capitarum numerum continere. Atque ea, quibus

bus partus submittitur, cocto sunt hordeo suscinendæ, ne ad maciem summam perducantur, & ex ea ad aliquam perniciem. Curæ etiam sit, ut frequenter se le conuerat, & sæpius haras. Quamuis istud animal in pabulatione spurcæ versetur, mundum tamen admodum cubile desiderat. Illa pars maximi quoque officij præstanda, ut per porticus haræ fiant, quibus aut à partu, aut etiam prægnantes includantur. Nam præcipue sues, cateruatim & inconditæ, cum sint pariter inclusæ, super alias aliæ cubant, & fœtus elidunt. In quo non obliuiscetur iunctas parietibus haras construere in pedum quatuor altitudinem, ne sus transilire septa queat. Nam contegi non debet, ut à superiore parte custos numerum porcorum recenseat, & si quem decumbens oppresserit, cubanti subtrahat. Neque gregatim claudendæ porcæ more aliarum pecudum: sed in his omnibus illud caput, ut sues omnia faciant ad buccinam, ad quam assuefactis suis, laboris magna parte porculatores leuabuntur.

Preterea & estimatio carnis suillæ.

A Vrelianus porcinam carnem populo distribuit, quæ hodie quoque diuiditur. Carnem suis nondum vetuli minutatim concisam cum lardo testatim inciso, & columbis, & perdicibus, & alijs, & pastillo vulgò dicto inclusam nostri decoquant. Porcellus verò Troianus, gulæ veteris irritamentum, totus appositus, differtus intus varijs animantium generibus, quas mensas, quam splendidas, quam refertas honestauit? Inferebatur discus argenteus non modicæ crassitudine inauratus, tantus, ut porcum assum caperet, qui supinus in eo positus erat, emicenti ventre varijs carnibus. Inerant simul assæ, turdi, vuluæ, fideculæ plurimæ, oua super insuæ, ostræ, pectines, quæ adhuc feruida singulis conuiuiis cum orbibus distribuebantur. Sed cum superioribus, illud quoque Athenæi accipe. Porcus illatus fuit in mensam semel, dimid à parte diligenter assus, & dimidia tanquam ex aquâ molliter ac tenerè elixus, miræ coqui industriâ ita paratus, ut quâ parte iugulatus esset, & quomodo varijs delicijs refertus eius venter, non appareret. Inerant enim turdi, & aliæ auiculæ, & summi porcino rum, vuluarumque partes. Item ventriculi. Gallinæ cum vuluis, & theia, grana piperis, carnes minutatim concisæ, & grana piperis conditæ. Ex suilibus delicijs botellus genus farci iunctus erat, è carne suilla à bolis, id est, frustulis carnis dictus.

Fiebat enim ex vitellis oui coctis, nucleis pineis concisis, cepa, iure crudo, cum pipere, liquamine vino, sicque farctum intestinum coquebatur: sed nostri intestina sanguine farta, cerebro etiam & lardo conciso farciunt, & aromatis condunt, cepe, & alias res addentes, quæ ad ignem durata, assa, vel decocta in mensas inferuntur.

DE ANIMALIBVS GENERATIM nonnulla.

Quamuis specieatim de animalibus egerimus in hoc argumento prædicta concludentes, plura tamen adiungam, ne quid obliuisci uideamur, quod scribentibus & Latine agentibus necessarium sit: Quodam enim modo laudamus Deum optimum maximum, in multitudine tantâ & diuersitate creatorum animantium.

Ex quadrupedibus equidem aliud amphibium, aliud aquaticum, aliud altile, aliud natatile, aliud reptile, aliud volucre uidebis. Ex his uero, quæ terra procreat, ex quadrupedibus pecuarium, & armentum reperies, bestias alias ex feritate æstimatas, moribus, vnguibusque sæuientes, belluas immanes & efferas, ac planè formidolosas, quasi minimè bellas, feras uero horribiles ac truculentas, ad omnem immanitatem armatus, nimirum feras immanesque naturâ: sed ex mæsuætiis, & condocementis iumentis, quoad hominum operas adiuuandas, aut vectando, vel arando, illud clitellarium, seu sarcinarium est, ad onera ferenda, sarcinas vehendas, cui quidquid operis imponas id feret, quod immigrantes in domum aliquam, sarcinas componentes facere solent, & in mulos sarcinarios imponere, aut si non habeat, sales compositos itinere toto requietis aliquot intervalla capientes comportent: aliud est iumentum plaustrarium ad currus & plaustra ducenda, in quibus, quæ componantur, palam cernuntur omnia. Atque hunc honorem olim matronis ob munificentiam habitum accepimus, ut plaustro, seu pilento ad sacra, ludosque carpentis festo, profestoque die veherentur. Aliud iumentum est pistiuense, seu molarium, cuius opera molæ ad fumum igni torrentur, & in pilas missa pistillis trunduntur, torrenturque. In his animalibus cernere præcipue

est artos & iubam in dextram sinistramque partem iactatam, totosque artos pulcherrimè vestientem, terga pelle vestita, ad onera sustinenda, ungulas, & in alijs solidas, in alijs scissas, hoc est insulcas, aut bifidas, in alijs faculam, id est, aduncam ungulam. Ungulæ autem ortum habent à corona; chelidon autem, id est, concavum ungular ad vestigium imprimendum solea ferrata munitionem suam habet opportunitatem. Cauda verò non minus est equorum ornamentum, siue ad abigendas mulcas, & ad motus declarandos, & ad speciem & ornatum valdè idoneum & præstans. Quamobrem tractantur ab hominibus & curantur, iumenta, muli, equi summo studio ac diligentia: ut si ex languore aliquo ad maciem perducti sint, aut sudantes in opere rigescant, aut si sub onere pluv à madefacti fuerint, aut coriagine, quæ bubulo pecori infesta, laborare videatur, si auribus micent, oculis caligent, & girent in circuitum, tanquam ad molas (sunt enim applosi id temporis) si etiam tetano morbo laborant (tetanici enim sunt muli, cum musculi secundum spinam ita rigent, ut sese inflectere non possent. In hunc modum aliæ corporis partes afficiuntur, ut si peccatori mentum annectatur, caput scapulis adhæreat. Horum animalium alia corijs tecta sunt, alia villis vestita, alia spinis hirsuta, alia pluma, alia squamis obducta, alia cornibus armata, alia habent effugia pennarum: quæ omnia data sunt à natura ad suorum corporum & vitæ defensionem. Atque in cornibus quanta diversitas aspicitur? cum cornua in ramos sparsa ceruis natura tribuerit, subulombus simplicia, platyceroni in palmas efficta, capreis ramosa, arietum geneti in anfractum cōvoluta, tauris infesta, rupicapris in dorsum adunca, & damis in adversum erecta, & rugarum, quasi litarum ambitu contorta spreperoti. Inter hæc palcaria boues, rostra suæ, promuscis Elephantos, arunci capras, vellera oves norant & designant insigniter. Nonnullis animalibus quædam sunt, quæ ad nostram utilitatem valent plurimum. Illæ animantes, quæ in superiore mandibula dentes primores non habent, pabulum ad tempus in rumen demittere solent, indeque rursus ad os revocare, vel in medijs camporum æquoribus iacentes, vel æstatis tempore frigora captantes herbas ruminare solent. Vtiles sunt hæc omnes animantes, & habent speciem præclaram, in hoc quantaxat intolerabiles, quòd illæ simo suo, aliæ succeda sæpe profectò perferri non possunt. Vis recordari nomina communium quadrupedum & nobilissimarum. Accipite agnos, & cordos, & sub-

rumos, arietes, & admissarios, mutilos, capros, verueces, & in-
 uerueces, sextarios, hircos, hædos, capras, capreas, boues,
 equos, & admissarios, calcitriones, refractarios, sternaces, pau-
 dos, cespitorem, succullatorem, cernuos, suspiriosos, desul-
 torios, ephippiatos, meritorios, helcyarios, tolutarios, equu-
 leos, mannos, veredos, quæ omnia in equis, ut quibus equis va-
 tantur, homines animaduertant. Equum enim vitij omnibus
 detractis emere quis non velit? Admissarij ad sobolem procre-
 andam valent: calcitriones calce feriunt, & mordere solent, unde
 mordaces dicti: refractarij ore duro sunt, nec facile frænum ac-
 ciunt, obstitunt, nec coerceri possunt, obstantia qualibet re-
 fringere conantes. Sternaces sellorem non patiuntur, excutunt,
 & in terram deiciunt, Pavidj ad quemuis sonum seu clamorem
 pauent, & umbras inanes fugiunt, consistere id temporis re-
 trocedere, nolle videntur progredi, nisi alcaribus illa vehе-
 menter fodiantur, & adhibitis stimulis sanguine sæpe expresso.
 Cespitatores passim pede aliquid percutientes, in cespitem, seu
 in lapidem impingentes, eò ruere & ferri videntur, quos habe-
 nis erigere solent & sibilo, vel clamore equites sustinere, ne pro-
 labantur, & prouant. Quod si iumentum sit, quod offendendo
 ceciderit, sæpe multorum ope ad extollendum, & subleuandum
 adiuuare opus est, vel onere leuare, ni iacere velis, & cum onere
 opprimi. Succullatores duriori gradu procedentes sellorem
 concutunt succullu frequenti molestissimoque torquentes,
 Cernui in facie cadunt, & nisi eques prauiderit, capite deicien-
 tur, si stapedis pedes id temporis extractos habuerit. Suspiriosi
 id est, anhelj, spirandi difficultate vrgentur, & angustijs maxi-
 mis. Desultorij, sine ephippijs, ex quibus facilis desultus datur
 mira celeritate, quod olim vsitatum fuit equitibus exercitatis,
 qui altero de via sellæ, transultare possent in recentem agilita-
 te velocitateque mirabili, inter pugnandum etiam. His ephip-
 piari opponuntur, sellis strati ad molliorem vecturam, vel dor-
 sualibus regminibus & stragulis, quæ ephippia dicebantur.
 Meritorij quæstu locantur, strigiosi, graciles & tenues, & præ-
 macie restructi vehendis minimè hominibus apti, dorso semper
 eminenti prolatoque foras præ macilentio corpore. Helciarij
 helcio ab armis pendente molas per machinulam annexas ver-
 sant, & curricula per remonem trahunt: helciariorum similes,
 qui in naui opera funibus molantur, vel naues deducunt, sub-
 ducuntque, ad officia vicissim adhortantes, ut vno connixupar-
 titer conspicientes admolari totis viribus possint, quod singuli
 nequeunt.

nequeunt. Scutulari; qui pedes ad scutularum similitudinem habent: colutarij, qui asturcones, & gradarij dicuntur, qui sic alterno glomerati pedes tollunt, & crura explicant, vt commodam admodum lessori praebeant vegetationem citra vllam succussionis molestiam, totum semper gradfredientes. Veneredi velocissimi, quibus principes vtuntur in venatione, & duriores mutatis ad celeritatem equis ad cursum celerius conficiendum. Sed inter hos equulei quàm lepidi ac venusti? manni, seu mannuli, quàm mansueti, qui manum sequuntur, & se demulceri & rangi patinatur, quos calceare laboriosum non est, sponte ad ferream soleam inducendam tollentes, & praeberentes pedem. Nec de his amplius, cetera animalia, boues, tauri, vitulos, & hoc genere natos, (his in locis videre poterit. Eloquentia studiosus adolecens.

XX

A V E S.

Accipiter.



Accipiter auis rapax, ab accipiendo nomen tulit, quæ quondam in auspicijs accepta, grataque fuisse dicitur. Accipiter pascitur auibus, præsertim aquaticis, quæ tardiores sunt ad volatum, & plus carnis habent ad escam. Elegans autem auis est, valido corpore, dorsi colore fusco, vel subnigro, capitis fusco diutior, pectore ventreque varius, oculis splendentibus, aduncorostro,

aspectu hilari, pedibus crassis, vnguibus longis, & ad prædam aptissimis. Atque ille nullas fruges ex dens, neque consiciens, sed carnes vorans, & sanguinem exorbens, iisdemque suos alens pullos, primum prædatur aues domesticas, vt gallinas, anates, quas etiam deuorat. Capit etiam cornices: sed capiendi dissimilitudinem, cernite. Capiens lepores, sinistram pedem terræ insigit, & dextro prædam tenet, tum quàm primum potest, oculos eruit, & interficit. Cicuratus magnus inuadit aues, audaciam fumens homine adiutor, nempe gruem, anserem, ardeam, & absque negotio rapit anatem maiorem, & mergum, & fulicam. Atque admodum capit columbas? Illæ cum inani quadam iactatione & ostentatione effectantur bicoloris sue formæ, quasi gloriolam aucupantur, & ex volatu plaudere sibi videntur, varieque totum aera sulcare:

Quâ in ostentatione accipitet latronis instar specularur, & implicatis strepitu pennis minimè soluto volatu velociore rapit. Atque aues non in eodem loco capit, sed has ex terra ipsa, alias circa arbores, alias sedentes in sublimi, alias volantes in aperto. In perdices verò cum immittitur cucullo detracto, quàm celestiter aduolans currendo aduolandoque vsque eò persequitur; quoad fellas defatigatasque capit. Sed quid non faciet, qui quamuis corpore exiguo sit, adeò tamen magnanimus est; qui magis animo, quàm vnguibus armatus in aues inuadit; qui sic velocissimè volat, tanto fertur impetu, vt primos impetus habeat vehementes, & prædam faciat, quam si non fecerit, auem persequi desistit, & in arborem se recipiens aliquam, tanta insidet iracundia, vt ad dominum reuerti recuset, quasi affectus pudore, quasi se inertiz ignauizque condemnans, ob amissam è manibus prædam? Hunc ad rapiendum propter terram, quantum potest, volitare ferè semper aspiciens, ne ab auibus, quibus insidiatur, videri possit: Et solus quidè absq; socio volat, quodd prædæ participè admittat neminè: quemq; omnes aues tanquàm raptorem maximū instinctu naturæ cognouerunt. Vbi vident, aut sentiunt, garrunt, fugiunt, & quantum possunt, occultant se, & à locis in quibus nidos construunt, ab arduis, & saxosis discedunt: Vident enim illum in asperis, & altis rupibus, inter vepres, quandoque in arbore altissima, in quercu, fago, abiete, atque pinis sedem habere. Hunc verò accipitrem qui cicurare voluerit, & ad prædam instruere, caueat ne quomodo lædat, vel minimū offendant eum: Sed cum viderit paratum & volantem super manum, vel super virgam, suauiter tangat ipsum; & eleuet, si pender; & quantum potest consideret morem, & voluntatem eius, & nulla in re non eius voluntatem sequatur. Sunt enim accipitres iracundi, implacabiles, sui ipsius impotentes. Mœrentem accipitrem ad aucupium ne emittat, nisi viderit prædæ avidum, & auium appetentem, neque nimis è magno intervallo. Cum enim auem assequi non potest, sæpe iratus & cum dolore vehementi recedens, & in arborem conferens sese non vult ad dominum redire. Atque cum fessum non mittet, tum victorem & exultantem tam multiplici prædæ: ex præda sua pascet, vt sui suam venationem profuisse sentiat, & ad venandi amorem incitetur. Atque illud vellem dominus animaduertat, cautionem adhibendam esse in accipitre gestando, & ad canes assuefaciendo. Ille melius dextra gestatur, quàm sinistra, & facilius dextra ad volatum proiicitur, vnde leuior ac permigiore fertur ad volandum.

landum. Quid quòd descendente domino tutior erit in dextra, quàm in sinistra. Ac ne in manu parum quieta cùm fuerit, volitare velit, reficiendus erit leniter ac placidè, vt cognoscere dominum familiariter & amare discat. Neque capitium dementi in accipitris faciem inspiciendum est. Inter equitandum gestanti providendum diligenter, ne in portis & ad parietes eum lædat: canibus assuescat, & eos sequatur, non refugiat. Quamobrem curandum est, vt ante oculos suos versentur, & accipitrem circumstant dum pascantur. Cautio ramen summa est adhibenda, vt reuocatorio assuescat. Quapropter donec ad aucupium volatu rectè vtatur, non soluendus est, donec etiàm ad manum redire, & cibum super ea capere consueuerit. Quin ipso reuocatorio in mediam hominum turbam proiiciendus, vt homines sequi, non fugere discat: neque emittatur iuxta fluuios, aut loca inuia, aut vbi illum sequi non liceat, cùm plerumque amittatur. Sed absoluo iam descriptionem accipitris, collocans accipitrem in dextra, in qua eum dominus placidè tractabit, cum poppyismo siue sibilo, & partes corporis demulcens, indulgebis eidem plurimum, emittens solemniter manū porrecta, cum blanditiis & adhortatione, vt animosum reddat, & vocem ed magis intendens, quò longius insequendo distabit. Voce enim familiari, & consueta, auribus hausta audacior fit, & promptior ad persequendum.

Descriptio capiendarum perdicum.

PRæter superiora, quæ de accipitre scripsimus, separatim vellem accipitrem perdices capientem videas. Nonne vides aurorâ albeanti exeuntem, & circumspicientem locum, qui non omnino planus, & resupinus sit, sed è riuo aliquo irrigetur, & fruteta habeat, non illa quidem continua, sed longiusculis interuallis disuncta, & qui non inæqualiter partim accliuus, partim decliuus sit, nonne vides hunc locum diligentem accipitrem? Quippe aibus, quas accipiter insectatur, conducit, & perfugia eis suppeditat, & eidem accipitri. Continud sursum deorsumque volatu & laborem auget, & audaciam minuit, & aduersus aues ignauiolem facit, ipsius denique aucupis gloriam imminuit. Nactus igitur idoneum locum, nondum à perdicib. conspectus, humi subsidet, perdicum cantus auscultatur. Non ipsas aues audis vocem placidam edere? non has sequutum aucupem locum maxime propinquum occupare, &

leniter enuntiare ea, ea, ea, quarum vocum sono perdices capitae inclinant deorsum, & non turbantur, cum illum, qui non placide vocat, conspexerint? Non aspicias propius accedere aucupem, & eandem vocem blandè ac leniter repetentem, & simul observantem, ne paulatim dilapsa è cubilibus perdices sibi venatoribus inquirendi negotium exhibeant? Non intueris etiam his ritè peractis ab eo, qui perdices tranquillat & cohibet, venatorem vñ cum socio canes venaticos vinctos tenentem, intelligentem perdices quiescere, locum fruticosum & densum circumspectantem, qui ad latebras petendas aprus sit? Non vides illic socios venationes statuere, & ritè diligenter progredi eos iubere, & voces mittere consuetas, & sibilis vti, & virgis, quas de more venatores ferunt, ramos obuios quosque ferre, item terram, herbas, & si quid aliud obuium fuerit, virgis confractis lapides proiicere, aut glebas terræ, quarum sonitu continuo perdices exturbentur? Id temporis, qui accipitrem gestat, perdices euolaturas expectare pergit, & cum vocem exturbantium audierit, oculos in accipitrem coniecere, videre aut tunc primum, vel antequam aspexit perdices inuolare in eas accipiter aueat. Hic quidem vix cum tenere possit, non soluere tamen debet, sed auertere tantum, ne videat, donec transuolare, tum demum emittere cum properet demonstratis perdices, ut recta à tergo eas persequatur. Accipiter persequitur emissus blanditijs solitis, & adhortatione, quibus plurimum animi capiens, celeriter aduolat: auceps eò magis vocem intendere studet, quòd longius ille progrediatur: accipiter verò plus animi capere visus est, atque continuo volatu perdices defatigare, & à canibus adiutus, & inflammatus, auceps magis clamare pergit, clamore vigere, & sibilare, & lapides, cum opus est, in perdices mittere; accipiter eò vsque à volatu non desistet, quoad vnam ex his fessam defatigatamque ceperit: festinare videas hic aucupem, & ad eum progredi, & placidè accedere, & blandà voce & consueta vti, oi, oi, oi, & ore sibilantem assidere, manu altera contos apprehendere, altera caudam complanare, demulcere, & prædam pro arbitrio gustandam offerre, eaque vñ incitator fiat ad reliquam venationem satiare libentem, gaudentemque permittere. Sed vide, quæ adnectuntur pedibus tinctionabula, cum orbiculis argenteis indice circumscriptis, ut si amissus fuerit, & repertus ad dominum referatur: sæpe enim vagari longissimè & sublimis altius ferri solet.

Acanthis, spinus, siue ligurius.

Quamuis Acanthis colore viridi, sed obscuro, non splendido sit, vertex tamen nigro colore probatur, & alarum pennæ eodem colore præditæ sunt, sed quæ viridi insignitæ distinguuntur. Cum cardueli communia quædam habet, pectore luteo, rostro longiusculo, tenui & acuto, duas habens maculas, nigram alteram in fronte, alteram sub mento: ad carduelis uauitatem accedens cantillat non insuauiter. Hæc capitur non passim, sed in montibus præcipue, ijsque nemorosis, in quibus per ætatem nidificare ac degere solet, gregatim volat obstrepera & clamosa.

Alauda, siue Galerita.

Alauda, quam alio nomine Galeritam dicimus, à crista, quæ gerit in capite, perdici similis, rostro & pedibus, secundum quosdam, rubeis, colore fusco, neque plumis despicienda. Hæc in segetibus, in agris, non in syluis habitat, frumento & seminibus cerealibus victitat. Quamobrem in vijs passim obuia viatoribus obueisatur, in arbore numquam consistit, sed humi, & huc, & illuc circumspicit subsilens. Non multum euolat, & cum euolare conatur, statim procumbit, ingenie est ad cantum docili: quamobrem suauissimè cantillat caueis inclusa. Nam mira alacritate pennis exertis in aere, vocis modulatione sereno tempore & aperto maximeque patenti cœlo plaudit tum gestu alarum, ijs expansis, tum voce. Nam pluuio nebulosoque cœlo vix aut nunquam canit, ac neque humi, sed inter ascendendum ascendit paulatim; subito vero, & instar lapidis descendens cantillat. Atque masculus in hoc genere musicæ valde laudabilis est, ob multam & suauem modulationem, qui æstatem primus inter aues prænuntiat, & cantu suo diem antelucano prædicit, pluuias & tempestates exhorret: cantat ascendendo per circuitum volans, & cum descendit primò quidem paulatim id facit, & tandem alas contrahens in modum lapidis subito decidit, quo tempore cantus edit. Auis verò hæc cicurata inter cantillandum alas mouet, hoc veluti gestu ad liberum aërem redire deposcens: quod si diu capta inclusaque teneatur, aspectu priuari dicitur oculorum.

Calandria.

Calandris.

Calandris avis est parva, similis fere alaude, colore fusca, plumis despecta, sed vocis modulatione audientes mirifice delectat, & cunctarum voces suam imitatur, & mirifice exprimit: quin etiam capra inclusaque, carceris & suæ seclusionis oblita, vix unam diei horam sine cantu præterire potest, adeoque per diuersos animum cantus euagari solet, vt de cibo sollicita non sit.

Anas.

ANas avis est lato dorso, minor anser, & maior pullo aquatico, gallinæ magnitudinem æquans. Mas caput & collum viridis coloris habet; rostrum vero latum, pedes rufos & largos, ad natandum aptos. Quædam anates candida tanquam zona cinguntur ex pennis albis, sed talem in medio collo circum anas fera maior rem habet. Lingua in plerisque anatibus vtriusque videtur quasi plumas habere, & interius gula tota ampla est & lata. Rostrum autem latitudo apta est ad fodiendum, & quasi euentilandum lutum. Aquis fluminum gaudet, difficileque sine his viuere potest, maxime cum cibis se siccis ingurgitat. Annatum marium vox rauca est, & grauior, fœminarum argutior. Atque anates rostro fodiunt cœnum in aquis, vbi reperiunt radi- es herbarum, & semina plantarum aquaticarum, & vermes, pisciculos, lumbriculos, lacertas, araneos. Solæ, quæ sunt eiusdem generis, in sublime sese protinus tollunt, atque è vestigio cœlum petunt, & hoc etiam ex aqua; atque in foueas, quibus feras venantur homines, delapsæ solæ euadunt. Anates imitantur ciuitatem hominum gregaria societate, & defensione communi. Quamobrem facilius deprehenduntur ab aucupibus, positis sui generis auibus ante oculos, aut auium istarum specie simulationeque, ad quas cum vniendi quasi gratia accesserint, retibus includuntur. Sed quemadmodum defendunt se mutuo aduersus accipitres & aquilas? Nam visa aquila, conuenire simul solent, & cum illa imperum fecerit ad rapiendum, demerso capite, aquam aspergentes in aquilæ faciem, accessum illius prohibent: aquila inuolante aliquando sese submergunt protinus, & infra aquam natantes ad alia loca euadunt, vnde eminent, aquila prorsus delusa. Quod si illuc incumbat aquila, si properet, & instet, iterum demergunt sese, atque tandem sursum deorsum commeant, dum aqua

aqua submersa pereat, aut discesserit ad aliam prædam ; cuius hostis metu liberata ad summam aquam elata rursus natant. Araneæ cum sint naturâ anserum , & eodem modo nutrian- tur : nosotrophij enim cura similis est, vt anserum, sed maior impensa est. Nam clausæ pascuntur anates, ad quod locus pla- nus eligitur, isque munitur alta pedum quindecim maceria, de- inde clathris superpositis, vel grandi macula, retibus contegi- tur, ne aut euolandi sit potestas auibus domesticis, aut aquilis aut accipitribus inuolandi. Atque ea tota maceries opere tecto- rio leuigatur interius exteriusque, ne feles, aut vipera perrepar. Media deinde parte nosotrophij lacus defoditur duorum pe- dum altitudine, spatiumque longitudini datur, & latitudini, quantum loci conditio permittit. Ora lacus, ne corrumpantur imperu restagnantis aquæ, quæ semper interfluere debet, ope- re lignino consternuntur, eaque non in gradus oportet erigi, sed paulatim cliuo subsidere, vt tanquam è litore descendatur in aquam. Solum autem stagni per circuitum duarum partium lapidibus inculcatis & tectorio muniendum est, ne possit her- bas euomere, præbeat nantibus aquam summam puram, & limpidam. Media rursus terrena pars esse debet, vt collocatis conseratur, alijsque familiaribus aquæ viridatibus, quæ inopa- cant auium receptacula. Neq; ob hanc causam totus ille locus syluescat, sed per circuitum vacet, vt sine impedimento, & apri- co die gestiant aues, nandi velocitate concertent. Nam quem- admodum desiderant esse, vbi irrepaunt, & vbi delitescuntibus fluuiaticis animalibus insidientur: ita offenduntur, si non sint libera spatia, quâ permeent extra locum. Deinde per vicenos vadique pedes gramineripæ vestiantur; sintque post hunc agri terminum circa maceriam lapide fabricata & expolita tectorijs pedalia, in quadratum cubilia, quibus nidificent, eaque conte- gantur interstitis buxeis, aut myrretis fruticibus, qui non supe- rent parietum altitudinem. Atque statim perpetuus canalicu- lus humi depressus construatur, per quem quotidie commissi cum aqua cibi decurrât: sic enim pabulatur genus istud auium.

Anser.

ANseres Aquilæ magnitudinem adæquant, qui albi & cin- rei en hydroque varij, & in nostra Hispania multi sunt olo- ribus candidiores, capite tamen rubeo, rostro lato, gula am- pla, omnes clamorâ, circa lacus & aranes versantes, gaudent herbis

herbis riguis & frigidis. Veloces natura sunt, à volatu vix cessantes, quem extento collo suscipiunt & conficiunt. Naturâ calidissimi lauationem frequenter appetunt: etenim natate gaudent, cum congregari cupiant, & cohortes quasi construunt gregatim progredientes: si qui fessi progredi nequeant, profecturuntur ad primos, & à proximis impelluntur, ne deficiant. Atque illi custodes ponebantur, v; clangore suo proderent hostium, aut furum aduentus; id quod Gallis ascendentibus in Capitolium, & canibus id temporis dormientibus, fecerunt vigilias excitantes. Præstant plumas, quæ autumnò velluntur, & æstate media, quibus culcitra farciebantur, vt delicatiorum ceruices melius recumbant. Neque culcitra solum ex his, & ceruicalia, sed totos lectos facere mos erat, vt mollissime cubarent effœminatissimi. Sed gerunt sua bella, quos ex cohorte non àquila solum, sed vulpes, & lupi rapiunt, sed nihili faciunt canes, & magnos struthiones: Accipitrem tamen vel minimum reformidant. Sed quæ illorum verecundia? quanto pudore afficiuntur, ne turpe aut vorax animal sit? cum superbia aliqua, vel metu afficitur, solet hiare, sicque progredi per multum tempus, & semper inhians, & crebro gingriens: vnde gingrix tibiz, quæ licet breuiores, subtilibus tamen modis lugub. em & flebilem sonum edebant.

Aquila.

EX auiibus omnibus, quas nouimus, Aquilæ maximus honor tribuebatur. Hanc multi Reginam auium esse volunt, non profectò quodd Regem imitetur, sed propter tyrannidem, quæ vim omnem infert. Illa colore fusco, capite rotundo, naso adunco, à fronte plane discreto, rostro magno, oblongo, & curuo, pedib. magnis & flauis, alis magnis, elatis potius, quam longis & acutis, oculis croceis, & supra modum ardentibus: Ita quidem vt albumen oculorum topazium fere exprimat, & pupilla ad sapphirum, nigrum perlucidum conculcatæ nigredinis accedat. Oculis autem est cauis & profundis, & videndi acie in eis ita melius collecta, vnguibus longis ac validis. Tanto robore prædita est, vt declarant ossa durissima crassissimaque, quibus & medullæ minimum inest. Montium vertices editos & conspicuos incolunt Aquilæ, siue cum à ventu ad quietem se recipiunt, siue sobolinos contruunt, & raro ad campos apertos, & patentes rupibus delictis descendunt, sed semper

semper è speculis suis cælum prospectant. Modestæ quidem sunt, neque petulantes : quippe quæ neque clangant, vt vultur, neque murmurent : Tanta autem oculorum acie vigent, vt oculis solem aduersum intueantur, atque ad pullos ingenuos ac legitimos explorandos, eos solis radijs obiiiciunt. Quòd si solem minimè perferre possunt, vt nictatione oculos obnubant, nido expellunt, & tanquam adulterinos abdicant. Nihil enim magis aquila curat, quàm vt generosos fœtus alat. Illa verò violentum animal non modò ad victum necessarias rapinas facit, sed etiam vsu carniū delectatur. Nam ad se explendam lepores, hinnulos, anseres ex cohorte, & alia pleraque animalia rapit illis aduncis vnguibus, & rostro rapacissimo, quæ ad lapidem acuens acutiora reddidit, & ad prædam apt ora. Tanta autem volatus magnitudine prædita est, vt ad æthera vsque conscendat, ex oculis hominum omnino subdita. Quamobrem consecrata Ioui, & Regem maximorum & Imperatorum itemmata, ac sepulchra decorat propter præstantiam & magnitudinem suam.

Ardea.

ARdea, quasi ardua petens dicitur, quæ colore cinereo, longitudine rostri, colli, crurum, quibus ciconias referunt, sed collo magis inuoluto, ternis digitis, & longis & membranis modicè iunctis prædita est. Corpus pro sua magnitudine non amplum est, sed leue, & exile. Atque in capite aliquæ Ardeæ cumulum pennarum, veluti comam gerunt oblongam. Circa aquas & lacus piscosos degit, venationi piscium interdum operam dat. Sed quanquam in aquis cibum suum quærat, in syluis tamen & altis arboribus nidum construit. Alta autem petit volando, vnde Ardea, quasi ardua petens appellatur : falconem enim fugiens, in sublime euolat. Atque ad capiendas Ardeas duo falcones pariter relaxantur, quorum vnus summa petit, alius terræ vicinus inuolat, vt ille volantem Ardeam impulsu præcipitet, hic præcipitem actam arripiat. Cum multa sint Ardearum genera, vna Veneri, altera Mineturæ consecrata fuit, quam Vlyssi, Diomedique Minerva, tanquam bonum socii & augurium, socijs & comitibus ad bellum Troianum proficiscentibus missæ dicta est.

Bubo.

BVbo à sono Bu inditum nomen habet. Avis autem est curvorum vnguium, & acuti curvique rostri, plumis varia, fulvas alas, caput magnum, grandia lumina, longos & aduncos vngues habet, nocturnarum avium magnitudinem superans. Bubo cum ab alijs avibus, quæ luce delectantur, oppugnatur, resupina pedum vnguibus se defendit ac tuetur. Veteres autem habebant mali ominis, & cum appareret, bellum ac famem portendentem, funebrem, maximeque detestabilem, deserta terrarum loca incolentem, nec tantum deserta, sed dira & inaccessa. Nostis monstrum, nec cantu aliquo vocis, sed gemitu priuatorum domib. insidians, plurimis habitum feralc.

Carduelis.

CArduelis dictus est, quod spinis, & carduis vescatur, avis parva, croceo in corpore, rubeo in capite colore decorata: dorsum tamen habet cinericium & fuscum, alas croceo colore nigroque vicissim distinctas ab ijsque notatas maculis, verticem nigricantem; rostrum niger color ambiens, hunc miniatum, miniatum caesus circumdat. Cum spinas & tribulos appetat, pascitur eodem loco seminibus carduorum, vermem, & quodvis aliud animal edere aspernatur. Edit etiam semen papaveris, & rutæ, & cannabis, & quæcunque semina, quæ cortice nudat, ut pura præcipue medulla vescatur. Atque carduis insidens suavissime canit, huc & illuc insectens capitulum. Facie imperata, nec voce tantum, sed pedibus, & ore pro manibus utitur. Carduelium tamen genera omnia, cum carduis insident, adeo sunt stulta, ut frequenter una post alteram laqueo in virgæ extremitate ligato per collum attrahatur per foramen parietis, post quem auceps latet, non fugientibus cæteris, qui dum virgis visco illitis inhaerent, & perstreptentes alij evolare non possunt, simulatque inhaeserunt, accurrendo capiuntur, & incaueas includuntur, ubi vescuntur seminibus in canaliculo spaxis, & potu sitim sedant, suis temporibus canentes suavissime.

Ciconia.

Ciconia avis notissima, vel amœnum & iucundum tempus generi mortalium prænuntiat. Quæ frigoris vim, & niues, ac pruinas, cum perferre nequeat, calidiora loca petit, frigoris iniurias fugiens, ut mutatione soli solum vertere, ac rursus, hyberno tempore exacto, ad patriam sedem remigrans cum illos, tum hos, sicut homines domum, nidos probè recognoscant, & repetant. Cæterum ciconiæ abituræ Aquilonis secundum statum expectant, qui simul atque secundus flare cæpit, iam ceu lege prædicta die, abitum maturant. Sed priusquam mare traiciant, omnes in locum quendam convenire cogique dicuntur, ibique quasi concionum publicarum speciem præbentes, commurmurare, exercitum lustrare, cognitionibus diem unum, aut alterum traducere, iudicia graviter exercere, & tardam atque segnem, inertiam desidiamque damnare, communibus sententiis disiungentes, tanquam societate indignissimam occidere. At quemadmodum collecto agmine pulcherrimo iter laboriosum, & nocte luna lucente ingrediuntur, & illæ in turribus celissimis nidos construunt? Gloriantur sono, quem rostro quatiente edunt. Cum verò sint procero collo, & cruribus pro ratione corporis, volatus cursum pedibus, tanquam gubernaculo nautæ, moderantur, porrectisque in caudam, quæ brevior illi contigit, pedibus, per magnum aera contendunt: vno autem tantum pede dormientes inituntur, & caput humero alteri imponunt. Eas videre est primò protinus aduentu cum nidum repetunt, quem si saluum & incolumem inveniunt, collectis hyberno situ sordibus statim repurgant, instaurantque: si verò sæuiore aliqua ventorum tempestate deiectum cernunt ramentis illico undique ex agris, palustrisque vluva compottatis, possessionem sedis nouo nido occupant. Formæ primùm rotunda, schiotherico valde similia, figunt, mox ædificant, deinde constabiliunt, postremò si quid minus rectum, inflexum, & distortum horrent, admirabili quadam solertia & industria, ope rostri ipsius, dirigunt, & componunt: illæ verò ad se alendas, pullosque suos, stagna & prata adeunt, variaque & multa animalcula, sed præcipuè omnis generis ranas, aliasque pratorum pestes capiunt, lacertas, chelydros, maximè cæcos serpentes, quibus maximè delectantur: sed ut ranas comprehendunt, mirâ celeritate comprehensam ranam

iactu statim quopiam non fallente in fauces deiiciunt, deiectas stomacho recondunt : sed pulli à ciconiis enutriti tales euadunt, quales à parentibus instituuntur, qui parentibus senio confectis gratiam referentes alunt in nidis. Sed teneras adhuc considera ciconiolas. Ciconiolæ simul atque in pennas integras excreuere, iamque alarum firmiore ope, leniter spirante aurâ, nido se tollere, mox proxima nido tecta circumuolare audent, deinde libero etiam cœlo sublimes ludere sustinent, postremò finitimas Ciconiarum aedes obuolitantes, ad alarum facienda pericula euocantur, moxque ipsæ euolant, ac reuolant liberrime.

Columba.

NOta sunt duo columbarum genera : vnum agreste, quod habetur in turribus, & summis villarum vastigijs, vnde appellatur columbæ, quæ propter timorem à naturâ instum, summa loca in tectis captant, quò fit, vt maxime agrestes sequantur turres, in quas ex agro euolant sua sponte, ac remeant. Alterum genus est mite ac mansuetum, quod cibo domestico contentum, intra ianuæ limina solet pasci: quod genus maxime est album. Illud alterum agreste vario colore distinctum : sed apud nos columbæ reperiuntur aliæ niuè ipsæ candidiores, aliæ atræ totæ, aut reliquo corpore præter caput & pedes, aliæ cœruleæ ferè, aliæ capitibus cristatis modice, aliæ cruribus hirsutis ad extremos vsque pedum digitos. Iuxta aquas quiescere gaudent, vt sitim sedent, quarum hoc proprium est ne collum, cum bibant, efferant, nisi satis hauserint, & sitim iam suam expleuerint. Omnes autem bibunt demisso capite, & non erigunt, vt aliæ aues, tum vno tractu bibunt : nam collum earum breue & amplum est, multæ aquæ capax. Quæ mites ac mansuetæ sunt, cum hominibus degere solent, seque ad horum pedes huc & illuc magna mansuetudine facilitateque versant. Atque in locis, vbi ab hominum frequentia solitudo est, societatem hominum minime expectantes, fugiunt : in cœtu verò multitudineque hominum confidentiores sunt, seque nihil ibi graue passuras plane sciunt. Vbi aucupes, venatoriaque instrumenta versari vident, non amplius ibi, metu pauoreque percussæ degunt. Specie sua pulchritudineque delectantur mirum in modum, instar pauonum, qui circumspicere se solent, & quasi ostentare pulchritudinem, venustatemque suam, & in collis

colli pennas intuentes volando sibi gratulari videntur, colores varios circa collum admirantes, & alarum plausu, rostro plumas fulcire, & ad volatum accuratiore cultu pennas comparare. Cum auolant, fallunt ceteras motus pernicitare. Cum sedent, nihil mitius, neque simplicius, neque quidquam habeat quo se tueantur aduersus miluos & accipitres, præter alarum celeritatem. At quemadmodum aucupes capiunt? ex oculatam columbam in reti ponunt, quæ suffularas ceteras columbas alliciat.

Columbarium, seu peristereon.

Columbarium locus est columbis alendis accomodatus, verum ab aliis columbaria capiuntur pro nidis, & loculamentis, & cellis, in quibus singula paria fetus edunt & pariunt. Hoc genus columbarum minore tutelâ pascitur longinquis regionibus, vbi liber egressus aibus permittitur. Quoniam vel summis turribus, vel editissimis ædificiis assignatas sedes frequentant patentibus fenestris, per quas adquirendos cibos euolitant. Peristereon, in quo columbæ includendæ sunt, vt testudo, magna camera rectum sit, vno ostio angusto, fenestris Punicanis, aut latioribus, reticulatis vtrinque, vt locus omnis sit illustris. Neue serpens, aliudue quodcunque animal maleficum introire possit, intrinsecus quàm leuissimo marmorato toti parietes & cameræ oblinuntur, & extrinsecus circum fenestras, ne mus, aut lacerta, adrepere ad columbaria possit. Nihil enim timidius columba. Singulis paribus columbarum fiunt rotunda, in ordine crebra columbaria: ordines quamplurimi fieri possunt, vt à terra vsque ad cameram columbaria sint, & os habeant, quo introire & exire possint. Intus ternorum palmorum ex omnibus partibus sub ordines singulos tabulæ factæ; vt sint bipalmes, quo vtantur vestibulo, ac prædeant. Aquam puram esse oportet, quæ influat, vnde & bibere, & vbi se lauare possint: permundæ sunt enim hæ volucres. Iraque pastorem Columbaria quotquot mensibus crebrò oportet euerrere; Est enim quoddam inquinat locum, appositum ad agriculturam, ita vt hoc optimum esse scripserint aliqui; siue, si columbam quid offenderit, vt medeatur; si qua perierit, vt efferatur: si qui pulli idonei sint ad vendendum, promantur. Item, quæ fortæ sunt, vt certum locum discclusum ab aliis reti habeant, quo

transferantur, è quo foras euocare possint mares. Quod quidem duabus de causis fit, vt si fastidiant, aut inclusæ consenescant, libero aere, cum exierint, in agro redintegrentur, & propter illicium. Ipsæ enim propter pullos, quos habent, sanè redeunt, nisi à coruo occisæ, aut ab accipitre necatæ. Non in plano loco, nec in frigido sed in edito fieri tabulatum oportet, quod aspiciat hybernū meridiem. Eiusque parietes continuis cubiculis excauentur, vel si ita non est necesse, passillis adactis tabulæ superponantur, quæ vel loculamenta, quibus nidificent aues, vel fictilia columbaria, quæ è viminibus etiam non improbantur, recipiant, præpositis vestibulis, per quæ ad cubilia perueniant. Totus autem locus, & ipsæ columbarum cellæ poliri debent albo tectorio: quoniam eo colore præcipue delectatur hoc genus auium. Nec minus extrinsecus leuigari parietes, maxime circa fenestram, & ea, vt maiore parte hyberni dici solem admittat, habeatque oppositam satis amplam caueam retibus munitam, quæ expectat accipitres, & recipiat egredientes ad aplicationem columbas, nec minus in agros emittant matricēs, quæ ouis vel pullis incubent, ne quasi graui perpetuæ custodiæ seruitio mœrentes consenescant. Nam cum paulum circa ædificia volitauerint, exhilaratæ recreantur, & ad suos fœtus vegetiores redeunt, propter quos nec longius quidem euagari, aut fugere conantur. Columbarium potest accipere sublimis vna turricula in prætorio constituta, leuitatis ac dealbatis parietibus, in quibus à quatuor partibus (sicut mos est) fenestellæ breuissimæ fient, vt columbas solas ad introitum exitumque permittant. Columbarum denique plausu multo, crebroque personare fere semper columbaria.

Pulli.

FRUCTUS columbarum pulli columbini sunt, quos plaris vendere domini cupientes, secludere iubent. Præfectus columbarii facere statim properat, ac pluma tectos videt, & molli præmanso masticato pane (vt ita loquar) candidoque farcire sibi curæ est. Curat etiam hoc bis hyeme; æstate ter, mane, meridie, vespere. Qui pennas iam magnas habere incipiunt, in nido relinquuntur illæsis cruribus, & matribus, vt vberius vti cibo possint, obiciuntur. Eo enim totum diem se & pullos pascunt: qui ita educantur, celerius pinguiorēs & candidiores aliis
sunt.

fiunt, pulchri & bino colore præditi, & clementur admodum necessarii.

Turtur.

Turtur in columbaceo genere minima est, cinereo colore rufo, tum campestris, tum monticula, æstate in locis frigidis, hyeme in tepidis agit. Loca sabulosa libenter frequentans, atque semper in summis montium iugis & arborum verticibus commoratur. Gaudet enim locis tutissimis, cætus & hominum societatem fugit, cursu & peregrinatione lætatur, cum accedentium, tum recedentium suo tempore nulli avium est infesta, & ad omnium incursiones patientissima: non canit, sed gemit; post primum conjugem, secundum nescit; quo amisso, vel capto, solitaria gemens siccis arboribus, aut tristis, insidet, & aquas limpidas & claras turbat: neque adduci potest, ut amisso socio & comite vitæ suæ, virites arborum vestitus, & liquores aquarum perlucidos bibat. Illa frugibus vivit. Ad capiendas tamen turtures, qui aucupium earum tenent, saltare solent, valdeque suaviter concinneque canere, quorum auditu hæc delectantur, saltationisque conspectu permulcentur, acceduntque propius: aucupes sensim ac pedentim eò secedunt, ubi retium explicatorum positæ sint insidiæ, in quas incidentes capiuntur capte primum saltatione, & cantuunculis. Turtures etiam capiuntur & sub arbore, cuius ramis turturem alteram allectatricem insidere viderint. Atque capiuntur etiam cum sitientes ad fontem accesserint, propè quem venator arundinem erigit, pennas ad summum alligatis, quarum motus turtures admodum terret fugatque. Sed alia turtur iam pridem capta in propinquo ponitur, qua conspecta cætera aduolant, & retis tractu obteguntur.

Educatio Turturum.

Turturibus locus constituendus est magnus, si turturum multitudinem alere velis, illeque, qui, ut de columbis dictum est, habeat ostium, ac fenestras, & aquam puram, ac parietes, & cameras munitas rectorio. Sed pro columbariis in pariete murulos, aut palos in ordine, supra quos tegeticulæ canabinæ sint impostæ: infimum ordinem oportet abesse à terra non minus tres pedes: cibus, qui obicitur, triticum siccum,

euertereturque quotidie stabulum, ne offendantur stercore, mundiciem amantes, & bonum odorem.

Corn x.

Cornix avis est generis coruini, vnde nomen trahit: illa rostro, cruribus, & toto corpore nigra admodum est, vt præ nigro colore splendeat, & vel lucem obuersa quasi indicum colorem, id est, nigrum sub caruleum referat. Superioris rostri parte barbulae quasdam veluti setas emittit: circa palpebras aliquanto etiam inferius, nigra quædam veluti granula habet. Circa vrbes præcipue versatur, littora petit, & quæ vnda eiecerit, animalia vorat. Vocalem tradunt aliqui cornicem plura contexta verba exprimentem, & alia atque alia addiscentem. Viuere dicitur longissimam degens senectutem ad annos vsque quingentos. Cum baccis oliuarum, & nucibus vescantur, & illas propter duritiem perfringere nequeant, in sublime volantes, in saxa & tegulas iaciunt, iterum ac sapius, donec quassatas perfringere valeant.

Ratio cornicum capiendarum.

Multæ magnæ aues, vt cornices, & corui, capiuntur virgulis inuisicatis auxilio noctuæ. In iis locis, quos frequentare solent aues, truncatur ramis arbor aliqua, quæ ab aliis arboribus multum distet. Sed aliqui rami frondibus nudati relinquuntur in ea vel perticæ aliquot super eam ponuntur. His leuiter infiguntur virgulæ magnæ, visco illitæ. Noctua in terra ponitur in loco parum eminente, vt facilius ab auibus volantibus videatur: quam cum aues viderint, circumvolitant, & volando decessæ in arborem visco illitam se recipiunt, vnde in terram decidunt: eas auceps pertica persequitur, & occidit. Nam si manibus caperet, læderetur ab eis. Est & illa ratio cornicum capiendarum, cum vnâ captâ duobus perbreuib; palassolis ad alarum principium annexis in terra firmatur. Clamat illa, & fugere conatur, aduolant aliæ iuuandi cupiditate, ex quibus illa proximam rostro & vnguibus correptam detinet, quæ sic detenta facile capitur. Sunt qui vt cornices, & gracculos alliciant, cum viuis allestatricibus carent, pelles occisarum materia aliqua farras, vt viuentium speciem præbeant, exponunt. Sed audi garrulam cornicem, terrestrem, nocturno cantu tempestates prædicentem, & propinquam morti littus eminens subeuntem (quippe quæ aquis gaudet) aut in fluuios ingredientem, & in aquam à capite in summos vsque humeros immergentem

gentem sese, aut etiam totam innatantem. Est enim admodum sicco corpore, & plurimum gaudet humectantibus.

Corvus.

CORVUS maior est cornice, totus niger, rostro & corpore valens, a quibus plurimum delectatur, qui vorax admodum cibo multiplici se complet, omnibus cadaueribus inhians, cunctis seminibus insidiatur, fructus arborum persequitur, clamoribus adeo, ut horrendum in modum crocitant, quæcunque præteruolet loca & horrida commoueat crocitatione, nihil sciens sonare aliud, quàm eras, cras, diuersos tamen sonos formans, ad quatuor, & sexaginta peruenire dicitur. Sic maximè cunctarum auium multos clangores, & varias voces fundit, magna varietate, discrimineque dissidenti. Nam institutus, cum humanam vocem mittit, tum eius vox alia quidem est ludentis, alia longè seridè agentis. Si quod ad Deum pertineat, agit, hic sibi sacrum quippiam, & diuinationis plenum loquitur: circumratus voces hominum imitatur; & cantus auium domesticarum. Gerit bellum cum tauro & asino: sed si quod animal contra vulpem pugnare aduertit, subsidio ei venit, amicitia ductus, quæ illi cum vulpe intercedit, atque vlciscitur; sed bellum magis naturale est coruis cum miluo, quàm cum tauro vel asinis. Coruum miluus oppugnat eripit enim miluus quidquid tenet, & extorquet per vim maximam, quippe qui vnguibus sit præstantior, & volatu.

Coturnix.

COTURNIX appellatur à sono vocis: nam si iteret voces, ut singulas syllabas nominis toni tractu pronuntiet, & disiunctas ac separatas coturnix aus, vocem te liquidè imitatum cognosces. Sed mas vocem edit exilem, instar ferè grilli, femina crassam. Humi nidificat, neque vnquam in arbore confidet. Cum ad nos venit, terrestris potius, quàm sublimis est, & pulueris non parum fert secum, currit tamen satis velociter. Milio, & tritico, & aqua pura pinguescit. Coturnices cum volauerint, si serenum est, aut aquilo flat, societatem ineunt, & quietè agunt omnes: Sed si auster flauerit, molestè quidem coniunguntur. Quòd parum volant, humidus grauisq; est auster. Quamobrem qui aucupantur, austrum, non aquilonem obseruent, omnino enim agrè propter sui

corporis pondus volant : sunt enim corpore grandiore, quam suis pennis deferri possint, vociferantesque obcam rem volant. Laborant enim quasi oppressæ onere. Cum hæc adeunt loca, sine ducibus pergunt : At cum hinc abeunt, duce ortygometra proficiscuntur, atque etiam cynchramo à quo reuocantur noctu ; cuius vocem cum senserint aucupes, intelligunt parari discessum. Atque aduolant coturnices non sine periculo nauigantium, cum appropinquauere terris : quippe velis sæpe incidunt, & hoc sæpe noctu, merguntque nauigia. Coturnices perdi cibus similes sunt, sed multis partibus minores, vt planè perdiees nanas dicas: sic per omnia perdicem imitantur, vt præter exiguum & pressum corpus, nihil omnino differant à vertice in pedes vsque, præsertim in testaceo colore.

Ratio coturnicum & perdicum venandarum.

Qui coturnices aucupantur, austrum, non aquilonem obseruant ; capiuntur imitatione vocis fœminæ, sed in hunc modum. Instituuntur ad aucupium earū canes apud nos vulgè, qui priuatim etiam à coturnicibus denominantur. Reti, quod expegatorium vocatur, satis magno capiuntur perdiees, coturnices, & phasiani, & alia quædam aues, auxilio catuli ad hoc instructi, qui aues inquirat, quas cum viderit, subsistit, nec ad eas progreditur, ne depellat. Sed aucupem dominum suum respiciens, recto caudam mouet, vnde auceps cognoscit aues esse propter canem, & tunc ipse sociusque rete trahunt, quo aues vnâ cum catulo operiunt. Est & aliud paruum rete in capite perticæ præparatum, vt apertum existat, quo vnus solum vitur auceps, & ad coturnices solum, cum quasi latorio, cuius sonus est similis voci coturnicis fœminæ, ad quem mares cupidissimè accedunt, & sic irretiuntur. Coturnices etiam capiuntur, si fiant laquei multi de pilis caudæ equinæ in funiculo eiusdem materiæ texti, qui tenduntur in sulcis frumenti, funiculo à terra eleuato vltra altitudinem auis, parum decliuus laqueis & apertis, vt auis transiens capite immisso capiatur collo. Atque hoc modo capiuntur pertices in agris, & coturnices ac phasiani in semitis nemorū per quas transeunt. Coturnices etiam noctu retibus, quas nubes vocamus, capiuntur, clamantibus aliis natu maioribus, iam olēm captis, ad quarum vocem dum accurrunt, in fagenas incidunt. Interdum

diu etiam in terra hoc modo capiuntur, reti extenso aliquis tunicam supra caput erectam calamis vtrique sustinens mouet, paulatim progrediens. Metuunt illæ sibi, & dum vestis huc illuc nutantis umbram fugiant, retium laqueis inuoluuntur.

Ortygometra.

Ortygometram vulgò Itali coturnicum Regem appellant, maiorem aliquantò refert gallinam aquaticam, quam Itali fulicam appellant, quoniam & nigro colore est, & aquam quotidie frequentat, sed longè minus est, & non omnino sic nigra; cum sub alis colore albo variet, & vtrique ad latera. Cauda eius rufa est inferius, & brevis, & vt in omnibus auibus aquaticis rostrum duos digitos longum. Cum volatu non admodum valeat, cursus celeritatem a natura accepit.

Cuculus.

Cuculus maior ex asture & columba componitur, qui rostrum, & ungues, & pedes habet similes Palumbo, reliquum corpus simile est asturi; nisi quod varietas pennarum in cuculo habet maculas nigras fere rotundas, in asture verò sunt lineæ nigrae. Volatu etiam asturem refert. Ille insidiatur nidis avium aliarum debilium, & ideo aues pugnant cum cuculis tempore, quo oua pariunt. Ille à voce nominatur, quam non mutat, sed semper eandem iterat, & ingeminat cuculando. Sed immutatur colore, & vocem minus explanat, cum se abditurus est, quod facere oriente canicula consuevit. Apparere enim incipit ab ineunte vere, ad eius syderis ortum: æstate volat, & lasciuir; hieme iacet languens, & deplumatus, ac buboni similis apparet foedus ac deformis, atque latet in cauis arboribus hyemali tempore, quo plumas amittere dicitur, intratque terræ labibula, vel arborum concavas speluncas. Qui suæ fortunæ non inscius, æstate congerit, vnde hyeme

nutriatur.

* *

Cygnus.

Hispania nostra producit Cygnos plurimos, qui videntur generis anserini esse, tum rostri figura, tum pedum, victuque; qui pugnae tempore etiam sibilant, ut anseres. Multo tamen maiores sunt, toti candidi, pedibus nigris, & primo quidem anno nigri sunt, post annum verò euadunt albiissimi. Caro eorum nigra, & dura est admodum. Rostrum sunt parum turbato ferrato, & falcis instar dentato. Cum dentes habeant in rostro minutissimos, tum collum a pectore longè porrigitur, quod inflectunt, & intorquent facile: fontes, lacus, paludes, aliaeue loca aquis redundantia incolere solent, ut stagna & fluuios perennes, qui pacati feruntur & sedati. Craui corpore sunt, nec se cælo facile committere possunt, herbis & vermibus, & omnis piscium & granis segetum vescuntur. Audire est eos in fluminibus & aquis densantes, in pugna verò sibilantes, interdum bombos emittere rudius a sinorum non dissimiles, sed breues, & qui longe audiri non possunt. Inter omnes aues suauissimè Cygnos occinere constat, sed morientes voces lugubres mittere ac flebiles, quibus canentibus scopuli vallesque respondent. Quamobrem ob Musicæ suauitatem & dulcedinem Apollini consecrati fuerunt. Nam concinnunt suauis mellitoque cantu, veluti tibiis, aut citharis adhibitis. Canere autem audiemus eos diluculo ante Solis ortum, tanquam in aëre vacuo, id temporis eorum cantus clarius audiantur, & in hominum aures suauius influant. Nec in aquis solum canentes audiemus, sed in maris littoribus, nisi tempestatibus & procellis maris vehementioribus a canendi dulcedine auocentur: quibus concitatis, & ipsum mare perturbantibus, nec illis suis cantilenis tanta suauitate concinentibus perfrui possunt: sed in senectute summa, morti iam vicina, mirabile quidem est cantus non obliuisci, quos remissiores edunt propter viriū imbecillitatem, cum neque ceruicem amplius erigere, neque pennas extendere valeant. Fauonium tunc ad canendum expectant, ignati iam cruribus, & membrorum viribus destituti. Sed ad moriendum quò secedunt? ubi nulla avis illos canentes audiat, nec olores alios luctu suo interpellant, si qui forte adessent, qui sibi vitæ exitum imminere intelligerent: sic morituri flebiles cantus emittunt, fixâ prius in cerebro pennâ. Neque tamen, ut

Plato tradidit, canunt ex mœrore, sed potius ex lætitia incredibili, qua appropinquante fato afficiuntur, quòd immortales se putant, & ad suum Appollinem remigraturos. Præbent illi nobis speciem viri probi, & virtutibus maximis præditi, qui morte appropinquante, æquissimâ non solum, sed lætanti admodum gestientique animâ moritur. Excedens enim è corporis hospitio, vitam cum immortali sæculorum omnium æternitate commutare se videt, & ad Deum, vt illius aspectu sempiterno perfruatur, euolare. Robusti sunt admodum & valentes, qui vim suam in alis habent, quibus & rostris contra aquilas acerrimè pugnant.

Gallus.

Gallo gallinaceo honorem, & præstantiam quandam natura largita est, qui formæ excellentiâ condecoratus, plurimis splendidis ac micantibus, & vario sæpe colore distinctus vestitur. Cristam habet in capite rectam & excelsam, sic institutam, vt nec caro sit, nec à natura carnis aliena, spectatissimum profectò insigne, & serrarum, quod magis eminet & spectatur cum è recto collo, huc illucque inflectens, omnia prospectat, & cum iactatione quadam corporis rotius imprimens vestigium incedit, flexa à summo cauda, speciem illustrem præbente, & speculis crurum, quibus ad se vlciscendos armatus est, porrectis apparentibus. Gallinarum delectatur plausu mirifico, quibus fauet, & maiorem amplitudinem præfert. Ex cunctis volucris crebrò cœli faciem suspicit, quem vigilem, & in excitandis ad pensa sua mortalibus, rumpendoque è summo natura generavit. Ternas distinguit horas interdiu canens, nocturna vero spacia non minus astrologorum intelligens crepusculo cubitum tendens, quibus ante mediam noctem horis canit, medio eiusdem cursu vocem iterat; tribus etiam ab intempesta nocte horis similiter canit, quod tempus ob hanc causam Gallicinium appellatur. Sed maxime Galliantelucano tempore, cibo per quietem depulso, & in omnes partes corporis diuiso, canunt naturali quodam sensu Solis ad nos redeuntis, quasi effectorem maximarum rerum salutantes, impulsî, seu caliditate suæ naturæ, & motus vbique capiendi cupiditate. Videre est Gallos pro gallinis, contra serpentes, miluosque dimicantes, atque vt gallinas custodiant, alienos à grege abigentes. Arque mares nonnulli visî sunt, qui cum fortè fœmina interiisset,

interiisset, ipsi officio matris funguntur, pullis ducendis, for-
tuendis, educandisque operam dantes: ut deinde neque cucu-
rire, neque gallinas inire appetant, ab omni præeacitate cohi-
beant sese. Quin & matrice gallina extincta iidem ipsi incu-
bant, & pullos ex ouis excludunt, & tunc silentio vtuntur, quod
sanè sibi conscii sint, se muliebri munus obire, & parum viri-
liter facere. Sed cum luna ex oriente nescio quo spiritu afflatum
bacchari atque exultate ferunt, orienteque Sole (qui nunquam
eum fallit) tum vehementissime voce contendere, semetipsos
magis magisque cantando vincere conari. Cum imperitent
suo generi, & regnum, in quacunque sunt domo, exerceant,
dimicatione paritur hoc quoque inter ipsos, veluti ad hanc rem
agnata tela cruribus suis intelligentes, nec finis sæpe, nisi com-
morientibus. Quod si palma contingit, statim victores ca-
nunt, seque ipsi Principes testantur; victi occultant sese silen-
tes, & greque seruitutem patiuntur.


Capus.

IN gallinaceo genere villatico capi seminares numerantur,
capones dicti recentioribus: Qui ut euirati, neque vocem
edunt, neque Gallinis molesti sunt, sunt enim abscissi galli.
Cum gallinis pascuntur, sed non defendunt eas, non cantant
neque horam dici, vel noctis discernunt, vnà cum potestate vi-
rili crista resecta ad nihil, nisi ad cibum vtiles. Liguritores au-
tem saginare capos inuenerunt, quo lautius & splendidius de-
vorarent. Atque sunt homines, qui capos saginant in hunc mo-
dum. Includunt eos angusto loco, & è farina milii turundos
faciunt, magnitudine ferè articuli digiti mediocris: è quibus
ab initio circiter denos eis in fauces inferunt, & per aliquot
deinceps dies quotidie plures, paulatim aucto numero. Hoc
postea imminuunt, etiam paulatim, plures aut pauciores dan-
do, quos concoquere valeant, quod tactu explorata ingluvie
animaduertitur. Sed sic inferendi in os turundi, ut prius in
aquam, aut in lac imitantur, ut facilius descendant, & leniter
digitis per collum premendo deducantur. Deficiente mi-
lio fursur, eum pauca de frumento farina, in tu-
undos redigetur.

* *

Gallina.

Gallarum generosa præstantia spectatur probro colore, robusto corpore, quadratoque, pectoribus magnis, magnis etiam capitibus, plicatili cristula, & sub hac specie, quàm amplissima, nec paribus ungulis: quæ cum quinos digitos habeant cruribus, non eminebunt transversa calcaria, ne cum incubens, calcis aculeis oua perfringant.

Gallinarium.

Gallinarium parietibus corbes, id est, cubicula, affixos habebit, in iisque gallinas incubantes. Gallinaria autem constitui debent parte villæ, quæ hyemem spectat orientem, coniuncta furno vel culinæ, ut ad auem perveniat fumus, qui est huic generi præcipuè salutaris. Ab oriente suis illustrentur fenestellis, quæ matutinum exitum præbeant auibas ad cohortem, nec minus ad vespertinum introitum. Sed curandum est, ut noctibus semper claudantur, quod tutiores aues maneant. Intra tabulata constructa, maiores fenestræ aperiuntur, & clavis muniuntur, ne irrepere queant animalia perniciofa. Sic tamen, ut illustria sint loca, quod commodius habitent, aviariusque ipse debet speculari incubantis aut parturientis fortuna. Nam etiam in ipsis locis crassiores parietes ædificabuntur, ut excisa per ordinem gallinarum cubilia recipiant, in quibus aues oua edantur, aut excludantur pulli. Hoc enim salubrius & elegantius est, quàm illud, quod passim fieri videmus, ut palis in parietes vehementer actis, vimineos qualos superimponentes sine parietibus ita canatis, aut qualis vimineis præponenda erunt vestibula, ut ad cubilia vel parienti vel incubandi causa perveniant. Neque enim debent in ipsos nidos inuolare, ne dum adfiliunt, pedibus oua confringant. Ascensus deinde auibas ad tabulata per cellam datur, iunctis parieti modicis asserculis, qui paulum formatis gradibus asperiores fiunt, ne sine aduolantibus lubrici: & à cohorte fortis prædictis fenestellis scandulæ similiter iniungantur, quibus irrepan aues ad requiem nocturnam. Maximè autem curabit aviarius, ut hæc aviaria intrinsecus & extrinsecus dealbentur: ne ad aues felices abeant, aut coluber accessum habeat, & similes prohibeantur pestes. Tubulatis insistere dormientem auem non expedit, ne suo lædantur stercore, quod cum pedibus vacis inhæsit, podagram croat. Ea perniciēs ut vitetur, perniciæ dolantur in quibus

drum, ne tates leuitas earum superfiliens volucrem nō recipiat, conquadratæ sceleris duobus aduersis parietibus induntur, vt à tabulato pedalis altitudinis, & inter se bipetalis altitudinis spatio distent. Atque hæc cohortalis officinæ dispositio: cæterum cohors ipsa, per quam vagantur, non tam stercorea quam vligine careat. Nam plurimum refert, aquam in ea non esse, nisi vno in loco, quam bibant, eamq; mundam admodum. Puram autem vt serues, in hunc vsum fabricaueris ligneos, aut fictiles, vel plumbeos canales, quos claudes semper impositis operculis: & à lateribus aperiuntur per spatia palmaria modicis perforata cauis, vt auium capita possint admittere. Nam nisi aperculis muniuntur, quidquid aquæ, vel cibi inest, pedibus evertitur. Neque illud fieri probant multi, vt in superiore parte operculorum imponantur toramina. Nam cum multis casibus exposita sint, tum superfiliens auis proluuit ventris cibos, & aquam inquinat. Nostri auiarii hisce temporibus contenti sunt, si in locis bene munitis, & ab aëris & frigoris aditurotioribus gallinas educunt, in quæ fumus aliquis inferat sele. In parietibus mansiones faciunt, vt in eis oua edant, quas accommodant, paleisque substernunt, ne delatum ouum in durum locum incidens, dirumpatur. Perticas etiam fingunt, in quibus aues pernoctant. Neque tam officiosè sunt studiosi, vt in cellas includant, sed porticus construunt asseribus, & oblatâ fronde, quas vel scandulis, vel si copia suppetit, tegulis, vel quod facilius est, & sine impensa fit, tegunt caricibus, aut gentiis, vel palmiribus aridis. Nam illa missa facio, quæ spectant ad puluerem & cinerem, vbicunque cohortem porticus vel rectum protegit, iuxta parietes reponendum: vt sit, quo aues se perfundant, quo pennas, plumasque purgent.

De Ouis.

OVa, quæ auiarius subiiciet, potius ex vetulis sunt, quam palustribus, sed omnium optima sunt ad excludendum recentissima, si Varroni credimus; si verò Columellæ, incubari infra decem dies edita vtilissimum est. Numerus ouorum, quæ supponuntur, obseruatur: nec semper gallinæ istiusmodi, quæ rostra, aut ungues habent acutos, vel calcaribus specularis armantur, à fouendis ouis arceantur; sed gallinas istiusmodi curat auiarius includendas, vt diem & noctem incubent, præterquam mane ac vespere, dum eis cibus, aut portio datur. Circum

Circumit idem diebus interpositis aliquot, & vertit oua, vt æqualiter concalefiant. Recludit ostium tum diluculo, tum crepusculo vespertino, illisque pro consuetudine offert cibum & potum, postea ocludit. Quod si aliquæ non ascenderint, vtrò cogit easdem & compellit ascendere. Secreta verò, & abdita cubilia deliguntur, & ab aliis auibus disincta, ne matricæ incubantes perturbentur. Magna hinc diligentia purgantur, & paleis consternuntur, & in ieiunuraues in factos concanatosque nidos, & mollissimè stratos, ne ab aduolantibus aut desiliantibus euolura decidunt oua: oua verò istiusmodi non curator singula in cubili manu componit, sed totum ororum numerum in aluolum ligneum confert, deinde vniuersum in præparatum nidum transfundit. Curæ verò quantæ gallinis incubantibus iuxta cibum ponere, vt studiosius nidis immorentur, neue longius euagatæ refrigerent oua? Eo quamuis pedibus ipsæ conuertant. auarius tamen, cum desiliunt matres, circumire non desinit, & manu versare, vt æqualiter calore concepto animentur. Quin etiam si qua vnguibus laesa vel fracta sint, remouere non obliuiscitur. Sed quid non curabit, qui vsque eò progreditur, vt die vndeuigesimo exploret, an pulli rostellis oua percuderint, & auscultatur, si pipiant? Nam sepe propter crassitudinem putaminum erumpere non queunt, vt hærentes pullos manu eximat, & matri fouendos subiiciat, idque non amplius triduo facit. Nam post vnum & vigesimum diem cum silentia oua careant animabus, ea remouet, ne incubans inani spe diucius detineatur effœra. Interim in cunabulis dum parturiunt, studet acus substernere, cum pepererint tollere substramen, & recens aliud subiicere, ne pulcibus, & aliis similibus repleantur, quæ gallinam conuiescere, non patiuntur. Quamobrem oua aut inæqualiter maturescunt, aut conlescunt.

Ouum.

Ouum ipsum in se suum habet discrimen: quippe quod parte sui arctum, parte latius sit. Oui pars acutior principium est, vt quæ vtero adhæserit, quodque durior sit parte obtusa, & posterior exeat, quod oua quasi in pedes conuersa, animalia veidò in caput prodeant. In medio autem intumescit: quippe quod amplius, aut maioris materix capacius sit albuginis & lutei. Est enim bicolor ouum intus luteum & album: sed intus membrana tenuissima tegitur, membrana

testa duriore, cuius putaminis tanta firmitas est, vt recta nec vi nec pondere villo frangantur. nec nisi paululum inflexa rodunditate. Tenta ouum pressum vtraque extremitate ambabus ipse manibus frangere, non franges: pressum tamen in latere, facile: per angulos tantummodo suos manibus resistit opprimentibus, pressum per latera parte ampla conficitatur, vt facile possit destrui. Sed agè iam oua compara ad edendum, rupto putamine plura in patinam conijce excreta, & coque igni molli, & continenti, vitelli omnes in medium coibunt, albumina circumdabunt, & quasi sepimento vallantia oras occupabunt. Compara si vis in aqua, vel sub cineribus calidis, vel in sartagine, & liquida vel dura fient pro concoctionis modo: quæ elixantur, vel sorbilia, vel mollia, ac tenera magis, quam dura probantur: oua quæ coquuntur in aqua, quandoque absque testa, quandoque cum testa comparantur, sed quæ testis effusa suis coquuntur, integram in aquam calidam iniecta, vt sorbilia, vel mollia coquenda. Quæ cum testis coquuntur, mediocriter incrassantur, ac ne indurentur omnino, sed succum suum retineant, vas ab igne submouendum. Quod si ad ignem assentur, torreantur vè, oua separabuntur, antequam indurentur, vt cum tota adhuc liquida sint, tota vel exorberi possint, vel mollibus panis segmentis intingi queat, vt panis segmentis ouo tenero imbutis vescamur paulatim. Si iam densata sunt admodum & igne durata, manduntur & teruntur dentibus, quæ quicumque appetunt, primum testis exuere suis, & in partes aliquot secare, vt alternis & vitelli & albuginis segmentis lances coronent, & partes singulas sale perfusas iucundissime edant. Sed cum oua in sartagine spissata sint, oleo scilicet, vel butyro fricta (quæ vel in butyro vel in oleo appellantur vel frixa stellata, vel orbicula) si cuiuscunque generis illa furura sint, frangi necessarium est oua, & erectis infusa in patellam agitari, versarique cochleari, quoad instructa sint, postea in sartagine infusa friguntur, quoad coalescant & spissentur ad duritiem, vel multitudinem, quam volueris, vt aut in vitellum frixa comedas, vel secando in suas partes, quod in ouorum orbibus fieri consuevit. Sed in stellatis, cum vitelli in medio constiterint in stellarum speciem ac similitudinem, cernuntur flauo colore, & albumine ex omni parte tanquam muro septa vallataque. Alias differentias ouorum à coquis require concinnatas variis liquoribus & conditionibus appositissimis suauissimisque, dummodo intelligas nullum ius ouis non absolui acper-

aperfici mirabiliter, & plurima ciborum genera suauitatem & abfolutionem fuam ab ouis accipere.

Gallopauus Indicus.

Gallopauus ex orbe nouo deportatus, Indicus vulgò appellatus, eadem eft, quâ Pauo, colli proceritate. Quod ipfum fimul cum plumis omuino nudum eft, tantum purpurafcente pelle obducitur, & tam valde craffum eft, vt pellem, quæ antea laxa, & vacua fpectabatur, cum vocem mittit, fic contendat & inflat, vt ad brachij craffitudinem accedat. Vox cū fragore per collum longè lateque vagans redditur, vt liquorem in dolium infufum diceret te audire ftrepens, in fua tamen voce quiddam gallinaceum recinit. Eius capitis vertex colore partim albo, partim cæruleo, partim purpureo diftinctus crifta caret. Quædam rubra appendicula carnea ex eius fummo roftro per fuperiorem roftri accliuitatem tantopere eminet, vt digiti longitudine pendeat infra roftum ipfum, Quod quidem ipfum eâ fuperintegitur, vt hoc nifi à latere tranfuerfo videri non poffit. Hanc appendiculam cum paftum capeffit, contrahit, vt quæ antea digito longior, quàm roftum propendebat, modò contracta ad roftri longitudinem non accedat. Huius plumæ cum accipitris fpeciem fimilitudinemque gerunt, tum extremæ albæ vifuntur. Cruribus eft proceriffimis, & ungui- bus aduncis, & diftinctis. Corpus rotundum eft, & pauonis celfitatem fuperat: oculorum ambitus cæruleo, purpureoque colore efflorefcit, & ob eam caufam vt accipitres acri & acuta oculorum acie vigent. Cum quifnam ad gallinam accedit, totus inhorrefcit, continuò plumis, & gradu fuperbo deterrere accedentes conatur.

Pauo.

Pauo rotus, venuftiffimus ac pulcherri- mus eft, vario pennarum fulgore con- fpicuus, tot oculis fulgentibus ac eximie fplendentibus in- figniter illuftratur. Magnâ ille iactatione corporis, & quafi pompa, erecto collo & inflexo progreditur, criftam in fublime elatam geftans admirabili pulchritudine fpectatam: fed gaudet videri, & omnium in fe oculos conuer- ti venuftate caudæ, quàm ipfe admirari geftit in orbem conuerfam, & omnium oculis tanquam pulchram, & fpectatu digniffimam videri: de- ftructam in terra trahere folet, vel à terra, vt col-

libitum, parum sublatam, quæ ab aduerso sole collucet ac vibrat aspecta, solis radiis repercussa. Sed cum in pedes oculos deiicit, verecundatur illos despicere præ deformitate, continuo contrahere & destruere eandem incipit, & pedes quasi fastidire suos, qui crocitant antea, quasi ad corpus, ad pennas, ad rotundum orbem, tamque splendentem caudæ absolutionem spectandam homines vocabat, & inuitabat, præ se quodcumque reliquarum auium genus contemnens, a pernansque.

Graculi.

GRaculi coruini generis sunt, cornicibus similes, rostro rotundo, nigro corpore ac pedibus, qui libenter in locis altissimis nidificant, atque in tantâ multitudine, vt in vnâ sæpe arbore septem paria graculorum nidos constrant. Loquax admodum auis est, minimè canora, sed garrula, obstrepera, tumultuaria, clamorosa adeò, vt importuna videatur, vocem primæ nominis syllabæ absurdo & incondito sono semper emittens: vnde nomen accepit, non quòd gregatim volet, nec ab ipsa gracilitate. Aduersus tamen clamorosos graculos, venatio istiusmodi instituitur. Virgam oblongam terræ infigito, cui laqueum aut funiculum adde, & in medio, quæ circumactu suo vimina vtrinque sita contegat: in summam virgam oleæ baccam imposito, cui è regione laqueus pendeat, quem vbi contigerint graculi, delabatur, & virga erecta laqueus ita attrahatur, vt auium ceruices inhæreant. Est & alius dolus graculis capiendis accommodatus: illi in vasis labro confident, & suas in vase imagines intuiti, aliosque graculos esse rati, in oleum resiliant, oleo tamen madidi, ita pennis & membris omnibus grauantur, vt auolare nequeant, eoque statim loco, olei crassitudine circumfusi, sine laqueis, sine retibus constricti tenentur.

Crues.

GRues nigro colore videntur, & aliquando albo, porrecto, ac procero collo, cruribus altissimis, vnguibus aduncis, & rapacibus, plumis crurum cineritiis, quæ quinque digitos supra genua desinunt, infra plumas cortice vestiuntur nigro, sed sum anterior colli pars, & ad latera nigricet, prona albet, reliqua omnia cinerea præter maiores alarum

pennas, quibus cauda brevis occultitur. Vox gruum rauca est, unde à propriâ voce appellata. Tali enim sono susurrant, Gruere cum dicuntur. In gradiendo pedes præponunt, mollia crura repotentes. Quanta verò, quamque iucundâ societate degunt grues, quam concordēs, & misericè congruentes inter se, nullo dissidio, nullis simultatibus disiungunt! semper, siue cum pascuntur, siue cum volant, nunquam segregant sese, neque disiunguntur. Inde congruere ad homines amicos, & familiares, vinculis acerrimis constrictos tractum est. Volant altè, vt procul prospicere possint, & si nubest tempestatesque viderint, demittunt sese in terram, & clamantes, vociferantesque ducem suum celeriores captare volatus hortantur, & humi quiescunt, quoad ingruens tempestas desæuierit, ac purum & tranquillum æra repetant. Cum autem in Thraciâ nascantur, vbi hyems solet esse atrox, & tempestas perfrigida, medio autumnò, salutis ergo suæ, frigoris vim non sustinentes, tanquàm terræ solum patrium, cœli mutationem, temporumque varietatem scientiâ & cognitione comprehenderint, frequentes in calidas regiones, in Ægyptum, Lybiam, Æthiopiam proficiscuntur; sed frigoribus transactis, & veris parte maximâ, in sedes patrias reuertuntur, vbi patriæ studio captæ, æstiuæ temporis partem iucundissimè ponunt. Sed in volatu, vt facilius æra incidunt, & aduersum melius secant, trianguli formam efficiunt. Atque cum ventus est exortus vehementior, & scire visum est cœlum, non quomodo cum est tranquillum frontatim, ac lunato globi sinu volant, sed in cuncum momento se traducunt, ne circumstante vento ordo perturbetur, vel etiam de suscepto itinere depellantur. Sic enim ipso mucrone diuidunt ventum circum latera frustra lactantem, sic planè, vt nihil acies turbetur. Duces habent, & eos, qui clamant; sed dispositi sunt in extremo agmine, vt vox percipi possit, ne qua officio suo deesse videatur, & qui cum opus fuerit, gregem contineant. Agunt excubias nocturnis temporibus lapillum pede sustinentes, qui laxatus somno decedens, inertie coarguat vigilem. Ceteræ dormiunt capite subter alam condito, alternis pedibus insistentes, dum erecto prouider collo ac prædicat. Id quod facit etiam cum in terram descenderint cibi gratia, & multum clamat, vt omnes conueniant. Quod si nimio clamore raucescat, succedit alius. Atque grues in tergo præuolantium colla & capita reponunt, quod quia ipse dux fa-

cere non potest, quia non habet, ubi nitatur, reuolat, ut ipse quiescat, & in eius locum succedit alia ex sequentibus, eaque vicissitudo in omni cursu conseruatur. Sed in acie instruendâ, ornandaque itineris scientissimos duces ad volatum constituunt, & natu grandiores: quæ vero proximæ sunt, ad regendum extremum agmen deliguntur: minores natu mediæ sunt interiectæ. Ex quo facile est agnoscere, grues rationem, & rerum publicarum recta moderatione regendorum mortalibus doctrinam dedisse. Sed ut custodes semper ac duces circumeunt, & siue homo, siue fera accedat, gruunt vehementer, & altâ voce insidias indicant, ut reliquæ in tempore fugâ sibi consulant. Quæ omnes cum ab aquilâ se impeti perspiciunt, in orbem circumstant, & contractæ in sinum falcatæque existunt, atque ordinatim tanquam in aciem structæ speciem pugnæ præbent. Quare aquila deterrita regreditur. Sed lapillos, quibus se muniunt ad volatus, recordari debemus: quibus idèò vtuntur, ut de via defessæ, & quia ad multum tempus volauerint deiciant lapides, & ex lapidum lapsu percipiant, supra mare ne, an terram volent, Nam si ad mare lapides deferantur, iter susceptum facere pergunt, sin ad terram decident, à volando requiescunt.

De Gryphe.

GRyphem, Indicum animal, audio similiter quadrupedem, ut Leonem esse, robustis armatum vnguibus: quarum cololum cæruleis pennis distinguitur. Sunt aquilino ore & rostro, & capite cuiusmodi pictores fingunt, oculis autem igneis: quas cum ætate progrediente nidi capere non possunt, earum pullos capiant. Atque illa loca tenent Scythiæ Asiaticæ, quæ terræ sunt locupletes, quæ tamen non incoluntur. Nam cum auro, & gemmis affluant, gryphes tenent vniuersas, alites ferocissimæ, & ultra rabiem omnem sauiantes: quarum immanitate obfistente aduenis accessus difficilis ac rarus est. Quippe qui visos discerpunt, veluti geniti ad plectendam auaritiæ temeritatem.

Cum animalibus omnis generis pugnant, eaque fundunt, & euertunt. Contra leones autem & elephantos stare non audent.

Hirun-

Hirundo.

Hirundo avis leuissima est, rostro paruo, gratâ formâ, nigro corpore, albo ventre, rubeo gutture, vestitu multo recta plumatum, maculis duabus sanguineis pectus distincta, quæ caudam habet longam, & bifurcatam. Vt auiculis omnibus, & hirundini non amplior gula, nec ingluuies, sed ventriculus longior est; pennis præualet, flexuosos suscipiens volatus veloci celeritate: quâ de causa rapinæ reliquarum avium minimè est subiecta. Hæc sola avium non nisi in volatu pascitur, sola carne vescitur ex his, quæ ad uncos ungues non habent. Apibus iniuriâ infert, quibus, & muscis inuidiatur, & capit cicadas. Hirundines tam domesticae, quàm agrestes, hyeme ad loca tepidiora abeunt, si vicina sunt; aut si longè distent, non mutant sedem, sed se in angustis montium locis condunt, atque domos petunt villarum, in quibus consingunt nidum implicito luto festucis, ad lutarix paleationis normam. Et si quando luti inopia est, se ipsas madefacientes, volutant in pulvere omnibus pennis. Stragulum sibi hominum more faciunt, duriora primum subicientes, deinde mollibus plumis floccisque consternunt, tepefaciendis ovis, simul ut mollis sit nidus infantibus pullis; si verò luti facultas sit, id hirundines vnguibus ferunt, nidumque ex eo singunt; sed tamdiu hirundines hominum hospitio utuntur, dum pullos ex se pepererint, & aluerint, deinde ingratae in desertos recessus abstractae latent. Cum verò volucrum pleraque aves à suis vocibus nominentur, hirundines, quæ *densant*, aut *aliam trinsant* vagæ, cantu valent, garrulae quidem, & diem præcinendo nunciantes, veris ineuntis tempus, cum omnia virent in agris, & amœnissimè florent, prænuntiant. Cantu, pristinis nidis inuentis, plaudere sibi, & gratulari videntur mirificè vario, & quasi articulado, ut verbis etiam quibusdā gaudium suum testari videantur. Eadem hirundines maternæ sedulitatis in filios magnum satis dant, & insigne documentū. In nutrienda enim prole mira tam mares, quam feminae xquitare commendantur, impertientes singulis pullis cibum, observant consuetudine sua, ne qui semel acceperit, bis accipiat. Tanta autem munditia sunt, ut egerant excrementa pullorum, & adultiores circumagi doceant, ut foris saturitatem emittant.

Miluum.

Milui, vt refert Plinius, ex accipitrum genere funt, fed magnitudine differunt, pennis non diffimiles, quæ rufæ funt, ungues & rostrum aduncâ fimiliter, fed alas curuas, & non rectas habent, Rapaciffimi femper & famelici funt, atque carnivori. Infidiantur auibus domesticis, maximeque pullis gallinaceis, & an'erinis, & quos incautos viderint, ftatim rapiunt: feftantur etiam cadauera. Quare circa coquinas, & macella volitant, vt fi quid carnis crudæ proiciatur foras, mox rapiant. Illi cum à nido egrediuntur, perfectis iam alis, aues magnas venantur, cum verd adultiores funt, & valentiores, capiunt debiliores. Tandem cum ad summam ætatem peruenerunt, mufcas, culices, & lumbricos terrestres captant, ac tunc fame moriuntur. Feruntur anno primo aded audaces effe, vt nihil mortuum gultent: fecundo nihil viuum præ metu; tertio fame mori: fic timidi & formidolofi funt. Lugere dicuntur milui, cum vocem emittunt: vnde multi coniciunt fictitio nomine dictos, à voce, quam edunt.

Noctua.

Noctua, à noctis tempore dicta, quo canit, vel volat: & quam multa nocturnarum auium genera funt, hæc vna tamen præ cæteris apud Latinos à nocte nomē accepit. Huic magnitudo columbæ, crura & digiti pedum huiusmodi plumis albis, imi tamen digiti ad terram nudi funt, ungues nigri & adunci, color Capronæ fufcus modico rufo permixtus, maculis albicantibus distinctus, caput ad reliquam magnitudinem prægrāde, iris oculorum flaua, & oculi magni, rostrum breuiffimum, & aquilinum, inter oculos & rostrum pennulæ quedam, ceu piluli, aut barbulae rigent, in ventre plus albi habet, quam cæteris in partibus. Non multum alacres funt, & interdum cæcæ, cum noctu vagantur. Exorto enim lucis splendore plurimum offenduntur, & fuorum aspectus oculorum obtunditur, propter ficcum & tenuem oculi humorem, non ferentem vim lucis. Venantur mures, lacertas, verticillos, & eiusmodi alias beftiolas, quibus alantur. Verum non tota id nocte faciunt, fed vespertino, & matutino tempore. Illæ sacratæ fuerunt Mineræ, quæ

Αβηρά dicta videtur ἀπὸ τῆς ἀβήρης, hoc est, à videndo. Quippe quæ prævideat, quæ in tenebris latent atrâ caligine circumfusa: & in tenebris obleurissimis noctuam videre scimus.

Passer.

PASSERIS nomen quamvis ad omnes ferè maiores aves referatur, priuatim tamen speciem quandam habet ac formam. Avis enim parua est, cinereo colore, capite pro corporis proportionem magno. Passerum pulli cum euolare debent, vicini passerum parentes eorum conatus euolantium comitantur, vt imbecilles, si necesse sit, plurium constipatione adiuuentur. Capiuntur autem visco, si virgulæ visco illitæ ponantur in locis, vbi pascere, vel morari consueuerunt.

Pauo.

PAUO, quondam Iunoni sacer, speciem habet, & pulchritudinem venustissimam, colore vario distinctam: avis non solum pulcherrima, sed pulchritudinis studiosa, cui è volucribus natura formæ dedit præstantiam & excellentiam admirandam. Paruo ille est capite, & quasi serpentino, & longis pennis coronato, quasi cono in sublime elato pulcherrimo venustissimoque, atque illo ad maiorem venustatem rufo. Collum longum est, & sapphiri colore, quocunque se conuertat, & inflectat, nitet, & splendet. Pectus quoque sapphiri colore lucidum, & splendens, alæ rufæ, dorsum cinereum, ad ruborem declinans, cauda longa pennis plumosis, & in fine pennarum habet orbes, ex viridi, quasi Chrysolithi splendore, & auri, & sapphiri coloribus distinctos, syderum & astrorum clarissimè micantium fulgorem referentes. Planè ad ornatum, & splendorem, & magnificentiam præ reliquis volucribus pauo datus est, vt nullam auem putauerit Plinius pauone nostro fingi potuisse pulchriorem, tot oculis in caudâ, tam longâ, tamque densâ plumis, tantâ oculorum varietate, tanto nitore, tam delectis etiam colorum generibus, vt albus ac niger (quorum vnus per se tristis est, alter reliquos alios obscurat) colores deuitentur. Atque pauo semetipsum miratur caudæ gemmantibus pennis protegens, orbem efficiens plenissimum, tanto tamque illustri splendore micantem, vt nihil supra. Cùm formâ, tam intellectu, quasi pulchritudinis gloriam offert sese, gemmantem laudatus expandens alas, & cum iactatione quadam superbis-

perbissimâ colores ostentans aduerso maximè sole : quia sic clarius vibrant , & collucent , simulque umbræ quosdam re-
percutillus, cæteris, qui in opaco clarius micant, conchatâ quæ-
rens caudâ, omnesque in acervum contrahens pennarum, quos
spectari gaudet, oculos: sed alio tempore magis laudatus, quasi
rationis particeps, cum se formosum prædicari audit, aurico-
mas pennas explicat longè lateque, & veluti pratum floribus
variis & pulcherrimis stratum & distinctum erigens ostentare
gaudet, & oculis ipse lustrans, in orbem circumducere. Adeo
cauda ei tamquam stellata nitet : cumque magis ac magis ali-
quis pulchritudinem laudauerit , ambitione maiore se gerit,
captans illarum laudationum gloriolas. Si verò reprehenderit,
caudâ statim reconditâ, quasi calumniatorem odio sibi esse te-
stabitur. Cum verò pavo ex auibus pulcherrimum se esse non
ignorer, & ubi formæ sita sit pulchritudo, præclarè teneat, eâ
elatus , non modò caudam tot stellulis distinctam, & oculis
collucentem ostentat ; sed etiam ceruicem iactat, & ex pennis,
quæ ei non mediocrem ornatum afferunt, decus & ornamen-
tum capitis, lumē & insigne decoris & elegantix maximæ ma-
ximos spiritus sumit, & insolentix plenissimos. Nocte experre-
ctus, cum se in tenebris iacentem in atrâ noctis caligine videre
non possit , clamans pauidè suam se pulchritudinem amisisse
putat: exclamatque etiam die dum pedes intuetur, deformita-
temque eorum aspernatus, caudamque in rotam erigens, ex-
ponit aduersum soli, ut pulchrior videatur, gaudensque homi-
num admiratione, qui illam intuentur, ad lassitudinem vsque
continet. Cum verò aliquem exterrere vult, pennas primum
explicat, deinde ad iniiciendum terrorem his cōcrepat, capitis-
que elatione ac superbo supercilio veluti triplicem cristam ia-
ctat. Cum reficere se vult, tum passis pennis, & in anteriorem
partem reflexis ex seipso corpus suum opacās, caloris vim fran-
git, & propulsat. Si retro atque à tergo ventus fiat, alas paulatim
pandit, atque ventus interspirans auras, & molles, & suaves af-
flat, unde is reficitur ac recreatur. In pauone illud est mirabile,
puritatis, id est, munditiæ studiosum gradu composito incede-
re, ne inquinetur : & dum est pullus madidus aliquando totus,
& pollutus exspirat, spurcitix & sordium impatiens. Sed cum
caudam quotannis amittat , donec renascatur cum flore arbo-
rum, pudibundus ac mærens quærit latebras. Recordatur enim
illius temporis, cum commendatus, tanquam formosus puer,
ac mulier pulchra corporis præstantiam tantâ eum elegantia o-
stentabat.

stendabat, pennas ornatè, & ordine erigens, vt vel florenti prato & florum omnium pulchritudine distincto, vel variaz picturæ similis videretur. Recordatur cum ante pictorum oculos se ad imitandum exponens, abundè sui pinguedinis potestatem faciebat, & spectatorem conspectu suo expleri patiebatur, & quaquà versus conchatam caudam intorquens illustriorem, & variam magis, quàm sint Medorum Persarumque vestes, suam stolam insolenter admodum & elatè iactabat & ostentabat.

Educatio Pauonum.

IN auarijs stabulantur turdi ac pauones. Pauones nutrire facillimum (nisi fures, aut animalia inimica formides) qui plerunque per agros vagantes sponte se pascunt, pullosque educant, & altissimas vespere arbores petunt, in insulis præsertim manufactis, multisque herbis & luxuriantibus educantur. Curator auium id facere debet, vt diei statò tempore, signo dato iuxta villam gregem conuocet, & paululum hordei concurrentibus obijciat, vt nec auis esuriat, & numerus aduenientium recognoscatur: sed herbidus syluesterque ager plapus in sublimi clauditur materiâ, cuius tribus lateribus porticus applicantur, & in quarto duæ cellæ, vt sit altera cubiculum, atque altera stabulum pauonum: sub porticibus deinde fiunt arundinea septa in concauatum modum, qualia columbarij tectis superponunt: ea septa distinguuntur velut clatris, intercurrentibus calamis: ita vt ab utroque latere singulos aditus habeant. Stabulum autem carere debet vligine, cuius in solo per ordinem fiunt breues paxilli, eorumque partes summæ ligulas edolatas habent, quæ transuersis foraticis perticis inducantur. Hæ porro quadratæ perticæ esse debent, quæ paxillis superponuntur, vt auem recipiant salientem. Sed idcirco sunt exemptiles, vt cum res exigat, à paxillis deductæ liberum aditum conuerrentibus stabulum præbeant. Dicti sunt pauones à voce suâ: pupillare enim pauones dicuntur. Ad conuiuia magnum addunt apparatus & splendorem, sed occisi per dies aliquot seruari debent, vt durities carnis remittatur, & relinquuntur suspensi pedibus per tempus omne, ad mollitudinem teneritudinemque necessarium.

Pelicanus, seu Platan.

Pictores Pelicanum tanquam peregrinam & incognitam auem pro arbitrio suo sumpserunt, ad unco rostris pectus

ſanciantem, & effluentem ſanguinem hiantē ore excipientibus pullis: ſed pelicanus videtur ardearum generi ad numerandus, à quo nō tam alio inſigni, quàm roſtri latitudine differt. Ille candidus eſt pennis omnibus, præterquam vltimis, & maximis alarum, quæ ex parte inferiore nigrificant. Pedes & crura nigra ſunt, magnitudine ad anſerem non omnino accedit, linguâ breuiſſima, longum collum, oculi glauci, cauda brevis, crura tamē alta, inter digitos aliquid membranæ eſt, id quæ ampliùs inter duos maiores, ungues breues, nigri, acuti, quæ natat, & quærit aliquid immerſo roſtro in fundo. Iraſcitur adeuntibus, roſtro aperto collifo quæ, ſonum edit. Circa mare præcipuè degit: cicuratus piſcibus veſcitur, in teſtiniſque gallinarum & alijs culinæ reiectionis, & ramenti aliquando radicum geniculatis, &, ut aliqui dicunt, ranis & ſerpentibus. Dictus eſt ille, quaſi pellē habens canam, id eſt, plumas albas, qui ſemper macie afficitur, & quidquid glutit, citò digerit, quia venter eius nullum habet diverticulum, quo cibum retineat: ſolum enim inteſtinerum habet ductum, qui ab introitu otis, uſque ad partes iuſtis ac debitis naturæ perſoluendis ſpectantes accedit.

• *Perdix.*

PERDIX colore ruſo, nigris interpiſtis longis maculis, aut colore teſtaceo, aut vario, quæ cacabare dicitur, vocis contentione cantuque valens, nidificat humi, ſpinis & frutice munit receptacula ſua. Cū verò eſt ad pariendum vicina, aream molliter pulvere ſubſternit atque fruticibus, & ſurculis circumſepit. Contextus areæ cauus eſt, & ad incubandum accommodatus. Cū enim puluerem infixit, & molle quiddam, veluti cubile effecit, in ipſum ingreditur, poſtea ſeſe fruticum innolucris occultans contra auium rapacitatem hominumque inſidias, in multa tranquillitate incubat, & ſic rorem ac imbrem, humoremque omnem auertit.

Aucupium Perdici.

PRODUCITUR PERDIX venator cicuratus ad eliciendos feros, & ante retia præpoſitus cantum edit, eos laſcentem ad pugnam, eoſdemque, ut ex inſidijs in laqueos inferat, incitantem. Contra cantans ſylveſtrium dux, ſuum gregem præcurſens, obuiam procedit, cum hoc luſtaturus: cicur autem, per ſummā fraudem & malitiam ſemper inſidias inſtruens, pedem refert, ſe timere ſimulans: alter verò ſpe, atque animo inſtatus, ſimul & ſibi iam victoriam ſpondens, impetum facit, ſed mox cap-
tus

tus compage tenetur. Quod si venator perdix, qui ad illecebras
 venatorio instrumento assidet, mas sit, ceteri gregales ei ipsi
 captiuo opem ferre conantur. Perdix garrula ad mensas ex-
 tructas magni habita: quam lauti mandare maximè auent,
 & solent. Cuius pectus cum superioribus perquam suave est,
 interior pars non æquè: post diem vnum naturalem comedi
 debet, vt amittat quod durum est. Atque obseruandum est, vt in
 omni carne assanda, & præcipuè in perdice, ne nimium sicce-
 tur, & torreatur. Assa perdix, aspersa aromatibus temperatis
 editur. Perdicis assæ, prope costæ alas pulpam circumquaque
 abscindes, eiusque in locum, modicum salis, aromatum, caryo-
 phyllorum contutorum, & succus citri, aut mali medici, quo me-
 lius simul hæreant misceri debet; atque inter assandum, ne obli-
 uiscaris perdicum plumâ leuiter perfundere conditionibus iu-
 ris antea comparatis.

Phasianus.

Phasianus peregrina avis, magni pretij & æstimationis, quo
 nihil speciosius contemplari potest ex volucribus. Nec Pi-
 ctiores omnes, nec ipse Apelles, si rediuius foret, varietatem &
 splendorem pennarum, plumarumque imitari posset. Phasianus
 & gallus syluaticus, avis perpulchra, pennis coruscis ignis in-
 star micantibus, cæruleis interdum ac viridibus, rubeisque pen-
 nis inter scripto nitore. Aures geminas videtur habere, in capi-
 te plumis exstantibus. Quas subrigit, cum libet, atque submit-
 tit: cristis in capite, & spiculis in cruribus, quamuis careat. au-
 dax & animosus est. Caudam habet longissimam, eximia pul-
 chritudine spectatam: sed fatuus est, & facile decipitur. Si enim
 pannus albus quadrangulus inter quatuor virgas pictum Pha-
 sianum rubei coloris præferat, ad eum Phasianus miratur picturâ,
 vt non aduertens venatorem retractorum in rete contrudatur. A-
 liquando auceps panno, in quo hæc avis depingitur, cooper-
 tus, phasiano se ostendit, qui sequens cooperatum, nunc fugien-
 tem, nunc retrocedentem premit, donec tandem a socio aucu-
 pis in insidijs latitante inuoluatur. De carne Phasiani nihil est,
 quod dicamus, quam primam ferè in mensis esse iudicant o-
 mnes propter carnis bonitatem & præstantiam. Caro illius gal-
 linarum carni similis est, suauitate verò in edendo superior. Di-
 ctus est, quod Phasiani populi sui generis auibus abundant.

Phœnix.

ÆThiopes atque Indi discolors maximè ferunt aues, & pulcherrimas, & ante omnes, nobilem in Arabia Phœnicem, vnum in toto orbe, nec visum magnopere, qui aquilæ narratur magnitudine, auri fulgore circa collum, cetera purpureus, cæruleam roseis caudam pennis distinguuntibus, cristis faciem, caput plumbeo apice cohonestante. Tradit Manilius, qui Phœnicem vescentem viderit, extitisse neminem; sacrum in Arabia Soli fuisse; viuere annis sexcentis sexaginta; senescentem cassia, thurisque surculis construere nidum, replere odoribus, & superemori: ex ossibus deinde ac medullis nasci primo ceu vermiculum, inde fieri pullum, principioque iusta funeri priori reddere, & totum deferre nidum prope Panchaiam in Solis urbem, & in arâ ibi deponere.

Pica.

Pica auis est magnitudine Columbæ, alis vario colore, & præsertim cæruleo depictis: sed cauda nigro colore est splendenti in viridem, cum sapphyrino permixtum, longiore caudâ, quàm alia sui corporis aues, quæ voces plurimas commutat. Singulis ferè diebus diuersam emittit vocem, imò eadem die eandem vocem variat, & omni tempore. Quin & aliquando per hyemem ita fingit vocem venatoris, vt canes moueat & incitet ad se: quin Pica in vocis mutatione singularem naturam, & quàm diuersa animalia refert. Audies enim Picam garrientem, hædi vocem existimabis, qui à matre separatus iuxta arborem eam requireret, cui clamans Pica nonnunquam insidere visa est. Audies iterum edito mugitu vitulum referentem, deinde ouis instar balantem, postremò fistulam siue sibilum pastoris imitantem, quo ille post pascua oues ad potû ducit. Deinde audire poteris psallentem omnium auium voces, & sonos tam varios ac multiplices reddentem. Minor est Picæ nobilitas, quàm Psittaco, quia non ex longinquiore terræ defertur: sed pressior loquacitas certo generi picarum est. Non discunt solum verba Picæ, sed diligunt; meditantisque secum curam cogitationemque, quâ intentæ sint, occultare non possunt.

Psittacus.

India mittit Psittacum, qui pulcherrimus est, viridis toto corpore, circulo tanquam miniato, velut aurea torque, pari fulgoris ambitu cingitur & coronatur. Rostro & pedibus ruber similis falconi, capite rotundo, rostro adunco, tantæ fortitudinis

titudinis, vt caueæ virgas, ferreas vi frangat, habet enim capitia ossa durissima. Quare cùm discit sermonem hominis, radio verberatur ferreo; & cùm deuolat, rostro se excipit, propter pedum infirmitatem. Cùm aues aduncæ breui sint collo, & lingua lata, atque ad imitandam apta, psittacus est multo latiore, quàm cætere aues. Vnde illud efficitur, vt articulata verba penitus loquatur, quasi humanum linguam referens. Inter nobiles & plebeios disinctionem facit digitorum numerus. Qui præstâr, quinos in pede habent digitos, cæteri ternos: sed hoc commune est psittacis, vt habeant digitos binos antè, & totidem retrò, vt picorum genera. In Caluhut tanta harum auium est copia, & exhibendi sint custodes seruandæ orycæ in aruis, ne eam depascantur. Pede seipso pascunt, & ori admouent escas, vt manu homo: dum bibit pedibus suspensus caudam in altum, & caput deorsum ad aquam protendit. Caudam etiam diligenter custodit, & sæpe rostro componit, & pennas summo studio frequenter abstergit. Inter aues ingenio sagacitateque præstat, quòd grandi sit capite, atque in Indiâ cælo puro aetenui nascatur: vnde didicit non solum loqui, sed meditari. & meditatur gloriæ cupiditate flagrans. Summa memoria valent psittaci, amantque cùm pueris loqui, à quibus cæteræ aues facilius loqui didicerunt. Sed quæ solertia illorum in fingendis nidis? Inuestigant proceram arborem tenuibus ramis, & intolerabilibus ad quiduis graue sustinendum, ad quorum cacumina pensilem surculum alligant, ex quo nidum affabre, & callido artificio factum suspendunt, pilæ modo rotundum, sanè quàm exiguo ad aditum & exitum relicto foramine. Quod quidem illi moliantur, vt serpentium insidijs viam obstruant: non enim ex tam subtilibus ramis pensilem nidum serpentium genus corpore suo audeat inuadere. Caueis inclusi Psittaci aluntur, vt cùm aspectu suo colorisq; venustate, & formæ præstantia, tum humani sermonis imitatione, domesticos & externos oblectent.

Struthio, vel Struthiocamelus.

STruthio partim auem, partim quadrupedem refert: quippe qui pennas habeat, nec sublimis vo'et Non enim pennas admodum aptas gerit, sed pilis similes. Glaber capite, & parte colli superiore est, & cilia palpebræ superioris pilosiora. Bipes tanquam auis est, bisulcus tanquam quadrupes; non enim digitos habet, sed ungulam bipartitam, Corporis molem subli nem mouere

mouere difficulter potest. Crura alta sunt, similia cruribus camelorum, crebris corticibus, seu squamuis intacta usque ad geminos duos poplites. In sublime porrigit caput exiguum, ceruicem verò magnam, & proceram: cuius collum cum longum sit, & cyanei coloris, tum oculi magni, rostrum breue acutumque, molles plumæ, & ungula, ut prædixi, fissa, ut terrestre simul, volatileque animal videatur. In huius ventre inciso, expurgatis sordibus, lapides inueniuntur: quos posteaquam deuorauit, in omaso prope reticulum diu alternatos concoquit. Propter naturam calidissimam ferrum concoquere dicitur, mirâ naturâ concoquendi, quæ sine delectu deuorauerit. Ferunt altero oculo cælum, altero terram intueri. Si quis eam inlectetur propter corporis gravitatem volando effugere nequit, sed duntaxat explicatis alis gressu ipso effugere tentat, sin propior facta est, ut capiatur, obuios lapides, sic pedibus retrò ad hostes conuersus tanquam funda iaculatur. Capitur tamen ad hunc ferè modum. Cum illam incubantem vir venationis peritus animaduernerit, peracutas ex ferro cuspides, spiculorum more, circum nidum defigit, & propè in occulto latens, ex insidijs rei euentum acerrimè expectat. Struthio ab inquirendo pastu rediens, antequam in nidum introeat, huc illuc versans oculos circumspèctat, quòd metuat, ne quis sese speculetur, deinde ardenti pullorum studio victa, quamuis ferrum splendeat, alis tamen passis, tanquam velis contento fune explicatis, in nidum ingreditur, & cuspidibus ferro munitis transfixa acerbâ morte conficitur. Venator repentè properans accedit, & simul cum matre pullos capit.

Turdus.

Turdus avis est, cinereo colore, non magno corpore, albo pectore, nigricantibus maculis variegato, rostro substatuo, quod in extremo nigricat, fere magnitudine & figura merula, bono præcipuoque sapore, præ cæteris auibus inter lautitias habetur. Et porcelli quondam dimidiâ parte assi, & dimidiâ elixi, facti turdis, & ventriculis gallinaceis inferebantur in mensas. Atque per sylvas, & baccis fœcunda virgulta, ad turdos & alias aues capiendas, laqueos expedire oportet.

De auibus generatim.

VT de animalibus, & de auibus generatim dicamus, ne quid ad scribendum & ad agendum Latinè desit. Aues dictæ ab auis, id est, locis secretioribus, quibus maximè delectantur: *alites*, ab alarum magnitudine: *volucres*, à volando. Qua pariunt, & pennis decoratæ sunt, & maioribus, quæ remiges dicuntur, quasque ad volandum expandunt, & vestimentis, quæ prætexunt illas. Pennæ autem è caule, id est, calamo extra cutem eminente, ex quo plumæ omnis lanugo erumpit, producuntur: sed caules præcisi non crescunt, vultu renascuntur. Præter pennas plumæ molliore vestitæ sunt, & sublatis pennis in sublime volatus suscipiunt, naturæ cœlo frui volentes libero, clangore multo, quem muleæ fartæ satiaturæque affatim vastum fundunt, & horrendum. Sed in hac immensitate latitudinum, longitudinum, & altitudinum aeris circumfusi, quam infinita volitat auium multitudo leuandi laboris sui causa passim ac liberè, à quocunque opere solutarum? Quòd cum à natura auibus insitum sit, cum pulli pennulis uti possunt, matrum volatus imitantur, quæ pullos volantes prosequuntur, quoad liberè possint volatus maiores suscipere. In auibus crista quantam habet præstantiam? In gallis palea de mento gallorum, rubens, velut barba pendens, speciem habet. Rostro magno, procero, & corneo, ad unco etiam magnopere adiuvantur ad capiendum cibum, ad findendum, ad purgandum, ad discernendas sordes, ad pungendum, ad abigendas bestiolas, ad inuestigandum aliquid, & eruendum infra puluerem latens & abditum. Cruribus rigidis, & calcari sunt & vnguibus præditæ. Auium etiam quanta diuersitas? aliæ sunt *oscines*, quasi ore concincentes, quas veteres ridiculis, & inanissimis superstitionibus imbuti, rerum augurandarum causas natas esse putabant, & tum à dextra, tum à sinistra canere oscines, & prædicere, sicut alites volatu, rerum suarum secundos, & aduersos euentus. *Altiles* autem seu fartiles saginantur, & turundis fartiuntur, ut pinguescant, quas bene pingues & opimo iecore ingluuies indicat plenissima. Harum similes, *cortales* seu cohortales, quibus intra cortem foueamve inclusis minùs libera vagandi potestas datur.

Sylueſtres ſunt aliz, & feræ, nondum cicuratz, quæ diſperſæ in agris lociſque ſylueſtribus vagantes, montanas & ſylueſtres ſedes appetunt, & ingentibus, & parulis, & porrectis aliſ volant, & ſuperam regionem petunt. Quemadmodum inferæ naturali petunt volatu terræ vicinam aeris regionem, cum neutrum auiculæ inuolucres & implumes facerent. Hinc *accipiter* ex auibus cunctis rapacib. maximè ad prædam faciendam pro- uolans, *tinnunculus* columbas defendens, accipitres territans occultâ naturæ vi, uo ad aſpectû illius vocemq; fugiant. Hinc *aquila* regina auium, *alanda* ſeu galerita criſtato capite, in galexi ſeu galeæ modum pulchram habens ſpeciem. *Alcyon*, quæ hyemali, frigidoque maximè tempore propter maris litora fœtus edere ſolet, cum maximè intumeſcit mare litoribuſque uehementiores fluctuſ illiduntur, ventiſque flant valde uehementes, immoderatzque tempeſtates ſæuiunt, vt mare omnia velle abſorbere videatur. Mirandum autem, cum ſtatim miſceſcere mare, ſedari tempeſtates, deſæuire venti, ſtatuſ omniſ quieteſcere, & omnia tranquillari paciſque cernantur. Intra quatuordecim dieſ, quiete tranquillitateque maximâ, quod tempuſ illa partim educendo, partim nutriendo fœtu, quoad adoleſcat, ponere conſueuit. Hoc maximè nauæ tempuſ obſeruarunt, quod naſti nullas tempeſtates perhorreſcunt, quietiſſimo ſemper tranquilliſſimoque mari nauigantes. Hinc *anates* fluuiorum appetentes, & nandi ſtudioſiſſimæ: hinc *anſeres*, quibuſ alendis cibaria quondam locabantur in Capito- lio, vt ſignificarent clangore ſuo ſtrepituque alarum, ſi quando fureſ venirent. Hinc *ardea*, ardua petens, & *ardea* ſtellaris, ſtellis quaſi quibuſdam picta, *Attagen* inter eſculentas aueſ præcipuè ſapore celebratur, vocaliſ aliaſ, captuſ obmuteſcens, inter raras quidem aueſ quondam exiſtimatuſ. Inter aueſ etiam *bubo* numeretur, debiliſ ad volandum, in cauerniſ com- morans diruſ omen mortalibuſ quondam habituſ, à boue mugienti, quem imitari vituſ eſt, appellatuſ, *Capuſ* in auuario incluſuſ & ſaginatuſ omni ſtudio, vt optimuſ inter fercula feratur aſſatuſ in menſam: *cardueliſ* minima auium, imperata facienſ, nec voce tantum, ſed pedibuſ & ore præmanibuſ, cum ſit parua, capite rubro, luteiſ aliſ, albo nigroque colore diſtinctiſ à carduiſ, quorum ſemine veſcitur, appellata; quanto ita pretio habetur? *Ciconia*, veriſ ineuntis nuntiuſ præſe- renteſ, procero collo, roſtro longiſſimo, incredibiliſque duri- tie ad obiectaſ reſ percutiendaa, cruribuſ & unguibuſ, præ-

naturâ rerum, ad quas creatæ sunt, vim frigoris fugientes, calidiora loca petunt, gruum modo cursum perficientes. *Columba* in culminibus, & turribus villarum habitantes, propter insitum à naturâ timorem in summa loca conscendunt: sed aliud mansuetum genus est columbarum, domibus ipsis contentum & altum cibo domestico. Ad columbarum habitationem, columbaria extruuntur, leuigatis & dealbatis parietibus, singulis autem paribus columbaria, id est, loculamenta in peristerotrophio fiunt rotunda, & ex ordine crebra: atque columbaria os habent, per quod columbæ ingrediuntur & exeunt. Videbis autem paxillis adactas tabulas concinnè superpositas, quibus vel luculamenta, in quibus nidificent aues, vel fœcilia columbaria recipiunt præpositis vestibulis, per quæ ad cubilia veniant fœtus. Harum pulli columbini sunt, & ouum quod supponitur ad fœtus procreandos. Columbarijs autem maxima cura est columbariorum frequenter purgandorum, ne sordibus alijs, & fimo columbino redundant. His accedat *coruus*, *coturnix*, *cuculus* ille niger & horribilis, mali ominis, & ad animalium cadauera se abiciens in sterquilinijs aspecta. *Coturnix* parua avis est, & cum ad nos volat teristris magis, quàm sublimis. Aduolant autem hæ nauigantium periculo maximo: quippe quæ velis sæpe insident, merguntque nauigia. Nunquam autem volant austro humido, grauioreque vento: nam aura vehi volunt propter corporis grauitatem viriumque debilitatem maximam. Hinc volantium illa conquestio labore expressa. Itaque Aquilone maximè volant ortygometrâ duce: sed ferè primam earum terræ appropinquantem, & accedentem ad terram, miserissimam accipiter rapit. *Cuculus* adest omni generi auium, odio maximo habitus, qui in aliquorum auium nidis oua parit, non audens in nido suo relinquere, quasi parum tuta, & ab alijs auibus confestim perdenda. *Cygnus* proximus sit, auis candore maximo, anseris maior, suauissimè canens, & suauius imminenti mœre. Ille colli proceritate ad cibum capessendum adiuuatur. *Halcon* in eundem numerum referatur, qui ungues more falcis habet introrsum inflexos. *Ficedula* sequatur, sicubus pinguescens, à Romanis in magnis habitadelicijs: quorum tanta fuit in cœnis instruendis luxuries, vè negarent aliqm vllam præter ficedulam totam comesse oportere. Iam verò gallus, gallina, pulli omittendi non sunt. *Gallus* enim parens gallinarum, & earum defensor acerrimus,

capite cristâ decorato, & sub mento palcâ pendende incedens habet ostentationem & iactationem corporis quem superbior-rem facit, vestigium non leuiter impressum, & inflexa cauda, reflexaque venustissimè. Animal est canorum suâ sponte, qui post depulsum de pectore, & in omne corpus diuisum cibum & modificatum, cantus edit quiete satiatus, exsuscitans homines, qui sic canere assiduè incipit, vt nunquam intermissurus videatur. Gallina mater pullorum est, ad quos excludendos oua supponuntur; cum autem illa parere vult ouum, quietum requirit ad pariendum locum, glaciens non parum. Sed quot Gallinarû genera? Adriana, iubeca, seu nouella, veterana, efforta, pumica, decumana proceris ad pectus cruribus, meleagris, numidica, guttrata, quæ in plumis nigrantes plumbos habet, hosque aspersos albis guttulis, Africana. Sed foetus gallinarum *ouum* est, quod rotundum est, aut, acuminatum, atque medium intumescens, testa coopertum, quam membrana sequitur, quæ tegit albumen, & luteum intus delitescens. Sed ouum aliquando geminum est, sæpe irritum, nonnunquam cynosurum videbis, pullescens etiam, pulli verò teneri, & ad ægrotorum, & delicatorem cibos aptissimi, qui die vndevice simo rostellis oua percutientes, pipire solent. Quod auarius diligenter explorat, & animaduertit, vt ouo pertuto pullus educatur foras. Non etiam omittendi graculi, seu monedula, grus, gryphis. *Grues* quasi rationis participes sint, profectionem præstituunt mirabili consensione conspirantes, volant ad prospiciendum altè, ducem, quem sequuntur, eligunt, in extremo agmine vicissim ad acclamandum disponunt, & qui voce gregem contineant. Excubias illæ habent nocturnis temporibus, ne quid improuisum accidat, lapillum pede sustinentes, qui laxatus somno, & decidens, parum providentes, negligentia arguat, cæteræ dormiunt capite subter alam condito, alternis pedibus insistentes. Dux erecto prouidet collo, ac præcedit, volantes colla tergo præeuntiam imponunt, quia duces facere non possunt, fessi reuolant, & ad terga recipiuntur. *Gryphes* alis & facie tantum aquilæ similes, reliqua parte leonum, equis admodum infecti. Quid hirundo? Quid luscinia? quid miluius? quid noctua? quid onacrotalus? quid palumbes? quid perdix? quid Phasianus? quid pica? quid Psittacus? quid struthio? sturnus, turdus, turtur, vespertilio, vpupa, vultur? quid aliæ aues à nobis descriptæ, & in Apparatu nostro, & in hoc volumine:

Has & alias considera, si notam vis habere multitudinem & diuersitatem auium innumerabilem, atque illa, quæ sequuntur de auiibus perlege, si vis Latinè agere, non hæsitas. Aues vario meatu feruntur: & in terra ambulant aliquæ, vt cornices: saliant aliquæ, vt paliiæres, merulæ: currunt, vt perdices: ante se pedes iaciunt ciconiæ: grues expandunt alas, pendentesque rato interuallo quatunt: aliæ crebrius, sed primas duntaxat pennas, aliæ tota latera pandunt, quædam verò maiore ex parte compressis volant. Percusso semel aliquæ & ictu gemino aëre feruntur, velut inclusum eum prementes, eiuculantur se in sublime, in rectum, in pronum. Impingi putes aliquas, aut rursus alto cadere has, illas salire. Anates solæ, quæque sunt eius generis, in sublime protinus tollunt sese, atque euestigio cælum petunt, & hoc etiam ex aquâ. Itaque in foueas, quibus feras venamur, delapsæ solæ euadunt. Vultur & ferè grauiore; nisi ex procursu, aut zitiore cumulo immixtæ non euolant, cauda reguntur. Aliæ circumspectunt, aliæ flectunt colla, nonnullæ vescuntur ijs, quæ rapere pedibus. Sine voce non volant multæ, aut è contrario semper in volatu silent. Quædam subrectæ, pronæ, obliquæ in latera, in ora quædam, & resupinæ feruntur, vt si pariter cernantur plura genera non in eadem naturâ officio suo fungi videantur. Qua verò in nidificando solertia aues præditæ? quo ingenio? quam admirando? Hirundines videas luto construere, stramento roborare: si quando inopia luti, madefactæ multæ aquâ pennas puluerem spargunt, ipsum verò nidum mollibus plumis, floccisque consterunt tepesciendis ouis, simul ne durus sit infantibus pullis. In fœtu summâ æquitate vicissim partiuntur cibum, singulari munditiâ egerunt excrementa pullorum, adultosque circumagi docent, & foras saturitatem emittere. Videas alias eadem materia nidos confingere, diuersos figura totos, supinos faucibus porrectis in angustum, vtero capaci, mirum qua peritia habiles & occultandis pullis, & substernendis molles. Videas alias excavare ripas, atque nidificare multos dies ante, si futurum est, vt nidos flumen auctum attingat. Alias ex arido musco nidum ita absoluta perficere videbis pilâ, vt nusquam patere videatur aditus. Quot in furculo primis in ramis cyathi modo nidos suspendunt, vt nulla quadrupes possit accedere. Iam verò commune istud est, tabulata ramorum sustinendis nidis prouisione multa eligere,

cameramque ab imbre, aut fronde densa protegere: sed cer-
nere etiam est modum bibendi dissimilem, valdeq; distantem.
Certum est alias sugēdo bibere aues, quibus longa colla, inter-
mittens, & resupino capite velut infundentes sibi. Porphyrio
solus morfu bibit, omnemque cibum aquâ tingens, pede quasi
manu ad rostrum affert. Neq; plura de auib; quæ volueris, ex
alijs nostris descriptionibus sine dubitatione percipies omnia.

De vermibus & insectis.

Accedunt vermium & insectorum descriptiones. In ver-
mibus & insectis non pauca sunt animaduersione digna.
Noti enim sunt vermes, lumbrici, apes, vespe, fuci, crabro, cu-
lex, locusta, scarabæus, papilio, musca, ricinus, formica, bom-
byx, grillus, cicada, araneus, eruca, tipula, millepeda, lens, pe-
diculus, cimex, pulex aquaticus, curculio, voluox, trox, mida:
de quibus nonnulla describenda nobis erunt.

Vermis.

Vermes rependo torquent sese, & vertunt in omnes partes,
infesti non modò lignis & arboribus, sed etiam plantis &
fructibus. Nati ex fimo tetro, & grauitè olenti, multis lineis
notantur, & quasi toto corpore intersecantur. Inde vermicu-
lata opera, quæ præbent speciem vermiculorum, vt pauimen-
tum minutis tessellis insitijs vermiculorum instar variatum ac
distinctum.

Lumbrici.

Lumbrici vermes terreni, lubrici, qui contrectati effluunt, &
elabuntur è manibus, vt continere non possis, insectunt se
& torquent corpore. Hi in hominum corporibus propter cru-
ditatem nati, intestinis nocere solent. Neque contenti solùm,
nisi aluo mouentes versantesq; seipsas molesti sint & adeò gra-
ues, vt perferri non possint sine angore cruciatuque maximo.

Apes.

Apes iure optimo generi mortalium admirationem affe-
runt, præbentes speciem Reipub. benegerendæ, & omnem
insipientes laborem rerum ad hominum vtilitatem conficienda-

ciendarum causa: habent Regem, cui obtemperant, omnique officio prosequuntur. Nunquam autem ante fabarum florem laborare incipiunt. Hoc autem ineunte tempore distribuunt suas operas, & albente cœlo bombo excitatæ, aliæ exeunt in campos longè lateque patentes, & flores colligunt, aliæ aquam rore, & corporum suorum lanugine comportant, quibus venientibus obuiam occurrunt aliæ, onera excipiunt, & inferunt in alueos ad suum opus perficiendum. Quarum primum opus est fauos construere, ceram fingere, hoc est domos cellasque facere, deinde sobolem, denique mella ceramque ex floribus, melligenem ex lacrymis arborum, quæ glutinum pariunt, salicis, vlmis, arundinis, succo, gummi, resinâ. His primum alueum ipsum intus totum, ut quodam tectorio illinunt, & alijs amantioribus succis contra aliarum bestiolarum auditates, deinde foris latiores circumconstruunt: sed in opere faciundo iacifcias primum fundamenta, quæ commosin vocamus, crustâ primâ saporis amari. Quem consequitur pissoceros picantium modo ceu dilutior cera & vitium, populorumque mitiore gummi. Proxima est propolis crassioris materiæ additis floribus, nondum in cerâ, sed fauorum stabilimentum, quâ omnis frigoris, aut iniuriæ aditus obstruitur. Ita fingendorum fauorum, & mellis faciendi datur apibus opportunitas optata. In elaborandis perficiendisque fauis, & melle complendis, aliæ struere, aliæ polire, aliæ saggerere, aliæ ex eo, quod allatum, comparare solent. Exploratores sunt, qui speculantur, & obseruant operas. Cessantes inertiæ arguere, castigare deinde & mulctare morte, quasi constitutum est decretum inter apes. Quæ munditia? amoliri omnia mos est à medio, nullatque inter operas spurcicias iacere, & excrementa laborantium intus, ne longius recedant, vnum in locum congerere. Turbidis diebus & ab opere vacuis egerere, fulcire quoque maximæ curæ fuit ruentes ceras pilarum integerinis à solo fornicatis, ne desit aditus ad sarcendum, quemadmodum primos ferè tres versus inanes struere, ne promptum sit, quod inuitet furantem, nouissimos implere melle, ideoque aduerso alueo faui eximuntur. Gerularum officium est secundos captare statum. Contraria autem tempestate, apprehensis lapillis se librant, atque ita strenuam operam, & laborem assiduum adhibent, ut vascendi tempora statuta habeant, & omnes vnâ vascantur, ne opus remittatur, aut minus ab alijs laboris suscipiatur, quàm reliquæ

ponunt. Cùm ad uesperaſcit in alueo obſtrepunt minùs, ac minùs, quoad vna circumuolet, eodem, quo excitauit, bombo receptui ſignum dans omnibus caſtorum more, quo audito protinus omnes conticeſcunt.

Fuci.

Fuci ſine aculeo ſunt, imperfectæ apes, nouiſſimæque à feſſis, & iam emeritis inchoatæ, ſerotinus fœtus, & quaſi ſeruitia verarum apum. Quamobrem apes imperant hiſ, & primos in opera, quaſi mancipia expellunt, tardantes ſine miſericordia puniunt. Hi non immeritò fuci, qui ſpecie calefaciendi aluei mella abſumunt, & apibus fucum facere videntur. Quod non ſanguine diffuſus, ſed fuco illitus color, fuci fallaciæque hominum, fucata & ſimulata è ſynceris veriſq; longè diſtantiâ, fucolæ & ambitioſæ amicitia, merces fallaces, & fucolæ facile ante oculos ſtatuunt. Fuci enim quamquã apum ſimiles, ſed maiore corpore non mellificant, neque operam vllam præbent. In opere faciundo, niſi quod ad concalfaciendos fœtus adiuuant, & conſumunt alimenta, quæ apes congèſſerunt.

Veſpæ.

Veſpæ in ſublimi è luto nidos faciunt, & in ijs ceras: muſcas grandiores venantur, & amputato ijs capite, reliquum corpus auferunt, aculeos impreſſos & infixos relinquunt non ſine magno dolore, vt eliciant ſæpe ſanguinem, & ad euellendos magna vis adhibenda ſit. Atque illæ partes, quas pupugerunt, & ſtimularunt, intumeſcere videbis ſingulari deformitate.

Crabrones.

Crabrones veſparum ſimiles, ſed maiores, ex equis creatiſſimum, in ſylueſtrium arborum cauernis degentes, iectus illorum inſeſti admodum & pernicioſi. Hi nullum Regem agnoſcunt, ſicut nec veſpæ, in hoc proſus ab apibus abhorrentes. Aſperi licet ſint & immites, aliqui mitiores numerantur.

Culex.

Culex.

IN culice animalculo paruo, vbi tot sensus, vbi appetitus, vbi gustatus, vbi odoratus, vbi truculenta illius & maxima vox sit, quâ subtilitate pennæ fuerint annexæ, qua longitudine crura, quis non quærat admirans? Ad hæc ieiuna illius cauea, tanquam alius arida sanguinis, & potissimum humani, mirabilis cuiusque videri potest. Quod verò telum perfodiendo corpori, & spiculis acerrimis acutum? Id cum fodiendo acuminatum sit, torbendo fistulosum est, quod tanto cum stridore facit, vt animal dicas maximorum aliquod tantos ciere strepitus, stragem & cladem hominibus minitantes.

Locusta.

Locusta insecti genus est, infirmas habens alas, tam modicis se à terra volatibus attollens, vt saltare potius videatur, quam volare. Tanto volant alarum stridore, vt aliæ alites credantur, solemque obumbrant, cælum obducant, multa contractu solum aduidentes, omnia verò morsu erodentes, (perniciës maxima & calamitas agrorum) omnia vestantes depopulantesque. Ad eas enecandas homines exeunt in agros, pro numero, seu mensura locustarum, quas vbi confecerint, pretium accepturi sunt, mercedemque constitutam.

Scarabæus.

Scarabæus teneras habens pennas, & ob eam causam frustra ad firmitatem tectas, stercore sese potissimum alens, ingentes è fimo pilas pedibus volutat auersus. Aliqui volitant magno murmure ac mugitu, alij ficos & prata crebris foraminibus excavant, nocturno stridore vocales. In quodam autem scarabæorum genere grandi cornua prælonga sunt, bisulcis dentata forcipibus in acumine, cum libuit, ad morsum coeuntibus.

Bombyx.

Bombyx similis crucæ apud Indiam, Æthiopiam, & Seres in araneorum morem tenuissima fila ducit, ad vestes luxurique scæminarum. Bombycas autem in Ceo Insula nasci Plinius tradit, cupressi, terebinthi, fraxini, quercus flo-

tem imbris decussum terræ halitu animante. Fieri autem, tradit auctor, prius papiliones paruos, nudosque, mox frigorumpatentia villis inhorrescere, & aduersus hyemem tunicas sibi instaurate densas, pedum asperitare radentes foliorum lanuginem in vellera. Hanc ab ea apprehensam corpori inuolui nido volubili: tum ab homine tolli, fictilibusque vasis tepore & fufurum esca nutrirî, atque ita subnasci sui generis plumas, quibus vestita ad alia pensa dimittatur; quæ verò cœpta, sint lanificia, humore lentiscere, mox in fila tenuari cœfuso. Nec puduit has vestes vsurpare viros propter leuitatem contra calores æstiuos, ita à lorica gerenda abhorrentes, vt oneri sint etiam vestes: cùm bombycis olim ad fœminarum vestem luxumque prima in filum ducere, deinde texere inuenerit in Geo Insula mulier Pamphila Latoi filia.

Cicada.

Cicadæ natura sunt canoræ, aculeatum nescio quid habent in pectore, quo rorem lambant, nunquam nisi æstiuo tempore apparent, carent ore: aculeum enim habent pectoris linguæ similem, atque pectus fistulosum ad mittendam vocem. Dictæ à cadendo, citò enim eualescunt, æstus solum tempore resonantes.

Grillus.

Grillus speciem quandam habet locustæ, non dissimilis cicadæ, corpore tamen longiore, pernicies agrorum, retro ambulans, & saliens in locustarum morem, terram terebrans, noctuque stridens, quem pueri in caueas ex subere factas solent includere, lactucarumque folijs alere.

Araneus.

Quis est cui non admirationem afferant Aranei, qui corpore exiguo, vario & acuminato, assultim ingredientres, internodijs ternis crurum notati, erudito, & accurato opere clari & illustres sunt? Quippe qui telas ordiantur, rantique operis materiæ vterus ipsorum sufficit, tam moderato vngue, tam tereti filo, & tam æquabili deducit stamina, ipso se pondere vsus. Texere à medio incipit, circinato orbe subtegmina annectens, maculasque, paribus semper intervalis, sed subinde crescentibus, ex angusto dilatans, indissolubili

bili nodo implicat. Quanta arte celat pedicas scutulato rete ad capiendas muscas circuncirca grassantes? Quemadmodum ad araneorum opus cribrata pexitur tela, & politissimâ artis accuratione ipsa per se tenax ratio tramæ, nec comparanda quidem videtur; sic araneus telam texit inclusus, vt an sit intus aliquis cerni non possit. Quantâ autem firmitate contra ventorum vim irruquentium, contra vim omnem pulueris decidentis de recto, contra grauitatem temporum infestissimam? quâ latitudine? sæpe inter duas arbores exercet artem, quâ longitudine fili? à summo culmine, à terra rursus in summum vsque veloci reciprocatione subit pariter, ac telam deducit. Cum verò prædam factururus, quàm paratus ad cursum? licet extremâ hæreat plagâ, semper ad medium currit, quia sic maxime totum concutendo implicat: si scindatur, si interrumpatur tela, quàm polito opere reficit sartiendo? In omnium incremento futuro telas suas tollit altius, sereno non texit, nubilo texit cælo. Cum muscas, tum lacertarum catulos venatur os primum tela inuoluens, & tunc demum labra vtraque morsu apprehendens, quàm tunc amphitheatrale spectaculum præbens?

Bruca.

ERuca ab erodendo dicta, oleribus & plantis perniciofa, quemadmodum in olerum folia repit, & erodit? Ea præsertim brassicas perdit, ac vastat, quæ ne repat longius, ac promanet ad olerum perniciem vltimam, manu colligatur, vel albescenti cælo, maturinis temporibus, frutices olerum concutiantur: sic enim dum adhuc torpet nocturno frigore, si deciderit, non amplius in superiorem partem proreperit.

Tipula.

Tipula sex pedes habet, leuitate tamen tanta, vt super aquam currens, non desadat.

Millepeda.

Millepeda pilosus est, pedibus multis arcuatim repens, tractuque contrahens sese.

Lens.

OPus est pectere, & lendibus purgare caput, quæ semen sunt & origo pediculorum, caput hominis & partes corporis infestantium. Atque caligas, tibialia, subuculam curæ erit suis temporibus purgare, ne pediculi animalia intestissima gignantur, procreenturque: qui vel parui, vel adultiam, tenues ac

crassi prodire foras valent, & si procul aspecti, cum probro ac dedecore hominis tollantur ab amicis, & in illius oculis & ore, ut pedibus terantur, aut inter duos ungues interiecti conficiantur, rubor ori confestim adoriti solet. Qui se natum noller potius, quam tantum subire dedecus & ignominiam: sic à naturâ appetimus munditiam & elegantiam, fugimus sordes & spurcitiam.

Cimex.

Cimex colore ruber, odore teret, ex ligno nascens, lectis & paleis, & chartis æstiuo tempore ebulliens, remedijs multis vitandus est, & aquâ calidâ obruendus. Fugit seuo illitas partes, in quas sese recipere solet, & abdere, tam tetrum & foedum animalculum.

Curculio.

Curculio paruulum est animalculum, ita dictum, quòd guttur solum in eo apparere videatur. Infestum est frumento in horreis condito, quod totum corrodens, perdere visum est. Ad pestem hanc auertendam, magnam vim habet diligentia, & cura purgandi sæpius granarij: & quod caput est, ne multum in tempus asseruetur frumentum annorum multitudine expositum subiectumque curculioni.

Voluox.

Voluox teneros vitium pampinos & pubescentes uvas erodens, quanto fructu priuet dominos vinearum satis restat, cum spem omnem ab initio præcidat, quam & vini & uvarum colligendarum habere possent vitibus saluis & incolumibus.

Serpentes.

Serpentes à serpendo dicti, qui pedibus carentes serpunt vario multiplicique flexu, impulsuque corporis totius adhibito, horribiles. Qui erecto collo, tumida ceruice, ardentibus oculis, sibilis horrificis tertent genus humanum, & afflatu multo, sæpe venenato nondum inuadentes occidunt. Cum homines inuadunt, & nexu plurimo implicant corporis partes, mordent brachia, collum, & os, venenum lethale fundentes, quo statim necantur, ut ad summum, si explicare sese, ac depellere serpentem potuerint, tumefactis corporis partibus, simul

simulatque venenum in corpus totum per venas diffusum cor attigerit, nullâ spe, medicina nihil auxilij ferente, spiritum extremum exhalabunt. Id quod in aliquot serpentum generibus videamus.

Basiliscus.

Basiliscus vastam ac desertam Africae solitudinem incolit, candidâ in capite macula, tanquam diademate ornatus, ore rudi, oculis & colore nigricantibus, duodecim digitorum non amplius magnitudine: solo tamen halitu serpentem magnum enecat, neque flexu multiplici, vt reliqui, corpus impellit, sed celsus & erectus à medio incedens. Necat frutices non contactos modò, verum etiam afflato, exurit herbas, rumpit saxa, atque hominem, si inspiciat, solo intuitu perimit. Atque Basiliscum multi regulum appellant, quem multi Reges occisum videre cupierunt. Sed quem nulla vis, nullæ machinæ adhibitæ occiderunt, mustelarum virus in cauernas illatum ad exitium & interitum deducit.

Serpens.

Serpentes in reconditis & abstrusis latebris degunt, qui longiores sunt, & multis spiris ac voluminibus corpus inflectentes, sublato nonnunquam aliquantulum à terrâ capite serpunt. Atque nonnulli hyemali tempore latentes, æstiuo prodeunt, noua pelle pellucentique admodum induti, quam exuerant ante, in petras per angustissima foramina inferentes intrudentesque seipso, & omni adhibita contentione, quoad spoliati, nudatique manserunt.

Anguis.

Angues in aquis, & in paruis saxetis agunt, serpentes inflexione corporis multiplici, minores multo serpentibus. Sed hoc instinctu coluber præditus, vt ad bibendum accedens, in aqua venenum euomat, ne illum aqua concretum venenum occidat. Nudum ille hominem timet, vestitum persequitur, caput tamen suum celat, vt se mortis imminenti periculo eripiat.

Hydrus.

HYdrus semper immanissimus, ex oculis, ex ore crudelitatem, ex toto pectore venenum spirans. Quem numerosis capitibus

capitibus finxisse Poetas quis nesciat? Quorum cum vnum ab Hercule demetebatur, confestim renascebantur gemina, quoad ab Hercule, & sagittis & igne interfectus est. Percusli ab hydro intolerandam odoris foeditatem exhalant, obliuiscuntur omnia, quæ in memoria habebant, & oculos nebulæ cuiusdam caligine crassissima circumfusus habere sibi videntur. Horrescunt toto corpore, & rabie agitantur maxima. Nec mirum: nam in Corcyra hydræ procreantur, quæ se à tergo ad insequentes retorquent, & grauem odorem exhalantes retardant ac exprimunt.

Lacertus, Lacerta.

NOtæ sunt lacertæ, pedes ad humanorum lacertorum, vnde dictæ sunt, similitudinem habentes: quarum duo sunt genera; aliæ sunt minores tergo ferrugineo, maculis quibusdam nigricantibus distincto; Maiores viridi colore sunt, superioribus multò maiores.

Stellio.

HUc accedat stellio lacertæ similis, circulis quibusdam, & veluti lucentibus guttis ad stellarum similitudinem depictus, qui rore & araneis vescitur. Exuit quotannis cutem, exutamque deuorat, inuidens nimirum homini cute istiusmodi ad comitialis morbi remedium valde præsentaneum vsuro.

Ad hanc adiungo scytalem, tanta præfulgentem tergi varietate, vt notarum venustate videntes retardet. Et quoniam rependo pigrior est, & tardior, quos assequi nequit, miraculo sui captat stupentes. Sed satis est nos superiores numerasse serpentes, ex quibus nihil in illorum materiam incidet, quod differtus adolescens facile describere non possit. In hanc materiam vipera, scorpio, salamandra, bufo, chelydrus progrediendo sese conuoluens per terram, chersydrus, dipsas, natrix, cenchris, pharias, qui dum serpit, sulcum in terra exarat cauda, ceterique serpentes, incidunt, maxime Python, post aquarum alluionem ex terra putrefacta natus, & ab Apolline confectus, vnde ille Pythius nuncupatur.

* *

HOMO.

HOMO.



ON erat prætermittendus sine reprehensione homo, Regium & excelsum animal, ad gloriam & ad decus natus. Qui consideretur primum in fœtu, dum conceptus in matris utero continetur, qui ortus vix exijt in hanc lucem, cum plorare incipit, & vagire. Itaque à ploratu & vagitu vitam instituit, neque ille expositus, non subditus, sed patre legitimo natus, in cunis iacens, amictus indumentis, fascijs deuinctus, constrictusque puerilibus, cui mater vbera suis temporibus admouet papillas in os inserens: quem sugere lac iubet, & ad mammas appetendas solitis blanditijs aliciat, suauum & delicias, iucunditatem & amores appellet, & in puero demulcendo lallare illud vetustissimum & commune nutricibus vsurpet, cum lactare velit, quoad ablactandi tempus est, & ab vberibus maternis istius infantis abducendi.

Caput hominis.

ABrica corporis humani ad omnem elegantiam & magnificentiam spectat, quæ suum à capite capit initium, quod recte in sublimi collocatur: quod in eo sensus omnes, & mens sedem & domicilium suum habet. Illud autem cum collo sustentetur, singipite constat, & occipite, inter quæ vertex interiectus est. A lateribus sunt tempora, & in prospectu frons, quæ ianua animi est. Caput autem cute regitur, & cutis capillis obducitur, infra cutem cranium est durum: admodum, & ad cerebrum regendum spectans, quod cranij concavis partibus inclusum est, & impressum, sed ob cerebri mollitudinem aduersus crassitudinem, & duritiem cranij meninges sunt, id est, membranæ duæ propugnacula quædam, & regumenta, quæ totum ex omni parte contegunt, & tuentur cerebrum. Prima dura mater appellatur, hanc altera consequitur pia mater nuncupata, quæ inter se & priorem tantum spatij habet, quantum necessarium est ad cerebri pulsus: dura in cerebri morem perforata est, & duplicatur ad venas firmiore vallo muniendas: altera, quæ tenuissima est, adhæret penitus, & cum illo coniungitur.

Capillus.

Capillus alebatur olim, qui niger aut flavus habebit speciem egregiam in capite, quamquam caluo quemquam esse capite, habet gravitatem in homine, quemadmodum senex propter canos, & annos multos albeni capillo auctoritatem affert capiti cano. Adolescentes autem composito ac delibuto capillo, vel intorto ac cincinnato, ut nonnulli quondam, quibus compti fuerant capilli, & madentes cincinnorum simbriæ, oculis & animis infestissimis cernebantur, à Catonibus præsertim & alijs viris grauibus, qui cirros istiusmodi, & propendulos præcipue, in frontem decedentes, delapsosque, & in sublime postea elatos in diadematis speciem, videre non potuerunt. Quid ergo de nostris adolescentibus dicemus, qui cincinnos capillorum, & à fronte antias erectas in sublime, diadematum speciem præbentium gerere non erubescunt? Qui sic tondentur, ut inæqualiter tonderi non eos pudeat, & cirros in sincipite relinquere, ut crescant & tollantur multo reliquis sublimiores, referentes capillamenti muliebris similitudinem? Hos non dubites, si ferret usus, adscititiam comam adhibituros, ita remollefcere & effœminari videntur animi illorum.

Frons.

Sed iam frontem istorum vide, quæ nitere videretur vnguentis, & ad mulierum morem longè splendescere aquis accuratione muliebri expressis. Animaduerte autem frontem explicatam & exporrectam hominum, contractam & mœstam, tranquillam & serenam, rugis exaratam (quoniam in fronte ostentatio est) quamquam aliquando simulatio sustineatur, & sæpe mentiatur, nec verum dicat. Explicatio frontis lætitiæ signum est, contractio gravitatis indicium, tranquillitas sedatum animum præfert rugæ vero iracundiam: quemadmodum cum quis ingemit, queritur, fremit, frontem ferire solet. Sed anni seniles rugis maxime ostenduntur, sed qui excussam nunquam seueritatem volunt, in his contractæ frontis notas aspicias, & si seueritatem aliquando excusserunt, reliquias pristinae frontis apparere volunt: frustra tamen multi eas fronte contegere volunt, quas nolentes aperiunt. Nam licet homines aliquando fronte & supercilio perturbationes animi contegant, non solum ex oratione, ex re ipsa, sed ex vultu, oculis, ex fronte,

quæ

quæ volumus , facile perspicere possumus. Quod in Socrate, quod in Scipione, quod in Philosophis multis apparebat, quibus frons semper eadem fuit.

Oculi.

Oculi tanquam speculatores locum altissimum obtinent, ex quo plurima conspicientes , funguntur suo munere quos vestiuit & sepsit natura inclusos in sinus membranæ tenuissimis. Has primum perlucidis fecit, ut per eas cerni possent firmas autem, ut oculi continerentur; lubricas & mobiles, ut oculis, si quid noceret, declinarent homines, & aspectum, quocunque vellent, facile conuerterent. Pupillæ autem paruulæ sunt, iride aut corona ornata, albumine circumdata, quæ palpebris teguntur, ad claudendos & aperiendos oculos: ad tutandas vero pupillas palpebræ cilijs vallatæ omne malum ab oculis repellunt. Hirqui ad lacrymas effundendas aptissimi, locum inferiorem obtinent, unde genas præterlabuntur, & faciem oculis subiectam: sed superiora supercilijs vestita, oculos magis tumentur ac defendunt, quemadmodum inferiora, genis leuiter eminentibus. Sed oculi nimis arguti, quemadmodum animis affecti simus, loquuntur; quorum tum intentione, tum remissione, tum coniectu, tum hilaritate, tum mœstitia motus animorum significamus, æque quidem atque ipso genere orationis. Quid enim oculi conturbati, quid ardentes, quid eminentes, quid iniqui, & infesti, quid læti & hilares, quid immobiles & in aliquem defixi, quid auerſi significant? non indicant animorum nostrorum sensus, & mentem explicant? Cum nictare soleant homines, hoc naturale quidem est, illis, quos ita pauere acceperimus, ut nictare non cessent.

Nasus.

Abintercilijs nasus incipit, qui quasi æquali porrectus iugo, utramque aciem & discernit & munit. Duo autem eius spiramina, geminæque fenestræ, quas veluti quidam paries per medium locum ductus interfinio imbriceque suo intersepit, nares appellantur, quæ humorem semper habent, ad puluerem multaque alia repellenda, sed contractiores aditus habent, ne quid eas, quod possit offendere, peruadat. Terminantur autem pirula, quam alæ, id est, pennulæ ab v-

ab vtraque parte sepiunt: rectè à superiore parte collocatæ patent, quòd odor ad superiora fertur. His suauitates odorum, qui afflantur ex floribus, thus, & odores accensos, pomorum odoratum, suauitates vnguentorum percipimus, nec suaues solum & iucundos odores, sed terribiles oris, corporis, cadauerum, aliarum rerum, quos nec bestia ferre possint, propter intolerandam fœditatem, quos etiam fugere naturale est brutis ipsis, non solum hominibus, qui odore suauis recreantur, & capiuntur mirificè. Quidam enim tam acerrimo sunt odoratu, ut longo interuallo olfaciant, quæ bene aut male oleant. Sic homines habent strophiola ad occludendas nares, quia graue olens omne cœnum, aut fœditatem aliam cuiuscunque tetri odoris toletare nequeunt, & emungere frequenter solent, & omni muco exinanire. Atque hoc vitium commune est multis hominibus, ut quiescere non possint, nisi agitandis & purgandis naribus, vibrissis, & euellendis digitorum immisione crebra. Narum formam non eandem videbis: alij enim sunt resimilis naribus, id est, compressis ad simiarum similitudinem, alij aquilinis, qui pleiunque magno ingenio, iudicioque prædicti putantur.

Auris.

Auris ab hauriendis sonis dicta, vel potius ab audiendo, quæ tota cartilaginea est. Sed aspice auriculam exteriorem & infimam, quam prehendere, & vellicare solemus, pinnulam summam aurium partem, capreolam, & scapham, concham ipsam, & tragus extrinsecus conchæ respondentem, testudinem concameratam auriculæ partem, atque ipsum auris meatum, per quem aditus est, & introitus durus, & corneolus, multique cum flexibus, ne quid intrare possit, quod noceat, tum quia his naturis relatus, amplificatur sonus. Prouisum etiam est, ut si qua bestiola conetur irrumperè, in sordibus aurium, tanquam in visco inhærescat. Patent autem semper, quoniam audiendi sono dormientes egemus, & cum illum accipimus, à somno excitamur.

Facies.

Facies, quæ in fronte, oculis, naso cernitur, suauitate coloris, dignitate oris commendatur, genas nativo colore perfusas

fufas leuiter eminentes habet, vultu reconditos animi ſentus prodens. Etenim pro varijs affectibus vultum mutare ſolet homo, qui imago animi eſt, & tacitus mentis ſermo, vt indices oculi. Ita videre eſt vultum familiarem, ſeuernm, & trilem, hilarem atque lartum, eundem ſepe & ſictum, & ſimulatum. Quamobrem videre vultum hominis cupimus, & vt aliquis abſentis vultus omnes exprimat, & in illis, ex quorum voluntate pendeamus, diligenter eos perſpicimus, vt animum intelligamus, licet animus vultu, qui mentitur ſepe, ſicut flagitia patientibus, tegatur. Sic fuerunt quondam, qui vultum importunum in forum derulerunt. In Socrate fuit ſemper idem vultus quod mentis, à qua is fingitur, nulla fieret in eo mutatio.

Os.

Faciem Os conſequitur, quod labijs ſuperioribus, & inferioribus munitur, extrinſecus labium adoleſcentum ſuperius primâ veſtitur lanugine, id temporis pilis erumpentibus, vel ſenſim naſcentibus potiùs. Iuxta labrum interius bucca eſt cum nymphâ non ignorâ: ſed buccam intra malas concauam, à pulmone ſpiritu reuocato, & oppreſſis labijs retento inflatam deprimere poſſunt homines. Mentum autem fundamentum eſt barbæ, quæ ſpeciem habet & ornamentum in homine præſtantiffimum, alis præſertim id eſt, muſtace, ab vtraque parte intortis & productis admodum, & quod bonis non probatur, elaris in ſublime. Ad dexteram & ad ſiniſtram oris mandibulæ ſunt, intra os, dentes ſuperiores & inferiores, atque primores alij, alij intimi, alij canini, & molares, intra quos gingiuſ inhareret, lingua continetur. Dentibus in ore conſtructis manditur, atque ab his extenuatur & molitur cibus. Eorum aduerſis acutis eſcæ diuiduntur, intimis (quos genuinos dicimus) conficiuntur, quam confectionem lingua adiuuat. Cum in ore autem lingua ſita ſit finita dentibus, quæ ſonos diſtinctos & preſſos efficit, cum ad dentes, & ad alias partes pellitur oris, vocem immoderatè profuſam ſingit & terminat, cuius linguæ ſolutio, vocis ſono ſpectatur. Indeque linguâ celeri & exercitata laudantur oratores. Quidam ita linguâ hæſitantes, ita voce abſoni, vt loqui non poſſint: & ſi loquantur, in India, adam vaſta & agreſti nati fuiſſe videntur: inguam autem, ad radices ejuſ harèns excipit ſtomachus, quo primùm illabuntur ea, quæ accepta ſunt ore. Is vtraque parte tonſillam attingens, palato

extremo atque intimo terminatur, & agitationibus & motibus linguæ, cum depulsum & quasi detrusum cibum accipit, depellit. Ipsius autem partes eæ, quæ sunt infra id, quod deoratur, dilatantur; quæ autem supra, contrahuntur; sed cum æpera arteria (sic enim à Medicis appellatur) ostium habeat adiunctum linguæ radicibus paulo supra quàm ad linguam stomachus annectitur, eaque ad pulmones vsque pertineat, excipiatque animam eam, quæ ducta sic spiritu, & eandem à pulmonibus respiret, & reddat, regitur quasi quodam operimento. Quod ob eam causam datum est, ne si quid in eam cibi forte incidisset, spiritus impediretur. In ore signa sunt lætitiæ, & mœroris, cum deducitur rictus, aut contrahitur, cum inueniatur, producit, torquetur, mox in pristinam formam rediens.

Collum.

Collum rectum & excelsum est, & ad sustinendum caput, tanquam columna, aptissimum, & iugulo anteriori partem gulæ interiore, per quam cibus & potus in ventriculum defluit, & tonsillis utrinque gulam attingentibus, extremis faucium partibus constans, & ceruice ab occipitio incipiente, ad spinamque tendente. Cuius hæc commoditas est, ut ad dextram sinistramque versetur. Quod facile quidem homini factum est, propter ossa orbiculatim vertebrata: quorum ope ad circumspectum omnem facilis est ceruix articularum nodis iuncta. Alijs collum tenue & procerum, alijs crassum & breue solet esse. Quod à colendo dictum est, quippe quod viri, ac mulieres præcipuè monilibus, murænullis aureis, & torquibus excultum & ornatum proferunt in publicum.

Pectus.

Pectus, quod sub iuguli clauicula est, à gulâ ad ventrem pertinens, homini tantummodo latum est, reliquis animantibus carinatum. Costis, unde deducitur, compactum est, quæ veluti firmamentum pectoris sunt. Intus latent cor, pulmo, iecur, vitæ instrumenta domiciliaque singularia. Pulmo enim viscus spongiosum, ad vngulæ bubulæ similitudinem dissectus, in follis morem spiritum attrahens, eundemque reddens, calorem nativum leuiter reficit. In pulmonibus enim inest raritas

ritas quædam, & assimilis spongijs similitudo, ad hauriendum spiritum aptissima, qui tum se contrahunt aspirantes, tum respiratu se dilatant, ut frequenter ducatur spiritus, quo maxime videntur animantes. Iecur autem coacto sanguini simile est, in quo sedem habent & domicilium cupiditates hominum inextinguibiles & immoderate, unde venæ omnes deducuntur in cor, & à corde in corpus diffunduntur. Hoc ventriculum lobis quibusdam, quasi digitis, ex omni parte complectitur. Cor denique, præcipuum inter viscera, & vitæ sedes, & arteriarum, & caloris nativi (quo animal regitur) quasi fons quidam & domicilium. In hoc pectore extrinsecus vbera sunt, seu mammae cum papillis, quas iris, circulus niger ambit, quæ cum attolli videntur & intumescere, suos habent sinus concauos, & lactis non parum capaces.

Aluus.

Venter accedat artificio mirabili constructus, & ore, ventriculo, fundo, felle in vesicula contento, liene, renibus, intestinis constans. Est autem aluus stomacho subiecta, cibi & potionis receptaculum, quæ multiplex & tortuosa arceret, & continet, siue illud aridum est, siue humidum, quod recipit, ut id mutari, & concoqui facile possit. Ea tum astringitur, tum relaxatur, atque omne, quod accepit, cogit, & confundit, ut facile & calore, quem multum habet, & terendo cibo, & præterea spiritu omnia coacta, atque confecta in reliquum corpus diuidantur. Intestina sunt quasi membranacei quidam canales, qui in interiore ventris parte siti, ciborum extrema de ventriculo excipiunt, longisque flexibus & circuitionibus per secessum eiciunt. Quanta multitudo intestinatorum? ut primum omittam, quod pilorum rei Anatomicæ periti vocant; proximum illi est ieiunum, quod vacuum semper & inane sit; tertium tenue; quartum cæcum, quod sinuosum est; huic finitimum est crassum, carne multa obductum; vltimum rectum ac directum, quippe quod nullos habet sinus, spinæ incumbens, ad sedem usque protractum. Quid de mesenterio dicam, crassa, & adipe multo redundante membrana, multis & nervis, & venis, & glandulis intertexta, medium inter intestina obtinente locum? Quis, veluti manus cuiusdam beneficio, iecur chylum à ventriculo attrahit. Sed omentum quas habet opportunitates ad inveniendas, regendasque intestinatorum interiores

partes? quod cum duabus tunicis à peritonæo ortis, densis & subtilibus, & sibi incumbenibus, intestina vestiatur, & foueat, & calorem innatum tueatur, tum longissimè protenditur, nullam relinquens partem intestinorum nudam ad concoctiones eorum, quæ imbecilles sunt, adiuuandas. Iam verò illa in imo ventre, inter vesicam, & coxas posita sunt, quæ si rumpuntur, actum de homine planè videtur. Neque umbilicum mediam ventris planiciem obtinentem prætermittam, cuius ope factus, dum est in matris utero, nutritur; cuius acromphalum inexplicabilis sagenæ contortæque speciem præbet, & anus rugis suis similem formam præbens umbilicum superat. Quæ de ventre speciatim dicta sunt cum admirationem afferant, tum illud in humani corporis fabrica non minus habet admirationis, cum ventriculi facultate cibum sic concoqui sciamus, ut quod crassum & terrestre est, in ventriculi fundum detrudatur, quod vero tenue est, & ad alendum idoneum, perfectius elaboretur, idque venis, tanquam baiulis, præciso & tortuoso aditu, in iecur velut in opificem & architectum sanguinis deferatur. Crescet autem admiratio fabricæ, si in sanguinis officinam mentis oculos conieceris. Nam ut vini musti, si è maturis racemis expressum est, quod crassum subsidit, tenue verò instat spumæ, natat in summo: sic iecur, ac si esset intelligentiæ particeps, succum per venas mesaraicas delatum perpurgat, in sanguinem conuertit, & cum fæces in splenem, & subtile depulit in vesicam, elaboratum, & purum sanguinem, vena cava in vniuersum corpus diffundit, qui conuenienter naturæ suæ alit, & sustentat animantes.

Terga.

Post anteriores corporis partes, & interiores descriptas, terga breuiter describenda sunt. Quæ à ceruice profecta, cum lata sint, scapulis operis, id est, ossibus humeratis nituntur, quæ ad spinam tendunt. Ab utraque parte superiore eminent humeri, qui in animantibus armi dicuntur: quorum acromium eminet & apparet, vbi cum scapulis iugula committuntur. Ab humeris dependent brachia, subter brachium est axilla, quæ ala etiam dicitur, in qua grandes balæ, pili subalares videntur. Infra alam sunt latera, deinde costæ sequuntur, quæ cum spina cohærent, intestinaque suo complexu coercent, quarum, quæ latior est, palmula dicitur, altera angustior, remulus

mulus spinæ vertebrae attingit. Interiecta sunt spatia costarum
 mesopleuria, atque has costas sua succingit membrana. Inter-
 gus præter animaduersa cernere quidem operæ pretium est in
 spinâ dorsi, quæ præcipue prominet & spectatur, tubum, id est,
 sacram fistulam, qua medulla spinæ decurrit, vertebrae seu ver-
 tebra, & spondylos, quibus nodis quasi firmissimis quibusdam
 vinculis colligantur, & coherent ossa, & inflectendi præbent
 hominibus facultatem, sine quorum dono ac munere rigeret
 corpus, & flecti profecto nullam in partem posset. Cernere et-
 iam est lumbos partem inferiorem spinæ, quinque constantem
 vertebrae, quæ medix sunt inter os sacrum & vertebrae dorsi:
 sed in brachijs cubitus quantam habet commoditatem? cuius
 beneficio inflectere possumus, & porrigere, tollere, & deicere
 brachium, & ad alios usus accommodare plurimos, si cubitus
 cum lacerto compingatur. Sed brachij ossa sunt duo, minus
 quod radius, maius quod ulnam dicimus. Sed accedamus ad
 manum, atque cum brachiali iungatur coarcteturque; Inde
 metacarpium, id est torus manus, & tubercula, vnde oriuntur
 digiti, cernantur. Manus utraque tota dextra, leuaque, ornatur
 palma, quæ est diducta dilatataque manus: vola media, quæ pars
 est manus in pignum compressa. Quinque sunt digiti porrecti,
 conuolutiue ad frontem talitro percutiendam, pollex, index,
 medius, medius seu annularis, auricularis. Hi digiti pectina-
 tim inter se amplexi sunt articuli, id est, internodia digitorum:
 ungues, quibus digiti tanquam ad bellum in aciem armantur,
 manum utramque decorant. Sed ut absoluiamus fabricam hu-
 mani corporis, partibus inhonestis silentio præteritis, coxen-
 dicees solum seu coxæ nominentur, quæ duo ossa sacro ossi ex ut-
 traque parte astricta, caua quædam habent acceptacula, quibus
 ossium femoris capita inferuntur. Inde crus nascitur ex fe-
 more, & femine constans, medium est genu, cum patella sua,
 poples pars est opposita genu, accedit tibia obiecta suræ. At-
 que tibia duo habet ossa maius & minus, radius & fibulam.
 Pes protenditur tarso, vnde oriuntur digiti ungulis armati.
 Cum ad incedendum pes homini datus, ut vestigium facere
 possit, quacunque progreditur, non ponere solum leuiter,
 sed imprimere ac relinquere expressum
 potest.

Cella penaria.

QVoniam sine penis prouideri non potest hominibus in annum, quæ sint in cellâ penariâ, ubi res necessariae, & ad victum annum pertinentes reponuntur, videamus. Et quidem esculentum solum, nam poculentum in cellâ vinariâ quæremus: non etiam cibos ad prandij fercula paratos; sed ad longi temporis usum quidquid reconditum est, & asseruatum, cum non hæc in promptu, sed intus & penitus habeantur, vnde penu dictum est, percurremus. In penu sane numerantur aromata, casei, carnes salitæ, & horum esculenta similia, cum per anni procellum eis homines vescantur. Atque in hac cellâ penariâ quantæ ex ordine partim in armarijs, partim in articulis, partim in locula mentis, partim ex parietibus, & ex tecto suspensa cernuntur, vnde cum opus sit, ad singulos dies depromantur omnia? Panis in arcis ad dies aliquot, & hodiernum, præcipue recens, filigineus, similagineus, seu similaceus (quo heri vescuntur, & filij) asseruatur; panis cibarius seu secundarius seruorum, fursuraceus canum, item buccellarum, panis dulciarius, panis saccharites, & butyratus suas hic sedes habet. Panis quanquam ad delicias dominorum recens quærat, & varijs spiris, & figurâ multiplici notatus atque distinctus ponatur in mensa, tamen curæ semper fuit primo, non asseruandi panis in multos dies, ne indurecat, ne mucidus fiat, & situm contrahat. Huc conferuntur globuli, placentæ, liba, lagana, scribitæ, spiræ, artotragani, artocrex, quæ omnia illo die ex cellâ penariâ triclinij Præfecto traduntur, foris allata, aut domi concinnata, salamenta, laudum, succidia, perna, coxæ porcinæ salitæ, petaso, salitici ventres, inscium, tuccia. In hunc locum conferuntur cumificio lucanice, sumina, omasum apud veteres in mensarum delicijs, porcelli Troiani, caro aprugna, ouilla, vitulina, conditanea seu salita, muriaticaque, fumo durata. In eandem cellam penariam reliquæ prandiorum ad cœnam asseruandæ deferuntur, caro scilicet iurulenta, allâ, elixa, tosta, procul ab hoc loco caro morticina. Atque ouea, caseus, sal, butyrum, hœdi, agni, lepores, cuniculi, perdices, pauones, gallinæ, capones, pulli empti, peni Præfecto traduntur à promo, ceteraque ad cibum spectantia. Separatim tamen asseruantur in altera cella bellaria arida, hypotimmata, grana saccharo condita, conditanea omnia, cydoniatum suis in loculis seruatum,

vuæ passæ, prunapassæ, atque alia istius & diuersi generis ad delicias spectantia.

Taberna aromatoria.

AD hominis victum, quæ sequuntur, plurimum valent. Taberna aromatoria omni genere aromatum abundat, quæ necessaria sunt ad ciborum conditiones, & ad vnguentorum compositiones. Magmata, orbiculi, pastilli, massa ex fecce vnguentorum odoris causa, stacte, omnium suffimentorum varietas, cayophyllon, zingiber, piper, cinnamomum, crocus, eusumum, coriandrum, carum, moschus, siue muscus. Omnia hæc vaneunt tanti, quanti venire solent. Atque hæc in oculis, loculamentis ligneis, in arculis, in pluteis asseruantur. In pluteis etiam illorum longa serie, continuationeque cernitur multitudo, diuersitasque suis inuolucris tecta, utque, cum emptum aliquis venerit, singula de loco tolli suo, imponi in alueum præpositum aromaticæ tabernæ queant, qui tantum à terra excitatus est, ut stantis hominis prope pectus attingat, aperiri postea, ex promi aromata venalia, & ex inuolucris euolui, proferri visenda spectandaque, & pactione facta auferri, quantum emptor petierit, & pro corollario quidquam, si venditori placuerit. Ita dimitti emptor, & cum bona pace solet, & bonis auibus abire iussus: qui gratificans discedit, & cum bona gratia, quam collegit venditor, bona semper verba faciens, & non respiciens minutias, quæ emptorem ab alienare non raro solent, & ab adeundis tabernis istiusmodi auocare fastidientem difficiles & cupidos, & nunquam nisi summo vendentes propolas, ut quæstus duplicare possint & triplo maiores, si fieri possit, sine detrimento conscientia.

FRVGES.



Superiores ad delicias magis, quàm ad necessitatem spectant, ad victum corporis fruges necessariae sunt. Agricola frugum appetens, ut sementem faciat (qualem enim quis sementem faciet, sic & metet) terra iam ad arandum affecta, comparat aratrum, & aratri vomere terram incipit perstringere; cumque buris vomerem excipiat, stiuam manu tenens, sulcum altius imprimere, & iterare terram properat, donec atatione legitima, totam

ad serendum affectam relinquit, ducens vomerem, & imprimens, & extrahens suis temporibus, maximè si solum non exilis, & macrum est, sed opimum & fertile, quod aratum & nouatum, & iteratum meliores foetus, & grandiores possit edere. Id autem non vna, vt scimus, sed triplici fit aratione. Primum si proscindatur terra, deinde effringatur, denique liretur, vt in sulcos, id est, in fossas ex porcis aqua defluat, quod fieri solet aratione tertia, iacto semine, atque boues lirere dicuntur, cum gremio mollito ac subacto, vel crate dentata, vel tabellis ad vomerem additis, satum frumentum occatum relinquunt, vnde occatio dicitur,

Segetes & messes.

CUm terræ semina mandata sunt, terra semen tepesactum complexu suo diffundit, & elicit herbescentem viriditatem, quæ nixa fibris stirpium paulatim adolescit, culmoque erecta geniculato, vaginis quasi pubescens includitur. Ex quibus cum emerferit, fundit frugem spicæ ordine structam, quæ contra auium minorum morius vallo munitur aristarum. Ita primum in segetem data sunt fruges, quæ sua natura nitent. Et quamuis segetes foecundæ herbas effundant inimicissimas frugibus, tamen non minùs segetibus, quam pratis & vineis, & arbutis res rusticæ lætæ sunt, frumenta que luxuriare videntur, dum ad maturitatem perueniunt, quorum spicæ solis ardoribus tostæ, maturæ iam, & messoriæ falcis appetentes, & vbertate granorum incuruescentes flatu ventilantur stidore gratissimo. Sed ante metenda frumenta, iterum vt laudemus Creatorem tantæ frugis, qui ex minimo grano tantam in aristæ vallum granorum multitudinem includit, & coegit. Granum tepesactum in visceribus terræ considera, inde ex illo herbescentem viriditatem, inde culmum, id est, frumenti calamus, à radice ad spicam vsque tendentem, stipulas, id est, folia, ambientes culmum, quæ stipulæ suum capiunt initium à vaginâ, in qua delitescit culmus cum arista, priusquam exoriatur. Inde culmus spicam extulit, quæ granum continet, glutinam & aristam. Vtrumcum autem in infima spica, & in summa, sed matura iam sit, quod vtrumque minus est, quàm granum, stramen veluti quoddam est ad culmi speciem & conseruationem. Aristis vero ipsis intimum & solidum granum continetur, ac ne in illud irruant & absumant aues, harum vallo aristarum munitum conseruatur aculeis quasi quibusdam, & sentibus septum.

Messoria

Messoria falx.

Meffores in frumentis merendis occupati medium cul-
 mum sinistra apprehendentes secant falce messoria, acu-
 ta, & habili. Id verò temporis stramentum relinquunt terræ
 penitus inherens, manipulos constrictos & colligatos, vbi ab-
 soluerunt, humi iacentes, qui postea coguntur, & in platra im-
 positi in aream comportantur terendi. Qui omnes fasciculi so-
 luti iam, & sparsi ac dissipati tota area, quæ triangulis plerunq;
 sternitur, teruntur iumentorum paribus vsitatis, aut traha den-
 data (quem morem terendi Castellani seruant) in quam im-
 positus aliquis, & stans, aut sedens, si collibitum fuerit, à tergo a-
 gens, & cædens funiculis, vel flagello, mulo tribulam trahamq;
 rapida incitataque celeritate in orbem circumagit, quoad tri-
 tum omnino sit, & ventilandi videatur opportunitas. Quam si-
 mul ac ventilatores nacti sunt opportuno vento flante, venti-
 labris ipsis triticum ventilare incipiunt, ventilabris frumēta in
 sublime eiaculantes, vt venti flatu grana secernantur à palea,
 quæ quo sublimius projiciuntur, tanto puriora decidunt, in
 ventum projecta crebra ventilatione. Sic purgata puraque fru-
 menta manent in area, in horreum condenda postea, quoad
 medimnis dimensa, & in saccos coniecta, plaustris aut iumen-
 tis in granaria inuehuntur. Eò priusquam perueniatur, post ara-
 rionem, post semina terræ mandata, post demessa frumenta, in
 metas construuntur manipuli, qui coarctati in strigam iace-
 bant humi falce strati, iidemque in angustissimos vertices tol-
 luntur acuminati, sic congesti, vt inferiore parte latiores, super-
 nè in angustum definant conum.

Moletrina.

Moletrina hæc, ad quam molendi frumēdi causa omnes
 concurrunt, molas habet frumentarias ex ordine tres,
 quæ cataractis sublatiis, & ex abrupto præcipitique loco ruen-
 te aqua (cum antea demissis contineretur) incredibili frago-
 re & impetu mobilis, id est, manubrj impelluntur, & in gyrum
 aguntur, & frumentum in fundibulo contentum decurrit ac
 transmittitur in molam, quam subsus ferrea sustinet. Huius
 molæ tatillus, & metra farina perfunditur, atque aded operitur,

vt tota albicare videatur. Moli videas paulatim frumentum conuersione celeri citataque molæ orbes conficientis plurimos, farina in tympanum cadentem colligi, verri postremo, purgari, & in saccos infundi & detrudi constrictam compressamque. Quæ fieri post molam rufam pertusamque necessarium est.

Faba & siliqua.

Ad fruges adiunges quæ sequuntur, alendi causa. Ex leguminibus lupinos, cicera, phascolos, eruillas, pisa, vicias, lentes, panicum, orizam, milium, far, etiam omittamus, & describamus fabas solum, & siliquas. Faba notissimâ quidem est, sed fingamus nos in fabale ingressos fuisse, in quo tantam vim & multitudinem istius leguminis animaduertentes, videbimus à radice exurgere scapum rectum & directum in specie ac similitudinem styli, & totum illum flosculis primum, deinde folijs vestitum, & tandem fructu fabarum, quibus tam multa brachia ex omni parte redundant. Quorum nucleum suum primum quasi conchâ quadam, deinde siliquâ à temporum iniurijs rectû vmbilico suo (vbi bifores fabarum fores committuntur) & hilo notatum Deus protulit. Atque hæc pendent ex fabilibus suis, id est, stipulis, quæ costæ ad ius perficiendum piscium diebus, & ad congruum maximè afficiendum, & suo sapore suauiore reddendum valent. Quin & piscium aliorum generi immiscentur ad reddendam escæ huiusmodi iucunditatem suauitatemque præstantiorem, siliquæ sunt digitorum longitudine ad minimum, non rarò longiores, nonnunquam falcatae, multæ, quamuis rectæ directæque reperiuntur, intus, osciculis suis sedes occupantibus, personant. Harum corticem pueri mandunt voluptate magnâ, duratæ iam dentibus profectò acutioribus, & valentioribus indigent: in eam enim duriciem perveniunt, vt ligno te vesci dicas, siliquas cum dei iusta ueris: primum colore viridi sunt, postea buxæo vel fusco præditæ cernuntur.

Herba.

Referamus in herbas & plantas absinthium, acanthum, adiantum, gramen, algam, vluam, allium, amaracum, apiastrum, anisum, apium, apium palustre, ampeloprasum, arundines, asparagum, asplenum, betam, blitum, brassicam, buglos-

buglossum, cannabim, caricem, carduum altilem, cepam, cucurbitam, cucurbitam camerariam, cucumerem, cuminum satium, foenum, fungum, hemerocalliu, hyacinthum, intybum seu intubum, inturim, iuncum, lactucam, rorem marinū, marrubium, siue prassium, mercurialem, nasturtium, organū, papauer, pastinacam, peponem, melopeponem, porrum, portulacam, pulegium, raphanum, rapum, scholopendrium, sinapim, thymum, trifolium, vrticam. Ex his nonnullas herbas & plantas percurrere nos æquum erit brevissimis descriptionibus. Atque in describendis herbis siue voluntariam, siue saram velis describere; primū considera caulem vnde folia, frondesque emicant, scapum ipsum in columnæ formam rectum & excelsum, qui suis articulis, id est, geniculis, & nodis distinguitur, inter quos internodium interiectū est, folia deinde ipsa resupina vel prona cum sinu alarum cauo, vnde folia explicant ac diffundunt sese, totum verticem, siue calicem ambiendo: ex scapis cymæ nascantur, cauliculi delicatiores tenerioresque scaporum; quod decernere est in brassicâ, quæ ab scapo surgere incipit, & efferre sese. Ille scapulus articulis distinctus est, & inter articulos internodia interiecta sunt, calix autem vndique foliorum multitudine quasi vallo munitur, resupinorum sinus concavos toto explicantium circuitu. Cymæ verò, id est, cauliculi, quàm teneræ, quàm delicatæ à principio in extremam usque scaporum? folia crenis suis notatissima, quàm venusta, tanquam venis brachia eminent, & apparent?

Allium.

Quis non allium nouerit, simile propè porri, grauissimo tamen odore, quippe quod lassitudini mederi dicitur, & fugare serpentes? Cum ab scapo folia pendent viridi colore prædita, angusta tamen & acumine terminata multo, quasi acuem speciem præbentia, stimulorumque acutissimorum, tum ab eodem scapo surgit caput, comis siue capillamento tectum. Quod nucleis miro ordine constructis, & alijs inferioribus, & superioribus, tantâ stabilitate firmatis constat, vt illi ventorum vi non disungantur, nec ab alijs alij diuellantur; omnes autem suis loculis contenti, inclusique tueantur, ac defendant sese, tanti capitis artificio constructioneque potentissimâ. Allium messioribus in delicijs esse solet æstiuo tempore, & hyberno frigore valentes

lentes stomacho contra vim magnitudinemque hyemis ad calefaciendum ventrem avidissime mandunt. Idem alliatum conficere solent, in quod panem vicissim intingentes, & summo gustu suauitateque utramque buccam complentes, demittunt in aqualiculum, quod postea per multum tempus exhalant, & halitu quidem grauissimo & penè intolerando.

Cæpe.

Cæpa caput habet multò crassius, quàm allium, quod multis tunicis vestitum est, & alijs alias operientibus & tegentibus ex ordine, à summa latiore paulatim ad angustiores, & ad ultimam & angustissimam peruenientibus: summa autem tunica membrana sua cooperitur ad tegendam cæpam, & asseruandam incolumem & saluam à sordibus terræ, & iniurijs temporum: verticem summum capitis capillamentum ambit, & circumdat totum, quasi cilijs quibusdam in circuitu mira venustate cadentibus ornatum.

Lactuca.

Lactucæ varij generis sunt, sed omnes à radice profundum scapum, & hunc summum ordine miro foliorum complent. Quæ calicem totum in circuitu resupinata ambiunt, atque ut propius ad calicem accedunt, angustiora & exiliora sunt folia gustatu suauia, & in ollis concisa, concinnataque cum alijs herbis olus suouè perficiunt & absoluunt, oleo acetoque perfusum. Coctæ lactucæ soluunt ventrem, quem stringunt & sistunt aliæ res. Integræ lactucæ purgatæ tamen, & ablutæ manduntur, intingenda tamen folia, vel soluta, vel complicata, vel in sinus adducta in acetum, quod ad acrimoniam mitigandam aqua nonnulla temperare potes, vel nonnihil sacchari in acetum infundens, si suauitatem, vel dulcedinem appetieris.

Raphani.

Raphani intra terram abditi latentesque folia profundunt in omnes diffusa partes. Quos euelles, aut canditum aut bicolorem corticem ferentes, intus carnem, medullamve continentes, folijs recisis, & capillamentis omnibus nudatos, sale conditos cum iucunditate mandes.

Cardui.

Cardui.

Cardui cùm primùm nati sunt, & ad iustam altitudinem excreuerunt, obrui debent, & infra terram condi, vt maturescant, & ad edendum afficiantur: qui extracti scapum habent brachiorum refertissimum, quæ quo magis interiora, eò exiliora & angustiora sunt. Sed illi caules aculeatas habent, paruulis spinis terminatas, foris striatas, intus concavam canalium speciem præbentes.

Arbor.

Ingredere in hortos amœnissimos, nullam infœlicem arborem, fœlices planè omnes reperies, & in quincuncem directas, & aliquot biferas, arbusculas similiter varias, ac multiplices frutices, taleas, & inhumatas, si volueris termites aliquot, tuus est, quem volueris, efferto manus ac donum hororum vbertate dignissimum. Sed vide arbores proceras, & breuiiores, exiles, & crassas, & radicibus infra terram actis, trunco proportionem arboris, libro, & cortice suo, quod sint à frigoribus tutiores, obducto. Diffusi rami in omnes partes, primùm flosculis, deinde folijs vestiti, postremò fructum vbertate onusti, & propterea grauitate ponderum incuruescentes: ex vbertate surculi nati, stolonisque quantam voluptatem afferunt & commoditatem, ad acquiescendum, & vmbra captandam æstus tempore flagranti? Ob multitudinem arborum quisquiliæ quot & quantæ caducorum foliorum? Nullam his reperies materiam vitiosam. Curæ quidem est colono euellendæ, cedenteque arboris cuiuscunque inutilis, & igni, cum opus fuerit, deuouendæ: ne quid sit in his hortis, quod offendar, & vituperetur ab his, qui hortos inuaserint, & lustrauerint tam bene cultos ac nididos, & fructuosos adeò. Nihil profectò musci reperies, cuius purgandi & adimendi tanto studio diligentiaque suis temporibus laborat, vt opportunitatem arborum emuscandarum diligens & assiduus nullum omittat. Reperies tamen gummosas arbores aliquot, gummi multo diffuentes, quod ad rutilandos mulierum capillos, & ad illinendas res aliquot utilitates afferat non paucas. Vt enim muscus arbores deformat, sic gummi flauus liquor toto cortice diffuens decorat. Nullum genus arboris desiderabis, quæ his in hortis sata non sit. *Alnus, amygdalus, cerasus, corylus, ficus, fraxinus, malus medica, malus Armeniaca,*
malus

malus cydonia, malus Punica, morus, nux, persicus, pyrus, prunus, sorbus, & aliæ arbores satæ fructus pariunt suos. Videbis aliquot in locis vlmos, populos, salices, ebulos, palmas, lauros, castaneas, caprificos, arbutos, & alias arbores, quas prætereo, ne multitudine arborum descriptionem hanc replere videar. Tantum dicam proximum esse oliuetum, & quia ad radices montis horri iacent, quercus esse, & quibus vehijs lignorum cæforum multitudo comportatur ad vsus domesticos, ad ignem præcipuè omni anni tempore faciendum, & accendendum hyemali præcipuè frigore.

Ligna cæsa.

Sed vide hominem valentem ac robustum, cum bipenni in manu, lignorum, quæ vehijs comportanda sunt, multitudinem cædentem, & in orbem, & in pulpam, nonnunquam propter crassitudinem cuneum interiacentem ad findendum paulatim, ut securis viam & aditum reperire possit faciliorem. Quos ictus infigit, fortiter & altè impressos! ut adigat semper securim in mediam ligni pulpam, neque corticem solum detrahat, nudat prius libri parte nonnulla ad lignum facilius cædendum. Videas dissilire scidias inter cædendum multas, dispergi, dissiparique, iacere magnam copiam ab utraque parte rescissi rescictique ligni, cogi, denique deferri ad coquinam tanquam facilem materiam ad concipiendum ignem, quaque adiuvantur coqui plurimum ad excitandas & alendas flammæ, & ad crassiores materiam accendendam. Sunt enim assulæ ex pulpa ligni interiores, & tenues ac teneræ, siccæque admodum, in quibus facile adhærescit pruna ad flammæ excitandas & tollendas in sublime. Quamobrem conservandas curant, ut cum ex ligni deferatur lignum rescissum, ac rescictum, adhibeantur adminicula hæc & auxiliares assulæ flammæ profectò excitandarum administræ maximæ.

Vitia arborum.

Sed redeamus ad arbores, ne prætermisisse videamur, quæ nulla ratione silentio prætereunda videbantur. Licet enim sæpe animadvertere in arboribus panum, nodos etiam callos carnis in se convoluto centrum ferri infestos propter duritiam,

tiam, & clauo simili similem: alburnum mollissimam partem arboris, a colore nomen trahens, & teredini subiectam: carbunculum malum commune vitibus, & arboribus valde perniciosum, cum arborum flores aduruntur, & ad carbonis siccitatem, nigredinemque, vt ita dicam, rediguntur. Nota sideratio est, cum aestu nimio, humore absumpto, inatescunt arbores, syderis præcipuè caniculæ afflatu deterrimo, & insitæ ac nouellæ arbores moriuntur, præcipuè ficus ac vites. Nota denique articulatio, cum articulari quasi morbo vites & arbores laborasse videntur, vi tempestatum germinibus vitium arreptis: fungus tamen, qui clauus & patella dicitur, qualis, & quam teter, cum sole exuruntur arbores! tetrius est hoc sentire patique arbores, quàm dicere potest, qui labore summo, sumptibusque maximis hortos colit.

Vites.

Non hic acturi sumus de vite eompluiata, non de perguilana, non de iugata, canteriata, quæ pedamentis canterijsque transuersa iugatur, sed de ordinaria in quincuncem directâ, quamuis aliquando pedata statuminataque sit, id est, adminiculis, statuminibusque sustentata: Non hanc lacrymantem, neque syderatam, sed luxuriantem volumus, quæ postea multiplici lapsu erratico serpens amputatur & coercetur agricolarum arte, ne diffundat se nimium, & palmitibus vestita suis, vuas fert racemis pendentes, racemos botris construit. botros denique acinis, quæ omnia scapo continentur. Ne tamen solibus adurantur, & alijs temporum iniurijs, ab omni calamitate defenduntur viridi vestitu foliorum. Sed in folliculis vinacea conclusa latent, succusque omnis, vnde postea vinum optimum & suauissimum. Sed capreolis, seu clauiculis, vites quidquid nactæ sunt, quasi manibus apprehendant. Atque suis adminiculis fulciuntur, ne cum natura caducæ sint, nisi fulcæ, ferantur ad terram. Hinc pampinus in vite tener, frondosus coliculus, fructum fouens, & ab aestus vindicans iniuria. Hinc malleoli, nouelli palmites ad propagationem vitium, ex quo vno vitis latissimè propagatur, quæ si bona est, non orbos, neque pampinarios, non focaneos, sed fructuarios fert palmites, flagella ipsa teneriores & longiores palmites in summa vite natos & extantes.

Malum Punicum.

Video malum Punicum rotundum, malicorio duro obdutum, & in summo coronatum, ab aduersa parte umbilicosum. Sed in arbore cytinum relinquens, & patens, & appetum rubore mero perfusum acinorum. Interius tamen malum Punicum, & ex ordine constructos, constrictosque, & acerrimè compressos acinos contemplor, qui ne lædantur, primum malicorij duritie, deinde eos tunicâ vestiuit, & obdixit Creator fructuum cunctorum, atque cicco, id est, membranâ tenuissimâ acinos discernente intra malicorium contentos atque seruatos. Planè species & forma foris apparens præbet sui principatus documenta singularia.

Ficus.

Ficus arbor amplissima est, pyris magnitudine æmula, crassitudine cubiti duntaxat ramos flexuosos habens, lentâ cortice viridi, folio aspero, ad res lubricas continendas aptissimo, quæ radices longissimas agit, breui tempore connescentes, amat calida loca, vel fructus à suo nomine ficus appellatas, quæ albæ vel nigræ sunt. Atque ficus vel serotinæ, vel præcoces (vulgò breuas:) ficus autem virides cum sint ante maturitatem, ad quam summa celeritate properant, acuminatæ cernuntur, quo pediculo propiores fuerint, à summo in umbilicum intumescētes paulatim ut maturescere inceperint, deprimentes tumorem suum, & explicantes ac dilatantes sese à lateribus. Tactu autē molles sunt, ubi maturuerunt, maturis frumenta intus, succus maturescētibz lactis, percoctis verò mellis, ut sapore suo mellis suauitatem referant. Senescunt in arbore, anusque gummi modo lacrymare videntur. Siccantur autem ad solem in vsus annuës, quæ Pompeiæ, vel Liuiæ à Plinio dictæ, ut Chelidoniæ, quæ purpureæ sunt. Quod longiores & ampliores sunt, præstantiores habentur, atque laudabiliore. Vbi copia ficorum abundant homines, illis ijdem implent orcas, & cados, & venales exponendos, & vendendos summo pretio dimittunt in loca ficorum inuectarum appetentia, obsonijque vicem suppleant: sed in edendis ficis recentibus, aut Liuijs, quantum est discrimen? Pompeias ficos totas mandimus cum suo corio, præterque umbilicum & pediculum relinquimus nihil, recentes verò totas fere mandimus. Sed delicati homines, & fastidiosi, salutis amantes, neque decoquen-

ees faciliè cibos alui difficultate , detracto corio mandere consueuerunt. Quamobrem videre est illos cum gladio à summo umbilico ad pediculum vsque ficos corio nudare, eosdem nudatam carnem in os inferre, sale sparsam, ad suauiores ficos reddendas. At quemadmodum fici maturescunt ope caprifici, quæ cum nunquam matureſcat, quod ipsa non habet, alijs tribuit. Gignit enim culices, qui ad alias ficos aduolantes, ipsius maturitatem afferunt.

Castanea.

Castaneæ echinato calicis vallo armatæ, & cortice obductæ, putamen tunicâ molli tectum conseruant, quod durû est, quanquam suaue. Coctæ vel assæ, vel tostæ appetuntur ab hominibus, & diebus piscium ius cum ciceribus, & mellis suauitate concinnatum, crassum, & concretum perficiunt & absoluunt. Illæ à superiore parte latæ paulatim coarctantur, & ad extremum acuminatæ terminantur.

Nux.

Nuxes plerunque rotundæ sunt, aut acuminatæ, culeolo viridi putamen ambiente. Putamen ita compactum est, & constructum, vt bifidas carinas aspiciamus. Durum est putamen, & fractu difficillimum, intus nucleus est, & nauci dissepimento, quasi membranulâ intergerinâ discretus conclususque seruat.

Glans.

Descriptis nucibus, faciles descriptu videntur glaudes, quæ calice suo continent putamen: Putamen verò nucleum tunicâ obductum molli. Glans ouata, rotunda vel acuminata, in delicijs quondam habebatur ante fruges inuentas, & Ioui consecrata. Sed vt rancida & vitiosa nulli vsui est: ita opima sues pascit, & hilares reddit. sed suauis coquantur, vel torrentur ad castanearum rationem.

Horti fructuarij.

Glaudes te ingressum in hortos fructuosos, vbi poma decumana, nana, præcocia, serotina, fugacia, immitia, matura videre poteris, & putrida, humi iacentia, cadiua, vermiculosa, calculosa, vt poma pessima fugias, carpas optima. Sed primum

Melch. de la Cer. Vol. 1. A a libear

libeat spectare pomum, quod cortice obductum, & medulla suaue nimis est. In cuius medio tanquam interfinio quodam volua est ossiculorum referta, quibus sparsis & emandatis terræ soboles crescit & proles pomorum. Ab aduersa pediculi parte umbilicus est, quin in pomis pronunet, ac conditur. Cape gladiolū, nuda pomum cortice suo in orbem secans, vel à s. mino in extremum vique versans in alteram partem quoad nudatum sit omni cortice suo, & præsegmina istiusmodi projiciens, quod carnis est, & gustatu suaue, mande. Sed prius si fragrans, & odorarum, si odore caperis, olfacito, & aspectu suo, venustate coloris refice ac recrea tuos oculos, & obi, lustra partes omnes hortorum, mala orbiculata, mustea, melimela, malum aureum, Hesperium, medicum, cydonium, chrysomelum, contonctum, malum Punicum, malum Persicum, Armeniacum, pyrum, cerasum, prunum, nucem, amygdalum, castaneam, sorbum, mespilum, zizyphum, ficos præcoces, ficus maturas, serotinas, caryotas, vuas, & alia fructuū genera, quæ de industria prætereo.

Rosa.

Rosa nascitur in spinis, seu rubetis: quæ germinat primò inclusa granoso cortice, quo mox intumescence, & in virides alabaistros fastigiato paulatim rubescens dehiscit, ac sese pandit, in calycis medio complexa luteos apices, folia fortice, id est, vngue terminantur, ad quæ sustentanda pro numero foliorum fulcra acuminata è globulo profecta subijciuntur, quæ omnia tanquam columna ab scapo longo, sed exili sustentantur. Odore suavi rosam fragrantem, & omni venustate præditam natibus admouet homo odoris percipiendi cupiditate captus: illa Veneri consecrata est, vel propter pulchritudinē, vel quod vt rosa, sic Venerea voluptas citò præterit, cuius lanuginem in globulo insitam & inhærentem animaduertere non desinas.

Lilium.

Lilium præstantia sua proximè ad rosam accedens, sed altitudine magis excellens, rectum & excelsum scapi longitudine, in sublime tendit collolanguido semper, & oneri capitis minimè sufficienti. Quod candore eximio, folijs foris striatis, & ab angustijs in latitudinem paulatim sese laxantibus, effigie calathi, resupinis per ambitum labris, tenuique filo, & semine, stan-

ne, stantibus in medio crotocis excellit. Ita od re coloreque duplici præditum est, alio calycis, alio staminis. Nihil lilio fœcundius, vna radice quinquagenos sæpe emittente bulbos. Atque illa multiplici sunt colore, candido, rubenti, purpureo.

Viola.

Viola parvula cæruleo colore prædita est, cuius planta hederæ non dissimilis, inflexa ac retorta videtur, quæ sic recipit, ut sese nequeat attollere, nisi quod nigrius, & tenuius est folium. A media radice cauliculus profluit, florem ferens istiusmodi colore præstantem, lanugine perfusus, & asperitate hirsuta horrescens.

V E S T E S.



Estiarius inuisens, variam ac multiplicem vestem ordine miro compositam constructamque vidi, syntheum sanè quadam vestium serie mirifica constructam, stolam, vestem Attalicam, acu pictam, & mæandro politissimo & opere labyrinthorum simili, multoque clauorum illigantium ductu. Amethystinam, bombycinam, coccineam, gossipiam, pexam, varijs scilicet villis hirsutam, vndantem, pelitam, pictam, id est, Phrygiam, animalium formis, & flosculis distinctam, auro intertextam, quadruplici filo elaboratam, opus pulchrum & primum Phrygum inuentum, purpuream, id est, conchyliatam, sericam, holosericam, segmentatam; segmentis purpuræ, alteriusve materiæ insertis, vermiculato opere compositis, aureisque virgis perfectam. Vidi scutularam, texturæ plagis distinctam, orbibus & circulis quasi scutulis ad araneorum similitudinem accedentibus ornatam. Vidi Damasce-nam, vndarum quasi discurrentium specie multiplici pictam, polimitam, versicolorem. Adde interpolim, laciniatâ, lancam, linteam, pullam, viatoriam, domesticam, ad quoscunque ap-pissimam vsus, & necessariam pro temporum vicissitudine, ut nemo sit tam locuples & elegans, nemo tam mediocri fortuna præditus, qui vestitum non ex vestiario capere posset ad se induendum. Id autem in illo mirabile fuit, tantam multitudinem diuersitatemque vestiu fuisse, ut si hyës esset, quod tēpus frigidū est, & aquis & nubibus, & pruinis interitissimū, ab omnibus vestibus

est, tunicam suffultam & duplicem, scilicet diploideſm, ad corpus à frigoribus defendendum, & inturijs hyemalibus tuendum fouendumque homo poſſet auferre: quod vt magis commodo corporis faciant, amiculo, ſi voluerit, operiet ſeſe in humeros iniecto, vt illas foueat corporis partes, & ab aeris ſtatu elato collari ſaluas & incolumes aures ſeruare poſſit: ſic æque nautæ, quàm aurigæ ſuis bardocucullis, è panno craſſiore, longiſſimis vtuntur. Si vis lænam, ſagum villoſum, non deerit. Quoniam verò acturus es multa, ac breuiter, ſi vis & celeriter agere, colobium, tunica manicis carens aderit, extra quàm brachijs exſtantibus, impediri nequaquam poſſis, ſed porrigens, contrahens, iactans in omnes partes brachia, facilis ſis & expeditus ad omnia. Quin & veſtitus collegis noſtri temporis non deerit, neque militibus ſacrarum familiarum. Collegæ hiſce temporibus quantam habent amplitudinem indu-ti colobijs ad talos uſque delabentibus & ſinuofis, & vndan-tibus, collum præmunientibus ab utroque humero, focalibus mirificè cadentibus in terga, valdè ſpecioſa terminatis venuſtateſpirarum. Non Pontifices ipſi, non Canonici polibia gerunt extractis brachijs? & Præfeſti Eccleſiarum epomide collum exornant, quo ſolutiores liberioreſque corporis functiones ſuſcipiant, & habeant grauitatem & amplitudinem maximam? Milites etiam ſacrarum familiarum poſt interiores veſtes non primam omnium prolibium geſtant illis proximam, habitum cum cucullo capita regente, atque cingulo coriaceo, vel funiculo intorto retortoque conſtrictam, vltimam omnium epitogium, veſtibus additum ſuperioribus, & ita longum, vt colobij extremas oras attingat. Quin & colobio breuiore adoleſcentes noſtri temporis vtuntur, vt milites colobio ſcorteo: ſed paterfamilias qui totam vult familiam habere veſtitam magis vtiliter, quàm delicatè, munitam à vento pluuiæque, prouideat ei depellibus manicatis, centonibus confeſtis, ſagis & cucullis: omnia veſtiarium ſuppeditabit. Atrati etiam ob Patris mortem, aut ſanguine coniunctorum procedere volentes, villoſa polibia & talatia geſtabunt, capitis cucullo ex humeris deiecto. Iam verò video pueros ſolutos ac liberos onere, agiles & expeditos miniſtrare Gallicis pallis indutos, ſpecie ornatuque maximo, tanta elegantia venuſtateque mirifica, vt nihil ſupra. Recinia verò qualia depromi poſſunt, quadrata ex omni parte, in dorſum geſtantibus reiſci ſolita? ſed necelle habes iter facere: lacerna vel penula opus eſt,

est, penulam scorteam vestiarius habet: nullum genus vestium desiderari potest, quod non de promas ex hoc vestiario. Sed iam te in lecto iacere aspicio, albere cœlum, velle surgere de lecto, inclamare famulos, vt indusum afferant, subuculam scilicet, & recentem, & quia hyems est, fumigantem ex ignis recenti calore, quem ad flammias admora calefacta que exhalabat, exuere, quam habebas indutam, induere recentem, deinde thoracem sericum, femoralia, tibialia que serica, calceos concisos, aut fenestratos, aut vrbanas ocreas, cum crepidis duarum solcarum, & intruso suberno cortice contra vim magnitudinemque frigoris, & aquarum hyemaliuin. Surge, indue te tibialia, suis fascijs crurulibus astringe, specie pulchritudineque ementita rosarum. Deinde indue tunicam manicatam, atque globulos in ocellos inferens, vt stricta aptaque corpori conueniat, eleganter induentium more, rituque politissimo. Collare niue candidius, & inflexionum iam duplici ordine inferiore superioreque sinuosarum, ad speculum ante oculos positum intueri, vt iam abluta facie, omni ex parte mitifice congruat, & æqualiter conueniat. Quanto cum fastidio & mora temporis facta, famulorum molestia, bonorum offensione grauissima, quasi mulier venustates, & lepores, & ornatum conlectans componis? sed iam præcingis te serico cingulo, & astrictus à lateribus ligulis sericis, vltimam & à fronte cum cingulo congruentem omni venustate astringis, laqueum solubilem inferens. Restat gladius & sica, quibus accinctus, breue pallium, & galerum, duo vltima corporis & capitis ornamenta adhibens, domo exis, vicos, & plateas, locaque celebriora vrbis lustraturus. Sed si iter facias, mutes vestitum ex vestiario præsentis: Gallicam palliam, penulam, scorteam & si opus fuerit, galerum, & baltheum de collo pendentem, ad brachiorum leuamentum vel ornatum corporis, ocreas itinerarias cum calcaribus, perulam viatoriam, id est, manticam ex glunibus vel armis equorum propendentem, ad viaticum vel res necessarias deferendas, ex vestiario accipias. Atque vestes omnes non rugosæ sint, non obsoletæ, non tritæ, non contemptæ, sed recentes, aut à recentibus parum distantes, & apte quidem omnes, valdeque corporis partibus cunctis conuenientes, etiam ad amiculum vsque ferale, quo cadauera inuoluuntur, & inferuntur in sepulturam. Sic apparatus & instructum est omni veste vestiarius præsens. Sed quam vestem non habebit ille, cuius officium locare vestes, ex quarum lo-

catione quæstus maximus facit, pecuniâ conductarum vestium in dies grandi, magis magisque locupletatus?

Vestitus muliebris.

Induimus hominem, induant ancillæ dominas suas surgentes à lecto. Atque præter subuculam, primum ministrent supparum demissum, quo honestius induantur. Atque omiſſis stropholis, quæ minimè iam ætas fert, mammillare cohibens tumorem papillarum, & in dorsum decidens à tergo, & in pectus à fronte suppedirent, deinde tuniculam à pectoribus demissam, & vncinulis ac orbiculis constrictam, vel globulis sericis à lateribus astrictam, vel caudam à fronte & à lateribus. Hanc tunica muliebris interior sequatur, qua vestitæ mulieres, primum de lecto descendunt, & in pavimento strato pedes ponunt, sed tibialibus, & calceis indutæ, ut in sandalia pedes inferant domestica: alioribus enim foras exeuntes utuntur huiusmodi mulieres. Inde in cubicula se recipiunt, & confidentes, ante oculos & ora statuentes arculas, alabaſtros vnguentorum, phialas aquarum, vascula candoris ac ruboris proferunt, abluunt aquis vsitatis, mira accuratioris comparatis, pigmentis vsitatis illiniunt, & colorant faciem, & pectentes capillos componunt, calamistro discernentes, dirigentesque à sincipite primò vsque ad occipitium, in dextram sinistramque disijciunt, diuidunt æqualiter, ut pexos & compros, vittis coerceant & implicent, intorqueant, & retorqueant, & fuluos ac nitidos per maculas reticulorum, quibus ornatur caput, proferant in publicum inflexione multa & specie ementita rosarum. Adde diademata, quæ fronti præponunt, quasi imagines quædam essent & simulachra cultui venerationique dicata. Nihil postea reliquum, nisi ut cyclades pretiosas aureo limbo, multis institis in circuitu suballutis clarissimè decoratas induant, cum syrmatelongo longissimo, quod puer sublatum à terrâ manu sustentat, nisi cum depositum è manibus, aut statutum humi relinquit, spatium terræ non exiguum occupans, & terram longo ductu tractuque vertens. Super cycladem, pallam promissam induunt in hunc modum, ut corpus tegere mos est matronarum, ut aperta in latera reijciatur, ut institæ, quibus ornata est media cyclas, cum simbriz totius circuitu extremas oras ambiens egregiè congruentes ornatum splendoremque projiciant foras, ostendentque clarissimè. Denique velo perlucens pro-

deunt

deunt in publicum fucosâque illitæ, pigmentis omnibus faciem ementitæ, quasi personatæ, quibus simul atque fallus ille color, & fucustoto corpore perfusus eluitur, deformitatem, foeditatemq; suam ostendunt illæ. Flabello sibi ventum faciunt, mulcum & odoris suavitatem spirantes. Qui honestus sit, ad illis oculos & vultum confestim auertat, ne Veneris imagines prauas, turpes animi cogitationes iniicientes, & carnis ardores excitantes, æstusque impurissimos, videre compellatur. Quæ cum domi se continent, amictorio contentæ, humeros & pectorale amiciente, vel in cyclade ad elegantiam maiorem sublato firmate & acu ad tergum affixo, aut cycladem exuentes, tunicatæ manent, vel pallâ solum amictæ.

Galerus.

EMe apicem, id est, galerum acuminatum, vel galerum cum suâ cupâ altiore, & amplâ, pro capitis magnitudine, aut breuitate cum alijs in circuitu, spiris decoratum, aut funiculis contortis, vel conuolutis, qui offendice terminantur, & offendicem rosa, vel laqueus aliquis arte politissimâ insertus, & implicitus decorat.

Galerus Presbyterorum.

GAlerus Presbyterorum ætatis nostræ grauissimorum ampliore cupâ, quam altiore videtur esse, & alis in circuitu, longioribus funiculis ex spira superiore descendentibus, cum offendice, vt galerus retineatur astrictus, aut spico iniecto, qui in mentum vsque huiusce rei gratia adducitur & tollitur.

Thorax coriaceus.

THorax coriaceus ex aluta pulcherrimè concinnata factus ad cinctum vsque peruenit, fascijs decoratus fulgentibus, & accuratatione summa concinnatus, patagio multo collucens, quod in sericorum globulorum morem in ocellos inseritur ad thoracem astringendum, & ad corpus coarctandum conformandumque venustissimè. At inferiores globuli, vt thorax sericus appareat, & proferatur, non inseruntur. Collare autem cum collo sic conuenire debet, vt conuenire magis non possit: neque arctius esse debet, ne hominem opprimat, aut suffocet; neque laxius, ne quidquam deformitatis habeat, & præter politissimorum elegantiam, & morem vsitatum. Hinc faciliè paucis mutatis linei aut serici thoracis descriptio petetur.

Nimius cultus muliebris improbat.

HAs etiam mulieres in comendo capillo, componendoque capite nolim illarum similes esse, quæ dum moliuntur, dum comuntur, annus est. sed simplicem & decorum ornatum curare: discriminent, & peccant capillos vsitato peccine. Sed quid discerniculis ibi opus est ad discernendos diuidendosque capillos, vt ex omni parte in dextram sinistramque reijciantur æqualiter, cum manibus id facere possint? neque quidquam referat, aliquot, paucos scilicet, magis in hanc, quam in illam cadere partem? Quod si nemini probatur honestissimo viro, cur calamistris mulieres vtuntur? cur frons calamistri notata vestigijs patebit? cur comæ intorquebuntur? cur curabuntur, flauique reddentur lixiuio? cur capilli crispantium præbebunt speciem vndarum labore, artificioque muliebri? cur mulieres flabello sibi ventum facient? cur adhibebitur tantus margaritarum ornatu? cur in aures pretiosissimæ, cum satis sint cylindri communes aurium lobis inferti, & tanta molestia gerantur appendentes? cur monilia & baccata? cur murexulæ aureæ? cur torques splendentes? cur lineæ margaritarum addentur, & collum & pectoris partem candentem ornantes? neque hæc satis erunt, nisi bractæ vestibus addantur crepitantes & crepitu aurium sensum in se conuertentes & oculorum aspectum. Nihil iam moror annulos puros, non gemmis ornatos in pallâ collucentibus. Proferat dactylothecas, annulorum condendorum, & aliarum rerum pretiosissimarum thecas asseruandarum causa factas. Calliblepharo supercilia denigrentur, lixiuio aliquando rutilentur capilli, fucō cerussa que pingantur malæ, & alijs ruboris & candoris medicamentis illite proferantur in publicum: nunquam has probabo mulieres honestatis & pudicitie exempla præclarissima, cum vix speculis castæ honestæque vtantur. Illud illis dabo, quod adimit nemo, vt mundiciem amantes, spurciciam, & sordes execrantes, smegmate ad maculas eluendas vtantur, cimoliâ terrâ, cretâ scilicet, ad extergendas vestes.

Cannabis.

Mirum, ex quantulo cannabini seminis granulo, quàm altè fundatur, & tollantur in sublime virgæ, quæ virides, dum teneræ sunt, postea siccata sole, & flauescences spicam seminis sui

fui sublimem sustinent, multitudine granorum refertissimam, & suis oculis contentam : ad quam alendam si cœli aquæ deficiunt, deductis ac deriuatis aquis per aquæductus agrorum cultores cannabim irrigare solent. Surgit & crescit in tantam altitudinem, vt hominis semper minimum staturam, & frumenti cuiuscunque culmen superet. Sole ac vento & fumo siccat, vellitur suo tempore, & cortice nudatum semen purgatur. Cibus est passerum, ad quos, dum euulsum est, abigendos & rusticorum clamoribus, & terculamentis opus est. Tosti publicè veneunt, & cum ciceribus permixti, confusi que gustatu iucundissimi sunt, sed multò iucundiores melle conditi : Vnde crustula venalia, quæ cupediæ sunt puerorum & hominum cupidissimorum melleæ suauitatis concinnatarum. Sed euulsa cannabis & siccata, postquam, quoad necesse fuit, induruisse visa est, durata, passa que curationem legitimam, tunditur stupario malleo, denique ferreis hamis pectitur, donec omnis membrana cortice suo nuderetur purgetur que. Denique netur ad baiulorum vestes, & indusia, & sarcinas mercium regendarum.

Linum.

Linum sabulosis maximè locis satum, vnoque sulco & inerte vere, æstate vellitur, cum iam maturum sit, cuius maturitas agnoscitur intumescente, colore que flauescente. Id temporis euellere in fasciculos manibus, & colligare properant satores linorum, deinde siccare in sole pendens, conuersis superne radicibus vno die, tum quinque alijs in contrarium in se versis fascium cacuminibus, vt semen in medium cadat: postea post messem triticeam virgas curæ est in aquam immergere solibus repositas, aliquo pondere depressas propter leuitatem maximam: deinde macerari necessarium est fasces illos, quoad membrana laxari visa est; siccari tamen quoniam adhuc opus est, inuertuntur hoc tempore. Videas postea siccatas & arefactas omnino virgas in saxo tundi stupario malleo, corticem molliori, macerari ictu vno & altero mallei, stupam, quæ cortici proxima est, & quod deterius est lini, diuelli separari que scorum, pecti ferreis hamis, decuti que solertissimè, donec omnis membrana cortice spoliatur. Medullæ numerosior distinctio, candore, mollitie: sed ars pectendi digerendi que lini magnam

exigit accuratorem. Corrices decussi clibanis & furnis magno vsu sunt. Sed lini quot & quanta genera, & alijs alia præstantiora? Linum ipsum xylon, quod Ægyptijs probatur, quod ignibus non absumitur, asbeston, sed sordibus exustis, magis igne splendescit, quàm aquis. Linum etiam est, quod carbasus appellatur. Linum denique magni pretij & æstimationis byssi nomine celebratum: sed illud, quod vivere visum est, & igne splendere reperitur, margaritarum pretium, & æstimationem adæquat. Byssus mulieribus in maximis delitijs habetur. Ex lino crudo retia, ex curato mappæ, lintea, pretiosæque vestes fiunt albentes, quibus & sacerdotes, & mulieres splendida utebantur. Qui enim illius candor? quæ mollietis? qui splendor? quantum denique pretium & æstimator? tentatum est tingi lino, & vestium infaniam accipere. In Alexandri primum classibus, Indum amnem navigantis, cum Duces eius ac Præfecti incertamine quodam variassent insignia navium, stupuerunt litora flatu versicoloria implente vela: purpureo ad Actium cum M. Antonio Cleopatra venit, eodemque effugit. Hoc fuit Imperatoris navis insigne: postea in theatris tantum umbram fecere. Quod primus omnium inuenit Q. Catulus, cum Capitolium dedicaret. Carbasina deinde vela primus in theatrum induxisse dicitur Lentulus Spinther ludis Apollinaribus. Deinde Cæsar totum forum Romanum intexit, viamque sacram à domo suâ ad cliuum vsque Capitolinum, quod munere gladiatorio mirabilius visum fuisse veterum monumenta testantur. Denique sine ludis, Marcellus Octavia sorore Augusti natus, in ædilitate sua velis forum ioumbrauit, ut salubrius litigantes consisterent: cum longè aliter Cato Censorinus, qui sternendum quoque forum muricibus censuerat, ne litibus affluescerent Romani. Sed & prælijs, ut nauigijs linum profuit: nam thotacibus lineis bello Troiano milites aliquot pugnasse testatur Homerus. Apud quem eruditiores interpretes ex lino armamenta navium fuisse non sine causa confirmant.

De sparto.

SPARTUM herba est sponte nascens, & quæ non queat feri, iuncusque propriè aridi soli, vitio terræ natus. Malo enim ipsius terræ, neque feri quidquam aliud, neque nasci potest in eo loco. Multa autem sunt terræ spatia, quibus spartum paritur: & montes herba istiusmodi operiuntur, & plana camporum æquora.

Quod

Quod viride tenues nimirum virgas fert, & acuminatas ad speciem ac similitudinem, densum admodum & spissum est. Ad quod euellendum, ne pungaris & stimuleris acriter, ocrea-
ris cruribus opus est, manicisque ad regendas manus. Conuo-
lutum enim est olleis, ligneisque conamentis. Buuifum maturo
tempore, & in fascies colligatum, tertio die spargitur in sole,
siccaturque, & rursus in fascies redactum, reducitur in tecta, po-
stea maceratur aquâ, siccaturque sole iterum rigatur, & ad tu-
nes aliave opera tunditur pulsu, percussioneque vehementi.
Hinc strata rusticorum, hinc calceamina, hinc storeæ, hinc
sportulæ, hinc fisci, hinc fiscellæ, & reliqua istiusmodi ad vsus
rerum diuersarum necessarios.

Calamus aquaticus.

Calami aquatici vsus homini præbent, quos videbis. Inter a-
lias res, quæ aquis plurimum gaudent, aquatici sunt cala-
mi, belli pacisque instrumenta notissima. Eorum fungosa est
medulla, cartilagine bibula, quæ cauo vapore intus, tenui ina-
rescit ligno, fissilis, præacuta semper acie, geniculata. Verum
gracilitas articulis, id est, nodis suis distincta, non leui solum fa-
stidio extenuatur in cacumine, sed exornatur crassiore panicu-
lâ. Comæ alij breuiiores, alij procetiores, exiliores, crassioresque
calami. Primi, medij, & vltimi cortices suis tunicis vestiuntur,
& ex internodijs pendent folia, quæ flatu lenissimo ventilata,
murmure iucundissimo percipiant. Horum vestitu calamorum
ripæ virent, & amœnissimè frondent, neque lætiùs quidquam,
quàm hominem propter ripas confidentem, vestitus istorum
intueri calamorum viridissimos iucundissimosque. Calami tu-
nicis suis nudati vtilitates habent, & opportunitates maximas
ad strata cauponarum replenda, ad arundineas crates con-
struendas, ad regenda villarum culmina. Atque vbi limosiore
callo induruerint, confusa & interiecta illa materies navium
commissuras ferruminat textus glutino tenacior, rimisque ex-
plendis fidelior pice. Hinc ad ludos Troianos calami, quin &
hastarum vicem præbent additis cuspidibus ad agitando taur-
os: vt omitram calamos, præter viriditatis amœnitatem, hanc
vtilitatem afferre, vt inumbrent ripas fluuiorum, ad capiendas
vmbas, ad solis æstus, & caloris ardores fugiendos.

Pictores.

Meritò plures affert delectationes pictura hominibùs, quàm de modò. Pictores bonitatem, & varietatem colorum notatam habere oportet, & valde cognitam, ut comparent necessarios colores ad picturam, quam perficiendam in manus sumperint. At quot & quam multi colores numerantur? albus, candidus, qui splendore differunt, marmoreus, alabastris similis, eburneus, aqueus, vitreus, niueus, lacteus, flauus, scutulatus, melleus, pallidus, luteus, aureus, byssinus, croceus, fulvus, pulchellus, ruber, flammeus, rubicundus, coccineus, roseus, miniat, ianthinus, caruleus, venetus, cinereus, liuidus, luridus, viridis, ater, piceus, fuscus. Ex his multi colores sunt pictoribus vsitati, necessariiq; pro diuersitate picturæ, quam elaborandam absolvendamque sumperint. Atque video tabulas multas, quarum picturæ propter pulchritudinem & absolutionem ad multam hominum memoriam permanferunt, ad quas pingendas coloribus viuis, & penicillo proprio, pictores habent vasa refertissima colorum, & ex ordine collocata suis in alueolis, ut intingere penicillum facillè possint, tum exemplar ante oculos propositum, quod in pingendo sequantur, & quod mirandum, & exprimendum curent: sed in hoc artificioso pingendi opere primum pictores lineamentis quibusdam leuiter ductis picturam adumbrare solent, deinde colorare, tum illustrare, denique percurrendo singulas partes perpolire & absoluere, ne quid non opere magnifico pictum, nitidum, & illustre, absolutum, perfectumque maneat. Ita quidem videre est pictores imaginem quandam pingendam adumbrare, rudi quodam & impolito modo, deinde colores puulatim diffundere, pigmentorum, (quæ sibi sunt) florem & colorem adhibere, ut speciem iam claram & nitentem inducere videantur, picturam ex umbraculis, & rudibus lineamentis ad imaginis exemplar reducetes, ut faciant nitere & micare suis luminibus illustratam, ne inter illam & exemplar quicquam interesse putetur. Cum verò manum ultimam imposuerint poliendo perficiendoque, accessione nonnullorum, & aliorum detractioe, quæ non tam conuenire videbantur, nihil illustrius, nihil nitidius picturæ, quæ in claro lumine posita, pulchritudine venustateque suâ, nitore & splendore, tantâ absolutæ imaginis perfectione, oculos teneret, pasceret mentem, ac mirifice recrearet. Et quidem
in hac

in hac picturâ, non horrida, inculta, abdita, & opaca, sed nitida, læta, collustrata cernebantur omnia, quorum spectatores appetentes, cum hoc nitore picturam illustratam aspicerent, respiciendo satiari non poterant. Et quanquam sæpe res aliquas, cû facie, quâ pictores, fictoresque voluerunt, nouimus; cum alij adessent pictores, ea in vmbreis & eminentia videntes, quæ nos videmus, magis admirabantur imaginis absolutæ perfectionem, quàm neque pulchriorem, neque illustriorem, neque perfectiorem se vidisse confirmabant, atque pictorem sic laudabant, vt Zeuxi, Timanthi, Apelli, cæterisque pictoribus præposuerint. Scitis autem qui hi fuerint, quam insignes pingendi artifices. Apelles pictor in suo genere perfectus, qui cum caput & summa pectoris finisset Veneris Coar, reliqua rudia, & impolita reliquisset, eam partem, quam Apelles inchoatam reliquit, qui absolueret, inuentus est nemo: Quem tanti habuit Alexander, vt nisi ab Apelle pingi se prohibuerit. Zeuxim Crotonitæ, quoniam longè cæteris pictoribus excellere existimabatur, magno pretio conductum adhibuerunt, qui multas tabulas pinxit, quarum nonnullæ ad multorum sæculorum memoriam permanserunt propter excellentem picturæ pulchritudinem. Sed hos & alios relinquamus, quos meminisse, non laudare volumus.

Textoria.

TExtor sedens telam ordiri vult, atque tibicinibus telam sustinentibus, radio procurrere incipit, in filia vicissim atollens deprimensque, vt alternis tela contrahatur, & aperiatur iustibus, quod necesse est ad texendi operas præstandas. Deinde pectine appellatur, densetur, paulatimque vt textitur, obuoluatur in liciatorio, siue iugo. Audire est scapum id temporis inter texendam telam sono percrepare crebro frequentique. Videre etiam est, harpedone, rotâ glomeratoriâ, fila rotando glomerari.

Sutor.

SVtores ad calceos conficiendos ex alutâ primùm scalprum, id est, cultrum sutorium adhibent, quo corium concidunt, alutam componunt, & in membra sua diuidunt, atque secant: alutam autem calceorum conficiendorum intra normam

nam sese modulum contentam consuevere festinant, subulâ calceorum istiusmodi alutam, & obstragula, linguas siue auriculas, & soleas perforantes, & cheleuma, id est, filum cannabium, setis præpilatum inferentes iterum ac sapius, quoad finem statuunt operi, quod habent in manibus, ibi relicto alutæ multo prælegmine. Mitto glutinum, & aquam, quâ vtuntur, & buzum, ad macerandam pertuendendamque alutam: scabellum, in quo rudi pelle amicti pectora ad genua vique decidenti confident ad corium molliendum, partes aliquas, atque adeò sæpe soleas dentibus mordentes comprimentesque, vt calceos optimos & ad pedes habiles, siue conclusos, siue fenestratos, siue concisos, siue cæsim apertos confecturi sint. Quos qui induere voluerint, pro animi voluntate ligulis coriaceis aut sericis ornant.

Pistores.

Pistores sunt, qui subactâ farinâ panem conficiunt, confectum panem in furnum portandum curant, & palâ, siue infurnibulo immittunt, & ignem rutabulo prouult panis coquendi causa. Quem auersum, conuersumque, vbi senserint esse coctum, extrahunt, & manu quatientes explorant coctus sit, an non. Quanquam ex crusti aspectu, nullo etiam tactu id conicere satis poterunt.

Mensa.

Quoniam tempus est prandendi, videre est mensam fulcris sustentatam suis, & in medio palatio mappis stratam ex omni parte, mantilibus panem operientibus, vasculis in basibus impositis, cum salino, theca cultellaria. Hanc vndique circumdant sellæ plicatiles, vel sedilia, in quibus ex ordine pransuri confident. Propter mantilia, quod caput est prandij, mensæ primæ collocatæ, quas secundæ, denique postremæ consequutæ fuerunt.

Abacus.

Abacus in eodem palatio stratus erat mappis niue candidioribus, & nullo vasa ex ordine collocata, ad aquam & ad
-vium

vinum ministrandum, & ad alia, quæ opus essent, & occurrere solent in prandijs, efflagitatu discumbentium. Nam fercula ex coquinâ suis in patinis inferuntur in mensam. Erat autem in abaco polubrum ad aquam manus abluentium excipiendam, totum ex auro factum, & vrcus polubro proximus totus similiter aureus ad aquam infundendam per epistomium. Patere deinde erant, crathères, cyathi, atque alij calices diuersa longæque dissimili formâ. Ex his Chrysendeta spectabantur aliquot vasa ex auro illigata, quæ crustas habebant, atque torques ex anto nexiles. Erant etiam geminata aliquot vasa, consertæ gemmas habentia, & aurea pocula, illigatis & inclusis emblematis collucentia mirandum in modum, catini, lances, patinæ, paropsides, scutellæ, scutulæ, & singulæ cum elaborata crepidine. Hæc inter passa, tanquæ splendore collucentia, cymbium quoddam nitebat, procerum poculum, & concavum, ad cymbæ similitudinem, carchesium mediâ parte compressum, ausis à summo ad infimum pertinentibus ornatum. Magnum & illustrem splendorem addebant excipuli, qui liquoribus excipiendis subiiciuntur. Quæ cetaria, escaria, potoriaque vasa, quæ ad apparatus magnificentiæque prandiorum, cœnarum & conuiuiorum desiderari posse videantur? Ab altero latere abacus erat vitreis, & fictilibus vasis ornatus, vbi bombilij calices erant angusti oris, inter bibendum bombum sonumque edentes, phialæ angusto ore, oblongo collo, mediæ tumentes, paulatim & ad infimum in angustum contrahentes sese, aliarum infimarum quoque turgentes ac tumidæ fidelis, pocula, vasa plurima dissimilitudine multa, variegataque discrepante. In hunc modum vasa fictilia numerari non possent, quorum labra, orificium, collum, scapum, a quo basis pender, in orbem explicata plerumque, ut sustententur & stent, nec euertantur, cum stare non possent sine basi, intueri: nihil ad suam formam explicandam non adesse videbis. Sed deinceps oculos in pavementum, videbis in illo statuas hydrias, situlas, modioles, hos plenos aqua ad lagenas immittendas, ut frigescent aqua, refrigerentur vena, vel algescant potius, quæ frigida bibi volunt æstiuo tempore. Ut autem vina sint in promptu, cados, & orcas, œnophora, hic videas, quibus fiat satis poculi, omnibus, quæ vino complenda sunt, non ad usum duntaxat conuiuij, sed ad speciem præbendam, & ornatum abaci. A latere enim gutturnium est, id est, aqualis angusto ore, unde quasi guttatim aquæ latex manibus affunditur. Huius non dissimile est illud, cuius

ius epistomio versato patefiunt & obturantur fistulæ, vel si phunculi, & aquam copiosè satis & abundanter emittunt: sed iam de coquinâ.

Coquinaria.

AD coquinæ vsum vsa necessaria quæres? verte quæso te ipsum in omnes coquinæ partes, & coquinaria vasa cernes, ahenum, lebetem, cacabum ad pulmentaria coquenda, gabatas, ollas, & has paruas, mediocres, magnas, & fusili stanno incrustatas ad obliterandum saporem æris cernes, tripodes olim ad aquam eluendis pedibus calefaciendam factos, chrytrapum ad ollam sustentandâ, sartaginees ad torrendas fringendasve carnes, creacentrum ad configenda frustra carniū ac prehenda coquis & laniis vñtatum, creagras, id est, fuscinulas extrahendis carnibus ex aheno feruenti accommodatas, spatham, rudiculam, ligulam, quibus spumam coqui deducunt, & quæ coquuntur super ignem agitant, cochlearia, quibus liquidum sorbent & gustant coqui. Denique carnariam furculam, vnde carniū pulpæ, & succidiæ suspenduntur. Quia verò necessarium est radi, disterique multa, & friari, tyrocuesti, quod instrumentum est asperum, & foraminibus plenum, quasi in scobem disterimus & friamus. Ad assandum crates ferreæ sunt, verua, verucula, createuterium, in quo veru vertitur. Quoniam verua, ahena, & lebetes suspendi debent, climacter in gradus scanblis huic vsui potissimum seruit. Batillus proximus est camino cum forcipibus, ille, vt cineres & prunas vertemus, admoueamus, transferamus & admoueamus: hæ, vt prunas & candens ferrum prehendamus. Quid cum ignis accendendus est? fomitem, & sulphuratum ad ignem è fomite excipiendum coquus comparatum habet, quemadmodum ad flammam vento excitandam, folles. Lignum post ignem conceptum, in torrem candentem conuertitur, inde prunæ, facile in sublimè volantes, titiones, carbo, cineres. Sed ad comparandos cibos, quæ & quot alia habet instrumenta coquus? An pila deesse potest, in qua pistillo, aromata, herbæ, & semina contundantur? Hæc & alia prospicies in culinâ ad vsus & vtilitates quotidianas.

Prandia.

His tot rebus abundanter hominem, iam intueri prandentem, sed mensa cum abaco sternatur prius, cum prandia

dia sint, vel stataria, vel passerina: cœnæ, vel aditiales sacerdotis, vel ambulantes, vel cynicæ, vel aduentitiæ, viaticæ, collatitiæ, genialis aliqua, id est, opipara splendidaque cœna describatur, vel lautum & apparatus conuiuium. Neque hic volumus charistia, neque repotia, sed quale conuiuium celebrari solet, cum locuples & copiosus homo alium sui generis ac fortunæ inuitat: quod si salia rem in modum celebratur varijs apparatus & extructum est epulis. Caput autem conuiuij pro temporis breuitate varium ac multiplex est, melopepones, vuæ, prodromi ficus, crustula lactis, orbiculi lactei, in panem recentem tostum ve interiecti, & saccharo perfusi, amygdalæ nudatæ folliculis, cum vuis passis permixtæ, butyrum Flandricum, & horum similia, quæ tempus anni fert, primæ habeantur mensæ, & præponi solent. Missus deinde plures & diuersi, variè concinnati conditque: aues assæ plurimæ, perdices, pulli, intrituræ variæ, intritaque suauissima, capones inferti, porcelli Troiani auibis referti differentibus, pærnx arietinæ assæ, conscissæ illarum & diuersi generis carnes. Præ omnibus splendebant pauones tam opimi splendentesque, & ad mandendum affecti: artocreata ex carne partim conscissa, partim columbinis pullis, partim alijs auibis inferta, incrustata, dissimili formâ prædita, & in Hispania, & Anglia, & Flandria, carniū multarum, & auium integrarum diuersitate inferta. Quid dicam de edulij alijs, & alijs omnibus tantâ conditionum varietate concinnatis, quæ ouorum luteis totâ summitate, quasi stellis distincta, & in medio maximè illustra nitabant, & splendebant mirificè? Pærnx petasonis in vino elixæ quantam suauitatem odoris exhalabant? nihil ad conuiuij apparatus & magnificentiam, nihil ventres falsci, nihil caro aprugna, nihil ceruina, nihil vitulina, nihil cuniculi splendoris habebant ad cibos nominatos, & ad alios, qui tacentur, propter multitudinem diuersitatemque comparati. Prætermitto intrituras: peruentum est ad ollam refertissimam gallinarum, vitulinæ, arietinæque carnis, petasonis pinguis, & macri, & intermixti. Quis scutulas sinapis, aut petrosilinati fassas, iuscula, fassamenta commemoret ad auditatem excitandam in ferculorum multitudinem diuersitatemque tantam? Illata suo tempore quæ sequuntur: videres leucophagum, similaginem, amyllum, orizam, vermiculos. Cum verò ad vltimas mensas peruentum esset, nec quidquam aliud desiderari, nec afferri posset præter fructus & placentas, & tragemata,

quorū copia redundarunt mensæ. Ecce ante istiusmodi missus ultimos, mare misceri terrę crederes, apposita fuerūt ordine suo innumerabilia piscium genera, imprimis lupus cum aceto, & capparibus, soleæ frixæ, lucij recentes, tinnii assii, mænar recenter frixæ: crustulata denique, in quibus incrant barbati murenæ, & trutæ multis conditæ aromatibus, gobij fixi, cammari, & cancri elixi: admixtæ scutellæ fuerunt cum piperato, crocato, quemadmodum ad aues superiores assas, ad pullos, perdices, cuculculos, anaticulas: intinctus, seu emban, mara, acetum, omphacium, axiphora, & ad singulos ferculorum missus, mala medica, limonia satis opportunè importata fuerunt. Quid dicam de mensis ultimis? quidquid arborum fructuum forum fructuarium, quidquid dulcedinis forum deliciarum venale habebat, in mensas ultimas importatum: cupediæ, pyra, caseus, oleæ Hispalenses, striblitæ, attolagana, testuacia, & sartaginea, quæcunque tragemata, caryota denique ad stomachos, buccellatum, cydoniatum, coriandrum saccharo conditum. Ac ne quid deliciarum deesset, aquæ odoriferæ roseæ, flos mali medici, moschati ad manus abluendas non abfuerunt, huic conuiuio lautissimo magnificentissimoque. Videres etiam quæ commemorata sunt fercula inferri admodum eleganter, & Aulicorum vſitato more, ritu, elegantiaque politissimâ, ritibus & cærimonijs omnibus, quibus Principes vtuntur. Aderant instructores structoresque multi, prompti, agilesque administri, alacres, & erecti, paratissimi, celeres & expediti, omnes tunicati, & capitibus apertis. Hi fercula inferre, alij expedire mensas, tollere, occurrere, deferre, quod iubebantur, ministrare inter epulas poscentibus pocula vini veterissimi suauissimique. Inter tantam autem multitudinem diuersitatemque epularum fercula hæc solum spectari, oculis cerni duntaxat plurima, nec apponi in mentem, procul aspecta in culinam referri, non pauca integra intactaque relinqui, asseruari alia iussu discumbentium, alia deferri in conuiuarum ædes, ut quisque volebat & iubebat: hæc fratri, hæc filiis, illa uxori, alia cognatis, amicis alia dono mitti, donari non pauca administratoribus, pueris præsentibus & astantibus, pro diligentia, pro solertia, ad iubentis arbitrium, voluntatemque conuiuar, laudari omnia bene structa, bene concinnata, præclare condita, affecta satis admodum, aded absoluta perfectaque, ut nihil suprâ. Audires palatia vocibus personare conuiuarum, ministratorum strepitu percrepare, & horum introitu, redituque in-

ferrea-

ferentium fercula, aliorum exeuntium redeuntiumque in culinam petitorum repetitorumque toties triclinium, culinamque frequentantium. Si quæras, qua ratione bibant, circumpositione sublata, neque amystide bibebant, neque temetum, neque merum, neque ignobile, sed dilutum. Atque ita vinum fugiens, acescens, horum, recens, asperum procul ab hoc conuiuium; sed molle, lene, veterrimum suauissimum, & fragrans bibitur. Quod si quis honorarium vellent, si Apianum, si passum, si Falernum posceret, ministrabatur statim, & quibuscumque poculis posceret. Sed quid præstantiam, ac leuitatem vini prosequor, cum murinam, ciceram, nullum, si posceret, non abesset, & vinum quocumque colore appeteret conusua, siue album, siue atrum, siue rufum vellent, siue heluolum inter album, & rufum. Quin & amicissimus lactis qui fuisset in hoc conuiuium, haberet lac serosum, florem seu pingua lactis, serum, coagulum, orbis lacteos, caseum recentem & Flandricum, sine scobina, quem in quadras diuidens, suauiter & iucundè satis ederet.

*Altera descriptio prandij, & rerum diuersarum
in prandium incidentium.*

INstruenda modo ornatius & adornanda mensa est sistrabus, & apparatu solito. Postquam recens è puteo hausta fuit aqua, & ad manus abluendas in gutturnium infusa, simul etiam & mantile pender mundius ad illotus manus abstergendas: nam quod suspensum erat, inquinatius videbatur, & sordebat iam. Adde instare coquum, percocta iam esse, condita ac penitus apparata cibaria, eas absumi iam videri, ac periculum esse, ne prandium corrumpatur, cui proculdubio fides habenda est. Nam ille semper moneandus est, ac viciis per diem increpandus est, si lentus, & tardus esse solet. Cum igitur ancilla abhinc horam vnam scopis euerterit triclinium, & ab ancilla atriensi mappas acceperimus & tapetem, nil restat nisi ut operas dare incipiamus. Et primum tapete mensa conuestiatur, deinde consternatur: in illo sunt loculamento stannæ quadræ, & orbiculus, cui patinæ superponantur, ne mappæ polluantur. Inter prandendum cochlearia pedunculis inauratis, & cultri manubrijs argenteis ex locis efferantur suis. En duo salina sale contuso completa. Ex cella promptuaria panem deportatum habemus hic & primarium,

& candidum in canistro, nam secundario locus non est, nec fuit vnquam hac in mensa. Atque cellarius quantâ curâ & labore nos modò leuare visus est, c in eas, lagenas, œnophora portans multò autè prandium, & nihil timens, ne quid de vino, vel gustando, vel pitissando hauriremus. Panemigitur quadrà cuiilibet suum imponamus, & tegamus mappula. Et quidem adest Deus, en lotas mappulas, quoniam quæ in articulâ erant, maculis iam sordebant: bene sit ancillæ, quæ deportauit tam candidas, tam mundas, vt magis mundas optare non possemus. Vas refrigeratorium Guzmanule tu infer, in quod œnophora, & canthari deponantur: nam nunc æstuant omnia canicula sæuiente. Quin & cupream trullam ne obliuiscaris, in qua crystallina pocula & argentea eluantur. Sed iam ornemus abacum vasis, patenis, patellis, catinis, & lancibus, vt permurare ad singulos missus, & quoties opus fuerit, commodè possimus. Atque de pane cibario quadras desecari oportet, cibis substernendas, & afferri sportulam, in quam reliquiæ ciborum & ossicula de patinis à mensa ablatis proiciamus. En duo pueri opportunè ad afferendas pateras, phialas, scyphos, cullulos, cymbia, ciboria, chrysendera, anaglypta, toreumata, cælata, non cælata pocula, quamuis omnibus opus non sit, sed ne dominus à poculis inops esse videatur: quamuis in futurum aquam infuderimus, tamen magnum illud maliuuium argenteum marginibus seu labris inauratis, cum suo vrceo, magno quidem erit vsui & splendori, vnde manibus lymphas demus, atque tonsis villis mantilia Aulicorum elegantia solita. Atque pocillatores nos duo, illi dapiferi erunt, alij auterent & expedient, qui solent, lances, catinos, cutillas, & patellas, rogabimurque vt de ablatis aliquid asseruent non repugnante coquo: defessi enim his comparandis, & ornandis rebus non possumus non esurire, & præ fame intestinis horrendum murmurantibus & rugientibus. Sed iam herus & conuiuæ in aulam præsumi veniunt, & veniant bonis ausibus, quando licuit per tempus omnia comparare, vt nec sellarum mensæ ad mouendatum officio defuerimus. Certent conuiuæ iam officijs inter se de sedendo, de capieudis sellis, de occupando, obtinendoque loco honoratiore altioreque. Audio sacra in mensam, cunctis stantibus, & consistentibus ante mensam. Sed qui religiosi non sunt, breui consecratione contenti, qui modum neque coniunctis manibus, neque oculis in effigiem sublati, neque itatis a Deo precationibus, vsi sunt,

neque

neque tanta pietate, & attentione, sed cum festinatione, ut Deum solum precati fuerint, breuiter benedixisse dignaretur. Iam igitur missus ex ordine illati, fercula ministrata, alata & expedita omnia in re solito. Atque hic neque pueros, neque ministros loqui volo, sed spectatorem, qui miratur conuiuas hos ita ex ordine accubuisse, ut in moribus, in verbis nullo modo offenderint. Nam neque ut rustici manibus renebant in gremio, neque alteram in sinum illatam, neque innitebantur mensæ utroque cubito, neque supra mensam habebant, sed quod scitum est & elegans, ad inoti mensæ cubitis innixi, cum opus, porrigebant manum in patinam. Vnum duntaxat inelegantem animaduerti, qui sedens parum honestè ventris hinc inde videbatur impelli, modò in dextram, modò in sinistram partem propendens. Atque idem aliquos curuato leuiter, non recto corpore prandentes magis laudabat. Ita cultello iidem conuiuia utebantur, ut manubrio caperent illum ad sectiones: panem ad dextram, quasi rem sacram, collocatum habebant, quem ubi in frustra oblonga & tenuiora conciderant, postea digitis, & præcipuè pollice & indice bolos, seu frustilla defringebant. Sed illud spectatori mirum fuit, de toto panis excisum multò plus, quàm conuiuæ possent absumere, quòd decorum esset fragmenta relinqueret. Vnus crustam panis superiorem inferioremque pulchrè refecabat, & medulla vesciebatur, quod senex cortice vesci non posset, & excoiato indigeret pane. Alius verò cortice gaudebat relicta medulla, quod ad exsiccandos, & ad humores absumentos, & ad stomachum constituendum putaret valere plurimum. Quod postterius quam à iis salutare sit aliquibus urbani tamen & politici non probant, sed quod vsitatum est, ut & cum cortice, & medulla coniuncta frustra dislecantur, ne tantum panis delicatus hic vir & valetudinarius consulens dissiperet ac perdat. Neque tanta quis valetudine videtur, ut protinus stomacho eius frusta inhæreant: delicatiores alij & magis perdita valetudine sunt, qui cortice ac medulla vescantur: sed officia huiusmodi, & miro cum lepore qui doceri velit, veteres honestosque homines ineuntes conuiuia ex antiquis Annalibus accipiat. Ego iam de potu pauca subiiciam: quanquam aqua salutaris, perniciosum vinum vulgò existimeretur; sic equidem medici accipiunt, ut vinum nemini detur nisi modicum & dilutum. Et puberi quidem ætati vinum parè permittitur, quod & ingenium acuat, & valetudinem sustentet:

ita tamen ut magis ad cibum concoquendum, quam ad sitim depellendam valeat. Quod si paulo largius bibendum sit, oportet & decet homines honestos aqua potiores esse. Quid si vinum meracum bibat aliquis? turpe quidem, & homine bene indignum. Quid enim aliud agat, nisi ut viscera adurat, ignem igni addat? Quid si non temperanter, & modestè, sed auidè nimis & intemperanter bibat, ut patente nimis rictu merum infundens oculi flagrent & sudent, ut utrinque in pectus vinum ab ore defluat, spiritu penè intercepto? Quid si nondum manso ac trajecto in ventriculum cibo, nec prius ore labrisque absterfis, bibat aliquis, & postquam biberit, non labra confueverit abstergere? Quid si inter bibendum aliquis intortis oculis asperdet alios, & læpe occipit in tergum reiciat, ut nec minimum vini, non guttula relinquantur in poculo? quippe qui nouerit exficcare calices, nec primis labris attingens calicem bibere, sed totum os labiaque in calicem immergere, more brutorum in piscinam, aut in flumen ad bibendum actorum. Hæc quia turpia, omnibus & honestis viris maxime vitanda sunt, & illud præcipue, ne vino se quicquam obruat, memor Ciceronis probro dantis Antonio, qui suis faucibus, suis lateribus, suâ gladiatoria totius corporis firmitate tantum vini in Hippia nuptijs exhausserit, ut in cœtu populi Romani, magister equitum publicum negotium gerens, gremium suum, totumque tribunal impleuerit. Sic equidem temperatos volumus homines, ut quantum vini, quoties in conuiuio, & quo tempore bibere debeat, ipse nouerit, usque eò, ut post capita prandij, post offam, post esum lactis non bibat, sed semel aut iterum, idque medias inter carnes, & post omnia fercula. Quod si ad ministri rogauerint, responsum illicò velim illum in ore habere, ne angantur animi, se bibiturum & depulsurum sitim, cum sitierit, quod si semel biberit, se bibiturum, cum denuo siti urgebitur. Sed redeo ad epulas, & quando & quomodo accipiendum è patina videamus. Et quidem si separatim cuique sua patina non apponatur, in quam dentur epulæ, ubi iam confederint omnes conuiuæ, & explicuerint mappulas, non est derepenè inuolandum irruendumque in paropsidem, quin etiam fame dominante appetitio coercenda quidem, ut nec subito cibum tangamus, nec primi manus immitamus: si cum maioribus natu lectisque hominibus accubamus, postremo omnipium escas tangemus, & ad eas semel & iterum

sterum inuitati : etiam præstandum, ut quis in accumbendo, primos cubitos non eligat (quid dicam præoccupet?) et si illi propter auctoritatem, & præstantiam inter cæteros debeantur. Hominum enim fuit semper iudicio valentium priores alijs partes concedere. Sic equidem auiditas & edacitas vituperata fuit: Sunt enim nonnulli, qui bolos nimis feruentes in os ingerentes, eos aut mox red lere, aut si propter turpitudinem, & dedecus non audent, non parum adustâ gulâ deuorare coguntur. Quamquam nec illi laudandi, qui diutius pleniorque spiritu afflant, quod haustum est cochleari, donec penitus frigidum efficiatur. Digiti etiam in iura, seu embammata intingendi non sunt, sed ossa cochleari, aut, quod Itali faciunt, cultro & luscinnula, cultroue accipiendum aliquid de patinâ, iisdemque instrumentis repõnendum est. Illud etiam vrbauitatis & elegantia, si quid optimum, & in suo genere singulare fuerit, ut relinquamus proximè accumbentibus, & honoratioribus, ac principibus conuiuij, inferiore parte contenti. Exempli causa, pectora gallinae relinquemus, album etiam pauonis, & in hunc modum grauiorem præstantioremque partem aliarum diuersi generis escarum. Nam præterquam quod illud vrbauum est & elegans, tum præbet specimen hominis frangentis se ipsum, & gustatus non appetentis admodum. Quæ si inspicienda sunt, multò magis cauendum, ne inuertamus vasa escaria, ut quod viderimus inesse suauissimum & optimum, id ante oculos positum habeamus, ut inferamus in os prius, & cum suauitate transmittamus: inde consequuntur ea, ne patinas repleamus nostras, ingerendo congerendoque plurima, ut aspectum expleamus, & compleamus postea ventrem. Mitto reliqua, vnum non prætermittam hoc in genere, ne sic vescamur, ut toti videamur in patinis esse, & inferendo multa, inferendoque os illiusmodi, ut malas referciamus compleamusque ambas, vtraque buccâ vescendo, & festinanter, & auidè, & cum stridore, ut rogati rem aliquam respondere nequeamus: Hoc enim heluonum & vorantium est, & qui inexplebili auiditate satiari nunquam, alia & alia semesa, & sæpe integra demittunt ad aqualiculum, & sæpe suffocandi se ipsos discrimini non semel expositi. Sed quæret aliquis quid agendum, cum ab alijs quidquam porrigatur in mensa? Id quidem in promptu est, cum exquisitiores & apparatiores, siue communes & vulgares escas, quisquam discumbentium obtulerit, ut

gratias agamus, & paululum assurgentes, deinde frustum rescabimus capientes summis digitis, aut fuscinula prementes, quod nos esuri sumus, reliquum cultello affixum, aut illi à quo totum accepimus, restituemus, aut si eius orbis non vacat, vicino, aut in patinam referemus. Laudantur autem, qui delicatiorum, & suaviorum escarum partes omnino recusant accipere, & honoratioribus, aut maioribus, eas relinquunt, ut illi commendantur qui viliores vltro ad edendum sumunt: sic in auiditatis, & voracitatis vitium non incident, & omnem suspicionem fugiunt. Videor multus esse in conuiuiorum rebus tractandis, sed nonnulla non omitam ante sermones communiter habitos & gratias actas, quæ scio Latine scribentibus profutura multum. Quæ sint, si nosse cupitis, confesate, quàm à conuiuarum elegantia abesse debent ea, quæ nonnulli faciunt, ut ijs, quæ bibituri sint, quæque esuri nasum admoueant: hæc enim nauseam ciere quis non videat? Illi etiam qui digitos iure vel escis contaminauerint, curare debent, ne eos lingere, ne ad tunicam, sed ad mappulam abstergere videantur: ne ut canes, & feles, cum comederint, exerta lingua, os & digitos lambant. Quis etiam vestem commaculet, cum abstergendi causa, dentur mappulæ? Nemo etiam urbanus bolos quamprimum deglutit, nisi dentibus molendos curauerit: ore pleno loqui, aut bibere quemquam, labris patentibus comedere, spirare naribus, anhelare, turpe est. Cum quis naturam expleuerit vescendo, nouam non licet auiditatem irritare, & secundis etiam mensis, & bellarijs, quasi noua cœna se sarcire. Puramen oui cultelli mucrone, non vnguibz aliqui purgant, postea albumen illud concretum, pane non pollice excipiunt, & in os inferunt: & faciunt bene, ut illi male, qui circumactis oculis obseruant, quid alij comedant, qui in aliquem nimium detentos & defixos retinent: qui capribz quoque retortis nosse volunt, quid in alia mensa geratur, malè se gerunt in mensa. Denique cura, ne antequam surgas, ita vino os eluas, ut in terram expuas turpiter, neque dentis scalpium ori insertum retineas, sed serua, ut eo pransus utaris. Vbi verò ex aliquo ferculo, aut vini genere magnam gula tua voluptatem perceperit, in gestu, & voce, & inter epulandum, nec pransus etiam indicabis. Iam ad sermones inter cœnandum habendos veniamus. Quos profecto habere nemo adolescens audebit, iniens conuiuium cum senibus: lepidis, & iocosis dictis aridere poterit, modò non obscœnis,

nec

nec turpibus : id cauebit semper, ne vitupéret libetius, quæ apponuntur, id enim epuli dominus, seu conuiuator ægrè fert. Cauebit etiam, ne de absentium famâ detrahat, nec alienis laudibus obtreçter. Atque si prudentibus hominibus conuiuij dominus credat, non multum tenuitatem apparatus excusabit, neque verbis extollet, neque commemorabit, quàm carò singula constiterint. Quæres, silentium igitur indicendum fiet? Probo silentium; quòd si loquendi facultas fiet, ac voluntas, non improbo disputationes, historias, exempla Sanctorum. Quanquam prandium si lectione sacrâ condiretur, id è Christi notum esset bona præstantique disciplina. Ac ne quidquam prætermittatur, gratias agendas edicunt, imperantque boni omnes, post epularem accubationem, qua de duas descriptiones literis mandatas fuisse non improbabat, qui rerum omnium non insciens esse voluerit.

Eduvia.

VT quondam tomacula, ex iecore porcino, minutatim conciso, & iam semicocto, infusus ovis, & caseo optimo, & liquamine, pipere, aniso, zingibere fieri consueuerint; sic & edulia nostris temporibus ex carnibus concisis fieri passim videas, & semicoctas semive frixas in auxillam injci, permisceri alias atque alias carnes, concinnari pipere, croco, alijsque aromatibus, denique infundi ova cruda ad absolendum perficiendumque edulium. Inter apparandum stridere intus omnia flammæ ardore ebullientia, permisceri interea, agitari, versari, concinnarique, quod saporis punctum ferat, & edulij numeros absolutos.

Pisces.

IAm de piscibus, & generatione duntaxat, qui speciatim cupit, adeat primum Apparatus nostri volumen. Piscis in aquis degunt, fluuiatiles, marini, palustres, quorum alij corio, & pilis teguntur, ut vituli; alij corio tantum, ut delphini; cortice, ut testudines; silicum duritia, ut ostreae, & conchæ; alij crustis, ut locustæ; scrutis & spinis, ut echini; squamis, ut pisces; aspera cute, ut squatina, qua lignum & ebora poliuntur; molli, ut muræ; alij nulla, ut polypi. Diuersis pisces nominibus nuncupantur, testacei, crustati, turbinati, molles, seu potius leues, ectacei, cartilaginei, in quibus ossium vicem explet cartilago.

Quanta autem multitudo piscium? acus alburnus, alosa, anguilla, aurata, siue orata, araneus, cancer, cochlea, conger, haec, lampetra, lucius, mullus, muræna, ostreum, polypus, raia, rhombus, rāna, salmo, salar, sarda, scombrus, sepia, solea, tinus, tineæ, xyphias, & alia piscium nomine continentur. Atque hic omitto alia genera piscium, vñtatis solum, & magis notis contentus. Nunc piscandi artem aggredior: atque piscandi gratia propono mihi piscatorem, qui piscatu viuit, vel eo se oblectat, cum sportula, arundine, seta, hamo piscario in fluuium contententem, & ex ripa vel stantem, vel sedentem, calamum; ex illo suspensam setam cum hamo, escam affixam ad pisces capiendos habentem, manu tenere, expectare, vt piscis ad hamum decurrat: Qui simul atque ad escam accurrit, arundinem tollere statim, & inescatum piscem capere lætus ac hilaris properat. Et quia bene cecidit vnus & alter iactus, & reliqui bene procedere visũ sunt, vsque ed, quoad sportulam piscium, & pisciculorum multitudine compleat, ex quibus quæstum facit, & lucrum ad alendam familiam idoneum, piscari non desinit. Primum, videre est piscatorem conspicientem piscem, & singulas illius partes oculis lustrantem, corpus, pinnas, squamam, branchias, postea tanti quanti æquum est, & vñtatum vendere. Qui volunt apparare pisces, primum purgare eos debent, deinde desquamare, tum exenterare, tum abluerē, denique vel elixare, vel frigare, vel tortere, aut in craticulis petrusis assare. Quid quoddam muria condire homines solent, & ad tempus assamento macerare, vt ad prandia, ad cœnas apparent suis temporibus, & in tomos segamenta que sua partitos inferant pisces in mensas: sed redeamus ad piscandi modos alios. Quis rete, rete ramum, fundam, tragulam, verriculum, sagenam, nassam, excipulum, fuscinam, maculam in ore non habet, instrumenta piscatoria, quæ cum de piscandi multâ diuersitate agere voluerit, in promptu statim esse debent? Retia enim iaciuntur in fluuij partes piscibus abundentes, quæ grandi maculâ rara non nonquam iaciuntur, in orbem funduntur, spargunturque deinde: vnde funda, quemadmodum tragula subere sustentatur, innata in aquis, quoad trahatur piscium reuerissimā: sic intellige verriculum verrere fluuium, & pisces secum trahere. In nassam autem, cum vas è vimine contextum sit, in ea que recondita lateat esca, ad quam auidissime pisces decurrunt, pisces semel ingressi exeundi facultatem non habent. Excipulis vero ex viminibus, aut ex alia materia contextis intercipiuntur, &

tur, & incauti comprehenduntur pisces. Et quoniam piscatores anguillas, & alios pisces, in imo aquæ fundo natantes, figere consueverunt, fuscina, telo trifulco, bisulcove, scepro quondam Neptuni, utebantur.

Lychnus pensilis.

Lychni à soluendis, hoc est, dissipiendis tenebris dicti claritate suâ, à laquearibus dependent multis lucentes myxis, suis ex epistomijs in circuitu prolatis, totum illustrantes triclinium, quorum ellychnia affuso oleo foueri necesse est, ut nutriant conferuentque flammam. Quemadmodum in alijs lychnis minime pensilibus, vno contentis myxo, affundentes oleum flammam fouemus conseruamusque, & emungentes detrahentesque fungos, humido præsertim tempore excrecentes.

Candelabrum.

Candelabrum, quod lychnuchos Plinio, altum est, in quo candelæ figuntur, quacunque ex materia consent, scirpis, carda, seuo, cera. Atque à basi surgit scapus, ab scapo culmen candelabri, locus candelarum figendarum, quæ emunguntur noto emunctorio, & fungo purgantur offuscante lucernæ claritatem.

Laterna.

Laterna corneis laminis circumclusa, vel papyro candida ex inferiore parte recta, à superiore patens ut fumus, in sublimem tendens, feratur foras, lucernam accensam continet, quam per portulam, quæ postea clauditur, inferimus, quam laterarius præferens, loca illustrat quacunque progrediuntur ij, quibus lumen præfertur clarè collucens, sebaccâ, vel cereâ candelâ fragranti intus contenta.

Fundamenta adificij.

Cum fundamenta iaciuntur, terram & fragmenta laterum, aut lapides comportari & proijci commisceique necessarium est, & paucula, cylindroque tundi, coæquari, densarique ad parietes usque tollendos. Modiolis id temporis, situlis, hauristris opus est ad aquam diffundendam, quam imbibere queat

terra

tetra pavimenta tundendaque vehementer. Inde eriguntur parietes, ad libellam perpendiculumque, ut altitudo studiorum recta directaque conscendat ad normam, scilicet exacta, & ut funiculus creta, aut rubricâ illicus, & lapides saxaque dirigantur ad amussim, ut opus perfectum sit, & parietes, quorum altitudinem libella exploraverit, norma angulos, regula longitudo, ad lignorum usque opus. In quo sic fabros materiarios occupatos videbis, ut aliciendam modò materiam signent, modò in segmenta diuidendam, linea suo tempore in manus sumpta: sed ductus ille parietum, & continuatio mira ad recti usque altitudinem, & summum fastigium, ordine laterum & lapidum obseruato ductu, altitudo, latitudo, & crassitudo parietum, cubacula, & palatia considerentur ad operis absolutionem mirificam.


Ædes amplissima.

Inueamur ædificium, respiciamusque, in quo propter insanas ædium substructiones facile homines amplius mille valentes verlabuntur. Fundamenta arena, calceque multa facta, calcataque calcatorijs optimis fortissimisque iacta fuerunt. Parietes ex lapide tres vnae à solo primum excitati sunt, ne curruum aut lecticarum offensione, decursu temporis attererentur, absumerenturque lateres. Quod reliquum est parietum latere Malacitano sublatum est. Palatia, cubacula, conclauia, tam hyberna, quàm verna & æstiuæ ædificata sunt plurima. In quatuor enim membra ædes distributæ diuisæque sunt proportionem mirabili. Cum verò nulli sint parietes opere albatio recti, sed omnes opete testorio ornati, tum pavimenta cubulorum non eadem sunt, sed partim tessellata, partim segmentata, vermicularaque, partim miniata, tum lithostrata, id est, lapidibus strata, tum intestina, denique spicata, ac ne quod genus pavimenti deesset ædibus, lateritia. Quæ multitudine varietasque pavimentorum ornatum maximum & splendorem ædibus afferebat. Nihil enim nucleo, quem crustam siue corium pavimenti appellamus, pulchrius, nihil nitidius, nihil iucundius propter venustatem, propter nitorem, varietatemque suam. Fensetræ non in aream aliquam, sed in plateam longam & latam ab vna parte spectabant, ab altera in hortos amœnissimos, & iucundissimos. Pavimentum subdiale quorū prospectus habebat spectantes in vias, & plateas vrbis celebrioris, propter

propter turrez duas ab utraque parte? Sed libet iam obire singulas partes, & inferiores, & superiores istarum ædium. Imprimis autem, antequam ingrediari in ædes, more veterum Principum, protyrum, id est, vestibulum inter ædes ipsas, & vnam interiectum, quo qui salutatum venerint in peristylum nondum ingressi, nec in intimas ædes recepti, expectant responsa mandataque dominorum. Ostium quam amplitudinem habet, siue diathyrum obiectum & oppositum ostio, ad ventos irrupentes, dum valvæ aperiuntur, excludendos; siue hyperthyrum, superlimare, siue hypothyrum illi obiectum, atque utrumque transversum superum & inferum limen; siue antas, utriusque ostij latus munientes, cum suis antepagmentis, quæ cum antis appangantur, affiganturque, quem habent ornatum, quam insignem formam, cum supercilio præsestim ipsis ostiorum antepagmentis in hyperthyrum imposito? sed quæ valvæ quantam in altitudinem surgunt? quam etiam amplitudinem habeant ferreis constratæ clavis, & laminis rectis transversis cum cornice ad pulsandas fores: seræ verò cum vetiti cum fortes sint & crassæ, præ valvarum amplitudine, arte polita sunt, & spectata. Sed iam ab hoc aditu, & quasi ianua patefacta, ingrediamur in peristylum, quod columnis undique inclusum est, & quasi septum, quibus porticus sustentantur, per porticus verò in palatia & cubicula verna æstivaque ingredimur. Columnæ altæ sunt crassæque, rotundæ admodum, ad quarum firmitatem stabilitatemque stereobatæ è soloeductæ, stylobatem lapidem basi suppositum sustinent; inde basis, quæ spiræ unius tori aut duorum ornatur. A basi surgit scapus longus, crassus, rotundus ac perpetuus: supra scapum epythilium. Cum autem hæ columnæ rotundæ sint, tum striatæ, tum strucliles sunt: in capitulo volutæ propendentes, circuli tortilis ad modum, aut cincinni crispati: tori columnæ crassiores torques, & teretiores. Abacus, & echinus, & inter utrumque pulvinus interiectus est, unde volutæ dependent: denticulus fascia epistylj ad dentium speciem intersecta. Cymarium, quod sinuosum, undæ in præceps ruituræ speciem præbens: reliqua, quibus ornantur columnæ, lances, encarpa, cornua, taurorum capita, vittæ reuinctæ, lemniscique ex coronis pendentes, reliquis ornatus, splendorque columnarum, cum putæ non sint, sed sculpturis, varijs formis, figuris, itijs ornata, qua specie, quo ornatu, quo splendore sunt? unus satis esset Zophorus, balthei picti speciem præbens, in quo metopa &

figuræ exsculpuntur ad columnarum laudem eximiam. Quod ultimum ædium maximarum fastigium coronide sua terminatum, supercilioque eiusmodi, quod proiectura dicitur, ad proijcienda arcendaq; à pariete stilicidia, ne venustatem tantam, nitoremque fœdum deformemque reddant? In alio impluuii pilæ sunt, à columnis, quas scis, quadrata forma distantes. Sed iam ingrediamur in palatia, quæ pavimento tessellato, aut lateritio strata sunt, tum parietes crassissimi sunt, & induto tectorio splendentes, & ad depellendos calores, & frigus, & ad splendorem, magnificentiamq; spectantes: tectum trabibus primum ex vuo parietum columbario in alterum immixtis, crassissimis, & dolatis, leuigatisque, tum assibus coactum est, clauorum affixis robore, & assibus multò minoribus inter coactionem vnius & alterius assis interiectis. Videte tamen est proceres trabium prominentes, & mutulos, aut coronas, Atlantes, vel Caratides, illæ in virilem, hæ in muliebrem formam affabrè factæ, subiectæque, partem impositam sustentant. Tholus medium tectum sæpe condecorat, cum in testudinis umbilicum trabium capita conueniunt. Ita tecta vel assibus obducta, vel fornicata, vel concamerata aspicias. Fensetræ quot & quantæ sunt necessariæ cum suis fenestellis cæcis & apertis aliquot, in summitate, vel extremitate, ad lucem inferendam, vt clara sint & illustria palatia & cubicula, etiam obscuro nebulosoque cœlo? Non desunt alia cubicula minora laxitatis non amantibus, tignis & tigillis tecta. Ita sunt laquearia pulcherrima, picturis & opere vario elaborata, supra quæ tecta sunt regulis operta, siue pectinata, d spluiiataque, ex utraque parte deuexa, quæ diuortio quodam hinc inde pluuiam demittunt. Alia tamen testudineata sunt, quod per quatuor partes deuexa, aquam deijciunt: sed imbricata, id est, regularum ordine multo tecta, per imbrices omnes præcipitem agunt deturbantque aquam. Pergulæ non omittantur, quæ à lateribus apertæ, per multas partes aerem excipiunt, & extra parietem sæpe porrectæ, & modò tectæ, modò sub dio expositæ, in quibus deambulare domestici solent, viasque, forum, plateas, hortos, agrosque prospicere, & in illis, si collibitum fuerit, cœnare. Ponantur in ædium laudibus Meniana, quæ tignis extra parietem proiectis, tabulisque constratis, spectandi locum dare solent. Quæ non minus grata profecto sunt, quam pergulæ, & sæpe propter clathros ferreos, & capitellum impositum, varioque ornatu, elegantem speciem habent, & quandam amplitudinem

pluritudinem præferunt. Dentque eiusmodi sunt ædes, in quibus culina, cella penaria, vinariaque, equile, reliqua ad vsum & ad venustatem ædium reperire poteris. Quid plura? Sunt ædes Principis Hispaniæ potentissimi, à Rege Philippo in aulâ Regiâ, quod omnes sciunt, secundi.



ARCHITECTONICA

Trochlea.



Rochlea supra puteum satis necessaria est, cum æreo, ligneove orbiculo, rotula ve striata, quæ circum axiculum versatur, ad aquam hauriendam fune ductario. Quemadmodum illius ope iuamur ad subleuanda, demittenda ve onera, fune ductario per orbiculos rotula ve tracto, deiecto, sublatoque paulatim.

Cochlides.

Quoniam ad cubacula ædium, totamque superiorem domum per scalas ascendimus; & cochlides ad diuersas ædium partes spectas, scalæ cochlides describantur. Quæ scapo gradibusque constant, per quos ascendimus in superiores ædium partes, per circuitum tamen, & per gyrum ascendendo; deducemus autem, si collibitum fuerit, manum per scapum ab infima coassatione ad summum usque libramentum.

Tympanum.

Ingens rota, quæ tympanum dicitur, à calcantibus operarij circumagitur, & axis fune obuoluitur, & effert in sublime onera, aut valuas etiam aquarum obices.

Ciconia.

Quid magis notum ciconijs? quæ in hunc modum construuntur, vt trabs alte solo depangatur, cui altiussecus altera longior transfueria immittitur, fibulâ adstricta pondere vnam partem prægrauante.

Lectus cubicularis.

Lectus cubicularis, siue torus ligneus totus, & campestris vulgò appellatus, cum fulcimentum habeat ex omni parte constructum, & afferculis, vel tabulis insertis, loris, vel fascijs transuersis ad culcitrae lineas sustinendas à lateribus cum spondâ coniunctum, tum lectus primus & extremus fulcris, hoc est, columellis surgentibus tollitur altius & supernè, & virgis ferreis ab omni parte transuersis, pendentibus ornat. Cortinis sericis, quæ suis temporibus adducuntur, & explicantur, ut necessitas vel voluntas tulerit. In his lectis cubare solent diuites & delicati homines, primum culcitrae multis, deinde sindone duplici, niue candidiore, sive lodicibus, stragulis alijs pretiosissimis cooperti. Sed cum ceruicalia supra culcitrae transuersa collocantur, puluini puluillique facti magnum ornatum lecto non solum afferunt, sed utilitatem capiti, cui subiunguntur, molliissimâ plumâ inferri. Ab hoc lecto procul culcitrae lanæ, stramentitiæ, vel tomentitiæ. Et quoniam cum hyems est, excalefieri lecti solent huiusmodi dominorum fortunatorum, hanc batillus cubicularius, siue ignitabulum præbet commoditatem. Interdum non cortinis, quæ annulis velatibus, siue cortinalibus contrahantur, explicenturque, sed conopæis lecto imminuentibus, arcendorum culicum, muscarumque causa lecti cooperiuntur, ex omni parte tapete solo instrato, in quo pedes ponant è lecto surgentes, vel cubitum cuntes. Ad hoc cubiculum per palatium plerumque auleis conuestitum, multis sellis plicatilibus, & parietibus admotis ornatum, datur ingressus. Mensa in vna parte palatii, amphitrapâ, vel gausapinâ strata cernitur. In illo autem cubiculo, ubi lectus est, riscii, vel fenestella fieri solent, ut sol exorians, lucis, fenestris conclusis, & apertis fenestrellis, commoditatem optatam inferat in cubiculum. Quod storeis stratum, hyemali tempore calidum est. Ut autem mos est, lasanum cum marulâ purgata & exterfa apponitur in cubiculo, ut corporis necessitatibus, noctu, si auditas & necessitas fuerit eijciendi ventris, qui cubant, obtemperant.

Colus.

Mulieribus optimis, & claustrorum amicissimis colus necessaria est, quæ pensa continet, fuso, quem nendo digitis voluunt, fila deducentes, retorquentesque paulatim: quas salius digitos aspergere necessarium est, ad lini asperitatem molliendam, & labris nonnunquam admouere, quo purius filum deducatur & tenuius. Et quidem mirum est, fusum inter nendum videre, verticilli ope, quanta celeritate vertatur.

Rhombus.

Non minus mulieri oriri nolenti Rhombo opus est ad tramam glomerandam in eirculum agitatione citata: ex qua glomeres, in globi speciem formati, multi coniunguntur conferunturque in quasillos ad textrinam postea deferendos.

Acupictrix.

Cum defessæ fuerint glomerando nendoque, acu pingant honoratæ honestæque mulieres, filum in acum inferentes, & digitali acum impellentes, & si opus fuerit, propellentes, ne digiti quidquam detrimenti capiant, inferant, transmittant, referantque acum, quoad pensa legitima statim suis horis absoluant, & linteum pulchrum & elaboratum postea proferant in publicum oculis visendum spectandumque, & ad ornatum linteorum, quæ comparant & habent in manibus, nihil pulchrius, neque venustius. Quod ut ab omni maculâ & sudore manuum liberum conseruetur, aciculis affixum linteum in puluino habeant, interim dum elaboratur opus, & alio linteo crassiore regant & obducant, quoad absolutum postea, euoluatur & explicetur, ut cum ex puluino detrahatur, candorem retinens suum, proferat picturæ pulchram & elaboratam speciem.

Muscipula.

Muscipula machina ad capiendos mures armari solet in hunc modum, ut obex seu paxillus in muscipula stet erectus funiculo appensus, ex rigillo, seu vincto, tanquam ex hamo.

mo appendatur esca murium illex: quam aggrediens mus, ingressus muscipulam vix attinget, cum deinceps strepitu perterritificet murem, & inclusum, & egredi conantem, nunquam autem exitum reperientem capiet, qui muscipulam capiendum murium causa armauerit.

Hypæthrum.

Hypæthra istiusmodi cum pateant & aperta sint, sub dio constituta præbent utilitatem maximam verno & æstivo tempore, manè & noctu, aeris captandi, & corporum reficiendorum ab æstu maximo & colore propter flatus lenes, qui maritimis è partibus flantes, in subdialia istiusmodi feruntur. Quamobrem domestici manè deambulare solent, ad matutini temporis auram captandam. Vnde ædes urbis, templâ, vicos, vias communes, plateas, & loca celebriora, camporum æquora latè patentium, agrorum amœnitates, cursus fluuiorum, sylvas & nemora, & diuersorum iucunditates locorum oculis collustrare possunt, quod sol exoriatur, cuius ortus hyemali tempore subdialia complens ad vim frigoris depellendam, prodest plurimum, ut vna, & altera, & ambulatione multa utamur ad calefaciendum corpus & artus præ temporis asperitate torpentes, & actionibus corporis suscipiendis inutiles. Sed quoniam in ædiũ sublimiore parte subdialia ædificata sunt ad prospectus omnes urbis & agrorum spectanda, ne te des præcipitem aliquo casu, maloque tuo, clathris latericijs, & intervallis aliquot columellis excitatus præmunita sint, præclusaque ex omni parte, unde profert caput, requiescere pronus, & in perystilio, quæ fiant, collustrare poteris, si voles, cubitis innitens.

Solarium.

Horologicum sciotheticum, vulgò solarium, egregiè satis effectum, numeris horarum clarè perspicueque incisus, per orbem suum legitimis spatijs interiectis elaboratum facit, ut horarum spatia legitima è solis umbra dignoscamus. Cum ergo horam unam aut alteram tenere cupias, verutum vmbra faciens suspicijs, vel indicem alium, & ille tibi legitima horarum intervalla (ne vel punctum temporis ab horologio intus elauso contentoque, vel planè dicam, si horologiũ benè compositum constitutumque fuerit, nec à solis cursu discrepet) no-

pet)notabit, designabitque. Stylus enim umbræ indagator, siue verutulum, quo in medio sciotherici collocatum est, umbræ proiectu horarum discrimina designat. Sic quondam Romæ L. Papyrius Cursor solarium ad ardem Quirini, duodecim annis, antequam cum Pyrro debellatum fuit, proposuit spectandum. Nam prius ortus duntaxat, & occasus Solis nominabantur, aliquot post annos adiecto meridie.

Clepsammidium.

Quid clepsammidium, in medio Gymnasio statutum, quod vasculis duobus turbinatis, in medioque coeuntibus, cum summum turgidum sit in principio, & infimum eodem rumore terminetur, à summo defluente arena, pulvisculisve, & contusis onorum testis in infimum, statum horæ interval-lum designat, an vis, ut hic amplius horam legitimam maneamus?

Proscenium.

Quod Romani extruebant opus ad suas fabulas, ac comœdias agendas, id nunc mentis oculis intuere. Nam proscenium longum & amplum erat, in quod actores comœdiarum prodibant. Prodibant autem ex scena aulæis, peristromantibusque obstructa, ut in illam, nisi actoribus, pateret aditus nemini. Hæc autem frondibus, ramis, arboribusque sæpe compositis, & constructis ornabatur. Pulpitum verò, siue ordium scena multò altius surgebat & sublimius: vnde tibicines & cantores statis temporibus, vicissim & tibijs, & vocibus, spectatorum multitudinem demulcebant. inter scebam & inter cuneos Senatoribus locus erat ad spectandum, Orchestra dictus, quod in eo, histrionibus in scenam additis, gesticulatores Senatum, & populum saltando detinebant. Cunei verò, id est, graduum ordines confertissimi, quantam capiebant multitudinem, quæ stans inter subsellia sedentium, fabulas & comœdias spectabat? Quæ sæpe tanta, & tam innumerabilis confluebat, ut excuneati multi manerent. Supra scenam machina sublata Deorum numen, & præsentiam populo, visendam spectandamque præbebat: quemadmodum ex ostra machina, quæ intus gerebantur, celesti & incitata rotarum conuersione, spectatoribus ostendebat. Hæc spectare,

tot interesse rebus, quantam afferret voluptatem? Quocunque te conuertas, siue ornatum scenz, & actores ex eo loco prodeuntes, siue agentes in proskeno tantâ venustate, siue modulationes vocum, & cantus tibiatum, siue gestulationes, & salutationes multas, siue deorum præsentiam & aspectum, siue Senatorum tantâ auctoritate confidentium dignitatem, siue frequentiam concursumque spectatorum consideres, omnia eiusmodi fuerunt, quæ ad illud vsque tempus, cum scabellâ concreparent, aulaum tolleretur, spectatoribus voluptatem afferebant.

Navis.

I Vstrans oculis è ripâ, in quâ stabam, oculis meis Betim prospectans, non tam cursum mirabar placutum & sedatum, quàm tot naues, nauigia, nauculas, nauigiola, tot naues onerarias, constratas, pratorias, præsidarias, militares, orarias, paruas illas, & ad legenda littora, vectorias, speculatorias, rostratas, naues longas, triremes, biremes, deonadem cursus celeritate volantem, phaselos, cymbam, scapham, quin & ratem scirpeam vidi, atque classem etiam, in hostes soluentem. Sed nauim aliquam, vnâ & alteram inspiciens, quam fabricam, quam machinam intueri videbat? Si a fundamento ordiatur, cœna est alius infimæ navis. Alius ipsa spectatur à lateribus tumens ac turgida, & statuminibus suis, tanquam costis firmata, tabulis obducta, & comissuræ stipatæ, ferruminatæque muscitomâ, quasi stuppis infartæ, picæ illicitæ, cum puppi ac proa, cum agea, vulgò pergula, in qua tanquam in foris res exponi, & agi solebant, excurrentibus ac vagantibus in hoc loco hominibus. Acroteria, plutei navales, tigna ad ornatum proa, puppisque eminentia, quantam habent utilitatem, & speciem insignem? Ad hanc per pontem, quasi per scalas navales ascendens, excipieris; sicut descendens, exponeris in terram. Lullia nauim omnem, ac primum modium, in quem malus immititur, malum altissimum cum corbe galeaque sua, mala lignea, id est, orbiculos illos ligneos malum ambientes, ad vela eorum ope facilius attollenda. In malo prospectu notatuque dignissima sunt, siue calcem mali, imam mali partem, siue carchiefium, partem supremam, vbi foramen, per quod in summò malo funes trajiciuntur, siue antennam transuersam, cornuaque antennarum spectare velis. Ab eo per foros ambulans, pup-

pin, vel

pim, vel proram adibis, & in pergulam altiore, & prospectus habentem & deambulationem tuam. Cum vero hæc admiratus fueris, admiraberis magis ornamenta nauis, tot rudentes, qui malum confirmant, & stabiliunt ad proram & ad puppim, qui ab utroque naus latere malum tenent, illos quibus velum demittitur, his proximos, quibus antennarum cornua adducuntur: velum, siue carbasum (quoniam multa sunt) acarium, id est, maius velum, epidromum velum ad puppim, dolon minimum ad proram, quodque mouetur & iactatur in omnes partes: in summo mali fastigio positum, thoracium supparum ad iuuandos nauis curtus languesciente vento, intueri, respice, ad quæcunque volueris oculos conuerte. Quoniam vero veli infimæ parti appendix adijcitur, orthiax in tuis oculis versetur, necesse est: funis ille, quo transferretur velum, pes dicitur. At quoniam urgente necessitate, vento nullo flante, nauis maior, quæ remis non agitur, vel ut pacatius nauigeretur, age da est, remulco trahitur. Quid cum soluere ianua, & vela dare volunt, obliquare sinus quot & quantus videbis? vnius temonis, quod gubernaculum est, ope cursus dirigatur, & nauis in quam partem necessarium est, gubernatur. Quid cum maris altitudinem nauis explorat, bolidem è prora demittentes? Quid cum anthlia, machina haustoria, sentina exhauritur? quem in locum confluit colluies aquarum, quæ per commissuras exudat, & nauis sordes, ut plane exinaniatur, emittit: omnia hæc oculis intueri poterimus. Atque ut rectius cursus dirigatur, non deest pyxidicula nautica ad poli situm, ne à cursu recto deflectat, explorandum tenendumque, quemadmodum in noctis obscuritate, maximisque tenebris, cum homines nauigant. Prætoria nauis pharon accensam præfert, ut reliquæ naues præeuntem Prætoriam sequantur. Quod si stabilem vis ac firmam in eodem nauigationis cursu, saburra oneratam videbis. At appulsi portum, manus ferreas, harpagones, anchoras iactas ad retinendas naues aspice: sed refici naues opus est, subdici in ripas, phalanges, siue puluinos subijci mos est, ad phalangarum similitudinem, quibus baiuli ferendis oneribus vtuntur, vnde illi phalangarij appellantur: sed ut inter tantam nauium multitudinem nullam non agnoscamus, tutela, oculis omnium exposita, notat atque designat in prora, quo nomine sit insignita: sed iam ad triremes transeamus.

Triremes.

Trimeres humiliores sunt nauibus, ordine duplici remorum acta, quæ stipata, ac ferruminata prora puppique notantur, sed prora à rostro acutiore, exorrectoque valde cernitur: perforas, id est, tabulata nauium constiata, nautæ fiuntur, & à lateribus in puppi, proraque tormentis, quæ per columbaria mittuntur, armantur. His Praefecti maris littora legere consueuerunt, & duces classes ornare, instruere ad bella facienda, quæ remis aguntur, quorum manubrium tenentes remiges remigant, palmulis secantes aquas, sublati, demissis saepe, ac sapius remorum scapulis, vnde illud, ut remi animalium praebeant speciem alatorum, procula specti.

Faber ferrarius.

Cum faber ferrarius opus ferreum faciendum sumit in manus operas praestat vilitas, cum adiutoribus & consortibus tanti laboris, magno strepitu ac fragore, ut tota malleorum ictibus perfonet vicinia. Atque ferrum contundendum immittit in fornacem, vnde extractum, & in incudem impositum, flagrans & accensum, multorum malleorum ictibus brachia tollens ac demittens cum alijs magna vi ac robore cedit, & pulsatur, & contunditur mutuâ vicissitudine & ad numerum, & tam vehementer, ut omnes molliant, & flectant, & afficiant ad eum modum, quem velint inter ictus insigendos anhelato faber ferrarius, anhelitus crebros ducere consortes operis, exprimi scintillula ictuum magnitudine, disilite in omnes partes, & illam massam rudem & informem tenacibus pressam forcipibus in omnes versare partes: alij folliculis excitare flammam, alij educere ferrum calefaciendum, & accendendum, suis temporibus in lacum intingere, immergere cum opus est, & multa vehementique affectione formare opus, quod volunt, percurrere totum saepe ac sapius, donec formatum perficiant & absoluant. Interim inter operas praestandas æmotheta, lignum, in quo firmatur incus, stabilis ac firma propter crassitudinem suam, nec minimum ictuum multitudinem moueri videtur: si lima adhibenda sit ad extirpandum opus, illud politur, & terebra, vel terebello perforatur, scalp pro vero inciditur, si quid excidi necessarium est. Inter tantam autem multitudinem, & diuersitatem operum fabii ferrarii conficiunt seras pensiles, verua, harpagones, lebetes, caldaria, cacabos, athena, ollas, sartagines,

gines, fuscinculas, cochlearia, verua, verucula, crates ferreas, batillos, forcipes, & forfices, clauces, clauos, & hos capitatos, muscarios, seu umbellatos, vinctuatos, & alia opera multiplicia: quæ si in memoriam redigerem, numerando multas paginas complere possem.

Morbi.

ADiungam ad superiorum materiam morborum aliquot genera, quibus humani generis imbecillitas confictari solet. Et incipiam à cephalæa, quæ diuturnus capitis inueteratusque dolor, ægrè cedens, maxime caput totum afficit, nec quiescere hominem sinit, propter doloris magnitudinem. Cum neque affectus sit homo ulli rerum agendarum generi, & semper querentem de dolore, semper manus ad mouentem capiti videas: quod quasi scindi diuelli que dolore videatur, & multis frustra tentatis remedijs nullum profuerit. Queritur miser homo, qui non saltem hemiciptia labore, ut dimidiam doloris partem, vnâ parte capitis laborante, pateretur, quam recurreret statim temporibus: non enim vrgeretur, tantopere, neque premeretur, ac multò minus, si cephalalgia laboraret, anterioribus solum capitis membranis laborantibus. Nam licet dissumpi videatur caput velle dolore, discedit tamen ille, aliquo post tempore, in suam veterem valetudinem homine redeunte. Non equidem vertigo tam molesta est, qua humoribus frigidis & lentis sursum in caput commeantibus, parua affecti occasione succedunt, cum oculis eorum aspectu quasi libero sublato, facultateque integrâ videnti erepta, in orbem circumagi, rotari que videantur, vorticosa quædam quasi spectantes, & rotantia. Non aliter profecto, atque in promontorio aliquo ventus, reiectus atque in se volutatus, facit vorticem, qui circumactus, & eundem ambiens locum, citatissimâ conuersione fertur in gyrum. Quod in æquoribus camporum, in arenarijs cernere etiam licet, cum vortice torquetur humus arida, & ab imo tollitur in summum, rotata id temporis incredibili celeritate. Cum homo deliratione laborat, cum delirare incipit, ridere omnes solent, & quasi anum quandam deliram putant, quæ dicat; quæ ille dicit. Vnde Annibal, qui Phormionem audierat de re bellica coram se auditore dicentem, dixisse fertur, mul-

ros se deliros senes sæpe vidisse, sed qui magis, quàm Phormio deliraret, vidisse neminem. Quippe qui præsentè Imperatore fortissimo & in re bellica exercitatissimo de re militari loqui non erubesceret. Qui phrenitide laborat, huius nos miseret magis, quàm ridere liber, quippe qui inflammatis membratulis, quas maoinges appellamus, idque vel à pallida bile, quæ leuior est; vel à flaua, quæ vehementior; vel ab eadem, sed adusta, quæ est omnium deterrima, insanire visus est ac furere, & ea facere, quæ mente captus, & omni iudicio spoliatus, quem alligare, & vinculis astringere opus est, propter actiones ab omni ratione, mentisque sanitate vacuas, non inconsideratas solum, sed effrenatas ac turbulentas, cæcas ac plane furentes: quibus si non obuiam à præsentibus itum esset, sui impos, & furore percitus, impetus præcipientes ac temerarios in domesticos, & in alios quoscunque ante oculos verantes faceret. Qui catalepsi laborant, frigescere capite, sensibus quasi destituti videntur, & graui somno consopiti, vix excitari possunt vocibus multis, & vellicatis corporis partibus, prehensis naribus, nomine suo magna appellari contentione: sic omnino proni feruntur in somnum, non dormire solum & arctiore premi somno, sed rigere corpus videas catalepsi laborantium, & eò magis mortis periculum impendere, quò cerebrum frigescere videtur magis: clausis oculis, cum Apoplexis interdum manere, excitari tollere oculos, tangentem respectare, stupore veluti quodam oppressi, quod comam medici vocant, videntur. Quid apoplexia consistantur, stupore neruis omnibus corporis, sensu priuari, orbari mente sic solent, vt corpus & mens stupeant. Paralyssis semiapoplexia dicitur, cum non omnes, sed aliquæ partes corporis stupida manent, & motu & sensu priuata, ad quas morbus incubuit solū, cum Apoplexis totum hominem inuadat. Comitialis morbus quam sædum ac deformem hominem reddit? Homo n. videtur consternatus, animo deijci de mentis statu, opprimi stupore multo, tremere totis artub. ac membris, venis palpitantibus in terram decidere, oculis stupentibus, ore spumosis oppleto redundantique iacere, volutari corpore, & sapie in media via, cum morbus oppressit inopinantem. Id quod comitia quondam Romanorum vitiabat, vt eo die comitia haberi nefas esset. Interrumpebantur enim, quasi ominis & prodigij causa, si quis comitali morbo concidisset. Terano affecti quemadmodum rigere solent, inlitar trunci, vt se nequeant infle-

inflexere, non fungi corporis partibus & muneribus ad ministeria datis a Deo, mentum pectori annecti, caput scapulis adherere, vel ambæ partes iigere, sic rectæ & rigentes, ut flexere nullam in partem possint, unde tetanici, morbum hunc patientes. Sed in grauedine defluere ad nares humorem, fluere nares ac manare guttatim, & obrui non parum scimus, usque eò, ut vocem humor hic obtundat, tussim moueat, & percrepantibus ipsis natibus raucum reddat hominem, comprimat vocem, præcludat spiritum. Sed non ex grauedine solum intelligas hæc fieri, sed ex clamore multo, & frigore, vel calore nimio, cum homo sudans & anhelans globulis detrahitis, aëri flanti pectus nudatum & apertum exposuit. Asthma quantam affert spirandi difficultatem, ut sine sono, & anhelitu crebro spirare nequeat homo, & spiritum hunc liberum ducere, & tantis sæpe angustijs pectoris urgetur, ut quasi præcluso spiritu vocem mittere non possit, quasi mortem in præcordijs conceptam habens. Si asthma molestum & periculosum est, quanto magis angina grauior & periculosior, quæ viam spiritui præcludit, spirandi adimit potestatem, & in tantas angustias adducit ægrotantem, ut spiritu præcluso agere quasi animam videatur gutture tumentis, & inflammato, crepitâ tussendi facultate, nullaque euellendi potestate, quancunque adhibeat contentionem: quin opprimi visus est, & animam efflare velle. Hanc simulauit quondam Demosthenes pecunijs corruptus, ne causam ageret, & olim Romæ auctore Macrobio sacrificatum, ut P. R. præmissis votis liberaretur. Ex horum morborum descriptione colliges rationem reliquorum ad tuam voluntatem describendorum. Febres enim, siue intermittentes, siue quotidianæ, febres tertianæ, febres quartanæ, diariæ, assiduæ, hecticæ, extenuantes hominem & paulatim absorbentes, donec vim totam, & carnem exedant, & in spirantis, & iam mortui effigiem redigant, præter cutem & ossa, quibus ille vix se continere potest, reliqui nihil faciant in humano corpore. Itaque qui videant, cadauer se aspexisse dicant, misereantur, atque omnes illius, mortuum magis lugeant, quam electo surrecturum, recuperaturumque vires pristinas, aliquando sperent. Sic afficiat & exest febris, nunquam discedit, ut intermittentes, ac febres tertianæ suis temporibus, quartanæque, quæ quanquam redeant, temporibus intermittunt, tamen hominem ad temporis & quietis aliquot interualla, vel diem vel noctem habere, quamuis redeuntibus

colhorere hominem videamus, cisque rigere capillos præ frigiditatis magnitudine, albere, pallereque faciem, fridere dentibus, & superiores inferi osibus allidi, cooperiri lodicibus, stragula addere opus est contra vim magnitudinemque frigoris. Sed post incrementum suum & statum derelinquunt tandem hominem, rigorem paulatim imminuentes, & ad extremum deducunt frigore. Hydropisii laborantes qui viderint, pallidos aspicient, turgescere & inflari, & siti premi semper gravissimam, ut bibere aueant inaximè, & quò plus biberint, sitim infatigabilem explere nequeant. Mitto reliquos morbos describere, contentus nonnullorum nominibus, ut Latine agat studiosus Latini sermonis adolescens. Atque stupor dentium notus est, nota lippitudo, surditas, autium sibilus & tinnitus, odontalgia, tussis, profluuium ventris, narium, pleuritis, vitium defectio, cardialgia, morbi omnes hi noti sunt. Quid cum fastidio stomachi cibum capere potest, cum nauseare appetit, vomere, ructare, scireare, nauseare, vomitus, ructus, scireatus quantam affert molestiam? Non tam laboriosa sunt sternutamenta, oscitatio, pandiculationes; sed grauiora sunt alui tormenta, colicus dolor, dysenteria, tenesmus, inanis egerendi voluntas, calculi renum, stranguria, dysuria, articularis morbus, coxarius morbus. Adde mensium suppressionem, profluuium mensium, abortum, morbum Gallicum, tremorem, alopeciam, pedicularem morbum, porriginem, leontiginem, psoam, impetiginem, elephanti sim, pruriginem. Non relinquenda sunt strumæ, varices, inflammationes, tubera multa, pani, pani inguinis, carbunculi et casso atroque sanguine ce'riter escharam facientes, sacer ignis, pustula, seu pustula, apostema, vomica. Cum verò partes affectæ grauior corruptæque sunt, & vti dicam, mortuæ, gangæna non apparet? Quid mariscæ fici? quid vulnera ex ore suo, crusta, cicatrice? quid vibices? quid stigmata? quid maculae, quid naui? quid postremò vlcera? Chironia præsertim maligna, tetra sinu, quasi ventre, latentique capacitæ sua, ut pus subfideat, & exitu præcluso proxima quæque erodat, & sanas partes corripens, fundat sese latissimè. Hic absoluerem, quòd reliqua clara sint, nisi omnibus inservire vellem: addo igitur callos obduratâ cute, præ labore nimio; clauos, tubercula in cute extantia rotunda, præduræ radici affixa, & summa parte clauiculi caput referentia; perionones, calcem hyeme, cum maximum

ximum frigus est, vexantes, & ingressu libero prohibentes, ut calceus ab illa parte aperiendus sit, si foras quis exire velit, aut domi se continebit, dum perniones abscedant. Cum verò quotidie videamus varis duris, & pusillis tuberculis, & velut rotundis salebris, postea paulatim mollescentibus, & in pusculis empuentibus, faciem & ora deformari adolescentum, relinquendine illi morbi essent? An tacendæ verrucæ, tubercula in facie eminentia sine sensu? quarum verrucarum alias corpori oblongas, & grandi capite noueris adherere, exili veluti peticulo innixas, & quasi de chorda pendulas; alias sessiles, & formicantes altioribus quidem radicibus, infra latas, supra tenues: quæ dum funguntur, sensum inducunt formicarum, (vnde nomen habent) moribus assimilem. Rediua sit vltimum, cutis circa radices vnguium resolutio, fissuraque. Qui plura velit, consulat & adeat Medicorum libros. Ego magis necessaria, & quæ in hominum ore versantur, perstringere breuiter optaui genera morborum.

*In ægroto quot & quanta necessaria
sunt.*

IN ægroto corpore quàm multa sunt necessario adhibenda medicamenta, vel ex eo intelliges, quia Medici, præter incediam in grauibz morbis, pastillis, suffituque alio multo, & odoribus accensis vtuntur ad cubiculum perfundendum. Emplastra concinnantur illicò, quorum genera multiplicia sunt. Aliud malagma, ad duritiem emolliendam comparatum; aliud ad durandas partes crustificum, crustam inducens; decoctum ad partes abluendas aliquot: si grauis morbus est, & febris æstuat, & flagrat ægiotus, continuò scarificatione medicos vti iubere videas, iubere cutim scarificari, venam scindi, medicatas potiones ad alui purgationem præscribi, illinctus, siue ecligma præbere, glandibus balanis adiuuari ventrem exinantiendum; si purgationibus non profuit medicus, catapota, id est, pilulas præbet. Adde gargarisatus ad gutturis medicinam. Deniq; remedia tentantur omnia, laxantia, astringentia, amara, acerbata, austera, dulcia, suauia, sanguinem sistentia, ducentia cicatricem, ad purgandum, ad extergendum, ad emolliendum. His adiunge attrahentia medicamenta, quæ materiam foras

foras trahendo euocant, medicamenta anodyna, quæ dolorem sopiunt ac leniunt. Antidotum adde lethalibus venenis resistens, depascens callis obductam, & superuacaneam materiam exedens, & absument, obstitans & obstruens, ne totus fortasse effluat & exhauriatur homo. Ceratis non parum vti medici consueverunt, & fomentis alijs, medicamentisque presentaneis, quæ à medicis petenda sunt, nos, quæ in vlu posita sunt, percussisse satis est.

Chirurgi theca.

Chirurgicam, tonsoriamque thecam vide, & in illâ loculamenta instrumentorum, quibus chirurgus, & tonsor vultur, scalprum chirurgicum, siue scalpellum ad venam scindendam, nouaculam ad barbam abradendam, & tonsuram capitis, forfices ad rondendum cum pectine, vossellas ad pilos prehenso radicitus euellendos, dentiscalpium ad purgandos eradendosque dentes, pericharakterem ad gingiuarum carnem à dentibus separandam in dentium summo dolore. Specillorum verò quot sunt genera? est auriscalpium, siue auricularium, quo vulnere & fistularum altitudo tentatur. Numeretur latum, spathomela scilicet, ad oculos inungendos, cauterium ad vlcera putrida, & defluxui obnoxia loca inurenda, modiolus concauus & teres, inis oris ferratus, per quem medium clauus demittitur, ad os paruum excidendum. Hæc omnia sunt instrumenta chirurgi, & tonsoris quæ in thecis mediocribus foris deauratis, in us multis loculamentis, pro instrumentorum exiguitate magnitudinivè, ductu & ordine ferè quadruplici, ad condenda seruandaque instrumenta sua, quæ suis temporibus extrahat, recondatque, cum vsus fuerit eisdem. Longiora sunt loculamenta speculorum & pectinum pro longitudine suâ. Sed iam iam vide chirurgum tunicarum, & nudatis saltem lacertis ad curandum hæc & alia instrumenta producentem ad curationem faciendam, tentantem manu, atrectantem etiam, abstergentem vulnera, sanicem omnem exhaurientem, deinde turundis, lemniscisue, peniculis, aut penicillis, & alijs vtemem linamentis, vt ipsa curatio postulat, & eò vsque progredientem, quod malè affectis, & fauciatis partibus pittacium imponendum est, i¹ est, pannus modicus, medicamentis illitus, quæ sparsit, & diffudit toto panno ligulis, vulgò spatulis oblongis, priore sui parte ad linguæ modum exitu terminatis suo.

Tonfores.

Quid verò Tonfores agunt, cùm tonsum hominem veniunt? secum pelum comportant, & ad caput tendendum inuolucris circumponunt humeris & pectoribus contra decidua capillitij præsemina, & adhibentes deducentesque pectinem per capillos, ut æquabiliter scindantur, tondent agilitate mirabili. Cum verò caput aut barba abradenda antequam nouaculam admoueant, quam acuerunt iam multò antè in corte, oleo illita, ut aptam & affectam ad radendam barbam adhibeant, pelui subiecta semel, iterum, ac sæpe abluunt partes illius, & mentum, ut sine dolore & mira lenitate, ut nouaculam vix sentiat rōdendus, officio suo fungantur tonfores. Sed hunc etiam cerne tunicatum tonsorem, & nudatis quoque lacertis, & ab humeris fasciolas linteas pendentes habentem, propterque se ipsum excipula, & primò vittis ligantem brachium, tentantem manu, & attrectantem venas, explorantem illam præcipuè unde sanguis emittendus est, & immisso scalpello scindentem venam. Quæ simul atque scissa fuit, sanguis auidissimè & bellissimè profluat in excipula, tam magnoque sæpe impetu prorumpit, ut respargat tonsorem, & astantes spectatores, ni confestim oculos & ora auertant. Usque eò autem profluere videtur sanguis, quoad venæ præcluditur, peniculo admoto venæ apertæ ad sanguinem continendum: ligare continuò brachium tonsor iubet, ægrotum quiescere, non mouere brachium, maximè noctu, ne laqueo soluto sanguis erumpat, & exauriatur ægrotans: quod accidere solet aliquando malo ægrotantis, & morte consequutâ fortasse. De cucurbitulis verbum aliquod faciendum est, quas vitreas scimus, & conclusas ab infima parte, à summa apertas, & aliquanto angustiore collo. Admouentur autem ubi corporis aliquod vitium, & redundancia multa sanguinis: neque olim scarificationis munus prætereundum, cum scalpello leuiter ducto cutis partes aliquot inciduntur, quæ scarificatæ sanguinem mittunt, medicorum proscriptioe fundendum proliciendumque foras.

Balnea siue Balnea.

IN balneas accessisti, & longum iter conficiens, tandem peruenisti levandi corporis causa, & sordium non eluendum

datum solum, sed pristinae salutis recuperandae. Adi iam laueris, & spoliatis vestibus in solum ingredi, in quo confides laueris, pectoribus extans. Sic enim labra sunt altiora, amplioraque, quae comparantur in balneis, inde in hypocaustum ad sudandum te confer. Ita quidem futurum puto, ut morbum corporis depellas, tam grauem, tamque periculosum. Nam sudore depelli morbos quis nesciat? & vaporaria istiusmodi succensis ignibus sub pauimentis calefieri, quibus sudet, & humores corporis perniciosos foras eiciat, & propellat homo?

Carcer.

Ingressus in carcerem vidi cubiculum in ipsis ferè primis custodiarum partibus ædificatum, & in illo instrumenta plurima victorum, & supplicij afflictorum hominum improborum, fidiculas scilicet, equuleos, ungulas, laminas, neruos, cippum, manicas ferreas, compedes, laqueos, cauterium, taureas catastas, culeum, & alia torquendorum hominum maleficijs præstituta tormentorum genera, quæ fugit ac reformidat oratio numerare. Quid istud rei? vix exciderant ex ore verba huiusmodi, cum statim visus fui videre machinam, aliquot intentam funibus, quibus ceu fidibus distendebantur facinorosi ad extorquendam facti veritatem. Rei enim reiectis in tergum manibus, fune suspensi, impetu magno in præceps demittebantur. Visus etiam sui cernere equuleum, id est, stipitem acutum, in quem reus impositus cruciabatur, distendebatur, & viscerabatur quodammodo, & quasi dissolui artuum videbantur compages. Ungulae quæ illæ? quibus corpora laniabantur, quæ laminæ? quæ ardentes corporibus admouebantur, inuenta videntur, tyrannorum, & ab omni pietate alienissimorum. Quod cippus spectat, nisi ut in illum fontium pedes includantur, quem admodum eodem soluto seruatorum, & captiuorum pedes colligantur? Quo nerui, nisi ut ceruices & pedes copediantur furum nequissimorum? manicis manus illaqueantur, compedibus pedes. Iam verò de cauterio quid loquar, cum candente ferro scelerosi iurantur? Neque virgas omitтам, quibus pulsantur fures & infames homines, nudati & spoliati vestibus, in iumentum impositi, vestique per vias publicas, & loca vsitata, causam & numerum flagellorum intenta voce prædicante præcone. Sed iam non virgis caduntur terga vimineis, sed taureis, loribus bubulo corio. Quis laqueum, quis furcam non audiuit?

auduit? de quaqueo suspenduntur, & suffocantur, statim in humeros insuliente carnifice, insidenteque ad spiritum citius adimendum, ne diu crucientur anganturque, trahentes animam in precordijs conceptam, vini omnem & contentionem pressu corporis adhibente, obruenteque confestim. Sed inter alia suppliciorum genera, culeus mihi timorem maximum iniiciebat, in quem parricida inclusus cum viperâ, gallo gallinaceo, simiâ, ac felle, quatuor inimicissimis animalibus, deliceretur in mare, ut qui cum interfecisset, à quo susceptus fuerat, careret ijs omnibus, quæ communia sunt aurâ vitali fruuentibus. Sed quid affert horroris, distrahi hominem in diuersum, actis equis, trahi, raptarique per vias publicas, iugulati, in crucem tolli, comburi, disseccari, trucidari, obtruncari, manibus, aut pedibus, linguave mulctari, inuri notam ori, vel fronti stigmaticam, & honoratum hominem catamidiari? Quid turpius est, quàm affici pœnâ decoctorum, qui catamidiari dicebantur olim, cum in theatro deridendi populo perhibebantur vniuerso? Nam illa leuia, homines pecunia mulctari, non grandi præsertim; in exilium mitti, prohiberi vrbis aditu, egressu privatarum ædium. Quæ pœnæ leuiores statui solent, & interrogari pro leuioribus factis, legibus & consuetudini palam aduersantibus.

*Precatio contra laruas, lamias, umbras
nocturnas.*

Pater Æternus, Filius eiusdem Verbum ipsum, Spiritus Diuinus, tres personæ, & vnus verus & immortalis Deus, in tribus his Personis, Patre, Filio, & Spiritu sancto consistens, nos precibus integerrimæ Virginis, Cœlitum cunctorum, & Diuinarum Mentium, Spectris omnibus formidolosis, terribilissimis terrorum iniicientibus, laruis, id est, umbris nocturnis, manijs deformibus, quarum terrificam faciem pueris plorantibus, ut placari possint, & illi plorare desinant, minitari solent nutrices, liberet ædes nostras. Maxime autem supplici prece obsecramus, ne nos aliquo misero fato, lemures nocturni, id est, umbræ vagantes, ante oculos, & ora nostra volitantes, horribili aspectu deterreant: arceat potius Deus ab ædibus, à cubiculis, à locis omnibus, ne occurrant nobis, & animos perturbent. Lemures pellantur procul ab aspectu nostro, ab ædibus abiciantur.

abiiiciantur, si qui sunt, qui nos perturbare possint, ne exanimari deficiamus, & aspectu inusitato, valdeque formidando, moriamur repentinò.

Lamie.

SI superiora terricula procul à nobis esse precati fuimus lamias, id est, dæmonum effigies, & simulachra terribissima, quæ mulierum formosarum formam inducentes, pueros & iuvenes protinus deuorandos blanditijs allicere fingebantur. Amoue, precamur Deus optime ac maxime, & dæmonis aspectum quemcunque terrificum, tetriorem Empusam veterum spectro, infelicius sese inferentem, & intrudentem, vno pede ingredientem duntaxat, quod vel nominare reformidat homo, ne nostris oculis videamus. Nam illas, quas vulgò striges appellari audio, contemno quidem, & deliramenta poetarum duco, quas veteres fingebant volucres esse, quæ immani capite extantibus oculis, rostris ad rapinam aptis, canis iam pennis, inflexis vnguibus, noctu no volatu cunas puerorum appetentes, & sanguinem sugentes puerilem, saginare se solebant, vnde expletæ satiataque summo stridore discedebant.

Cursus equestris.

CVm equites in plateam conuenissent, vrbis exhirarandæ causa ante cursus faciendos lustrare singuli curriculum cœperunt, ne equi loci insolentia deterriti, in medio cursu deficerent, inde bini à carceribus curriculum incredibili celeritate transmittentes, ad metam vsque perueniunt, summa venustate consistentes, & eadem alacritate repetierunt cursus alios, recursusque facientes. Videantur cursum gyrate postea, orbés alios & alios inflexu vario multiplicique conficientes, quos dissoluerunt statim cursus auersos inflectentes, & reflectentes incitatos, mirabilesque gyros agentes.

Miles.

ARMemus militem, suisque armis muniamus, pugnaturum hodie, ac primum thorace ferreo, vel lorica, ferreis lamellis, quasi squamuis, & annulis confertâ, pectorali, humerali, & brachialibus, ac denique ocreis ferreis. Galeam ille ferat

ferat in capite, cono galeæ apice eminente, ornato suis cristis plumisq̃ue versicoloribus. Ac ne qua pars corporis non tegatur, præmuniamus buccula, per quam respirare queat, & liberè spiritum vitalem ducere. Accingamus gladio ab vno latere, ab altero sica, & dextra gerat hastam, quam prius, quasi lacerans, & provocans aduersarios ad pugnandum, venustate summa vibraram, vi & contentione brachiorum iaciat, & immittat stridentem, & aera medium magna celeritate secantem; quò feratur, quò casura sit, multi spectent, ac metuant aduersarii, vitare lethalem illius ictum omni ratione conantes. Distingat statim miles hic gladium, & in omnes partes summa velocitate versans, punctim ac cæsim feriendo, hos fuget ac fundat, alios cædat, alios occidat, stragem maximam edens. Ac ne quisquam audeat inuadere, præclare admodum gladio utentem, meminerimus, ut sinistra clypeum teneat magnum ac rotundum, corpus obtegentem, si non adsit parma, quæ magis ad tempus facere videatur, quemadmodum equites, peltis corpora sua tueri solent ex equis pugnantes. Gladius sit anceps, quo in omnes partes utatur, neque ictum vllum inferat inanem. Quòd si gladius fortè frangatur, sica, pugio-
neve inuadat, mortem non perhorrescens: sic enim fiet, ut si hastam ille, non puram, sed præpilatam miserit, gladio, sica, pugio-
ne vsus fuerit, si occumbat fortiter pugnans, gloriosam mortem operatur, aut saltem commilitones non modò alacres & erectos reddat ad pugnam, sed dedò excitet & inflammet, ut victoriam dubiam & ancipitem, vel desperatam consequatur, vel ab initio certam & exploratam habeat: sed in hoc prælio fortiter vehementerque commisso, cum castra capiunt vel urbem milites, quot spolijs onusti recedunt? quas agit imperator manubias? quæ fortasse deportauit opima spolia? Quot milites coronis afficiuntur castreisibus, muralibus, ciuicis, naualibus, obsidionalibus? Adde ouales, atque triumphales; quæ propriæ sunt Ducum & Imperatorum. An non miles auro in valli speciem efformato donabatur, qui primus hostium castra pugnando inualisset? Qui murum primus ascendisset, frondea, vel pinnis muralibus intercisibus donabantur. Cuius ciui, à quo vitam & salutem acceperit, quercæam, vel esculeam tribuebat, gratus & memor accepti beneficii. Qui prælio martirio primus hostilem nauis armatus insilisset, corona nauali, vel rostrata, nauium rostris insignita decorabatur: urbem obsidione liberans, corona obsidionali, ex gramine virgini, ex

eo loco, decerpto, in quo erant inclusi, donabatur. Omnium præstantissimæ, gloriosissimæque ouales, triumphalesque coronæ fuerunt: illas consequabatur, qui hostem incruenta victoria profligasset: has qui subactis Regibus, domitisque bello nationibus honore triumphis urbem ingrediebatur, quadriugis excelsus; & in albenti veste, S. P. Q. R. in Capitolium vique comitante, plausu & acclamatione summâ, honore & apparatus reliquo triumphis celeberrimo ista trophæa bellicæ laudis victoriæque insignia, & monumenta rerum præclare gestarum clarissima ponebat in urbis locis celeberrimis, statuebat etiam in montium vertice ac summo iugo, ad sui nominis memoriam sempiternam. Sed antequam ad hanc laudis amplitudinem peruenirent milites, quibus laboribus & periculis perfuncti fuerant? Nonne cum delectus haberetur, conscriberenturque milites, opus erat dare nomen suum militiæ, sacramentum dicere, ut dato iusiurando conscriberentur, num frontem exercitus, siue tergum tenerent, siue fuso exercitu partes agere militares fortiter, & in quacunque cohorte essent, stationem seruare, phalange etiam fracta? Cum dandum esset signum, ut illud expectabant, sic quadrata acie, cuneoque militari, ut pes pedi, clypeus clypeo, vir viro in acie confereretur, veteri Macedonum instituto? Nonne si copæ terrestres essent, cum acies ordinata esset, sic cornua peditum, & alæ equitum, dispositæ turmæ omnes, centuriæque, præsidia, auxilia, subsidiaque comparata erant, ut discrimen nullum exhorrent? Antequam ad pugnam perueniretur, quemadmodum castra collocari debebant, siue æstiuæ, siue hybernæ essent? tentoria, tabernaculaque fiebant, è tabulis confectis mutabilia: casæ etiam, id est, tentoriola, è cespitibus & stramentis: lorica castrorum etiam, ad se defendendos: gerræ, ciates implexæ castris pro munimento, præsertim terra aggesta implexæ, aggere, vallo, fossa, omni ratione muniebantur: vineæ solito more agebantur. Ad quæ faciendâ, quos milites labores suscipere, quantum sudare necessarium erat: illa communia fuerant, pabulari, frumentari, lignari, materiari, ut omni pabulatione, frumentatione, lignatione materiationeque prouideretur. Commune etiam fuit, vigilias & excubias agere, insidiari, speculâri, obsidere, facere excursiones, velitari, id est, leuitus præliis contendere, tessera mutæ, siue vocali parere, imperata facere, impedimenta seruare, hyeme multas noctes sub pellib. selse, & antequam vel impressionem facerent in arcem, vel coronâ urbem inuaderent, & in castra

irrum-

frumperent, vel prælium committeretur, hæc omnia fortiter & constanter tolerare milites. Et cum iam animos paratissimos ad dimicandum viderent hostes, mouere sua castra, nolle pugnare. Imperatoris iussu conclamare vasa, milites colligere, præliandi abiecta spe, in hos palantes & diffusos, auersos & fugientium similes a tergo insequi, donec edrâ ingenti strage, & spoliis omnibus potiti milites, hostibus paucis fugâ euadentibus, cum receptui caneretur, è prælio reuerteretur, partim capitis, partim fugatis millibus aduertariorum, multis interfectis exultantes, & triumphantes victoria consequuta. Qua victoria nunciata, cum agmen contendere audissent, & in animo esse ad populos & vrbes inimicorum capiendas longius progredi, nuntios de pace miserunt confestim hostes, & quas vellent condiciones, & obfides obtulerunt, & vt in deditionem acciperentur, datis obsidibus orarunt, & suppliciter obsecrarunt. Non illi nefarios auctores concitati belli, principes perfidiæ præpilatis hastis obiecerunt, & maxime quod actis cuniculis urbem perdendam potius suassent, quàm vt Romanis in seruitutem se traderent, se satis pœnarum tulisse dicebant, cum ex militum infinitis millibus, qui è patriis sedibus exierant, vix quatuor mille reuertissent, & ij fratre omnes saucij & grauiter vulnerati, præter paucos, qui in fugâ salutem ponentes, ex primis euaserunt. Addebant se conscios esse Romanæ fortitudinis, quorum nemo repertus, qui missione ignominiosa, sacramento solueretur, honestam autem multos meritos, qui iam emeritis huius militiæ muneribus, stipendiisq; confectis, præmia suæ virtutis acceperunt, nullâ temporis diuturnitate delenda.

Arma.

Sed rei militaris arma mihi nonnulla describenda sunt. Ordior autem à gladio, qui ex manubrio suo constat, quod capulum dicimus: quoniam ab eo gladium manu capimus: acies ab vna parte, & alterâ, gladij acerrima debet esse, si gladium ancipitem volumus, & mucrone terminatur. Hunc in vaginam condunt homines, & ad se defendendos distinguunt, in vaginam recondentes, cum se defenderunt, vel punctum vel cælium vulnus aliquod intulerunt, sed mucronem conto decoratum aspice ferro, nitenti, vel deaurato.

Telum.

Telum longum est, non purum, sed præpilatum, ad illud ob-
iiciendum inimico, ut se contineat, vel ad traiciendum, si
defensori, nullo malo, nec iniuria facta, velit officere, si telum
gracile sit, ut illud pugnus capere possit cum velit, & vibrare ve-
nustate mirâ, deinde vi contentioneque brachiorum in aduer-
sarium intorquere. Horum signum erectum, vel supinum, me-
dium interiectum hastatorium, militum cohorte stipati signi-
feri, gradu composito ad militiam progredientes deferunt, &
cum opus est, milites impressione factâ ab hostibus tutantur
atque defendunt.

Scutum.

Scutum rotundum est, & ex ære factum, torum maximo ni-
store splens, & ab ora suo limbo quasi quodam ornatum
tortili. Umbo medius eminet acuminatus insertis olauiculis,
quasi emblematis ornatum est. Quod auersum concavum est
non nihil, quod ansâ ferreâ capientes milites obiciunt, & op-
ponunt, ad caput, & corpus ab aduerariis iustibus propul-
sandum.

Sagitta.

Video sagittam longam, acuminatam illam, vicino suoad
infigendum acutam, alis ab utraque parte constantem,
ad suam celeritatem significandam: crenam habet, ut nervum
admittat, incisam, quæ ex arcu emissâ stridore multo, multaque
celeritate medium aera præteruolat.

Arcus ballistarius.

Arcus ballistarius scapo recto & directo brachium ferreum
ab utraque parte inflexum, intortumque sustinet; ab utro-
que vero cornu, cuius crenis immittitur utrinque nervus, ut
vnius fibula, siue hamus, siue osseus uncus in epizygin inseri-
tur. In quem ubi adductus est nervus, vi forficis vncinarij in-
tento arcu sagittarius spiculus iaculatur, prius collimans, ut
rectam ac directam, & euro velociorem, stridentem, & me-
dium aera secantem emittat.

Funda.

Sed iam de funda, quæ à fundendo dicta, è funiculis facta:
quantam vim habebat ad fundendos lapides, cum lapidem
in scu-

in scutale impositum in gyrum acta funda, ad maiorem vim adhibendam, post vnam aut alteram conuersionem fundibularij mittebant? Lapis emissus ab scutali, stridore magno fragoreque ruens in aduersarium ferebatur.

Sclopi.

Sclopi noti sunt, à fictitio sono, qui complosis buccis editur, appellati, qui puluere tormentario infarti, quibus glandes igniario fomiti admoto, non minus atque æneis tormentis maiores globi, strepitu, fragoreque terrifico mittuntur.

Tormentum.

Maximæ subtilitatis, & operis admirandi tormenta, oblongi rubi, similitudine, ex ære fusili formantur. Quæ non funibus, aut neruis nitentis, singulas mittunt sagittas, sed inexcogitatâ priscis ratione, ad applicitos tenui à tergo foramini igniculos, cum incremento multiplici rapiendos, certo primum nitrati ac sulphurei pulueris modulo temperato insertos ore patente ferreos ex arte globulos, catenasque, & alia obrutamenta, fulminum instar, Hammis eructantibus, horrendo fragore conorquent. Cuiusmodi complura de more disposita, & collibrata ad nauium fenestellas missiles habent, & suo tempore horresco strepitu displodunt. Vix autem displosa sunt, cum primum atro fumo repleri obducque loca videntur proxima, & oculis obduci nocturna caligo cunctorum, vt neque videre se ipsos, non naues, non cælum etiam intueri valeant. Fumo intermicare fulgura conspiciuntur, & oculis obuerti penitus aciem perstringentia, & crebra quasi conitrua sereno cælo exaudiri, denique lacerari, exanimisque complures traiecti globorum diritate ferreorum iacere, nauigia partim deprimi, partim lacerari, multis ex partibus confictari, ad quæ rescicienda tempore opus esset, & fabrorum operis vilitatis.

Bellicæ machinationes veterum.

Non enumerabo machinas omnes bellicas antiquorum, sed nonnullas. Atque hama sit prima, quod ad compescendum ignem, & siphones incendiarij, siue siculæ incendiariæ ad extinguendum, quibus properabant, & festinabant omni celeritate malleolos inflammatos, id est, manipulos sparteos, pice ac sulphure oblitos, & de muris deuolutos incendiij causa, quom-

niam flammam concipiebant maximam, extinguere. Atque murices, id est, tribuli, machinulæ ferreæ terragonæ, aculeis exstantibus infestæ, quæ spargi solebant aduersus hostiles eruptiones. Testudo autem tabulatis contexta, & crudo corio, aut ciliciis centonibus contexta, aliave materiâ, quæ non facile exuri posset, trabem intus habebat funibus suspensam, quæ ad lapides è muro euellendos, vnco ferreo, quasi falce, præmunita, modò exerebatur, modò subducebatur, ad testudinis viuz, modò exerentis caput, modò subducentis, speciem & similitudinem, vnde testudo dicta. Ad cuius modum congregata militum multitudo, consertis scutis testæ, aduersus lapidum impetum, aliorumque telorum desuper incidentium testudine factâ stare solet, & deiectorum lapidum telorumque vim excipere repellereque, scutis tutans sese, defendensque fortissimè.

Aries.

Non dissimilis est arietis machina, quæ similiter tabulis contextitur, ac ne exuri possit, corio, siue cilicio vestitur, intrinsecus continet trabem, cuius caput duplici ferro bifurco præfigebatur. Milites eius impetu magno verberare muros, disicere lapides, deturbare, ac subruere poterant. Non immeritò arietis nomine dicta fuit hæc machinatio belli: quòd arietis speciem præberet, qui cornibus hinc inde durissimis percutit, & ad inuadendum, vt maiorem adhibeat vim, & vires accipiat maximas, retrocedere solet, multò antè interuallo cursum celerem & incitatum suscipiens.

Vinea.

Vinea machina erat alia bellica, quæ in latitudinem pedes octo, in altitudinem septem, in longitudinem sex & decem patebat, testæ duplici ligno, cratibusque contexta. A lateribus vimine sepiebatur, ne saxorum ac telorum impetu perfringeretur, & contra flammarum ardores coriis tegebatur crudis & recentibus. Cum plures erant milites ordine coniungebantur, & sub vineis oppugnantes, tutius ad muros subruendos procedebant. Sic illi aggere, vineis, turribus, castella, vrbesque oppugnabant, vtentes aliis tormentis.

Plutei.

Plutei.

Plutei, qui speciem cassidis præbebant, contexebantur è vimine, & conis protegebantur, ternisque rotulis, quarum una in medio, duæ aliæ ipsis in capitibus erant appositæ. Quamcunque in partem vellent, oppugnatores admovebant: maxime tamen ad muros applicabant, sub hisque latitantes, sagittis, aut aliis missilibus, de propugnaculis deiciebant deturbabantque defensores: ut interim scalas admoveere, ascendere muros, inuadere urbem, ac diripere possent.

Cuniculi.

Cuniculos agere ad urbem, vel arcem capiendam solebant Imperatores, ut cum palam, & viribus urbem capere non possent, dolo ac fraudibus, foraminibus sub terrâ occultis vires suffodiendas cuterent, nimirum ad cuniculorum similitudinem, qui sub terrâ cuniculos facere consueverunt, ut in agnis latitent,

Agger, vallum, fossa.

Vis agnoscere industriam Imperatorum in castris munieridistria hæc mentis oculis complectere, & milites in aggerenda terra, illos in vallis defigendis, alios in aquarum receptaculis defodiendis occupatos intelliges. Aggere enim, vallo, fossaque castra muniebant. Milites enim vallos, id est, palos circumferre solitos accepimus, & ubi castra posituri erant, humi defigere, terramque illis aggerere, ut tuti essent ab hostium irruptione, fossasque in altitudinem iugentem aquarum sæpè perducere, ut tutiores essent.

Descriptio libri.

Qvàm præclare compactus est, & constructus liber hic, conexus & reffectus ex omni parte æquabiliter scalpello ducto, & minio illitus, vel alio colore pallido vel rubro nitens. Tantum marginis in illo relictum est, quantum opus est ad notas librorum, & locorum indices excusos. Coopertus est ille non membrana, sed aluta tenuissima politissimaque, & ad speciem & ornatum umbilicis pulcherrimis, & in medio clauiculis decoratus argenteis, & in extremitatibus laminulis ex eodem argento perforatis & elaboratis. Ille clauditur & aperitur ex animi sententia yncinulis argenteis in orbiculos in-

sertis & extractis. Dominus tanti librum habet, vt aureo & argenteo colore totum inuolucrum illeuisset, picturis exornasset variis nisi quotidiano vsu deformati, deflorescere vetustate, & omnes folculos decidere, deleri que omnino vidisset. Sed plane glutinato egregius artifex construendorum videtur esse librorum qui sic construxit & conglutinavit librum, vt folia miri è coherentiâ, & glutino deuincta nunquam solui, neque coagmentatio libri destrui posse videatur. Sic ad compingendum malleolo contusum prius & complanatam reddidit, ad explendam & absoluendam omnibus modis tanti libri constructionem, coagmentationem que mirandam.

Litera scripta.

Literæ manu Antonij, non alienâ scriptæ, re omnia, quæ in literis scribendis, & dandis desiderari solent, continent, vt in chartâ purâ, non bibulâ, & in Augustâ, & parum à Claudianâ distante scriptæ sint: Duæ autem paginæ completæ, cum in philyra exaratæ fuerint literæ leuigata elephantino dente, tum in capite, & in margine tantum albi relictum est, quantum ex officio & elegantia communi relinqui solet. Cum subscriptæ fuerint ad extremum, auris puluisculis perfusæ ad characteres exsicandos, ne puluere, quod accidere solet, aut literæ deformarentur aut delerentur vel minimum. Sic micabant & splendebant aureo perfusæ nitore, & atramenti bonitas magis apparebat, & cernebatur, & quam aptus ad scribendum non forum calamus fuisset, sed manus auctoris scribendi peritissima. Præterea hic notas, formam, & venustatem, laqueos, literarum inflexiones, nonnullarum terminationem. Ad illud tandem peruentum est, vt complicitur, postquam illarum oræ præciliæ fuerint. Quæ cum obsignatæ signo scribentis, & stemmatis insignitæ generis & familiæ, inscribuntur, & puluisculis eisdem, qui theca pulueraria continentur, aspersæ cum aliis dantur tabellario in fasciculum coniectæ. Tabellarius literas viro, cui inscriptæ fuerant, reddit, & cum sigillo obsignatas, & filo lineo alligatas constructasque suo, & accepto fasciculo. Ille, cui redditæ literæ fuerunt, primum linum incidere incipit, & properat à signo euellere, inuolucrum discerpere, euoluere totum fasciculum, literas ex ordine singulas legere, & vt debuit, & res exigebat, quam breuiter expediens tabellarium, & mercedem pro

proveetur, quæ præfinita erat in litterarum inscriptione, solvens, respondens.

ORATIO IN ARITHMETICI laudem ex adiunctis.



Ommendant aliqui Dialecticum, multi Philosophū, non pauci Iurisperitum, innumerabiles Rhetorem, decus & lumen cunctarū artium & disciplinarum: ego Arithmeticum ab ijs, quæ in sua facultate insunt, laudare non desinam hac in orationuncula. Qui imprimis cū in arte veteri, nobili, fructuosa, & necessaria versetur, quis eius operam, & studium diligens non commendabit? Ex Mathematicis nihil Arithmetica quidem antiquius, quæ cū viam patefaciat ad cæteras artes, vel secum propinqua cognatione coniunctas, vel longo intervallo disiectas, atque remotas, ortum suum habuit & originem rudem imprimis & impolitam, more aliarum facultatum, paulatim auctam & amplificatam, & ad summam absolutionem proectam. Auctores enim illius fuerunt Sidonij, ob numerorum cogitatam rationem, ad navigationis, qua illi plurimum excellere honestè rem quærentes mercaturis faciendis, cursus necessariam. Cui plurimum incrementi dedit Pythagoras, materiam relinquens alumnis, Ægyptijs, & Arabum Doctorum generi, vniuersisq̃ Græciz doctoribus augendæ locupletandæq̃ue magis ac magis Arithmeticæ, varijs problematis & theorematibus illustrandæ clarioribus. Cuius nobilitas atque præstantia, cū omnes Mathematici in magna rerum obscuritate, & recondita arte multiplici ac subtili versentur, quanta & quàm illustris erit? quæ non aliorum more repat, & ad vulgaria, & in promptu posita se abijciat; tum ea omnia, quamvis obscura, & à communi intelligentia remota, tamen patenti illustriq̃ue demonstratione, clara reddit, & illustra, & ante oculos statim, in claro & illustri lumine, vt dubitandi locus detur nemini. Quam obrem commendanda magis, quæ simplicem & apertam veritatem, inuolucris ac tegumentis omnibus detractis, sine fuco, sine fallacia visendam spectandamq̃ue proponit, Platone teste in Philebo, seu dialogo, qui de

summo bono inscribitur. Quòd si dignitas ex illorum splendore spectanda, qui maximè florent in orbe terrarum, Arithmetica, quæ Regiâ celsitate digna est, quantum habet splendoris inter alias artes? At id planum fieri vis, tibi enim quinam istud credibile, qui Reges hac arte instructos non videas? Nihil laboro de Regibus Arithmeticam non tenentibus, illud dico, suæ dignitati maximè consentaneum, quod vel paucis verbis tibi probari debet, alijs non modò probatum, sed literis consignatum verustioribus. Cum enim valeat Arithmetica ad honestatis studium, Regemque oporteat summis honestatis opibus exornari, & dignitatem singularibus virtutum ornamentis illustrari, possumus ne quidquam elegantius excogitare, quàm numeros virtutis & honestatis absolutos, quos ex Arithmeticæ muneribus in Regios vsus possumus asciscere, quibus facilius ad summum Rex ipse dignitatis gradum perueniat? sed agè iam in vna re militari videamus. An Regis officium facere potest ille, qui numerare nescit? Quomodo enim sine absoluto numerandi ratione exercitum in bello recenset? quo ordine castra locabit? aut qua ratione pro militum numero aciem instruet. si numerandi fuerit imperitus? Deinde quomodo præmia pro virtutis ratione distribuet? æquitas enim in præmijs atque muneribus rarâ portione & numero continetur, ita vt sine Arithmeticâ iuris constantia conservari non possit. Iam verò in pace, quam rationem vectigalium habebitis, qui numerorum prorsus inscius fuerit? Vt enim paterfamilias domum suam tueri & sustentare nequibit, nisi in re familiari diligens & attentus fuerit, ita neque poterit v. lo modo saluas & incolumes Reipubl. partes conservare, nisi vectigalium rationem penitus exploratam habuerit. Aliter enim Rex neque bellum mouere, neque vrbes munire, neque præsidia collocare, neque dignitatem tueri, neque hostes repellere, neque pericula propulsare poterit. Pecuniæ illum in medio apparatu deficient, copiæ non cogentur, omnis apparatus bellicus intermitteretur, præclarum aliquod facinus, toto Regno diuulgatum, & exteris gentibus non ignotum, moliente. Omnes pecuniarum, & sumptuum rationes sunt Regi putandæ, quod si non fecerit, omnia quidem officia conturbabit. Sed illa iam in Arithmetica insidens utilitas, meam ad se vocat orationem. Cuius vel illa commoda, quanti ducenda sunt, cum ingenium acuat, memoriam confirmet, animum & ad agendum, & intelligendum maximè facilem & expeditum reddat? Atque

que illud Plato tradit in Epinomide, numerum ab ipso Deo hominum generi traditum, tamquam donum & singulare rationis ad inuestigandam etuendamque è tenebris in profundum demersam veritatem. Quæ nisi adsit, nihil mente percipiatur, nihil stare potest in hominum societate tuenda, iuris & iustitiæ repagulis perfractis omnibus. Quòd me verò sacræ literæ vocant? quòd fabrica hæc mundi elegantissima, cœlum, æther, aer, maria, infima terra, omnia, quæ sub oculorum aspectum cadunt, quòd meam mentem abstrahunt, & ad se totam conuertunt atque compellunt, vt sacrarum literarum scientiam ex Arithmetica magnâ ex parte pendere, & spectacula huiusmodi gloriosa, testes potentæ magnificentia, liberalitatis; & sapientiæ diuinæ edita à tanto tamque supremo opifice & architecto rerum omnium recognoscam, cum in ijs, quæ ex sacrarum literarum monumentis accepimus, tum ex numero, in quo omnia consistunt, & perficiuntur absolute mirabili. Quod si non aliam vtilitatem caperemus, nisi spectandæ contemplandæque mentis numeris suis absolute, facultatis huiusce magni ducendæ præstantiam maximè spectandam, appetendamque rationis participes censeremus. Quantum verò scientiæ comparat Arithmetica Auenzoaris viri Babylonij & scientiæ reconditæ? virum fuisse præclarum, & altâ sententia decoratum, Abumasar auctor est, & scire omnia & nosse perfectius eum & absolutius, qui numerorum scientiam teneret, docuit. Quod idè prædictum intelligite, quia veteres illi, qui varia admirabilique rerum cognitione præditi fuerunt, acri suo intelligentique iudicio, Arithmetice commodorum non inscientes, à trita peruulgataque ratione prælatum philosophandi munus ad numeros mira progressionereuocarunt. Quam excoluit omni studio Pythagoras, Aglophemus, Plato; reliqui; magni præstantesque Philosophi, ad gradum scientiarum adipiscendum, magnis laboribus vigiliisque expolierunt. Inde illud Platonis, hominem ea de causâ apimal esse sapientissimum, quòd numerare nouerit. Hinc Oratorem, Philosophum, Medicum, Iurisperitum, Theologum omnibus numeris absolutum & expletum dicimus, cum tantum singulis in facultatibus, & disciplinis maximis consequutus fuerit Doctor aliquis sapientissimus, quantum possit ille consequi cœlesti quasi mente præditus, vt nihil supra, nihil sit, quod ad explendam hominis illius tanta laude cūmulati sapientiam

cogitari, vel desiderari possit amplius. Quod confirmauit Princeps Philosophorum Aristoteles, homini ex cunctis animantibus sapientiæ principatum tribuens, pro summâ, quæ in illo inerat princepe, cognitione numerandi. Sed repero illud quod superius attrigi: Quare præclare nimis & insigniter in Dei cognitionem venimus? numerorum ratione. Quare egregiè nimis animos ipsos, ipsis corporis compagibus inclusos, cum corpore inire societatem hanc putabimus? numerorum absolute. Tolle concentum & harmoniam numerorum, & illam insignem stupendamque seriem, aliam ex aliâ pendentem, & quamcunque mirabili cognatione copulatam, dissoluetur protinus & interibit arcana corporis vis, quæ societatem tantam iniecit, atque confluerauit. Hinc veteres illi Sapientes animum appellarunt numerum se mouentem. Hinc decretum illud Pythagoricorum, numerum pro anima rationis particeps accipientium. Hinc illud sapientium aliorum naturale principium fabricæ ratione suâ ac mente præcellâ utentis numerum esse, quippe bruta animantia rationis expertia, minimè numerant. Vultis scire rationem? afferam. Accipite, & ad Arithmeticæ præstantiam satis celebrandam memoriæ commendate, & quidem ex definitione rei naturam explicante. Quid enim est numerus? nihil aliud profectò, nisi explicata ratio. Quid enim est aliud per numeros rationem quidquam explicare, nisi rationem ipsa se vi. O mirandam Arithmeticæ laudem! O singularem præstantiam! O veras ac solidas utilitates! Cuius in visceribus ac medullis, cum ipsa mens sedem ac domicilium habeat, quid maius expectam? cum ratio, quæ præcellit tantopere, & à brutis regium & excelsum animal hominem disungat, & ad diuinam similitudinem adiungat, suis donis ab muneribus luculenter sit affecta. Narrabo tem egregiam, & laudes Arithmeticæ superiores confirmantem. Iactatus homo grauissimâ tempestate, tandem eiectus in litus & terram despiciebat, lineas nescio quas, vel formas ac figuras Arithmeticæ Geometriæque primum despexit non parum impressas, gaudens, & præhiliens illicò, cenuersus ad comites, gratulatus est continuo de terrâ ab hominibus cultâ, & nullo perspecto quidem homine, sed vestigijs ipsis notisque Arithmeticæ Geometriæque ductus. En rationem ipsam facultati huic tributam, donumque ac munus proprium hominis, mentem, qua nihil à Deo generi mortalium diuinius donatum est. Sed quid his oratione prouehendis moror, cum

in Arithmetica ratione insidente Deum immortalem, summum opificem & architectum liceat præcipua quadam religione suscipere, qua præditus est in omnes partes interminata sua infinita quæ maiestate? Nam si Deus ipse est mens præstantissima excellentissima quæ, nihil celsius, nihil potentius, nihil diuinius esse potest, mens autem hæc est spiritus quidam omnibus, qui cogitari possint, numeris absolutus, ut omnes, ut omnia quæcunque cælo, terra quæ continentur, ad tanti spiritus celsitatem comparata, sunt sicut species quædam & adumbratio, relinquitur id profectò, ut vel nominis interpretatione, quæ immortalem Deum attingit, altiore iure celebranda sit Etymologia. Neque iam mirari debeamus, deditos huic facultati capere non utilitates modò mirificas, sed iucunditates voluptates quæ tantas, ut illarum dulcedine à sensibus abstrahantur suis, in illius studium suauissimè iucundissime quæ incumbentes. Ex quorum numero Arithmeti corum innumerabilium Archimedes memoratur insignis, qui in Syracusarum graui vehementi quæ obsidione, capta iam vrbe, nec horrido armorum strepitu, nec militum effrenato præcipiti quæ furore, nec fœda suorum ciuium cæde, neque mulierum plangore & eiulatu, nec dissonis & horrendis omnium clamoribus, potuerit ad aliquem publicæ calamitatis & exitij sensum perducere. Adedò namque erat formis, quas fortè tunc radio in terra describebat, intentus, ut prius quàm ciuitatem captam esse sentiret, fuerit à milite, qui in illum inciderat, interfectus. Nec me mouet, quod de Lycurgo Lacedæmonum Legislatore in Arithmeticos maleuolorum sermonibus in circulis iactari, vel, quod audaces non metuunt facere, in publicis Gymnasijs loco criminis ac probri maximis multis verborum fulminibus conferri audio, Lacedæmonum finibus eiec tam & relegatam fuisse facultatem suam. Quod enim tam optimum, quod æquè omnibus gratum & acceptum fuerit, quod quæ non multis bonis incognitum, aliarum, quas ipsi damnarunt, rerum seruandarum studio, non abiecerint, atque adedò amandauerint à suis oculis. Neque pluri nobis erit Lycurgus, quàm Aristoteles, quàm Plato, quàm Pythagoras, quàm alij Græciæ Sapientes, quibus cedere debet Lycurgus ipso nomine sapientiæ. Cõcludo igitur, Auditores, & ex superioribus Arithmetice laudibus, nostru Arithmetici cū in hac arte tã præstante, omnibus afficiendū laudibus, quod rem tam antiquam, tam nobilem, tam utilem

rebus publicis ostendit : quod cum adiutorem non solum reli-
 quarum artium, sed ducem & præceptorem habeatis : quod om-
 niais scientiæ, doctrinæ cuiuscunque, sacrarum literarum in-
 terpretem maximum, & bonorum studiorum amplificatorem
 obtineatis : quod hominis excellentia, quod ratio, quod mens
 ab Arithmetico exulta perfecta que celebretur : quod Arithme-
 tici laus tanta tamque multiplex fuerit, ut Grammatica pri-
 mum, deinde Poësis, tum Dialectica, denique cæteræ artes atq;
 disciplinæ, Arithmetico se debere plurimum fateantur. Inter
 illas ars bene dicendi, cuius proprium est, numerosa volubili
 concinnitate in auditorum aures suauiter inflectere sermonē,
 si cum operum Dei admirabilium, cum Dei ipsius potentissimi,
 supremique rerum omnium opificis recordemur, necesse est
 istius artis memoriam in mentes venire continuò nostras, suo-
 rum animos subeunte absolutione numerorum. Nos istius igitur
 viri, cum alijs, tum diuersarum artium Arithmeticiæ doti-
 bus maximè instructi laudem hodierno die cunctis que oblatis
 occasionibus celebremus, ut ex sapientium numero potius
 fuisse, quàm vnius Lycurgi, & aliquorum fortasse obre-
 ctato-
 rum calumnijs aures dedisse videamur. Quod nos eò studiosius
 facere debemus, qui non vererem, sed Christianum Arithmeti-
 cum debitis honoribus affecisse dicemur. Dixi.

ORATIO IN GEOMETRÆ laudem ex adiunctis.



AVD AVIMVS nouo modo Arithmeticum
 Arithmetici commendatione breui, laudem
 Geometram in eundem modum breui
 concinnaque exornatione Geometriæ. Nam
 quæ laus Matheseos priori datur, & eadem
 debetur alteri proximum tenenti locum.

Quis enim Matheses laudaturus, ab Arithmetica non fecit
 continuò gradum ad Geometriam? Hoc veteres & recen-
 tiores suis accuratis & exquisitis laudationibus præstiterunt,
 quorum ordinem sequutus ego, in Geometriæ laudes egre-
 gias ingressus, non aberrasse videbor à recta legitimaque ra-
 tione

tione laudandi. Atque in illius laude, ut in enumeratione potissimum verberet inuentionis, præstantiæ, & vtilitatis: Auctorem & ducem illius præstantiam Geometriæ nobis ostendere faciliè omnes intelligent, cum Ægyptij, sapientiæ quondam fama ac celebritate commendati, eam inuenisse dicantur, sicut & alias res ingenio, industria, labore, acumine, inuestigatione dignissimas. Atque hac multi ratione ducti, quod ea cum maximè indigerent quærendo inuestigandoque ad Nili inundationem apposita præclaraque remedia, tandem primò foras emiserunt Geometriam paruulam; & vagiantem in cunis, quæ sic postea adoleuit, locupletata & aucta maximis incrementis, ut ad eam, quam scitis, summam amplitudinem peruenerit. Causa autem inueniendæ Geometriæ ea fuit Ægyptij. Illi Nilum fluiuium longissimum, altissimum, vastissimumque habent, vnum ex maioribus totius orbis fluij, trahentem limum, quo inundans & effundens sese oblimat, & opplet Ægypti totius agros. Cum tota æstate tenuerit obrutos & oppletos, recedit, mollitosque & oblimatos, & ad ferendum affectos relinquit. Quamobrem necesse quidem erat oriri quæstiones multas inter illos, dissidia, & lites concitari de limitibus agrorum internoscendis, quos sæpe diiudicare non poterant, paucis etiam amantes, & cupidi tollendarum litium potius, quam controuersiarum, quæ ad vexandas & euertendas familias spectant, constituendarum, subus ipsis agrorum limo obrutis & pereuntibus omnino, & suorum inscijs & ignaris dominis non raro prædiorum. Inde Geometria, inde tantæ facultatis inuentum, inde tantum & tam singulare donum. Atque Ægyptus, ut quæ propria sunt huiusce instituti dicam solum, scientiarum parens erat, studiorum officina, et auditorum hominum fecunda colonia. Ad quam ex varijs quondam terrarum partibus, ex Græcia vniuersa literarum inuentrice, tot Philosophos, & in omni literarum studio præstantes, non discendarum solum scientiarum, sed inuisendorum saltem hominum doctissimum, misisse, & cum illis Doctoribus multos annos commoratos fuisse non ignoramus. Sed de his auctoribus non solum Geometria gloriari potest, sed de Principe, de auctoritate literarum, de nuntio Deorum, de Legato Iouis, de maximo eloquentiæ inuentore Mercurio: qui non solum Geometriæ antiquitatem, sed dignitatem ostendit. Quæ quærum honoris affert alumnis, cum non ita facilem & expeditam, ita patentem omnibus

omnibus ad discendam se præbeat, ut priuato studio, inter domesticos parietes discere possit eam aliquis, & comparare, quemadmodum alias artes, & disciplinas sciens Latini sermonis adipiscitur, nulla frequentatione Gymnasiorum. Sed opus est futuro Geometræ duce ac præceptore ad colendam huiusmodi facultatem, quæ tot gyros ac Meandros obscuros, & inexplicabiles habet inuolutis, & tegumentis planè inaccessis obstructos. Pulchra quidem, quæ difficilia: id est, difficilia, plena honoris, plena dignitatis. Quam difficultatem, ut superarent Geometræ studiosi, dictu est incredibile, quam præclaros & excellentes præceptores, & scriptores hæc ars egregia consequuta fuerit. Multi insignes non commemorantur, quòd literarum monumenta post ris relinquere noluerint: sed ex illis, qui in hominum memori inuenerunt, Archytas, vnus Tarentinus fuit, ad cuius laudem eximiam satis esset, Platonem ei sedulam in Geometria nauasse diligentiam. Dicæarchus Siculus non in exiguo fuit honore, Geometra ætate sua clarissimus, qui Regum cura montes peruenitus est, altissimum prodens Pelion, & passum nescio quæ spatia tollens sublimiora & exigens ad petpendicularum. Huius honorem adæquauit Dionysius Afer, Byzante natus. Quis ac quantus fuit Eudoxus Gnidius, primus Geometræ demonstrationes, sensu, & instrumentorum exemplis edens vnâ cum Archyta præceptore, qui quanquam à rebus corporis experibus, & à cogitatione, ad ea, quæ sensibus perciperentur solum, descedentes, Geometræ dignitatem imminuere visi fuerunt, non tamen Platonis probis exagrandi aded, qui Platoni, qui multis alijs à superiore parte tollendam euehendamque Geometriam reliquerunt. In horum numero ponantur Eupompi Macedones, Marini Tyrij, Pausaniæ Cæsarienses, Polemones Helladici, Ptolemæi Ægyptij, Cylaces Cariandæi, & alij multi, quorum hi in terræ, alij in maris, alij in montium, alij in cœli ipsius dimensione, atque aded singulorum cœlo inherentium globorum spatija dimetiendis summa cum laude versati fuerint. Neque in oratione mea pono Platonem, Aristotelem, Pythagoram, quanquam Geometræ magni atque præstantes, & ingentorum Inuentis, & acumine celebrati fuerint, aliorum tamen studiorum gloria magis floruerunt. Gloria tamē Archimedes, gloria Euclidis alicris, & erecta per omnium ora volitat, & auget magnis quidem incrementis Geometrarum dignitatem & nomen immortale,

Quorum de laudibus maximis nulla vnquam sæculorum ætas conticescet. Hi omnes magistri magni fuerunt, & exquisiti Geometriæ parentes, illustres & præclari admodum Amplificatores. Nostis quæ Euclidis scripta iacentur, quæ explicentur in Academiarum Gymnasijs, quæ in eundem plurimorum explanationes, qui cum aliorum tum Patris Clauij è Societate Iesu commentarij in vulgus exierint, & omnium Geometrarum laboribus & vigilijs euoluantur. Nos pauca de Archimede dicamus ad Geometriæ dignitatem, quæ licet nota sint omnibus, silentium tamen eorum nostram obscurasset orationem. An illud pulcherrimum Archimedis factum parum dignitatis affert Geometris, qui nauem ingentis & stupendæ molis, quam omnes Syracusani loco dimouere non poterant, ab Hierone suo Rege constructam, & Prolemæo Regi mittendam, multis mercibus & rebus pretiosis oneratam, vnus Archimedes loco dimouit, & subduxit inuentis & machinationibus Geometricis, præsertim stupore maximo, & Regis ob eam causam cunctis in rebus, portenti ac prodigij similibus, Archimedi nunquam non habendam fidem, voce confirmante quàm intentam? Alterum eiusdem Archimedis, non iam vnum, sed plura facta, qua dignitate præditam esse testantur Geometriam? Marcelli grauem vehementemque obsidionem, vnâ, alterâ, tertîâ, plurimâ machinatione Geometricâ remorari potuit: Qua vrbe capta, quia iam nescio quibus de causis non obsistente Archimede, neque contra bellicas veniente machinas, publicè edicit Imperator, vt in miserimâ luctuosissimâque Syracusarum vastatione, cædeque cruentâ, omnis sanguinis profundendi exultante militari licentiâ, ab Archimedis internectione milites abstinerent. Quod verò vnus improviso, vel insciens Geometriæ tanti cor gladio traiecit, quanto in dolore fuit Marcellus ex acutissimi morte Geometriæ? quibus illum honoribus affecit? quâ gloriâ sepulturæ decorauit? quibus artis suæ cohonestauit insignibus ad Geometriæ nunquam interituram gloriam? Cui mortuo, qui honorem tantum habuit, quem haberet Imperator viuus? quo in loco poneret, quàm illustri & excelso? quibus immunitatibus afficeret, & prærogatiuis vestrum omnium cogitationi relinquam, potius quam parum ornans, nec minimam partem attigisse videar oratione? Illud etiam quidem & gloriosum de eodem Archimede celebratur. Cum Cicero provinciam Ciceriliam Quæstor illustra-

ret, & incederet in Archimedis sepulcrum, tanti sc̃licitatem hanc habuisse Eloquentiæ principem scimus, vt in eâ per omne vitæ suæ tempus gloriatus fuerit. Multa alia de Archimede afferre possem, sed ex hoc ceteros Geometras conijcite, vos verò admittari desinite quæ fuerit Græcis sapientiæ principibus, tantæ huiusce facultatis scindæ cupido, quæ Platoni, quæ Pythagoræ, quibus amplissimam & castissimam fuisse Geometriam accepimus. Causa enim satis explorata videtur, & quæ ad utilitates plurimas & maximas generi mortalium allatas tota confertur. Ea enim est Geometria, quæ infimis, mediocribus & summis hominibus, & terrarum principibus utilis est ac necessaria. Quippe quæ agricolæ, nautæ, Imperatores, Reges ipsi, omnis homo generatim, & speciatim, infimas & sordidas artes, atque ingenuas & liberales tractans, indigeat, neque quisquam suum officium facere possit, cum a iquâ laude, nisi Geometrica consequutus. Huiusce artis præsidio, & elementis omnes latitudines, longitudoines, altitudines, profunditates agrorum, montium, insularum, fluminum, maris, adipiscimur. Eiusdem ope dimensionem, atque diuisionem, omnem in cœlo syderum per instrumenta obseruationem, omnem horologiorum vim, & ponderum rationem, omnem rerum apparentium speciem, iam variam ac multiplicem, speculis in fulgentibus, & in alijs perlucidis splendoribus apparentem, in picturis, in aquis, & in aëre variè illuminato prospectam accipimus. Huius artis facultate totius mundi machinæ medium ac centrum, cardinesque, circa quos conuertitur, inuenimus, & orbis ipsum figuram & quantitatem exploratam habemus. Huiusce scientiæ elementis vim cœli vniuersi, syderumque ratam & constantem conuersionem, ortum, occasum, abitum, reditum, ascensum, descensum, diei ac noctis, temporum toto anno per totum terrarum situm & circumscriptiptionem, & mundi ipsius inclinationem, tam mirabilem varietatem & vicissitudinem cognitam habemus. Huiusce scientiæ adiumento coniunctos & oppositos planetas, & aspectus varios, tam faciles & expeditos habemus, vt loca illorum in cœlo, & defectiones solis & lunæ, multò antequam sint, in posterum tempus Mathematici prædicere possint. Huius etiam artis beneficio, & elegantissimam totius mundi fabricam, ante conspectum nostrum positam, mentis oculis obiectam & obuerlantem videre possumus. Ac ne plura, quæ innumerabilia sunt, persequar, ad ipsam Empyreæ cœli, quatenus imbe-

Imbecillitas ingenij humani ferre potest. cognitionem & scientiā eius ope ascendere possumus. Atq; illud, quod incredibile est hominibus, & omni fide quasi superius, credibile fiet, & planum oculis ostendetur Geometricorum munere præstantissimo. Non longius abeam, quam ut istud credibile faciam, Archimedis ipsius testimonio, qui dicere non dubitavit, propter suæ artis præstantiam excellentem, quod portenti, ac prodigij simile videretur, si terram aliam haberet, in qua vestigium poneret, hanc nostram, quam incolimus, è loco se commovere posse. Cuius illud factum non est prætereundum, & ad Geometricorum vim agnoscendam, qui Syracusis, coronam ex auro argentoque confectam, quam Rex summā arte fabricari iusserat, non dissolutam, & singula auri & argenti pondera, quæ inter se artificis fraude ac dolo commixta erant, subtiliter ostendit & indicavit. Satis præclara fuerunt superiora ad Geometricorum laudes, sed ego non his contentus esse possum, qui diuinis volo contendere, Geometrica commendans. Quod cœlesti Dei immortalis testimonio diuinius? qui omnia suo pōdere & æquabili trutinā iustissimus & æquissimus examinavit, vtræ sacrarum literarum penè verbis, aquas pugillo mensus, cælos palmo ponderat, molem hanc terræ tribus digitis appendit, & montes editos & excelsos pondere colles à terra sublatos libravit æquabili lance statæræ ab utraque parte propendentis. Quid de cœlis dicam? recito testimonium quoque ad cœli fabricam elegantissimam. Quid tu, mi Deus, ex ore tuo loquente Vate diuino? dextera mea, inquis, fundauit cœlos. Quoddam testimonium cum habeam, nihil mihi opus est legibus, nihil Iuriconsulto, non probante solum artem hanc, sed magnificè commendante. Nihil nunc necesse est illos afferre Doctores, qui ex legibus ad hanc addiscendam facultatem cogunt artium studiosos, si suis facultatibus ac disciplinis vsui esse rebus publicis voluerint. Nam si hac Geometriā datur aditus ad alias partes & doctrinas, quidni cogantur & impellantur, Geometrica discere volentes, & appetentes ad alia studiorum genera progressionibus maximis aspirare? An verò dialecticem discam, quæ probat: Rhetoricem, quæ suadet; Mathematicam abijciā, quæ cognoscunt sua perspicuā valdeq; patenti demonstratione? Vna res, Auditores, restat, Dei cognitio, & altera, virtutis studium: vtramque ex Geometricis alacer & erectus petam. O magnam Geometriæ vim! O donum facultatis huiusce singulare! O mirandam stupendamque scientiam, omnibus

bonorum ornamentis redundantem! De virtute quid dicam, quam mensuræ contemplatione video mihi, vobis omnibus, cuicumque sanctitatis studio ante oculos obseruari, & in ipsis visceribus ac medullis inhaerere? An verò id dabo Arithmeticæ, ut omnem decoris, & dignitatis elegantiam, omnem iustitiæ & virtutis splendorem numerorum legeatque ratione contineri affirmem; id Geometriæ adimam, ut sui studiosos mensuræ consideratione non à vitijs abstrahat, ad virtutem reuocet; & in Dei sempiterni obsequium, cultumque mirificè conuertat? Contendit Arithmeticus, & bene quidem: Omne quod numeris astringitur, aptum est & venustum, & omnium ad se oculos, & voluntates allicit. Quod verò est numerorum lege solutum, id est fœdum & flagitiosum, & id boni omnes oculis & animis aspernantur. Quid est enim pulchritudo, nisi partium apta compositio, numerorum ratione deuincta? Quid est venustas in motu? quid in voce dulcis concentus & hârmonia, nisi numerorum p̄rata portione distinctio? Quid sanitas in corpore, nisi humorum certa numerorum lege atque dimensione consensus? Quid est denique (ne plura singulatim persequar) animorum concordia, virtutis elegantia, nisi numerorum modus, quo non solum cohærent & permanent hæc duo, sed ita concinna sunt, ut nihil in suo genere possit elegantius excogitari. Hæc ergo qui cogitauerit, modum virtutis adipiscendæ non ignorabit. Optima principia, processus mirabilis, ergo & complexio numeris suis astricta, non neganda in Geometricis, in quibus par ratio, & idem ius est, numerorum & mensuræ cognatione mirabili. Ergo adolescentes optimi, Auditores studiosissimi, quos virtus delectat, honestas allicit ad se sua pulchritudine, discite ex Geometriæ disciplina paulatim animum à cogitatione carum rerum, quas honestate non metiamini, prorsus abducere, ipsam metiendi rationem & modum, quò res singulæ terminantur, ad virtutis præclaras actiones, ad diuini numinis obsequium conferre. Discite intueri mentem, res cœlestes atque diuinas, & fœdus illud, quo omnia connexa sunt, & quo cœlū terris per media cum extremis apertissima ratione diuinalis copulatur, admirari. Discite cuiuslibet rei mensuram & rationem modo, atque ordine terminatam, & cum reliquis naturis mirificè congruentem esse, ut vos vestra facta, verba, cogitata modo & ratione Christiana, diuinis præscriptionibus, Dei voluntate metiamini; sic iusti, sic temperantes, sic liberales, benigni, mansueti, reliquis virtutibus præditi,

similiter

similitudinem diuini numinis referetis, vt par est, luculenter expressam. Atque vt vno verbo concludam, quod pluribus me demonstraturum esse putaram, de Maiestate diuini numinis, ad tanti Domini cognitionem & scientiam aliquam venietis ex ipsorum Geometricorum dimensione præcellenti? Quæ talem ac tantum proponit, vt infinitum Deum, nullis limitibus circumscriptum, principio & fine carentem, ipsam summam sanctitatem, qua nihil absolutius cogitari possit, nihil perfectius ex infinitate diuina metientes in omnes partes, oculis & animis proponere debeatis. Hæc cum cogitaueritis, cum superiora, cum laudes Geometriæ, cum illius antiquitatem, cum dignitatem & præstantiam, cum auctores, cum amplificatores, cum merita Geometrarum in Rempublicam, cum reliqua, quæ insunt in Geometricis laudabitis profectò, & in Academia, quem vobis commendavi, breuiter licet, tamen pro temporis angustijs, omnibus præmijs & honoribus tam insignem Geometram afficiendum esse videbitis. Quod quoniam prædiximus, in Aristotelem, illius laude ad publicam Physicorum prælectionem viam patefacientes, Eloquentiæ partem aliquam conferamus.



ORATIO IN ARISTOTELIS LAUDEM, EX ADIUNCTIS, ALIO- rum ope subsidioque argumen- torum.

SI quantum in armis tractandis, bellisque gerendis fortitudo, tantum in vrbibus rebusque publicis administrandis sapientia valet, immensum est id profectò, quod sapientibus debet infinita humani generis societas. Nam neque vrbes suæ, nec populi, nec prouinciæ, non Regna stare potuissent, & homines ipsi concidissent sapissimè, fatali calamitate conflati. Sapientiæ enim munus illud & consuetudo est à primis nascentis mundi cunabulis bene semper de humano genere merendi, iam inde ab illo tempore, cum homines dispersos ac dissipatos, & more brutorum animantium vagantes in syluis, ab agresti immanique vita in ciuilem cultum elegantiamque traduxit, & rectis ipsis, postea

Ecce ; mœnibus

moribus conclusis, leges & iura dedit ad suarum conserua-
 tionem amplificationemque rerum. Quod tot gentes in pro-
 uincias & regna distributæ, & suis Regibus aut senatui paren-
 tes abhinc tot annorum millia, bonis moribus ac legibus in-
 stituta declararunt. Atque ipsi sapientes, gubernacula rerum
 tractantes publicarum, & in celsissimis honorum sedibus col-
 locati, testati fuerunt in hodiernum usque diem, testabuntur-
 que per omne tempus, eodem officio semper ac munere, ma-
 gna sui nominis celebritate fungentes. Id quod in alijs sa-
 pientibus, tum in Principibus, maximeque in Aristotele sa-
 pientia lumine clarissimo, ab Alexandro victore tenarum
 potentissimo, tot honoribus affecto, spectare potuistis. De
 quo dum dico, quam in alijs sapientium laudibus, & honoribus
 eximijs solitis, & in hoc totius sapientia Coryphæo maxi-
 mo, mihi de sua breuiter recondita & plane miranda rerum
 cunctarum cognitione dicturo, animorum attentionem præ-
 bere ne desinatis. Neque nouum istud, neque vobis reprehен-
 dendum, alijs omisis, vel Christianorum Heroum, vel San-
 ctorum laudibus, orationis genus videbitur: cum in hoc volu-
 men & Cæsitum & Sapientum laudes ad Rhetoricæ exercita-
 tiones collata non deesse videbuntur. Et si quis ex sapientibus
 mihi cõmendandus fuit, hinc sanè fuit Princeps cunctarum, quæ
 cogitari possunt, veterum artium ac disciplinarum maximarum,
 & cunctorum scriptis, & Doctorum ore celebratus Antesigna-
 nus, & Orbis gentium Academiarum omnium dux præcep-
 torque præstantissimus. Qualis autem ac quantus fuerit Ari-
 stoteles, fama ac celebritas nominis emisit in Orbis gentium
 theatra celebriora. Quæ terrarum pars, quæ priuata studiorum
 officina, quæ publica literarum tabernacula, quæ Religioso-
 rum cœnobia, quæ tandem Academia, quæ priuata & publi-
 cæ bibliothecæ, quæ ora linguæque mortalium Aristotele Prin-
 cipe bonarum artium, & præceptore omnis generis literarum
 carere potuerunt? Et si quæ loca, si quis homo ijs caruit, luce
 carere dictus est sapientia, & in abdito tenebrarum loco iace-
 re. Quod enim genus literarum non tenuit, & summa cum præ-
 stantia? An Poëseos laudem desideratis, cuius cum alia opera,
 rum Peplum aureum, Epigrammatibus concinnis & ingenio-
 sis locupletatum, reliquit? An Eloquentia, qui tot libros Elo-
 quentia posteritati commendauit, quot nostis omnes? Qui au-
 reum Eloquentia flumen, & melle ipso dulcius Orationis
 genus fudit dictus est? Cui Cicerones, cui Quintiliani, cui
 Romani,

Romani, cui Græci tantum in Oratoria facultate tribuerunt, quantum certe quidem nemini? Longus nimis essem præter huiusce diei institutum, si cuncta studiorum genera, multiplicem & propè innumerabilem, quibus Aristoteles excelsit, literarum diuersitatem vellem consecrari dicendo. Nul- lum tamen cogitare fuisse scientiæ sapientiæque munus suæ ætatis memoriæque florentissimæ, in quo non summa cum laude versatus fuerit. Desideratis Ius Ciuile? legum peritissimus fuit, & quod Orator de Sulpicio, nos de Aristotele prædicamus: non Iurisconsultus fuit solum, sed iustitiæ. Medicina colebatur à veteribus, eam & didicit, & percalluit optimè, in eaque se exercuit Aristoteles Alexandri rogatu discipuli, quos orbis terrarum tulit, Imperatorem celeberrimi. Vultis Arithmeticæ, Geometriæ, Musicæ, Astrologiæ fuisse scientissimum? Pelagus fuit immensum atque profundum artium & scientiarum omnium Aristoteles. Sed hæc omittamus: loquamur potius de ijs studiorum generibus, in quibus & nos versamur, & quorum Aristoteles præ cæteris, ingenij monumenta posteritati commendauit, in Doctorum vsus præcipuos, & in sui nominis immortalem memoriam. Quæ cum ad quatuor genera reuocari possint, quorum pars eloquentiæ suasionisque rationem complectitur, his de iam prædiximus: Altera ad ciuilem, moralemque disciplinam pertinet: Tertia disserendi præcepta continet: Quarta verò arcana ipsius naturæ, ac rerum occultissimarum, & à communi hominum intelligentia remotissimarum causas rationesque explicat. Quibus de singulis, ac de nostris præcipuè Labyrinthis, & Mæandris inexplicabilibus, si dicturus essem, nunquam finem nostra proculdubio haberet oratio. Quid si, Auditores, loquerer de alijs innumerabilibus, quid si de tot exquisitis & accuratis ab eodem auctore relictis ingenij monumentis? Quot enim, Auditores, quot obsecro numerantur, & literis mandata, & ingenio elaborata prædicantur opera Aristotelis? Tu Cæli, tu Plini, tu Plutarche, vos Philosophi interpretes testes estis, qui me quidem in re tam testata, cunctorumque aures peruagata mentiri non patiemini. Amplius trecentos libros traditur Aristoteles reliquisse scriptos. Horum pro multitudine cum tam pauci extant, cum reliqui temporum iniurijs interierint, non dolebimus? non lugebimus detrimentum rebus literarijs allatum & damnum inuectum? O magnum Philosophiæ Principem! O profundum cunctorum

artium & scientiarum pelagus! O mare immensum & infinitum, & in quem Philosophum Deus Optimus ac Maximus, pro bono quidem postea Christianorum, & usu tam multo totius sapientiæ dotes varias & innumerabiles conferre voluit! Non immerito illud de Aristotele scriptum legimus, & audimus, in illum ea quidem, quorum particeps & capax esse potest genus humanum, (larga, quod aiunt, manu) contulisse Deum præpotentem omnia. Quis est tam parum in Academijs versatus, quis tam rudis & expers Philosophiæ, qui in ratione naturæ latentis & abditæ non primas audierit & legere fuisse delatas Aristoteli? Quis, qui non illi monstrum naturæ, prodigium sapientiæ, ostentum nec auditum, nec visum vnquam non acceperis? Dæmonium veteres appellarunt. Hec quod verbum audio? signo me sanctæ Crucis munio, Deus auertat, & tale monstrum amandet in inferorum suas sedes. Adeste quæso, & vim hanc nominis, quondam in bonam partem acceptam intelligite. Vt diuinum Platonem, sic nostrum Aristotelem Dæmonion, id est, diuinum appellatum fuisse putatote. Atque hoc nomine demonij appellatus fuit idem Plato, quasi diuinitatem sapientiæ consequutus. Dionysius quoque Homerum *Δαιμονιώτατος* appellat. Eodem nomine Reges quondam appellati fuerunt, Principesque terrarum potentissimi. Hinc iam nolite mirari Principem Peripateticorum fuisse celebratum Aristotelem. Desinite mirari Lyceum reliquisse suæ scientiæ testem, & monumentum insigne sapientiæ Athenis bonarum artium inuentricibus statutum, per omnem sæculorum memoriam Aristotelis celebritate commendandum. Mittite quoque admirari, cum audieritis Philosophum, missis nominis celebritate præstantissimis, misso Platone, misso quoque Socrate, intelligi recognoscique Aristotelem. Si quæ docti sapientesque de ingenijs, & descriptis iudicia fecerunt, magni æstimanda sunt, quas laudes Plato in Aristotelem contulit, quas de illius ingenio ac scientia voces misit frequentissimo refertissimoque gymnasio? Non cum ille in gymnasium venisset Philosophiam explicatum, conuertens in omnes partes oculos, & abesse cernens Aristotelm, clamabat: *ἀπείρο; ὁ τῆς ἀληθείας φιλόσοφος*, id est, abest veritatis Philosophus. Quid cum iterum abfuisset, non in altam vocē erupit, vt omnes exaudirent, *ὄντος ἂν ἤλθεις*, id est, non venit intellectus? Plura dici possunt, plura iactari de homine corporis

compagibus incluso? Non hæc hominem, sed spiritum attigisse visa sunt. Sed plura desiderantur: quæ quoniam auidè vos excipere video, dicam libentius quidem & auidius. Tuum nunc requiro testimonium Philopone, quid ais? quid testaris? Aristotelis ædes non aliter habitæ sunt ac lectoris, testante verissimeque celebrante Platone diuino. Nec mirum: sic enim Aristoteles excitauit Philosophiam, tam sublimem in gradum euexit, ut ad illius studium omnes ducti Aristotelis ingenio raperentur, & in hunc usque diem tracti fuerint, plusquam Herculis catenâ deuincti constrictique. Quid enim ille non consequeretur naturalium rerum inuestigator auidissimus, solertissimusque indagator, qui usque eo inuestigandorum indagandorumque auidissimus fuit abditorum naturæ mysteriorum, ut in illorum indagatione, bonus Philosophus mortem oppeterit, Philosophiæ penitus explorandæ susceptâ prouinciâ. Quippe qui Euripi septies die ac nocte reciprocanis naturam admiratus, causas altius secum librans, cum minus voti compos euaderet, animi ægritudine contrahens morbum, ex quo non convaluit amplius, in fretum præcipitem dedit se, præfatus Elogium: Quoniam Aristoteles non capit Euripum, Euripus capiat Aristotelem. Adeo, Auditores, Christianæ Religionis expers, putabat, licet falsò, fœlicitatem versari in reconditâ rerum scientiâ. Quem Philippus Macedonum Rex, quanti habere debeamus, testatus fuit, non tantum de filio Alexandro nato gloriatus suorum successore Regnorum, quàm de nato id temporis, quo uti posset, studiorum suorum Aristotele præceptore maximo, cunctorumque orbis terræ Philosophorum sapientissimo. Testata fuit eundem proximè patria, quæ beneficio Aristotelis, non instaurata solum fuit, sed maioribus aucta incrementis, alioquin diruta, non sublatura caput in perpetuum. Sed quid non ageret Alexander in Aristotelis gratiam, qui tot millia hominum Asiæ Græciæque totius in omni genere animalium inquirendo voluit occupari, ut nullum animale esset, omnium, quæ venatu, aucupio, piscatu alerentur, quæ viuarijs, armentis, piscinis, auarijs curæ fuissent hominibus, quod scientiam fugeret Aristotelis? Quid non tribueret summo Philosopho, qui tantum tribuit Homero, ut illius libris asseruandis inter Ipolia Darij Persarum Regis vnguentorum scrinium captum, quod erat auro gemmisque ac margaritis pretiosum, varios illius vsus amicis demonstrantibus, minimè sententias eorum amplexus, addixit atque deuouit? Quid

non concederet Aristoteli, qui Pindari vatis familiam penatibusque iussit intactos incolumesque seruari in Thebarum nobili, maximeque celebrata Historicorum Annalibus expugnatione? Fuit hoc, fuit proprium Principum orbis terrarum maximorum, inuictissimorumque Imperatorum, ut literatis hominibus illi multum tribuerent, quoque magis literati fuerint, plus honoris & gloriæ, & omnis generis ornamentorum, & immunitatum, & diuitiarum maximarum, & dignitatum, ac seipsos, suam maiestatem in literatorum ingenium iudiciumque contulerint. Platoni sapientiæ antistiti Dionysius tyrannus, ad feritatem immanitatemque propensus, vittatam nauim misit obuiam, ipse quadrigis albis egredientem excepit in littore. Athenienses Thucydidem in exilium missum, in clariorem dignitatem reuocauerunt, eloquentiam admirati incredibilem atque singularem. Quid Romani? quibus honoribus doctos & sapientes affecerunt? Non Cn. Pompeius confecto Mithridatico bellorum urbium, tot oppidorum, tot prouinciarum, tot regnorum victor gloriosissimus, non Posidonij sapientiæ professoris domum ingressurus fores percuti à litore de more prohibuit? & fasces lictorios ianuæ sapientiæ submisit. cui se Orientis Occidentisque solis regna florentissima subiecerunt omnia? Quid Cato Censorius? illos nobiles tres sapientiæ principes ab Athenis missos, audito Carneade, non statim dimittendos censuit, quod illo viro publicè argumentante, quid veri esset, non satis diiudicari potuisset? Quid Scipio Africanus? non statuam Ennij in suo sepulchro honorificentissime statuendam imperauit, populo Romano proponens visendam inter suorum monimenta maiorum? Quot omnes Romani, quot Senatus, quot Rhetores, quot populus Romanus de Cicerone iudicia magnificentissima fecit? Tecum loquor Cicero, te dicente legem Agrariam, hoc est, alimenta sua, abdicauerunt Tribus. Te suadente Tribus Roscio Theatralis auctori legis ignouerunt, notatasque se discrimine sedis æquo animo tulerunt. Te orante proscriptionum liberos honores petere puduit. Tuum Catilina fugit ingenium acutum & acre. Tu M. Antonium proscripisti, primum omnium parens patriæ appellatus es. Primum in togâ triumphum omnium meritus es, & cum summâ gloriâ linguæ lauream consequutus. Facundiæ, Latinarumque literarum obtipuisti cognomentum. Tibi Principes victo Pompeio summam

mam bellorum ciuiliū detulerunt, obtinereſque imperium ſi
 velles, & non abiiceres illud in tantā rerum Pompeianarum de-
 ſperatione. Tibi laureatos faſces orbis terræ Caſar, quoad vo-
 luſti tenendos conceſſit: tecum idem, cū ille vnus eſſet orbis
 terræ Dominus, cunctarum gentium Imperium communica-
 uit. Idem dictator hoſtis tuus quondam de te literis conſigna-
 tum reliquit, omnium triumphorum lauream adeptum eſſe
 maiorem, quanto plus eſt ingenij Romani terminos in tantam
 amplificationem propagalle, quam Imperij bellico ſtrepitu, ar-
 morumque horriſſimo concrepante fragore. Curæ fuit, & curæ
 quidem maximæ maximis Imperatoribus, & dominis terrarum
 potentiſſimis ſapientium laudem & decus magnis præmijs &
 honoribus amplificare, & pluris ſæpe quā ſuam dignitatem,
 aut, vt conſtat ex ſuperioribus, parem facere. Sed quid Monar-
 chas orbis gentium aſſeris, cū dijs ipſis non minori curæ fuiſ-
 ſe decorandæ ſemper ornandæque ſapientiæ, nobis fabulæ fictæ
 cecinerunt? Scitis Archilochum Poetam, magni quondam ha-
 bitum fuiſſe; atis interfectus fuit, propter cauſas neſcio quas.
 Huius mortem ægrè tulit viſus eſt Apollo, & in orbis terræ
 oraculo celeberrimo, multis audientibus, ne ea de re quiſquam
 celari poſſet, Delphis obiurgauit interfectores. Cū Sopho-
 cles Tragici cothurni princeps diem ſuum obijſſet, & in ſepul-
 tum iacere cadauer, probro ac contumeliæ verteretur nobili-
 bus, olim Libero fuiſſe curæ ſepulturam tradiderunt veteres.
 Itaque honore iuſſit affici ſepulturæ Deus hic Niſæ Thraciæ
 ſacrificijs & religione cultus idolorum. Id quod factum fuiſſe
 conſtat obſidentibus mœnia Lacedæmonijs, & ad Poetæ glo-
 riam illuſtriorẽ Lyſandro Regem per quietem monito. Plu-
 ra huiusmodi aſſerri poſſent, quæ licet ficta & commentitia
 videri poſſint, eiſmodi tamen ea ſunt, in quibus licet intueri
 magnam de ſapientibus opinionem habitam, & honores
 eiſdem omni loco ac tempore tributos. Quare ſinis ſtatua-
 rur testimonijs, quæ eò ſpectant, vt cū inter ſapientes prin-
 cipatum tenuerit Ariſtoteles, mirum quidem nemini debeat
 eſſe, tot ab Alexandro præmijs, tot honoribus, ac patriæ in-
 ſtauratione decoratum fuiſſe: atque eò, vnde digreſſa fuit,
 ad Ariſtoteles nonnulla testimonia reuertatur oratio. Teſtata
 fuit eandem cognitionem Ariſtotelis ingentem, quæ ſummo
 Philoſopho à Socrate multis in rebus arduis ac difficillimis
 fuit ſumma diſſenſio. Teſtata fuit eandem ſcientiam, quæ cum
 Platone

Platone ingens Aristoteli fuit, de difficillimis naturæ mysterijs, acerrimâ contentione pugnata pugna. Nam illa prætereo, quæ de Plinio iactata fuerunt, quæ ipsemet in suis monimentis libens agnoscit, suam Historiam naturalem, compendium fuisse, breuemque summam, quinquaginta de eadem re Aristotelis voluminum temporum iniurijs non extantium. At quem dicam Plinium? pelagus arcanorum naturæ penitus auditorum, & omnis generis rerum tanta cognitione, quantam admirantur docti homines, adumbrare tamen nequeunt quocunque aureo oratoriæ facultatis flumine. Testatum fuit eandem scientiam exilium, in quod profectus fuit, mente, quæ præditus fuit intelligenti, negans, & execrans idolorum multitudinem, atque adeo irridens. Cuius rei causa in iudicium delatus damnaretur procul dubio capitis, nisi procul Athenis excessisset. Testata denique mors, quam, ut multi tradunt obijisse fertur misericordiam veri, sempiternique numinis implorans, & causam causarum appellâs, ut sui morientis misereretur supplici quidem obsecratione precatus, quæ non solum Philosophum, sed Principem veræ Philosophiæ exitu huiusmodi terminata morte prædicavit. Qua de re nihil dicam amplius, nec de huiusce Philosophi, Principesque sapientiæ maximi laudibus eximijs, quàm ex his, quæ audiistis, excellentiam illius, principatumque vos posse recognoscere, ac multò plura me potuisse dicere, nisi iam ad exitum peruenissem, & ex his, quæ insunt in Aristotele, quæ vos audistis, & memoria tenere vos certò scio, vellem maximo in honore vobis tantum Philosophum esse: vobisque persuadere cuperem, munere Dei singulari ad scientiarum disciplinarumque maximarum doctrinam stabiliendam firmandamque fuisse donatum Aristotelem, ut illo nemo fuerit, neque esse potuisse videatur, neque Academia, neque rebus literarijs contigisse quisquam in suo genere præstantior. Hoc scripta Philosophi, hoc comprobatio omnis generis, & ordinis Doctorum, hoc Academia cunctæ, hoc cognomenta ipsi tributa, hoc Platonis laus & ingenium tam acutum, & ad omnes artes tam facile & plane natum, hoc postremo, quæ audistis præconia sine dubitatione clarum & perspicuum reddent. Ut Philosophum etiam permiserit Deus optimus ac maximus, humili patria, parente non admodum clario, quamuis medendi non imperito natum esse, nullis propè ante Alexandri tempora facultatibus iure hæreditario acceptis præditum, & hunc eundem facie deformi, ore balbutienti,

exiguo


exiguo corpore, immani gibbo sædatum, ut omnia hæc dotibus ingenij, literarum ornamentis ad generis humani commodum, & utilitatem sedulus & industrius conferret: Quibus in rebus, si virtus accedat, cum literati, tum cuiuscunque hominis & maxime Philosophi, ut recte philosophari dicatur, posita est veræ laudis absolutio. Hanc vobis veram Philosophiam cum virtute coniunctam præcor, à Deo Optimo, Maximo, ut vera sapientia & homine Christiano dignissima floreatis, & sitis de Republica bene meriti, cuius honores confectis vestrorum studiorum itineribus quàm ingenti cumulo consequamini. Dixi.

PRO COMPLUTENSI ACADE-
mia Legatos, qui Paranympsi dicuntur, præ-
mittente ad Licentiatos, locum Docto-
rum pro meritis acceptu-
ros suis.



Ctio literaria matris Academia Complutensis mihi filio suo, literis Latinis & Græcis instituto, & adolescenti vix quindecim annos nato ad Rhetoricæ præceptoris munus obeundum, inter Seguras, Metamoros, Ambrosios Morales, & Ildefonsos Turriuos recepto, non sine ingrati animi labe, prætermiſſa videretur. Quâ ne aspergar, doctos vos habere velim Rhetores optimos de huiusmodi officiosa honorificaque legatione. Hanc obire solet comparatus ac meditatus, sex ante menses, veteranus & exercitatus Rhetor in theatro Complutensi, omnis generis & ordinis & scholasticorum, & Doctorum reſertiſſimo ad Licentiatos siue in facultate Medicâ, siue in sacra Theologiâ renuntiandos suis in locis promeritis, & documentis progressionum suarum datis in publicis actionibus vtriusque disciplinæ. Ille venit, quanquam Magister mutata veste in habitum legati, elegans, & politus, ocreatus & calcæia gerens, cum galero plumis versicoloribus, accinctus gladio & sica, & tibiæ cantu acceptus obire legationem. Iubentur autem Licentiatii
post

post mandata cuique nomine Academiae delata adesse in D. III de fons templo, suorum accepturi præmia laborum, & oratiuncula breuissimâ, & redditis literis matris Academiae obsequatis. Post huiusmodi officium factum, unusquisque ut mandatum accipit pro antiquitate suâ, respondet oratiuncula breui, & elaborata, & gratias agens legato, & Academiae, prælectis literis, recognitoque signo, & quas explicauerat & aperuerat palam spectantibus cunctis, complicitis literis instituit oratiunculam. In cuius exitu matri Academiae se obtemperaturum esse respondet, quo iubebit die, & hora. Adfunt igitur omnes die & hora, & renuntiantur gradus primi, secundi, tertij, reliquorum ex ordine Doctorum, ad vltimum usque, & quidem concursu maximo, applausu & acclamatione summâ, concentu & modulatione tibiarum, cum illi stantes, & apertis capitibus medio in sacello expectent huiusmodi renuntiationes. Atque ut renuntiati fuerunt, in primo alioque loco collocatis lauream accipiunt ex ordine in theatro, præeunte actu publico & breuissimarum disputationum, & orationis disertæ & elegantis in Doctoris lauream habendæ.



ORATIO PARA- NYMPHI.

*Ad Illustræm Dominum Antonium Ildesonsum
Mendocium.*



E imprimis appello, Antoni clarissime, quem nobilitas generis, quanquam tuorum maiorum aulam sectari, & cum Principibus Hispaniarum versari, visa fuit admonere: in eamque vitæ rationem parentis tui Comitæ amplitudo forsan impellebat, natum tam illustri familiâ, tam claro parente, & Comite insigni; tamen viam literarum ingressus, in eum usque præsentem diem rationes omnes tuorum studiorum prouexisti, ut gradum Doctoris breuiter accipiens, de genere Mendociorum, de literarum studijs gloriari possis, Doctoris præsertim Complutensis insignibus ornatus. Quod ut sælix & faustum accadat honorifico literis & sapientiæ tuæ loco delato, & optant omnes, & vident venturum tibi
pro

pro tua maxima clarissimaque sapientia. Qui quemadmodum Splendore familiæ, & antiquitate tuis præis, & antecessibus competitoribus, sic inter illos gradus excellentia, locique principatu fortasse florebis. Quod inter tantos tamque insignes sapientia, Antesignanos, si tibi deferatur, ad generis fumosas imagines, adiunges Mineruæ cœlestis stemmata, tuo ingenio, tuis laboribus consequuta. Et quidem cum Mendociorum familiam tot titulis, & insignibus antiquissimis ornatam video, cum video tot Comites, tot Marchiones, tot Duces & Principes Hispaniarum, maxime Ducem Infantatus excellentissimum in tuæ illustrissimæ familiæ Regia prosapia Hispaniarum Regnis lucem afferre clarissimam. Video etiam Ecclesiæ Sedes Pontificias plurimas, maxime Pontificatum Toleranum Mendociorum claritate iam inde à primis nascentis fidei temporibus in Hispania, diuersis & florentissimis quidem temporibus illustratum fuisse: ut non solum Equites Lunæ claritate, & regijs stemmatibus conspicuos, & tam multo, præpotentique dominatu florentes Hispania aspexerit, sed Ecclesiæ Pastorum baculos insignes, thiaras auro fulgentes clarissimo, & crucis insigni eclato in sublime, prælatoque tanta cum amplitudine decorasse tui generis & familiæ clarissimæ Principes Mendocios, & ostentasse viderit. Quibus de cum gloriata fuerit Hispania, sperant omnes, qui præsentés sunt, de te Pontifice, & insigni, gloriaturam fore breuissimè. Quod ut videamus, diuino factum fuit beneficio, ut te in literarum studia, & in sacræ Theologiæ disciplinam conieceris, & ad hunc gradum lauræ iam accipiendæ fœlix & fortunatus perueneris. Cuius cum labores maximos, & actiones suas Theologicas mater Academia iustis ac debitis laboribus compensare velit, & de more suo veteri stato solennique die has mihi literas tibi reddendas reddit. Illas accipe, & ut ex illarum materia constat, ubi legeris, gaudebis magno opere. Accerferis enim & in Diui Ildesonsi templum cum omnibus hisce doctissimis tuorum laborum & curriculi Theologici confortibus, præmium, quod spectas, accepturus.

Cape literas, & Academiæ quidem signo
obsignatas.

Respon-

Responsio nobilis Antonij ad Paranympum.

VT me primum ad laureæ locum accipiendum vocasti, facunde Paranymphe, tua tam diserta, valdeque eleganti oratione, primus respondere cogor, agens primum immortales tibi gratias pro nuntio tam læto, tamque honorifico beneficio, quod in me conferre parat mater Academia, qua suos in filios, alumnosque carissimos benignitate solet esse. Quæ si mihi grata debet esse, si iam diu spectata fuit, & à sua liberalitate non aliena, nunc cum re ipsa spectetur, maiore me quidem gaudio affecit, & vinculo constrixit arctiore: imò ram arcto, quam quod arctissimum est in hominum passim, vltro citroque officijs præstitis, & in honoribus literarijs maioribus & amplioribus Academicarum veteri more delatis. De te quid loquar, qui munus obijsti, & honorifica maiorum meorum laude & laudibus cursim quanquam, pro orationis breuitate, decursis tamen amplis aded, vt eas attingendo plura, quam quisquam existimare posset, dixisse videaris? Non enim titulos Mendociorum insignes, neque fumosas maiorum imagines, non ditionis ram multæ, multum diuerseque patentem dominationem amplissimam, non sæculi huiusce gloriam, longè lateque vagantem, & dignitatibus Principum Ecclesiæ gloriosam prætermisisti. Quas enim mihi maiorum meorum thiaras, in Hispaniæ clarioribus Ecclesijs illustri splendore fulgentes attulisti, has omnes recognosco, & quem in finem attuleris, vt literarum ornamentis illustratas recognoscam, video planissimè. Sed quæ de literis, de laboribus nostris literarijs, de gradus expectatione præfagire visus fuisti, quod non abs re visa fuit præfagitio tua, quod aliquo statu, non Pythio, sed Christiano fuisse quidem illam simplex istetuis & apertus animus, quodammodo prædixit, in eam accipio partem, vt non falsam fore incipiat iam ab hoc tempore quodammodo te vate præeunte optimo verissimoque mea mens augurari. Post gratias Academicæ matri tibi quæ actas denuò nostræ Orationis exitu, referas à matrem Academicam, me illi mandato audientem fore, & cum tantæ gloriæ competitoribus adfuturum die & hora literis suis indicta. Quod verò ad locum spectat, eum, me ex illius liberalitate solitaque benignitate sperare, referre non obliuisceris.

ORA-

ORATIVNCVLA SECVNDA

Paranympbi ad Licentiatum Petrum

Antonium.




E Sin secundo loco, Petre doctissime, quem propter studiorum diuturna tempora, & multò ante Magistri gradum acceptum, ex instituto ac more veteri, proximum nobili Antonio de Mendoca accersiri iubet indulgentissima patens Academia: Ad quem legatio præsentam grata mihi fuit, & accepta, quàm quod gratissimum, & acceptum admodum. Quid enim honorificentius Academiæ nostræ, quid clarius ad solidam suorum Gymnasiorum gloriam esse potest, quàm te cum his clarissimis viris de gradu decertantem, ad Doctoris insignia vocari, insignibus ornatum breviter inter tot Partes, lumina suorum ordinum clarissima numerandum? Ecce ad tantum honorem vîtatîs concertationibus literarijs necessarium vocaris, ut de cathedra Theologiæ decertare possis cum sapientissimis Doctoribus postea, & præceptoris munus summâ cum Academiæ gloriâ, & honore tuo illustrissimò præstans, lucem afferas rebus sacris clarissimam. Hoc mihi crede tempus est, quod absolutis studijs publicis, Theologiæ actionibus susceptis, accepto huiusce sacre disciplinæ gradu optant alumni Academiæ. Atque ut omnia tibi cadant feliciter, cadere gradum præsentem ex primis optant, ut quâ opinione, qua expectatione; qua fama ac celebritate hominis studia prosequutus es in hunc usque diem, ascendas ad Theologicæ præceptoris provinciam sustinendam, prima vacuæ cathedræ quacunq; oblata tibi, de literis, de sacra Theologia tam bene merenti Doctori occasione pulcherrima. Quæ omnia si de te Doctor sapientissime sperant ordines omnes literarij, si sperant in studio sacre Theologiæ, si sperat tota Academia; si metuunt, si formidant iam ab hoc die candidati sacre celestisque Theologiæ, quid te commendem oratiuncula brevis? cum nondum Doctor, Doctoris munus fungi te velint amantes matris Academiæ; appetentes boni publici, & sperent quam brevis te in cathedram euehendum, & impetraturum ex præcipuis vnam cathedram, & ad primariam cursu

celeri te effendum, intelliges, quàm de gradu tuo spem inter doctissimos hosce viros habere possis, non dubio quidem euentu pendentem, sed quasi certam & exploratam, optimi, & ad Principem aspirantis gradus. Interim quò voceris, & vbi adesse debeas, literæ præsentis matris, Academiz te docebunt.

*Responsio Doctoris Petri Antonij ad
Paranymphum.*

Magna tua præstanque legatio, Paranymphæ eloquentissimæ, nomine n. atriæ Academiz obita, erexit animum ad maiora de nostro gradu speranda rei literariæ decora & ornamenta. Quorum si spes iniecta non esset, voluntatem tamen afferret officium tuum, tam egregiè ac studiosè obitum, in literario nunquam itinere, nisi prorsus exhaustis viribus, & animâ nostris in præcordijs conceptâ, nulla vnquam ratione deficiendi. Tantam enim propensionem omnis ordinis alumnorum in nostra studia planè perspectam, tantum studium, & inflammata nostrî nominis augendi voluntatem, tam apertas voces & exclamationem excitat, non ad gradum solum Doctoris, sed ad cathedram appetendam & expectandam magno suffragiorum numero, quis vnquam sperare posset aut auderet polliceri de homine, licet literarum aliquâ præstantiâ prædito, nondum tamen Doctoris insignibus ornato? Aliquid perspectum nostris in progressionibus, aliquid tandem publicis in actionibus sacre Theologiæ exploratum fuit, quod magnitudinæ suæ contineri priuatos intra parietes non potuit, sed erupit, & emanauit, & ad aliquam nostrî nominis gloriam, & ad nostram operam, & conatus in commodum & utilitatem publicam excitandos. Fateor antiquitatem meam, diuturnitatem temporis cum alijs studijs, tum sacre Theologiæ tributam. Et quidem cum fateor hanc temporis antiquitatem, quamuis in nobili Antonio vetustiotem videatis, multo ante me Theologum Doctorem futurum mihi sperare potuistis, nisi parentum meorum inclinata conuersæque res, & vnus mors, fratribus meis vrgentibus, à contento cursu per biennium auocasset. Sed feci quod necessario faciendum, vt parentibus paxgerem, cederem temporibus, neque fratribus deessem luctu ac
mœrore

maerore perditis. Qui postquam res omnes explicui, & meipsum expediui, continuo ad studiorum me cursum Theologorum reuocaui, & quos non potui nancisci condiscipulos in sacra Theologiae laurea biennium iam præeuntes, consequar fortasse de cathedra contententes, & ad Præceptorum munus anhelantes. Nondum enim aliquis eorum decertare cœpit, comparare se iam visi sunt. Et ego per tempus illud, quidquid temporis à negotijs patris vacavi, non intermisi librorum usum; neque lectionem sacrae Theologiae, quam potui adhibere, oblitus, ad has me præclaras Theologiae disputationes, ad actus omnes in Doctoris insigni conferendos sedulo nimis, & vigilijs nocturnis meæ salutis detrimento susceptis, omni labore ac diligentia comparans. Non immerito Paranymphe diserte, volens simplex & apertus esse, & nullo fuco, neque pigmentis rem, sed quemadmodum se habet, exponere, nullum adhibens artificium, ut suspitione vacares, artem adhibuisti dicendo, antiquitatis nostræ, & quod istius temporis minime videbatur, contentionum nostrarum immimentium, & prope præsentium mentionem honorificam facere non pertimescens. Quare prænuntio delato, pro utriusque rei mentione facta, gratiæ tibi, quæ debentur, & Academiae matri, à me nunc aguntur, & mandata, quæ defers, me exequuturum esse die & hora præstituta, eidem matri referes Academix.



ORATIVNCVLA TERTIA.

Ad Licentiatum Ioannem Aluarium.



Vnc verum illud esse video, doctissime Ioannes, quod literis traditum est, & sæpe ac sæpius experientia comprobatum, multum ad vim ingeniorum, & acrem acutamque iudiciorum intelligentiam valere patrium solum. Cuius si ac tenuis ac purus fuerit, acuta quidem ingenia, & ad intelligendum aptiora nascuntur: sin crassus & concretus, tardiora & hebetiora, & rebus literarijs prorsus inepta. Id eo spectat, ut quamvis Deus Optimus, ac Maximus. re

tot donis ac muneribus naturæ affecerit, & ad literas, & ad sacram præcipuè Theologiam aptis & habilibus, tamen nescio quam vim ipsa patria habuisse visa est, in referendo, & alendo tam magno tamq; præstanti bonarum literarum alumno. Quæ cum aere salutarî, tenui ac puro cælo, copia rerum omnium & ad usum & ad delicias abundet, hominibus floret floruitque semper acerrimo ingenio præditis, omnibus bonis literis imbutis, magnis Philosophis, Iurisperitis præstantissimis, Theologis eximijs, & Concionatoribus diuini verbi conspicuis: quorum illustri splendore, & Academiæ Hispaniatum insignes, & Ecclesiæ nostri Regni, & sedes honorum excelsæ, concilia Regum, & censorum sacræ Fidei, atque adeo Pontificum præfecturæ sacræ testimonium dederunt, & dabunt in perpetuum. Quod si nullum alium nobis virum præbuisset, nisi Ioannem & natum ad literas, decus & ornamentum Academiæ, nondum Doctorem, & iam expectum, & magna contentione appetitum ad celebriora huiusce oppidi, Ecclesiæ, & aliorum amplissimorum tuis concionibus suggesta decoranda, id satis esset ad patriæ tuæ claram & illustrem lucem afferendam. Atque cum ad concionandi vim, adiunxeris magnam Theologiæ concertationis cognitionem, ut ad cathedras in hac Academia contendere, cum summis Doctoribus decertare, & cuiusque sacrarum literarum scientissimo peritissimoque viro te possis opponere maioris omnino laudis est. Quibus de rebus in posterum, multo iustiora clarioraque testimonia, constare videbuntur, ut minimè mentiri constet, neque tuam scientiam augere voluisse dicendo. Quamobrem est, quod de patria, quod de ingenio, quod de tam multa rerum sacrarum cognitione, quod de præcellenti, quod non multis concessum est, concionandi munere gloriæris. Atque ita te compares in posterum ad hæc munera tam singularia, modis omnibus augenda, ut studio, labore, lectione sanctorum, & sanctorum Doctorum, utramque vim sacræ Theologiæ, & in concionibus, & in concertatione positam, nouis in dies accessionibus cumulare non desistas. Quibus duabus amplissimis dotibus lauream Doctoris, primum decus, & primum præmium laborum tuorum accedat. Ad quod vocaris in signe, præsentî Academiæ syngrapha, quam ut illa mihi dedit, idemque legatur, tuam in
manum, toto theatro spectan-
te urado.

borea, vigilias nostras, ad hæc patriæ, naturæque adiumenta magis ac magis augenda. Tu vero Paranymphe egregie, matrem gratias ages, quæ tanti beneficij magnitudo postulat, quâ summâ præditus es vi facultateque dicendi. Do id tibi, commendoque plurimum, ut omni officiorum genere, omni verborum apparatu responsum augeas & amplifices. Tibi quid respondeam nescio, pro mandatis mihi hoc tempore, hæc loci celebritate delatis: tantum dico, quoniam inopia verborum beneficium æstimare pro dignitate suâ non possum, illius dum vixero, nullo vnquam tempore, neque secundo, neque aduerso, memoriam me depositurum esse. Dixi.

*QUARTA ORATIVNCULA, PARANYMPHI
ad Licentiarum Ioannem Castrensem.*

PRæclarè hoc à natura comprobatum est, Ioannes doctissime, ut quam maiores artem tenuerunt, eam colant, qui sunt eius generis atque familiæ: quod naturali propensione ferantur ad parentum studia, & quas parentes sequuti fuerunt olim vel bellicas, vel literarias exercitationes, eas avidissime filij sequantur, vestigijs parentum insistentes. Quod ego mihi tacitus cogitans, mirari non desinam parentum bellica studia te reliquisse, complexum vero fuisse literarium, à militari tam procul abhorrens. Sed dum cursum Dialecticæ & Philosophiæ tuum, dum curriculum tandem sacræ Theologiæ confectum à te video, tam mira celeritate, tantis harum & artium, & celestis disciplinæ progressionibus maximis testatisque mirari magis debeo: & in nonnullis hominibus excellens ad omnes artes, & studia fateor ingenium inesse, confitimoque constanter, te non parum locuplete teste: ut qui sunt tuæ familiæ non vibrare solum gladios, contorquere tela, tueri castra, & impetus hostiles sustinere ac propulsare sciant, sed versare libros, res literarias agere, omnia bonarum artium & disciplinarum studia colere, ingenij documenta dare, & nullas non cuiuscunque facultatis, & doctrinæ exercitationes suscipere, & naturæ arcana scrutari, inuestigare difficultatem obscuram & latentem, & ex tenebris in lucem tandem eruere. Quod quoniam singulari dono ac munere cœlesti tibi concessum est, dici non potest vir sapientissime, quam tam tuorum studiorum delecta tu ipse in hunc locum adductus, & tuas literarias actio-

nes, concertationes, Philosophiæ & sacræ Theologiæ disputationes tanto acumine ingenij, siue oppugnando, siue refellendo habitas, & ad exitum vsque perductas recordantibus, admirationem attuleris. Floruisti equidem illis omnibus laudibus, quæ te ad laureæ locum insignem expectandum maxime clarum illustremque reddere potuerunt, intelligentia liberalium artium, cognitione Philosophiæ, scientia sacræ Theologiæ, & acumine argumentandi, & felicitate cunctorum argumentis faciendi satis, tam mirandum in modum, ut nullius vnquam animum tua responsione non expleueris. Dicam quod omnes sciunt, quod si præterirem, indigentia potuisses argui, cum scholasticus argumentarer pro peste, & obiceres sæpe ac sapius, neque vnquam te deficerent rationes, cum obisteres condiscipulis, cum illis te opponeres, siue respondendo, siue propugnando, & in gymnasijs, & in peristylis, tua quæ acrimonia, quæ celeritas, quæ solutio volubilitasque linguæ? qui concursus ad te audiendum, quæ laudes cunctorum, quæ admirationes, quæ præconia tuorum in te præceptorum? Quæ si scholasticus ostendisti, quid dicam quæ præstiteris, Theologiæ curriculo confecto? Ad actiones tuas, ut respondentem, & propugnantem; ad aliorum, ut argumentantem, opponentem, diluentem responsa aduersarij, adducentem vsque eò argumentum, ut prouehi non possit, neque perducii amplius videre possent. Et multi, qui non interfuissent, Theologicis illis actionibus conuenerunt, & aditus portæ obstructi videbantur, ut Doctoribus aditus non daretur venientibus, sine vi perruptioneque multa. Qui cum ex decertatione Theologica discederent, tuis laudibus Academiam vibemque complebant. Omnia tibi tam foelicia ceciderunt, quam quæ foelicitissima, ut de gradus præsentis foelicitate dubitare non possis. Qua, quo die, qua hora perfrueris, præsens Academia testimonium literarum, ad te suum alumnum missarum, docebunt planè. Lege literas, ut matri indulgentissimæ parere possis.

Responsio Ioannis Castrensis ad Paranymphe orationem.

Quanquam, Paranymphe præstantissime, maiores mei ætiorum viam sectati fuerint, eisque Christianæ Reipublicæ quantum adiumenti attulerint, & Præfecturæ militares, & imperia gesta, & nomen & insignia castrorum testatum posteritati reliquerint, tamen nescio qua animi propensione, à proavorum studio militari, ab armis tractandis abhorruerim, & totum me ab ineunte pueritiâ literis animo & voluntate deuouerim, & quidem parentibus meis iuuitis. Sed natura ipsa magnam vim habet ad insitam propensionem, & inhaerentem animo cupiditatem explendam. Vt quod tu facile in me vno declarasti elegantiam & splendorem sermonis, non arma, sed libros; non castra, sed gymnasia; non contentiones præliorum, sed decertationes literarum; non galeas, aut loricas, sed laureas Doctorum, & Epomidem optauerim; & ad Theologorum honores, à patris lauribus exul, inclusus in cubiculo, frequentans Academijs, diurnos labores, vigilias nocturnas suscipiens, hyemis vim omnem, & calorum æstus patiens, omni celeritate properauerim. Perueni iam tandem, quod cupiebam, & ultimos literarum honores, ab Academijs ipsis, atque adeo in orbis gentium amplissimo celeberrimoque theatro præstandos. Quæ passus fuero nolo adumbrare dicendo, qui possem ante oculos statuere commemoratione ac demonstratione, duobus Rhetorum luminibus fulgentissimis. Tantum dicam, sic me literarum studio flagrasse, ut neque redierim in patriam, neque in ipso patrio solo quemquam ex oppidanis, ex amicis, ex propinquis reuiderim, tantum abfui à fratribus, à parentibus, ab hominibus mecum sanguinis communione coniunctis, vel per horam & punctum temporis inuisendis. Quæ si ab studijs solent auocare multos rei literariæ studiosos, sit hoc mihi, Doctores sapientissimi, auxilio vestrum gradum appetenti ad locum aliquem honoratum inter hos sapientissimos viros assequendum. Valeat relegatio huiusmodi, & tam longum exilium ad nostrorum studiorum rationes, quo æquum est pondere, si æqui, si boni iudices essis, æstimandas. Valeat exilium idem cum locum mentis ipsis ingenij Philosophiæ, sacræ Theologiæ, totâ hac temporis diuturnitate datis coniunctum, ad veritatem & iustitiam suâ

tinâ æquabili ex omni parte pendendam. Valeat idem ad mercedem labori, vigilijs, publicis actionibus, ipsi denique virtuti iustam ac debitam, quo estis candore ac sinceritate persolvendam. Valeat id ipsum postremò ad literarum studium & æstimationem rebus bellicis præpositam, non ex hominum animis ablegendam, iustitiâ semper nostri gradus locum iustum ac legitimum prædicante. Nam si mei labores non compensentur, si huius exilij voluntarij ratio non habeatur, si existimatio tanta non in pretio maximo sit, quis ab alijs exercitationibus, quis ab arte militari, quis à questu mercaturæ, quis ab equestribus studijs abducer se, & quantum eniti & contendere poterit, ad literarum dignitatem animum transferret? Mitto quæ Paranympheus breuitate coactus orationis de collegijs tacuit, qui humanioribus literis imbutus, in liberalium artium collegijs, vbi virtute & ardenti studio vigent adolescentes, Dialecticæ & Philosophiæ operam, ut qui maxime nauavi, in horum renuntiationibus (quæ vulgò Licentiæ dicuntur) mihi primum locum contendenti in gradu honestissimo licuit consistere. Factus deinde collega trilinguis, quæ sedes eloquentissimorum Magistrorum altrix fuit atque parens, sæpe in theatri huiusce lucem prodij, nostrisque orationibus tanti loci amplitudo sæpe ac sapius personuit. Iam verò cum in Theologorum collegium ingressus fuisset, quis se mihi anteposuit? Collegam Theologum me maximum D. Ildefonsi collegium expetiuit, habuit, & honorauit, liberalium artium cathedram deportaui, ad Theologorum Doctorum contentiones vocor, si non primariam, at illi proximam cathedram meis, & aliorum præceptorum discipulis lætantibus, & efflagitantibus appetiturus. Vos Patres, meorum studiorum, huiusce enumerationis recordamini. Quò me vocat Academia Mater libens ibo, vestrum omnium benignitate & æquitate fræctus. Et tu Paranymphe eloquens, quod reliquum est meo, post gratias actas, nomine Academicæ respondebis. Cui obitæ legationis ergò tam sum obstrictus, quam qui de se bene merentibus, beneficij memoriâ sempiternâ.

Alias orationes addere possem, sed has exempli causa sat fit me adhibuisse. Hæc oratio per vnius horæ spatium habenda de laudibus Disciplina, ad cuius lauream vocantur Licentiati, antecedit. Laus hæc ad exercitationes bonarum

Academiarum posset conferri emula legationis elegantia, ac officiosa huiusmodi, quæ magnam vim, & ad excitandos studiosorum labores, & ad eosdem prouehendos, & ornandos mirificam speciem habet.

XX

ORATIO IN LAUDEM BEATI Ignatij Confessoris.

Ex fine, aliorum ope argumentorum.



Irum vobis P. G. sed planè iuendum videbitur orationis nostræ genus de laudibus Ignatij Beatissimi, præsentibus Rhetorum ferijs, totius Hispanensis vrbis gaudio, ac lætitiâ planè gestienti nobis instituendum, & ad finem vestrorum animorum alacritate tantâ ad exitum vsque perducendum. Nam præclaræ res & eximix admirationem afferunt: nihil verò neque maius, neq; præclarius afferre potuit hodierno die, quàm id, quodd cum summâ Sanctorum perfectione coniunctum est. Quo de meam in duas partes distribuens orationem, breuiter pro temporis angustijs dicturus, in hunc locum ascendi. Si queratis quæ sint, quamquam video spiritus diuini sectatores assequutos esse, tamen ad clariorem instituti perspicuitatem, & quod ita mos Rhetorum tulit, voluntatem Dei & gloriam eiusdem Domini vos intelligite, quæ duo suis semper in actionibus Heros iste sibi cœlestis proposuit, spectandaque deliberauit. Quæ materialicet longiorem desideret orationem, & plures pro magnitudine copiaque rerum maximarum, tamè ad temporis breuitatem meam orationem ex Rhetorum præscriptionibus conferam. Video enim apud quos dicam, qui reliqua omnia, quæ dicturus eram, quæque alius orator quicumque dicere potuisset, illustri maximaque rerum tanti Principis cognitione supplere poteritis, & nobis temporis consulentibus veniam non solum, sed laudem ex vestrà scientiâ merentibus dandam esse censebitis. A voluntate igitur incipientibus nobis, illud occurrit statim vobis non ignotum in voluntate Dei præstandâ mirificè positam esse totius sanctitatis

ratis & consiliorum Christi Iesu perfectionem. Quam Filius Patris Æterni declaratum generi mortalium pro suo maximo & cunctis ad imitationem proposito semper exemplo in hæc terrarum sola venit. Qui nihil aliud docuit, nihil fecit, neque cogitandum, neque præstandum cuiunque generi mortalium suæ totius vitæ sanctitate præscripsit. Id nobis humanæ naturæ societas in utero Virginis inita, id Natalitiorum celebritas, id sanguis octava die, resecta sanctissima carne profusus, id totius vitæ cursus, id itinera facta, suscepti labores, cruciatus ingentes, virgæ, spinæ, mors tandem appetita declaravit. Quid se quoties Patris voluntatem præstitum venisse dicit? Quid docuit ab immortali Patre cœlesti precatione postulandum? Quid ille præposuit in horto Gethsameni precans Patrem Æternum, ut cruciatuum diritatem, ut calicis acerbiterem, a se ipso auerteret, nisi summam suam divinamque voluntatem expleri vellet? Sic enim, ait, fieri volo, sic præcor, Pater Æterne, si tuæ Divinæ Maiestati collibitum fuerit. Quid in crucem sublatum, interiectus inter duos Latrones, extremum Patri suo spiritum exhalaturus voluit? Quid ostendit, nisi præscriptiones Patris, decreta maxima, ex sua tandem voluntate consummata? Hanc quàm egregiè præstitit Ignatius Patriarcha sanctissimus? Hic nihil magis voluit, nihil magis enixè contendit, nihil suis verbis, cogitationibus, factis præstitit, quàm summam sempiterni Domini voluntatem. Huc se, suasque actiones contulit: ad huius voluntatis divinæ studium ita totus incubuit, ut præter Deum, præter eius voluntatem nihil expectandum faciendumque curaverit. Mittamus alia testimonia, ex vno potestis omnia quidem æstimare. Opus pulcherrimum, magnificentissimum, tantum sanctitatis suæ monimentum, Societatis ipsius religionem cum cogitaret, cum institueret, nonne ex Dei voluntate potissimum esse voluit? non illud ostendit visio pulcherrima magnificentissimaque Patris æterni commendantis Filio servum & alumnum Ignatium? non Heros insignis audiuit verba, testes voluntatis divinæ, ex ipsius Christi Iesu ore profecta, se propitium Romæ futurum, Romam id temporis eunti, cum suisque recta pergenti Ignatio? non idem excitatus visione cœlesti rem in Pontificis manu tradidit? non ipsi Vicario Iesu Christi se suosque socios commisit, & addixit? non quarto obedientiæ voto Pontificiæ sanctitati, seipsum, suamque familiam saciam deuouit?

novit? non hac demissione, non istius facti religione, non tam excellenti obedientiæ vinculo, nihil se velle demonstravit apertissimè, præter divinam voluntatem, & hanc illius, qui celsitatem Christi, qui partes Dei tueretur in terris Vicarij auctoritate declaratas? Non hoc potissimum suis alumnis, & socijs, præscriptionibus, & literis commendatum reliquit in omne tempus? non cum illos sine perâ (quod vulgò dici solet) & sine viatico vicatim & ostiatim corrogantes mitteret in expeditones magnas, ex divinæ voluntatis nutu pendere solum voluit, nullis rebus, neque præsidijs humanis intentos? Sed audite testem vnum omnium magnificentissimum, & cælestium, quæ dari possunt, testimonium illustrissimum, d' tanti Patriarchæ in nomen cæleste voluntate nutuque spectante. Quid magi commune cuicunque generi mortaliū, quam suarum rerum amantem esse? quam operum suorum avidum & appetentem conservandorum? Agricola sevit arborem, plantamve, quæ tenera cum adulescere visa est, gaudet eam aspicere, respicit sæpe ac sæpius, irrigat, & ad suam avert prouehere altitudinem. Lyfander Rex manu suâ satum hortum quanti habuit? quanto studio conservandum putavit nitidum eius cultum? Atque Deus ipse hominis conservandi causa, quot & quàm illustria, quàm miranda, planeque stupenda semper opera patrauit? quòd illum ex limo & argilla fecerit? quòd ad suam similitudinem formaverit? quòd sui viuat & expressam effigiem, præ cæteris animantibus visendam spectandamque proposuerit? Pendere video vos animis, ac oratione præsentis suspensos spectare, quòd verba, quòd commoratio huiusmodi spectet. O mirandum cælestis Ignatij sanctitatem! O summum divinæ voluntatis exemplar! O veram præstandæ Dei sempiterni voluntatis normam præscriptionemque singularem? Instituerat insignis noster illustrisque Patriarcha Societatem Iesu, adoleuerat iam illa, & tanto cum odore, tanta cum fragrantia sanctitatis, & sparsa non solum ac diffusa Italiz, Galliarum, & Hispaniarum Regna tenebat, magno animorum fructu, suarum actionum celebritate mirabili, sed maria prætergressa omnia in ultimas Indiarum sedes, orasque peruenierat tot gentium diuersarum immanissimo Idololatriæ cultu addictarum omnino. Atque venit in mentem sanctissimo Patri, si opus hoc, si argumentum ingens virtutis Ignatij, & monumentum immortale, casu aliquo, vel

permisso

permissu diuino, ad explorandam spectandamque Ignatij sanctitatem solueretur & destrueretur omnino, quidnam ille doloris, quid mœoris capturus esset? At breui tempore, vnus duntaxat quadrantis interuallo colligens sese & confugiens ad orationem omnem animi sensum ac dolorem deponeret facillimè, (vri dicebat) certus de voluntate diuina. Attendite etiam quid addebat: omnino quidem, nec minimum vestigium, nihil sensus reliquum futurum in animo, tam peccato quidem animo, tam tranquillo ore, tam laxo vultu, ac si nunquam ille de Societate cogitasset, nec eadem ad se spectasset Societas vnquam. Sed quonam ille modo dicebat omnem se molestiæ particulam abiecturum esse? Equè quidem atque si sal in aquam coniectum, sic sentum omnem & cogitationem, futurum esse, vt ad nihilum redactum animo suo pacis, & tranquillitatis plenissimo spectare posset. Egregius Christi Iesu æmulus & imitator, maximus Virginis discipulus, vtriusque alumnus præstans, atque mirandus. Sic Virgo, Auditores, cognita Filij voluntate, expiatum se quauis lege solutâ ab edito Filio in lucem quadagesimo die venit in templum. Sic eadem Virgo cum Filium indignissimis modis tractatum, tot cruciatibus dilaceratum, sublatum in crucem, tot probris, & ignominijs affectum, aspiceret, mortem ipsius Filij vita sibi carioris ex Domini voluntate, robore ac magnitudine animi incredibili pertulit, atque nullum verbum hostibus & auctoribus tantæ crudelitatis faciens, ad Domini se voluntatem nutumque conformauit. Verus quidem Abrahamus, qui seipsum, qui filium mactare paratissimus, illum diuinæ voluntati deuouit, & transigeret quidem rem, nisi ab Angelo voluntatem diuini numinis accepisset. Hic est, Auditores, scopus, quod veri perfectique nostræ Religionis Principes has actiones, verba, cogitationesque contulerunt. Quare nolite mirari, si demissione tanta, si patientia inuicta, si mansuetudine, si comitate, si paupertatis studio, si caritatis ardore tam inflammato in proximos, in Deum fuisse prædicetur princeps iste clarissimus. Hæc omnia cum de voluntate Dei, & ad tanti Domini voluntatem spectare planè videret, nihil sibi iucundius, quam voluntatem diuinam mira semper alacritate præstare, homini præsertim tam amanti maiestatis æternæ, & illius gloriæ amplificandæ omni loco ac tempore, multum, nunquamque non studiosissimo. Verus equidem David ad Dei voluntatem totus factus atque conformatus insigniter. Verus Samuel.

qui

qui Domini dicto audiens tam incredibili inflammatoque ardore morem gessit. Verus Moyses, qui nutus Domini minimos spectans, populum eduxit è misera servitute Pharaonis, & eodem iubente mare rubrum virga patefecit, liberum præbenstransitum Solymorum genti, fluctibus ex utraque parte instar muri consistentibus, eisdem paulò post cœlesti virtute reductis. peditatum omnem & equitatum obruentibus Ægyptiorum, illorumque ducem immanem & effærum, scelus omne crudelitatis anhelantem, ad Iudæorum interitum properantem currentemque Pharaonem. Verus Noe, qui turbulentissima aliuuionis generalis tempestate, alacer & erectus cunctis in rebus terræ cœlique supremo molitori fuit obsequutus. Verus profectò Paulus, qui Christi duobus duntaxat verbis, confessum nulla mora Dei voluntatem se exequuturum, & nihil seipsum præter eam facturum esse, pollicitus est. Verus iterum Iesu imitator, & tanti Domini præclarum & insigne simulachrum, in Patris Æterni voluntate præstanda viuum semper & luculenter expressum. Quem nisi tam promptum, tam alacrem, & erectum, tam paratum, quæ vellet Deus immortalis, facere, ne minimum prætermittentem, nulla fugientem capitis vitæque manifesta pericula diuina maiestas aspexisset, minimè quidem tanti operis auctorem, Principem tantæ Religionis, Societatisque Filium sui, Parentem deligendum coaptandumque sibi persuadere potuisset aliquis ex Parentibus sacrarum familiarum. Vos Auditores id æstimare proteritis. Proponite vobis mentis oculis Basilios antiquissimos, & primos sanctissimarum Religionum auctores. Comprehendite Benedictos insignes, Brunos tam admirandos: recordamini Augustinos, Hieronymos. Potestis meminisse Franciscos, Dominicos, omnes Duces & Fundatores sacrorum Ecclesiæ Ordinum familiarumque sanctissimarum toto terrarum orbe celebratos, columnas Religionis Christianæ firmissimas, arces & propugnacula Ecclesiæ tutissima. Ad hos adiunctum Patriarcham inclytum & insignem Ignatium Loyolæ intuemini, & quod scitis, quod videtis, quod testari debetis, omnes, illorum similem, & imaginem expressam spectantes ex Domini voluntate factum, directum, & ad extremum usque vitæ spiritum mirabili stabilitate & constantia spiritu diuino ducente suscipientem suas actiones aspicietis. Quod ut videre planius possitis, Confessorem nostrum ad gloriam diuini numinis augendam totum incumbentem, si

me, quod adhuc fecistis, attentis animis audiat, rel' quâ vobis oratione proponam. Est hæc secunda atque vltima pars orationis, quæ gloriam Domini ab Ignatio beatissimo verbis, factis, & cogitationibus, quod perfectius & absolutius diuinam voluntatem præstaret, omni ratione quæsitam ostendit. Hic scopus, Auditores, perfecti Equitis Christi Iesu præstantiâ dignissimus, quantum vobis auditis ad audiendum, tantum mihi certè quidem alacritatis affert curius reliquæ orationis persequendi. In qua primum velim in memoriam redigatis, quæ de voluntate Domini quærendâ prædiximus. Hæc enim omnia magno fuerunt Beatissimo Confessori semper incitamento ad gloriam Dei omni contentione suis in factis quærendam, & ad illam, modis omnibus toto terrarum Orbe propagandam. Ad hanc enim cœlestem Domini gloriam illustrandam & augendam, quidquid agebat, quidquid contendeat, tanquam in scopum sibi præfixum mirabili alacritate, nulli quidem vnquam labori parcens, conferebat. Infederat quidem in sanctissimi Patris animo infixus & collocatus finis, cuius causâ gloriæ scilicet Patris æterni quærendæ Filius Christus Iesus in hæc terrarum sola descenderat. Quanto autem, dum in sæculo ante conuersionem suam gloriæ sæculi audior fuerat, traductus ad seueram perfectamque consiliorum Iesu disciplinam, tanto maiorem conatum ad Domini gloriam augendam amplificandamque sedulus ac vigilans honoris diuini cultor adhibebat. Cum ille submissione se maximâ gessit, & infra omnes posuit semper; cum de se nec verbum vllum proloquutus fuit, nec minimam elationis speciem præbens; cum fuerunt tempora, in quibus nec inanis gloriæ minima quidem aura, inimicus humani generis animum perterritauit; cum mentem rectam aded, & ad Deum intentam, suasque aded directas actiones haberet, vt ipsum Deum cunctorum Principem & auctorem, duceret & prædicaret suorum operum, quodnam aliud nisi gloriam diuinam in animo infixam habebat & inhærentem? Quam minima ducebat omnia, quæ sectatores huiusce sæculi magno in pretio habent, & semper habuerunt, inanissima fucati splendoris specie decepti, & cœlestium magnitudinem & præstantiam ignorantes? Cum loqueretur de cunctis honorificentissimè, de se verò nimium submissè; cum magnus alienarum laudum æstimator & præco singularis, sui ipsius, & suarum rerum contemptor assiduus atque constans esset,

quid-

quidnam porissimum nisi Dei gloriam augendam propagandamque curauit? cum ipsam fundaret Societatem, & ex instituto salutis proximorum procurandæ operam nauaret, quid aliud contendebat? quod mens spectabat, nisi ut nomen Domini clarius fieret & illustrius toto terrarum orbe? vos Hispaniarum regna, vos Gallia, tu Lusitania, tu utraque Castella, vos Aragoniæ Valentiaque sedes, vos postremo Indiæ tam multæ, tam multis in locis longeque distantibus, testes estis huiusce Ignatii Beatissimi mentis, institutique celsissimi, quæ non aliò profecto spectauit, nisi ad afferendam diuini numinis gloriam sempiternam. Non ea de causa certum est totæ des probationis, tot collegia ubique locorum fundata, tot domicilia Professorum ad gloriam diuinæ maiestatis extollendam spectasse? Quid illa seminaria, quæ tot diuersarum gentium, & Anglicanorum, & Germanorum, & omnis ferè nationum diuersitatis adolescentium, qui curæ studioque Societatis demandati sunt, quæ de causa ex Patriarchæ sanctissimi instituto, ex illius voluntate ac mente instituta sunt, nisi ad errores hæreseos extirpandos, ad adolescentiam bonis literis ac virtutibus, bonâ doctrina & Christi Iesu disciplina imbuendam, instituendamque? Qui omnes adolescentes sacris initiati, postea per suas vrbes, populos ac provincias diuini verbi semen diffundant, erroribus liberent obsecratos, & in obscuris hæreseos tenebris iacentes, & si opus fuerit, mortem pro Christi Iesu honore gloriaque tuenda libenter, & fortiter oppetant? Hæc quidem, quemadmodum prædixi, ita sese habent Auditores, & pulcherrimam gloriosissimamque istius scopi diuini materiam, & segetem vberissimam pepererunt adhuc Ignatio, & dum itererint suis fructibus magnis & præstantibus parient in perpetuum. Quemadmodum enim illi terra cœloque Dei gloriam amplificauerunt, mortes pro Religione gloriosas obeundo, sic Ignatii, sic sociorum Iesu, quorum literis, & virtutibus imbuti institutique ferunt, clarum & illustre nomen reddiderunt. Quot possem ex Anglicanis seminarijs Martyres conspicuos, quot Equites Iesu laurea Martyrum decoratos proferre, qui gloriam Dei tam eximium & altissimum finem spectantes, Ignatii Beatissimi doctrina, institutisque suis insigniter satis formati decus supremo Deo sempiternum comparauerunt? Quid dicam de Martyribus Societatis Iesu? quid de cæcis in Gallia? quid de masculis in Anglia? quid de iugulatis? quid de sublati in crucem? quid de exenteratis, de rapatis, &

omni Dei inimicorum crudelitate necatis? Quid loquar de proiec-
tis in mare post multos cruciatus, post infixos ictus,
post illata vulnera, post factas iniurias, contumeliasque im-
positas innumerabiles? Quid denique afferam de sodalibus
alijs in omni ferè India, omnibus pro Dei gloriâ tuendâ cru-
ciatibus crudeliter admodum dilaceratis? Minima fuerunt
mala excessisse illos ex populis, ex urbibus per summum de-
decus eiectionis, & ad carcerem, & ad supplicia, Idolorum sa-
cerdotibus virgentibus ac prementibus Reges ac dynastas suos.
Hæc omnia gloriam immortalī Deo pepererunt, quam Igna-
tius suis omnia ratione quærendam ostendit, ad vitam vique
cum sanguine profundendam. Familix, Auditores, habent
stemmata sua, leones, lupos, castella, flores, rosas, & alia,
quæ longum esset & infinitum numerare dicendo: sed Bea-
tissimi Patriarchæ Ignatii, quæ fuerunt suæ Religionis insi-
gnia, quæ signa ad internoscendam à cæteris sacris familijs
cõtribusque Societatem? Gloria Domini. Hæc vita, & spi-
ritus, hic decor, & ornatus. Atque ille suis in præscriptioni-
bus nihil magis commendat, nihil frequentius scribens, quem-
admodum & viuens faciebat, quàm gloriam Domini, quàm
honorem Dei, quàm illius decus sempiternum. Illud tritum
est, atque peruulgatum, Auditores, quod iactari solet, ut ne-
minem præterire possit, ex cordis abundantia homines ipsos
sæpe loqui, quæ intus in animis habent recondita & abstrusa.
Quæ magis amant, quæ sibi cariora sunt, de his loquuntur, de
his cogitant, & nesciunt aliud. Sic in animo Patriarchæ san-
ctissimo hæc inerant, ut aliud nesciret verbū proloqui. Quam-
obrem nolite quærere, quorsum & qua de causâ sub illius effi-
gie, aut supra caput legatis, quatuor illa verba: Ad maiorem Dei
gloriam. In his enim verbis summa quædam est, & compen-
dium vitæ Principij, & Fundatoris Societatis Ignatii: summa
quædâ est suæ virtutis, absolutæ perfectionis: summa consum-
matæ sanctitatis: summa rerum præclare gestarum: summa po-
stremo operum admirabilium, quibus orbem terrarum, terra
æthere in signis, sempiterni honoris diuini gloria compleuit.
Neque verba vitæ solum, sed mortis insigne fuerunt, & hiero-
glyphicum illustre. Cur enim è vivis excedere cupiebat? Cui
corporis istius ergastulo liberari? Cur in cælum euolare iam
tandem? An ut solum Beatorum gloriam bono duntaxat suo
acquireret? Hæc de causâ, Auditores, ut gloriam Domini, ut ho-
norem etiam Christi Iesu aspiciens, eius gloriæ tanto bono.

tantâ tam infiniti honoris magnitudine, gaudere posset, eisdemque Christo Iesu de tantâ gloriâ, de tanto honore, sine ullâ semper intermissione gratulari, ut iam id mirari profectò desinamus, qui audierimus sæpe Beatissimum Patriarcham quæsiuisse opportunitatem novos modos atque rationes gloriæ Domini propagandæ. Ut nos etiam iam mirari nihil nunc sit necesse in superiora intuentes, cum audierimus remissis libentissimè eundem Heroa celsissimum, absolutæ perfectionis magistratum insignem suas vultures, cælestes spiritus iuenditates, accessions gloriæ Domini cuiuscunque faciundæ causâ. Quid illa commemorem? Cum cælestes animo voluptates caperet, cum Deus mentem illius incredibili consolationum diuinarum voluptate perfunderet, cum postremò suis præcipuis donis ac muneribus cumularer, tacitum secum ea omnia tenuisse animo quidem abdita atque latentia? Quod nihil suum, nihil proprium duceret, omnia ex perenni, & inexhaustâ diuinâ bonitatis fonte profuxisse planè intelligeret, & omnibus vellet penitus intellectum, nihil vnquam nec minimum sibi, nisi à Deo esse concessum. O beatum virum, & insignem gloriæ Domini æstimatorem! O clarum & illustrem honoris diuini propagatorem! Quam præclare in animo impressum habebat illa, quæ Iosue ad Achan verba fecerat, hortans quàm amanter, & quàm suauiter, ut Domino Israelis gloriam impertiretur iustam ac debitam, nec quidquam ei mcelaret, sed patefaceret, & daret foras auidissimè? Quàm hærebat in animo Christus ipse, iubens discipulos, & in illorum personâ genus omne mortalium orare Dominum & opificem cæli, & architectum huius Vniuersitatis elegantissimæ, extollens nomen tantæ maiestatis, iubensque excelsum & insigne, præclaris virtutum actionibus, & factis operum mirandorum immortalibus reddere? Quàm infixus erat in pectore ipse Iesus alloquens Patrem æternum de perfecto iam & absoluto humanæ salutis opere, quod sibi mandatum fuerat, ad decorandam illustrandamque tanti numinis maiestatem? Quid illa Pauli? In intimis hærebant visceribus Ignatii, quibus recordari vult hominis pretij, & sanguinis Christi Iesu profusi, ad illos ex inferorum sedibus eruentes, & in cæli sedes restituendos altissimas, ut memores tanti beneficii, omni studio ac diligentia gloriâ immortalis Deo tribuerent, eius numen sempiternum summâ religione colerent, & omni pietatis studio prosequerentur, nunquam ex animo memoriam abijcientes, Deum dies noctesque intimis sensibus

sensibus impressum atque insidentem habentes, ut debitam referrent gratiā, bonorum semper & gratissimorum filiorum instat seles gerentes. Hoc semper visus est facere Confessor inclitatus, ut potum cibumque capiens, vigilans ac dormiens, quibuscumque in rebus occupatus, nihil ageret, nihil loqueretur, nihil cogitaret, nisi ad diuinum cultum, & immortalis Dei gloriam pertinens, omnia denique ille sua facta, rerum euentus suorum, & quancunque felicitatem, quoscunque progressus, & incrementa in Dei decus immortale conferret. Fuit ille insignis Jacob, qui gratias agens semper Deo maximas, seipsum præ diuinis beneficijs demittebat, tot ac tantis muneribus indignum, & multis interuallis longè imparem iudicabat: Egregius fuit Moyses, qui cum bonis & gratis admodum Israelis filijs laudibus Dominum singularibus affecit, mari rubro tactu vixit solummodò patefacto: Daniel verus fuit, qui visione celestis tam multā tamque mirandā nunquam sese extulit, sed semper gratissimus quancunque diuinæ maiestatis retulit acceptam. Videbat Pater eximius, ut Daniel in visione Nabuchodonosor Regis, sapientiam, fortitudinem recognouit immortalis Dei, & quidem dona Spiritus, munera, & prærogatiua omnes Sanctorum à perenni & inexhausto diuinæ bonitatis fonte profluxisse, id quod præclare. Quauis enim filij Israelis in prælijs acriter ac fortiter commissis victoriam ex hostibus reportassent gloriosam, ingenti inimicorum edita strage, tamen semper in illorum ore verba hæc, Deum percutere hostem, ut victoriam Deo referrent acceptam, & eidem magnificè glorioseque impertirentur honorem. Sed quid hisce testimonijs & monumentis gloriæ diuinæ proferendis tam multus videor? En fortissimum Machabæum, qui suis in periculis spem in Deo habuit, & illis liberatus, & ereptus omnibus malis depulso rem prædicauit Deum immortalem. Et iterum eundem Iudam Machabæum & sæpe ac sæpius, non pro captis præsidijs, non pro vno Timotheo deuicto, sed legioibus inferorum, pro Lucifero sæpe superato, & ad imas obscurasque regiones suas amandato, magnis laudibus Dei beneficentiam, & inuictam potentiam prædicantem. Sed mitto iam Machabæum, quo de si loquutus fui, id feci quidem fortitudinem Ignatij cum Iudā Machabæo recordatus. Dico te Beatissime Ignati ab ipsa Virgine instructum, quæ suam dignitatem, quæ gloriam, quæ decus Matris Domini, in Dei liberamentem eximiam contulit: te ab ipso Filio Iesu institutum in

inquirenda hac cœlesti semper & sine intermissione diuini tuminis gloria, & cum in omnibus sanè rebus, tum in occultandis, Deoque attribuendis donis ac muneribus acceptis. Quem cum videres iussisse discipulos in discessum vsque suum tacere gloriam diuinitatis patefactam & prolarare foras in monte Thabor, quid non pulcherrimi huiusce facti imitandi causa verus Christi Iesu æmulus & imitator faceres? Facio missam huiusce facti, & reliquorum imitationem. Sed inter alia gloriæ quæsitæ, & honoris Deo tributi decora & ornamenta, si non aliud haberemus, quàm tuæ Societatis, quo de superius copiosè, nomen cœleste ac diuinum Iesu, id satis esset, ad huiusce trophæi celsitatem generi mortalium non persuadendam solum, sed in eorum animis insigendam penitus, nullaquæ vnquam sæculorum omnium memoria, nulla temporum turbulentissimorum conuersione delendam. Iesum enim, Iesum semper Societatis auctorem & principem esse voluisti, prædicasti, recognouisti quæ clarissimè. Deus Optimus ac Maximus velit, Auditores, vt quem Beatissimus Ignatius duplicem sibi finem rerum omnium suarum, voluntatem cœlestem quæ Domini gloriam spectandam decreuit, nos etiam nostris in actionibus eundem scopum proponendum, & intelligamus, & modis omnibus nulla vnquam cum defatigatione & satietate curemus. Rationes omnes, laudes Ignatij, exempla superiora, illustria facta, monumenta gloriosa breuiter colligerem, nisi memoriæ vestræ fiderem, voluntati quæ ad vtriusque rei studium propensiori quidem, quàm à me vtraque fuit orationis parte demonstratum. Tu igitur B. Ignatij, qui sacros Apostolos, & inter illos Paulum Doctorem Gentium, Petrum Principem Apostolorum, Virginem sanctissimam, gloriam filij sui Iesu, Christum gloriam Patris æterni quarentem imitari, cum alijs in virtutibus, tum hac in ratione pulcherrima magnificentissima quæ voluisti, per gloriam, quam adeptus es Beatorum, per huiusce beatificationis decus, per titulos, quos adeptus es in cœlo multos, & insignes, per eosdem in his terræ sedibus infimis breuiter Romani Pontificis auctoritate declarandos, per gloriam, quam pluris fecisti semper, per te, per tuos omni loco ac tempore, diuinæ maiestati quæsitam, & tanto cum honore Christiani, Religiosi quæ nominis adeptam: Sic nos, qui tuis Ferijs ornandis, decorandæ quæ beatificationis celebritati, tanto concursu, tanto studio ac religione cōuenimus, tuis precibus tueri velis apud Deum immortalem,

ut gloriæ nullius magis, quàm Dei, quàm Christi Iesu, dum vixerimus auidi semper, & appetentes esse velimus. Sic fiet, ut quod de bonitate diuinâ speramus, & de patrocínio tuo, hisce corporis compagibus soluti, ad honorem & gloriam sanctissimæ Triadi cœlestem atque diuinam læti & exultantes & virtutibus ornati maximis, sine intermissione concinendam, in aula cœlestis domicilia conscendamus. Dixi.

ORATIO IN LAUDEM B.

Ignatij Confessoris ex efficientibus causis, aliorum ope argumentorum.



D satis esse videbatur P. G. ut Beati Patris Ignatij meritis, interim dum in Sanctorum numerum refertur, præsentis beatificationis testificatione ad illius virtutem sanctitatemque perspicendam, debitus honos prædicaretur, cum eius gloria testata sit & explorata Vicario Christi Iesu, qua auctoritate celsissima nullum maius, neque ceterius esse potest testimonium. Nam si Orator, ut Cornelium Balbum iure factum ciuem Romanum ostenderet, satis esse dicebat, fecisse Pompeium: Si Catoni omnes Romani, si Aristidi Athenienses tantam auctoritatem propter fallacem quandam, & fucatam virtutis speciem tribuerunt, quid nos diuinis oraculis instituti, quid literis sacris imbuti informatique faciemus aliud, nisi ut veram & expressam in Romanis Pontificibus Vicarijs Ecclesiæ cœlestibus Christi Iesu personam & veritatem ipsam diuinitus eminentem colamus, & suspiciamus humiliter atque demissè? Te colo ac veneror Paule Pontifex Maxime, hoc nomine Quinte, & quod de Christi Iesu milite gloriosissimo, de Ignatio Patriarchâ sanctissimo iudicium præstantissimum verissimumque fecisti, recognosco, commendoque ex animo, quibus modis possum, tuam potestatem, & ab immortali Deo facultatem tributam tollens in cœlum. Sed patere, quæso, æquo animo, da veniam hanc filio tuo, tuæque Sanctitatis cultori

studiosissimo, Pater sanctissime, ut ad tui iudicij magnitudinẽ
 ostendendam nonnullis allatis rationibus nostra præsens de-
 scendat oratio. Atque illud primum ex igne præsenti volo
 demonstrare dicendo. Quis enim ignis potuit clarior & illu-
 strior hisce florentissimis temporibus atque Ignatius Loyo-
 laus proferri? Quem ignem foras dare posset ad illustrandam
 Ecclesiam sui splendoris magnitudine magis clarẽ illucescen-
 tem, atque Confessorem Ecclesiæ tam inclytum? Qui sic à tra-
 ductione suâ illuxit orbi terrarum vniuerso, ut flamma ac cele-
 britate suæ sanctitatis, cumulo virtutum maximarum, multi-
 tudine ac præstantia miraculorum, insignibus diuinorum in suũ
 animum ornamentorum, trophæo tam insigni, monumento-
 que religionis clarissimo Ecclesiam per omnia terrarum loca
 illustrauerit? Qui nunquam à traditione sua non dicam ex-
 tinctus non fuit, sed nec minimum imminutus, nullam nec mi-
 nimam offensionem suscipere visus est, sed flammæ semper ef-
 fundere clariores & illustriores, crescereque in ingentem
 altitudinem, & tantopere nouis & clarioribus incrementis au-
 gen, ut tolli visus sæpe fuerit è terra, sæpe ac sæpius in medita-
 tione rerum diuinarum, & quod natura ignis fertur, superas re-
 giones petere? Qui sic se erexit in sublime, ut mediam aeris re-
 gionem, ætheris ardorem præteruictus, in cœlestem atque
 diuinum fuerit splendorem immensus, & claritatem sanctorum
 diuina luce circumfusus, inter Heroas cœlestes locum adeptus,
 radios diuinæ claritatis diffuderit in theatra cœlorum amplis-
 sima, terrarum omnibus spatijs infinitum in modum præstan-
 tia? Traductio fuit illius dono ac munere diuino, quemadmo-
 dum B. Francisci à sæculi vanitate, ut ignem cœlestem ac di-
 uinum diffunderet ac propagaret in omnia totius orbis loca,
 sedesque propinquas, atque disunctissimas. Verè quod As-
 sertor humani generis, quod Christus Iesus de se iactauit, ia-
 ctare potest filius Ignatius, eundem sibi Dominum concessis-
 se, ut flammæ ignis diuini de cœlo delati ad animorum sa-
 lutem, ad Ecclesiæ amplificationem, ad hæreseos flammæ
 extinguendas, ad gloriam Domini magis ac magis amplifi-
 candam longè lateque dimitteret. Veni, inquit, missus sum à
 Deo Optimo Maximo, non vllis meis meritis, sed dono ac mu-
 nere cœlesti, misericordia sempiterni numinis infinita, ad ig-
 nem in sola terrarum immitrendum, ut vitiorum flammæ de-
 leantur, illustretur in animis hominum gratia Dei sempiter-
 ni, decus immortale vigeat, Sacramenta frequententur, vexilla
 Christi

Christi Iesu inferantur, & penetrent ab Orientis solis partibus, in Occidentis vsque fines ultimos. Non Meridies flagrans & infestus, non Septentrionis loca relinquantur, infecta tot errorum lerna scelestissima. Cur non sic obibo partes has & illustrabo clarus & illustris vniuersas, sic dispersam & diffundam ignem hunc, vt gloriam afferam meo Domino, gratus atque memor quod igne illustratus sim sempiterno? Non id fecit Ignatius beatissimus? Quæ pars terrarum fuit, quæ tam propinqua, tam disuncta; gentes? quæ tam barbaræ, & tam immanes, & sanguinem sitientes, haurientesque humanum, quod non Ignatius ignem infuderit per se, per suos veræ sanctæque Fidei splendore collucentem? Lucerna illa, quæ Ioannem Baptistam præferebat, ardens semper & accensa, neque ventorum vi, neque procellis inimicorum, neque temporum iniurijs, neque coniurantium tyrannorum incursionibus, neque quibuscunque tempestatibus concitatis potuit minimum suæ lucis amittere. Baptista venit testimonium daturus, & illis temporibus, cum atra caligine circumfusi Principes veteris Legis in Ioannem conspiciuerunt: cum Herodes rabiem acuit, & inflammavit, caput à ceruicibus immani crudelitate præcidens. Quoties hostes vitam Ignatij appetierunt? Quoties in tribunalia detulerunt? Quoties deduxerunt in carcerem? Quoties in vincula coniecerunt, atque adedò in catenas, ferrumque intolerabile detruserunt? Quoties in illum falsa testimonia dixerunt? Quoties petulantissima lingua fuerunt confectati? Quoties postremò sic eam tractarunt, tam indignissimis modis, vt flammis dignum, ignibusque addicendum clamauerint atque contenderint? At ille omni virtutum multitudine magnitudineque præditus, omni robore ac patientiæ firmitate munitus, nihil tot ventorum vim insipientium, nihil procellarum furentium magnitudinem, nihil tot turbulentissimarum tempestatum fremitus horribiles metuens, Deo plenus, ac Domini virtute fretus, omnia libenter adiuit, audiens fortiter pertulit, perferens magnanimiter glorioseque superauit. Quod de Laurento Martyre Mater Ecclesia; nos de diuino cœlestique Ignatio, veniam facultatemque dante Paulo, magnificè concinamus, & tollamus gloriosis honorificisque laudibus in cœlum. Quid porro vis ab Ignatio Christe Iesu? vis illius in te voluntatem æquabili trutina examinari? Ille flammæ subijt iniuriarum flagrantes, carceris, contumeliarum, vitæ postremò periculorum

innumerabilium pro tui nominis gloriâ & honore propagando, igne tam multo examinatus. Quid non in illo fidel, quid non caritatis, quid non patientiæ, quid non omnis generis virtutum exploratum, non insigniter probatum, & tam multis quidem gradibus habuisti? Verè quidem Heros inclytus iactare potest, ignes & flammâs superavi, & tui nominis auxilio saluus semper & incolumis evasi. Tradunt historici in Cypri ærarijs fornacibus ex medio igne maioris muscæ magnitudine volare pennatum quadrupedem, appellatum pyraem, ab alijs pyraustam, in igne viventem, extra flammâs evasentem longiore paulò volatu, emori confestim. Quid afferam Hipaniam fluvium, Ponti fines præterlabentem, circa solstitium (atque æstivum intelligit) tum cum sol altissimus ferrur, flagrat & ardet ingentem in modum, ut æstare vehementior flagrantiorque nequeat, deferre acinorum effigie renues membranas, è quibus erumpit volucre quadrupes supradicti modo, nec amplius diem vivens, solis, id est, ignis tam ignis ardore carens? Quid afferam Salamandram notissimam, in lacertæ similitudinem, in flammis, & ex flammis viventem? Quid recorder tot ignium è veteribus decantata miracula? nō ista illa, legistis, Auditores, neque brevitatis istius orationis tantam multitudinem magnitudinemque rerum mirabilem, & valde celebratam capere potest. Ignis iste Ignatius inflammatus, ignis existens in cœlitum naturam igne diuino conuersus, alitur igne cœlesti, ardore flammârum divinarum, turbinibus & procellis inimicorum concitatis, & magnis in illum commotis tempestatibus crescit, alitur, & suam auget, & amplificat Societatem. Hanc ille doctrinam perferendi audissimus, & plura pro Christo patiendi certus admodum tradidit & reliquit: cum verò cum exemplo, tum literis consignatam mandatamque præscriptionibus Societatis Iesu, quæ instar Ecclesiæ, tanquam navicula in medio mari iactata, tot appetita fluctibus, tot tempestatibus vehementibus aded ac furentibus incrementa tot accepit, & amplificationem in dies maiorem, & illustriorem, age gratias immortalī Deo Societas inclyta, cuius beneficio, & secundum Christum Iesum ab Ignatio beatissimo Parente tuo, Filij Dei immortalis instar, armis patientiæ acceptis, tot laboribus, tot procellis, tot tempestatibus in hunc progressu locum ascendisti. Sic crevit Heros ingens tuus Ignatius, & ad Ordinem suum excitandum, amplificandumque incubuit: neque sine igne laborum,

rum, sine flammis iniuriarum, sine rogis tempestatum flagrantibus pro Dei honore, pro Christi leu gloriâ, conquiescere ullâ ratione poterat. Sic ad hanc beatificationis gloriam ascendit, cum cæteris cunctis virtutibus, tum patientiæ magnitudine, tum igne tempestatum turbulentissimarum æquissimo fortissimoque animo in extremum vsque vitæ exitum perpellarum. Ignis hic prædixit gloriam & decus huiusce dei honorificentissimum: ignis hic decus tam immortale cunctatum gentium studiis & animis lætantibus exhilaratum & exornatum prænunciauit: Ignis hic afferet voluntatem, multis iam signis exploratam, Pontifici Maximo Paulo Quinto ascribendi Principem tantum & tam excelsum in Sanctorum ordinem iam iam imminenti tempore, & quàm breuissimo. Quod si Seruio Tullo dormienti in cunis ex capite flamma erumpens regni prædixit culmen fastigiumque Romanorum; si Lucio Martio in Hispania interemptis Scipionibus concionanti, & milites ad vltionem exhortanti, ardens simili modo caput victoriam gloriosam tot regnorum florentissimorum sceptrâ superbissima prænuntiauit; si postremò Iulij Ascanij in Italiam iam appulsi caput flammis ardens flagransque pateraspiciens, & honorem Regni clarum & insignem, & victoriam de Mezentio, de Turno, de cæteris hostibus deportaturum se esse sperauit, & planè consequutus fuit vtrunque, atque ab vrbe Lauinio, Albaque conditâ Reges Albani, inde Romæ cunabula, denique superbissimum cunctarum gentium ac nationum Imperium Romanum consequutum: quid de Heroe hoc cœlesti ignibus tam diuinis non polliceri nobis poterimus? Sed quid non ageret Ignatius flumine fluctuum aduersorum contendens, & aquis tot procellarum maximarum, passim in se, in suos orientium, & alias aliarum consequentium, omniumque inuicta virtute repulsarum augens & amplificans ignem suum, flammamque cœlestem? Sed quid hoc, Auditores? quas aquas audio nominari? Quid aquarum vi flammâs & ignes augeri? Quid magis contrarium, & iofestum ignibus, quàm aquar? quid magis aduersum, & perniciosum flammis, quàm aquarum multitudo emissarum? An non incendiis maximis valde volitantibus, & longè latèque pervagantibus ædes quascunque flammis, protinus ad aquam confugimus? non comportari lebetes aquarum, non plenos alios & alios in flammâs crescentes ruentesque deiici videmus? non aquarum vi maximos ignes & flammarum

ardores extinguere? Quid hoc igitur, quod audio crescere Ignatij tam ingentes ignes, aquarum immensâ multitudine? Sic serres habet, Auditores: sæpè magnam vim etiam aquarum ad augendos ignes flammisque nactæ fuerunt. Non audistis in Riphæo erumpere flammam è petra, quæ pluuijs accendatur? Non etiam accepistis Thrasymenum lacum arsisse totum antiquis temporibus? non legistis flagrare in Phaselio e montem Chimæram, & perpetuâ diebus ac noctibus flammâ? Non legistis Peultijisdem in locis ignem illis accendi, & inflammari similem in modum aquâ non eadem? In Lyciâ Hephestij montes tædâ ardente tacti flagrant adeò, ut lapides quoque riuorum, & arenæ in ipsis aquis ardeant, alanturque illi flagrant ignes pluuijs etiam immanioribus. Qui si miramini hæc, multò magis mirari potestis, cum in medio mari Hicæ insula Æolia Italiæ proxima cum ipso mari arsisse per aliquot dies socialibello feratur. Hæc si narrantur prodigij loco; si hæc omnia stuporis penissima sunt; narrantur tamen ut visa, ut quæ fuerint & acciderint portentis, prodigijque similia; quid de Beato Ignatio narrabimus, quem Deus Optimus ac Maximus Filij sui vestigijs insistentem, & ab illis nec minimum defectentem, magnum absolutæ perfectionis generi Christianorum suorum agminibus voluit ostendere? Ne longius abeamus, ne exempla vitæ suæ plura proferantur, vel illud satis vobis esse debet, ut hoc in animum vestrum inducatis, quod cum ignis esset, & ardens, in stagnum ingressus hyemali tempore, cum omnia frigoribus rigeant, & collo tenus, ac nudus, aquarum frigidissimæ se merfit neque exstinguebatur, sed voces maiores quanta poterat contentione mittebat, ut hominem rectè pergentem, quæ solebat libidinum explendarum causa, à nefarijs impuritatibus abduceret; quibus tanquam facibus admotis animo flagrantibus ad se redijt, & à libidinibus, à carnis voluptatibus abstinuit in posterum. An verò, quemadmodum alij multi, ut Coronati illi, quibus de multa possemus dicere, tyrannorum & hostium crudelitate in stagnum confecti, frigoris immanitate, aquarum geliditate confecti fuerunt, Ignatius Confessor insignis non animam efflasset, nisi cœlestis ignis diuino numine cum aqua conficiens superior euassisset? Scitote, Auditores, quod Christi Eques insignis ad hominis impurissimi libidinem cohibendam coerendamque libens, & æstu diuino flagrans, subire voluit.

tormen-

tormentum id : tyrannos vero iuicio nascentis Ecclesie , cum Iesu cultores egregios in stagna gelida , & hyemali tempore , & rigente gelu , frigoreque præter modum omnem sæuiente ad spiritum adimendum coniecerunt , in fortissimos Christi Iesu Heroas per omne sæculus crudel tatem excreuisse. Sed quid mirum , quod ignem hunc stagnum illud non extinxerit , quem multarum aquarum vis infinita nunquam à traductione sua potuerit extinguere ? Fuit hoc , fuit proprium Sanctorum nullis fluctibus , nullis tempestatibus obrui , manere potius saluos semper & incolumes , & cœlestibus quidem ignibus ignes superare tyrannorum. Pueri commendantur , qui fornacis accensæ flammis ingentes igne suo diuino superarunt. Commendantur Tiburtij in eisdem flammis exultantes ac triumphantes gaudijs omnibus , qui aquis charitatis , aquis lacrymarum , aquis voluntatis immortalis Deo deuotæ penitus ignes extinxerunt , & Ignatio non dabimus , ut igne suo cœlesti scelestissimos tyrannorum ignes extinguat , & alias quasunque difficultates & pericula stagnorum aqua hyemali rigentium subeat , & superet inuictissimus immortalis Dei robore ac virtute munitus ? Vis illa charitatis & ardor inflammatus in Deum tot attulit Patriarchæ sanctissimo victoriarum , & operum admirandorum causas præclaras & illustres. O flagrantem Ignacij Loyolæ mentem ! O pectus æstu diuini numinis accensum ! O verum ignem , verumque charitatis exemplar ! Non miror iam Auditores , tot miraculis Heroa tam insignem præstitisse , qui tot patientiæ , & charitatis radices egerit altissimas. Quod enim genus miraculi cogitari potest , quod in Ignatio sanctissimo , in Heroe cœlesti mirandum & stupendum non reperiatur ? Vix ea profectò libri capere posse videbantur , vix librarij diuersis in locis mandandis , vix nostri patres sufficere poterant deferendis consignandisque miraculis instrumentorum auctoritate publicorum , quæ in Cantabriæ partibus , quæ in Valentis diuersis populis , quæ in Aragoniæ , quæ in Castellæ veteris ac nouæ sedibus , quæ in ipsa Italia , in vrbe Roma summa cum admiratione & Confessoris clarissimi celebrata commendatione gloriose patrata fuisse deferuntur. Testes sunt instrumenta plurima , literæque ex tam diuersis sedibus & gentibus locorum tam multo interuallo distantibus delatæ ,
signis-

signisq̃ue obſignatæ Prætorum & Scribarum, multarum vir-
 bium ac populorum. Teſtes Indiæ ipſæ, ex quibus noua quo-
 tidie miracula veniunt & deferuntur ad nos. Teſtes verba, quæ
 ipſi Cardinales ſanctiſſimæ Congregationis rituum & cæri-
 moniarum fecerunt in cunctorum Cardinalium conſellu, in
 ipſius Beatiffimi Pauli hoc nomine Quinti, Pontificis Maximi
 ore conſpectuq̃ue ſanctiſſimo. Teſtis ipſe Romanus Pontifex,
 qui cum videret canonizationem ipſam (ſic enim volo, vt om-
 nes intelligant, loqui) differri propter Borrhoniæ Cardinalis
 ſanctiſſimi cauſam nonadum expeditam, quanquam non a-
 berat multum temporis à tantæ, tamq̃ue ingentis gloriæ
 celebritate, tamen paſſa non fuit ſanctitas Beatiffimi Pontifi-
 cis fructibus iſtius beatificationis ad illam uſque temporis
 exiguam intercapedinem ſuum carere Ignatium. Teſtes po-
 ſtremò diplomata beatificationem teſtantia ſanctiſſimam, &
 iam multis meritis, inſignibus virtutum, trophæiſq̃ue deco-
 ratam, quæ miraculorum honorificam mentionem fece-
 runt. Et non te Beatiffime Paule, non te ſanctiſſime Pontifex
 amem, qui virtutem amplius, & ignem tam illuſtrem latere
 noluiſti, ſed emergere iam tandem ex occulto tenebrarum
 loco, atque adeò in ipſius orbis terræ incolarum omnium
 ore clariffimaq̃ue luce verſari, tuâ cœleſti auctoritate tantum
 & tam illuſtrem comprobante ſplendorem? Non te Patres
 Societatis Ieſu hiſce monimentis ad ſuorum miniſteriorum
 præclaras actiones, & ex inſtituto ſuo præclare ſanctæq̃ue
 præſtandas excitari colant, atque venerentur? faciunt quod
 æquum eſt, quod tua Sanctitas merita ſat certè quidem, &
 pedes Sanctitatis tuæ, quemadmodum parentes ſuæ Religio-
 nis fecerunt, quoniam diuerſis in locis commorantes, diſun-
 ctiſſimisq̃ue terrarum partibus Chriſtianæ ditionis agentes,
 oſculari præſentes non poſſunt, quòd poſſunt, id faciunt: id
 autem faciunt, vt animis tuam Sanctitatem complexi, abſen-
 tes illi omnes voluntate, quoniam aliter non poſſunt, ad genua
 tua prouoluri, demiſſè nimis & humiliter, obſequij ergo
 debiti, gratorumq̃ue animorum, propietate vim lacrymarum
 ingentem profundentes, ea ſuppliciter deoſculentur. Hæc no-
 ſtrorum Patrum ad Beatiffimi Pauli Sanctitatem verba: mea
 vero ad vos, Auditores, quæ ſequuntur in orationis exitu me-
 moriæ mandetis obſecro: volumus enim cauſas beatificatio-
 nis huiuſce animis veſtris, memoriaq̃ue non diſcedere. Quæ
 ſi ex igne tam illuſtri, & à traductione ſuâ tam clarè collu-
 cent

centi in exitum vsque vitæ perantur , tam claræ tamque insignes: si ignis iste, scilicet Ignatius, luce suâ tantum Ecclesiæ, & cunctis gentibus ac nationibus illuxit: si Ignatius, quod Christus de aduentu suo, id de se iactare potuit, se venisse in orbem terrarum , & à Deo missum ad ignem in sola terrarum inferendum: si verè per se, per suos intulit, & quod nunquam Romanorum , nunquam Alexandri arma penetrarunt , in eas partes terrarum ultimas lucem inferens , Euangelij Christi Iesu fidem sanctissimam intulit , tenebrasque mortalium animis offusas dispulit , atque disiecit: si quod de B. Laurentio Mater Ecclesia cecinit, nos de Ignatij examinatâ quidem, valdeque spectata virtute celebrare possumus: si patientia, si charitate , si cæteris virtutum maximarum ornamentis aded præditus fuit, vt cum multæ tempestates in se, in suum ordinem concitatae , perturbare non potuerint, omnes autem suo inuictæ robore ac constanti virtute superauerit: si tot procellis & fluctibus superatis, quot numerati non possunt, id constat, quod ille, & sua Religio sacra maiora semper incrementa cepit: si non solum ignes humanos igne suo cœlesti repulit, sed a quis in ipsis, id est, in perturbatis temporibus ignem saluum & collucentem conseruauit: si postremò tot miraculorum magnitudinæ & præstantiæ viguit, & viger in hodiernum vsque diem, est quidem vt Beati Pauli Pontificis maximi beatificationem præsentem, & tam illustrem, & tam insignem, testatam tot æquislimis iustissimisque cantis (quod gentes omnes ac nationes fecerunt) nos Ignatij sanctissimi filij præcipua religione veneremur, teque precemur, Deus optime, ac maxime , vt qualem te nobis hoc fœlicissimo beatificationis tempore præbueris, talem te in canonizationem proximam, & ex nutu cœlesti pendentem præbeas, & eidem suo tempore perquam breui, quod de tua bonitate speramus, Romani Pontificis mentem iniicias, quem Heroatum, defensorem Verbi , amplificatorem dignitatis tuæ, euerforem idolorum, depulsorem hæreseos, & hostem inimicorum Christianæ fidei capitalem, malleum hæreticorum fortissimum, recuperatorem Sacramentorum, restitutorem amissæ prostratæque tot in Prouincijs; Regnisque Religionis Christianorum præstantem Duccem Ordinis Iesu, tam insignem propagatorem Fidei missum, & à tua Maiestate Filio commendatum, tot pignoribus obsidibusque tuis diuinis notum, & insignibus tropheis que cœlestibus gloriosum, quemadmodum in Beatorum

torum cœtum retulit tuo nomine diuino ductus, in Sanctorum ordinem Confessorum, in Patriarcharum album ascribat, ascriptumque renuntiet sua Pontificiâ auctoritate, declaret generi mortalium vniuerso, vt quàm tibi Vicariisque Iesu Christi maximæ curæ sit, egregiè fideles cultoresque tui intelligant omnes, & virtutem ac veritatem coluisse Te videant ad Sanctorum merita patefacienda, & suis præmiis in terris honoribusque decoranda cœlestibus. Dixi.

ORATIO IN LAVDEM B. Ignatij Confessoris, ex Enumeratione, subsidio aliorum argumentorum.



Vdita vobis fuerunt, Auditores præstantissimi, quæ fama toto terrarum orbe, de sanctissimo Patriarchâ Ignatio, Pauli Beatissimi hoc nomine Quinti auctoritate in Beatorum numerum ascripto, detulit in urbem hanc Hispalensem. Res fuit eiusmodi, quæ ab vrbe Roma Alpes prætergressa in Aulam Regiam peruenit, & inde permanuit loca omnia in hanc vsq; urbem perueniens, post Galliæ, reliquasq; vltiores partes Romanæ genti viciniores suâ celebritate completas. Atque rem iam maria omnia peruagatam, vel in Indiarum omnes accessisse partes, vel non procul ab illis iam tandem abesse putatote. Nuntius in tantâ expectatione cunctarum gentium, atque nationum erat, vt propè singulos dies expectarent omnes, propter vota bonorum omnis generis hominum, & tanti Confessoris sanctitatē omnium auribus acceptam, multis vitæ testimonijs & miraculis passim testatam ubique locorum. Cum nos, cum omnes (quam vulgò Canonizationē dicimus) iam propè exploratam auidis animis expectaremus singulo in dies. Beatificationem, quæ gradus est primus, vnusque referendi B. Ignatij propior proximisque in Sanctorum numerum, Beatificationem (sic Theologi appellant) gaudentes lætantesq; accepimus: in quo magnam partem rei totius confectam, adiuuante Deo, cum è vadis emerferit, & scopulos præteruecta fuerit difficillimos, sine dubitatione nobis persuadere possumus. Quòd verò non statim actus vltimus Canonizationis transactus fuerit, & aliorū antiquiorum maxi-
morum

morum Heronum, & de Ecclesia bene meritorum, maximè Cardinalis sanctissimi Borromæi (quod omnes Romanæ Curix scientes ignorare non possunt) causæ prius ad Romanum Pontificem delatæ, dilationem hanc & moram asserre potuerunt. Quodd vero non ut contendebat Societas vniuersa, non ut multi Principes Christianæ Religionis, multi sacrarum Ecclesiarum cœtus per literas efflagitarunt; quodd non ut Galliæ Christiani, non ut Hispaniarum Catholici Reges per literas, per legatos contendebant, impetrare potuerunt in præsens tempus, impetrarunt tamen, quod proximum est, in Sanctorum declarandi numerum ascripti sanctissimi Patris Ignatij celebritatem: Vtque nondum expeditis causis superioribus, à quibus explicandis nō multum temporis abest, in Beatorum cœtum ascriberetur pro suis virtutibus, pro sanctitatis singularibus meritis, pro plurimis & ingentibus miraculis, ne tanti Principis solemnioribus celebrioribusq; feriis, dum interea Canonizationis honos accederet, suorum sacra familia careret alumnorum! O summa Dei Optimi ac Maximi benignitas! O singularis diuinorum consiliorum ratio! O miranda maximeq; veneranda omni religione Dei prouidentia! Qui dum tempus necdum est, dum abest Canonizatio, neq; suos, neq; Ecclesiam debito cultu, honoreq; cœlesti carere passus est: fecit enim ut Societas Iesu interim incredibili hac, atq; diuinâ lætitiæ voluptate perfrueretur, & duplicem lætitiā caperet, & ex istius die, & ex Canonizationis feriis solemnioribus, non procul post expeditas superiores causas, expletaq; postulationes absentibus, & iam hominum iudicio sanctissimorum imminentibus. Quid enim ille tuus vultus, & os benignum Patribus ostensum, tam lætum & hilare sanctissime Christi Iesu Vicarie, Pontifex Ecclesiæ maxime, quid tua illa suauitas & comitas, quid tua benignitas & pietas, quid verba facta, quid responsa parentibus nostris, Patri (inquam) nostræ Societatis Præposito Generali, Præsidentibusq; quatuor ingredientibus sacrum tuæ Sanctitatis palatium, & ad tua humiliter ac demissè genua accidentibus, & agentibus gratias immortales pro beneficio tam singulari in Societatem vniuersam magnificè liberaliterq; collato declarare visi sunt? Nonne respondisti quo soles afflatu diuini numinis, quo immortalis Dei instinctu Beatificationem decreuisti, te non pœnituisse facti, quin gausum te fuisse vehemèter? Nonne postremò dixisti, te in animo habere, nō hic cōsistere, sed longius progredi? Quonq; sanctissime Pater? vsq; ed quidem, quoad factam redderes omnino

omnino rem institutam. Vsq̃ue eò, quoad in Sanctorum numerum ascriberes, & quod Patribus Romæ, quod in diuersis terrarum partibus, quod in Regnis, Imperiisq̃ue omnibus, quod in omni orâ regioneque terrarum nostræ Societati vniuersæ quidem tam longè, lateque dispersæ omnibus terris, atque locis, à solis ortu in occasum vsque degenti concessisti, id in omnibus ditionis Christianæ finibus fidei nostræ cultoribus liberalitate magnâ diuinoque ductus afflatu concederes. Agimus tibi, diuine Spiritus, gratias immortales, neque agere vniquam desinet vniuersa Societas pro tanto in nos collato beneficio, tam ingenti, tam singulari, tam apposito, ad augendam latiusque propagandam Filij tui alumnorum nominis & gloriæ celebritatem: qui mentem dedisti Paulo Filij Dei Vicario in terris sanctissimo dignissimoque factum tam pulcherrimum, quæstionibus habitis, & probationibus legitimis, solitâ Cardinalium excellentissimorum, fratrumque suorum præstanti mirificaque consensione faciundi. Illa sane verba, de quibus paulò antè, atre tanto sunt digna, quæ prædicunt multò magis cumulandum, augendumque beneficium, & vt breuissimè dicam, quibus Sanctitas sua Patrum nostrorum expleuit animos iniectâ spe, propositaque expectatione Beatum Ignatium in numerum ascribendi Sanctorum, ritibus & cæremonijs Ecclesiæ, illa publica actus præstantissimi magnificentissimique actione gloriosissimâ; tot Principum Ecclesiæ, tot Pontificum illusterrimorum, tot Equitum, tot Heroum magnorum, tot Regiæ Imperatoriæ, ue Maiestatis Legatorum præsentium splendore, atque in totius vr̃bis Romæ celeberrimo frequentissimoque conuentu, Cardinalibus ipsis sua purpura fulgentibus, & actus celebritatem partim cohonestantibus, partim Pontificiam Sanctitatem adiuuantibus, cum Canonizationem ipsam sua amplissima celsissimaque Sanctitate cœlesti diuinæque religione celebrauerit. Id nobis, id Patribus Societatis nostræ, id vniuerso quidem sodalitiio prædicere visa fuit Pauli Beatissimi Sanctitas excelsa. Qui quotidie fecit potestatem Beatificationis celebrandæ, in ipsa primum vr̃be Roma Patribus nostris, nec illis solum, sed omnibus Presbyteris cuiuscunque ordinis ac dignitatis, qui nostram in ædem Professorum factum rem diuinam irent, faciendique sacri de Ignatio Beatissimo veniam potestatemque largitus est. At qui concursus illo die, Auditores, quæ frequentia? quæ multitudo virorum,

ac mulierum? Quæ religio omnis generis & ordinis? quam singulare studium Cleri totius? Quæ contentio concertatioque sanctissima volentium facere sacrum, interesse sacro solenni de Patriarcha faciendo non Pontifice? Quæ multitudo frequentatioque sacræ mensæ discumbentium? Quæ concio, & à quorà Reuerendissimo & omnibus titulis dignissimo Patre Generali Aquaiua, tanto concursu, habita de laudibus Confessoris Beatissimi. Qui motus, qui sensus cunctorum ab albente cœlo, in primam vsque horam pomeridianam? Quis fuit adolescens, qui vir cuiuscunque generis ac fortunæ, quæ matronæ honestissimæ clarissimæque, quæ illo die non concurrerint in templum? Qui Præsules, qui Patres Purpurati, qui Equites, qui Heroes magni, qui non venerint animos illius celebrare diei dulcedine completum, pastumque iucundissimè? An verò Legatos diuersorum Principum Christianæ Religionis abfuisse dicemus? An Legatum ipsum nostri Catholici, celsissimique Regis? An Legatum etiam Christianissimi Galliarum Regis illis Ferijs solennibus abfuisse dicemus? Attendite, Auditores, quod dicam. Pro miraculo habitum fuit, pro nouo inusitatoque prodigio, nullique alij sermones tota Vrbe iactabantur, quam quod nunquam auditum, quod nunquam ante visum, quod inusitatum prorsus, vt qui nunquam conuenire consueuerint, nunquam vni eidemque actioni interesse publicæ, nunquam visi in eadem celebritate conuenire, Hispaniarum, Galliarumque Legatos, hac in sacra solennique Beatificationis luce interfuisse viderint, admiratique fuerint omnes Romani; & quidem humanissimè concordissimeque, sine vllâ, quæ inter tantos principes haberi solet, de principatu concertatione locorum. Quo concursu? quâ celebritate? quâ cunctorum religione? videretis ingressus, reditus, mansionesque cunctorum, vt locus dari tempusque poterat. Videretis partim templum Professæ domus, partim sacellum maximum, partim cubiculum Patris Sanctissimi cum religionis ergo maximæ, tum sensu miro, motuque animorum obire ingredientibus constriatosque admodum, valdeque compressos totum diem, & per octodialia sanè certè continua. Horum religionem augebat ornatus templi, quod peristromatibus pulcherrimis, visendisque admodum ornatum per hosce dies videbatur, ex telâ filo aureo intertextâ illustri sua specie & splendore collucentibus. Quorum de pretio & æstimatione nihil dicam amplius, quàm sororem eiusdem Romani Pontificis,

ficis, studiosam nostræ Societatis, valdeque nostrarum rerum amantem, templi parietum interiorum, magnificentissimè sibi pro hac summâ in nostrum Ordinem religione, curam protin-
ciamque depoposcisse conuestiendorum. Itaque non modò ad morem Regium, sed ad magnificentiam Pontificiam (quæ summa est tantæ Dominæ potentia, & in urbem Romam dominatio potentissima) videtis eam ornasse templum interius vniuersum. Quo decore, ornatuque cum niterent parietes, tum tempulum ipsum, aræ ipsæ funalium claritate accensorum collucebant & illustrabantur? Qui decor altarium, qui nitor, qui splendor ornamentorum, quibus aræ micabant collucebantque clarissimè? qui odores accensi? quæ thuris fragrantia? quæ suffimentorum omnis suauitas ferebantur in cunctorum nares? Iam verò effigies multæ, tabulæ pictæ, signa nitida, & illustria, ipsum Confessoris inclyti simulachrum in veste non pretiosa solum, sed auro nitente, fulgente decoratum, cum diademate in capite ex auro purissimo fulgentissimoque quam præbebat speciem, quam maiestatem in Beati cœlitis habitum, formamque adornatum? Quæ illis diebus donaria, pulcherrima? quam visenda, quamque magnifica? Quod diadema eo die donatum tanti prerij & æstimationis? qui musicæ dulcedine compositi cantus, mirandaque suauitate redundantes, totam fornitem, testudinemque templi suâ iucundissimâ concinnitate, varietateque complentes? cœlitum ipsorum modulationes, & tanti Patriarchæ festos dies illis latissimis Ferijs in cœli palatijs omnibus cœlesti suauitate celebratos ante oculos Romanorum positos præferre videbantur. Interim suis statis temporibus tota urbs Roma iucundo hilarique cymbalorum pulsu personabat. Quæ si magna, si iucunda, si visenda proponebantur, & tanto cultu, religione, apparatu, splendore præstita fuerunt ipsa prima Beatificationis luce, ab eiusdem præeunte peruigilio, quid culta octodialium tota celebritate præstitum? Quid factum ad actus pulcherrimi religiosissimique concursionem, mirifico, ut pareerat, exitu terminandum? Non sunt, Auditores, superiora cum satietate repetenda, sed maiora, magnificentioraque fuisse putatore. Quæ omnia quantam Vicario Christi Iesu Paulo hoc nomine Quinto alacritatem adhibebunt? quemadmodum augebunt studium & voluntatem suam? quemadmodum accendent animum illius ad exitum vsque cacumenque Canonizationis sublimè perueniendi? Ille, ille, vel potius Spiritus diui-

diuinus animum mentemque dabit, suo tempore (quantum
 videbitis, qui biennium vixeritis) celebritatis omnino perfici-
 endæ, suisque tandem numeris omnibus absoluendæ. Quam-
 vum hæc omnis generis hominum studia mirifice consentien-
 tium, & ad cultum & honorem B. Ignatij conspirantium vota
 sanctissima conficiendam, perficiendamque prænu-
 tium prædictiones tellantur nostra hæc memoriâ singulares, &
 insignes sanctarum personarum mentibus visiones cœlestes
 obiectæ, quas vi spiritus ab humanis abstractæ, animorum ocu-
 lis cernere visæ sunt. Sed quid prædictiones has duntaxat nu-
 mero? Quasi verò afflatu diuino facta decreta Beatificationis,
 cœlesti numine edita oracula diplomatæ, & consignata non tē-
 stentur atque promittant? Quæ in quod usque tempus Beatifi-
 cationis honorem proditum concedendum & dandum osten-
 dunt? In illud usque tempus, quo auctoritate suâ rebus omni-
 bus expeditis, quæ propè iam in exitu sunt, Beatus in Sancto-
 rum album ascribatur Ignatius. Nimirum illud est, Auditores,
 vt Pontifices Pauli, quemadmodum Societatis instituendæ
 fuerunt auctores, iidem nomine diuino cœlestique prouiden-
 tia Principes sint ornamentis maximis, auctoris sui honorandæ
 vohonestandique Ignatij sanctissimi. Quis enim Societate Iesu
 nascentem, & vagientem suis in cunabulis comprobauit? Pau-
 lus hoc nomine Tertius Pontifex Maximus. Quis eandem er-
 tam primùm sexaginta sociorum numero contentam, augen-
 dam & amplificandam, omnium cætu qui cooptarentur, & sua
 datent nomina ad superiorum voluntatem sua auctoritate ap-
 probauit? Quis tot prærogatiuis, & immunitatibus, tot donis
 ac muneribus ornauit? Idem Romanus Pontifex Paulus. Quis
 etiam ad tot decora & ornamenta addidit plura, & superiora
 quidem sua auctoritate rata habuit, & valere iussit in perpe-
 tuum? Alter Pontifex Romanus hoc nomine Quartus.
 Quis postremo fundatorem minimæ Societatis, Parentem
 & Ducem Ignatium in Beatorum numero posuit? Paulus san-
 ctissimus hoc nomine Quintus, viuens modò & agens inter
 mortales. Quis ex fide sua, ex diuini Spiritus afflatu referet in
 Sanctorum numerum? Paulus hoc nomine Quintus. Scilicet,
 Auditores, vt Beatus ille Beatos efficit ex mente Dei immor-
 talis, ita Paulus Paulos, id est, Pauli officio fungentes hono-
 rare vult, & cohonestare suis donis ac muneribus, & ad mini-
 stria sua, ad instituti sui actiones magis ac magis in animo-
 rum salutem omni semper alacritate suscipiendas exemplo

Beatissimi Ignatij excitare voluit, & actus præsentis diuino beneficio tanto Patriarchæ iustum ac debitum Beatorum honorem inpertiri. Quo de quoniam agimus, tam solennis statæque diei Beatificationis amplitudo nobis exponenda est breuiter, quò magis in B. Ignatij studium & religionem accendami. Honos hic ex nomine satis constat vel inscijs Latini sermonis. Sic enim clarum est atque perspicuum, vt magis Hispanè rem ipsam ostendere videatur, quàm Latine, quam eleganter. Sed nimirum rebus his deficientibus ineunte sermone Latino, & adulto multos iam annos, postea præsentibus fœlicitate Christianorum accipiundum fuit hoc Beatificationis, quod rem ipsam planam reddit & perspicuam. Eò enim spectat, vt de bonis sanctisque viris in Beatorum numerum referendis agat. Qui gradus quam clarus est & illustris, & quamuis primus quoque gradus factus est ad Sanctorum ordinem renuntiandum, quàm honorificè paret ad illustres sanctos Heroas hoc nomine & dignitate decorandos? Dicat imprimis declaratio gloriæ consequatæ Beatorum. Hac primum, Auditores, fieri visa potestas est ijs Principibus clarissimis nos ipsos nostrasque actiones studio ac religionem commendandi, quæ illos in Beatorum numero esse, socios & comites esse Cœlitum, interesse cum Equitum diuinorum agminibus in aula cœlesti celsissimis spectaculis & honoribus ostendit, quòd Dei immortalis æuo sempiterno frui, quòd illius aspectum eos sibi peperisse, quod os Domini intueri videamus, atque certò sciamus, & tam certò quidem, quàm quæ certa sunt, quæque certissima. At cuius auctoritate? Illius, qui nec falli potest, neque alios in ijs, quæ fidem attingunt, in fraudem inducere. Ex Romani Pontificis auctoritate, ex Papæ sanctissimi decreto. At quem mihi Pontificem Romanum narras? Vicarium Christi Iesu; Vice Christum appellatum in terris, à Christo Iesu datum, & Præfectum vniuerso generi Christianorum, Parentem & Præceptorem communem, & ad aperiendas, & ad concludendas cœli sedes & domicilia cœlestia diuina potestate fungentem: à quo, cœu à corde sanguis in venas, vt à mari flumina, vt à fonte riui, vt à sole radij, ab igne flammæ, primordia nostrarum rerum, si aberrare noluerimus, cuncta capiunda sunt. Is, is, inquam, Vicarius Christi Iesu, noster in terris (vt ita dicam) Iesus, & noster, more, quem Christiani intelligimus, dictus & habitus Christus, Ignatium tetulit in cœlum ordinemq; Beatorum. Itaque hunc iam adire Patriarcham

sanctis-

sanctissimum nomine *Marris Ecclesiæ* possumus : huius implorare nostris in rebus opem : huius deprecari patrociniū, huic supplicare, huic nos commendare possumus, & huic non solum preces adhibere, sed concessum est potestate Romani Pontificis statas Sanctorum Horas persolvere, eidem Sacrificia facere, hunc Beatorum honore afficere, rem facere diuinam, & suas sacras solennesque Ferias ritu & cæremonijs Ecclesiæ recolere & instaurare. Quos tamen, Auditores, Beatorum honore afficimus, inter Beatorum & Sanctorum gradum assequutos, hoc interesse videmus, vt Beatis speciatim à nonnullis, vel à pluribus, quibus per Romanos Pontifices licuerit, statos Ecclesiæ honores tribui videamus, Sanctis verò vniuersè iam ab omni genere & ordine fidei Christianæ cultorum. Quod verò spectat ad finem consequutum, ad adeptam cœli gloriam, ad comparatum diuini numinis aspectum, nihil est quo dubitemus. Alioquin cur vt Beati venerandi? cur Beatorum honore colendi? cur ijs vota Cœlitum facienda? cur diuinæ preces persoluendæ? cur patrociniū eorum adoptandum? cur aræ excitandæ? cur postremò cæteri honores tribuendi? Quasi verò intersit hac in re inter Sanctos, & Beatos, nisi quoddam publica nondum actio exierit, & emanauerit in vulgus, Romanorum Pontificum auctoritate consignata, tum publicè celebrata in conspectu mortalium & luce clarissimâ? O magna Beatorum gloria! O dignitas celsissima! O decus insigne & verâ cœlitum, verâ Equitum Cœlestium celebritate condecoratum! Quos sic appellamus Beatos, vt Sanctorum iam gloriâ perfruamini; sic colimus eosdem, veneramurque Beatos, vt cœli sedibus altissimis, vestris honoribus diuinis ac cœlestibus condecorati sitis; sic honoramus Beatos, vt iam Sanctorum insignibus in cœlo, inque Dei aspectu vigeatis ornati; sic postremò prædicamus, & extollimus Beatos, vt cum in cœlo vestrum iam locum & honorem obtineatis, in terris Romani Pontificis declarationem, testificationemque expectemus. Quod vt intelligatis melius, Auditores, & Beatorum sitis studiosi, dicite per ea, quæ vobis cara sunt, si quis domi infans, vel statim atque prodijt in lucem, aquâ saluari ablueretur, non esset Christianus is iam? non si id temporis, vel statim, vel paulò post, atque sacra suscepit Christianorum, ex hac vita exisset, non recta euolaret in cœlum Christianus, & meritis Iesu in cœlum sibi aditu patefacto, & hoc nomine & honore Christiani afficiendus? Nemo vestrum inficias ire potest. Itaque vos confitentes video,

atque ita confitentes, ut fœlices ac fortunatos, tales infantes appelleris. Ad rem, qua de modò, excitate vestros animos, Auditores. Cum ij iam, qui Beati declarati, qui iam hoc nomine, & honore affecti sunt Pontificum auctoritate Romanorum, Sanctorum similes, ip'a solum in renuntiatione publica sint dissimiles duntaxat, quòd nondum actu celeberrimo renuntiati fuerint, neque internis honoribus insigniti Sanctorum, quid ergo restat ad Sanctorum decus? renuntiatione publica, ut ad infantum, quibus de egimus, publicæ matris Ecclesiæ ceremoniæ, ritu'que adhibendi. Quod idem vos videtis in ijs, qui nuptiarum domi societatem coerunt, qui sanè iam matrimonij honore coniuncti sunt, sed in Ecclesiam adducuntur, ut ceremoniarum Ecclesiæ, ut rituum solennium statorumque sanctitate non careant, Sed iam, si placet, illud in memoriam redigite, quod quotidie videtis in Academijs usurpari. An non cum Iuris utriusque alumni, cum sacræ Theologiæ filij curriculum suorum consecere studiorum, continuò animos appellant post biennium, quod intra repetierunt recolueruntque sua studia, post examinis iam periculum, post actiones literarias, & documenta progressionum suarum data, acceptâ iam laureâ Licentiati, probati iam calculis omnium Doctorum, ad insignia Doctoris capiunda, quotiescunque sibi collibitum fuerit, idonei sunt, & comprobati? Nemo hoc inficiabitur, nisi rudis & ignarus Academiarum, quique hospes fuerit, & ab instituto sanctionibusque solennibus alienus. Quid igitur reliquum ad Doctoris lauream, num aliquid scientiæ, num specimen aliud ingenij dandum? num in examinis alicuius periculum, seu discrimen venturus est Licentiatus? Quid ergo? solus apex, sola laurea restat, solum ceremoniæ reliquæ, ut in frequentissimo celeberrimoque orbis gentium Academiæ theatro Doctoris accipiat insignia maximi facultatis ipsius auctoritate Decani. Inde laurea, inde nomen Doctoris, inde insignis, & decus, inde postremò lustratio per vias publicas & loca celebrora ciuitatis. Quid ergo ad Beatorum gloriam perficiendam restat aliud, honoremque suis omnibus numeris absolucendum, nisi auctoritas publica, suis ritibus & ceremonijs confirmata, Pontificis Romani? Itaque cum Beatos renuntiatos, cum delectos audio Heroes ex hoc sæculo iam egres-
 sos, & cœli præmijs perfruentes, intelligo suâ laureâ donatos in cœlo: sed ad Sanctorum insignia renuntianda patefic-
 ri adi-

ri aditum, & designari suis breuiter insignibus ornandos in terris, vt id notum compertumque fiet generi mortalium, quod iam obtinuerunt Heroes in cœli sedibus, gradus & ordinis sui decus immortale. Quòd si res ita se non haberet, Auditores, an Sanctos istos, quos iam in Sanctorum numerum ascriptos colimus, & veneramur, appellaremus nomine Beatorum? Quid enim hoc esset, nisi tollere Sanctorum honores de medio? nisi priuare suis iustis ac debitis titulis? nisi imminuere decus & gloriam Sanctorum? An vos rectè, & è dignitate suâ appellaretis Principem eum, qui Rex esset? An bene nominaretis Regem, quem sciretis, quem videritis Imperatorem? Quid hoc esset, nisi euertere leges honorum, commiscere & conturbare titulos, & insignia Maiestatis Regiæ vel Imperatoriæ Celsitatis? Quis etiam vnquam Marchionem Comitibus nomine, quis Ducem appellaret Marchionem? Quantum, Auditores, ad Sanctitatis præmia, quantum ad Cœlitum honores consequutos, credite inter Beatos & inter Sanctos interesse hoc solum, quòd illi nondum renuntiatisunt Sanctorum honoribus auctoritate Romanorum Pontificum in terrarum infimis sedibus, Sancti iam lauream testatam ac declaratam Apostolicæ Sedis actione publica in ore claritateque cunctorum detulerunt. Dicant hoc cœlestes Spiritus, quos sine discrimine, & Beatos & Sanctos appellamus. Dicat præco Assertoris Iesu Ioannes Baptista, quem & Sanctum, & Beatum & dicimus & prædicamus. Dicant omnes Cœlites quicunque in aula cœlesti commorantur, & gaudijs perfruuntur immortalibus, & aspectu Diuini Nominis sempiterno: non hi Beati dicuntur? non afficiuntur nomine & honore Beatorum? Quis me prohibet, ne precando vel initio, vel progressionem precationis, cum animus caleat, & magis ac magis flagret æstu diuini amoris, & in Cœlitis, cui me commendem, studium & religionem accendat, quin Beatum appellem, & appellando Beatum, nihil de honore suo detrahā, nihil de summa dignitate? Sed quid hisce argumentis immoror? quid inuestigandis & afferendis rationibus dare operam videor, vbi tu mater Ecclesia das testimonium eorum, quæ à me prædicta sunt? Non tu in precationibus rei diuinæ, non in confessione eiusdem sacri, ipso statim in introitu Michaelis Archangelum appellas Beatum? At qui Spiritus? præcellentissimus, Dux & Antesignanus earum diuinarum mentium, quæ contra Luciferum gloriam diuinam tutatæ,

Dei robore cœlesti victoriam reportarunt insignem? Quis Spiritus? Custos quondam Synagogæ, modò defensor & vniuersæ custos Ecclesiæ. Te etiam iterum atque iterum appello Mater sanctissima, Virgo Maria, Mater Assertoris Iesu, Regina cœli, terræque celsissima, Imperatrix diuinarum mentium, non tu Beata, non Beatissima sæpe ac sæpius in rei diuinæ Sacrificio, in lectionibus tuarum sacrarum, solenniumque Feriarum appellaris? Te denique, sanctissima Trias, implo-ro, te testor, quæ eodem decoraris honore, & Beatissima diceris & sanctissima. O nomen Beatorum insigne! O decus & lumen Ecclesiæ clarissimum, & cum Sanctorum omnium laudibus mira cognatione congruens! Te ergo, Ignati sanctissime, ita dicimus Beatum, vt hoc Beatificationis nomine minimè detrahamus Sanctorum Confessorum gradum in cœlo iam consequutum, sed in illud tempus testandum renuntiandumque in terris expectemus, cum adfuerit, quod breue speramus fore, Pauli Beatissimi decreto, auctoritate, & actione publica, & quæ tuæ Societati potestas & venia datur, omnibus breuiter Sacerdotibus detur concedaturque generatim, & vniuersè. Interim gaudet tuo isto tam excellenti bono, frui gloria præsentis. Fruimini vos, Patres Societatis, fruimini cuncta Collegia, Ædes probationis omnes, Domicia Professorum. Est hæc Beatificatio ruborum instar vespertinorum, quæ breui solem clarum & illustrem, & vbi cœlum clarum atque serenum prænuntiant. Est hæc Beatificatio ignis ille, qui flammam citissimè tollit in sublime, & eximio claroque fulgore illucentem ostendet orbi terrarum vniuerso. Nos interim gaudijs lætitijsque exultantes, de Parentetanto, de igne tam claro, & illustri gloriemur, & Ferias iam datas, Beatissimique Ignatii Sanctitate dignas, apparatu Hispalensi, id est, splendidissimo magnificentissimoque post conditam urbem non aspecto, omni studio ac religione, tanto Patriarchæ dediti obstrictique, suorum alumnorum laboribus & beneficijs singularibus filijs prosequuti fuisse dicamur. Fecistis enim Hispalenses, quod vos, quod in vrbe tanta natos facturos esse cuncti sperabant, ne studio, ne religione, ne magnificentia à cæteris urbium maximarum & Academia-rum filijs superari videremini. Quid enim in Castella veteri & noua, in Portugalia, in Aragonia, Valentia, in Cantabria, cæteris in prouincijs præstitum fuerit, dici quidem non potest pro multitudine ac magnitudine rerum, noua, inaudita, ac pla-

nè super-


nè stupendâ. Atque si vrbes singulas vellem percurrere dicendo, libris opus nobis esset & ingentibus historiarum voluminibus: sed libri dati sunt foras, legite, versate, bene sumptus factos, & labores positos putabitis. Quid Madritum, Romanarum Feriarum acceptâ magnificentiâ, non fecit? Cum Catholici Reges Ferias cohonestauerint Magnatibus Aulæ Regiæ Regnorumque comitati, quid non lucis attulerunt, & splendoris? Mittamus pro fenestris lucernas, & funalia accensa, ignes omnes artificiosos, inuentas machinationes omnes, lustrationes nocturnas Equestres, simulationes personarum in Carpentana, Complutensi, Toletanaque vrbe. Eiusmodi cuncta fuerunt Valisoletanæ, Salmanticensisque Feriæ: quibus in viribus quoniam Academiæ sunt, verba deficient oratorem, ad scholasticorum spectacula, simulationesque personarum adumbranda. Illud prætereundum non est, nunquam post conditam Academiam Salmanticensem cuiquam visum, nec commemoratum vnquam, vacationes octodiales datas fuisse, intermissa literarum studia, officinasque literarias conclusas fuisse, dum dies Beatificationis læti hilaresque celebrarentur. Communia fuerunt edicta, communes omnibus in locis inuitationes ad solutas orationes, & diuersa Poematum genera, communes præmiorum distributiones. Neque de Sacris solenni ritu, concionibusque habitis quidquam dicendum amplius, quàm Mantuæ Carpentanæ Nuntium illustrissimum reuerendissimumque Romani Pontificis in Pontificio solemnî cultu ornatuque fecisse Sacrum; quem Pontifices multarum Ecclesiarum, diuersarum Diœcesum, pro sua in Societatem Iesu voluntate mirifica imitati fuerunt. Quid in Cantabria non gestum est vniuersa, & in oppido, patriaque Ignatij Patriarchæ potissimum? Vix apud se esse videbantur, neque viri solum octo dies festos continuos exhilararunt, sed pueri: quid dicam adolescentes? non mulieres, quæ natura sua pudore matronarum impediri possent, ab his celebrandis Ferijs continuerunt sese. Et quidem matutinis, vespertinis, nocturnisque temporibus suas præstiterunt, quas tempora ferunt delectationes, inuentaque iucundissima. Quorum non minore studio, si non omnia magna, tamen ex parte spectacula exhibita fuerunt: In Valentia pro Rege ipso celsissimo, Patriarchaque præcellentissimo sanctissimoque & nostræ Societatis studiosissimo, amobus ad Feriarum celebritatem ornandam, augendamque suis pro potestate modis insigniter incumbentibus. Quid de Por-

tugalia dicam, quæ cùm omni ornatu magnificentiaque floruit, tum miraculorum præalijs partibus, in quibus maxima patrocinio tanti Confessoris edita fuerunt, claruit & ingenti stupore præcelluit? Diuinitus hoc factum dicam, & singulari diuini numinis prouidentia, vt quæ alijs in prouincijs, populis, & vrbibus opulentissimis, speciatim facta perspectaque fuerunt, cùm in Bethicæ amplissimis vrbibus, tum in hac ciuitate Bethicæ capite, vniuersa congesta cernerentur, vt cumulus hic & coaceruatio accideret ad cunctarum decus insigne Feriarum. Itaque nulla fuit Ciuitas Bethicæ, qui huic officio celebratæque non faceret satis studiosissimè, religiosissimeque, & in rebus ad Ecclesiæ cultum, & religionem, & ad sæculi ornatum & splendorem omni varietate, quæ cogitari & adhiberi possunt, & diuersitate visendâ. Quarum vrbium, & totius Bethicæ Princeps Hispalis principem se ac verè Regiam præstitit, & ostentauit: quam vt caput, & Reginam expectauerunt reliquæ, vt illius se æmulas & imitatrices præberent. Quid enim Senatus Hispalensis, pro suâ vñitatâ magnificentia non præstitit? In cuius consilium simulatque delatum fuit de Ferijs huiusmodi, omnes præeuntem Prætorem Marchionem illusterrimum Del Capiò sequuti sunt, eique mirificè assenserunt, vt & funalibus ædes Senatoriæ nocte, quæ diem antecedit, accensis & ex ordine dispositis illucrent plateæ vniuersæ. Vt ignes artificiosi accenderentur, rotæ, machinæque alia, & tormenta papyracea medium æra præteruolantia, plurimâ dissimilique iaculatione, ad exhilarandam ciuitatem, ex porticibus superioribus, & ex fenestris in diuersas partes spectantibus sono tiliarum & clangore tubarum tota personante plateâ, frequenter dimitterentur, disploderenturque. Decreuerunt etiam Senatores, vt publico præconio iussi (& pœna non parentibus imposita pecuniaria) singuli ciues pro suis facultatibus lucernas vel funalia statuerent ad totam urbem illustrandam ardore multo, & ad diem veluti in noctis obscurâ caligine efficiendum. Decreuerunt etiam Senatores, vt tauri agitentur vna octodialis feria, publica que spectacula præberentur populo. Vt peristromata sua, & ornatum omnem ciuitatis in Professorum domum deportarentur feriarum ergo celebrandarum, eoque parietes templi interiores, quam partem nanciscerentur, pulchrè & egregiè vestirentur: iisdem ipsis aulæis illo die, quo spectacula in foro publico præbe-

præberentur, ornanda tabulara decreuerunt, in ingentem altitudinem excitata ad taurorum agitationes, ad ludos Troianos spectandos. Concessus vero Ecclesiarum sanctissime opulentissimeque, liberalissime magnificentiissimeque se gessit. Eandem cunctis Canonicis venientibus in sententiam, & statuentibus de communi consensione, ut totum templum maximum & turris ignibus artificiosis eadem colluceret, cantu tibiarum, pulsuque cymbalorum à Salutationis Angelicæ signo vicissim nocte peruigilij resonante, totamque complente ciuitatem, cum medio die peruigili in Regiarum feriarum & nati Principis more ineuntibus & auditis primò cymbalis templi maximi, reliquis ipso momento temporis correspondentibus, & vnà pullatis tota ciuitas personaret. Quod factum est, & in tam gratum & iucundum modum, ut præ lætitia vix apud se homines essent, sui prope sensus impotes, ad superas sedes animis sublatis plurimi, Religionis sensu ac pietate mirifica commoti, lacrymas tenere non possent, Beatum linguis vsurpantes, extollentes & euehentes in cælum. Ab eo tempore ciues concurrentes in Societatis ædem, ingredientiæ in templum, & in peristylum, vtrumque obeunt & stupentes omnia respiciebant, ut ab illo die omnes cunctis horis ac momentis ingrediendi egrediendique finem non facerent. Neque ornatus hominis ore, neque Oratoris eloquentia potest exprimi. Tenetis omnia, vos vidistis, & testes esse potestis locupletes. Quo de ornatu, cæterisque ad diem festum inuentis, & spectaculis, quoniam libri exierunt, adumbrantes ea ex minima parte, quoniam multitudinem & magnificentiam omnem humana mens capere non poterat, neque ego audacissimus omnium attingam: ne dum aliquid dicere aggrediar, in scientia & temeritatis arguar; Qui ubi humanæ facundia locus non fuerit, aliquis videri volens, fuerim planè nullus, nihil omnino dicens. Ergo nihil dicam de edicto ad præmia publicato, & cum lustratione tam honorifica, & Equitum Hispalensium, & alumnorum Minervæ in veste pretiosa, versicolore, & filo argenteo, auroque intertexta, opere Attalico, vel Phrygio elaborata prodeuntium, ad numerum accedentium ducentorum, extra florem Equitum comitantium & cohonestantium pompam lustrationis superbissimam. Nihil dicam de comitatu addito Academiae Hispalensis alumnorum, qui hanc tantam nostrorum multitudinem, tam illu-

strem ac nitentem exceperunt, obuiam occurrentes procedentesque in plateam vsque Senatoriam timpanistis, & tibicinibus præeuntibus, qui conuenientibus coniunctisque iam omnibus, ad quingentorum prope numerum, & illorum, & nostrorum musicis instrumentis vnâ pullatis platea personante, hinnitu crebro plurimoque equorum loca illa complente, tanta se effundente, ad musicæ sonitum multitudine, refertissimoque foro toto, vt numerum infinitum capere non posset, quàm longissimum latissimumque est, non ipsa fenestræ, non tecta domorum, non porticus superiores, non meniana, non pergula, quæ spectaculum præbuerunt mirandum, atque stupendum. Nihil dicam de castellis diuersis in plateis, machinationibusque sublatiis, & omnibus tormentis papyraceis ex omni parte confectis: nihil loquar de ignibus omnis ordinis sacrarum familiarum artificiosis: nihil proferam de cunctarum tribuum templis, & de turribus eisdem luminibus & lucernis nocturnis summa claritate noctis tenebras illustrantibus. Nihil asseram de personatum simulatione à nostris scholasticis, à vobis Auditoribus, tanta varietate, tanta dissimilitudine, tantis sumptibus, tam insigni specie & magnificentia præstita, & ad trecentos fere crescente numero personatorum. Tacebo lustrationem scholasticorum Academiæ B. Michaeli sacram, & numerosam, & artificiosam, & splendentem, & omnium tunicatorum, & gestantium manibus hastas & latas in sublime, portantesque compositiones in bellicam speciem, quasi congressorum & certamini sese offerentium, hastarum obiectu opposituque suarum, in multa luce & claritate fulgentium. Præteribo lustrationem militarem in D. Michaelis platea, simulatamque militum ad mille peruenientium, de Prætoris illustrissimi Marchionis Del Carpio, pro sua in Societatem mirabili propensione, mandato, conflictuum & tormentorum strepitu plateam tremefaciente, & puluere tormentario, nubem & tenebras obducente cunctorum oculis. Relinquo octodiahæ præmiorum distributione conclusa, porticibus Collegij Societatis Iesu, & B. Ermenegildo Regi & Martyri inuictissimo consecrati, aulæorum pretiosissimorum vestitu nitentibus & dialogo venustissimo concelebrata; in quo lepos ipse cum elegantiâ & candore comico decerrat. Facio denique missa peritromata varia multiplicique Poesi, Hieroglyphicis, Emblematicis, impressis & insignibus clarissimis accuratissimisque, quorum vna porticus tantam scutorum papyraceorum copiam ad solutæ

soluta; ligatæque orationis positionem, & aduersitatem continuit, ut quod nunquam in vlla Academia, quibuscunque spectaculis, visum fuerit, siue quadrata, siue rotunda, siue alia quacunque forma varia ac multiplici, valdeque diuersa sectione distincta fuerint, longè lateque diuerso colore rutilantia, adeo ut duceadẽ specie secta nõ viderentur, quæ mirabili stupendaque venustate, amplius ducenta hanc porticum ornauerunt, & distinxerunt. Hæc & alia taceo, auidum & sitientem Periarum Hispalensium ad librum datum iam foras & emissum remitto, dummodo præmoneam eundem, multa eorum, quæ à nobis animaduersa sunt, & hæc vltima Auctorem libri præterisse, quemadmodum in aris excitatis artem vnus mirabilem parum notasse visus est, dum in figuris aliorum altarium inhaerens, architecturam istius non mandauit, cuius exemplum plus triginta & viri sacrarum Familiarum & Moniales expressum sculptumque comparandum ad alias occasiones enixè vehementerque curarunt. Laudo tamen vos Hispalenses nostri, quorum magnificentia & splendore spectaculorum ceteræ vrbes Bethicæ torius excitatæ, tales ac tantas se præbuerunt in Beatificatione Ignatii Sanctissimi celebranda, de quibus nihil à me dicendum, non historici, sed oratoris partes agente. Vos vero cogitate his omnibus toto terrarum orbe gestis, & Pontificiam aulam complentibus, quam summè lætabitur Vicarius Christi Iesu, & ad Canonizationis acta conficienda quanto, pere excitabitur, si, quod vulgò iactari solet, conspiratio omnis generis hominum, habere visa est non raro, vicem oraculi diuini. Atque tu Pater Beatissime, Patriarcha diuine Confessor cœlestis, hanc tui studiosam Academiam, tuorum lacte nutritam, frequentantem literarum & virtutis tabernacula, tuo patrocinio tuere ac defende. Sic enim gaudent, concelebrasse ferias tuas, & auent literarum & virtutis institutori gratiam aliquam referre, ut ad Canonizationis tuæ celsbritatem orandam se totos comparasse, & eorum, quæ ipsis est in animo facere, prima iecisse fundamenta læti admodum & alacres arbitrentur. Dixi.



ORATIO IN LAUDEM BEA-
TI CONFESSORIS IGNATII,
Societatis IESV Fundatoris.
Ex eadem Enumera-
tione.



Ognita vobis esse sciens, quæ verba facta fue-
rint, de laudibus B. Ignatij Patriarchæ celsissi-
mi, hesternæ solenni Feriarum luce genera-
tim, faciendæ mihi video hodiernæ tantorum
Confessoris incliti studiosorum, auditorumq;
celebritate speciatim, laudem ad tres virtutes,

quoniam de omnibus habere nos orationem velle longum es-
set & infinitum, pro temporis præstituti breuitate reuocabo.
Atque illas demissionem, patientiam, & charitatem intelligi-
re. Quæ cum in omnibus Christianæ Religionis militibus spe-
ctentur potissimum, non erit ab re profectò in Ecclesiæ tanto
Principe, institutoque celebritatis suo nomini consecratæ,
præsertim cum vniuersè alio iam die dixerit orator, modò me
dicente vos omnes iucundè libenterque recognoscere. Atque
cum mihi primum de demissione fundamento Christianæ per-
fectionis dicendum sit: Valent in primo loco fundamenta ia-
cta suæ translationis, quæ non ab alia prius virtute sua primor-
dia duxit, quàm à celebri semperque commendanda demissio-
ne. Quæ si in se homine ex limo & argilla ficto, si in sua infir-
mitate debilitateque cognoscenda posita fuit semper atq; ver-
sabitur; quemadmodùm vir iste sanctissimus à lacrymis, & à con-
flictatione corporis, ab ipsa carnis vexatione, ab humili con-
tempoque vestitu, ab inopis, pannosique hominis squalore &
sordibus obducti, suum initium duxit, videamus. Hic illud sibi
potissimum curæ maximæ studioque diligenti fuit, ne quis es-
set, quo genere natus, quibus ortus maioribus, qua dignitate
præditus, quisquam nosse potuisset. Exuerat se pretiosis vesti-
bus, ijsque pauperem induerat, pauperisque centonibus latus
& hilaris corpus tegerat. Sed venit pauper in suspicionem facti
furci,

furti, properantibus iustitiæ ministris, & admotis equo calcantibus, quàm veloci cursu accelerantibus & properantibus, ut rem, quemadmodum se habebat, doceret Ignatius illis rogantibus. Verum ille paucis profectò verbis dixit, ut pauperem supplicio liberaret, cæterum de genere, de fortuna, quibus depercontabantur, quod nihil ad rem, nec pauperis interesset, sua verò maximè, in hominum silentio iacere voluit, nec verbum certe quidem ullum fecit. Hanc continuò altera demissionis laus consequitur. Qui seipsum contrahere cœpit, accusare suam miseriam & ærumnam, tollere animum in cœlum, seipsum accusare, dolere casum, qui nec facere quidquam bene potuerit, quod commodum pauperis esset, sine præsentis hominis periculo, & interuentu calamitatis, quæ factum illud contraminaret. Quasi diceret secum tacitus, quot huiusmodi factum fecerunt sanctissimi integerrimique viri, & multò profectò præstantiora, nec auditum fuit, quid exauditum? notum fuit; notum dico? occultatum potius, nec ad aures hominum peruenit, tenebris obductum obscurissimis, quorum nec tenuissima suspicio peruasit animos mortalium? Quid tu Nicolæ sanctissime, cum per fenestram prospiciens oculos pecuniarium nocte obscura in cubiculum intulisses, quantum silentium de eo facto? quemadmodum non exiuit, neque emanauit in vulgus; solum scienti facti maximi pulcherrimique, filiarum, quarum pudicitiam prostituerere constituerat, parente miserrimo, atque id noctem vnā altera consequente, quod in specula fuerat, ut obseruaret hominem, ut aucuparetur tempus, ut simul atque ille redisset, alterius loculi proijciendi immittendique causa properans exiliret, curreret quàm velociter, & cursu minime desisteret, quoad consequeretur, comprehensum teneret, & ad illius pedes abijceret sese gratias agens immortales: quas egit equidem, & multis cum lacrymis, & virum Dei appellans, vnicum suum remedium, auxilium filiarum maximum, subsidium famis & inopiæ, defensorem pudicitiae, factorem virginum, malo suo tanto, cum probro illatum, & offensione diuini numinis, quaestu libidineque foedissima vulgandarum. Non idem contingeret Beato Francisco, quod mihi Ignatio accidit, cum vestes suas cū paupere mutauit sericas, pretij & æstimationis maximæ, pluris suas diceret æstimandas, & carius fortasse. Ita secū Ignatius: quæ si magnæ fuerunt

runt facta demissionis, quid illud, Xenodochia Ignatium incolere, cum pauperibus agere, cum eisdem cibum potumque capere, & illorum non horrere pædorem, non fastidire squa-
lorem & sordes, humi cubare, sub dio multas noctes, & in po-
dijs, & hyemalibus noctibus, & nudum prope, sine calceis, si-
ne tibialibus, subligaculis aliquot refartis propter honesta-
tem, & famelicum, & expositum tor frigoribus, niuibus, &
tempestatibus horrendis? Vbi Ignati maxime illa cura texen-
di comendique capilli? vbi delibuti intortique capilli? vbi bar-
ba nitida, & diligenter adeo pexa? vbi corporis totius orna-
tus? vbi collare subuculæ suis inflexionibus accuratione sum-
ma sinuosum, arque concavum, rigidens admodum, & suis
conditionibus incrustatum? vbi thorax politissimus? vestis bre-
uior, & militum, & aulicorum? vbi cingulum constringens, a-
cerimeque comprimens, ad elegantiam gracilitatemque spe-
ctans? vbi femoralia foras proiectis sericis apparentibus, &
quacunq; incederes, cum te moueres, tantopere concrepan-
tibus? vbi tibialia suis temporibus ex filo serico? vbi habiles &
elegantes ocreæ, quarum ocrearum ad speciem & elegantiam
aulicam inducendarum causa, cruris os prominens, ne fœdè
caderent, tibi secari passus es grauiore, quàm vllum aliud in
tota curatione subijses, & intolerando plane dolore? vbi po-
stremo cultus & ornatus omnis? Hæc omnia contempseras,
maioris animi, cultioris elegantiae desiderio flagrans, & in
humilem Sanctorum Deoque inseruientium summa demis-
sione vestitum, victumque oculos & animum intendens. Sac-
cus quoque illi paulo post iniectus corpori, funis asperimus
quam demissionem præ se ferebat? Cum in Academijs versa-
reris, superiorum iussu mutare vestem coactus, non humi-
lem, non crassam tunicam induisti? non adeo contemptram,
vt riderent, vt deluderent in politiore vestitu cultuque elegan-
tiore procedentes in publicum adolescentes, & magis de cor-
pore, quàm de animis cogitantes? Cogitabas tecum id, quod
sacrum Euangelium, ex ore Christi Iesu prolatum, perfe-
ctioris vitæ amantes monet, vt elegantiae prorsus inimici, &
sæculi luxuriam priuatam & publicam execrantes, qua tege-
rentur, veste contenti dumtaxat essent. Cogitabas Ignati diui-
ne, vestem hanc esse demissionis amantium, Francisci & alio-
rum tuæ vitæ mentisque similitum. Cogitabas Princeps inclite,
Apostolorum vestitum eum esse fortasse, qui in tuam vitam
D E O mentem iam & animum instituti paulatim iniiciente
sanctis-

sanctissimè religiosissimeque caderet. Cogitabas denique, eum fuisse Christi Iesu, eundem Apostolorum vestitum, ex tunica solum constante honestè moderateque ad talos vsque delapsa, insigni plane virorum spiritus, & sanctitatis, & demissionis præcellentium Magistrorum. Atque in vestitu postea alumnorum tuorum deligendo, ex auctoritate Vicarij Christi Iesu comprobando, si quæreres abs te cur communem vestitum, & honestorum peculiarem Presbyterorum, & proprium Beati Petri delegeris? Cur non alium singularem, differentem multum, & ab alijs sacris familijs disjungentem proposueris, quod conditores omnes & auctores Religiosorum Ordinum, quod Dominici, quod Francisci, quod Augustini, quod Hieronymi fecerunt? Responderet pro te, Pater sanctissime, demissio, tuasque agens partes: Quod virtutibus ipsis, quod Religione, quod interiore sanctitate suos maximè præditos voluisset Ignatius, cuius si non amantes, si non studiosi fuissent, neque cultus Religione, neque veste foris præferente religionem nomen sanctitatis inane prætere vulgo potuissent. Quid ergo verba Beatissimi Patris plena demissionis proferam, cum facta superiora audieritis, aliaque quæ consequuntur, audietis postea cum admiratione? Notum fuit verbum in illo nullum, quod de suis rebus, de suis laudibus, de monumento Societatis fuisset. De se semper non modestè solum, se demissè admodum, & palam, & ex animo loquebatur: ceteros quoscunque seipso multò præstantiores, & virtutibus plane plurimis ornatos prædicabat, viros integritate conspicuos. Illud ex illius ore auditum sapissimè, quocunque cum peccatore, hominacque flagitiosissimo loqueretur, semper habuisse materiam suis ipsius confundendi, & miseræ suæ deplorandæ, fructuumque vberriorem ad animi salutem depromendorum. De domesticis suis alumnis quinam loquebatur? Audiuit ex illius ore, qui cum illo versabatur admodum familiariter, Patrique pro sua summa Religione charissimus Petrus de Ribadeneyra, magnum nostræ Religionis decus, ex domesticis omnibus maximum se virtutis exemplum capere, & materiam suis ipsius demittendi abiiciendique proptus; ex quo verò, nisi ex seipso offensionem susceperet, domi esse neminem: sed quid mirum, qui assiduis & crebris sermonibus vsurpabat, credibile sibi quidem esse, ac facile sibi persuadere, qui plura adeo acciperet, & tam crebra beneficia, atque ipse in orbe terrarum, quique cæteris hominibus, meritis, virtutibus, gratia referenda

inferior esset, esse nullum; & ob eam causam cunctorum hominum, qui vbique gentium essent, dicebat seipsum & appellabat infimum. Quid istud verborum, quid demissionis tam ingentis Patriarcha inclite? An ego, quod socius B. Francisco dixit, tibi dicere non possem? Quem Franciscum teterrimum omnium (quos sola terrarum ferunt,) se dicentem & ducentem ita alloquutus fuit pro singulari in Parentem obseruantia: Tu mi Pater, neque furta, neque homicidia, neque rapinas facis, neque alia huiusmodi teterrima, sceleratissimaque facta, quinam igitur mihi credibile sit, verbum istud tantæ demissionis? Cui illico B. Franciscus, si quæ Deus in me vnum contulit, in hos beneficia contulisset, magis gratos, magis memores beneficiorum se præbuisset acceptorum. O mirandam vtriusque Parentis & Religionum clarissimarum conditoris demissionem! Quo propius homines accedunt ad Deum, magis seipsos nosse solent, & suam vilitatem imbecillitatemque ad Dei summam maiestatem & potentiam interminatam. Vultis aliud verbum stupendæ demissionis, te producam testem iterum ex intimis & familiarissimis, magnum nostræ Societatis decus Petre Ribadeneyra Religiosissime, qui cum nullum verbum ex Patris ore excideret, quod non animo memoriaque manderet, nec illud abire passus fuisti. Quod ergo? nonne cum semel cum Patre tuo Beatissimo loquereris, illum dicentem audisti, precaturum se ab immortali Deo, & enixè quidem, vt post orbitum discessumque suum ex his corporis compagibus, corpus proijceretur in sterquilinum, aut canibus, auiusque discedendum. Et quam ille causam afferebat? (cogitans & loquens afficior maxime, Auditores, animo, & vix præsensuloqui possum, nisi lacrymantibus oculis, & vocibus interruptis singultiens hoc in loco) causam hanc ille Pater sanctissimus afferebat. Quia cum sterquilinum sim execrandum, & stercus ipsum, sordesque sterquilinij, quod aliud prece supplicium ac poenam meorum in Creatorem peccatorum? Quæ vero illius cogitationes verbis factisque consentaneæ? cupiebat equidem, ac vehementer cupiebat deludi ab omni hominum genere, pro ridiculo ac delectamento haberi, contemni, & pro nihilo duci, trahi infra pedes hominum, cunctorumque conculcari plantis, dummodo ille proximis diuini numinis violandi causam occasionemque non daret. Addebat etiam, quod si fieri sine offensione proximorum posset, se vias publicas, plateas,

loca

loca celebriora ciuitatis, libenter & iucundè nimis, nudum & aspersum luto, obductum sordibus (vt deludi & irrideri posset ab hominibus) peragraturum omnia. Cur ergo hunc tantum atque flagrantem æstum, ardoremque inflammatum, sensus intimis continebat lateatē repressumque contra vim impetumque animi foras protumpere volentem enitentemque tantopere? Charitas retinebat & retardabat præclaros & ardentes Patriarchæ diuini conatus, impetusque cœlestes cum inflammata cupiditate coniunctâ salutis proximorum non efficiendi, cui commodandi cupidissimus erat. Illud etiam videamus signum insigne demissionis, in cuius conspectu, si quando quis de suis rebus, si quando de societatis amplificatione, vel de quacunque re, quæ in illius laudem redundare posset, loquebatur, continuo (mirabile dictu) colligebat seipsum, contrahebat corpus, vt quiuis facile animaduerneret, & pudore prorsus oborto virginali, os genasque lachrymis opprensus, tollebat animum in cœlum, atque, si poterat, confestim præcidebat sermonem, incidebat verba, quæ fierent, & auertens aliò, in Dei gloriam sempiternam conferebat. Magna audistis Patres, maiora ab hoc tempore audieris. Quod si virtutes alias abumbrare non potero, nec attingere, quemadmodum constitui, date mihi, quæso, hanc veniam, vt eas alijs oratoribus tractandas suâ orationis facultate relinquam. Magnitudo enim multitudoque rerum in hanc demissionem incidentium facit, vt quæ restant propter præstantiam suam non prætermittam. Illud ergo imprimis accipite de Confessore suo hominē Religiosissimo sanctissimoque, cui cum conscientie suæ sensus intimos, & minimas cogitationes & particulas rerum, quod proprium fuit Sanctorum & Cœlitum maximorum, notas & exploratas redderet, atque ille de Beatissimi Confessoris Ignatii sanctitate summa sermones non paucos haberet, eidem sermonibus interdixit huiusmodi, & obedientie sanctissimoque vinculo astrinxit, ne se viuente & superstite de se verbum vllum faceret, nec de his, quæ nouerat, quæque Confessarius acceperat, ne quidquam efferret foras. Cum vero solutus hoc vinculo, nescio quomodo, seipsum Confessarius continere non posset, ipso confestim derelicto, alium Hector inclitus accepit Confessarium. Factum plenum hoc

admirationis, simile quidem mandati Iesu Christi, qui iussit Petrum & Iacobum & Ioannem gloriam fileræ in sese mortuo palam prolata diuinitatis in monte Thabor. At vixit postea Confessarius, ut quæ tacuerat, quæque in animo habuerat, plana faceret, & Ignatii alumnis narraret? Quid agis Pater sanctissime, si resupersit taceri volbas virtutes & dona & beneficia, ab immortali Deo accepta, at producere vitam hominem hunc sineres: non in tua manu vita salusque Confessarii? Qui aliorum, & huiusce vitam reliquit Deus Immortalis in tua manu ac potestate positam, si suam volebas, cur Dei tamen non gloriam quæreres? cur non honorem tanti Domini effrendum tuis in beneficijs prædicandæque generi mortalium sineres? Cur precatus fuisti, enixè vehementerque, ne quidquam earum rerum palam fieret tuorum cœtui alumnorum, ut ex te exemplum illi peterent, ut prædicarent in parentem suum magnificentiam largitatemque diuinam? Ut quem parentem, quod caput Religionis habuissent, agnoscerent mortales, & ex illius meritis, & beneficijs diuinis, ex immunitatibus & prærogatiuis maximis Religionis suæ, quod decus, & commodum & salus proximorum requirebat magnifice & singulariter æstimarent? His quid Pater sanctissime respondes? id relinquendum providentiæ diuinæ, quæ quod ex maiore proximorum usu, & præstantiore Dei gloria foret; suo summo consilio sapientiaque decerneret, sibi id vsui esse, suaque interesse maxime, in hominum silentio obliuioneque iacere, cum ille nihil laude dignum præstare posset, donorum Deus auctor esset, princepsque cunctorum. Ecce Auditores, cum illud tempus spectarent omnes, Deus præcedit, & abstulit precibus Ignatii Beatissimi. Itaque triduo ante obitum Patriarchæ clarissimi diem suum obiit Nauatrus natione, Pater Diegus Ægula Confessarius, præstanti spectateque virtute. Spes Confessarii ad nihilum redacta, desideria & animus non expletus cupientis (ut ille dicebat) vitam paucos solum dies post parentis sui Ignatii ex hoc sæculo profectionem, & ascensum ad superos: ut quorum arcanorum conscius esset, liber iam ac solutus obedientie sanctissimæ vinculo, ea proferret in publicum Expectatis plura de demissione? Explebo vestros animos, neque demissionis cancellos hac oratione transilire mihi quidem est in animo, neque, si vellem, id liberum mihi esset. An illud præteream sine summa offensione nostrorum, sine iniuria orationis grauissima?

uissima? O pestilens inanis gloria, quæ ubique insidias tendis viris sanctitate præcellentibus, & interuentu sæpe tuo illorum gloriosissima facta tuis velles maculis aspergere! Aggredere, tenta, molire aliquid in Ignatij operum sanctissimorum immutationem, & decisionem aliquam: nec minimum deportabis ex illius factis cœlestibus ac diuinis. Qui vsque eò progressus erat demissione, in tam altissimum huiusce virtutis gradum ascenderat, sic le nouerat ipsum, nouerat etiam Deum, auctorem & Principem virtutis sanctitatisque cuiusunque, vt nec minima rerum suarum animum inuassisset inanis gloriæ species, & vmbra fallacissima. Tanta erat claritate cœli animus Equitis cœlestis & splendore circumfusus & illustratus, vt dicere soleret, ex vitijs nullum esse, quod minus metueret, atque vanam inanemque gloriam. Quod vitium quàm infestum fuerit & inimicum bonis omnibus, quàm formidolosum, quàm metuendum, quas strages ediderit in Christiana Religione, quæ prælia, quàm grauiâ periculosaque commiserit, quas victorias reportauerit, quos de summo perfectionis gradu deiecerit, quas cedros Libani altissimas radicitus euulserit, & exciderit, notum est cuicunque generi Christianorum. Pleni sunt libri, plenæ historiæ, plena sacrorum doctorum monimenta, neque vlla vnquam ætas commemorari poterit, quæ non stragis & calamitatum huiusmodi vanæ gloriæ apertis & occultis cuniculis inuectarum plena fuerit. Res omnes Beatissimi Patris demissionem prædicabant, vestis attrita, & resarcita suis centonibus, quanquam expers sordium, & spurcitæ, lætus humilis, ac proprius pauperum, cibus potusque tenuissimus, & adeo parcus & temperatus, vt perpetua quidem esset abstinentia, & adhibita ex sanctitatis legibus temperatio, & escais crassissimis contemptissimisque assuefacta. Quod ille genus demissionis omisit? quam istius virtutis exercitationem non suscepit? Quod ille quamuis Præpositus Generalis, officium non obijt demissionis? An coquina, an verrendi facta prætermisit? an lectis ægrotorum purgandis, & alijs contemptissimis ministerijs intentum & occupatum non sæpe videre sui alumni tanto cum exemplo & cunctorum confusione, vt quod non agerent illi, quibus rebus non animum intenderent & admouerent, sui parentis tor stimulis & calcaribus incitati nescirent prorsus? Nihil illi difficile, nihil arduum; omnia facilia & expedita sibi videbantur pro tantæ virtutis spectaculis

editis, & prolatis maximarum virtutum exemplis in omni demissionis operâ, varia ac multiplici sanctissimè verissimeque præstita. At ubi de facti claritate non constaret, sequebatur ille consilium suum? Quod alius sibi daret, quicumque ille esset, quo candore erat & sinceritate animi, sequebatur statim: & simplex & apertus, quod sibi visum esset, in deliberatione quacunque exponere. Cum summo consilio in agendo, prudentia in providendo fuisset, ad aliorum sententiam, melius quicumque aliquid afferret, suam adiungebat, ex Dei obsequio, & honore ponderans & examinans omnia. Illud scilicet pueri cuiusdam dictum demissionem Patris non ostendit? Qui cum puer esset, & ioco vel serio dixisset, vel pueriliter, id est, stulte, quo tempore rudimenta doctrinæ Christianæ pueris Heros insignis tradebat, ut Italo sermoni operam daret, & emandatè loqui conaretur, scio me, inquit, non Italicè bene loqui, tibi puer erit curæ me præmonendi, ut candore aliquo & munditia loquar Italicè. Dicite Auditores, qui pueris hæc verba faciebat, qui se ita abijciebat ad puerilem castigationem, verba magno- rum hominum auctoritate præditorum, & aliqua sanctitate præcellentium non audieret? consilijs capiundis exequendisq; præsto non esset? Venio iam ad illud celeberrimum, & omni laude dignissimum demissionis exemplum, quod quamdiu Societas Iesu erit (erit autem tamdiu, quamdiu genus Christianorum manserit, uti de diuina bonitate speramus) non latebit. Quod Religioni suæ nomē indidit, quo discerni distinguq; voluit à cæteris? insigni, & nomine Sociorum Iesu appellauit, & hoc inter cæteras internosci maximeque dijudicari voluit. Cur non à suo nomine, Ignatianos nominari voluit suos? quod ea demissione fuerit, ut non se, sed Iesum auctorem, parentemque Ordinis huiusce fuisse testatum relinquere voluerit generi mortalium, illum auctorem, amplificatorem, perfectoremque suorum operum exitisse. Quod vero ad se attinet, nullum Ignatiū fuisse, nullius rei participem esse, & ob eam causam nec nominandum quidem, Ignatij nomine tenebris obruto sempiternis. Inde nomen Ignatij nunquam in ore sumpsit, sed cum incidebant tempora de Societate loquendi, minimam appellabat. O virum insignem, & omnibus demissionis laudibus explerum! O Principem ad Dei gloriam augendam & propagandam, & in orbis terræ fines Iesu nomen inferendum à diuinâ maiestate delectum! Qui quemadmodum in suorum oculorum

oulorum & animi aspectu, minimus fuit, & omnium minimus haberi voluit; sic filios suos appellari volebat, & haberi minimos, & in hac virtute radices agere quàm altissimas. Beatus Franciscus Minores appellauit filios suos, & in militia versantes sua: Ignatius Minimos, & infra tantos & tam insignes Ecclesiæ Equites suam cupiebat poni familiam. Qui Beatus Franciscus, si laudem magnam ex summa Præfectura, Generalatu scilicet, qua se abdicare toties voluit, tam optimo iure deportauit: quæ laus erit Beati Ignatij, qui initio Præpositus Generalis creatus, dedit operam, & quidem, quantum in se fuit, contentionem omnem adhibuit, ne sibi tantæ sedis principatus in regimen Societatis demandaretur vniuersæ? Notæ fuerunt preces illius, noti conatus omnes, notæ optimorum & maximorum Societatis Patrum allegationes, nota postremo vis omnis adhibita, quoad & Patri omnes cœtus, & Confessarius, in cuius manus post patefactam conscientiam res omnes coniecerat, scrupulum & religionem obiecit, nisi onus impositum acciperet, quod contra diuinam voluntatem venire videretur. Accepit igitur præfecturam summam, iniit & gessit per paucos annos. Num retinere voluit? non eadem se abdicare constituit? eiusque rei causa indixit Comitia generalia, coegit Patres omnes Professos, aduocauitque Romam? Quem vbi tale quicquam deferentem ad cœtum vniuersum viderunt & audierunt, non confestim omnes reclamare cœperunt, non confirmarunt constanter, quandiu ille superstes esset, Societatem Iesu Generalem præter Ignatium habiturum esse neminem? Iam secundo cogitatur regimen tenere totius Societatis, & quidem omnium consensione coactuaque Professorum, accipere iterum recusans, & inuitus Domino duntaxat parendi cupidus. Tertio Pater, imo sæpe ac sæpius tentasset, & egisset cum Patribus de Præfectura deponenda Generalatus, si per Patres eosdem licuisset. Sic ab omni administratione, ad vitam priuatam, & ad agendum duntaxat versandumque cum Deo, per solam contemplationem, sibi vni vacans, vniue Deo seruienti, reuocare se totum animo ac voluntate cupiebat. Recitarem hic memoriter epistolam sanctissimi Patris hac de Præfectura deponenda missam ad suos filios, si genus orationis ferret. Sed vos illum sic animo contemplantini scribentem ad Patres omnes, & literas in loca terrarum, vbi Societas taber-

macula Religionis collocauerat, mittentem in hunc modum. Equidem, Patres mei amantissimi, nisi me viribus imbecillem, & huic tanto oneri prorsus imparem in Domino, post multam diuturnamque cogitationem, & rem Creatori meo commendatam, consilio, prudentiâ, virtute, cæteris donis, ac muneribus, quibus opus est ad gubernacula Generalatus tractanda, me longo interuallo non inferiorem solum, sed infimum, & omnibus certe quidem dotibus, & corporis & animi destitutum viderem, non cœtum vestrum cogерem, neque Comitia generalia in tempus præstitutum indicерem: Sed necessitas me ipsa, scrupulus & religio cogit, cogit Societatis utilitas, cogit amor diuinus, cogit gloria immortalis Dei vos orare & obsecrare, vt his rebus opitulatum veniatis & accurratis in tempore, ne aliquam eorum, quæ prædixi, per sanguinem Christi Iesu, per mortem Agni mitissimi decessiorem fieri patiamini. Quæ si fiet, vestra erit culpa, non mea, qui obuiam ire vellem incommodis omnibus, vestras in manus tradendo Generalatum ipsum, potestatem faciendo eius, qui magis idoneus & è Iesu Societatis usu fuerit, Patris deligendi, creandique vestrorum delatione suffragiorum. Neque meas has officiosas, & ad speciem magis, quam verum testantes literas existimetis. Testor me hac de re sæpius cum Deo egisse, sæpe me rem eandem tanti ponderis ac momenti commendasse Deo, & me infinitis quidem partibus, multis equidem gradibus à tantæ Præfecturæ fastigio distare certo scio, testorque. Nihil amplius Auditores, amplius tamen illud, & omni admiratione dignum, quod hic Ignatius Beatissimus donis, ac muneribus, eo consilio ac prudentiâ, ea rerum cunctarum ad hoc regimen spectantium scientiâ fuerat, eâ sanctitate, absolutaque perfectione, quam omnes recognoscant, & prædicauerunt cuncti maiores: quem omnes maximarum Religionum moderatores, præceptorem consiliorum suorum, & exemplar absolutum gubernandæ administrandæque Religionis proponere potuerunt, & poterunt in omnem sæculorum memoriam. Neque vtor hic, Auditores, amplificationibus oratorijs; non videbor profectò bono, prudenti, intelligentique rerum æstimatori, & Societatis à tanto parente relictas præscriptiones sine inuidiâ, aut perturbatione perpenderit quidquam augere dicendo. Vos testamini, quot præsentestis, grauissimi sapientissimique Patres, & rem ipsam suo no-

minis

minis pondere penditote, cur ego verba superiora, quasi exierint ex ore sanctissimi Confessoris Ignatii, retulerim? Quia humiles, quod plus lucis habent, minus sibi sumunt, & omnia DEO referunt accepta. Quod in Patriarcha tanto, licet multò clariùs agnoscere, qui discedens è vita hac, & ad superos euolans confestim, (vt ex visione eiusdem Patris, protinus cuidam in cœlesti conspicuaque claritate, sui studio, sese cœlitum more visendum spectandumque præbentis constare potuit) neque Vicarium, ad comitiorum vsque tempus deligere voluit, nec quidquam id temporis decernere, ne partem vllam Societatis sibi sumere videretur, quid dicam arrogare? Vir fuit planè ex omni parte demissione clarissimus, omnibus virtutis tantæ reliquarumque numeris absolutus. Quid ergo plura de demissione? Possem quidem, Auditores & plurima quidem, vel multò plura verba facere: sed iam tempus est orationis absoluendæ. Reliquas duas partes, patientiam & charitatem ex alijs Oratoribus spectate, quæ si, quemadmodum initio proposui, oratione meâ celebrarentur, cresceret in infinitum volumen oratio nostra, & nos tempus ad dicendum more vestro præstitum, iam expleuimus. Quæ restant, date veniam, connectamus: sic equidem neque patientiæ, neque charitatis obliti videbimur. Nam si tam insignem & præstantem demissione commendatis Ignatium sanctissimum, necesse quidem est, non modò virtutes duas laude celebrandas, sed neque vllam Magnati cœlestis aulae clarissimo deesse. Nam præterquam, quòd omnes virtutes ita connexæ sunt, & admirabili societatis vineulo copulatæ, vt aliæ aliarum participes sint, & cœlesti cognatione deuinctæ, tum consideremus in humili maxime Deum acquiescere, in illius animo sedem & domicilium sibi collocare. Quæ cum ita se habeant, cogitate ex hac demissione præcellenti ortum in Ignatio Beatissimo contemptum sui ipsius, despicientiam rerum humanarum. Ex hac demissione magnitudo animi in laboribus, patientia in aduersis rebus orta fuit. Hinc orta compressio cunctarum perturbationum, quas sic sedatas ac pacatas habebat, vt in carnem imperium & dominationem haberet. Hinc comitas, suauitas, affabilitas, vt natura quamquam biliosus fuisset, ac flagrans, exercitatione tamen pacatus ac sedatus adeò, vt lentus ac frigidus videretur. Ex hac demis-

sione, id est, ex sui ipsius cognitione, ad gradum charitatis supremum, & in Deum tam excelsum & sublimem ascendit, qui summa est & consummata perfectionis absolutio. Qui amor si emergit, & spectatur potissimum in actionibus amore diuino susceptis, & in factis admirandæ patientiæ laude cumulatis (Amor enim vacare nunquam potest à bonis operibus, neque contentus est solum factis maximis, præclarissimisque, sed gaudet tolerantia, patientiaque iniuriarum, calamitarum acerbissimarum, ad sanguinem usque cum vitâ profundendum) quæ facta pulcherrima Patriarcha hic celsissimus fecit? quæ passus est, quâ magnitudine animi, quâ fortitudine, quâ constantia? Creuit ille, Auditores, creuit Societas vniuersa tempestatibus in Patientem filiosque concitatis turbulentissimis. Atque quemadmodum Roma quondam, quandiu bellis hostilibus appetita fuit, suam ostendit fortitudinem, & extremis orbis terrarum finibus suum terminauit imperium; decrescenibus verò, atque deszuientibus hostibus, decreuit & imminutum fuit imperium: Sic precamur Deum Optimum ac Maximum, vt bella inferantur Societati, dummodo nulla sua culpa; crescat quotidie magis, & maiora capiet vbique terrarum incrementa. Atque in perferendis superandisque difficultatibus huiusce, in patientiâ, rerumque aduersarum tolerantia posita est, & spectatur maxime summa virtus, & absoluta Sanctorum perfectio. Ex hac demissione virtutes omnes, tanquam ex perenni & inexhausto Sanctitatis fonte, quæ maximæ clarissimæque in Beato Ignatio perspectæ fuerunt, in animum redundarunt. Ex hac postremò demissione (vt alia innumerabilia ornamenta missa faciam) stemmata clarissima immortalibus gloriæ diuinæ titulis insignita (cuius honoris colendi maximeque augendi princeps fuit, ad quem suas cogitationes, verba, facta semper contulit) profecta fuerunt. Ea verbis illis continentur (Ad maiorem Dei gloriam) & suis visis exprimuntur coloribus. Quibus perspectis, & in omni Beatissimi Patriarchæ vita integerrima sanctissimaque colucentibus, quid est, quod aliud expectemus? Planè Auditores, vt se minimum omnium & infimum duxit & habuit Heros cœli illustrissimus, & maximum & præcellentissimum ad Sanctitatis laudem amplissimam euexit D E V S im-

morta-

mortalis : cuius diuinæ maiestatis proprium est, humiles esse, quoque illi magis sese demittant, & abiciant, maioribus incrementis augere, & altioribus gloriæ gradibus extollere. Non abeam longius, quàm ut eum, quem sibi I E S V M exemplar demissionis imitandum proposuit, hunc velim in vestris mentibus insidere tot gloriæ & honoris insignibus terræ cœloque condecoratum, & euectum præ cunctis Sanctorum millibus. Quem Pater Æternus caput, quem Principem & præceptorem nostrum, quem ducem & Antesignanum Ecclesiæ, quem summum bonum, & nostram salutem, nostrum decus, immortalemque gloriam voluit esse, præfecit suprema cum potestate supremum terræ cœlique dominatorem. Quod enim ille eò se demisit, ut naturam humanam in utero Virginis induerit : eam interuentu quidem Spiritus diuini, nulla cum minima Matris Virginis Matris integritatis labecula, tam admirabili societatis vinculo copulauit : Quod nouem peractis mensibus in lucem hanc exiens, porticum humilem & abiectam, ruinosam ac male materiata, pruinis, niuibus, gelu, frigoribus, cæterisque hyemalibus tempestatibus expositam, relictis maximorum Regum Palatijs, & turris Imperatorum potentissimorum sarcibus, sedem & domicilium Maiestatis suæ Diuinæ delegit : & diuinorum Spirituum modulatione suauissima commendatur, & Pastorum Regumque aduentu sapientissimorum honoratur, & sanctissime religiosissimeque adoratur : Quod octaua a natali die luce ruboribus albens auroræ purpurascens, & ingentes sanguinis sua passione profundendi alluiones præfagientibus, tenerimam delicatissimamque carnem Simeonis gladio rescindi, & signum altè sibi, tantoque cum dolore passus est imprimi, notaque Circumcisionis, nomine & honore Iesu, id est, vindicis & Assertoris nostræ salutis afficitur : Quod post tot labores, post itinera facta, post Samariam, post Galileam, post Iudæam vniuersam pedibus peragratam, virgis cæsus, sentibus redimitus, tolli voluit in crucem, in vertice & summo iugo montis Caluariz, vnde sibi boni Pastoris vagas oves & errantes, ad peccatorum veniam, ad pietatis viscera, ad sinum complexumque suum vocauit, exurgite, clamans, huc accurrite, in brachia extensa, & patientia, vestros efflagitantia complexus, excipiam vos benignus & misericors, retinebo & complectar, quæ mihi
tanti,

tanti, quæ tam caro stetit, quæ sanguine tam multo, tam acerbâ morte ex dæmonis iugo, ex inferorum faucibus erepta, quibus eius potentia ostentis & miraculis illustrata fuit: Quod hæc omnia, quod mortem ipsam pertulit humiliter aded, tam demissè: Sol è terris ablatus, repentinâ obscurissimaque defectione, orbi terrarum tenebris offusis vniuerso, veluti templi discissum in duas partes, petraë horribili fragore collapsæ concrepuerunt apertæ, sepulchra patefacta fuerunt, & à mortuis excitati non pauci, denique tot signa diuinæ claritatis effulserunt, & spectacula diuinæ virtutis admiranda, quibus Iesu nomine omnia personuerunt sola terrarum. Ad hanc demissionem cum Iesu facta diuina, & honores eiusdem cœlestes, & omni splendore conspicui, principatus terræ, cœlique consequutus amplissimus, cum Sanctorum omnium exempla, tum, quæ propolita vobis fuerunt, Beatissimi Ignatij demissionis admirandæ spectacula clarissima, toto vitæ suæ cursu, ab ipsius traductionis cunabulis, quæ vidistis omnia, & non potuistis non admirari magnopere, in extremum vsque vitæ spiritum admirabili constantiâ perpetuitateque perducta, vestros animos excitabunt; Date operam, vt quæ in traductione sua, quæ in vestitu, quæ in sacco, quæ in Apostoli tunicâ, quæ in Sociorum Iesu insigni, quæ in verbis, quæ in factis, quæ in nomine delato Societati, quæ in cognomento Minimæ, quæ in Præfectura summa Generalatus deponenda, quæ in omnibus vitæ actionibus demissionis nitent & emicant exemplaria, reliquarum virtutum societate coniuncta, mentibus & animis commendetis, futurum spero, vt quemadmodum demissio præcipuè Christi Iesu, & ab eodem tanto salutis & dignitatis nostræ recuperatore, tot cœli Heroas clarissimos, & inter illos Magnatē hunc celsissimum, Ignatium Societatis Iesu conditorem, toto orbe celebratum, terra cœloque fecit insignem, vos filios suos, Sanctorum, & Ignatij Confessoris eximij claros & illustres in infimis hisce sedibus, cœlique palatijs immortalibus imitatores efficiat. Atque oratoris nomine vos in crastinam lucem, quoniam octodialia celebramus, ad ea, quæ de patientia, de charitate ego dicturus eram, beneuolis auribus excipienda hora solita conuenturos, & elegantiozem orationem audituros inuito.

Vides

Vides in oratione superiore facta demissionis ad hanc virtutem reuocata: quod idem fiet in oratione de laude Patientiæ & Charitatis B. Ignatij, factu omnibus ad easdem duas virtutes arte oratoriâ collatis.

ORATIO IN LAVDEM BEATISSIMI IGNATII CONFESSORIS, & Societatis Iesu Con- ditoris.

Ex Enumeratione, aliorum ope argumentorum.



Acerem iniuriam, P. G. Beatissimo Ignatio, Confessori Ecclesiæ gloriosissimo, si celebratâ demissione, quam hesternò die audistis oratoris voce præstantissimi, patientiâ & charitatem silentio præterirem. Vtraque enim virtus insignem Dei Equitem suis ornamentis peculiaribus tollit in cælum, & Sanctorum laudem, iactis in demissione radicibus altissimis, Confessorem reddit illustriorem. Neque enim in Sanctorum numerum ascriptum audietis quenquam, nisi patientiæ & charitatis monumentis immortalibus redundantem. Pontifices enim, Vicarij Christi Iesu, post virtutum maximarum testimonia, & post miraculorum diligentem prauisamque cognitionem, his duobus Sanctorum insignibus, patientiâ & charitate nituntur: in Sanctorum inuestigandis meritis hæc duo ornamenta desiderant, & omni ratione inuestigant, & efflagitant. Quæ cum in alijs sanctissimis Heroibus, tum in Ignatio nostro licet agnoscere. Dicam igitur primum de patientiâ B. Ignatij, tum de suâ, & in proximos, & in Deum charitate flagranti, qui ab initio translationis suæ sic exercitus in omni pugnarum acerrima contentione fuit, ut suis pugnis & prælijs, assidue vehementerque commissis, nihil neque gloriosius, neque ad suorum trophæorum

rum memoriam immortalem celebretur honorificentius. Traductus ad seueriorem consiliorum Christi IESV disciplinam, statim à tolerantia cœpit initium ducere suarum progressionum, cum cilicio, cum inedia, cum virgis, cum sacco, cum omni genere compressionum carnem in seruitutem adducendam sibi proposuerit, & de illa tot & tam gloriosas victorias deportauerit. Ille etiam se patientiæ laudibus insignem reddidit, cum toties, virtutis cultor eximius, in carceres coniectus, toties vinculis acerrimis oppressus, & prægrandi oneratus pondere catenatum, cum in iudicia iniquitate temporum adductus fuerit, ad clariorem honorem & gloriam consequendam permittente, & huiusmodi occasiones Domino offerente. Cum captus à militibus, ut ex lorator aduersariorum, & tot injurijs affectus, tot indignissimis modis tractatus, delatus & vexatus, & ad virgas propè postulatus, virtutem coluit, & ostentauit præcipuam patientiæ laudem Beatissimus Ignarius. Cum verò Hierosolymis vi à locis sanctissimis abstractus, parum absuit à morte: quanquam illam temporis procellam æquissimo lætissimoque animo tulit, Christo Iesu præeunte, & quasi erigente animum ad omnem contentionem dimicationemque subeundam; tamen, quam ille non patientiam solum retinuit, sed pertulit lætitiæ magnitudinem? qui si occasionem mortis appetendæ pro Domino nactus fuisset, & animo quidem & voluntate appetitam ad sancti sacrificij mercedem perfoluendam more suo & fide data duxisset liberalissimus fidelissimusque dominus. Cum verò Hierosolymam nauigaturus, cum è Hierosolymis reuersurus, inopem & egentem, & aliena misericordia viuentem, recipere naucleri nollent in nauim, cum se abiectum, & contemptum, & verbis sæpe mulctatum, & re non minore crudelitate iactatum aspiceret, non illa fuit de Christo bene merendi occasio mirifica? Cum non Complut: solum, sed Salamanca, & cum tertio iam Parisijs tempestates turbilentiore in Ignatium commotæ essent, nulliusque ille hominis opem velleret, solum Deo confusus immortalis Domino, & suorum vnico tutissimoque perfugio, non merita illius in suum Iesum ingentia? non ea quidem, quæ Iesum eò adducerent, ut Ignatium solueret custodiæ vinculis acerrimis, toties vehementissimis illis turbulentissimisque tempestatibus cœlesti benignitate detonantibus, tot tantæque fuerunt procellæ in Iesu Christi Equi-

sem insignem coortæ, quot occasionem eidem dederunt in Iesu cunabula, in itinera sua, in vigilias susceptas, in comprehensionem, in virgas, & mortem acerbissimam oculorum corporis, & animi efferendorum. Quæ minæ illius hominis & minimè laici veste cooperti, sed Religiosi, mali tamen ac pestilentis, qui flammis ædes omnes & Collegia vastaturum scesse dixit Ignatij? Quo in dicto plenissimo minarum, nec minimum commotus Ignatius, flammam amoris diuini eidem mala omnia precanti, ignes flagrantis minitanti deprecatus est. Cum accepisset Cæsareæ Augusti tantum probum, tantum dedecus illatum, & per summum scelus expulsionem ex vrbe suorum, tranquillitatem prædixit breui, & cum Sociorum honore reditum illustrem & gloriosum. Qui spem habet, Auditores, in Deo supremo, montium instar altissimorum, nunquam commouebitur, neque de gradu eiicietur suo. Quos tollere vult Deus, & montes Ecclesiæ altissimos in cæli vsque fastigia celsissima prouehere, hos similes laboribus, difficultatibus, periculis, tempestatibus turbulentis, & imminente morte, atque aded sine dubitatione oppetita Filij similes reddit, qui quoddam torrentium acerbitates audus, & in maiores redundantia hausit, caput extulit supra Sanctorum omnium milia. Inde Beato Ignatio passim occasiones patiendi datæ, passim insidiz paratæ, passim in illum, in suos, & in hodiernum vsque diem plurima fuere falsa dicta testimonia. Et qui fauere debuissent virtuti, magis eidem suisque sæpe fuerunt inimicissimi, infestissimi que, vt iam mirari desinatis hostes Fidei Christianæ, hæreseos Lutheranae, & reliquarum Deo aduersantium sectarum tam crudeles & infestos fuisse Societati Iesu, & tam capitales inimicos. Quippe institutum suæ gentis direxit, valdeque contulit ad infringendam labefactandamque hæreseos iniuitatem, & hominum conatus bellum infestissimum Deo facientes comprimendos. Quod verò non Martyris lauream consequutus fuerit Ignatius: quod non alterius Ignatij similis hac in laude fuerit: quod vt Beatorum hodierno die veneramur, non veneremur Martyrem: quod vt breui Confessoris gloriam, & in Sanctorum numerum relati cohonestabimus, non Martyris decus illustre celebremus, illa fuit prouidentia, illa sapientia Diuinæ Maiestatis, quæ voluit ad suorum, & innumerabilium hominum salutem, reservare Ignatium ingentem, quemadmodum quidem

Franciscos

Franciscos, Augustinos, Dominicos, & alios Religiosorum familiarum Duces clarissimos. Quanquam si voluntas laude & merito suo compensatur æquè atque factum, cum flagrans fuerit, & accensa nimium, sui voti fructus feret vberrimos, cur non & Confessorem dicam Ignatium, & Martyrem quoque gloriosissimum? Hinc mansuetudo, benignitas, ceteræque virtutes cum animi magnitudine coniunctæ participesque meritum patientiæ maximorum. Sed accedamus iam ad secundam orationis partem, ad charitatem tanti Principis flagrantem ostendendam. Quæ cum attingat & Deum & proximos, in Deum qualis ac quantus fuit, qui in eum ascenderat charitatis gradum, quem tenere æquum erat cum, qui rebus huius sæculi, tam verè & ex animo nuntium remiserat? qui omnia quæcunque sectatores sæculi maximi habeant, quæ mundus fallax & fraudulentus maxime proponat suis satellitibus appetenda, ille parui duceret, pedibus traheret præ summo in Deum immortalem amore: qui morbos, qui iniurias, qui acerbitates omnes ardens totus & flagrans amoris diuini facibus, sitienter appeteret? qui dum Dei voluntatem præstaret, dum eidem inseruiret, dum gloriam quæreret Dei immortalis, & eam proferret, & amplificaret, nulla vnquam pericula recusauerit, probum omne posuerit in lucro maximo, & duxerit gloriam illustrem? Qui amor si nulla re magis exploratur, & perspicitur, quam tolerantia multa, & rerum aduersarum patientia memorabili, repetite quæso memoria, Auditores, quæ de patientia prædiximus, & addamus etiam in omni genere materiaque patiendi varia ac multiplici, sic illum exercitum fuisse, & mira excurrissè semper alacritate, vt nulla magis illi re, magis Societas Iesu creuerit, quam tempestatum magnitudine, quæ in se suosque commotæ fuerunt omni loco ac tempore, turbulentissimæ. Atque illud ex Patris sanctissimi ore acceptum nosse vos velim, qui dicere solitus est, omnia quæ sola terrarum & vniuersitas hæc suo ambitu complectuntur, si in bilancem coniciantur, non tanti se pendere, neque æstimare, atque beneficia, quæ acceperat ab immortal Deo, ex iniurijs, ex vexatione plurima, ex custodia, ex vinculis, ex tot in se temporum concitatis turbinibus ac procellis, præ summa in Diuinam Maiestatem amoris magnitudine. Neque quidquam, sanctissimus absolutæ perfectionis magister addebat, comparari posse ad animi lætitiæ gestientem, voluptatem que

temque infinitam, quam quis patiendo pro amore Christi Iesu libens & latus acceperit. Rogatus enim semel à viro viam breuem & quasi compendiarium proficiendi in diuinæ perfectionis ratione, respondit, patientiam esse, & laborum & aduersorum tolerantiam pro Christi Iesu amore cœlesti. Hanc gratiam acquirere & colligere ab immortalī Deo suos perfectosque viros volebat, quā multorum minorum & maximorum cumulus coaceruatur & augetur in cœlestem Beatorum amplitudinem. Hæc sanctissimus Pater docebat, hæc præstabat, ex quibus charitas eiusdem infinita explorari facile cognosci que potest. Sed amoris istius in Deum, & in proximos Dei causa, quæ ille signa, quàm clara & illustria? Scopus enim cogitationum suarum, actionum cunctarum finis, non aliud profectò spectabat, quàm ad maiorem Dei gloriam. Hanc ille quærendam, hanc comparandam, hanc latissimè diffundendam vbique locorum, & amplificandam omnibus modis & rationibus curabat. Quid enim dicam indiligentiam in honore Diuini Numinis quærendo vitasse semper & incuriam quamcunque minimam? Qui ad omnem ahibendam diligentiam vires totas & neruos intenderit? quid dicam Ignatium verum honoris diuini procuratorem fuisse, non contentum solum offensionis diuinæ declinatione, cum id maximè quærebat, vt Dei nomen & gloria cresceret & augetur rectè factis perfectisque virtutum actionibus? Quid commendem etiam in sanctissimo Patriarchâ solum gloriam sibi diuinam propositam fuisse suis in rebus & factis vitæ decursu faciendis, cum in duorum concursu factorum, illud faciendum delegerit decreueritque potissimum, quod maiorem immortalī Deo gloriam compararet? Cum sæpè ac sæpius cum Deo loqueretur, & incredibili spiritus suauitate delinitus, cum suo se oblectans Creatore, & mille delicias ac suauitates dicens, lacrymis ex oculis cadentibus, & argenteorum instar granulorum, opplentibus decorantibusque genas admodum venterandas, repetebat & ingeminabat illa verba: Mi Deus, summe præpotens Domine, quid velim ego? quid possum præterea appetere præter te? præter te video nihil. Quòd si Beati Pauli laus, in loco claro & excelso posita fuit, qui ex corporis vinculis cupiebat excedere, & euolans esse cum Christo Iesu, valeat tua laus eximia & excellia, habeas hæc inter alia cum B. Paulo singulare, qui corporis istius compagibus solui cupiebas, & ad Deum tandem quasi pennis clatus euolare. Atque hæc de te prædicemus,

quòd ita sigillatim in aliorum sanctissimorum & maximorum literis commendatum non legimus, ut non tam Dei aspiciundi, & illius diuino aspectu perfruendi causa, quàm gratulandi eidem Domino de sua maxima infinità sempiternaque gloria, & ob infinitatem gloriæ nunquam interminatam gaudendi per omne tempus. Vultis aliam causam huius desiderij, & discessus in Beatorum sedes optati? Optat amicus, Auditores, cum aliquem sibi familiarem & charum valde, ex intimis vnum, & alterum prope se ad gloriam & honorem euectum audit, tantâ gloriæ magnitudine perfruentem, in excelso dignitatis gradu collocatum suis oculis intueri, eidem gratulari, de sublimi honore compatato: quiescere non potest, quoad optata consequatur. Verus Christi Iesu amicus Ignatius, verus sui Iesu & flagrans amator è viuus excedere, ad superos euolare cupit, neque dies noctesque quiescere potest, quoad animum expleat, & humanitatis Iesu Christi ad tantum gloriæ culmen euectæ gratuletur gaudens & gestiens. Usque eo exarserat diuini amoris infinitâ magnitudine. Magna sunt hæc argumenta amoris in Deum, neque altius ascendere posse videtur æmulus & imitator Christi Iesu maximus. Sed quâ laude commendandum dictum illud, & propositum, ac deliberatio insidens in animo constanterissimè colloca-æ? Cui si optio daretur exeundi statim è vita, certus confestim diuini boni visendi, & Dei immortalis aspectu perfruendi in omnem sæculorum æternitatem aut in sæculo manendi in longius tempus, propter factum singulare in Dei obsequium cultumque faciendum, sed tamen incertus salutis suæ & gloriæ Beatorum accipienda, hoc se procul dubio posterius metu ac periculo animi optaturum potius, quàm illud prius tantum & tam singulare bonum. O virum verè Dei amantem! O magnum diuini honoris amatorem! O perfectum gloriæ Domini amplificandæ cupidum! sanctè perfecteque appetentem! Miramini dictum, Auditores, nouum, ante hunc diem inauditum? Non sine causa id dicebat; & faceret & præstaret diligentissimè studiosissimeque. Quis Princeps, aiebat, aut quis Rex in summum dignitatis gradum ducem aliquem euexisset, aut summam Præfecturam eidem viro detulisset, qui ducis istius obliuisceretur, si hanc repudiaret libentissimè, aut iret Regi in seruitium & defensum arcem aliquam, quamuis discrimine ac periculo vitæ suæ amittendæ, maximè si idem Rex spem in illo positam haberet, & Regis non solum sed Regni interesset, & ad Regiæ dignitatis illis temporibus

ribus bellis acerrimis appetitæ gloriam spectaret? An non dux in Rege spem haberet maximam, victoria reportata, maiorum; pro re feliciter gesta, honorum consequendorum, & talem ac tantum futurum esse Regem, qui copias maximas & totam Regnorum vim potestatemque in prælium contulisset, ut maioribus præmijs & honoribus meritum tantum gratiamque referret? Sed mittamus præliorum contentiones acerrimasque pugnas, idem Rex non ducis conseruandi, augendi que maioribus incrementis vinculo stringeretur obligatus memoria beneficij præcellentissimi? Quinam igitur metueret Ignatius, qui in euentum huiusmodi dubium & ancipitem in tantum pro Christo Domino periculum sese obtulisset conscius liberalitatis largitatisque diuinæ qui distulerat gloriam suam, & quasi abierat honoris ergo diuini? Non cadit istud in liberalissimi Domini magnificentiam: seruo suo succurreret procul dubio; malis omnibus occurreret, neque illum in peccatum incidere, non à Creatore deficere pateretur. Quid dicam tam egregiè fidelem administrum dereliqueret, & auxilio cæli destitueret? Cogitent alij (dicebat Ignatius) contrarium, mihi neque venit in mentem, id de tanto Domino cogitare, de tam celsissimo, magnificentissimoque Rege. Vultis aliud signum amoris diuini maximum? Semel in hæc cogitatione versari visus, si (quod Dominus omen auerrat) Deus ipse Ignatium in Inferorum sedibus esse vellet, quid sibi, animi fuisset, qua mente, quo sensu ageret inter tot ac tantas cruciatuum acerbitates, & flammæ ardores tam intolerandos interiectus, & inter iniurias, & probra damnatorum otii sacrilego Diuinæ Maiestati illata? Atque illa censebat, nullum sibi dolorem, posteriora grauissimum, & intolerabilem inurerent. Quo igitur amore, quàm flagranti, quàm inflammato foret, qui sic in Deum immortalem affectus? Multa alia potuissem asserere, ferè ubi similia signa constiterint, sed quid alijs opus est argumentis? Hac de causa libens prætereo ea, quæ se facturum esse libentissimè dicebat Patriarcha noster, ut simulata dementia nudus, & cornibus onustus, sordibus oppletus, ut alio fædo corporis habitu prodiret in medias vias, & loca ciuitatis publica, ad temeritatem multitudinem concitandam, ut omnes se luto, lapidibus appeterent, cæno, stercore, alijs sordibus cooperirent, deluderent, & clamoribus insectarentur, omnibus probis & contumelijs onerarent, nisi salus eum & utilitas proximorum priuata proflux an-

reponenda contineret. Prætereo officium quasi anteambulo-
nis, vel perductoris, mulieribus à meretricio quæstu abductis,
præstitum toto populo Romano inspectante, ut a violando
toties Diuino Numine spurcissimum & turpissimum profliga-
rarum muliercularum genus auocaret. Quo in facto, neque se-
ipsum, neque honorem respiciebat, & cum multi dicerent, ad
pristinam vitam & mores redituras eas mulierculas, Ego vero,
respondebat, his per noctem vnâ à libidinibus suis abductis
mulierculis, precium operæ ac vigilantix meæ quam ingens
tulisse contentus ero. Mutamus alia facta, quorum similia sex-
centa possem sigillatim enumerare. Qui tam flagranti, & infi-
nito in Deum amore succensus ferebatur, quâ contemplatione
rerum diuinarum ad Beatorum sedes, & ab humanis abstra-
ctus ferretur ad Deum? Ex hac contempla-tione fructus ipsius
Spiritus, & amoris diuini capiuntur maximi planeque supre-
mi, proprij Sanctorum Christi militum, de quibus paucos pro-
ferre nostri est, & præsentis instituti, ut suos veros & excelsos
amatores, quibus modis, quàm illustribus, ac verè cœlestibus
ipsa celsitas supremi Domini cumulet & adaugeat, agnoscat
in Confessore Iesu Christi gloriosissimo. Atque inter alia diu-
ni amoris pignora, quis commemorabit variam ac multipli-
cem illustrationem claritatis diuinæ radiis incensam, qua ni-
tuit & emicuit sanctissimus Ignatius? Quoties enim, quo-
ties multi intuentes Patriarcham inclytum, faciem & os vi-
derunt miro splendore collucens, & diffundens radios diui-
næ claritatis? Quoties caput eadem claritatis magnitudine cir-
confusum aspexerunt, & admirati ex aspectu prædicarunt Pa-
tris eximiam sanctitatem? Quoties ingressus cubicula multo-
rum conclusis fenestris, & foribus suo splendore clarissimo so-
lis luce clariora reddidit, & illustrauit? Quoties Barcino-
ne, in rerum diuinarum contemplatione visus est in clarissimâ
luce conspicuus? Quoties a terra sublatus idem Pater aspectus,
& longo interuallo cum Deo immortali familiarissimos ser-
mone conferre, & hæc suauissimè pronuntians: O mi Deus,
O mi supreme moderator! O si mortalibus notus esses! Quo-
ties Sacrum faciens, cernitur splendoribus diuinis illustrati,
totus fulgere & emicare clarissime? Quoties eundem splen-
dorem diffudit impertiens sacram hostiam virorum mulie-
rumque generi, & quidem sæpe à terra sublatus in æra? Quæ
si magna, si excelsa, si illustria testimonia sunt, cum hæc ex
animo

animo redundauerint in corpus, an non diuini amoris obfides fuerunt visiones eiusdem in diuina contemplatione verfantis tam admirandæ, tam stupendæ? Non agam hic de diuinis consolationibus, de suauitatibus & delicijs, de iucunditatibus hauis, & sibi cum alijs Sanctis planè familiaribus. Hæc Patri sanctissimo sic communes fuerunt, vt ijs volumina plurima complere potuissemus orationum. Sileantur hæc omnia, propter multitudinem suam. Illa illustratio multiplex, & numerosa, visiones illæ clarissimæ illustrissimæque, cui notæ non fuerunt à traductione suâ, & ante conuersionis deliberationem? In lecto iacenti, & grauius periculosiusque ægrotanti visus est B. Petrus, nuntius reddendæ restituendæque salutis missus ab Immortali Deo in cunctorum summa desperatione, & deploratâ iam & à medicis, & à suis valetudine. In ipsius traductionis primordijs vigilias agent, & imbecillitatem debilitatemque carnis metuenti, nota fuit visio Virginis ac Reginae cœlestis Mariæ, quæ id temporis Filium suum brachijs portauerit, & ingentis luminis magnitudine illustrauit, & præsentis suauitate recreauit, & ex animo turpes omnes cogitationes & imagines impressas & afflictautes acerrimè deleuit omnino. Mauresæ, cum se cilicijs, inediâ, castigatione corporis excruciaueret, sedatis iam tempestatibus illis & scrupulis & anxietatibus conscientie silentibus, consolatus fuit alumnum, & refecit & exhilarauit Dominus diuinarum visionum affluentia mirabili, & mentem illustrauit imagine sanctissimæ Triados clarissimâ, tanta, ue consolatione animi, & tantâ voluptate cœlesti affecit, vt neque lacrymas continere, neque cohibere singultus, neque cogitare, neque loqui, nisi de mysterio sanctissimæ Triados augustissimo celsissimoque posset, atque id tam multa similitudine, tam multis & illustribus exemplis, vt spectatores, & auditores in magnam raperentur admirationem suspensi, attoniti, & sui ipsius penè impotes. A quo tempore quam infixum & impressum insederit in mente sua tantæ Triados arcanum reconditum & abstrusum testis esse poterit liber, quem de sanctissima Triadeliteris mandare cœpit, octoginta folijs constantem, & id temporis cum legendi & scribendi solum peritus esset, inscius Grammaticæ primorum adhuc Rudimentorum: atque decursu vitæ suæ, tam altæ, tam profundæ, atque tam à communi hominum intelligentia sanctissimæ Triados

impressæ fuere notitiæ & splendores clarissimi, siue de diuinæ
 essentiâ, siue de distinctione, siue de proprietate (volo in re
 mirandâ Theologorum sermone loqui) vrex Theologorum
 schola tantam abundantiam rerum percipere quidem non po-
 tuisset. Sed ad Manresam reuertor, vnde desistere coactus
 fui arcanorum cœlestium multitudine. Iterum Manresæ ob-
 iecta fuit animo species visenda huiusce vniuersitatis, quam
 oculis aspicimus, quomodo, quaque mirifica ratione fabri-
 cam elegantissimam molitor tanti operis creauit. Tertio
 etiam aspexit mentis oculis, & præsens Sacro in B. Domini
 cœnobio, dum efferretur hostia, & quidem clarissimè, Chri-
 stum Iesum panis tegumentis contentum, atque latentem, quo
 modo, qua ratione cultores Christianæ fidei credimus, profite-
 mur, & colimus. Quid dicam de diuersis temporibus, cum
 spectans & intuens acerrimâ quidem contemplatione cœle-
 stia, naturam Christi Iesu humanam vidit, atque respexit?
 Quid dicam de Virgine etiam sæpè ac sapius eidem Patri obie-
 ctâ, & obseruanta suis oculis, & Manresæ, & Paduæ, & Ierosoly-
 mîs, & alijs in locis? Illud quis prætereat silentio beneficium,
 cum propter littus fluuij Manresani sedens, abstractus ad supe-
 ra, rerum accepit cognitionem altissimarum, neque cœlestium
 solum, & ad nostram fidem spectantium, sed artium & scien-
 tiarum maximarum? Atque raptus hic (quid enim vocabula
 quæram?) extasis tam diuina permanfit ad longum temporis
 spatium. Sed illud multo maiorem affert admirationem,
 quod de nullo Sanctorum legisse, nec audisse vos recordami-
 ni; Qui continuos octo dies, & totidem noctes ab vno in alte-
 rum Sabbathum abstractus ab humanis, & arreptus pror'us
 mente in extasi continenti permanferit, cunctis, qui miracu-
 lo interfuerunt, admirantibus, & pro mortuo habentibus,
 cum staret ille & recto corpore, & raptus ad sublimia. His e-
 octo diebus præteritis ad se rediens, quasi ex somno profun-
 do suauissimoque excitatus est, nomen dulcissimum Iesu sibi
 melle suauius, ore suauiter, ac iucundè nimis efferens. Quid
 clarius, quid illustrius illa visione sanctissimæ Triados sibi
 oranti, & Romam contendenti in tanto lumine claritatis ob-
 iecta? Cum Pater Æternus, Filio commendauit Ignatium?
 Cum Filius respondit, se Ignatio, suisque Romæ propitium
 futurum esse? Cum verò in monte Casino esset, vbi B. Benedi-
 ctus animam vidit sancti Germani in igneo globo diuino-

rum spirituum opera tolli sublimem in cœlum, non Ignatius animum Comitissæ Hosii in cœlum ascendentem, eximia claritate circumfissum vidit? Non vidit etiam Romæ animum Ioannis Coduri proficiscentem in cœlum, idque conuersus ad Patrem Ioannem Baptistam Violam, comitem id temporis suum parefecit? Cum verò Pater Leonardus Kessel, natione Flander, & antiquus Societatis miles, & vitæ sanctitate conspicuus, in optatis haberet, videre suis oculis Beatissimum Ignatium parentem, non literas ad eundem misit, non per literas contendit summo opere, ut sibi per eum liceret Romam adire, & Patris sui, cuius desiderio flagrabat incredibiliter, Ignatij solum aspectu perseruendi causa? cui Ignatius cum respondisset, quod ex proximorum usu & ad Dei gloriam spectare videbat, vtrubi, ubi erat, maneret, futurum, si collibitum Deo esset, & facile Deo quidem esse, ut Coloniz, qua in vrbe Pater Leonardus erat, & amplius trecentas leucas ab vrbe Roma distabat, ut quem in optatis habebat, videre posset. Mirandum sanè, vigilanti Leonardo, Coloniz agenti, & in Collegio nostro commoranti, & nihil tum fortasse de Ignatio cogitanti, visendum se spectandumque præbuit Ignatius. Qui agens inter viuos, cum Leonardo Patre fuit per tempus aliquod eum eodem colloquutus, & cum consolatus esset, ac refecisset mirandum in modum, gaudentem ac lætantem, optata consequurum, & tantum amoris diuini pignus adeptum reliquit, ex illius aspectu subducens sese. Sed huiusmodi multas alias relinquo visiones & species admirandas, quas & breuitatis causa prætereo, adiungens ad Beatissimi Ignatij gloriam, & alias huiusmodi fuisse innumerabiles, quas occultatas habuit veræ dimissionis amantiſſimus, neque diuulgare voluit, dona huiusmodi referens accepta semper immortalī Deo. Alterum est, quod plus debet omnibus admirationis afferre; in tanta visionum & splendorum diuinorum multitudine, magnitudineque miranda, nec verbum vllum fecisse Parentem tantum; nec siluisse solum, sed demissionis, patientiæ, charitatis, castitatis, reliquarum virtutum ornatum extulisse, commendasse suis, & omni contentione comparandas verbo & re præcepisse. Quippe qui diuini amoris facibus incensus, gloriam Deo tribuendā, & virtutibus quærendam intelligebat, reliqua eiusmodi esse dona, quibus quos vellet, & cum opus esset, suos alumnos Maiestas Diuina cumularer. Sed iam considera-

bitis Ignatij Beatissimi amorem in proximos. In cuius rei laude quid est, quo magis possim adumbrare, (diffido enim me de monstrare posse, quid dicam ornate dicendo?) quam si ex amore diuino conficiatis? Qui tanto Dei amore flagrauit, quo proximorum flagraret, qui sciebat, Patrem Æternum, à quo tanta beneficia acceperat, hominum ex inferorum faucibus eripiendorum causa misisse Filium in terrarum sola, huic quicquam prius, quicquam antiquius esset proximorum salute? Quid opus est pluribus verbis? tempus est orationis absoluedæ, & huiusce virtutis consilium non à magnitudine multitudinèque meritorum in proximos alienum erit alijs oratoribus relinquendæ. Quid enim illum fustibus casum, & morti proximum fuisse dicam causa proximorum salutis procurandæ? Quid insidias paratas, quid mortem imminuentem, quid iniurias factas, quid contumelias impositas proferam? Quid eorundem proximorum causâ ad virgas publicè, summoque cum dedecore perferendas adductum ostendam? Quid labores susceptos? quid ad ita pericula? quid contentiones pro liberandis ex dæmonis ore mortalibus habitas, & tempestate in eundem Equitem insignem conitatas enumerem? Quid frigidis in locis hyeme summa nudum collo tenus in stagnum se coniecisse immeruisseque dicam hominis ab impura mulieris consuetudine reuocandi causa? Quid alia proferam huiusmodi sexcenta & innumerabilia facta, cum singulis horis ac momentis mille mortes pro salute animorum, & quidem acerbissimas oppetere fortiter constanterque paratus esset, cum sæpè à suis amicis, ab alijs periculorum non inscientibus, à commodis proximorum abstrahi reuocarique nequiuisset, gloriosum ducens, & nihil magis appetens, quam profundere sanguinem, & mortem subire crudelissimam in proximorum causa? Societas ipsa, Auditores, amorem Patriarchæ in proximos flagrantem & accensum declarat. Cuius institutum, ab Ignatio secundum Deum & afflante Spiritu sancto, quoddam Romani Pontifices suis diplomatibus consignauerunt, duobus potissimum muneribus, & sui ipsius & proximi salute contentum est. Quemadmodum exemplo & præscriptionibus sanctissimi Patris sui alumni præstiterint, & in omni loco sedequè terrarum præstare conentur, equidem satis planum fieri rudibus, & ignavis credo, si secum cogitauerint, quod vident, & probè norunt tanto animorum fructu præstari: nihil esse Societati concedent, quod illa ad proximorum salutem

procurandam non præbeat, diligentissimeque exequatur. A pueris enim illa, dum eos legere & scribere docet, & in scholarum huiusmodi pueris informandis Christianæque doctrinæ rudimentis imbuendis, & ad omnem instituendis pietatem suos occupatos habet alumnos, proximorum salutem commodare incipit. Ab his scholis pueri deducuntur, & Grammaticæ humaniorumque literarum studijs erudiendi Societatis Iesu præceptoribus traduntur: tabernacula patent Græci, Hebraicique sermonis, in Rhetoricis versantibus, & multis in locis vnâ cum Grammaticæ institutione à primis cunabulis, non spectata Rhetorum classe, cum Latinis Græca & Hebraica pueri coniungunt: studia item liberalium artium Philosophiæ, sacræ Theologiæ eisdem in Academijs Sociorum vigent ac florent. In excipiendis Confessionibus, in ministrando Eucharistiæ Sacramento, in adiuuandis proximis, frequentatione xenodochiorum, in victorum custodiâ quacunque visenda seduli sunt ac diligentes Socij Iesu. Notæ sunt conciones publicæ, priuatæque adhortationes, notæ Sodalitates adiuuandorum proximorum causa institutæ, omnes personant suis statis diebus doctrinæ Christianæ cantu, puerorum, & adolescentum, & virorum natu maiorum longissimo procedente agmine, & pompa consistente tota concionandi causa celebriore aliquo quidem in loco, vel publicis in plateis, aut compitis concursu frequentioribus, magisque urbem peruagante multitudine lustratis: frequentes hoc in munere, neque die solum, sed nocte intempesta, quocunque anni tempore, sunt alumni Societatis Iesu, vt vocati domos adeant, ad infirmos morientibus ad extremum vsque spiritum. Cumque damnati capitis, vel in crucem tollendi deferantur ad patibulum, eos comitantur (quemadmodum viros nobiles) in locum vsque vbi iugulandi sunt, aut alio supplicio mactandi. Denique, ne omnia persequar, expositi sunt Sodales Iesu ad omnem operam, quicunque ea vti voluerint, ex instituto suo præstandam. Vbi verò, Auditores, hæresis flagrat ac sæuit, quales se ac quantos, & legendo, & scribendo, & nefarijs hæreticorum conatibus obistendo præbeant discipuli Ignatij, noua esset instituenda quidem oratio, si rem, quemadmodum se habet, ostendere debuissimus. Vos scitis omnes & nostis melius, quam ego possem ostendere. Hæc omnia, laudes sunt Ignatij gloriosissimi, hæc trophæa, monumentaque Patriarchæ

chæ præcellentiſſimi. Hæc poſtremò decora & ornamenta Confelloris iſtius inclyti, quæ nulla temporum obliuione ex hominum mentibus excident, pro multitudine magnitudinæque ſuâ, pro gloriâ præſtantiſſimâ immortalitatis inſignibus cohonestatâ. Date operam Auditores, vt quæ de amore diuino, de charitate in proximos ardenti ab initio in hunc vſque locum audiſtis, veſtris animis commēdetis: quæ de patientiâ & charitate, de vtraque præcellentiſſimâ virtute, tantis donis ac muneribus redundanti, tot virtutibus decoſatâ cœleſtibus, tot illuſtriſſimis ſpectaculis & viſionibus illuſtratâ diuinis accepitiſtis, quæ tanto honore in Ignatium Confellorem & Patriarcham inclytum liberaliſſima Dei manu infinitaque largitate collata omnia dona ſunt, in animis & in memoria habeatis, & qua patientia, qua fortitudine animi eſſe debeatis, & quod amare vos oporteat, quod odiſſe intelligetis, ſi Diuinæ Maieltati, quod vnum eſt oprandum, & gloriam cœli immortalẽ parit, gratia admodum, & accepti ſemper eſſe volueritis. Dixiſ

ORATIO IN LAUDEM B. Ignatij Confelloris.

Ab Adiunctis, ope aliorum Argumentorum.



Væ de Beatiffimi Ignatij Confelloris Eccleſiæ glorioſiſſimi laudibus hoc tanto concuſſu nobiliſſimorum hominum, Doctorumque frequentia honoratiſſima ſtipatus dicturus ſum, ea in fortunæ, corporis, & animi dona conferam. Neque vereor reprehentionem muſitantium iam nonnullorum, & probro vertentium tritam hanc ac peruulgatam laudandi rationem, & quaſi parum ad Sanctorum laudem ſpectantem: Nam non omnibus nota ſunt, Societatis quanquam alumnis, & eiufdem ſtudioſis notioria ſint, quàm mea noſſe quicunque poterunt oratione: Et ſi nouerint omnes ad Cœlitis incliti laudem collata, maiorem illa quidem ſpero cognitionem, & eidem Magnati

Magnati curiæ cœlestis insigni laudem illustriorem asserere posse. Nam cum parentibus clarissimis non responderunt solum, qui sunt eius generis ac familiæ, sed virtutibus suis clariorem & illustriorem nobilitatem reddiderunt. Quid maius & ad institutum, quod de agimus, appositum asserere potuit orator? Id quod præcones Beati Dominici nunquam prosapia Gufmaniorum omiſſa, cum tanti Principis Ecclesiæ laude gloriosa maiorum stemmata coniungentes, nobis nunc primum de Patriarcha præcellentiſſimo Ignatio, tanquam de sancto, & in Beatorum ordinem ascripto dicentibus, faciendum celebrandumque prædixerunt. Neque ob eam causam veræ laudes animi dotes prætermittendæ sunt, & aliæ multæ habendæ, mandandæque literis sunt orationes, nulla nec minima suorum illustrissimorum facta mentione maiorum. Quapropter, quæso, detis mihi primum omnium hoc usitato artificio dicenti, nec maius meis viribus onus audenti solitam veniam attentionemque animorum ad orationis ingressum spectata cum benignitate coniunctam. Patria Beatissimi Ignatii Cantabria fuit, fortis & inuicta, & ad Martis congressus horribiles quali dono ac munere præcipuo nata. Quæ cum gente armis, & gladijs, & hastis gaudente acerrima bella gessere Romani; neque ullam ex Hispaniarum gentibus magis fortem, & planè indomitam, prælijs grauiſſimis periculosisſimisque commiſſis, quàm Cantabriam nominarunt vnamquam, suorum talem ac tantam, annalibus posteritati commendatam: in ea verò Ignatius bello pietateque insignis natus fuit parte, quæ in finibus vrbs Aspeithiæ posita est. Quibus in locis duo sunt oppida Ognis & Loiolæ, a qua Loiolæ familia, & cognomen horum Cantabriæ dynastarum ductum fuit & propagatum insigniter. Hæc patria licet clara & illustris non esset, eam tamen Domini Loiolæ illustrassent suo splendore & maiorum nobilitate clarissima, maximè Ignatius hic insignis, quæ claruit in rebus bellicis gloria, & in perfectionis itinere suscepto conſequutoque absolutionis consummatæ fastigio, & Beatorum in militanti Ecclesia gradu gloriosissimo. Nam de Confessoris, & sancti & maximi Principis culmine iam in cœlo, quod postea clarum ostendemus, summa cum celebritate delato, quis nisi inuidus & obrectator impius dubitare potest? Gloriare igitur imprimis Patria Ignatii, non tã de Beltramo Parète, de maiorib. illustri nobilitatē florētib. de

magnor.

magnorum, illustrium, & immensum planè municipum al-
 trice terra, quàm de Beatissimo Ignatio, quod licet in tene-
 bris primis temporibus iaceres, posset ille suæ sanctitatis fa-
 ma, & cœlesti celebritate ab obliuionis iniuria vindicare, &
 cum antea, tum nunc maximè ope Vica-rij Iesu Christi, qui falli
 non potest, Beatorum sede delata, & quod tu, quod sui breuiter
 sperare possint, & cum magna animorum voluptate, boni san-
 ctique Christiani videbunt, gloriari iam incipere potestis de
 Ignatio breuiter in Sancterum ordine collocando. Huius ergo
 patria si clara fuit, si tam illustris, non minus illustres, & sumosis
 maiorum imaginibus paterna, maternaque prosapia procreati
 fuere Loiolæ Principes & Domini sua ditione celebrati. Hac
 patria his maioribus commendatus fuit Ignatius, qui cum pa-
 rentes locupletes ac copiosos habuerit, & Dominus Ognis &
 Loiolæ præstantes, ijs redditibus annuis, & insigni fortunæ
 dominatu, stirpisque Loiolæ principatu florentes, parentum
 vestigijs primum insistere in animo habuit, atque viam sæ-
 culi contendere cœpit ea iactatione, qua se filij Heroum cla-
 rissimorum, & fortuna tam ampla florentes ostentare solent.
 Quod in illo satis insigniter vigere visum fuit adolescente,
 præsertim oris dignitate, recto & eleganti corpore, mira
 membrorum omnium conformatione, tanto lepore ac venu-
 state lineamentorum suorum, ut si cognomen generis, glo-
 rio patriæ non omnibus notus esset, suam tamen florentem
 fortunam, & maiorum claritatem insignem ore ipso, reli-
 quaque corporis elegantia satis egregiè præ se ferre vide-
 retur. Quod testatus fuit liberali, & Equite illustrissimo
 digna educatione, & Aulæ regię Ferdinandi hoc nomine
 Catholici victu quotidiano: In quam cum alijs filijs Heroum,
 & Magnatum clarissimorum missus à parentibus, Regię
 Maiestati venit in seruitium. Inde spiritus illos Equestres, ani-
 mos Magnatum insolentes didicit, & accepit, ut ad fortunæ
 gradum excessum, & fortunæ dominatum amplissimum na-
 tus fuisse cerneretur. Huius aulæ moribus, & institutis imbu-
 tus, magno & erecto animo ad rem militarem animum adie-
 cit, prima militiæ tyrocinia apud Ducem Naiarenssem cum
 Loiolæ familia vetusta necessitudine coniunctum, honori-
 ficè nimium posuit Ignatius. Qui corporis ornata elegantis-
 simus, armorum, militiæque vñu præcellentissimus, quan-
 quam in factionum rixarumque periculis, in sæculi imma-
 nissima iactatione tempus consumeret, tamen in illo bonæ
 indolis,

indolis, & virtutis decursu temporis futuræ satis illustria indicia, atque adeò spectandæ religionis præfagia videbantur emicare. In tantâ enim licentia militari, in tam corruptis moribus, nulla vox paulò atrocior, nullum iusiurandum auditum, sacra omnia, sacrorum Antistites summâ religione venerabatur. Agnoscite quoque illum diuitijs humanis minime inhiantem, nullâ auaritiæ labe aspersum illud temporibus, quibus prædæ faciendis, dediti sunt militares animi. Denique ne vos morer, in re militari eas progressiones fecit, ut cum in Naiatæ expugnatione fortitudinis suæ documenta quàm illustria dedisset, à diripiendâ vîbe, quàm prædæ, direptionique dux ipse reliquerat, prorsus abstinnerit, cum ad illum tum expugnationis, tum prædæ præcipua pars pertineret. Inde maximè notus omnibus, ab hac expugnatione pluris Duci habitus; à quo ad maximas res & arduas, ubi alacritate, fortitudine, consilio opus esset, agendas, expediendæque deligebatur. Ecce vobis inter quosdam Cantabriæ populos, ortæ seditiones, motusque turbulenti fuerunt, quæ ad vtriusque factionis exitium, ad oppidanorum interitum apertum spectabant. Dux ipse Naiatensis, pro nobilitate, pro fortitudine, pro consilio spectato, Ignatium & adolescentem, & alijs militibus multò recentiore legatum misit, qui controuersias, & breuiter & prudenter diremit, gentesque acriter & hostiliter dissidentes magno vtriusque partis consensu, & approbatione composuit, & reconciliatas reddidit amicas perpetuum. Qui iuuenis legationem obibat, quid negotij, quid muneris non obiret ætate maturior? Magnum erat nomen, magnum decus legati, ut Principes Reipub. maximi semper in omni morarâ, maximeque Romanâ Reipublicâ munus hoc obierint. Seruius Sulpitius ad Antonium Iurisconsultus maximus Senatus auctoritate legationem obiit. Eandem obierat ad Caium Cæsarem L. Cæsar pro cognatione, consilio, auctoritate suâ, decernente Senatu, ut ab armis discederet, & ad petendum Consulatam Romam supplex accederet. Qui verò missi fuerunt Saguntum ad Annibalem, iussi transire Carthaginem, si Annibal obsidionem Saguntinam, non solueret, magnis Reipub. muneribus functi fuerant. Sed pluribus nolo rem trahere, legatorum auctoritatem commendans, quæ per se commendata semper fuit, cum inter hostiles gladios, & tela semper integra & intacta veraretur. Dicam id quod

quod literis mandatum est, nullum negotium Ducem Naia-
 rz non per Ignatium cepisse prudenter, & confecisse feliciter.
 Tanta in illo prudentiæ consilijque magnitudo elucebat.
 Sed id declaravit apertè prouincia ducis Pompeianæ vrbis &
 arcis defendendæ Ignatio paucis comitato delata, dum dux
 ipse Nauarræ imperio Præfectus exercitus cogeret imperij
 defendendi causa. Quid hic magnanimus Ignatius, absente
 Prorege, cæteris de deditioe agentibus, multitudine Gal-
 lorum deterritis, & simul oppidanorum animo diffisis? solus
 ille cum paucis arcem defendit, contra Gallorum tormen-
 ta vimque omnem adinotis scalis in arcem ad ascendendum,
 & vsque eò restitit, quoad globo percusso, contractoq; crure
 semianimis corruerit. Defecere id temporis Hispani animis,
 dedere se Gallis, & arcem tradere sine cunctatione, Quod
 aliud fortitudinis, & magnanimitatis signum dari potuit?
 Decidit in terram, vt subleuaret se, & animum tolleret ad cæ-
 lestia, & qui deicere Gallos volebat, deiectus fuit tormen-
 torum vi, vt à sæculi militia ad cœlestem transfret, & magno-
 rum copias militum duceret, tormentisq; omnibus oppug-
 naret, & expugnaret, castraque Luciferi, & inferorum sedis
 cunctorum. Proh! sancte Deus, quibus ille modis, quibus mi-
 raculis à sæculi vanitate ad Christi Iesu perfectionis iter tra-
 ductus! Quem paulò ante accinctum gladio sicaque cum ga-
 lea in capite, cum lorica in pectore, cum scuto in vna manu,
 in altera cum gladio militis ingentis partes agentem, & aut
 gladio arcem tuentem, propellentem accessum, & ascen-
 sum aduersariorum, quem à congressu videratis elegantia,
 aulicique cultus appetentem, sericis concrepantibus ince-
 dentem, ornatum plumis versicoloribus, & gestantem de
 collo murenulas aureas, capillo pexo, ac nitido, vel intorto
 cincinnatoque, indutum ocreis politis & habilibus ad crura,
 more militum gloriosorum, vel in habitu politorum & ele-
 gantium aulicorum; en exutus vestibis suis & ornatu serico,
 cum pannoso, & lordibus oppleto, centonibus mille refarto
 vestitum pretiosum mutat, & induit vilem & attritum. Quid
 de hinc? Corrogantem ostiatim aspiceres, quem summæ Re-
 gum arces aluerant, xenodochia adeuntem incolentemque,
 cum inopum genere versantem, & iucundè cum illis aliena
 misericordia viventem, & vescientem corrogatis escis. En illum
 pauperem. Hunc paulò pòst in peregrini habitu aspicias, sacco
 vili, cralloque obductum, accinctum fuscæ asperissimo, de fuscæ

pendente scutica ferreis globulis, aut rotulis grauiſſe exulcerantibus, & carnes lacerantibus inſertis, qui pedibus nudis Hieroſolymam Martyris coronæ ſtudio cupidiffimus contenderet. Poſtremò, vt qui perduxerit militem ſuum Chriſtus Ieſus, aſpicias, cernes poſt annos aliquot, in noſtrorum habitum aſſumptam veſtem honeſtiſſimorum B. Petro inſeruientium Presbyterorum? Quæ hæc commutatio, tam multa, tam varia, & hominum iter perfectionis affectantium, propria atque peculiaris? Diuina dextera, coeleſtis Dei immortalis prouidentia fuit, quæ famulum & adminiſtrum diuerſis rationibus exercuit, & ad præſectum & ducem ſociorum filij ſui perduxerit, vt quoniam miles ſtrenuus, quoniam dum fortiſſimus fuerat, laboribus aſſuetus magna vi, & robore animi, certus occumbendi potiùs, quàm deſcendi, exercitus Chriſti maximos duceret, res maximas gereret, pugnas acerrimas cum humani generis hoſte nequiſſimo committeret, victorias reportaret, & maximarum inſignia victoriarum, ſigna quæ Chriſti Ieſu in vltimas orbis terræ partes inferens, eadem in arces extollens Crucis ſanctiſſimæ monimenta relinqueret ſtatuta ad ſæculorum memoriam ſempiternam. Quæ prædixi notiora ſunt, quàm vt quiſquam probationem deſideret. Sic Ignatius Beatiffimus nuntium ſæculo rem ſit, vt viſione Beati Petri ad traductionem excitatus fuerit, Virginis altera iucundiſſima magis erectus atque confirmatus. Quatum ille memor imaginum, nihil ſibi prius faciendum, nec antiquius duxit, quàm vt veſtem ſæculi relinqueret, gladium ante Virginis ſimulachrum, vigilijs primum de more Chriſtiano ſuſceptis & actis, ſumma religione gratus appenderet. Quemadmodum verò viam purgantem inierit compressione carnis, inedia, vigilijs, meditatione, ſciunt omnes, qui acceperunt, illum ter ſingulis diebus carnem acriter vehementerque vexaſſe, ad ſanguinem non ſolùm exprimendum, ſed ad dilacerandas uſque carnes: ſic enim in ſauieptem carnem ſæuierat, vt ſæuire non ſineret, niſi huiusmodi crudeliſſima prius exercita carnificina. Id Beatus Ignatius acceperat Beatum Dominicum ſeciſſe primis ſuæ perfectionis arſeptæ cunabulis. Id Beatum Franciſcum, carnis capitalem inimicum, carnificinæ genus ad domandam comprimendamque carnem exercuiſſe probè nouerat, eiſdemque modis & cruciatibus carnem malè mulctaſſe acceperat alumnos veræ conſummataque perfectionis. Quæ verò illius preces, quanta

quantâ vi & animi contentione adhibitâ? Quæ rerum diuinarum attenta assiduaque meditatio, cum totos ferè dies & noctes in rerum cœlestium contemplatione poneret, nullam ferè intermissionem faciens, nisi quam corporis sustinendi, & à tantâ contentione reficiendi necessitas facere compellebat? qui vsq; eò speculator diuinus fuit, vt sine cibo, sine potu, quod Sanctorum cui acciderit legisse non memini, à rebus humanis abstractus, & ad superas atque cœlestes sedes animo sublatus, omnino sensibus omnibus id temporis arreptus in cœlum, octo dies & noctes continuas incredibili dulcedine perfruens, & cœlesti absorptus suauitate consumpserit. Sed in pelagus immensum & profundum ingressus præcindam reliqua, ne virtutes alias cogar intactas relinquere. Quæ inedia Patriarchæ clarissimi fuerit initio traductionis, ignorare non possunt illi, qui illum ostiatim corrogasse sciunt, & famelicū nunquam non fuisse, & semel pransum duntaxat, sæpe biduum, aut triduum impransum, nunquamque ad corpus reficiendum accessisse, nisi urgente necessitate, ac sæpe quidem premente conscientia. Quod illud abstinentiæ genus? quod inedia visum auditumve vnquam fuit præscriptum vlla sæculorum ætate? in vlllo Christianæ non dicam disciplinæ cultore, sed neque in maximo spiritus præceptore, parenteque celebrato, cum octo dies & totidem noctes manserit ieiunans, plures quidem mansurus, nisi Confessarius scrupulum & religionem iniecisset? Ita quidem tractabat carnem, vt non passceret, sed affligeret, non reficeret, sed opprimeret, & adduceret in angustias maximas, vt iumentum onus perferre doceret, & alias lecti incommoditates humi cubando, & cum se sustinere non posset, tolerare cogeret. Quibus verò lacrymis vitam præteritam lugebat, post expiatam generali Confessione conscientiam? Meministis Auditores Dauidem, qui media nocte surgebat, lacrymis eluturus magis ac magis peccata in Diuini Numinis Maiestatem admissa: Meministis Magdalenam ingenti lacrymarum acerbitate lugentem deplorantemque peccata sua, & eisdem aspergentem pedes Assertoris Iesu, & eosdem capillis auro clarioribus abstergentem: Meministis denique Petrum audito Galli cantu continere se non potuisse, quin ingentem vim lacrymarum effunderet, recordatus peccati in Iesum admissi, & perfidiæ iusiurando confirmatæ; Horum similem Beatissimum Ignatium recordamini, quem vitæ præteritæ peccatorum in Dei numen

men admissorum sic pœnituit semper, vt obliuisci non posset, & solâ recordatione in lacrymas torus solueretur acerbissimas. Ad gradum iam diuinæ contemplationis tam sublimem euectum, & in viâ illuminante tantâ cum excellentiâ, & splendore cœlesti versantem, quis pro meritis cōmendare poterit? Quæ denique (vt alia omittam) fuit contemplationis magnitudo? qui gradus tam excelsus, & sublatus ad Dei cognitionem summam atque supremam? Non dicam amplius, quàm quod sui, qdod vitæ Ignatij studiosi nouerunt, quod admirari debemus, & summo quidem iure obstupescere, sic se habuisse in rerum cœlestium spectatione Patriarcham cœlestem, vt pati potius quàm agere videretur, adeo ferebatur ab humanis abstractus ad cœlestia. Cuius gradus celsissimi testes sunt visiones diuinæ de sanctissimâ Triade mentis oculis obiectæ, & in illius animo tam insigniter impressæ, vt nullis adhuc literis prædictus librum de sanctissimâ Triados altissimo mysterio composuerit, literisq; mandauerit ad suorum consolationem filiorum, & ad liberalitatem in suos diuinamq; largitatem magnificè prædicandam. Testes sunt visiones Virginis Mariæ, & Filij sui Christi Iesu; nunc istius Domini terræ cœlique supremi, nunc Reginæ cœlestis aulæ, nunc vtriusque, & tanto cum splendore, tam claro lumine sæpè ac sæpius, vt nihil supra: Testis visio sanctissimæ Triados Patris, Filij, & Spiritus, in quâ Pater Filio commendat Ignatium, & Filius in suam tutelam accipit; & Spiritus Diuini radijs, & clarissimâ multorum cœlestium arcanorum cognitione completur. Testes multi, qui cum contemplantem & spectantem arcana cœlestia cernerent; faciem sæpè splendore circumfusam viderunt, & loca, in quibus erat spectator cœlestis & Angelicus, lucis immensâ magnitudine clarissimè collucentia. Testes denique innumerabiles, qui sublatus à terrâ superas res meditantem, cœlique volûptates haurientem conspexerunt, & quidem longo intervallo, & quasi corporis mole carentem. Quod nunc raptus, vt ita dicam, & extases diuinas (volo enim hisce vocabulis vti; quibus rem clarius auditores intelligunt) commemorem? Cum communia fuerint Confessori sanctissimo hæc omnia, cum nunquam non cum Deo esse, cum eodem versari amicissimè familiarissimeque videretur, hanc propriam meditandi rationem propriam Societatis voluit esse Patriarcha celsissimus: ab hac instituere voluit alumnos suarum rerum actiones ante lucis diuinæ ortum, & subito nunquam eosdem ire, nisi eius meditationis pastu re-

creatos: Hanc monumentum Societatis celsissimum instituit, prouehendum conseruandumque censuit, atque decreuit. Hec a translatione sua semper cum heroe coelesti versata fuisse uis est, & egisse totos dies ac noctes. Inde liber exercitationum spiritualium ad suorum usum & progressus maximos, & ad aliorum cuiuscunque generis ac fortunæ hominum à peccatis abstrahendam multitudinem ingentem, & ad eandem in gratia diuinâ conseruandâ, ad eandem multitudinem in gradus euehendam altissimos, diuinæ familiaritatis commodo tanto, & incremento Christianæ Religionis exiit, & emanauit in lucem. Qui coelestis Christianæ Religionis heros si in suæ translationis cunabulis, in illis primis ineuntis, & ingredientis uiam spiritus rudimentis, tantam diuinæ contemplationis vim & affluentiam obtinuit, quid illum progressu temporis consequutum fuisse diuinarum cōsolationum, quod coelestium iucunditatum & solidarum voluptatum obtinuisse, hausisseque incrementum dicemus? Nihil ille unquam nisi immortalis Dei gloriam appetiit, nihil quæsiuit amplius, neque studiosius, neque uehementius. Eius stemmata fuerunt non lupi, non lebetes, non reliqua generis ac familiæ Loiolarum insignia, sed Iesus ipse: Sed illa tria uerba, Ad maiorem Dei gloriam: O Diuinum Confessorem! O Coelestem Patriarcham! O uerum Pastorem, & auctorem Religionis sociorum Christi Iesu dignissimum! Quas ego tuas alias uirtutes charissimas, quos titulos illustres & excelsos, quos tuorum fructus toto terrarum Orbe tanti parens patrocínio ac uirtute perceptos enumerem? Quæ proferam tua miracula nobiscum agentis, & in cœlo commemorantis, miranda quidem & stupenda? Sed ista ad aliam orationem reseruo. Quanquam nullum maius uirtutis testimonium, neque illustri sanctitatis monumentum proferri potest, & poterit unquam ad Sanctorum laudem, suis trophæis & immortalibus uirtutum maximarum monumentis. Fruere his omnibus laudis insignibus Patriarcha celsissime, atq; hæc, quæ prædiximus, & patriæ, & genitricis, & fortitudinis, & uirtutum maximarum lumina tam illustria, trophæa permansura ad sæculorum omnium immortalitatem in hac militanti triumphanti, quæ Ecclesia tot tuis titulis & insignibus honorificentissimis illustrata, recognoscemus omnes & uenerabimur. Et quod illorum studiosissimus, quod participes eorundem esse cupimus, quod tanto tuo bono gaudemus, quod filij tui memoria beneficiorum immortalium obligati, & ob eam causam tibi dedi-

ORAT. VI. IN LAUD. B. IGNATHII 332
 esse volumus: Quòd quem modò Beatum colimus, & in Bea-
 torum numerum ascriptum ferijs tam sacris tamq̃ue solenni-
 bus suspiciamus, atque veneramur, & in Sanctorum ordinem
 ascriptum, quàm breuiter Pauli hoc nomine Quinti, Vicarij
 Christi Iesu auctoritate referendum esse speramus, & ad has
 nos ferias colendas, venerandasq̃ue non minore Religione,
 iucunditateq̃ue animorum incredibili, maiore quidem appa-
 ratu, maiore pompa & splendore nos comparamus, adesse &
 præsentes esse cupientes, & solâ recordatione gestientes incre-
 dibiliter. tuis nos precibus in itinere virtutis adiuua, tuo pa-
 trocinio tuere. Quòd si adfuerit, vt adfuturum sine dubita-
 tione speramus, erimus, qui debemus esse, vir-
 tutis fideles, egregijq̃ue maiestatis
 diuinæ cultores. Dixi.

(*.*.)

F I N I S.



LI 2

INDEX

INDEX RERVM VOLVMINIS PRIMI CAMPORVM Eloquentiæ.

A.	studij	74.92.113
A Bac u quid sit 382	adoleſcentis boni pia exercitationis	
& apparatus eius 383	39.91	
Abrahâ alter eſt S Ignatius 462	adoleſcens flagitiſſimus 105	
Academiæ in genere laus, à	adoleſcens innocuus, ſolum ſibi &	
partium enumeratione, maxi-	ſtudijs vacans 149	
mè Salmaticenſis 104	adoleſcentiæ mali peruerſa ſtudia,	
Academia ius liberandi ſtudioſos	38.79.80.105	
à Prætorè incarceratos 244	adoleſcens nobilis ſubitanè mor-	
Academia Complutenſ. laus, 445	ſe ſublatus 106	
Academia Salmaticenſis ſitus	adoleſcentis ſcholæſtici laus, 231.	
laudatur ab inamœnitæte 7	233.234	
Acanthi natura & color 199	adoleſcens rerum magnarum de-	
Accipiter qualis auis 295.336	color 10	
Acupunctrix 401	adoleſcentis vituperatio, 142.105	
adiuncta quid ſint, 120 patent	adoleſcens inter viſitorum pluri-	
latiſſimè, ibid. exempla va-	mas occaſiones, doctrina &	
ria, 129. & ſeq. ex eu ſuaſio ad	Virtuti ſtudet 7	
bellum Iſabella Anglorum Re-	adificia qualiter & quomodo cõ-	
gina inferendum, 146. diſuaſio	ſtruenda, 396. eorum partes	
ad Cæſarem, 148. coniectura	deſcripta 396.397	
quo pacto faciendâ, ibid. repre-	Ægea Proconſulis inſania, & cru-	
henſio patet in filio prodigo, 150	delitæ 78	
ſpes in adoleſcente literis vacã-	agrorum medela 411	
te, 151. inuidia, 152. odium de	Ægyptus Nilo inundatur tota a-	
patrato Cain peccato, 153. me-	ſtate, 431. quomodo agros poſi-	
tus in finem 154	ea diſcernat, ibid. artium in-	
adiuncta quibus cum argumentis	uentrix ibid.	
coherent, 156. & ſeq. cum qua-	aquiritatis amans Proprator 128	
tuor cauſarum generibus, 157.	affectus præui compendi 205	
& ſeq. cum antecedentibus &	Agarens Granatenſibus infeſti,	
conſequentibus, 61. & 163.	236	
cum attributu perſonæ, loci,	Agarenorum immanitas 236	
temporis, 171. ab eu exordia &	Agæſæ canes venatici quales, 264	
narrationis variâ ſumpta &	B. Agneti cõſtantiâ, 202. mira-	
diuerſis rebus applicata, 229.	cula 203	
& ſiq.	Alanoæ ſeu Galetitæ auis cuius	
adoleſcens primus in omnibus	natiuitas 299	
	Alcyon	

<i>Aleyonis natura</i>	336	<i>Anacephalaosis Epilogi accurata,</i>	
<i>Alexandri magni statua caesarem</i>			245
<i>excitat</i>	124	<i>Anacephalaosis virtutum S. Ignatij,</i>	
<i>Alexander felix magistro Aristotele,</i>	441.		477.
<i>Homeri libros in thecapretiosa Darij asseruat,</i>	<i>ib.</i>	<i>alia laudum Gioma</i>	
<i>Alexandri Macedonij Regis laus,</i>		<i>tria</i>	433
441		<i>anatu descriptio</i>	300
<i>allium quid sit,</i>	363.	<i>Andrea Apostoli martyrium,</i>	78
<i>cur gratum</i>		<i>Anglia catholico deferenda</i>	4
<i>messoribus aestuo tempore, ibid.</i>		<i>Anglia persecutio in catholicos,</i>	
<i>alius quid,</i>	315.		36
<i>Et in qua parte</i>		<i>Anglia pyratu resistendum</i>	100
<i>corporu locata</i>	<i>ibid.</i>	<i>anguis natura</i>	347
<i>amplificatio ex causis Et affectis,</i>		<i>anima corpore prestantior,</i>	561.
40.		<i>passeri comparata</i>	<i>ibid.</i>
<i>ex antecedentibus Et consequentibus,</i>	15.	<i>animalia quadrupedia quocuplicita</i>	292
<i>Et 193. ex adiunctu in Tyrannum Herodem,</i>	<i>ib.</i>	<i>animalium varia genera, varia</i>	
<i>ex toto integro Et partibus eius,</i>		<i>arma</i>	292. 293
253.		<i>animalium in specie descriptiones</i>	
<i>à proprio,</i>	355.		260
<i>ab enumeratione</i>	209	<i>Annibalis fortitudo</i>	186
<i>amplificatio ex causa absoluta efficiencie amoru in amicum,</i>	25.	<i>anser coloris varij</i>	301
<i>ex adiuuante. procreante Et conseruante,</i>	28.	<i>antecedentia quid sint,</i>	121.
<i>Et seq ex casu</i>		<i>Et diuersis argumentis connexa,</i>	179.
<i>Et necessitate,</i>	30.	<i>Et seq. eorum usus</i>	
<i>spon te agente in laudem D. Thoma</i>	29	<i>multiplex,</i>	177.
<i>amplificatio ex fine diuersis exemplis illustrata,</i>	3.	<i>amplificatio ex conglobatione</i>	182
<i>ex uno Et multiplici,</i>	<i>ibid</i>	<i>M. Antonij furor Et vituperatio,</i>	
<i>ex fine cum effectu Et partium enumeratione,</i>	5.		11.
<i>cum similitudine Et effectu in laudem casaria,</i>	6.	<i>machinationes in Remp.</i>	17.
<i>ex fine cum adiunctu in laudem S. Hyacinthi,</i>	8.	<i>Vitia</i>	84
<i>laudis Et vituperij cum similibus effectis,</i>		<i>Antonij intemperantia</i>	10
<i>Et causis efficientibus,</i>	11.	<i>Antonius contra Romanum Senatum agit</i>	181
<i>uasione Et dissuasione</i>	15.	<i>Antonij familiaritas cum casare</i>	84
<i>Et 13</i>		<i>Apelles pictor maximus</i>	381
<i>amor caducorum reijciendus,</i>	207	<i>Apes cuius rei symbolum,</i>	340.
<i>amor Dei in homines,</i>	206.	<i>il larum natura</i>	<i>ibid.</i>
<i>Et 207</i>		<i>Apostolus, cognomen S. Pauli,</i>	257
<i>amor Dei perfectus</i>	514	<i>Apostolorum SS. Martyria</i>	252
<i>amor hominis in Deum,</i>	206.	<i>Apostropho ad B. Ignatium</i>	468
<i>207</i>			
<i>amoris effecta</i>	25		

I N D E X

aqua qua igne accenduntur, 474
 aqua ignem nutriendes, 473. 474.
 aquila natura 302
 araneorum descriptio 344
 arborum descriptiones, 365. & seq.
 vitia 366
 Archilochus & Sophocles post mor-
 tem ob scientiam honorati, 443
 Archimedes Arithmeticus laude
 celebris, 429. eius factum egre-
 gium 433
 Archimedes geometra post mortem
 honoratus ob artem, ibid. argen-
 tum auro mixtum in corona
 Regi indicat 435
 Archytas geometer magnus, 432
 ardea quasi ardua petens qualis a-
 vis 303 336
 argumentatio à 4. causarum ge-
 neribus, 12. à partium enumera-
 tione. 74. ab adiunctu, 193. con-
 iugatis 258
 avies bellicum instrumentum, 422
 Aristoteles 300 libros scripsit, 439.
 omnia doctra natura humana
 habuit, 440. Damonium in di-
 uinus dictus, ibid. mors eius ex
 nimia aviditate sciendi, 441.
 exiliū eius & idola exosa, 444.
 conversio eius ad Deū in morte,
 ibid.
 Aristotelis laus in omni arte, 437.
 & seq.
 Arithmetica laus & utilitas ex
 adiunctis descripta 425
 arma militum 417. 419
 armorum bellicorum descriptio,
 419. & seq.
 ars militaris à gruib. docetur, 324
 Artium Dialectica, Arithmetica,
 Geometria, Rhetorica laus, 248

Ascensio Christi in coelum gloria-
 sa 117. 970
 Atlantes & Caratides domui, 398
 attagen avis 336
 Attentionis & benevolentia capta-
 tio 523
 Attentionis captatio in media ora-
 tione 463
 Attentionis & benevolentia capta-
 tio 438
 Avarus in pauperes 35
 Avari hominum studia ac vota, 216
 Avium proprietates, 291. unde sit
 dicta, 336. quoduplices ibid.
 Aucupis solertia in capiendis per-
 dicibus, 297. turpibus, co-
 lumbis, & similibus. 208. & se.
 aurum unde sit dicta, 352. cur som-
 per pateant ibid.
 Ausleritas vite eremitica. 197.
 B. 1134

Baccalaureatus digno collatus,
 Bacchanaliorum lusus iuvenū
 lepidus 63
 balnearum usus quā salutaris, 414
 B. Barbara parentis crudelitas,
 40. narratur cum amplificatio-
 ne, 31 spes in Deo fixa, 204
 Basilisci natura venenosa, 347.
 Regulus alius ibid.
 Beatificatio S. Ignatii celebrata sty-
 lo soluto & ligato 61
 Beatificatio S. Ignatii concessa, Ca-
 nonizatio prolongata, 479. bea-
 tificatio, quid à Sanctificatione
 differat. 485. Beati qui dicun-
 tur, 484. dies beatificationis S.
 Ignatii qua pompa Romæ actus,
 482. Beati ydem qui Sancti,
 486. 487. Beatificatio in His-
 pania quomodo acta 438
 Bea-

R E R V M.

caritudo in quo consistat	48	cælum laboribus, & puritate com-	
bellum civile inter Cæsarem &		scientia acquiritur	159
Pomp. 127. belli civilis Romani		cœli facies pulcherrima	32
adumbratio, 12. bellicades de-		cœlestis, vita bona	198
scribuntur	11	calamus aquaticus pacis & belli	
belli clades magna, 236. bellicorum		instrumentum	379
armorũ descriptio, 419. & seq.		calandris avis similis alaude, 300	
belli cum Anglis gerendi causa sũt		canabis natura	376
Hispanis	5	candelabrum	395
beneficia Dei in hominem peccato-		canes adsum custodes quales	267
rem, 39. beneficia Dei in homi-		canis venatici descriptio, 261. 262.	
nem, 217. beneficio Ecclesiastico		263. villatici, pecuarij, domestici	
dignus	93	266. & seq. (nẽt, 350	
Benevolentia captatio	458	capilli calui in homine quid desig-	
Benevolentia & Attentionis cap-		capitis humani descriptio	349
tatio, 53. 55. 56. 57. 61. 62. 98. 96		caprarum descriptio	268
Bombyx ubi & quomodo nascatur		capus qualis avis	316
343		carceris descriptio	414
bona triplicis generis à quibus cõ-		carni repugnandum rationabiliter	
mendamus	522	18. requies danda aliqua, 189	
bona cœlestia	198	Carduelis à carduis nomen sortita,	
bona huius mundi præ æternis con-		304. 336. qua arte capiẽda, 304	
temnenda	41	carduorum descriptio	365
bonorum paternorum dilapidatio		cavo porcina quam preciosa, 291	
ab adolescente, 10. bonorum		castanea quid sint, & quanam	
temporalium deceptor	12	esui grata	319
Britânia ferax canũ Agascorũ. 264		castrorum muniendorũ ratio, 423	
Bubo à sono Buditum dicta, 304.		caus qualis causa efficiens	25
388 C.		casu in venatione interficiens, an	
Cremonia, unde dicta, 225		venia dignus	30
Cæsaris prima militia rudi-		catellorum Adulicensium natura &	
menta	124	forma	260
Cæsaris laus ex adiunctis, 124		Catharina S. Martyrium	65
Cæsaris dictatura perpetua argui-		Catilina in exilium proscriptio, 3	
tur	153	Catilina coniuratio eversa studio	
Cæsar omnes hostes vicit, 126. 127		Ciceroni	6. 7. 103
Cæsari bellum in Romanos dissua-		Caini desectatio ob mortem fratri	
ditur	148	allatam	133
Cæsaris usus cum Antonio	84	Cænensis Romanorum clades	187
Cæsar Pompeium generum per quẽ		causa quẽ locum in oratione teneat	
vicerat, debellat	42	50. omnes in laudẽ B. P. Ignati	
		I. l 4	colla

I N D E X

- collata. 45. eorundem notitia
 utilis & necessaria, ibid. ab 45
 deductum exordium & epilo-
 gus 50. & 68
 causarum quatuor genera 2
 celle penaria unde sit dicta, 367.
 eius effigies ibid
 charitatem laudat pra omnibus
 B. Ioannes 122
 charitas ad Canonizationem S.
 si necessaria 509
 charitas gemina Dei & proximi
 in S. Ignatio 512. 513
 charitatis vis & efficacia 21
 charitas in Deum 123
 charitas Dei perfecta in Ignatio,
 514
 charitas Christi in peccatores, 212
 213
 chirurgi ars, instrumentaq; 412
 Christus quis? 8
 Christi nati beneficium laudatur,
 112
 Christi circumcisionis causa. 78
 Christi vita compendium & la-
 bores 21
 Christus Dei patris voluntatem
 compleuit 459
 Christi moeror in crucem sublatus
 ex adiunctis descriptus, 155.
 transfigurari gloria quanta,
 158. odium rectum in iudam
 proditorem, 185. amor in genus
 humanum 206
 Christi crudelis flagellatio 34
 Christi patientis & gloriosi corpo-
 ris membra 960
 Christi tormenta flagitijs impio-
 rum imposita 107
 Christi crucifixi membra 155
 Christi latus, est velut arca Noe
 156
 Christi resurgentis figura diuerse
 960
 Christi ascendentis gloria excitat
 christianos 117. 118
 Christianus verus sit sine morta-
 li peccato 44
 cibi quomodo sumendi, 390. eorum
 varietas & copia 385. 387
 Ciceronis laus 6. & 28
 Ciceronis laus, exilium, restitutio,
 amor subditorum 179. 180
 Cicero quanti factus ob scientiam
 Roma, 443. etiam a Casare
 hoste ibid.
 Ciceronis studium in coniuratio-
 ne Catilina tollenda, 28. urbis
 Romana conseruator fuit, 29.
 pater patriae ibid.
 Ciceronis laus, studium, & labor
 in tollenda coniuratione Catil-
 ina 6. 7 103
 Cicade natura canora, & unde
 sit dicta 344
 ciconia descriptio, 05. 3 6. in edi-
 ficio quid sit 399
 cilicis descriptio 343
 cimicis natura, 346. cloriamidi
 descriptio 403
 circumcidit Christus cur voluerit
 78
 ciuile bellum Roma 112,
 claritas corporis Christi gloriosi
 959 960
 clodij scelus in Nicerone expellendo
 179. 180
 coehlidee adium partes quid sint,
 399
 cecparum proprietates 374
 collum unde sic appellatum, 354.
 capitis sustentaculum ibid.
 Colonia B. Ignatius apparet P.
 Kesse.

R E R V M.

Kessalia	519
calores varij	380
columbarum genera duo,	306.
proprietates, ibid. fructus,	308.
837	
co lumbarium quid	387
colus quid sit	401
columna & partes eius	397
commendatio sui ipsius	115
commiserationis affectus	116
commemoratio quid sit, & unde pe- tenda	220
concionatorum ordo à B. Domini- co institutus	165
concordia admirabilis gruum,	323
confirmationis in oratione ampli- ficanda exemplum,	64. refuta- ta, 66. reprehensa
coniuncta, vulgo abstracta, quid?	67
257. triplicia, 258. ab eis argu- mentandi forma	ibid.
consensus & concordia ab amore nascuntur	25. & 26
consequentia quid sint,	120. eorum exercitatio multiformis,
18. & seq.	
Constantia martyrum	64. 65
consulatus potestatis abusus	175
consulatus Romani dignitas, ibid.	
contemptibilis homo	142
contemptus rerum mundanarum,	
122	
contemptus mundi & mundano- rum	197
conversionis peccantium causa,	121
conviviorum apparatus: mores conviviarum	285. 390
coquina necessaria	384
cor vita sedes	355
cornix avis corvini generis,	310.
modus capiendi	ibid.

cornua diversa animalium,	293
coronarum genera	417
coronati martyres aqua gelata na- cati	474
corporis gloria futura magna post labores pro Christo	160
corporis humani fabrica mirabilis	
254	
corvi descriptio, 311. hostis tauri & asini	ibid.
coturnix cur sic appellata natura eius	311. 337
crucifixi facies, pectus, pedes, ma- nus, latus	155
crudelitas Ægea proconsulis.	78.
79	
crudelitas Herodis in innocentes,	
198	
crudelitas Sylla Dictatoris	43
crudelitas parentis in S. Barbaram	
101	
crudelitas parentis in filiam	40
crudelitas feras superans	211
cubile nocturnū describitur,	400
cuculi natura	313. 337
culicis descriptio	343
cultura ingenij ad doctrinam ob- tinendam requiritur	108
cuniculi cur sic dicti, 268. illorum natura	ibid.
cuniculi bellici descriptio	423
Cupido Veneris filius, eius descri- ptio	8
curculio insecti genus	346
curfus equestris	416
cygni descriptio	314

D.

Daciani tyrannis	201
Damonium ob scientiam qui dicti	440
Daniel è lacu Leonum liber Chri- sti fi-	

INDEX

- ſi figura* 960
Daniels conſertur Ignatius, 467
Dei beneficia in hominem 217
delicta ciborum 386. 387
deploratio vite mala acta 68
deſcriptiones ex adiunctis, 260. animalium in genere & ſpecie, 260. & 292
Dicaarchus Siculus Geometer magnus 432
diſtina Caſaris perpetua reprehenditur 153
digreſſio per enumerationem 212
diligentia in ſtudijs, 133, 134. 140. 141 (191)
diligentia florere facit academias,
diſcipulus eximius 87. 92
diſcipulus diſcolus 35
diſcordia rem Romanã perdidit, 38
diſſuaſionis ex ſine exemplum 15
diſtributio ſeu partium enumeratio
quid ſit, 72. modus ab ea argu-
mentandi 74
dines negociando factus 20
diuiti in diuitijs haud gloriãdũ. 30
diuitia pro adiuvandis pauperib. 216
diuitia contemnenda 41
diuitiarum uſus & abuſus 12
B. Dominicus quu? 8
B. Dominici laus 85. 164
B. Dominicus contra hæreſes datus
164. 165. Cõcionatores, Marty-
res, Conſeſſores, Virgines pluri-
mas facit *ibid.*
B. Dominici charitas in proximũ,
110
doctus ſit ex ſtudio & cultura in-
genij 107
doctus à populo honoratus 176
doctus in omni ſcientia adoleſcens,
74. 113. doctus ac bonus bona, 90
docti à principib. honorati 442. 443
docti laudandi ſuſcipiuntur, 50. 51.
52. 55. 113 (255)
docti hominis proprietates in ſcholu
doctor indignè à cathedra remotus,
67
Doctor gentium proprium cognomẽ
S. Pauli 257
doctor Theologia excellentiſſimus
omni genere 75
Doctorem Academicum eligunt
ſcholæſtici ipſi 3
doctoris nouelli laus eximia 89
doctoris laus & vituperatio à parti-
um enumeratione 74
doctrina nobilitati iuncta, 454.
446. doctrina varia in candi-
datis graduum doctoralium cõ-
mendati, 445. uſque 456
doctrina comparanda locus aptus,
& incitamenta. 151.
E.
Eccleſiaſtico beneficio dignus, 93
Echini deſcriptio 169
edulia quomodo preparanda, 393
eff. cõ. rum cõglobatio, 34. cum ve-
hementi interrogatione & re-
petitione, & adiunctione, item
cum interrogatione, & demon-
ſtratione, 35. cum præteritione,
36. cum cõparatione & exempla
ſimul, 38. cum cauſis, 41. cũ du-
bitatione & aſtrophe per am-
pliſicationem, 42. cum repug-
nantijs & diſſimilibus, 43. cũ
obteſtatione ad concludendũ, 44
efficiens cauſa quid ſit & quoduplex
24. ſua ſpontè & non ſua ſpontè
efficiens quid, ib. abſolute effici-
entis amoris in amicum ampli-
ficatio, 25. procreantis & cõſer-
uantu,

R E R V M.

uantiu, 28. sponte & consilio a-
gentiu, 29. efficientiu causa am-
plificatio, cuius species quatuor,
30. ex casu & casu & fortuna
de homine in uenatione interfe-
cto, ibid. cum materia, forma &
uarijs generibus causarum &
effectus, 32. ex minore cum ex-
emplu 33
elephantus 270
elephantes amant flores, 271. fugi-
unt homines mira arte, ib. va-
gabundos in iter dirigunt 272
Elizabetha Anglia regina impia,
Judeluc, 168
eloquentia quid sit, & quid agat, 13
enumeratio partium ex causis &
exemplu in Ægeam proconsul,
78. ex dissimili. 79. cum ante-
cedentibus & consequentibus in
I conigildum, 81. comparatione
& descriptione, 84. repugnantibus
& minoribus, 86. varijs
schematibus illustrata, 87. &
seq. cum repetitione in singulis
periodis, 11. solum cum repeti-
tione, 27. cum repetitione per
præpositionem, 39. cum articu-
lis, traductione, & interrogatio-
ne, 90. subiectione cum corra-
ptione & dubitatione 94
enumeratio quo loco in oratione lo-
canda, 95. per ironiam, ibi. eius
exordium in laudem B. Erme-
negildi, ibid. dominatur in E-
pilogo. 114
Epilogus ex fine illustratus diuersi-
modè, 25. & 22. per causas ad
effectus concitandos, 65. eius ex-
emplum per enumerationem par-
tium cum petitione, 114. ex ad-

inulorum frequentatione, 243
Episcopi laudes à gravitate, moda-
stia, scientia, &c. 119
epularum descriptio 329
equi natura, & quatuor in eo spa-
tanda, 272. equi vitiosi descrip-
tio, ibid. equorum diuersa gene-
ra, 294. equitum effigies funesta,
275. equitum cursus 416
Eremitica vita S. Pauli, 196.
197. 198
B. Ermenegildi laus à partium e-
numeratione, 95. ex adiunctis,
222. contrarius parentis impie-
tati 210
Ermenegildus martyr colendus, 114
Eruca unde sic dicta, 345. plantis
pernitiosa ibid.
Euclidus laus 432
Eudoxus Guidius Geometer ma-
gnus, 432. Euclides maior, ibid.
Euripi natura mirabilis, 441.
mergit se in eo Aristoteles, ibid.
B. Eustachij laus 219
exempla teneriorum in cultu Dei 213
exercitus totius promptitudo 90
exilium S. Hilarij pontificis, 20. 81
exordia orationis varia, ex fine, 19.
ab extenuatione & enumeratione
causarum 50 per præoccupatio-
nem causas efficij reddens, 51.
ex causis cum partibus absoluti
exordij, 53. ex causis diuersis, 56.
57. & seq.
exordij genus in laudem Philippi
Hispaniarum Regis I I I. 231
exordij genus in laudem S. Sebastiani
60. Imperatricis defuncta, 59.
B. Ignatij, 61. ex enumeratione
partium de S. Ermenegildo, 95.
ab adiunctis persona, loci, tem-
poris. 227. & seq. ex-

I N D E X

<i>expolitio quid differat à commo-</i> <i>ratione, 223. & quid sit</i>	<i>ibid.</i>	<i>dum</i>	<i>ibid.</i>
<i>expolitio egregia in confessore B.</i> <i>P. Ignatium</i>	224	<i>finis sedes in orationis epilogo, nar-</i> <i>ratione & exordio locanda, 18.</i> <i>& eius rei exempla, 19. & seq.</i>	
F.		<i>flagellatio Christi cruenta</i>	34
F <i>Abaram usus</i>	362	<i>forma quid sit</i>	2. & 247
<i>fabri ferrarij opera</i>	406	<i>fortitudine animi opus est homi-</i> <i>nibus iacularibus</i>	962
<i>facies laus</i>	352	<i>B. Francisci laus, 86. 100. humi-</i> <i>litas</i>	495
<i>falx messoria quid sit</i>	361	<i>fratris erga fratrem obsequium, 86</i>	
<i>felis descriptio</i>	275	<i>fratres moribus dissimiles</i>	167
<i>ficudula avis</i>	337	<i>fontis humana descriptio, 350.</i> <i>eius explicatio latitiae signum,</i> <i>ibid.</i>	
<i>ficus arbor & quotuplex</i>	368	<i>frugum descriptio</i>	350
<i>filius degener incusatus</i>	70	<i>funda bellicum instrumentum,</i> <i>420. unde sic dictum</i>	<i>ibid.</i>
<i>filius patri inobediens & recalci-</i> <i>erans</i>	43. 44	<i>fundamenta aedificij quamam &</i> <i>quomodo iacienda</i>	395
<i>filiij parentum studia libenter se-</i> <i>quuntur</i>	454	<i>Fuci quinam dicendi, 3. 2. illo-</i> <i>rum descriptio</i>	<i>ibid.</i>
<i>filius prodigus ad poenitentiam</i> <i>motus</i>	156	<i>funeris sacri apparatus</i>	5
<i>filij prodigi ex adiunctis reprehen-</i> <i>sio</i>	150	<i>furis nocturni deprehensio & an-</i> <i>gustia</i>	154
<i>filius virtutis paterna imitator</i> <i>perfectus</i>	69. 71	<i>furti crimen ab homine depellitur</i> <i>66</i>	
<i>finis hominis cœli beatitudo per-</i> <i>quirendus</i>	16	<i>Furor Sauli in Christianos, 31. 32.</i> <i>G.</i>	
<i>finis hominis</i>	4	G <i>Alerus presbyterorum qualis</i> <i>375</i>	
<i>finis quid sit & quotuplex, 2. ex fi-</i> <i>ne amplificatione 3. ex uno &</i> <i>multipli sine, 3. ex fine cum</i> <i>dilemmato, forma, causa effi-</i> <i>cente partiū enumeratione cum</i> <i>effectis, 4. & leg. cum similitu-</i> <i>dine & effectis in laudem cice-</i> <i>ronis, 6. cum dissimili & exem-</i> <i>plo, 7. cum adiunctis in laudem</i> <i>B. Hyacinti, 9. ab eodem sine</i> <i>officia diuersa petita, 10. laus</i> <i>& vituperatio cum similibus</i> <i>effectis & causis efficientibus, 11</i> <i>quo pacto ex eadem suadendum</i> <i>13. dissuadendum, 15. coniectan-</i>		<i>galli gallinæ decus & prastan-</i> <i>tia, 315. in fouendis pullis libe-</i> <i>ralitas</i>	310
		<i>Gallias domat Caesar</i>	125
		<i>Gallia status Arrianorum tem-</i> <i>pore miserè afflictatus</i>	194
		<i>gallina natura</i>	317
		<i>gallinarum genera</i>	338
		<i>gallinaria quo loco constituenda,</i> <i>317</i>	

Gallo-

R E R V M.

<i>Gallopiani Indici descriptio</i>	321	107 furor, 846. diuersa opinio	
<i>genera summa quomodo dicta &</i>		<i>& scilicet</i>	<i>ibid.</i>
<i>quid sint, ibid. vltima & me-</i>		<i>halcon auis</i>	337
<i>dia quid?</i>	247	<i>Hama bellica</i>	421
<i>genus quid & quotuplex</i>	246	<i>Hannibalis victus, victoriaq;</i>	<i>&</i>
<i>à genere amplificare quid,</i>	247.	<i>subiugatio</i>	180. 187
<i>ab illo amplificandi modi varij</i>		<i>Heluo</i>	200
248		<i>Heluonum ex adiunctis notatio, it.</i>	
<i>Geometria laus & dignitas ex ad-</i>		<i>Hephastij montes flagrantes</i>	477
<i>iunctis petita, 430. à quibus &</i>		<i>herbarum species qua & qualis,</i>	
<i>cur inuenta</i>	431	362. descriptio	<i>ibid. & seq.</i>
<i>Geometria sine magistro non di-</i>		<i>Herodes occisor S. Ioannis Baptista</i>	
<i>scitur, 432. diuinam naturam</i>		<i>arguitur</i>	170
<i>cognoscit</i>	437	<i>Herodu contra Iesulum fraus</i>	93
<i>Geometra excellentes</i>	432	<i>Herodis crudelitas in Iesum & In-</i>	
<i>gloriam Dei quaris S. Ignatius in</i>		<i>nocentes</i>	193. 194
<i>omnibus</i>	463	<i>Hiera in insula flagrans</i>	474
<i>gloriam Dei maiorem Ignatius</i>		<i>Hilarius Pontifex Arrianorum</i>	
<i>semper quasuit</i>	513	<i>hostis insensissimus</i>	194
<i>gloria corporis & anima beatorum</i>		<i>hirundo auis apibus infesta,</i>	325.
<i>magna</i>	160	<i>duplicis generis</i>	<i>ibid.</i>
<i>gloria mundana inanis & fallax</i>		<i>Hispalis quanto apparatu Beati-</i>	
501		<i>ficationem S. Ignatij egerit,</i>	
<i>graculi cornicibus similes</i>	321	490. 492	
<i>grassantes noctu studiosi homici-</i>		<i>Hispalis caput prouincia Bethica,</i>	
<i>dium patrans in carcerem</i>		190	
<i>coniecti</i>	242	<i>Hipanis fluius ardens</i>	472
<i>gratitudo in Deum</i>	249	<i>Hispans à Mauris, Agarenis in</i>	
<i>grillorum descriptio</i>	344	<i>paraescue Christi omnes oppri-</i>	
<i>grues artem militare docent, 324</i>		<i>mendi fuerant</i>	238
<i>grues cuius coloris & ubi nascan-</i>		<i>Homicida S. Thoma Cantuar. 1; 8</i>	
<i>tur</i>	322	<i>hominis & eius partium descriptio</i>	
<i>gruum concordia admirabilis, &</i>		349. & seq. amplificatio ex toto	
<i>regimen</i>	325	<i>& partibus integrantibus, 254</i>	
<i>gryphis natura</i>	324.	<i>homo flagitiosus, à fide deficiens,</i>	
H.		<i>hancq; infestans, vituperatur,</i>	
<i>Heretici Magistratus impij,</i>		76	
107		<i>homo improbissimus</i>	219. & 220
<i>heresis omnium malorum causa,</i>		<i>homo vilis industria ad magnas</i>	
91. 92		<i>opes emergens</i>	162
<i>hereticorum status miserabilis</i>		<i>homo vilestimus contumptibilis,</i>	142
		<i>homi-</i>	

I N D E X

homicida in venatione an venia dignus 30
hominis finis beata vita 16
homines ad suum finem non tendere dolendum ibid.
honor ad studia incitat 16. & 17
honre cathedra priuatus excusatur 67
honores doctis delati 442. 443
honores è doctrina promanant, 164
honoribus Academicis dignus, 172
Homeri libri magno in pretio Alexandro 442
horologij fabrica solarij 402
hortorum descriptio 370
Hosij anima coelum petit 519
humilitas S. Ignatij, 494. 495.
 496. 497
humani corporis fabrica mirabilis 784 (54)
Hyacinthus S. laudandus suscipitur
S. Hyacinthi laus, 8. & 37. 54
Hydrius animal noxium 347
hypethrum quid sit 402
 1.
Iacob veteri conferretur Ignatius, 467
Iacobe femina pudica cognita P. Francisci morte mœrore conficitur 3
Iconoclasta 77
Iesuitarum societas unde sic dicta 23. laus 48. 52
S. Ignatij secularis vita, & spiritalis descriptio 46
S. Ignatij vita mutatio, & quis finis 43
Ignatij S. paupertas, 221. zelus honoris Deipara 225
Ignatij S. virtutes & facta 48
B. Ignatij Loiola laus, 22. 221. 459

& seq. ex omni causarum genere desumpta, 4. à repugnantibus per subiectionem & praecupationem, 59. & seq. eius in Deibaram amor, 225. praeclarum dictum de Dei in nos munere & liberalitate, 512. contemplatio, 518. victus abstinentia 524
Ignatius Loiola semper Dei voluntatem sectatus, 459. Christus Romam eunti apparet, ibid. Pontifici obedientiam vouet & cur ibid. suos docet pendere ex voluntate Dei, 460. dissolutionem societatis a quo animo laturus, ibid. animi pax, 461. Abrahamo, Dauidi, Samueli, Moysi, Noëq. comparatur, 461. & 462. Fundatoribus Religionum par, 462. gloria Dei in omnibus quasiuit, 463. 470. Alumni & socij ab eo educati, 464. martyres multi per Ignatium facti, ibi. Iosue & Paulo in gloria Deo danda confertur, 466. Moysi, Danieli, Iacob, Iuda Machabao, similiter in gloria Dei quarenda 467
Ignatij ignis amoris persecutione alitur. 473. 474. 475. ardebat in aqua mersus, 474. Miracula eius frequentia, 475. Tituli plures honorarij eius, 477. Canonizatio eius per quos vr'a, 479. Beatificatio eius facta, ibid. Patientia, 510. humilitas Ignatij, 494. & sequens. cum paupere habitum nobilem mutat. 495. humilitas interior, 497. vana gloria expers, 501. Confessarius iriduo ante se mortuus, ac sua mysteria vita sancta reuelat, 500
 Ignatius

R E R V M.

Ignatij S. Charitas in Deū, 512.	Imperatricis defuncta virtus & laus maxima	19
gloriam Dei maiorem semper	improbissimus & sceleratissimus	219, 220
marit, 513. cupit dissolui & esse	homo	240
um Christo, ibid. Inferni prenas	impudicitia exuenda	76, 77
ati paratus, 515. paratus cum	impiissimi hominis flagitia,	105
ornibus prodire, ibid. Meretrices	incitamenta studiorum	27
à peccato auertit, 516. con-	industria pauperem ad opes eushie	162
templatur diuina feruenter, ib.	indoctus per ironiam exploditur,	99
Sapè visus radios emittens, ibid.	inferorum pœna peccatori parata,	212
visiones eius cœlestes, 17. appa-	inipicitia peccatoris cum Deo,	212
ritiones, 519. Patria Ignatii, 523.	ingenia magna fert purus aer ac	452
genus & corporis forma, 524.	solum	173
Militia fundamenta sub quo po-	iniuria facta adolescenti exprobra-	193
nat, 525. Legationes obit in sa-	tur	43, 44
cul, ibid. Ducem agit strenuum	innocentium puerorum cades,	340
526. rudimenta conuersationis,	inobediens filius & recalcitrans,	200
ib. mortificatio eius prima, 527.		355
lacrima poenitentis		210
528		108
Ignatii S. pietas in Deum & res	Ioannis Austriaci mors. & exequia	249
omnes sacras, 224. pietas in om-	in Hispania celebres	237
nes Catholicae religiones princi-	Ioannis Austriaci bellica virtus,	170
pes, 225. in alia		122
226		7
Ignatii festa magno apparatu &	Ioannis Baptista laus	961
deuotione celebrata	B. Ioannis Baptista prerogativa &	252
49	laus, 170. cur lucerna ardens,	466
B. Ignatius gloriam diuini nomi-		1063
nis zelauit		
12		
Ignati nomen infans sibi imponit,		
49. eius nomen ubi pueris fre-		
quentissimum		
ibid.		
Ignatii miracula aliqua, ibi. Bea-		
tificationis eius pompa aliqua, 61		
Ignatii S. exercitia pietatis		
47		
ignis aqua extinguitur, virtus a-		
quis persecutionum alitur, 473		
ignis wastat		
11		
igne non combusti sancti		
475		
ignis magna portendit		
473		
imitatio parentum viua		
69, 71		
immodestia in templis arguitur,		
209		
impedimenta profectus in scholasti-		
611		
40		

INDEX

<i>Iosephus patriarcha Christi resur-</i> <i>gentis figura</i>	960	11. de B. Ignatio, 22. ex adiun-	
<i>Isabella Anglorum Regina bellum</i> <i>inferendum suo ex adiunctis,</i>	146	<i>ctis B. Ioannis Euangelista, 121</i>	
<i>Iuda crimen omnia fere crimina</i> <i>habet</i>	88	<i>B. Ermenegildi, 122. Casaru,</i>	
<i>Iuda scelera</i>	189	<i>124. Pratoris, 128. iurisperiti,</i>	
<i>Iuda scelus & proditio</i>	63	<i>132. Medici, 135. Theologi, 139.</i>	
<i>Iuda proditio & traditio narratur</i>	64	<i>Ioannis Baptista</i>	170
<i>Iuda Machabao confertur Ignat-</i> <i>ius</i>	467	<i>lecti apparatus</i>	400
<i>umentorum diuersa genera, 292</i>		<i>Legum, Canonumq; scientia com-</i> <i>mendatur</i>	116
<i>iurisperitia vitium</i>	116	<i>lendis descriptio</i>	345
<i>iurisperiti virtus & commenda-</i> <i>tio</i>	132	<i>Leonardus Kessel Colonia videt B.</i> <i>Ignatium apparentem</i>	519
<i>iustitia unde sit dicta</i>	258	<i>leonis natura & descriptio, 276.</i> <i>voracitas</i>	277
<i>iustitia diuina seueritas</i>	214	<i>Leonigildi crudelitas in pium filium</i> <i>81. 82. & 7</i>	
<i>iustitia & aequitatu amans</i>	128	<i>Leonigildi Regis in filium crudeli-</i> <i>tas, impietas</i>	210. 211
K.		<i>Leonigildi vituperatio ex adiun-</i> <i>ctis</i>	143
<i>Kessel, Pater Soc. Iesu</i>	519	<i>leporum descriptio multifaria, 279</i> <i>venatio</i>	281
L.		<i>lex quid sit, 82. eius utilitas, ibid.</i>	
<i>Labores Christi hominis causa</i> <i>suscepti</i>	212	<i>Licentiatu à Doctore quid diffi-</i> <i>rat</i>	485
<i>labores studiorum intuitu premio-</i> <i>rum superare</i>	163	<i>Licentiatu dignu promotione sibi</i> <i>data</i>	192
<i>lacerta vnde sic dicta</i>	348	<i>libidinis & ludorum damna</i>	12
<i>lacerta varij generis</i>	364	<i>librorum descriptio</i>	423
<i>Laander sanctus commendatur, 53</i>		<i>liber exercitiorum spirit. S. Ignatii</i> <i>330</i>	
<i>loquearia domuum</i>	398	<i>libros 300. scripsit Aristoteles, 439.</i> <i>libri Homeri in pretio sunt a-</i> <i>lexandro regi</i>	441
<i>laterna quid</i>	395	<i>lignorum vsus</i>	366
<i>lamia quid sit</i>	416	<i>lilii species venusta</i>	370
<i>latrocinij locus aptus</i>	71	<i>linum quid sit ex quibus locis con-</i> <i>sutum</i>	377
<i>Laurentij martyris sancti laus, 251</i>		<i>litera dua inuenta, 669. literarum</i> <i>scribendarum forma</i>	424
<i>Laurentij S. martyrium</i>	65	<i>locus horridus latronibus aptus, 71</i> <i>locus</i>	
<i>B. Laurentij encomium</i>	351		
<i>laus à nobilitate generis, 130. 140</i> <i>à corporu bonu, 131. à bonis ani-</i> <i>mi, 131. 140. à Theologia</i>	141		
<i>laus ex fine petita de nomine Iesu,</i>			

locus aptus ad vacandum literis, 152
 locustarum descriptio 343
 ludi gladiatorij cur à Romanis habiti 3
 ludi Scenici, & militares dari in Beatificationem S Ignatii, 491
 lumbrici vermes quales 340
 lupi descriptio 282
 lusus Bacchanaliorum incundus, 63
 Lutheri apostasia, sacrilega nuptia, impietas, heresiq; inchoata, 240. & 241
 Lutheri conatus & dogmata sacrilega, 240. scelera 241
 lychni unde sic dicti, descriptio, 93. 395
 Lycurgus Arithmetica patriam proseripsit, cur 429
 M.
B Macary pietatis exercitia, 111
 Machina bellica apud veteres. quales 421. & seq.
 Magistratus impij 107
 Magnanimitas Ermenegildi, 123. 124
 Magorum in Bethleē profectio, 93
 malipunci forma 368
 Marcellus belli dux honorat Archimedem ob artem 433
 Marcellus fregit Hannibalem, 186
 B. Marcelli laus fortitudo, patientia, humilitas 199. 200.
 Maria Virginis encomium 111
 Maria Gallia Regina martyrium, 168. martyrii signa prognostica, 177
 Maria Regina Scotia virtus, innocentiaq; & martyrium 178
 Maria Regina Anglia male ab Isa-

bella habetur & occiditur, 168
 Martyrum SS. laus, 251. 252.
 martyres coëfracti hydricis Gedeonis similes, ibid gloria martyrum 253
 martyres SS. proponendi fortibus pro patria athletis, 39 & 40
 martyres plures ab Ignatio educti, 465
 martyrium ob fidem Ermenegildi, 81. 82. 83
 martyrum pro fidei defensione constantia, 64. in agone laetitia, 201
 martyrum tormenta magno gaudio tolerata ibid.
 materia quid sit 2
 materia amplitudo ad dicendum excitat 52. 54. 56
 Maxentij tyrannis in Marcellum Papam 199
 medicamenta varia 411
 medici laus, ibid. instrumenta, 412. 135
 medicina studiosus diligens, 137. peritus 138
 meditari diuina Ignatius suos docuit 530
 mendicus abiectissimus 142
 mensa descriptio, 382. ornatus, 385
 meritis nostris, & Christi beatitudo obtinetur 44
 metus ex adiunctis in finem, 154
 meum ac tuum Societate à Iesu abest 221
 Michael Archangelus 487
 misericordiam Dei experti 218
 miles unanimis pro fide pugnavit 90. 91
 miles ignavus 9
 militiu descriptio 415
 militariu scientia à gruibus, 324
 mihi.

I N D E X

militaria visa 46
militis arma, 417. & seq. *labores*
 418
millepeda genus insecti & *quale*,
 345
milui descriptio, 326. *circa coqui-*
nas cur semper volitet, *ibid.*
miser cordia Christi crucifixi in
peccatores 213
modestia in templis seruanda, 208
 209
modi aliquot in cibis sumendis ser-
uandi 398
moletorina munera 361
morborum varia genera, 407.
remedia 411
mors repentina floridi adolescentis
 106
mors inopina multis 214
mors pia viri probi, 131. *mors ma-*
la improbi 143
mors prompte subeunda 190
morituri iuuenia lamentatio, *spes*
 & *desperatio* 68. 69
mores edentium 390
Moses alter Sancti Ignatii, 462.
 457
mulier descriptio 283
mulierum officium 401
mulierum vestitus 373. & seq.
mundi huius bona ob coelestia con-
temnenda 41
munera reiiciens Proptator, 129
murices 412
non scipula descriptio 201.

N.

Narratione utendum non est in
 re nota 227.
Narratio debet esse brevis, proba-

bilis iucunda, 236. *Specians ad*
deliberationem duplex *ibid.*
narrationis exempla, 63. 232. &
 seq. *in genere deliberatio*, 236
ad praelium nauale, 237. *in-*
ducit in Lutheri perfidiam,
 & *scelera*, 240 *in equitem*,
Salmaticensem à studiosis occi-
sum 241
Nasorum descriptio 232
Natalia IESU CHRISTI per
enumerationem amplificata,
 112
nauis descriptio, 404. *varia no-*
mina *ibid.*
necessitas qualis causa efficiens,
 24
negligens studiosus 171
negotatio pes parit 20
B. Nicolai in proximum charitas,
 493
nidi animum 339
nobilis genere, 130. *statura corpo-*
ru, 131 *nobilis virtute* *ibid.*
Noctua natura, 326. *cur Miner-*
ua sacra *ibid.*
Noe alter Ignatii 462
nuci descriptio 369
numeri à Deo hominibus dati,
 427. *numeri omnibus abso-*
lutus homo, 427. *numerus a-*
nima dicta 428
numeri carens odibilis est 436
numerus arithmeticus quomodo
à quibusdam intellectus,
 418

O.

Observationis & obestationis
exemplum 217. & 218
 221.

R E R V M

occisores B. Thoma Cantuarien- sis	158	patientia S. Ignatij, 510. 512. vid brevis ad perfectionem patien- tia	513
oculi cur alto loco positi 361. cur pellucidi,	ibid.	patiendum cum Christo, ut con- glorificemur	961. 962
caium ex adiunctis in peccato Ch- in, 113. eius affectus,	208	patronus urbis colendus	114
opera sua quisque amat	460	Pauli ante conversionem qua- lis postea	256
oris descriptio	363	Pauli Apostoli propria nomina- tio, Doctor gentium: A-	
Ortygometra rex coturnicum na- tura mirabilis	313. 337	postolus, tuba divini verbi,	256
estiorum descriptio & partes	397	Paulo confertur Ignatius	466
eius descriptio	318	B Pauli primi eremita laus,	196
onorum discrimen	319	Pauli 3. studium & amor in so- cietatem & S. Ignatium,	483
eius descriptio, 283. quo tem- pore condenda	284	Paulus 5. Beatificat S. Ignatium	479. eius in Ignatium studiū, 480. & seq. Pauli 5. seror ornas templum societatis, 481. 482.
P.		Paulus descriptio, 321. olim lu- noni sacer, 327. educatio, 329	
P apa factus stabularius ob fidē, 199		paupertas mater religionis, 222. in quo consistat	ibid.
Papyri L. horologium Rome	403	paupertas S. Ignatij & societatis Iesu	221. 222
paralysis quid sit	402	pauperculus ad opes sua industria ductus	162
paranympbi oratio ad virum il- lustrem	446	pauperum neglectus in fame im- pius	35
parentes filijs communiter inde- lem communicant	70	pax suadetur	68
parentum vitia imitatio in filio, 69. degenerant à patre	70. 71	peccata Adami, Davidis, Luci- feri, Sodomorumq; puniā,	109
partes integrantes quid sint	253	peccata Deus severe punit, ibid.	
Paschatis tempus latum	962	peccatoris ad Deum convertendi moriā	218
passeris nomen quale, 327. & quam late pateat,	ibid.	peccatorum conversionis occasio- nes	181
pater in filium crudelis	101	peccatoris cum Deo hostilitas,	211
patris crudelitas in filium piū, 81. 82.		status miser	213
patria amor virtutis haud prae- ferendus	9	ad m 2	pecca-
patria alicuius laus	139		
patientia opus est hominibus pjs, & secularibus	962		
patientia & fortitudo	123		
patientia ad canonizationem Sā- cti requiritur	509		

I N D E X

peccator per Dei beneficia renoca- tur à malo	39	Pictavijs laus	30
peccatoris reprehensio gravis,	108	pictores quinam maximè celebres,	381.
peccator bellum contra prava affe- ctus gerere debet	188	eorum industria & studi- um	380
peccatum mortale fugiendum,	44	pictoria artis eximium opus	31
pectoris humani situs & descriptio,	354	pietas Aeneas, 224. pietas Romano- rum, 225. pietas Metelli & Pompei	ibid.
perdices quo pacto capiende,	297.	pietatis exercitia quotidiana viri probi	131
& 330. illarum industria,	298	piger scholasticus	30
pelicani descriptio	319	pigrizia à ciconijs damnatur	305
perfectio Christiani hominis in vo- luntate Dei	459	piscium descriptio, 393. diversi ge- neris & nomini. ibid. quomodo inescandi & capiendi	394
pergula	398	pistores quinam dicendi	382
peristereon quid sit	307	Plato à Dionysio honoratus	442
peroratio, 468. 477. 495. 508. 522 530		Pliny libri compendium Aristote- lis	444
peroratio cum anacephaleosi.	245	Psitaci proprietates & ubi nasca- tur	332
perorandum fere inuito, nec sine causa gravi	19	posula & vasa diversa	383
persecutio Catholicorum in An- glia	36	penitentia agenda ob peccata,	206
pestis gravis effectus, 190. promptè acceptanda à Deo	ibid.	B. Polycarpi in fidei defensionem constantia	201
pestilentia scholas solvit	38	pampa sacra beatificationis S. Ig- nati, 482. & 489. 490. & seq.	
petitio promotionis ad cathedram 115		Pompeius Asia victor Athenis in- vixit scholas	231
Pharnax Rex victus à Casare,	127	Pompeius quanti Possidonium ob doctrinam fecerit	442
phasianus avis	331	Pompei fortuna repente eversa,	42
Philippus I I I. Rex Hispan. scho- las invixit, 231. beneficia eius in societatem Iesu, ibid. virtus, ibid.		Pompeius à Casare victus	127
Philippus Rex liberalis in exules Anglia	169	porcellus Troianus	291
philosophia gnavus studiosus,	137	Possidonius doctus amatur	442
phoenix descriptio	332	postulatio	216
phrenesis qualis morbus	408	pradonis magni facinora	76
pica qualis avis & cinis natura,	332	pratoris laus ex adiunctis	128
		Præly clades describuntur	11

R E R V M.

præmiū literariū non ex gratia dandum	191
præmia labores studiorum subleuant	163
præmia beatorum post hanc vitam	160. 161
prandiorum apparatus	385
precatio contra larvas, lamas, & umbras nocturnas	415
prodigi filij miseria, & poenitentia,	156. 157
prodigi filij reprehensio	150
prodigi egestas & miseria,	20. 21
propratori laui insignis	128
propriū quid	255
propositio in exordio	62
proscenium quid apud Romanos,	403
protopopæia in laudem B. Pauli Eremite	196
pudoris laui	240
pudoris affectus	204
puer malus in scholis	30
pulli descriptio, 273. columbini,	308
pyratarum facinora	101
pyrausta similis Ignatius	472
R.	
Rapina & sacrilegia	77
Raphani qualis herba	364
Reclor magnificus sedat tumultus studiorum	2449
refutationis exemplificatio	66
Regum trium Sanctorum iser & aduentus in Bethlehem,	93. 94
Religionis euenobitica amplectenda motiua	14
Religiosorum pia studia & exercitia	ibid.
repetitio maximum enumerationis amplificanda ornamentum,	87

reprehensionis in confirmatione exemplum	67. & 70
requies moderata corpori danda,	189
Reus furci purgatur	66
Rhetorica quot partes, 73. ex adiunctis cum materia descripta,	160
Rhetorica ad alias artes & facultates necessaria	183
Rhetorica diligens studiosus,	136.
peritus	ibid.
Rhetoris officium	13
Rhetorum classis visitatio	112
Rhinocerotis proprietas	285
Riphai montes ignisi	474
Rhombus quale instrumentum,	401
Romanorum potentia, & auxilia ad bellum	148
Romanorum maximus hostis Hannibal	187
Romanorum Imperatorum fortitudo	35
Rosa ubi nascatur & cur Veneri sacra	370
S.	
Sagitta	420
Salamandra par Ignatius,	472
Salmanticensis Academia laus,	104
Salmanticensis urbis descriptio,	7
salus hominum Christo fuit cordi,	22
Sanctus laudandus suscipitur,	53
Sapientium auctoritas quantal,	437
Sauli furor & ira in Christianos,	31. 32
Scarabaeorum genus & natura quotuplex	343
Schola laudatissima	104
Schola-	

INDEX

Scholasticâ adolescentis exercita- tiones laudabiles, 232. & seq.	Status Alexandri exercitat Casarē ad magna 124
scena apparatus theatrica 403	stellio insecti generis quid propriū, 348
scientia honores in vita & post confert 442	Stephanus protomartyr 201
scientia Legum & Canonum v- tilissima 116	struthio avis bipes & quadrupes, 333
scopeti quid sint 421	studia ex spe premiorum vigent, 17
scutum 420	studiorum incitamenta 27
Sebastiani sancti laus à Poetis & Oratoribus celebrata, 60. be- neficia eiusdem in Hispalenses, ibid.	studium diligens in literas, 133. & seqq.
segetes quomodo crescant 360	studium profectum qua impe- diant 40
seminaria cur & à quo primum instituta 464	studiosus improbus; bonis omni- bus exosus, 183
serpentis cum Echino pugna, 269	studiosi noctu grassantes, hominē nobilem occidentes, cum magna tumultu & periculo describun- tur 242
Sidonii inventores Arithmetica, 425	studiosi tumultuantes ob socios in carcerem Pratoris iniectos, 243
silentium in templis servandum, 209	studiosus adolescens primas tenet in omnibus 74
simia cur sic dicta, 286. natura qualis, ibid.	suasionis & dissuasionis exempla, 71. 148
similitudo morum in parente & filio frequens est 70	subiectio orationis decus 95
similitudinem omnium zelus a- mor 25. 26	sublelet proprietas 290
Societas mala 80	suis descriptio 289
Societatis Iesu exercitia pietatis, 47	suilla carnis delicia 291
Societatis Iesu exercitationes, 521	supellex Sutoria, 381. Pistoria, 380
Societatis Iesu paupertas superat aliorum paupertatem, 222	Textoria, 381. Pistoria, 382
solitaria vita laudatur 197	Vasorum & poculorum, 383
solitudinis encomium, 196	Coquinaria 384
spartum qualis herba 378	superbia detestatio 205. 501
res desperanti adolescenti reddi- ta 69	sutoris studium 382
Sphinx monstrum forma terribi- lis 289	Sylla Dictatoris tyrannis 43
Spinus qualis avis 299	

T.

Taberna aromataria quid sit;
359. & quibus referta aro-
matibus; ibid.
salutem

R E R V M.


gelum	420	S. Trinitatis mysterium incomp-	
tempestas marina	30	prehensibile, 838. obscuritas B.	
templa honoranda, ac colenda si-		August. quomodo reuelata,	
lento, pietate	209	ibid.	
templorum violatores puniti, ibi.		irremes quid sine	406
tentationibus fortiter resiten-		triumphus & oratio ut acquisiti,	
dum	182	418. differentia utriusque, ib.	
tergorum descriptio	356	Turcarum Rex Catholicos omnes	
testudo bellica	422	opprimere conatur	237
textoria ars	391	turdi descriptio	334
theatri apparatus	403	turtures qua industria capiendi,	
Theologi studiosi laus		309. illorum natura & educa-	
Theologia autor Deus	28	tio	ibid.
Theologia studium ad quid ser-		tyrannis patris in filium ob fidem,	
uiat, 15. Iuris peritia preferen-		81. 82. 83	
dum	ibid	Tyrannis in Christianos excogita-	
Theologia cur tantopere expeten-		ta ab Agarenis in Hispania, 238	
da, 28. eius laus ab adiunctis,		V.	
139		Vana gloria expert Ignatius,	
D. Thoma Aquinatis laus ex cau-		501	
sa sponte agente petita	29	velorum nauticorum genera,	405
D. Thoma Cantuariensis nefarii		vela nauium pretiosa, 378. vela	
occisores	158	fori & platearum	ibid.
thorax coriaceus quid, & ex qua		vana sectio	413
materia confectis	375	venatici canis descriptio,	261,
Thrasimenus lacus igneus,	474	262. 263	
Thucydidis honor ob eloquentiam		venatio leporum quomodo insti-	
442		tuenda	238
Tigridis furor	32	Veneris hieroglyphicum, & de-	
timor poenarum infernalium ha-		scriptio	8
bendus	214. 215	verni temporis descriptio	87
timoris affectus	203	vermium descriptiones	340
tipula genus insecti	345	vesparum descriptio	342
tonsorum ars & instrumenta,		vestium descriptiones	371
413		vestitus virorum & mulierum,	
t tormenta bellica varia, 421. 422.		375	
& seq.		vestitus muliebris qualis, 374.	
totum integrum quid sit	252	nimius arguitur	376
transfiguratio Christi	158	via brevis perfectionis, pati,	
Trinitatis SS. mysterium Ignatio		513	
reuelatur	517	victoriam qua consequantur, 412	
		viliis	

INDEX RERVM.

<i>vilia & abiecti hominis ortus, genus, mores prauis</i>	142	<i>ex fine multiplici, 12. adolescentis humili loco nati</i>	142
<i>Vincentij martyris fortitudo, tormenta, &c.</i>	201	<i>virginitas B. Agnetis à Deo defensa</i>	203
<i>Vinctus cognomen S. Pauli proprium</i>	256	<i>Virtutes Iustitia, Fortitudo, temperantia, prudentia,</i>	247
<i>vineæ qualis machina apud veteres</i>	422	<i>virtutis laus à genere</i>	247
<i>vini usus & parcitas</i>	389	<i>virtutis species amabilis</i>	4
<i>violarum proprietates</i>	371	<i>virtus honoranda</i>	85
<i>virium in dicendo extenuatio, 50.</i>		<i>virtus & pietas B. Hiacynthi.</i>	37
<i>51. 57</i>		<i>virtus Imperatricis digna laude, & premio</i>	59
<i>virorum vestitas</i>	373	<i>virtutes inuicem connexa</i>	505
<i>visitatio classis Rhetorum</i>	112	<i>Umbilicus quid in corpore humano</i>	356
<i>vita militaris & spiritualis, 46.</i>		<i>voluntas Dei complectitur omnem perfectionem</i>	459
<i>vita adolescentis deprauata, 74. 80</i>		<i>voluntas Dei à Christo perfecte completa</i>	ibid.
<i>vita sancta, deuota, austerâq; in eremo</i>	196. 197	<i>voluptatibus carnis non indulgendum semper</i>	188
<i>vita vana mutatio in piâ, 45</i>		<i>Voluox qualis vermis</i>	396
<i>vita male transacta vltima ante mortem deploratio</i>	68	<i>vulturis natura</i>	339
<i>vitas graphicè descripta</i>	367	<i>Z.</i>	
<i>visia reprimenda</i>	205	<i>Z. Fluxus pictor egregius.</i>	381.
<i>visuperatio ex fine cum similibus affectis & causis efficientibus, 1</i>			

F I N I S.

C A M P I
ELOQVENTIÆ
IN SIMILIBVS, COM-
PARATIS EXEMPLIS,
LONGE LATEQVE
patentis,




*Auctore MELCHIORE DE LA CERDA,
è Societate IESV, & Hispalì Eloquentia
Professore Primario.*

VOLVMEN SECVNDVM.
CORRECTIVS QVAM VNQVAM ALIAS IN
Germania editum.



COLONIÆ AGRIPPINENSIVM,
Apud IOANNEM KINCHIVM, sub Mo-
nocerote ANNO M. DC. XXXVII.



ILLVSTRISSIMO ET REVERENDISSIMO DOMI-

NO D. ANTONIO CAPATA


Sanctæ Romanæ Ecclesiæ
Cardinali.

Melchior de la Cerda, P. F. P.



CÆSAR ille, Illustrissime Reuerendissimeque
Cardinalis, qui propter merita sua in Romanum
Imperium, Augusti nomine celebratur, Poetam
porrigentem libellum, ita timide, ut trepidans mo-
dò porrigeret, modò retraheret, timiditatis arguit
in Procerum suorum conspectu, puerum appellans,
qui nummulos Elephanti porrigeret, quos non sine spectatorum ad-
miratione Elephasprobo; cide corripiebat, nihil damni id temporis
pueros faciens. Factum comitate Augusti terrarum Domini dignissi-
mum, qui sic ad bene merendum de patria litteratos excitabat, ut o-
mnibus tantâ facilitate optatos aditus patefaceret. Felicissima profe-
cto tempora, cum Roma Marones, Horatios, Hortensios, Cicerones;
& aliarum artium peritissimos effunderet in Orbis gentium thea-
tra, neque minus litteris quàm armis floreret. Imperatoria digni-
tatis si tuam similem extulero, Cardinalis præcellentissime, non adu-
lari certè quidem videbor; quo de, quod olim de Pompeio Magno, o-
mnis memoria facillimè Principe, iactari audio, qui cum dignitate
Princeps par benignitate, comitateq; omnibus esse videre, cum in
tam altissimâ dignitate positus urbi Roma, & Orbi terrarum cla-
rus & illustris illuceat, nihil quasi potestatis, & maiestatis inaccessa
habere videre in pilei galeriq; fulgentis celsitate sublimi. Hac Lu-
lius Caesar confectis bellis civilibus constitutâ Republicâ Romanâ
plebem & nobilitatem sibi conciliauit; hac virtute Traianus Impe-
rator, bonus ab omnibus appellatus, accusantibus nonnullis Proceri-
bus, quod Imperatoriam maiestatem abijceret, cunctis se comem be-
nignumq; præbens respondisse fertur, Talem se velle priuatis prabe-
re, quales optaret Reges Imperatoresque sibi prinato. Vox Imperatoris
El 2 dignissima

dignissima, & in tuam comitatem benignitatemq; cadens, Princeps celsissime. Quem non Principes nominati facilitatem hanc morum docuisse visi sunt, sed qui ad se mansuetum & mitem spectandum discipulos suos hortatur Christus Agnus mirissimus. Ita quidem ex arce Romana in summi Pontificis aula omnibus ad bene de tuâ comitate sperandum, quod de Casare Dictatore olim in Marcellinâ celebravit Orator, quasi signum aliquod sustulisse visus es. Hac excitatus benignitate, pra multis aliis causis, praeter primum volumen, tuo nomini dicatum, dedico & consecro praesens Campi Eloquentia secundum, ut auspicio tam felici progressus faustos fortunatosq; euentus in voluminum reliquorum serie progressuq; optatos mihi polliceri non desinam. Non id nouum cuiquam, qui Horatium Macenati diuersa opera dedicantem legerit. Et qui semel Duce Principe clarissimo rem bene sibi cecidisse vider, non alium aditignotum, quanquam nominis celebritate clarum. Athenas bonarum artium inuentrices Iapyga ventum unum feliciter & in Graciam flantem optauit & obtinuit Virgilius. Vlysses etiam eodem flante secundissimo vento, procellis omnibus, & fluctibus compressis turbulentissimis, sedato, pacatoq; mari portum tenuit optatum. Qui potentem aliquem gratia, & opibus florentem Patronum adoptauit in urbe Româ, hunc idem tenuit in exitum usq; vita, neque ad alterius opem, nisi primo è viuis excedente, confugit unquam. Quid colonia, quid provincia, curis in populi Romani ditione fuissent, de eadem urbe ad suas res agendas eosdem Patronos habuerunt retinueruntq; constantissimè? Ipsa extera gentes Metellos, Scipiones, Marcellos propter potentiam, & spectatam in adeundo facilitatem, ut adoptarunt, & conseruarunt suarum rerum Patronos claros & ingentes? Quem ego velim alium adoptatum, adeptum, & gloriosum nobis, nisi te Cardinalem excellentissimum, quibus de in primo dedicato volumine, maximis iustissimisq; de causis? Accipe igitur, Princeps clarissime, secundū volumen, quod maximâ demissione deuoueo. Quod quoniam, ut primum, Campus Eloquentia inscribitur, qua Principes, qua Reges, qua Romanos olim Imperatores ad sua fastigia augustissima celsissimâq; euexit: qua Orbis terrarum plurimas maximasq; utilitates & accessiones innumera- biles attulit: qua sine artes omnes atque disciplina iactare se nō possunt, neq; quid splendoris habent, ostentare celebrioribus Orbis gentium Gymnasiis: atque in urbe terrarum dominâ sine eadem neque tam pulcherrima & tam insignia monimenta minimè constitissent unquam. Illud tibi Cardinali summo celsissimoque in communem Christiano Religionis utilitatem & amplificationem incumbenti gratum & gratissimum opus fore confido.



CORONAM

Grati animi, Eloquentia

R. P. MELCHIORIS DE LA CERDA
Teutonica Pegasis imponit.

Q Vando feraces per Pharios tumens
 Se Nilus agros, perque virentia
 Floræque, Pomonæque prata
 Exonerat, vitreâque latè
 Effusus vnâ plurima spumeis
 Adlambit vndis mœnia, plurimas
 Domosque, turratasque sedes
 Laigifluis sinuat flueptis;
 Fœcunda reddit prædia, fertiles
 Campos, & hortos pinguibus efficit
 Limi saginis, copiosam
 Sic referens opulentitatem.
 Tunc læta passim per sata floridas
 Ducunt choreas Naiades, & rosas
 Cum Lilietis, cumque calthis
 E sinibus, calathisque fundunt.
 Pomona malis tunc petit aureis
 Cræfos, & Iros: Triptolemeia
 Tunc dona Mopsos, Tytirosque
 Ampla domi faciunt beatos.
 La-Cerda Suadæ Christiadum sacræ
 Flumen profundum non secus aluô
 Fertur redundanti, vomitque
 Eloquij latices politis:
 Qui Tullianæ fonte loquentiæ
 Sacrationi flumine per sata
 Et per *patentes* artè *Campos*
 Rhetoricæ melioris vndas
 Ructat feraces frugis olympicæ;
 Siue Ille *causas* explicat abditas
 Mysteriorum, quæis supremis
 Terrigenæ sociantur astris;

Seu de profundo fonte reconditas
 Rerumque partes, & speciem, & genus
 Progurgitat; seu coniugata

Voluat aquas, & opes Suada.

Prô sancta Pallas! quantus in omnia
 Procurrat istis fluctibus æquora!

Quo copiarum cornu patentes

Rhetoricæ beat ille Campos!

Progurgitanti quam similis mari

Res ambit omnes! quamque tumentibus

Mox Comparatorum fluentis

Christiadum rigat arua Diuum!

Quos Ille fruges, quæ thyma, quas rosas,

Quæ liliorum lumina, quem crocum,

Qualemque Narcissum, & alba

Cum violis generat ligustra!

Pæstana nunquam par viuidaria,

Nec par tulerunt Hesperidum fata.

Hæc Suada La-Cerdæa post se

Haud gradibus videt ire paucis

Vrbs i vetusto porridge Tullio;

Nos Christianæ ferta Loquentiæ

Damus La-Cerdæ dignus Eius

Rhetoricæ labor est Coronæ.

ELEN-

ELENCHVS PRÆ- CIPVORVM CAPITVM.

VOLVMINIS SECVNDI.



E Similitudine. pag. 540

De dissimilitudine. pag. 541

De Contrariis. 542

De Comparatione. 554

Exercitatione Similium cum rationibus am-

plificandi. 557. & seq.

Similia ex accommodatione. 555. & seq.

Secunda exercitatio ad similitudinem superioris ex descriptio-
ne, accommodatione per alteram descriptionem cum dissi-
milibus, & exemplis. 563

Dissimilium exercitatio tractatur eisdem modis, quibus simi-
lium vsus. 569. & seq.

De repugnantibus & contrarijs. 580

De Comparationis Amplificationibus cum exemplis. 590

De aliis modis amplificandi à Comparatis, ex Cicerone possi-
 mum petitis. 598

Vsus & exercitatio exemplorum & testimoniorum. 615

Exemplum de fide Regum Magorum. 617

Exemplum paupertatis B. Francisci. 621

De aliis rationibus amplificandi ab exemplis, & testimoniis
qua remotorum argumentorum nomine continentur. 626

Exempla per prætensionem cum repetitione. 652

Epilogus ab exemplis. 659

De exordiis componendis ab exemplis. 663

Locus communis Eloquentia ab exemplis. 666

Locus communis de Iureiurando ab exemplis & minoribus,

locu-

I N D E X

locupletatum effectorum grauitate.	667
Locus communis ab auctoritate, exemplis, comparatione, de studio litterarum.	668
Locus communis de perfidia Iuda, ex variis exemplis, & aliis constans argumentis.	670
Locus communis de Pratore.	672
Locus communis in laudem virtutis, cum exclamatione & exemplis, & acclamatione.	673
Locus communis de consuetudine peccandi in vnius hominis exemplo.	674
Genera amplificandi ab Etymologia in laudē B. Ignat. Cōfess.	675
Praeexercitationes ad Similia reuocata.	681
Præceptiones Fabula.	ibid.
De Chria.	686. & seq.
De Sententia. 690. & seq.	De Æthopia. 694
De loco communis cum præceptionibus.	704
De Thesi.	709
An dialectica discendi sit.	710
An astrologia discenda sit.	720
An Philosophia discenda sit.	729
Comparatio Ann. balis Publ̃yque Scipionis.	736
Comparatio B. Chrysostomi & B. Ambrosii.	740
Comparatio Complutensis Academia cum Salmaticensi.	744
Comparatio demissionis cum Patientia.	751
Pugna Dauidis cum Goliath.	760
Utra sit prestantior Poesis, an Rhetorica, in declamatorio Genere, & ad comparationem relatæ orationes duæ.	772
Declamatio Rhetorica contra Poesim.	783
Oratio in laudem Medicina, ex superioribus argumentis.	805
Oratio in laudem Iurisperitæ, ex superiorib. orationis locis.	813
Oratio in laudē Sacra Theologia, ex superiorū argumentis.	831
Prima Oratio ad petendum gradum ex simili.	848
Secunda oratio, ex simili, accommodatione, comparatione, dissimilibus, & exemplis.	851
	Tertis

I N D E X

<i>Tertia oratio ex eisdem locis ad gradum Baccalaurei.</i>	855
<i>Quarta Oratio ex mercatorum similitudine in petitione Baccalaureorum pro Complutensi Academia.</i>	857
<i>Quinta Oratio ex militum similitudine.</i>	861
<i>Sexta Oratio ex similitudinum conglobatione ad lauream petendam.</i>	864
<i>Septima Oratio ad laurea petitionem, ex Nautarum similitudine.</i>	867
<i>Octava Oratio ad petendum Gradum ex Græcorum antiqua consuetudine.</i>	870
<i>Nona Oratio ad Gradum petendum, ex triumpho Romanorum.</i>	873
<i>Ultima Oratio ad Gradū petendum, ab exemplo petita.</i>	876
<i>Oratio ad lauream deferendam.</i>	874
<i>Oratio ad petendum vetus Salmaticense Colleg. ex similitudine.</i>	879
<i>Oratio ad Collegium Complutense maximum B. Ildesonsi appetendum ex simili.</i>	882
<i>Oratio ad publicam prælectionem in Cathedra contentione, pro Complutensis academiciæ competitoribus, ex simili.</i>	884
<i>Oratio ad Canonatum Hyspalensem appetendum, ex simili.</i>	887
<i>Oratio ad Religionem B. Augustini appetendam ex Davidis exemplo petita.</i>	890
<i>Orationes ad publicas disputationes decidendas, ex simili.</i>	893
<i>Oratio virum illustrem ingredientem in gymnasium, ex simili.</i>	895
<i>Amplificatio ex descriptione ad similitudinis modum tractata cum exemplis ex Christi Iesu vite præcipuis mysterijs.</i>	900
<i>Oratio Domini in horto, ex eisdem locis.</i>	905
<i>Comprehensio Domini, ex eisdem locis.</i>	908
<i>Virga Christi Iesu, ex eisdem locis.</i>	913
<i>Lacryma B. Petri, ex eisdem locis.</i>	915
<i>Spinea corona, ex eisdem locis.</i>	920

I N D E X

Christus Iesus Crucem suis humeris portans, ex superiorum exercitationum locis ostenditur.	924
De Christo Iesu cruci affixo, ex eisdem locis.	931
De lamentatione Virginis propè Crucem, ex superioris exercitationis praeceptionibus.	936
De solitudine V. M. ex his locis superiorum exercitationum.	942
In eum qui alapam inflixit in Anna Pontificis ade, ex superiorum exercitationum locis.	949
In Pilatum qui Christum Iesum mortuū damnauerat, exercitatio ex superioribus locis constans.	952
De Christo Iesu à mortuis sua diuina virtute suscitato, ab exordio, descriptione, simili, dissimili, exemplis, obsecratione, & commodis, quae attulit idem Dominus ascendens in caelum.	958
De aduentu Spiritus Diuini, ex eisdem locis exercitatio.	969
De oratione funebri, ex Argumentis superioribus, auxilio tamen aliorum ornata.	979
De primo modo. In obitu Domini Ioannis ab Austria, fratris Philippi, hoc nomine secundi, Regis Hispaniarum potentissimi.	980
De secundo modo orationis funebri in morte Sebastiani Regis Lusitanorum.	990
De Consolatione.	1001
De Querimonia.	1013. & seq.

F I N I S.

CAMP

CAMPI ELOQVEN-
TIÆ IN SIMILIBVS, COM-
PARATIS, ETYMOLOGIA,
Exemplis longè, lateque
patentis.

VOLVMEN SECVNDVM.

QUOD in primo patentis Eloquentia Campi Volumine facimus, ut praeceptiones breues & necessarias argumentis excurrentibus in amplificatione proponeremus, id nos opera pretium est facere in hoc secundo foras exeunte libro. In quibus igitur exultat Rhetorica scientia generibus argumentorum, ea nobis nominanda prius, ut eorum ex ordine suis in locis tradantur solita breuitate praeceptiones. Similia primum, & Dissimilia sibi vendicant locum; Contraria proximum, & Repugnantia; illis proximiora sunt Comparata: in extremam classem reiciuntur Exempla, & testimonia; ita tamen, ut sedem Exemplorum antecedit Etymologia, cuius excursio, & amplificatio latè patens ex similibus originem suam traxit. Descriptionis etiam amplificata huius, ex locis in ultimam ferè libri partem cadentibus praecipua vitae Christi spectacula ante oculos statuent, ut ex illis cum Rhetorica praeceptionibus pietatem imbibant boni Rhetores. Incipiamus igitur praeceptiones à Similibus.

Quid sit Similitudo.

Similitudo est, quæ traducit ad rem quampiam aliquid ex re dispari simile. Vel, est duorum aut plurium
longè

longè diuerſorum in aliqua re ſimilitudo: vt, quemadmodum morbo ac ſenſus ſtupore cibi ſuauiſſimam, non ſentiunt, ſic libidinoſi & auari vera laudis guſtum non habent.

Quàm varia ſit.

Similitudo varia quidem eſt: vel ſimplex illa eſt, vel partes habet. Gloria virtutem, tanquam vmbra hominem ſequitur. Sæpe conſtat duabus partibus, Protati, quæ Latinè Propoſitio, & Apodoſi, quæ Redditio dicitur, vt Phil. 8. In corpore, ſi quid eſt eiufmodi, quod reliquo corpori noceat, vti ſeuariq; patimur, vt membrum aliquod potius, quàm totum corpus intereat: ſic in Reip. corpore, vt totum ſaluum ſit, quidquid eſt peſtiferum amputatur. Hæ partes ita ſtatui poſſunt, vt reſ illa nota, cui confertur id, de quo loquimur, modò antecedit, modò poſtponatur. Similia vinciuntur his particulis: ita, vt, ſic, vt quemadmodum, vt tanquam, ſic: Hoc aduerbio. ſimiliter: & alijs huiufmodi: interdum carent notâ.

Vnde ducatur.

Patet ſimilitudo tam latè, vt nulla res ſit, vnde duci non poſſit: ex Factis: Vt Annibalem iuueniſſime exultantem Q. Fabius Maximus ſuâ patientiâ mollebat; ita nos puerilem impudentiam tolerantiam noſtrâ reprimere debemus. Ex dictis. Quemadmodum Ceſar dicebat, domum Ceſaris non modò crimine, verum etiam criminis ſuſpicionem carere oportet; ita nobis curandum eſt, vt vitam noſtram ab omni culpâ, culpæq; ſuſpicionem remotam eſſe prædicare poſſimus. Ex Euentu: Sicut delicia Campana reddiderunt exercitum Annibali effeminatum; ita mollis hac vita noſtra vires animi corporiq; debilitat ac frangit. Ex Fabulis: Vt olim membra cum in ventriculum coniuraſſent, ventrem alere recuſarunt magno ſuo malo; ita maximarum artium Doctores, ſi negeſt ſuum officium adoleſcentibus, & reuiſent ſe ſuo conſilio perituros.

Quemad-

Quemadmodum efferantur Similia.

Similia possunt triplici verborum & sententiarum varietate distingui, si considerauerimus alia pura, alia plena, alia media dici posse.

Puræ similitudines sunt, quæ nudis verbis, omniq̃ue amplificatione detracta proponuntur. Qualis hæc est: *Vt terra cultu, sic animus noster disciplinis melior & vberior euadit. Et: Vt igitur in seminibus est causa arborum, & stirpium: sic huius luctuosissimi belli semen tu fuisse.*

Plenæ sunt copiosæ, grandiloquæ, & quasi spiritu quodam poetico prolatae. Cuiusmodi est illa pro L. Muræna: *Nam vt tempestates certo aliquo cæli signo, commouentur, saepe improviso nullo ex certo aliquo cæli signo commouentur, saepe improviso nullâ ex certâ ratione, obscurâ aliquâ ex causâ concitantur: sic in hac Comitiorum tempestate populari saepe intelligas, quo signo commota sis; saepe ita obscura est, vt casu excitata videatur. Tum illa pro Archio: Saxa & solitudines voce respondent, bestia saepe immanes cantu flectuntur atque consistunt: nos instituti rebus optimis, non Poetarum voce moueamur?*

Mediæ sunt temperatae, vt hæc ex Oratione post reditum ad Quirites: *Sed tanquam bona valitudo iucundior est ijs, qui è graui morbo recreati sunt, quàm qui nunquam agro corpore fuerunt: sic ea omnia desiderata magis, quàm assidue per epta delictant: & hæc pro Roscio Comædo: Quid agis? nonne vt ignis in aqua coniectus continuò restinguitur, & refrigeratur: sic referens falsum crimen in purissimam vitam collatum statim concilis, & extinguitur?*

Quemadmodum internoſcantur Similia à Comparatis dicemus in Comparatione.

De dissimilitudine.

Dissimilitudo, est duorum aut plurium in diuersâ qualitate. Vt si barbarorum est in diem viuere, nostra consilia sempiternum tempus spectare debent. Hic barbari cum

cum hominibus cultis conferuntur in diuersâ qualitate viuendi.

Triplex est Dissimilitudo. Prima communis, quâ cum ab alijs, cum à nobis sæpè distamus. *Ut stare, sedere, ambulare, regere, disputare.* Altera propria, quæ ducitur ab accidente, quod separari non potest, *ut candor in Cygno, nigror in coruo, & Aethiope.* Tertia maximè propria, barbarè, essentialis appellata, quæ addita generi nouam speciem constituit, *ut rationi parti. eps.* Nam animali adiuncta procreat hominem. His differunt omnia, quæ inter se differre possunt: *ut orator, & citharædus; virtus, & voluptas; constantia, & pertinacia; homo, leo.*

Vnde ducatur Dissimilitudo.

Dissimilitudo ducitur ex factis, dictis, euentis, fabulis. Ex Factis: Iunius Brutus occidit filios prodicionem molientes: I. Manlius vir: utem filij morte multauit: A Dictis: Alex. ille Magnus tanti fecit Homerum, ut cum in Sigæo ad Achillis tumulum astitisset, dixerit: O fortunate adolescens, qui tue virtutis Homerum praconem habuisti: Plato verò illum, & omnes Poëtas è Republ. eiciendos esse precepit. Ab Euentis. *ut: Milo Crotoniata viribus confusus interijt; ijsdem pradius Hercules multa fuit auxilio, à Fabulis: ut: Formicatosâ astate tritici grana in horrea congerunt; Cicada semper eodem tempore cantitant: ille repositis alimentis famem hyeme depellunt; hæc coguntur esurire, & ab illis victam mendicare.*

De Contrarijs.

AD Dissimilia referuntur Contraria, quæ non possunt eidem rei simul, eademque ratione conuenire, *ut sapientia, stultitia,* quorum species quatuor sunt. Aduersa, Priuantia, Relata, Negantia.

Aduersa sunt, quæ sub eodem genere comprehensa, plurimū inter se differunt, *ut virtus & vitium, sub habitu animi, candor, & nigror, sub colore, amor & odium, sub*
pertu-

perturbatione. *Vitium fugiendum est, igitur amplectenda virtus.* His Cicero passim utitur, tum Oratione pro Roscio Comædo: *Et illa fuit pecunia immans hęc paruula; illa honesta, hęc sordida; illa iucunda; hęc acerba; illa propria, hęc in causa & iudicio collocata.* Et paulò post: *Venit ad Claudium; quem hominem? leuem? imò grauissimum; mobilem? imò constantissimum; familiarem? imò alienissimum.* In his te geres, vt in Similibus tractandis.

Sed animaduerte Contraria duplicia esse alia, inter quæ medium nihil est: vt *Pax & bellum, virtus & vitium:* alia, quibus medium interpositum, vt *albo & nigro pallidum, rufum, flauum rubrum, viride, & alijs coloribus affecta.* Priuancia sunt, quæ priuationem habitumque rei significant, vt, *dies, nox; lux, tenebra; diuitia, paupertas; sobrietas, ebrietas; aspectus, cecitas.* Vel alteri, addita præpositione in: *mortalis, immortalis; dignus, indignus; doctus, indoctus; humanus, inhumanus.* Cic. pro Matcell. *Doleo, cum Respublica immortalis esse debeat, eam in vnius mortalis anima consistere.*

Relata sunt, quorum vnum ad alterum refertur, vt *Pater, filius; Dominus, seruus. Præceptor, discipulus; cliens, patronus; miles, Imperator; dare, accipere.* Hinc Cicero: *Discipulus sum Archie, ergo iure præceptorem defendo.*

Negantia vulgo dicta contradicentia sunt: quorum vnum ait, alterum negat; vt, *orator, non orator; docet, non docet.*

In Dissimilia coniicienda sunt etiam Repugnantia, quæ habent speciem quandam Contrariorum; sed neque certa lege, neque certo numero se ostendunt, quæ ratione à Contrarijs dissident. Sic enim repugnant hæc: *amare, nocere, ledere; consecrari, displicere:* Sunt enim Repugnantia, quæ cum re, cui repugnant, coherere non possunt videntur, vt *Tiberij Gracchi mortem inconcionibus deplorare, & ciuem bonum esse, & Reipub. com. nodare velle.*

De Comparatione.

Comparatio est collatio vnus rei, cum alterâ.

Comparatio est duplex, par, aut impar.

Impar est duorum aut plurium cum elatione, vel submissione collatio. Sunt enim eius duæ partes: Maiora, quæ efferuntur, minora, quæ deprimuntur. Maiora tantum ad refutandum, minora ad confirmandum plurimum valent, *ut Hercules duobus resistere non potest, ergo nec tu parentes suos non obseruat, nec diligit, & obsequabit, ac diligit amicos?* Hæc à maioribus ad minora refutanda dicuntur. A minoribus ad confirmanda maiora hæc Cic. pro L. Man. *Maiores vestri sæpe mercatoribus ac nauiculariis iniuriosius tractatis bellagefferunt, vos tot ciuium Romanorum millibus, vno nuntio atq; vno tempore necatis, quo tandem animo esse debetis?*

Illud etiam animaduerto, maiora & minora comparari his quatuor Categoriis, substantia, quantitate, qualitate, & relatione: *vel, ut Cic. loquitur in Topicis, specie, numero, vi, & ad res ipsas affectione.* Substantia, *ut quæ propter se expetenda sunt, præferuntur ijs, quæ propter aliud, & naturalia non naturalibus.* Quantitate, *ut plura bona paucioribus bonis anteponenda sunt, & diuturna brevioribus.* Qualitate, *in qua spectatur vis & facultas, ut efficiens causa grauior, quàm non efficiens: & quæ seipsis contenta sunt, meliora, quàm quæ egent alijs.* Relatione, *ut quæ ad meliorem finem referuntur, anteferenda sunt ijs, quæ ad alium.* Virtus iure anteponitur ijs quæ ad valetudinem pertinent.

Par Comparatio est æqualis duorum, plurium, sine elatione, vel submissione collatio. *Quando ego non curo meum, tu necures meum. Abhorret à continentia, ergo fugit abstinentiam.*

*Quemadmodum Comparata & Similia
internoscantur.*

Comparata maiorum & minorum facile à similitudine distinguuntur elatione & submissione, cum similia nec efferri, nec submitti possint. Parium autem & Similium, cum æqualia sint, hæc est distinctio. Nam comparatio est, cum duo aut plura, in tertio aliquo conferuntur. Si Catoni licuit partes agere Pompeij, ergo & Ciceroni licebit. Commune fuit utrique agere partes Pompeij. Similitudo est, cum suum cuique tribuitur: ut: *Quemadmodum morbo ac sensus stupore cibi suavitatem non sentiunt; sic libidinosi & avari vera laudis gustum non habent: utriusque gustus attenditur, sed ille cibi, hic laudis perspicitur.*

In similia cadunt Exempla, de quibus ultimo loco dicetur, quæ in tractatione suâ Similium ac Dissimilium rationem sequentur, præceptionibus facultatis oratoriæ.

In hunc quoque conferenda locum videtur, ad sui exercitationem Etymologiæ, cum in Similitudinis mortem, ut ostendemus, tractanda sit.

Est autem Etymologia, quæ verborum originem inquirat, id est, veriloquiū, cum ἔτυμος sit nobis verus, & λόγος sermo. Cic. in Topicis Notationem appellat, quasi verba rerum notæ sint; sequutus Aristotelem, qui σύμβολον id est, notam appellavit. Est autem verbi notatio, interpretatio nominis: *Dialectica ars disputandi, à διαλέγομαι: Rhetorica, à ῥέω, fluo: Theologus, qui de Deo loquitur: hinc Verrem, à verrenda Sicilia Cicero appellavit: hinc argumentum: Si consul est, qui consulis patriæ, Cicero consul appellandus, qui ex Catilina manibus eripuit.*

Non est adhibenda fides Agricolæ, qui Etymolo-

giam insitum esse locum negauit. Nam etsi nomina naturalia non sunt, sed rebus significandis ab hominibus imposita: tamen cum temerè non fuerint indita, sed pro naturâ rerum, fit vt simul cum ipso nomine rei natura explicetur. Quod Ouidius testatur hoc versu,

Conueniunt rebus nomina quaque suis.

Duplex est Etymologia: Prima voce, & significatio-
ne, vt *Consul* à *consulendo*: altera, voce, non significatio-
ne, vt:

Est via sublimis, cœlo manifesta sereno,

Lactea nomen habet, candore notabilis ipso.

A notatione laudamus, & vituperamus, vt laudan-
dum esse *Senatum Romanum*, qui à senibus prudentissimis ap-
pellatus est. Vituperandus *Bambalio*, quod satis vel nomen ipsum
declarat ab hesitantia lingua & stupore cordis. Hinc suade-
mus & dissuademus, vt *Philopono* laborandum esse, quod
studiosus laboris appelletur. Hinc coniecturam tacti ex-
plicamus, vt *murum* non videri factum à *Verre* furtum, qui
solutus erat omnia vertere.

Quoniam in exercendis Similibus, Comparatis, & Exemplis
egemus passim Adiunctis, & Enumeratione, & hec argumenta
vel similium & Comparatorum, Exemplorumque facilitate
illustrantur, vel amplificantur, aut cum ornatu & luce Com-
parationis & Similitudinis & Exemplorum illustratur, præ-
ceptiones Adiunctorum & Enumerationis proponendas cense-
rem, nisi in primo Volumine Campi Eloquentiæ, quod
adire poteris, pro nostri instituti ratione
tradidissem.

EXERCITATIO SIMILIVM.

Prima ratio amplificandi brevis est per solam similitudinis propositionem de homine negotio obruto.



IC equidem vites, quamvis primum diligenter satæ; si postea cultura earum negligatur, cum partibus suis quàm optimè se habere non poterunt, si herbis, & spinis segetum cuique generi perniciosus obviantur.

Secunda ratio amplificandi Similium propositione, & assumptione.

VT hyemali tempore propter asperitatem, & glaciem horrida tellus videtur & deformis; neque arborum bonitas internosci potest, quoniam omnes folijs, & fructuum vbertate carent: at ineunte Vere arbores bonæ veltitæ folijs ac flosculis, & fructibus onustæ faciliè diiudicantur, & quid inter fructuosas, & steriles inte. sit sua bonitate mortalium oculis obiciunt: Sic equidem in hoc sæculo, quod hyemis non est dissimile, probi & improbi permixti confusique versantur, & virtutum & ornamentorum illustrium pretium & æstimatio, ornatus & splendor latet & occultatur in tenebris, ad illam vique sempiterni Veris pulchritudinem & venustatem eximiam, cum inuolutis & tegumenis vitiorum detractis, à bonis, & sanctitate præstantibus, scelerati ac nefarii homines diiuncti deiciuntur in obscuras & caliginosas inferorum sedes.

Tertia ratio amplificandi cum adhibetur similitudo ad probandum, nulla adhibita assumptione, neque conclusionem.

Sed quid rem tam claram rationibus & testimonijs amplius confirmare studeo? Quid plura attendo de bonis

norum virtutibus egregiis, extremâ die iudicij in theatro frequentissimo celeberrimoque omnis generis, viro- rum, ac mulierum, in conuentu tanto societatis infinitæ bonorum, & improborum, debitis præmijs, & honoribus à Christi Iesu liberalissimè magnificentissimèque cumulandis. Id fiet equidem & in oculis, & in ore cunctorum, eo tempore post terrarum desolationem, & viutorum ex hoc sæculo discessum cunctorum, & in amœnissimo florentissimoque ætatis tempore arbores quæcunque bonæ sunt, & fertiles, venustatem suam & vbertatem, & fructuum multitudinem præstantiamque copiosè nimis, & abundanter ostendunt.

Quarta ratio amplificandi consistat contentione siue collatione, quâ dilata: i Similia possunt, & adiunctu & exemplis augentur. In laudem Beati Ignatii Martyris.

VT ignis accensus & inflammatus hanc vim habet à natura insitam, ut illustret eas terræ partes suæ lucis claritate, quarum fulgore collucet, & illustrantur, & quæ iacebant in tenebris atrâ quadam caligine circumfusa, pateant oculis exposita mortalium: si tamen locis aliquot admoueat ignis ille, populetur & absumat omnia quæcunque peruasit, neque vestigium pristinae pulchritudinis relinquatur vllum: sic equidem B. Ignatius Christi Iesu igne clarissimè collucenti flagrans, lucem offerebat eximiam & illustrem generi mortalium vniuerso, patientiæ, fortitudinis, constantiæ, amoris in animorum salutem maximi, & in DEI sempiterni decus & gloriam immortalem charitatis accendit: quarum virtutum splendore tantopere fulgebat illustratus, ut non solum ipse suis virtutibus splenderet, & illustraret Christianæ Religionis diuersa maximeque disiuncta loca, sed ex inimicorum mentibus tenebras disijceret, & idolorum cultum, & religionem exstingeret: Quæcunque autem contendebat, vbi- cunq; nomen Pontificis audiebatur, excitabantur, & inflama- bantur omnes ad veram amplectendam colendamq; Fidem. Ita quidem non immerito dicebatur ignis Ignatius errores ablu- mens, & animos veritatis radijs late collucentibus illustrans. Ignis luce sua splendere facit quæcunque terrarum loca, in quibus

quibus accensis colluceat splendescatque: Ignatius virtutum suarum claritate, diuersas gentium, & Ecclesiæ, præsertim Antiochenæ sedes illustrat. Ignis tenebris obducta loca densissimis flammarum splendenti lumine statuit ante oculos aspicienda: Ignatius hostium Fidei mentes, caligine tenebrarum obcuratas, Christi luce splendidissimâ, veram Religionem & verum Deum intueri facit, præferens faciem veritatis accensam. Ignis quæcunque res flammis ardentibus peruat, eas conficit & abumit: Ignatius igne cœlesti, quo nuncabatur & splendebat, fallaces & commentitias nostrorum hostium rures, fraudulentis erroribus excitatis, ad nihilum redigebat. Ignis quod magis ac magis materiam admoueat, magis ac magis inualescens, ac vires lumens maximas, incendia maiora excitat, flamas spargit circumquaque & tollit in sublime: Ignatius quod magis ab aduersariis vexabatur, & grauioribus cruciabatur supplicijs, maiores suæ virtutis flamas excitabat. Si ignis iste sublatus in sublime, se diffundere videatur, & spargere latissimè flammarum in omnes partes volitantium ardores longo quidem interuallo cerneretur: Ignatius propinquiores valdeque distantes locorum partes, vltimos etiam terrarum angulos flammis ardentibus illustrabat. Denique ignis notas sui ipsius & vestigia ad temporis diuturnitatem impressa relinquit: Ignatius ignis illius, cuius ardore viscera flagrabant, mirum in modum signa reliquit expressa, ad sæculorum omnium memoriam sempiternam. Atque eò magis illustria signa fuerunt ignis huiusce relictæ, quod magis ab hoc, quem aspicimus, Ignatii inflammatus ignis differebat, qui cœlestis erat ac diuinus. Deum immortalem attingens, diuini spiritus ardore excitatus, Christum Iesum in ipius animi visceribus ac medullis infixum & inhaerentem habens. Quod declarauit euentus, ac periculum tanta inuictissimi Martyris laude factum, qui cum passim & singulis momentis Iesum suis sermonibus vsurparet, cum Iesum semper in ore haberet, ac Iesum loqueretur semper, & Iesu nomen diuinum cum tantâ animi suauitate cœlesti repeteret, & iteraret, cum nihil aliud vnquam proferens, Iesum in corde insidentem & impressum habere se constantissimè confirmaret, vbi dissectum medium corpus, & viscera patefacta fuerunt, patuit profecto veritas & illustrata fuit, sermonis de Christi Iesu nominis toties à se, tam frequenter, imò semper vsurato. Quod vix legimus, litteris insculptum & impressum, diuino splendore

mitans, visum fuit, atque perspectum. Hic erat ille ignis Agni mitissimi, cuius fulgore collucebant, & illustrabantur cœli palatia celsissima, nullâ alterius ignis magis micantia luce splendenti. Hic erat ignis ille, quo socij & comites Christi Iesu, post tanti Domini accensum in cœli sedes altissimas, illustrati per totum terrarum orbem Fidei Christianæ radios tam immensa claritatis magnitudine diffuderunt. Hic denique ignis ille, cuius ardore flagrantēs Martyres inuictissimo, primis nascentis Ecclesiæ temporibus, tyrannorum flammās, & rogos accensos aduersa iorum ingentē stupore superarunt. Quantum ergo claritatis splendore ignis diuini collucens Ignatius, sibi, & vniuersæ Reipub. Christianæ attulerit, iterum atque iterum consideremus, si tanta luce circumfundi mentes nostras animosque desideramus.

*Quinta ratio amplificandi, cum intercedit sola contentio
ad amplificandum.*

VT vitis humilis, serpens multiplici lapsu & erraticè, cum adminiculis fulcitur sustentaturque, aut ad vltimum adhaeret, egregios & præstantes fructus suos ferre videbitur maturos & opportunos: sic equidem diuites, cum diuitijs abundant, & omnibus bonorum copijs affluant, si ad inopum & egentium miseras subleuandas applicuerint sese, illorum precibus Beatorum immortalitate dignissimos fructus ferent, nec iacebunt terræ sordibus ac cœno demersi. Vitis vt fructus ferat, ad adminicula necesse est, aut ad culmum adhaereat: Diues rebus sæculi distentus, inopum egestati subueniat, vt egentium precibus adiutus, supera & cælestia audissimè petat. Vitis adhaerens ad adminicula sustinet sese, & vvas fert, non solum abundantes, sed vinum maximè necessarium ad vsus & utilitates humanę vitę: diues si locupletari magis, & augere diuitias, quas habeat, concupierit, egentibus stipem corrogantibus opem ferat. Vitis crescit in mirandam altitudinem vltimi fulta præsidio: diues cumulabitur, & augebitur magis ac magis in dies diuini numinis liberalitate, qui munificus & liberalis fuerit in calamitosos & egentes homines. Vt videas diues, qui tantis opibus abundas, quantum momenti situm sit in inopum egestate subleuanda.

Sexta ratio amplificandi ex Similium conglotatione.

CVr ergo in Dei grátiam non redis, ne fœdus, ac deformis; horribilis, & execrandus Deo, hominibusque infestus videaris? Vt enim noctem, propter caliginem, & tenebras; vt monstrum aliquod, propter deformitatem suam; vt serpentem, propter terrificum aspectum; vt venenum, propter gravitatem damni; vt pestilentia infectos, propter contagionem; vt post eundæm dæmonem, propter fœditatem & dritatem suam, insidias passim facientem, & interitum nobis machinantem fugimus, & te ipsum omnes boni fugient, & oculis videre non poterunt.

Septima ratio amplificandi cum Antithetis & Comparatione.

AN vero non delectemur magnopere ingenij tui monumentis, hac illustri gloria, quam litterarum varia multiplicique cognitione patriæ tuæ comparasti? Arborea bonæ, hortis & solo, in quo satæ sunt, laudem eximiam afferunt: ingenij æumine præcellentes viri patriæ suæ decus & ornamentum insigne sunt. Illud solum præcipue commendatur, in quo poma ferunt arborea, & fructus præstantissimos: illa celebratur insignis vrbs, quæ viros tui similes, & litteratos, & doctos admodum protulit. Illi tandem horti in magno pretio & æstimatione sunt, qui varijs fructibus abundare videntur ad delicias, & ad hominum victum quotidianum: illa patria magni quoque æstimatur & habetur, quæ claros & omni litterarum laude cumularos viros ad sustentandam conservandamque Rem pub. profert. Atque eò magis, quòd arborea illæ ad oris suavitatem, & ad corporis conservationem fructus conferunt: patria viros doctissimos, litteratissimos, ad Rerum publicarum constitutionem observationemque moderatores idoneos tribuit. Arborea cum fructibus suis corporibus alendis inferuierunt, amplius nihil emolumenti afferre possunt: sapientes novis in dies incrementis mortalium animos cumulant, & adaugent. Quid? fructus harum sæpe arborum non omnibus æquè hominibus prosunt, multis sæpe nocent, & perturbant humores corporis præclare

constitutos : litterati cum magis ad salutem incubuerint, plura rebus publicis afferunt emolumenta, virisque detractis, virtutem dominationem & principatum amplissimum tenere faciunt.

Octava ratio amplificandi, cum res ipsa proponitur, deinde rei proposita ratio redditur, postea subiicitur confirmatio, vel cerè exornatio per similitudinem, similitudini assumpte additur assumptio siue redditio, ad quam aliquid aliud adiungi solet.

Inter alia multa, quæ Basilius ille Magnus de virtutibus & absolutâ sanctitate scripta posteritati reliquit, ad sacras Religiosorum familias ex Christi Iesu consilijs & sanctissimâ disciplinâ gubernandas, illud imprimis Praefectorum cuiuscunque Ordinis memoriæ commendatum esse voluit, quod ad Spiritum spectat, sine quo, quemadmodum neque sine lucernâ nocturno tempore domum lustrari minimè posse contendebat. Similitudo profectò tanti Patris virtute, illius litteris & consilio, honorificentissimo Magni cognomento, & alumnorum optimo perfectissimoque patente dignissima. Videbat enim quemadmodum sine lucerna nemo obire posset cubicula aliquot, neque partes ædium sine offensione, aut merueri ulæque passim prolubandi : sic in viam virtutis, & iter sanctitatis absolutæ, nisi Spiritu Sanctorum Patrum, & Christi Iesu ductum & excitatum inire, neque persequi posse ; passim autem illum miserrimè lapsurum, & multas grauesque animarum offensiones, & lethales, commissis in Deum immortalem flagitijs & sceleribus gravissimis suscepturum esse. Quin ille concentus & harmonia Religionis, ille ornatus & splendor, tanta Patrum sanctissimorum exempla, à maioribus accepta, nisi posterorum incitatione, quæ maiorum spiritum præ se ferebant, in tenebris & caligine iacere solent. An verò hæc congruere posse quisquam sanâ mente præditus confirmabit ? ut, nisi quis spiritum ducat, vitam cum hominibus agat, inter illos versetur, & actiones viventis suscipiat, qui simul atque spiritum extremum edidit, efflans animam, diem tandem suum obijt. Ut navis ingressa mare, portum nunquam appeller, quam scientissimus gubernator non moderatus fuerit ? sed tempestates subibit turbulentissimas, & fluctibus iactata

Cata demergetur in profundum cum oneribus omnibus, & mercibus maximis, quibus in Indiam onerata duce scientissimo Gubernatore perueniret: Sic equidem cœtus sacrarum familiarum, nisi duce & principe Spiritu diuino consilia Christi Iesu sequi nequeunt, neque veris & solidis virtutibus præditi in cœlestem Indiam peruenire: sed passim facient naufragia maxima, opprimuntur dæmonis insidijs, & fluctibus mundi scelestissimi obruentur. Caro autem bellum semper faciens, suis illecebris & lenocinijs superabit, atque conficiet. Quid enim Mundus, nisi honores & iactationem sæculi inanissimam obliit: Spiritus Dei contemptionem & despicientiam rerum humanarum? quid dæmon, nisi laqueos intendit, insidias parat, dies noctesque animum acriter ac vehementer oppugnans: Spiritus dæmoni seipsum opponit, præscriptiones Ordinis, consilia Patrum sanctissimorum, facta maiorum egregia, & sanctitatis absolutionem ostendit? quid caro, nisi illecebras voluptatum, mollitiem & tenebritudinem, atque omnes titillationes, ad integritatem eripiendam, toto corpore perfundere conatur: Spiritus Dei illas virginum palmas, illas viuentes, quæ perpetuò florere non desinant, virginitatis coronas, similitudinem quandam & expressum Diuinarum mentium effigiem ante oculos statuit, & in mentibus insigniter admodum imprimit? Hunc Dei Spiritum B. Dominicus præ se tulit splendore suæ virtutis tot annos ante generi mortali prænuntiatum, iam inde ab illo tempore, cum mater catulum inflamatam faciem in ore ferentem se gerere dicebat in vtero: cum stella eximio & illustri fulgore collucenti frons illius pueri adhuc, & in cunis vagientis, lucem circumstantibus cœlestem afferre videbatur. Hoc Spiritu, tanquam facibus inflammatis ardentibus, illius alumni suis concionibus, vitæ præclarissimis exemplis, omni virtutum splendore clarissimo totum terrarum orbem illustrarunt. Hoc eodem Spiritu ductus Beatissimus Ignatius, Fundator nostræ Societatis insignis, tantam sæpe, & fronte, & oculis, ac vultu lucem præferrebat, ut Dei cœlestem Spiritum præferre videretur, atque cum alijs temporibus, tum illo præcipuè, cum Barcinone, cum Parisijs, cum in vrbe Roma sæpe visum est eximie claritatis radijs caput & ora vultusque collucere. Quæ cum clara, cum illustria sint, tum illa multo clariora & illustriora lumina claritatis, quæ Alexander Petronius, medicus scientissimus Aesculapius, oculis suis videre visus, iacens in lecto, & gravi

periculosoque morbo affectus. Cuius cubiculum cum sanctissimus Ignatius ingrederetur obscurum omnino, fenestris & foribus conclusis, statim in Sanctissimi Beatissimique Patriarchæ ingressu visam est eximia claritate circumfundi, quam clarissimè splendere, & media die lucem clariorem diffundere. Sed quid mirum, si lux in illius ore vultuque cælestis ac diuina splenderet, qui lumen Patris Æterni, & imaginem tanti numinis Filium Iesum Principem suæ Religionis imitandum, sequendumque suis alumnis filiisque proposuisset? Id quod declarauit nomen Ignatij, ignem inflammatum, & faces diuinæ claritatis ardentes spirans, & diffundens toto orbe collucescentes. Quid dicam de alijs sacrarum nostræ Religionis Familiarum Ducibus & antesignanis clarissimis, eodem suis in præscriptionibus, in suo præstanti instituto, in norma seuerioreque disciplinâ diuinâ claritate micantibus? Sic equidem populus Solymorum medijs in tenebris noctis obcurissimæ inter persequebatur suum, vt præeuntem columnam & tenebras illustrantem suâ claritate suspiceret gens in delicijs habitatum præpotenti que Deo. Quod Reges Magi itinera confecerunt non longa solum, sed periculosa via: quod primum in urbem Solymorum, deinde in porticum perueuerunt, sidus nouo splendore perfectum causa fuit & dux itineris tantâ alacritate suscepti confectique. Quare qui societatem aliquam, qui cælum, qui familiam benemortam, & præclare constitutam habere voluerit, principem actionum suarum præbeat Spiritum Diuinum, si à veritate nunquam voluerit aberrare: quo præsentē, omnia ex Christianæ disciplinæ auctoritate, & diuini numinis sanctissimâ voluntate procedent. Quam enim causam afferret aliquis perturbatæ domus, deprauatæ familiaris, filiorum omnibus vitijs inquinatorum, ludorum omnis generis, maximè aleæ, pæctorum foliorum, perditæ & euersæ gentis omnino, nisi boni Spiritus absentiam, flagitia patris, & vitam omnibus flagitijs contaminatam? Quod multi à sacra Religione defecerint, & Lutheri sectam amplexi fuerint, in Anglia, in Germania, in alijs prouincijs labere hæreseos infectis, bonorum inopia magistrorum, qui sunt Spiritus & vita, rectè præclareque agendi initium, sæpe mali attulit istiusmodi, occasionemque deferendæ Religionis. Quorum salutaribus præceptis multi continerentur in officio, & non iuissent tanta cum calamitate animorum pericula in sese. Neque epim deficiente Phonsco concentus & harmoniæ duce, can-

tores persequi possent dulcedinem ac suauitatem mirificè semperque concinentem, qui acutas, medias, & graues voces mirificè congruere facit ex omni parte singulas modulationes, pro debita proportione suauiter ac concinnè præscribendo moderandoque. Quare singulis in rebus, quid Spiritus præstet, & quantum lucis afferat, diligenter consideremus, si nolumus rebus demandatis tenebras & obscuram noctem offundere.

Pater rationes amplificationis ex Similibus allatas, ordine suæ præcipuas aliquot ex Cicerone petitas afferemus, quibus officia continentur Similitudinis varia, suis argumentis locupletata, & schematibus illustrata clarißimis.

Similia ex accommodatione.

ET enim si Deus optimus ac maximus sæpe ventis vehementioribus, aut immoderatis tempestatibus, aut nimio calore, aut intolerabili frigore, aut morbis inuectis, & latius grassante pestilentia fruges perdidit, vrbes deleuit: quorum nihil odio hominum, sed diuino consilio facit; vt scelesti puniat, & ad officium reuocet malis adductos mortales. Atque ea commoda, quibus vtimur; lucem, qua fruimur; spiritum, quem ducimus; à Deo nobis dari & impertiri videmus: quid non intelligimus parentes, à quibus geniti fuimus, & in hanc lucem suscepti, diuinorum consiliorum rationem fuisse consequutos? cum nos instituendos regendosque habuerint, cum tot commodis & emolumentis quotidie auxerint, & quidquid habuerint bonorum & honoris, id nobis tribuerint, & post mortem libentissimè liberalissimeque reliquerint, si non aliquando, vt officium faciamus, & ad meliorem frugem redeamus, reprehendendos puniendosque curauerint? Nisi hoc mirum est, vt quod vim diuinam facere videmus, id mentem parentum nostrorum humanam persequi nolumus.

*Secundum genus Similitudinis ad rationem reddendam,
cum particulis.*

NAm quemadmodum turpe est, petere quod non deberetur sic improbum est, negare quod debeas. Æqua enim ratio est utriusque, ut & petere, quod non debeatur, si in signis impudentiæ; & alterum, nolle soluere, in hominem insigniter impudentem cadit.

*Tertium genus ad causam querendam per contentionem, sed
primum similia præeunt.*

Sed quemadmodum auxerit rem familiarem videamus. Emit agrum temporibus ijs, cum iacerent prædia prædiorum, qui ager neque villam habuit, neque ex ullâ parte fuit cultus, sed quasi ager quidam desertus, atque derelictus longo intervallo, quod bella in locis, in quibus ea geruntur, diuturna esse solent atque calamitosa. Nunc multo pluris est, quam tunc fuit, atque ex illius fructibus annuis crevit adeo res sua familiaris, ut sit in hoc statu atque fortunâ homo, quâ contentus vivit: tunc erat ager cultus sine recto, nunc est cultissimus cum optimâ villâ: tunc nulla vinea, nulla oliueta; nunc vitium, & olearum multi ordines: tunc pauculae arbores satæ, nunc omnis generis arborum multitudo maxima: tunc illum paucis quidem nummis dominus mercatus est, nunc maximo pretio propter utilitates suas non vendet: tunc propter calamitates temporum nullæ delectationes, nullæ amœnitates agri, nunc propter fertilitatem annuam & culturam, voluptates & iucunditates maximæ percipientur: denique tunc, qui nullas incultus habebat utilitates; nunc cultus, & alijs hortis & prædijs vicinis auctus, satis est, & ad alendam, & ad locupletandam honoratissimam familiam.

*Quartum genus Similitudinis, ex simili cum dissimilibus ad
laudem B. Dominici.*

Cum puer esset B. Dominicus, arbitrator sex annos nondum natus, humi iacere malebat, quam in lecto molliter strato, quàm in sinu complexuque parentis aut nutricis acquiescere. Itane vero puer delicatus, in teneris annis, in infantia, cum
parentes

parentes ad somnum capiendum in lectis mollissimis, omnes domesticici, nutrices præsertim inuitarent, & vna mater obsecraret, toto corpore lacrymis, & ploratu plurimo molliorem huiusmodi respueretur? Et cum ille, sic se compareret ad omnes vitæ annos sanctissimè degendos, ut omnem teneritudinem & molliitudinem carnis amandauerit, non laudem eum, non omni ratione commendandum putem? Quid qui in eâ ætate iam cernitur, ut annos multo plures nactus sit, robori & virium tantum habeat, quantum necesse sit ad vim hanc & magnitudinem laboris perferendam? Enim vero perferendi non sunt, qui corroborata iam ætate, magnis viribus, utroque crure porrecto, corpore sæpius volutato, tanquam suas noctes, & magnam dierum partem iacent in lecto, cum maximâ corporis perniciæ, atque adeo animi exitio pesteque teterrimâ, excitante venere motus animi obscænos, & cogitationes impuras. At quam rem faciunt, atque adeo scelus committunt, ut neque in manibus, neque in auribus, neque in sensibus cæteris, neque in vlla bona cogitatione suscipienda quouis puncto temporis homines se Christianos præbeant. Ira multum in tempus dormiunt, ut agendam rem nullam habere videantur: Ita arctè ut Endymionis somnum capere videantur; ita præterea stertentes, ut omnes persentiant.

Quintum genus in vituperatione, cum enumeratione, exemplis, præoccupatione.

ET enim quæro, si quis proditor Principis arcis occiso, custode necato, apertâ arce, traditis clauibus, milites qui erant in arce tradidisset, utrum is clemens & misericors, an inhumanus & crudelissimus haberetur, qui in hunc proditorem non animaduertisset? mihi ferreus & crudelis, qui non supplicium à legibus statutum, & exemplum debitum, ut ad proditorem pœna, ad cæteros metus perueniret, sumendum curaret. Atque hic cæteris ad quoduis simile proditoris scelus committendum ianuam patefecisset in posterum. Quomodo enim se non proripiet audacia scelerum impunitate propolita? Sic nos corpori huic, huic fatidæ ac putridæ carni, quæ nos ipsos, quæ gratia Dei immortalis, quæ gloria cælorum, quæ præmiis Beatorum spoliare vult, quæ id egit, quantum in se fuit, ut suis blandissimis voluptatibus & lenociniis nos à

Deo

Deo separaret aliquando, & traderet in virtutem inferorum Principi nequissimo, omnibus modis succellere debebimus, & si vehementissimi in illam fuerimus, cæli um similes habebimus: sin remissiores esse voluerimus, extremæ nobis dementiæ in animarum nostrarum perniciem infamia subeunda est. Nisi verò cuipiam B. Franciscus, vir sanctissimus, Christi Iesu imitator; crudelior per omne vitæ tempus visus fuerit, cum corporis, cum suæ carnis auiditatem ita domandam coercendamque curauerit, ut illam, tanquam iumentum, & animal oneribus perferendis emptum, paleis & hordeo ad limum pascendum, omni seueritate tractauerit. Atque alij clarissimi Christi milites sic se gesserunt, ut tanquam hostem omnium terribilissimum, carnem suam vinculis & ferro constringentes persequuti fuerint, ne quid de summa comparatæ cœlestis gratiæ minueretur. Cuius ad animi fundamenta evertenda sensus omnes accersit, titillationes concitat, voluptates euocat, delicias appetit, attribuit nos trucidandos dæmoni, animosque nostros precipitandos in sedes inferorum, per omnem sæculorum æternitatem inflammandos, dilaniandos, excarnificandosque legionibus Dæmonis immanissimis. Veremini censeo, ne in hoc hoste omnium nequissimo terribilissimoque nimium seuerè statuisse videamini, cum multo magis sit verendum, ne remissione pœnæ crudeles magis in animum, quàm ne seueritate animaduersionis nimis vehementes in acerbissimum hostem fuisse videamur.

Sextum genus ex similitudine, oppositis, & comparatione, ad laudem.

A Damas tanta firmitate dicitur & stabilitate præditus esse, ut robur illius & vim maximam nullis malleorum ictibus, nullâ contentione virium, non ipsius omnia vastantis ac depopulantis igois flammis ardentibus quicquam superare possit; tantum autem abest, ut virtus Adamantis admiranda frangatur ac debilitetur, ut ipse contra vim omnem & grauitatem adhibitam, ad infringendum & labefactandum robur inuictum, duritiem quamcunque frangens ac debilitans incredibili virtute contendat, nec vnquam molui valeat aut leniri, nisi hircino sanguine superatus. Sic equidem B. Damasus, diuinâ virtute præditus, adamantis admodum
similis

similis, nullis vnquam aduerſa fortuna ſtatibus, nullis tempo-
rum iniuriis, neque procellis concitatis, nullis denique pericu-
lis vitæ ſuæ dies ac noctes imminetibus, de ſtatu ſuo dimoueri
potuit. Adamas maximâ virtute, valdeque commemorandâ ce-
lebratur: Damatus incredibili & inuiſto robore commendatus
prædicatur. Adamas frangi non poteſt, neque debilitari virium
quacunq; magnitudine memorabili: Damafus nullis inimico-
rum telis acerrimis traiectus, neque tranſfixus fuit vnquam. A-
damas vim omnem & contentionem mallorum frangit ac la-
befactat. Damafus inimicorum impetus ac furores reſpreſſit, &
debilitauit. Adamas vnus duntaxat hircini ſanguinis naturam
ſuperiorem agnoſcit: Damafus Chriſti Ieſu ſanguini, quidquid
põuit, quod fuit maximum ac memorabile, tribuit atque con-
cedit: illius ad tantas dimicationes capitis pro Religione ſub-
eundas inuiſtis viribus prodiit in mediam inimicorum aciem,
cum eiſdem grauiffimas quæſtiones habuit, certamina vitæ pe-
riculoſiſſima lætus & alacer aſſit, ac denique victorias reporta-
uit, & inſignia victoriarum clariffima. Atque in hoc Adamante
ſuperior Damafus: Adamas enim res duras, & animâ carentes
mollit: Damafus virtutem, principio viſam & habitam homi-
nibus difficilem, & horridam, oſtendit facilem, & expeditam.
Quod ſi Adamas ferrum & gladium ſua virtute mollem reddit
ac lenem: cum Damafus feritatem tyrannorum diram & imma-
nem ad Chriſti voluntatem flectat, & intorqueat; quantum in-
ter vnâ & alterâ duritiem interſit, nemo ſanæ mentis igno-
rat; cum tigribus, ac leonibus immaniſſimis, & belluis omni
diritate retroribus teterrimi Chriſtianæ gentis inimici ſua fe-
ritate præſtiterint. Atque ille ſanguis hircinus comparatus ad
Chriſti ſanguinem, cuius virtute munitus Damafus tot res præ-
clare gerebat, & mortem ante oculos verſantem sæpe contem-
nebat, atq; adeò iugulum ipſe pro Religione crudelitati carni-
ficum dedit. & alios eiſdem virtutis viribus armatos libenter
dare coegit, quid habet laudis & prædicationis? Non immeritò
quidem Damafus Adamantis nomen inditum,

*Septimum genus amplificandi, ex ſimili per deſcriptionem
accommodatione.*

EX Similitudinis amplificande arario multiplici varioq;
datur libera facultas & copioſa ornandi diuerſa ſa-
ctorum

*errorum Annalium loca, quæ Similibus potissimum continentur
quorum nonnulla aff. renus exempla.*

*Anima nostra si, ut passer erepta est de laqueo
venantium.*

Comprehende mentis oculis auem aliquam, pulchram ac venustam, pennarum varietate distinctam, in solitudine lætam atque alacrem, vagam ac solutam, & in camporum planicie modo confidentem, salientemque interdum, aut in arbores inuolantem, insidentemque in ramis, huc & illuc oculos conuertentem passim, mouentem caput suum lepidissimum, & prospectantem latè ac iucundè, & quatientem pennas, corpusculumque interdum, & collo promissio sublato edentem cantus iucundissimos, quos ad tempus exiguum intermitat, repetit postea, persequiturque concentu & harmonia mirabili: donec passis alis sublatisque volatus suscipit in aerem sublimes, vel demissos in terram vsque: quam percurrit, & quasi lustrat, quatrans eam, & rostro eruens, & ore, quoniam tempus æstiuum est, grana colligens. Illa nescia insidiarum, ignara laquei, quem auceps tendit, hac illaque vagatur, & soluta errat, capienda procul dubio, si in laqueos, si in retia aucupis inciderit. Sed quia vel cum paratos laqueos prospiceret, vel quia cum iam parum abesset, quin in insidias incideret, effugit declinauitque laqueos, volatus celeres incitatosque suscipiens, manus effugiens aucupis, se saluam & incolumem conseruauit: quæ in caueam aliter includeretur, aut obtorto collo conficeretur. Similis est procul dubio ratio hominis, cui dies noctesque, singulis horis atque momentis dæmon improbus insidias parat, & omnibus modis atque rationibus capere veller, & in suam securitatem adducere, ab immortalis Dei gratia diiunctum ab abstractumque, modò deliciis & illecebris carnis, blanditiis & lenociniis voluptatum turpissimarum, modò gaudiis, & voluptatibus falsis, modò diuitiis & opibus huius sæculi petituris, modò honoribus obiectis, & dignitatibus, ad quas homines per flammam, per vitæ pericula feruntur, capti ex ea cupiditate dominandi. Homo verò ubi effugisse manus dæmonis, & integros laqueos declinasse vidit, cum faciceps rationis sit, fugiet profectò quascunque occasiones, ne in foveam incidat, & obruatur,

inatur, & studiosus diuinæ gratiæ conseruandæ, ne illam effundat, auxilio diuini numinis, quasi pennis sublatis, aliò recipiet, neque domum ingredietur ludi, non habebit societatem cum improbis, non inibit gratiam cum libidinosis, postremò aucupabitur omne tempus, & cautione prouisioneque diligentissima conatus & insidias nequissimi hostis eludet. Passer enim cum effugit retia aucupis, illuc non reuertetur vnquam: homo nuntium remittit in perpetuum locis periculosis, & animi commodoinfestis. Passer nec punctum temporis immoratur, quin saluti suæ consulat: homo puncto temporis animum periculis omnibus liberat. Passer pennas effert in sublime: homo mentem & cogitationem ad omne salutis præsidium opportunè comparandum excitabit. Auis euolat longissimè, & in aera effert sese: homo ad cælorum gloriam, ad Beatorum præmia animum eriget, & efferet statim. Denique auis ab eo tempore non illius loci recordatur solum, sed loca persecturatur omnia, naturæ solum instinctu ducta, in quibus possunt insidiæ sibi periculaque parari: homo operam omnem adhibebit ad laqueos omnes inimici omni loco, omni tempore diligenter studioque declinandos. Atque eò magis, quòd particeps est rationis, & humanitatis sensu præditus, & iis omnibus armis munitus, quibus nisi volens, nunquam in hostis teterissimi manus incidet. Quid quòd plurius habenda sit animi, quàm corporis salus & incolūmitas? Agitur enim animi procul dubio salus, aguntur immortalia cæli bona, agitur felicitas, & dignitas nunquam amittenda, si in Dei immortalis gratia homo ex hac vitâ discesserit. Hanc diligentiam Vates diuinus adhibebat, qui sciens insidiarum dæmonis, optabat pennas sibi columbæ dari, quibus elatus in sublime, fugeret hominum celebritatem & concursum, & euolaret in solitudinem, vbi dies nocteque diuinæ contemplationi vacaret, superas domus lustraret assidua cogitatione, gaudia repeteret & voluptates Beatorum solidas, liber ab aulæ regię negotiis, solutus curis omnibus, quas Regia sedes, & intoleranda imperiorum moles Regibus & Principibus afferre solet. Idem omnes adhibent studium & contentionem cultores regilionis absoluti, & numeris omnibus sancti ratis expleti, quos volare Isalas inquit nubium instat, & in superiorum efferri palatia, vt ab his terræ sordibus animos abstrahant, statu spiritus diuini ducantur, & animis elati in cælum ascendant, celestium ornamentorum splendore colluceant, & diuinam referant similitudinem, & imaginem clarissimam. Quæ Deus im-

mortalis iubeat & velit, quæ consulat, & optet scimus; ut homines animorum singulari propensione virtutem complectantur, & lacrymarum suarum multitudine veniam deprecantur scelerum, quæ oblitui sui Creatoris in diuinam maiestatem suscipiunt: denique ut virtutum suarum exemplo, & actionum sanctitate maximarum vberes ac fecundas reddant quascunque sedes & oras, in quibus principes perfectionis tam consummata vigeant, & inservientes diuino semper numini cum mortalibus versantur. Ecce enim nubes quocunque flatus eas ventorum incitata celeritate propulerit, celeriter aduolabunt; si remissior & lenis fuerit, lenitatem & suauitatem flantis auræ sequentur: Christi milites nihil præter voluntatem Dei, præter mandata eius quærunt, nec agunt; nec vehementius, nec lenius commouentur. Nubes ad Dei voluntatem flante vento idoneo aquas in sola terrarum, ad terræ fecunditatem, fertilitatemque mittunt: concionatores sanctissimi cœlestes aquas diuini Verbi, ad irrigandos & vberes fecundosque reddendos mortalium animos, ex publicis celebrioribusq; suggestis effundunt. Nubes volatu celeri velocique admodum aeris spatia longissima breuissimo temporis momento præteruolant: viri sanctitate præstantes, quæ loca non obeunt, quæ oppida, quas ciuitates non lustrant, quos gentium ac nationum disunctissimarum fines vltimos non penetrant, ut ad diuini Numinis cultum religionemque expertes nostræ Fidei traducant? Nubes, quâ sæpe videntur formæ? quàm nitida & illustri? viri religionis celebritate clari, quo candore, quo gratiæ decore, quo splendore diuinorum ornamentorum insignes cernuntur? Nubes denique cum radiis solis fulgentibus uestiuntur, & ex omni amiciuntur parte, quem auri splendorem, claritate solis illustriorem, diffundunt ex omni parte? Viri virtutis præstantia celebrati, diuini Numinis gratia illustrati, sempiternæ iustitiæ solem, Deum ipsum immortalem, iuxta sanctitatis splendore referunt, & ante mortalium oculos constituunt: quorum aspectu componere se homines ad virtutis studium, corrigere morbos deprauatos,

& exemplo tantæ claritatis æterni Numinis sanctitatem in viris sanctissimis agnoscere, & modis omnibus imitari

conantur.

Secunda exercitatio ad similitudinem superioris , ex descriptione , & accommodatione per alteram descriptionem , cum dissimilibus & exemplis.

Erravi sicut ovis, quæ perijt.

Ovis vagatur & errat, ab ouili disjuncta segregataque suos per nemora, per campos, per montes, per valles altissimas, per loca frondibus ac viugultis interclusa, difficultatibus ac periculis plenissima, sui ipsius inscia, nescia gregis, nescia reliquarum ouium, & errans, & vagans huc illucque circumspēctat, consistitque nonnunquam balans, si quam sui generis sociam, si pastorem prospiciat, & balatu plurimo se desertam ac solam in solitudine vasta queritur: lupus autem procul prospectam inuadit inhiantē ore, discerpensque ac dilanians deuorat faucibus apertissimis. Quid igitur homo faciet, qui peccatum capitale committens, perfidiæ scelere contaminatus, à Domino Creatoreque suo defecit, qui vias iniquitatis & nequitiae multos dies ambulauit, & tanquam ovis vagans & errans, faucibus mortis, inferorum tenebris iam pridem addictus, ab illo puncto temporis, quo à diuini Numinis maiestate raptus ac nefarie delcuiuit, cruciatus & flammis inferorum commeruit in perpetuum? non peti sse iam diu, non mortem obisse teterrimam, non mirum videri debet illum in noctis sempiternæ sedes, luctus ac mætoris plenissimas, & flagrantē ardore flammarum æterno deiectum vi non diu fuisse in tantis præsertim dæmonis inimiciis, in tanta sanguinis mortalium hauiendi cupiditate maxima, in ruina miserabili, in ærunarum mortiferæ luctuoso calamitosoque casu. Ovis ab ouili discessit; homo à Creatore suo. Ovis reliquit gregem sui generis; homo Deum, ad cuius similitudinem & imaginem creatus est. Ovis in dumeta sentesque horridos incidit; homo in foveas, & prærupta peccatorum præcipitia. Ovis sine pastore, sine custode, luporum ori ac faucibus præda derelicta est; homo Christi Iesu gratia destitutus, dæmonis execranda crudelitati expositus. Ovis ore ac dentibus lupi discerpta, perijt miserabiliter; homo rabie hostis crudelissimi, principis

inferorum excarnificatus, quas plagas, quæ vulnera letalia sapissimè in animo accepit? Ouis per sylvas, per montes vagans & errans, balare non desinit, si pastoris sibilum audit, quo reuocetur, & in gregem amissum retrahatur: homo quid aliud debet facere, nisi gemere, nisi lacerari, nisi colacrymar: dies noctesque, nisi deplorare calamitatem suam, execrari perfidiam, detestari scelus, lugere ruinam ex tam alto cœlestis gratiæ gradu per scelus & nequitiam amissæ, constanter polliceri promittereque diuino Numini mores alios, & aliam in posterum vitæ rationem; denique non modò libenter & ultro fateri delicta sua, verùm etiam precari veniam, & boni pastoris Christi Iesu de cruce pendentis, & peccatorem in suam amicitiam reuocare cupientis, & in vulnus lateris sanctissimi patens & apertum accersentis, sibilum expectare: vt ignoscat, ignoscat, inquam, & in amicitiam suam lugentem ac deplorantem flagitia sceleraque commissa recipiat. Sic bonus ille paterfamilias filium perditum ac profligatum, post exhaustum patrimonium, post dissipatam hæreditatem suam, & in turpes & in nefarias libidines effusam, & libitinum ac turpissimum voluptatum pœnitentem, & in patrios redeuntem lares, ac patris opem & misericordiam deposcentem, sordidatum & squalentem non excepit solum, & recepit in amicitiam suam, sed obuiam eidem prodiens, & amplexus & osculatus, veste candida pellucenque induit; & conuiuium concelebrauit magnificentissimum, tota familiâ gestiente gaudiis omnibus ac lætitiis, atque adedò musicæ concentu suauitateque iucundissimâ totâ domo personante. Sic bonus pastor, mitis & mansuetus Iesus, vagas & errantes oves singulis momentis ad peccatorum veniam, & ad reditum in suam gratiam inuitat. Qui quâ est infinitâ mansuetudine, quâ misericordiæ magnitudine præditus, non vult peccatoris pestem & interitum vltimum; sed vt ad se redeat, & veniam peccatorum efflagitet. Id iam bonus palàm ostendit, qui quamuis nefarius, & infamis, & humani sanguinis effusi crudelitate percitus, tamen veniam perens, vna duntaxat regni cœlestis mentione facta, vna obsecratione supplici, vt sui ipsius meminisse vellet Christus Iesus, cum regni cœlestis solium celsissimum ascendisset, non modò veniam consequutus est, sed illo die ex ore Christi Iesu audiuit, cœlestis aulae regnum immortale consequuturum esse, & quidem sine dubitatione. Quod edò magis sperare debet homo,

mo, quibuscunque peccatis & sceleribus inquinatus, quo pastoris nomine magis dignus est Christus Iesus, qui in montis Calvarie verticem ac summa iuga conscendit, ut sparsas, & dissipatas; vagas, & errantes oves ab ovili suo, compelleret sibilo suæ benignitatis, & ut ex ore ac faucibus Leonis rugientis, & animorum perniciem sitientis, eriperet post tot iniurias, post virgas, post spineam coronam, post crucem suis humeris comportatam, spiritum extremum exhalavit in ligno crucis sanctissimæ pendens, inter duos interiectus latrones.

Tertium exemplum ex eadem ratione amplificandi.

Viam mandatorum tuorum cucurri, cum dilatasti cor meum.

Cum quis negotij conficiendi causa locum aliquem petitus est, non modo festinatione summâ properando accelerandoque magnis itineribus diurnis, & aliquando nocturnis contendere consuevit; sed muratis ad celeritatem equis, currendo quanta velocitate potest, & tantos faciendo processus, ut non currere, sed auolare videatur. Sic equidem, viri omni sanctitate cumulati cunctorum vitæ suæ dierum viam ita pergunt, nec consistendo minimum, neque à contento semel cursu, semper regia non solum & directa mandatorum Dei immortalis, sed Christi Iesu consiliorum semitis angustissimis; ut superatis difficultatibus, fractis & compressis carnis perturbationibus, alacres & erecti, assiduo constantique cursu progressiones maximas faciant. Tantus autem cursus est illis in itinere perfectionis absolutæ, sic euolant & feruntur in cælum, ut ab humanis abstracti, cursus in cælestem aulam dirigentes, admirabili celeritate curiant. Dant operam homines, ut iter arripiant cum celeritate: viri optimi summa etiam velocitate contendunt. Illi currunt, ut eò, quod contendunt, celerius perueniant: hi cursus maximos suscipiunt, ut in perfectionis viam velocius progrediantur. Illi sic currunt, ut si opus fuerit, per depositos equos properent, & accelerent: hi sic cursus currunt velocissimos, v. singulis momentis, accuratis, & ex Christi Iesu disciplinâ, ad cursus virtutis incitandos susceptis optimarum actionum exerci-


tationibus vtantur. Illi sic current, vt auolare videantur, cursu maiore multa velocitate facto: hi eò vsque volant, & tam altè, vt altius euolare non possint, pennis diuini Spiritus in cœlum sublatis, & cum Beatorum agminibus nunquam non cogitatione versantes. Is erat profectò Dauid qui, quanquam regni negotiis grauissimis distentus, in medio concursu conflictuque suarum occupationum, nunquam immortalis Dei cogitationem ex animo deponebat, media autem nocte surgebat, & somnum intermittens, diuinæ Maiestati laudes summa cum religione tribuebat. Tanti autem habebat præcepta diuini Numinis, & illius placita sanctissima, vt auro gemmisque pretiosissimis præponeret. Ab illo verò tempore cum B. Ermenegildus Laandri salutaribus monitis & adhortationibus ab hæreseos paternæ prauitate traductus fuit ad notuam Religionem, quanta cum alacritate verum Religionis iter suscepit in retinenda Religione non minus enixus fuit, quam in vita conseruanda elaborare & eniti solent homines vitæ cupidissimi, ac multo quidem vehementius, tan à veritatis luce perspectâ, tot ac tantis Beatorum præmijs cognitis. An ille quidquam amplius facere potuit, cum in medias acies pro Christianâ Religione seipsum coniecit? cum filium Principem & hæredem regnorum, cum Ingundum vxorem charissimam, splendidissimamque fœminam, Regum Galliæ stirpe procreatam, obfides Ducibus Italarum dedit? cum se passus est in custodiam conici, in carcerem angustum & caliginosum detrudi, vinculis omnibus acerrimis, & pondere premi catenarum grauissimorum cum denique iugulum crudelissimi carnificis offerre securi non dubitauit, regno, vitæque, quæ duo generi mortalium charissima sunt, spretâ, magnanimiterque contemptâ. Quid ille Sanctissimus, Beatissimusque Galliarum Rex Ludouicus fecit, fidei Christi anæ cultor eximius? quantâ fuit integritate & innocentia, qui nulla per omnem vitæ suæ cursum mortiferi criminis labè suum animum infecit? quam Religionis studiosus extitit, qui colere, tuerique fidem sic studuit, vsq; ætate sua felicissima Galli diuinum cultum mirè propagatum amplificatumque viderint? qua demissione? qua abstinencia? qua pietate? qua denique patientia fuit, & charitate singulari? qui in ediam corporis multos dies ferebat omni vitæ decursu, non solum solennibus matris Ecclesiæ ieiunijs contentus: cum ipse Xenodochia, quamuis in regia dignitate collocatus, obire: & iacentes in lectis pauperes ægrotantes inuisere, con-

solari,

solari, omni humanitate complecti soleret? cum Assertoris Iesu Christi exemplo succensus, abiecto ornatu regio atque cultu, maiestate augustissima celsissimaque venerando, regali folio & insignibus regijs relictis, suæ celsitatis altissimæ prorsus oblitus, ad pauperum pedes abiecerit sese, & eos regijs manibus attrectauerit, & abluerit, atque aded summa demissione fuerit & oculis collacrymantibus oscularus? cum denique propagandæ Religionis cupiditate flagrans, exercitus omni copiarum genere abundantes, rebus omnibus ornatos & instructos, in hostes fidei Christianæ terribilissimos eduxerit; cumque in illorum oculis & ore castra posuisset, & prælium committere, signa acriter & vehementer conferre veliet, in ipsa prælij incundi cogitatione, graui pestilentia de medio sublatus excefferit? Sed Reges omittamus alios, omittamus exempla nostræ Religionis Heræum, & Regis celsissimi cursum è cœlorum sedibus in hæc infima terrarum sola, instar Gigantis fortissimi valentissimi que, contemplermur è cœlo in Virginis uterum, ex Mariæ visceribus in præsepe, è præsepi in Ægyptum, ex his & alijs terrarum & prouinciarum locis pro generis humani salute peragratis, in crucem, cursum quanta cum celeritate cucurrisse videbimus? Hæc equidem exempla sanctissima & nos magis incendere debent, & ad virtutis iter magis inflammare, quanto magis in clarioribus & cum dignitate florentibus viris, & in ipso Sanctitatis & Religionis auctore Christo Iesu eminere, & clucere cernimus. An verò patiemur homines huius sæculi pro rebus fluxis ac perituris, pro mercatura exercenda, pro quæstu faciendo non aded sæpe magno, tot itinera facere, tam longa, tam difficilia, tam multis periculis exposita; maria transmittere plurima, & aliquando minimè ad nauigandum idonea tempestate: pro gloria Beatorum, pro regno immortalitatis obtinendo, tantopere otio ac desidïa languescere, tanquam tardas pecudes, & ventri semper obedientes? sic in his facultatibus sæculi comparandis, tantam homines diligentiam adhibebunt, & iidem in cœlorum diuitijs desides ac negligentes erunt? gloriam huius sæculi ardentibus animis sitient? gloriam cælestis aulae non omni studio comparandam curabunt? honores eiusdem sæculi tanto cum animorum periculo contendunt? nulla contentione corporis nec animi ad Beatorum dignitates aspirabunt? Quod humanum, quod caducum est, terra marique quæretur? quod

cæleste, quod æternum est, repudiabitur, abiicieturque? Denique ad faciem, & sordes tam alacres & læti feremur; ad decus, & ad gloriam cælestem sic erimus abiecti, iacebimusque prostrati more rituque rationis expertium, & Christiana Religione carentium? Quæ est ista tanta mortalium desidia? qui languor? quæ tanta suorum animorum obliuio? Decurrebant viri sanctissimi virtutis cursum tanta cum alacritate, quod præsidij maximis muniti, quod omnibus diuinis adiuuentis excitati, stare quidem, neque sedere potuissent otiosi: ardebant illi flagrantibus accensamoris æterni facibus, subsidijs cælestibus, tanquam calcaribus & stimulis admotis, progressiones faciebant mirabiles: ut Aquila regis & excelsæ sublimi admodum volatu ex hominum oculis abducebant sese; homines verò negotijs huiusce sæculi, curs, & occupationibus distenti, occasionibus plurimis, & foueis, in quas passim incidunt, hac imbecillitate carnis, atque aded tot hostium inmanissimorum multitudine deprimuntur in profundum. O cæcam hominum amentiam! O furorem & insaniam intolerandam! Quali illi viri, tanta sanctitate cumulati, natura vestra, vestra hominum conditione non fuerint, & rebus omnibus, quibus vos implicari vestros animos miserrimè dicitis, non illi bellum fecerint grauissimum & assiduum? Vos etiam si idem fecissetis, non de tot ac tantis inimicis capitalibus prædas maximas facturos esse speraretis? Idem, idem inquam, Deus est præpotens, & inuictissimus, qui profectò, si vos compararetis vestros animos ad suorum munerum largitatem, eisdem cumulatè satis magnificeque locupletasset: & quod Dauid de seipso, vos de vobis omnibus lætè nimis ac iucundè prædicaretis. Cucurrisse igitur se, dicit Dauid, viam mandatorum diuinorum incredibili concitataque celeritate: quando precor? cum Deus Optimus Maximus animum illius consolabatur, cum suauitate iucunditateque sua demulcebat, cum afficiebat muneribus ac donis cælestibus, cum sic reficiebat & recreabat abundantia diuinæ gratiæ, sic incitabat & inflammabat facibus amoris æterni flagrantibus, cum sic donis dona, munera muneribus cumulabat, & augebat, ut alacritate mirabili non iter, sed cursus inaudita celeritate, gaudijs omnibus ac lætitijs exultans ac triumphans, facere videretur: Vsq; eò, ut nullis neque molestijs, neque angoribus, nullis calibus neque ærumnis, nullis temporum procellis, neque fortunæ vicissitudine deficeret;

ceret, neque frangeretur, neque debilitaretur animo. Amabo non eorum omnium bonorum participes fieri vos poteritis? non abundare omnibus his copijs & opibus Sanctorum? non sic affluere redundareque tanta multitudine magnitudinemque voluptatum, iucunditatumque verissimarum, si essetis illi vos omnes, qui deberis esse? si Deo immortalis egregie fideles? si crebro per Confessionem animos elueretis? si sacro vos cælestique pane octavo quoque die reficeretis? si seruandæ legis diuinæ tanta vobis cura fuisset & studium, vt non modo capitale peccatum odio habuissetis maximo, sed leuiorum culpam quamcumque? Si nihil nisi ex voluntate Diuini numinis appeteretis, si meditationi, si contemplationi rerum diuinarum tempus impertientes, vestras ad Domini voluntatem, & Sanctorum facta præclarissima, vestras inquam actiones conformaretis; quod David sanctissimus, id vos sine dubitatione consequeremini.



DISSIMILIVM EXERCITATIO TRACTATUR EISDEM MODIS, quibus Similium vsus,

*Amplificationes Dissimilium ex Cicerone petita. Primum
genus, ex contentione Dissimilium ad vituperationem & laudem,*



Ic fuit humili genere natus, ille clavis ortus parentibus: ille inops & egens rerum, hic locuples & copiosus; ille obscurus & humilis, hic clarus & illustris; ille nullo nomine, nullis litteris, hic celebritate famæ, conspicuus, omnibus litteris atque studijs instructus: ille deformitate oris, & corporis prauitate, hic dignitate oris, & omnibus corporis lineamentis politus & ornatus: ille horridus & incultus, barbarus & agrestis, hic omni cultu & humanitate politissimus, ad speciem & elegantiam aulicorum. Denique cum ille sordidus, hic honestus: ille flagitijs omnibus

contaminatus, hic omnibus virtutum donis ac muneribus instructus. Vt si hominem deterrimum quisquam fictis, conquiritisque vitij deformatum vellet inducere, si idem virum maximis, & clarissimis virtutibus præditum, in illo turpitudinis, in hoc virtutis exemplum apparet.

Secundum genus, cum paria paribus referuntur, ad virtutis rationem.

EX hac enim parte pudor pugnat, illinc petulantia: hinc pudicitia, illinc libido: hinc diligentia, illinc desidia: hinc pietas, illinc impietas: hinc Religio, illinc hæresis: hinc Fides, illinc fraudes: hinc temperantia, illinc ebrietas. Denique demissio, liberalitas, patientia, virtutes omnes certant, cum arrogantia, avaritia, iracundia, cum vitij omnibus: postremo bona mens cum deprauato iudicio, prudentia cum amentia, bona denique spes cum omnium rerum desperatione configit. In huiusmodi certamine ac prælio nonne, etiam si hominum studia deficerent, Deus ipse immortalis coget à præclarissimis virtutibus tot à tanta vitia, à bonâ & Christianâ causâ prauam ac perditam superari?

Tertium genus, cum crebra crebris opponuntur, ad laudem.

ATque ego sic existimo, in hac contentione, in hoc appetendæ cathedræ certamine, Academiæ potius, quàm mei ipsius; scholasticorum, quàm nostræ vtilitatis; honoris publici, quàm priuati; officij debiti, quam patriæ; iustitiæ, quàm vilius offensionis à me verba esse facienda.

Quartum genus, ad conciliandum ex numerosâ Dissimilium circumscriptione cum Enthymematis.

Sed pro Religionis Christianæ dignitate atque gloriâ, quoniam bellum contra Anglos susceptum est, videte quem Hispanis animum retinendum putetis. Carolus Imperator sæpe exteris gentibus obsidione pressis, occurrendum non dubitauit; nos tot incommodis & damnis acceptis, quo tandem animo

animo esse debemus? Barbarossa, quod longè ab Hispaniis prædabatur, tunc Carolus Imperator totius Africae propugnaculū, quoad cepit, oppugnare vehementissimè non destitit: vos Draquen prædonem inultum esse relinqueris? qui multas equidem Hispanorum insulas, & urbem Lusitaniæ, florentissimam Vlyssipponem tentauit inuadere? Carolus externas gentes, & nihil ad regnum nostrum spectantes, ab hostibus obsecillas & oppressas obsidiones periculo liberauit: vos vestras fortunas, merces & classes negligetis? prædas procul ab Hispaniæ sedibus factas bello Carolus Imperator persequutus fuit: vos tot insularum, & urbis maximæ obsidionem, & impetum audacissimum inultum relinqueris? Videte ne, ut Carolo pulcherrimum fuit tantam nobis rei bellicæ gloriam reliquisse: sic nobis turpissimum sit, quod à tanto Imperatore propositum fuerit Hispaniensis gloriæ defendendæ exemplum minimè petijisse.

Quintum genus, ad reprehensionem.

I Am hoc prope iniquissimè comparatum est: quòd in corpore ornando, ut quisque est locupletissimus, ita vestes sumptuosæ pretiolæque nimium quærentur: in animi cultu, ut quisque potentissimus est, ita negligentissimus, sordidissimusque videtur. Nisi fortè hæc causa est, quòd corporis ornandi multum periculi est, animi verò summum & maximum discrimen, scilicet homo corpus vestitu contrahit, demittit spiritum, nulla intumescit arrogantia, non obest animo, multò paratior est ad obtemperandum.

Sextum genus, ex Dissimilibus duntaxat, cum gemina repetitione ad iracundia affectus.

A Rma defert Vlysses, qui eloquentiâ præcipuè florebat: adimuntur Aiaci, qui fortitudinis laudem ex contentione deportauit. Arma defert Vlysses, qui Aiace Telamonio fortitudine fuerat inferior: adimuntur Aiaci, qui secundus fuerat ab Achille Græcorum fortissimo. Arma defert Vlysses, qui non modò maiorem in bello gloriam non contempnauerat, sed neque æqualem: adimuntur Aiaci, sine quo Græci sæpe superati fuissent. Arma defert Vlysses, qui consilium attulit in castra Græcorum: adimuntur Aiaci, qui res præclaras gesserat, & strages maximas ediderat inimicorum.

Arma defert Vlyſſes, qui propter eloquentiam legationes obie-
rat, & dicendo utilitates aliquas præbuerat: adimuntur Aiaci,
qui propter fortitudinem dux inuictiſſimus pugnis & prælijs
acerriſſimis vires fregerat atque contuderat Troianorum. Deni-
que arma defert Vlyſſes, qui neque gladio, neq; armis vnquam
uſurus eſſet in hoſtes: adimuntur Aiaci, qui ſi ea detuliſſet ſu-
perſtes in Græciam reuerſus, hoſtilia ætæ nâque bella confecif-
ſet omnino.

*Septimum genus, ad debacchandam enumeratione, naturâ,
legibus, officijs hominis.*

TE nunc, nobilis Antoni, te, inquam, lectiſſimum & or-
natiffimum adoleſcentem appello, abs te officium tuum
debitum generi & virtuti requiro & efflagito. Cur in Sebaſtia-
num, qui laudem honoremque familiæ veſtræ detrudere co-
natus eſt, non inueheris? cur genus tuum defendendum non
arbitraris? cur alij illius partes ſuſcipiunt? cur onus tuum ſuſti-
nent? cùm leges ſæculi iubeant, vt partes generis ita ſui quiſ-
que defendat, vt illud nec minima quidem iniuria affici per-
mittat? In iſtum non uſciſceris? qui violauit magnâ ex parte
nobilitatem generis Guſmaniorum, & tot probis & contume-
lijs parentem tuum affecit? Quisnam igitur, per Deum im-
mortalem, tuebitur patris tui memoriam mortui? quis laudem
atque decus conſeruabit virtutis, ſi tu eam relinquis atque de-
ſeris? neque ſolum ſpoliatam honore ſuo patiere, ſed etiam ſpo-
liatorem auctoremque inultum relinquens? adſunt homines
ſerui tui, parentis ſemper egregiè fideles adminiſtri, certiorem
te faciunt, nobilem Diegum parentem, maximis rebus geſtis
nobilitatem maiorum ſuorum conſeruafſe, atque apud cæteras
nationes & inimicas Hiſpaniarum, memoriam ſui nominis
reliquiſſe, hanc aduerſarium tuum familiam multis nomini ſuo
contumelijs, & iniurijs impoſitis delendam extinguendamque
curauifſe. Orant te atque obſectant, vt parenti tuo honorem,
generi tuo laudem gloriamque reſtituas, vt quam claritatem
parentum tuorum maiores amplificauerunt, eam ab inimicis
tuis violatam, per te redditam ac reſtitutam videant. Quid aut
his reſpondere honeſtè potes, aut illis facere, vt à te officium ac
pietatem patri debitâ implorent? adſunt & implorant, potes tuis
opibus paternæ laudis amplitudinē Antoni tueri, potes præſidio
tuorum

tuorum plurimo, potes robore ac virtute, potes alijs multis rationibus. Omnia in te sunt, quæ aut fortuna hominibus, aut natura largitur: non præcipio fructus officij tui, non alienam laudem alijs appetendam defero. Non est pudoris fratris tui, minoris natu, nobili Antonio, natu maximo, florentissimo adolescente, viuo & incolumi, se præcipuum propugnatores patris dedecorati ultoremque profiteri; si suscipiunt paternæ laudis patrocinium, fratrem adiutorem non solum adesse paternæ defensionis oportebit, sed etiam omnes prædicare conciuēs, nobilis Antonij eiusmodi esse virtutem, ut patris honos, ab eo, qui tenet mortui locum, filio maiore natu defendatur. Sin aliquid te impedit, sin hoc, quod abs te postulo, minus ad pietatem filij pertinere arbitrare, non frater minor solum, sed etiam aliquis Patri amicus succedet vicarius tuo muneri, suscipiet partes, quas tuas esse videbat: ne cineres patris tui, ne tanta virtus conqueratur, patriam suam hominibus de Republicâ bene meritis, & defensoribus acerrimis ingratis non adfuisse, illorumque honorem sui similibus defendendum minimè demandasse. Fuerit apud alios fortitudo decorata Ducum, ornati fuerint Imperatores momimenti & triumphis gloriosis, in æternâ fuerint gloriâ defensores Reipub. (neque enim hominibus de suâ familiâ solum, sed vniuersæ ciuitati commendati videbantur) & non erit pro parte tua aliqua conciuē pars virilis eius ciuitatis, quam pater tuus sua gloria claram illustremque reliquit? præcipue quod in his artibus boni ciues pro sua parte simul vna versantur, custodia, defensione ciuitatis, odio improborum: quæ cognatio studiorum, & artium propemodum non minus est coniuncta, quàm ista, qua cognati delectantur generis & nominis. Repeto abs te Sebastianæ nomen nobilis Diegi: repeto gloriam & virtutem istius inuicti Ducis: honore eidem restituatur per vos principes virtutis, clarissimosque viros, patriæ Reique publicæ studiosos. Hæc abs te non sanguine coniuncti, non nobilis Antonius, non inquam nobilis Antonius, filius illius maximus natu postulat, sed qui laudem gloriâque defensorum patriæ tuendam conseruandamque susceperunt. Non vereor ne hoc officium meum Antonio non probem, qui cum res maximas gesserit, monumentaque suarum rerum maximè conseruare velit, atque in hoc elaborer, profectò volet, hæc non solum suis posteris, verum etiam omnibus viris fortibus, & bonis ciuibz defendenda nobis Diegi ornamenta

inferorum excarnificatus, quas plagas, quæ vulnera letalia sæpissimè in animo accepit? Quis per sylvas, per montes vagans & errans, balare non desinit, si pastoris sibilum audit, quo reuocetur, & in gregem amissum retrahatur: homo quid aliud debet facere, nisi gemere, nisi lamen tori, nisi colacrymarum dies noctesque, nisi deplorare calamitatem suam, execrari perfidiam, detestari scelus, lugere ruinam ex tam alto cœlestis gratiæ gradu per scelus & nequitiam amissæ, constanter polliceri promittereque diuino Numini mores alios, & aliam in posterum vitæ rationem; denique non modò libenter & ultro fateri delicta sua, verùm etiam precari veniam, & boni pastoris Christi Iesu de cruce pendentis, & peccatorem in suam amicitiam reuocare cupientis, & in vulnus lateris sanctissimi patens & apertum accersentis, sibilum expectare: ut ignoscat, ignoscat, inquam, & in amicitiam suam lugentem ac deplorantem flagitia sceleraque commissa recipiat. Sic bonus ille paterfamilias filium perditum ac profligatum, post exhaustum patrimonium, post dissipatam hæreditatem suam, & in turpes & in nefarias libidines effusam, & libidinum ac turpissimarum voluptatum pœnitentem, & in patrios redeuntem lares, ac patris opem & misericordiam deposcentem, sordidatum & squaleantem non excepit solum, & recepit in amicitiam suam, sed obuiam eidem prodiens, & amplexus & osculatus, veste candida pellucenque induit; & conuiuium concelebrauit magnificentissimum, tota familiâ gestiente gaudiis omnibus ac lætitiis, atque adedò mulicæ concentu suauitateque iucundissimâ totâ domo personante. Sic bonus pastor, mitis & mansuetus Iesus, vagas & errantes oves singulis momentis ad peccatorum veniam, & ad reditum in suam grâciam inuitat. Qui quâ est infinitâ mansuetudine, quâ misericordiæ magnitudine præditus, non vult peccatoris pestem & interitum vltimum; sed ut ad se redeat, & veniam peccatorum efflagitet. Id iano bonus palàm ostendit, qui quamuis nefarius, & infamis, & humani sanguinis effusi crudelitate percitus, tamen veniam petens, vna duntaxat regni cœlestis mentione facta, vna obsecratione supplici, ut sui ipsius meminisse vellet Christus Iesus, cum regni cœlestis solium celsissimum ascendisset, non modò veniam consequutus est, sed illo die ex ore Christi Iesu audiuit, cœlestis aulæ regnum immortale consequuturum esse, & quidem sine dubitatione. Quod edò magis sperare debet ho-

mo,

mo, quibuscunque peccatis & sceleribus inquinatus, quo pastoris nomine magis dignus est Christus Iesus, qui in montis Calvariz verticem ac summa iuga conscendit, ut sparsas, & dissipatas; vagas, & errantes oves ab ovili suo, compelleret sibilo suæ benignitatis, & ut ex ore ac faucibus Leonis rugientis, & animorum perniciem sitientis, eriperet post tot iniurias, post virgas, post spineam coronam, post crucem suis humeris comportatam, spiritum extremum exhalavit in ligno crucis sanctissimæ pendens, inter duos interiectus latrones.

Tertium exemplum ex eadem ratione amplificandi.

*Viam mandatorum tuorum cucurri, cū dilatasti
cor meum.*


CUM quis negotij conficiendi causa locum aliquem petiturus est, non modò festinatione summâ properando accelerandoque magnis itineribus diurnis, & aliquando nocturnis contendere consuevit; sed mutatis ad celeritatem equis, currendo quanta velocitate potest, & tantos faciendo processus, ut non currere, sed auolare videatur. Sic equidem, viri omni sanctitate cumulati cunctorum vitæ suæ dierum viam ita percurrunt, nec consistendo minimum, neque à contento semel cursu, semper regia non solum & directâ mandatorum Dei immortalis, sed Christi Iesu consiliorum semitis angustissimis; ut superatis difficultatibus, fractis & compressis carnis perturbationibus, alacres & erecti, assiduo constantique cursu progressiones maximas faciant. Tantus autem cursus est illis in itinere perfectionis absolutæ, sic euolant & feruntur in cælum, ut ab humanis abstracti, cursus in cælestem aulam dirigentes, admirabili celeritate currant. Dant operam homines, ut iter arripiant cum celeritate: viri optimi summa etiam velocitate contendunt. Illi currunt, ut eò, quod contendunt, celerius perueniant: hi cursus maximos suscipiunt, ut in perfectionis viam velocius progrediantur. Illi sic currunt, ut si opus fuerit, per depositos equos properent, & accelerent: hi sic cursus currunt velocissimos, ut singulis momentis, accuratis, & ex Christi Iesu disciplinâ, ad cursus virtutis incitandos susceptis optimarum actionum exerci-

rationibus vtantur. Illi sic currunt, vt auolare videantur, cursu maiore multa velocitate facto: hi eò vsque volant, & tam altè, vt altius euolare non possint, pennis diuini Spiritus in cœlum sublari, & cum Beatorum agminibus nunquam non cogitatione versantes. Is erat profectò Dauid qui, quanquam regni negotiis grauissimis distentus, in medio concursu conflictuque suarum occupationum, nunquam immortalis Dei cogitationem ex animo deponebat, media autem nocte surgebat, & somnum intermittens, diuinæ Maiestati laudes summa cum religione tribuebat. Santi autem habebat præcepta diuini Numinis, & illius placita sanctissima, vt auro gemmisque pretiosissimis præponeret. Ab illo verò tempore cum B. Ermenegildus Laandri salutaribus monitis & adhortationibus ab hæreseos paternæ prauitate tractus fuit ad nouam Religionem, quanta cum alacritate verum Religionis iter suscepit? in retinenda Religione non minus enixus fuit, quam in vita conseruanda elaborare & eniti solent homines vitæ cupidissimi, ac multo quidem vehementius, tan. à veritatis luce perspectâ, totæ tantis Beatorum præmijs cognitis. An ille quidquam amplius facere potuit, cum in medias acies pro Christianâ Religione seipsum coniecit? cum filium Principem & hæredem regnorum, cum Ingundem vxorem charissimam, splendidissimamque fœminam, Regum Gallix stirpe procreatam, obsides Ducibus Italarum dedit? cum se passus est in custodiam conici, in carcerem angustum & caliginosum detrudi, vinculis omnibus acerrimis, & pondere premi catenarum grauissimorum cum denique iugulum crudelissimi carnificis offerre securi non dubitauit, regno, vitæque, quæ duo generi mortalium charissima sunt, spretâ. magnanimiterque contempnâ. Quid ille Sanctissimus, Beatissimusque Galliarum Rex Ludouicus fecit, fidei Christi anæ cultor eximius? quantâ fuit integritate & innocentia, qui nulla per omnem vitæ suæ cursum mortiferi criminis labè suum animum infecit? quam Religionis studiosus extitit, qui colere, tuerique fidem sic studuit, vt ætate sua felicissima Galli diuinum cultum mirè propagatum amplificatumque viderint? qua demissione? qua abstinencia? qua pietate? qua denique patientia fuit, & charitate singulari? qui in ediam corporis multos dies ferebat omni vitæ decursu, non solum solemnibus marris Ecclesiæ ieiunijs contentus: cum ipse Xenodochia, quamuis in regia dignitate collocatus, obire: & iacentes in lectis pauperes ægrotantes inuisere, consolari,

solari, omni humanitate complecti soleret? cum Assertoris Iesu Christi exemplo succensus, abiecto ornatu regio atque cultu, maiestate augustissima celsissimaque venerando, regali solio & insignibus regijs relictis, suæ celsitatis altissimæ proflus oblitus, ad pauperum pedes abiecerit sese, & eos regijs manibus attrectauerit, & abluerit, atque aded summa demissione fuerit & oculis collacrymantibus osculatus? cum denique propagandæ Religionis cupiditate flagrans, exercitus omni copiarum genere abundantes, rebus omnibus ornatos & instructos, in hostes fidei Christianæ terribilissimos eduxerit; cumque in illorum oculis & ore castra posuisset, & prælium committere, signa acriter & vehementer conferre vellet, in ipsa prælij incundi cogitatione, graui postilentia de medio sublatus excefferit? Sed Reges omittamus alios, omittamus exempla nostræ Religionis Heraum, & Regis celsissimi cursum è cœlorum sedibus in hæc infima terrarum sola, instar Gigantis fortissimi valentissimi que, contemplantur è cœlo in Virginis uterum, ex Mariæ visceribus in præsepe, è præsepi in Ægyptum, ex his & alijs terrarum & prouincijs locis pro generis humani salute peragratis, in crucem, cursum quanta cum celeritate cucurrisse videbimus? Hæc equidem exempla sanctissima & nos magis incendere debent, & ad virtutis iter magis inflammare, quanto magis in clarioribus & cum dignitate florentibus viris, & in ipso Sanctitatis & Religionis auctore Christo Iesu eminere, & elucere cernimus. An verò patiemur homines huiusce sæculi pro rebus fluxis ac perituris, pro mercatura exercenda, pro quaestu faciendo non aded sæpe magno, tot itinera facere, tam longa, tam difficilia, tam multis periculis exposita; maria transmittere plurima, & aliquando minimè ad nauigandum idonea tempestate: pro gloria Beatorum, pro regno immortalitatis obtinendo, tantopere otio ac desidiosa languescere, tanquam tardas pecudes, & ventri semper obedientes? sic in his facultatibus sæculi comparandis, tantam homines diligentiam adhibebunt, & iidem in cœlorum diuitijs desides ac negligentes erunt? gloriam huiusce sæculi ardentibus animis sitient? gloriam cælestis aulae non omni studio comparandam curabunt? honores eiusdem sæculi tanto cum animorum periculo contendunt? nulla contentione corporis nec animi ad Beatorum dignitates aspirabunt? Quod humanum, quod caducum est, terra marique quaeretur? quod

cæleste, quod æternum est, repudiabitur, abiicieturque? Denique ad faciem, & sordes tam alacres & læti feremur; ad decus, & ad gloriam cælestem sic erimus abiecti, iacebimusque prostrati more rituque rationis expertium, & Christiana Religione carentium? Quæ est ista tanta mortalium desidia? qui languor? quæ tanta suorum animorum obliuio? Decurrebant viri sanctissimi virtutis cursum tanta cum alacritate, quod præsidij maximis muniti, quod omnibus diuinis adiumentis excitati, stare quidem, neque sedere potuissent otiosi: ardebant illi flagrantibus accensamoris æterni facibus, subsidijs cælestibus, tanquam calcaribus & stimulis admotis, progressiones faciebant mirabiles: vt Aquila regis & excelsæ sublimi admodum volatu ex hominum oculis abducebant sese; homines verò negotijs huiusce sæculi, curs, & occupationibus distenti, occasionibus plurimis, & foveis, in quas passim incidunt, hac imbecillitate carnis, atque aded tot hostium inmanissimorum multitudine deprimuntur in profundum. O cæcam hominum amentiam! O furorem & insaniam intolerandam! Quali illi viri, tanta sanctitate cumulati, natura vestra, vestra hominum conditione non fuerint, & rebus omnibus, quibus vos implicari vestros animos miserè dicitis, non illi bellum fecerint grauissimum & assiduum? Vos etiam si idem fecissetis, non de tot ac tantis inimicis capitalibus prædas maximas facturos esse speraretis? Idem, idem inquam, Deus est præpotens, & inuictissimus, qui profectò, si vos compararetis vestros animos ad suorum munerum largitatem, eosdem cumulatè satis magnificeque locupletasset: & quod Dauid de seipso, vos de vobis omnibus lætè nimis ac iucundè prædicaretis. Cucurrisse igitur se, dicet Dauid, viam mandatorum diuinorum incredibili concitataque celeritate: quando precor? cum Deus Optimus Maximus animum illius consolabatur, cum suauitate iucunditateque sua demulcebat, cum afficiebat muneribus ac donis cælestibus, cum sic reficiebat & recreabat abundantia diuinæ gratiæ, sic incitabat & inflammabat facibus amoris æterni flagrantibus, cum sic donis dona, munera muneribus cumulabat, & augebat, vt alacritate mirabili non iter, sed cursus inaudita celeritate, gaudijs omnibus ac lætitijs exultans ac triumphans, facere videretur: Vsq; eò, vt nullis neque molestijs, neque angoribus, nullis casibus neque ærumnis, nullis temporum procellis, neque fortunæ vicissitudine deficeret,

ceret, neque frangeretur, neque debilitaretur animo. Amabo non eorum omnia bonorum participes fieri vos poteritis? non abundare omnibus his copijs & opibus Sanctorum? non sic affluere redundareque tanta multitudine magnitudinemque voluptatum, iucunditatumque verissimarum, si essetis illi vos omnes, qui debetis esse? si Deo immortalis egregie fideles? si crebro per Confessionem animos elueretis? si sacro vos caelestique pane octavo quoque die reliceretis? si seruandae legis diuinæ tanta vobis cura fuisset & studium, ut non modo capitale peccatum odio habuissetis maximo, sed leuiorum culpam quamcumque? Si nihil nisi ex voluntate Diuini numinis appeteretis, si meditationi, si contemplationi rerum diuinarum tempus impertientes, vestras ad Domini voluntatem, & Sanctorum facta præ clarissima, vestras inquam actiones conformaretis; quod Dauid sanctissimus, id vos sine dubitatione consequeremini.



DISSIMILIVM EXERCITATIO TRACTATUR EISDEM MODIS, quibus Similium vsus.

Amplificationes Dissimilium ex Cicerone petita. Primum genus, ex contentione Dissimilium ad vituperationem & laudem.



Ic fuit humill genere natus, ille clavis ortus parentibus: ille inops & egens rerum, hic locuples & copiosus; ille obscurus & humilis, hic clarus & illustris; ille nullo nomine, nullis litteris, hic celebritate famæ, conspicuus, omnibus litteris atque studijs instructus: ille deformitate oris, & corporis prauitate, hic dignitate oris, & omnibus corporis lineamentis politus & ornatus: ille horridus & incultus, barbarus & agrestis, hic omni cultu & humanitate politissimus, ad speciem & elegantiam aulicorum. Denique cum ille sordidus, hic honestus: ille flagitijs omnibus

contaminatus, hic omnibus virtutum donis ac muneribus instructus. Vt si hominem deterrimum quisquam fictis, conquiritisque vitij deformatum vellet inducere, si idem virum maximis, & clarissimis virtutibus præditum, in illo turpitudinis, in hoc virtutis exemplum apparer.

Secundum genus, cum paria paribus referuntur, ad virtutem rationem.

EX hac enim parte pudor pugnat, illinc petulantia : hinc pudicitia, illinc libido : hinc diligentia, illinc desidia : hinc pietas, illinc impietas : hinc Religio, illinc hæresis : hinc Fides, illinc fraudes : hinc temperantia, illinc ebrietas. Denique demissio, liberalitas, patientia, virtutes omnes certant, cum arrogantia, avaritia, iracundia, cum vitij omnibus : postremo bona mens cum deprauato iudicio, prudentia cum amentia, bona denique spes cum omnium rerum desperatione configit. In huiusmodi certamine ac prælio nonne, etiam si hominum studia deficerent, Deus ipse immortalis coger à præclarissimis virtutibus tot à tanta vitia, à bonâ & Christianâ causâ prauam ac perditam superari ?

Tertium genus, cum crebra crebris opponuntur, ad laudem.

ATque ego sic existimo, in hac contentione, in hoc appetendæ cathedræ certamine, Academiæ potius, quàm mei ipsius; scholasticorum, quàm nostræ vtilitatis; honoris publici, quàm priuati; officij debiri, quam patriæ; iustitiæ, quàm vilius offensionis à me verba esse facienda.

Quartum genus, ad conciliandum ex numerosâ Dissimilium circumscriptione cum Enthymematis.

Sed pro Religionis Christianæ dignitate atque gloriâ, quoniam bellum contra Anglos susceptum est, videte quem Hispanis animum retinendum putetis. Carolus Imperator sæpe exteris gentibus obsidione pressis, occurrendum non dubitauit; nos tot incommodis & damnis acceptis, quo tandem animo

animo esse debemus? Barbarossa, quod longè ab Hispanis prædabatur, tunc Carolus Imperator totius Africa propugnaculū, quoad cepit, oppugnare vehementissimè non destitit: vos Draquen prædonem inultum esse relinqueris? qui multas equidem Hispanorum insulas, & urbem Lusitaniæ, florentissimam Vlyssipponem tentauit inuadere? Carolus externas gentes, & nihil ad regnum nostrum spectantes, ab hostibus obsessas & oppressas obsidiones periculo liberauit: vos vestras fortunas, merces & classes negligetis? prædas procul ab Hispaniæ sedibus factas bello Carolus Imperator persequutus fuit: vos tot insularum, & vrbis maximæ obsidionem, & impetum audacissimum inultum relinqueris? Videte ne, ut Carolo pulcherrimum fuit tantam nobis rei belicæ gloriam reliquisse: sic nobis turpissimum sit, quod à tanto Imperatore propositum fuerit Hispanicæ gloriæ defendendæ exemplum minimè petijisse.

Quintum genus, ad reprehensionem.

IAm hoc prope iniquissimè comparatum est: quòd in corpore ornando, ut quisque est locupletissimus, ita velles sumptuosæ pretiolaque nimium quærentur: in animi cultu, ut quisque potentissimus est, ita negligentissimus, sordidissimusque videtur. Nisi fortè hæc causa est, quòd corporis ornandi multum periculi est, animi verò summum & maximum discrimen, scilicet homo corpus vestitu contrahit, demittit spiritum, nulla intumescit arrogantia, non obest animo, multò paratior est ad obtemperandum.

Sextum genus, ex Dissimilibus duntaxat, cum gemina repetitione ad iracundia affectus.

ARma defert Vlysses, qui eloquentiâ præcipuè florebat: adimuntur Aiaci, qui fortitudinis laudem ex contentione deportauit. Arma defert Vlysses, qui Aiace Telamonio fortitudine fuerat inferior: adimuntur Aiaci, qui secundus fuerat ab Achille Græcorum fortissimo. Arma defert Vlysses, qui non modò maiorem in bello gloriam non comparauerat, sed neque æqualem: adimuntur Aiaci, sine quo Græci sæpe superati fuissent. Arma defert Vlysses, qui consilium attulit in castra Græcorum: adimuntur Aiaci, qui res præclaras gesserat, & strages maximas ediderat inimicorum.

Arma defert Vlyſſes, qui propter eloquentiam legationes obie-
rat, & dicendo utilitates aliquas præbuerat: adimuntur Aiaci,
qui propter fortitudinem dux invictiſſimus pugnis & prælijs
acerriſſimis vires fregerat atque contuderat Troianorum. Deni-
que arma defert Vlyſſes, qui neque gladio, neq; armis vnquam
uſurus eſſet in hoſtes: adimuntur Aiaci, qui ſi ea detuliſſet ſu-
perſtes in Græciam reuerſus, hoſtilia æternaque bella confecif-
ſet omnino.

*Septimum genus, ad debacchandum enumeratione, naturâ,
legibus, officijs hominis.*

TE nunc, nobilis Antoni, te, inquam, lectiſſimum & or-
natiffimum adoleſcentem appello, abs te officium tuum
debitum generi & virtuti requiro & efflagito. Cur in Sebaſtia-
num, qui laudem honoremque familiæ veſtræ detrudere co-
natus eſt, non inueheris? cur genus tuum defendendum non
arbitraris? cur alij illius partes ſuſcipiunt? cur onus tuum ſuſti-
nent? cùm leges ſæculi iubeant, vt partes generis ita ſui quiſ-
que defendat, vt illud nec minima quidem iniuria affici per-
mittat? In iſtum non ulciſceris? qui violauit magnâ ex parte
nobilitatem generis Guſmaniorum, & tot probris & contume-
lijs parentem tuum affecit? Quisnam igitur, per Deum im-
mortalem, tuebitur patris tui memoriam mortui? quis laudem
atque decus conſeruabit virtutis, ſi tu eam relinquis atque de-
ſeris? neque ſolum ſpoliatam honore ſuo patiere, ſed etiam ſpo-
liatorem auctoremque inultum relinquens? adſunt homines
ſerui tui, parentis ſemper egregiè fideles adminiſtri, certiorem
te faciunt, nobilem Diegum parentem, maximis rebus geſtis
nobilitatem maiorum ſuorum conſeruafſe, atque apud cæteras
nationes & inimicas Hiſpaniarum, memoriam ſui nominis
reliquiſſe, hanc aduerſarium tuum familiam multis nomini ſuo
contumelijs, & iniurijs impoſitis delendam extinguendamque
curauiffie. Orant te atque obſecrant, vt parenti tuo honorem,
generi tuo laudem gloriamque reſtituas, vt quam claritatem
parentum tuorum maiores amplificauerunt, eam ab inimicis
tuis violatam, per te redditam ac reſtitutam videant. Quid aut
his reſpondere honeſtè potes, aut illis facere, vt à te officium ac
pietatem patri debitâ implorent? adſunt & implorant, potes tuis
opibus paternæ laudis amplitudinē Antoni tueri, potes præſidio
tuorum

tuorum plurimo, potes robore ac virtute, potes alijs multis rationibus. Omnia in te sunt, quæ aut fortuna hominibus, aut natura largitur: non præcipio fructus officij tui, non alienam laudem alijs appetendam deferro. Non est pudoris fratris tui, minoris natu, nobili Antonio, natu maximo, florentissimo adolescente, viuo & incolumi, se præcipuum propugnatorem patris dedecorati vltoremque profiteri; si suscipiente paternæ laudis patrocinium, fratrem adiutorem non solum adesse paternæ defensionis oportebit, sed etiam omnes prædicare conciuēs, nobilis Antonij eiusmodi esse virtutem, ut patris honos, ab eo, qui tenet mortui locum, filio maiore natu defendatur. Sin aliquid te impedit, sin hoc, quod abs te postulo, minus ad pietatem filij pertinere arbitrare, non frater minor solum, sed etiam aliquis Patri amicus succedet vicarius tuo muneri, suscipiet partes, quas tuas esse videbat: ne cineres patris tui, ne tanta virtus conqueratur, patriam suam hominibus de Republicâ bene meritis, & defensoribus acerrimis ingrati non adfuisse, illorumque honorem sui similibus defendendum minimè demandasse. Fuerit apud alios fortitudo decorata Ducum, ornati fuerint Imperatores momimenti & triumphis gloriosis, in æternâ fuerint gloriâ defensores Rerumpub. (neque enim hominibus de suâ familiâ solum, sed vniuersæ ciuitati commendati videbantur) & non erit pro patre tuo aliqua conciuū pars virilis eius ciuitatis, quam pater tuus sua gloria claram illustremque reliquit? præcipue quodd in his artibus boni ciues pro sua parte simul vna versantur, custodia, defensione ciuitatis, odio improborum: quæ cognatio studiorum, & artium propemodum non minus est coniuncta, quàm ista, qua cognati delectantur generis & nominis. Repeto abs te Sebastiane nomen nobilis Diegi: repeto gloriam & virtutem istius inuicti Ducis: honore eidem restitatur per vos principes virtutis, clarissimosque viros, patriæ Reique publicæ studiosos. Hæc abs te non sanguine coniuncti, non nobilis Antonius, non inquam nobilis Antonius, filius illius maximus natu postulat, sed qui laudem gloriamque defensorum patriæ tuendam conseruandamque susceperunt. Non vereor ne hoc officium meum Antonio non probem, qui cum res maximas gesserit, monumentaque suarum rerum maximè conseruare velit, atque in hoc elaborer, profectò volet, hæc non solum suis posteris, verum etiam omnibus viris fortibus, & bonis ciuibus defendenda nobis Diegi ornamenta

menta non eripienda improbi tradere. Non vereor hic Antoni, ne iudicium hoc tibi displiceat, cuius amplissimum in hac potentissimâ ciuitate clarissimumque trophæum est, quàm plurimos detractores alienæ laudis & virtutis maximè inimicos constantiam & virtutem tuam exhortuisse. Et quidem amissione bonorum ita moueor, vt ea repetenda non censerem; in honoris verò iacturâ, in spoliatione ornamentorum, in communi laude & gloria violata, sic boni viri affici solent, vt nihil sibi indignius ferendum videatur. Sebastianus ignauus ac timidus, fortitudinem nobilis Diegi, tam plenam animi, plenam virium, plenam trophæorum verbis imminuet? Sebastianus infirmus & imbecillis nobilis Diegi res præclare gestas, militibus, com meatui, locorum opportunitati, socijs atque comitibus attribuet? sed quas vltèrius maculas nomini iniustas acceperim, pudet me dicere: nec iam præ iracundia loqui possum. Non peto, vt vlciscaris, deferendo Sebastianum in iudiciũ; nolo in singulare certamen prouoces; nolo percutias, occidas, quidquam mali inferas; sed vt pro patria respondeas, quis ille fuerit, qualis ac quantus ostendas, denique, vti planè loquar, mendacij coarguas Sebastianum, & indictum quamuis non possit esse, quod dixerit, illum tamen fac pœnituisse verborum, quæ fecerit. Intueantur omnes, & dicere noluisse, dixisseque iracundia elatum omnes intelligant, & si fieri possit, quod salua conscientia fiat, ex illius ore concius audiant.

Octauum genus ex Dissimili, cum frequentatione Dissimilium, per interrogationem vrgentem, & præoccupationem cum Ironiâ ad Dissimilitudinem ostendendam.

Vide inter ingenium tuum, & indolem Ioannis quantum intersit. Ioannes, cum temporibus vacationum, vt in patriam discedat, vt menses duos cum parentibus sit, parentum litteris euocetur, vt quod prælegendi tempus intermitteretur, id vigilijs & laboribus compenset, orat multum & obsecrat, liceat sibi per illos in vrbe, vbi est Academia, manere, ne saltem à libris abstrahatur: tu cum verinijsse vides, cogitas de Aprili Martium consequente, vt in illius exitum, quod tempus est curriculo præstitum, non expectatis vacationibus,

bus, in patriam proficiscaris, & magnum te fecisse facinus arbitraris, si Aprilem exeuntem expectaueris, cum multo ante abieris, quàm quisquam de Academia, quàm qui proximi sunt patrijs sedibus, quàm qui iustum ac legitimum curriculum tempus expectant, quòd inopia rei familiaris, amplius dies aliquot commorari non possunt. An tibi curriculum, an progressionum ratio habenda fuit, reliqui temporis prælectiones, assiduitas & frequentatio negligenda fuit? cum ita constitutam Academiam videas, vt scholastici non minus prælectiones frequentent, nec minimum etiam præceptores de contentione prælegendi remiserint, tu profectus es in patriam? Mansit in Academia Ioannes, nec solum ætatem in vacationis vsque tempus, sed totos quadraginta dies, qui dantur vacationum, & tu studiosior, quàm Ioannes? tu progressionum & scientiæ cupidior? tu magis profectus in eadem facultate tibi sacerdotia deferuntur absolutis studijs? Ioannes priuatos intra parietes delirescet semper, maximos tu honores consequeris? te deposcent, & efflagitabant cæterus Ecclesiarum, nominis ac famæ celebritate commoti; Ioannis nulla mentio fiet, iacentis in obscuro semper tenebrarum loco? Quæro si ipse excogitare velis, quemadmodum minimum proficeres, an discessum istum & abitum in patriam tam immaturum, tam alienum amorem relinquentium Academijs, cogitasses? Ille quidem tum se scholasticum minimè fore putauit, si sententiam suam vlla in re, & in hac præsertim profectioe mutasset, qui ab Academia, quod nemo bonus, nisi necessitate coactus, nisi aduersa valetudine compulsus, post conditas Academijs fecit, discessisset. Quin & negligentes, & parum de sua vtilitate cogitantes, simulant causam aliquam, propter quam proficiscantur, atque adeo affingunt, propter quam proficisci videantur, ne cupiditate patrij soli, & parentum visendorum abijisse videantur tot diebus antè: Quin hoc fere omnes consilio veniunt in Academiam, hac affirmata mente, non vnquam vt in patriam reuertantur, nisi quinquennio Iurisperitiæ confecto: Et tu te comparas ad Ioannem, qui idem fecit, qui quinquennium & eo amplius mansit, qui procul dubio, si veniam hanc dedissent parentes, & tempus relegendi in Academia posuisset. Scilicet inter parentum blanditias, inter fratrum colloquia, inter amicorum sermones, inter viarum & vicorum omnium lustrationes, discuntur bonæ litteræ, non in Academijs, non in Gymnasijs, non cum Doctores &

Magistri huiusce facultatis, non vigilijs, non laboribus susceptis. Sic mihi videntur affecti scholastici illi, qui ab Academicis discedunt, & à frequentatione prælectionum, ut ex terræ solent, quæ culturæ dies aliquot, cum virere nitereque cœpissent, subita calamitate vastatæ fuerunt, antequam fructus videre potuissimus: qui verò se literis abdiderunt, nullo intermisso impetu contentioneque studiorum, ut agricolæ, qui in segetibus mariorum, qui in arcis tritum, qui in horreis asportatum frumentum, & conditum viderunt: vide igitur, si iniquè facis, dum te cum Ioanne comparas.

Nonum genus Dissimilium, ex Premunitione, cum Enumeratione, descriptione de Academia, post catarrhum.

NON profecto mali augendi causa dicam, lector optime, sed quem accepi ipse oculis animoque sensum, hunc verè apud vos, & ut potero, planissimè exponam: nam cum mense vno post in urbem rediissem, sic mihi affecta visa fuerunt studia, ac ciuitates solent, in quibus grauis ac vehemens fuerit pestilentia: quas classes, officinasque literarias cum florētissimas frequentissimasque vidissem, has ita derelictas nunc ac desertas videbam, ut Gymnasia ipsa, præceptores ipsos desiderare ac lugere viderentur. Prima classis, secunda, tertia, atque quarta Humanitatis ita relictæ erant ex magna parte, ut non solum nobilium scholasticorum, sed etiam mediocrium & infimorum multitudinem quæreremus. Rhetoricæ verò Gymnasium, quod solebat esse completum, & quod princeps est, Lycæum sacræ Theologiæ, cuius antea species hæc erat, ut cum aliarum subsellia vacassent, huius semper completa viderentur, sic erat deforme atque horridum, ut in infinita Auditorum multitudine numerum perexigium quæreremus: labefactarat enim vehementer classes caritas superioris anni, & inopia rei frumentariæ, morbi catarrhi funditus euerterant. Et ego hisce meis oculis videre classes, & obire Gymnasia potero, tam longè alia, atque antea fuerunt? Ego in tanta orbitate, in tanto & tam acerbo casu, cum in scholasticorum numero, & in præceptorum bonitate studia consistant, euerfis funditus scholis, relictis Gymnasijs, orbatis præceptoribus suggestis, cum in Academia tam florente, tam
referta,

referta, non modò formam Academiae, sed neque spem quidem ullam pristini status reliquam catarrhus fecisse videatur, aliquod simulachrum studiorum putabo videre, cum videam tacere bonas litteras, silere præceptores, ipsas scientias squalere & omnia denique in luctu & in sordibus esse?

*Decimum genus ab historia, cum
Dissimilibus.*

TArpeiam accepimus ex Romanorum Annalibus ea cupiditate, ut cum vidisset armillas in Gallorum sinistris, ut historiae narrant, ex auro pretiosissimo, pulchritudine & æstimatione armillarum incensa, arcem, cui pater præfectus erat, prodideret inimicis: similis est avarorum cupiditas: hoc etiam acrior, atque insanior, quòd illa cupiebat, id quod viderat, neque se loco commovebat, nec putabat non promissa hostes præstituros esse, & tamen nunquam id illos facturos esse, in mentem venit, ut pro arce prodita, vitam adimerent: Avarorum libidines non solum oculis, sed etiam auribus excitantur, atque conquirere pecunias terrâ marique non desinunt, & in hoc studio & solitudine congerendarum opum non solum vitam, sed gratiam diuini numinis effundunt: nec etiam parentes solum, sed etiam Deum immortalem amittunt. Reclamat ipsa conscientia propter argenti & auri cupiditatem inimicus fieri diuinæ Maiestatis, & à patriâ cælesti extorres fieri, strepitus in animo terrificos cietri, pulsari præcordia vehementer, & accusari palàm insaniam ab immortali Deo, item ab Angelo custode, neque videre, quid ageret de animo, quòd progrediretur, rem sordidam esse atq; turpem, insanire homines, perire animum avaritia, nisi cauisset. Quid humana, cum diuinis; quid terrestria, cum cælestibus; quid fluxa ac cito peritura, cum æternis & immortalibus diuitijs; quid postremo caduca, sordida & abiecta cum veris ac solidis, splendidis & amplissimis haberent honoris & dignitatis? Illi referti pecunijs, & amplius se referendi cupidissimi, non audire pulsus vocesque conscientiae videbantur: tantum iam cupiditate prouecti, ut nihil esset, quo furor avarorum vel paululum timore reprimeretur.

*Vndecimum genus in Epicureos ex dissimilibus & effectis, cum
præoccupatione antecedenti.*

O Diffis, Epicurei, Stoicorum vobis aduersantium scholas, irridetis eorum præcepta, contemnitis frugalitatem, voluptates corporis appetitis, & has vestris in scholis extollitis, temperantiam & castitatem depressam extinctamque cupitis, corpus & ventrem adamat: ita credo profecto, quod nisi corpori consulatis, vitam ipsam amitteretis, quam seruandam custodiendamque leges & iura diuina atque humana proclamant. At nihil saluti mortalium magis aduersarium, & infestum potest esse, quam ventris ingluuies? quam corporis voluptates? Si cui homini vestra domus patet, libidinosis, & heluonibus, atque compotoribus præcipue: hunc ianitores, hunc cubicularij norunt, hunc famuli, hunc serui, domesticique omnes alloquuntur: hic cum venit, extra ordinem excipitur, hic solus introducit, ceteri sæpe frugalissimi homines excluduntur. Ex quo intelligi potest, eos vobis esse charissimos, qui ita vixerunt, vt Veneri Baccheque indulgeant. Quid? hoc cuiquam prudenti, honestoque laudandum putatis esse, vos ita viuere in intemperantiâ vestrâ, vt prorsus nihil retinere velitis, vt valerudinem, vt dignitatem hominis, vitæque ipsius curriculum, atque cælorum immortalitatem vestrâ nihil intersit curare, ventremque ipsum, cibus omnibus vndique congestis, intemperanter redundantem, tetram popinam exhalare, ipsius Bacchi mensis cubicula vestra, mensasque poculis & escis extrui: præsertim cum vos temperare vos ipsos, & modum tenere oportuisset? Cogitare debuissetis ventrem atque libidinem (quæ duo portenta vestris, in ædibus regnent) monstra esse spurcissima, quæ castitati temperantiæque bellum indicant, vt plura corporibus & animis vestris, quam inimicus alius capitalis, quam vos ipsi damna fecisse videamini: plures strages, quam ipsa pestilentia, manibus vestris plusquam homicidas sanguinarios edidisse: & ipsi libidinosi erunt ob hanc causam vobis cariores, vt vos audissimè vestram ad libidinem vestris cupiditatibus inserviat?

*Duodecimum ex differentibus, cum Re-
pugnantibus.*

Verum alia ratio tum Ioannis fuit, alia nunc Antoni tua est. Ille, cum à præceptore premeretur, quodcunque diceret, honestius dicebat, si quod arguebatur fecisse fateretur: te
verò

Verò illud idem, quod tum reprehensum, & viruperatum est, respondisse non demiror; quoniam enim credibile erat futurum, ne os & vultum irarum ei Antonius ostenderet, qui laxisset fratrem, & quod ille maximè querebatur, & inimici explodebant, & ciecabant, iniuria quidem.

Decimum tertium genus ex dissimili per interrogationem.

Quis dum diceret, hunc mentem mutaturum esse? quis nunc audeat negare? quis tunc posset arguere sub Ildefonso aliquem tentatum fuisse ad maleficium? quis hoc tempore inficiari potest? cui tunc licere nominare Ildefonsum reum factum esse, tum denique, cum aliquot condiscipulos abstraxisset ab audiendis prælectionibus, & infamem in domum pertraxisset, decipiens fallensque quasi honestam in partem aliquam, & quod boni conuenissent aliquando? mutatum iam esse Ildefonsum, & in alium conuersum adolescentem, & in aperta, quod olim dixisset nemo, perditum profus infamia versari.

Decimum quartum genus ad consequutionem spectans, gradatim ascendens similem & dissimilem & pugnantium conflictione, in petitione Cathedra: schemata sunt, Interrogatio, Repetitio, Antithesis, & Incrementum.

Sin repulsam patiar, & quod candidati metuere solent, nobis seueniat, ut nulla suffragatoribus merita nostra videantur, quid agendum est? qui locus adeundus? cuius auxilium implorandum est? quæ denique querela, qui mœror dignus inueniri calamitate tantâ potest? miserum est non obtinere cathedram, miserius litterarum: acerbum est ab aliquo superari, acerbius ab inferiore & humiliore: calamitosum præmijs excludi litterarijs, calamitosius cum magna litterarum cognitione: ærumnosum debitos honores non adipisci, ærumnosius post tot labores & vigilias: indignum matri Academiæ gloriosum alumnum adimi, indignius ab ijs, qui veri sunt tantæ parentis alumni, filijque præstantes nuncupantur: luctuosum hominem inopem, & nihil bonorum habentem ad se alendum, luctuosius & inopem, & nobilem, & litteratum, & suo suorumque fratrum in litterarum curriculo consumpto patrimonio horribili, meritis suis in adipiscendæ cathedræ spem erectum; luctuosius & meritis & opinione vulgi, & voce cunctorum cathedram domi conditam & prope exploratam habentem.

*Decimum quintum genus ex dissimilibus per repetitionem
cum frequentatione.*

Non boni adolescentes distantiam locorum, non exilium diuturnum patriæ, non fratrum absentiam, non parentum indulgentiam communem, non orbitatem eorum, quæ sibi fuerant in patrio solo carissima, quibus alij morere conflictarique solent, conqueruntur: sed incommoditatem loci, importunitatem meliorum, valetudinem aduersam, aquam hyemalem, æstiuos calores, inopiam librorum, condiscipulorum languorem, seditiones improborum, morbos & pestilentiam, vacationes studiorum datas, cæterasque offensiones, & impedimenta, quibus plurimum de literaria contentione remittere diligentes etiam auditores videmus, ægre ferunt atque deplorant. Atque hic dolor tantus est, ut eo sæpe morore contabescant.

DE REPUGNANTIBVS;

ex contrariis.

Quoniam repugnantia & contraria similem cum dissimilibus habent amplificandirationem, nonnulla primum repugnantium genera ad amplificationem spectantia proponam, deinde contrariorum, ac tandem accedemus ad comparatorum & exemplorum, in quibus similis est forma dilatandi: omnes autem rationes amplificandi petentur ex Cicerone.

Primum genus amplificandi ex repugnantibus ad veritatem ostendendam.

Vide quantum distet argumentatio tua à te ipsa atque veritate: quod consuetudine istius Gymnasij facimus, id quasi nouum reprehendis: quod beneuolentia fit, id odio factum criminaris: quod iuuenum excitandorum causa, id ad perdendum delendumque Gymnasium spectare: quod honoris gratia præceptor discipulis concedit, id eum vtilitatis suæ causa fecisse dicis: quod ad progressiones litterarias, id ad illarum perniciem referri confirmas. Neque hæc tu non intelligis, sed vsque eo, quod arguas non habes, ut non modo tibi contra nos dicendum putes, verum etiam contra morem, contraque consuetudinem Gymnasij, contra opiniones mentemque omnium.

Secunda

*Secundum genus amplificandi ex repugnantibus, in laudem
B. Ignatii Confessoris.*

QVâ in re hostes fidei ridiculi esse visi sunt & stulti, qui Ignatium ignem videbant, & non illorum mentes adusturum esse: eundem ignem terre dicebant, & non illum per se, per suos in hominum mentibus accensurum esse: eundem ignem & clarum agnoscebant, & non tenebras ignarorum, & deceptorum fraude & fallacijs Lutheri discussurum ex eorum animis. Eundem denique ad illustrandas terrarum partes, ignorantiae tenebris circumfusâs venisse, & non radijs eadem loca, quæ ille, quæ suilescitque perlustrassent, cæli clarissimis radijs illustraturos esse.

*Tertium genus amplificandi ex repugnantibus, cum enumeratione, & repetitione, & interrogatione, in B. Ignatij
Confessoris laudem.*

Nonne cum è patria discessisset sua B. Ignatius, cum suorum consuetudinem & convictum reliquisset, cum seruos, cum equum dimisset. cum pauperis & pamosi vestes induisset, elegantium & equitum pretiosis vestibus exuens corpus, & inopum more ostiatim corrogare cœpisset, nonne repugnabat & aberat ab eo rerum humanarum cupiditas, & sæculo huic inanissimo inseruiendi, quod nemo negabit?

*Quartum genus amplificandi à repugnantibus, in eiusdem B.
Patriarcha Ignatii laudem, cum praocupatione.*

Dicet aliquis, cum B. Petrus Ignatio Beatissimo Patriarchæ, ac Fundatori Sociorum Iesu, visus fuerit, cum Virgo sanctissima eidem se visendam spectandamque præbuerit in clarissima luce, hæ duæ visiones pulcherrimæ iucundissimæque, plenissimæ lucis & splendoris divini, quoniam aliò spectarent, nisi ad militem tantum & Ducem, à sæculi militia, ad Christi Iesu cælestia stipendia traducendum, atque ad illud usque decus consequendum, ut Dux esset, & Patriarcha cælestis Sociorum Filij Iesu, qui in orbis terræ

sedes ultimas signum Christianæ Religionis inferret fortis & inuictus; & spolijs, & manubijs, quas sibi tot bellorum victor effecisset, exultans ac triumphans in cœlestis Regni regiones cellissimas, gloriolus ac magnificè triumphans ingrederetur?

Quintum genus amplificandi ex repugnantibus, per subiectionem, in Beatissimi Ignatij Fundatoris Societatis Iesulaudem.

Sed quis neget, nisi stultus, & à diuinis rebus abhorrens, eum? Ignati Beatissime, sapientiam diuinitus acceptam? cum in ipsius traductionis tuæ cunabulis nullis litteris præditus, nondum Grammaticæ rudimentis primoribus, (quod dicitur) labijs degustatis, librum exercitationum spiritualium composueris, rerum diuinarum, & altissimorum Dei mysteriorum plenissimum? Cum alterum, quod homines stupentium, & attonitorum similes reddit, de reconditis & abstrusis sanctissimæ Triadæ arcanis, à communi hominum intelligentia remotissimis, excutitum & ornatum, qui in hunc usque diem Romæ, pro miraculo ac prodigio cœlesti seruatur, inter alia tua beneficiorum ab immortali Deo acceptorum monimenta diligenter religioseque asseruatur, litteris mandaueris? Cum idem nullis in Academijs versatus, sacrarum litterarum ignarus, diuinæ cœlestisque Theologiæ prorsus expertus, in prauatis sermonibus de Deo agens, & in plateis, & vicis celebrioribus, sacco crasso vilique indutus, res altissimas, & cœli recondita mysteria, plenus animi, plenus scientiæ diuinæ, plenusque Dei sempiterni multitudini circumfusæ, & ad verba audienda confluenti, magno animorum sensu semper enuntiaueris? Id negat nemo, & omnes ingenuè fatentur, diuinitus tibi datam, & impertitam fuisse rerum diuinarum scientiam atque cognitionem immensam.

Sextum genus amplificandi à repugnantibus, in sanctissimi Confessoris B. Patriarchæ Ignatij laudem, per conglotationem cum articulis, & adiunctione.

Ingredi in mare Ignatium, & nul'o secum in nauiculam illato cibo, non horrere nauiculam vetustam, rimas penè agentem, & plenum fidei, plenum spiritus diuini nauigare; vchi ventis feliciter aspirantibus, & flatu secundiore, præ alijs magnis nauibus onerarijs prouehi, portum tenere optatum, & saluum & incolumè appellere Hierosolymam; diuinis consolationibus, solidis ac veris animi voluptatibus perfrui, tantâ Religione perfruentem Christi Iesu vestigijs sacrata loca inuisere, Christum eundem præcuntè eidem Ignatio videri, cum audiat, cum legat aliquis, non ad magna munera, non ad eam, cui præfectus fuit, ducis Sociorum Iesu excellentiam delectum tantum & tam ingentem Patriarcham, nisi amens fuerit, vel à veritate auersus, verè constanterque confirmabit?

Septimum genus amplificandi à repugnantibus, in Beatissimi Patriarcha Ignatii laudem, per adhortationem.

Signa diuinæ virtutis intueri, quâ sine hæc duo accidere non posse video, vt Beatissimus Ignatius octo dies & noctes continuas cibo potuque abstinerit, & saluus & incolumis manserit. Vt ille etiam totidem dies & noctes, ab vno in alterum vsque Sabbathum, abstractus ab humanis rebus, sensibus correptus ad supera, in rerum diuinarum contemplatione ante Virginis simulachrum, vt viuum multi non putarent, vitus fuerit, idemque visus quasi à somno suauissimo excitati, & nomen Iesu dulcissimum, & melle sibi dulci suauius vsurpare, cœlesti ac diuinâ lætitiâ voluptateque perfusus.

DE CONTRARIIS.

Repugnantibus proxima sunt Contraria, quorum sequentes tradentur amplificandi rationes. Atque hæc Contraria non summo iure sed latius, vt Contrariorum speciem præferunt, à me exercentur.

Genus primum ex Contrariis solis conglobatur.

POtestis igitur superbos demissis, avaros liberalibus, libidinosos castis, iracundos patientibus, ebrios sobrijs, edaces temperantibus, desides diligentibus, iniquos æquis, improbissimos & sceleratissimos, optimis & innocentissimis antepone?

Secundum genus, cum paria paribus conferuntur.

CUr te non barbarum, non seuerum, non hostem, non calamitatem litterarum dicam? neque tam seruus aliquis dominorum, quam tu oris: neque tam fugitiuus à domino, quam tu à laboribus studiorum: neque tam barbari lingua & natione illi, quam tu non Latino solum, sed vilo sermone litterario: neque tam hostis qui quam domino, quam tu politioribus Musis. Neque vlla tanta potest interuenire calamitas, quæ sic fruges ac fata debeat, quam longuor, atque desidia tuum perdidit: ingenium & voluntatem ad litteras. Quæ igitur tibi sunt inimicitia cum litteris, quibus indignitate seruos, barbaros in scitia, fugitiuos laborum fuga, hostes odio, calamitates pernice superare videaris?

*Tertium genus per Præteritionem, & Re-
petitionem.*

NAm ut omittamus de multorum casu cogitando recordari, vno mentis aspectu complecti potestis eos, qui cum B. Thomâ Cantuariensi, cum Pontifice tanto libertatem Ecclesiæ oppugnatam defenderint, & contra nefariam tyrannidem sustinuerint, mæstos, sordidatos, exules & extorres à patriâ, & bonis omnibus euersos, de famâ, de honore, de tranquillitate, de reductione contententes: eos autem, qui Romanam sedem violarint, oppugnarint, vexarint, & in Angliæ partibus penè euerterint, non solum alacres latosque volitare, sed etiam improbos & proditores, bonis atque fortissimis defensoribus captis periculum intendere, se quoque apud reginam extollere. In quo cum omnia sint indigna, tum illud est valde deplorandum, quod iam non per latrones seipsos,
non

non per infidiatores, & flagitijs omnibus perditos, sed per speciem læsæ Maiestatis, & regni proditi Catholicorum multitudinem perdendam conservandamque curant: & quos infidijs, quos ferro, manu, coniuratione, alijs modis delere non potuerunt, eos hac specie & simulatione proditoris, & falso testimonio, per summum dedecus & infamiam, vitæ privare non dubitarunt.

Quartum genus ad Complexionem.

Restat igitur, ut hoc efficiatur, uter potius præmijs ornari debeat, is, qui cum locuples esset, facultates & patrimonium suum in litteris absumpsit: an qui cum nullas haberet divitias, litteris eas se acquisiturum esse sperat? is, qui causa studiorum factus fuerit egentissimus: an qui semper egens fuerat? is, qui ardens cupiditate sciendi, se suaque bona consumpsit: an qui suam personam, cum bonorum nihil haberet, contulit in litteras? is, qui semper ita vixerit, ut cum bonis valetudinem amiserit: an qui in eadem fortunâ permanens, bonâ utatur valetudine? is, qui si litteris ad gradum aliquem dignitatis non ascendet, se ipsum suosque fratres in perpetuum affixit: an is, qui propter litterarum studiorumque rationem obscuram familiam ex tenebris in lucem vocavit? Vtrum, Auditores (id quod ad dignitatem omnium sententiâ maximè pertinebit) qui se litteris dedit, ut si non nancisceretur, patriam, & maiores relicturus esset: an qui, ut maioribus suis lucem afferret, litteris operam navavit: qui si quemadmodum iacuerunt, adhuc iacerent in posterum, in hominum obliuione, atque silentio, nullum illi damnum fecissent? Postremò vtrum ille, qui cum patrimonium haberet tantum & copiosum, vadesc, famulos, equos, & domum honorificentissimè aleret, ad litterarum studium animum, mentemque contulit: an qui aratem suam in litteris egerunt, ut illarum præmijs emergerent ex mendacitate, in qua ipsi semper parentesque sui fuerant? is, in quo plurimæ literæ reconditæ & exquisitæ fuerunt: an ille, in quo pauca merent, atque illæ vulgares communesque? Denique ille, qui si litterarum itinere non contendisset, equestri studio, & arte militati maiorem gloriam consequeretur: an qui litterarum, viam non ingressus, in sordibus parentum suorum inuulserat? Hæc meus competitor tot & tanta si nactus esset in sui persona

quamdiu diceret causam suam confirmans? quo se modo iactaret? tempus profectò illum citius, quàm oratio deficeret. Etenim singulis in rebus eiusmodi materies est, ut dies singulos posset consumere, neque ego non possem: sed modum habiturus est apud sapientes de suis rebus, & virtute verba faciens.

Quintum genus ad concludendum, cum Enumeratione.

Quare si istinc turpido, istinc audacia, istinc impudentia, istinc pecuniæ, istinc denique omnis fraus & peruersitas spectatur: hinc summa castitas, hinc timor, hinc pudor, hinc inopia; hinc denique summa virtus & integritas: mutate, Auditores, veritate patefacta, atque errore sublato, mentes sententiasque vestras, atque eo patiamini transire istius sceleris suspicionem; ubi cætera maleficia consistunt: ab eo omnem amoveat suspitionem, quem omni culpâ carete videtis.

Sextum genus ex Contrariis, cum Comparatione.

Pater occidit filiam Barbaram, conferte parentem cum filia: parentis infidelitatem, cum fidelitate Barbaræ: huius parentis accusationem, cum filix confessione: pertinaciam patris, eum constantia filix: parentis crudelitatem, cum filix mansuetudine ac patientiâ: gladium parentis districtum, cum oblato à filiâ iugulo: parentis libidinem filix mortis inferendæ; auiditatem filix pro Religione occumbendi: à parente odio habitam religionem, à filiâ acceptam, summaque religione cultam; mortem patris infelicem, & discessum Barbaræ felicem atque gloriosum. At iam illa omitto, quæ dispersæ à me aliquot in locis dicta sunt, gladium parentis, qui in omni sæculorum memoria purus a filiorum caede servatus est, cum crudelitate vnus hominis, filix sanctissimæ sanguine imbutum fuisse; locum profundendi sanguinis, qui vix piorum hominum oculis videri potest, ab hoc appetitum, & calcatum fuisse filix vnus iugulandi causa. Mitto manus allatas filix, gladium in iugulum infixum, vitam in conspectu mortaliū ablatam, officium carnificis tributum, quæ in nulla vnquam barbarie commissa sunt, neque crudelitate, neque profundendi sanguinis consuetudine, neque communi

insitâ

insitâ bellorum feritate, neque suscipiendi maleficij cogitatione: mitto, inquam, hæc omnia, quæ in hoc maleficium conuenire videmus.

Septimum exemplum, cum paria paribus conferuntur, cum exemplis.

HAs litteras, qui summâ contritione percipere voluerint, cuiuscunq; sint ordinis, verè scholastici sunt; quoniam præcipuè labore summo, tanta munera sustinent. Huic scholasticorum generi fateor, vt ante dixi, magnos esse experiundos & subeundos labores: sed sibi omnis ratio est cum virtute, nō cum vitio: cum vigilijs, non cum somno: cum labore, non cum desidia: cum honestate, non cum turpitudine; cum dignitate, non cum indignitate: cum honore, non cum ignominia. Cum ijs loquimur, qui se patriæ, qui mortalibus, qui laudi, qui gloriæ, non qui corpori, non qui sibi, non qui delectationibus, non qui lustrationibus natos arbitrantur. Nam si qui voluptatibus ducuntur, & se vitiorum illecebris, & cupiditatum lenocinijs dediderunt, missas faciant litteras, nec attingant rem litterariam, patiantur studiosos adolescentes, laborum patientes, ad studia rapi incredibili voluptate, qui bonam famam litterarum, & litteris præditi honores consequi volunt, & seruire hac ratione mortalibus. His sudandum est magnopere, pro tantis commodis totos dies laborandum, vigilæ suscipiendæ, cum vitijs, cum otio, cum reliquis hostibus acerrimè configendum. Hæc accepimus de litteratissimorum consilijs & factis: hæc legimus, hæc hausimus, neq; eos in laude positos videmus, qui non incubuerunt modis omnibus ad studia, vt qui desidia & multo tempore languere voluerunt: at quos diligentes, industrios, vigilantes & constantes in litteris assiduo labore vidimus fuisse, hos cathedras deferre, præfecturas obtinere, honores gerere, rerum potiri, & orbem terrarum suis humeris, tanquam Atlantem cælum sustinere viderunt mortales. Ac ne quis ob difficultatem litterarum percipiendarum, & laborem necessarium viam hanc pertimescat, proponat sibi lumina cuiuscunq; facultatis ac disciplinæ: Ciceronem, Principem Eloquendi: Hippocratem, Galenum, coryphæos medicinæ: Paulos, Sulpicios, Papinianos, & reliquos Iurisconsultos: Beatum Thomam, decus & lumen sacre Theologiæ. Iam arbitror, et si a suscipiendis laboribus abhorrea.

abhorreat aliquis, fama ac celebritate tantorum Principum seipsum ad bonarum artium & disciplinarum studium excitabit.

Octauum genus amplificandi ex Contrarijs, cum minore.

CVius igitur culpa putanda est? Præceptoris minimè, nisi summum ius, iniustitia; nisi honos, ignominia putanda est.

Cuius igitur? reuera scholastici, eius ipsius, qui de præceptore queritur. Qui si adductus studio aliquo, minus idoneum scholasticum præmio affecisset; qui etiam si bonum scholasticum, sed non ita meritum; si denique aliquid, quod non contra acliceret, factum diceretur, sed contra atque oporteret, tamen esset omnis eiusmodi mali reprehensio à discipulo repudianda. Nunc verò quid dicitur? quid ait discipulus fecisse præceptorem, quod ei facere non licuerit? quod grauius est, quàm si id factum ab eo diceret, quod non oportuisset. Hic ego non coner agere, non esse fas dubitare, quin quod præceptorem iudicasse constet, id non solum decuisse, sed etiam debuisse fateatur? Quid enim abest præceptori, quod si adesset, iure hoc tribui & concedi deberemus? vsusne dicendi, quia adolescentiæ tempore ferè primum principium habuit prælectionum atque munerum, & officiorum præceptoris maximorum? Cuius plerique cortanci minus sæpe magistros audierunt, quàm hic illorum munera prouinciamque sustinuit? qui tot habuit orationes, quot ferè fecit; & tot ferè typis excudit propter elegantiam suam, & vnum in illis Ciceronem luculenter expressum, quot ferè composuit; qui tot consequutus est Rhetoricæ laudes, quot sunt officia, partesque dicendi? An ingenium? cum etiam ipsa suarum orationum, ex intimo Rhetorices artificio inuento petita, rerumque ad artem spectantium multitudo varietasque in publicum prolata quotidie maximo & acerrimo prædizum ingenij acumine restetur? In quo vno sic viua Ciceronis imago, & expressa videntur lumina, vt omnium iudicio tantum, quantum potest Cicero, minus quàm orator tam eximius nunquam obtinuerit? An dispositio? an eloquutio? an venustas agendi? an vocis splendor? an memoria, quæ custos est & thesaurus eloquentiæ? an facilitas sermonis, & ex tempore incitata celeritas in præceptore vnquam reposita est? Quem Complutensis Academia, quem

quem Gymnasium Rhetoricæ, quem theatri amplitudo, quem reliquæ Academiæ his ornamentis neq; præstantiorem, neque illustriorem viderunt? Quid dicam de lectione Auctorum, de cognitione verustatis, de notitiâ nostrorum Annaliû? quæ tanta est in illo, quantâ in omnibus, quos historiæ scientes commendamus & prædicamus, cum multæ aliæ Academiæ suam Rhetoricæ cathedram, cum annui stipendii amplificatione, non petenti sæpe, quemadmodum scitis, non accersendo solum per litteras; sed summo opere rogando concederent, huius de facto, id est, de præmio potius alteri, quàm tibi delato, ita quæsi, vt id agatur, licuerit ne decernere, quod decreuit; an verò non licuerit, si concedam, turpe quidem & indignum plane videbitur.

*Nonum genus ex Contrarijs Exemplis, cum
Descriptione.*

COEnobium quoddam est, satis longo à ciuitatè intervallo disiunctum, quo pauci solent accedere propter loci distantiam; hyeme, propter asperitatem temporis: æstate, propter solis ardores. Quod tanta religione semper fuit, vt non modò præstitutis & notis temporibus: sed neque alijs, propter partitionem horarum quotidianam, nullam dici partem alumni tantæ familiæ vacui aut labore soluti possint esse. Istuc se receperat ad ius ciuile recolendum noster Licentiatus, in quo tantâ contentione corporis, & animi inhærebat dies noctesque Iurisconsultorum, & Pontificum Annalibus versandis repetendisque, vt cum successiuas horas sibi sumant aliqui sectatores huiusce facultatis, & ad valetudinem sustentandam, ad se reficiendos ex maximis laboribus, vigilijsque studiorum, animos has ille nec tribuendas vnquam corpori suo decreuerit. Cum verò multi ijsdem in ædibus Religiosorum aliquos de familiâ sacrâ solent amicos acquirere, quibus cum quod datur ab studijs vacuum tempus, cum eis colloquentes libentius consumere consueuerint; hic nec dandum istud valetudini, nec communi consuetudini iudicauit, quòd aliquando suauitate sermonis, & parva familiaritate, studia detrimenti quidquam accipiant, dum producuntur sermones, aut ex eo, quod commemoratum est, maneant reliquiæ, quæ mentem à cogitationibus litterariis auertant. Nemo illum vnquam cum alio colloquentem, nemo deambulantem cum aliquo milite religio-

fo, nemo, nisi rei diuinæ audiendæ causa, cui nullo die dēcratū extra cubiculi parietes vidit vnquam. Habent alii delectationes aliquas hortorum, aduentus amicorum aut hospitem, aut alias iucunditates ad levandos labores in litterarum studiis positos: Hæc omnia Licentiatus noster, quod semper impedimenta duxerit, & offensiones ad rem litterariam, adimenda sibi tollendaq; non dubitavit. Proh Deum immortalem! Quem ego commendo? cuius labores effero? de quo vos sententiam per suffragia laboribus, studiis suis dignissimam tulistis. Dicent litteræ sibi Licentiati delatæ de comprobatione honorificentissimæ cunctorum consensu Dōctorum, dicent honores, qui iam illum manere videntur meritō, prædictum à me, nihil istic loci in relegendō iure ciuili hoc toto triennio reliquisse, vt in cubiculum suum amici ingredi potuissent, vbi Religiosis vix dabatur ingrediendi facultas: vt nihil ab illo prætermisissimum fuerit, vt tam illustre de suâ sapientiâ per vos iudicium fieri mereretur.

De Comparationis amplificationibus.

Comparata eisdem ferè modis tractantur, quibus Similia & Exempla. Primum vnâ duntaxat periodo, per solam Comparatorum propositionem.

Exemplum primi generis.

Atque ego ita me comparē, cum tantum & tam graue malum, præ omnium, quæ inferri possent, grauitate maximum, machinari videam aduersarios: Cum aliter me ipsum vlcisci nequeam, & vitam meam inter tot, & tanta inimicorum tela versari videam, vt arma capiam ad me tuendum, saluâ semper lege diuinâ, qui machinam nullam commoueri velim.

Secundum genus, ex comparatorum propositione & assumptione.

Et id Thrasylulo datum fuit, vt propter tyrannidem depulsam, præmiis debitis & honoribus ab Atheniensibus afficeretur: & Cicero, qui tela iugulis omnium intenta de manibus

bus coniuratorum extorsit, & faces ad vrbis exitium, & ad totius Italix vastitatem, & ad imperii interitum accensas protulit & extinxit, non dabitur vt depulsoris & extinctoris nefariæ conspirationis præmia deferat, & honores patriæ defensoribus const. tutos assequatur?

Tertium genus ex Comparatione ad amplificationem adhibet, & subintellectâ assumptione.

Sed cum in gradu celsiori collocatus fuerim, debeo equidem, si is esse volucro. qui esse debeo, sic meæ vitæ rationes instituire deinceps, & ad meliorem frugem me recipere, vt noua meæ vitæ mutatione nouos mores, & nouam vitam instituat, qui magistratus minores gerunt, & assequuti sunt gradum aliquem in Repub. vt virtute sibi, iure ac legibus mecum agendum esse putent impotestum.

Quartum genus cum Comparatio proponatur, & conferantur singula similibus, & paria aut maiora & dissimilia ostendantur.

De sacra Synaxi.

Superat equidem, & longissimo interuallo, superat multitudinem magnitudinemque beneficiorum, quæ à Deo optimo ac maximo in hominum genus collata sunt, quamquam magna sint, excelsa, sublimia, & admirabilia: non sunt tamen ad sacram Synaxim vllâ quidem ex parte comparanda. Nam quocunque te animo & cogitatione conuerteris, siue ad elegantissimam hanc totius mundi fabricam, pulchritudinem cœli, summamque venustatem, ætheris ardorem, circumfusam aeris regionem, terræ litum & circumscriptionem, maris immensitatem, & quæ singulis partibus continentur, multitudine innumerabilia, magnitudine sublimia, diuersitate longè differentia, partim ad vsum, partim ad delicias hominum creata sunt rerum genera: hæc autem omnia quid habent laudis ad sacræ mensæ decus & gloriâ cœlestem, in quâ Deus ipse summus opifex & architectus cœlorum, & eorum, quæ creata sunt, auctor & creator potentissimus, seipsum generi mortaliū panis & vini regumētis contentum liberatissimè magnificat.

gnificentissimeque largitur? Cœlum istud, à terra tanto intervallo distans, diu solis claritate conspicuum, noctu syderum innumerabilium varietate distinctum, hominum causa Deus creavit, quanto clarius virtutum luminibus clarissimis, quàm cœlum ipsum, Deus idem immortalis animum, domicilium suæ Maiestatis ornat & pulchrius reddit ac clarius solis splendore? Terra fert fructus vberes, ac præstantes, & multitudine varietateque multum dissimiles, ad homines alendos sustentandosque: Sed qui victus ad Corporis & ad Sanguinis Christi Iesu cœlestem escam comparari potest? Fert terra res varias, & multiplices, corporibus alendis necessarias; at esca hæc salutaris, quànquam corpori pro sit admodum, & bonæ valetudini conferuandæ, & viribus confirmandis, præcipuè tamen spectat ad animum alendum cœlesti cibo, & ad conferuandum fortem & inuictum, & ad ornamenta virtutum augenda, & dotes cœlorum exquisitas, & ad illam Beatorum gloriam, ad honores & dignitates immortales aulæ comparandas. Quid ætheris habet regio, nisi parutum & clarissimè collucentem ignem? quid aer, nisi salutarem auram, flatum, quo ducimus hunc vitalem spiritum, & viuimus salui & incolumes? quanto purior & clarior ignis è sacra Synaxi profectus, non consumens, sed inflammans ardoris immensitate mortalium animos? Atque viuere quidem non possumus tutò, neque partem vllam veræ quietis, & solidæ tranquillitatis capere, immortalis Deo, Hostiæ sanctissimæ tegumentis contento, carentes. Quin, omnia, quæ in quibuscunque beneficiis ab immortalis Deo acceptis insunt, & continentur, admirabili modo in Eucharistia sacra inesse videbuntur, nullum autem abesse, quod Vates diuinus, cœlesti Spiritu afflatus, prædixisse visus est, omnium beneficiorum memoriam, & quasi summam quandam, & monumentum diuinorum, istud cœleste sacramentum nuncupans. Atque cœlum istud quoties nubibus obductum? quoties decessu solis contracta terra? quoties noctis tenebris obscurata? Aer verò pestilens & flatu teterri-
mo infectus, quantum generi animantium vniuerso exitium & pestem vltimam avertit? res verò quoties in magna sterilitate fructuum & inopia defunt ad victum communem & necessarium, vt fame sæpe conficiantur homines, & pastu deficiente brutorum interitus consequatur? Non immerito mensæ regalis nomine & honore afficitur, quæ cibus apparatissimus & exquisitissimis refertissima exstruitur, & apparatus: ne-
que

que discumbunt alij, nisi magnates & Principes regnorum in auro, in gemmis, in cultu pretiosissimo fulgentes, regiâ liberalitate digni, & apparatu tanto magnificentiaque regali. Non immerito manna illud Hebræorum species est, & adumbratio cælestis huiusce Sacramenti, cuius robore populus ille, in deliciis habitus, per vastam ac desertam solitudinem progrediens, alebatur, suauitatis magnitudine recreabatur mirum in modum, manna tum gustum cuiuscunque cibi ad vescentis voluntatem, in magna multiplicique degustantium diuersitate, videbatur asserre: At ex sacrâ Eucharistiâ cunctarum virtutum, & ornamentorum diuinorum magnitudinem & multitudinem, deliciarum cælestium suauitates & iucunditates maximas, qui huic sacræ mensæ discubuerit, abundè satis & copiosè percipiet, si ad conuiuium hoc tam splendide & magnificè ornatum, vt patet, & diuini numinis Maiestatem decet, homo diligenter studioseque comparatus accesserit.

Quintum genus ex Comparatorum conglobatione, sed conuersione, per implorationem, cum similitudine, tum pollicitatione ornatum, & illustratum.

CUm me Deus Optimus, ac Maximus tanto beneficio affecerit, vt sui Corporis sanctissimi pastu cælesti refecerit, & recreauerit, quid agam humunculo nullius pretij, neque æstimationis, tantâ liberalitate magnificentiaque ad regiam hanc cælestemque mensam acceptus? Non agam gratias immortales, & memor tanti beneficii Maiestatem illius Domini summis laudibus efferam? Non me demittam & abiiciam ad Domini celsitatem supremam, studiosius deinde, religiosiusque colendam? si beneficia pro magnitudine compensanda sunt, & par semper gratia referenda est, cum facultates opesque suppetunt, si certa fertilis arata cultaque diligenter, aquis irrigata cælestibus, duplicato fœnore fructus temporibus suis proferat plures & vberiores; si Arca vetetis Testamenti, tanto populi plausu, & lætitia omnis generis hominum gestientium, præeunte Dauide, saltanteque depositâ regia auctoritate, cantibus mirificè concinentibus, tanto studio, religioneque vebatur; si Virgini ingredienti domum Zachariæ merito obuiam occurrat Elisabeth, & beneficii magnitudinem laudibus eximiiis extollit, & se prorsus tanta indignam liberalitate recognoscit atque prædicat: si

cum vulgari bus affecti sumus beneficiis modos omnes & rationes referendæ gratiæ quaerimus, & si iniuriam minimam graue ducimus malum, & impietatis crimen execrandum, quibus laudibus hoc beneficium cœleste prosequemur? quas iustas ac debitas pro tantâ magnificentiâ, cœlestique largitate gratias agemus? qua religione? quâ demissione? cum omnium beneficiorum, quæ d'ci commemorariq; possint, maximum ac præstantissimum acceperimus? An communem naturæ legem agendæ referendæq; suo tempore gratiæ, in hominum animis iubar mentem, obliuiscemur? An naturam hominum in feram diritatem cōuersi, ferarum diritate terriores, crudeliter & impiè tanti beneficii immemores, exuemus? An agros fertiles ac fecundos, aratri vomere perstrictos, & ut ita loquar, grauissimè exulceratos concisosque, referendæ gratiæ dono ac munera superiores esse patiemur? Quantum dignitate sua, & donorum præstantia multitudineque Christus Iesus Arcam veteris Testamenti superat? in referendis beneficiis acceptis ab homine, tam diuigentes & liberales erimus; in diuinis Christi Iesu in genus hominum meritis, virtute cœlesti sacre Synaxeos extantibus, grata memorique mente complectendis, officio nostro deesse non vercundabimur? vos cœlestes Spiritus, diuinæ supernæque Mentes, tot Beatorum agmina, vos Confessores sanctissimi, vos castissimæ Virgines, vos Patriarcharum cœtus præcellentiissimi, vos inuictissimi Martyres, vos insignes Ecclesiæ Doctores, vos cœtus omnes & Ordines aulae cœlestis, & inter illos vos præcipuè socii, ac comites Christi Iesu, tuq; Beate Ioannes, præcoassertoris Iesu, tu tandem Regina cœlorum, quæcunq; adeo supra infraque Lunam creata sunt, mecum tantam & tam incredibilem Dei liberalitatem, tam inuitatam inauditamque benignitatem, tam cœlestem denique ac diuinam largitatem summis laudibus, & præconiis cœlestibus efferre. Si vos enim ad tantam muneris magnitudinem, ad tanti Domini celsitatem prædicandam sufficere quidem non potestis; neq; quisquam mortalium partem aliquam Domini meritorum minimam pro dignitate sua cōsequi poterit, neq; adumbrare etiâ sine intermissione celebrando: quid ego faciam, quid præstare poterō tanti Domini Maiestate dignum? Lauderis Deus optime ac maxime, sis in honore maximo, in gloria tua cœlesti, omnium aëli terræque incolarum linguis ac sermonibus prædiceris; neque modò tuis diuinis laudibus statuatur vnquam, in omnium sæculorum memoriam sempiternam. Tu te mi Deus optime ac maxime,

tu te mihi Christe Iesu, te mihi tu Agne mirissime mansuetissi-
 meque trades, & tuo Corpore cœlesti reficies, tua Maiestates
 quam neque telluris, neque cœli immentitate complexuque
 suo capere possunt, inuisiles locupletabisque. Qui sum ego? qui
 sum, inquam, ad te comparatus? pulvis equidem & cinis, ex li-
 mo & argilla factus, parentum nostrorum aspersus labe in hanc
 lucem editus, & sceleribus in tuam postea Maiestatem per om-
 ne vitæ curriculum nefariè susceptis contaminatus. Tu verò
 Deus ipse, Filius Patris Æterni, splendor & imago paternæ vir-
 tutis, ipsa virtus & sanctimonia summa, Dominus ac Creator
 meus, Opifex & Architectus, Mundi huiusce elegantissimæ fa-
 bricæ, qui nisi me tuis meritis ex inferiorum faucibus eripuisses,
 nisi in tuam accepisses gratiam cœlestem ac diuinam, nequissi-
 morum spirituum, & dæmonis teterrimi crudelitati deditus, ac
 præda, iam pridem inferiorum iustas ac debitas pœnas subire
 meritus essem. Qua potero deinceps remuneratione, qua vicif-
 situdine, quanquam longè pro tuis meritis diuinis ac cœlesti-
 bus inæquali, studiorum officiorumque meorum omnem ope-
 ram & diligentiam, ad inferuendum Diuinæ tuæ Maiestati
 polliceor ac defero, meas omnes res, meas actiones ad volunta-
 tem nuncupque tuam trado, committoque. Et quoniam tuo di-
 uino Numini nullam mactare victimam gratiorem, neque ma-
 gis acceptam homo potest, quam si seipsum hostiam tibi obse-
 quentem, obtemperantemque præbeat, me totum tibi Creato-
 ri meo, Assertori conseruatorique meo, dedo libens, ac deuo-
 neo. Tu mea vulnera, meas ægritudines, perturbationesque a-
 nimi, quidquid mihi deest ad rectè sancteque viuendum, oculis
 tuæ pietatis, & infinitæ misericordiæ benignus ac misericors
 intueberis, vt adhibita vulneribus ac morbis meis me-
 dicina, ex hac sacra Synaxi fructus Beato-
 rum immortalitate dignos
 feram.

Sextum genus ex Assumptione Comparationis.

Recordari igitur debemus morte Christi Iesu sic vniuersitatem hanc, res inanimes ac mutas obstupefactas, facti crudelissimi indignitatem exhorruisse, vt velum templi scissum fuerit, & saxa, duritie quamquam incredibili, collisa, fracta, solem (vt alia omittam) è terris excessisse, defectione post homines natos insolita, tenebris, & nocte profunda orbi terrarum offusa. Et nos homines, cum peccatis ac sceleribus nostris Christo toties mortem afferamus, cum in crucem quotidie tollamus, non animos ferreos, & lapidibus duriores, facinoris atrocitate perspecta molliemus?

Septimum genus, si prius describantur illa res, que conferenda sunt, deinde conferantur, & pares, aut minores, aut maiores ostendantur: denique anteponatur id, cuius causa laboramus: hic similitudines, exempla, dissimilia, acclamationes sententiae interseri possunt.

Contemplor animo, Patres, noctem, quæ simul atque obscuritate sua tenebras orbi terrarum effudit, horrida videtur ac deformis, nubibus præsertim aliquoties obducta, neque stellarum vlla, quæ noctem illustrare solent, & cæli faciem multiplici varietate distinguere, minima apparente. Omnia iacent in tenebris, neque vlla rerum forma videri potest, latet cunis ornatus & splendor crassa circumfusus caligine. Te ipsum ad noctem compara peccator, qui horror deformitateque tanta cernens, immortalis Dei gratia priuatus, vt noctis obscuritatem refeas, diuinorum ornamentorum, quibus diei alacritate, & splendore solis fulgebis illustrior, amissa veteri pulchritudine. Nox secum obscuritatem affert; peccatum caliginem, & tenebras etiam obscurissimas: nox diei claritatem suis tenebris de medio tollit; peccatum Dei gratia mortalium animos spoliât: nox facit, vt rerum colores nitidâ venusti oculis hominum videri nequeant; peccatum cultum & ornatum animorum, atque ad eò splendorem virtutum maximarum, quasi tenebrarum caligine densissima obscurat & delet. Atq; hoc magis deformis est

animus,

animus domus ac muneribus diuinæ gratiæ spoliatus, ut si peccato capitali contritus, scelorum fœditate deformatum videndum spectandumque Deus immortalis animum peccatoris ostendisset, seipsum intueri peccator non posset: quicumque autem videret, aspectu terribili exanimatus humi mortuus consideret, nisi dono ac munere diuino iulueretur. Hæ sunt illæ tenebræ montis Aetnæ, quæ erumpentes densissimæ, & fumum eructantes, vocemque finitimas regiones obscurabant. Hæ tenebræ Aegyptiorum, quibus homines in media diei claritate circumtuli, plagas & vulnera ab immortalis Deo illata, stragem & interitum luorum videre non poterant: sic autem cæci & amentes ruerunt, ut suis sceleribus mortem sibi, reductis in suum locum diuini Numinis potestate fluctibus, conscriuerint. Quis ille cæcus est, quem oculorum luce priuatum Christus optimus ac maximus immensæ suæ virtutis magnitudine illustrauit, nisi miser homo lethali crimine confectus, qui mentis oculis captus est, & animi sui deformitatem intueri non potest, nisi Domini benignitate status hominis infelicitissimi diuina miserentis? Cum Philisthæi Samsonem ceperunt, nonne præcipuè oculos eruere studuerunt? quos ubi eruerunt, non tanquam animal rationis expers aliquot vinculis obstrinxerunt? non in pistrinum coniecerunt? & molendi grauitatem & onus perferre similem iumentis coegerunt? non denique multis oppresserunt malis? infinitis affecerunt probis, & omnibus iniurijs operarunt? Præclare satis has mentes tenebras offusas Naas Ammonitarum Rex adumbravit, qui habitatoribus Iabes Galaad, à se in maximum vitæ discrimen adductis, & pacem deprecantibus, se pacem cum illis facturum esse respondit, cum omnium eorum oculos dextros eruisset prius. Duobus mentis oculis vnusquisque nostrum præditus est: dextro, quo supera cœlestiaque contemplatur; & sinistro, quo se abiicit ac deprimat ad rerum humanarum faciem, & sordes execrandas. Quid agit dæmon, gratia Dei spoliato hominis animo scelere capitali? quod spectat, in peccati nequitiam & prauitatem illum inducens & trahens, nisi, ut mentem cœlesti claritate priuet, ne pulchritudinem virtutis, ne præmia Beatorum, ne immortalitatem cœlestis aulae, ne finem postremo, in quem natus est homo & à Creatore suo formatus, cæcus & amentis intueatur? ut deformitatem vitiorum, illorum sordes ac labem, & huiusce sæculi inanes & perituri honores confectetur, quibus captus in sedes inferorum præceps deturbetur.

tanta est caligo mentis, tantæ tenebræ, tamque profundæ, ut homo passim offendat, ruat miserandum in modum cæcitate mentis, quæ plus obest, quam oculorum: illa siquidem corpori, hæc animo damna facit & importat innumerabilia mala. Quare abstineat à peccatis, qui in tanto furore, & cæcitate mentis esse noluerit.

De aliis modis amplificandi à Comparatis ex
Cicerone potissimum petitis.

Exempla ad Ciceronis imitationem libet ad Comparationem illustrandam nonnulla proferre, quibus quæ prædicta sunt, magis pateant, & illustrentur.

Primum genus ex propositione, ratione, per comparisonem, cum repetitione, dubitatione.

Laudantur oratores singulares atque summi, quod obscura illustrare dilucidè, quod horrida & inculta expolire ornatè, quod arida & ieiuna amplificate copiosè, quod minima augere summopere valeant: nimium non arte sua solum alijs Orationibus, sed etiam exercitatione præstant. Nemo enim istorum, quos ita dixisse videtis, ita procedit in medium, ut & personis laudem & honorem tribuisse suis dicendi luminibus non videatur. Nemo ita audit, ut cum aliquis istorum dicit, non plura dixisse quam dixerit existimetur. Nemo tandem istorum opinione sua & existimatione plus laudis rebus humanis, quam ille re ipsa, quem commendandum suscepit, habeat, non conciliasse dicitur. Nunc verò quid faciam ego, cuius oratio similiter in vultu exire & emanare non potest? Theologiæne cognitionem facultatum aliarum, & artium clarissimarum laudibus regam? At hominem Theologum, concionatorem egregium esse, præcipuam sibi vendicat partem in oratione. An omnia aliarum artium scientia vestros animos ad Theologiæ cognitionem tantæ disciplinæ laude traducam? At liberalium artium, & Philosophiæ partes omitтам, iniuriam fecisse nolens.

AN

An cum ornamenta humanitatis, & politionis litteraturæ suppetant, aliarum Philosophiæ, & Theologiæ præmijs obruemus? At cum hæc nitorem & splendorem cunctis artibus & disciplinis præstantioribus afferunt, cur silentio prætereant? In hoc nomine, atque in eiusmodi ornamentorum multitudine ad ornandam amplificandamque laudem, quod facerent omnes summi, singularesque oratores, si hanc orationem haberent, ne tot ornamentorum multitudine obruti, suam existimationem amitterent, veniam ad orationem producendam dilatandamque deposcerent, ut copia ad huiusmodi laudum præstantiam ornatuque venirent, neque committerent, ut si breues essent in dicendo, magnam partem imminuisse laudis, vel orationis contrahentes, existimarentur. Quod igitur illi facerent, id si nos fecisse videritis, veniam nobis dandam per vos fuisse censimus, ut si non, quam vellemus, & quam res ipsa per se mereatur, at saltem, quam potuerimus oratione laudem afferamus.

Secundum genus per Interrogationem cum Repetitione, & illustratur ratione, & concluditur altera Comparatione Minorum.

Ecquis homo est, non modò in ciuitate nostra, verùm in oppidulo agresti, aut iam expertus humanitatis, aut etiam tam barbarus & immanis? Ecquis tam avarus est, qui pauperem Iesu Christi pecunia, aut frustulo panis non adiuvat? & cum tremementem frigore viderit, si non illum operiat, non tecto atque lecto inuitet? Ecquis erit, qui pauperi corroganti non aliquid eroget mi'ericors, quæ misericordia non egeni solum tribuitur, sed primum Iesu Christo, cuius causa misericordiam impertimur, deinde communi humanitati, iure fraternæ agnationis, quæ nisi grauis & sancta fuerit apud Christianos homines, & apud diuites præcipuè, à quo benignitas coletur atque misericordia? Diuites Christiani pauperem egentem non subleuarunt; pauperem dico, leue est, pauperem Iesu Christi si non subleuarunt, misericordiam denegarunt non homini, sed IESU CHRISTO. Nam diuiti datæ fuerunt pecuniæ plurimæ, ut si pauper illum adierit, non dimittat inauem; homini diuiti & amico

parebit domus tua locupletissima & amplissima, omnibus bonis refertissima, & præcludentur fores in persona IESU Christi tuam opem imploranti? Enim verò meritis esses aditu prohiberi cælorum: nisi te Deus oculis suæ benignitatis aspexisset.

Tertium genus ex Enumeratione per Comparationem.

QUæ in Cn. Pompeio potuit, homine nato ad militandi singularem quandam scientiam, si provinciam hanc suscepisset, maior esse fortitudo, industria, consilium, felicitas, quam fuit in Caio Cæsare, qui tantum potuit impertire rei militari temporis, quantum ipse ab ineunte adolescentia ad urbem Romam capiundam aspirans, à continuis nunquam bellis, neque præliis conquieuit? Quo mihi difficilius est dicendi ratio proposita.

Quartum genus ad laudem ex Comparatione, per Enumerationem subiectione illustratam.

ETenim si nobilis Ioannes ab Austria multos annos post fuisset is Imperator, à quo post urbem Granatam defensam, & illius oppida finitima, desperatis in rebus auxilium allatum omnes meminissent; cuius pugna naualis cum clarissima victoria de Turcarum nefaria gente reportata, non terras mariaque peragrasset; cuius egregia facinora in Flandria testes non essent, magnam Regnorum potentissimorum partem Imperatoris fortitudine repressam fuisse; quem Populus Romanus singulari acclamatione non excepisset, si nunc apud vos, id quod is facere posset orator, summa laude celebraret, quis non admiraretur? omnes profectò: mors enim cum extinxisset invidiam, illius res gestas sempiterni nominis gloria adauxisset. Cuius igitur laudata virtus hominibus notum magnum locum tribueret, huius recordatio nostris animis repetita non omni admiratione affici-

tur?

Quintum genus ex Contentione cum Comparatione.

A Genunc Doctoris litterati scientiam, cum alterius cognitione conferte. Semper ille ante Doctissimus habitus est, & dictus: iste non adeo doctus. Ille in magnâ gloriâ, & estimatione; iste nunquam magnâ opinione. Ille collegijs omnib. obtentis, cum litteratis verisatus maximè: iste cum multa collegia contendisset, obtinuit nullum. Ille primas tulit in renuntiationibus; iste in postremos ferè reiectus. Ille vnam & alteram cathedram moderatus fuerat; iste neque in præceptoris alicuius locum suffectus, semel saltem aliquando. Cur igitur ille victus est? quia non semper doctus à doctissimo, non nunquam doctissimus ab inferiore superatur: Quia quanquam sapientia præcipiebat inferiori palmam, tamen infelicitè sibi res euenerat. Adde potentiam hominis, gratiam, amicitiam, allegationes, pecunias, atque alia eiusmodi, quibus sæpe exultantem triumphantemque iustitiam euerterunt, & perculerunt inferiores. Adde fiduciam & spem nostri Doctoris, qui cum meritis pendè conditam habere cathedram se domi putauisset, nihil de successu magnopere sollicitus, dum aduersarij illum fidentem iustitiæ meritisque suis, & nihil curantem inferiorem viderunt, hæsit in his malis, quæ sibi solent asciscere, operam magnam adhibentes ad eam rem, quâ de se contentio inter aliquos esse solet.

Sextum genus ex Comparatione cum Distributione.

Soleo sæpe ante oculos ponere, idque libenter crebris vsurpare sermonibus, omnes nostrorum Confessorum, omnes Virginum integerrimarum, sapientissimorumque Doctorum, omnes Martyrum, & Apostolorum clarissimorum, reliquique generis & ordinis Sanctorum virtutes eximias, res præclare gestas, cum Virginis Mariæ virtutibus, nec ornamentorum magnitudine, neque numero virtutum, neque diuersitate infinitâ, neque vilo genere immunitatum, neque donorum cœlestium vllâ ex parte posse conferri, neque propinquiorem Iesu Christo, neque altiore locum cuiusquam dignitate potuisse obtineri, quàm tu Matris non dicam Christi Iesu celsitate solum, sed tu's meritis & dotibus infinitis con-

ris consequuta es. Quæ quidem ego nisi ita magna esse fatear, ut ea minimè, cuiusquam non dicam humani oratoris facultas, sed neque diuini Spiritus mens aut cogitatio capere possit, amens sim.

Septimum genus per præoccupationem, cum testimonijs & interrogationis lumine.

AT hæc homo barbarus & impolitus non videbat. Quis copiosior illo? quis ornatior? quis in arte benedicendi præstantior? Quanquam hoc loco Ildefonsum non tam ornatu & copia, quàm Dialecticæ, Philosophiæ, & sacre Theologiæ cognitione commendandum puto. Nota est Complutensibus Ildefonsi nostri oratio, nota copia, notus ornatus. Cui porro, qui modò Complutense theatrum frequentauit, illius orationes diseræ & elegantes, & bonis artibus instructæ non fuerunt audite?

Octauum genus per Interruptionem.

AT ego, tanquam cum veterano scholastico mihi sermo esset, non cum tyrone, & recentiore, de Rhetoricâ multa dicent, de adolescente nihil dixi. Itaque hodie perficiam, ut intelligat, quantum sibi ad veteranorum laudem adipiscendam deſit.

Nonum genus per Incrementum.

Sed hæc, quæ sunt maioris eloquentiæ, omittamus: loquamur potius de notissimo genere leuitatis. Tu isto ore importunissimo, his oculis flagrantibus, hoc pectore flammis ignesque spirante, tantum virus iracundiæ concipere potuisti in illo certamine, ut ea tibi turpe non fuerit in tanti ordinis conspectu euomere intemperanter? O rem non modò visu sordam, sed etiã auditu, si inter famulos parentis tui, in uis rixis & simulatibus quotidianis hoc tibi accidisset, quis non turpe duceret? In cœtu uerò tot & tam amplissimorum Rhetorum, munus maximi Decurionis obiens, princeps Decumanorum, cui vultum iratum ostendere turpe esset, is flagrans ore intemperantissimo, faces ardentes iactante, ordinem vniuersum, & totam Academiam offenderis? Sed hoc tu fateris esse in tuo more quotidianaque consuetudine, veniamus ad grauiora,

Decimum

Decimum genus cum exclamatione.

AT idem gymnasium, & aulam Rhetoricæ? O audaciam immanem! Tu ingredi in illud gymnasium ausus es? tu Rhetoricæ limina honorificentissima intrare? tu illius aulae disertis & bonis adolescentibus os importunissimum ostendere? quem locum nunquam aliquis violare ausus est, nemo sine honore nominare. Hac te in classe vel paululum immorari non pudet? in qua quamuis nihil sapiens, tamen propter suorum alumnorum probitatem & labores in oratoriâ facultate maximos, propter ordinis Rhetorum gloriam, & decus illustre, nihil tibi fatuo ac barbaro potest esse iucundum.

Undecimum genus per translationes, cum Correctione ex Enumeratione, crebri articulis incitatum.

QUæ Charybdis tam vorax? Charybdis dico, quæ si fuit animal, unum fuit, Oceanus certè quidem vix videtur, tot res, tam amplas diuitias, & tam multis & opimis redditibus auctas & stabilitas, tam citò absorbere potuisse. Nihil erat omnis generis bonorum, quibus homines abundare solent locupletes & copiosi, nihil largenti, nihil auri, nihil vestium pulcherrimarum, nihil lautorum admodum & abundantium Principum suppellectilis, nihil vini, nihil frumenti, nihil reddituum maximorum; & omnis copiae diuersitatisque fructuum, quod non nequissimis hominibus pateret. Omnia effusè & intemperanter heluonibus impurissimis & compotoribus donabantur: alia profligatæ mulieres, alia lenones nequissimi rapiebant: domus erat referta aleatoribus, plena ebriorum, totos dies potabatur, atque id locis pluribus, suggeriebantur etiam sæpe de foliorum pictorum lucro pecuniæ, omnibus in cubiculis prandia, cœnasque concelebrari videretis. Quam ob rem desinite mirari, bona istius tam breuiter esse consumpta; non modò vnius patrimonium, quamuis amplum, ut illud fuit, sed ditionem dyastatarum maximorum quamcunque tanta intemperantia deuorare potuisset.

Duodecimum genus à præteritione institutum, cum exclamatione & dilemmate simili illustratum, & Enumeratione cum Conuersione.

Sed nihil de alijs: tibi certè confitendum est, causam turbulentissimæ gymnasijs tempestatis in personâ tuâ constituisse. O miserum te, si intelligis; miseriorem, si non intelligis, hoc solis omnibus iactari, tota Academia diffundi, huius rei nec in minimorum circulis ment onem non faciendam esse! Rhetores ex classe expulsos, cum his Principem gymnasijs, quæ ordinis amplissimi Rhetoricæ decus ac columen fuit, omnes veteranos, qui per frequentiam & assiduitatem suam, Rhetorum dignitatem & amplitudinem retinere potuissent, Decuriones, Censores latorum, delatores Latini sermonis, omnes magistrarus, tantum iuventutis florem, omnem Poetarum & Oratorum cœtum, vnoque verbo, Rempub. hæc litterariam expulsam atque exterminatam suis sedibus, vt tibi parem scelere nullæ scholæ viderint, nec tulerint vquam. Vt igitur in seminibus causa est arborum & stirpium, sic huius luctuosissimi casus, & euersionis miserissimæ semen tu fuisti. Dolemus decurias omnes Rhetoricæ florentissimæ perturbatas? eas perturbauit Ildefonsus: desideratis clarissimos Rhetores? eos quoque eripuit Ildefonsus. Auctoritas Rhetorum ordinis afflicta est? eam affixit Ildefonsus. Omnia denique, quæ postea vidistis, (quid autem mali non vidistis?) si rectè ratiocinabimur, vni accepta referemus Ildefonso. Vt Auster mare pacatum ac tranquillum, sic iste sedatâ & quietam Rhetoricæ classē, causa pestis & exitij tanti, perturbauit.

Decimum tertium ex pari cum comparatione maiorum, ad amplificationem.

Sed vt, hoc omisso, ad studiorum, atq; artium contentionem reuerramur, qui potest dubitari, quin ad hominum commoditates multos plus afferat vtilitatis iuris ciuilis gloria, quam ars facultasque medendi? Vigilat Medicus, vt humanis corporibus medeatur: Iuris peritus, vt eorum salutē, & vitam tueatur. Medicus, vt quò intendit, medicamenta conferat: Iuris consultus, vt quos defendit, capitis periculo ac discrimine liberet. Medicum humani corporis cōstitutio: Iuris peritum eiusdem salus & incolumitas sollicitum habet. Medicus morborum fraudes, & fal-

& fallacias præcidit: Iurisperitus hominum insidias, & maleficia resecat. Medicus cauet, ne sui ægroti moriantur: Iurisperitus, ne capitis accersiti, in idem discrimen adducantur. Medicus tenet & scit, vt vena scindenda sit, noxij humores depellendi: Iurisperitus, vt improborum colluuiò exhauiatur, & improborum sentina ciuitates purgentur. Medicus exercitatus, in pestilentia, in alijs pestiferis morbis propulsandis: Iurisperitus in venenis omnibus, & tæbe flagitiorum absumenda versatur. Ac nimirum (dicendum est enim, quod planum est omnibus) Iurisperitia præstat Medicina. Hæc fortunas conseruat, honores parit: gloriam comparat, hominem collocat in altissimo dignitatis gradu, maleficia punit, mores bonos retinet, & omnia iure æquabili constituit, pacem facit, simulates ac discordias de medio tollit, gignit concordiam, & Rempub. stantem facit ac florentem, frustra foris arma, frustra reliquæ sunt artes, quæ sine Iurisprudentiæ præsidio silebunt, & vna suspitione seditionis increpante, procul dubio conticescent.

Decimum quartum ex minore, per communicationem & commorationem, ad de subiectionem.

SI de prælijs ageretur, vir optime, si in paruula re captionis aliquid vereretur, non statim ad Iurisperitum, ad tuorum aduocatorum aliquem, qui consuluntur, concurrisses? cum institutio filiorum, & maximi natu ageretur, cum hos bene instructos, & ornatos bonis moribus, atq; virtutibus relinqui oporteret, hoc tempore, quod tibi datum est, illorum in forma odae pueritiæ, nõ modò bonum aliquem & eruditum hominem, sed neque ipse quidem te consuluisti, ne ipse quidem ad te retulisti, ne hæc quidem tecum loquutus es: Hoc tempus est filiorum mihi concessum instituendorum, & sunt id ætatis iam, in qua ad præceptorem deducendi sunt, & sunt multi, sed dissimili vita, moribus atque litteris, quid agam, non cogito? Si, me Hercule, hæc tecum duo verba fecisses, quid agam, iniecisset tibi Deus (quæ sua bonitas est) mentem faciendi, quod facto opus esset, aut ad aliquem, qui consulere potuisset, adeundi: tu te ad hoc collegisses, non in eam turpitudinem venisses. vt hoc tibi esset apud probos viros confitendum quo tempore cogitationem istiusmodi suscipiendam non curauisti, eodem filijs per telicuisse facere quod collibitum esset, atque ob eam causam tui ipsius fortunas funditus

ditus evertendi potestatem factam fuisse vides. Ego te prout nunc consulo, post tempus consulendi in alienâ re, quod tu in tuâ re, cum tempus erat, consulere oblitus es! Quæro à vobis, equites clarissimi, qui bonorum habetis equorum equilia plenissima, equi mihi sunt aliquot emendi, in quibus filij mei, ego etiam ipse equitem, venditio nunc de duobus equis recens intercedit, neq; sum illorum valde peritus agnoscendorum, tantundem pretij, quantum à venditorè postuleretur, dabo & ego eadem, nullo arbitrio interposito, fidem habeam, ut me inscientè equorum, & pretij fallat? An cum Hispali tot equites sint, qui præstantiam equorum, & vitia valeant agnoscere, hos non ad venditionem adhibeam? quid est, quod hac tandem de re vobis possit videri? profectò, si recte vestram consuetudinem atque prudentiam cognoui, non multum me fallit, si consulamini, quid sitis respòsuri. Primum per me spectari equos, deinde si de pretio agere voluerim, peritos adhiberi, quærere boni sintne equi, quanti deinde paciscar, respondere vos quidem necessarium est. Atq; hæc, quæ prædixerim, omnia ante fieri oportere, quam ad equos aliquo certo pretio addiscendos pervenire pergam. Quid ad hæc Parens multorum filiorum? probabis quidem hæc omnia, qui bonitatem & excellentiam equorum, ad lustrationem, ad cui sum desiderabis, & speciem & elegantiam equitum præstantissimorum semper requisueris. Quid tibi esse debet cum bonâ diligentia bonis moribus ac præceptis filiorum imbuendorum, iam hac comparatione cognoscas, & quæ in te desiderentur officia boni parentis, ut quemadmodum illi claris natalibus orti, eodem pacto bene sancteque sient educandi.

Decimum quintum genus ex Comparatione, accommodatione cum adiunctis illustrata.

DE filio, qui parentem violauisse dicatur, loquimur: ratio ab aduersario reddita non est, quam ob causam pietatem filius læserit. Quod in minimis noxis, & in his leuiorib. peccatis, maximè, & primū quæritur, quæ causa maleficij fuerit: id nos in patre violato quæri contendimus oportere. In quo scelere etiam cum multæ causæ conuenisse vnum in locum, atque inter se congruere videntur, neque leui coniecturâ res penditur, neque testis incertus auditur, neque inimici fraudibus aut mendacijs

res iudicatur. Cum multa antea commissa maleficia, tum vicia filij perditissima, tum singularis audacia ostendatur, necesse est, neque audacia solum, sed summus furor atque amentia. Hæc cum sint omnia, tum extent oportet expressa sceleris vestigia, ubi, qua ratione, per quos, quo tempore maleficium sit admissum. Quæ nisi nota & manifesta sint, profectò res tanta, tam scelestæ, tam atrox, tam nefaria credi non potest.

Decimum sextum genus ex minore, ad laudem.

QUætemus etiam, quid iste summus Marchio in suis amicis, in cognatis, in propinquis omnibus fecerit: qualis in patriâ, in familia sua cohonestanda fuerit, qui in peregrinis & alienigenis tam liberalis & munificus reperiatur. Dubitamus quis iste in optimorum & honestissimorum patrocinio fuerit, qui de nullo non genere hominum bene meritus prædicetur? Expectemus quid dicant, de liberalitate sua, qui cum homine sunt assidue versati, cum ad exteras gentes fama virtutû illius hominis, & celebritas benignitatis peruenierit. Postulemus testes imperitæ misericordia pauperibus, cum domus illius egentissimorum inanis nunquam aspiciatur, horum venientium, & aliorum exeuntium. Mutuemur laudes aliquas depromptas ex recordatione liberalium & beneficorum, cum paginas & folia possemus implere verborum, quæ faciunt inopes & egentes, innuptæ & viduæ, subleuatæ suis in miserijs istius hominis admiranda liberalitate. Producam vnum aut alterum modum bene merendi, cum quor sint liberalium & munificorum monumenta, totis opibus suis & pecunijs statuerit monumenta Xenodochiorum, Sacellorum, & Collegiorum, ad pauperum inopiam egestatemque subleuandam, non in vno duntaxat oppido, sed in multis & celebrioribus Hispaniarum ciuitatibus. Quis vnquam in hac yrbe Xenodochium, quod Sanguinis dicitur, & Sacella vidit magnificentissima, quin liberalitatis, quin munificentiae, quin misericordiae testis esset? Quis ex D. Hieronymi sacro Conobio venit, aut per portam Macharenam rusticatum iuit, aut itineris facium si gratia illac transijt, quin in his in vnoquoque gradu de Marchionum de larssa liberalitate tanta commoneretur?



*Decimum septimum genus ex contentione minorum,
testimoniis illustrata.*

ET enim si illud est tam præclarum, quod mihi omnium præclarissimum, maximeque laudabile videtur, ob inopiam aliquorum subleuandam pecunias impendere, sumptus facere magnificos, atque liberales; quanto illud præclarius, laudabilius, & illustrius, cum quis ob Religionem defendendam in hostium manus inciderit, captiorem redimere, ut ne vitam pro Religione defendenda desint qui velint & studeant profundere? Præclarum est inopi subuenire? quanto magis ab hostibus capto? quanto præclarius huic in sordibus & squalore iacenti? Pauperem cum vidisses opem deposcentem tuam, valuit apud te plus is, qui multorum misericordiam tibi, ubi est, implorare potest; quam is, qui si auxilio tuo seruitute non liberetur, seruitutem per multos annos seruiet miserissimam? cum verò fidem, Religionem ipsam, illius, ab hostium vinculis liberati fortitudine tueri possis, & ad eandem defendendam tutandamque innumerabiles excitare, duas res præclarissimas non animaduertes, & allatam captiuo misericordiam, & præsidia per te comparanda Religionis? Quem diuitem, quem copiosum, quem vnquam potentem hominem, & bene nummatum audiuius aut cognouimus, qui cum in hostium vinculis fortè audierit hominem, & in inopia & egestate alterum esse, & sit misericordiam impertiturus, non huic homini liberando pecuniam attribuat? non certum numerum præstinet? non seipsum, si sensum habet humanitatis, profundat, & exinaniat? Ordo Mercenariorum Virginis Mariæ, qui hominibus ab hostibus redimendis dono & munere præcipuo Pontificum Romanorum institutus est, huic liberationi dicet grandem à petentibus fuisse pecuniam datam. Iurati dicent Patres, huic captiuorum mueri redimendorum præpositi, se vim & multitudinem incredibilem pecuniarum in Africam, in partes alias disiectissimas ad captiuos hostium seruitute liberandos accepisse. Dicent redempti omnes, dicent quæ gratulationum pro gratijs agendis decretum, ciuitates plurimæ potentissimæque Hispaniarum pompam, & redemptorum in albis vestibus agmina longissima spectarunt. Dicent etiam testamenta ab initio generis Christi

stiani facta locupletissimorum, qui cum alijs misericordiæ monumentis, cum his pietatis pulcherrimis operibus pecunias maximas & redditus legauerunt.

Vigesimum octauum genus ex Minori.

Quod si nomen Cn. Pompeij, si fama illius, si illa sibi comparata gloria Imperatoris, si res audita, si præsens aspectus tantum valuit ad gentes omnes & nationes in Populi Romani ditionem potestatemque redigendam: valeat apud populum auctoritas magis Imperatoris, valeat præsentia tanti viri, valeant res gestæ, valeant triumphi deportati, & in spectantibus Romanis hominibus acti, valeant imperia, cæteris Imperatoribus præteritis, ad vnum Cn. Pompeium summâ cum acclamatione delata.

*Vigesimum nonum ex Maiore cum Adiunctis, cum
praecipitatione.*

Nunc verò quid faciemus? quid de tanto viro prædicabimus? desunt laudes & ornamenta, quæ paginas nostræ orationis expleant? at hominem habemus doctissimorum sapientissimum, omnibus sapientiæ numeris expletum. Expectabitis eunabula suæ pueritiæ, & ineuntis ætatis primordia? at puer modestior, magis bonus inter pueros, & inter adolescentes magis quietus proferri non potest. An mores ætatis adultæ? quis illo castior? quis sanctior? quis omni virtute laudabilior? At hæc vi, minis, supplicijs præceptorum, & parentum suorum sibi comparauit? quis ab infantia ad bonas litteras propensior? ad ipsam virtutem paratior, & promptior videbatur? sic equidem affectus ad studia litterarum & honestatis erat, ut magis nemo.

Trigesimum genus ex Maiori.

Sententia sit eiusmodi tua, tuum istud iacet iudicium, de genere Adolescentium ad bonas litteras deligendo, ut locupletes litteras colant, vtilius esse Reipub. quam pauperes: miserum & infestum Reipub. ex artibus infimis traduci ad Academias, à parentum viuendi ratione ad libros & studia bonarum artium, ab humilitate sua ad litterarum dignitatem

atque præstantiam. Cum omnibus sæculis, & maiorum nostrorum memoria, in populis & ciuitatibus Hispaniæ. Lusitaniæ, Galliæ, Italiæ, cunctarum gentium atque nationum, de pauperum & egentum hominum infimâ fortunâ, qui voluerint in bonas disciplinas tradere sese, nunquam exclusi fuerunt, imò, vt collibitum fuerit, admissi: semper ex his maior fuerat pars auditorum, & eorum multitudine subsellia gymnasiorum completa. Virum æquius, inopem litteris operam nauare; an diuitem adolescentem inopem humili fortuna; an locupletem integrâ atque florenti? eum, qui vnde se alat, non habet; an eum, qui suis se pecunijs potest sustentare? Qui laboribus dedit non sunt, quo in numero multi copiosi homines sunt, quid facient cum hyems fuerit, cum æstas summa, quæ tempora contraria sunt litterarijs laboribus, & contentioni corporum in litteras necessariæ? Relinquent Academiæ, intermittent studia, otio se dedent, & languore prorsus hebescent. Reuertentur in patrias sedes, vbi delicias & vitam otiosam consecutur. Verum esto, reperiatur aliquis diues labori non insolens, frequens, & assiduus: qui cum tantum dederit studijs omni tempore, quantum omnes debere dixerint, nunquam ab studio litterarum vacet, & contra vim omnem grauitatemque contendat: laudo virum hunc, & litterarum studijs idoneum duco: sed expecto numerum aliquem, expecto multitudinem, expecto concursum & frequentiam Academicarum solitam, quæ cum constet ex hominum genere, quos tu repudias, ne spoli es Academiam, ne litterarias officinas suis filijs & alumnis orbare ve is.

*Trigesimum primum genus ex Descriptione, &
Præoccupatione.*

Complutensis Academia, inter Hispanienses celeberrima, affluens hominibus eruditis, imo totius eruditionis parens, huius hominis scientiam rejceret? At cuius hominis? doctissimi, sapientissimi: qui cum Doctoribus adesset, doctissimis antecellere dicebatur. Itane verò Ioannem Antonium, aliarum Academicarum decus, Eloquentiæ, Dialecticæ, sacræ Theologiæ pelagus inmensum, quo loquente tunc cum consensu Doctorum hominum cōuenerat, omnes tacebant, hunc ex officinis litterarijs Complutenses eijcerent, alium verò reciperent,

perent, quo doctiores in Academia tunc, cum iste se Complutensibus offerat, cathedram non obtineudam curarint? Verum hoc tempore plurimum inuidia poterit, neque Doctores, qui florent in Complutensibus gymnasijs, hunc adiuuandum extollendumque censent, ne fortè cum cathedram obtinuerit, de eisdem in publicis disputationibus, in magno conuentu atque frequentia frequenter triumphet. In hunc omnium tela conijciuntur, huic etiam & aperte omnes detrahent, quos suffragaturos vident scholasticos, hos conuenient, & abducent ab homine litterato per istos, quem volebant, & cui visum fuerat, eisdem suffragia lata dicentur, & homini ablata doctissimo? Nihil horum dici potest, qui ab eisdem doctoribus appetitus fuerit, & vt Academiae suae maximo fieri ornamento, saepe per litteras euocatus. Quae fuit igitur inuidiae flamma, ne cathedrae honorem consequeretur, qui domi quasi conditam & exploratam omni iudicio habere dicebatur? nescio aliud, hoc vnum scio, reflante fortunâ, saepe de spe deiectum, qui certam speram habebat.

*Trigesimum secundum genus ex variis modis
Comparisonis.*

Facinus est attingere Christum Iesum, scelus probis & contumelijs vexare, sacrilegium tot in illum suppliciorum genera statuisse, quid dicam in crucem tollere? verbo satis digno tam nefaria res appellari nullo modo potest. Non his omnibus sacrilega Iudaeorum multitudo contenta, crucifigatur, clamabat, & in vertice montis Caluariae tollatur in crucem. Non verò hoc loco mediocrem aliquem, non vnum hominem nescio quem vobis ignotum, sed communem libertatis dignitatisque recuperatorem, in ignominiosum istum & tam acerbum mortis cruciatum, in crucem egistis. Iam verò videre est Iudaeorum nequitiam, die celebriore, die Festo solennique, tam sacris statisque Ferijs, quibus multitudo omnis conueniret ad spectaculum lugubre satis ac funestum, istiusmodi scelus patrandum decreuerunt, & alios duos latrones sceleratissimos à lateribus crucifigendos ad maiorem ignominiam, infamiamque inurendam, & in loco præcelso, & edito, vnde cunctorum oculis conspici posset, poenas nostris sceleribus ac flagitijs debitas luens. Quod enim in Iudae solo vniuerso, in Regni Solymorum principi ciuitate iugum magis excelsum, magis eminens potuit

deligi monumentum crudelitatis Iudæorum? si hæc non ad homines Christianos, non ad cultores nostræ Religionis, non ad eos, qui Christi dignitatem & celsitatem cognoscerent, si non apud homines humanitate cultos, & communi elegantia politos, sed apud barbaros & agrestes, apud feros & immanes, aut etiam, ut longius progrediar, si in aliqua desertissima solitudine ad saxa & ad scopulos conqueri & deplorare vellem, tamen omnia muta atque inanima, tam indigna facti atrocitate commouerentur. Nunc verò cum loquar apud cœtum Christianorum, pietate, Religioneque florentem, sui Assertoris & beneficiorum eiusdem Domini valde memorem, quomodo conqueri, & de tot ac tantis suppliciorum accerbitatibus deplorare debeo? Sanè in hominis paulo præstantioris, & claritate maiorum illustrioris iugulatione lacrymas tenere non possumus, & rectè ac merito illustrium virorum, & aliquando secunda fortuna florentium miserijs commouemur. Quid nunc in sanguine Assertoris nostri facere debemus? quid in morte tam ignominiosa pro sceleribus humani generis oppetita? nam Iesu Christi, nostra quoque causa est, quod in cruce salutis omnium, & dignitatis antiquæ recuperandæ, hominumque sempiterno Patri reconciliandorum rationem habuit. Omnes hoc loco Christiani, & qui adsunt, & qui ubique sunt, affici vehementer debent. Crux hæc nostram pietatem desiderat, nostrum sensum implorat, nostras lacrymas requirit.

*Trigesimum tertium genus ex Comparatione, ad
exaggerandum.*

QVem enim unquam condiscipuli scholasticum, nisi hunc, cæteris post habitis, magis quam sua omni tempore admirati sunt? Ab hoc vno scholastico præceptores decreuerunt, ut qui magistratus in gymnasio tenerent, qui Decuriones, Præfectique essent, honorem, decusque mutuarentur. In huius orationibus post conditam Academiam factum est, ut ex cunctis ordinibus auditores, qui rem oratoriam auctam vellent, semper convenirent. Quem classis Grammaticæ magis requisivit? quem magis Rhetoricæ gymnasia decorarunt? quem æquè ipsi conventus audierunt? omnia dictione suâ ornata, nitida, illustria, plena dignitatis & honoris fuerunt. Quæ dies fuit ad dicendum de Sanctorum laudibus præstitutus, in quo

non expectata fuerit oratio Rhetoris istius summa cum venustate dicentis? Nam quid ego illa de Rhetore tanto pramia reportata commemorem? vel quæ in templo maximo delata sunt? Cum ille adolescens bis in anno post, cum iam ad Dialecticam audiendam transisset, Rhetoricæ ordo illius orationem requirebat, theatra lugebant, locus quilibet publicus, æquè arque magnum oratorem desiderabat, omnia suo discessu deserta, horrida, muta, plena luctus & mœroris videbantur.

Trigesimumquartum ex Maiore, per Conglobationem.

Reliquum est, ut Antonium falsum dixisse de Marcello & Scipione contendamus: quod si fecit, qua imprudentia fuit? Eumne vituperauerit, quem Iuratus toties laudauerit? eum refutauerit, cuius vitam priuatim & publicè ab omnibus laudari viderat? cui ipse omnes suæ vitæ rationes commiserat, hunc de vita, de moribus cælare velleret? quem semper consuluit minimis in rebus, hunc in necessarijs & maximis non adiret? à quo tot beneficia se, & patrem suum viderat accepisse, in hunc tam ingratus existeret? Cuius non probabunt aduersarij os, vel vultum læsisse, eundem omnibus modò contumelijs onerasset? quem habebat parentis loco, hunc tam inhumaniter, & impudenter violasset? qui semper virginali pudicitia fuerat, in illorum ore conspectuque, mortalium tantam haberet oculorum, & sermonis impudentiam? Quem modestum & moderatum nouerunt omnes, hunc sibi perluadebunt, bene & nauiter impudentem fuisse? qui nihil habebat, nisi quod liberaliter non impertiretur, nec habiturum se esse sperat, nisi quod ab huius liberalitate profisciscatur, hoc ager, ut se totum euertat ac perdat, & domo eiectus vagam & inopem vitam agat? non hoc credibile cuiquam facies, nisi homini stulto, aut temerario.

Trigesimumquintum genus ex Minori, ad concludendum.

Vix me Hercule, hoc eum suis æqualibus, non suo præptori, principi vitæ suæ, & bonorum auctori consiliorum dicturum fuisse putarem.

Trigesimum sextum ex Maiori, etiam ad concludendum per Ironiam.

Nisi fortè nihil æquum est, præceptorem de eorum audaciâ dicere, quorum scelera nullis supplicijs, neque exemplis quotidie sumptis reprimi coerceri que possunt.

Trigesimum septimum genus ex Minori, similiter ad concludendum.

ID igitur quisquam summum oratorem ignorasse dicere audebit, quod mediocres Rhetores, quod nullo usu, nullo studio Rhetoricæ præditi, quod scholastici denique scire profiteantur?

Trigesimum octauum genus in laudem B. Thomæ Cantuariensis, per obtestationem, & acclamationem, secunda comparationum conglobatione conclusum.

Quæ enim res vnquam, prohi sancte Deus, non modò in illâ vrbe, sed in toto Angliæ regno est gesta clarior? quæ gloriosior? quæ commendatior hominum memoriæ sempiternæ? In defensorum Ecclesiæ societatem, tanquam in equum Troianum, cum Principe B. Thomâ, boni omnes includi exportarent. Agebat gratias B. Thomas, quoquo animo Rex impius persequeretur? tanta enim res erat, vt inuidiam illam pro Apostolicâ Sede tuenda, quam in illum aduersarij, concitate contendebant, cum summa laude non compararet. Quid enim beatius illo, quem aduersarij expulsam à se prædicabant & relegatum: qui locus fuit, aut tam desertus, aut tam inhumanus, qui Pontificem, quod accederet, non affari atque appetere videretur? Qui homines tam agrestes, qui, cum illum aspicerent, non colendum obseruandumque putarent? Quæ verò tam immemor posteritas, quæ tam ingrata litteræ reperiuntur, quæ non D. Thomæ sanctitatem cum immortalitatis gloria prosequuntur?

Triges-

Trigesimum nonum genus ex contentione parium, comparatorum conglobatione conclusum.

Q Vis vnquam inimicior, quàm superbis Franciscus, æquè atque libidinis, & iracundiæ, vt omnibus vitijs animi statum deformantibus? Verba semper humiliter atque demissè de se ipso faciebat, cogitationes demissionis semper suscipiebat: in eius ore vultuque, nihil non modestum, & ex Christi disciplina videretis: fratres suos appellabat multo inferiores: verbis factis & cogitationibus laudem & honorem Deo semper immortalì tribuebat.

Quadragesimum genus ex Comparatione, Fine, & confessionis iniquitate exornatum.

Q Vis autem fuit tam insigniter impudens, vt auderet in oculis & in ore versari parentum, quos tot sceleribus, & flagitiorum parente impietate grauitèr violauerat, ac non illorum ora vultuque subire metueret, ne à domesticis saltem, & à fratribus oculis & animis cerneretur infestissimis? sed hoc propriū illius, qui effrenatâ audaciâ proiectus, & insigni notatus impudentia, liber a deo ac solutus agebat, vt metueret neminem.

VSVS ET EXERCITATIO EXEMPLORVM, ET TESTI- moniorum.

Exempla eisdem modis tractantur, quibus similia Comparataque: ac primum genus amplificandi vsurpationem exempli cum propositione continet.

Primum genus amplificandi ex propositione, cum exempli vsurpatione breuiore.

Væ illis, qui Nabuchodonosor superbia, & improborum spirituum insolentia, atque ad eodē Luciferi spiritu superbis, imo efferunt sese.

Secundum genus amplificandi constat ex Exempli propositione, & Assumptione.

Sicut Sodoma, & Gomorrha, & finitimæ ciuitates, aduersa præposteraque libidine vrentes, iram in se diuini numinis prouocarunt; ita quidem qui nefarios carnis appetitus & effrenatas cupiditates coercere non studuerint, si ad se non redierint, & execrandæ libidinis eosdem non pœnituerit, iram immortalis Dei grauissimaque profecto supplicia, tandem aliquando subibunt.

Tertium genus cùm adhibetur Exemplum ad probandum, nulla subiecta assumptione, neque conclusione.

David Rex erat Solymorum, & in regia sede collocatus, curis & negotijs difficillimis implicatus, quibus Principes clarissimos, & Reges terrarum potentissimos implicari distinerique necessarium est. Et quanquam tanti regni gubernacula tractaret, diuinæ meditationi tempora non solum præstinuebat, sed septies in genua procumbens, humiliter ac demissè Deo immortalī preces adhibebat, & quod affert admirationis occasionem, & in nostrorum Principum mores deprauatos inuehendi materiam, media nocte somnum intermittebat, diuini numinis honorandi, & debitis laudibus celebrandi causa delecto surgens.

Quartum genus cum antecedit contentio siue collatio, quæ dilatarī & amplificari possunt, idque fit cum Exemplum sunt imparia, aut dissimilia. Collatio sumitur ex rerum, personarum, temporum, cæterarumque attributionum varietate, quæ augeri potest verborum, schematum floribus, quæ vim habent aut eleuandi, aut astollendi. Atque etiam si pro ratione causæ ostendatur, id quod dicitur esse simile, dissimile, contrarium per maius aut minus, ut si conseras Exemplum Publicani orantis, & Pharisei; Centurionis fidem, cum Hebræorum infidelitate.

Exem-

Exemplum de fide Regum Magorum.

ATque si rectè fidem trium Regum Magorum clarissimam, & perfidiam Hebræorum execrandam considerare voluerimus, nihil tantorum Regum factopræclarius, nihil Hebræorum perfidia sceleratius inueniemus. Vix enim Reges obseruarunt stellulam, cum reliquerunt imperiorum suorum gubernacula, & iter ingressi fuerunt arduum, & difficile, per ignota loca, periculosaque, multis difficultatibus affecta, exposita insidijs inimicorum, referta latronibus, & grassatoribus nequissimis, & eo tempore, quod magis à faciundis itineribus alienum erat, hyemis scilicet asperitate summâ, tum cum omni gelu congeliant & frigore conficiuntur homines, atque ipsa animalia suis latibulis, aues nidulis ad frigus depellendum continent sese. Adde vim aquarum multis in partibus, niuibz cooperta loca, difficilem transitum, torrentes, & fluuios redundantes, & effundentes sese, atque nullo duce monstrante viam, præeunte duntaxat stellulâ. Prosequebantur iter, adeuntes passim pericula grauia, superantesque difficultates plurimas, incerti prorsus itineris, quod facerent, quemadmodum pergere deberent, quò desisterent. Cum verò in illâ sede, quæ proxima iam Hierosolymis erat & in illius prope ciuitatis conspectu essent, non illam è conspectu amiserunt? non quocunque se conuertebant, aspiciendæ stellulæ ablata facultas? Non adeunt id temporis recta ad Regem? non liberè ingrediuntur in aulam, non spectantibus & audientibus Hierosolymæ Principibus percontantur ex Herode de Rege Iudæorum nato? Quod ubi Herodes audiuit, commoueri animus illius, vehementerque perturbari visus est, neque angorem simulare potest: qua tamen simulatione potuit, respondere Regibus non desinit, se hanc rem quæsiturum de peritissimis Legis Doctoribus. Reuerterentur postea, atque omnia, quæ percontantur, simulatque Doctores explicauerint, se redditurum. Denique properat dimittere Reges, cogere peritos Legis, exponere aduentum Regum alienigenarum, & procul à suis finibus venientium, tantis difficultatibus, & periculis plurimis, tam graui difficultique tempore aditis Regis duntaxat Iudæorum debito cultu religionisque adorandi causa. Illi respondent protinus, quod certum erat, & testatum Oraculis Diuinis, ac prædictionibus Varum suorum: id scilicet tem-

pus esse, quod præsens erat, natalis diei Messiae, generi Iudæorum promissi. Quid dimissi Reges agent? quò se conuertent? quem alium percontabuntur? quam viam inibunt? quid consilij capient, vt cogitata perficiant? O diuinam consiliorum ratio em! O summam Diuini Numinis providentiam! apparere stellam iterum vident Reges, & præire fulgentem eximia claritate, videre Solymi, mirari secum intuentes in tantâ dei claritate, sole loca illustrante sua, novum & nunquam perspectum sydus illucens. Reges verò iter persequi properant, usque eò, quoad in porticu constitit stellula. Cogitate ingredi Reges gaudentes lætantesque porticum humilem & contemptum, ad pueri Iesu pedes abiicere sese, diuinis honoribus prosequi, & religione Dei immortalis afficere. Denique diuersis itineribus, vt præmoniti fuerunt, deludentes Regem, gaudio exultantes, in patrias sedes reuertuntur. Nihil de Iosephi gaudio, nihil de Virginis lætitiâ, nihil de vtriusque voluptate singulari dicam: percontabor ex Regibus, quæ hæc tanta etiam cœlestis ac diuina fides, vt in puero Diuinam inesse Naturam, & Regiam simul celsitatem aspiciatis? porticus hæc non aula videtur Regia, ac multo minus præfert sedem Regis cœli, ætæque præsentissimi, sed stabulum brutorum animantium. Non peristromata cernuntur aureo intexta filo: sed araneorum elaboratæ operatæque tenuissimæ. Non Aulicorum multitudo frequensque celebritas: sed vnus duntaxat Iosephus & Maria, parentes pueri. Non puer splendore Regis in solio: sed indumentis, & fascijs deuinctus. Non tonabat, aut fulgurabat: sed plorabat, & vagiebat infans. Non in aureo lecto mollissimè strato: sed in præsepi duro admodum & asperissimo. Non denique inter Principes aulæ clarissimos, cum maiestate summâ: sed inter duo interiectus animalia admirandâ cum demissione. Atque nihil horum à religione, cultuque Diuini Numinis infanti præstando Reges auocare potuit. Dissimillima quidem est Hebræorum ratio, plenissima sceleris atque perfidiæ. Qui cum in Iudæâ sedem ac domicilium suum haberent, sic informati essent, & imbuti præscriptionibus antiquæ Legis, vt Messiam expectarent, assertorem generis hominum, & tempus accepissent illud esse præsens & optatum: atque cum alienigenarum aduentu Regum, cum noui syderis aspectu cum Legis peritorum responsis, cum Baptistæ monitis & concionibus, cum Christi præsentia, sermonibus tanti Domini cœlestibus, miraculis infinitis excitarentur, & confir-

marentur

parentur ad cultum & honorem Messiae tribuendum ; sic
 duro ac ferreo pectore fuerunt , vt ab illo prorsus alienati,
 prorsus ab illius abhorrent honorē. Itaque non modò non
 curarunt Iesum colendum suspiciendumque ; sed neque le-
 gem illius sanctissimam debita religione venerandam , sed
 eiiciendum exterminandumque ex sinibus humanæ naturæ
 putabant : quòd ad illorum cupiditates domandas , effræna-
 tasque libidines comprimendas , ad demissionem , ad patien-
 tiam , ad consummatam sanctitatis absolutionem viam rectam
 ac directam , carnis effrænatis indomitisque cupiditatibus ad-
 uersam & infestam ostenderet. Progressa fuit igitur eo He-
 bræorum cæca & præceps temeritas , vt palam iam , & in circulis
 suis de Christi Iesu exitio ac perniciē consilium inirent : ne-
 que destiterunt , quoad comprehensum flagris discerpserunt ,
 dilaceratum virgis ac dilaniatum spinarum aculeis dirissimis
 transfixerunt , transfixum attititā nimium contemptissimaque
 purpurā per summum dedecus induerunt , inter duos latro-
 nes interiectum summo cum probro ac dedecore , tanquam
 perturbatorem urbium ac populorum , seditiosum ac turbu-
 lentum hominem , in crucem egerunt. Quid dicam amplius ?
 conferte modò Regum sanctitatem , cum Hebræorum pra-
 uitate : Regum fidem sanctissimam , cum Hebræorum perfidia
 sceleratissima : honores à Regibus tantæ Maiestati de-
 latos , cum Hebræorum probis & iniuriis Domino eidem
 assertori imprudenter & audacter illatis. Denique comparate
 iter Regum labores susceptos , adita pericula ; cum Hebræorum
 ingratis animis , cum labe tantā ac peste mortalium , etiam non
 homines , sed belluas ; neque belluas dentaxat , sed post orbem
 conditum monstra portentaque dirissima in figura hominum
 latentia recognoscetis. Quemadmodum Reges ex longissi-
 mis terrarum partibus adoratum puerum & infantem Iesum
 venerunt : Hebræi suis in sedibus natum , & in hanc lucem
 spreuerunt. Reges gubernacula suorum imperiorum abiece-
 runt : Hebræi diuinas utilitates & comoda accepturi , Iesu be-
 neficia repudiarunt. Reges hyemalis temporis iniurias , niues
 atque pruinas superarunt : Hebræi nullum iter facturi , non fi-
 nes egressuri , sedibus suis , atque aded intra urbis mœnia cum il-
 lis postea versantem repudiarunt. Reges vnus dentaxat sydenis
 aspectu deducti fuerunt : Hebræi tot Vatum Diuinorum præ-
 dictionibus , tot responsis & oraculis fidem habere noluerunt.

Denique

Denique Reges iacentem inter pecudes, & plorantem vagientemque diuinis honoribus affecerunt: Hebræi sæpius aspectum, & sanctitatis laude celebratum, tot miraculorum multitudine præcellentem, & diuinitatis tot signa cœlestia passim edentem, non modo non coluerunt; sed ferro & insidijs vitam eius & sanguinem appetierunt, neque destiterunt, quoad sustulerunt in crucem: tanta fuit illorum rabies, tanta & tam ferina crudelitas.

Quintum genus per inductionem, & enumerationem, cum plura exempla conglobantur.

Quantum displiceat Diuinæ Maiestati libidinosus, intelliget facile, quicumque sacrarum recordatus fuerit monumenta literarum. Dauid captus amore Bethsabeæ uxoris Uriæ, non solum adulterij, sed homicidij labe inquinatus, populum ingenti prope internecione confecit. Amon filius Dauidis, supplicio parentis non edoctus, propter illatum sorori vitium, mortem sibi libidinis impuritate consciiuit. Absalon concubinis patris intemperanter abusus, non diu lucem vitæ iucundissimam aspexit. Cum Salomon in mulierum amorem cæcus ac præceps ferretur, ad idolorum cultum abiicit sese temerarius & amens. Sodoma & Gomorrha finitimæque ciuitates propter libidinis faces ardentes flammarum ardore conflagrarent. Quin illas ingentes aquarum alluiones, quæ, instar montium crassissimorum aquis tumentibus, quadraginta dies ac totidem noctes horrendo fragore sine intermissione prolabentes, terrarum omnium sola oppleuerunt, obrueruntque paucis exceptis, vniuersi generis amantium interitum miserando, execranda libido præcipites egit in terrarum sola. Mitto aliorum libidines, exemplis supplicijsque testatas grauissimis.

Sextum genus cum Assumptione exempli contrarij.

Reordari quidem debemus Abraham, Patris cunctarum gentium maximi, labores & difficultates maximas, afflictationem, vexationemque plurimam, & æquo ac patienti animo toleratas malorum acerbitates: quibus ami-

citiã

citiam Dei non collegit solum, sed conseruauit, & auxit maximam ac memorabilem. Ita quidem Isaac, ita Iacob, sic Moyses, & omnes egregiè fideles amici, & singulares Diuinæ Maiestatis administri, laboribus susceptis, periculisque plurimis aditis grati ac peritucundi Deo fuerunt. Qui vero succubuerunt oneri, nec contentionem & constantiam in laboribus retinuerunt, hi deserti quidem, & adedè derelicti ex bonorum numero delati, & obliuione sempiternâ obruti fuerunt, ignominiam & supplicium sempiternum propter hanc abiectionem animi, debilitationemque subeuntes. Ergo nos magno animo, & erecto simus, ad iniurias omnes libenter patienterque in posterum pro Christi Religione tolerandas.

Septimum genus tractari potest, si prius persona, aut gens, aut natio, aut auctor exempli laudetur; sed laudatio debet esse breuis, & ad id, quod agitur, appositâ; deinde introducendum exemplum, idque cum aliquo eloquentiæ splendore, verborum ornatu grauitatq;: postea ad rem accommodandum, idq; ea ratione, ut rectè explicetur, quæ in re vel par vel impar videatur. Ad hæc adhibenda amplificatio per comparisonem, hic interseri possunt sententiæ, siue Epiphonemata, siue acclamationes, quæ mirificæ orationem exornabunt: denique per orationem concluditur.

Exemplum paupertatis B. Francisci.

Cum B. Franciscus, Princeps & Antesignanus sacræ Minorum familiæ, multa præclaraque perfectionis absolutæ suis omnibus alumnis & filiis, iter Religionis difficile & arduum ingressurus, & quæ ille volebat suâ celeritate contentioneque facturis, quæ peterent, & imitarentur, exempla relinqueret, tum illud paupertatis mirandum & singulare iniens suæ traductionis cursum, proposuit, cum, inspectante Pontifice, vestibus se suis exiit, & patrimonio libentissimè abdicauit. Quod scio vos, de paupertatis materiâ quidquam audire cupientes, lætis animis excepturos esse. Diuus igitur Franciscus, initio traductionis suæ, cum fixeretur flagrarique maxime

maximè Christi Iesu virtutis imitandæ summa cupiditatē multa faciebat, quæ patri, tantæ virtutis ignaro, & sæculi rebus ac negotiis implicatō maximè infesta fuerunt. Atquē cum Franciscus pecuniis pauperum inopiam & egestatem subleuaret, id pater ægrè ferebat, quippe qui putaret diuitias artē mercatoriam, & ob eam causam industriā suā, multo labore parias, à filio dissipari & effundi. Cum Franciscum ergo ad suam sententiam adducere non posset, neque à proposito traductionis inita reuocare, post multas actiones, quibus si ium ab instituto suo abducendum auocandumque frustra tentauerat, post oburgationes acerbas, post carcerem, post vincula, filium ad Ciuitatis Pontificem deduxit, vt bonis, quæ sibi hæreditario iure obueniebant, abdicaret sese. Quod Franciscus libentissimè lato quidem animo fecit, & in oculis, in ore Pontificis, vultibus seipsum exiit, confirmans ab illo tempore, verius & constantius se Deum immortalem, nomine & honore Patris affecturum esse. Quem vbi Pontifex nudum & spoliatum vestibus aspexit, tenere lachrymas, inspectante patre ferreo, non potuit. Accedere statim videres Pontificem ad Franciscum, suo pallio tegere, multa cum lachrymis ac sensu maximo dicere, medium amplecti, constringere brachiis artissimè, nec dimittere, nisi tectum, & opertum veste, quam famulos afferre festinanter iusserat. Hæc eo spectant, vt alumni familiæ Franciscanorum paupertatem maximè colendam studioseque complectendam curarent. Vnde profectò in sacrum tantæ Religionis Ordinem cooptati, traductionis principia dare visi sunt, rerum humanarum, atque diuitiarum præcipuè copiis omnibus nuntium remittentes: vt præsentis exemplo B. Francisci moneantur, de veste statim mutanda, tantum abest, vt quidquam rerum, quibus in sæculo fruebantur, in ædem religioni sacram inferendam secum tyrones putent. Atque patrimonium amplum & copiosum, quod a parentibus accepturi essent, vale statim iubeant, valere diuitias, & opes omnes, quibus copiosi ac benè numerati, rebus omnibus affluentes, abundare videntur: ita tamen sibi ipsis adeant, Religiosorum more præscriptionibusque vitam in posterum agendam esse, vt ab omni rerum cupiditate nudati spoliique, in summa semper inopia mendicitateque sint: eos cibum, vestitum, & quæ sibi opus fuerint, ad corpus alendum sustentandumque, mendicissimorum visitata consuetudine, corrogare debere. Et præsens exemplum

plum, si verè considerare voluerimus, altius in animis inhaerebit, cum B. Franciscus, Diuino Spiritu afflatus, primæ institutionis vitæ cunabulis, in ipsius incuntis translationis suæ primordiis, in tantas paupertatis angustias adducere seipsum voluerit, & illud ad imitandum suis alumnis exemplum proponere, quod laudarent omnes, quod valde mirarentur, quo maius nullum statuere posse videretur decursu temporis, cum eò paupertatis progressus fuisset, vt quod in istius virtutis absolutione summum esset, & præstari posset, cœlesti ac diuino afflatu fecisse videretur. Quod si B. Franciscus vestem à populi pompa longè remotam, & mortis memoriam colere cinericio statuentem ante suorum alumnorum oculos delegit; si diuitiis, & pecuniis omnibus, atque hæreditatis expectatione vacuos & solutos filios esse voluit; si denique suos hic agere inter mortales, vt vicatim & ostiatim victum corrogarent, & præter Deum & opes cœlestes nihil expectarent in vita: quidquid proprium paupertatis, & ad tantæ virtutis absolutionem spectat, id totum, & summa cum præstantia factò præsentī pulcherrimo continetur. Atque idèd maiore laude celebrandum, quo magis singulare factum fuit, & a cuiuscunque Religionis parente, quoad longissimè possumus memoria repetere sacrarum monumenta familiarum, & parentum cunabula prima recordari, nunquam ante illud tempus sine dubitatione factum. B. Dominicus parens fuit & auctor Concionatorum Ordinis, & cœtus ita Religiosorum coegit, & ad perfectæ vitæ seuerissimam disciplinam adduxit, quanquam non tantum cum paupertatis absolutione rebus huiusce sæculi sese abdicauerit. Princeps ac Patriarcha Sociorum Iesu, noster Beatissimus Pater Ignatius, mutauit vestes huiusce sæculi, nondum instituto Religionis ordine, cum contemptissimo sorditatorum cuiusdam mendici vestitu; patrio solo, latibus paternis egressus, & id fecisse constat sanctissimum Ignatium post Francisci factum pulcherrimum, & planè diuinum exemplar. Quare quod hisce paupertatis angustiiis vrgeri suos volueris, quod idem Franciscus Regulam tam arctam, & tanta paupertatis religione constringentem alumnos delegerit; quòd ille virtutem hanc, & deuicias, & suauitatem suam, quòd deus & honorem religionis, quòd matrem appellandam, & tanquam matrem diligendam statuerit; quòd in tanto pretio & æstimatione habendam, milites illius Ordinis

principiis

principiis istius facti præstantissimi gloriosis progressiones tantas, & paupertatis absolutionem admirandam referent acceptam. Sed quid præsens cum aliorum Heroum maximorum exemplis confero? Cum illud quantam habeat laudem testari Christus voluerit in ipsis vagientis infantiae cunabulis, qui nostrum omnium similis hac in re, id est, nudus exierit in hanc vitam. Cum Virgo sanctissima, nudum, bellum, & aureum infantem, manu sua confectis indumentis coopertum, & fasciis deuinctum constrictumque inter pecudes anhelantes in præsepio collocauerit. Cum idem Christus Iesus sublatus in crucem, nudatus & spoliatus vestibus, inter duos interiectus latrones, animam exhalauerit, reprehendens ac damnans celebritate facti præstantissimi quoscunque diuitum ac potentissimorum hominum lectos mollissimè stratos. Quod factum Franciscum etiam imitatum fuisse scitote, cum humi iacens, terram duram & asperam ad extremum spiritum edendum præ mollissimo lecto delegerit, nimirum principiis exitus vitæ congruebant; atque, vt introitu decurso, sic in exitu Franciscum Christus Iesus actionum suarum imitorem magnum & præcellentem habuit. Ita quidem non immerito clauem Religionis, ærarium diuitiarum cœlestium, præsidium, ac propugnaculum contra terribilissimos dæmonis incursus, Magistri nobiles, Doctoresque perfectæ Religionis paupertatem appellarunt. Qui sunt virtutis tantæ studiosi, qui diuitiarum cœlestium appetentes, ipsi præcipuè sacrarum alumni familiarum factum hoc B. Francisci præstantissimum imitandum ante oculos proponant, vt quibus ille gradibus ad tantam vitæ sanctissimæ præstantiam ascendit, ipsi bonorum paupertatis principes facti, cumulo multarum maximarumque virtutum sanctimonium adaugeant.

Ex superioribus constat, Exempla, similitudinesque aliquando tractari propositione, assumptione, conclusionem, aliquando pluribus, modò comparatione, modò conglobatione, denique aliorum exemplorum expositione, cum testimoniis & peroratione breui: accipe alia iam genera amplificandorum ad orationis ornatum exemplorum.

Octauum genus ex Antecedentibus.

VT Pharao quondam cum equitatu suo mare rubrum transire properans, in medio cursu cum suis equitibus, insolenter multa iactantibus, ingentem Iudæorum stragem, ac mortem clamoribus magnis minitantibus, obrutus fuit aquis, quæ iustarum muri constiterant, & Israelitis transitum præbuerant, in suum locum mirâ celeritate redeuntibus; sic olim Tyranni vim omnem suam, & furentes imperus, quibus tædis furiam ardentibus agitati in Christi Martyres inuictissimos inuaserunt, Diuini Numinis providentiâ, & non ultis etiam miraculis confestim editis, fractos ac repressos viderunt: at dum Martyres suppliciorum inauditis acerbitatibus conficere studuerunt, ipsi constantiâ Martyrum victi superatique ceciderunt, & sæpe quidem, malis in suum exitium pestemque conuersis, pœnas suæ crudelitatis iustas ac debitas persoluentes.

Nonum genus ex Consequentibus.

Miramur profectò, quoties legimus, & audimus Cn. Pompeium tribus gloriosissimis triumphis clarum & insignem, ab Ptolemæo Rege per summum scelus & perfidiam proditum atque desertum, atque hunc omnis memoriæ facillimè Principem Imperatorum obtruncatum in Alexandrino littore iacentem, sordidatum multo puluere, ac suo sanguine tædatum, spoliatum veteri gloriâ victoriarum, & trophæorum honore glorioso, tot honorum & imperiorum, quæ per omne suæ vitæ tempus gesserat, insignibus ac felicitate carentem. Quem qui aspexisset, lacrymas tenere non posset, recordans antiquam & secundam Cn. Pompeii fortunam, tantum decus, & amplissimam dominationem in orbe terrarum principe ciuitate consequutam, & hoc tragico calamitosoque fine terminatam. Sic equidem multi quondam Romæ mirati fuerunt secundissimas C. Cæsaris togæ militiæque progressiones, & honores eiusdem habitos, & gestas Populi Rom. dignitates, imperia summa, præclaras victorias, triumphos insignes, trophæa monumentaque rerum præclare gestarum locis itatuta celebrioribus, ad nominis memoriam sempiternam, ac denique Orbis terræ vniuersi imperium, Pompeio Impera-

tore, cunctisque Regibus & Imperatoribus bello deuictis obtentum; sed eodem etiam modo, cum mortem illius miserrimam audirent multi, & recordati essent consequuta nominis & honoris ornamenta magnificentissima, lachrymas profunderent. Multi qui viderent in curia iacentem, multis vulneribus confectum, & sanguine multo manantem Cæsarem spectaculo misero luctuosoque commouerentur, non pauci etiam essent qui lacrymarentur.

Decimum genus ex Adiunctis.

Scientissimus & experientissimus naui gubernator, ita nauigare solet, vt manu clauum teneat, & dirigat cursum nauigationis suæ, atque in puppi sedens, scindat fluctus maris vastissimi, & obseruans motus astrorum, flatus ventorum, signaque omnia, quibus tempestas aut tranquillitas prædicitur, insulas, portus, locaque omnia feliciter præteruectus, nauim in tuto collocat. Simillima est Sanctorum ratio, qui gubernacula virtutis tenentes, neque à vero vnquam Sanctitatis cursu deflecentes, mare immensum & profundum huiusce vitæ nauigant, & quidem obseruantes semper & speculantes motus carnis, procellas dæmonis, & turbines huiusce sæculi, quos clauo virtutis fugientes, nulla naufragia faciunt, & statu Diuini Spiritus Charybdes, Scyllas, & scopulos præteruehuntur, sine vllâ animorum offensione portum Beatorum felicissimum secundâ nauigatione tenentes.

De aliis rationibus amplificandi ab exemplis, & testimoniis, quæ remoto:um argumentorum nomine continentur.

Genus primum ab Exemplis per testimonia.

Vlysses Græcorum rem adiuuissse, inimicorum insidias explorasse, cepisse Troiam, victorias, quæ sine operâ sua delectæ ciuitatis, & flammis extinctæ, comparari non poterant, se reportasse confirmat, testantur Græci vniuersi, fortitudinem

dinem, & eloquentiam, quam habebat, spectatam, & diu cognitam commendant. Principes, milites omnes, summi, medii, & infimi, auxilium meum expetuerunt, me defensores suarum rerum, me speculatorem suum, me legatum causarum prope perditarum, me indicem Achillis, auctorem Iphigeniæ ex sinu matris & complexu abstrahendæ esse voluerunt: sunt testes viri fortissimi nostri exercitus, & Magnates aulae, & consilij Agamemnonis, quos omnes à me nominari non est necesse. Aliquos eorum, qui adsunt, appellabo, quos, si mentirer, testes esse impudentiæ meæ vellem. Scit is, qui est in consilio Diomedis: scit is, quem superstitem adesse gaudeo, frater Aiæcis Telamonii: scit Teucer sagittandi peritissimus: scit Menelaus, frater Imperatoris Agamemnonis, qui duo consilio & fortitudine Vlyssis maximè nitebantur, quod ad virtutem vim rationis adiunctam esse videbant: Hi sciunt non modò à me opem latam fuisse rebus Græcorum, sed ita semper, & ita vehementer esse latam, ut aut re infectâ in patriam fuissent Græci reuersuri, aut si, quod cernunt, effectum dari voluissent, auxilium Vlyssis implorandum. Sed quid ego his testibus utor quasi res dubia aut obscura sit? Adsunt homines ex tota Græcia fortissimi, qui præsentibus testantur atque confirmant, suoque nutu, gestuque idem significare videntur, ut in armis deferendis cunctorum iudicium nulla in re ab Vlyssis oratione discrepet, omnium ordinum atque Ducum fortissimorum dicta testimoniaque conueniant. Excipio aliquos, & hos Aiæcis studiosos. Omnium autem maximus sit Agamemnon, qui huic nobilitati princeps, & vniuersæ Græcorum multitudini præest, qui quoties Vlyssis desiderauit opem, semper præsto adfuit: quoties opem postulauit, nunquam non Vlysses tulisse testatur.

Secundum genus ab auctoritate maiorum.

O Primi Religionis nostræ Pontifices temporibus periculosis-
sissimis hoc sibi amplissimum pulcherrimumque duxerunt, à contaminatis & labe hæreseos infectis partibus, quæ in Lutheri aut Caluini sectam transierunt, pestem omnem auertere; eorumque nefarias opiniones confutare. Diuum Thomam Cantuariensem, illum sanctum Pontificem, fortissimum & inuictissimum Martyrem, cum Regibus Angliæ gra-

ues contentiones habuisse accepimus, propter Romani Pontificis, qui ab illis cum Petri auctoritate spernebatur, defensionem. Similiter scimus sanctissimum Damasum hostibus fidei propter Ecclesiæ Romanæ dignitatem animum ostendisse maximum. Neque enim animos hominum nefariorum, & à religione deficientium quidquam magis perfregit, & labe factavit, quàm hæc bonorum Pontificum assiduitas, atque permanens in defendendâ religione constantia. Hos timebant nequissimi hostes, hos exhorrebant, hos ferro, vi, insidiis aut palam delendos extinguendosque curabant per audaces, & impudentes, in cædibus exercitatos, per Reges & moderatores suos, hæreseos iam labe aspersos: sed à defendenda Religione conseruandaque nostros Principes non pericula, non mortes auocabant: tum, cum Athanasius, insidiis omnibus ad mortem appetitus, in sepulchris delitescens occultissimis, & exul & extorris à regno, terrâ marique ad necem deposcebatur: tum, cum Leander Pontifex, genere, litteris, virtute, sanctimonia rebus gestis amplissima, posteaquam Ermenegildum Principem ad fidem traduxit, exilio mulctatus est: unde litteras ad fidei Christianæ cultores mittere non desistebat: iure tum florebat Christianorum Pontificum nomen, iure decus Pontificiæ dignitatis his deferabatur, iure virtus & constantia horum Ecclesiæ Præfectorum & amplitudo Regibus, & Imperatoribus improbis terribilis videbatur.

Tertium genus ex varÿs testimonijs.

AN iste in locum aliquem ascendisset, nisi de vobis tot & tam præclara testimonia habuisset? Quo maiore etiam, si fieri potest, apud vos in honore esse debet, quam est apud alios homines & peregrinos. Cum litteris, iudicio, virtute, & existimatione omnes nostri homines extiterit, & vos illorum similes, & quælibet civitas idem existimauerit. Cur homini per Deum immortalem, Patres gravissimi, fauere magis, & opitulamini, oro obsecroque. Videtis tempus opportunissimum vobis hoc diuinitus datum legationis esse, ut sapientia, honestate, iudicio, & existimatione vestrum ordinem cumuletis. Nulla maior virtus, nullæ meliores litteræ, nullum denique accuratius existimatur esse ingenium. Itaque à populo vniuerso cognoscitur, laudatur, gravibus honorificisque exollitur præconiis: neque enim
vllum

vllam aliam ob causam populus hos de hoc homine sermones illustres tanto studio, spargit in vulgus, quam vt honorem hunc à vobis, accipere videatur. Neque hoc ab equitibus, & flore nobilitatis, à vestris parentibus, propinquis atque cognatis, viris splendidissimis & ornatissimis tantopere contendere-
 tur, nisi in decernendi huiusmodi legatione, istius ciuitatis existimationi ab equitum flore factum satis voluissent, & apud exteras nationes suam auctoritatem retinere. Ipse denique Prætor, qui præsens est, neque me vlllo modo mentiri patietur, cum primum rem hanc ad vestrum ordinem derulit, vbi id quod maxime spectabatur ostendit, se suffragium huic homini laturum esse, factus est in eo strepitus & grata vestrum omnium admiratio. Idem in eadem oratione cum dixisset, graues & illustres homines requiri, litteratos atque sapientes, & existimatione, & opinione apud tantam tamque florentem ciuitatem claros, his ornamentis hunc esse præditum, qui vestro honori providere & consulere vellet, tum non strepitu, sed maximo clamore vestram de mittendo legato nobili Ioanne significavistis voluntatem. Nunc autem homines in speculis sunt, observant, quemadmodum se vnusquisque vestrum gerat in suffragiis ferendis, & in legato decernendo: vident adhuc post multa sæcula ad huiusmodi negotia nullum à vobis non esse delectum satis idoneum, quod tametsi condemnant, non tamen magnopere, quod adn.irentur, habent. Quæ enim est admiratio, ibi iustitiam seruare, vbi, quid faciendum sit, leges ipsæ iuraque decernunt. Hæc est legatio, in quâ vel in legato populus vniuersus de vobis iudicabit. In hoc homine statueretur, possitne alijs competitoribus propinquis atque gratiosis contententibus homo litteratissimus ornatissimusque omnium decerni. Deinde erit huiusmodi legatus, in quo homine nihil sit præter summam Iurisprudentiam maximamque virtutem, vt si delectus fuerit, nulla alia vox, nisi ea, quæ sit honorificentissima mitti possit: non gratiâ, non cognitione, non alijs rationibus, non denique minimâ ambitione illum honorem consequutum eum fuisse. In quo sic causam litterati ago, & eiusmodi de illo res, ita notas, ita testatas, ita magnas, ita manifestas profero, vt nemo à vobis, vt alium deligatis, per summum ius valeat contendere. Habeo cunctorum etiam Scholasticorum carmina plura composita, titulos in parietibus incisos, quibus omnium vestrum suffragia contendere

atque consequi possit. Constat enim inter omnes etiam adulescentes nullum hac sapientia, hoc splendore atque dignitate legatum mittendum fuisse. Quamobrem primum à Deo immortalī (quod sperare mihi videor) hoc idem Senatores peto, ut in hac legatione nemo alius præter hunc, qui iam pridem omnium opinione delectus est, decernatur; deinde si mittatur; hoc vobis, hoc populo Hispalensi, Senatores, confirmo, vitam proculdubio sibi prius, quam studium, fidem, diligentiam, ad legationem vestram obeundam defuturum. Quem vos sapientiæ, litteris, iudicio, auctoritati, existimationi, splendori & ornamentis huiusce viri honorem tributuros esse confido: hunc ut ceteri tribuant, tu Prætor primus omnium suffragaturus, latrone suffragij tui præeunte providere potes. Omnes suscipite causam civitatis, suscipite causam Reipub. integritatis, fidei; iustitiæ, suscipite causam vestri Senatus; ut is huic probatus videatur esse. Cogitate, qui sitis, quo loco sitis, quid dare populo Hispalensi, quid reddere maioribus vestris debeatis, facite, vobis maiorum gloria veniat in mentem, quorum auctoritate, atque virtute, in optimis iudicijs faciendis, viris idoneis deligendis, integerimis præstantissimisque hominibus mittendis nunquam aberrabitis. Circumstant summæ auctoritates, quæ obliuisci vos laudis domesticæ non sinent, quæ dies noctesque commoneant illustrissimos vobis, Patres, pro hoc Senatores, integerrimosque moderatores fuisse. Quare si sapientiam maiorum vestrorum in constituendâ Republicâ, præclareque gerendâ recordati fueritis, si eorum etiam prudentiam ad prospiciendas Reipub. partes, quæ servari debent per vos incolumes & integræ, si fortissimorum constantiam, ut ne quis vos de verâ & certâ possit sententiâ dimovere; intelligetis Senatores, integerrimo atque honestissimo, gravissimo & splendidissimo, prudentissimo & litteratissimo Doctorei legationem dandam esse: qui cum eam susceperit, ad animi vestræ sententiam, & ad Reipub. Christianæ utilitatem perficiat.

*Quartum genus amplificandi, ex locis remotis à
testibus.*

HVnc hominem in nostrâ Academia qualem ac quantum habuerimus, credet alumnis Collegi trilinguis iste confessus auditorum frequentissimus : qui ad vos producti testes, ipsis audientibus ab isto elegantes & disertas orationes, quæ Ciceronis eloquentiam saperent, habitas esse in suo Collegio dicent; credent omnes ordines, & cœtus istius Academicæ, huic augustissimo frequentissimoque orbis gentium theatro, quo vocibus tanti oratoris personante multos laudatos fuisse constat. Audietur à corona Complutensium auditorum studiosissima præceptor eloquentiæ Primarius, vir eloquentissimus Ildefonsus Matamoros, qui discipulum suum, absentem ab Academia, cum eum Burgis amplius sexcentis nummis aureis ciues præceptorem haberent, Rhetoricemque interpretantem audirent, pro Academicæ præcipuo quodam honore dixit hunc in scholas fuisse reuocandum. Probabit fidem & auctoritatem suam laurea Doctoris afficiendi, qui cum omnibus numeris abolutos oratores ad lauream decorandam haberent, hunc præcipuè appetuerunt, & efflagitauerunt omnes. Horum ego testimonium, cum commendem eloquentiam huiusce hominis de loco superiore, non producam, ne aut istum vis vlla vel temporum iniuria de spe obtinendæ cathedræ deiciat.

Quintum genus amplificandi ab exemplis in fine usurpandum post alia argumentorum genera illustratum Præteritiq̃ue.

Quid ego de Romulo loquar, qui bellicis rebus imperium Populi Romanici constituere cœpit? Quid de cæteris Regibus, qui urbem ornatissimam, bella gerentes, Romam facere non destiterunt? Quid de Scipionibus Africanis, & Asiatico, qui Carthaginem & Asiam Populo Romano pepererunt? quid de Pompeio, qui tres egit triumphos de tribus orbis terrarum partibus, vi Martis & fortitudine subactis? Quid de Camillo, qui Gallos occupatos in auro appendendo partim fugauit, partim extinxit, patria paucissimus exercitus dissipari reliquijs misera seruitute liberat?

Quid de cæteris Romanis Imperatoribus , qui prouincias pulcherrimas atque ornatissimas , plenissimas rerum omnium ceperunt , omnesque gentes sub Imperium Populi Romani ditionemque subegunt? quorum fortitudinis inuictæ trophæis ac monumentis urbem Romam, templa Deorum, omnes Italiæ partes , & sola terrarum vniuersa cum exornata fuisse maiorum Annalibus acceperimus , nihil est , quod de laude bellica dubitemus. Nisi verò hæc cuiquam nimis antiqua , & iam obsoleta videantur : ita enim æquabiliter omnes Romani erant huiusmodi , vt hæc laus eximie virtutis , & spectatæ fortitudinis & solum Romanorum , & temporum illorum esse videatur. Alexander Magnus Imperator inuictissimus , maximis rebus gestis, animis vestris adsit de re bellicâ fidem apud vos habiturus. Quod si hæc non placent , nostrorum militum Hispanorum exempla recentiora profero in Flandriâ, in Indiâ vtraque, in cæteris terrarum locis, in mari quocunque propinquo disunctoque. Illi militarem virtutem suis egregijs facinoribus ostendant atque testentur.

Sextum genus amplificandi ab Exemplis per enumerationem, cum adhortatione & praecipitatione.

Propugnatores Religionis , qui esse constituerunt , permanent illi semper , si boni sunt & fortes , atque omnia Fidei Christianæ causa perferunt. Qui debent esse tales, qualis Sebastianus Martyr inuictissimus fuit , qui à primis temporibus vsque ad extrema Præfatis omnibus Tyrannorum restitit; quem nulla vnquam vis, nullæ minæ, nulli terrores labefecerunt : & qualis D. Laurentius , Discipulus Sixti Pontificis , qui cum Pontifici tanto se ministrum diligentem & assiduum præbuisset , cumque præceptorem suum ad mortem contendentem comitaretur , cumque mortem illius quàm maximâ voce , vt omnes audirent , efflagitasset, triduo post Martyris lauream , flammarum ardore superato, fuit adeptus. Atque Sanctorum exempla , quorum est infinita copia , digna Christianæ Religionis amplitudine , relinquam, neue plures eorum, quos poteram, nominem. Ex quibus Stephanus Protomartyr fuit , quem neque corporis comprehensio, neque vestium spoliatio , neque lapidum con-

incre-

incredibiliter crepitantium grando, neque vis inimicorum in flammata, poruit minimum de suo cursu, studio, atque sententiâ dimouere. Hos imitamini, Auditores, per Duce[m] Christum Iesum, qui dignitatem, qui gloriam, qui præmia Beatorum quaeritis. Hæc ampla sunt, hæc diuina, hæc immortalia. Hæc claritate cœlesti illustrantur, hæc cum sæculorum omnium æternitate coniunguntur. Est labor? non nego: pericula magna? fateor: multæ tempestates? mors ipsa impendet bonis omnibus? verissimè dictum est. Sed quæ præclariora sunt, & æterna, carius constare debent.

Septimum genus amplificandi ab Exemplis, ex Enumeratione, Preoccupatione, Hypotyposi, & Frateritione in Fine.

Videtur igitur bonitatem, virtutemque Religiosorum Diui Dominici, quorum est institutum spargere semen Diuini Verbi; qui maximè suggesta templorum occupant, atque frequentant; hi semper ad animorum salutem incumbunt. Franciscani idem officium faciunt vno prope tempore, ad stabiliendam sustinendamque Fidem. Augustiniani in eodem munere & officio versantur, eadem munia frequenter assidueque præstando. Ego de commilitationibus Societatis Iesu loquar, quorum tam proprium est Religiosorum, ut misertis & calamitosis temporibus, omnia Lutheranis perturbare conantibus, ad salutem animorum procurandam, Iulio Pontifice Romano, hoc nomine Tertio, Religionem comprobante, fuerint ad Ecclesiæ defensionem ingressi, duce & Antesignano Fundatore suo Beatissimo Ignatio, Confessore Patriarchaque clarissimo. Quæritur autem breui tempore nostrorum Religiosorum numerus, quanta multitudo ad primorum Patrum paucitatem aggregauerit sese, quibus in locis, quàm distantibus sedes habuerit Societas Iesu, nisi omnibus fuisset notissimum, datus erat locus dicendi: sed quia notiora sunt omnibus, qui ista legerint, quàm mihi, qui dicere potuissem, eo quidem libentius relinquo. Atque ego istud non vereor, ne quid milites Mercenarij, ne quid alumni sanctissimæ Triado: Religionis, & cæterarum familiarum religiosi filij in salutem animorum non contulisse videantur: Nam præterquam quod iidem faciant, quod à me nominati sacrarum familia-

rum nati faciunt, omnino à suis institutis captiuorum ab hostibus redimendorum, & alterius generis formâ ab adiuuandis animis recedere non videntur. Cum ipsa seruitute homines multi sæpe oppressi sint, cum nulla sit spes recuperandæ libertatis, ne fidem deserant, huic malo Fratres huiusmodi obuiam eunt, & quis neget eos animorum saluti hac etiam ratione suam operam nauare? Quin etiam illi, qui Carthusiani dicuntur, cum à sæculi celebritate remotissimi, diuinæ contemplationi vacent, hoc idem facere dicuntur: cum in ope diuini numinis imploranda tantum sit ad virtutis exercitationes ponderis atque momenti. Ego si cui dubium esset, quod dico, hæc dicerem. Videte mortales, quantam & quam maximam diligentiam adhibeant omnes illi, qui solitudinem etiam quarunt, pro vestris animis ex dæmonis seruitute liberandis, cum Carthusianorum, cum aliorum, qui solitarij sunt, & in agris vitam agunt, sanctissimæ & antiquissimæ familiæ, quæ suis institutis, & præscriptionibus tam ab urbibus, & populis disiunctæ, vt non solum hominum celebritatem, sed etiam in ipsis hominibus priuatis aspectum ipsum oculosque fugiant, ea suis in precibus & obsecratione quotidiana nunquam omittere visû fuerint, quæ gloriæ cælorum pariendæ, facere plurimum videntur, vt Deum ipsum orare, obsecrare dies noctesque pergant, vestros animos, vestrosque progressus respiciant. Recitarem præscriptiones cuiuscunque generis Religiosorum: laudarem in hoc alicuius institutum præcipue, id quod verissimè possem: commemorarem multitudinem, & diuersitatem aliarum sacrarum Christi Iesu familiarum: eas omnes, aut actionibus suis inseruientes vestris animis, aut manus ad id impetrandum supplices ad Deum tendentes, cum conuenire videremini, quam illæ ferant, & auxilium præstent planè perspicceretis.

Octauum genus ab exemplis, cum Enumeratione, tum repetitione ornatum, tum similitudine terminatum.

Possumus Christi Iesu in suos milites beneficia præclarissima multis argumentis comprobare: possumus testimonijs præsentis sæculi, atque numinis obiecti viris sanctissimis in somnijs, familiaritatis cum eisdem in diuinarum rerum contem-

contemplatione versantibus intimæ, aspectus sui de vira decedentibus exhilarantis reficientisque mirificè, testimonio vocis de cœlorum sedibus Paulo ad persequendos comprehendendosque Christianos currenti & aduolanti missæ: comprobare possumus testimonio eiusdem Domini laudentis de Cruce cum Diuo Francisco, & iubentis fulcire labantem, ac prope cadentem Ecclesiam sustinere: sed istud quid beneficij, quid amoris in alumnum suum in genua procumbentem, & eidem Domino preces adhibentem, cum Seraphin de cœlo delapsus pedibus ac manibus, atque ipsi lateri vulnera sanctissima diuinitus impresserit? Quod dari certius potuit Iesu Christi in famulum amoris & beneficentiæ testimonium? Ipse Iesus Christus, Dominus ac Princeps aulæ cœlestis, Filius Patris æterni, effigies & imago Patris eiusdem viua satis, & expressa, quemadmodum in cera signum homines imprimunt, sui ipsius voluit in Francisco simulachrum expressum relinquere ad sæculorum omnium æternitatem.

Genus nonum ab Exemplis; cum causis & Contentione, reperit in fine alijs etiam Exemplis.

ATque nunquam Populus Romanus Impetij diuturnitatem perferendam putauit. Exacti fuerunt Reges, quod cum fastibus & apparitoribus ornati, cum regia potestate & imperio summo crudelitatem exercere, & gentem Romanam affligere possent in perpetuum. Dictatoris nisi in sex mensibus vestigium nullum Romani esse voluerunt, quod per illud tempus, silentibus cunctis Magistratibus, & ipsis Tribunis mutis & elinguis, atque ad eò Consul potestate debili & infirma, speciem videbatur habere Regiæ dignitatis. In Prouincias mittebantur qui succederent, Prætores & Imperatores creati, quod superiores dignitates, Regiam & Dictatoriam, inde cum armis & multo milite ferunt, & crudelitatem in patriam parentes, allectis militum animis, affectare posse viderentur. Vide quantum interualli sit interiectum inter Romanorum vetera consilia, & inter vnus Antonij factum foedissimum. Illi Regiam dignitatem, primum decus Imperij, primum lumen Reipub. lucem & splendorem antiquitatis, imaginem & institutū parentum, Regibus exactis, & annuo Consulari

Consulatu constituto, sustulerunt in perpetuum: Antonius in conspectu Populi Rom. publicis Lupercalium anniuersarijs ferijs, in sella sedentem cum Imperator a dignitate Iulium Cæsarem adit, supplex ad pedes abiectus, seruientis similis, diadema capiti impetit, cum plangore populi. Neque hoc quidem didicit illâ funestâ die, cum venditum atque mancipatum Tribunatum suum Senatorum consilijs opposuit, cum mutatâ veste clam, & magnis itineribus ad Cæsarem aduolauit, cum ipse etiâ id temporis, vna cum Caiο Curione, spem salutis in fugâ rapidâ, incitataque posuit. Quid idem S. P. Q. R. voluit, cum Tribunos plebis, cum potentissimos homines non alia ratione de medio sustulit, quàm pristinam libertatem retinere?

Decimum genus à testimonijs ad confirmationem, cum repetitione, & præoccupatione, & similibus illustrat.

Quid horum negari potest? adsunt Sodales Virginis Anuntiatae summo studio, litteris, & virtute præditi, qui se non opinari, sed scire, non audiuisse, sed vidisse, non interfuisse, sed egisse dicunt. Adsunt Assistentes duo, qui huiusce Præfecti creati causa eo animo & mente perstiterunt, qui hunc Sodalitio præpositum vniuerso fuisse confirmant. Hic tu tabulas desideras Sodalitatis, quas singulis in renuntiationibus, creatis Magistratibus, Principe delecto, proferri scimus omnes? Et facile quidem est ad ea, quæ dicimus, tabulas dare, quas nos habere non negamus, & cum hominum ita memoria confirmare, vt litterarum etiâ auctoritatem proferamus. Et quanquam habeamus amplissimorum testium fidem, integerrimorum Sodalium testimonium, quod maximè facit ad laudem institutam, tabulas tamen, quas omnes plurimum valere scimus, non omittere constituimus.

Vndecimum genus à testimonijs ad eiusdem Confirmationis officium.

Vides ex hoc esse numero, quem Vlysses in exercitum deduxerit, fortissimum hominem Achillem, & illis temporibus murum & propugnaculum Græcorum: ex hoc

Aiacem,

Aiacem, & Teucrum. invictissimos homines, & principes rerum gerendarum perficiendarumque : qui si tales ac tanta laude cumulati non fuissent, nunquam in illorum fortitudinem oculos suos Agamemnon Menelausque coniecissent. Ex hoc denique dicimus Diomedem fortitudine præstantem, & ex Græcis Ducibus fortissimum, Vlyssæ sapientissimo comitatum, qui non minus in acie fortiter versari solitus est, quam in explorandis hostibus & eorum insidiis, quibus circumventi sæpe Græci concidissent, nisi fortitudo Diomedis cum Vlyssæ consilio coniuncta, opem maximam & præsidium attulisset.

*Duodecimum genus ab Exemplis ad
illustrandum.*

QUAM multos egregios artifices orationis Respub Romana habuisse dicitur, atque ij tamen cum summi singularesque fuerint, O fortunatam, te, inquit Romam, me consule, M. Tullias, quæ tuæ Reipub. me consulem sortita fueris; & verè. Nam nisi Ciceronis eloquentia extitisset, illa nox una, quæ tenebras terris offuderat, nomen etiam Imperij Romani delevisset. Quid suus ille Magnus, qui cum fortitudine fortunam æquavit; nonne Ciceronem Consulem, extinctorem coniurationis Catilinae in reversione suâ post tertiam orbis terrarum partem superatam magna laude cohonestavit? Et ipsi Cives Romani summi, medij, & infimi, conservatione patriæ commorati tanquam memores acceptæ vitæ fausta clamoribus Ciceroni sæpe plausuerunt. Itaque credo si Cicero tantam eloquentiam consequutus non fuisset, ut patriam conservaret, perficere non potuisset, ut Roma, cum Crassos & Antonios tantopere honorauerit, se principem eloquentiæ omnibus semper laudibus & honoribus affecisset. Quem pópulus in concione sæpe patriæ parentem appellasset, & hunc Catoni honorem decerenti sapius plaudere perstitisset. Quid à Catone, gravissimo homine, Senatore maximo, neque per se, neque per alios honorem impetrasset Cicero? qui præsertim vsque eo de suis rebus præclare gestis dixerit, ut populum ad ornandum se decorandumque commoverit? Neque est hoc dissimulandum, quod taceri non potest, sed præ nobis ferendum summam Ciceroni auctoritatem

tem tribuisse Senatū, & optimum quemque maximè illius ornandi cohonestandique cupiditate flagrasse. Illi denique, qui patrio fato miserimo hostes Ciceroni saepe fuerunt, auctoritate Patrum, studio populi, consensione omnis generis, ordinis, & ætatum decretos honores Ciceroni tribuerunt.

*Decimum tertium genus à testimonio cum
interrogatione.*

TAm etiam rudis & ignarus? tam expertus sacrarum litterarum? nihil ex concionibus acceperam? nihil ex veterum & nostrorum hominum annalibus erueram? nihil ipse cogitando conferendoque fueram assequutus? Nesciebam vitam breuem esse cursum, gloriæ cœlestis æternum? Cum esset omnibus definita mors, optandum esse, ut vita, quæ non multum duratura esset, Deo potius donata, quam reservata ad tam exiguum curriculum videretur? Nesciebam inter Martyres plurimos hanc contentionem & studium fuisse pro Religione moriendi, ut alij alij cuperent antevertere, & præire modis omnibus: alij cum se indignos putassent, qui hoc tanto dono ac munere per Deum immortalem afficerentur præcarios fuisse vehementissime, ne eorum diuina maiestas indignitatem inuerti veller, sed eos oculis benignitatis & misericordiæ plenissimis aspicere? denique cum omnia veri cultores nostræ Religionis ad cœlorum gloriam, & ad Christi Iesu decus immortale retulissent, nec sine eo quicquam expetendum esse mortalibus in vita constituisent, mortem, quam etiam milites quondam in acie, & homines etiam nostri fortiter pro suo Rege profudisse videntur; ego Doctor Theologus, natus iam tot annos, & in rebus Fidei concionator antiquissimus, non appetere? præsertim cum eius essem generis & gentis, ex qua Christiana Religio delata fuerat in vltimas oras regionesque terrarum, eamque retentam atque conseruatam ab initio susceptæ religionis semper integerrimè sanctissimeq; coluerim? Ex qua Beatus ille Laurentius propter animi magnitudinem Hispanus cognomento nuncupatus, decus & gloria Martyrum, post aliquot annos patria fortitudine præditus in vrbe Roma Scriptor præceptorem suum sequutus in supplicij vsque locum, pro Religione Christiana se deuouere cupiens, tamen à præceptore prædictum certamen, id est, crates accensas flammæque ardentes

ardentes fortiter subiit, constanterque tolerauit: ex qua innumerabiles alij Martyres partim Romanæ sedis defendendæ, partim Fidei Christianæ tuendæ causa mortem in varijs terrarum partibus, fortissimis & constantissimis animis oppetierunt. In qua Hispania ipse meminisse tyrannos multos in pueros, in virgines, in adolescentes, in viros atque senes, in omne genus hominum suam inauditam & execrandam crudelitatem adhibuisse, atque ipsa in terra ab hinc non multos mensures ossa reperta fuisse, reliquiasque sanctorum, atque hanc nostram viderem nationem cognomento Catholicos Reges obtinuisse, de hisque iure quidem optimo præ cæteris gentibus gloriatam esse: Hæc ego & multa alia cogitans, cum me ad fortissimorum & verè Christianorum hominum nostri generis, atque patriæ decus conformassem, non poteram ad mortem subeundam pro Christo Iesu summa semper alacritate non autem confirmare.

*Decimum quartum genus à testimonio cum simili
exemplo, per has particulas, primum,
deinde, inde.*

Memineram, Auditores, nostrum Ciceronem summum oratorem, atque iisdem, quibus humiles, parentibus natum, ad Rempub. capeßendam aspirantem, exeunte nondum adolescentia, cum prope vigesimum annum nactus esset, primo causam suscepisse Roscianam, deinde ad desperationem summam adegisse Chrysogonum, inde perorata causa cum victoria consequutus esset, ad inuidiam declinandam de ciuitate decessisse; atque illum eloquentiam suam, ne immatura concideret, ad salutem Reipub. & statum imperij conseruandum reseruasse. Ego qui (quemadmodum multi in Anglia, Elisabetha regnante, fame, siti, bonis, fama, capite periclitabantur) commodo non multo vivebam, quique ob eam causam de patria nonnullos annos decesseram, vt eidem postea in causa Fidei prodessem, nonne si vitam meam cum sanguine profudissem, patriæ profuissem meæ, in quo quidem nunc me redeunte, viuet mecum simul exemplum Fidei Christianæ, Religionisque conseruandæ?

Decimum

*Decimum quintum ab exemplis cum minoribus ad
exhortationem.*

QUod si apud Romanos olim tantopere à Christianorum disciplina disiunctos non deerant, qui Rempub. contra tyrannorum crudelitatem defenderent, cum omnes, qui ita facerent, indignissimas calamitates subirent: si Ciceronem illum parentem patriæ non deterruit à Repub. defendenda, nec Scipionis exilium, qui illud imperium tanto sui capitis periculo seruauerat, nec Camilli similis calamitas, qui vnus in exilio tamdiu fuit, quamdiu virum fortissimum eadem ad sui defensionem patria reuocauit, si summi etiam Atheniensis Reipub. viri, & inter illos Themistocles conseruatæ patriæ, & Aristides, vnus antiquorum iustissimus; si denique Mitridates non minori laude celebratus pro patria nullas calamitates ad eundas recusauerit: quid nos Christiani facere debemus, primum ea gente nati, vnde orta fuit virtus, & honestatis amplitudo? tum in tanta gloria insistentes, quæ sæculorum omnium immortalitatem respicit? deinde ad eam gloriam perfruemdam vocati, quæ tantæ est dignitate, vt eam hominem abiicere, nihil aliud sit, quam bonorum omnium cumulo, & diuini numinis aspectu velle carere in perpetuum, & in omnes sæculorum æternitates in flammis ardentes, in omnes cruciatus, & exquisita se tormentorum supplicia dare? Homines Christiani, qui pro Religione capita opposuerunt, in tanta hodie gloria sunt, non in Hispania solum, sed apud omnes gentes, vt eos qui gloriam istorum, aut virtutis laudem sequuti non fuerunt nemo nominet; imitantium verò laudem omnes grata recordatione prosequantur. Quis mortalium sanctissimis hominibus pluris fuit robore, consilio, honestate, religione, virtute; factis admirandis, qui omnes pro fide Christi defendenda cum hostibus corporis deterrimis, & inimicis religionis Christianæ capitalibus per omne vitæ suæ tempus tanto periculo ac discrimine decertauerunt? Imitemur Laurentios, Sebastianos, Vincentios, Stephanos, & Martyres reliquos innumerabiles, qui causam Religionis tantopere defenderunt. Repetamus præsentis vitæ voluptates, in sæculorum immortalitatem intueamur, id esse appetendum putemus, quod erit sanctissimum; cogitemus denique vitam esse breuem, & planè perituram, gloriæ cœlestis cursum æternum & immortalem.

*Decimum sextum amplificationis genus ad hortationem
cum exemplorum collatione ex minore &
enumeratione.*

QVare Patres incumbite ad bellum istud graue & periculoso-
sum : circumspicite omnia mala, quæ impendent : nisi pro-
uidetis, non hostis Fidenates, qui debilis & infirmus fuit ;
non Companus, qui primis temporibus nascentibus Reipub. to-
ties aperto Marte vobiscum contendit ; non denique Gallo-
rum exercitus, qui si timeri solitus est, à Romanis tamen pri-
mo fracto imperu suis viribus, nihil erat, quod metueretur de-
inceps ; Sed imminet Annibal Carthaginensis, qui ad urbem op-
pugnandum ; ad capiendam ; delendamque Rempub. ad Impe-
rij sedem & domicilium in urbem Carthaginem, si posset
transferendum, iam inde à pueritiâ iureiurando constructus
venit. Versantur in Italia exercitus & copiarum suarum : castra collo-
cantur in oculis & conspectu Romanorum : Saguntum sociam
& amicam populi Romani ciuitatem, expugnauit, transiit Al-
pes, sollicitauit multas Italiae partes, multos concitauit, multa
contra nostros homines fecit praelia secundissima, Capuam
cepit. Inde post refectos & recreatos milites in urbem nostram
se venturum esse minitatus est. Id consilij cepit, vt Roma ca-
pta nemo nec ad deplorandum quidem populi Romani ho-
men ; neque ad lamentandam tanti Imperij calamitatem re-
linquatur. Hæc omnia Romani exploratores detulerunt, capti-
ui confessi sunt ; vos multis iam calamitatibus acceptis metui-
stis : primum quod in Italia regnat, atque dominatur, neque quis-
quam est, qui illius futuri resistat : deinde quod hos in lacu Thra-
cimenno stragis in Romanis editæ adhuc deplorandæ finem
non fecimus. Ad hæc quod nos incensibus ipsis, atque aded
intra mœnia ciuitatis compulsi : tum quod eum exultantem ;
atque furentem neque Fabius Maximus compressit, non eie-
cit ex Italia, non repulit Carthaginem : maximeque quia no-
stras ille vires tantorum interfectione militum ; tot praeliorum
exitu secundissimorum, perdidit atque profligauit in multum
tempus. Denique quia ab urbe Capua dominari iam incipit ;
& potiri rerum : omnes autem nationes scientia tantorum ma-
lorum in nos arma capient, atque nos labefactabunt. Quare in
tanta desperatione rerum vna dignitatis recuperandæ, & à

tantis calamitatibus respirandi ratio videbitur, si ad obsidendam Carthaginem mittatur Sci io, & quâ prædictus est fortitudine, premens eam obsidione vehementi Annibalem ad patriæ defensionem reuocet.

Decimum septimum genus per expolitionem facta collatione exemplorum, & varietate verborum ornatum.

Sic David ille clarus, cuius demissione, atque virtute Goliath Gygas immanissimus graui lapidis ictu ad pedes patris vnus resupinus iacere visus est. Ornetur eximia laude B. Michael, qui Luciferum, & illius sectatores nequissimos tribus duntaxat verbis ad inferorum sedes deturbauit præcipites. Habeatur miles Christi singularis Franciscus qui demissionis admirandâ virtute humilis cognomentum inter alia suarum laudum ornamenta reportauit. Sit in æternâ gloriâ integerrima Virgo Maria, quæ demissione cœlesti se Deo immortalis ancillam professâ, Filium Patris Æterni in aluo sanctissima inclusum nulla suæ integritatis labecula, de cœlorum sedibus ad naturam humanam mira sibi societate copulandam attraxit. Anteponatur omnibus Christus Iesus, qui Patri æterno meritis omnibus, & ornamentis cœlestibus æqualis, ut nos ex dæmonis seruitute liberaret, naturæ humanæ societatem in vtero Virginis inire non grauatus est. Erit profecto inter demissionis Principes aliquid loci gloriæ bonorum & sanctorum hominum, qui se demittere & abijcere voluerint in tantorum Heroum & præcipue Virginis, & Christi Iesu vestigijs inhaerentes.

Decimum octauum genus ab exemplis ex maiori ad indignitatem rei ostendendam.

Sed quod ego nondum statuebam mihi esse dicendum, vos tamen id potestis animis vestris cogitare. Vnum hoc certè videor mihi verissime potuisse dicere, tum cum haberer orbis terræ diuersis temporibus, & diuersis in locis Syllas, Marios, Cinas, homines non solum vitijs multisque sceleribus, verum etiam magnitudine crudelitatis efferatos: ac cum erant

Diome-

Diomedes, Dionysij, Siculi, Phalarides, Agrigentini, & Neron-
nes, non minore crudelitate nobilitati, quorum immanitatem
diritatemque in alieno suoque sanguine, maternoque corpore
accepistis, tamen huiusmodi tormentorum genera visa nun-
quam fuerunt, nec audita quidem, quæ in corpore B. Laurentij,
aliorumque Christi Martyrum exercita.

*Decimum nonum amplificandi genus ab exemplis cum
collatione & consequentibus.*

MEmoria teneo Ioannem quendam Scholasticum, cum es-
sem in quattuordecim classe, quod ab alio condiscipulo ac-
cepta iniuria, multos dies neque verbum ullum fecisset. inimi-
co intuens animo, a præceptore pertinaciæ fuisse reprehensum.
Neque iniuria, qui exemplar fortitudinis, formam patientiæ,
regulam constantiæ vna præsentis iniuria, silentio obscurasset.
Quanto est Antonius Ioannes in accepta iniuria maiore sup-
plicio dignus? siquidem ille cum iniuriam nullo malo indi-
casset, proloqui duntaxat verbum nolle visus est, ne geminandi
occasionem alteri daret. Hic cum verbo laceffitus esset, non
modo parem gratiam verbo referre visus est, sed seipsam sua
manu ultus fuit, at Antopius inuentus est, qui pro vno malo
duplex referre contenderit. Cum hanc eius gravitatem; auda-
ciamque vidisset moderator suæ classis, omnesque condiscipuli
propter violati scholastici malum graviter offensi fuissent, &
iam illum, qui multorum sæpius patientiam tentauerat, magi-
ster perferendum amplius non iudicaret, accessit animaduer-
sore, præsentibus alijs condiscipulis Antonium rogavit, esset il-
lius facti reus. qui cum se esse respondisset, comprehendi ado-
lescentem iubet, & in equuleum impositum debito supplicio
affici.

*Vigesimum genus amplificandi ab exemplis cum compa-
ratione, per dubitationem & conten-
tionem.*

QVondam apud Cæsarem Dictatorem maximum, locus &
facultas data est Cicroni, de Q. Ligario reo dicendi: non
quod Cæsar Ligarium absolendum aut causam dubiam esse
putaret:

putaret: sed quod dicente Cicërone precibus amicorū aures non oculuisse suas, neque ipsi suæ pristinae dignitati restituisse videretur. Quid conferam? conferamne Cæsarem cum Sylla? an bonitatem vnius cum alterius sæuitia? an verò tempus cum tempore? Cæsar natura suâ clemens fuit, mansuetus, benignus, misericors: Sylla crudelis, impius, immanis, ferus. In Cæsare ad veniam dandam, & ad reos absolucndos propensio misericordia visa est: in Sylla ad dampnandos etiam innocentes, & bonis omnibus, & vitâ priuandos ingenium atque natura. Tempora Cæsariana, tranquilla, pacata: Syllana verò turbulenta, & omnibus concitata tempestatibus.

Vigésimum primum genus amplificandi, ab exemplis cum dissimili.

CONsueuerunt non multi præceptores, si ab omnibus esset Scholasticis flagitium admissam, arbitrio in principes animaduerrere, vt & metus videlicet ad omnes, pœna ad auctores perueniret. Quod idem facere in maleficijs, & in iudicio ciuium pœnâ constitutâ legum qui conuenit? nam Scholasticus, qui scelus architectatus non est, non grauem adeo culpam contraxit; potest idem postea facilius adolescens esse bonus, & alieno malo sapere, etsi omnes, vel nimium multi supplicium subiissent, in præceptorem conspirassent omnes, & perferre pœnam nollent, & vt minimum abirent, vacuum & inane relinquendo gymnasium, ipsumque præceptorem, solum & desertum in summa solitudine. Hoc Magistratus faciunt in pœnis irrogandis, cum illi potestatem in legem non habeant ad augendam mitigandamque pœnam? neque verò tam multi sint, qui delinquant ciues, vt non multis partibus maior relinquatur numerus in ciuitate, vt qui in eadem culpa sint, hos eadem pœna affici oporteat.

Vigésimum secundum amplificandi genus à testimonijs superiorum similibus.

Rhetor quid tibi cum Grammatico? quid cum alterius ordinis adolescentulo? cur aut tam familiaris huic fuisti, vt Grammaticum ascisceres? aut tuus tam inimicus, vt Rhetores proderes? non Rhetorem aliquem habebas? non fratrem,

non patruelem, non vicinum, non condiscipulum, quite vellet, qui amaret? non denique te Rhetoris classem frequentare memineras, omnium clarissimi & maximi quidem ornamenti, omniumque facile principis, qui simul ac te cum Grammaticis coniunctum viderit, omnes propè Rhetores indignitate, discrimine, humilitate dedecorari diceret, qui ex superiore humaniorum litterarum classe in Rhetorum ordinem clarissimum ascriptus cum fuisset, de tanto confesso non dedecorando debebas agere. Cur tibi Grammaticus tam coniunctus fuit? affinis tui ipsius, vel cognatus? nihil horum. Quid igitur fuit nisi desidia quædam & temporis amittendi nefaia libido? non si te Rhetorum ordo clarissimus non commovebat, si attris tui dissimilis quidem ratio ænulum fraternæ virtutis in Rhetorum familiaritate esse admonebat? non tot adolescentes optimi, Rhetores præstantissimi, qui classem complexi suam ab studio Rhetoricæ augendo cursuque contento dimoueri non potuerant. Quid ornatis? quid circulos cætusque consecratis negligentium? quid Grammaticum, & inferioris ordinis alumnum comitaris?

Vigesimalterium amplificandi genus à testimoniis concludendum cum præteritione & Interrogatione.

ATque ut aliquando de rebus ab isto duce præclare gestis, laudatisque, & de iudicijs à viris præstantibus factis dicere desistamus, & quoniam virtutes istius bellicæ in singulis bellorum generibus infinitæ sunt, nos modum aliquem & finem orationi nostræ laudationique facimus: pauca ex militaribus præmijs, & honoribus sumemus. Audistis ob fortitudinem suam laudem ab Imperatore maximam, & omnes qui militibus dari possent, honores consequutum fuisse, testantibus litteris suorum commilitonum, quæ ad patrem, ad amicos, ad concives frequenter de laude tanti viri tam celeriter commeabant, ut alias aliæ consequerentur, & vnis perlectis aliæ non semel in manus nostrorum hominum venirent. Accepistis Lucium Syllam properantem in Italiam ut subsidio Pompejo esset ab hostibus circumuento, descendente ex equo complexum fuisse, & Imperatoris nomine affectisse id temporis Pompeium adolescentem, qui honos post condi-

tam Romam adolefcenti contigerat antea nemini. Legiftis militum testimonia in Africa Pompeium eundem cognomento & honore maximi afficientium: fcitis Afaticos, & hifce regionibus finitimos, omnes præterea nationes bello cum Romana gente decertantes pro laude Pompeij dixiffe hunc fe omnium maximè Romanorum Imperatorem metuiffe: de quibus testimonijs, quid ego plura dicam, cum litterarum monumentis commendata fint? quid porro amplificem, cum nulla testimonijs huiusmodi paria poffint effe lumina dicendi? An hoc dubitabit quifquam omnium, quin is imperatoriam lat dem & gloriam metuerit, cui fenatus, Populusque Romanus tres gloriosos ex tribus maximis terrarum partibus triumphos cunctis plaudentibus agendos decreuerit? Quod præterea genus gloriæ militaris non obtinuit? ecquæ res apud Romanam ciuitatem expetetur? aut honos aliquis fuit? aut potestas, aut procuratio, quin eam rem ad fortitudinem, felicitatemque Pompeij Senatores detulerint? commendata funt genera bellorum, quæ per Senatum demandata Pompeio fuerunt, procurationes rei frumentariæ, adminiftrationes urbanæ, quorum omnium tanta fuit multitudo, quantam cuiuscunque exoptare dementis effet Imperatoris.

Vigefimum quartum amplificandi genus ab Exemplis cum Enumeratione per subiectionem & Repetitionem duplicem in exitu oftentantem sese.

Sed expectant ij, qui audiunt exempla ex veterè memoria, plena dignitatis, plena antiquitatis. Hæc plurimum folent, & auctoritatis habere ad probandum, & iucunditatis ad audiendum. Fabios mihi & Catones Uticenfes commemorabis & illos feciffe idem dices, vt honores habuerint Populi Romani maximos. Quamuis res non placet, tamen ipfa veritas facit, vt hoc negare nequeas, quorum illi oblatos triumphos non repudiarunt, Catones nullam ftatuam in celebriore ciuitatis loco ftatui fibi permiferunt. An cum hos non poteris proferre, proferes Romanos alios, Pompeius atque Cafares, qui de principatu terrarum, armis inter fe certarunt? qui cum omnes honores gelfiffent, vel plaufus minui fibi datos fecerunt, vel ob eandem caufam, quod plus nimio appetentes honoris fuiffent, exitus habuerunt calamitofos & exitiales. Ma-
gna

gna est verè sapientium auctoritas, & tanta, vt etiam delicti
 suspicionem tegere potuissent. Non habebis nec ex his qui-
 dem hominibus, qui vnquam fuerunt, si verè sapientes habiti
 sunt, vllum auctorem dignitatum ambiendarum. Quo me i-
 gitor, aut ad quæ exempla reuocabis? aut illis Philolophis an-
 tiq. uissimis, qui tum honoribus carere voluerunt, quorum &
 meliores mores erant, & hominum ex. stimatio Græcorum
 habebatur, & præcepta legebantur seuerissima, ad nostrorum
 hominum licentiam & libidinem me abduces? in quos graui-
 ter debacchari poterant omnes opertere, ab his inanitatis
 tue, & elationis exempla queres? non fugio, neque nostri
 sæculi mores probatos, & spectatos, & ex quibus, quos sapien-
 tium paucitas probat, non quos Imperatorem libido sequi-
 tur amplectamur. Non etiam igitur ex Annalium monu-
 mentis exempla plura, sed viros sanctissimos, Franciscos, Do-
 minicos, Hieronymos, Augustinos proferam, qui tanta virtu-
 te fuerunt, tanta sanctimonia præditi, vt in ipso sanct. ssimo-
 rum, & clarissimorum Confessorum, ac Doctorum, quos Ec-
 clesia suscipit, numero reponantur: in his exempla contem-
 nendorum habemus honorum, & ea singularia. Itane verò
 D. Franciscus diuitias aspernatus est, & cum mercatorum ar-
 tem exercere potuisset, & ista ratione pecuniam innumera-
 bilem facere, non statuit sibi conuenire, quod non Christum
 hoc modo nudum & spoliatum vestibus, pendentem de cru-
 ce sequeretur, sed paterno se patrimonio, amplo satis & co-
 piose se abdicauit, & tu pecunijs & diuitijs sæculi inhiantem a-
 uaritia, imminebis? D. Dominicus noluit Canonicus esse,
 noluit honores ætatis decursu deferendos, idem reliqui
 Christi milites fecerunt, & quod nemo nisi sectator sæculi
 fecerit, id te aliorum exemplo fecisse contendes? sed in istis
 viris non quæram exemplum: hoc ipsum tempore Religiosorum
 omnium vtar exemplis. Sacrarum Christianæ Religionis fa-
 miliarum milites sanctissimi, vos appello, quorum innume-
 rabiles cum in honoribus maximis essetis, & intelligeretis,
 quam in lubrico difficiliq. loco versaremini, quemadmo-
 dum vos de sedibus celsissimis ex inferiorum regione dare
 potuissetis, quod Apostoli fecerunt, & in Christi Iesu socie-
 tatem conuocati, vno verbo, in tanti Domini disciplinam se
 traderent, id vos fecistis incredibili magnanimitate ac robo-
 re præditi, non ex Christi sed ex concionatorum ore audito ver-
 bo, magno sensu, ac motu animo vno maximo, luce de cælo

vestris mentibus allata, instinctu diuini numinis afflati. Sed quid ego familias sacras appello, quorum institutum obedientiæ, castitatis, & paupertatis mœnibus, & sepimentis vallatum est, cum in ipso introitu vitæ vagientem, & iacentem in præsepicio cœlorum opificem videamus? Cùm eundem per tres & triginta continuos annos, vitam inopem, & ab humanis rebus derelictum agentem, concionantem, & cohortantem ad despicientiam, & contemptionem rerum humanarum videamus? Et qui se tanto dedere Domino, qui vitam suam & institutum prosequi voluerint, hos humeris suis crucem suam deportare iubeat? Si non aliud exemplum spernendarum haberemus diuitiarum, nisi auctoris vitæ in tanta rerum inopia extremum æterno Patri spiritum exhalantis, id satis esset ad inanitatem & conditionem rerum humanarum agnoscendam. Valeat igitur apud vos lectus ille Crucis angustissimus: valeat derelictio suorum discipulorum, solo Ioanne Euangelista, Virgine Maria ad extremam Crucem permanente: Valeat corpus exutum spoliatumque vestibus: Valeant angustiae deformi aequo corporis ex omni parte sauciati: & quod ad inopiam addi potest sponte delectam, extremis in angustijs acetum felle permixtum ad sitim expiendam à sceleratissima Iudeorum gente fuisse porrectum. Fuit istud scelus Iudeorum, & feritas immanissima, & quod omnes facile videbunt, omnis generis rerum, quæ innocentissimo Agno leuamentum afferre possunt, manifesta spoliatio. Quæ vel sola mortalium animos eò debuisset adducere, quo Christianæ Religionis absoluta perfectio nos vocat, ut iubeamus valere diuitias, honores valere, valere quæ sunt infra lunam, quæ finibus terræ continentur, & ad diuina, & cœli sedibus altissimis contenta animorum aciem intendere.

Vigessimumquintum Amplificandi genus ex pluribus Exemplis, cum Repetitione.

IDeone Cicero pater eloquentiæ dictus & habitus est, & ut specimen eloquentiæ proponitur Rhetoricæ studiosis? Ideone Virgilius exemplar formæ diuini poëseos, Anneus Lucanus, Horatius Flaccus, ceterique Poetæ relegendi, à bonis præceptoribus enarrantur suis auditoribus, ut vos omisso veterum exemplari, & ut planè dicam, petennibus, & inexhaustis ligatæ solutæque orationis fontibus paludes & cœnosos lacus hauriatis?

*Vigefimum sextum genus amplificandi, à contrarijs
exemplu.*

MAgnum est in lenitate permanere, nisi causa aliqua requiratur seueritatem huiusmodi. Scipio ille fuit, quem quotidie tanta lenitate natura fuisse accepimus, ut omnes humanissime benignissimeque alloqueretur, quem non poenitebat quotidie, imo delectabat maximè id facere. Quem laudauerunt veteres, ut amicitiam alicuius iniret, & gratiam, (quod faciebat) colligeret, antequam rediret domum suam. Quis Cato Casare comior? quis iucundior? Eodem ex numero fuit ille, quanquam Imperator, & constitutus in summa dignitate. Possum in Cn. Pompeio, in Servio Sulpicio hanc laudare comitatem; sed à disciplina Christi introducam aliquos. Existimesne ipso Francisco, ipso Dominico benigniorem, comiorem, mansuetiorem fuisse ad omnem rationem benignitatis comitatisque quenquam? De quorum præstanti virtute cum verè sancteque dixerimus, Christianum nos proponere vides exemplum ad imitandum. Qui sic se ad benignitatem Christi, Iesu imitandam conuerterunt, ut illorum nomine possimus dicere, tolle ex Christiano homine veteris nomen Catonis, tolle supercilium, & nubeculam frontis, remoue fastidium, & intolerandam ferocitatem, & induc facilitatem comitatemque naturæ, cum laudemus in homine Christiano auctoritatem gravitatemque summam, intelliges ex Religionis Christianæ moribus, ac sanctitate composita ad modestiam, ad virtutem, ad hilaritatem sanctam exemplum.

*Vigefimum septimum genus Amplificandi ex duobus
exemplis contrarijs, & testi-
monio.*

HOmnes improbos, & de maiestate Dei parum cogitantes, scimus solitos esse dicere, idcirco se multa sæpe scelera non commisisse, quod aspectum, & oculos hominum non semper fugere possint; ut si quid aliquando, quod factum turpe sit, & auditum, ab illis esset dictum aut factum, eorum oculos & ora cernere verecundarentur: perinde quasi quid à nobis dictum aut actum sit, cum in eo oculos hominum vitaverimus, fugere possimus præsentiam divini numinis, ubicun-

que locorum deliquerimus, in quocunque recessu remotissimo, in deserta solitudine, in tenebroso caliginosoque loco? Ego verò in omnibus meis factis libentius cum bonorum, tum sanctissimorum, & perfectissimorum hominum virtutem sequar: qui cum quidquam faciunt, cogitant, aut loquuntur, Deum ante oculos statuunt sibi semper, in cuius ore vultuque versari se semper vident, & pro certo habent, id quod vates diuinus litteris mandauit, vt id homines memoriâ comprehendant, & Dei recordatione ad diuinæ legis cultum sanctimoniamque colendam erigantur. Quod & militem quendam Christi leu perfectum mulieri profligata respondisse non ignoramus, quo vno verbo perditam mulierem continuit ac repressit totam insanæ libidinis ardore deflagrantem.

*Vigesimumo ctauum amplificandi genus ab Exempli
ad refellendum contrarijs in exitu
conclusum.*

NEgant tantis præmijs efficiendum esse quenquam, quantis Cn. Pompeius affectus est. In quâ tandem vrbe hoc homines stultissimi disputant? nempe in ea, quæ factum vidit Horatij, fortissimi viri, cum occisos à se Curiatios esse constaret, qui nondum ferè descriptione maximâ Reipub. in ipsis cunabulis vagientis ciuitatis, in curru triumphans ingressus est, cum minimè Dux creatus fuisset, neque fudisset, fugassetque copijs suis exercitum inimicorum, sed de pactione partis vtriusque res Horatij & totidem Curiatij fratres mutuo discrimine prælium dirempturni essent, & duobus Horatijs occisis, tertius, qui restabat, tres occidisset Curiatios indultria fortitudineque sua. An est quisquam qui hoc ignoret, cum de fortissimo duce decorando quæreretur facti potius habitam fuisse rationem non hominis? Nisi verò existimamus dementem populum Romanum fuisse, qui duces fortissimos, quanquam infima fortuna & genere natos, fortitudinis honoribus decorandos nunquam dubitauerunt. Neque enim posset, aut Caius ille Marus, aut Q. Metellus, aut alij viri fortissimi subactis bellicosissimis nationibus non triumpho indignus videri, si infimos homines fortes & inuictos honore rei militaris affici nefas esset. Itaque hoc Romani non sine causa legibus sancitum esse voluerunt, cum qui

patriz

patriæ defendendæ causa prælium grauissimum commisisse, victoria reportata non solum statuis & monumentis, sed laurea triumphi cohonestari debere. Quod si leges Romanæ factum non spectassent, sed hominem, quis esset, qui ad laudem aspiraret capitis periculo proposito; cum videret ad similem Cn. Pompeij laudem aditum tibi præclusum esse? Atque si lex est vlla, si Respub. toto terrarum orbe, quæ facta fortissimorum hominum, etiam tenui fortuna præditorum dignissimis præmijs compenset, certè leges sunt, & Respub. Romana. Fuit enim hæc Respub. à primordijs suis, non illustris & clara statim nobilitate maiorum, sed facta, aucta, & conseruata, Dominæ gentium Ducum fortitudine suorum. Quam dominationem, non generi sed fortitudini, non diuitijs, sed virtuti, non stemmatibus, sed rebus egregiè gestis illustrandam decorandamque decreuerunt.

*Vigesimumnonum amplificandi genus ab Exemplis ad
Confirmationem spectans, antithese
ornatum.*

AC multi, & nostra, & Atheniensium, Romanorumque memoria fuerunt summi Imperatores, & benè de patria meriti, quorum cum adolescentia in stipendijs traducta non fuisset, res præclarè gestæ, exercitu demandato extiterunt: ex quibus neminem necesse est nominare. Vos ipsi vobiscum recordamini Cn. Pompeium, cuius adolescentia, non stipendijs, sed victorijs illustris exitit. Quod si alios nominare vellem, multi à me summi atque oratissimi Imperatores prædicarentur: quorum cum partim adolescentia domi, partim in negotijs publicis occupata, partim firmata iam ætas, & in foro, & in magistratibus consumpta esset, illi tamen magno armorum vsu laudem Imperatoriam obtinuerunt. Ex quorum numero Ciceronem proferre potuissemus, qui in Sicilia exercitus duxit, res maximas gessit, appellatus fuit Imperator, cum miles antea non fuisset, sed orator, Romæ semper, & in foro versatus. Quid quod post Pharsalicum prælium summa totius belli, si voluisset, ad illum cunctorum principum incredibili consensione deferretur?

Quoniam in confirmationem ac refutationem potissimum noster adhuc labor spectauit, figura quamuis eas non pretermisimus, non sunt omittenda, præter alia, quæ animaduertere debet à nobis allata dicendi lumina Rhetorica studiosus alumnus, quæ ex ordine suo sequuntur ad exemplorum exercitationem, insignia dicendi.

Primum Exemplum per Præteritionem cum Repetitione ornatum.

Quid ego nunc condiscipulorum suorum testimonia producam, qui ingenium Marcelli, quotquot omnibus litterarijs concertationibus interfuerunt viri ingeniosi, tam erudi-
 lescantis, tamen omnium Scholasticorum primi præstantissi-
 miq; commendarunt? Quid sodales istius Ioannem Ildefon-
 sum, & Antonium Franciscum Scholasticos probatissimos &
 ornatissimos afferam? Quid aliorum comitum ac sociorum ser-
 mones honorificos proferam, quorum omnium testimonijs
 multa de nostri Marcelli ingenio pro familiaritate, quæ sibi
 cum eo fuisset priuatim & publicè abhinc tot annos cognoui-
 stis omnes? Quid præceptores nominem, qui concertationes
 & publicas & priuatas Gymnasij, pro suo summo ingenio to-
 ties eidem detulerunt, & testimonijs suis melius hæc prædica-
 uerunt, quam quisquam narrare potuisset, quid dicam exorna-
 re? Noua cuiquam nostrum hæc sunt, & inopinata: nonne pri-
 mum hoc ingenij acumen, has Marcelli laudes aures nostræ
 acceperunt? nihil non de præstantia ingenij, nihil non de stu-
 dio, de diligentia, assiduitate, progressionibus audiuius, &
 iam pridem ab eo tempore, quo in academiam venit, multa de
 Marcelli laudibus fama disseminauit?

*Secundum exempli genus tractandi per præteritionem cum
 frequentatione.*

Quid quod is adolescens, & semel ab scholis eiectionus? non
 dico hoc tempore, id quod nescio an dici oporteat, illum
 foliorum pictorum fuisse coniectum. Non recito testi-
 monia

monia adolescentum nobilissimorum, quæ in Ioannem dicta sunt ab ijs, qui huius classis, cum imperio ac dignitate Consules & ræfecti nobis omnibus præfuerunt: quorum testimonijs planum equidem factum est, maximè, eius operâ, cum præceptor abesset, in gymnasio seditiones dictæ sunt de peragratione viarum, quas me pudet nominare, quas ille cum audisset, quanquam erat natura impudens, tamen demibit illico vultum, & oculos. Omitto hæc & alia permulta, quæ per omne anni tempus in hunc dicta sunt. Hoc dico, magnam semper fuisse magistratibus, & principibus gymnasij, honestissimis & præstantissimis adolescentibus controuersiam cum hoc scholastico, quem omnes accusant, quem nemo videre potest, quem explosum & eiectum iam pridem cupiunt omnes, quotquot sunt, cendi discipuli. Dicunt idem, quod ego dico, clam multos per illum abstractos ab studijs, detentos in plateâ, & illectos in suas fraudes. Ir. idetur hæc istius dissimulatio, & persona adolescentis boni suscepta, sicut in titulis incisis, quæ sunt ad Virginis Annunciatæ, quos ideo inscripsit, & incidit palam, ut tegeret sua vi iâ specie Religionis in virginem. Nunc exagitantur eiusdem fraudes, & fallaciæ, tota istius adolescentia in huiusmodi ratione versatur, aperitur ingenium, & natura, ex tegumentis & inuolucris euoluitur, facta & mores illius in medium proferruntur. Itaque nihil ab illo factum, neque dictum probatur bonis, & virtutis amantibus, & princeps & architectus totius simulationis habetur.

*Tertium exemplum amplificandi ab exemplis per
Præteruisionem.*

QUa de re si vnum factum ex omni delectâ iuuentute protulerō, plura non afferam; non enim mihi exemplum magni præstant. Ique adoleſcentis Petri Augustini prætereundum videtur. Qui cum esset nobilis, & in alumnorum eloquentiæ bonorum numero habitus, in medium prodiens, clara voce, ut omnis concio audire posset, dixit, se scire reum nihil eiusmodi eorum, quæ inquirerebantur, fecisse: si quis contradicere vellet, dicturum se pro reo testimonium: deinde nemo repertus est, qui contra eum testimonio suo veniret. Itaque non culpa solum, sed suspitione vnus boni adolescentis voce liberatus est, vide quid virtus faciat.

Quartum

*Quartum genus amplificandi ab exemplis ex more
maiorum per Præteritionem.*

Hic ego iam illud quod notissimum sit, nec attingo quidem, Auditores, non esse hanc à nobis, à maioribus rotundam consuetudinem, ut adolescentes discumbant in honoratiore loco; cum senes inuitantur ad conuiuium, omnibus profectò legibus adolescentibus semper imberbibus senes, & canis oppletos & capillatio esse præpositos non ignoramus; itaque hanc discumbendi, & contemnendæ senectutis sordidissimam & fœdissimam nouitatem semper reprehendisse maiores nostros alienam ab omni humanitate gentis, alienam à dignitate communi, atque ipsa indignissimam præstantiâ nobilitatis accepimus.

*Quintum genus amplificandi ab exemplis à more eodem, cum
Minore per Præteritionem, adiuncta Repetitione & Interrogatione.*

Multi obuiam prodierunt Archiepiscopo in urbem ingredienti. Quid autem habet admirationis tali ac tan principi aduenienti, Pastori suo, obuiam procedere omnis generis, ordinis, & ætatis homines? quod nisi esset factum, magis mirandum videretur? Quid si etiam illud addam, quod in more positum est in aliorum multo inferiorum aduentu rogatos esse multos, num non criminofum atque vituperandum, quâ in ciuitate rogati equitum nonnullorum aduentum ciues magno cum honore exceptum, obuiam ire soleant, in eâ non sese effundere, omnes ordines, ad pastorem suum excipiendum in tanti præsertim Principis dignitate venientis? Quid ergo miremur omnes equites occurrisse, quorum ex flore Princeps iste fuit? Quid senatores Hispanentes? Quid Tribunos plebis? quid si illa officiosissima, quæ neminem sui generis patitur non honestè in urbem introire, Cruciferorum cuiusque ordinis equitum & Comitum & Marchionum vniuersa nobilitas potentissimorum, si denique ipsi Duces cum bene magno grege suorum obuiam venerunt? Mitto conuentum Ecclesiæ, lortionarios, Canonicos & eos, qui dignitates

gaitates habent in Ecclesia, quos de officio suo exire obuiam necessarium erat. Mitto multos etiam alios equites alienigenas, qui ad introitum expectandum venerunt. Hoc dicam concursum in isto officio nullius ordinis, neque generis, neque fortunæ non modo dignitati istius Principis, sed neque voluntati quidem defuisse.

Sextum genus amplificandi per Inductionem ab exemplis, cum Repetitione & Præteritione.

Non placet Dialectica Iuliano, non placet etiam Hæreticis: At placuit veteribus, ut eos primum nominem ex sæculorum omnium memoria, qui annos ante multos vixerunt. Placuit Illocrati, cuius semper apud Philosophos valebit auctoritas. Placuit duobus Philosophiæ luminibus Aristoteli, & Platoni, Senoni, Diogeni, Aristippo, Crati, qui semper magna scientia præditi celebrantur. Placuit idem, quod Philosophis, magnis Imperatoribus Pompeio, Cæsari, qui multas artes adolentes, tum Dialecticam ad exquisitas rationes inuestigandas didicerunt. Maximè verò Philippus Rex Macedonum probavit, qui ut primum Alexandrum natum aspexit, sibi de felicitate gratulatus est sua, quod filius præceptorem Aristotelem habiturus esset. Sed quid veteres Philosophos, & præceptores commemoro? Conditoribus Academicæ placuit, ut nullus annus esset, quin liberalium artium curriculum iniretur, & qui Medicinam præcipuè vel sacram Theologiam percipere vellent, hincsi Dialecticam, Philosophiæque cursu confecto Medicinæ, cælestisque Theologiæ studia non instituerent. Sed quanquam his testimoniis quæ dixi, nihil esse potest locupletius, veniamus tamen ad insignia Dialecticæ, quæ non minores habet in academiis honores, quam cæteræ facultates atque disciplinæ. Siquidem Baccalaureos, Licentiatos, Magistros, suis & propriis insignibus ornatos Dialectica profert. Atque illi ipsi Iurisconsulti nunquam olim sine Dialectica Ius Civile inchoarunt. Nunquam magnus aliquis orator habitus fuit, nec erit vlla unquam ætate, nisi fuerit præditus hac disputatrice indagatriceque veri Dialectica. Atque viderunt aliqui in publicis Iurisprudentiæ contentionibus, vna ratiocinatione proposita.

sine

sine dialectica, conticuisse propugnatores Iurisperitiæ. Sed quid mirum? Hæretici confectantur errores, falsas opinioness fraudes, & fallacias, quibus liberari nolunt homines, in quas auctores hæreseos tantam multitudinem adduxerunt. Similis illis Mahumetes, qui sectam suam in disputationem venit prohibuit, de suis erroribus constare noluit, quos rationibus huc & illuc rem trahens Dialectica sustulisset.

*Septimum genus amplifi. andi per Præteritionem ex
Dissimilibus.*

Scilicet huic ego suasi, ut studium iniret litterarum: Etenim si voluntas abesset huic homini, & à re litteraria ille prorsus esset alienus, hunc equidem pater excitaret, & ausus, quorum uterque litterarum itinere contendit. His igitur parentibus ortus, ab alienis potius, quam à suis exemplum peteret, & militiæ se potius dederet, quam studijs? Quid? idem adolescens ea familia natus, quæ non modo honores academiarum consequuta fuerat, sed magistratus regnorum & sedes amplissimas, me auctorem credo, desideravit: qui etiam sine hisce exemplis clarissimis academiam in sua patria habebat, ut sine sumptibus, & carens patrio solo, quod nunquam relinqueret dum constituerat litteris operam navaret? hunc eundem non patris voluntas clarissimi, non imperium eiusdem; non legatorum accessio, si viam parentum sequi voluisset, ad rem litterariam, sed mea persuasio excitavit. An huic adolescenti persuasi, cui fratres militari studio arrepto ne suadere quidem potuerunt; quo etiam maiorem ei familia gratiam debet, qui parentis voluntatem & imperium pluris habuit, quam fratrum expectationes, & spes à principibus allatas? An ille me auctorem sequutus, quem ego magis facturum esse putarem, quem fecisse admirarer, non admirarer autem ob eam causam, quod patris scripta cum teneret, & ab eodem relicta cum accepissent Doctores academix, hunc ad Iurisperitiæ hortabantur, quod memores paternæ scientiæ magnam academix, & studiis Iurisperitiæ utilitatem allaturum se fuisse putarent. Quid patruos dicam, Antonium? an Martinum? & horum qui cathedram tenebant, auctoritate censetis non excitatum potius, quam persuasum meo? Longum est persequi alios principes, huic adolescenti, quos scimus fuisse litterarum

suasores, idque academix nostræ gloriosum, fuisse tam multis istius utilitatis amantes, ipsius verò, qui academix prouident, gloriosus.

Octauum genus cum his particulis, quid, nonne? & articulis & interrogationibus.

Quid cum Christus passus fuerit, Christianis existimatis statuendum, & faciendum esse? quid veri Fidei cultores? nonne hoc exemplo omnes sibi subeundos labores, omnes referendas dolorum acerbitates decreuerunt? quid Martyres Christi Iesu fortissimi, nonne omni modo ad caput & iugum dedendum, & ad vitam cum sanguine profundendam contulerunt? Quid denique speciatim Sebastiani? Quid Laurentii? quid Stephani? nonne sagittas, flammæ, & lapides incredibili fortitudine & alacritate pertulerunt? Ista est equidem celestis ac diuina Christi Iesu virtus, isti fructus vberissimi suæ passionis, quæ nos excitati corpus istud in summos cruciatus dare, & in quasunque non dubitamus tempestates conuicere. Videmus fortitudinem esse Christianorum, constantiam tanti generis ac sanguinis, nostros homines meritis & cruciatibus Christi Iesu omnia fortiter audere, & constanter perficere: nihil esse quamuis periculis omnibus circumuentum, quod non adeant & superent sine dubitatione, omnes equuleos, flammæ, cruces, crates, laminas, vim omnem, multitudinem, acerbitatemque tormentorum.

Nonum genus ab exemplis per Apostrophas, ex testimoniis ad amplificandum.

Maximas audio tibi C. Cæsar in senatu gratias actas esse pro iacente Republ. mansuetudine & sapientiâ ad veterem statum excitatâ. Tu etiam Cicero Cæsari easdem egisti gratias, cum deprecante senatu vniuerso, maximeque Cn. Marcello ciue splendidissimo, Senatore grauissimo fratris reductionem, patriæ carissimæ, Reique publicæ vniuersæ, libens & gaudens reddidisti? An tuam obliuisci possumus Pompeii gratulationem, cum ex Asiâ reuertens pro beneficiis in Rempub. collatis orationem plenam laudis & gratulationis audii.

fit? non est equidem optimi hominis acceptorum memoriam beneficiorum nullo vnquam tempore deponere.

Decimum genus amplificandi ab exemplis & testimonijs per subiectionem.

Quos optimos Rhetores, quos peritissimos huiusce facultatis, quos exquisitos & singulares in omnibus ornamentis & laudibus oratorijs fuisse putabimus? eos profecto, qui Ciceronem imitati fuerint. Etenim si in omni arte ac facultate constituerunt omnes illes eius facultatis laude florere, qui principes peritissimum viros, & auctores artis imitati fuerunt, quis de nostra opinione dubitabit? Etenim si Papi-
niani, si Sulpitii, si Scæuolæ de iure consulebantur homines iurisperitissimi, & legum auctores; possumus vobis probare auctorem huius sententiæ, & lumen Philosophiæ, quem ad hæc vsque tempora ducem liberalium artium, & Philosophiæ præceptorem sequuntur omnes eximii de quacunque academia præceptores Aristotelem. Queritis aliquem grauiorem, præstantiorem, illustriorem doctrina sacra, cœlestique disciplina, veteribus ignota, de cœlo delapsa Theologia? Omnes academiz Theologorum dabunt Beatum Doctorem Thomam propter admirabilitatem doctrinæ suæ, Angelicum ab omnibus appellatum, quem omnes colunt, omnes summa consensione sequuntur, & certum ac tenendum omnes Theologi confirmant.

Ex superioribus exemplis constat, & ex varijs à nobis amplificandi rationibus allatis in confirmatione, refutatione & in omni amplificatione quantopere regnent testimonia. Atque ab exemplis petere poteris eloquentiæ studiosus alia schemata, quibus omnia decorantur: nunc exempla in exordiis & perorationibus subiiciantur, ex quibus constat dominatus horum argumentorum vtique locorum amplissimè magnificentiissimèq; patens.

Epilogus ab exemplis.

Conservate igitur, Reipubl. Patres, ciuem bonarum artium,
 parentem patriæ, conservatorem Reipubl. Promitto hoc
 vobis, & Reipubl. spondeo, si modo quid apud vos me-
 moria consolatus nostri valeat, nunquam per illum nisi vestris
 commodis prospectum fore. Quod cum fretus Consulatu ge-
 sto promitto, tum quod obsidibus coniurationis extinctæ datis
 ultro devoverat sese. Neque enim potest, qui Consul testimo-
 nium Reipubl. conservatæ honorificentissimum acceperit, &
 in Consulatu faces ardentes à patria remouerit, non ipse con-
 sularis homo pristinæ virtutis memor pristinum in Rempub.
 animum virtutemque retinere. Habet à M. Tullio Respubl.
 multos magistratus gestos, vel obsides animi sui, vel pignora
 voluntatis. Quare oro obrestorque vos Iudices, ut quæ in ciui-
 tate multis accusationibus multi non magnopere de Republ.
 benemeriti, retenti fuerunt, quos vos ipsi, quos ciues, quia de
 vestra gente, quia vobiscum eisdem mœnibus contenti fue-
 runt, quia Rempub. quia recta, quia Lares, quia amicitiam, quia
 consuetudinem retinuerunt, in ciuitate conservandos decre-
 uistis, in ea ciuitate ne patiamini illum oppressum inimicorum
 inuidia, iactatum vicissitudine fortunæ, depressum inclinatio-
 ne temporum, parentem patriæ, vestrum præsidium & propu-
 gnaculum Ciceronem ex ciuitate in exilium proficisci. Qui
 cum Ciceronis in patriam beneficia plurima proposueritis,
 constituite vobis autem oculos huius etiam miseri vxorem & fi-
 liam, quæ discessu parentis in luctu semper & squalore iace-
 bunt, cum vnus filii luctum & sordes, qui parente profecto in
 exilium, eisdem quibus mater & soror lachrymis atque luctu
 conficiuntur. Nolite, Patres, aut hos parentis exilio conflictat-
 os ludibrio inimicorum, & iniuriis, & tempestatibus exposi-
 tos relinquere, quibus oppressi, iactati, vexatique aut vitam mi-
 serissimam viuunt, aut maturius mortem opperant, quàm obire
 debuissent, nulla alia de causa, quàm eximia parentis, qui vos,
 qui liberos, qui Rempubl. atque hoc domicilium clarissimi pul-
 cherrimique imperii conseruauit virtute, laboribus, vigiliis,
 periculo ac discrimine vitæ. Conservate Reipubl. parentem,
 parenti Rempubl. ne multi tam prauo exemplo docti, quod

vobis turpe videbitur à defendendâ Republ. deterreantur. Id ciues omnes, id filii vestri, id tot sordidati & lugentes Reipublicæ orant, id postremo patria communis omnium vestrum parens obsecrat, quæ si non obtinuerit, quo imploratum opem adcamus, prorsus ignoro.

*Secundum exemplum perorationis ex testimoniis
repetitione ornatum.*

Sed me repente, auditores, de fortissimorum & clarissimorum Martyrum virtute, & gloriâ dicentem, & plura etiam dicere parantem, Christi Iesu, & eorum qui illum comitati sunt, memoria, in ipso orationis cursu repressit. Video enim B. Ioannem Evangelistam discipulum Christi Iesu, Apostolum tanti Domini, eidem omnium carissimum dilectumque admodum in summo mœrore iacentem, lachrymas præ spectaculi acerbitate plurimas profundentem, Virginem Virginum, florem integritatis, decus & gloriam Virginum, ianuam gloriæ cœlorum, parentem assertoris Iesu ad extremam crucem, suspicientem filium, & in oculis & animo rotam intentam, præ lachrymarum flumine, præ doloris acerbissimo sensu, & infinitâ magnitudine, cruciatam, conflictamque vehementissimè. Video Christum Iesum vindicem nostræ libertatis, recuperatorem salutis nostræ, extinctorem audaciæ quotidianæ dæmonis, repressorem cædis infinitæ, eversorem sedis inferorum deterrimæ, præsidium prostratæ ac perditæ hominum salutis, Filium Patris Æterni, splendorem & imaginem tantæ Maiestatis sine colore, sine formâ, exanguem atque mortuum, de cruce pendentem, quatuor transfixum horribili diritate clavorum. Video ab utroque latere in crucem duos sublato latrones, vnum deludentem, & iridentem Christum Iesum, alterum solis repentinâ defectione stupefactum, quæ in cruce spectanda miracula, Christus Iesus edebat, prædicantem & increpantem & accusantem impietatis consortem facinorum, & veniam à Christo Iesu peccatorum cum summo dolore petentem. Arque hæc B. Ioannis & Virginis Mariæ lachrymæ profusæ sunt præ Christi Iesu amore, mors Christi Iesu appetita fuit propter peccatorem vnum te. Quia te Christus Patri æterno reconciliavit, quia maculam ex Adami perfidia contractam soluit, quia patefecit sedes paradisi, quia denique hominem in
pristinam

nam libertatem dignitatemque restituit. Quod tandem in Christo Iesu scelus? quid tantopere deliquit illo die, cum em, cum mortem, cum tantam ignominiam subije? Ac siustum est amare hominem, pertulit pœnarum satis, cum à tabulis suis nu las non malorum perpeſſus eſt acerbitates, à octauâ luce à natalis ſui profudit ſanguinem, cum fecit itinera, Galilæam, Samariam, Iudæam pedibus perambulavit, cum poſt comprehenſionem ſuam, contumelias, variasque omnes indigniſſimas, poſt virgarum diritatem, et caput horriſicis ſentibus redimitum in crucein fuit actus, tulit crudelitatem inimicorum, ſcelus perfidorum, fraudum inuidorum, mortem deterrimorum. Si hoc non eſt satis, quid hæc omnia, in recuperandâ ſalute noſtrâ perpeſſus eſt, id valere poſſit ad molliendum ſectendumque peccatorum animum, aſſequi non poſſum. An homo apud ſeſſe poſſit in memoriam cruciatibus Chriſti Ieſu, & ſanctiſſimâ morte redacta, & ullum ſuſcipere capitale ſcelus? neque vnam viri boni, qui ſuis lacrymis, qui ſuo ſenſu & dolore, quant ſanctitate, declarant, ſui vix compotes videntur eſſe præſpectaculo præſentis acerbitatis, diritateque maxima; neque mortem quotieſcunque recordantur (frequenter autem reſolunt) ingemiſcere deſinunt, atque peſtem omnem peccatorum execrari deteſtabilem. Chriſtus Ieſus omni tempore de cruce ſybilo boni paſtoris euocat, & ad meliorem ſanamque mentem recuperandam, ſi in viam redire voluerint, quàm maxima voce compellit. Per lacrymas B. Ioannis, per ſenſum ac dolorem Virginis, per clauos vtriuſque manus, per vulnus ſanctiſſimo lateri factum teli diritate concorti, per mortem, per crucem ſuam ſanctiſſimam à furore, & mentis inſania reſiſſiſce peccator.

Tertium genus perorandi ab Exemplis.

Nunc te Chriſte Ieſu manſuetiſſime cuius Iſabella Regina Angliæ, corpus ſanctiſſimum, de ſacris altaribus auferendum tollendumque iuſſit, atque ſacraria eiſdem hoſtiæ ſanctiſſimæ regalia planè, digna maiestate tua cæleſti, ex auro ſplendenti facta deſtruxit, & abſtulit, tibi que calices gemmatos & aureos ad hanc eandem victimam dicatos, per nefarium ſcelus de templis omnibus diripuit, cuiusque ſanctiſſima & pulcherrima ſimulachra nefarie demolita ſuit,

pedibus calcanda sacrilegis imperauit, cuius sacramenta negat, & ritus & cæremonias Ecclesiæ tuæ contemnit, seipsam præficit rebus Angliæ sacris Ducem ac Principem venerandam suscipiendamque; teque Regina Cælorum Mater Christi Iesu, Virgo integerrima, cuius sana pluriima non Londini solum, vbi Isabella habitat, sed omnibus in populis, vrbibusque Angliæ vniuersæ sanctissima & antiquissima simili audaciâ, omnibus donis ornamentisque nudauit; teque Princeps Apostolorum Petre, quem hæc Regina deterrima clarissimis & religiosissimis in templis expilauit, & ex illis cum auri grande pondus, tum omnia præter tectum & parietes abstulit, quæ stabulatia fecit sanctissima religiosissimaque tua templa suorum cerdonum, heluonum, & compotorum, tuam potestatem, & eorum qui tibi successerunt, auctoritatem contemnens: Teque Diue Ioannes Baptista, & Euangelista, quibus (vt sacrarum Virginum studium & pietas ferebat) omnibus diuitijs refertissimas ædes consecratas, omni latrocinio atque rapinâ spoliauit: Etiam vos Patroni, Patronæque singulorum populorum, & vrbium totius Angliæ, quorum dies festos sacros solennesque & honores ademit anniuersarios, quos in altaribus oppidani collocauerunt, & suis in sedibus & sinibus custodes & præsidēs consueuerant habere. Vos Apostoli sanctissimi, quorum imagines & nocte, & in obscuritate, & accensis facibus, & mediâ die, in oculis hominum, instructa, & comparata manu, conuellere ex suis sedibus, & eicere non verecundata fuit: Vos Claræ, Agnetes, quarum sacras Virgines, vestris augustissimis & religiosissimis in cœnobijs sui spurcissimi & intemperantissimi satellites violarunt, vt nunc sacrorum cœnobiorum & vestigia violatæ religionis maneant, monumenta verò cultus diuini, & custodiæ virginalis ornamenta non extent: vosque omnium ordinum, cœtuumque diuinorum cohortes, legionesque sanctorum, quorum è templis quæstum sibi & prædam maximam Regina improbissima comparauit: & te Michael Archangele, quem patronum, atque defensorem generis Christiani, sicut facultates & vires hominum ferunt, colimus, atque veneramur, omnes appello & imploro, adeste, succurrite, fauet Angliæ, respicite vestras res, & Deum immortalem precamini auertat ab illis regionibus pestem Isabellam atque perniciem Religionis. Vos omnes sancti, sanctæque omnes, quæ sedes incolitis & domicilium

Cælo-

Cœlorum, vosque maximè, qui huic Prouinciæ præsidebatis, imploro atque obtestor; quorum cum diuitias, & Altaria, cum simulachra nulla fecerit reliqua, tum cultum omnem ademit religionis vestræ sanctitati, maiestatiq̃ue Dei immortalis; ademit honorem ritu cærimonijsq̃ue Christianorum impertitum; sicque à possessione regni captâ, ab introitu initi Anglicani regni, memor Patris Henrici, similis deterrimæ matris Annæ Bolognæ, cum templis, cum religione, cum sacris ipsis, cum Matre Ecclesiâ ista tanta pestis & furia Isabella, nefario quodam furore bellum sacrilegum semper impiumq̃ue habuit, & gessit crudelissimè.

De exordijs componendis ab exemplis.

Quod desiderare poterat eloquentia studiosus, damus hoc tempore, componendorum scilicet ex testimonijs exordiorum exempla.

Duo autem subiiciemus, alterum in aduentu Regis Philippi: alterum in Virginia laudem.

Quod erat à nobis optandum maximè P. G. & quod vnum ad magnificentiam Complutensis academix, & ad amplitudinem orbi gentium, tantæ Reipub. litterariæ diuulgandum maximè pertinebat, id non sorte aliquâ temerariâ, quæ rebus sæpe popularibus dominari solet, sed planè diuinitus datum, atque oblatum vobis, inopinato regix maiestatis in gymnasia nostra aduentu, videtis. Illuxit enim dies clarissimus academix, vobisque honorificentissimus, quod non modo Compluti, sed apud omnes gentes cunctorum sermone celebretur potentissimum Philippum, hoc nomine tertium Hispaniarum Regem, academiam nostram inuississe. Nunc in ipsis gymnasijs Rhetoricæ, aliorumq̃ue ordinum, cum sint parati, qui prælectionibus & orationibus hanc liberalitatem munificentiamq̃ue Regis potentissimi celebrare conentur. Rex in vestra gymnasia ingressus, vnus Christianæ Religionis Princeps, inclytus est pietate, atque virtute, omnium semper prædicatione dignissimus, multitudinè, magnitudineq̃ue, rebus præclarè gestis, diuitijs, maiestate, & omnium, qui sunt toto terrarum orbe, augustissimus atque celsissimus. Huius ego celsitati gratijs agendis, de voluntate & de auctoritate cunctorum ordinum, quoniam primus vestræ academix orator accessi: non id mihi negotij datum est, vt præriperem mihi gloriam

huius officij, sed vt Rhetoricæ commune munus obirem, Ob-
tinuit enim eloquentia Regem, in quo spargere flores omnes,
& insignia Rhetoricæ plurima, aperire fontes omnes, & flu-
mina dicendi, atque tandem mare immensum, & profun-
dum effundere posset in Regem terrarum potentissimum, ter-
rorem hostium nostrorum maximum, propugnaculum sacræ
Fidei, murum atque anchoram Romanæ sedis. De quo si co-
piosè, atque ornate dixero, existimatio & auctoritas ea, quæ in
ac. demicæ studijs esse debet, remanebit; sin istius Regis im-
mensæ laudes & infinitæ vim omnem, & vbertatem orationis
obruerint, ego tamen istud assequar, vt vires mihi potius,
quàm aut diligentia vobis referendæ gratiæ, aut voluntas de-
fuisse videatur Equidem vt de me confitear, Rex potentissime,
cum multæ à me orationes in gymnasijs, & in theatris acade-
miarum, amplissimis, refertissimisque habitæ fuerint, & ad
Principes terrarum, & ad ipsum parentem tuum Regem cel-
sissimum, Principum & Magnatum suorum nobilitate plau-
dente, quas partim præceptoris officio, partim aliqua nominis
& eloquentiæ opinione habere conatus fuerim, nunquam ta-
men neque tantum timorem illi mihi iniicere visi fuerunt, ne-
que ego tantopere pertimescere visus fui, vt nunc in ipso tuo
conspectu. Neque tantum me mouet expectatio orationis
mæ, cui scio, quam impar sim, quanquam tot annorum usu &
exercitatione præditus, quantum maiestatis tuæ splendor o-
culorum & mentis aciem perstringit. Qui quanquam hac tan-
ta comitate, benignitateque nobiscum intra parietes huiusce
gymnasijs sedendo animos facere videaris, tamen gratias actu-
ri timere quidem sine summo timore nequimus, in terrarum
penè omnium, & nostræ Religionis lumen clarissimum &
splendidissimum intuentes; sed quod semel susceptum est,
quoniam aliqua ex parte tueri ac perferre debeo, dabo operam
pro imbecillitate ingenij nostri, vt si non beneficij in nos col-
lati magnitudinem, tamen mirificam nostrorum alumnorum
sum & Doctorum omnium sapientissimorum,
in referenda gratia voluntatem cogni-
tam testatamque re-
linquam.

*Alterum Exordium in eisdem testimonijs, à famâ in
Virginis in hanc lucem edita
laudem.*

NEminem vestrum ignorare arbitror, hanc per hosce dies celebritatem Virginis Mariæ in hominum ore, linguisque nostrorum alumnorum fuisse, & inter alios sermones præceptorem sacrae Theologiæ Primarium professorem in hunc locum ad dicendum surrecturum esse, & de Virginis Mariæ summis & admirandis laudibus concionaturum. Qui sermones non idcirco solum increbuerunt, quod iste Doctor egregius constituerat atque deliberauerat concionem habere, verum etiam, quod nemo quenquam tam disertum, tam eloquentem, tam in dicendo exercitatum fuisse arbitrabatur, qui tantis Virginis Mariæ laudibus, & communi hominum expectationi, melius, quàm ille pro suâ summâ & incredibile eloquentiâ satisfacere posse videretur. Est ille Doctor, qui fuit semper, ut ad seruiendum huic academiciæ promptissimus, sic ad ornandam cohonestandamque Virginem multorum elaboratâ dierum oratione paratissimus. Et quidem præsto esset, surgeret, concionem haberet, neque hoc quidem onus reieccisset, tot ante dies per vestrum ordinem, suis humeris imposuim, nisi grauissimo morbo, & assiduâ febrilaborans, cum multos dies in lecto iacuerit, huius loci celebritatem contingere non potuisset. In quo quanti vos fecerit, ex hoc intelligeris, qui dies aliquot ante cum iam morbo tentari videretur, nec concio relinqueretur, quâ fuit in academiam obseruantiam singulari, mihi præsentem demandauit orationem. In quo quanquam ego nullâ ex parte cum Doctore vestro eloquentissimo sapientissimoque comparer, & honoris, & existimationis periculum apertissimum subeam, tamen patior, & non molestè fero me obseruantia, vos vestrae singularis erga virginem Religionis, nulla intermissione concionis, neque feriarum dilatione celebrandarum factâ, fructum esse laturos. Nam si Doctor amplissimus, statim atque morbo tentatus est, id fecisset, quod se facturum receperat, ut mihi deferret partes suas, minus aliquanto, quàm nunc mihi verendum est, periculi proponeretur, quod ego in hac concione magis commentandâ comparandâque plus temporis posuissem: in eâ verò laus non tenuis planè, atque obscura

parris esset, propterea quòd vbi plus spatij datur ad cogitandum, gratus aliquid, & elaboratius in Auditorum aspectum proferretur: sed quoniam vbi maiora pericula sunt, id temporis succurrit summus, præpotensque Deus, pro gloriâ suâ, in maius se periculum, & discrimen efferentibus, facile sperò fore, vt quidquid orationi defuerit copię & ornatus, id vos humanitate vestrâ compenses: vt nihil de existimatione suâ deperdat orator quem ad dicendum surrexisse cernitis, vestrum omnium, maximeque Virginis Mariæ studio obseruantiaque ductum: dicam ergo de Virgine sanctissimâ, hodiernâ die tanto generis humani bono spectatâ, & editâ, si me, quod cœpistis facere, beneuolis & attentis animis exceperitis.

Locus communis Eloquentia ab Exemplis.

NÆ tu contemptor eloquentiæ esses ridiculus, si illis temporibus Romanorum, & Atheniensium natus esses, cum oratores deligebantur, qui magistratus gererent. Etenim qui laborare Rhetoricæ discendæ percipiendæque causa, non commodum putas, profecto illum Ciceronem, quem eloquentiâ suâ per omnes honorum gradus ad Consulatum ascendentem, qui Romani fuerunt, viderunt, hominem ineptum, & inutilem putares. At sanè terrarum Domini Romani longè aliter, & de Cicerone, & de cæteris eloquentibus viris existimabant. Itaque ex minimâ tenuissimâque, Rempub. maximam, & florentissimam oratoria facultate, reque militari posteris reliquerunt: atque regnum armis partum eloquentes consilio, & orationis facultate moderabantur. Causis agendis ad rem cuique familiarem restituendam, tempus insumebant, & scelera multabant, & maleficia commissa: quibus rebus, & virtutibus laudandis, & immortalibus de patria bene meritorum officijs tantum impetium, & populi Romani nomen conseruarunt. Neque hæc eo solum exempla Romanorum proferro, quod desint Atheniensium, & aliarum Rerum publicarum, ad ea de quibus quærimus, comprobanda, sed vt intellegat, cum apud Romanos Principes terrarum, eloquentes viri, disertique homines, qui omni tempore ad Reipub. gubernacula sedere solebant, propter utilitates & honores in eloquentia quoque comparanda tantum operæ, temporisque consumerent, historiæ inscium esse hominem, qui Rhetoricæ facultatem parum fructuosam dixerit: cum Romani huic facultati

rati percipiendæ, præcipuam operam nauauerint: præsertim cum nihil sit, quod quicquam ad alias facultates comparandas, aut ad id quod in Iurisperitia, in arte medendi, in sacra Theologia fuerint ab omni consequuti, in lucem proferendum, aut utilius, aut reuera præclarius facere possit.

Locus communis de Iureiurando ab exemplis & minoribus, locupletatus effectorum grauitate.

IN priuatis rebus si quis verbo, per iocum etiam, famam allicuius violauerit, quem attigisse voluit in circulis, non offendisse tamen, is iniuriam facit homini, de quo præsentibus inducunt in animum ea quæ iocans alter dixerit: quanquã, non malitiosus honoris detrahendi causa dixisset, millies postea iuret. Itaque sæpè vnus, aut alterius verbi causa maximæ verustissimæque amicitia, in grauissimas inimicitias conuersa fuerunt. Qui iusiurandum falsum terrosum & valde execrandum iurauerit in aliquem reum innocentem, quanto grauius peccatum in Dei maiestatem suscepisse videtur? Periurij constitutum est iudicium, non minus turpe, quàm furti, propterea quod quibus in rebus homines in iudicio testes adhibentur, in eorum testimonijs fortuna, salus, & honor rei positus est. Quod qui non religiosè dicat, sed pertrahat, is oppugnat omnium commune præsidium, & quantum in se est, tollit è iudicijs veritatem, atque Fidei Religionem, quam maiores in iureiurando positam esse voluerunt. Quod qui non coluerit, cum rei commodis officio simulato officit, cum sæpe vitam & honorem eripit, atque suam ipselædit exemptionem, & dignitatem, si quam habebat, vt se reddat inimicem in perpetuum, si de periurio inter homines aliqua suspitione constet. Atque illud omnium est grauissimum, quod neminem offendat, cuius maiestatem violat, non animaduertat. Contemnit enim & aspernatur Deum Immortalem, quem solus iureiurando testatur ad consummandum periurium, cum qui summa veritas est, audacter adhibetur & impudenter, apud quem id valet, quod iustum est, quod verum & ex optimis moribus & disciplina sanctissima. Itane est, minimis in rebus, qui men lacium dixerit, quamuis magnum & impudens non fuerit, quoniam tamen amicum fefellit, improbus habetur.

betur, nec verum ei credere solemus, in his quæ firmantur iureiurando inter ipsos homines immortalis Deo interposito religio ipsa iureiurandi, & metus Dei immortalis non apud homines valere debet? Nullum vinculum adstringendam fidem iureiurando veteres arctius esse voluerunt, cum Deos suos, idola turpissima, lapides mutos, aut simulachra ex argento, atque auro parassent, nos celsitatem summi præpotentisq; Domini, nomen & maiestatem veri ac metuendi Dei pro nihilo haberi patiemur, & impiorum hominum ore linguisque sacrilegis violari? Quod vitium Romani in suis hominibus specie ac simulatione cultus non tulerunt, id nos in moribus nostris, & disciplina Christiana non exhorrebimus? Quid est aliud falsum iusiurandum dare, nisi velle tollere è vita veritatem, tollere Dei cultum & venerationem, tollere Religionem, & sanctimoniam, tollere metum ex Augustissima & infinita supremi Domini celsitate mentibus hominum iniectum? Quam multa sunt, quæ si decus hominum & famam violent, perferri non possunt, & quibus iniuriæ factæ sunt, se pecuniam grandem amissuros, se capitis periculum adituros esse, & homines, Deumque testantur, ut se vlciscantur, qui tantum dedecus susceperunt, hominem, iudices, quibus iuramentum dant, fallere; reos identidem damnare, eisdem insidiosè bona, famamque eripere, iuramenti religionem afferre non dubitarunt, qua hi homines tandem pœna plectentur? aut quo iudicio damnabuntur?

Locus communis ab auctoritate, exemplis, comparatione de studio litterarum.

Sic equidem apud omnes gentes constitutum fuerit, condiscipulum æmulo suo fratris loco esse oportere, nullam neque iustiorē, neque magis inter adolescentes colendam causam amicitiaē posse reperiri, quàm coniunctionem litterarum, quàm morum, quàm vitæ, quàm communem eiusdem muneris societatem. Quamobrem si velles eum relinquere non curantia alicuius rei, vel obliuione, quod fragilitas secum fert hominis, imbecillitasque communis, cum is tibi fratris numero fuisset, id sine reprehensione facere non posses: cum verè, neque iniuriam acceperit, neque vñā quidem in re ille tibi defuerit; coluerit autem piè sanctèque amicitiam, repetens, & conferens tecum rem litterariam assidue: vnde fatearis
necesse

necesse est, te eidem condiscipulo plurimum debere, qui tuo-
 rum studiorum rationes in hunc modum adiuerit. Etenim
 cursus litterarius ad hanc rem tendit, ut eloborandum sit con-
 discipulis in bonorum & mulorum amicitia, officijque com-
 parandis. Neque sane cuiquam venire potest in mentem dubi-
 tatio, qui condiscipulus fuisset, quin ab altero adiuuaretur. Ita
 Ciceroni in Cn. Hortensium tanta amicitiae colendae causa
 semper fuit: fuit etiam quondam omnibus condiscipulis pro-
 pter ingenij acumen, & progressus eloquentiae maximos, & in-
 credibiles, Ciceronis adolescentis quanquam obscuris nati
 parentibus, omni semper officio complectendi studium atque
 diligentia: nostra vero aetate, qui studiorum similitudine con-
 iuncti fuerunt, & se multos post annos cum vident, studiorum
 huiusmodi repetita necessitudine, nihil libentius faciunt, ne-
 que studiosius, quam ut agendas res horum amicorum, &
 ad utilitates, quas potuerint eisdem praebere, se totos animo &
 voluntate conuertant. Atque id faciunt recordari studia pristi-
 na, mores, congressum, & consuetudinem, praepceptores habi-
 tos, rationem contubernij, academiam, & gymnasia, quibus
 aliti sunt & educati: Adde repetitiones praelectionum com-
 municatas inter se, collataeque difficultates, concertationes
 priuatas & publicas, argumenta posita refutataque, laudem
 ingenij parem reportatam ex decursu progressionibusque stu-
 diorum, cursum contentum ad lauream disciplinae laboribus
 propositam, & scopum ad eundem gradum, & ad honores Rei-
 publ. consequentos consensionem, & conspirationem mirifi-
 cam, & aequabilitatem propè fraternam cunctis in actioni-
 bus, & susceptis litterarum, & studiorum rationibus. Quae
 quidem ad omne munus & officium pietatis colendum, quan-
 tam vim & necessitudinem habent? At ne deficere putes san-
 ctorum exempla, possem equidem afferre quam plurima, Ba-
 silios, & Gregorios recordare condiscipulos: recordare
 cursum istorum Ecclesiae luminum maximorum, in studijs,
 per tot annos contentum: recordare morum similitudinem,
 virtutum maximarum exemplar, progressiones egregias &
 memorabiles, tantam virtutis sapientiaeque, magnitudinem,
 & Doctorum Ecclesiae gradum cellissimum consequutum
 & verissima, quae praediximus, valdeque re-
 stata videbis.

*Locus communis de perfidia Iudæ, ex variis exemplis
& aliis constans argumentis.*

Discipulus factus es Iesu Christi, Iudæ reterrimè, obtigit, tibi tanta dignitas, ut in tanti Domini societate esses, ut eum honorem consequeris. Commota fuit tempestas in præceptorem, in qua nihil sum dicturus, quid facere debueris: vnum hoc dico, in eiusmodi sorte ac dignitate statuere te debuisti, ut malles milles occumbere, quam præceptoris mortem depacisci. Iesus tui misereatur, qui suæ vitæ discipulum videbat insidiari scelestissimum omni fraude atque perfidia, & tamen omnibus te benignitatis tractabat modis rationibusque mirificis. Sed ne diutius lectorem teneam pecunia constituta numrata tibi fuit? abiisti statim in proditoris præfinitum locum, venisti citissimè in Præceptoris conspectum ad tantum, præpotentemque Dominum comprehendendum scelesti impiorum manu stipatus; simulatque à te præceptor visus est (cognoscite discipuli principium Domini sui prodendi, cohortique Iudæorum sacrilegæ tradendi) osculo signo dato comprehensionis seruus Dominum, discipulus præceptorem, parentem, altorem tuum, vindicem humanæ libertatis prodidisti. Video quid consequutum sit, verbo amici per Iesum Christum facto nihil commoueris, speras tibi auram posse aliquam afflari in hoc crimine proditoris relictionisque eorum, quibus Iesu Christi nomen odio fuit, quibus istam proditionem relictionemque Filij Dei vides fore expetitam; sed te post comprehensum Christum deserere cunctos vides: te de peccato traditi præceptoris insonitis confitentem non audiunt, procul eijciunt & amandant, cum iubent te ipsum videre, quid mali feceris, qui culpa omni liberum, & insonitem Agnum tradideris. Itaque relinquunt te solum cum tuis paruulis nummis. Tu verò, quotendis? quo, scimus; ut te in laqueo desperans de misericordia Domini suspendas. Hoc est vereri præceptorem? Hoc modo aut Iacobus, aut Ioannes, aut quisquam discipulorum id temporis præceptorem est veritus? Quid hoc est, quæ imprudentia? quæ audacia? quod exemplum in hominum millibus sui præceptoris prodendi simile fuit vnquam auditum? Illi triginta nummi, quos depactus es, qui tibi traditi fuerunt, quos numeratos accepisti, non ostendunt palam auaritiæ magnitudinem, non proditoris crimen

men execrabilis in oculis mortalium & ore statuerunt perfidie fraudem, & machinas fallacissimas? Quid si illinc locuples & thesauris refertissimus excessisses, tamen ista derelictio, nefaria proditio, nonne tantam perfidie nequitiam proderet? triginta nummis Dominum & Creatorem & Regem cœlorum addicere morti quantam habet peruersitatem? carius iumenta veniunt in mercatu. Equi lem si perfidie labe perturbare omnia, & permiscere rationes humanas pessimus quisque velit totam vitam periculosam infestamque reddet, si nullam Religionem infidelitas habebit, nullum respectum minoris ad maiores natu, nullam optatam & expeditam securitatem boni, omnium, & communis inimicus, qui fuit hostis suorum, societatem relinquit. Nemo vnquam inter proditores securus erit. Ille ipse Cu. Domitius, cui Regum maiestas honoratissima esse debuit, Bitulum Aruernorum Regem specie colloquij comiter inuitatum comprehendit, Romamque vinculis omnibus constrictum deferendum imperauit, ut apud eos, quorum exercitum, & provinciam habebat, capitis, si Senatus censeret, periculum subiret. Quin Isabella terribissima Angliæ Regina, proditorum Fidei genere natam Aviam suam Reginam Scotiensem, & hæredem Angliæ legitimam per summam simulationem in Regnum accersijt, & Regia fide data, minimè Regiæ serenissimæ nocendi, post annos plurimos, post carcerem & iniurias maximas per scelus & perfidiam execrandam capite à ceruicibus abscisso prodidit. Commune est hoc malum, communis metus, commune periculum. Nullæ sunt occultiores insidiæ, quàm hæ; quæ latens in simulatione officij, aut in aliquo necessitudinis nomine. Eum, qui palam est aduersarius, facile cauendo vitare poteris; hoc verò occultum, intestinum ac domesticum malum non modo existit, verum etiam opprimit, antequam perspicere atque explorare potueris. Itane verò Iudas, Auditores, præceptorem, Domitius Regē, Isabella Reginam repente prodant, atque morti tradant acerbissimæ? O perfidiam execrandam! O portentum iure quidem infra terras, & ad inferos amandatum non possunt priuatorum & minimè tanta dignitate florentium fortunæ, vita, honos in maximo periculo non versari, inter ipsos, inter multitudinem maximam aliquosæpe proditore versante, cum ipsi Reges ab alijs Regibus, Iesus Christus à discipulo proditus fuerit atque derelictus. Non potest ea natura quæ tantum facinus cōmiserit, hoc vno scelere esse contenta, ne-

ta, necesse quidem esse videtur, cum plura & maiora moliri id simili semper, aliaque execranda nimis audacia, perfidiaque versari. Idem iste teter execrandusque Iudas nonne proditioni scelus aliud & crimen adiunxit, ut desperaret postea de diuina misericordia collum laqueo inferens, & se laqueo suspendens? Illa Isabella nonne eadem in Christianos innumerabiles, quæ in Christianam Mariam fuit? Quid perfidiosis hominibus faciatis, aut ad quam spem tam perfidiosa, tam importuna animalia reseruemus, quæ in omne genus hominum, in Regiam maiestatem, in Dei ipsius celsitatem, in numinis diuini potentiam tam infesta fuerint atque contraria? Nolite quæ so breuitate orationis meæ potius, quam rerum ipsarum magnitudine perfidiæ crimen ponderare. Mihi enim necessario propterandum fuit, ut ad alias, quæ mihi constitutæ sunt, exercitationes peruenirem. Etenim qui perfidiosus est, hunc multis sceleribus implicitum esse necessarium erit, hunc eundem impudentem, hunc audacem, hunc crudelem & impium, hunc furem, hunc raptorem, hunc prædonem rerum humanarum & diuinarum hostem sacrorum, Religionisque, hunc denique ex omni scelerum colluione factum fuisse.

Locus communis de Prætoribus.

PERTINET hoc ad summam Reipubl. & ad existimationem Prætoris, salutemque oppidanorum, ut si innocentes existimari volumus, non solum Prætores seipso optimos, sed etiam suos administratos præstare debeant. Primum omnium opera danda est, ut ij Prætores sint, qui suæ famæ existimationique consulant. Deinde si in hominibus mutationes faciant, semper ita Rempubl. gerant, ut rationem reddendam sibi arbitrentur, quod est proprium ipsorum Magistratuum, & summa sanctimonia præditorum. Bene quidem & ille magistratus est probandus, qui sine periculo existimationis, & sine Reipubl. detrimento gerendus est: quod in illò salus, & dignitas Reipubl. agatur. Dum ab Africano vetus quidam affectator ex numero amicorum non impetraret, ut se Præfectum in Africam duceret, & id ferret molestè, noli, inquit mirari, si tu à me hoc non impetras: Ego non ab eo, cui meam existimationem caram fore arbitror, peto, ut mecum Præfectus proficiscatur, & adhuc impetrare non potui. Atque illa

fuit causa Scipioni se ultro legatum offerendi fratri in Asiam profecturo: quod inde cum honore fratrem reuerti cupiebat, quo cum aliqua existimatione proficisceretur: & fratris rebus, & honori videbat fratri charissimo melius consulturum esse neminem. Etenim re vera multis magis est petendum ab hominibus, & iustitiæ sitientibus, si nomen, & existimationem nolumus amittere, ut illi nos adiuuent in administratione Reipubl. quam hoc illis in beneficium deferendum: qui tunc, cum ciuitatem & Remp. acceperunt, si boni non sunt, sed exulcerata conscientia, in ciuitatem, in oppida ciuitatis ditioni subiecta, quasi in prædam inuitari videntur. Itaque cum alijs administris, qui per eos prædantur impudenter, cum sibi quæstus constituerunt magnos: tum infinitum genus inueniunt ad pecuniam innumerabilem corripendam, ad exinanientias domos, ad exhauriendos loculos, ad homines omni argento & auro spoliandos, ad depopulandam vastandamque per omne tempus, quo Magistratum ipsi gesserint, ciuitatem.

Locus communis in laudem virtutis, cum exclamatione, & exemplis, & Acclamatione.

O Consuetudo virtutis colendæ, quantam vim habes in sanctissimis, & integerrimis hominibus, cum vsus viguit bene viuendi, & exercitatio in suis animis inueterauit! Vidimus hos ab improbis hominibus malè tractari, verbis & factis violari, neq; se minimum commouere. Vidimus etiam dignitates eisdem deferri maximas, & honores amplissimos, & minoris gradus omnes honorum celsissimos ducere. Vidimus eosdem contemni à nequissimis hominibus priuatim & publicè, & appetere magis iniurias quascumque, contumeliasq; grauissimas, quàm officiorum omnium cumulum & multitudinem ingentem. Ita radices egit altissimas in illorum animis virtus consuetudine bene viuendi, ut quæ Dei sunt, & animos ad Deum dirigunt, ac deducunt, solum appetant, cogitent, & agant. In eam enim consuetudinem & perfectionis absolutæ gradum peruenisse quotidiana exercitatio videntur, ut non solum eas voluptates, quas sæculi sectatores appetunt, respuant, sed ut nec minimum animos illorum pertentet appetitio, corporibus, quamuis in terra, animis tamen in cælo versantibus.

*Locus communis de consuetudine peccandi in vnius
hominis exemplo.*

O Consuetudo peccandi quantam habes vim in improbis & audacibus! cum occasio data fuit, cum pœna abfuit, & licentia consequuta fuit! Iste in hoc genere furandi non equidem nunc primum fuisse creditur, sed ab ipsa prope adolescentia, scimus parvulum à matre abstulisse res pretiosas, & gemmas, & annulos, & monilia, & emblemata furatum, domo paterna profugisse. Audiuimus adolescentem in carcerem aliquoties fuisse coniectum, quod vinearum, & hortorum, ad vvas, ad fructus furandos sœpimenta transilieret, fugientem in manibus vinitorum & colonorum, ne comprehenderetur, sœpereliquisse pallium; ista omnia furta furis rapacissimi vindicata non fuerunt, superiorum temporum tenebris & caligine. At postquam illius flagitia sese effuderunt aliquod annos, cum iam virili ætate esset, & uxorem, & filios, & domum haberet, veterem consuetudinem à parvulo insitam, aliquoties intermissam occasione oblata reuocavit. Ita serpit illud insitum à naturâ malum consuetudine peccandi liberâ, finem ut audacia statuere sibi non videatur. Tenetur igitur aliquando, & in furto cum maximo, tum manifesto tenetur: atque in eum se laqueum visus est indidisse, non solum ut eas pœnas, quas proxime nefarius homo turpis, infamisque meruisset, solueret, sed ut illarum infamia redundaret ad filiorum dedecus ignominiamque perpetuam.

Ab Etymologia.

AD similia exercitationes conferuntur, quæ ab Etymologiâ petuntur: iisdem enim modis, ut licet ex ordine cognoscere, amplificatis, excurrere magnificè videbitur Etymologia.

Primum genus amplificandi ab Etymologia ex ipsius nominis solum notatione, in laudem B. Ignatii Confessoris.

SI nomina non frustrâ videntur imposita, te præsertim postea, & felicituo euentu comprobata, qua laude afficiendus eris Patriarcha sanctissime? qui Ignatius dictus non immerito, igne cœlesti, atque diuino collucens, Orbi terrarum vniuerso sic mirandum in modum illucere visus fueris, vt igne extincto faces diuinæ Religionis, vbicunque fueris, magis accenderis? vbi extinctas repetisti, accenderis per te. per tuos alumnos Christi Iesu veri sempiternique ignis illato flagrante lumine?

Secundum genus ab Etymologia cum alterius nominis notatione, in eiusdem Beatissimi Patriarcha laudem.

SI B. Chrysostomus nomine suo aurum eloquentiæ flumen præferens (id enim significat Chrysostomus) eos perennes & inexhaustos fontes effudit, siue scribens, siue enuncians diuinum verbum, quibus tantas Marti Ecclesiæ utilitates peperit, & aurum Christianæ Fidei illustrem suum splendorem ad animorum salutem, diffudit: Es tu in æterna gloria, Beatissime Ignati, qui confessor Ecclesiæ sanctissimus, ignem nomine prælarum latere passus non es, sed prælagitationis diuinæ comprobator maximus ignescere visus es per omne vitæ tuæ tempus ignis diuini lucem diffudens ad opem proximis afferendam, & ad illorum illustrandos animos. Atque illo potissimum tempore ignescentem admodum vidimus ignem hunc, cum in Beatorum cætum illustrem Pauli sanctissimi, hoc nomine Quinti Pontificis Romani, Vicarij Christi Iesu auctoritate, afflatuque diuino cœoptatus illuces & lucebis in omnem sæculorum memoriam sempiternam.

*Tertium genus amplificandi ab Etymologia vocabuli, in
eiusdem S. Confessoris laudem, ex multorum
laude ab eadem notatione
petitâ.*

SI Petri nomen, fidem firmam & stabilem præferulit, si Laurentius suo nomine visus est gerere lauros virentes & gloriosos, si Andreas nominatus illic, virum se cœlestem atque diuinum ostendit, si Paulus celebritate eiusdem nominis, se rubam ingentem Domini, buccinato remque diuinum, toto terrarum Orbe mirando clangore personantem, atque adeo fulmina iacentem, quæcunque loca persuaferit orasque terrarum, præfert præbetque mortalibus; quâ laude, quâ oratione commendabimus R. Ignatium Patriarcham Ecclesiæ inclytum, ab igne dictum, quo totam Ecclesiam à solis orientis partibus, in Occidentis usque sedes ultimas illustrare visus est? Vt in sanctissimis viris, à nobis in medium prolati, & in alijs maximis Ecclesiæ Principibus de industria præteritis, nominis eximia illustrisque laus in Beatissimo Ignatio Societatis Iesu auctore cellissimo spectatur tot radijs virtutum suarum Ecclesiæ nunquam non illucentibus.

*Quartum genus Amplificandi ab Etymologia vocabuli
cum contentione, in eiusdem Patriar-
cha laudem.*

QUæ in nomine tuo insunt, faces ignis ardentes reconditæ & abstrusæ, pateant & ostendantur generi mortali-
um Princeps Ecclesiæ clarissime. Nam si nomen augurium est virtutis in animo insidentis, quæ latere non potest diu, quin emergat, & foras proijciat sese quæ in tuo nomine est prælagitio? quàm clara & illustris? quanto solis splendore clarior? Ignis excussus è siliç scintillas eiecit foras; Ignatius eas longè lateque splendentes emisit, ab hostibus virtutis vexatus sæpe ac sæpius. Scintillæ huiusmodi in fomitem deorsum verius decidunt, ad fomitem incendendum; Ignatius sursum verius in cœlum suos fulgores diffudit, & illustratas magnas
Ecclesiæ

Ecclesiæ partes nouâ claritatis luce clariiores & illustriores eddidit. Ignis sæpe extinctus flammam amisit, neque lucem afferre potuit; Ignatius ignis fuit inextinctus, & à translationis suæ tempore tantâ diuini numinis luce splenduit, vt illius flamma cœlestis ac diuina magis ac magis creuerit, & illuxerit in omne tempus: denique vt alia omittam, ignis iste, quo vtimur, purus purgat, & emicat in tenebris, quæ circumcirca-que fuerint, ea sua luce complens, & oculis proponit spectanda mortalium: At Ignatius non solum diuinæ gratiæ splendore animum suum, sed innumerabilium mentes illustrauit. Quas enim facibus diuinis nefarias opiniones, quas suorum alumnorum luminibus hereseos, quas idololatriæ tenebras cimmerias dispulit & disiecit illustrissimus? Omnia fuerunt eiusmodi, quæ nominis insignem gloriam satis insigniter ostenderunt.

Quintum genus amplificandi ab etymologia ex eadem notatione cum exemplis & acclamatione in eiusdem Beatissimi Patriarchæ laudem.

Verè Ignatius dictus es, qui igne tuo tantum ignem, cœlestem atque diuinum, Christum Iesum, qui ignis est clarissimus in orbem terrarum, in Mexicanam, in Peruanam Indiam, in Iapponios, in Sinas, in cæteras quascumque orbis terræ partes, tantâ tui nominis laude & tuæ Religionis celebritate gloriosus inuexisti: testis est nouum regnum Mexicanum, quo igne cœlesti micantem Iesum inuexisti. Testes Peruani, quorum nullæ partes oræque terrarum, quas tanti ignis collucenti claritate non illustraueris, tot Idolorum ex illis gēribus depulsis monstris deterrimis. Testes ipsi Iapponij, qui quanquam suorum addicti superstitionibus Bonzorum (sic enim suos Religiosos appellant) tamen tanti ignis lucem acceperunt repudiare maiorum fallacissimâ Religionem. Testes ipsi Sinarum sinus vltimi, regnaque ex omni parte præclusa, quo cum alienigenarum pateat aditus tæmini, tantum tamen ignem tuorum doctrinâ inferre passi fuerunt, & quo non duces, non milites, non naues vllæ, non classes aditum habuerunt, ignis Ignatij Beatissimi, diuinæ faces Iesu splendore conspicuæ illustresque penetrarunt. Testes denique loca

omnia, sola terrarum vniuersa, quorum intimos recessus remotissimosque angulos facibus Ignatij illustrata Iesu Christi vexilla longè lateque rutilantia suas in arces altissimas sustulerunt atque adedò explicuerunt, vt crucis sanctissimæ gloriam, Christi Iesu nomen cœleste cultu suo, præcipuaque Religione, humiliter demisseque suspexerint. Tanta fuit Ignatij claritas, tantus splendor suorum illatis facibus alumnorum gentibus cunctis ac nationibus.

*Sextum genus amplificandi ab Etymologia sola, cum
comparatione, in eiusdem Patriarcha
Iudæm.*

Ignises, Ignati Beatissime, id quod nomen declarat ab igne ductum traductumque clarissimo, quo fulgens non in terrarum solum infimis sedibus illustrasti Insulas & habitatores omnes, sed altius euectus superas in Regiones, penetrasti æthera putum & illustrem admodum, & tanti ignis facibus diuinis conspicuus in cœli domicilia sublimis intulisti teipsum: vbi heros cœlestis aulae præcellentissimus lucet & lucebis inter tot lumina sanctorum clarissima ignis tui facies claras & illustres totis illis immortalis Dei regnis florentissimis longè lateque diffundens. Atque tanto clarior, & illustrior igne nostro lucebis, quanto syderum minimorum luce Sol princeps astrorum clarissimus, clariorem & fulgentiorem claritatem emittit. Quin quemadmodum Sol iste cunctorum astrorum splendorem occultat, simulatque exortus est, nullam illucere sinens stellam, non ipsum luceferum, non facem nocturnam, Lunam clarissimam: sic equidem ignis iste claritate Ignatij, in omne tempus lucem habitura perpetuam, offunditur & obscuratur adeo, vt nullum ignis istius vestigium videre possit, illucente fulgenteque Ignatio Patriarcha clarissimo.

Vltimum genus amplificandi ab Etymologia ex Superioribus constans amplificationibus, in Beatissimi Ignatii Confessoris laudem.

Sed quam lucem tuum nomen afferat Heros Ecclesiæ clarissime, videmus omnes & vident, qui te ab igne cœlesti dictum laudant commendantque magnificentissimè, ut non immerito, sed iure tuo optimo maximoque nomen afferas, lucis claritatique plenissimum. Quæ enim non testatur vitæ tuæ pars à translatione miranda lucis tuæ radios siue virtutes clarissimas, & inter illas demissionem, patientiam, caritatem proferat, siue fructus ostendet vberes, siue conflictus cum tribus humani generis hostibus acerrima contentione pugnatos, & victorios, & insignias victoriarum ostendat, siue lucem allatam cunctis gentibus atque nationibus ignis istius diuini claritate proferat in publicum, siue opus diuinæ virtutis magnificentissimum, monumentum Religionis illustrissimæ constitutum ad immortalis Dei gloriam sempiternam visendum spectandumque proponat. Omnia hæc plena lucis, plena claritatis spectantur, & spectabuntur in perpetuum. Vt enim columnam igneam Deus immortalis generi Solymorum in delicijs maximis habito præeuntem præposuit, quæ nocturnis in tenebris lucem afferret clarissimam, suis iter facientibus per vastam ac desertam solitudinem, & interdum oppositu obiectuque suo à Solis molestijs, & ardoribus flagrantibus rueretur atque defenderet: Et ipse Deus summus præprens, Ignatium Heroem cœlestem, Antesignanum Societatis Iesu clarissimum & illustrissimum, ignis diuini facibus flagrantem illustribus conspicuisque, mirandum in modum generi dedit mortalium vniuerso, ad tenebras ignorantie ex eorum mentibus disijciendas, & ad lucem fidei, virtutis, sanctitatis, perfectionis absolutæ, ex Christo Iesu exemplari viuoque Patris æterni lumine acceptam, in omnia terrarum Regna ingenti diuinoque splendore diffundendam: in quam aspicientes mortales, eamque lucem accipientes cœlestem ab incursionibus hostium humani generis capitalium assiduus defenderentur, & collucente tanto lumine circumfusi, in quam nati fuerunt patriam

cœlestem, agni lumine lucentem fulgentissimo clari illustresque conscenderent. Testis fuit imprimis traductio tanti Principis à sæculi tenebris ad Christi lucem eximiam, qua sic ab eo tempore lucere visus est facibus diuinæ claritatis accensus, ut in illius ore, oculisque niteret cœlestis atque diuina claritas, sæpe ac sæpius animaduersa. Testis fuit cubiculum illud viri clarissimi, quod fenestris ac foribus ex omni parte conclusis, obscurum & caliginosum, ingreſſente Patre hoc sanctissimo hominis istius in lecto iacentis inuiscendi causa, immensa claritate continuo compleri visum est. Testis est matrona splendidissima, quæ Ignatium in habitu ac forma peregrini, in templi gradibus, inter infimam multitudinem confidentem diuino splendore fulgentem conspiciens, admirata primum suam in domum vocauit, hospitio excepit liberalissimo, & ab illo tempore sumtus & impensas in studiorum cursum persequendum misericors ac liberalis impertita fuit. Testes fuerunt, & domestici multi, & externi & alienigenæ, qui eundem diuersis temporibus lucis diuinæ magnitudine lucentem fulgentemque non exigua sæpe admiratione conspexerunt. Testis postremo, ipse Pater & Antesignanus cœlestis, qui post discessum è vita, & in illam Dei immortalis aulam gloriosam ascensum, statim multis visus fuit in clarissima cœlestique Beatorum claritate collucens. Testes denique suæ laudis inuidi, ut omittam vitam sanctissimam, miraculaque stupenda, (non enim in oratione, sed in exercitatione versor) qui quanto maiore contentione, modis omnibus ignem hunc extinguere conati fuerunt, ventis omnibus aduersis perflantibus nunquam tamen eum extinguere potuerunt, nec extinguetur vnquam diuinis radijs insignis atque conspicuus. Atque hoc clatior, auditores, igne fuit Beatissimus Confessor Ignatius, quod ignis vel minimo flatu visus est extingui protinus fumigante deinde lucerna. At Ignatius, nullis turbinibus, neque cæcis procellis, nullis turbulentissimis tempestatibus concitatis, non dicam extingui, sed neque minimam accipere visus est offensionem, quin in medijs hisce fluctibus, magis ac magis sublatis, atque intumescantibus, clariorem de se semper, & illustriorem lucem, splendoremque diffudit. Quamobrem iure quidem optimo Ignatium appellatum, & dicimus, & prædicamus omnes veræ virtutis amantes, & æterni Beatorum nominis appetentes.

PRÆEXERCITATIONES AD SIMILIA REVOCATÆ.

Praexercitationes ferè omnes, quæ sunt veluti fundamentum artis Rhetoricæ, ex similibus, comparatis, exemplis, testimonijs, & contrarijs, cum similitum tractatione coniunctis petuntur. Quamobrem deesse viderer muneri argumentorum istiusmodi tractandorum, si relinquerem intactas aliquot magis præcipuas præexercitationes. Primum à fabula incipiamus.

DE FABULA.

Præceptiones Fabulae.

Fabula est rerum, quæ falsæ sunt, narratio.

Dilatatur fabula exordio, laudem auctoris breuiter continente; Praefabulari, id est fabulae expositione; facto quod adiunctis, & sermocinatione ostenditur; collatione eiusdem rei cum altera; epilogo breuiter complectente illud, quod ex totius exercitationis processu volumus effici.

Fabula Paridis, Exordium.

Horatus Princeps Lyricorum, præclara ingenij sui monumenta posteritati commendauit, non ad poesim solum summâ cum absolutione exprimendam, sed ad hominum & præcipuè adolescentum animos, qui cum se corroborassent, & viri inter viros essent Reipub. Gubernacula accepturierant, salutaribus consilijs, & bonis moribus imbuendos. Quicumque multitudinem & varietatem carminum Lyricorum, quibus poëtis cuiuscunque ætatis ac memoriæ

præstitit, qui sermonum & epistolarum duo præstantissima opera perlegerit, inueniet profecto sic cum amicis, sic cum Heroibus maximis, cum Principibus Reipub. cum ipsis Diis, quorum fabulas lepidè acutèque carminibus prosequutus fuit, colloquutum fuisse, ut ad mores, ad virtutem, ad Rempub. ingenij, quod in illo maximum fuit & acerrimum, vim omnem contulerit. Itaque præter nonnulla, nihil vnquam, neque verum, neque credibile, neque fictum & commentitium tractauit, nisi Reipub. utilitatem, amplificationemque contendens. Id quod in homine experte fidei Christianæ, & erroribus ac superstitionibus Idolorum constricto magni fuit faciendum: & ob eam rationem magis, quàm alij veteres quicunque Poetæ, detractis nonnullis, & ad legendum, & ad imitandum iuventuti præponi iure quidem optimo debuit Horatius. Illius mentem, & fructus, cum ex alijs lector suæ utilitatis appetens spectare potuerit, tum ex fabulis, in quibus mores hominum & quotidianam vitæ imaginem expressam breuiter aspiciet: atque ex illis Patidis præcipuè, nemini quidem in poetis versato incognitâ, sedulus, & diligens æstimabit.

Præfabulatio.

QUæ proculdubio eo spectat, ut turpem voluptatem, & exerandam libidinis impuritatem, omni studio diligentiaque fugiamus: qua nullam neque diuorem, neque magis capitalem pestem, neque magis infestam & perniciosam animis adolescentum & ad euertendas delendasque funditus Reipublicas magis exitialem, ad regnorum maximorum exitium, & interitum tam rapido præcipitique impetu ferentem inuenimus.

Factum.

PARIS igitur adolescens in Græciam nauigans, Micænas, quæ ciuitas fuit opulentissima & sedes ac domicilium Agamemnonis, ventis tandem foeliciter aspirantibus appulit. Quem cum filium Regis Priami, & totius Asiæ summi præpotentisque Domini sciret esse Menelaus, quod & forma illius liberalis, os Regiâ stirpe dignissimum, membrorum & lineamentorum omnium mira conformatio, maximus lepos ac suauitas sermonis, comitatus multorum aulae Regis Heroum,

Heroum, mirifica vrbalitas. & elegantia facile præferebat, hospitio magnificentissimo domi suæ excepit. Accidit vt ab vrbe abesse Menelaum, dies aliquot necesse fuerit. Absente Menelao Paris adolescens, & in libidinem effusus, flagrare cepit Helenæ amore detestando: cuius pulchritudine captus vt exarserat (erat enim spectata mirandaque venustate prædita) totus ardebat, peribatque miser. Qui igitur oculos ad illam adiecerat libidinis execrandæ, protinus ad rapiendam, secumque Troiam viro absente deferendam animum adiecit. Quid (inquit) faciam, totus at deo, flagroque totus, postquam Helenam accepi, & nisi meum animum expleuero, apud me nunquam esse potero. An vero ego Paris Filius Priami sim, filius Regis Asiæ potentissimi, & idem Regia & excelsa stirpe procreatus, & non ita me comparem, vt Helenam vxorem ducam. Regia etiam sanguinis & nobilitatis stirpe procreata, & adeo pulchram, adeo venustam, vt nihil supra, florem ipsarum mulierum & speculum & exemplar pulchritudinis? Ne vos diutius moter, omnibus verborum blanditijs, & illecebris voluptatum, sollicitationibus magnis Helenam in suum amorem pellexit. Itaque absente Menelao, nihil tale neque cogitante, neque suspicante de filio Regis, quem tali, ac tam excelso sanguine natum esse sciebat, vt nihil Regum claritate, neque tanta celsitate generis indignum cogitaret, tantum abest, vt id faceret, quod fecit, & turpiter patravit, fidem hospitij violauit, libidinisque macula turpissima, rapiens & abducens Helenam affecit. Reuersus postea Menelaus, & arreptam vxorem videns, quid putatis illum fecisse, quidque fudisse querelarum? fremdere ac fremere Menelaus, totus iracundia flagrare, sibi ipsi vim, quasi afferre, iudicare manus veltibus, inuolare suis propriis manibus in barbam, atque illam furem arripere. & testari seipsum, suorum nobilitatem maiorum, cælum Deosque omnes, & crebro ictu ferire terram, minaxi mortem Paridi, interitum Priamo, & vrbi Troiæ, Regnis & imperijs Asiæ vastitatem & exitium vltimum, nisi reddiderit, & restituerit Helenam. Accusare Paridem perfidiæ, accusare violari hospitij, sæpe perfidum & proditorem dicere, sanguine Regum indignissimum, denique cum fratre Agamemnone agere, concitare Principes Græciæ, & Agamemnonem præcipue, vt ornata instructaque classe in Asiam profisciscantur. Vt sciat Paris, vt sciat Priamus, sciant Princeps totius Asiæ, quibus Paris iniuriam fecerit, quos viros

Ducesque

Ducesque Græciæ fortissimos lacefferit. Menelaus facile rem impetrauit ab Agamemnone, & à reliquis Regni Principibus qui partim sui honois appetentes, partim iniuriæ magnitudine commoti post delectus habiros, & classem omnibus rebus ornatam & instructam secundis ventis, in Asiam venerunt. Qui cum frustra repetiissent Helenam, obsidione premere urbem Troiam per decennium non destiterunt: donec multis leuioribus prælijs factis, vulneratis & occisis vtriusque partis Ducibus fortissimis, post tantam temporis longitudinem, post decennij molestias & clades mutuo acceptas, Troia fallaciis ac fraudibus Sinonis capta fuit, & solo adæquata, partim flammarum ardore conflagrauit, innumerabilesque occisi fuerunt, & inter illos multi Principes Troiani, Priamus Rex potentissimus, vltimâ iam senectute confectus, in ipso Apollinis templo, frustra loci religionem, & Deorum opem implorans crudelissimè fuit interfectus. Multi relictis patriis sedibus, profugi & extortes in alicui Regna se receperunt, nunquam amplius solium patrium aspecturi; multæ virgines, & feminae lectissimæ, ipsa regina Hecuba, tot urbibus, tot prouinciis, tot Regnis quondam florentissimis potentissima in seruitutem miseram adducta. Urbis tandem opulentissimæ, & Principis tot Prouinciarum, vestigium nullum ferè relictum fuit imposterum.

Comparatio.

Quanto præclarius fuit Æneæ factum, & ad posteritatis memoriam gloriosius, qui præbens aures nuncio Mercurij, statim Iouis mandata exequutus fuisse dicitur: atque nullâ morâ interpositâ excessisse Carthagine, maria multa alia, quæ restabant, nauigasse, & prospero vectorum flatu, tandem aduersante Iunone, & ad classem submergendam obruendamque opes Acherontis excitante, quo nauigationem instituerat in Italiam peruenisse. Cum Italiæ fines attingisset, sibi, suisque requiem & sedes comparauit nominis immortaligloriâ. A Rege namque Latino liberaliter exceptus, quamuis post aliquot bella confecta, ducens in matrimonium filiam Regis, Lauinium condidit, urbem inclytam & opulentam decursu temporum, quam ab vxoris nomine, gratus & memor hospitij appellauit. Inde filius Iulius Ascanius ædificauit Albam; vnde Reges Albani, vnde etiam Reges Romani, tot
Principes

Principes & Cæsares inuictissimi, qui terrarum orbis Imperio potiti, summi præpotentesque omnium gentium ac nationum Domini fuerunt: quorum nomen barbaræ gentes metuerunt, omne genas hominum coluit, & affecit honoris & gloriæ ornamentis sempiternis. Neque vllæ vnquam tam rudes & im-politæ nationes, tanta humanitate & elegantia præditæ, quæ nomen illorum non immortalitatis præconio prosequerentur.

Contraria.

ATque ut Paris nomen suum æternis dedecoris & ignominie maculis asperfit, qui à tanta tamque contestata Regum clarissimorum virtute degenerauerit, neque quisquam vnquam nominauit, quin execraretur, & ex sua vellet, tanquam dirum & fatale monstrum memoria delere: sic Æneas nomen suum clarius & illustrius rerum præclarè gestarum gloria reddidit. Quis autem legit Maronem, qui non Æneam omni sæculorum memoria dignissimum iudicauerit? Paris sceleribus parenti Priamo mortem, Regnis occasum attulit. Æneas factis egregiis, & immortalibus principium dedit Romanorum Imperio, & eorum virorum famam tanti Ducis posteris extremis præcipue Reipubl. Romanæ temporibus magis propagarunt, & nomen, & imperium vltimis terrarum finibus terminarunt.

Epilogus.

Quis igitur non videt libidinem fugiendam esse tamquam pestem animorum capitalem, & ex Dei immortalis præscriptionibus sanctissimis, omnes nostræ vitæ actiones dirigendas, & ad cœlestis aulæ gloriam conferendas esse: nequam sibi pestem Paris asciuit, & inuexit vltimam, nos animis nostris temerè ac furenter comparemus: sed obtemperantes Deo, diuinaque illius placita sequentes, cum ab aliis flagitiis, tam etiam à libidine abstinemus? Nunquam autem ad appetendas mulieres oculos coniciamus, si volumus, quemadmodum Æneas in Italiam appulit, nos in sedes ac beatorum domicilia con-scendere.

CHRIA.

CHRIA est commemoratio brevis personæ alicuius, vel acti, vel dicti, vel utriusque simul.

Est autem Chria triplex. **VERBALIS**, quæ verbis constat: ut Plato dixit, virtutis Ramos ex sudoribus, laboribusq; nasci. **ACTIVA**, quæ factum solùm recense, ut Pythagoras interrogatus, quanta esset hominum vita, cum per exiguum tempus se conspiciendum prabuisset, è conspectu statim se subduxit humana vitæ breuitatem, ex illo breuissimi temporis spatio significans.

MIXTA, quæ oratione pariter, & actione constat: ut cum Diogenes adolescentem lasciuientem vidisset, illius pedagogum baculo percussit: quid, inquit, talia puerum doces?

CHRIA dilatatur exordio, expositione, ratione, contrario, simili, exemplo, testimonio, peroratione.

EXORDIVM auctoris laudem continet.

EXPOSITIO declarat, quid verbo, aut dicto significetur.

CAVSA, rationem aut dicti, vel utriusq; reddit.

CONTRARIVM docet, quid mali ex contrario sequetur, aut quid boni, si res ita fiat.

SIMILITVDO, exempla, testimonia, ad confirmationem asseruntur.

EPILOGVS breuiter capita superiora complectitur, aliquamque ad id, quod propositum est, aut adhortationem, si honestum sit: aut si turpe sit, deestimationem continet.

Chrisia actiua de Lacedæmonum consuetudinē antepuerorum otulos statuentium ebrios Seruos.

INter alias orbis terræ gentes ac nationes clarissimas, quæ Respublicas benemoratas, præclareque constitutas habuerunt, tantâ nominis celebritate Lacedæmon viguisse fertur, vt vulgò sermonibus hominum, & publicis litteris ac monumentis hominum seuerus Lacedæmon appellaretur, ob suorum hominum spectatam nobilemque virtutem. Lycurgus enim eas leges tulit, cæterique legislatores, quibus togæ militiæque ad omnem temperantiam, & morum honestatem, iam inde a pueris Lacedæmones formabantur: sic autem viri, mulieresque agebant, vt peccandi sublatas de medio haberent occasiones. Quamobrem mulieribus, quibus liberior viuendi, quod ad corporis cultum spectat, licentia dari posse videbatur, sic facultas præcidebatur omninò, vt neque rutilare capillos, neque os fucò pingere, neque auro pretiosisque vestibus corpus ornare, neque villo simulationis artificio præferre speciem aliquam pulchritudinis ad fallendam capiendamque iuuentutem possent. Viri autem sic in omni laboris & corporis contentione exercebantur, vt nunquam otiosam vitam, & refertam voluptatibus agerent: sed ad militares labores, ad hyemis niues, & glaciem, ad Solis ardores, & æstus, calores grauissimos fortiter perferendos, ab ipsis incunabulis sese assuefacerent. Quæ cum ex aliis legibus latis ad Rerum publicam constitutionem prudenter latis, tum ex illâ vetustissimâ consuetudine iam inde à primis istius imperii temporibus constanter seruata, faciliè cognoscemus. Cum enim filii sic alerentur, vt nunquam cibo complerent sese, vt esurirent semper, nec à mensa surgerent vnquam saturi; tum seruos quosdam ebrios vino multo, quod prandentes hauserant ante illorum oculos parentes statuebant.

Expositio.

QVO facto parentes optimi, vereque filiorum suorum amantes filios admonitos esse volebant, vt cum in cibus, tum præcipuè in potu mirificè abstinentes essent. Quod vt melius præstarent & auidius, seruos istiusmodi vino obrutos spectandos conspiciendosque proponebant: vt è nimia potus intemperantiâ, seruorum perspectâ deformitate faciliè deterre-

Ratio.

NAm si bona indole essent, & honoris appetentes ac digni proborum beneuolentia & charitate esse vellent: horrent statim aspectu deformitatis nefarium & execrandum ebrietatis portentum. Nam quid ebriis foedius? quid temulentorum foeditate deformius? quorum oculi diducuntur, genæ flagrant, labia tument, nec lingua, nec pes, nec manus officium suum facere possunt: sic grauitate corporis, & in tolerando pondere laborant, vt se commouere nequeant, iudicio sæpe, & sensibus spoliati, tanquam stipites & trunci iacent, vino obruti, donec crapulam edormiant & exhalent.

A contrario.

Contra verò, qui modicis potationibus est affectus, & modum ac moderationem in bibendo tenet, vt temperatus fuerit, ita bene constitutus erit corpore, & ad suscipiendas omnes actiones mirifice affectus. Neque dignitatem oris, compositionem membrorum, & omnem totius corporis constitutionem præclaram amittet, quæ perturbari solet intemperatissimis perpotationibus: sed erit mirâ venustate oculorum, suauitate coloris, dignitate oris, viribus integris, & valenti corpore, sedatâ mente, pacato animo, iudicio denique integro; vt omnibus corporis & animi muneribus præclare fungatur.

Similitudo.

VT enim simul atque furor hominem inuasit, ille omni iudicio spoliatus, res agit plenissimas inconsideratissimæ ac dementissimæ temeritatis: sic ebrius, quasi mente captus, non delectu aliquo, aut iudicio duci potest, sed impetu semper, ac præcipiti furore, quem qui vident, vt insanum & furiosum fugiunt, ne impetus faciat violentos ac furentes: quia de mentis statu deiectus motus habet turbulentos & concitados & omniratione vacuos.

Exemplis.

Exempla.

AN verò exempla deesse possunt, cum Poetarum sa'ulis tali Bacchus describatur: qui plenissimus vino, sertis redimitus, cornibus ab utraque parte frontis prominentibus, flagrantibus oculis, accenso vultu, fistulam ore admoueat, & bacillo crebro vehementerque tympanum pulset, iacens humi, diductis cruribus, totus vecors & amens. Quod si à tabulis transeamus ad veterum annales, quid dedecus & ignominiam subire coguntur Byzantii, qui proclives, atque propensi ita ferebantur ad bibendum, ut relinquerent suas domos, peregrinis locarent, transmigrarent in cauponas, ut se vino magis complerent, & obruerent? Quamobrem ea in se, in suos admiserunt, quæ nec honestè dici possunt. Ebrietate vinoque diffluente delectabantur tibiæ sonò, clangorem buccinæ tubarumque fremitus sustinebant: territi statim illi, dissipati, diuersique fugiebant, quasi æstro quodam perciti, & rædis futiarum ardentibus agitati. Quot verò ex sacris litteris viri peccentur, qui sine modo bibentes per potationibus immoderatis mortem sibi consciverunt? quis non accepit ex Machabæorum libris ebrium & remulentum factum fuisse Sitmonem senem, & filium eiusdem, quod simul atque intellexit Ptolomæus, arma cepit statim, & cum militibus in palatium, in quo conuiuium maximum lectis magnificentissimè stratis celebrabatur, tumultuosissimè inuasit, & ille & milites cædendi faciunt initium & stragem, in illum, in filios, in pueros irruentes horridum, nulla misericordia alacres & exultantes edunt? quis etiam tam ignarus erit sacrarum litterarum, qui non legerit aut audierit aliquando, Holofernis Assyriorum Ducis feritatem maximam, & eiusdem exercitus innumerabili multitudine militum abundantes? cum is se vino obruisset in conuiuiò, & iaceret in lecto, nimia ebrietate sepultus, nonne gladium eiusdem Iudith fortissima virago arripuit, & diuino robore munita bestiam immanem turpissimâ morte confecit? Cuius capite prospecto Assyrii solvere statim obsidionem, mouere castra & migrare vnus magnanimitate perterriti, terga vertere turpissimè ceperunt.

Testimonia.

Non immerito profecto, ebrietatem multi mortem appellauerunt: quæ sic homines orbatî sensibus manent, ita sine mente, sine iudicio sunt, ut illos inter mortuos numerare valeamus. Quid quod sine corde dicuntur esse, & hæc ignominia labæ ab Olea vate notantur? & merito, quia vecordes sunt, & ipso sæpe Athamante demetiores.

Epilogus.

Qui voluerit igitur sanâ mente, integro iudicio, viribus firmis, præstantiâ hominis præcellentissima valere, fugiat ebrietatem, excretur perporationes, & ita præfinito bibat, ut semper corpore sit & animo præclare constituto ad omnes suscipiendas actiones: ne videatur omnem exuisse humanitatem, & in pecudem intemperantissimam turpiter degenerasse. Hoc lectorem factum Lacedæmonum, damna ebrietatis, similia, & tot exempla ac testimonia satis præclare docuerunt.



SENTENTIA.

SENTENTIA est, quæ quid sit, aut quid esse debeat in vita breviter ostendit.

SENTENTIA dilatur, eisdem capitibus, quibus Chri.

SENTENTIA differt à Chriâ: illa enim nunquam in actione consistit, & sine auctore sæpe effertur.

Tractatio sententiæ.

Qui se exaltat, humiliabitur.

Exordium.

Assertor humani generis Christus Iesus ab æterno Patre missus in hæc terr. rum sola fuit, non solum ad homines ex Dæmonis miserâ servitute in pristinam libertatem vindicandos. sed etiam ad viam cælestis aulæ, sua cælesti doctrinâ, & actionibus vitæ sanctissimis demonstrandam: ad quam aspiraremus & mirabili celeritate festinaremus, præceptis,

ptis, & consiliis tanti Domini diligenter obsequentes: sed hæc sunt Perfectorum, & summa sanctitatis laude florentium; illa cuiuscunque generis hominum studio diligenteraque seruabuntur, si Beatorum gloria immortalis participes esse voluerint. Hinc demissionis, patientiæ, religionis studiosi, valdeque appetentes multi fuerunt, multi rebus huiusce sæculi nuntium omninò remiserunt, vt Christi Iesu sanctitatis absolutæ, si non exprimere, suis saltem moribus, & vitæ actionibus adumbrare conarentur. Quam viam quo facilius angustis consiliorum semitis vtentes arduam atque altam conficiant, ipse Christus Iesus faciliorem parèfecit & illustriorem, cum exemplo suo mirabili, tum sermonibus multis de virtutibus ad viam hanc perfectæ sanctitatis hominem ducentibus, præclarissimè diuinisque factis, inter quos post laudem demissioni tributam superbos deprimendos ostendit, ea quæ sequitur sententia.

Qui se exaltat humiliabitur.

Expositio.

QVibus verbis Vindex nostræ libertatis significare voluit, superbos & insolentes, qui sese insolenter extulerint, & alios præ se ipsis contempserint, sibi semper principatum vindicantes, propter inanem iactationem & insolentiam, gradu suæ dignitatis altissimo deiciendos esse.

Ratio.

ET meritò quidem, optimè sibi quisque istud in animum inducere potest: quibus enim hominibus non fuerit infestum & odiosum genus superborum? Quippe quod elatum, arrogans, nobis cœlitibus, & ipsi Deo immortalis bellum facere videtur. Videre autem est illorum superbum incellum, cum fastidio & arrogantia, difficiles ad illos aditus, & penè oculos, vultum & frontem immotam, grauitatem spirantem, fingentem horridam seueritatem, iactationem illam brachiorum, nutus & significationes, vt Reges agere videantur, & Principes in celsissima honoris sede collocatos. Præ se contemnunt quoscunque alios, & cum superbia colloquentes sumunt spiritus plenissimos elationis & arrogantiae. Neque his duntaxat illorum superbia sinibus continet sese: sed eo progreditur amentiae, vt mentiti Regiam dignitatem, exercent

crudelitatem: Hanc intolerandam superbiam cum perficere nequeat summus, præpotensque Deus, nec perferenda quidem sit, tandem eos iustis ac debitis suppliciis afficit.

A Contrario.

Qui verò demissionis viam contendunt, & humiliter se gerunt in homines, non pares duntaxat, sed in infimos etiam, & nullo splendore claros, æfferuntur & tolluntur laudibus supra reliquos homines, atque adeo post mortem euehuntur in cælorum sedes altissimas: quorum videre est modestiam summam, demissionem in verbis, in actionibus suis, in omni statu motuque corporis, ab omni non solum inania iactatione, & insolentiâ prorsus alienam, sed cum sanctorum nostræ Religionis virtutibus, cum consummatâ Christi Iesu sanctitate mirificè congruentem. Hos Deus optimus ac maximus, ut prædixi, effert, & ex minimis maximos facit, & euehit in honores & dignitates altissimas: semper enim illi demittunt, & abiiciunt sese, & infra alios poni gaudent magnopere: tantum abest, ut præripere cuiquam honorem velint. Qui cum se laudari, & prædicare sermonibus hominum addiunt, afficiuntur pudore, rubore statim spargi genæ videntur, deiciunt oculos præ virginali verecundiâ, contrahunt humeros, audiunt inuiti & ab omni rumore abhorrentes, quidquid de illis laudabile & honorificum non prædicatur solum, sed si significetur, si possunt sermonem auertunt, & in aliquem ex præsentibus vel absentibus laudes conferunt, atque transferunt protinus, libenter atque lætè. Denique cedunt semper loco, & omnium se ducunt infimos, altissimis celebrandæ demissionis radicibus actis.

A simili.

VT fulmen naturâ suâ fertur in sublime, & fulgure ac tonitruo terrifico decidit in turres excelsas, in arces Regias, in montes altissimos, in celsiora quæque ædificia; ita quidem providentiâ divini numinis, cædes, strages, innumera bilia mala in superbos illata recordari poterimus, & videbimus, & audiemus omni tempore. Quique cum summo imperio dominatum habebant amplissimum, ex altissimo sedis honore cum ignominia maxima boni omnibus euersi, & vita sæpe spoliati ceciderunt.

Ab exemplis.

Quid enim aliud gygantes præseferre voluerunt nisi superbiam & elationem intolerandam, qui suâ illâ corporum mole, vastitateque horribili, suis illis viribus valdè formidandis montes montibus imposuerunt, ut Iouem, cæterosque Deos de cælo præcipitarent (qui suæ temeritatis, & arrogantiz pœnas dederunt) deiectis montibus ictu fulminis confluentes. Quæ si veteres errorum laqueis implicati confinxerunt, quid nos cultores Christianæ Religionis dicemus, Luciferi ruinam in memoriam redigentes? nonne ille, qui bellum immortalis Deo facere fuit ausus, datus est ex altissimis cæli sedibus in sempiternam inferorum caliginem? ubi ex pulcherrimo fœdissimus, ex potentissimo inimus, ex amicissimo Dei immortalis inimicissimus exitit, perennis tanti Domini, & omnis generis hominum perpetuus & capitalis hostis, qui dies noctesque insidiari cuicumque probo magnoque Christiano Religionis cultori non desinit, & omnes technas, & machinas adhibet, ut in obscuras inferorum regiones deiiciat.

A Testimonijs.

Quare non immeritò sacri Doctores caput vitiorum omnium, & fontem flagitiorum superbiam appellant: cum ab illâ tanquam è seminario malorum omnium scelera quæcunque flagitiaque proficiantur. Omnes autem, qui noluerint peccatorum sordibus contaminati, & gloria felicitateque beatorum sempiterna frui, in omnibus vitæ suæ actionibus, verbis etiam & cogitationibus Christi Iesu imitatores demissionem colant & omni ratione complectantur.

Epilogus.

Quæ cum ita sint, quid est, quod dubitare debeamus de superbiz deformitate, de tanti portenti diritate, crudelitateque detestabili, si tot rationibus, si veterum fabulis & historijs, si ruina Luciferi, atque testimonijs sanctorum, & Christi Iesu potissimum, tam tetram & immanem belluam modis omnibus fugiendam esse cernimus? Quemadmodum nulla certior ad cælorum aulam viâ demissionis, ita quidem nulla apertior ad animorum introitum, & ad inferorum tenebras, elationis atque superbiz.

ÆTHOPÆIA.

ÆTHOPÆIA est imitatio vite ac morum alienorum, quâ scilicet subiecta p. rsona mores vel affectus exprimuntur.

Est autem triplex **ÆTHOPÆIA**. Aut enim nota persona, sed vita functa, & tunc **IDOLOPÆIA** vocatur: aut persona fingitur & oratio, & tunc **PROSOPÆIA** appellatur: quæ tamen tria imitationum genera multis hoc **ÆTHOPÆIÆ** nomine complectuntur. Et quamvis Aethopæia in dictis versatur & factis, prior quidem pars huc maximè spectat. Alia era ad descriptionem, diuersum progymnasma, referenda est: de quâ præcipuè in libro Demonstrationis à nobis actum est.

Diuiditur autem ea, de quâ agimus in passiuam, quæ personæ affectus, & animi nutus exprimit, ut qualia verba fuerit Hecuba subiecta Troiâ: in moralem, quæ mores solum d. pingit, ut quid diceret rustica, cum primum nauim videret: in mixtam, quæ mores pariter & affectum exprimit, ut quæ oratione Achilles vteretur occiso Patroclo, cum pugnare decreuisset. Consilium alio moris exprimit, affectus ex occiso amico excitantur. Huius exercitationis vsus eo spectat, ut omnium personarum affectus imitemur, aptas cuique sententias ac verba tribuentes, quæ vel iram, vel timorem, vel prudentiam, vel temeritatem, vel letitiam ac ceteros animi affectus & motus exprimunt.

In **ÆTHOPÆIA** tria tempora spectantur præsens, præteritum, futurum. In præsent: recensentur, quæ adsunt, quæque proposita sunt, quæque affectus nostri sunt causæ, siue læta, siue tristia illa sunt. In præterito, hæc cum superioribus conferuntur vel lætis, vel tristibus, vel nostris, vel alienis: in futuro adducuntur consilia, aut remedia, quibus malis præsentibus subuenire valeamus.

*Quæ verba faceret Philippus tertius hoc nomine Christiano-
rum Rex, cum primum Regni clauum
accepisset.*

A presenti.

Q Vis me potentior, quis opulentior Philippo hoc nomine
III. Hispaniarum Rege, celebrari potest, ex omnibus to-
tius Orbis terrarum Regibus potentissimis opulentissimis-
que? Quem Deus optimus ac maximus dono ac munere singu-
lari, tot & tantorum Regnorum & Imperiorum gubernaculis
in tam tenera ætate, atque adeo in iuuentutis flore præfecit?
Cum cogitare incipio mecum tacitus populos, vires, & pro-
vincias finitimas tam longè lateque perpetua ditione conti-
nuatas, quæ tam propè coniunctæ cohærescunt, quasi inter se,
& alias aliæ consequentes continuantur. Cum enim regna in
sedibus alienis, tam latè longeque distantibus posita, & extre-
mis prope terrarum sedibus terminata, tam multo vastissimo-
que mari, quod nauigandum est prius, vt ad illa mei homines
perueniant interiecto, remotissima, tacita cogitatione comple-
ctor, obruor multitudine magnitudineque diuinorum in me
beneficiorum tanta largitate collatorum. Quid enim homo
amplius hisce corporis compagibus contentus, dum superstes
est ad Regiæ dignitatis gloriam & decus illustre desiderare
possit? cum sim ego beneficentia liberalitateque tanti Domini
Rex vtriusque Castellæ veteris & nouæ, cum Rex etiam Berthi-
cæ, cum Aragoniæ, cum Valentia, cum totius Lusitaniz, cum
in Italiæ remotissimis sedibus Regnum Neapolitanum, Me-
diolanense, Siculum & Sardoum, & alias his Regnis adiun-
ctas Provincias, quibus quondam singuli Reges cum imperio
& maiestate Regali præsidebant, obtineam. Quid si spectem
veramque Indiam, Mexicanam & Peruanam. & Patris nomi-
ne vocata Philippina Regna, quæque his propinquiora quoti-
die patefunt Regna locupletissima, & nostrorum opera so-
lertiaque Hispanorum inuestigantur & reperiuntur, nouas
terrarum orbis partes opulentissimas, argento, auro, gemmis &
omnibus diuitijs abundantes? Omitto Lusitaniz ditionem
amplissimam nostris Imperijs adiunctam, Lusitanorum Indiam

locupletissimam. Prætereo Flandriam nostram antea, modo traditam Archiduci Principi cum Infante præcellentiſſima ſore meâ ad dotem amplam Regalemque ſoluendam. Sileo Prouincias, quas ex Flandriæ ſedibus & ditionis ampliſſimo dominatu, Hispaniarum adhuc imperio parere ſciunt homines. Omnes illæ prouinciæ clariſſimæ latiffimæque ſunt, & noſtri generis & familiæ Auſtriadum antiquiſſimæ patrimonium concelebratum. Ex his omnibus ſedibus, quæ quot prouinciæ numerabantur antea, tot erant Regna florentiſſima, iam in noſtrum imperium ditionemque redacta, quæ vectigalia, quæ tributa nobis penduntur, quæ pergrandes ac pene innumera- biles exiguntur pecuniæ? quantum argepti, quantum auri, quantum gemmarum, quantum omnis generis diuitiarum ex Indiarum Regnis inuehitur in Hispaniam: omnibus profecto bonorum copijs in gremio, quod aiunt luxuriantis fortunæ poſitus abundo: quem in finem, ad quos uſus in me ſummus ille terræ cælique opifex & architectus Deus tam munificus ac liberalis?

A Præterito.

Recordor præteritum tempus, & ab illis quidem annis præcipuè, cum Princeps eram, & dicebar tot Populorum, tot Urbium, tot Prouinciarum, tot Regnorum opulentiſſimorum, quæ à me breuiter commemorata ſunt. Atque in illa ſemper cogitatione verſabar, vt quidquid Deus optimus ac maximus uellet, quidquid uſui maximo Reipub. Chriſtianæ eſſet, quidquid ad Fidei ſanctiſſimæ amplificationem, ad meorum incrementa Regnorum, ad parentum mihi Hispanorum utilitatem ſpectaret: id ſolum cogitarem, vellem & appetere. Ad eam me rem profecto pater meus Philippus Hispaniarum Rex hoc nomine II. (quem honoris cauſa nomino) bene non ſolum litteris, humanioribus ſcilicet ac Græcis, noſtrorum & veterum annalium ſcientia, dato doctiſſimo ſapientiſſimoque præceptore, quem omnes ſciunt. Archiepiſcopo Toletano, & ſedis Romanæ Cardinali digniſſimo, Garcia Loaiſa, imbuir & inſtruxit, ſed ſanctiſſimis moribus, & virtutibus præſtantiſſimis inſormauit & excoluit, per omne tenerræ ætatis tempus. Atque idem me ad parentis mei, ad Caroli Aui inuiſiſſimi, Romanorum Imperatoris ſimilitudinem, præpoſitis exemplis,

exemplis, omni laude dignissimis, quasi effigiem alteram & imaginem clarissimam viuis conabatur exprimere coloribus. Ego nihil magis cupere, nihil magis in memoriam redigere, nihil frequentius sermonibus meis vsurpare, neque in colloquijs familiaribus cum præceptore meo, cum pædagogo, cum principibus aulae meae magis repetere solebam, quam id quod esset principis amplitudine, præcellaëque Regis maiestate dignissimum. Videbam sæpè somniate Prouincias, quanquam mutas res, & inanimas mecum colloquentes, & meam operam, meum auxilium ad suam conuersionem & amplificationem implorantes. Videbar videre hostes Religionis in Hispaniam concitados, & classibus ornatis & instructis meas velle Prouincias inuadere. Videbar denique Religionem ipsam aliquando mœstam, atra veste indutam, lugentem & deplorantem insolentiam prauitatemque hæreseos sectatorum, sæpè etiam lætam & hilarem, in albenti pretiosaque veste, animisque fulgentibus distincta, læta mihi multa de sua amplificatione, de suo incremento narrare, me postremo facibus ardentibus, ad mea Regna, ad meam matrem defendendam, ad depellendam hæresim, ad fidem amplificandam, meis egregijs facinoribus excitare; statuere ante mentis oculos, tot diuitias, tantam vim & copiam argenti aurique Hispaniarum, omnem postremò potentiam Regnorum meorum, ad gloriam nominis immortalem, & ad illam beatorum immortalitatem omni contentione semper adhibita comparandam.

A futuro.

Quid sim acturus in posterum, optime scio, quemadmodum tantis ab immortali Deo beneficijs acceptis respondere debeam; quamque sim præstiturus operam, vt Philippo parente meo, vt maioribus meis, tot Ducibus fortissimis, & Imperatoribus clarissimis dignissimus esse videar, constitui, & iam deliberaui; neque me quisquam à proposito, suscepraque sententia dimouebit. Non ab hac causa labores & difficultates, non passim obiecta pericula deterrebunt. Constitutum ac deliberatum animo habeo, mori prius, & milles, si opus fuerit, mortem oppetere, quam in minimare, officio meo, dignitatiue deesse. Insistens ergo vestigijs parentis mei in Hispaniarum, cæterorumque Regnorum quibuscunque

Populis & Urbibus & Prouincijs litteratos præficiam, maximeque Doctos homines, moribus & vitâ integerrimâ præditos, fouebo litteras, alamque præmijs & honoribus singulos in dies maximis. Vitia ex Hispaniâ, & ex meis Regnis libidines, furta, rapinas, homicidia exterminabo. Neque præscindendas solum occasiones, sed fibras malorum omnium extrahendas; euellendasque curabo penitus: sic colam summâ religione Fidem, sanctitatemque Christianam, vt in illius cultu religioneque suis ritibus ac cæremonijs seruandâ diligenter elaborem. Nihil vnquam aggrediar, neque tentabo faciundum, quod non expierate Christianâ, ex Dei voluntate, ex nostræ Fidei legibus, & præscriptionibus sanctissimis esse cognoscam, quod non diuinæ maiestati precibus assiduis commendem, & sanctissimis Christi cultoribus, omnibus sacrarum familiarum alumnijs, non sanctè religioseque commendandum curem. Huiuscere rei causa non adhiberi solum preces, sed priuatim ac publice rei diuinæ sacrificia fieri, supplicationes decerni, vñtato apparatu, pompâ, splendore, & quod caput est, summâ religione singulis in oppidis ac ciuitatibus iubebo. Quod verò ad Rempub. administrandam spectat, delectus haberi, exercitus cogi omni copiarum genere abundantes, classes maximas instrui, & ornari in hostes Fidei, præcipiam, memor Caroli Imperatoris Aui mei. Quæ à Deo optimo ac maximo mihi tantâ liberalitate donata sunt ad fidem augendam amplificandamque conferam: & ab hoc, ab hoc, inquam, tempore incipiam: si mortem oppetam, quid mihi iucundius? quid gloriosius? quid ad animi fructum, ad gloriam beatorum immortalẽ comparandam melius esse poterit, quam pro Christi religione, pro tanti Domini gloriâ propagandâ, meorum Populorum, Urbium, Prouinciarum opes, Regnorum meorum potentiam omnem, me denique ipsum in mortis periculum apertum & in extremum discrimen fortiter infetres mortem oppetere gloriosam, dignam nomine, & honore Regis Catholici celsissimo, dignam denique progenie illa stirpeque Regis inuictissimi, & clarissimi Martyris Ermenegildi: cuius si vel solum exemplum mihi imitandum proposuero, qui si ium Principem, qui Reginam vxorem, qui Regnum, qui seipsum totum immortalĩ Deo libens ac lætus deuouit, claritati verè Regiæ, & Gothorum, vnde procreatus sum, generi fortissimo celsissimoque respondisse videbor.

Altera Æthopæia.

*Qua verba faceret adolescens in aliquam virorum
Religiosorum sacram familiam
cooptatus.*

Apræsenti.

Quid melatius, quid iucundius esse potest? cum tantum ab immortali Deo beneficium acceperim, ut me in Beati Francisci sanctissimum ordinem cooptatum aspiciam: atque ex illorum numero sim gloriosi Francisci alumnorum, qui tanti parentis præscriptionibus institutus, Christi Iesu consilia sequi debeam, & rigidam disciplinam tenere? quæ voluptas est animi, iucundissimaque læticia, sic omnes suæ vitæ actiones, tantæ disciplinæ sanctionibus, & instituto dirigere quenquam in Dei cultum, religionemque sanctissimam, ut nihil agat, nisi sanctè, nisi seuerè, nisi ex Dei optimi ac maximi voluntate? Atque certum illi semper fiet, dummodo præscriptionibus adhæserit B. Francisci, & ab instituti sui itinere non discesserit, rectam viam, & maximè peragratam à sanctissimis & absoluta sanctitate viris contendere. Cum me video in Dei optimi ac maximi gratia positum, & illius virtutum maximarum, & sanctissimorum consiliorum amantem: cum tot dies, & noctes nihil agere, nisi quod collatum est & maximè gratum Christo Iesu, & in omnibus vitæ actionibus me ipsum frangere, animum vincere, motus perturbatos & à ratione vacuos cohibere, suscipere exercitationes demissionis, & omnia mandata exequi, quæ à Præfatis istius ordinis habuerim, pietatis, misericordiæ, caritatis, & reliquarum religiosæ vitæ virtutum. Afficior voluptate maxima, cum me remisisse nuncium sæculo, cum declinasse laqueos, & retia dæmonis, cum diuitijs & parentum patrimonio abdicasse, vestitus & cultus corporis pretiosos, omnem splendorem & iactationem sæculi abieisse recorder. Cum video me nihil agere, nihil curare, nisi quod proprium Religionis sit, & Deo duntaxat gratum, & pericundum: cum video me inopiæ & Patris Francisci mendacitatis extremæ auiditate flagitare, aspera crassaque veste corpus indui,

indui, & cilicium carni adhærens debere gerere, & re ipsa gerere: cum video me in omni contentione ac despicientia rerum humanarum ponere felicitatem meam, inedia, vigilijs, castigatione corporis, motus carnis comprimere, diuinæ meditationi tribuere statas & præfixitas horas: cum video me psallere, cum laudes æternæ maiestati persolvere, ac tribus me breui paupertatis, castitatis, & obedientiæ votis cupidum esse constringendi: quid postremo, cum aspicio hæc omnia eo spectare potissimum, ut cœlestem gloriam, ut aspectum diuini numinis consequar, huiusce vitæ muneribus defunctis, quàm lætitiâ & solidam animi voluptatem capio? Vix apud me sum præ gaudio propter hoc tantum tamque mirandum à Christo Iesu beneficium in me adolescentem tanta benignitate collatum.

A Præterito.

QVis antea miser & infœlix eram? quantis in tenebris iacebam? quantis in malis versabar? quibus expositus periculis? quam mei ipsius inscius, & oblitus omnino Creatoris mei, & illius gloriæ sempiternæ, ad quam aspirare debebam, & omni studio alacritateque properare? Væ mihi si perseuerassem in sententia, si progrederer viam laxam & patentem Dæmonis, tantis laqueis implicitam, & plenam insidiarum, tantis peccatis & sceleribus infestam, tot illecebris carnis & perituris voluptatibus confertam, ducentem planè ad animorum exitium, & pestem ultimam, accersentem & attrahentem inimicitias Dei sempiterni capitales, pœnas & cruciatus inferorum in omnem sæculorum æternitatem permanfuram: siccine in omne vitiorum genus, præcipiti semper impetu, sine fræno ferrer, ut cultu corporis, nobilitate generis, affluentia bonorum efferrer? ut omnes carnis nefarias voluptates, & effrænatas impuritatum omnium libidines confectarer? ut semper de honore, de inani gloria, de gradu celsiore, de fortunis amplificandis cogitarem & agerem? ut dicerem mendacia, ut darem iureiuranda sæpè falsa? ut vix octo & decem annos natus, nihil nisi cum iureiurando loquerer, iurare in impiè ac nefariè duos omnes, & principes Apostolorum Petrum & Paulum, & virginem parentem Christi Iesu, & ipsum Christum Iesum, ac Deum ipsum verum & immortalem ore impudenti, sacrilega lingua, & periurij labe
contra-

contaminata; sæpe, ac passim testans, cunctorum cum offensione ac terrote præsentium? Commune enim illud erat me equitare cum omni iactatione, & singulis prope diebus cum mutati vestitus ostentatione colludere cum paribus, cum infirmis sæpe, & infamibus viris, & ludere talis, pictis folijs, multas amittere pecunias, & in vnum non semel ludum conferre quidquid haberem pecuniarum, augere sponsonem, vt cum lucto multo, & cunctorum collusorum pecunijs auctus discederem, aut spoliatus & inanis omnino. A quibus ego mulieribus cohibui oculorum aspectum, nullo discrimine nuptarum & innuptarum appetentissimus? omnes verborum impuritates, singulis horis ac momenti turpiter & nefarie flagitia committebam; qui non audirem sacrum sæpe, nec nisi semel annum expleto, excitati à mortuis Domini ferijs expiare conscientiam non memineram, nullam de Deo, de virtute, de cœli gloria sempiterna cogitationem suscipiebam: & in medijs meis voluptatibus & sceleribus mentem mihi dedit Deus ingrediendi in Francisci sacram Religionem, atque adeo vehementi animum accendit desiderio, vt non destiterim, quoad tantum beneficium consequutus fui.

A Futuro.

Quid aliud faciam in posterum, quid coner potissimum, nisi me totum dedere animo & voluntate in Dei cultum, sanctissimamque Religionem? nisi ad huius rei duntaxat studium sic incumbere, vt nihil nisi ex grauissima seuerissimaque Francisci disciplina agam? Vt me illius vitæ, morum integerrimorum, absolutæ perfectæque sanctitatis æmulum, & imitatore præbæm ad extremam vsque vitæ spiritum? Has elicias, has veras & solidas voluptates hauriam: cum cilicio, cum inedia, cum omni corporis afflictatione, cum carnis compressionibus me oblectem? Quod si fecero, quæ gaudia beatorum? quæ lætitia immortalis? qui honores? quæ dignitates nullo vnquam æuo peritura? me post animi ex hoc corpore discessum manent? Quàm feliciter dies in rerum diuinarum meditatione, in diuinis laudibus concinendis, in omni virtutis & sanctitatis exercitatione, in laborum cunctorum tolerantia, in demissione, caritate assidue, diligenterque colenda positas, in afflictanda carne, in exercuciando corpore, in perturbationibus

bus domandis, in coercenda appetitione quacunque, modos & rationes ex Beati Francisci Ordine petitas, affecti cœlesti ac diuina corporis & animi voluptate recordabor? tandem ex his corporis compagibus excedens cum omnibus gaudijs & lætitijs Beatorum eximijs redundans, tam immortalis semper gloriæ splendore circumfusus, meis infulis & insignibus Ordinis istius, in quem fui coopratus, sanctissimæ Triados aspectu in omnem sæculorum memoriam perfruar in cœlestes ac diuinas Beatorum sedes, cœtusque receptus.



NARRATIO.

Non solum superiores exercitationes ad similitudinem aut exempla referri possunt, sed narratio alicuius rei, aut facti, vel casus grauiissimi, vel nuntij latissimi; si ad personas referamus eam, qua quidquam testetur in horum ouentu, qua narrauerimus. Neque in hoc genere solum narratio similitudinis partem attinget, sed etiam illo modo, qui communis est, rei similitudine nonnullâ declaranda, ut quid sit rei, melius perspicui cognoscique possit adhibita similitudine.

*Præcepta narrationis ad rem facientia institutum-
que præsens.*

Narratio facti pertinet ad exempla personarum, qua quidquam rei gesserunt: illa sumitur ex circumstantiis personarum, rei, loci, causæ, modi, temporis, & auxilij, qua melius & clarius similibus breuissimis ostenduntur: circumstantia illa hoc carmine continentur.


Quis, quid, ubi, quibus auxilium, cur, quomodo, quando.

NARRATIO.

*Mortis Cæsaris ad tyrannorum exitiales exitus
exponendos.*

Testis equidem potest esse tyrannorum crudelitatis mors allata Cæsari Dictatori: ille enim die obscura nimis & caliginosa, ut noctem veluti quandam Deus vrbi Romæ videretur offudisse, prodigijs aliquot ante dies obseruatis, & fatum vltimum portendentibus Idibus Martij, miserabiliter occubuit. Cum principes Romani tyrannidem illius ferre non possent,

possent, sedentem illum Regia Maiestate, in Curia, in Senatus habendi Augustissimo celsissimoque loco adoriuntur foris Antonio manente, & nonnullis, qui remorarentur eundem, & custodes corporis armatos suis sermonibus, artibus & technis in frequentissimo senatu è subsellij paulatim surgentes ad Cæsarem accesserunt, & simulatione officij circumstantes (ut suppliciter rem oraturi sese ad Principis alicuius pedes abijcere solent) in genua procumbentes, rem orare cœperunt, quam illum non concessurum esse certò sciebant: venire vnus, deinde alius, consequi item tertius, denique reliqui, atque omnes vrgeré, instare, ut postulata concederet; in sententia manere Cæsar: surgere primus omnium Cymber Tullus, &, utinam cernuntur, accenso vultu, ad audendum paratissimus, qui primas sibi patres in illo gloriosissimo facinore depoposcit, & quidem ut ad audendum, sic ad inuadendum proiectus, cedere primum cœpit, deinde Cassius, post reliqui, & inter illos maximè Brutus, similis parentum ac maiorum, quasi Princeps & Antesignanus. Quibus obsistere non desistit Cæsar, tanquam Dux inuictissimus, incredibili robore ac magnitudine animal donec ab omnibus ex omni parte, patente planè conspiratione, se vidit pugionibus districtis, & oculorum aciem fulgore suo pestringentibus appeti: facere id temporis visus est, quod fortissimi viri, cum cadunt, facerent, ut honeste caderet, ad talos vsque togam demisit: denique duobus & viginti pugionibus confoditur ille, qui terrarum Dominus erat potentissimus, & totus cruore manans humi cecidit, & ad Cn. Pompeij statuam miserandum in modum procumbuit. Id temporis magna perturbatio, multi & nonique clamores audiuntur in Curia: fugiunt occisores partim in ædes finitimas, ut sese oppilatis foribus defenderent, partim in Capitolium, tanquam in arcem tutissimam, vnde nisi datis ab Antonio obsidibus non descenderunt.



DE LOCO COMMUNI.

SI narratio facti, propter similitudines insertas, ad similia iure conferatur, multo melius locus communis in similitudinem venire potest. Qui sic progreditur augens amplificansq; rem, ut partes suas & officia nequeat nisi ope similium, comparatorum, exemplorum, quibus cū testimonia in sententiis posita coherent, & copulantur, ut
 nihil

nihil locus communis efficere posse videatur, quod ex nominatis argumentis non proficiatur. Atque is locus communis est praesens, qui hac argumentorum amplificatione triumphat, non ille, quod de superius.

Præceptiones loci communis.

VT à nobis dicta clarius pateant & illustrentur, tradenda sunt præceptiones ad huiusce communis loci genus spectantes.

Locus communis est, quo bona, aut mala, quæ alicui rei insunt, augentur.

Dicitur locus communis, quod in omnes, qui eius rei, de quâ agitur participes sunt, conveniat: ut si in sacrilegum, in hæreticum, in adulterum dicas: eadem oratio in omnes sacrilegos, hæreticos, adulteros cadit. Eadem ratione, si beneficium aut fortitudinem extollas, omnis ea laus omnibus beneficiis, aut fortibus conveniet.

Habet locus communis commodissimam sedem post Confirmationis argumenta: ut Cicero cum laudaret Archiam Poetam post argumenta, locum communem poeseos tractavit, & in Roscianâ, patricidij.

Conficietur locus communis, exordio, contrario, expositione amplificatoriâ, comparatione, sententiâ, digressionem coniecturali, misericordia exclusionem, legitimum, iustum, utilem, possibilem, honestum, eventum. Nos locum communem hæreseos dilatemus, ut ad hanc normam, qui voluerit, reliquos pertractare possit.

Locus communis in hæreticos.

Exordium.

QVanquam omnes illi homines, qui nefarijs sceleribus cooperti Deum optimum ac maximum violant, omni vituperatione dignissima sunt; quod à Creatore suo turpiter deficient, & ingrati & immemores beneficiorum acceptorum in Dæmoni servitutem miseram & intolerandam adducantur: nulli tamen maioribus de causis vituperationem omnem

omnem & reprehensionem subire debent, atque illi, qui hæreseos sectatores à Christianâ fide defecerunt.

A contrarie.

QUOD aliquis faciliè intelliget, cum fundamentum ipsum Christianæ Religionis, fidem sanctissimam, cui cultoris egregiè fideles niti debent, & illius insignibus gloriari, impiè ac nefariè deserant. Fides enim aditus est illustris ad reliquas Christianæ sanctitatis virtutes, sine quâ nullus homo radices agere potest in veris ac solidis virtutibus, nullum ad cœlorum gloriam aditum, nullum ad cœlorum gloriam ius habere potuerit. Quemadmodum enim in ædium aliquarum perystilia, & ad superiora cubicula, conclavia, palatiaque multo auro & ebore facta perlustranda, nisi per ianuam aditu patefacto nunquam aliquis ingreditur: sic fide privatis sectatoribus hæreseos aditus ad gloriam diuinam, cœlique domicilia semper occluduntur.

Ab expositione amplificatoriâ.

QUIS enim obsecro bellum vnquam Domino suo inferens & eiusdem Regnum, multis diuitijs florentissimum suorum fidelitate stabilitum vastare volens ac depopulari, aditum ad illud habere poterit, cui nuncium remisisse visus est, nefariè prodens Regis sui maiestatem, & fores perfidiâ sibi ac nefariâ prodicione palatij præcludens? nisi bellum facere destiterit, & abiectis armis, non solum depositis pacem deposcat, in gratiam rediens, & execrans ac detestans perfidiam & impietatem suam, non subsistet.

A comparatione.

ATQUE homicidis, aut partucidis longè hostes fidei apponendi sunt scelere ac prauitate si â: illi enim, quanquam nefarijs se flagitijs contaminant, dum homines alios diuitijs, aut vita spoliunt, & filij parentes suos, à quibus geniti fuerunt & suscepti in hanc lucem vitâ crudelissime priuant, tamen æpe aut inopia, vel lacessiti faciunt, quod postea eos fecisse pœnitet, & ad se redeunt, & sceleris admissi veniam petunt.

tunt, & se Creatori suo post eandem factam, per sacram confessionem reconciliant: & si facultates aut pecunias habent, satisfaciunt, quantum in se est, oculis hominibus, filios illorum, aut uxorem suis sumptibus alendo: At hæreseos sectatores, qui non hominibus solum priuatim, sed generatim vniuersæ Reipub. nocent, atque ipsis cœlitibus, Virgini sanctissimæ, Deo immortali bellum omni scelere & odio imbutum inferunt; quanto sceleratiores sunt? cum in scelere præsertim persistent, & animos non solum multorum speciatim à Religione conentur abducere, sed totam Christianam Religionem & sanctissimum diuini numinis cultum funditus extinguere.

A Sententia.

QUod si sacri Doctores, Hæreticos belluas immanes appellant, & eò scripta Patrum sanctorum spectant, vt ex humanæ vitæ societate, infra mortuos amandandos contendant: quippe qui tantam hominum generi perniciem & pestem important: si harpyas, si hydram, lernæam, si pestes ac furias humani generis dicant: cur non eorum prauitatem & nequitiam satis apertam & testatam habebimus?

A digressionē Coniecturali.

HOMINES alij cum peccarunt, eos aut beneficijs in patriam collatis, aut litterarum variâ multiplicique cognitione, aut maiorum nobilitate, aut fortitudine rebusque præclare gestis; vel tandem illorum dolore, demissione, lachrymisque commoti veniâ dignos putabimus: quippe qui nec scelus istud admissuri sint in posterum, & illos iam peccasse pœniteat. At verò qui omnibus flagitijs contaminati, hæreseos maculis foedati, nullum non scelus & crimen in priuatos, in Remp. in cœlites, in Deum immortalem moliti fuerunt, & moliuntur; qui nō modo non dolent se reos fuisse tantæ prauitatis, sed exercitijs omni copiarum genere abundantibus Regna occuparunt, & ex sedibus suis cultores Christianæ Religionis eiecerunt, vna cum illis fidem ipsam sanctissimam ex eisdem locis omni peruerfate depellentes, quo malo, qua peste digni sunt? Quod si aliqui cultores fidei nostræ eam retinuerunt, ij pauci sunt, & occulti, in tenebris & squalore iacentes, Sacramentis omnibus & prædictis Ecclesiæ Catholicæ in posterum destituendi.

nisi exules & extorres (quod cum lacrymis Anglicani multi faciunt, volentes animis suis consulere) in aliena regna Fidei Christianæ ditioni subiecta se recipiant.

A misericordia exclusione.

QUare dum in hac prauitate isti homines nefarij perseverauerint. quiseorum miserebitur, qui hæresim colant? Fidem Christi excrentur? & virtutes veræ Religionis oderint? dæmonem auctorem nequitix ascietint? fontem perennis gratiæ Deum sempiternum deseruerint? qui veritatem odio capitali persequantur, & mendacium omni contentione pertinaciaque defendant? Qui libidinem suam & voluptates, sequuntur, leges Fidei Catholicæ præscriptionesque detestantur. Atque cum nequitix, cum libidinibus, cum furori, cum superbiæ, cum furtis, cum rapinis deserta Religione fores aperuerint, virtutem, castitatem, demissionem, abstinenciam, caritatem, virtutes omnes ex animis per summam perfidiam eiec- cerint, quid his furijs & nefarijs Religionis veræ extinctoribus facias?

A Legitimo.

QUæ leges in hos latæ? quæ decreta seuerissima sunt facta? in quanta ignominia apud Hispanos præsertim nostros versantur comprehensi in hoc maleficio? hæreseos accusati conuictique nonne damnantur, vt aut publicè pœnam subeant aliquam pro grauitate magnitudineque perfidiæ, aut amictum infamem gerant, aut si magistri fuerint, & auctores nouæ alicuius, aut denuo excitatæ hæreseos flammis addicantur? Et si pertinaces obduruerint, & in hæresi perstiterint, non illam abiurantes, viui comburantur? quippe qui tanta pertinacia vitam amittere voluerunt.

A Iusto.

QUa lege nihil esse potest, cum iustitiæ & æquitatis muneremagis copulatum: Cum enim de pertinacia tanta nulla speranda sit mutatio sententiæ, & in tantam Reipub. Religio- nisque perniciem redundauerit perfidia nequissimorum hære-

scos sectatorum, quid magis consentaneum legibus, quam eis, qui suæ vitæ & animi misereri nolint, nullam misericordiam impertiri? Et quia pertinaciter perseuerauerint, iam inde ab illo tempore, quas perpeffuri sint in perpetuum, subeant pœnas flammaram ardentium, in ignes coniecti, Quæditorum sacræ Fidei seueritate flagrantēs.

Ab Vtili.

NEquæ vacat profectò vtilitate magna supplicium in hos nequissimos homines statutum: cum improbi pœnarum metu, ab hæresi deterreantur, & tantum peritiæ scelus in homines, & in Deum admissum, exquisitas pœnas, & flammaram ardores iure deposcat. Et vero Hæretici sua defectione, sua postea pertinacia tantum in Christiana Religione facibus hæreseos subiectis, & suppeditatis passim incendium concitarunt, quo illi, quo tot gentes, quo tot regna igne istiusmodi deflagrunt, & ex aliqua parte deflagrasset Hispania Cacalla nequissimo in vrbe Vallisoletana, Castellæ veteris principe præcellentissima, & in Bethica nostra Ægidio, Constantinoque duobus furijs ac pestibus nostræ Fidei in vrbe Hispali Hispaniarum Regina potentissima, eundem ignem excitantibus, nisi Quæitores hæreticæ prauitatis vigilarent ad Reipub. Christianæ commodum, & tantam tamque perniciosam pestem sua vigilantia, studio, potestateque de medio sustulissent.

A Possibili.

NEquæ est profectò, quod ab extirpanda hæreseos ex eranda peste deterreamur, & propositis aliquot difficultatibus & laboribus abducamur. Nam primum in florentissimis Hispaniarum regnis factu facillimum æquissimo sanctissimoque Censoriæ dignitatis consilio potestatem & auctoritatem nostrorum Regum viribus summam valdeque formidandam habent. Altera pars, quæ plus habet difficultatis, & aliorum gubernacula regnorum continet, armis, armis inquam & classibus labefactanda semper erit, quod tanta religione, sumptibus maximis Reges Hispaniarum semper adhuc præstiterunt, quo sunt ornati Regum Catholicorum nomine, & in hostes nostræ Fidei teterrimo semper odio concitati.

Ab honesto.

CVM autem agatur honos Christianæ Religionis, gloria cœlitum agatur, agatur dignitas Virginis sanctissimæ, agatur denique Christi Iesu, & sanctissimæ Triados decus immortales; quid magis honestatis, & virtutis appetentes commouere debet vnquam, quàm ipsius aulæ cœlestis Heroes clarissimi, & ipsa Regina Cœlorum, atque Deus idem Immortalis, qui ab his belluis immanissimis gloria & honore suo in his infimis terrarum sedibus spoliatur, & illorum telis audacter iactis ac retortis impiè nimis ac nefariè passim appetuntur?

Ab Euentu.

QVARE si nos egregios Christianæ Fidei cultores, si diuini honoris studiosos præbere voluerimus, & proximorum vtilitatem, Religionis conseruationem, & amplificationem appetierimus, ad sanctorum, & ad Dei gloriam tuendam propagandamque tot præsertim præsidijs muniti, incredibiliter ineumbere debemus, nec cessare modis omnibus, quos adhibere potuerimus, vt tantam malorum pestem, tetram & execrandam hæresim ex finibus non modo nostris, sed ex alienis sedibus eijcientes in regiones inferorum sempiternas amandemus.

T H E S I S.

PERcurre, studiose lector, capita loci communis omnia, & nullum quidem inuenies, quod extra similitudinem, comparata, exemp'a, & testimonia vagetur. Id propterea dixi, vt in thesim ingredientibus non admireris illius loca, quæ ab honesto, vtili, facili, necessario petuntur, ad nostra, de quibus agimus, argumenta referri: Nam cum his locis admiscenda sint exempla similitudinis, testimonia siue humana, siue diuina, comparationes, non immerito thesis instituenda videbitur, & in hunc locum conferetur.

Est autem Thesis, quam Cic. propositum vocat, questio, quâ aliquid generatim queritur. Differt ab Hypothesi, quam Latini causam, seu controuersiam vocant, quod illa nullis circumstantiis circumscribatur, ut an expetenda sit eloquentia: Hac verò certis personis, locis, temporibus includitur, ut an partitiones Ciceronis Hispani, hyeme, & vere discenda sint.

Atque Thesis duo genera sunt, vnum cognitionis: cuius finis est scientia: ut an Solum magnitudine longo interuallo terra superetur. Alterum actionis quod refertur ad efficiendum aliquid: ut quibus officiis amicitia colenda sit.

Differt autem thesis à loco communi, quod locus communis est coniecta, & manifesta rei exaggeratio: positio dubie rei quasi o: locus communis assumitur ad augendam, & amplificandam causam: thesis ad explicandam, & probandam: locus communis quasi certa re interponitur: Thesis disputatur & differitur. Denique ille affectuum proprius est, thesis considerationis.

Tractatur autem Thesis exordio, honesto, utili, necessario, quibus locis admiscenda sunt exempla, similitudines, testimonia siue humana, siue diuina. Atque si quod erit, quod obici possit, refutandum ante Epilogum per praecupationem & solutionem.

T H E S I S.

An Dialectica discenda sit?

IN Dialecticam, concitari inimicos aliquot ægrè fero, P. G. neque profecto ferre possum iactari nonnullorum sermonibus imperitorum, & ab omni ratione abhorrentium Dialecticæ ludos non apperandos esse, & quod Dialecticæ datur tempus, id alijs facultatibus & disciplinis dari posse cum honestius, tum utilius. Ecquod enim studium Dialectica honestius esse videtur, quæ mentem acuit & ad indagandum & inueniendum

inueniendum ac reddidit & intelligens iudicium? Cum Deus optimus ac maximus hominem corpore & animo constantem ad sui numinis similitudinem formauerit, rationis & intelligentiæ participem fecit: ut hac in re cum diuinis mentibus, quasi agnatione coniunctus, veri inuestigandi patefaciendique studio delectaretur, & spirituum cœlestium instar mente supera consequeretur, & vnde tanta cœlorum in omni tempora constantia, tam incitata rapidaque celeritate, quemadmodum cursus alij siderum rari essent & immutabiles, alij ad certum tempus velocius, aut tardius mouerentur, & aut antecederent aut consequerentur, aut eisdem spatijs & intervallis suos motus efficerent, & sine minima semper perturbatione, ratiocinando Dialecticæ ope perciperet. Quid magis etiam honestum, & hominis excellentia dignum, quàm rationibus ab hac etiam arte peritis, & virtutis dignitatem & hominis celsitatem, nostramque conditionem assequi, & qui ad virtutem aspirare & Deum summa religione colore debeamus? Quod si nihil agere nisi ratione regium & excelsum fuit semper habitum, quid clarius & illustrius, quam duce Dialectica, veri mentis intelligentia, non accuratè solum & acutè, sed concinnè & eleganter, quocumque cum homine agas, siue politico & aulico, siue docto & sapiente, siue vasto & agresti, siue rudi & imperito nostrum iudicium & consilium exquirente? Magnam hoc, crede, habebit honestatem & dignitatem: quod si non hac dignitate prædita fuisset Dialectica, non tanti Philippus Aristotelem fecisset exquisitum de tota Græcia præceptorem, neque illum ad filium Alexandrum instituendum imbuendumque bonis litteris, tanta cum mercede, prærogatiuis & immunitatibus datis delegisset. Non idem Alexander cum eloquentiam, tum Dialecticam tam diligenter studioseque didicisset. Neque idem sanè Imperator domitis tot gentibus ac nationibus tantum Aristoteli magistro suo tribuisset, nisi fructus vberes ac præstantes contra fallacias fraudesque suorum inimicorum ex Dialectica perceptos agnouisset. Quem nisi auctorem tam honestæ disciplinæ vidissent etiam sacri Doctores, vidisset mater Ecclesia, nunquam abhinc tot annos Aristotelem Dialecticæ præceptorem conseruandum retinendumque permisisset. Ita Plato Philosophorum princeps, ita Stoici quondam artium peritissimi, ita Beatus Augustinus ad illorum iudicium sententiam suam adiungens, artibus alijs Dialecticam præponendam me-

ritò iudicauit. De cuius sententiâ quoniam constare iam inter omnes video, vtilitates Dialecticæ breuiter aspiciamus. Vt enim nec vinea, & horti cultissimi à ferarum immanitate sine sepimento, neque vrbes sine muris ab hostium incursionibus seruari possunt, sic nec vllæ quidem artes per seipsas singulæ defendi poterunt nisi ope ac munere Dialecticæ. Nam cum in veritate potissimum inuestigandâ, & in falso discernendo dijudicandoque posita sit Dialecticæ opera, officio suo ac munere fungitur: illa enim imprimis vnumquemque suis præceptis ad decertandum cum aduersario instruit & armat. Rhetorem enim cum aut suadere debeat, aut dissuadere, quomodo in foro quondam versans aut accusaret, aut defenderet, quomodo apud populum concionaretur, aut in senatu de rebus maxis ageret, nisi rem vniuersam distribueret in partes, latentem explicaret definiendo, ambigua distingueret, quæ quibus sint consequentia, regulâ veri ac falsi consideraret, & educeret ex locis argumenta, aduersarium interrogaret callide, argumentationibus, quonellat, adduceret, & sæpè conuinceret inscitix, inconstantix, reddens mutum & elinguem, & dissolueret captiosas sæpè argumentationes acuti & ingeniosi eiusdem aduersarij, & quod erat ab eodem sæpè apprehensum, ex manibus eiusdem detorqueret? Quæ omnia sunt officia propria ac peculiaria Dialecticæ. Putate igitur nemo poterit sine Dialecticâ oratoris officio quenquam præclare fungi posse. Non loquar ego, loquatur Cicero, qui beneficio Dialecticæ, quidquid in eloquentiâ consequutus fuit, quod certè maximum fuit, se consequutum fuisse fateretur. Qui non ex Rhetorum officinis, sed ex academix spatijs talis ac tantus euaserit orator. Atque idem quotidie cum Diodoro exercebatur in hac arte facultateque differendi. Demosthenes etiam Græcorum Oratorum Princeps discipulus fuit Platonis, & eidem diligentem, assiduamque operam nauauit. Pericles, qui tonare ac fulgurare ferebatur, & totam Græciam permiscere dicendo, Anaxagoræ fuit auditor. Atque ut quod ad eloquentiam spectat, absoluiam: Cum in hoc solum ex Ceronis sententia Rhetoricam à Dialectica differre sciamus, ut hæc strictior, illa fusior, hæc palmæ in pugnum compressæ, illa eidem palmæ digitis suis exporrectæ patentique comparatur, à Dialecticâ quidem iunatur ars oratoria. Quid de Iulisperitia dicemus, quæ nunquam in tot volumina suis primis temporibus diuisa, ad artem postea facultateque

redacta fuisset, nisi Dialecticæ præsidio iuaretur? Cum enim quæstio iuris quæcunque, aut verborum proprietate, aut æqui contentione, aut voluntatis coniecturâ contineatur, cui dubium esse poterit, quin Dialectica totum hoc ferè dissidium, & lites omnes dirimat, & ad concordiam reducat in dubitationem vocata, tractaque argumentis quæstione, & postea, quod sequendum sit, ratiocinatione præclare constituto iure? Non dicam aliquid de Iurisconsultis alijs, certum est & restatum omnibus Scæuolam illum, nominis celebritate clarum propter Dialecticæ cognitionem, omnibus suæ facultatis principibus hac iuriscivilis scientiâ præstitisse. Quod si Iurisperitia tantum à Dialecticâ iuatur, ut ea per artem hanc constitutatur in statu suo, & eadem suos Iurisperitos in gradu dignitatis celsissimi non constituat, quid est, quod de Medicina dubitemus, cum ad illam percipiendam accedere nemo possit, nisi Dialecticæ peritus? Id quod ab initio fundatæ cuiuscunque academiciæ constanter observatur. Una restat, Patres, sacra Theologia, quæ in illa concertationis parte, quæ plus habet difficultatis, plus etiam subtilitatis, nihil profert in medium, neque constituit sine Dialecticæ probatione, & ad suas firmandas stabiliendasque sententias, & ad fidei nostræ veritatem dignitatemque corroborandam eiusdem Dialecticæ lacertis viribusque vitur. Cum verò Apostoli sanctissimi, cum Doctor Gentium Paulus, cum ipse Princeps & auctor veritatis Christus Iesus Dialecticæ arma cœperit, & tractaverit tantâ cum præstantiâ, cum Doctores Ecclesiæ his vestigiis insistentes, non ad inanem iactationem, & futilem ostentationem, sed ad veritatis lucem spargendam disseminandamque eadem vti fuerint disputandi facultate per omnem sæculorum memoriam, cur illius fructus & utilitates ad sacre Theologiæ disciplinam adiunctas non agnoscemus? Hinc sacrarum litterarum difficilia loca, hinc decreta consiliorum sanctissima, hinc quæstiones omnes & dogmata nostræ Religionis magnum pondus & auctoritatem acceperunt. Neque quisquam est, qui sacre Theologiæ cursum inire possit, neque ad eiusdem sanctissimæ disciplinæ, nisi Dialecticæ curriculo confecto, aspirare. Ad academias omnes, ubi gymnasia Christianorum, iuxta officinas litterarias, & quæcunque tabernacula studiorum, in quibus sit aditus ad sacram Theologiam, Dialecticis instituti omnes transeunt ad hanc cœlestem divinamque disciplinam. Atque si maximarum disciplinarum nulla est

sine Dialectica quæcumque cognitio , minimè profecto mirabimur , si artes inferiores ingenuæ liberalesque huiusce Dialecticæ facultate maximè contineantur , & suum officium cumulatè faciant. Quamobrem non immeritò attem artium & scientiam scientiarum multi Dialecticam appellarunt. Quicumque ille sit , qui in sua facultate versetur , Dialectico se subiiciat , & operam præster , à quo præsidia petet ad iumentaque suæ artis bene tractandæ necessaria. Quando enim via pateret , & modus teneretur quidquam efficiendi , nisi sua quisque prius munera distingueret , internosceret , in suum finem conferret , & peruenire contenderet , duce Dialectica properaret , festinaretque ? cum autem hostes fidei ad suos errores & nefarias opiniones persuadendas , Dialectica nefariè abutantur in animorum exitium , & in Ecclesiæ perniciem maximam , nos si veri tantæ Matris filij , si fideles Christianæ Religionis cultores esse cupimus , ad omnis generis hominum incolumitatem , ad Ecclesiæ conseruationem & amplificationem , ad coarguendos errores , veritateque disciplinæ tollendos non instruemur diligenter , egregieque ornabimur Dialectica ? illi adibunt suas academias , vt dialecticam præfinitis temporibus discant , nos in nostris academijs non erimus , Dialecticæque magno labore vacabimus ? Illi vt peruertant sensus , & doctrinam nostrorum Patrum polluant , in eis laborabunt & desudabunt , nos vt Doctorum sacrorum disciplinam , & à Christo Iesu , ab Apostolis accepta dogmata sanctissima tueamur , non eosdem labores suscepiemus ? illi vt animos hominum Christi sanguine , cruciatibusque acerbissimis empros inficiant , ad Dialecticæ studium incumbant , nos vt has labe & maculas ex Christianorum annis deleamus , huic facultati strenuam operam non nauabimus ? illi vt multitudinem imperitam , & insciam iuuentutem in errores inducant , Sophismata sua iactabunt , nos vt tantis erroribus genus quodcumque mortalium liberemus , non Dialecticæ armis utemur ? illi , vt occasum & interitum Ecclesiæ moliantur , Dialecticæ præsidijs munitos se prodire ad disputandum clamitabunt , nos vt eandem Matrem sanctissimam saluam & incolumem conseruemus , non istius artis acerrima tela torquebimus , & fortiter veritatis partes agentes , non etiam atque etiam retorquebimus ? nihil est difficile , & arduum , nihil in vlllo genere rerum tam reconditum , & obstrusum , nihil in vlla arte tam

magnum

magnum & excellum, nihil in quacumque disciplina tam ab omnium mortalium cognitione abhorrens, quod non differendi facultate inuestigari queat & patefieri. Nihil est quod eius beneficio tractandum non sit, & discutendum, si veritatis viam tenere volumus, & ex hostilius insignia semper reportare victoriarum. A Dialectica omnes artes, ab eadem arte omnes discipulæ suam vim accipiunt, & opportune diffundunt & conferunt ad suorum munerum præclaras functiones suscipiendas: cum Dialectica stabimus, sine illa turpiter concidemus & ignominiose: cum illa erimus salui semper & incolumes, sine Dialectica deducemur confestim ad interitum & occasum ultimum: Dialecticæ inuicta virtute muniemur, sine illa frangemur & conficiemur, enervati quidem & exangues. Cælum istud quod aspicitis, eam efficientiam habet & vim præstantissimam, ut ex illius vi & conuersione motuque constantissimo constant omnia, & illius beneficio singulari, quæcumque sunt infra Lunam contineantur. Quod profecto si consisteret, & à recta moderatione deficeret, si vis illius cœlestis in hæc terrarum sola non influeret, animalia rationis expertia, & homines mentis intelligentia præditi multum detrimenti caperent, strages & internecio consequeretur omnis generis animalium, non ea venustas pulchritudine rerum tanta varietate distincta niteret, horrida mœreret, & squalida agrorum facies ad tempus intermisso, vel ablato prorsus motu conuersioneque cœlesti, & illius efficacitate mirabili. Sic tantæ opes, atque diuitiæ, sic tot arcana dissimilia inter se indeque distantia quæ habere possunt utilitatis, si absit manus Dialecticæ, quæ diffundere nouit tantam multitudinem & diuersitatem artium & scientiarum, tot gladijs & telis utiliter & opportunè ex cuiusque facultatis doctrinæque præscriptionibus utitur ad homines defendendos, & ad inimicorum stragem & carnificinam edendam? Quamobrem omnes non utilem solum, sed necessariam videant recognoscantque ad quæcumque rerum & mediocrium & maximarum genera pertractanda Dialecticam; quod hostes fidei pro comperto semper habuerunt, & maxime sectatores Mahumetis, qui nullam disputationem, nullum veritatis certamen, quod necessariò ineundum erat, tela iaciente vibranteque Dialectica, subire voluerunt. Atque illæ teterimus

Iulianus, pestis & turbo Christi anæ Reipublicæ cum litterarum studia, præcipuè disceptatricem Dialecticam ex Christianorum sedibus tollendam delendamque temerarijs & atrocissimis edictis curauit, litteris, & Dialecticæ nominatim, cuicunque generi Christianorum, pœnis statutis, & pecuniarum, & vitæ grauissimis interdicens. Sequuti hostes fuerunt crudelitatem Philistæorum in Solymorum gentem exercitam, quos fabrilem artem exercere, arma etiam habere, tractare gladios, uti telis fulgentibus, aut reliquis bellicis instrumentis prohibuerunt: quibus cum carerent, imbecilles essent & infirmi, neque quidquam vitium ad nocendum haberent. Quapropter multum debemus maioribus nostris, multum profectò, & plus equidem quàm explicari possit: valdè etiam grati necesse est Patribus sanctissimis conemur esse, multum ipsos academiarum conditores celebremus & extollamus in cœlum: qui cum aliarum artium & disciplinarum studia, artem maximè differendi nonis quotannis curriculis instaurant, præceptores exquisitis augent præmijs, magnificentissimis ornant, & illurant stipendijs, ut facilem & patentem viam ad alias artes & disciplinas per Dialecticam, quasi per ianuam, adolescentes habeant. At quo modo, qua ratione hæc ars traditur? ut à primis cunabulis discatur, iactis ad illius intelligentiam fundamentis: deinde præceptores cursum faciant, & processus mirabiles ad curriculi usque exitum expletam ac perfectam, suisque omnibus traditam partibus relinquendo facultatem. Quæ verò statis temporibus disputationes habentur? quanta cum concertatione, quamque vehementi ingeniorum contentione? quæ dant Adolescentes documenta cognitionis triennij totius decursu consequutæ? quemadmodum de præstantiore gradu impetrando cum magna nominis celebritate contendunt? Atque ut ipsa ars Dialecticæ habeat plurimum delectationis, tres excogitati fuerunt à maioribus ornandæ decorandæque facultatis causa, Baccalaurei, Licentiati, Magistrique gradus illustres & honorifici. In qua etiam arte quantum inest iucunditatis, cum Dialecticus laudatur ab omnibus, cum acumen in obiciendo, celeritas in respondendo, in argumentando acrimonia celebratur? cum laudant omnes, cum plaudunt, cum ad exitum magis argumentum perducere non posse, qui de eare iudicium facere possunt, non adulantes confirmant? Cum verò primus locus conceditur, cum commendatur in accipienda laurea, cum deferuntur insignia.

signia, cum accipiuntur tympanorum sono, tibiarumque iucundâ modulatione, & ipsis prope totius amplissimi theatri parietibus quasi gestientibus, quid lætius? quod iucundius spectaculum corporis & mentis oculis proponi potest? Quæ cum ita sint, quid est, quod mihi opponas aduersarie Dialecticam multo ante repertam fuisse, quàm illam, quam Plato, quam Aristoteles, quam alij Philosophi tradiderunt, æque primis illis temporibus nascentis Mundi, cum rudes & impositi, totius humanitatis expertes more ferarum in sylvis agebant, eosdem arte disputandi vsos fuisse? Nam & contendebant inter se, & suas afferebant rationes, & depellebant allatas ab aduersariis: sed hæc si fuit, fuit equidem duce naturâ nascentis illa, non adulta, neque suis absoluta dotibus, quoad Aristoteles artem ad summam laudis amplitudinem perduxit. Et planè quomodo fuerunt artes reliquæ, primò obseruatæ, deinde suis eximiis absolutæ laudibus (nihil enim in principio statim fuit absolutum, simulæque inuentum in naturâ rerum omnium, sed suis progressionibus creuit, & ad extremum suam obtinuit absolutionem) Ita quidem per pauca ante Aristotelem, &que imperfecta præcepta Dialecticæ extiterunt, Archita Tarentino prædicamentorum præceptore floreante prius, & consequutis temporibus Gorgia Leontio, Protagora, Prodigo & Sophistis aliis de disputandi præstantiâ gloriantibus. Quorum importunitatem exagitauit Plato, & Aristoteles refutauit differendi arte & acumine, perficiens, & absoluens tantopere Dialecticam, ut cuiuscunque memoriæ suffragiis & consensione mortalium præceptor communis & maxime singularis fuerit habitus & dictus in hodiernum vsque diem. Addunt etiam nonnulli Dialecticam horridam qualem esse, incomptam & impolitam nullo cultu & elegantia, ut planè barbari videantur illi, & ab omni politiore candore ornatuque procul abhorrentes, qui tot frondibus ac virgultis, spinis & tribulis horrentem artem didicerint. Itaque constat multos illius deformitatem, squaloremque terrificum perhorrescentes, fugisse Dialecticam, tanquam monstrum horrificum & immane. Sed hi profectò nihil videntur humanitatis habere, qui bosculis delectantur, & aspectu pulchritudinis alliciuntur, ignari proorsus rerum & finis, in quem tam fructuosa facultas confertur: cum ex duobus itineribus illud obtinendum non sit, quod quamuis arduum ac difficile fuerit, multis periculis infestum, exitus tamen habet iucundos & amœnos, &

omnibus delitiis & voluptatibus redundantes. Contra alterum relinquendum & violis ac floribus stratum, amœnitatibus & viriditatibus distinctum, sed horrifico & exitiali sine tormentorum. An vero sepulchrum totum candore mirabili, & auri fulgore splendens deligam, cum intus lacertis, muribus, vermiculis, & aliis animalculis scateat & cadaverum intolerando odore infectum perferri nequeat; arcam ex ligno rudi & impolito relinquam, totam auro, argento, gemmis pretiosissimis refferatissimam? Facesse stulte & ignare rerum omnium, & spectata Dialecticæ finem, & avidius eam sities, & tantæ semper artis ediscendæ sitim insatiabilem explere desiderabis. Quid magis horrificum videbatur, & magis fugiendum statim, ad oculorum aspectum, quàm Virga terrifici serpentis speciem & similitudinem præferens? At cape extremam, apprehende manu, & ob utilitates mirificas nunquam satis pro dignitate celebrari posse reperies. Illa stragem attulit generi Ægyptiorum terrificam, aquam continuo conuertit in sanguinem, gentem Hebræorum ex intolerabili seruitute liberauit: Eadem patefecit aditum per mare rubrum, & obruit ducem, & Regem superbissimum Pharaonem cum omni peditatu equitatuque scelus & crudelitatem anhelantem: Eadem aquarum vim & multitudinem incredibilem ex dura & aspera petra ad Solymorum sitim explendam & satiandam in vasta desertaque solitudine, copiose nimis & abundanter expressit. Quid deinde? quo progrediuntur inimici huius, & facultatis? Quotusquisque modo reperietur, inquit, qui sine Dialecticæ ope suis utatur rationibus, sua iuvenia argumenta, opponat subtiliter, & quod velis efficere concludat ad animi voluntatem? Non inficior, sed illud magnopere contendo, multò præstantius, multo perfectius, quæ voluerint, illos expedituros esse, si facerent ex arte potius, quam ex longâ observatione, vel ingenii quadam singulari acrimoniâ. Quod quoniam faciunt, ingenii vim, non artis præcepta sequuti, video illos errare sæpius, & caum sequutos, sæpè sibilis & cachinnatione multorum filere cogi cum magno suo probro & dedecore. Quamobrem si Dialecticâ tantum honestatis & utilitatis habet, si non caret iucundâ voluptate, si necessitatem affert omnium artium & discipularum alumnis ediscendarum præceptionum, quæ modum, rationemque demonstrant, viam patefaciunt ad rerum cognitionem tractationemque cunctarum, sine qua quæcunque ar-

res disciplinæque mutæ inermesque videbuntur: cunctas aspici-
 cit facultates, & quid à Dialectica acceperint, recognoscentes
 profitentesque audire. Sic enim omnes loquuntur: quoniam
 quæ in nobis dispersa ac dissipata quondam fuerunt, vt in musi-
 cis, & numeri, & voces, & modi: in Geometriâ lineamenta, for-
 mæ interualla, magnitudines: In Astrologia cœli conuersio,
 ortus, obitus, motusque syderum: in Grammaticis poetarum
 pertractatio, historiarum cognitio, verborum interpretatio,
 pronunciandi quidam sonus: in ipsa denique ratione dicendæ
 inuentio, dispositio, ornatus, memoria, actio, omnia ignota
 quidem omnibus & diffusa latè videbantur: Te autem adhibi-
 ta O Dialectica præcellens & excelsa facultas, res tantas, tam
 multiplices tamque varias, dissolutas omnes conuulsasque con-
 glutinasti, & ratione quadam tam mirabili, tamque ex omni
 parte congruenti constrinxisti: agimus gratias tibi maximas,
 nostram ducem, cunctarumque rerum principem prædicabi-
 mus, & feremus in perpetuum. Quid adhæc Medicina, quid
 Iurisprudentia, quæ in tanto honore habitæ sunt semperque
 fuerunt? Dialectica adiutrice effectriceque maximè se valere
 plurimum apud mortales apertè perspicueque testantur. Restas
 vna sacra Theologia, quæ quanquam Regina cunctarum ar-
 tium, & disciplinarum, eadem tamen cum viatur administra
 suarum diuitiarum & ornamentorum Dialectica, eam à latere
 semper suo confidere vult, & per illam omnia sua consilia arca-
 naque expediri proferrique, in orbis gentium lucem clarissi-
 mam. Dialecticam igitur cunctarum præsidium, vitam & or-
 namentum artium, & disciplinarum maximarum amplecta-
 mur, huc nos dedamus, & deuoueamus omnes, si more do-
 ctissimorum hominum, si cum consilio, si cum ratione, si ex o-
 ptima facultate, ex artium & disciplinarum præscriptio-
 nibus, si ex veritate postremo omnia facere vo-
 luerimus, à scopo, quem sequi debe-
 mus veritatis, nunquam
 aberrantes.

*An Astrologia discenda sit.**.Ex locis Theſeos.*

Nescio quo bono rerum humanarum factum esse dicam, Auditores optimi, ut Astrologos habuerimus hisce temporibus nonnullos in ciuitate, quorum prædictionibus multis malis ac præcipuè pestilentia obuiam ire conati fuimus, dum menses aliquot ante, futuram esse prædixere pestilentiam. Atque illorum responsa euentibus comprobata fuerunt, nec aliunde quam ex Astrologiæ cognitione profecta; quam dum discendam esse contendo præcipuas aliquas rationes accipite. Quid enim magis honestum esse potest, quam ut hominum ingenia ea facultate potissimum imbuantur, quæ ab ipso cælo, & aere uas causas & rationes petir, in sublimi cælestique regione versans, humi, ut scitis omnes, minime serpens, nec terrarum sordibus inquinata? Quæ quo magis in sublimi loco ut satur magis nitida & illustris, cælesti semper claritate fulgebit. Nam non immeritò inuentum illius partim Regibus sapientissimis, partim sapientiæ nomine celebratis hominibus tributum fuit semper, & adiudicatum. Quod ut facilius intelligatis, quæ de Athlante Mauritanis Rege tradita sunt similia fabularum esse scitote: quem tam alta corporis statura & membrorum omnium mole, lateribus firmissimis esse veteres mentiebantur, ut suis humeris cælum sustinere diceretur. Ideo enim hæc ficta fuisse mediocriter litterarum peritus intelliget, quod ille Astrologiæ inuentor fuisse perhiberetur, & terrestrium regionum angustias admirari desinens, definitos syderum cursus, & ordinatas conuersiones ad numerum cadentes, quibus cæstra mouentur mente perferutari studuerit. Nicepsus Rex Ægyptiorum fuit, & is iustitiæ laude clarus, & ob hanc virtutem iustissimus imperator appellatus, qui Astrorum cursus cælique conuersiones mirificè tenebat. Atque ex nostris Hispanis Regibus, ut aliarum gentium principes omittam, & Cæsares præcipuè orbis terrarum victores, Rex Alfonso decimum cælum inuenisse fertur, Astrologiæ scientissimus, præque aliis orbis terrarum clarissimis Regibus huic arti deditissimus. Quod si altius rem hanc & originem Astrologiæ repetere voluerimus, Ægyptii primi fuerunt, aut Babylonii, qui curam omnem in syderum intel-

intelligentiâ posuerunt : à quibus in Græciam Astrologia concessit , à Græciæ sedibus in Arabiam , inde in Hispaniam illis temporibus iam bonarum artium studiis & doctissimorum hominum ingeniis florentem , iam Alfonso , quem supra nominauimus , regnante , & doctissimorum virorum conatus studiaque fouente peruenit : vnde peruagata est cunctos populos , & vrbes Hispaniæ . Hinc defluxit , & propagata fuit , per reliquas , quæ nomen Astrologiæ non acceperant , gentes atque nationes : & in tanto honore & gloriâ esse cœpit , vt aliquando & Atheniensium , & Romanorum ætate florentissimâ , nullus esset vllâ facultate , aut scientiarum laude cotonestatus , nullus neque generis nobilitate clarus , neque gloriâ militari præstans , neque vllis Reipub. honoribus insignis , qui non Astrologiæ scientiam & cognitionem habendam curaret : vt his tot , tantisque clarissimorum hominum , & Regum , & Imperatorum potentissimorum testimoniis ad summam dignitatem euecta floruerit Astrologia . Sed cum illa perscruteretur naturas difficiles & inuolatas rerum abstrusarum , & à communi hominum intelligentiâ remotissimarum ; qui status sic totius Mundi , atque naturæ , quæ magnitudo , & immensitas cœlorum , quæ species , quæ pulchritudo & efficientia , quanto impetu , & quam admirabili celeritate moueri , vertique consuescant , qui ortus & occasus syderum , quæ tanta varietas & pulchritudo Lunæ , qui splendor & ardor Solis , qui princeps est reliquorum , qui tantus ordo & tanta in omni æternitate constantia , quantum affectus utilitatis ? Quid significant illustres & perlucidæ stellæ ? quid obscuræ & caliginosæ demonstrent ? quid traiectiones stellarum , quid visæ faces , quid stellæ , quas Græci Cometas , nostri crinitas appellant , soleant portendere ? Cur stellæ aliquæ notarum figurarum similitudine nomina inuenerint ? Cur quædam belluarum , vt capra , vt leo ; aliæ rerum inanimatarum , vt Argos , vt corona ; aliæ veterum idolorum , vt Mercurius , & Saturnus nomina retinuerint ; quam variæ sint & longè inter se dissidentes affectiones cuiuscunque stellæ , cur summa Saturni refrigeret , media Martis incendat , his interiecta Iouis illustret , ac temperet ? ipse Sol mundum sua larga luce compleat , & ab eo Luna illuminata grauiditates affectat , partus , maturitatesque gignendi ? Quid cum tradat etiam Astrologia , omnes stellæ quibus temporibus sua spatia conficiantur & quâ ratione ab ortu in occasum vsque commeant , & quæ

ratio tantæ dissimilitudinis , vt aliæ minoribus spatiis suum lustrant orbem, quam plurimæ tardius cursum absoluant? quæ defectio Solis & Lunæ? vt Luna incidens in vmbra[m] terræ interiectu interposituque terræ repentè deficiat, & Luna similiter subiecta & opposita Soli obscuret lumen illius , & propè obruat? Quando fulgura & tonitrua, quando nimbi & tempestates cæteræ, motu terræ, tumultus bellorum, fames & pestilentia, & aliæ diræ, funestæque calamitates sint euenturæ mortalibus, auguratur? quæ quænam admodum euentibus comprobantur, vt alia testimonia omittam, eaque quidem, quæ obliuisci non possumus , propter magnitudinem suam afferamus. Recordamini terrificum illum cometem , qui ab hinc sex annos & triginta visus fuit in cœlo, & in Africam spectabat, qui tot ab Astrologis prædictas classes attulit, & subitam Regni Lusitanæ mutationem, & interitum trium Regum , maximè Sebastiani tantâ spe & expectatione præditi adolescentis. Recordamini eisdem propè temporibus terræ motum factum, & adeo terrificum, vt omnibus ferè in locis, eodem die atque hora loca omnia celebria desertaque contremuerint; terra multis in locis defederit, labes factæ fuerint innumerabiles , parietes non pauci disuncti plurimas rimas egerint, aut ædificia vitia fecerint, & corruerint tecta, atque ipsi contremuerint vi terræ motus montes altissimi. Tremere id temporis homines, pauere, & exanimari, fugere multi in solitudinem, diuersi dissipatique, tectorum & ædificiorum omnium ruinam, & totius orbis occasum metuentes. Quid dicemus de pestilentia, quæ totam ferè Hispaniam tantâ cum strage omnis generis, ordinis, & ætatis virorum, ac mulierum edita miserrimè per biennium afflictauit? Quod erat optandum maximè , & quod vnum ad flammam pestilentia, communemque ardorem extinguendum pertinebat, id Astrologiæ dono ac munere prouidum fuisse , prospectumque summo Reipub. commodo obliuisci non possumus. Tunc excitati Medici fuerunt , vt remedia depellendæ pestilentia maximè salutaria compararentur in tempore : vt boni Medici medendique scientiæ principes libros mitterent in publicum , ad illum , quem infixura fuisset crudelius pestilentia reprimendum obrundendumque mucronem. Tunc illæ ciuitates , quæ proximæ fuerant pestilentia laborantibus custodias omni diligentia festinarunt ponere , vt ex oppi-

Oppidis pestilentia infectis, venientibus aditu commercio-
que omni interdiceretur: tunc maxime excitati fuerunt con-
cionatores Diuini verbi, vt ex publicis suggestis omnibus in
templis ad scelera pestem, ad peccatorum sentinam per con-
fessionem ex animis eiciendam pellendamque foras omni stu-
dio contentioneque populum adhortarentur. Tum denique
factum est, vt mutatio repentina vitæ deprauatæ, & institutio
melioris, vitæ procul amandatis, cum sacramentorum & con-
fessionis sacræ frequentatione celebraretur. Quæ profectò o-
mnia tanto animorum bono facta sunt, & quidem clades fune-
stas per pestilentiam futuram inuehendas in æstatem proxi-
mam prædicente Astrologiâ. Quibus de causis maximæ As-
trologis agendæ, habendæque essent gratiæ ab omni mortali-
um genere, quos si inopinantes, & nihil tale de pestilentia co-
gitantes malum tantum oppressisset, quanto funerum maxi-
morum & plurimorum cumulo redundasset Hispania! O sin-
gularem Astrologiæ vim! O præclaras & singulares artis vtili-
tates! O valde prædicandam ad Orbis terræ gentium conser-
uationem Astrologicam! Habent Astrologi, habent illi causas
cognitas, easque proprias naturæ, quæ solent esse plerumque.
Mentiar tamen, si non dicam, non necessario semper consistere,
sed immortalis Dei prouidentia euenisse, aut abesse non
raro. Quæ autem solent esse, illæ quidem mandatæ sunt li-
teris monumentisque Astrologorum, & ab eisdem aliarum a-
liarum calamitatum prænuntiæ: sic præcipuæ quædam maximæ-
que notæ pestilentia, quæ in urbium (in quas inuadit hæc te-
rribilissima lues) ne stragem funesta calamitate ederent, ab Astro-
logis, vt opportunè cauere omnes ciues, & incolumitati suæ
consulerent, multo antequam euenisse viderentur, denun-
ciatæ. Nam cum fames antecessisset, & caritas & inopia
rerum omnium, cum præterea cometæ visa fuissent, cum
stellæ obscuræ & caliginosæ, & faces horribiles Hispalim
spectare visæ essent; cum Autumno præterito cælum ipsum
flammas spirare visum esset: cum aer crassus & concretus
circumfudisset terram & cælum nubium obscura caligine cir-
cumfusus ad pluendum videretur affectum, neque vi vento-
rum, nisi guttæ ardore quasi flammaram conflagrantes expres-
sæ decidere viderentur in terram, prænunciarunt, Audito-
res, Astrologi, vt remedia salutaria compararetis in tem-
pore, & prouideretis salutem, quæ tantum periculum & disci-
men adituri fuissetis. Testata loquor, Patres, sæpe multos

ante dies lucem hanc pestilentiae metuimus. Multi exierunt in vulgus salutaribus remediis refertissimi libri Medicorum cognitae Astrologorum de pestilentia nobis, & huic vrbi, & vniuersae propè Hispaniae imminenti praedictionibus. Quod si non alios nobis fructus, nisi pestilentiae verissime constanterque praedictae praestitissent, ii satis essent, ad Astrologiae laudes, & utilitates plurimas & maximas, & ad humani generis vniuersi salutem incolumitatemque spectantes agnoscendas. Sed video quosdam tacite secum dicere, Cyprianos, Ambrosios, Gregorios, Augustinos, & alios Ecclesiae sacros Doctores in Astrologos, tanquam in eos, qui furere nunquam & insanire desinant, vehementer inuehi. Idem Martinus, qui ex Pontificibus sui nominis in Pontificatus sedem primus ascendit, in Astrologos dixisse perhibetur. Gregorium etiam natum minorem, Alexandrum tertium huiusce nominis diris execrationibus deuotes Astrologiam, è moribus & disciplina Fidei Christianae sustulisse clamant, & non desunt iidem homines vociferari. Iidem Astrologorum inimici Astrologiam insectari pergunt decreto Concilii Toletani, tanquam plenam superstitionum, errorum laqueis implicitam, sacrorum Patrum auctoritate & religione iam pridem damnatam. Iidem clamant, non placuit Imperatoribus Constantino & Theodosio Astrologia, qui matris Ecclesiae imperio fauebant. Non placuit Valentiniano, qui in eadem fide ac potestate Romanae Ecclesiae erat. Non placet Gratiano defensori maximo Christianae Religionis, qui cum multa tuendae defendendaeque eiusdem Religionis causa decreta fecerit, tum illud praclarum, quo grauissima supplicia in Astrologiae sectatores statuere non dubitauit. Atque ab his singulis viris ab eo ad Romanos, quibus cur Astrologi ridiculi visi sunt? cur etiam ludibrio & contemui habiti? Cur illis odio maximo fuerunt? cur toties vexati & omnibus iniuriis onerati? cur rebus omnibus ornatissimus Marcus Varro omnem opinionum inanitatem, tanquam futilem & commentitiam, omnem leuitatem, omnem malitiam ab Astrologia prodixisse testatur? Nolunt asferre quasi satiati fastidio, leges Tyberii, Vitellii, Diocletiani, spectantes ad eiciendam ex vrbe, & longè ab Italiae finibus arcendam Astrologiam: Non tamen cessant eos stultitiae & temeritatis arguere, & maculam vestigalis impositi Astrologis Alexandriae, quod ab stultitia, cennino nuncupatum est, assidua commemoratione iactare.

Quibus

Quibus adiungo ad maiorem vim & robur suæ dictionis Zoroastem, Pharaonem, Cæsares, Deiotaros, Pompeios & alios addictos hisce superstitionibus miseros & exitiales exitus habuisse: Sed quid hæc cum bonis Astrologis? An quisquam putat interesse bonorum, si scelerati aliqui Astrologiâ abusi fuerint? Viderint, qui hæc nobis obiiciunt, & exprobrant tanquam communem pestem, & perniciem Rerum publicarum Astrologiam, ne illi ipsi, qui ab eisdem nominati sunt, à quibus Astrologos contemptos putant, loquantur de nefariis & improbis Astrologis, qui per scelus & nequitiam summam Astrologiâ abutuntur, qui transiunt limites naturæ, qui si se suis finibus continerent, & similes Icarion alius euolarent, quam præscriptionibus artis datum est, nunquam excisis pennis in miseriarum pelagus infinitum incidissent. Quæ est igitur Astrologiæ disciplina? qui nam hæc disciplina suos alumnos instituit? docet ea traditque constanter, quæ placent clarissimis, doctissimisque, quos inimici nominauerunt, quæ placent sanctis Ecclesiæ Doctoribus, & cum doctrinâ D. Thomæ, cui cæteri Theologi assentiuntur, mirificè congruunt. Illa enim probatur omnibus Astrologia, in qua causas necessariò consequantur effectus, quæ cernere est in defectionibus Solis & Lunæ: Illa etiam non improbat, in quâ cum causa accedit, id, cuius est causa, efficit, sed non necessariò, neque omni tempore, quod quia neque necessario, & non semper euenire constat, non tanquam certum & minimè dubium, sed vt coniecturam capiens ex signis cælestibus suo iudicio, & non semper contigisse vidit, Astrologus responsa dabit, omnia semper affirmans, ex diuina potestate pendere, & in illius manu omnia posita esse, cuius nutu ac ditione cælestia, terrestriaque geruntur atque gubernantur. Quamobrem in his, quæ hominem libero arbitrio priuant, tollunt assensiones humanas, & voluntatem fatali necessitate deuinciunt, & constrictam vinculis in seruitutem adducunt, nihil esse loci, neque facultatis Astrologiæ, Astrologi boni concedunt, concedit ipsa facultas Astrologiæ. Atque frequens Astrologorum schola improbat hanc diuinationem, quæ priuat hominem liberæ voluntatis imperio & peculiaris arbitrij gubernaculis, quibus destitutum ita cupiditatum temerè se efferentium libidini addicunt, & deuouent, vt affinem necessariò faciant pœnis inferorum sempiternis: siquid prædixerat huiusmodi, quod extremum est, fallax, mendax, contraria naturæ, aduersaria

Christianæ legi, infesta hominibus est, & immortalī Deo ita nefariè diuinans Astrologia: Qua si malè abutuntur Astrologi nonnulli ijque improbi, non est id vitium artis, sed hominis: neque ob hanc causam Astrologiam amplecti litterarum studiosos iniquum est. Relinquuntur enim ob hanc causam omnes artes, & imprimis humaniores. Quot enim Grammatici inscientes sacræ Theologiæ litteras diuinās audacter & impudenter explicare aggressi in errores multos inciderunt? Relinquatur Poesis: quot enim Poetæ versus obscenos, & impuritatum plenissimos fecerunt, nefarios libidinum voluptates, & cupidinis motus turpissimos poesi molli lasciuæque persequentes, quibus in adolescentum pectoribus veneris impuræ lenocinia, carnisque illecebras, tanquam venenum animos interimens, infuderunt? Relinquatur ars bene dicendi, moderatrix quondam Regnorum, & lumen artium disciplinarumque clarissimum: Quot enim oratores improbi seditiones in Rebus publicis, & turbulentos motus excitauerunt? quot leges vtilitati publicæ perniciosas tulerunt? quot patriam adduxerunt in maximum periculum, & extremum penè discrimen? quot postremo vim adhibuerunt, contentionemque dicendi ad commouenda bella ciuilia, ad iniurias vindicandas publicè, & priuatim illatas? Atque in illis ipsis causis forensibus, iudiciisque publicis, in quibus semper floruerunt Oratores, semperque dominati sunt, quoties oppresserunt reos innocentes? quoties ex periculis eripuerunt nocentes & sceleratos? quoties denique causas obtinuerunt iniquas, iudicum animis artificio dictionis elaboratæ fucatæque tenebras, & caliginem offundentes? Relinquatur etiam, si placet, ars Musicæ in templis ad sacrificia rei diuinæ, ad Diuorum & Dei immortalis cultum, sanctissimamque Religionem semper ad hunc vsque diem adhibita, quā mentes hominum ad Beatorum gloriam excitantur, & dum diuinis precibus interfunt homines, Musicæ suauitate sic afficiuntur, & perfunduntur, vt animis in cœlo versari videantur, & sanctorum incredibili atque cœlestis incunditatis voluptate perfrui: Quoniam nonnulli sint Musici, qui lasciuos cantus, molles etiam in canendo flexiones, & falsas vocalas adhibeant. Illud equidem Musicæ genus ars musica colendum præcipit, quod optimis verbis, & præclaris rebus, & certâ atque seuerâ cantus lege & ratione conficitur. Omittamus persequi reliquas scientias, & disciplinas

plinas, etſi ſuperiora artium ſtudia propter paucorum prænitatem omittenda non ſunt, cur Astrologiam, ſi hac arte diuinante quidam abutantur, contra leges omnes atque rationes omittemus? Illam illam Astrologiam, quam ſclerati introduxerunt, quamque cum pertinaciâ confirmauerunt poſſe prænoſcere conſtantiffimè ex ſyderum obſervatione futuros rerum euentus, qui vitam & actiones humanas attingunt, aut ea, quæ poſita ſunt, in hominis libera voluntate, abiiciendam explodendamque ex hominum vſu conſtat. Atque huius diuinationis ſtudioſi plerique ab ipſa fide ſanctiſſima cuiſpiter deſciuerunt. Id in ſacrarum litterarum monumenta diuina, morumque diſciplinam bonorum, omnemque Theologiæ cognitionem, & ſapientiam cœleſtem, quantum in ipſis fuit, ſclerata iſtiusmodi prædictione non peruerterunt ſolum, ſed etiam penitus de medio ſuſtulerunt. Qui enim hanc ita diuinantem Astrologiam ſibi perſuaſerunt, animum imprimis immortalitate carentem faciunt, adimunt homini liberum arbitrium, propinquantque voluntatem: negant etiam diuini numinis prouidentiam mundum hunc conſtitutum fuiſſe, gubernarique, omniaque quæ geruntur, non illius geſi ſempiternâ ſapientiâ, qui cuncta ſic conſtituit, ſic prouidet, vt omnia ſanctiſſimè prouidentiffimeque conſtituerit. Quid quod miracula diuinâ virtute edita ad cœleſtes cauſas hæc diuinans Astrologia reuocat? licentiam effundendi ſe in obſcœnas & impuras libidines homini flagitioſe tribuit? leges ac præcepta diuina procul amandat, & à colendis obſeruandisque præſcriptionibus huiusmodi auocat hominem, & in illorum contemptum & deſpicientiam nefariè inducit, ſclerum inuolucra, tegumentaque peccatorum inuehit, & humanas diuinaſque leges crudelitatis impia macula aſpergit, & inquinat? Natales hominum dies ad omnem impietatem & flagitiorum labem sæpe confert, & propenſiones animorum fatali neceſſitate deuincit, conſtringitque; vt in hominis voluntate minimè poſitum fuiſſe videatur reprimere motus rationi contrarios, & libidinem legi humanæ diuinæque reſiſtentem, & aduerſantem: ſed ipſe miſerandum in modum nolens & inuitus in ſempiternæ noctis caliginem rære debeat neceſſario. Hanc diuinationem ex hominum vita, veteres noſtrique homines tollendam delendamque decreuerunt, & omnibus dedecoris & ignominiaſ maculis aſpergendam non ſolum, ſed à Reipub. honoribus

prohibendam, & onere graui tributorum obruendam. Nostra verò, quâ vtimur, Astrologiam, necessitatis vim non afferentem, & ex Dei sempiterni prouidentia pendentem, leges omnes ac iura non probant solum, sed vt dignitatis & vtilitatis plenissimam colendam, amplectendamque censent, Quamobrem Astrologia cum Dialecticâ non contendat, quæ iacit fundamenta, & aperit viam ad reliquas artes ac disciplinas: Non cettet cum poësi, quæ numerorum angustijs astricta, concinnitate tantâ nunquam erit, neque suauitate tantâ, vt ad delectationem, quæ ex rerum cœlestium cognitione percipitur, comparari possit: Non congregiatur cum facultate dicendi, quæ quamuis ad cuiuscunque generis materiam pertineat, & latissimè diffundatur, non tamen semper in rerum celsissimarum amplitudine versabitur, sæpius quidem in quæstionibus ancipiri Marte distractis in iudicio. Anteponitur sine contentione Geometriæ, Arithmeticæque duabus maximis, & clarissimis facultatibus: nam si Arithmetica numeros, Geometria lineamenta, formas, interualla, magnitudines respicit, Astrologia candorem & splendorem cœli, & astrorum pulchritudinem, & stellarum motus diuersos, dissimilesque, & exitus varios, & multiplices, qua ratione prædiximus, ostendit. Si Arithmetica valet, plurimum, vt rerum suarum consideratione animum à sensibus auocemus, & à consuetudine corporis abducamus, vt ordinem & pulchritudinem earum rerum, quæ nullam in omni æternitate mutationem subeunt, intueamur: nonne Astrologia nos docebit abstrahere quoque mentem à rebus infimis, vt ipsam cœli conuersionem eadem semper stabilitate per omne tempus definitam ad nostras actiones suscipiendas, & ad omne virtutis genus summa religione colendum amplectamur? si quod numeris astringitur, per se quidem aptum est, & venustum, & omnium ad se oculos & voluntates elicit, quod est cœlesti splendore clarum & illustre, non sensus omnes, & animos ad se rapier splendoris immensi magnitudine, & assuefacit animum à cogitatione rerum terrestrium abducere, quæ inanem habent fulgoris imaginem, & sæpè sordium & squaloris plenissimam, præ cœlestium claritate, præ Dei immortalis lumine clarissimo? sed iam Geometriam cum Astrologia conferamus. Si Geometria docet agros rectè diuidere, castra locare, vrbes ædificare, arces munire, constituere; Astrologia non distantias in agrorum fertilitate, aut sterilitate, non in bello-

rum casibus exitu secundo vel aduerso terminatis, non in amplificandis populis, & vrbibus augendis, non in conseruandis arcibus distantijsque cœlorum perscrutandis versatur? At Geometria, quemadmodum Arithmetica sensus ad rationem & mod. m, quo singulæ res terminantur, traducit, vt res cœlestes atque diuinas intueamur, & indissolubilem illam societatem qua cuncta copulata sunt, & cœum per media cum hac infima terra optima ratio e deuinctum est, atque coheret; Astrologia modo atque ordine, quo cœlestes orbes vertuntur constantissimè, & Sol cursum quotidie semel facit ab ortu in occalum vsque notissima semper celeritate, nos cum syderibus, cum Sole nostris in actionibus mira semper consensione perpetuæque stabilitate deuinciendis, & amore mirabili conglutinandis congruere constanter æquabiliterque docebit. Sed ne singularem multa persequar, quod genus erit virtutis, quod cœli contemplatione, non sine præcipua Astrologorum laude adipisci valeamus? Si tantum igitur Astrologia dignitatis habet, si tot Herœum, & Principum clarissimorum splendore illustratur, si tot referta commoditatibus & emolumentis maximis, si diuinans Astrologia suorum alumnorum consensione exploditur ex academijs, & ex hominum vita, quia rebus humanis & diuinis perniciofa fuit semper, si nulla ars, neque facultas ex nominatis cum Astrologia tot titulis & insignibus ornata contendit, si cum Arithmetica, cum Geometria decertans euadit superior: hanc ad animorum & Reipub. utilitatem summorum hominum gloria dignam iudicemus, complectamur, & ad humanæ dignitatis ornatum & illustrem præstantiam magis ac magis decorandam cohonestandamque constituamus.

T H E S I S.

An Philosophia discenda sit?

Nemini profectò dubium esse video, quod proponitur, sed quoniam id propositum esse vident omnes ingenij acuti cauta, quod in dubium vocari visum est, de Philosophia discenda, dicam breuiter, quod ad institutum præsens spectat, tot præsertim oculis auditorum in me coniectis, & ad orationem percipiendam tanta beneuolentia apimis cun-

storum erectis. Nam quis obsecro tam parum rationis parti-
 ceps esse videbitur, qui non intelligat, quod antiquitate cæ-
 teris artibus, & facultatibus præstat philosophandi genus, id cæ-
 rerarum rerum humanarum studio longè præferendum esse?
 Cum præsertim Regibus primis nascentis sæculi temporibus
 nihil tanto vnquam studio curæque fuerit, quasi Regiæ ma-
 iestatis proprium, quàm Philosophiæ operam nauare. Quæ sic
 postea creuit, Atheniensium memoriâ florente fœlicissimâ,
 Macedonumque Imperij amplificatis opibus, vt Principes
 multi Athenienses Philosophiam magis, quàm eloquentiam
 discendam curauerint. Quæ sic ab Aristotele fuit instructus,
 ille gentium nationumque cunctarum victor Alexander, vt
 pœnituerit Imperatorem inuictissimum Aristotelis Philoso-
 phiæ publicatæ, & emissæ in orbis gentium lucem clarissi-
 mam, peruagantis iam terrarum sola, regnorumque alic-
 nissimorum sedes disiunctissimas: & non alia profectò de
 causa, quàm quod ipse illius præcellentissimæ scientiæ peri-
 tus esse duntaxat optaret. Quodd si cognitione Philosophiæ
 pars illa excolitur animi, quæ proprius ad Deum optimum,
 maximum accedimus rerum maximarum scientia, virtu-
 tumque præclarissimarum ornatu, quid hominis præstantia
 dignius existimari potest Philosophiæ studio? Cum autem
 philosophandi ratio sit duplex, vna de via, & de moribus
 agens, altera de naturæ mysterijs & arcanis occultis, quis
 est tam mollis & voluptatius, vt pecudis & hominis diffe-
 rentiam non assequatur Philosophiæ vtriusque beneficio? Il-
 la sensu res iudicat; hæc animo & ratione intelligit: illa dur-
 taxat præsentia sentit; hæc & præterita reminiscitur, & fu-
 tura cum præsentibus copulat: illa in terram prona, tanquam
 ad pastum solum facta videtur; hæc hominem ad cœli con-
 templationem erigit, quasi ad agnoscendam & spectandam,
 eam, quam cum diuinis mentibus habet, propinquam co-
 gnationem. Quorum igitur Philosophorum præceptis à bru-
 vis animantibus tantopere dissidere viuendi ratione cogi-
 mur, eorum vtilitates mirabiles percipiendas non consti-
 tuemus? Cum præsertim ex tribus bonorum generibus,
 corporis, diuitiarum, & animi, primum illud in corporis
 elegancia, membrorumque omnium conformatione posi-
 tum ad virtutem conferre moneamur exemplo Socratis, qui
 discipulos ad se deductos, vel spontè venientes, speculum
 intueri iubebat: vt cum oris dignitatem, & datam huma-
 na for-

næ formæ præstantiam aspicerent animi speciem & pulchritudinem eius similem, multoque elegantiorē reddere cōparentur: Sin autem deformitatem oris, labesque corporis turpes aliquas cernerent, exigerent, confirmarentque se se quantum in illis esset, ut maculas omnes virtutum ornamentis tegerent, & occultarent. De diuitijs & f. cultatibus, quemadmodum multi æstimauerint, vel ex eo intelligetis, quod illi ipsi aurum, argentum, & opes à maioribus iure hæreditario acceptas magnanimiter repudiauerunt, ut vitam suam in omni rerum humanarum contemptione ac despicientia collocarent. Honoribus autem multi nuncium remiserunt, ut priuatam & vmbrailem, & à sæculi gloria procul remotam vitam agerent & his honoribus non modo virtutes, sed etiam litterarum otium & Philosophiæ studia præponerent. Illorum verò Philosophorum, quanta fuerunt in genus humanum merita, qui in sola virtute, reliquis bonorum generibus contemptis atque repudiatis hominis fœlicitatem posuerunt, ducentes pecudes intemperantissimas eos, qui corporis voluptatibus tanquam expertes rationis, qui commodis & emolumentis, diuitijs & honoribus omnia metirentur? Dies me deficeret, si rerum, quas proposui vellem exempla proferre, quibus boni præstantesque Philosophi hominem ad diuersarum virtutum functionem excitare studuerunt, ne fortunæ vicissitudine labefactaretur, nec deijceret animum aduersis, neque minus efferret secundis rebus, sed æquabilem & constantem armaret, contra omnem casum & incertos humanæ conditionis euentus, ut veri & falsi cognitione mentem in errorem & superstitionem labi non sineret: atque omnem inanitatem circumcidens animi motus regeat, sedaret perturbationes, ab ægitudine & motu, inuictō seipsum robore & virtute liberaret, & conformatione, moderationeque temperantiæ libidinem refrænaret voluptatis, ipsumque rationi appetitum obedientem, morigerumque præberet, partes omnes ad tuendum conseruandumque naturæ statum mira concordia conspirationeque componens. Quis enim dicendo consequi possit, miseras & ærumnas, in quas inciderat animus, si à Philosophiæ præceptionibus abhorrens modo formidinum specie plurima perterritus, modo tormentorum doloribus excruciat, interdum facibus inflammatus cupiditatum, sæpe exagitat, libidinum motu turbulentiſſimoq;

ut nunquam respirare, nunquam requiescere videretur? Quibus cum Philosophiæ pharmacis, & salutaribus præscriptionibus Plato, cum Xenocrates, cum Socrates, cum alij boni præstantesque Philosophi obuiam ire conarentur, & prodesse sanè plurimum, quid vilius Philosophia, morum & vitæ magistra esse potest? Quare si salutem animorum, si multas alias corporis, & bonorum utilitates Philosophia mortalibus affert, non etiam incitabimur huiusce scientiæ percipiendæ maxima facilitate, quam in duo genera potissimum diuisam morum & naturæ cernimus? Quam non iam perceptu difficilem, vagam & errantem, & nullis terminis ac finibus circumscriptam, quemadmodum primis suis cunabulis, cum eam Socrates, qui de vita & moribus maximè omnium optimeque disputauit, fertur de cælo ad terram deuocasse, sed Aristotelis ingenio exquisitoque acumine, certo ordine & ratione conclusam videmus. Quam nostris temporibus nouis in dies monumentis exeuntibus & manantibus in vulgus auctam etiam intuemur: mirificè amplificatam, & gradibus honorificentissimis, & Magistrorum insignibus delatis, in ipsis academijis tanto plausu, tantaque acclamatione cohonestatam. Quod si his rebus faciliè non pateret, & non esset expeditum iter, tamen nomen sapientiæ propter præstantiam suam Philosophiæ delatum admirabiles sui amores in nostris animis excitatura fuisset. Non enim Medici, non Iurisperiti, non reliquarum artium & scientiarum professores nomen istud, sed Philosophi dicti appellati que amatores sapientiæ detulerunt. Quorum scientia, quo meliorem in methodum rationemque reducta cernitur, eo magis faciles nos & promptos, alacres magis & lætos reddere debet ad sui muneris excelsum & illustre studium. Verum eam non modo vtilem, sed necessariam aspiciamus. Nam sine Philosophiæ cognitione nunquam equidem Medicus præclare versabitur in sua facultate, non etiam Iurisperitus, cuius leges & sanctiones, nisi mores & vitam hominum respicerent, philosophiæ præceptis imbuendam informandamque, non ad constituendas, sed ad euertendas penitus Respublicas pertinerent: neque leges illæ, non iura dicerentur, sed pestes ac procella Reipub. cum æquum, & ius, nisi Philosophiæ placitis stabilitum definitumque constare non possit. Quod igitur Rempub. benè constitutam, quod præclare gubernatam, quod seditionibus liberam, quod tranquillam & pacatam videmus, quod nouis in dies incrementis amplificatam, fructus

Quis ij sunt & monumenta Philosophiæ. Da mihi igitur ciuitatem aliquam fluxis moribus ac collapsa disciplina, vitij multis contaminatam, auaritiæ sordibus inquinatam, seditio- nibus turbulentis conceitatam, iactatam inuidiæ fluctibus, li- bido inum facibus flagrantem, ciuesque omnes otio languoreque hebescentes: in qua nulla ratio, nulla honestatis species, nulla virtutum simulachra videantur: quid hac ciuitate tetrius? quid perniciosius esse potest? Hanc tu non urbem, sed furum latro- numque receptaculum, perfugium homicidarum, & sicario- rum, & asylum omni scelere ac nequitia perditorum dices. His profecto malis careret, & legibus gubernaretur optimis, & cresceret in dies virtutum cunctorum adaucta cumulo ciuitas hæc, si Philosophiæ placita sequerentur incolæ & habitatores omnes. Sit Medicus inimicus veræ sanctæque Philosophiæ, sit inimicus illius præscriptionum Iurisperitus, quod ille passim homicidia faciet, quas strages edet specie ac simulatione me- dicinæ? Iurisperitus quantam perniciem rebus publicis afferet, à Philosophiæ salutaribus monitis, & præscriptionibus alie- nus? sed tam mirificam ex Philosophia cape voluptatem, quàm illa iucunda, quam grata suis alumniis erit, siue naturæ my- steria perscrutetur, siue mores & virtutes ostendat? quantam afferet voluptatem ostendens speciem candoremque cœli, conuersionem eiusdem rapidam & incitatam, noctium die- rumque vicissitudines, commutationes temporum quadri- partitas ad frugum maturitatem, & ad temperationem cor- porum aptas, cursus Solis, Lunæ accretionem ac diminutio- nem, vtriusque defectiones, stellarum dispares motus, con- stantiamque æquabilem in cursu conseruatam, grauiditates Lunæ maturitates & partus. In quatum rerum consideratio- ne, quis tam expertus rationis erit, qui non gaudeat suæ ætatis omne curriculum conficere? Quantum etiam delectat, ani- mos pulchritudinem virtutis contemplati, actiones illius varia- tas tanta moderatione definitas, concentum omnem, & har- moniam morum vitæ integerrimorum, & finem, in quem spectat absolutionis adipiscendæ, gloriæque comparandæ Beatorum immortalis? Dum ille Philosophus virtutem admi- rabiles sui amores in hominum mentibus excitare dixit, dum alius eam in folio præcelso collocatam & claritatis eximijs circumfusam splendore, sublati oculis suspicientem cœlum, & pedibus calcantem proterentemque mortem ostendit, quid iucundius, quid suauius ad corporis & animi veram ac solidam

Solidam voluptatem? Afferrem sexcenta istiusmodi exempla, nisi orationis terminos transilire vereretur. Sed ecce, nescio quis in Philosophia parum versatus, & suæ facultatis amans, plus me Philosophiæ, quam ab alijs tributum fuerit, tribuisse contendet: Quod in poësi istiusmodi exempla reperiantur, quod præceptis salutaribus, & ad vitam spectantibus abundet, quod Poëtarum libri pleni sint virtutum factis egregijs ac singularibus, quod fortitudinis, quod laboris quod molestiæ, quod temperantiæ, quod reliquarum virtutum trophæis immortalibus referti legantur: O & cam hominis temeritatem! O deridendam planè dementiam! Poëtas obijcis Philosophis, Poëtas inquam, quorum plurimi plus mali, & turpitudinis, quàm bonitatis habent & honestatis? Sed esto, fuerint omnes honestatis amantes, omnes virtutis colentes, egregijsque Philosophiæ muneribus perfuncti fuerint: sed vnde istud, quidquid est, delibatum & haustum, nisi ex Philosophiæ fontibus, quæ mater est omnium benefactorum, beneque dictorum, à qua ad vitiorum peccatorumque nefarias labe tollendas salutaris est petenda medicina? quæ radicem omnium malorum stirpitus se extracturam esse pollicetur? Quæ virtutis indagatrix, quæ vitæ rectè regendæ dux est, expultrixque vitiorum? sine qua non homines solum, sed hominum vita nulla ducenda est? Quæ vrbes peperit, dissipatos homines in vitæ societatem conuocauit, quæ eisdem inter se primò domicilijs, deinde coniugijs, tum litterarum & vocum communione coniunxit: Quæ inuentrix est legum, magistra morum & disciplinarum: Quæ vitæ tranquillitatem largita est hominibus & terrorem mortis sustulit. Quæ poëseos, quæ eloquentiæ, quæ iuris, quæ cunctarum artium procreatrix quædam, & quasi parens est, & ob hanc causam, si non alias haberet præcipuas laudes, appetenda, perdiscendaque fuisset. Quis Abrahamum illum, quis Isaacum, quis Iacob, tria sacrarum litterarum lumina non recordatur? Quis Abrahami obedientiam, & voluntatem morigeram, & obsequentem prorsus immortalī Deo non meminit? quis Isaacum scientiæ puteos fodientem, profunda quæque & abdita penitus perscrutantem non accepit? quis postremò Iacob, in rerum diuinarum contemplatione, quod & ipsum nomen indicat, versantem non audiuit, atque illius scalas ab infima terra in summum supremumque

numque cœlestis aulæ domicilium sublatas non millies ex sacris concionibus , aut diuinis annalibus accepisse testabitur? Ad partem Philosophiæ, vitam moreſque hominum componentem, constituendæque ſuis præceptis & monitis ſalutaribus Abrahamus; naturæ myſteria ab hominum intelligentia procul remota Iſaacus, voluptates vero ſolidas ac iucundas animorum ex contemplatione perceptas Iacob ostendit. Fabula eſt, Auditores, quam narrabo, ſed in fabulis hominum mores, & quotidianam imaginem vitæ luculenter expreſſam omnes intelligetis. Cerberum illum abſtractum Herculis opera ex obſcuris Inferorum ſedibus accepimus, illumque tripitem, ad hæc terrarum ſola perductum. Quorſum hæc? ut ab Hero præcellentiffimo patefactam, & è tenebris in lucem erectam fuiſſe, quæ in obſcuro loco Cymmeria quaſi circumfuſa caligine deliteſcebat, triplicem philoſophiam ſciamus, rationi, moribus, naturæque ſeruientem. Hercules enim præter domita tot horrida monſtra; conſectaque robore ac magnitudine animi ſui, ſi Homero credendum eſt; in Iunonem ſagittas emiſit, telum triſulcum magna brachiorum contentione contorſit in Plutonem, grauem & luculentam plagam inſtigens. Quæ quoſpectant, niſi ut tripartitam Philoſophiæ materiam ſpectemus? Cuius illud, imprimis officium eſt, ut nullus locus ſit, tam abditus & retruſus, quo non peruenerit, & penetrauerit Philoſophia: ſi quidem recessus terrarum vltimos perſcrutatur, & rationibus ſuis, & argumentis, fallacias & fraudes, in abdito terrarum loco latentes eruit, & veritatis lucem patefacit, id quod Plutonem, id eſt Dæmonem inferorum principem, iactis, & in tortis argumentorum telis impetere, & mille plagis ac vulneribus conficere eſt. Cum verò tot monſtra domuerit, & proſtrauerit feritatem belluarum, & diritatem immanem conſiderit, quæcum gentium feram & belluinam naturam coercuit & à ferina immanitate ad humanitatem, ciuilitatemque traduxit, præceptis informans, & imbuens ſalutaribus. In Iunonem fecit impetum, Reginam aggreſſa fuit Deum, ſuperauit, & plagis penè lethalibus conſecit; nimirum ſupera altitudine ſua conſequitur, & quidquid fabulis conſtitutum eſt ab humanis mentibus amouet, & quod planè cœleſte ſit, & rationi conſentaneum conſectatur Philoſophia, & hominum generi quid fugiendum ſit, quid ſequendum oſtendit.

Arab

At ab eo, quod supra ostendi, discedere visus fui, & bipartitam Philosophiam iam mei ipsius inscius tripartitam ostendo? minimè quidem, sed cum illius duæ sint partes præcipuæ, in quibus adhuc se nostra iactavit oratio: in tertiam propriam Dialecticæ, quæ pars est Philosophiæ, & eidem adiudicari potest, incidentes, ab instituta tractataque à nobis partitione recedere non dicemur. Quamobrem in Philosophiam, tanta dignitate, tot commodis & utilitatibus, iucunditate multa, suauitateque redundantem incumbite adolescentes: his magis nostris temporibus, quàm antè quis facilis aditus & illustis ad illius cognitionem pater: nullum in illam adue sarij telum iacient, quod non faciliè perfringatur. Plenam dignitatis, plenam honoris scientiam aggrediemini, & quod vestra maximè interest, siue ad medendi facultatem, siue ad sacra Theologiam instituendam perdiscendamque plurimum sine dubitatione facientem.



C O M P A R A T I O.

Comparatio est contentio vnius rei cum altera: Vel est oratio ex collatione aliquid disquirens, quo id, quod comparatur, aut magis extollat, aut ostendat æquale.

Cadunt in comparisonem omnia, quæ laudari posse, aut vituperari diximus: cadunt enim in eam personæ, res, dicta, aut facta. Tractatur comparatio ex locis vituperationis & laudis: constat autem proœmio, patria, maioribus, educatione, rebus gestis, Epilogo.

Annibalæ, Publii, Scipionis comparatio.

Proœmium.

Gaudent homines magnopere virtutes clarissimorum Ducum, & rei militaris summa laude præcellentium audire, quod eorum fortitudo, magnitudoque animi, & ad res fortiter gestas adiuncta felicitas, magnos spiritus in aliorum animis ad patriam defendendam tutandamque solet

ingere.

ingenerare. Id quod Athenienses declararunt, vitæ muneribus Imperatores sanctos Oratoris voce commendantes. Romani etiam reportatis victorijs eisdem in magno hominum conventu ac frequentia honorificis laudibus affecerunt. Ex quibus Scipionem cum Annibale Carthaginensium Duce fortissimo comparandum vestrorum animorum tanta tamque singulari benignitate delegi.

A patria.

Patria nati sunt non eadem, sed de qua poterit uterque iure optimo gloriari. Nam Annibal Carthagine natus fuit, vrbe quondam opulentissima, bellicosissimaque, & Africani regni Principe: ex qua tot Duces, & Imperatores fortissimi orti fuerunt; qui cum vrbe Roma de terrarum Imperio per multos annos dubio sæpè, & ancipiti Marte decertarunt. Cuius cum fundamenta vrbis jacerentur, caput equi repertum fuit, insigne belli notissimum, & populi Carthaginensium ferocitatem prædicens. Scipio natus fuit Romæ, quæ caput Italiæ, Domina terrarum, tot Duces, tot Imperatores rerum præclatè gestarum gloriâ insignes, qui fortitudine suâ Romanum Imperium extremis orbis terræ finibus terminarunt, protulisse dicta est: cuius etiam dum prima ponerentur fundamenta, hominis caput inuentum, vrbis futuram prænunciare visum est claritatem fortunatissimam, omniumque gentium ac nationum Ducum suorum fortitudine subiectarum imperium, potentissimumque dominatum.

A maioribus.

Natus uterque in patriâ clarissimâ, regni quæ potentissimi principe parentes iactare potuit clara excelsaque stirpe procreatos. Annibal enim parentem sortitus fuit, multis præclaris facinoribus insignem, & prælijs contra Romanos acriter vehementerque commissis celebratum. Scipio parentem suum, & in hoc sine dubitatione parem: quod bella multa gessit, & prælia gravissima contra Carthaginienses acerrimâ contentione commisit: ac præcipuè signa contulit in Italia ad fluuium Trebiam. In utraque familiâ viri apparuerunt & rebus bellicis dati, & Reipubl. muneribus maximis perfundi. Qui quales ac quanti fuerint, quantâ nominis gloriâ florue-

rint, quas gesserint dignitates, & honores, nihil opus est, commemoremus: cum omnes Carthagine, Romæque Principes non haberentur solum, sed omnium linguis ac sermonibus predicarentur. Quorum testimonia in hodiernum vsque diem permanserunt publicis literis consignata ad vtriusque familiæ gloriam sempiternam.

Ab educatione.

His maioribus procreati, curâ sanè studioque maximo educati fuerunt, & litteris Græcis ac Latinis non mediocriter eruditi: sed præcipuè ad rei bellicæ studium & arma capienda instructi diligentissimè. Ac ne huiusce loci explendi causa, quod de educatione prædixi, à me tentatum fuisse putetis, non illis solum artibus informati fuerunt ambo, quibus puerilis ætas imbuï solet, vt Latinè solum, aut Græcè agere didicissent, quæ duæ linguæ quondam florebant, maximeque dominabantur in orbe terrarum: sed alijs artibus & disciplinis, quæ ad regimen & clauum Reipubli. tenendum necessariæ videbantur. Quamobrem cum litterarum, tum doctissimorum hominum amantes mirum in modum fuerunt: vt enim Annibal Sosillo Lacedæmone familiariter vsus fuit: sic Scipio, Ennium summò amore prosequutus: Quapropter in sepulchro Scipionum putatur is esse constitutus è matre. Itaque vterque & litterarum sciens, & ad rei bellicæ studium artibus necessarijs præclare instructus fuisse perhibetur:

Arbus præclare gestis.


Sed iam vtriusque res præclare gestas, & nomen insignè consideremus; vterque enim ab adolescentiâ rei militari operam nauauit, & ad Imperatoris laudem nouis in dies progressionibus aspirauit. Adolescens Annibal expugnatâ vrbe Sagunto, ab Africani regni finibus in Italiam venire non exhorruit, ingentes peditum & equitum copias secum ducere, potentissimam Rempub. quam moiores non mediocriter formidauerant, bello laceßere, multis exercitibus ad internecionem deletis, multis Consulibus, & Imperatoribus occisis, in ore, conspectuque Romanorum castra ponere, non procul à mœnibus, & portis eiusdem vrbis, externos Reges, longinquasque

quasque nationes ad inferenda Romanis arma concitare. Scipio quatuor potentissimos Duces, quatuorque exercitus omni copiarum genere abundantes fudit fugauitque, capto, deuictoque magni nominis, & admirandæ virtutis Hi'paniarum vno Rege potentissimo. Deinde quis est, qui non legerit Annibalem à Scipione collatis signis profligatum fuisse, coactumque desertâ patriâ suâ vrbe Carthagine ad auxilia petenda, ad gentes alias & externos Reges supplicem confugere? Quod si Annibal gloria potuit tot se ciuium Romanorum & equitum & Senatorum sanguinem profudisse: non impune tantas & tam funestas clades edidisse Pœnum Scipio gloriari poterit. Atque id fecit Scipio, quod Imperatorum Romanorum contigit nemini, non ipsi Fabio, quem obstitisse audacissimis Annibalis conatibus, & illius furibundam mentem fregisse consilio prudentiaque magnum satis & amplum Romani duxerunt. Annibal in Italiam, & per medias Alpes exercitum in urbem vsque propè Romam traiecit: Scipio in Africam copias suas traduxit, Fabio, multisque alijs obstitentibus, & non urbem solum oppugnauit, sed cœpit Annibalem fugato, & vestigalem ac tributariam populo Romano fecit: vnde non inferior Annibalem, sed fortior propè visus est, & superior Africanus. Quid enim parem dicam, quem tot victorijs de Annibale fortiter & gloriose reportatis, tot vrbis Carthaginis trophæis, statuis immortalibus, & illustri eximio Africani cognomento decoratum, omnium gentium monumenta commendarunt? Quod si semper æqualitatem seruata esse dixeris, quod iniquitate loci, militum ignauia, & casu nonnullo victoriæ constent, magni etiam Duces, nescio quibus de causis cum inferioribus sæpè Ducibus confligentes victorias amiserunt, non tecum magnopere pugnabo, dum fortitudine, rerumque gloria præclare gestarum, vtrumque valde clarum & insignem fuisse mihi omnes, qui de rebus bellicis quidquam legerint, vel audierint sine contentione concedant.

Epilogus.

Sed nolo pluribus exercitationem dilatare, dummodo veritatis auidi, rerumque bellicarum cupidi, tantam vti usque Ducis fortitudinem, tantam animi magnitudinem, tam felices & secundos euentus, tantam postremo nominis gloriâ egregijs

facinoribus comparatam imitentur: & quibus gradibus honorem sibi tam immortalem pepererint, animo cogitationeque complectentes, minimè desistant, quoad summi, & singularis Imperatoris formam & imaginem factis præclarissimis exprimendam perficiendamque curent.



*Altera Comparatio B. Chrysostomi & Beati
Ambrosij.*

Proœmium.

Quanquam sanctorum merita tantæ sint laudis & gloriæ, ut eorum de laudibus cum agamus, nihil opus sit conferre virtutes vnius, cum alterius sui ordinis florentissimi singularibus ornamentis: quod illi, quem consequuti fuerunt gloriæ gradum in aula cœlesti, eò sint contenti, neque inuideant aliorum altiori loco; sed gaudeant mirandum in modum cuiuscunque cœlitis dignitate clarissimâ: tamen cum non de præponendis cœlitibus agamus, sed de similitudine, & propè non nullorum æquabilitate demonstrandâ, non abs re fortasse videbitur per contentionem laudem alicuius cum alterius virtute conferendo, dicendi facultatem ostendere: sic multi clarissimi viri maiorum vestigijs insistendo gradum prope parem consequuti fuisse videbuntur in Reipub. & nos si non ad parem, ad aliquam tamen virtutis umbram consecrandam incitabimur. Quod cum in alijs tum maximè in duobus sanctissimis sapientissimisque Ecclesiæ doctoribus, Ambrosio, Chrysostomoque videmus.

A patria.

Quorum patrium solum quanquam non idem fuit, & distantibus terræ partibus situm: Chrysostomus enim Antiochiæ, Ambrosius in Gallia natus fuisse perhibetur; tamen eorum laudibus vtrique patria magnam est gloriam consecuta. Et quanquam laus Antiochiæ latè pateat, quæ celebris quondam vrbs & copiosa erat, atque eruditissimis hominibus, liberalissimisque studijs affluens: tamen Ambrosij patriam cogitemus urbem fuisse clarissimam, & propè totius Galliæ principem opulentissimam, cum in eâ sedem habuerint
& do-

& domicilium præfecti moderatoresque illius provincie ad quam regendam gubernandamque missus fuit Ambrosius clarissimus tanti Doctoris pater & ornatusissimus. Quam vberitate rerum, positione loci, tempestatione cœli, multitudine nobilitateque ciuium & omnibus opportunitatibus & commoditatibus vrbiū maximarum expetendis celebrem fuisse Præfectorum dignitas & amplitudo declarabit.

A maioribus.

SI B. Chrysostomus nobili genere natus fuit, & vetustissimis maiorum imaginibus insigni, si clarus parentibus locupletissimis, & multum gratiâ, & auctoritate valentibus apud Reges & Imperatores huiusce sæculi, vt declarant honores & dignitates, quibus cum tantâ sui nominis gloriâ functus fuit; non inferior fuit nobilitate generis, claritate maiorum Ambrosius, qui clarissima posset proauorum stemmata iactare, tum auctoritatem & gratiam eorundem apud principes & Heroas terrarum potentissimos. Quam maiores iidem diuitijs & opibus ad sumptus non modò necessarios, sed etiam liberales faciendos abundè satis & liberaliter affluentes tuebantur, & multò clariorem & illustriorem bonorum & dignitatum Reipub. maximarum splendore reddebant; vt inter principes ciuitatis faciliè suam dignitatem eximiam, & insignem nominis amplitudinem testarentur. At vtriusque enim parentis potentiam, & illustrem splendorem, tanquam ad asylum vnicum, & præsidium rerum suarum, inopes, & à potentioribus vexati confugiebant. Neque domus illorum venientium & negotiantium, & semper omnibus propè horis, sæpè temporibus alienissimis ad illos adeuntium vacabat, semper fores patebant, & cum nemini præcluderetur aditus, magno concursu frequentiaque infimorum, mediocrium, & summorum hominum celebrabatur. Itaque si in nobilitatem maiorum vtriusque perspicias in eodem honore, & pari gloriâ vterque Chrysostomus, & Ambrosius esse videbitur.

Ab Educatione.

HAc maiorum illustri stirpe præstantes, pari studio fuerunt & diligentia semper educati, bonis litteris in ipsâ pueritiâ, quæ ad omnem humanitatem informari solet, im-

buti studijs humanioribus, litteris latinis & Græcis, liberalium artium, & Philosophiæ scientiâ. Adde iuris vtriusque non exiguam cognitionem, & sacræ Theologiæ, quam ad extremum didicerunt, laudem amplissimam. Quæ studiorum & ornamenta singularia, si spectare sigillatim voluerimus, magnam nobis admirandi materiam afferent: & tantum vtriusque Principis rectè, præclareque instituendi curam fuisse reperiemus, quantum spem egregiam in hominum animis excitare potuit educatio. Ad quod officium diligentius faciendum & accuratius, parentes vtriusque excitabantur & inflammabantur vtriusque adolescentis indole mirificâ ad res literarias, & ad honestatis studium singulari propensione.

Arrectè factis.


Qui progrediente ætate, quemadmodum sui specimen maximum dederint, quis non videt, si singulas artes & disciplinas, quibus doctissimis sui temporis hominib. præstiterunt, contemplemur? An verò B. Ambrosij eloquentiæ fœlicissimum augurium contrariò fuit euentu comprobatum? in cuius pueri labellis apud examen visum fuit considerare, quod suavis & melle dulcior, quæ ex illius ore adultâ postea ætate flueret, prædicabatur oratio. Num similem orationis dulcedinem, & omni suauitate affluentem ex Chrysostomi ore manaturam ætate progrediente, nomen illius, quod aureum os dicitur, polliceri nobis potuit? Eadem suæ facundiæ documenta dedit vterque, cum causas, quod illis temporibus proprium erat oratorum, forenses ageret. Etambo honorum patrocinium suscipientes à veritate iustitiæque starent, magnis eloquentiæ viribus exultantes & triumphantes in iudicijs. Cum autem iisdem Ecclesiæ statum amplecterentur, & à laicorum societate ad Ecclesiæ dignitatem ascenderent, qui vtriusque labores? quod studium & diligentia? quæ morum integritas? quæ vigilæ, quæ sanctitatis edita passim exempla? Non Ambrosium & Chrysostomum tiarâ Pontificum, non Pontificijs insignibus ornatos, non in honorificentissima sede collocatos, non sedulam operam animorum saluti nauantes, non defendendæ libertatis Ecclesiæ & eiusdem dignitatis studio acriter vehementerque laborantes cernere videmini? A vitijs improbos auocare, fœditatem flagitiorum ostendere, ad virtutem ardentè adhortari, omnium Cleri Ecclesiæque

clesiarumque statum præclare componere, & bonis moribus ac
 virtutibus oves pascere, & ad gloriam cœli immortalē ad
 Deum optimum, ac maximum mentem mortalium excitare
 conabantur. Hoc etiam munere summā cum laude fungentes
 se, diuini numinis seueros & egregios cultores præbebant:
 qui neque principum, & Imperatorum, neque Imperatricis
 animos superbos & insolentes formidarent. Non Ambrosius
 prohibet Theodosium Imperatorem aditu Ecclesiæ, propter
 eandem & stragem Thessaloniciæ editam? non eidem Impera-
 tori obstitenti summā cum grauitate restitit? non illius futi-
 les refutauit rationes, & ad factam eandem defendendam ar-
 gumenta proposita? non denique vsque eo deduxit Impe-
 ratorem, vt se demitteret, vt posceret veniam delicti, vt pœnam
 statutam summā voluntate susceperet, & perferret in Princi-
 pum suorum & totius populi luce clarissimā? Non minore fuit
 Chrysostomus robore ac magnitudine animi, cum Eudoxiam
 imperatricem, contra legem insultantem ac bacchantem te-
 merè in alienis bonis, auctoritate suā reprimere & coercere
 studuit, eandem exitium & pestem maximam sibi molien-
 tem non timuit, acerbioris reprehensionis aculeos, vt ad re-
 stituenda prædia Calliopæ adduceretur, insigere perleuera-
 uit in finem vsque. Cum ludi committerentur, & passim spe-
 ctacula præberentur ad argenteam Eudoxiæ statuam, an
 Chrysostomus tacuit, an animum destitit ostendere? Missus
 Chrysostomus in exilium inimicorum futuri cedere voluit,
 & de sede pontificiā deturbatus multas pro veritate exhaustas
 malorum acerbitates. Ambrosius in exilium libenter ire non
 recusaret, forti & magno quidem esset animo, neque succum-
 beret vnquam fortunæ, qui tot absolutæ sanctitatis diuitias
 congefferat, si Imperator non pareret mandatis, & pœnam
 non subiret impositam. Vterque etiam quæ ingenij monu-
 menta posteritati reliquit? quibus commodis & beneficijs au-
 xit Ecclesiam, quibus fruitur hodierna die, & perfruetur in o-
 mnem sæculorum memoriam? ea tanti habita fuerunt, vt pro-
 pter illorum fructus vberrimos & sanctitatem suam in Ecclesiæ
 Doctorum ordinem celsissimum fuerint euecti. Restat mors v-
 triusque, quæ vitæ integerrimæ sanctissimæque consentanea
 eundem exitum felicem habuit, nam vterque in cœlestis aulae
 domicilia plaudente Beatorum senatu fuit acceptus. Cuius
 gloriæ immortalis dedit amplissima testimonia mater Eccle-
 sia diuino spiritu afflata, quæ vtrumque non sanctorum solum,

sed Doctorum Ecclesiæ clarissimorum honore colit ac veneratur.

Epilogus.

Quamobrem si ab in cunte pueritiâ, in extremum vsque vitæ spiritum, patriâ, generis nobilitate, studijs, moribus, virtutis sanctitate, honorum dignitate tantopere coniunguntur, digni sunt profecto, qui pari ornamentorum prædicatione celebrentur, & ad imitandum tanquam duo paria literarum & virtutis exempla generi Christianorum exercitatione præsentì proponantur.



*Comparatio Complutensis Academia cum
Salmaticensi.*

Proœmium.

Incurrerem in ingrati animi labem P. G. si de Complutensi, Salmaticensi quæ Academiâ, parentibus olim honoratissimis, mihi quæ propter indulgentiam iam pridem præstitam amantissimis, non aliquid litteris mandarem; ut si non parem gratiam referrem, gratem saltem animi voluntatem declararem pro meritis utriusque magnis in nos cæterosque suos alumnos extantibus. Illa enim me puerum & Rhetoricæ narrantem operam litteris Latinis & Græcis, altera iuris utriusque peritiâ iuvenem, & altius ascendentem suo sinu gremioque complectens instruxit. Quod si in agendis gratijs, commemorandisque eorum, qui de nobis bene meriti sunt beneficijs gratissimo sermone uti semper debemus, cum desint opes, & facultates, quibus satisfacere grati, memoresque valeamus, in parentes saltem gratiores esse debemus, & magis alacres, & erecti ad illorum memoriam posteritati commendandam excitari: cum præsertim hæc facultas, quæcunque in nobis extiterit, suorum Doctorum hortatu præceptisque ad omnem humanitatem informata fuerit, & autoribus iuris Pontificij, & Cæsarei disciplinis instructa. Quod si quis in hoc statu, hac Religiosi viri disciplinâ leges & iura parum nobis prodesse arbitrabitur ad hanc, quam profitentur artis Rhetoricæ facultatem exercendam, vehementer errat: quod ad Ciceronis orationes

rationes integrè perfectèque auditoribus explanandas, multum Pontificum & Iurisconsultorum sanctiones valent. Neque in Cicerone explicando versari potest cum laude nescius iudiciorum, quæ quondam Iurisconsultorum nostrorum officio fungentes exercebant oratores. Quod si non hi fructus, ex utroque iure perciperentur, tamen ad excipiendas confessiones, ad quæstiones conscientia solvendas, explicandosque incidentium passim difficultatum laqueos, quantum utilitatis afferant acturis consiliorum responsa, nemo sanæ mentis ignorabit.

A conditore.

CVM autem academia primū commendari soleant, quemadmodum vrbes à conditoribus, Complutensem & Salmanticensem reddunt celebrem & illustrem conditores: qui quanquam dissimili statu & fortunâ fuerunt, tamen uterque sui nominis gloria utramque academiam commendare potuit immortalitati. Complutensem enim Academiam Franciscus Ximenius Archiepiscopus Toletanus, & Cardinalis amplissimus magnis sumptibus condidit. Ad cuius dignitatem illustrandam nisi Romani Pontificis decus illustre, nullum desiderari poterat ornamentum illustrius. Ad hanc enim proximè dignitatem augustissimam celsissimamque Cardinalis honore præcellentissimo vir præditus accedebat. Salmanticensem condiderunt Reges Hispani, primū Palentia, quæ vrbs bonis litteris percipiendis apta, & à vitiis & illecebris, quibus capi iuuentus plerumque solet, procul aliena erat: deinde progrediente tempore Salmanticam posteri transtulerunt. Et quanquam Reges & claritate nominis, & celsitate Regiæ potestatis, & gazâ & opibus superbissimis reliquis Principibus huius sæculi præstent, atque suâ auctoritate magnopere fulciant statuta monimenta liberalitatis ad posteritatis memoriam sempiternam, quod Reges harum solent esse Mæcenates & patroni Academicarum: tamen cum Regum quoque Hispaniæ potentissimorum, & maximorum sapientiæ Mæcenatum patrocínio & auctoritate fulciatur, Complutensis Academia non parum illa videbitur auctoritatis apud omnes sibi gentes conciliasse. Quid quod Cardinalis ille clarissimus eadem Regiæ dignitatis gloria vixit in Hispania, Præregis nomen & honorem excelsum Regibus illâ tempestate absen-

tibus adeptus : sed quanquam in hoc honore & sede potentissimâ non esset collocatus, quidquid potentiae ab illo, quod Regiâ dignitate fuisset inferius, aberat, suis maximis, clarissimisque supplere potuisset ornamentis. Quem enim Pontificem in Hispaniâ, quem Cardinalem tanta sanctitatis magnitudine fuisse præditum aut audiimus, aut legimus vnquam? qui tanto Religionis studio flagrauit, & veræ perfectionis sanctorum adipiscenda insatiabili cupiditate, ut cum ad purpuram & galerum prouectus fuisset, vilissimo tamen sacco, & crasso vteretur cucullo, cum mollibus uti potuisset culcitris, & pluma tenuissima refertissimis, & conchyliatis ad maiestatem purpurati Patris ostentandam, peristromatis lectum molliissime stratum ornare, palmitum fasciculis corpus affligebat, vexabatque nocturnis temporibus, & in illis suavius iucundiusque, carnem reprimens ac coercens, somnum capiebat, quam in tenuissima molliissimaque syndone : cum more multorum Principum opulentissimorum & Cardinalium præcellentissimorum epulis exquisitis, & acerrima conditionum varietate apparatus mensas extruere potuisset, semper modicis escis, & vulgaribus, parco ac tenui victu contentus vescebatur. Quanto paupertatis studio flagrauit, qui gregem famulorum præeuntium & consequentium numerosum aspernabatur, quibus vtuntur Principes ad iactationem & magnificentiam suæ dignitatis? qui tot ordines & gradus officijs dissimilibus surgentium seruorum, & operas principibus, à cubiculo, à secretis, à poculis, à manibus præstantium repudiauit? qui structores, prægustatoresque & ratiocinatores, & satellitium astantium, & comitantium veræ paupertatis consecrandæ amore contempsit? Quos autem sumptus in his rebus inanissimis facturus erat, in opere diuini obsequij, summæque sanctitatis contulit. Ita quidem ab illo plurima sacrarum Virginum, & Religiosorum Patrum exstructa cœnobia, & redditibus amplissimis locupletata fuerunt. Multæ Virgines in matrimonium collocatæ, multæ altæ sustentatæque liberalissime, omnis generis hominum inopia laborantium subleuatæ miseriæ, denique bonarum artium & disciplinarum officina, toto orbe terrarum celebrata, Complutensis academia magnis sumptibus ædificata fuit. At ne quis falsò existimet ad sacrarum familiarum cœtus dumtaxat, & ad aras & ad sacrificia Religionis principem hunc diuino beneficio Reipubl. Christianæ datum fuisse, quis Proregis munere & dignitate celsissima functum fuisse

fuisse Cardinalem Ximenium accepit, qui non legerit, eundem Hispaniarum gubernacula tractasse? Quis non audiuit etiam, eundem temporibus illis grauissimis omnia pacasse, constituisseque regna gubernandi nunquam ante illum diem arte perspecta mirabili? An fortasse putamus Madauram arcem munitissimam in Africæ litoribus & confinio iacentem capiendam esse, nisi tanti principis solertia, sanctitateque? quo robore ac magnitudine animi? quo consilio? qua virtute visus fuit? in Maurorum conspectum veniens, cum primum aditus fuit arcem, deinde cepit fecundissima fortuna, partim fulis fugatisque millibus infinitis Barbarorum, qui ad defendendam arcem confluxerant, partim cæsis, partim in ditionem acceptis? Quod si non iste tantus tamque præcellens Princeps Regia conditoris maiestate vigeat, viguit in Regis locum Hispaniarum suffectus, & ut Salmanticensis Academia, iactabit Complutensis etiam in Cardinali Regios titulos, & insignia, augustissimam celsissimamque maiestatem, atque hanc, quod præcipuum est omnibus virtutis, & sanctitatis ornamentis condecoratam, ut minimè Salmaticensi tor humanorum & diuinorum sui conditoris luminum fulgore collucens cedere debeat Complutensis Academia.

Ab obseruata temporis & loci opportunitate.

QVibus autem locis ambæ conditæ fuerunt Academiæ? vna Compluti, quod oppidum est Castellæ nouæ; altera Salmanticæ, quæ ciuitas est vetus, ut in utroque Regno dux essent bonarum artium & disciplinarum officinæ domiciliaque clarissima, ad quæ ex omnibus populis, & vrbibus confluerent adolescentes boni literis ac disciplinis imbuendi, nec ab studiis auocarentur aliqui longinquitate locorum, qui que tenui fortuna præditi magnos sumptus facere non possent. Vtrumque oppidum si non celebritate sua notum esset, & commendatū satis, academiæ tamen amplitudine sua præstanti nomē ad extremos terrarum fines detulisset. Vtrumque etiam & situ loci, & temperie cœli, & rusticationū amœnitate, & vbertate, & in magna semper vilitate pretij, abundat iis omnibus, quæ ad hominū victum sunt necessaria: sic autē vtrumque commoditates habet, & opportunitates maximas ad rem litterariam percipiendam alacriterque solens

colendam, vt nullis redundet deliciis & lenocinijs, quibus capi potest iuuentus & à labore ad otium, ab honestatē ad turpitudinem, à virtutibus ad vitia faciliē abstraheretur. Vtraque autem Academia eò potissimum tempore condita fuit, cum hostes fidei in Rempub. Christianam insultare videbantur, & errore suos per omnes gentes ac nationes spargere ac disseminare latissimè. Cùm indigebat mater Ecclesia litteratorum auxiliis, & Doctorum hominum subsidiis ad dignitatem suam defendendam, & ad hostium tela acerrimā contentione perfringenda. Cum noua quotidie monstra nasci viderentur, & in magno timore boni Christiani essent, prodituros, & ex latebris suis erupturos esse plures, nisi qui eorum audaciæ resisterent, & tuerentur veritatem, Doctores essent sapientissimi, omnibus diuinæ sapientiæ laudibus instructi. Ita factum est, vt ex duabus Academiis tanquam in colonias missi fuerint per omne tempus, ab initio, & fundamentis suis iactis in omnia terrarum regna veritatis acerrimi defensores, & depulsores hæreseos terribilissimæ ad matris Ecclesiæ tuendam, ornandamque dignitatem.

Ab Artium & Disciplinarum studijs.

QUæ autem literarum studia? quæ artium ac bonarum scientiarum genera? quæ denique doctrinarum, & disciplinarum maximarum fastigia desiderabuntur, quæ Compluti, quæ Salmanticæ literarum studiosi discere, & accuratè percipere non valeant Adolescentes? An Philosophiæ, an Medicinæ, an Iuris vtriusque Pontificij, Cæsarei que? an postremò sacræ cœlestis que Theologiæ? His in Academijs omnes artes disciplinæ que tractantur suis in gymnasijs, suis statutis horis, auditorum maximo numero incredibilique multitudine confluente. Vnde tanquam ex equo Troiano, magni Dialectici, Oratores absoluti, Philosophi præstantes, Medici insignes, singulares Iurisconsulti, & Theologi consummati ad ornandam augendamque Rempublicam Christianam prodierunt. Quis enim locus? quæ ora? quis angulus, quæ Regum consilia? quæ nostræ Religionis Ecclesiæ? quæ Præfecturæ? quæ Pontificum sedes celsissimæ, Doctoribus Complutensibus, aut Salmanticensibus vacuæ vnquam fuerunt? si Apollonius viueret, si Archytas Tarentinus, si Plato, si Pythagoras, si reliqui Philosophi præstantissimi in sæcula tantarum acade-

academiarum felicissima incidissent, tæderet eos profectò suarum academiarum, tæderet eorum, in quibus antea acquiescebant, musæorum, præ Complutensis, præ Salmaticensis, præ utriusque academix summâ præstantissimæque dignitate.

A Collegijs.

AVgent Academiarum gloriam collegia plurima, in quæ alumni singularium artium, & disciplinarum cooptantur. Dicatum enim est Compluti singulis artibus & disciplinis suum Collegium præstans & insigne, suis redditibus fundatum, & præclarè constitutum ad eos alendos adolescentes, quæ rei familiaris angustiis oppressi, nisi conditorum liberalitate alerentur patriis sedibus se continerent in inopiâ & egestate sua, neque quam ingeniorum vim & acumen ab immortalî Deo acceperant, in Reipubl. commodum utilitatemque conferrent. Et quanquam numero collegiorum Complutensi præstet Salmaticensis academia, tamen non est mirandum, quod non Conditores academix, sed diuersarum Ecclesiarum Pontifices ad hæc Collegia fundanda suos animos appulerit. Neque verò tam æquabiliter convenire possunt, & congruere tam mirificè, ut in aliquo rerum genere non vna superetur ab altera propter plurimorum Principum studia & opes ad augendam amplificandamq; Salmanticensem academiam collata. Quanquam, nescio quomodo iam ad æquandam magnificentiam Complutensis academia videtur aspirare multis iam diuersorum Principum Collegiis adiunctis ad veterum, plurimorumque indies rationem augendam, expectatione & spe, non frustra, ut res ipsæ testari Complutensibus visæ sunt, iniecta. Quod verò ad academiam constituendam spectat, simillimæ propè sunt, & ut videmus, nomine, reque congruunt, ac mirificè agnatione continentur.

Obiectio.

AT locupletior & opulentior est Salmanticensis Academia, redditibus magis aucta, magisque amplificata: nec nego, sed cum ea terrarum loca sumptus maiores deposcant, quod accedit, & additur ad præceptorum stipendia, spectatis sumptibus & auctoritate, quam Doctores sustinent,
non

non habet magnum pondus & momentum ad Complutensis academix minimam diminutionem ; cum præsertim Compluti vilius emantur res, & non eo famulorum, & puerorum comitatu multo, Doctores prodeant in publicum propter loci mores vsitatos. Adde ferè omnes Doctores sacræ Theologiæ, cum cathedram consequuti sunt, ita cæteris antiquitate præstare, vt multo ad Pastoris Martyrum clarissimorum sacerdotijs obtentis Ecclesiam aditum habeant. Quod igitur ex cathedrâ minus stipendij soluitur, id ex sacerdotij reditibus accrescit: vt propè pares pecuniarum numero genus Doctorum vtrumque censeantur. Quid quod plures cuiuscunque artis ac disciplinæ Compluti lauream accipiunt, inde maius lucrum, vberior quæstus accedit?

Alteræ Obiectio.

AT etiam Iuris Cæsarei facultate scientiæque excallunt Salmanticenses, à cuius cathedris fundandis abhorruit semper Cardinalis Ximenius. Non id negamus, si cupabula prima vagientis academix Complutensis memoriâ reperamus: cum decretis & sanctionibus eam prælegi facultatem, & explicari fundator ipse prohibuerit à litibus procul, & iurgiis alienus, & animorum saluti duntaxat, & Religionis amplificationi studens: sed iuris vtriusque sunt Compluti iam Præceptores insignes, & vtrumque studium, Salmanticam minimè contendentes, adolentes consequentur, & tenebunt optimè propter cathedrarum accessionem factam, & stipendia satis optima legum interpretibus & maximis præceptoribus constituta.

Comparatio, & Epilogus.

QVare taceant Athenæ illæ bonarum artium inuentrices: taceat Alexandrina academia: taceat illa vetus Italia plena quondam bonarum artium & litterarum, quorum propter studiorum frequentiam celebritatemque magnæ Græciæ nomine cohonestata florebat. Taceant ferè omnes orbis terrarum academix, vbicunque fundatæ fuerint ac conditæ, quæ cum his duabus orbis gentium florentissimis litterarum emporiis, neque de Doctorum præstantiâ, neque de varia multiplicique litterarum scientiâ, neque de rectâ iuuentutis institutione, neque

que de ingeniorum acumine, neque de concursu frequentia-
que alumnorum, neque de fructibus Christianæ Religionis al-
latis, neque de nominis immortalis gloria, vlllo vnquam tem-
pore, in contentionem diminutionemque descendant.



Comparatio demissionis cum Patientiâ.

NON est in animo sic de patientia, demissioneque, duabus
maximis virtutibus dicere, vt vnam alteri præponamus
quod virtutes omnes, cœlestes sunt atque diuinæ, & ita
copulatæ, & inter se connexæ, vt aliarum aliæ participes sint:
sed ita in hac duarum virtutum laude versabor, vt quanta sint
similitudine coniunctæ videamus, vnius & alterius ornamen-
ta breuissimè conferentes. Nam si auctorem habet vtraque vir-
tus, & principium suæ dignitatis Deum optimum ac maxi-
mum, qui Filium suum præceptorem & magistrum virtutum
maximarum in hæc terrarum sola misit, quid vtraque virtute
cœlestius? quid illustrius, quæ suam ab immortali Deo traxit
originem & primordia diuina? Si Philosophiam de cœlo voca-
tam à Socrate (quod olim sibi persuaserunt homines rudes, &
ignari totius humanitatis) tanto in pretio & æstimatione tan-
quam disciplinam ad hominum vitam rectè constituendam
plurimum valentem habuerunt antiqui, quibus laudibus affi-
ciemus? quibus honoribus prosequemur? qua tandem religio-
ne virtutem vtramque ducem & Principem perfectionis ad-
piscendæ à Deo diuinitus hominum generi demonstratam
complectemur? Ceciderat Lucifer ille ex altissimo dignitatis
gradu in obscuram sempiternæ noctis regionem, temeritatis
& insolentiæ superbissimæ tumore elatus, dum honores diui-
nos, & cultum & Religionem numini sempiterno debitam
sibi audacter præripiebat & impudenter, & ad omnem iacta-
tionem & ostentationem genus hominum incitabat arrogans
& nefarius. Idem nequissimus spiritus dux discordiarum, & se-
ditionum omnium, omnibus iracundiæ facibus inflammabat
hominum animos, & ardentioribus magis furoribus ad bel-
la suscipienda, & ad strages & ruinas miserabiles edendas,
ad iniurias omnes grauitè vlciscendas cæcos ac præci-
pites ruerè faciebat, in animorum exitium ac pestem vl-
timam. Missus fuit è cœlorum sedibus Filius Patris æterni,
qui

qui demissionem mortales cunctos doceret ac patientiam, duplicem viam rectam & expeditam ad cœlestis aulae patriam æternam ducentem, qui vnam ab altera pendere, summus cœlestisque Magister demonstraui & vinculo societatis mirabili deuinctam constrictamque, cum per omne suae vitae curriculum vna semper exercuerit, & in suis sanctissimis actionibus simul collucentes ostenderit, ut nunquam disiunctae separataeque viderentur ambae, spectaculum semper suae magnitudinis & praestantiae praebentes mirificum & insigne mortalibus. Vna quidem è patria cœlesti prolata diuina claritate splendunt, splendentque semper, & ut nihil humanum ac terrestre appetamus, sed diuinum ac cœleste demonstrabunt, & ut omnes fortunae vicissitudines, & tragicos exitus fortiter & constanter toleremus: in quarum rerum utroque genere inest demissio, ac patientia. Quoniam patria, & auctore, qui Deus est immortalis conueniunt, quod nos deducunt vtriusque res praeclare gestae operae pretium est animaduertamus. Ac nobis veniat in mentem, non horum, quos cernimus orbium cœlestium tanto fulgore collucensium, non ipsius infimi Lunae globi, splendidissimi que Solis cunctorum astrorum splendorem sua immensa claritate totos dies obscurantis, sed illius Empyreï, illius Beatorum domicilij, & sedis sanctissimae Triados aulae celsissimae, quae tum auro strata est purissimo, & ex auro splendidissimo mœnibus auti fulgore collucentibus circumdata: cuius portae singulae ex singulis margaritis fulgentissimis factae splendent Agni immortalis luce collustrata: vbi nulla noctis obscuritas, nulla tenebrae, nulla caligo interuenire potest, sed perpetua semper temperatione regio viger, & vere amoenissimo iucundissimoque floret ac nitet, & aeternae suauissimae beatitudinis mirifica lenitate recreatur. Ab hac procul membrorum omnium generis non lues solum, sed tentationes absunt: nec mali quidquam esse potest. Quid famem, quid pestilentiam, quid occasus & interitus nomen? nullius cuiusque mali in nimia species, nec adumbratio metuetur vnquam. Quamobrem nulla maioris est, nulla perturbationis causa, sed studiis semper & immensis sempiternisque lætitiis Beati ciues perfunduntur, nullius rei indigentes, redundantes autem omnibus veris ac solidis bonorum cœlestium generibus in Dei sempiterni oculis & ore conquiescunt tanti numinis in iestate, incredibili ac diuina lætitiæ voluptate perfuentes, iisque sunt honoribus ornati, qui verè honorum nominibus digni sunt: Atque hæc gaudia capient,

plent, hos honores obtinebunt in omnem sæculorum æternitatem. Quod de patria superborum & iracundorum hominum dici nulla ratione potest, cum malis omnibus, & æternis suppliciorum generibus omnes improbi, in tenebris semper iacentes & consistentur & conflabantur in perpetuum. Quod si patriam suam hoc sæculum, dum superstiti sunt, homines ærumnosi ducunt, quid indignius hominis præstantia, quam animos ad cœli gloriam immortalem natos abiicere turpiter ac prosterne rerum pecudum intemperatissimarum ad res dumtaxat præsentis, fluxas & citò perituras? Vide igitur qui demissionis amans, qui patientiæ sit diosus esse velis, quid interit inter harum virtutum, & vtiorem virtuti aduersariorum patriam. Iam verò cum de auctore demissionis & patientiæ, id est, de Deo optimo maximo, de præceptore totius abolitionis Christo Iesu constet, quid ad hanc virtutum dignitatem illustrandam clarius esse potest? si tamen magnitudinem demissionis, si patientiæ præstantiam attentè considerare voverint, quid humilitate, quid patientia sublimius reperiretur? Equidem cum sese demittentem hominem, & patienter iniurias tolerantem videat, inscius veritatis, hanc nimis fracto & angusto animo putat esse, qui se non vlciscatur, iniurias non vindicet, non spiritus insolentes, & inimicorum feritati parem feritatem non opponat. Quasi vero quidquam paruum, aut humile sit ducendum, si ad alterius exiguitatem & humilitatem comparatum sit, & cum collem editum & excelsum videmus ad montes altissimos & cœli trope ipsius æmulos spectantem, non humilem ac demissum agnoscamus. Cum igitur omne id quod magnum dicitur, è magnitudinis contentione petendum sit, quis dubitabit demissionis appetentes, qui ad cœlestem & immortalem gloriam properant, multo clariorem dignitatem & illustriorem consequutos fuisse, quam illos, qui leuem & inanem sæculi umbram & imaginem consecrari non desinent, & cœlitum splendorem, & illustre decus appetere nolint, & ad illud omnes corporis & animi nervos intendere, exempla sibi in omni genere eorum proponentes illustria? Qui insolentes & superbi sunt, nesciunt oculos ex infimis rebus attollere, & ad Beatorum amplos & excelsos gradus animorum aspectum referte; tanquam rustici quidam & agrestes, qui in oppidulo humili & obscuro nati istorum facile principes locorum inolescunt: Qui vbi primum Hispalim, aut in aliam civitatem amplissimam &

ornatissimam veniunt, & in his oppidis florentissimis virorum splendorem, & civium diuitias, & multorum Principum magnificentiam vident, seipsos temeritatis & insanix protinus arguunt, qui nec cum mediocri dignitate præditis hominibus se comparandos esse cernunt, & intolerandos illos spiritus, quos insolentiâ temerariâ extulerant, deponunt, & abiciunt sine cunctatione. Quod quidem in omnigenere rerum cernere licet. Etenim quis est Philosophus paulò sanior, qui se, cum Platonem, aut Aristotelem, considerauerit, non protinus abiciat? Quem Imperatorem ob rerum præclare gestarum gloriam insignem non deterrebit ad Alexandri fortitudinem in orbem terrarum capiundo feliciter adiuncta fortuna? aut cuius Regis imperium, cum longè lateque ad ultimos terras fines Romanorum spectante ditione potentissimâ conferre quisquam audebit? idem ut per omnia pares sint generatim & speciatim demissio, patientiaque, virtutes clarissimæ, de patientiæ laude dictum putate. Cuius Alumnos neque multitudo magnitudoque tormentorum, neque diuturnitas carceris, neque squalor & sordes, neque fames & sitis, neque bonorum spoliatio, neque cunctorum tyrannorum exquisita supplicia ab officii laude clarissima auocare potuerunt. Nam cum altiora mentis oculis complectantur, & illos clarior & illustrior honoris pulchritudo maneat, cruciatus omnes tyrannorum perferentes, nihil formidant in carcerem conici, in squalore ac sordibus iacere, corpori catenas iniici, in equuleo torqueti, candentes laminas admoueri, capitis damnari, raptari adequorum caudas alligatos, & viram incendio, cruce, & omni crudelitate tormentorum adimi, cum nihil sit honorificentius, neque illustrius, quàm omnes pro Religione, pro Christi Iesu gloria subire suppliciorum acerbitates. Si corpus deformetur, & excrucietur variis tormentorum generibus, in altero cœlestis vitæ sæculo pulchritudine immortalitatis decorabitur, & vita nullis sæculorum finibus terminanda succedet, Beatorum Principum semper felicitate, semper cœlitum sempiternâ gloriâ, & honoribus etiam nunquam perituris cumulanda. Sunt enim patientes (quemadmodum & demissionis alumni) magnâ Dei cognitione præditi, alius illorum animi extolluntur continententes sui corporis, vitæ, capitis pericula, ad summam beatorum dignitatem, & ad Martyrum gloriam, & splendorem comparantes sese, & ob eos, quos perferunt suppliciorum etiam inauditos cruciatus, facibus flagrantibus ardenti-

Bus incredibiliter efferuntur, neque conquirere possunt tantæ dignitatis cupiditate succensi. Et quidem quemadmodum Magnates huius sæculi suis insignibus aurei velleris reliqui generis mortalibus excellunt, ita tanto intervallo præeunt patientiæ, demissionisque ornamentis affecti cœlites, ut suis honoribus & dignitatibus amplissimis illustrati, quæcunque non humanæ fortunæ solum, sed illius, quem aspicimus, solis astrorum principis claritatem obscurant. Quid enim interest inter Ermenegildum quondam Regem, & modo Martyrem inuictissimum? quid inter reliquos cuiuscunque dignitatis humanæ splendore claros, & inter illos minimos aulae cœlestis Heroas, patientiæ luminibus fulgentes? Nullius est tantum flumen ingenii, nulla tanta orationis; scribendique vis, quæ non dicam ornare minimam tantæ dignitatis partem, sed neque adumbrare vlla ratione possit. Quod si ex sanctorum splendore dignitas utriusque virtutis agnoscitur, quæ & quanta sunt Diuorum patientiæ, demissioneque æqualiter præditorum exempla? quis vnquam ex flore Beatorum, non utriusque virtutis immortalī laude viguit? quis meritis utriusque laudis illustribus non redundauit? Laudas patientiam B. Francisci in corporis poenis perferendis acerbissimis, in consuetudine carne, in domandis cupiditatibus, in faciendis itineribus æstate, hyemeque pedibus, in condonandis denique iniuriis, & tolerandis animi incredibili voluptate: recordare precor eiusdem quoque sanctissimi viri demissionem, à quo cognomento consequutus fuit insigne, propter altas, quas in tantâ virtute radices egerat: recordare mirificam speciem clarissimæ sedis, socii sui animo diuinitus obiectam, qui mentis oculis cernere visus est subsellium cœlesti claritate circumfusum, & in altissimo cœlesti aulae loco collocatum supra plurimos diuinorum spirituum gradus clarissimos, & admiratus splendorem & claritatem aspecti subsellii magis mirari visus fuit, & cœlesti voluptate perfundi, simul atque accepit, Franciscus tantum, tamque sublime subsellium propter illius admandam diuinamque demissionem comparatum. Id temporis adit ad Franciscum socius percontari incipit parentem de opinione, quam de se haberet, & nihil de visio-
ne præsentī loquitur, nec minimum significat, cuius rei potissimum causa venisset, sed tanquam parentem rogare audet: Cum Franciscus respondisset, & summa fuisset responsi, ut nihil Franciscus submissus esse, nihil ad illius demissionem addi

posse videretur. (Nam infra omnes homines, infra latrones grassatoresque viarum, infra homicidas, infra quodcunque sceleratorum hominum genus se posuisset, & omnium se pessimum constituisset,) comes responso sanctissimi Patris obstupuit, & cum obiceret fore, ut istud credibile fieret nemini, addidit verus sui ipsius contemptor Franciscus causam, quo fidem faceret veri sciendi cupidissimo: Quia si in supra nominatis hominibus, quæ in me innumerabilia constant, Dei beneficia constitissent, magis illi profecto grati, magis sine dubitatione memores Beneficiorum fuissent acceptorum. Effertis etiam demissionem sanctissimi Regis Ludouici in Xenodochiis inuisendis, & in pauperum abluendis pedibus, in curandis tractandisque vtraque Regia manu vulneribus, & ad inopiam, & squalorem, ad pedorem horridorum hominum pedes abiicientis sese, & aureum diadema, purpuram fulgentem, Regiam maiestatem prosterntis: complectimini quoque mentibus patientiam illam, qua tot fecit itinera, tot maria transmisit, tot loca peragravit terrarum, tantam militum suorum immunitatem, tantam pestilentia crudelissime grassante stragem editam, & reliquas calamitates, & clades acceptas, ac mortem suam tam æquo ac verè Regio animo perculit. Commemorarem aliorum exempla multorum Christi Iesu militum, qui qua patientia fuerunt, eadem demissionis eximia præstantique laude viguerunt. Sed vos ex Christo Iesu fonte perenni & inexhausto, ut aliarum virtutum omnium, ita dimissionis & patientiæ exempla maxima stupendaque petetis; qui in ipso ortu, adituque vitæ suæ tantopere demisit se ad humilem porticum & ad pecudum duarum præsepe Dominus terræ, cælique potentissimus. Atque eodem tempore, quantam rerum inopiam, quas hyemales pruinas, niues, & cæteras iniurias perpetitur? Octaua postea lux est a natalitiis, & usque eo sedemisit, ut non hominis, sed infimi serui peccatorisque, cum summa virtus esset, & absoluta sanctimonia, fortunam suscipere non recusauerit. Circumcisionis signo & stygmate in carne sua sanctissima ferentem in morem impresso. At in hoc demissionis facto pulcherrimo, quæ dat mansuetudinis inuictæ diuinæque patientiæ documenta? non caro sanctissima rescinditur gladio sacerdotis? non altè acie gladii carnem penetrante discindenteque signum imprimitur? non sanguine multo abscissæ corporis partes profluunt? non puer Iesus dolorem accipit grauissimum? non perfert crucia-

tus acerbissimos? Quid dicam de illâ eiusdem Domini demissione, patientiaque mirabili? cum tollitur in crucem in vrbe maximâ celeberrimaque, tanto concursu virorum ac mulierum, & inter duos interiectus latrones, & nudus & spoliatus vestibus, & probris, & conuiçijs afficitur, vexatur, & laceratur, pendens ex arbore, lignoque sublato? An patientiæ laus non eminet, cum in crucem tollitur, & manus pedesque traiciuntur diuitiæ clauorum? cum membra corporis disrumpuntur, dilananturque adhibitâ vi, tensisque tanta inimicorum contentione brachijs, cum fel aceto permixtum omnium rerum Creatori bibendum tanta crudelitate porrigitur? Quid cum idem Dominus Matrem Ioanni, Ioannem matri commendauit, cum matrem relictam, discipulos desertos ac dissipatos, & inimicorum iniquitate latentes & abditos in latebris recordatur? Gradus eisdem, & pares profecto hæ duæ clarissimæ virtutes facere visa sunt, & cum auctore & præceptore Christo Iesu, cum patria cœlesti, cum exemplis illustribus & honorificis dignitatem suam eadem propè æquabilitate demonstrare. Quod si paribus res suas vtilitatibus & emolumentis meriamur, quanta eadem virtutes æquabilitate ferantur, nemo non videbit, nam imprimis in suæ naturæ conditionem intuentes ambo, patientiæ, demissionisque studiosi, clariorem & illustriorem eam efficere conantur. Abiicere se non desistit demissionis amans, & patientiæ cupidus offerre se ipsum in apertum quodcunque periculum: cum demittens se se nouerit naturam suam ex limo & argilla factam, & in cinerem redigendam citius, aut serius, patefacere sibi modis omnibus studet viam, vt cœlitum dignitatem, & immortalitatem consequatur. In qua etiam cogitatione versatur patientiæ cupidus: videt enim exiguum esse vitæ curricularum, & breuibus terminis circumscriptum: istud autem, quidquid reliquum est vitæ, innumeris telis fortunæ expositum, vt nihil sit hominis natura imbecillius, quæ vitro ipso fragilior, cum magis valere visa est, è medio mille casibus, & paruis sæpè offensionibus auferretur. Quid ni ergo agam, inquit ille, de vita diuturniore, æquandaque cum immortalitate sæculorum omnium, paucis sæpè toleratis cruciatibus, & in rebus aduersis retento robore ac magnitudine animi? Cum præsertim tam bene adhuc sperata Beatorum immortalitate mecum agatur, qui liberet ex malis plurimis & miseriis istius vitæ, qui ex fortunæ acerbitatibus infinitis eripiat, & in beatorum felices, & æter-

nis bonis & gaudijs redundantes sedes æternas immigrant. Quid me efferam, clamat humilis, cum homo cum vento ipso, cum fumo, inanis huiusce sæculi gloria conferatur? Quid honores & dignitates appetam breui perituras, passimque ruinis gravissimis expositas? Illi me delectant honores, illæque cœlestis aulæ immortalibus ornamentis illustratæ dignitates sempiternæ. Patientiæ Christianæ rigidus ac severus cultor in eundem modum quoscunque honorum gradus Principes & Reges huiusce sæculi pollicentur ac deferunt, aspernatur & abiicit, verissimorum & solidorum Dei immortalis honorum infinitâ cupiditate flagrans. Quemadmodum igitur ille vestitus sericos, cultum corporis pretiosum, amplissimas ædes, palatia ebore & auro obducta, gregem famulorum præcuntium & sequentium, titulos omnes, & insignia honoris humani; pro celsioribus honorum gradibus contemnit, & incredibili animi magnitudine repudiat; ita patientiæ laude commendatus, dum offeruntur ei voluptates, & iucunditates huiusce sæculi, studia summorum Principum, & gratia Regum clarissimorum, salus & incolumitas cum divitijs & opibus, cum accessione fortunæ, & amplificatione status florentissimi, omnia hæc alacritate summâ despiciit, & corpus in medias flammæ, in gladios distinctos, & in securim intentam, in omnes tyrannorum cruciatus obicit & opponit; & nihil sibi iucundius videri potest, quàm morte sua representari sibi dignitatem Ecclesiæ, gloriam & decus immortale Christi Iesu. Sed quid non agent? quid non contendunt demissione patientiæque præstanti præcellentes viri, qui ijs virtutibus cumularunt & auxerunt maximas diuinæ virtutis opes, & thesauros absolutæ sanctitatis infinitos? Nescio enim quomodo Deus ipse, de cœlorum sedibus altissimis benignioribus amoris & indulgentiæ paternæ oculis verumque genus hominum tolerantium omnia, seque studiose demittentium aspiciit, ut eisdem semper adesse, eorundem animos locupletare, cum eisdem oblectare sese, & tanquam in cœlestium deliciarum viridarijs iucundissimis versari, floresque & suavitates innumerabilium ornamentorum adamare, tantam vim & magnitudinem odoris divini percipere, & eam præsentia sui numinis novis in dies, & maioribus incrementis cumulare non desistat. Nunc si non aliud attulero, nisi virginis exemplum Mariæ, eo contenti precor estote: Neque enim plura datur nobis afferendi facultas propter temporis angustias, &

imma-

immensum rerum pelagus, quo obruemur, nisi de industria præciderentur, quæ properantis orationis cursum sua multitudine retardarent. Nam quæ ex omni cœlitum flore, omni genere virtutum virgine Maria præstantior? in quam potissimum Deus immortalis ab infinita sæculorum omnium æternitate ad Filij sedem & tabernaculum deligendum oculos coniecit. Quam virginem integerrimam Filij matrem, parentem generis humani, præsidium & anchoram nostrarum rerum, ianuam gloriæ cœlestis appellamus, & prædicamus, pro suis maximis & singularibus meritis, summo studio, ac religione tantæ Beatorum Reginae flagrantibus. At virginem hanc ad tantæ sanctitatis laudem, ad tantam Matris Dei sempiterni gloriam ostendendam, nonne demissionis præcipuè laudem mirandam, præ cæteris ex infinita muliebris cœtus suavitate, virginibus delegit? At hanc eandem, quemadmodum omni patientiæ studio exercitam, ita animi robore, ac magnitudine mirifica præditam, à summisque laudibus & ornamentis cumulatam, ab illo potissimum tempore, cum gladium suppliciorum, & cruciatuum cunctorum Symeon sanctissimæ Virgini prædixit, accepimus & legimus. Gloria Bearis Martyribus & demissionis honore præstantibus, & gradus amplissimi inter alios Heroas & magnates cœlestes præcipui & singulares præstituti, declarant utriusque virtutis & æqualem dignitatis sedem, & decus immortale consequutum. Considerate, quo euecti fuerint, ad quem locum cœli sublimem ascenderint, quod fastigium & sublime culmen obtinuerint, qui à nobis commemorati sunt oratione præsentis sancti, sanctæque omnes. Et cum B. Francisci sedem altissimam, cum Regis sanctissimi Ludouici gloriam excelsam, cum aliorum patientia & demissione florentium gradus celsissimos cogitaueritis, cum virginem Mariam, cœlorum Reginam & Imperatricem diuinorum spirituum, cum Christum Iesum propinquum solio sanctissimæ Triados, & in illis sedibus, diuinisque domicilijs supra sanctorum omnium cœtus demissionis & patientiæ suæ insignia longè lateque collucentia, & harum virtutum titulis & stemmatibus decoratum, eundem Filium Patris æterni contemplati fueritis, utriusque, mihi credite, virtutis studio insatiabilique cupiditate flagrabitis, & quæ à nobis prædicta sunt, de tantarum virtutum æquabilitate planè fraterna in animo condenda potissimum & præclaris actionibus comparanda constitueris: ut quam patientiæ demissionisque laudi-

bus ornati cœlestes Heroes sedem sunt dignitatis amplissimam consequuti, eandem vos æmuli & imitatores egregij omni studio, labore, vigilantia, assiduitateque consequamini. Quod ut obtineatis, quemadmodum optimus quilibet niti ac contendere debeat, præter laudes harum virtutum, quæ ad auctorem præcipuè, & ad patriam cœlestem, & ad utilitates in maximas, & commoda vera ac solida, & ad incrementa plurima, progressionisque palam in diuinæ sanctitatis via aspectas, ad beatorum honores, & ad gloriam immortalem, tot sanctorum illustribus exemplis contentam pertinet, oblectate vos etiam, pascite sensus & animos vestros sanctissimæ crucis trophæis monumentisque cœlestibus, quæ sunt tantarum virtutum stemmata celsissima; & cum in Ecclesiæ celebriori parte, in templis, in aris, non modo in parietibus nostræ salutis trophæa, crucis scilicet monumenta videritis, & ex ipsa cruce pendent in Christum Iesum, summo studio ac religione à Christi cultoribus suspici suppliciter ac venerari. Cum eiusdem insignibus diademate Regum & trara Pontificum Romanorum ornari, cum salutem, cum vitam nostram, cum gloriam, cum honorem & decus Christianorum crucem ipsam dici, & prædicari aspexeritis & audieritis, altius mentis oculos tollite, & lustrate sedes omnes, lustrate cœtus & ordines Beatorum, & ad Reginæ & que cœlorum filijque cunctis aula cœlestis ordinibus magnificentissimè gloriosissimeque præsidentium, utrumque insigne solium penetrare celeritate mentis incredibili, & quoties militantis & triumphantis Ecclesiæ sedes honorificentissimas peragraueritis, toties vobis patientiæ demissionisque trophæa non poterunt non occurrere monumentaque gloriosissima, ut illorum præfidiis, quasi pennis duabus elati in cœlestem Beatorum sedem lati, & exultantes euchamini.

Pugna Davidis cum Goliath comparatur.

Nulla res est, quæ maiorem viam habeat ad hominum vitam rectè constituendam, ad eandem ab otio, vitisque omnibus ad laboris & veræ laudis studium traducendam, quàm clarissimorum hominum, & eximia virtute præditorum exempla pulcherrima. Est enim exemplum viua quædam, & expressa recte factorum imago, & simulachrum illustre cunctis ad laudem aspirantibus propositum semper ad imitan-

itandum, quo optimus quisque magis inflammatur, & sui
 pe prorsus immemor præstantia tantæ magnitudinis ad
 tutis actiones præclare suscipiendas excitatur. Quod si sta-
 as fortissimorum Ducum, in celebrioribus olim & altiori-
 is locis statutas esse veteres magni ad Reipub. amplificatio-
 em interesse putauerint, & illos potissimum, qui de patria
 ene meriti fuerunt, viuos sæpissimè, læpius mortuos propter
 æclaram sui nominis memoriam posteris relictam commen-
 abant: cur sanctissimorum Heroum, & illorum potissimum,
 ui confectis huiusce militiæ stipendijs in beatam illam cœ-
 estemque patriam ascenderunt in laudibus debitis ad recor-
 ationem illorum excitandam imitandamque factorum glo-
 iam illustri testataque virtute celebratam iuuentuti non pro-
 ponemus? Comprehendite animis, Auditores, factum Davi-
 dis, victoriamque de Goliath immani, truculentoque Gygante
 reportaram. Ille superbissimus & insolentissimus Goliath
 præter cæteros exercitus sui milites audaces & insolentes tan-
 ta temeritate & furore mentis præceps ferre visus est in opti-
 mum quemque fortissimumque generis Iudæorum militem
 ac Ducem, vt nullo discrimine fortissimum ad præliandum
 audacter prouocauerit & insolenter. Ille erat corporis statura
 magna, alto corpore, lateribus vastissimis, mole planè gygan-
 tis horribili, cum gladio accinctus, cum hasta fulgentique mu-
 crone eadem & internecionem omnibus minitans, lorica for-
 tissima & latissima, & cæteris omnibus armis munitus & instru-
 ctus, toto ore spumas agens, ex oculis, ex vultu flammæ spi-
 rans, & ex imo pectore crudelitatem & feritatem anhelans ad
 præliandum audacissimum fortissimumque læssiebat Iudæo-
 rum. Illi, qui bestiam tam terram, tam horribilem, tam im-
 manem non aspexerant vnquam, tremere, nec audere ad di-
 micandum prodire, fugere omnes, ac recusare certamen, & in
 ignominia & infamia versari, qui tantæ belluæ, qui se oppo-
 neret, & cobatus & in petus sustineret, qui audaciam feroci-
 tatemque eius frangeret, reperiebant neminem. Quid ageret
 Saul, qui summam imperij tenebat, qui Regni Iudeorum gu-
 bernacula tractabat? tantam inferri ignominiam sui generis
 hominibus, & populo Dei sempiterni tantis in delicijs habito,
 tantis honoribus affecto, tantis victoris, & victoriarum claris-
 simarum insignibus præcellenti, tantum probrium & dedecus
 iniuri pateretur? O summam Dei immortalis laudem! O mi-
 tandam diuinorum consiliorum rationem! Quem minus pu-

tares, & parum ad arma tranſtanda idoneum diceret, proruſ rei militaris inſcientem, qui neque arma induerat, neque gladio ſe accinxerat, neque militum campos, neque acies inſtruktas viderat, qui ruri ſemper egerat, & paſcendis ouibus occupatus ad ſingulare certamen, dimicationemque iucundam, præter ſpem hominum & opinionem ultro offert ſeſe, ac deuouet ad Regis voluntatem, vt prouinciam ſibi demandet & deferat. Addit paratum ſe eſſe, in medium campum prodire, & cum teterrima bellua aperto Marte conſigere, & quidem non gladio, non telis, non armis alijs militaribus, ſed funda, lapide baculoque eſſe decertaturum ſeſe, & ſuperaturum ſine dubitatione contemptorem generis ſui, & honoris diuini pollicetur. Cernite igitur & oculos in medium campum conijcite, & Goliath, illis lateribus, illa magnitudine corporis, illa mole membrorum omnium, illa poſtremo ſuperbia ferocitateque ſua contemnentem Dauidem, & gloriantem in viribus, in fortitudine ſua, & conijcientem probra multa in Dauidem, qui auſus fuiſſet periculoſi certaminis partes ſuſcipere corpore exiguo præditus, & contemnendus ad aſpectum oculorum. Cum belluam Goliath aſpexeritis, aſpicite Dauidem etiam parua corporis ſtatura præditum ſine armis, ſine gladio, ſine telo procedentem in medium, nihil de ſe iactantem, Dei immortalis viribus nitentem non ſuis, & victoriam ſperantem diuini numinis cœleſti virtute fretum. Oculi omnium in vtrumque coniekti erant, & pugnae dubium euentum expectabant. Primum Goliath irridere Dauidem, aduerſari non pauci milites quaſi puerum & nihil ad Goliath comparandum, ſimul aſpernari: Iudæi rem omnem immortalī Deo commendare, & ex illius diuino robore exitum foeliciffimum ſperare. Quid plura? ſumma cunctorum expectatione concurrunt, & vix Goliath ictum intendit, cum inanis excidit conatus, planè puncto temporis apparuerunt inanes riſus, inanis iactatio & oſtentatio ſuperbiſſima, inanes motus corporis, inanes ſpes, & cogitationes, inanes poſtremo voces, quas effundebat: cum ſtatim David, vix lapidem iacere viſus eſt in Dei immortalis nomine, cum ſaucitis turpiſſimo letho cecidit Goliath reſupinus, horrendo armorum ſtrepentium ſono, prodigioſa illa ſui corporis gygantei mole, multum ſpatij terræ occupans. Accedere continuo David incredibili animi magnitudine præditus, arrepto gygantis gladio, caput à cervice abſcindere; Philiſtæi continuo terga

vertere;

vertere; Iudæi conclamare victoriam, adoriri fortiter aduersarios, insequi celeritate magna fugiētes inimicos, sparsos iam, & dissipatos, confusos & perturbatos vehementer, & spem salutis in incitata fuga ponentes, partim vulnerare, & à lateribus & à fronte cedere innumerabilem multitudinem, & stragem infinitam edere, necare denique ferè omnes, præter illos, qui potuerunt euadere pedum incitata celeritate. Conferre nunc vastitatem gygantis Goliath, cum exiguitate corporis Dauid, ferocitatem gygantis, cum mansuetudine pastoris, elationem illius, cum itius demissione, illius iactationem, cum istius in diuino numine collocata spe, gladium Gygantis, cum funda Dauidis, hastam cum baculo, arma denique cum lapidibus, galeam cum pileo segmentato, loricam cum pelle caprina, incitantis gygantis animum, cum pacato sedatoque Dauidis, impetum Goliath, cum Dauidis animo, illum victum, Dauidem victorem, exercitum Iudæorum insectantem copias Philistinorum, illorum fugam, eadem, & strages plurimas, cum addito Iudæis animo, cum perseverantia persequendi copias Philistinorum, cum spolijs, & victoria reportata, denique causam aduersariorum victam, alteram integram ac florentem, & Dei numen & præsentiam ostentantem. Quod factum gloriosius reperiri potuit ad immortalis Dei gloriam prædicandam? in quo cum ageretur gloria tanti Domini, quam hostes imminuere conabantur & infringere; cum ageretur decus illustre maiestatis eiusdem Dei sempiterni, quod superbissimi homines abijcere nitebantur & dele-
re, per gygantem immanissimum insolentissimumque; cum denique dignitas ageretur tantæ celsitatis, multis antea victo-
riarum trophæis, immortalitate sæculorum omnium testata, quam ex hominum animis, ac memoria tollendam, & obli-
uione sempiterna obruendam hostes iidem curabant, sic il-
lam Deus ipse auxit & amplificauit, & posteritati com-
mendandam vnus Dauidis facto pulcherrimo tradidit, ut
non buccinarum clangore, non tympanorum sono, non
vtriusque exercitus collaris signis, non viribus Martis infe-
stis, sed vnus hominis manu, vnus pastoris virtute, vnus
inermis lapide proiecto percussit, oppressit, & cælum
prostrauerit resupinum in terram. Factum est istud præstan-
tissimum, plenissimum gloria, plenissimum diuinæ Maie-
statis honore, & illius simile, cum mulieris vnus virtute fu-
gauit copias Assyriorum innumerabiles & obsidione acui ve-
hemē

hementique ciuitatem in extremas angustias adductam liberauit occito prius superbissimo tererrimoque Holoferne Duce. Non equidem Deo optimo ac maximo opus est exercitibus omni copiarum genere abundantibus, non eget ille peditibus, non equitibus multis, non apparatu magno, militaribusque instrumentis ad debellandas capiendasque sibi inimicas & infestas gentes. Quemadmodum schachidos collusor scientissimus vno pedite multorum stragem edit militum, & campum sibi patefacit ad Reginam constituendam, & includendum opprimendumque aduersariæ factionis Regem, & quacumque illum deducit perruptione facta, in sedem altioremp impellit, illos de suis sedibus depellens, alios fugans & rapiens, & quacumque transmittit, in multorum funeribus exultantem & triumphantem peditem in eum vsque locum altissimum perducit, ac prouehit gloriosè, vt post stragem editam, & exercitam carnificinam de Rege victoriam gloriosam reportet: sic equidem Deus immortalis non ferri viribus, non vtriusque exercitus acerrimo congressu, sed vnus hominis, vel potius pueri, in bello nunquam versati, vnus pastoris in caulis, & in camporum apertis æquoribus vagantis, & pascentis ouium sibi commissarum gregem, inermis prorsus, lapidis iactu, victoriam & insignia reportauit victoriæ præclarissima. O gloriam æternæ maiestatis celsissimam! O decus omni laude prædicationeque celebrandum! O vim ac potestatem Dei immortalis robore ac virtute plane celeberrimam! Quid aliud agimus? quid aliud contendimus inscij, & ignari veræ solidæque gloriæ, nisi Dei diuinum, & immortalem honorem? quo cum actiones nostras, mentes & animos contulerimus, cum magis destituti videamur, maioribus auxilijs, & opibus muniti semper esse videbimur. Istius Dei gloriam spectans Moyse, hanc appetens, & contendens, quot signa Ægyptiorum sedibus admiranda, sempiterna recordatione dignissima fortis & inuictus edidit? Quod per mare immensum & formidandum fluctibus ex vtraque parte muri instar consistentibus, ad transmittendam gentem suam iter patefecit, quanti roboris ac diuinæ virtutis fuit? Michael ille cœlestis, prauitate Luciferi concitato tumultu, & orto bello grauissimo tererrimoque nefariorum spirituum conspiratione scelerata acies hostium instructas honorem sibi arrogantium, & immortalis Deo insolentex eripientium profligauit, & ad inferorum sedes deturbauit,

uit, deiiciens vnâ sceleratissimum eorum ducem Luciferum
 tanti sceleris consortes nequissimos, vnus duntaxat Dei im-
 mortalis nomen implorans. Appetit gloriam diuinam Lucifer,
 a spoliatus fuit, quam consequutus fuerat liberalitate tanti
 Domini. Pulcher erat, & admiranda pulchritudinis magnitu-
 dine, postea deformis factus, & omnium, quæ fuerunt in poste-
 um fœdissimus. In summa gloria futurus erat, si creatori suo
 paruisset, dedecoris & ignominia notam maculis omnibus in-
 titus sempiternam subiit. Æternis gaudijs perfrueretur, si in fi-
 de Domini permansisset, ab auctore deficiens in luctu & squa-
 ore perpetuo iacebit. Princeps esset innumerabilium diuina-
 rum Mentium, dux deinceps & auctor totius sceleris & impie-
 tatis in ruina fuit semperque erit. In gaudijs & lætitijs immor-
 talibus futurus erat: postea supplicijs & flammaram ardoribus
 nunquâ excruciarî desinet; amicissimus extitit diuinæ maiesta-
 tis, capitalis ab illo tempore post nequitia defectionisque suæ
 prauitatem factus fuit inimicus. Quid amplius? discordias, ini-
 micitias, bella nunquam habere desinet cum hominum genere,
 honoris diuini studiosorum: cuius si vis speciem & similitu-
 dinem aliquam expressam habere, Intuere mentis oculis Go-
 liath imaginem Luciferi, & Dauidem Michaelis effigiem & si-
 mulachrum insignie cum gygante terribilissimo pugnantem. Il-
 lum intuere vitorum inopiam superbissimè exprobrantem;
 hunc solummodo Deum colentem ac metuentem: illum laces-
 sentem fortissimum quemque de se multa temerè & insolenter
 iactantem; hunc pro populo Dei, & pro tanti Domini honore
 pugnare desiderantem: illum armis fulgentibus munitum,
 prodeuntem in medium; hunc inermem omninò: illum cum
 Galea; hunc cum pileo segmentato: illum munitum Lorica
 fortissima, hunc pastoritia amictum pelle: illum accinctum
 gladio; hunc neque gladium, nec vlla quidem arma gerentem:
 illum cum accerrimo fulgentique telo, hunc cum baculo pa-
 storum vsitato: illum armis omnibus; hunc cum lapide duro &
 aspero: vtrumque postea paratum ad dimicandum, sed illum
 cum probro nullo ac dedecore cadentem; hunc cum summa
 gloria & honore caput à gygantis ceruicibus abscindentem. In-
 tuere postea fugam aduersariorum, impetus Iudaorum, victo-
 riam, lætitiā, plausum, & acclamationē. Quid hoc gloriosius
 ad immortalis Dei honorem sempiternum, & ad Dauidis decus
 maximum accidere potuisset vnquam? sed videamus iam facti
 pulcher-

pulcherrimi plurimas vtilitates, plurimos à populo Iudæorum fructus perceptos. Liberati imprimis fuerunt illorum timore, quo perculsi fuerant animi omnis generis Solymorum: Atque ipse Saul, qui in magno metu fuit, qua sollicitudine, quibus securis & anxietibus liberatus? Iam verò cum à setantam turpitudinis labem omnes repulissent, cum Goliath inania verba cecidissent, cum superbissimi Gygantis spiritus fracti, compressique fuissent impetus furentes, quis se tanto robore diuini præsidij, munitæ genti, nisi temerarius prorsus ac furens esset, auderet opponere? Mitto hic hostibus ablata spolia, detractas vestes, direpta castra, gladios, tela, cæteraque arma & instrumenta militaria capta. Relinquo cibaria, comæmentum omnem, quem in castris hostes reliquerant, pecunias, diuitias, argentum, aurum, res alias magni pretij & astimationis, quas secum comportare homines solent. Omitto denique quidquid ex victis victores adipisci consueuerunt beneficii fortunæ, & prædas omnes, quibus locupletati exultantes ac triumphantes reuertuntur in ciuitates. Vos cogitate si magni salutem habetis, si magni ducitis parentum & ciuium incolumitatem, si filiorum vitam, si bona, fortunas, recta, templaque conseruata, quantis periculis liberati estis, quibus gladijs hostilibus, qua crudelitate, furoreque superbissimorum hostium, qui in vos irruerent, & iugularent ad vnum omnes? & quod Iudæi fecerunt, saltem fecissent sine dubitatione, vt huc illucque iactantes gladios Iudæos omnes fugientes partim vulnerarent, partim cederent, & cadauerum cumulo camporum terram operirent. Inde in vrbes defensoribus carentes propter stragem factam inuadentes parcerent filijs vestris, parcerent vxoribus, abstinerent manus à parentibus? non imbuerent gladios occurrentium cruore virorum ac mulierum? qui mulierum eiulatus? qui ploratus? quæ postremo sanguinis vbique per vias, per plateas, in domibus ipsis, & intra palatia, cubiculaque omnia latissimè manantis flumina? ædes, templa, loca omnia diriperentur, & in vestris bonis auarissimè rapacissimeque milites exultantes secum omnia exportarent in suas patrias sedes. Quid cum polluerent templa, cum res sacras contaminarent, cum auro diuitiisque omnibus locupletati vestras ædes & sacras, templa partim euerterent, ac diruerent, & aliquot in seruitutem adducerent, vitam acturi semper miseram & ærumnosam? Iudæi, Iudæi inquam facto Dauidis pestem horum malorum omnium in hostes

stes conuerterunt, & quam perniciem suis rebus, vitæ, rebus,
 & templo machinabantur, in excidium suum recidisse cogno-
 uimus. Cedant, Auditores, Romani Dauidi fortissimo, qui
 quamquam multas victorias singularium virorum fortitudi-
 ne consequuti fuerunt, tamen neque magnitudine rei præcla-
 rè gestæ, neque multitudine commodorum, neque gloria no-
 minis comparari, neque finis in Deum immortalem relati ce-
 lebritate, cum præsentis Dauidis egregio facinore conferrî
 debebunt. Cedat factum Torquati clarissimi fortissimique
 viri, qui Galliam laceffentem insolenter ad dimicationem sua
 virtute superauit. Cedat factum Horatij Coclitis, ex vltima
 pontis parte phalanges aduersariorum plurimas sua fortitu-
 dine sustinentis, & refellentis vehementissimè, donec à tergo
 suorum opera Romanorum porta euerteretur, diruereturque,
 & ipse de ponte flumen in altissimum sese deiiciens, quan-
 quam armorum pondere pressus, nando euaderet ad suos: Ce-
 dit denique, ut alia omittamus veterum monumentis consi-
 gnata, factum M. Horatij fortissimi ciuis, qui duobus occisis
 Curiatis, ipse solus tribus obstitit fratribus, & qua scitis calli-
 ditate similis fugientis, & ad propinquiorem insequentem
 conuersus, vnumquemque superans desperatam à Romanis
 victoriam, ex hostium manibus eripuit. Omnibus istud Dau-
 dis factum gloriosum & immortalitate dignissimum tenebras
 & noctem obscurissimam offudit. Ut enim cetera prætereamus,
 vel hoc quis non videt, reliqua facta armorum vi præstantiam
 suam obtinuisse, istud nullis, ut prædiximus armorum nec re-
 torum fulgentium, nec districtorum gladiorum robore præ-
 stitum fuisse. Qua de causa clarius, & vel hoc solùm nomine
 commendandum sæculorum omnium memoriæ sempiter-
 næ. Quod si non has utilitates commemorare potuissimus
 communes omnis generis Solymorum, sed proprias Dauidis,
 & ad illum potissimum spectantes, dignum esset factum istud
 procul dubio cunctarum gentium ac nationum prædicatione
 commemoranda. An ille seipsum non conseruauit incolumem?
 non occidit Gygantem hostem importunum infestis-
 simumque? non vitam ex illius gladio districto, populoque
 imminenti eripuit? non hosti mortem attulit exercitu vtro-
 que spectante? non Regem cura sollicitudineque liberauit Sau-
 lem, & ad bene de diuina misericordia sperandum cuiuscum-
 que ordinis mortalibus quasi signum in sublime capite Gygantis
 elato, sustulisse visus fuit? non desperare de victoria cœgit sta-
 tim

rim innumerabiles aduersariæ partis milites ac duces, & in fugam sese conijcere relictis castris & occisis eorum multis milibus? Non uxorem Michol filiam Regis duxit uxorem sui præstantissimi facti robore ac magnitudine comparatam? non postremo immortalem sibi nominis gloriam comparauit nullo vnquam posterorum ætate delendam? Ab hoc etiam pulcherrimo facto virtutes planè Regiæ, Regia dignitas, & sedes Regis adipiscenda celsissima prædici vîla fuit, & Dauidi merito quidem suo deferri. Quem paucis post sæculis gentes Solymorum in Regis Solymorum altissima sede collocatum aspexerunt, & summo honore ac veneratione fuerunt prosequuti. Quid splendoris, quid honoris, quantum gloriæ florere visum fuit in Dauide ab illo tempore, cum prostrauit in terram, confecitque Gygantem Goliath? Plus equidem quam cum pastor in solitudine, per campos & nemora, per valles & per sylvas pascebat ouium suarum gregem, & ad pascua & ad aquas hyeme & æstate diligens & assiduus agebat. Considerate, quæso, Dauidem pastorem, & Regem diuersis temporibus, & cum ex hoc facto primordia ducta fuerunt honoris dignitatibusque celsissimæ, altius equidem exitum pugnæ felicissimam prædicabitis. Erat ille pastor vitam agens in agro, nemora, valles & campos peragrabat, totas hyemes, niues & pruinas, & cæteras tempestates perferrebat; æstus vero tempore grauissimos Solis ardores, & caloris molestias: humi iacebat, & sæpe stans magnam noctium hyemalium, & sæpe turpulentissimarum partem baculo nitens transigebat. Tum cum maximè vestitus erat, pileum segmentatum in capite gerebat, pellem captinam in corpore, perones in pedibus, cum mantulis a fronte & à tergo pendentibus ad victum quotidianum: quem si ex pastorum communibus escis æstimare debemus, panem & durum admodum, qui satis esset ad infringendos dentes, & alia, panis condimentum conijcere debebimus. His delitijs, his suauitatibus abundabat in pastoris vita agresti, ferinaque. Cum verò ab agro ad aciem, ab ouium custodia, ad rem militarem dono ac munere diuino fuit vocatus, quæ facisse putatis fundamenta vitæ in reliquum tempus lautioris elegantiorisque degendæ, Regiæ etiam & excelsæ dignitatis, ad quam aspirauit, & progressu temporis euectus fuit? Quem in solio celsissimo sedentem, summo cum imperio, maiestateque maxima Magnatum & Principum aulæ suæ clarissimorum splendore illustratam, imperantē tanta cum dominatione, tot

populis

pulis & vrbibus & prouincijs Solymorum ditioni subiectis; gentem diademate gemmis illuminato splendidissimis & in sceptro cæterisque Imperij potentissimi insignibus decoratum contemplamini. Adite aulæ Regiæ reliquum apparatus & splendorem; ædium maximarum elegantiam & magnificentiam; escas accuratione maximâ apparatissimas & alde structas; tot administrorum diuersis fungentium in aulâ Regiâ officijs, multitudinem; & florem, ritus & ceremonias publicorum, cultum & honorem omnem tantâ cum demissione Regiæ maiestati tributum. Quibus cum omnibus honoraretur David; & ab huiusce victoriæ secundâ fortuna fundamenta iacta fuerint, vt explorata magnitudinis & tantæ celsitatis auguria planè apparuerint; nihil est profecto, quod de cuiusce gloriosissimi commodis dubitemus. Sed ad utilitatis, ad Regiæ dignitatis partes eximias & gloriosas, lætitiarum cunctorum, gaudium & voluptatem Regis Saulis adiungite. Mibi equidem illam consideranti occurrunt victoriarum maximarum effusa gaudia lætitiæque gestientes. Videor enim audire occiso Goliath, & humi iacente gygante truculentissimo cunctorum clamores Solymorum sublato in cælum? Quæ vociferationes, qui clamores militum, quæ lætitiæ; dum se vident ex hostium manibus ereptos? Quemadmodum David deductus fuit ad Regem Saulem, spolijs gygantis ornatus; & capite in hastâ inhaerente rectâ & excelsâ, elatoque in sublimem, vt cunctorum oculis aspiceretur Solymorum. Quanta voluptate prætent multi, consequerentur alij? qui comitatus, omnium splendore decoratus Principum, & Heroum Iudeæ potentissimorum? quibus tibiæ cantibus? quo concentu, & harmonia? qua vocum mirificè concinentium suauitate? quæ laudes, qui honores tributi? quæ continuia apparatissima; magnificentissimaque? qui dies postremo festi consequuti? Species sanè videretur & imago dierum; qui solenni pompa & agmine perpetuo, & à porta præcipua in capitolium vsque; cum triumphum gloriosum Romani Imperatores agerent, toto sese ad spectaculum S. P. Q. R. effundente; celebrabantur. Atque si mentis oculis Solymæ intuerentur, cuius illa victoria spectaculi species esset, & adumbratio, si Deus optimus, ac maximus mentis oculos aperuisset ad agnoscendam inuolucris & tegumentis occisi Gygantis à Davide veritatem contentam, quibus gaudijs afficerentur? quibus lætitijs gestitent? vix apud se essent tanti boni magnitudinē perspecta.

Goliath enim dæmonem teterrimum vincendum ab Assertore Iesu; David ipsum Messiam vindicem humanæ libertatis Christum Iesum, in hominis formâ atque figurâ latentem; victoria libertatem generis hominum, salutem cunctorum, dignitatem in pristinum statum Mesiæ inuictâ virtute vindicandam prædicebat: quo nihil, neque ad Dei immortalis gloriam, neque ad humani generis salutem, neque ad orbis terrarum læticiam & voluptatem incredibilem videri poterat appositius. Christus enim Iesus in humili porticu atque contemptâ, ruinosâ ac malè materiâtâ sedem sibi delegit & domicilium, nullis armis, neque copiarum pedestrium, neque equestrium fragore, sed lacrymis, frigore, & egestate rerum extremâ, & tolerantia summa, cum perenni humani generis hoste prælium accerrimè committens, victoriam gloriosam ac cœlestem inuictâ virtute repottavit. Puer erat David, puer Iesus ipse: David inermis prodijt in campum, sine armis, etiam sine gladio: Iesus nullo apparatu militari, nullis telis descendit ad dimicandum: David funda & lapide duntaxat cum Gygante congressus est; Iesus lacrymis, indigentia rerum, & cœlesti tolerantia cum dæmone nequissimo conflixit: Goliath cecidit humi resupinus; importunus gygas dæmon hostis humani generis infestissimus cecidit mille plagis ac vulneribus concisus: vita Iudæorum, salus & dignitas restituta fuit virtute Davidis; incolumitas generis hominum, vetus florens, & secunda fortuna reddita fuit & vindicata in veterem statum à cœlesti ac diuino robo re Christi Iesu: victoria Davidis, magnis laudibus, gaudijs, & lætitijs omnibus, cunctorum ordinum, & Principum plausu mirifico celebrata; victoria celebrata Natalitiorum deportata, suauissimis diuinarum mentium cantibus, aduentu pastorum, & Regum ex disjunctissimis terrarum partibus in Bertheleemicam vsque porticum venientium decorata fuit magnificentissimeque cohonestata. Quamobrem ferreus est ille, & omni diritate terrior, qui gloriam huius sæculi fallacem, honores fluxos & perituros, non immortalis diuinæ maiestatis gloriæ, ornamentisque sempiternis dignitatum cœlestium posthabendos curauerit. Quem enim superbum, & insolentem demissio Davidis, quem cultus & honos tributus immortalis Deo, quem in Deo posita spes, defixæque cogitationes, quem adeptæ victoriæ gloria, quem immortalitatis adeptæ fama, quem cœlorum sedes æternæ domiciliaque istius facti pulcherrimi magnitudinē adum-

adumbrata commouere non potuerunt? latere ne quēquam parum etiam sacrarum litterarum peritum Davidis factum insigne præcellensque potuit? Quid ille egerit, quemadmodum gygantem inuaserit, & prostrauerit resupinum in terram, & caput à ceruicibus absciderit, propter gloriæ præstantiam in Deum immortalem redundantem ignorare nemo potest? O superbiam detestabilem! O nefandam hominum elationem & arrogantiam. Homines hoc audiunt, hoc intelligunt, & agnoscunt gygantis exitium & necem ignominiosam, fugam suorum turpem, cum strage & interitu tanto Philistinorum & spiritus sibi sumere, animos efferre, & caput extollere superbi, & arrogantes audebunt? An cum Balthasari in conuiuio vasa Domini nefario scelere polluenti perspecta repente manus metum inecerit, & mortem, (quæ protinus consequuta fuit) cum totius Regni iactura prædixit, totque de superbis hominibus sumpta supplicia non ab elatione deteriebunt homines, & in officio suo continebunt? Nam illa nimis antiqua & omnibus explorata non debetis obliuisci; quod Adamum honoris diuini appetitus & insolentia de Paradisi sedibus deturbauit in terram hanc, vastam & vestitam vepribus, atque dumeris. Fuit Deo, optimo, maximo cum superbis & insolentibus bellum semper alliduum & grauissimum: habet in illos districtum semper gladium, intentat iugulis eorundem tela diuina iustitia, quæ non patitur mucronem hebescere, strages in omni ætate memoriaque faciens maximas. Quod si nos demissionis finibus non tenuerimus, si non demiserimus abiecerimusque libentissimè ad omne submisionis officium, si sanctorum, si Christi Iesu vestigia non sequuti fuerimus, infra hominum aliorum pedes nos ponendo, nihilque de nobis loquendo neque æstimando nisi humiliter, atque demisse, ex quibuscunque locis altioribus, ex Regia etiam, & imperatoria dignitate in miseras & ærumnas maximas præcipites deiiciemur. Vt fumus summa appetit, vt fulmen supera perit, sic morbi, miseriæ, ærumnæ, calamitates homines arrogantes & elatos, vno agmine, impetuque incitatz furenti aggredientur, dissipabunt, & conficient. Vos igitur, qui verum honorem, qui solidam gloriam, qui dignitates nunquam interituras, qui beatorum gradus celsissimos optatis, qui prosperos in hoc sæculo vestrarum rerum euentus, & post illius vitæ curriculum, deuicto humani generis aduersario

immortale decus appetitis, ad Dei gloriam augendam & amplificandam vestras cogitationes, curas, actionesque conferre: ut quemadmodum Dauid gigante confecto, spolijs magnificentiſſimis ornatus ad Regem Saulem toto plaudente populo deductus fuit, vos etiam superato dæmone terribimo, omnibus gratiæ cœlestis ornamentis decorati victoriarum trophæa in cœlestis aula palatijs celsissimis gloriosa, & nullo vnquam xuo interitura constituatis.

Vra sit præstantior Poesis, an Rhetorica, in declamatorio genere, & ad comparationem relata orationes duæ.

Declamatio Poeseos.

SI Poësis Rhetorem, quo cum de facultatis dignitate decertat controuersia, quæ venit in iudicium, nostræ præstantiæ capitalem hostem sortitura fuisset iudicem, & non te oratoriæ Poeticæque principem clarissimum, Iudex integerrimè, nunquam in hunc campum arenamque descendisset, cum Rhetore dubio & ancipiti Marte conflictura. Sed quoniam nouituum in Poeseos cognitionem amorem, & propensam voluntatem, & de arte benedicendi non in animo tuo tantopere incidens opinio, atque Rhetor iste sibi persuadet, qui poematis studiosos alumnos, reliquarumque (ut magis mirer illius fastidium & insolentiam,) facultatum & disciplinarum maximarum peritissimos semper contempsit, inanissima leuitate iactationeque suæ facultatis elatus: non verebor apud te meam agere, sæpe iam actam & obtentam causam cum poetarum illustri fama ac nominis gloriosa celebritate. Neque rem agam fucò, non pigmentis vllis, quæ fugit & respuit simplex & aperta veritas; illis aduersarius vtatur, quibus nixus, nihil vnquam verum ac syncerum, nil nisi falax & fraudulentum in iudicium adduxit. Is enim non penitus cognitam & exploratam habuit poësim, quam a Dijs inuentam, & rebus iuuandis datam accepimus, & quotidiana didicimus experientia: In qua duæ facultatum partes præcipue posite sunt, dignitas & utilitas. Quod si addam iucunditatem, qua cum artes caruerunt, ab illis percipiendis hominum genus quodcumque deterrebitur, nonne verum dixisse quidem videbor?

Atque

Atque si splendor tum maximè cernitur, cum Heroas & Principes inuentionis afferamus, cui dubium esse poterit Apollinem principem & auctorem fuisse Poeseos? Musas etiam, quæ Deæ habitæ fuerunt, Poetarum animos ad poema faciendum elegans & concinnum excitasse, quæ in Parnasi monte sedem & domicilium habuerunt? Atque hic quæ de Helicone iactata fuerunt veterum annalibus, & de fonte ad istius montis radices aquis profluente mirifica suauitate redundantibus, ex quibus sumebant animos, & spiritus ad Poësim, viri singulares recordamini quæso. Quæ si Rhetor considerare vellet, cum re militari corquarum poësim aspiceret, equo cuius iætu fons repente erupit, bellorum aptissimo simulachro mente comprehenso. At originem & initia Rhetoricæ si quæras, non modò Deos non afferes, sed ineertis auctoribus, parentibus ignotis nata fuisse videbitur: atque ab hominum ipsorum sermone barbaro & inculto primordia duxisse. Poësim sanè tanti habuerunt, qui postea consequuti sunt docti sapientelque viri, vt cum ab initio propè nascentis mundi omnia carminibus consignata viderint, omnes artes atque scientias, & veterem Græcorum Philosophiam, quæ inter illos sua ferebatur Theologia, versibus posteritati mandauerint. Ita quidem Zoroastes & Orpheus fecerunt: Orpheus inquam, qui suos labores ad posteros oratione ligata transfudit, qui carminum, quæ canebat, & musices suauitate Eurydicem vxorem ab inferis excitasse, syluas & montes commouisse, fluuiorum retardasse cursum, & belluas efferas & immanes ad mansuetudinem traduxisse dictus est. Huius simili studio flagrarunt Linus & Tamiras, qui eiusdem poeseos scriptis sua nomina immortalitati commendarunt. Neque obliuisci possum Palefatum & Creophilum Samium, qui naturæ res abditas & reclusas poëtico sermone conscripsit, & id, de quo multi quondam dubitarunt, mundus semperne fuerit, nullo profectus ortu, an ortus, an ab aliquo opifice & architecto conditus, seminator & educator omnium, quæ natura & cultura hominum seruntur, quandoquidem cernebatur, & tangebatur, & erat vndique corporatus. Ad hos adiungo Zenonem, cuius poësim Plato meminit, qui de eadem re, eodem poeseos genere scribens, nomen suum nobilitauit. Quis ignorat quanto in honore fuerint olim matheses? nihil profectò Mathematicis illustrius, qui magna in obscuritate, & recondita in arte & multiplici, subtilique versantur. At ij versus quæ fuerunt ad artem suam nobilitandam. Testan-

tur istud Arati monumenta; cui Iulius ille Cæsar, vnum ex suis operibus manu propria describens, magnum honorem tribuit, & multo maiorem B. Paulus eundem in actorum monumentis afferens. Ex Astrologis etiam Dorotheus Sinodius memoratur, qui ornatissimis optimisque versibus de cælo, stellisque scripsit: cuius factum imitandum duxit Manilius tanquam pulcherrimum & amplissimum ad honorem obtinendum immortalem. Artem quoque medendi nobilitarunt alumni suis versibus optimis & numerosis huiusce facultatis medicamenta tradentes. Prætereo multos, noti sunt Sæuillus, Heliodori, quorum memoriam Princeps Medicorum Galenus clariorem reddidit & illustriorem sua commendatione. Neque sanè silentio prætereundi sunt Nicoandri, & Andromaræ: hi scriptores Græci, qui profecto nisi ad medicinam versibus adiungendam laudem putauissent, nunquam ad poemam de rebus Medicinæ tractantes, quam in omnem sæculorum æternitatem diffundere voluerunt, suum animum appulissent. Quid dicam de Iurisperitis? quid de conditoribus legum? Solon ille soluta vel ligata oratione leges conscripsit? Draco cuius leges quanquam abrogatæ plurimæ, deletæque fuerunt à Solone, non illas tamen carminis numeris astrinxit? idem de Scythis, quanquam feris, & immanibus, quos Anacharsis legibus ad aliquam humanitatem traduxit, & de Cretensium moribus ac disciplina, idem postremò de reliquis gentibus ac nationibus totius orbis terrarum scriptum accepimus: quæ omnes versibus consignatas suas leges, ac iura tenuerunt. Atque postorum Hispanorum gens solertia & industria mirabili præstat, & in hoc cum omnibus totius orbis rebus publicis mirificè congruens, libros antiquitatis admodum venerandæ plurimos, & inter illos leges poetica facultate scriptas habuisse fertur locupletissimo doctissimoque sui temporis teste Strabone. Multa de Sybillis accepimus, sed oraçula præcipue versibus conscripta celebramus. Ipsi etiam Imperatores honorificum esse ducebant hanc præcipue facultatem poeseos percipere, quorum sepulchra carminibus ornabantur ad posteritatis memoriam sempiternam. Testis est Imperator Adrianus, qui Pompeij sepulchrum, vetustate temporis excessum, & propè dirutum, non instaurauit solum, sed ornauit à se ipso Imperatore versu facto. Testes reliqui principes totius Græciæ, qui nullius artis magis petiti fuerunt, quam poetica. Cum conuiuium aliquod faciendum erat, cum prandium dandum

dandum apparatissimum, cum cæna concelebrandæ conuiu-
rum maxima nobilitate, splendoreque discumbentium, car-
mina iucundissime suauissimeque concinebantur. Agebant
Imperatores domitis bellicosissimis gentibus triumphos im-
mortali memoria dignissimos, carminibus vitæ publicæ pla-
teæque, quacumque pompa triumphi procedebat, ex Capito-
lio cum ad Iouis templum peruentum erat, versuum modula-
tione testudines & loca omnia personabant. Nullos ageba-
tur dies lætitiæ, nulla natalitia dabantur, nulla sacrificia
fiebant, nulli tribuebantur dijs honores, qui non car-
minibus festiuis & concinnis cohonestarentur. Sed dices, ve-
tera nimis hæc fuisse, & ex hominum memoria deleta iam
pridem. Age adis ad veritatem: qui Principum aduentus, Prin-
cipum dico, Regum omnium, & Imperatorum, vel alienige-
narum, vel nostrorum, qui concelebrantur ingressus in vires,
& in populos celebriores, qui non carminibus cohonesten-
tur, & quidem inuitatis Poetis, ad Heroica carmina, ad epi-
grammata, ad diuersa Poematum genera faciunda? Non vide-
ris cernere parietes ædium cunctarum epigrammatis cuius-
cunque Poeseos diuersitate multum, valdeque splendentes.
Cum morerentur homines, & maximi potentissimique terræ
Principes, non illorum sepulturæ, non illorum cenotaphia
carminibus plurimis longè dissimili genere constantibus poe-
matum exornabantur? Age etiam, qui dies sanctorum honori
consecrati, quæ natalitia Domini, quæ feriæ vnquam corporis
Christi Iesu, qui honores in sanctorum numeris ascriptis tri-
buti fuerunt vnquam sine poematum venustissima composi-
tione? Tanta est dignitas, tantus splendor poeseos, vt à primor-
dijs humani generis, ab initio statim nascentis Mundi ad ma-
iestatem diuini numinis debitis laudibus & honoribus affi-
ciendam carmina delecta fuerint, propter concinnitatem,
propter elegantiam, propter verustatem suam & præstantiam.
Quod Moylis vetustissimo celeberrimoque cantu (vt iam cum
Rhetore sacrarum litterarum testimonijs agam) cæterisque
suorum librorum & sacræ paginæ cantibus testatum ostendi-
tur. Quam consuetudinem ab illis antiquissimis temporibus
hymnis, & versibus concelebrandæ celsitatis Dei immortalis
& Christi Iesu gloriæ cœlestis, ad hanc vsque memoriam cul-
tores nostræ Fidei conseruauerunt. Nisi verò tam rudes & ignari
sumus temporum, in sacrorum doctorum voluminibus ver-
sati, vt Dionysium Arcopagitam nesciamus, qui præstantis-

fami præceptoris Hierotei hymnos omni laude prosequitur; nisi etiam fateri nolumus huiusce æmulos & imitatores se præbuisse Græcos & Latinos Doctores præcellentissimos, Quorum carmina Mater Ecclesia cantibus modulatè sonantibus, in omni loco ditioneque Christianorum vsurpat, & tollit in sublime. Nisi etiam expertes omnis antiquitatis versus à Doctoribus, & Principibus nostræ Religionis ad animos in Dei gloriam, & in Diuini numinis cultum excitandos & augendos ignoremus, & fuisse prænunciatos & decantatos summo studio, mira que religione nescimus. Nec vellem profectò, memoriam amitteremus fraudum & technarum dæmonis terribili: qui cum superstitiones idolorum & nefarios errores in orbem induceret, ad fallendos decipiendosque homines, ad Patrum sanctorum similitudinem suis in templis, sibi que dedicatis delubris versus decantari docuit à suis ministris, & scelerum omnium satellibus, eo consilio, vt speciem sanctitatis, & simulationem Religionis hominibus facilius persuaderet, accepta à veris Dei cultoribus versuum, quibus tanta Religio celebrabatur, honorifica frequentatione. Quorum vsque eo carminum sanctitas vixit, & in tanto apud diuinæ legis cultores honore fuit, vt cœlo confirmauerit Trismegistus Deum misisse cœlestem musicæ suauitatem in terras, vt sanctissimum religiosissimumque cultum, quem cælitibus tribuebant, incolæ & habitatores terrarum summo studio obseruantiaque præstarent, versus & hymnos sanctissime religiosissimeque concinendo. Hac cœlesti poeseos laude Dauid sanctissimus post victoriam de Goliath illo gygante ferocissimo reportatam à Solymorum populo magnificentissime fuit exceptus, tanto plausu, tanta acclamatione, totius multitudinis vniuersæ gestientis incredibiliter lætitia. Hinc Saulis inimicitia, hinc inuidia, hinc denique bella hostili odio in Rempub. concitata, ad arma & ad cædes plurimas, & ad Regis sanguinem crudeliter sitiendum, progressa fuerunt. Sed quid ad poeseos concinnæ & elegantis dignitatem patefaciendam plura testimonia proferro, cum præter superiora satis fuisse arbitrer ad illius splendorem & gloriam Patres innumerabiles, omnibus sanctimoniarum numeris expletos in poesi, operam & studium suum diligenter & accuratè posuisse? Conferat modo, si placet Rhetor, suorum virorum auctoritatem cum nostrorum Poetarum grauitate; Rhetores suos cum poëtis; Cicerones, Demosthenes, cum Virgilijs, cum Homæ-

ris; antiquitatem Rhetoricæ, cum vetustate Poeseos, gloriam benedicendi, cum artis poeticæ mirandâ celebritate: iam intelliget profecto his ornamentis oratoriâ facultate superiorem esse poeticam. Sed iam post excellentiam & splendorem poeseos, ingredientem in secundam orationis partem ad illius utilitates maximas accedamus. Quas vno possem verbo concludere, & ex supradictis laudibus vestros sensus & suffragia ad sententiam pro poesi ferendam efflagitare. Nam si in omnibus rebus humanis atque diuinis ab hinc tot innumerabilia sæcula, à primordiis humani generis semper floruit, semperque dominata fuit poesis, quid est quod de tantæ facultatis utilitatibus & emolumentis maximis amplius verba facere pergamus? Satis arbitror istud utilitatis esse, atque ita reputo, ut à Rhetore nullum in genus hominum maius beneficium conferri posse videatur. Atque si utiles habiti fuerunt Rhetores Rebus publicis administrandis, ex Poetis enumeratis, quot non vrbes tantum, sed etiam regna florentissima gubernauerunt? si fuerunt Rhetores utiles bellis ineundis, & præliis acerrimè committendis, quoties carminibus milites ad prælia concitati? quoties carminibus spiritum Martis efflantes res maximas & insignes gesserunt? quoties milites versibus magis, quam clangore tubarum in hostes irruentes fugarunt, & fuderunt copias, & ad internecionem redegerunt? incredibile videbitur, quod dicam, sed ita factum veterum monumenta testantur. Cum Athenienses per ridiculum ac delectamentum Tircum Ducem Laconibus dedissent, hominem vno captum oculo, & altero pede claudicantem, sed ingenij acuminè acerrimo præditum, is non buccinæ strepitu, non tympanorum sono, non alijs militatibus præsidijs & adiumentis, sed versibus adeo concinnis & ardentibus, exercitum suum in Milenarios, à quibus sæpe Lacones turpiter fugati superatique fuerant, impulit, & incitavit, ut victoriam & insignia reportauerint victoriarum, partim fufis, partim cæsis, partim in deditionem acceptis hostibus. Quid iam aliud? vis suadere etiam poetam, mouere ac delectare animos audientium, narrare rem omnem, & ita describere, ut ante oculos statui videatur? vis illum rem efferre verbis aptis & appositis, ornare politis & elegantibus, decorare translatis, illustrare luminibus verborum, & insignibus sententiarum, denique augere, cum opus erit, & imminuere carminibus, nullos præterire, qui sint necessarii, lætitiæ, spei, misericordiæ, odij, iracundiæ cæterarumque perturbationum.

turbationum affectus incitatos & turbulentos ? lege obsecro poetas nostros, versa volumina poeseos innumerabilia, si per tempus non licet, vnum quæso Virgilium parentem Latinæ, & si collibitum fuerit, & Græcè scias, Homerum principem Græcæ poeseos. Hunc cum tuo Demosthene, alterum cum Cicero ætuo, parente eloquentiæ Romanæ confer, & si sanâ mente fueris, mutabis sententiam, & plus valere dicendo, quod tuæ facultatis officium est, hos poeseos videbis parētes duos, quam tuæ oratoriæ clarissima lumina Ciceronem & Demosthenem. O singulare poeseos vim ! O robur incredibile ! O magnum rerum humanarum & diuinarum præsidium ! Non has solum à me commemoratas utilitates Poësis affert : sed animos ad omne honestatis officium suis præceptis instituit atque componit. Ecquod genus virtutis reperietur, cuius actiones homines carminibus excitatus non suscipiat ? ecquod vitium tam execrabile tantas egit aliquando radices, & in hominum animis inuicta erant suâ vetustate, quod non præsidio poeseos radicatus extraheretur ? Ardet homo ambitionis & honoris cupiditate ? hanc sedabit poësis. flagrat diuitiarum & rerum humanarum auiditate maxima ? hanc depellet poësis. odio quis fertur & iracundiâ præcipiti ? hanc cohibebit, & reprimet poësis. effusus est aliquis in libidinem, & in turpes voluptates ? has fugiendas frænandasque docebit poësis. inuidiæ quis morsu laceratur & contabescet miser ? flagrare faciet cum ardore Charitatis inflammato poësis. appetit alius epulas exquisitas, & vina veterrima ac suauissima ? temperantiam & abstinentiam præscribet poësis. Quid opus est verbis, nullus erit motus animi tam turbulentus ac vehemens, nulla tam immoderata & effrænata cupiditas, nulla tantopere resstantis fortunæ vicissitudo, & casus calamitosi, quos non sustinendos fortiterque perferendos ostendat poësis. Si quisquam plenam humanarum utilitatum, plenam commodorum animi, plenam denique omnis veræ ac solidæ iucunditatis poësim non amplectendam putabit, & iniudicium, vt cum illa de dignitate contendat Rhetor, adducendam statuit, quid istius sceleris ac flagitij, quid audaciæ, & licentiæ, eo progressi sunt Rhetoricæ alumni, vt illorum conatus intolerandi, impetus audacissimus, omnes sint necessariò ratione reprimendi ? Quorum mentes statu diuino, instinctu semper cælesti ad poema facundum excitari concesserunt omnes, hos laceßendos violandosque contendunt Rhetores ? Quid desideras amplius Rhetor ? delectationem & iu-

& iucunditatem corporis honestam, & animi solidam atque veram, quam sensus omnes percipiant ex poeseos facultate? si non te delectant superiora, si mentis dotes, si ornamenta animi non afferunt iucunditatem, bellua quidem es, & in Rhetoris natura ferarum immanitatem geris. Suspice cœlum ipsum, noctu tantis luminibus distinctum, diu Solis astrorum principis claritate collucens. Despice postea terram hanc herbis violis, rosis, ac floribus stratam, lustra cogitatione tot maria immensa, tot insulas, tot portus, denique multitudinem & diuersitatem omnis generis rerum, tantam pulchritudinem venustatemque florentem, tot vtilitatibus & commodis refertam, tanta suauitate, iucunditateque redundantem, omnia denique quæ infra supraque Lunam sunt, quorum cogitatione, aspectu, commodis, varietate, pulchritudine, immensitate animi obstupeſcunt, & incredibili ac diuina lætitiæ voluptate perfunduntur. Omnia suis carminibus, vt te intueri dicas eadem, & cum illis te tuosque sensus oblectare, dabit luculenter expressa Poetarum ars, & multò melius & magis ad voluptatem tuam, siue sparsa singula diffusaque, siue vniuersè spectanda statuat, siue coacta collectaque tam mirabili artificio, vt nihil te amplius spectare velle nec posse planè confirmes. Ob hanc causam omnes, quid de Poesi præclare iudicium faciunt, eam appellant nitidam & illustrem picturam viuis coloribus omnia pingentem decoratamque atque in apum melle suauitatem inesse Poeseos. Omnes etiam, qui voluerunt commendare Pindari Poeticam, dulcedinem ex illius scriptis manantem fluentemque suauissimè, apum suauitate mellita redundare semper, & affluere Poetam egregium præcellentemque confirmarunt. Ille enim cum rusticaretur semel æstus tempore grauissimo, neque Solis ardores perferre posset, in arborem se recepit opacam, & patulis diffusam ramis ad requiescendum sub illius umbra, quoad tempus esset progrediendi longius. Mirandum vilu! apes in eius os melle congresserunt, quibus iucundam hominis & suauem poemum mortalium generi prædixerunt. Ecquid vnquam tale de principe tuæ facultatis, de tuo Cicerone auditum, aut acceptum fuit, cum ille roties in villam suam, roties in Tusculanum concesserit à laboribus & molestiis forensibus requiescendi causa? Iam verò illud de Syrenibus cur dictum putas, cum ille rum cantus in Poetas potissimum collatos fateantur omnes, nisi quia Poetæ vim habent incredibilem ad flectendos,

Etendos & ad adducendos homines in suam sententiam? Cur
 etiam Cygni suauitatem Poetis veteres tribuerunt, nisi quia
 ex Poetarum ore pendunt omnes incredibili Poeseos dulcedi-
 ne deliniti? qui quoties faciunt versus, quoties concinunt
 poemata sua, quoties denique nos legimus & audimus, con-
 centum & harmoniam mirificam effici planum est, qua cele-
 stes quosdam & diuinos potius cantus, quam quidquam ope-
 ra hominum elaboratum legere vel audire nobis persuade-
 mus. Illa pedum colligatio, ordo ac series mirifica, numerisque
 deuincta progressio, horum ab alijs pendens connexio, cadens
 suauiter ac iucundè terminata semper Poësis, & in tanta va-
 rietate venustas & elegantia, quantum habet voluptatis? Hac
 non irrisicè captus orator tuus, quantum cæteri ad res suas ob-
 eundas, quantum ad festos dies ludorum celebrandos, quan-
 tum ad alias voluptates, & ad ipsam requiem animi & cor-
 poris sumebant temporis, quantum alij tribuebant tempe-
 stiuis conuiuijs, quantum denique aleæ, quantum pilæ, tan-
 tum sibi ipsi ad Poeseos studia reuolenda sumebat. Ad-
 dicit etiam ille, ut gladio tuo, id est parentis tui mucrone con-
 ficiaris, Poeseos studijs adolescentiam alii, senectutem recreari,
 ornari secundas res, aduersis perfrugium ac solatium præ-
 beri, homines refici domi, non impediri foris eadem studia,
 cum hominibus pernoctare, peregrinari, rusticari, nunquam
 hominem deferere, sed tanquam Vlysem Mineruam comi-
 tari. Hæc non sunt oratoris tui testimonia? negare poteris hunc
 Ciceronis sermonem esse? si Rhetor es, si profiteris Rhetorice-
 cen, non potes, non millies orationem pro Archia, vnde hæc
 deprompta sunt, ut tua confessione implicere, legisse. Metus
 est & periculum maximum ne tu neges; si negaueris, negabis
 parentem; negabis Ciceroni debitum obsequium & obler-
 uantiam; negabis pietatem parentibus tribuendam; sin confi-
 teris, quid est, quod respondere queas? Sed minus vrgere vi-
 deor domesticis armis, capio externa, quæ cum sint Impera-
 torum, quemadmodum frangas retundasque iterum atque ite-
 rum videbis. Illi illi inquam Africano superiori quemadmo-
 dum carus fuit Ennius: Is sanè in sepulchro Scipionum puta-
 tur esse constitutus è marmore, omnes illi Maximi, Marcel-
 li, Fuluij non sine maximo studio de mutuis quasi officijs &
 honoribus tribuendis Poetæ decertant, Rhetor de encien-
 do exterminandoque genere Poetarum palam & inimicè
 contendet? Quàm multos scriptores rerum suarum Magnas
 ille

ille Alexander habuisse dicitur: atque istamen cum in Sygæo ad Achyllis tunulum astitisset, non tam propter fortitudinem suam, & prælia in Asia feliciter commissa, fortunatum dixisse fertur Achillem, quàm quod suæ virtutis, & rerum egregiè gestarum Homerum præconem inuenerit. Quid Pompeius, quem Imperium Populi Romani, & sola terrarum vniuersa minimè capere posse videbantur, Theophanem Mitilinaeum scriptorem rerum suarum, militibus magno factum clamore comprobantibus ciuitate donauit? Quid Decius Brutus summus vir & Imperator carminibus templorum ac monumentorum aditus exornauit? Postremò, vt alia innumerabilia exempla præteream, ille, qui cum Ætolis Ennio comite pugnauit Fuluius, Hercule, Ioue, cæterisque Diis omissis non dubitauit manubias musis consecrare. Sed quid non facerent Imperatores etiam armati, qui in bello sine Poetis esse non poterant? secum ad bella Poetas deferebant: cum illis diu noctuque agebant: sine illis neque somnum capere poterant, & cum dormirent, quod Alexandrum fecisse constat, sub puluino libros illorum habebant, vt expperrecti, cum illorum versibus, cum Poeseos lectione oblectarent se. Quare petam à te Rhetor hodiernâ die, quid mali tibi Poetæ fecerint, vt cum illis gerere velis capitales & apertas inimicitias? Siccine expers videris humanitatis, & oblitus beneficio um, quæ Poësis in te contulit in hunc vsque diem? hanc Poësi gratiam referes, quæ tua præcepta suis optimis & elegantissimis carminibus vertit ex oratione soluta in ligatam? quæ suorum versuum multitudine præstantiaque tuam facultatem non modo locupletem, sed claram reddidit & illustrem? Testabuntur omnes gentes atque nationes, testabitur & bonarum parens litterarum: testabitur Gallia, Flandria, Germania, testabitur Lusitania acutissimis Poetarum ingeniis abundans; denique Hispania nostra testabitur, orationis ligatæ monumentis commendatam posteritati facultatem oratoriam. Siccine Poësis expetitur, tam ingratham tam inpiam Rhetoricam, tot beneficiorum memoriam abiicientem? pro bonis & commodis præcellentibus hanc perniciem & malum Poësi comparare ausa fuerit? Non hoc, non hoc profecto Grammatica, quæ soror minima, & à multis indignissimis tractata modis, à Rhetore contempta vexataque, tamen colere nunquam desinet sororem suam Poësim, & quod pauculis quibusdam carminibus, generatæ declinationes, præterita, supina cōprehendit, Poësim nunquam obliuiscitur.

obseruare destitit, & gratias & habere, & agere priuatim, ac publicè, & quidquid illud sit, quod acceperit, se semper abiciens, infraque Poeseos pedes ponens, Poesi humiliter ac demissè referet acceptum. Id scilicet cogitat Rhetorica tot, ac tantis à Poesi beneficiis affecta. Quidquid sit illud, quod certè à cunctis semper obtinui honorifica laude commendata, quidquid dignitatis obtinui & honoris, totum illud non obscurare solum, sed obliuione sempiternâ delere vellet. Neque sanguinis neque sororis recordari venit in mentem illi, quæ usque eo sese effert, vt sine suis flosculis & insignibus reliquas artes & disciplinas nullas dicat. Te ergo Musica obsecro, quæ soque, si tuis numeris poliendis perficiendisque quidquam operæ nauauis; Teque Arithmetica, cuius petitionem modumque metiendi, quo res singulæ terminantur, atque fœdus illud, quo omnia inter se connexa sunt, & quo cœlum terris per medium cum extremis aptissimâ ratione dimensis copulatur, vel libus persequuta fui; teque etiam proxime Astrologiâ, quæ cœlum magnitudine immensum, splendore clarissimum, ordinatâ varietate pulcherrimum, constantiâ & stabilitate firmissima contemplans, tota à me versibus expressa fuit: teque Geometria, vosque reliquæ artes ac disciplinæ, teque maximè utilis medendi scientia, teque Iurisprudentia tanta dignitate dominatûque potentissimo præsidens orbi terrarum, teque præ cæteris omnibus in honore præcipuo sacra cælestisque disciplina, si magnam partem eorum, quæ tractas, si multa de Deo immortalis, multa de gloria beatorum, multa de diuinis illis mentibus, omni concreione carentibus, si multa de virtutibus, de habitibus, de mysteriis prope omnibus diuinis consignauis carminibus, si laudes diuinas & hymnos ad Dei gloriam & maiestatem decorandam, cohonestandamque composui absoluto perfectoque Poemate, obsecro vos omnes, precorque, ne me in Rhetoricæ manus potestatemque adduci patiamini victam ac superatam ex hoc decedentem iudicio, vt de Poesi in locis terrarum celebrioribus trophæa monumentaque statuatur ad mei nominis ignominiam sempiternam. Vos si pro me preces adhibueritis, si in hoc iudicio meas egeritis partes, si mentem iudicis à Rhetoricæ cogitatione ad me decorandam & ornandam abduxeritis, facile mihi persuadeo, me victoriam reportaturam esse, nihil aliud iudice, qui causæ huic præsentique contentioni præest, nisi quod ex usu vestro & honore fuerit sententiæ suæ auctoritate decernente. Quod vt facias à te etiam atque etiam supplex,

& ad

& ad tuos pedes prostrata Poësis efflagito, Iudex integerrime, per amorem & voluntatem, quam in omnes artes atque disciplinas ostendisti: si magnificas feci, si progressiones in singulis factas, tanti æstimatas, quanti te virum doctissimum prudentissimum æstimare æquum, & nostras utilitates allatas, & dignitatem nostram nunquam adhuc minutam, retentam & honorificentissimè conseruatam recordari volueris potius, quam Rhetoricam pigmentis & fūco suo omnes in fraudem adducere nefariè conantem, ex hoc certamine exultantem triumphantemque dimittes. Dixi.

Declamatio Rhetorica contra Poësim.

SI quantum dignitatis habet, Iudex integerrime, ars bene dicendi facultate poëseos multo superior cunctorum iudicio mortalium, eadem tantum maiestatis in publicis celebris libusque locis vellet ostendere; sic agerem hodierno die cum Poësi, vt illam spretam contemptamque relinquerem potius, quam cum facultate multo inferioris fortunæ ad dimicationem & singulare certamen descenderem: sed illud est demissionis, & virtutis maximæ, (vt quam professæ fui semper, & accuratè meos alumnos vrbano more agens docendam demonstrandamque curau) cum agere possim tacendo, & nihili faciendo probra petulantiamque aduersariæ, sic respondendo seruare moderationem, measque tueri partes, vt nunquam à veritate descendens, refutandoque singula perspicuè, & ex ordine, quemadmodum à Poësi liberè dicta fuerunt, & intemperanter, meos alumnos defendam. Non enim Rhetoricæ solum, sed alumnorum honos agitur, quibus consulere modis omnibus debeo, ne insultare Poësis in Rhetoricæ c'atos & illustres filios licentia liberè debacchandi data, deinde possit, atque ob eam causam in nostra præcell'a vereque Regia facultate dignitateque reprimenda volitare Poëseos sectatores audeant insolenter, vt à discenda colendaque Rhetorica plurimum mei studiosissimi adolescentes terreantur in posterum. Etenim cum Poëseos alumnos alacres & erectos volitantes in nostros Rhetores inuehi videbunt, qui non sunt magno animo præcelsoque neque veri honoris tantopere appetentes; Rhetoricæ studium & facultatem abiicient & execrabuntur. Quod ne accidat iniuria nostra diligenter providere debemus, & quidem antequam

antequam de facultate dicendi dicam ea, quæ hodierno die dicenda sunt, in hac contentione mihi cum Poeseos facultate susceptâ, respondebo aduersariæ, quæque de suis laudibus temere & insolenter iactauit, nulla penè extitisse, multa autem cum mendacio dicta fuisse, iudicis & eorum, qui ad hoc iudicium confluxerunt, auditorum tam erectis & excitatis ad orationem animis demonstrabo. Atque ut intelligas Iudex integerrime, quemadmodum fecerit initium dicendi Poesis, quando illa mecum in contentionem descendit? quando in publico contra Rhetorem ausa fuit agere? illane mihi litem intendit, diem mihi dixit unquam? non recordor, nec vos meminisse potuistis etiam, quanquam memoria valetis maxima n. illarum non litterarum, & vestrum & nostrorum annalium scientes. Sed ut mentiretur, finxit fortasse iudicium in occulto aliquo, & abdito terrarum loco, in cubiculo, & in tenebris, ubi illa cum suis se alumnis iactare consuevit in confabulationibus; cum omnes de cunctis artibus, de scientiis omnibus, & maxime de arte Rhetoricâ detractum, & illarum dignitatem imminutam pro sua consuetudine, moreque venerunt. His initiis illud est simile conciliandæ benevolentiae principium, dum te suæ artis scientem appellat, quam non puderit iactare, quod probro summo vertunt docti sapientesque, qui cum Poetam quenquam dicunt, hunc etiam dicunt furiosum & mente captum. Scilicet poësi tibi opus est, iudex clarissime, ad causas audiendas, ad cognoscendas lites, ad sententiam ferendam: Poetæ etiam non Oratores, Poetæ non Iurisconsulti causis præfuerunt. Sit hoc imprimis documentum stultitiæ Poeseos, cuius principiis progressus reliqui totius causæ consentiunt. Plurimum, inquit, honestatis habere poeticam artem. Huic ego impudentiæ me non opponam? non veniam contra Poetam pro Rhetore bono, ac præstanti? non veniam contra mendacium pro demonstrandâ veritate? non veniam contra gratiam, non honestatis pulchritudine, sed illius specie similitudineque consequutam? Sed hoc idcirco à Poetis commemoratum puto, ut se imperitiæ multitudini commendarent: cum Poesim omnes recordarentur turpem, & suos alumnos impuritarum & libidinum sectatores obscenos. At inuentum Poeseos donum est ac munus cœleste. Nam Apollinem & alios huiusce artis filios, inuentores, Linum, & Orpheum protulisti in medium, nā tu, si id non dixisses melius famæ, melius pudicitiae tuæ consulisses. Sed nec Orpheus unquam fuit, nec si
fuit

fuiſſet, iſ a te prædicandus erat, ex adulterio ſuſceptus, & edictus in hanc lucem. Quanto clarius principium Rhetorum, qui ab ipſo immortalī Deo, qui Princeps & auctor eſt rerum, perennis & inexhaustus ſapientiæ fons, ortam Rhetoricam & natam oſtendant, vereque commendant? Atque ſi contendas hoc commune eſſe Rhetoricæ cum alijs facultatibus; quanto clariora ſunt primordia à Ioui ducta ſi principi Deorum, qui cum Apolline & cæteris dijs Oratorio ſermone loqueretur, & inuentum poeſeos Appollini tribueret; profectam ab oratione ſolutâ planè oſtendit; natamque ab arte bene dicendi Poëſim tuam? Quod ſi Mercurio inuentionem Rhetoricæ multi tribuerunt; cuius rei adeo videris ignara, vt non intelligas id dictum propter officium Mercurij; qui legatus Iouis à Ioue dono ac munere præcipuè facultatem loquendi, vt eam cum hominū genere communicaret, acceperat? Facultates omnes & diſciplinæ carminibus poëtis tradidiſſe dixiſti. O incredibilem audaciam! O impudentiam prædicandam! Quo equidem tempore auctores omnes, qui a te nominati ſunt, id fecerunt, iam facultate Rhetoricæ, artes has & doctrinas litteris mandatas fuiſſe, & quidquid carminibus conſcripſerunt; ab arte Rhetoricæ, fonte & origine rerum cunctarum acceſſiſſe, non meministi? neque aliter licebat fieri; nec niſi noſtris verbis expreſſas & illuſtratas prius legiſſent & percepiſſent artes & ſcientias omnes viri; quos nominasti; ſcribendo apti videbantur eſſe. nec illos vllō modo niſi ad tempus conſultum & perſequeſſis horis; cum à meīs ſtudijs; & ſiſ litterarum occupationibus vacabant; ad Poëſim animum populiſſe conſtabit. At etiam viros clariſſimos, facultatum & doctrinarum ſcriptores commemorasti; quanquam illos ſos; quos commemoras; māllem à te ſilentio præteriri; nam eorum nomini tantam iniuriā fieri. Nam ſi Poëmata quando fecerunt; non ſe Poëtas præbere; neque nominari ſoluerunt. Sed quorum Poëſim meministi; non deletam & extinctam ſcis, & præter aliquotum patulos verſus; illorum omnia Poëmata periſſe proſus? Quod non item in Oratoriæ ſcripturis factum inuenies; qui manſerunt; & manent in omnem ſæculorum memoriā. Sed quos principes, quos Reges commemoras; quorum multi inopiā oppreſſi nec ad victum quotidianum nummulos; niſi cortogarent; habebant. Et quidem cuius temperantiæ erit; de Rhetorica traſteſtem dicentem abſtinere maledicto; cum vnum aut

alterum Imperatorem adducis & viros sanctissimos Poetas facis, & illorum scripta nominas, & studium & operam eisdem Poetis dedisse mentiris? Quid hoc est aliud, quam Principum obscurare splendorem, quam Imperatorum gloriam rebus bellicis comparatam, velle humilitate Poeseos obruere, quam sanctorum vitæ integerrimæ maculas turpitudinis quasi velle aspergere? quis vnquam, qui paululum modo humanitatis & elegantiae habuisset, in contentione publicâ viros splendidissimos ornatissimosque, quid dicam Principes, & Imperatores, & sanctissimos Heroes in medium protulit, & in concione celeberrimâ nominavit? sed sit hoc inhumanitatis poeticae, in quo stultitiam incredibilem videte: sit hoc ad alia responsum Poetis, Patres, à Rhetoricâ datum: sit vsos fuisse hos, & quoscunque alios & genere & dignitate, & sanctitate viros præstantes Poetis, vt re procul ab instituto suo alienâ & iocis & ludis vtuntur literati, ad corporis & animi requiem, dum ad studia grauiora repetenda suos animos reficiunt: quemadmodum nonnulli fructibus aliquot parui æstimated modicè vescuntur propter gustum solum leuandum leuiter, qui escis exquisitis & Regalibus semper aluntur. Sed quid habes, quod mihi opponas Poetis elegans & Aulica, vt tuis sectatoribus & alumniis videris, qui cum faciendorum versuum tempore vinum hauriant, & pocula frequentent, tum te elegantem & aulicam dixeris, si ostenderis quomodo vini plenos sis inter sobrios & temperatos productura? sed quid opponas tandem, si negem hos viros à te nominatos carmina composuisse? quibus me testimonijs conuincas? An illorum libris, in quibus tuam felicitatem collocas? qui possis? sunt enim omnes propè deleti. Iam in video facultati tuae, quæ te suis præceptionibus hæc animaduertere non docuerit? sed quid est minus non dico artis alicuius, sed neque stultæ mulieris, quam id iactare in magno hominum conuentu, quasi aduersaria negauerit, quod probare non possit, quod obiecerit impudenter? at ego multorum scripta nego, teque in isto ipso conuincō. non audaciæ solum, sed etiam impudentiæ mendacique. Quod enim carmen eorum, quo Iuris peritiæ, quo Medicinæ, quo aliarum artium & disciplinarum præcepta traduntur? Non illud est iam ex libris ablatum, ablatum inquam & deletum? Omnis autem tua contentio est, quod de te bonæ artes doctrinæque bene meritiæ sint; quod te tueri defendereque debeant contra Rhetoricem; quod ad defendendum beneficio versuum affectæ suam auctoritatem debeant interponere. Quasi

non plus obscuritatis haberent, quam lucis, Poëtos facultate, quam si non recognouissent, tenebras suis rebus offudisse passæ non essent sermone Poëtico, non oratorio: sed cum mihi, Iudex integer ine, & pro me Rhetorice aliquid, & in Poësim multa dicenda sint, alterum peto à te, vt contra illam cum dicam, omnium me mortalium causam agere tibi persuadeas: alterum ipsa efficiam; vt contra poësim cum dicam, illa cum Rhetoricâ decertasse noller: simul illud oro, si cum Rhetoricæ vim & contentiōem in magnis causis noueris actem ac vehementem, ne me hodie, cum isti, quæ Rhetoricem prouocauit, ita sci videor, oblitam esse putes dignitatis: sæpe enim effundam stomachum, neque illam aliquando, vt artem tractabo, vt æque illa me quidem, vt Rhetoricam principem & Regnam celsissimam. Etsi illa nullo modo ars, vel quod ea tractat, quæ perniciofa sunt Reipub. vel quod ita sui scripserunt, vt nullo modo artis professores videantur; ego sine vlla contentiōe ars Rhetorica & scientia, & doctrina. Vt igitur intelligeretis, qualem ipsa obtineret dignitatem, recensuit Ducum aliquorum præstantiam, & vnius Adriani solum dignitatem imperatoriam adduxit. Quæ res non modò non fuisset ex aliquâ parte, sed valdè poësi contraria, & planè ignominiosa. Quis enim Imperator præter Adrianum verum a se factum reliquit posteritati? quod si reliquerit, & duxerit amplum & honorificum, an in sepulchris ponendum Imperatorem iussisse putat Poësis, nisi quia orationem sepulchrorum angustia capere non possunt, multoq; plura soluta accipiet cohonestata fuisse, quam ligata curatione? Reliqui Imperatores secum Poetas in bellis habebant, vt principes & maximos homines quorum consilio res bellicæ gererentur, an vt administratos & communes aliquot & vulgares seruos? Non congruit quod dicit Poësis cum humili suorum poëtarum fortuna conditioneque; non congruit cum illorum obscuro genere, cumque sanguine infimo; non congruit cum inopiâ egestateque suorum: extrema; non congruit cum priuata vmbra tilique Poëtarum vita. Quorum vt aliquos commemorem, maxime poëtos humilitatem Horatius ostendit, qui libertino patre natus honores Reipub. nusquam se consequuturum esse sperauit. Pater etiam Guidij declarat, qui primum filium iuri civili operam nauantem, sed tamen natura ad poësim inclinatum, & ob hanc causam à iuris ciuili scientia abhorrentem relinquentem honorificam iuris facultatem, ad hanc, dum vixit, omiſſa poetica sæpe reduxit & reuocauit inuitum ac reluctantem

luctantem: quòd non faceret pfecto, si Rhetoricæ omnium illis temporibus artem facultatūque honoratissimæ operam nauaret. Idem Ennius testabitur Poeseos princeps insignis, cuius si domum & familiam voluisti agnoscere, parcum & tenuem victum legisti, & vnam duntaxat ancillam ad seruendum habentem. Sed quoniam illis Poetis quos adducere potuissemus, non est oratoris opus inquinandum, veniamus ad eos, qui è poeticâ facultate habent lumina clarissima. Homerus vir summâ Poeseos cognitione, summa facultate præditus, versibus his quos fecit, quam obtinuit dignitatem amplissimam, eique illorum, quos nominasti, Imperatores similes, Principesque potentissimi, quàm opem & auxilium tulerunt? Maro quâ concinnitate, quo acumine, quâ gravitate Poesim Æneidos composuit ad Cæsaris decus tendentem spectantemque? Hunc cum Augustus sui generis, & rerum præclare gestarum scriptorem, omnium Poetarum principem debuisset amplissimis præmijs afficere, serui non illum similem potius, quàm familiarissimi, vel amici esse maluit? Aduentus Principum cohonestantur carminibus, & dies Diuorum honore consecrati; adhibentur quoque hymni ad rerum diuinarum preces. O miseram te Poesim, si non intelligis post maximam temporis partem orationi solutæ tributam id fieri præstarique tandem aliquando: miserorem si intelligis, quæ hæc audis, nos ipsos infatuare volens, apud talem & tantum iudicem dicere, cum aduentus summorum hominum præcipue oratoriæ facultate celebrentur. Cum edicta exhibant in vulgus de diebus istiusmodi cum gaudio voluptateque celebrandis, non in primo loco ponebantur orationes solutæ? poeticæ verò compositiones suis demandabantur, & demandantur hodie alumnis, iisque de populo infimo inueniendæ struendæque machinationes, arcus, currus, saltationes ab hominum honoratorum dignitate longè abhorrentes, propriè humilium & in abiectis & sordidis artibus versantium? Cantus Moysis & Psalmi Davidis concinnantur alternis versibus in Ecclesia. Hi magis ad solutam spectant, quam ad ligatam orationem. Tua videlicet officia sunt, quæ Rhetoricæ, delectandi mouendique, illustrasque quemadmodum ego, insignibus & luminibus, clarissimis, tua poemata. Adeo ne abuti tanto consensu, sapientiaque max morum Rhetorum, & auditorum doctissimorum non te pudet. vt hoc in gymnasio id dicere ausus sis, in quo adolescentulum florem, necis præsidij & adiumentis ad omnem omnium

artium ac disciplinarum lucem & splendorem illustravi, & à Rhetore accepisse tantam claritatem poetam non semel audiuit, tu tibi nostra facultatis opes & thesauros arripas & vindices? At etiam ausa es dicere (quid autem est, quod tu non audeas dicere?) carmina tua ad magnos exercitus in bellum incitandos plenas virium ac neruorum fuisse, utque Laconum tela vim maximam contorquerentur, in Missenos, robur maximum habuisse. O summam Poeseos ignorantiam! O stultitiam incredibilem! Quis in eo exercitu Laconum milites? quis pedes obsecro? quis eques? quis ullius cohortis, quis ullius ordinis fuit tribunus militum, quis centurio, qui sic ad præliandum tantam vim adhibuit, cum buccinis omnia personarent, & tympanorum fragore percreparent, ut vno carmine succenderentur non bellicis instrumentis, vel allatis prius ab Imperatore solutâ dictione rationibus? Etenim cum hostes Misseni fundendorum non essent inimicorum incerti & suis copijs peditum & equitum multitudine, viribus maximis, & præliis feliciter antea commissis confiderent se hostiles acies fundere, vim eorum infinitam vulnerare, caedibus castra replere, & ad internecionem usque delere posse, quis esset, qui ad Lacones excitandos valeret vno præsertim versiculo? Cum pedites & equites exercitus Laconici haberent talem ducem osculo vno pedeque laborantem, qualis cum ei datus fuit, Laconibus illudere Athenienses voluerunt: & semel atque iterum infelicitè præliati fuissent, nisi quibus ante dixi verissimis firmissimisque belli præsidijs, & solutâ prius oratione confirmati victoriam reportassent. Qui autem tibi venit in mentem tuos poëtas cum nostris oratoribus, & Homerum, & Maronem cum Cicerone ac Demosthene, duobus dicendi Principibus maximis clarissimisque conferre? An ignoras tuos Poëtas in suâ arte euadere non potuisse præcellentes, nisi eloquentiæ præceptis informati fuissent? hoc nec anicula delirantes dixissent vnquam, quas quoniam delirare certò scimus, dolco à te Poësi furore & amentia superatas esse. Tam autem etiam eras excors, ut Ciceronem & Demosthenem & vituperares & tuorum flores, vim & affectus ex illorum arte depromptos animaduerteres, & illos mouendorum affectuum, & florum totâ poësi spargendorum auctores insectareris? Ita quidem quod proprium est meæ artis laudasti, & illarum præceptionum magistros egregios vituperasti. Nam ornatus & ardor est oratoriæ facultatis. Non vides bona Poësis, eos, quos Poe-

tis tuis posthabuisti, harum virtutum Principes & auctores maximos laudari à te; eos, quos commendas, imminui, & de illis nihil, præter versuum pedes à te proferri? Cum præsertim hi etiam pedes ex oratorijs numeris oratorum obleruatione prodierint, & emanauerint ad Poesim obstringendam deuinciendamque. Iam illud postremo cuius est non dico audaciæ (vident enim omnes audaciam tuam) sed quod horret animus cogitare, intolerandæ nequitiae (quæ vincunt improborum gregem poetæ tui) virtutis oratoriæ neruos & vires maximas velle elidere, cum ex Poeseos alumnis prodierint tot scelerati, cum in tuo grege versentur (O Deus immortalis!) qui scelerum & flagitiorum omnium fuerint artifices? Accuso Ouidios, accuso Horatios, accuso Persios, accuso Lucanos, accuso Virgilium Maionem, tuos omnes Principes & auctores formandæ perficiendæque Poeseos. Confiteare enim necesse est omnes istorum libros idololatriæ superstitionibus, fallacijs & fraudibus, furtis, latrocinijs, vitijs omnibus & impuritatibus libidinum cunctarum scatere. Hæc cum propter tuorum defensionem dicas tam imprudenter, quæ tantorum scelerum multitudinem infinitam videas, quis te non detestabilem, & ex hominum societate, ex vrbibus, Regnis atque adeo ex rerum naturâ tollendam & ad inferos amandandam non putet? Qui magis probi videntur, ij res obscœnas & turpes interponunt, quibus animos inficiunt iuuentutis & ab honestate auocant, vt se libidinum omnium voluptatibus turpissimis sine freno dedant. Plurimi petulantes, oblocoeni, molles, effœminati, lasciuus & impuris carminibus animos à pudore & industriâ ad libidinem & ignauiam deducunt. Hæc est tua disciplina; sic tu instituis adolescentes; ob hanc causam te colendam, tuosque Poëtas perlegendos pertractandosque illi curabunt, vt vitam suam in amoribus, & nefarijs voluptatibus transigant? Hanc enim tu vitam illos, rationemque doces clarissimè, & tuis præceptis imbuis, ad se ipsos, & ad Rempub. penitus delendam extinguendamque. Quid ille tuus Ouidius componendis carminibus facillimus agit? quam artem præcipuè docet? quæ tradit præcepta? quid præter amores, libidinum illecebras, impuritates omnes, atque adeo peruersitatem peccandi tradit? si recte Philosophi statuerunt, omnes picturas, quæ possent animos ad libidinem incitare, esse ab adolescentum oculis amouendas, quid erit de carminibus lasciuus & obscœnis statuendum? An vlla reperire-

tur pictura, quæ magis animos in quamcumque se partem conferant, impellat, ad appetendum id quod viderit, & magis illecebras omnium turpissimarum voluptatum excitet, quam Pœsis mollibus & lasciviis expressa carminibus? Quidnam homines putarent, si tu in publico, spectante multitudine, gladio astricto insequereris adolescentes plurimos, eos passim interficeres, nisi illi se vi contentioneque nostrâ tuerentur, & Rhetorum adhortationibus gravissimis tuum impetum compressissent? Id passim facis: facis cædes, & quod gravius est, innumerabiles tris versibus & lascivijs animos cædens, conficiensque miserandum in modum perdis. Atque equidem si testes ad hoc probandum deliderentur, Ouidios tuos, & alios eius similes ab inferis excitarem, quorum nemo scriptis suis te passim non concideret. Quid Horatius ea simulatione, specieque falsa virtutis, ad quam sæpè videtur inducere ad Rempublicæ accessuros, quæ commiscet? quem infert sermonem? quem aures castæ, teneræ præcipuè adolescentum audire non possunt sine animorum offensione perspicuâ. Lucanum bella describentem ciuilia non fabulæ multæ, non libidinum frequens facta mentio, non stupra, non adulteria deorum expressa carminibus turpem reddunt & infamem? An Virgilio ignoscere possum, cui nec in Didonem falsum testimonium coniectum, nec Veneris & cupidinis flammæ, quibus libri flagrant, & ardent maximè, ignoscendi facultatem sine summa quæpiam prauitate dabunt? An Metamorphosis Ouidij (ad illum redeo, hic enim maximè præ cunctis animum offendit) an illa ars amandi turpitudinem poeseos & obscœnitatem execrabilem desinet ante mortaliū oculos statuere? Quid alios Poëtas Græcos, & Homerum præcipuè dicam, & hos turpitudinis flammis flagrantibus ardere non aspicias, & vnus præcipuè Helenæ detestandos amores, & adulteria carminibus exprimentem mollibus & obscœnis? At quemadmodum se iudauerit Pœsis quàm acutè recordamini. Sic enim inquit Pœsis; sitauitate perspectâ meos alumnos Syrenas veteres appellarunt, atque eis dulcedinem & suauitatem tribuerunt, ut tibi potius, quam mihi Rhetoricæ? quod ea præcipuè affert dulcedine? vide ne illa causa fuerit appellandi tuos Syrenam nomine, quod cum cantus edas consimiles ijs, quos ad cæcandos & conficiendos homines Syrenes illæ edere solebant, ut potissimum alumnos testari fuerint, illos Syrenum, id est turpissimarum meretricum æmulos & imitatores exitisse.

Tu autem stultissima Poësis, non intelligis, si id, de quo gloriaris, ab omnibus tuos appellari Syrenes, laus sit, etiam ob poësim, ob peccata sua eiectiones esse legibus Platonis tuos alumnos poëtas, laudem esse. Quam enim Plato causam attulit, Poëseos e ciuitatibus eiiciendæ, nisi quia Syrenum similes faciem & vultum præferret iucunditatis, & re ipsa suis versibus homines interimeret? Sed stuporem Poëseos, vel dicam pecudis, attendite. Dum Plato legibus Poësim à Repub. eiecit, quia Syrenum similes sint tui, aut scelerati sunt, aut optimi, Constitue nunc Poësis, tuorum, quam velis esse causam: edormi crapulam, & exhalare. An faces admouendæ sunt, quæ te excitent tantæ causæ indormientem? nunquam ne statues, utrum ille, qui legem statutam tu erit, sceleris reus sit, an Reipub. defensor? Excita te quæso paulisper & tuorum, & adhæc tempora calamitosa patrocinium suscipe. Etenim ego Rhetorice, quæ sum Poëseos aduersaria, nego quidquam esse medium. Confiteor Platonem & eos, qui Philosopho tanto assenserunt, nisi legis later ille optimus, & cæteri iustitiæ administri, tuorum scelerum vindices fuerunt, sceleratè fecisse, & dum te, dum tuos eiecerunt, plusquam homicidas, plusquam sicarios, plusquam parricidas appellandos esse: siquidem est atrocius magistram virtutum, quam hominem aliquem, aut parentem de medio tollere. Tu Poësis sapiens quid dicis? si boni sunt, Poetæ, si probi tui sectatores, cur eiiciuntur e ciuitatibus, e rebus publicis, e Regnis florentissimis? si inducunt in Rempub. scelera, si perdunt iuuentutem, si cupidinem, si Venerem amandam captandamque proponunt, quod Syrenum similes sint, non rectè eiectiones, & expulsos e patria fuisse dicemus alumnos tuos? & Syrenum à te nomine dum appellatos laudas, illorum facta turpissima ad humani generis interitum proposuisse non contendemus? Id etiam illi voluerunt, qui polybi nomine tuos appellarunt, qui mollis & ad gustum suavis est, sed eo mortales adigit, qui vescuntur suis carnibus, ut nihil non libidinosè, turpiter, ac præposterè somnient. Quod si histriones eiectiones fuerunt ab urbibus bene moratis beneque constitutis, histrionica similem artem non e Repub. eiiciemus? Nunquam equidem prærogatiuis & immunitatibus honorificentissimis Poëtis Philippus Imperator interdixisset, nisi Poetarum beneficia, nisi virus, nisi venena, & pestem ultimam ad Rerumpub. interitum vltimum agnouisset. Appella te igitur (ut concludam hanc refutationis partem) sanctam, clama

clama igitur, & vociferare, homines Deumque testare, te quondam à veteribus sanctam appellatam, & afflatu cœlesti ad poema faciendum diuinitus excitati tuos. Retexam equidem orationem meam, si me mendacij minimi in te dicti, cum in me tu plurima & maxima insigniter dixeris & impudenter, arguere possis, tantum abest, vt conuincas. Atque transeo iam ad alterum orationis caput, id est, ad Rhetoricæ laudes, de quibus dum dico; pero à vobis & à te præcipue, Iudex integerrime, vt quemadmodum me ad hunc vsque locum audisti, impofterum me de Rhetoricæ, id est, de mea dignitate & vtilitate breuiter dicturum audias. Atque in me Rhetoricâ laudandâ, quod poësis in magnâ laude posuit, alumnos suos commendans, quorum originem ad veteres Deos & commentitios retulit, non id faciam, sed ad naturam, prouidam atque solertem hominum parentem, quæ simul atque hominem edidit in lucem, eidem homini paulatim progrediente tempore & annis nondum rationis intelligentiâ præditis facultatem loquendi dedit, quam cum ætate, prouehit, auget, & ad suam amplitudinem perducit, referam. Itaque cum multis alijs rebus, tum maximè dignitate sermonis hominis præstantiam à brutis animantibus rationis expertibus separauit atque seiunxit. Quo quid clariùs & illustriùs esse potest, & ad facultatis oratoricæ gloriosius? sed cum duplex sit eloquentiæ genus, vnum cœleste atque diuinum, alterum nostrum & humanum, quis dubitat quin summus præpotensque Deus, quanquam spiritus sic præcellentissimus, cum Verbo, effigie & splendore suæ Maiestatis consiliū inierit sæpè de rebus, ad hanc vniuersitatem spectantibus, & maximè cum hanc fabricam totius mundi in omnes partes immensitate suâ prope interminatam creauerit? Cœlestes verò spiritus, quemadmodum vicissim, tacitis seipsos mentibus alloquuntur; quanquam hac terrestri corporis grauitate careant, quâ sunt cœlestis eloquentiæ magnitudine præditi, & vt commodis hominum, quemadmodum ab immortali Deo sibi demandatum est, & nostrorum & animorum salutî consulant, quâ eloquentiæ vi tacitè mortaliū animos alloquuntur, & bonas iniiciunt cogitationes, & à vitijs abstrahere, & ad virtutem reuocare conantur. Videntur planè orationem instituere, omnibus eloquentiæ diuinæ viribus instructam, accuratam & munitam argumentis acerrimis & exquisitis rationibus refertissimam, vt homo salutis suæ consulat, & id quod est cœleste, & in omnem sæculorum æternitatem spe-

stat, duntaxat appetat. Quæ dæmon obijcit imperia, quas ille-
 cebras carnis, & corporis oblectamenta offert, quas proponit
 honorum sedes, & gradus dignitatum amplissimos, boni spiri-
 tus refutant & amouent à cogitatione tanquam inanes & citò
 perituros & innumeris fortunæ telis expositos, infinitis miseri-
 arum & ærumnarum acerbitatibus redundantes. Quid? cum
 ejdem Christi labores, & cruciatus obijciunt, & hominis eri-
 piendi ex dæmonis faucibus, & ad veterem gloriæ statum, &
 dignitatem immortalē instituendi gratia, tacitos cum ho-
 minibus habent sermones, & intimos animi sensus, vel pecca-
 torum magnitudine, vel inferorum pœnis, vel mortis singulis
 horis atque momenti imminentis recordatione commouens,
 & afficiunt vehementer; nonne hæ sunt Eloquentiæ partes,
 non Rhetoricæ ornamenta, non effectus graues & concitati?
 quibus cum vrantur cœlestes spiritus, non id signi est, & cœlo-
 rum sedibus delapsam, & ex diuinâ eloquentiâ profectum ora-
 tionis nostræ genus & cum hominibus communicatum? Ma-
 gno sunt argumento legationes, quas in hominum habitu
 atque forma cœlestes spiritus obierunt, quas obire profecto
 sine cœlestis eloquentiæ magnitudine non possent. Id quod
 veteres voluerunt fabulis significare Mercurij eum à Ioue le-
 gatus mitteretur in hæc terrarum sola. Qua de causa id in ho-
 minum mentibus insedit, qui peccati gravitate depressi altius
 ad supera animos excitare non poterant, donum & inuentum
 fuisse Mercurij, cum infinitis ante sæculis, à primordijs gene-
 ris humani, nondum Mercurio cognito, neque inter mortales
 versante, eloquentiâ homines utebantur dono ac munere di-
 uino. Neque aliter profecto siue dispersi in syluis, cum more
 belluarum vagarentur necdum ciuitatum tectis coarctati, siue
 cum ad civilem cultum ab Oratore traducti fuerunt, agere si-
 nè facultate dicendi potuissent. Nondum yllæ artes aut facul-
 tates erant, nondum bonæ scientiæ disciplinæque cognosce-
 bantur, adhuc homines rudes & impoliti totius cognitionis
 expertes erant, cum inter illos eloquentia versabatur, solaque
 regnabat facultas præpotens & excelsa benedicendi: Et qui o-
 rationis vbertate copiaque magis affluebat, huic primas reli-
 qui partes deferrebant, & eundem tanquam numen de cœlo de-
 lapsum summo honore & obseruantia colebant. Hic cum illos
 disilentientes inter seque decertantes aspiciebat, componebat
 lites eorum, contentionesque dirimebat. Quod vsque eò cre-
 uit ma-

uit maioribus in dies incrementis, ut ab agresti immanique vitâ iste præcellens Orator & quasi Deus inter homines habitus, viribus orationis dispersam vagamque multitudinem ad cultum civilem elegantiamque traduxerit. Quod ab illis primis deinde temporibus urbium colendarum tantam vim habuit, ut viri præstantissimi Principesque terrarum eloquentiam principat. & honore semper Regio dignissimam habuerint. Itaque Principes illam omnes, omnes Reges clarissimi, Imperatoresque potentissimi tanquam claram & excessam facultatem didicerunt impostero. Et quoniam sine arte bene dicendi aditum ad honores & dignitates Reipub. sibi præclusum adspiciebant omnes, omnes artem oratoriam discendam maximeque colendam à pueritiâ censuerunt. Nunquam enim Duces creabantur, nunquam Imperatores ad ducendos exercitus, ad bella gerenda, nisi viribus oratorijs muniti fuissent, deligebantur. Testata dico, Auditores, & veterum annalibus consignata: nulla enim vnquam gens, neque tanta humilitate culta, neque tam rudis & impolita fuit, quæ non asciverit ad suorum Regnorum administrationem claros & insignes Oratores. Atque ut imprimis de Moderatoribus Rerum publicarum loquamur, & omittamus alias Respublicas, duas consideremus Orbis gentium Principes celsissimas, Atheniensem scilicet & Romanam. Constat profecto Rempub. Atheniensium nisi Oratorem ab incunabulis administrasse neminem. Quod idem vos de Macedonum, de Thebanorum Rebuspub. humanitate, fortitudine, diuitijs, potentiâ, dominatu semper frequentissimo florentibus putatote: sed quoniam in re trita, & omnium ferme peruagatâ versor, ex Romanis potentissimis terrarum Principibus, Reipub. gubernacula tractaturis, quem mihi dabit Poësis non insigniter arte prius Oratoria commendatum? Filij Principum, & summorum hominum, qui aditum ad Rempub. habere volebant, multo vehementius Romæ ad eloquentiæ studium incumbabant omnes; deinde Athenas bonarum artium inuentrices proficiscebantur, non alia de causa, quam ut eam, quam consequuti fuerant, dictionem summis & exquisitis Græciæ præceptoribus perpolirent, & perficerent. Qui mos per omnes ætates, Athenas proficiscendi viguit, & recentus fuit usque adeo, ut post causas plurimas, actas in foro & obertas cum magna nominis gloria, præstantes iam & egregij Oratores non illam se summam & consummatam eloquentiam obtinuisse arbitrarentur, nisi Athenas inuisendas

curarent, ut id temporis, quoniam iam acriore iudicio & ætate firmatâ fuerant, si quid deerat, quod comprimendum magis, & augendum esset, si quid, quod corrigendum & detrahendum, attentius & accuratius intuerentur. Ita quidem cum Romani nullum ad Reipublicæ gubernacula aditum habuerint, nisi dicendi viribus corroborati, suum imperium extremis orbis terrarum finibus terminarunt bellica, & Oratoria facultate. Neque tam armis, quam eloquentiæ, non tam militum robore, quam orationibus ab exiguis ortum initijs imperium ad ultimas orbis terræ sedes propagasse, verè constanterque dicuntur. Inde Camilli, inde Scipiones, inde Curtij, inde, ut reliquos omittam, Cæsares, inde Pompeij, qui profectò neque honorum dignitates consequuti fuissent, neque ad res militares gerendas à Romanis delecti Duces & Imperatores, nisi valere viros fortissimos intellexissent, plurimum prædijis oratorijs, ornata instructaque dictione. Atque hunc morem ad Reipublicæ administrationem deligendorum hominum eloquentissimorum ab alijs Rebuspublicis & Regnis potentissimis acceperunt, iam annos antea innumerabiles ab initio nascentis Mundi vigentem maximeque florentem. Primi enim, ut prædixi, cum nullæ artes, neque facultates adhuc colerentur, & rudes essent & ignari rerum omnium, præni inquam diserti homines tenuerunt urbium, & populorum gubernacula. In quorum possessionem ingressi quasi iure suo cum crescerent, & augerentur Respub. propagarenturque imperia, multique Reges creandi fuissent ad Regnorum regimen & clauum tenendum, creabantur, & deligebantur, tanquam magis idonei, & rerum gerendarum principes Oratores, qui Reges iam tum dicebantur, & Regum honore & insignibus ornabantur. Videbant enim nihil valere magis ad prædium & ornamentum Reipublicæ quàm Regem optimum maximo ornatissimoque dicendi genere florentem. Quod sic confirmatum fuit per omnem sæculorum memoriam, ut omissis Homeri Regibus, & illis qui propius à Troiani belli temporibus recensentur, certe constat Philippum Macedoniæ Regem eloquentiæ operam dedisse, quod exemplum quoque imitatus est filius Alexander, multi denique illius successores eadem laude floruerunt. Ac ne omnes Reges oratione commemorem, omnes ferme sic imbutos accepimus, ut omnes Regiæ dignitatis amplitudinem in dicendi facultate positam intelligerent. Iam vero in omnibus liberis populis quemadmodum ea floruerit, semperque de-

que dominata fuerit, video vos omnes multò melius intelligere, quàm ut meâ indigeatis oratione. Quoniam vidistis in eâ ciuitate, quæ principatum terræ tenuit, neque quæsturas, neque Ædilitates, neque Præturas, neque Consulatus, neque Dictaturæ summum honorem quemquam consequutum fuisse, nisi dicendi laude florentem, quid factum fuisse putatis, postquam illud imperium in vnus potestatem ditionemque peruenit? Num Principes tantæ Reipublicæ studium eloquentiæ omiserunt? minime quidem. Quis enim primum omnium Iulium Cæsarem candore & nitore orationis splendentem non accepit? quem proximè consequutus fuit, qui mirandâ orationis laude præcelleret, Octavianus. Neque profectò hac dicendi gloriâ caruisse Tiberium veterum annalium scientes negabunt, sed neque Reges non solum propter eloquentiam imperia tenuerunt florentissima, sed infimi quoque obscuris natæ parentibus propter splendentem & ornatam orationem dignitates & Regium honorem capere cogebantur, & sæpe claræ maiorum stirpe procreatis anteponebantur. Non ab alijs potius, quàm ab Atheniensibus & Romanis exempla petantur, qui quondam innumerabiles fuerunt. Ab illis libenter abstineo, breuitatem sequutus, vno contentus Ciceronis exemplo: cui generis obscuritatem, & humilitatem fortunæ aduersarij semper obijciebant; sed ille tantum eloquentiâ suâ perfecit, ut præteritis multis clarissimis viris, & de Republicâ bene meritis, & diuitijs carentibus per omnes honorum gradus ad summum Consulatus fastigium ascenderit. Atque in illis bellorum ciuilium flammis, quibus orbis terrarum flagrabat, Pompeio ac Iulio Cæsare Imperatoribus, armis hostilibus de Imperio eunctarum gentium vniuerso certantibus, victo Pompeio, fuso, fugatoque illius exercitu & cæteris Pompeianæ factionis Principibus partim in Africam, partim in Hispaniam fugientibus summa belli demandabatur Ciceroni, cum Imperatoriâ propter eloquentiam Oratori tanto simul delata dignitate. Quid amplius de dignitate facultatis oratoris dicatur, non video, ad oratorum gloriam immortalem, perspecta præsertim Poetarum humilitate, qui neque honores gesserunt vquam Reipublicæ, neque valuerunt vllis propter Poesim opibus: cum quid maxime consequuti fuerunt, id erat, quod historiones consequabantur, ut propter agendi venustatem suam, tanquam parasiti ridicula facientes Principibus grati viderentur. Ille Plautus, cuius dicebant louem Poeseos facultate, si descendere

scenderet in sola terrarum, vsurum esse, cum hominibus agentem versantemque, in quâ egestate fuit & inopia rerum? Horatius eisdem prope rei familiaris angustijs premebatur. Neque quidquam maius de Homero, de Virgilio, Græcæ Latinæque poeseos Principibus dicere vnquam valebimus: quibus ad scribendum vix otium concedebatur præ summâ extremaque mendicitate: & inopes & egentes rerum omnium, ad copiosos & locupletes; humiles & obscuros, ad præclaros & illustres; imbecillos & infirmos, ad potentes & excelsos; seruos miseros, & prope mancipia ad Dominos & Principes terrarum comparabimus? Quos neque ad operas sibi sæpe præstandas vellent, neque deligerent oratores terrarum Domini summi præpotentesque? Qui quos volebant emigere è mendicitate, his stipendium statuiebant, vt victum quotidianum, non summum pretium, sed quod iuiceret, ne tantam inopiam paterentur. Quamobrem cum oratores audicis, cum cogitatione comprehenderis, cogitare debes Heroas cultu corporis & vestitus nitoresplendentes; poetas contra sordido & obsoleto vestitu amictos: Rhetores comitatu multò stipatos; poetas solos ac desertos: Rhetores in solio sublimi collocatos; poetas priuatos & sine magistratu: Rhetores cum fascibus & insignibus Regnorum, quibus imperant; Poetas illorum ditioni potestatique subiectos: Rhetores ferentes leges, & iura; Poetas accipientes humiliter: denique Rhetores, cum imperio, cum potestate dominantes, vt Poetæ Rhetorum auctoritatem & nuntum pertimescerent. Quæ satis sunt, vt de Rhetorum splendore cum audiamus, veneretur etiam Poësis Rhetorem & infra illius pedes teipsam ponat. Quid vero dicitis, cum ad tam illustrem Rhetoris dignitatem ornandam diuinis honoribus & sacrificijs honoratos fuisse Rhetores negare non possumus in multis orbis terræ partibus, celebrioribusque Regnis? Sed satis verborum fecimus de dignitate, transeamus iam ad alteram vtilitatis partem. In qua si multus non fuisse videbor, ignosce Iudex integerrime: nam ex superioribus multa colligere potuisti ad vtilitatem spectantia. Neque enim de dignitate dicere potuimus, quin cum hac parte commoda coniungerentur. Nam si ad oratoris vtilitatem pertinet tempus illud, quod in Rhetoricæ dignitatem incidit, cum homines passim in agris victur ferino vitam propagabant, neque ratione animi quidquam, sed pleraque corporis viribus administrabant; atque

que hoc tempore magnus orator, dispersos homines in agris & in syluestribus abditos, orationis vi compulit in vnum locum & congregauit, & eos exferis & immanibus mires reddidit, & mansuetos, & mœnibus sepsit, & iure deuinxit naturalis ac ciuili, vt veteri depositâ feritate, quâ tantum habebant, quantum manu & viribus, per eadem ac vulnere aueripere aut retinere possent, ad iustitiam atque mansuetudinem facultatē dicendi transtulit. Cum Athenas, Spartam, Thebas, & alias imperiosas nationes, & gentium cunctarum fortunatissimam arcem, urbem Romam, & illius imperium extremis terrarum finibus contentum, Rhetores administrarent, non in asserendis vtilitatibus, non in constituendis Regnis, non in illorum finibus propagandis versabantur? non hoc præstabant, vt homines leges seruarent, vt suum vnusquisque retineret, vt haberet Respublica pacem & tranquillitatem, vt officium omnes facerent, nemini iniuriam inferrent, ab alienis abstinerent manus, non committerent furta, latrocinia, cædes, qui commississent, ne abirent impuniti, luerent pœnas legibus statutas? illud sanè moderatores, & Reges Rhetores fecerant, vt iustitiæ, cuius virtutis fruendæ causâ benè moratī Reges constituendi fuerant, partes omnes cum absolute summâ seruarent, neque ad res urbanas, non ad virtutes colendas vtilis duntaxat fuit ars oratoria: sed in bellis studium & operam vtilem nauauit, sine quâ caderent multæ Respublicæ, cuius ope multâ steterunt Regna, acies maximæ in hostem incitæ, prælia grauissima periculosissimaque commissa acerrimè, victoriæ prope iam acie inclinatâ reportatæ, & fuis cæsisque inimicis, multis vrbibus & regnis integris ac florentibus captis, ardenti inflammataque ditione fortitudinis trophæa celebrioribus in locis statuta fuerunt. An vero Thrasybulus Atheniensis exercitu comparato exiguo non orationis virantem opus attulit, vt incitatis acriter ad pugnandum militibus triginta tyrannorum dominationem intolerandam ab Atheniensī populo sustulerit, exules reduxerit in patriam & pacem confirmauerit lege latâ de discordiarum memoriâ obliuione sempiterna delenda? Quid noster ille Cicero, cuius mentionem toties fecimus, Pharsalico prælio facto, non acciperet, si vellet imperium Pompeianæ partis contra Cæsarem delatum, nisi desperatis rebus omnibus, & otio volens consulere Brundisium se recipisset, sperans de benignitate Cæsaris, vt in pristinum

num statum restitueretur? Quippe qui improbus semper cuiusle bellum, & ne Reipub: deesse videretur calamitosis temporibus, ad ea arma profectus fuit, quæ erant sumpta contra Cæsarem. Sed ut has temporum flammæ & incendia renouare desinamus, non ille exercitus omni copiarum genere abundantes duxit? non res maximas gessit? non Proconini provinciam sortitus Siciliam in socium atque amicum Populi Romani Regem Ariobarzanem, ab hostium iaculis liberavit, & laterocinijs liberam reliquit ac tutam, totiusque fere Regni Principum voluntates ab Ariobarzane alienatas Rege reconciliavit suo, & in pristinam dignitatem restituto Rege Siciliam pacavit bellis tumultuantem gravissimis? non sedavit statim Syriæ turbulentos motus allatosque nuncijs, & multorum sermone dispersos nullo prælio, etiam quoddam mirabile quidem est, commissis? Non eloquentia sua plena animi, plena virium maximarum oratione, hostiles copias, quæ in monte Amanico confederant, ab eodem superatae fuerunt Cicerone? Atque cum ille Parthico bello nunciato per locorum angustias, & per Montium altissimorum summas difficultates exercitum ex pedestribus copijs & equestribus conflatum ad Amanum adiunxisset magis consilio & eloquentia, quam auxilijs bellicis, apud illos, qui audierunt multa de facultate facundiaque præstanti sua milites suos ad signa conferenda, denique viribus incitavit, ut Amanientes hostes nominis Romani sempiternos Carthagenensium non dissimiles, pertinacia voluntateque delendi generis Romani, copijs omnibus vexaverit; multos occiderit, & coeperit multos, reliquos dissipaverit, incenderit castella munitissima magno pretio, atque ipso adventu Ciceronisque oratoris hostibus iniecto timore, quod de Pompeio Magno bello Italico confecto Historici Romani memorabile factum posteritati commendarunt. Inde illud consequutum, ut milites victoria parva magnis clamoribus Ciceronem Imperatorem appellauerint apud Issum: quo in loco sæpe, ut ex veterum annalibus accepimus, Darium Alexander Magnus superavit militum internecione magna. Quid igitur restabat eloquentiæ, ad felicem suam secundamque fortunam numeris omnibus explendam, nisi ut triumphum ageret obviam procedente prius, comitanteque deinde senatu, totoque ad tantam oratoris facultatis pompam spectantem sese populo offundente Romano, ut plausu & acclamatione solita, arcibus effectis plurimis, spolijs & manubijs ornatus

natus à porta triumphali, agmine perpetuo in curru sublimis, in veste triumphantis, coronatus Imperatorio diademate ad Capitolium vsque veheretur: sed triumphus non agendi, iam à Senatu honorificentissimè decreti bella Ciuilia inter Cæsarem, & inter Pompeium concitata causam attulerunt. Vos Auditores, animaduertite, & tu præcipuè, Iudex integerrime, quid maius de facultate benedicendi possit oratione nostra commemorari, quàm illam tanto cum honore, non togæ solum, sed etiam militiæ versari videmus. Equidem ille Cæsar, ipse Alexander, cæteri magni summiq; Duces & Imperatores inuictissimi, nunquam tanta rerum præclarè gestarum gloria floruisse, nisi ad militarem artem adiunxissent eloquentiæ latidem. Hac eloquentia idem Cicero Catilinam scelus anhelantem, pestem nefariè molientem Romanis, & vrbi ferum flammamque minitantem, ex vrbe eiecit, expulit, & in Castra Manliana cum magna suorum sentinâ ac peste proficisci coegit. Eadem eloquentia Cicero Clodij sedi iustos ac turbulentos conatus, & vim omnem tribunitij furoris in Rempublicam incitatum perfregit. Eadem idem orator sacundia leges Agrarias ad patriæ perniciem & interitum spectantes acriter oppugnauit. Eadem ipsa totam Siciliam vexatam, & spoliata a Caio Verre afflictam ac planè perditam in veterem restituit statum, C. Verre non accusato solum, sed iudicum sententijs damnato. Eadem eloquentia Cicero in M. Antonium post Cæsaris mortem crudeli dominatu volentem opprimere Rempublicam omnium Principum & Senatus animos compulit & inflammavit, & eosdem in vrbe Augusto recepto dignitatem Imperatoriam tribuere, & tanquam in hostem patriæ arma capere coegit in Antonium. Quid plura quando stetit eloquentia Ciceronis & aliorum maximorum Oratorum, stetit Romanum Imperium omnibus gentibus ac nationibus gloriôsè, magnificeque satis, cum Oratorum, & maxime cum Ciceronis morte cadere paulatim visæ sunt, & ruerè miserabiliter opes Romanorum. Quod Agamemnon testatus est iudicio, quod de Nestore prudentissimo eloquentissimoque homine fecisse dictus est, qui cum communicabat consilia, res conferebat ad bellum necessarias de committendis prælijs, de vrbe Troja obsidenda, de premenda vexandaque magis suis temporibus omni machinatione bellica, cum eo prudenter matureque deliberabat. Ita ex Nestoris consilio decernebantur res militares, & omnis summa Reipub. Græca-

nicæ, illius orationis melle ipso ex ore dulciore fluente gubernabatur. Tantam vim habet Eloquentia, non ad urbanas solum, sed ad bellicas rationes administrandas, & ad omne genus hominum, quo velit, impellendum, vnde velit deducendum. Quamobrem non immerito Hercules, quæcumque contendebat, omnia in suam protinus adducebat potestatem, qui fingebatur exitiis præstantique dicendi facultate præditus, & catenula quadam ex summa lingua pendente trahens mirifica singularique alacritate victos homines, à fugiendo adeo penitus abhorrentes, cum catenulæ facilæ frangi posse videntur, in monilium elegantissimorum speciem fabricatæ, vt de præcundo mirabili celeritate properantes decertare viderentur. Neque illæ utilitates, quæ in forensibus causis agendis, in curia consulendo, decernendoque semper ex usu Reipub. cum populo agendo, suadendoque salutem communem consistunt, cum tam magni momenti sint, vt ex illis pendeat Reipub. status, sunt omittendæ. Eloquentia enim defendit inson-tes in iudicio, nocentes accusat, capitis periculum auertit, opprimit improbos & sceleratos, dissuadet leges patriæ perniciosas, & viles suadet, senatus auctoritatem consilio & auctoritate conseruat, fert opem supplicibus, dat salutem calamitosis. Quod homines ad honestatem incitat vehementius, quod arceret à turpitudine acrius, quod virtutem celebrat ornatus, quod voce vulnerat improbos asperius non magna laus erit Rhetoricæ? Hoc cum antiquis temporibus ita perspectum fuerit apertè, vt nemini de hac re dubitandi locus relinqueretur; in nostris rebus, in nostris hominibus ex summis Regum & potentissimorum Principum negotijs eloquentiam regnantem aspicimus. Cum ad Reges & Imperatores decernantur legati, cum legationes in aula Romana debeant obiri, cum in consilijs Theologi de mysterijs nostræ fidei cœlestibus loquantur, cum concionatores diuini verbi populo virtutem persuadeant, à vitijs deterreant, & excitent ad Beatorum gloriam, non ope præsidioque eloquentiæ munera istiusmodi multitudine innumerable, natura dissimili longe dissidentia, & dignitate partim humana, partim cœlesti commendata suscipient? si Pericles ille tonare ac fulgurare dicebatur, cum ad dicendum de Reipub. statu prodibat in publicum, si Ægesias ille Philosophus ita fortuna ludibria, tragicos exitus ac vehementer calamitosos dicendo representabat, vt audientibus voluntariæ mortis appetendæ

tendat cupiditatem generaret, quos obsecro nostri concionatores, si dicendi viribus muniti essent, aculeos in hominum animis infixos & impressos relinquerent? Testes sunt Gregorij, testes Ambrosij, testes Hieronymi, testes denique reliqui sac. & Religionis Doctores, qui admirabili orationis facultate singulares tantas Ecclesiæ Catholicæ utilitates attulerunt. Atque sic accipite, persuasumque vobis habete auditeres optimi, cum hostibus fidei de sacra Theologia mysterijs ita vos disceptaturos esse, sic in medium campum descensuros & reportaturos victorias insignes, si orationis facultate, qua sunt illi præditi, & bella faciunt intestina matri Ecclesiæ, fueritis insigniter ornati. Ergo illi hostes fidei Rhetoricæ ediscunt, ut suas fraudes & mendacia defendant; vos eam non ediscetis, ut veritatem & fidem Christi Iesu tueamini? Illi colunt artem Oratoriam, ut vobiscum contendant, & tela iaciant argumentorum; vos ut illis obstitatis & fortiter infringatis in fidem nostram intortas hastas, non ad huius artis studium incumbetis? Illi ut exitium & pestem animis afferant, artis Rhetoricæ facultate abutuntur; vos ut salutem, & æternam proximorum animis vitam comparetis, non eloquentiæ viribus utimini? Illi, ut Ecclesiam Christi Iesu sponsam dulcissimam vulnerent, & plagis plurimis sauciant crudelissime, vim orationis conferent; vos ut Matrem Ecclesiam saluam & incolumem ab hostilibus gladijs, & hæreticorum intentis mucronibus conseruetis, non eloquentiæ vires adhibebitis? Illi, ut virorum omnium labem aspergant, & hærescos erroribus, terras & omnia regna contaminent, nervos discendi contendunt; vos ut virtutis studium conseruetis, & hæresi resistatis, non totis facundiæ viribus ac nervis contendetis? Illi, ut sanctis omnibus, Virgini sanctissimæ, Christo Iesu, & Triadi cellissimæ bellum faciant hostili odio pugnabunt oratoria facultate; vos ut sanctorum omnium, Reginæ cælorum, Christi Iesu, augustissimæ, sanctissimæque Triados gloriam & decus immortale extollatis, non laude eloquentiæ multo studio compatata certabitis? denique illi, ut de vestra, cunctorumque bonorum peste agant; oratione pugnabunt, nos, ut perniciem & exitium ultimum, à nostris capitibus, & quod maius est, ab animis auertamus, non oratorijs viribus configemus? Videte, ne, ut gloriosum fuit sacris Doctoribus, & alijs nostræ fidei luminibus; quam ab Apostolis acceperunt, Ecclesiam eloquentiæ cælestis magnitudine rueri, sic turpe vobis, quam tanti Principes parentem

magnis incrementis amplificatam reliquerunt, per incuriam vestram vnius Oratoriæ facultatis studio contempto speroque non posse defendere. Nam si Dialectici, si Iurisperiti, si Medici, si cunctarum artium alumni, dicendi viribus destituti, muti semper & elingues videbuntur, si Theologi expertes eloquentiæ suas opes proferre non poterunt in mediam lucem claritatemque mortalium, si cuiuscumque artis atque scientiæ alumni sine eloquentiæ laude suo officio fungentur nunquam, quid est quod pro artis Oratoriæ commodis, & utilitatibus maximis non laboremus? An vero sat est in armamentario gladios esse, tela fulgentia, galeas & scuta, reliquaque armorum genera, nisi proferantur, & armati prodeant milites ad pugnandum? An gladius in vagina conditus vsum afferet militi, nisi miles dato signo congregiendi, vix audito clangore tubarum districtum in hostem inferat, & cæsum & punctum ex omni parte vulneret aduersarios? Num arcam habeo loculis pecuniarum refertam, & ad sumptus faciendos, cum opus fuerit, mea vel aliorum manu non expromam? O diuinum eloquentiæ donum! O facultatem omnium rerum generi necessariam! O Solem clarum & illustrem! O mirandam & prædicandam artem, qua præditi, nullis non rebus præstò aderunt, & opportunam opem ferre poterunt; ea destituti quibuscumque artium & doctrinarum ornamentis floreant, nullam utilitatem afferre, neque priuatim, neque publicè valebunt. Vos omnes artes & disciplinas, quas Poesis ad suam opem & auxilium oratoriæ facultatis artificio suppliciter implorauit, hortor, moneoque, ut fidem iam pridem Rhetoricæ seruata, hoc est in loco seruetis egregie fideles, & in hanc pestem & perniciem generis humani maximam, in Poesim inquam, turbinem ac procellam præsentis controuersiæ, vos vestras vires, vestrosque nervos fortissimè conferatis. Si ego Rhetorica vobis semper adfui; si ab initio nascentis Mundi nunquam aesse destiti; si vestras res semper ornaui; si diuitias & opes in media theatra Orbis gentium protul; si iuminibus meis illustrandas, si diuizijs augendas amplificandasque curau; si denique nunquam nisi meis floribus ornata, insignibus distincta, vi, contentioneque armata, aduersariorum vestrorum Sophistarum, & hostium Fidei technas, & machinas depulistis; si telis nostræ artis viribus contortis acies maximas, armis infestis configentes prostrauistis, & concidistis per omne tempus; si parata sum hodierno die & in perpetuum vobis opem ferre, neque vllis temporum

temporum iniurijs, vltis procellis ac tempestatibus concitatis, vestræ dignitati vestro honori, vestræ gloriæ deesse constitui decreuimus constantissimè, vindicate iniuriam mihi factam, vindicate tantum facinus, comprimite Poeseos audaciam & extinguite ancillæ profligatæ furores incitatos, & inflammatos in Rhetoricen dominam ac Reginam Orbis quondam vniuersi. Suscipite cum Poesi capitales inimicitias, Rhetoricæ partes studiosè ac diligenter agentes, vt pro dignitate Rhetoricæ, id est, pro veritate propugnantes, iustitiæ decus illustretueamini, post natos homines pro tuenda nostra facultate nulla simili in iudicio cunctatum artium & disciplinarum in audacem & furentem Poesim perspecta coniuratione. Quarum iustis inimicitijs & odio animaduerso, Iudex integerrime, Poesi damnata ablegataque ex hominum societate, & in exilium acta perpetuum, pro dignitate Rhetoricæ, quam ego spero, quam vos contenditis artes, disciplinæque clarissimæ, quam auditores omnes expectant, iustam ac debitam sententiam, commendandam sæculorum omnium posteritati ex legibus & iustitia bonus & integer peto non solum, sed enixe contendo, ferre non desinas. Dixi.

Oratio in laudem Medicinæ.

Ex superioribus Argumentis.

CVM propter præclaram & insignem in corporis humani custodienda salute, tam multos, egregios ac mirificè fideles Medicinæ alumnos in omni terrarum parte feliciter habuerimus omnes, sperare possum vos, Auditores, ad hanc orationem de tantæ facultatis laudibus habendam, vestros animos summa cum benignitate excitaturos esse. Nam si de quocunque homine bene meriti Principes, illius gratam ac memoriam beneficiorum voluntatem, cum ad gratiam referendam impar ea videatur, & quidem merito, quasi vinculis astrictam habent; ad homines in omne mortaliū genus beneficos ac liberales, propter salutem præclare conseruatam, sine qua iacent omnia, & nulli mortalibus vsui videntur esse, non in li facultatibus & opibus perfrui, non honoribus, nec dignitatibus fungi possunt, quàm parati debemus esse, ne referendæ gratiæ datam occasionem è manibus abire patiamur? Quod si quare-

se nos tempus aliquod, & aucupari debuissimus ad gratorum voluntatem animorum ostendendam, hoc fuit sane diuinitus oblatum, cum de Medicinæ præstantiâ, de suis commodis & beneficijs in genus hominum collatis, & de iucunditate rerum, in quibus versatur, necessitas fuit imposita nobis, pro demandata de facultatibus alijs disciplinisque prouinciâ studioque in tanto doctorum hominum, & principum maximorum circumfuso consensu dicendi: Neque enim æquum est profecto, nec fas esse quisquam existimabit, in suis gymnasijs, & theatris amplissimis commendatâ luris peritiâ, sacraque ex ordine Theologiâ, quæ illarum sociâ est, & comes in omnibus academijis, facultatem medendi iusto ac debito honore priuari. Quanquam enim ad sacram Theologiam, nulla scientia sit, neque disciplina comparanda, tamen cum cœlestem hanc disciplinam in locum honoratiorem commendandam referuimus, suorum tamen loco, suo tempore, illius, quæ de vniuerso genere hominum bene merita est, Medicinæ non debemus, nec possumus sine iniuria quidem obliuisci. Quare dum de rebus à me propositis, ac primum de Medicinæ excellentia dico, benigne quæso meam & attente orationem excipite. Atque ut nobilitas à primis suis incunabulis ostendatur, à Dijs originem suam claram & illustrem Medicinam traxisse constat. An Hebræos, an Græcos, an Ægyptios volumus testes locupletissimos? Hebræi, qui plurimum veritate valent, Adamum primum humani generis parentem diuino numine facultatem istam adeptum fuisse scripserunt: quod etiam posteritati commendatum reliquit Princeps Platoniorum Marsilius: reliqui vero homines Deorum inuentum ac munus singulare constantissime confirmarunt, plurimisque consultis & acceptis Deorum oraculis constitutam & confirmatam ad hominum salutem & incolumitatem. Apollo autem gloriatur se primum inuenisse artem medendi: qui vero minus tribuerunt huic facultati Mercurium inuentorem, auctoremque fuisse tradiderunt, plurimis ab eodem herbis salutaribus inuentis, & ab eius præcipue nomine ad alium purgandam spectante Mercuriali, qui etiam verbascum Vlyssi tribuisse fertur ad Circes veneficia, fraudesque fugiendas, istius herbæ virtute mirabili. Omitto Arabem Apollinis filium, quem in Deorum numerum ascriptum multi scripserunt ob Medicinæ singularem ab Apolline cognitionem acceptam, quod & nominis præstantia constan-

tissime

tissimè confirmare studuerunt : cum Apollinem quasi dono quodam ac munere diuino vatis officio functum fuisse non ignoremus. Prænoscit enim Medicus aduenientes morbos, & ex præsentibus signis, quasi vates & futurorum scientissimus prædici morbi grauitatem, diligenti diuturnaue obseruatione. Atque hic prætereo, quæ de Cadmo Agenoride, quæ de Chirone Centauro, quæ de Seraphi, quæ de Æsculapio, literis commendata sunt. His enim sacrificia fiebant, his honores diuini tribuebantur propter inuentas nonnullas herbarum radices. Qui minus profecto tribuerunt Medicinæ, Reginæ illam Osiridis inuentum dixerunt; à quibus reliqui inuentores & auctores ducti sunt, & prædicari plurimarum & salutarium herbarum. Sed quid ego amplitudinem huiusce scientiæ Deorum & maximorum Heroum dignitate confirmo? Cum Assertor humani generis Christus Iesus & Medici nomine, & honore affectus fuerit, & idem vindex nostræ libertatis morbos ex humanis corporibus ægritudinesque depulerit sua cælesti diuinaque virtute. Atque cum hominibus versatus, cum posset cæco à natali die restituere oculorum aciem, vno verbo, ex luto medicinam fecit, & sputo concinnatam admoxit oculis hominis iam pridem tot annos antea videndi claritate priuato. Quare ipse Christus Iesus Mediorum pharmaca ex diuersis Medicamentis constata, neque simplicia solum, visus est approbare. Quamobrem Medicinam sacris literis comprobatam quis non multis in locis inuenit, cum ei, qui vulneratus fuerit, operæ restituendæ sint & impensæ in vulnere sanando factæ Moysis auctoritate præcellenti? Cum arbores illæ Ezechielis, quæ confixæ sunt ex utraque parte ripæ vestitæ non solum amœnissimè viderentur foliorum iucundissima viriditate, sed referret omnis generis pomorum vbertate fecundissima ad anni quodcunque tempus; atque folia cum ad arborum vestitum, & fructus vberes ad victum quotidianum spectarent, tum illa plurimum habebant vtilitatis ad medicinam humani corporis salutarem? Cum Hieremias etiam resinam proponat ad medendum aptissimam, & Medicos ad morborum depulsionem, vulnerumque curationem? Cum denique Ecclesiasticus amicū egregiè fidelem ad Medicum comparet, vt mœsticiam depellat, afflictum consoletur, iacentem subleuet, consternatum erigat, & instar optimi Medici pharmacis quasi salutaribus adhibitis in veterem statum cōditionemq; restituat?

Cum spiritus ipsi cœlestes, vt ex eisdem sacris annalibus accepimus, Medicorum officia facere minimè contempserint? Nonne Raphael cœlestis Thobiam docuit exenterare piscem, atque illius cor, fel. & iecur ad medicamentum vtile salutareque conferre? Quid Sosomenus apud Cassiodorum testatur? Audite, audite, Patres, rem magnam, & admiratione dignissimam. Aquilinus quidam cum graui febris æstuque iactaretur, quæque in ventrem inferebat, continere non posset, sed euomeret confestim. similis prope iam morientis, Constantinopoli (quæ nobilissima ciuitas propter amplitudinem & celebritatem suam) in D. Michalis delatus est; Orare ille summo studio ac religione, miscere precibus lacrymas, & in eo perstare magnopere non destitit, vt sui tot ante dies, grauiter semper, periculosèque ægrotantis B. Michael misereretur, & cuius rei causa venerat, ope sua cœlesti morbum depelleret. Mirandum equidem ea, quæ consequuta fuit, nocte; visus est Aquilino B. Michael, & ipsum ægrotantem ex vino, melle, & pipere conficere medicamentum iussit ad valetudinem recuperandam: quo pristina valetudini redditus fuit ac restitutus. Quid istud medicamenti? quid obsecro præscriptionis fuit? An vero minore virtute cœlestes spiritus sunt, quàm Christi Iesu Martyres, quàm sanctissimi viri superstites adhuc memoria sua, & agentes cum hominibus, vt ab immortali Deo non suis precibus impetrent veterem sanitatem morborumque curationem? An vero hoc Agneti? hoc D. Rocho? hoc Sebastiano, hoc alijs multis nostræ Religionis Heroibus sanctissimis datum fuit, atque concessum, vt nullus tam grauis & periculosus, tam mortifer ac lethalis morbus haberetur, quem suis precibus, & multis magnisque miraculis editis non depulerint, & hoc Michaeli Principi diuinorum spirituum, depulso Luciferi reliquorumque sectatorum non tribueretur pro suis multis maximisque meritis, proque celsissimo, quem in cœli sedibus obtinuit supra reliquos cœlestes spiritus, principatu? Nisi vero difficilius erat vni duntaxat privato mederi, quàm in Gargani summo vertice bestiam immanem commorantem & tantam in disstragem edentem, & carnisicinam mortalium implorato solum Michaelis cœlesti subsidio confici, & ex illius animalis truculentissimi ore & faucibus infinitam multitudinem liberari: nisi denique gloriosius erat honorem ex vnius hominis salute illustrare & decus immortale deportari, quam ex Ecclesiæ militantis

tantis patrociniis & celesti virtute conseruatâ tot hominum in dies religione mirificaque pietate deferri sempiternos honores. Fuit hoc, fuit diuinitus & speciatim obseruatum, vt ex officio præscriptioneque præsentis Medicinæ dignitatem agnoscerent mortales. Atque illa, quibus generi Hebræorum interdicebatur præcipiente Moyse, sit tanta fuissent audacia, scelereque inquinarentur Hebræi, vt comedere non vererentur, mores perniciosos & infestos salutis corporis contrahere censebantur, quoniam huic fauulæ gloriam & dignitatem afferent. Quam obrem mirari desinamus ad eam amplitudinem & dignitatem euectam fuisse Medicinam, vt illam Principes potentissimi, vt Reges terrarum clarissimi, Monarchæ cunctarum gentium ac nationum, atque ipsi Imperatores non honoribus solum decorare vellent, sed ad illius studium omni Corporis & animi confectione incumbere: si de Medicinâ etiam, & in Medicina semper gloriarentur, & vellent dici semper & haberi præstantissimi scientissimique Medici: si denique facultatis istius amore studioque capti summum honorem & planè Regia Maiestatis dignissimum duxerint ad sui nominis gloriam immortalitati commendandam, ingenio, ac facultate medendi, posteritati consignata monumenta relinquere. Atque omitto Reges Ægyptios, Apim scilicet, Osyrum, Isidem. Taceo. Herculem, Theseum, Iasonem, Achillem fortissimum Græcorum, Patroclum Achillis amicissimum familiarissimumque. Omitto Cadmum, Masinissam, & Iubam Numidarum Reges potentissimos. Quid Antiochum Syriæ Regem, Dionysium Siciliæ tyrannum commemorem? quid omnibus bonorum copiis affluentem Attalum Regem Pergami proferam? Vt innumeros alios omitтам, ille victor orbis terrarum Alexander Maximus, non Medicinæ solum studiosissimus fuit, sed scientissimus, atque inter acies & horridicos armorum tumultus amicis medendi scientia opem tulit ægrotantibus, medicamenta præscribens, & adhibens plurima salutariaque pharmaca. Cuius exemplum sequutus Lysimachus Rex ita Medicinam coluisse dictus est, vt herbam inuenerit morbis depellendis utilem, & à suo nomine appellatam Lysimachiam. Quanti Medicinam habuerit Salomon ille sapientissimus, sciunt, & testantur Theologi, qui tam multiplici variaque rerum cognitione præstitit, vt nihil ex omni rerum scientia non mente comprehenderit. Quid enim desideramus in sapientissimo Salomone?

an scientiam herbarum? an volucrum & piscium? an Orbis terrarum situs & circumscriptionis cognitionem? an volumus illum tenere vicissitudines mutationesque temporum? an bellarum cursus? an cœlorum conuersionem? an animi varietatem? an animalium naturam? an vires bestiarum? an vim ventorum? an plantarum diuersitatem, virtutem & efficientiam radicum? an humani corporis compositionem, & fabricam ex omni parte tantâ mirabilitate congruentem? an quæcunque recondita sunt, & abstrusa, & ab hominum acri intelligentiâ remotissima? omni varia multiplicique scientia donatus fuit & ornatus Salomon. Hinc facile erat agnoscere, quanta fuerit Salomon scientiâ præditus, qui nullius rei cognitionem absolutam non obtinuerit. Quod si Regibus accedant Imperatores, Imperiorum latissima potentissimaque ditioe florentes, Augusti, Tiberij, Adriani, Titi, Constantini, Iustini, ad quantam amplitudinem peruenisse dicitur, illustris, gloriosaque medendi facultas? sed iam fortasse quidquam quod incredibile videbitur, spectate, illi Pontifices Romani, Vicarij Christi Iesu ad Dominum in terris, cœlesti potestate propius accedentes, & à Domino tanta facultate ac potestate tributa, claudentes & aperientes sedes & domicilia cœlestis aulae mortalibus, ad cuius pedes Reges & Imperatores abiiciunt diademata Regnorum auri splendore fulgentia, cuius ipsdem osculari pedes ad genua prouoluunt magnum & amplum semper duxerunt: ij certe numero non pauci facultatem medendi satis præclare tenuerunt. Ex quorum numero fuit Pontifex ille Nicolaus V. hoc nomine, nunquam pro dignitate satis laudatus. Accepimus quoque Eusebium post obitum in sanctorum numerum ascriptum eadem medendi arte præcelluisse: nec silebitur profectò vlla sæculorum memoria hoc nomine secundus & vigesimus Ioannes, cuius celebrantur libri canonesque Medicinæ, & alia multa ingenij monumenta, quibus ars medendi creuit plurimum & locupletata nouis diuitijs, & opibus Medicorum insigni scientiâ præcellentium. Neque dicere de Paulo II. desinemus, qui in curia Romana ægrotantes libenter inuisebat, consulebat eorundem arterias, & morbos adhibitis medicamentis salutaribus depellebat. Quare Ciconiæ similem Medicinam veteres sensuerunt, & istius ausi simulachro illius præstantiam potissimum testatam consignatamque reliquerunt. Nam præterquam quod insigne Regum sit, & in sceptro summo collocatum

monu-

monumentum pietatis, tum Deum immortalem præferebat, cui Medicinæ donum scriptores referebant acceptum. Quare si ex superioribus faciliè perspicitur dignitas huiusce facultatis, quis est, qui in tam illustri conspicuaque arte Medicinæ utilitatem non inclusam coniiciat? Quæ cum morbos ægitudinesque depellat, & corpora mille confecta doloribus ac vulneribus in veterem sanitatem restituat, quid hac facultate utilius, cum etiam occurrat ægrotationibus futuris, & ex corporis signis obseruet gravitatem aut leuitatem morbi, cum constituat corporis partes malè affectas, & pharmericis conferue constitutas, & ex ætate ac robore medicinam adhibeat, quæ magis salutaris esse videbitur, & hominibus utilior? At quemadmodum iubet eadem facultas à noxijs hominem abstinere, vesci salutaribus, & suis temporibus, atque præfinito: quod si fines aliquando transierit ægrotus, aut se cibo, vinoque compleuerit, ut humores crassi pestilentesque contrahantur, inde febres assidua, gravissimæ vehementissimæque, quemadmodum cum accersitus est Medicus, suæ facultatis ope morbum difficilem depellit, & paulatim suis gradibus, eo usque ægrotantem perducit, ut convalescat, qui proculdubio erat moriturus alioquin? Quot autem sunt genera morborum, totidem, & multo plura sunt medicamentorum quibus humanæ saluti consulitur facultate Medicinæ. Ut enim omittam illa, quæ communia sunt Medicorum, si is interdiceret ægrotantibus cibo potuque; id temporis præfinit, quibus illi veriantur, escas utiles & salutares; exonerare ventrem gravitate ciborum intoleranda; scindere, quoties opus sit, venam; potionibus, & purgationibus uti differentibus, aut pilulis ex rerum varietate solita concinnatis, & auro leuiter illitis ad acerbiteriam præferendam, quam infinita sunt medicamentorum genera à Medicis excogitata? alia ad lassitudinem membrorum leuandam, & ad dolorem leniendum maximè profunt: alia, quæ ebrietatem prohibent, & discutunt: Alia sunt, quæ sitim famemque depellunt: alia, quæ frigiditatem coercent & sistunt: alia quæ laxant & exinaniant. Quot venenum expellunt, propulsantque? quot siccandi vim habent? quot aliquo liquore in ore retento crebra reuocatione (quod vulgò dicitur gargarizare) colluunt, & humorem per os euomunt, & proiciunt foras? Quid dicam de illis, quæ reficiunt vires & instaurant confectum totius corporis statum? si quis grauius & altè laceratis vulneribus sauciatus est, eadem vulnera comple-

complentur & absterguntur. Bibit homo aliquanto plus, quam corporis imbecillitas perferre possit, lacerare poterit stomachum & provocare Medicinæ præscriptionibus: si quis partem aliquam referandi, aut aperiendi vim habere voluerit, si etiam placidè, blandeque remittendi, si doloribus corporis carere, si cruciatibus assiduus non torqueri, sed acquiescere & liberari tandem mortis periculo, ab arte medendi, facultatem & opem petimus. Quòd accide e plerumque solet in gravibus periculosisque morbis, ut totas noctes homo traducat in omnes, neque ullum capere possit somnum, anxietate nimia corporis, & debilitate cruciatuque membrorum, numeret horas omnes, & punctum temporis minimè requiescat, Medicus huic malo medebitur remedijs soporem accersentibus, ac si necesse sit ad aliquod tempus, stuporem sensibus. Sed age, quid adolescens magis desideras, quam naturalem oris pulchritudinem, suavitatem coloris & virium integritatem tueri? huius ope facultatis habere poteris. Tu etiam, qui fastidis omnia sæpe conflictatus gravitate morbi, neque adduci potes, quæcunque ante oculos ciborum genera statuantur ad porrigendam manum in patinam, & ad cibum semel admo- uendum ori, tantum abest, aliquantulum ut appetas, vis gustum explere, sume, quæ Medicus præscripserit, & avidissimè incundissimeque vesceris. Sed ingressus fuisse videor in medicamentorum genera, & quod hominis parum prudentis est, omnia persequi velle dicendo. Quòd quoniam infinitum est, & planè temerarium propter multitudinem suam infinitam, iam censeo relinquendum. Quoties desperata valetudine vidistis homines, & iam iam animam exhalaturos: quot habitos pro mortuis, & comparari iam ad funus omnia: agi iam de vestitu mutando, de lugubribus & atris vestibus comparandis, de sepeliendo homine, & iam nihil prope reliquum esse, nisi ut ad funus conclametur, & unius boni virtutis Medici pristinæ valetudini redditos restitutosque videtis? Testis est, ut omne genus hominum omittam, una Hispalis, quæ pestilentia grassante confecta fuisset omnino, nisi bonorum adiuta fuisset medicorum remedijs præsentaneis. Sed quid corpori duntaxat consulere contendo Medicinam, cum morbos animi curret, & depellat insigniter, quo in celsiore loco laus illius posita debet esse. Quare si magnum est corpus liberari Medicorum auxilio crassis humoribus, multo magis erit animum liberum ac vacuum reddi perturbationibus, quibus oppressus

oppressus veritatem inuestigare non posset, neque consequi scientiarum arcana recondita. Vtequidem oculi rectè curari non possunt, nisi totum corpus præclarè constitutatur purgatione; sic equidem neque corpus valere, nisi bene sit affectus animus ad suum officium rectè fungendum, Medicorum Coryphæo testante Galeno. Quod cum Christianâ disciplina congruere videtur primo Adami statu fœlicissimo, & post illius defectionem turpissimam, altero in memoriam redactò. Quid fœlicius Adamo cum nondum arboris vitæ fructus attigisset? Quid infœlicius post teterrimi serpentis haustum venenum? continuè morbi, malorum agmina, perturbationes violentæ, labes animorum, non Adamum solùm, sed totam posteritatem inuasèrunt. Quamobrem Ægyptiorum sacra dignitate ornati, ita sacerdotij honore decorabantur, si medendi scientiam magnam habuissent. Ita quidem ad conseruandam iuuentutem castam & integram, ad indomitas libidines coercendas pharmaca præscribunt Medicinæ professores admodum apposita. Et his rebus interdicitur alijs hominibus, alijs vescendi facultas datur. Quot sunt herbæ salutares obseruata ad appetitum libidinis sedandum? quot vt perniciosæ prohibentur esæ, potusque mentem animumque perturbantes, & adeo iudicio constanti hominem rationemque spoliantes? Quæ si vera, si testata sunt ad animi lætitiæ cohibendam, ad frændas cupiditates, ad reprimendam iracundiam, ad alias perturbationes comprimendas remedia præclara satis & consentanea reperientur in Medicinâ. Quid quod ex vitijs sæpè contrahuntur morbi, & ad desperatam valetudinem homines perueniunt, atque adeo ad mortem frustra remedijs omnibus tentatis festinant celeriter? Medici ægrotos sui periculi admonent, admovent officij, quod facturi sunt, vt in gratiam cum Creatore suo redeant, vt expient animum per confessionem, & reliquis se sacramentis ad animi descessum è corpore, ad alteram vitam in quâ salus est, & gloria animorum sempiterna posita comparent atque præmuniant. Id quod homines boni faciunt libenter, & testamenta condunt, & animis diligentissimè sanctissimeque consulunt. Quod si non esset istud officium Medicinæ, cura quidem huiusmodi corporis conseruandi mortalium animos exulcit. nec ad animum diligentem & accuratius explorandum, & in amicitiam diuinam reducendum restituendumque. An verò tantæ curæ sit mortalibus corpus istud, quod cum brutis animantibus commune

nobis est, & animus contemneretur ad immortalis Dei similitudinem formatus tanto intervallo præstantior? vita huiusce sæculi tanti habebitur, repudiabiabitur immortalis Beatorum foelicitas? diuitiæ fluxæ perituraeque congruentur, æternæ & in perpetuum duraturæ non appetentur? ad relinquendos filios diuites & copiosos fiet statim testamentum, ad hæreditatem cœli comparandam negligentes & desides erunt mortales? corpus sepeliendum iubebitur honorificè, vermibus absumendum breuiter, animus non locupletabitur Sacramentorum diuitijs, vt beatorum splendore circumfusus sæculorum omnium immortalitatem consequatur? hæc cura profectò sollicitos habet & anxios id temporis homines præmonente Medico, virgente necessitate, illis prementibus admodum angustijs, vt rerum omnium humanarum obliiti, recordentur solum, quæ propria sunt, & peculiaria duntaxat animi, & ad immortalem sanctorum gloriam maximè pertinent. Quod autem Medici euaserunt sanctissimi, & omnibus virtutis numeris absoluti? quot post vitam in sanctorum numerum ascripti? quot partim in Confessorum, partim in Martyrum ordinem celsissimum relati fuerunt? Dies mediceret profectò, si vellem multitudinem infinitam oratione reliqua commemorare: sed vos recordamini Vrsinos, recordamini Cosmas, & Damianos, recordamini Eusebios, recordamini Panthaleonem in vita animi fortitudine præcellentem: Recordamini, (vt alios innumerabiles præteream) gloriam & decus maximum Euangelistarum, Virginis Mariæ studiosissimum Lucam: recordamini denique principem Sanctorum, filium Patris æterni, Medicum cœlestem atque diuinum, qui non herbis, sed verbo sæpissimè vno, non multis pharmacis, sed voluntate nuruque ægrotantes curauit, & multos à mortuis excitauit: & quantum opis & auxilij sit, ad vitiorum viam relinquendam & ad virtutem percipiendam colendamque in Medicinæ facultate cognoscetis. Cum vero iucunditas quærat, non aberit ista profectò à medendi facultate plena delectationis, plena voluptatis. Quantam afferet voluptatem videre oculis, mente inuestigare, iudicio consequi pulcritudinem & varietatem, & efficacitatem plantarum, herbarum & florum, quos tum diuturna periclitatione notariunt, & obseruarunt, ad suam artem exercendam cum vtilitate miranda Medici? Quid cum Medicus violas, quid cum rosas, cum lilia, cum radices tam multiplices ad Medicinæ exercitationem conferat,

ferat, tam multis perspectis & cognitis mirificis utilitatibus? Quid cum ille syderum vim obseruet? Lunæ varietatem tedeat? agnoscat temporum vicissitudines, & mirabilem corporis humani fabricam, illam venarum toto corpore diffusarum connectionem congruentiamque, e scarum transmissionem, & decoctionem singularem, quique omnis generis alit animantes, elaboratum & purum sanguinem, quanta voluptate perfundi necesse semper erit Medicum? Quod si quæstus maximi, si reddita ægrotanti salus, si hominis gloria consequuta, si dici scientissimum & optimum Medicum, si cunctorum digitis indicare, si mortalium celebrari sermonibus, si accersiri ad graues mortiferosque morbos, si ad locupletum, ad nobilium ædes, ad principum palatia vocari, si curante tam præcellenti Medico, vniuersam instare ciuitatem, ciues omnes viuere consideremus, quid hoc iucundius, quid voluptuosius esse potest? Mittamus sacram ecclesiamque disciplinam, ad quam nulla comparanda est, quæ scientiæ ad medendi laudem conferendæ sunt? Iurisperiti facultates hominum defendunt; Medici corpora mortalium curant & tuentur: Iurisperiti præsunt rebus publicis; Medici Præfectos & moderatores saluos & incolumes conseruant: Iurisperiti lites contentionesque dirimunt; Medici dissidentes valdeque perturbatas humani corporis partes constituunt: Iurisperiti pacem afferunt, mores componunt; Medici motus turbulentos & saluti contrarios sedant, & homines à vitijs proposita morbi grauitate deterrent: Iurisperiti in legibus, in decretis, in consuetudine seruanda versantur; Medici in diuersarum ægritudinum natura rationeque cognoscenda desudant: denique Iurisperiti iustitiæ seruandæ modum, Medici vitæ, humanæque valetudinis tuendæ præscriptiones tradunt. Sed demus abesse morbos, non febribus assidujs, non capitis, non lateris dolore confictari homines, saluos omnes & incolumes esse, hanc tamen tantam salutem & incolumitatem, quis tuebitur nisi Medicus? quis conseruabit, nisi suis Medicina remedijs? O præclaram medendi artem! O Medicinam omni laude celebrandam! O præclarum & singulare Medicorum munus! Quis obsecro nisi barbarus & impolitus, & prorsus nihil humanitatis habens, audebit quidquam de Medicorum facultate detrahere? At hominibus moriendi quidem necessitas imponitur, & ea lege nati sunt, vt serius, aut citius tandem occidant: Quid quod innumeris fortunæ telis exposita est humanæ vitæ ratio &

tio, & omnes tandem ad mortem gradibus suis tendimus: quod nationes multæ cum cognouissent, diem natalem lachrymis ac mœrore prosequiebantur, obitum cuiusque hominis, cantu & deliciarum omnium ac iucunditatum comite saltatione. Quid quod multi miseria & æremnas huiusce vitæ planè recognoscentes, aut mortem sibi consciuerunt, vel optarunt tandem aliquando ex his corporis compagibus solui? Quid denique, quod multi præstantia sanctimoniarum morbis admodum gausi fuerunt, sicut & D. Petrus cum posset B. Petronillam, quæ premebatur morbi gravitate, liberare noluit? Scimus B. Franciscam, non ante a sæculi vanitate traductum fuisse, quàm in morbum gravissimum incidit. Quid dicemus de Beatissimo Patriarcha Ignatio, Principe Societatis I. E. S. V., & Patente sanctissimo, qui iacens in lecto & graviter ægrotans ab eiusdem sæculi prauitate ad veram absolutamque consiliorum Christi Iesu rationem transijt? Quid ergo tantis laudibus Medicinam tollimus? multi equidem imo ferè omnes, quin in Deum immortalem scelera suscipiunt, integra profecto salute sunt, & nisi morborum gravitate confisterentur, suorum illos non pœnitet flagitiorum. Non nego mortem cuicunque hominum generi præfinitam esse: sed nullum in nostram salutem & vitam imperium habemus. Adde quod temporis præfinitum insciumus & ignari, & quoad Deo collatum fuerit, nostræ debemus incolumitati consulere: vitam innumeris videmus circumuentam periculis, quæ potuerimus diligenter vitemus, quæ vitari non possunt, patienter feramus. Paulus & alij melioris vitæ, scilicet cœlorum gloriæ consequendæ causâ, vitam hanc citò perituram amittere cupiebant, vel potius istius breuitatem, cum infinitâ cœlestis aulæ gloriâ, & Beatorum immortalitate commutare. Cum excedit aliquis vir, eximiâ sanctitate præditus, cur illi gaudium & lætitiâ maximam capere non liceat, quod miseris & periculis liberatus ad fœlicitatem Beatorum euolet sempiternam? At B. Petrus id fecit, quod fecisse dicis, quia filia suæ potissimum intererat id fieri. Sed non omnes ad eandem conditionem admittendi, ne morbis plus detrimenti capiant, quàm emolumenti. Non omnes æquè affecti sunt, nec patet viribus & animi robore præstantes ad labores, ad cruciatus omnes fortiter sustinendos. Quod si scelerati sæpè valent, illud est improborum, qui donis Dei singularibus ad nequitiam abutuntur. Tolle artes omnes, tolle mercaturâ, tolle Iurisperitiâ, tolle

tolle postremo quodcunque genus boni, quod Deus immortalis generi hominum imperiat: nam omnia scelerati in suum exitum & pestem ultimam conuertunt. At in rebus infimis & sordidissimis Medici plerumque versantur, quas fugie ac reformi at oratio dicere. Imò vero ob eam causam maiore laude dignissimi sunt, quod ut hominum temporibus seruiant, & omnes angores & solitudines detrahant, ut liberent illos cruciatibus corporis intolerandis, & morte singulis horis ac momentis imminente, sese adeo demittant, & abiciant. Sed cum id obiciat aduersarius, non illi venit in mentem sordium viarum, sterquilini, atque adeo sœtoris intoleranti locorum vrbis plurimorum, quos purgandos, & sordium cumulos tollendos exportandosque in solitudinem iubent moderatores rerum publicarum, Prætores ciuitatum & oppidorum florentissimorum, qui sæpe Comites, sæpe sunt Marchiones, sæpe Dynastæ præcellentissimi sunt. Atque cum istud obicis, cur non in viridariis, hortis amœnissimis, omni suauitate fragrantibus inambulare Medicos an maduerris, qui rosas, qui violas, qui lilia & flores reliquos præclaram habent artis suæ partem? Cur non cogitare voles aurum sibi subiectum, qui multa præscribunt medicamenta, auro pulchrè sparsa perfusaque? cur non illos tractare memineris lapides pretiosissimos, quos pertusos, vel minutatim concisos, medicamenta sua decernunt? cur non suauissimos odores, qui balsamum & omnem fragrantiam vnguentorum & conditionum suauissimam spirant? At illud etiam Medicorum inimicus in ore semper habet, occidi multos inscitiam prauitatemque Medicorum. Quasi verò artis maleficium sit non hominum, & culpa ægrotantium dum inscios Medicos accersunt. Atque in singulis artibus ac disciplinis sicut multi sunt, qui progressiones in studiis maximas fecerint, multi sunt etiam, qui flagitiosi per summum scelus ac nequitiam sine artibus & scientiis abutantur? An verò quia multi Iurisperiti contrarius & æquitatem patrociniæ causarum suscipiunt, quia decipiunt litigatores, quia lites produciunt, quia non legibus ac iure, sed suis commodis causas metuntur, qui dum sit, quod auferant, nihil æquum, iusque spectant, Iuri prudentia condemnabitur? Multi sunt imperiti, & inscij Iuris Cæsarei magna quidem ex parte: his oppone Bartolos, Iasones, Alexandros, & alios præcellentes & egregios Iurisperitos. Vide etiam ne dum damnas Medicinam damnes etiam sacram Theologiam, cuius quot doctrinæ ignaros &

nomine Theologos, reindoctos & imperitos inueniet? Vide ne deroges, huic cœlesti disciplinæ, cuius multi in Religionis perspiciendâ sua sacra dogmata contulerunt, & aded à nostrâ fide per summum scelus & perfidiâ deficientes Matrem sanctissimam Ecclesiam funesta e, & ad occasum, & interitum deducere conati sunt: sis ad veritatem & considera fructus & utilitates, dignitatem & præstantiam, voluptatem & iucunditatem, omnia denique Medicinæ ornamenta, tum Medicinæ profectû dabis, quod ignorantiam vel inuidiam, non arti solum, sed tuis alumniis detraxisti. Vos verò adulescentes, qui patriæ vultis prodesse, qui mortalium maximis utilitatibus delectamini, qui generis humani vitæ cupitis consulere, qui lethales morbos, qui pestilentiam, qui mortem sæpè exultantem in hominum funeribus ab omni ordine, genere & ætate prohibere vultis Medicinæ studiis operam date, & artis illius alumnos tantifacite quanti æquum est viros de hominum vniuerso genere benè meritos fieri. Quantum illorum dignitas & splendor postulat, considerate. Perpendite etiam quemadmodum multi viri illustres, Principes clarissimi, potentissimi Reges & Imperatores, & ipsi multi Romani Pontifices artem medendi non didicerunt solum, sed etiam exercuerunt. Cogitate quot Medici summâ sanctitate præditi, quot in sanctorum numerum ascripti, quot relati in Martyrum cœtum celsissimum: sic profectû Medicorum in Rempub. in genus humanum meritorum, & laudis fructus, qui nulla delecti valeant temporis vetustate præstantes, iucunditatem, gloriam nominis & felicitatem perpetuam ex superiore totâ an misque vestris comprehensa, lustrataque oratione consequemini, Dixi.

Oratio in laudem Iurisperitiæ.

Ex superioribus Orationis locis.

ANnus est iam; auditores optimi, cum orationem de Iurisperitiæ laudibus habendam, auidè nimium expectatis, & optimo quidem tantæ scientiæ merito maximoque. Nam cum anno præterito de Medicinâ dixerimus, quæ dicenda fuerant, consentaneum rationi videbatur, ut de Iurisperitiâ, quæ dignitate ascendit altius, & proximâ consequitur medendi facultatem, in hac anniuersaria studiorum instauratione

tionē toto Reipub. litterariæ theatro plaudente dicamus. Tam enim Iurisperiæ dignitatem, tam viles & præstantes eiusdem fructus, tam denique supra reliquas omnes artes & disciplinas (excipio semper sacram Theologiam) taciti nullo modo sine studiosorum vtriusque iuris alumnorum offensione præterire poterimus. Commendata enim tam excelsa fructuosaque facultate, non solum illius & alumnorum animos expletos, sed officium iustum ac debitum vniuersæ Reipubl. quæ tantæ scientiæ dono ac munere continetur, redditum à nobis persolutumque existimabo. Ergo & auditoribus tantæ facultatis, & academiæ nostræ, & hominum vniuerso generi, de tribus à me breuiter oratione superiore præmonstratis ornamentis cum dixerō vobis audientibus, & tacitam animorum attentionem præstantibus, cumulatè satisfecisse videbor. Atque illa sit prima pars, quæ non video, quomodo melius perspicui cognoscique valeat, quàm illius origine vetustissimâ, clarissimâque demonstratâ, quæ cum inuentum sit Dei immortalis, quid ad veram & solidam laudem præstantius excogitari potest, vel inueniri laudabilis? Ita quidem verum est, quod à me dicitur, & ex veteribus nulla luce veræ Religionis illustrati multi naturâ duce cognouerunt: Hinc enim Minos Rex Cretæ legum prudentiam & cognitionem à Ioue accepisse perhibetur, & Lycurgi leges quasi Apollinis oraculo latæ, quod Dæmonis familiaritate vteretur, ab Atheniensibus habitæ sunt. Atque cæteri, qui leges tulerunt, vt magni ab hominibus haberentur, & ratæ & inuiolatæ essent, in eos, qui tum maximè colebantur, Deos, inuentionem conrulerunt. Legimus Zoroastrum, quas Bactrianis, & Persis composuit in Horomazim, & Trismegistum; quas Ægyptiis constituit, in Mercurium, & Minoem, quas Cretensibus dedit, in patrem Iouem; Lycurgum, quas Lacedæmonibus; in Apollinem, Draconem, & Solonem; quas Atheniensibus sanxerunt, in Mineruam, Pompilium; quas Romanis imposuit, in Ægeriam, Zamolxim; quas Scithis dedit in Vesham retulisse. Atque profectò legum scribendarum munus semper delatum fuit ijs, qui religione, consilio, cæteris illius temporis hominibus præcellerent. Quoniam istorum hominum mentes diuinum nescio quem spiritum concipere viderentur, vt ipse Deus putaretur per hos sibi gratos, & acceptos hominum cuiusque generi suam diuinam voluntatem

declarasse. An verò fieri posse putatis, ut persuasum esset hominibus Poëtam quondam existere, aut concinnum & elegans poëma nisi diuini numinis afflatu concitatum facere potuisse, & rem tantiponderis æ momenti, tantæ simul dignitatis & excellentiæ præstitisse hominem diuinæ mentis instinctu carentem? Didicimus sacrarum litterarum monimentis docti, Moysen in monte Synai ab immortalī Deo accepisse leges tonitru & fulgure terrifico crebro suis oculis obueisante, & eundem diuinæ claritatis fulgore colucentem & ex vertice montis ac summo iugo descendentem, quas acceperat ferendas populo Iudæorum leges, quas piè sanctæque colerent in posterum, promulgasse. Sed quoniam non cum imperitiâ, & rudibus, sed cum doctis & sapientibus, non cum populo, sed cum flore sapientiæ, atque non in obscuro terrarum loco, sed in academiæ luce clarissimâ, in hoc orbis gentium augustissimo frequentissimoque senatu, sermonem habemus, non ad popularem sensum verbis solam, sed ad Doctorem sapientiam rationibus agentes orationem accommodemus. Quod enim de dignitate Iuris peritiæ dicimus, id quicquam non animaduertit nisi iustitiæ, quam sibi proponit, animaduerso sine singulari, sine qua nihil rectum, nihil ex vlla parte cum honestate coniunctum fieri potest. Etenim si iustitia à natura profecta est, atque ea est diuinæ mentis præcellentissima natura, sequitur, tum ipsum Ius appellandum esse Ius, cum iusta iubeat, prohibeatque contraria, quæ à diuina potissimum mente proficiscitur, rationemque in seuit legislatori ad legem ex Dei voluntate constituendam. Cuius rationis natura is non minus particeps est homo, quam terra graui aem, ignis leuitatem, stirps vigorem, atque bruta animantia suos habere sensus dicuntur. Atque ius ipsum iustitiæ partes absolutas habere non potest, nisi similitudinem cum diuina mente habeat, quod sine Deo dari profectò non potest. Itaque fabrica hæc elegantissima totius Mundi, quæ sub oculorum aspectum cadit, constructa est mirabili iustitiæ proportionem: ut quadam quasi concordia amicitia & caritate partes omnes se ipsas amplectantur atque deuinciant. Vides cælum, quod extremum & vltimum Mundi est, incitata celeritate conuerti, & illius vna conuersione dispares astrorum cursus conseruare: terram autem in media Mundi sede collocatam solidam & globosam, quasi radicibus suis harentem non moueri, quæ omnia diuinæ iustitiæ æquabili societate suas habent

habent sedes & loca tanto interuallo distantia, sed pro cuiusque natura admirabili vinculo congruentia, quæ legibus impositis ab immortali Deo parent: sine cuius imperio, neque hominum genus, neque aliarum rerum vis & natura, neque ipse quidem Mundus staret. Quamobrem, quod *διεικός* Græci dicunt, iustum Latini; *δικαιο* Plato dicendum affirmat: ut ipsa mens diuina, quæ potestate prædita infinitâ artificiosè vniuersa percurrit, penetretque visuâ, libera tamen ipsa & soluta, & ab omni concretionē mortali separata, omnia intelligens & mouens, atque attingens, ut sacræ literæ testantur, à fine vsq; eadē finem fortiter disponens quæ suauiter. Hinc Poetas Themis (quo nomine ius fasque significatur) modo Iouis, cuius illi nutu, atque potentiâ sola terrarum, domicilia cœli, gubernari sorgebant, modo Solis, qui omnia suæ lucis immensâ magnitudine claritateque collustrat, modo Cœli, ac Telluris filiam esse, consinxisse legimus, quod certis legibus iustitiæ, quæ ratæ immutabiles, & æternæ sunt, in omnes partes propè interminatam vniuersitatis infinitatem moderetur. Homeri etiam, quem Græci *μικροκόσμος* appellant, rationis particeps est, quæ veluti lege quadam imperante bona, prohibenteque mala, sensus & appetitus rationi contrarios & infestos coercet, atque reprimat, & ad diuinam & æternam legem rectâ salutarique viâ piè sancteque viuens admirabili celeritate festinat, & cum libero sit arbitrio prædita à diuinæ maiestatis imperio deficiens, nefarius cupiditatum lenociniis incitata ruit in præceps. Quare præclarè Platonis dictum ab antiquitate colebatur, quo negabat sapienti viro legem vllam esse, præter Deum, insipienti autem, vilissimo turpissimoque cupiditatum mancipio indomitam & effrenatam libidinem. Inde, Patres, facilè est decernere cuicumque mortalium omnis etiam erudi tionis experti & ignaro decreta tyrannorum, & ab omni iustitiæ particula alienissimorum minimè leges appellandas esse, quippè quæ iubent iniquum, religioni contrarium, & omnibus tantopere diuinis placitis aduersum. An verò leges appellem iniqua primis nascentis fidei temporibus publicata decreta Imperatorum, qui terra marique Christianum sanguinem sitiebant, & bonis & honore, vitaque spoliabant quemcunque, qui se non ad idolorum cultum impietatemque abiceret? An appellem leges etiam decreta Isabellæ nefaria in Fidei Christianæ cultores facta, & ad Religionis exitum, pestemque vltimam spectantia? Quod scilicet Chri-

stiani nolint remittere nuntium bonis moribus. Fidei sanctis-
 simæ? quod etiam pergunt profiteri conservareque sanctissi-
 mæ? quod recusent adire Ecclesias Hæreticorum, & illorum
 nefariis conciliabulis interesse? quod Matrem Ecclesiam Ro-
 manam fortiter constanterque tueantur, edictis passim exeun-
 tibus & manantibus in vulgus iniquissimis, ut vexentur & la-
 cerentur omni crudelitate? Non hæc leges, non leges inquam
 appellandæ sunt, sed pestes ac procellæ patriæ, interitus &
 cecusus Regnorum. Nam agite, si Medicus aliquis sceleratus
 & teter venenum ad interimendum hominem fecisset, hoc ne
 venenum diceretis medicinam & pharmacum salutare, cum
 haustum mortem afferret? Docet equidem iustitia veritatem,
 docet omne genus hominum virtutem, & ex omni parte æ-
 quabilitatem servandam, & in eos fasces solvendos, securim
 intendendam, qui nefaria scelera patriaverint; quod Ægyp-
 ti duplici simulachro facile testatum reliquerunt: fingeba-
 turenim Iustitia Virgo gravis ac severa, illa vultus, & oris
 dignitate, quæ tantæ Reginae maiestatem decebat, cum fas-
 cibus ligatis, intra quos securis horrida continebatur, cuius
 acies emineret summa, & in vna manu trutinam habebat, cum
 bilancibus in dexteram, & in sinistram, ponderum æquabili
 proportionelibratis: Iidem autem eam effingebant, cum gla-
 dio districto, & oculorum aciem sua fulgore perstringente,
 sceleratorum cervicibus mortem ultimam minitantem, ut à
 sceleribus abstinerent. At huiusmodi video passim ferri leges
 à Regibus, & constitui ad homines in officio continendos,
 quas continent Iurisc. nsultorum volumina, quæ cum disper-
 sa fuissent, ad brevitatem redegit Trebonianus. Imperatore
 Iustiniano iubente. Eas homines scripserunt? cedo igitur istud
 donum, & inuentum divinum? Non inofficias ire possum, Au-
 ditores, sed inter inuentum atque decretum interest multum:
 fuerunt leges munus Dei immortalis, inuentumque sanctis-
 simum, sed ab his, quæ per ætates omnes, & sæcula tam mul-
 ta prudentes homines sapientesque tulerunt decreta, legum
 autem appellata nomine, quod vim haberent auctoritatem-
 que legum. Id quod confirmavit Demosthenes Græcorum
 princeps oratorum: qui solitus fuit dicere obtemperandum
 esse legi, quia donum & inuentum esset Dei, prudentissimo-
 rum, sapientissimorumque decretum. Sed cum ad omne ge-
 nus hominum, ad humanam societatem tuendam leges, ac
 iura pertineant, cui credibile fiet legislatores diuino insti-

tuto ad commodandum rebus publicis, excogitandis, scribendisque legibus carere, cum nulla ciuitas, neque Respub. quæ diuina fide auctoritateque nudata sit, permanere diu possit? Atque cum fundamentum legis statuendæ iustitia sit diuina, quæ finis & scopus cum non proponatur legum ferendarum, leges non erunt appellandæ. Cum vni solum familiæ domuiue dominus consulere vult, nihil vtile neque præcipuum constituere se posse credit sanâ mente præditus, nisi Deus immortalis opem tulerit, & ab illo, qui vniuersè, qui specia-
 zim omnibus consulit, primordia cœperit rerum gerendarum. Atque etiam legislatores nisi Dei mente concitati leges minime ferunt ad utilitatem, & commodum communis spectantes. Sint Prætores, moderatores urbibus præficiantur & excubent & vigilent ad Reipublic. bonum: de me opem diuinam, Dei consilium & auxilium cæleste, tradentur ciues in seruitutem miseram, diripientur ædes, sacra polluentur, reliqua ferro flammisque vastabuntur. Ita leges muri sunt, & mœnia ciuitatis, si a Deo profluxerint & in Dei conferantur obsequium utilitatemque publicam. Quod Plato sua mente comprehendit optimè, cum ira de suo officio monebat legislatores, ut nunquam ad legem scribendam ferendamque animum appellerent, nisi Apollinis oraculum adiissent prius, & quod scriptum optimum esset, accepissent. Deus enim, Deus, qui rerum diuinarum & humanarum principium, medium, & finis est: legum est auctor & princeps cunctarum. Qui nisi in hominum animis inleuisset leges has, & principibus, & acri intelligentiâ præditis non hanc mentem dedisset, ut homines initio nascentis Mundi in syluis & agris dispersos ac dissipatos more ferarum ad ciuilem vitæ rationem cultumque traduxisset, & nos feritate fuissetus adhuc & diritate naturæ, tam Leonum, quam Tygrium, quam belluarum immanissimarum similes. Donum igitur, & Dei immortalis inuentum fuisse leges ipsas constat inter omnes, his, quas audistis, optimis illustrissimisque de causis. Atque hæc sit prima nostræ orationis pars, in iuris & legum honestate versans, à qua datur ad secundam in utilitate positam introitus. Atque ita de utilitate dicam, ut gradibus maiora semper & altiora proponam. Illa autem vident omnes, quæ in promptu sunt, iuris scientiam versari in antiquitatis effigie exprimendâ, in verborum vetustate declarandâ, in regendis ciuitatibus, in æquitate, iustitiâque seruandâ, in cunctarum gentium moribus

componendis. Quid quod vitia hominum & audaciam coer-
cet, damnis, ignominiiis, vinculis, verberibus, exiliis, morte,
cùm opus est, mulctat? Qua scientia quid excogitari potest ad
continendum populum vehementius, ad pestem auertendam
salutarius, & ad statum Reipub. conseruandam securius, & ad
illum maioribus in dies incrementis amplificandum præcla-
rius? intemperantem reprimit, frugi & bonum virum tuctur,
obuiam it sceleratis, virtutis amantibus fauet, eiicit è Repub.
tyrannos, retinet conseruatores patriæ; nihil respicit potentes,
humiles & imbecilles defendit: tollit de medio seditiosos &
turbulentos, ciues omnes coniungit mirifica voluntatum con-
sensione: denique id negotij denandatum sibi videns, vt vi-
tia scilicet extirpet, mores optimos conseruet, ita suas partes
agit, vt nunquam neque cuiusdam gratiæ, neque potentiz
cedat, neque misericordia, neque inuidia, neque amore, neque
odio commoueatur, sed semper rectè & incorruptè iudicet &
cum leges seruandas proponat, præ ipse semper iuuando di-
uinatque sempiternam legem, quæ Deus est immortalis, con-
sulat. Inde Præfecturæ ciuitatum, inde Prælaturæ maximæ, in-
de sedes Conciliorum Regionum honorificæ, inde odo Cen-
sorum sacræ fidei, inde Regia consilia celsissima, inde Ponti-
fices diuersarum Ecclesiarum, inde postremò summus Eccle-
siæ Romanæ Pontificatus: qui profectò gradus honorum à
me nominati sub Iurisperitissimis, sanctissimisque Pontifici-
bus non rarò floruerunt, sæpeque dominati fuerunt in orbe
terrarum. Hinc leges à veteribus Ægyptiis coronis significa-
tæ fuerunt, quæ quemadmodum ex herbis, ex floribus, mira
pulchritudine varietateque præditis, & odoris iucundissima
suauitate fragrantibus constituuntur, & religatæ sunt, arctissi-
meque constrictæ, caput semper præcipuam humani corporis
partem sua venustate decorantes: ita quidem cùm imperium,
quod in multitudinem Iurisperiti tenent, apertè præferunt, cum
vim singularem, quæ prædite sunt ad deuinciendos & constrin-
gendos homines, vt ab alienis oculos, mentesque abstineant,
nemini iniuriam faciant, non latrocinentur, non prædentur,
non homicidia, non parricidia admittant, non postremò scele-
ra audacter committant, & insolenter, quibus flagitiis & malis
intolerandis, nisi leges & iura fuissent, terrarum sola redunda-
rent. Quæ etiam de causa sæpius horrificæ nomine leges adum-
brantur, quæ vallo quasi quodam aculeis grauiter pungen-
tibus & exulcerantibus, vineam à belluarum immanitate, à fur-

rum audaciâ & ingressu saluam & incolumem conseruat, quòd in muris etiam cernere licet ad ciuitatem ab hostium impetu tuendam. Bone Deus, quanta fragilitas est in ciuibus! At quando longè abest intemperantia, quemadmodum relegantur scelerata, virtutes egregiè coluntur, nullæ sunt turbæ nullæ seditiones, summa pax & tranquillitas vbique cernitur, deletur tyrannis, construitur libertas; denique ne plura persequar, quod esset infinitum, iniquitas abest, omnis iustitia solum impetum, dominationemque tenet, solâ fascium obiectâ specie, bilancæque politicæ in iudiciorum claro lumine, vno semper districto gladio, & cum necessarium est, & leges ac iura præcipiunt, in pectus sceleratorum mucronem infigens. Quid agunt improbi, quanto pere tremunt, & totis artubus atque membris contremiscunt, cum illum pulsari vident, & virgis cædi tanto cum dedecore & ignominiâ? cernunt alium in exilium mitti, grandi pecuniâ mulctari, alium in culeum insutum cum Gallo Galinaceo, felle, & simia deiici in flumen, alium, vt alias pœnas taceam, in crucem tolli, vel si nobilis fuerit, iugulari. Non audent improbi commouere sese, pœna semper ante oculos, & iustitiæ seueritate constituta, quam non frustrâ nobis duplici simulachro, quo de superiùs, veteres expressam reliquerunt, trutinæ scilicet & gladij. Quare minimum est illud, quod leges faciunt, quanquam magna semper meritò prudentissimus quisque ducat, importari iubere ea, quibus ciuitates indigant, & ea, quibus abundant, exportari, precia cibus omnibus, & fructibus, & rebus cunctis venalibus imponi, aquam in urbem deduci, curari, ac refici parietum, fornicum, ædificiorum vitia, componi formulas exactionum, quæ ad animi partes benè constituendas & perficiendas, & ad summam amplitudinem studiosè accurateque perducendas pertinent, ea summo studio diligentiaque præstari. Quamobrem in hominum animis impressum sit istud & infideat, quod nullo modo adimi potest, nisi per scelus & perfidiam maximam, legum inuento præclarissimo à iustitiæ, in qua versatur, munere absoluto perfectoque, iustos viros & omni sanctitate præcellentes appellatos fuisse. A iustitiæ laude fuit appellatus Zacharias, & Elisabeth illius vxor sanctissima commendata, dum vterque iustorum cognomenta retulit. Eadem laude fuit affectus Protomartyr inuictissimus Stephanus tanta sanctitatis opinione celebratus. Eodem honore decoratus fuit B. Iosephus, qui propter suas eximias & admirabiles virtutes, cum Virgi-

ne integerrimâ Mariâ Assertoris Iesu parente dignissimâ nuptiarum celebritate coniunctus, omnium, qui fuerunt, virorum sanctissimorum gloriæ præpositus, & tantæ Reginæ Beatorum spirituum consequutus est societatem. Sed quid horum, & aliorum clarissimorum nostræ Religionis Heroum testimonijs nitor, cum ipse princeps & auctor sanctitatis, & iustitiæ laude idem cognomentum obtinuerit cœ' este. Nam quamquam ipse summa fuerit sanctimonia, & omnium virtutum pelagus infinitum, illæ tamen ad duplicem potissimum classem reuocantur, misericordiæ, vt ab hominibus amari queat, & iustitiæ, vt metui, tantæ virtutis cognita, perspectaque sedentate: qua cum res nullæ, quæ rectè dici debeant, & virtutis nomen adipisci, vacare possint, Poetæ fixerunt propter Iustitiam, Rhadamantum, Æacum, Minoem, inexorabiles apud inferorum sedes constitutos esse, qui ex iustitiæ legibus, pensatis mortuorum causis pœnas iustas ac debitas in sceleratos statuerunt. Hæc igitur in inferorum sedibus vim habet maximam, impios & nefarios gravissimis suppliciorum generibus sine intermissione torquens. Eiusdem iustitiæ seueritatem subiit Adamus propter defectionem à Creatore Deo suo sceleratam, paradisi sedibus eiectus in hanc terram vastam & incultam. Eiusdem potestatem & gladium acerrimum expertus fuit Lucifer, propter honores sibi diuinos insolenter arreptos præceps actus in inferorum regiones obscurissimas. Quid ergo vtilius & magis necessarium ad Reipub. partes constituendas, ad homines in officio continendos, ad humani generis societatem conseruandam legibus in iustitiæ absolute tuendâ versantibus? At dicēs plus sibi sumere Iurisconsultum, quàm leges tribuant, quæ duodecim tabularum finibus contentæ, non progrediebantur longius, atque has tabellas ex Græcia delatas, vnde ius istud civile profluxit & emanauit, quo nunc gubernantur nationes & Regna terrarum vniuersa. Non id nego, sed iuris nomine comprehendendi, quis neget, humanum, naturale, diuinum? Atque humanum si ius appellandum erit, ad diuini naturalisque regulam sanctitatemque referri necesse erit, sine quo, nec leges, nec ius vllum legis, aut iuris nomen vlla ratione deferre poterit. Urgebit etiam inimicus iuris ciuilis, formulis illis adeundæ, cernendæve hæreditatis captiosas & fallaces esse, vt si verbo caderet, qui relictus fuerat hæres, amitteret hæreditatem. Sed quis est tam ignarus legum, qui cap-

iustissimum illud hæreditatis genus non proflis ablatum
 acceperit Imperatorum rescriptis? Illud verò magis obijce-
 ret aduersarius, quod cum opponat, infans esse videbitur, &
 multarum ignarus prauitatum, quæ cum committuntur,
 legibus vindicantur grauissimè. Urget enim ac premit sci-
 entiam hanc periculis infestam, laqueis implicatam, & fo-
 ueis multis passim obuijs formidandam, hominem præcipitem
 agentem in exitium & perniciem suam. Quasi laqueos &
 pericula tenderet Iurisperitia ad perdendos, delendosque ho-
 mines, quos saluos & florentes, & patriæ Religionique con-
 sultantes reddere contendit ac pergit suis placitis & legibus
 sanctissimis. Quasi mortem velit adsciscere, quæ vitam &
 salutem conseruat: quasi concitare aueat discordias, quæ pa-
 cem conciliat & affert rebus publicis: quasi vitia gignat & con-
 trahat, quæ virtutes amat, parit & tuetur. Quid ergo istud est,
 quod tantopere contendit in Iurisperitiam inimicus? Qui
 magnos in Iurisprudencia progressus habent, illi quidem
 hoc sunt artificio summo consequuti, vt quidquid velint,
 legibus ad libidinem suam decreum esse contendant, & in
 quancumque se partem conferant, pro se omnia iura facere
 ostendant. Itaque non tam in eo operam ponunt, vt bonum
 & æquum tantum in iuris ciuilibus explicatione spectent, quod
 quidem in promptu est, & facile cognitione comprehenditur,
 sed id agunt, & moliuntur, vt rebus clarissimis tenebras offun-
 dant, vt ipsi in maiore honore sint, si visi fuerint, in arte dif-
 ficilissimâ versati, & facilius possint, ostentatione disciplinæ
 subnixi hominibus imperitis illudere, & ad emolumen-
 tum & quæstum omnia iura reuocare. Qua specie fallaciæ,
 quæ posita & firmiter constituta erant, cum lubet, reuellunt,
 quæ verò erant sublata reponunt, quæ contexerant, rete-
 xunt, & vim rebus optimè cogitatis & sanctis intendunt,
 inuertunt, & immutant, fraudes & insidias concinnant,
 atque nimia plerumque subtilitate perficiunt, vt quod ius-
 tum & pium est, iniustum & nefarium esse videatur: &
 quod nefarium & impium est, debitum & pium officium
 existimetur. Huic ergo homini P. G. paucissimis respondebo:
 non si fuerint iuris ciuilibus alumni aliquot quæstus auidi, auaritia
 cæcati, si cupiditate, si perturbatione, si libidine ferantur con-
 tinuò ius ciuile in crimen esse vocandû. Illi sunt fallaces, & liti-
 giosi; ius ciuile pacis & concordie amans; illi iuris & æquabili-
 tatis

ratis inimici; ius civile nihil omnino magis præponere mortalibus vult, quam amicitiam sanctamque societatem: illi fraudes & fallacias machinantur; ius civile veritatem, & sanctitatem constituit: illi facultatis virtute abutuntur suo scelere & prauitate; Ius civile, quod rectum est, quod iustum est, statuit atque decernit. Itaque hæc non iuris, sed hominum sceleratorum, qui in tanta multitudine, si sunt aliqui, nec mihi mirum videri debet, accidebat peruersitate vident veritatis amantes. Tolle igitur Medicinam, tolle Dialecticam, tolle de medio sacram Theologiam, tolle etiam sacramenta Christianæ Religionis, multis his artibus & disciplinis, atque ad eod sacramentorum Religione abusi fuerunt ad suam perniciem & exitium vltimum. Quicunque leges, ut scriptæ sunt, sequeretur, is profectò semper in iustitiæ laude, perfecta que ab absolute versaretur. Lex enim nihil aliud est, nisi recta & à numine diuino tracta ratio, imperans iusta, prohibensque iniqua, vitiorum emendatrix, commendatrix virtutum, bene viuendi magistra; cuius auctoritate natusque docemur domitas habere libidines, coercere omnes cupiditates, ab alienis cogitationem & manus abstinere. Nihil nisi salutem & utilitatem Reipublicæ proponit; nihil nisi quod ad ius, quod ad conditionem naturæ ad mentem diuinam accedat, constituit, sine qua nec domus vlla, nec ciuitas, nec gens, nec hominum vniuersum genus, nec rerum natura omnis, neque ipse Mundus, in quo omnia sunt arctissima societas deuincta stare potest. Nihil ergo nec vtilius, nec præstantius legibus excogitabitur nec reperietur vquam. Quamobrem, ut ad vltimam orationis partem accedam, cedant legibus omnes artes atque disciplinae, exceptæ celestis, sacraque Theologia. Cedat imprimis ars militaris: Nam si bellum pacis habendæ causâ comparatur, & hostibus infertur, ut iucundam tranquillamque vitam agamus, quis studio militari ut imprudentiam potiore non existimabit, quæ facit, ut nec ferro armisque disceptemus, quod proprium est belluarum, nec salutem & vitam, nec opes Regnorum & potentiam in turbulentissimas bellorum tempestates conijciamus? Quam etiam, cum melius cum victoribus actum est, Respublica multa amittit præsidia stabilitatis, & ornamenta pacis, tum etiam non omni tempore militibus, & ducibus indigemus, ut leges semper sunt, & iura necessaria. Atque utinam, Auditores, bella nunquam inducta fuissent hominum ferocitate, non toties bona Ciuitatum diripi, tot prædia vastari, tot exagii fieri prædas,

prædas, tot urbium testa eueriti, tot inflammari Ciuitates, non multitudinem tantam vexari, non tantum humani sanguinis profundi, non denique tot Regna capi, & in miseram adduci seruitutem audissemus. In bello corporis vires exercentur, in prudentia, quam leges ostendunt, honestas animi residet. In bello latera neruique ostentantur; Iustitia custos humanæ societatis fortitudinis corporis præstantior est. Imperia dilatantur armis; legibus eadem & moderatorum consilio conseruantur. In quo non minorem virtutem viri præstantissimi posuerunt, cum præsertim diuturnitate temporis non minus imperij fines amplificentur legum seruandatum adhibito studio, diligentiaque. Quid Athenas, quid Carthaginem, quid alia bellis excisa Regna commemorem? frustra toris sunt arma, nisi intus sit Iurisprudentia. Quis Solonis consilium, quis leges & disciplinam Numæ, non Romuli & aliorum Regum bellicis furoribus anteponet? quis non præferet Cæsari Catonem? Illius arma familiarum oecalus plurimarum, & Respub. interitum attulerunt; Catonis consilium, si Romani aures salutariibus monitis præbuissemus, Imperij Romani vires cum amplificatione sua conseruasset. Imperatores plurimi ad Reipub. gubernacula sederunt: verum id, sed non corporis, sed consilij viribus Respub. gubernarunt. Reges etiam fruendæ iustitiæ, non belli gerendi causa creati fuerunt primis nascentis mundi cunabulis. Quid? ut bella iustè inducantur, ut gerantur etiam, nulla scientia nisi Ciuilis decernit. An verò tam rudes erimus & ignari, ut non fabulis Poetarum moneamur præstantiam ciuilem, quamquam stulti & vecordes essemus, dum Neptuno, qui equum è terra dicitur excitasse, adimitur prouincia nomen. Athenis imponendi, Mineræ verò demandatur munifica consensio? Atque Minerva ciuilis sapientiæ Dea fuit prædicata quondam ex Iouis orta cerebro. Quare Homerus ad ius exercendum, dono ac munere diuino Reges creatos esse dicebat. Salomon verò sine controuersa iustitiam fortitudini præponit. Sed iam Medicinam cum Iurisperitia comparemus, & Iurisperitos Medicis præferamus. Medicina cōseruat valetudinem, aut amissam recuperat; Iurisprudētia ius suū unicuique tribuēs facit, ut sine perturbationibus in pace viuamus. Illa herbas & Radices varias & multiplices, hæc virtutes moresque integerrimos ostendit: illa corporis morbos, hæc animi ægrotudines depellit; illa tuendæ valetudinis, hæc viuendi Magistra & princeps est. Tanto autem præstat animi sanitatem, quàm corporis val-

his valetudinem tueri, quanto corpore præstantior est animus, qui proprius ad immortalis Dei similitudinem accedit; corpus autem commune nobis est cum brutis animantibus. Nisi fortasse velimus obliuisci dictum singulare sapientis, satius esse mori, quam hominem turpiter viuere. At Rhetor contendit sibi primas deberi, nec legalem scientiam suis flosculis ac luminibus præferendam esse. Clamabit iniuriam sibi fieri, qui tenuerit rerum gubernacula publicarum, & in Regia dignitate positus Orbi terrarum cum honore summo ac maiestate imperauerit. Sed obsecro quibus adiumentis? legibus scilicet: eo inquam iure, quo Reges omnes Imperiorum gubernacula tractarunt. Remittat igitur flosculos suos, faciat missa pigmenta Orationis, meminerit Iustitiæ, quam ex Iure Ciuili seruandam cognouerit, suadens bonas, & dissuadens contrarias & perniciosas Reipub. leges, quas Gracchi furore perciti ad patriæ perniciem excogitarunt. In quo gratia agenda est & habenda Ciceroni: qui in Gracchos pestes & turbines patriæ inuectus, à pestiferis legibus accipiendis populum deterruit orationis summa contentione. Sed iam præferamus Philosophiæ, Astrologiæ, Arithmeticiæ alumnos, quos omnes facile Iurisperitiæ posthabendos putabit doctissimus quisque, si consideret; & quantum inter inuestigationem, quæ propria est suarum artium & facultatum, & inter actionem, ad cuius studium Iuris scientia potissimum incumbit, & in agendo semper versatur hominum generi vniuersè, spectatiuique consulens intersit, prudenter animaduertat. Quare sit in honore summo cognitio legum, ac scientia, nihilque in ciuitate tam diligenter retineatur, & in omnibus Rebus publicis, quàm ius ciuile, quo sublato nihil est, quare exploratum cuiquam possit esse, quid suum, aut quid alienum sit, quibus rebus commodet Reipub. promoueat virtutem: sine quo veritatis germanæque Iustitiæ solidam & expressam imaginem tenebimus nunquam, quo absente vmbra & imaginibus vtimur, gratia, potentia, pecunia, vis, scelera, flagitia dominabuntur contempta veritate, dignitate, integritate, virtutibus, & bonis moribus. Quibus ornamentis per Iuris scientiam in Republ. bene morata beneque constituta florentibus vitiorum omnium exhausta sentina pestilenti, illud vnum videri necessarium est, vt foelix & fortunatus Reipubl. status ad Beatorum foelicitatem facile consequendam bono tantæ scientiæ ab immortali Deo diuinitus tributæ, maxima in dies bonis principibus incrementa

menta capiat. Quæ ut capiantur vobis Iurisperitis tantæ Academicæ iudicibus & moderatoribus, date operam Præceptores, ut sic instituatis adolescentes, & legibus & iure ciuili imbuatis, ut cum legibus virtutem, honestatem, & iustitiam percipiant, ut ex Academia, tanquam ex equo Troiano prodeant, qui consilij, qui Rebuspub. qui Regnis præsideant, & habeant rerum cunctarum imperium, cœlestibus omnia diuinæ iustitiæ facibus illustrent tanquam legum donis ac muneribus absoluta semper integritate fungentes. Dixi.

Oratio in laudem sacra Theologia.

Ex superiorum Orationum Argumentis.

Reliquimus in vltimum locum, Auditores optimi, sacra Theologiæ laudes hodierno die ex hac loci celebritate commendandas, & ea quidem, quam scitis omnes & prædicare potuistis, notissima iustissimaque de causa. Nam administrationum auctoritate dignitateque perspecta, facile quidem est cuiusunque de cunctarum artium Dominæ Reginæque potentissimæ splendore conijcere, tot præsertim scientiarum & disciplinarum maximarum vtilitatibus, & ornamentis superiorum orationum laude celebratis. In quo enim honore & æstimatione apud omnes debeat esse sacra Theologia, si non illius nomen ostenderet, tamen obseruantia singularis, & tantus honos Principi scientiarum & doctrinarum altissimarum summa semper demissione tributus ante omnium oculos statueret. Regibus enim prodeuntibus in publicum, & in aliquem locum progredientibus, aulici splendoris spectanda visendaque pompa, ex comitatu præcipue maiestatis illarum præpotens & excelsa cognoscitur. Quamobrem dum illius dignitatem & commoda maxima, præ cunctis disciplinis principatum suo iure quidem optimo delatum ostendo, solita me quæso animorum beneuolentia ex hoc loco dicentem attendite. Quoniam autem dignitatis & vtilitatis ornamenta maxima celebres & claras reddunt artes & disciplinas omnes, nõ arbitror ignorare quemquam vestrũ primordia sacra Theologiæ, cuius Princeps & auctor ille quidem est, quæ sibi scopum & finem præcipue suæ dignitatis maximæ spectandũ proponit eadem

eadem sacra cœlestisque doctrina, summus ipse præpotensque Deus; Quæ eadem semper fuit, tanti nummis celsitatem infinitam exprimens ante huiusce mundi fabricam elegantissimam, & hominis, qui præfuturus erat tantæ rerum vniuersitati, creatam excellentiam; quæ magis & clarius, quam cæteræ quæcunque res, iucrementum suum accepit, & absolutam perfectionem, ad genus hominum in pristinam dignitatem restituendam, in terrarum sola misso Duce, auctoreque suo præceptore maximo Christo Iesu. Itaque Filius Patri æterni præceptor fuit & perfectior istius sacræ diuinæque Disciplinæ: de cuius maiestate, de ipsius Christi Iesu naturæ diuinæ humanæque participis celsitate, nulla est cœlestis cuiuscunque spiritus eloquentia, quæ minimam vtriusque dignitatis partem possit adumbrare dicendo. Quis enim excelsam illam præcellentemque naturam non admiretur? admirans non collat atque inspiciat propter suam magnitudinem immensitatemque infinitam, qua nihil beatius, nihil bonis omnibus affluentiùs cogitari potest? Sua semper potentia & virtute gaudet, neque cuiusquam indiget ope, non eget hominum, neque cœlestium spirituum comitatu ad suam absolutam perfectamque felicitatem explendam, principio & fine carens, cum fuerit semper, habet etiã exploratum fore se semper tum in maximis, tum in æternis voluptatibus: Cuius tanta est, tamque nullis finibus terminata potentia, ut mundum hunc ad vñs hominum & ad delicias valde spectabilem curauerit, nullis fabris, nullis instrumentis, nullis machinationibus, sed suæ potentie robore magnitudineque infinita: Cuius potentia nullis limitibus circumscripta, vsque eo progredi potest, ut quemadmodum hunc, qui sub oculorum aspectum cadit, bonis innumerabilibus expletum, omnium pulcherrimum, quæ in rerum natura fingi possent, & quod ex omni parte absolutissimum esset, suæ forma, rotunditateque mirabili simulachrum quasi quoddam aspectabile, in quo omnia animantia continerentur, procreauerit, ita idem innumerabiles alios, & pulchritudine, & rerum vbertate præstantiores, si collibitum sibi fuisset, mundos procreare potuisset Christus autem Iesus natura diuina & humana præditus, splendor, & Imago Patris æterni, missus à tanto Domino ad instaurandam generis humani ruinam, cum natura diuina Patri sit æqualis, & omni genere diuinorum ornamentorum par, tum humana pensata natura cunctis diuinis mentibus, & cœlestibus cuiuscunque ordinis

de cætus beatorum virtutis consummata sanctitate præcel-
luit; Is sanctitatis præceptor, dux vitæ ad cælorum gloriam
tendentis datus est generi mortalium ad veterem gloriam di-
gnitatemque recuperandam. Ex quo liquido satis constare
poteſt, quantum dignitate niteat sacra Theologia propter
summam auctoris & cœlestem dignitatem, & à cæteris at-
tium & disciplinarum inuentoribus quàm longo intervallo di-
ſtet, quarum multæ cum antiquitatem & originem suam à
diſciplis fictis & commentitijs tractam ostenderint, magnum
quidquam & eximiâ laude dignum obtinuisse videntur. Quas
cum à fabulis, à rebus inanimissimis, à mendacijs trahere origi-
nem multi laudatores ostendant, vt Poetæ Orpheum & Am-
phionæ, Medici Apollinem & Æsculapium, Rhetores Mer-
curium, & alij alios Deos fallaces & fraudulentos iactare non
verecundentur, quantum hæc laus habeat inanitat s & turpi-
tudinis, his doctoribus & principibus, facile res ipsa per ſe te-
ſtatur. Quod si vates illos diuinos rerum cœlestium ſcientiæ
imbutos, ab eodem Domino diuinitus institutos cœlesti ran-
ti dūminis afflatu, Regesque illos quondam clarissimos eadem
ſcientiæ magnitudine, & æternæ cognitionis radijs illustra-
tos Iſaiam, Hieremiam, Ezechielem, Dauidem, Salomonem,
& reliquos tanta nominis celebritate præſtantes, & ſacris li-
terarum monumentis commendatos adiungamus, vt iſtorum
splendorem infinitis gradibus obſcurat immortalis Dei, &
Chriſti Ieſu ſempiterna claritas; ſic ad eorum ſapientiam di-
uino munere conſeſſam, & prædictionis ſplendore claram,
cuius obſecro noſtrorum hominum, qui nunc ſunt, & antea
fuerunt, accedit vnquam ſapientiæ comparata magnitudo?
His proximè accedant tot ſanctiſſimi Patres, tot ſacri Eccleſiæ
Doctores Auguſtini, Gregorij, Ambroſij, Chryſoſtomi, Hier-
onymi, Baſilij, Thomæ, Bonauenturæ ſummam in Eccleſia
Doctorum dignitatem conſequuti, & in ſanctorum etiam
Doctorum ordinem euecti, cœleſtis aulae præter alios innume-
rabiles inquilini, quorum de ſcriptis cum agitur, & fructus Re-
ligioni videntur allati, cernitur ſacrae Theologiæ incrementū,
& amplificatio præ reliquis ſcientijs & diſciplinis maxima,
qua tot Theologorum cætus, toto terrarum orbe ſparſi, & in
academijs conſeſſum Doctorum ſapientiſſimorum clariſſi-
mo ſuo ſplendore illustrantes, & in Eccleſijs ſacerdotijs am-
pliſſimis fungentes, reliquarum alumnos doctrinarum ſupe-
rant mirandum in modum. Hac tot Canonici, hac tot collegæ

sapientissimi, hac tot diuersarum nostræ Religionis sacrarum familiarum milites insignes, hac viri præcellentissimi honoribus in Ecclesia sacris fulgentes, hac Præfecti ferè omnes Ecclesiarum, hac tot Pontifices, & Patriarchæ, hac postremo tot Patres Purpurati, & omnes ferè Romani Pontifices, Theologiæ scientiâ præditi quandam ostendunt diuinæ Theologiæ dignitatem. Et quamquam Iuris Pontificij Doctores Pontificum scientia præstantes tribunal quodcunque, Præfecturas, Præturas omnes, & Regum consilia, summo cum honore, & imperio terrarum obtinentes laicorum res & negotia, & statum propè vrbis suis humeris sustentantes iuris facultati tantam lucem afferant; tamen quis est tam parum peritus litterarum, qui filiam sacræ Theologiæ scientiam Iuris Pontificij esse non cognouerit, & ab illa procreatam & altam, & in tam amplissimam dignitatem euectam, decretis suis è Theologiæ cœlesti doctrina depromptis, Romanorumque Pontificum auctoritate sancitis? Quod si ad diuinæ Theologiæ gloriam consideretur Pontificum dignitas, & Romanorum præcipuè potestas & splendor, ad quorum pedes Principes terrarum potentissimi, Reges clarissimi, & Imperatores inuictissimi adijciunt ac prosternunt sese, tantam maiestatem & sanctitatem, personam Christi Iesu potestatemque sustinentes considerantibus alumni & cultoribus nostræ fidei, nihil sacra Theologia occurrere poterit clarius, aut excogitari sublimius. Omnia planè sacra Theologiæ scientia, omnia tantæ doctrinæ monumentis geruntur & administrantur in orbe terrarum, siue Ecclesiæ, siue laicorum ordinis cuiuscunque statum, quo vtroque totius orbis administratio continetur, attenta cogitatione perpendimus. Quæ verius patebunt & illustrabuntur, cum intulerimus mentes & cogitationes in sacrarum litterarum doctrinam à Christo Iesu petitam, postea traditam ab Apostolis, quæ sunt certissima diuinæ voluntatis oracula, in sacrosanctæ Ecclesiæ Romanæ dignitatem, in conciliorum præsertim generalium auctoritatem, in quibus præcipuè floret & dominatur Ecclesiæ sanctissimæ Catholicæque ius & imperium summum, in Doctorum sanctorum gravitatem, in testimonia clarissimorum Theologorum, in rationes accuratas & exquisitas, atque in lura postremo & responsa Pontificum Romanorum, quæ à cœlesti hac disciplina profecta fuerunt, quorum cumulo ornamentorum splendere cernitur, splendebitque semper diuinæ Theologiæ

giæ gloriosa semper venerandaque maiestas. Sed iam ad vtilitatem tantæ doctrinæ nostram orationem conuertamus: cuius commodis & emolumentis innumerabilibus, vereor ne nostræ exiguæ orationis nauicula hoc in mari vastissimo quasi fluctibus obruatur ingentibus, cuius partis magnitudinem iustitiam ab ipsius Dei cunctis mortalibus per Theologiam allata perfectâ, consummataque cognitione. Quam cum partim hominibus, natura duce, tantus Dominus patefecerit, præcipue tamen perfectam à Christo Iesu Theologiæ cognitionem datam didicimus, & accepimus. Cum enim quis esset Deus, & quod tantæ maiestatis numen potentissimum homines non agnoscerent, in profunda rerum caligine versabantur, & Deos ac Deas innumerabiles Idololatriæ superstitionibus, & erroribus nefarijs implicati venerabantur, & eos summo studio ac religione, amentes & cæci, & in exitium ac perniciem animorum ruentes colebant. Hinc tanta Idolorum multitudo, infinitusque Deorum ac Dearum numerus, Apollo, Mars, Mercurius, Æsculapius, Venus, Diana, Minerva, cæterique Dij Deæque diuinis honoribus afficiebantur, præcipue tamen Iupiter, ac Iuno: ille Deorum Princeps, hæc Dearum Regina. Horum si scire vultis mores & vitam flagitiosam, & omnibus sceleribus inquinatam ex antiquorum voluminibus accipietis. Hi enim in omnes libidines intemperanter effusi, passim adulteria nefaria perpetrabant. Quamobrem liberos habuerunt innumerabiles, ex stupris, ex adulterijs, ex incestu detestabili susceptos: Deæ verò non minus in libidinem proclives pronæque ferebantur. Iunonem sororem Iouis Poetæ fingeant, & hanc vxorem eiusdem: Venerem verò Deam totius impuritatis, ac libidinis, excitantem faces amoris accensas, quibus flagrabant iuvenes & reliqui mortales Veneris sectatores turpissimi. Hæc filium habere dicebatur totius turpitudinis auctorem: & inuentorum voluptatum turpissimarum, captum oculorum aspectu vel potius oculos tæniarum oppositu velatos, nudo corpore reliquis in partibus, ut omnes impuritates aspectu suo magis, & effrænas libidines excitaret in hominum oculis incidens. Quodd si non longius progressa fuisset veterum amentia, miraremur satis: sed habemus furorem illorum & amentiam stupendam in aliarum rerum nequissimarum portentis & prodigijs horribilibus, quas diuino cultu religioneque prosequi non destiterunt. In primis res mutas, & inanimes, in quibus appareret aliqua pulchri-

rudinis elegantia, vel deformitatis horror execrabilis in Deorum numero ponebant. Quid mirer cum peccari tenebris obcœcati fuissent, cœlum illos Dei honoribus coluisse, cum in illo tam pulchram & spectabilem formam, & elegantiam aspicerent? cum diu ex omni parte patens & apertum, tranquillum ac serenum, tanta alacritate Solis circumfusum; nocte astrorum cœlo ipsi inhærentium diuersitate ornatum, & Lunæ dissimili varietate distinctum intuerentur? Quid etiam admirationis efficiat, si terram verno præsertim tempore in Deorum numerum ascribebant, & magnam Deam ab omni ratione deij ac præcípites appellabant, cum tot ac tantas in illa mutationes ac varietates viderent, & modo hyemali tempore terrarum horridam ac deformem, modo veris iucunditate viridem & amœnam, vestitu multiplici ac vario pictam, violis, rosis ac floribus stratam, & tanta odoris suauitate flagrantem suis sensibus vsurparent? Inde tot herbas ad hominis salutem & victum, & flores ad vitæ delicias & suauitatem, denique fructuum multitudinem & vbertatem ad homines alendos, æstate vero segetes ad merendum opportunas, falcem appetentes: iam inde perceptionem tantam frumenti, & omnis generis fructuum ad victum annum necessariam suppetentem cunctarum rerum aspicerent terram altricem. Neque cœlum solum editum & excelsum, & terram in infimo solo positam, sed res in eisdem contentas, globos scilicet micantium astrorum, Lunam modò ineuntem, modò crescentem, & decreascentem, mediam, plenam, & exeuntem, propter luminis varietates, atque ipsas herbas, ex quibus aliquid vel utilitatis vel damni capiebant. Neque hæc duntaxat constituerunt amentes & insani homines in Deorum numero, sed ita ad terram animos abiecerunt, vt mentes à sublimibus & cœlestibus deiicientes, & animalia rationis expertia, ad belluas efferas & immanes colendas venerandasque demiserint sese, lupos igitur, quod in media noctis caligine vlularent, Leones, quod rugitu terrifico vastam solitudinem commouerent, Tygres, & Vrsos, quod horribili diritate sauentes in hominem adiuisent, plenissimi timoris colebant: Vt autem magis inscitiam, & ignorationem hominum miretur Crocodillos, feles, mures Deos habebant & nominabant. Ex rebus autem terræ istius infimæ allia, capre, quod acrimonia tanta fuissent, vt lacrymas exprimerent, Deorum honoribus iudicabant dignissima. Sed dies me profecto deficeret, si rerum,

quas

quas diuinis honoribus homines olim prosequebantur, oratione commemorare vellem. Illud verò stupore suo mentes opprimeret, sic fuisse stupidos, & ad omne flagitium, & voluptates turpissimas præcipites potuisse ferri mortales, ut sceleratissima flagitiaque, obscœnitates & impuritates libidinum intemperantissimarum, Dearum sanctitate prosequerentur. Atqui sanctum & honestum habebatur in ipsis templis inferri stupra, committi adulteria, libidines omnes suscipi, & has Dearum affici nominibus, eisdem sacrificia fieri stata solemnitaque. O summam hominum ignorantiam! O profundam generis humani caliginem! Quæ quondam templa ædificabantur? quæ excitabantur aræ? quæ sacrificia fiebant? qui honores tribuebantur? non thure solum, & infinita animalium strage, sed mortalium sanguine profuso templa funestabantur? Quid hoc terrius? quid sceleratius? quæ maior hominum ignoratio excogitari fingique potuisset? Totus terrarum orbis idololatriæ superstitionibus, dæmonis sceleratissimi nequissimo dominatu tenebatur. Nullus erat angulus, nulla pars præter Iudeæ fines exiguos, quibus Deus verus & immortalis agnosceretur. Atque gens hæc multis tegumentis & iuolucris veritatem vnius Dei adumbratam tenebat oraculis diuinis traditam & acceptam, non ex omni parte; & sæpè à verò Dei ipsius sempiterni honore ad Idolorum cultum reuocabatur, sine mente, sine iudicio perturbationibus temerè concitatis ducta. Quæ res huic malo medicinam afferre potuit & in tantis tenebris & obscura caligine degentem hominem ad veri sempiternique Dei lucem aspiciendam excitare, Auditores? Sacra cœlestisque disciplina, quæ Deum vnum, & hunc duntaxat summa Religione colendum verissimè constantissimeque docuit, cæteros Deos Deasque ex mendacijs factos, cum diuinis editis miraculis & ab ipso Deo datis responsis cœlestibus, tum accuratis exquisitisque rationibus sæpè palam ad veritatem patefaciendam miraculis in memoriam redactis, abijciendos ad amandosque procul demonstrans. Quod quanti habere debeamus, homines cunctarum ætatum & nationum antiquissimarum facile declarabunt, vetustissimis temporibus altius reperita tenebrarum, in quibus iacebant, cymmeria profunda que caligine, quæ sic demersit cunctorum animos, ut non solum barbaræ & immanes gentes, sed neque Spartani, neque Persæ, neque Lacedæmones, qui Regum & Imperiorum latè patentium dominatu potentissi-

mo floruerunt, hanc vnius immortalis Dei cognitionem habuerint. Non Athenienses agnouerint, qui operibus magnificis exquisitisque antiquorum artibus, & gloria summorum hominum vixerunt: vnde humanitas, doctrina, fruges, iura, leges ortæ, atque in omnes terras distributæ putabantur, quique cum multa eximia diuinæque dicerentur reperisse, atque in vitam hominum attulisse, tum modum rationemque, qua ex agresti humanique vita exculti homines essent ad humanitatem. Non denique Romani tenuerunt, qui Principes terrarum humanitatem, fortitudinem, litteras & res Atheniensium maioribus auxerunt incrementis. Omnes enim hos, nulla cogitari potest idolorum superstitio, quæ deuinctos miserimeque constructos non teneret: de Deo tamen nullam certam neque exploratam scientiam assequuti fuerant. Quid verò si non solum vnum Deum & immortalem, sed hunc etiam vnum & trinum in tribus personis Patre & Filio & Spiritu Sancto consistentem ostendit sacra Theologia? Hoc ne mysterium tam abditum & reclusum & à communi hominum intelligentia remotissimum, cum de Deo vno nihil certi, nihil explorati habuerint, sed quantum vel ab Hebræis Philosophi nonnulli mutuari potuerunt, velle hac molitione rerum & gubernatione aliquam ipsius, & rectoris tanti notitiam quaerunt, suæ mentis tenuitate consequi potuisse putatis? Est istiusmodi arcanum humanis mentibus, & ingenijs superius diuturnitate celsitateque sua. Quare cum B. Augustinus rem tam altam, & longè nostrorum ingeniorum viribus imparem esse, contenderet, in maris littus accedens de tantique mysterij magnitudine cogitans incidit in puerum, scrobiculum aqua maris replere conantem, vno, altero, multoque haustu, donec exhauriret vniuersum mare. Rogatus puer, quo spectaret sua tanta, tam laboriosa, ac planè inanissima contentio: Angelus qui pueri illius formam & figuram susceperat, sine cunctatione mentem exposuit. Mirabile autem dictum, statim ex Augustini oculis abduxit sese. Illo responso, factoque obstupuit Augustinus, & inscientiam agnouit illico, quidque Deus, optimus ac maximus eidem per Angeli speciem ostendere voluisset: nempe supra se esse, velle sanctissimæ Triados arcanum reconditum & altissimum assequi humanæ mentis imbecillitate. Hoc igitur, quod ad absolutam de Deo cognitionem tenendam necessarium erat, sacra cœlestique Theologia duce consequemur,

mur. Quod neque diuinis in litteris Hebræos præter admodum paucos agnouisse, neque in Syria Chaldæos Astrorum scientia præcellentes, neque Persarum Magos ingeniorum acie celebratos, neque sacerdotes Ægyptiorum tot antiquorum litteris præditos, neque Bractianorum Semandos, aut Gymnosophistas Indorum tanta discendi cupiditate flagrantés, neque Græcorum sapientes, omnibus bonarum artium ornamentis florentes, neque Latinorum Doctores, omnibus propè litteris, & scientijs ornatos animo comprehendere, aut attingere suspitione potuisse certum erat, nisi ab immortali Deo diuinitus patefactum esset, Theologi litteris suæ sacræ disciplinæ facillimè ostendunt Duce semper ac præceptore præeunte tantæ doctrinæ Christo Iesu Filio Patris Æterni. Quod verò Sybillæ crebram suis carminibus Patris, Filijque mentionem fecerunt, quod libros de Christo, de suæ gentis origine, de mundi orru conscripserunt, quod Mercurius Trismegistus suis sermonibus diuinitatem vnā in triplici Hypostasi esse tradidit, quod Zoroastes, & Chaldæi de Patre & Filio aliquid aliquando tradiderint testante Psello Philosopho, & Christiano auctore, quod Ægyptij, cum Deum tenebras ignotas nominarent, ter acclamare consueuerint ad trinam Hypostasim ostendendam, quod Platonici multa diligenter & aperte de Trinitate disseruerint, id non nego, sed illud contendo confirmoque constantissimè, à Deo prisca illis, & præstantissimis viris tradita hæc fuisse. Atque illi, quos proximè nominavi Platonici in Christianorum tempora inciderunt: qui de sanctissimâ Triade loqui potuerunt: Sed nunquam ita loquuti fuerunt, atque nostri Theologi tanta cum perspicuitate absoluteque, duce sua scientiâ, maximoque perfectore Christo Iesu. Quare quantum huic doctrinæ, quantum auctoribus & principibus illius debeamus ex præsentis temporis allata luce mortalibus & disiecta penitus cuiuscumque difficultatis caligine cognoscite. Sed persequamur cætera, cum eadem sacra Theologia diuinarum mentium præstantiam & dignitatem, cum illarum ordines & gradus celsissimos, cum dona ac munera præcipua singularum, cum lucem à Deo proprius, aut remotius acceptam, cum conflictum cum nequissimis mentibus acerrimum, & Luciferi, & suorum improborum spirituum ruidam Theologia demonstret, quantam mortalibus utilitatem affert? Quid cum de ruina primæ parentis, de ratione nostri generis instaurati, de recuperata mentis

Christi Iesu dignitate naturæ humanæ agit, non patent antiquorum mendacia de lumine, prauitate Iapeti, cœlitibus abrepto? non Deucalionis & Pyrræ fabulæ deteguntur? non aliæ multæ hominum animis iniectæ tenebræ dispelluntur? non via per Christum Iesum patefacta cœlorum ostenditur, non modus & ratio ad Beatorum gloriam aspirandi? Quid dicam de meritis & infinita virtute Christi Iesu Theologiæ munere demonstrata, de septem Ecclesiæ sacramentis, de pulchritudine, splendoreque Ecclesiæ, de gradibus Heroum Christianæ fidei sublimibus, de tot Confessoribus, Martyribus inuictis, Doctoribus clarissimis, integerrimis virginibus, cæterisque cœtibus triumphantis aula celsissimis? Omnia clariora splendore Solis illustrantur beneficio sacrae Theologiæ. Iam vero gratiam non dicam esse diuinæ Theologiæ, qui militantis Ecclesiæ statum, florentemque dignitatem sic vno Christi Iesu Vicario Pontifice Romano decoratam extollit, ut illius pulchritudine cœlesti mirabiles sui cunctorum animis tantæ venustari, elegantiaque præcellentis amores excitentur. Dum illius pulchritudinem mirandam, ornamentorum tanta dignitate distinctam, firmam & perpetuam stabilitatem, nullis vnquam temporum procellis, tempestatibusque conuellendam, similitudinem eiusdem & agnationem tanto concentu & harmonia cum cœlesti ciuitate congruentem visendam inspectandamque sua doctrinæ virtute præbet, miræ utilitates, mira commoda cernuntur. Dantur opportunitates plurimæ maximæque ad hostium infringendam labefactandamque pestinaciam; sed de fidei teterrimis hostibus viderimus postea: nunc in mentem vobis veniant virtutes, quæ à Christo Iesu, & Apostolis demonstratæ dirigunt iter in cœlestem Beatorum sedem; summa sanctorum perfecta que absolutio, contemptio ac dispicientia rerum humanarum, magnitudo animi in periculis subeundis, in superandis difficultatibus, in aduersa secundaque fortuna æquabilis, & paratissima semper, ad diuinam voluntatem exequendam animi propensio perpetua, cum demissione supplici, cum innicta patientia, caritas in Deum, & in proximum inflammata singularum virtutum, & perfectionis absolutæ dux & princeps, qua aberrabit homo nunquam, sacra expectetur Theologia. Nam cum donum istud tribuebatur quondam Philosophiæ, & illius præceptis salutariis, multi Philosophi vrbium relictæ celebritate, mortaliūque cœtu frequentissimo in vastam ac desertam solitudinem

diem se contulerunt, & alij patrimonium à maioribus acceptum reliquerunt, ut res in cœlestium contemplationi vacarent, & cœlorum conuersiones, & tantam illorum in omni tempore stabilem, perpetuamque constantiam, Lunæ multiplicem varietatem, eiusdem, Solisque defectionem, & reliqua naturæ abdita occultaque mysteria contemplerentur; quid fecisse putatis facturosque veros Christi Iesu cultores, excitatos viribus diuinæ Theologiæ? Si multi Philosophi, duce veteri Philosophia nostræ Theologiæ vmbra minima, adumbratoque simulachro rebus huiusce sæculi nuntium remiserunt, & argentum, & aurum in mare proiecerunt; perfecti Christi imitatores quid præstitisse præstiturosque esse per omne tempus arbitrabimur, facibus huiusce doctrinæ flagrantibus inflammatos, bono, & acerrimo mentis acumine præditos? Testarer Gregorios, Ambrosios, & omnes Ecclesiæ Doctores: testarer alumnos sacrarum familiarum præstantissimos, testarer auctores, & parentes sanctissimorum nostræ Religionis Ordinum, Benedictos, Dominicos, Bernardos, qui præsidij sacræ disciplinæ tantam diuini numinis cognitionem consequuti fuerunt: sed experientia quotidiana singulisque diebus facta pericula de virtutibus Theologorum, me silere de tantis, tamque testatis rebus compellunt, & illud cum magnæ sacræ disciplinæ gloria prædicare; Nullum tam capitale flagitium, nullam tam vehementem perturbationem, nullam tam exitialem pestem futuram esse reperiemus, cui medicinam sacra Theologorum doctrina non faciat. Inanis gloriæ cupiditate, & honorum huiusce sæculi auiditate flagras? hanc sedabit sacra Theologia: diuitiarum appetens argentum & aurum, & perituras opes, ad quas sectatores auari incredibili amore decurrunt, cumulare pergis & augere? si tum hanc insatiabilem exstinguet eadem sacra Theologia. Indomitæ carnis cupiditates libidinis appetitum excitant? hunc coercebit ac reprimet eadem disciplina. Iracundia mentem de suo statu deiecit, & ad insaniam præcipitem adigere visa est? huius impetus cohibebit diuinæ Theologiæ doctrina. Vix posse videris abdomen explere ventris insaturabile, cibi vini que appetentissimus? temperantiæ adhibendæ modum rationemque præscribent sanctissima Theologiæ placita. Si fortasse aliorum florenti fortuna videas inuidiam in animo excitari tuo, flagrare defines Theologiæ salutaribus præceptis. Si otio cœperis & desidij languere, ad res eadem, ad laborem,

ad actiones suscipiendas stimulos adhibebit Theologiæ celestis sapientia. Nullum erit animo vulnus inflictum, nulla tam mortifera plaga, ad quam sanandam non pharmaca præsentanea possit afferre Theologia sanctissima, & multo quidem præstantiora, quàm illa quondam à Socrate vocata de cælo Philosophia, quæ suis præceptis nunquam ita morbos animorum potu t depellere, vt libera & vacua perturbationibus fuisse videretur mens, in tenebris semper iacens idolorum obscurissimis. Sed tu Christianæ Religionis cultor, vos omnes, Auditores, conuertite vestros animos, quocunque volueritis, adhibete remedia, quæ comparauerit sacra Theologia, & quàm animo constanti, quàm omnibus malis libero, quàm in Deum semper intento, & in æternæ felicitatis immortalitatem sublato passim eritis, experiemini. An vlla pars esse poterit Reipub. An vllus status & fortuna mortalium, quibuscum non videatur esse sacra Theologia? An domi? an foris? an in foro? an in tribunali? an in contrahendis negotijs? an in agendo quocunque modo ac ratione iuris? an in Ecclesia, an in vita, an in discessu animi è corpore? an vllò postremò tempore, si sui ipsius homo rationem habere voluerit, si consulere suo animo, ab hominibus abesse potest tantum & tam celeste donum? Clarum est in academijs illam versari; certum etiam in cœnobijs sacrarum familiarum: non minus exploratum in templis, in suggestis ad populum conciones habentem dominari. Neque propter dignitatem suam à Pontificum sedibus, à concilijs sanctissimorum Patrum, ab ipsius Romani Pontificis aula abesse posse cuiquam dubium est. Illud est etiam, quod recognoscere ac confiteri debemus omnes, cum vniuerso genere mortalium semper esse, semperque agere sacram Theologiam, si volunt, è Christi Iesu disciplina, è suis placitis, ex animorum vsu officio suo quocunque fungi; atque post vitam in cælorum sedibus reliquis conticentibus artibus, atque scientiis, silentibus disciplinis, quibus opus non erit, sacræ Theologiæ doctrinam, & dogmata in Beatorum agminibus, in diuinis mentibus, in Christo Iesu, in sanctissima celsissimaque Triade perspicuè clareque ostendantem se nunquam videre desinemus. Sed vt hæc omnia melius intelligantur, recordamini quæso partem sacræ Theologiæ triplicem, concertatioriam scilicet placidam, & concionantem. Prima quodcunque genus hominum vero cultu Religionisque Dei optimi ac maximi, & eiusdem diuini numinis notitia singulari mirabiliter in-

struit:

fruit: altera cum quæstiones dubias & obscuras, ne quidquam agat, ne contrahat homo, nisi piè, ac sanctè, soluit & de medio tollit; tertia hominem à vitijs auocat, in virtutis studium inflamat, & ad cælestia beatorum domicilia, ad gloriam & ad aspectum diuini numinis, in quo vera sanctorum fœlicitas posita est, mortalium animos euehit. Facessat iam Pericles ille, qui quondam spissis & horribilibus verborum fulminibus mentes hominum commouere dicebatur. Facessat Ægesias Philosophus, qui sic tragicos exitus & vehementer calamitosos humanæ vitæ dicebatur exprimere, vt audientibus appetendæ mortis cupiditatem ingeneraret. Facessant postremò veteres omnes Philosophi & Principes facultatis oratoriæ, Cicero, Demosthenes, qui mouendis affectibus plurimum valuisse ferebantur. Omnes illi ad nostros Theologos, ad Christianos concionatores nulla ex parte comparandi sunt. Nostri enim singulares & egregij concionatores, nostri præexcellentes diuini verbi præcones cum à vitijs auocare volunt mortalium genus, quas facies admovent propositis impiorum supplicijs? quos damnatorum cruciatus, quas pœnas multitudine innumerabiles, grauitate horribiles, diuersitate multiplices, diuturnitate temporis sempiternas opponunt? cum iustitiam diuini numinis, & illius infinitam potentiam, in sceleratos homines inuecta mala, vastatas vrbes, deleta Regna, genus hominum vniuersum præter paucos homines aquarum illuuiionibus & viuis ablatum confectumque proponunt, non auditores totis artibus ac membris contremiscere cogunt, deque meliore vitæ ratione instituenda cogitare? Non hi, quod Vlysses fecisse dictus est eum Aiace Telamonio contendens, Mineræ Palladion, non puerorum sordes arratorum, non rei squalorem ante oculos statuunt, sed sanctorum aulae cœlestis Heroum, celsissimæ cœlorum Reginæ, Christi Iesu simulachris & imaginibus sanctissimis agunt, & contendunt cum auditoribus, & illorum animos cetera ipsa molliores reddunt, & traducunt ad omnem sanctitatis absolutam perfectionem; cum vero spem mouere, cum lætitiâ afferre, cum metum iniicere, cum excitare luctus, & exprimere volunt lacrymas ab Auditoribus, quoscunque motus efficere, & confutare placuerit, boni concionatores possunt & faciunt ad voluntatem faciliè, rerum, quas sacra Theologia præstat multitudine præstantiaque mirifica. Quid amplius vultis? video vos expectare, quod de industria in vltimam orationis partem reseruauî, vt quantum

Theologia possit contra hostes nostræ Religionis infestissimos, videre cupiatis. Multi sunt hostes nostræ fidei, multi bella faciunt Matri Ecclesiæ, multi cælitibus, Virgini sanctissimæ Christo Iesu, & immortalī Deo bella hostili crudelitate imbuti faciunt. Reperite quæso memoria diuersas hominum zates. Recordamini multa sæcula, quæ præterierunt iam. Ab incunabulis propè nostræ Religionis hostes exorti fuerunt, & bella exitialia ad hæc vsque tempora, cum in Germania, cum in Flandria, cum in Scotia, cum denique in Anglia signis infestis; & collocatis castris, terra copijs plurimis, mari classibus ornatis & instructis hostes nefarij Ecclesiam, dulcissimam Christi Iesu sponsam excindere, funestare, & ad occasum interitumque deducere conati sunt. Nolo obductas Hæresum antiquarum cicatrices refricare, & illarum luctuosa recordatione denuò vestros animos vulnerare. Cum Mater Ecclesia ab his nefarijs hæreseos satellitibus violata fuit, quem non violauere sanctorum, dum cælites minimè colendos esse contendebant, quo sancto honore à Matre Ecclesia coluntur? Quid alij, qui cum corporibus interiisse animos & extinctos esse pugnabant, mali fecerunt? quos illi tumultus excitauerunt? qui sacramenta, qui confessionem, qui sanctissimam Eucharistiam ab Ecclesiâ auferabant? in te, Virgo sanctissima, coniurarunt hostes, & furia Reipub. quam non omni tempore castam & integram voluerunt, alij non ex sanguine tuo castissimo purissimoque Christum Iesum ortum fuisse, sed corpus illius è cælo in tuum vterum sanctissimum elapsum fuisse asseuerarunt, & vt specularia Solem radijs, Christum corpus tuum infinita sua virtute penetrasse. Quid de hæresibus in Christum Iesum concitatis? quàm multæ, quàm temerariæ? & ab omni rationis specie remotæ? quàm denique seditiosæ, turbulentæque? modò priuant natura humana Christum Iesum, modo diuina spoliunt, modò Patre inferiorem faciunt, modò telis alijs, & hastis proscindere conantur. Ne quidquam non violarent, & polluerent, in sanctissimam Triadem quæ mendacia confinxerunt? quæ tela iecerunt, & retorserunt prælijs acerrimè confligentes? Quis hostium tantæ multitudini possit obistere, & illorum incitatos, ac furentes impetus imprimere? Tu, tu inquam sacra cælestisque Theologia, cogis copias, signa confers, instruis acies, committis prælia, & contra singulas hæreses tela mittis, acerrima tormenta displodis, gladios distringis, versas in omnem partem, fugas hostes & conficis

mille plagis ac vulneribus illatis, disputationibus maximis, coactis conciliis, auctoritate Ecclesiæ, responsione Pontificum, rationibus accuratissimis, acertimis argumentis detegis mendacia, errores aperis, ostendis fraudes & patefacta veritate deles & extinguis pestes has & furias, quæ non vno in Regno se continuerunt, & latitarunt solum, sed aluerunt furores suos temporum iniquitate, tumultuantes vbique & omnia delere cupientes, in nostram Hispaniam irruerunt & in Bethicam olim Prouinciam, & in hanc potissimum nostrorum Regnorum florentissimam potentissimamque arcem urbem Hispalim, & in vtramque Castellam nouam & veterem. Obluiscine potestis Cazallas? Obluiscine Ægydios illos, & Constantinos, qui cuniculis occultis nostram Fidem deformare, & has rerarum partes hæreseos contagione inficere studuerunt, nisi ex occultis & nocturnis conciliabulis in lucem protulisset auctores tanti mali cœlestis ac diuina Theologia? Quid Hispaniæ, quid Regnorum omnium florentissimis domiciliis actum fuisset? perissent, interiissentque partes istiusmodi opulentissimæ fortunatissimæque: cum alii populi, cum vrbes alie, præcipuè Vallisoletum interiissent, interiisset Hispalis, duo maxima clarissimaque Hispaniarum lumina. Iam verò cum ex diuersis terrarum partibus non pauci confluxissent in Hispaniam, cum multi agerent & nostris in sedibus nobiscum morarentur, quid detrimenti ex vtriusque gentis renouatis & excitatis aliquando cæremoniis, ex ritibus execrandis, ex Iudæorum lege à nonnullis clam repetita, & ex Mahumetis secta detestabili clam serpente nostræ gentes accepissent, nisi tot malis & calamitatibus occurrere maiores nostri diligenter properassent bono sacræ Theologiæ? Obsecro, quando oculis non potestis, mentibus comprehendite Angliam modo duntaxat à Fide Christiana disunctam, & ab Ecclesiæ nostræ gremio abstractam. Quantis in tenebris illa iacet? quibus in erroribus versatur? quemadmodum Hæreses sexcentas amplectitur? & sine sacra Confessione, sine Eucharistia sine Sacramentis omnibus, placita nostræ Fidei abiicit, omnes hæreseos administri ad voluntatem suam nutumque viuunt, sanctorum opem, patrocinium Virginis Mariæ, Christi Iesu decreta, Vicarii sui Romani Pontificis auctoritatem, sacrificium rei diuinæ, ritus & cerimonias Ecclesiæ abiiciunt, in suarum nidore gænearum, sordibusque fœdissime edentes, potantesque intemperantissimè, ructant sermonibus pro-

scriptiones bonorum, cædes Catholicorum, exitium & interitum Christianæ Religionis, ea de causa in Catholicorum bonum impetum faciunt, diuitiis & vita spoliant. Qui cum illis Christiani agunt, ij occulte versantur in illis Regnis, & multi è patriis sedibus eiecti exules & extorres viuunt principum misericordia Catholicorum. Qui manserunt, cum capiuntur, carcerem continuò, cruciatus plurimos, tormenta, quæ non tyranni quondam excogitarunt vnquam; mortem denique crudelissimam, nisi à Fide defecerint, perpeti coguntur. Quid in nostra Hispania, in his Regnis Fide Catholica florentibus insigniter aspiciatis? O bonum sacræ Theologiæ maximum! munus diuinum atque cœleste! O vere Dei immortalis donum & inuentum! Quod stantem Fidem, quod incolumem Religionem aspiciamus, quod sacramentorum tantam frequentiam, quod tantum Fidei Christianæ cultum, quod incrementum & amplificationem maximam, quod tantam assiduitatem ardoremque pietatis, quod tam inflammatum in sanctos omnes, & maxime in Virginem sanctissimam studium & Religionem, quod obedientiam & deuotionem animorum ad sanguinem vsque profundendum pro rebus diuinis, pro Religione, pro Romani Pontificis auctoritate tuenda, quod retentos & suis in Regnis altos Christi se u cultores ex hæreticorum sedibus in sua Regna confugientes, quod tot ornamenta monumentaque Fidei Christianæ passim Hispanorum religione magnificentissime constituta cernitis, omnia sunt trophæa insigniaque cœlestis Theologiæ. Illi abiecerunt Fidem, Religionemque Christianam; nos colimus, & colere parati sumus in perpetuum. Illi errores & falsa dogmata confinxerunt, & amplexi sunt; nos veritatem & sacra Dei præcepta profiteamur, & veneramur. Illi à matris Ecclesiæ gremio disuncti, in sexcentas diuiduntur sectas, & factiones detestandas; nos in Ecclesiæ Romanæ sinu complexuque acquiescentes vnâ Catholicam Romanamque sedem tuemur ac defendimus. Illi sacramenta sanctæ Ecclesiæ negant & eiiciunt è suis sedibus; nos summo studio, necessaria ad animorum incolumitatem, ad immortalis Regni gloriam comparandam complectimur, & frequentationem eorum honore debito prosequimur. Illi rei diuinæ sacrificium in suarum popinarum & ganeatum nidorem execrabilem conterunt; nos sacrificium & victimam hanc cœlestem quotidie supplici ueneratione, corporibus pronis, pectorum sanctissima percussione

testatur. Bonis, & vita cultores Christianæ Religionis sanctissimos crudelissimè spoliant; nos eosdem omni laude prædicationeque celebramus, alimus, atque defendimus. Illi denique bella suscipiunt in Fidei sanctissimæ defensores; nos acies instruimus equo tatu, peditatuque multo, & corpora nostra in gladios, in tela fortiter hostilia coniecimus, nihilque nobis iucundius, nec honorificentius accidere potest, quàm pro Christiana Religione, pro gloria sempiterni numinis iugulum tradere caruificibus. Vnde tantum boni precor, vnde tantum felicitatis Hispaniarum Regnis, si rectè cuncta pensentur, euenisse putabitis, nisi è Theologia sacrae disciplina (quæ maxime colitur ac viget in Hispania) tantarum vtilitatum duce ac principe maxima? Hæc est illa disciplina, quæ circuli forma rotundi significatur, vt sine Theologia cœlesti nihil suis numeris absolutum esse cognoscamus. Hæc est illa, ad quam Dialecticæ, Philosophiæ, naturæ, morumque indagatrice, ac cæterarum artium cognitione, quasi gradibus quibusdam ascendimus. Hæc est illa, quæ Regina cunctarum facultatum & disciplinarum maximarum, principatum & dominationem in solio dignitatis Regiæ collocata tenet amplissimam. Hanc cunctis artibus & disciplinis præcellentem cum summâ recognoscite maiestate, cui se Dialectica, cui Philosophia, cui Medicina, cui Iurisperitia, cui omnes artes disciplinæque dederunt humiliter, & demissæ nimis ad omnia, quæ sibi opus fuerit, & singulæ suam operam & studium pollicentur atque deferunt, ex matris Ecclesiæ commodo & vtilitate maxima. Singulæ seipsas recognoscunt multo inferiores, sacrae Theologiæ ancillas humiles & obsequentes & ad inferuiendum paratissimas. Vider Dialectica ea de causa ponendi sibi argumentum, & vtendi suis aculeis potestatem esse datam, vt cum cæteris artibus & scientiis, tum maxime diuinæ disciplinæ debeat inferuire. Recognoscit Philosophia vim omnem præceptis imbuendi mortalium animos, & bonis informandi moribus magis præcipuam esse sacrae Theologiæ, quam facultatis quondam à Philosophis sibi concessæ Medicina verò sanat morbos corporis, ægritudinesque depellit, sed cœlestis Theologia perturbationes animi, vitiaque grauioribus pestiferisque morbis tetriora delet & extinguit. Iurisperitia cõponit Rempub. & iure æquabili, suis legibus ac decretis pacatam tranquillamque conseruat Theologia ciuibus legum secundarũ, & pacis retinendæ modum ex Christi præscriptionibus salua semper conscientia, cum animorũ mirabili in-

tegritate

tegritate proponit. Vna deest Rhetorica, quæ flosculis & insignibus verborum ac sententiarum omnes facultates ornat & disciplinas; sed quemadmodum in sacram Theologiam omnes omninò sededunt, hunc ornatum & splendorem orationis multo libentius cœlesti disciplinæ defert ac deuouet. Quamobrem singulæ artes & scientiæ dant hodierno die, & ad illius genua prouolutæ, quidquid facultatis, quidquid operæ, quidquid ornamentorum, & diuitiarum habent, summaque cum demissione deuouent, nihil sacra Theologia clariùs, nihil illustriùs, nihil diuiniùs recognoscentes proficētesque. Huiusce disciplinæ sanctissimæ dignitatem & utilitates admirabiles priuatim allatas & vniuersè contemplemur, & illius amore flagrantēs, pro tanto in Rempub. Christianam, in omne genus hominum collato beneficio, ac munere cœlestis sapientiæ gratias immorales summo cœlorum architecto, qui nos tam salutaribus, firmis, necessariisque præsidis ad suam maiestatem cognoscendam, verissimoque Religionis cultu suspiciendam, ad victoriam ex hostibus fidei terribis gloriōse consequendam, ad animos virtutibus, Rempub. meritis cumulandam, ad cœlorum tandem comparandam immortalitatem, munivit & ornauit, læti semper & exultantes sine intermissione nunquam agere desinamus. Dixi.

*Orationes ad petendos gradus, quæ constant ex simili,
accommodatione, oppositis, & testimoniis
& exemplis & Comparatione.*

Prima Oratio ad petendum gradum ex simili.

Gemma, P. G. magnopere semper ab hominibus appetita fuit, tum propter æstimationis magnitudinem, tum propter pulchritudinem & præstantiam suam illustrem: qua nitent & splendent res, ad quarum ornatum adhibetur illustrata nitore clarissimo. Quæ quo pretiosior est, auidius quæritur, carius emitur, plurius habetur, & ad res maiores & illustriores ornandas decorandasque confertur. Atque ipsa Gemma quamuis magni pretii & æstimationis sit, quandiu latet conchæ tegumento abdita, quia minimè cernitur, neque pretii,

pretii, neque pulchritudinis, neque nitoris magnitudinem ostentare potest. Atque intra Concham contenta nulli vsui videretur esse: quæ tam eximiam lucem affert è tegumentis voluminibusque concharum extracta, & ad rerum decorem & venustatem, quarum ornamentum est, & lumen illustre, summa concinnitate adhibita, ut eximio & illustri splendore longè lateque colluceant res istiusmodi gemmæ claritate fulgentes. Sic equidem, Auditores optimi, sapientia gemmarum valde similia, quanquam propter pretium, pulchritudinem, splendorem istum, tanti apud omne genus hominum habeatur, quantivos omnes in omnibus academiis, in populis, urbibus & regnis florentibus videtis eam semper habitam fuisse, & hisce florentissimis temporibus haberi: tamen neque magnitudo illius videretur à mortalibus perspicuè, nisi pulchritudinis aspectu ad illam appetendam & comparandam allicerentur mortales: neque sui splendoris radios eadem tam longè lateque diffunderet, nisi ex tenebrarum obscuro loco prodiiisset in mediam Orbis gentium lucem & claritatem, suæ pulchritudinis, dignitatis, & splendoris insignibus illustrata, quæ tanto clarior & illustrior splendet, quanto clariora sunt & illustriora, quibus nitet & elucet, ornamenta. Ita quidem sunt gradus istius sapientiæ, quibus docti homines cohonestati clarius eminent & splendent, & ex illis magni æstimantur, & deliguntur ad honores Reipub. maximos, ad Regnorum gubernacula pertractanda, ad Ecclesiæ sedes honorificas, atque adeo ad Pontificiæ dignitatis culmen & fastigium summum. Quamobrem si petam hodierno die primum Baccalaurei gradum, non iniuriam Academiæ fecisse videor, quæ si cupit suorum alumnorum laboribus partas litterarum opes, & gemmas tantæ æstimationis immensis difficultatibus comparatas, ut sint Reipubl. id obtinere non poterit, nisi gemmam hanc in claro lumine posuerit, volens opibus & diuitiis locupletare partem, quæ fuerit etiam Reipublicæ demandata. Mortales gemmas videre cupiunt ut pretii & æstimationis cognitionem & notitiam exploratam habere possint; iidem non minus optabunt cuiuscunque litterariæ facultatis alumnos in publico versantes despicere, ut quidquid litterarum sit, quod illi laboribus & vigiliis adepti fuerint, explorare possint. Mortales pulchritudine gemmarum adducti magis harum cupiditate flagrant; iidem litterarum præstantia concitati in viros doctiores cuiuscunque ordinis litterarii mentem, & oculos coniciunt.

Denique mortales splendore gemmarum rapiuntur ad lapidum pretiosissimorum præstantiam citius obtinendam ; iidem lucelitterarum illustrati, luce tanta carere Reipubl. nefas esse putant, & maximum. Atque hoc magis facere se debere sine dubitatione vident, quod sapientia splendore suo quantopere gemmarum claritatem obscuraret nemo sanæ mentis ignorat, cum Reipublicæ omnes, cum Regna, cum omnium mortalium genus luce litterarum orbatum, in tenebris & obscuritate maxima iaceret. Id quod veteres, quanquam Christianæ Religionis luce priuati sapientiam lumen Reipub. & animorum appellantes, posteritati commendatum reliquerunt. Atque ipse sacræ literæ, non parum auctoritate sua momenti habebunt, quæ sacros Doctores non salis duntaxat, sed lucis nomine decorarunt. Quod si nos lucis, afferendæ Rebus publ. & academiæ nostræ spe concitati, labores per tot, ac tanta temporis spacia suscepimus, si gemmarum istiusmodi studio & cupiditate succensi vitam nostram in discrimen maximum conicere non dubitauimus, minimè quidem tibi æquum videre potest, D. sapientissime, in silentio nostra iacere studia : sed ut lucere tandem aliquando videantur, quam petimus post quinquennium præteritum Iuris Pontificii lauream academiæ nostræ sanctionibus debitam impertireris, quam ut impertiaris etiam atque etiam rogo.

Responsio Cancellarij.

Ex simili, a commodatione, oppositis, comparatione.

Nescio quomodo, Baccalauree dignissime, similem in laureatibi deferenda cogitationem Deus Opt. ac Max. inciderat in animo meo diuitiarum insidente maximarum similitudine, quæ cum in arca latent reconditæ & asseruatæ, neque illis vtendi facultas homini datur, nullum vsum, nullum possessori fructum afferunt : Sic equidem sapientia cum in animo lateat, obscuris occultata tenebris nullam impertietur utilitatem Rebuspub. Opus igitur est, exeat in hanc lucem, & cunctarum gentium theatra clarissima, quæ domi se continuerat, & adhuc intra domesticos parietes, studiorum suorum & cru-

ORAT. II. DE GRADV PETENDO. 351

& eruditionis testes, vmbra & solitudinem tenuerat. Quod in sapientia multo magis appetendum est, quam in diuitiis, quod bonorum omnium copiis affluens tanto inferior est sapiente, quanto magis fortunæ bonis præstant, & excellunt animi dona præstantiora. Diuitiæ siquidem ex temporum statu prospero secundoque pendent: sapientia nullis subiecta est variantis fortunæ procellis. Diuitiæ cum creuerint maximæ, tunc expositæ sunt maioribus ruinis & periculis: sapientia nouis in dies incrementis aucta maiores radices agit, & eas vbicumque sit, satissimè propagat. Diuitiæ splendorem habent inanem & futatum: sapientia verum atque cœlestem. Quæ cum utilitates & emolumenta sua mortalibus afferre nequeat, nisi bonâ communicet cum hominibus auctoritatis magnitudine præditis, quantopere eam obtinere necessarium est ad fungendum recte & utiliter, & cum dignitate donis ac muneribus suis. Hanc equidem quoniam apex Baccalaurei, & honores litteratorum ostentant, nostrum erit in arca locupletissima, id est in mente tua sapientiam contentam & inclusam ab academia nobis auctoritate tributa, prodere, & proferendarum tuarum in medium opum, sapientiæ, & diuitiarum, copiam tibi potestatemque concedere: vt quas ingenio tuo, quas memoria summa, quas laboribus & vigiliis assiduus assequutus fuisti opes & fortunas sapientiæ maximas, in istius academix, in Reipubl. Christianæ commodum & utilitatem conferas. Concedo igitur Baccalaurei gradum tibi optimo præstantissimoque discipulo, qua fungor ab Academia Matre Doctoris auctoritatè concessa.

Secunda oratio ad petendum gradum. Ex simili, accommodatione, comparatione, dissimilibus, & exemplis.

Agricolarum P. G. labor est magnus & penè intolerandus, quem singulis annis, hyeme præsertim & æstate perferunt. Nam primum terram aratri vomere proscindunt, & sulcos deducentes non herbas solum & tribulos frugibus inimicos euellunt, sed glebas perfringunt, & lapides de medio tollunt; Denique vbi terram vident ad ferendum affectam semina spargunt, atque mandant agris: qui aquam, pruinam, niues tolerantes, spe futuræ æstatis, & fructuum percipient.

ciptendorum expectatione labores omnes suscipiunt, & fortiter patiuntur. Quamobrem ab vrbe, ab ædibus, à filiis, ab vxore abesse, & amicorum consuetudine, conspectuque priuati vidimus eosdem magnam anni partem, & magis atperam, & horridam. Atque illos ipso æstatis tempore grauissimo cœlorum molestias, solis ardores pati necessarium est, & vtroque tempore humi sæpe cubare, iacere sub dio, & duriter vitam agere, nunquam ad animi sententiam bibendo, nec edendo. Atque hæc omnia non patientibus duntaxat, sed libenter animis perferunt memores illius temporis, cum sperant fruges ad maturitatem peruenturas, & se multum frumenti non ad filios solum alendos, sed ad pecunias maximas conficiendas percepturos esse. Itaque spe commodorum & vtilitatum maximarum, quas frumenti copia sibi allatura sit, eriguntur ad labores agriculturæ perferendos, quos non pertulissent profectò, nisi spem haberent, exeunte iam æstate, quod tempus est condenda rei frumentariæ, hordeo, triticoque præsertim plurimo horrea se completuros esse. Sic equidem alumni litterarum P. G. procul à patriis sedibus, à parentibus, à fratribus, & cognatis discedere coguntur ad loca aspera sæpe & inculta, & periculis infesta plurimis in ætate tenera, in iuuentutis flore, omnibus paternis iucunditatibus, maternisque deliciis ac suauitatibus priuati, terrasque longinquas, & cœli non raro intemperie salutis perniciosas petunt bonarum artium percipiendarum causa, quibus dant operam dies & noctes, & contra imbecillitatem infirmitatemque naturæ contendunt non vnum aut duos, sed plures annos, ut quas discere voluerunt colere possint bonas litteras ac disciplinas. Id autem tanta corporum & animorum contentione faciunt, spe maximorum præmiorum, & honorum, quos sibi proponunt ante oculos exeunte quinquennio se consequuturos esse. Qui sunt honores, vos omnes intel igitis Auditores, intelligis optime tu Doctor sapientissime, in cuius manu mater academia liberaliter ac largè præsentem honorem & reliquos litterariæ dignitatis gradus nostri ordinis discipulis & alumniis studiosissimis imperiendos posuit. Quod si non ego fuerim ille, qui tantæ facultatis honore tam splendentis laureæ dignitate, tantis & tam honorificentissimis insignibus dignus videat, qui ad insignes & claros adolescentes ingenii acumine, litterarum progressionibus, multis in Iuris peritia periculis factis, expectatione magna, nominis conspicua celebritate præstan-

res sim comparandus : non tamen ita iacere visus fui in litterarum studijs, in iuris facultate celebri, vt mei non aliquot ingenij documenta dederim frequentando gymnasia, obli-
ciedo pro posse, & in publicis sapè argumenta disputationibus ponendo, vel propugnatoris non rarò partes acriter tuendo, atque adeo cum aliqua laude tela nostrorum æmulo-
rum acerrima perfringendo. Atque hoc totum quinquennium ita sum versatus in studijs, vt neque ex hac vrbe pedem extulerim, vt non modo hyemes, sed æstas es molestissimas caloribus & solibus difficillimas posuerim, neque defuerim vel diem vnum prælectionibus, & vt primæ, sic etiam vltimæ interfuerim perpetua constantique cunctis condiscipulis admiran-
tibus assiduitate. Quæ si præmiorum huiusce academix adipiscendorum causa præstitimus, si nos fregimus laboribus, & vigilijs, vt quem petimus, gradum, & quos speramus, honores, consequamur: quid est, quod à te, doctor satientissime, non iustam ac debitam lauream flagitemus? An maiores agricola-
rum labores putandi sunt, quàm alumnorum Mineruæ studioforum? An minus alumni Mineruæ enituntur, atque contendunt, quàm agricola? An postremo plus vtilitatis cultores agrorum, quàm litterarum studiosi rebus publicis afferunt? Superant equidem, & longissimo interuallò superant agricolas studiosi laboribus, vigilijs, incommoditatibus & periculis toto decursu litterarum aditis. Atque ipsi litterati, cum lumina sint, & ornamenta Reipub. cum Regnorum & Imperio-
rum firmamenta, sine quibus stare diu Regna non possunt, neque hominum inter se fidelis & sancta conservari societas, sanè cuiuscumque generis hominibus docti litteratique non immeritò præferentur. Quamobrem litterarum studiosis post labores & vigilias legitimo iam tandem temporis curriculo confecto præmia debeantur iure suo: tu verò, Doctor amplissi-
me, quam cæteris mei ordinis & facultatis æqualibus libenter hactenus tribuisti, mihi quoque Iurisperitiæ lauream vsitato Academix more hodierno die postulanti solita liberalitate concedas.

Responsio Cancellarij ad secundam orationem.

QUOD flagitas, clarissime vir, laborum tuorum præmium & mercedem academix sanctionibus constitutam, prius hodierno die persoluerem, cumulo verborum maximo, & ex

Rhetorum officina deprompto orationis ornatu, nisi recorderet diem tuis laudibus præstitutam, & Oratoris dictione politâ nimium & accurata commendandas vigilias & labores tuos in hoc orbis gentium amplissimo celeberrimoque theatro. Quare sileantur à nobis, quæ præteriti debent, quoniam in omnium memoria magis infidebunt ex orationis habenda recollectione, quàm à me non dicam celebrari, sed neque adumbrari possent. Noti sunt labores tui, notæ vigiliæ Doctorum ordinum clarissimorum, nota præ multis aliis, qui tecum de præstantia loci decertarunt, consequuta dignitas. Nec verò maiores, nec honorificentiores vnquam de quocunque sapientissimo Licentiato, qui tuis in renunciationibus floruit, & florebit adepti gradus honore, sermones academia tota sparsi fuerunt, dum tibi omnes primam lauream concedebant, & qui tecum contenderet de primo gradu, ex tot doctissimis & sapientissimis viris reperiebant neminem. Quamobrem cum & oratione supra dicta, & omnium de te iudicio facto laudis onere difficillimo liberer, quod proprium est mei muneri, & quod ab omnibus videmus tanto plausu & acclamatione iustifica excipi, laureæ honorem tibi petenti libentissimè concedam & neque epim quisquam magis gaudere debet atque ego ex tanti viri accessione. Quòd si Agricola gratus esse debet & acceptus vniuerso populo, qui non solum ad alendam familiam, sed ad magnam populi partem sustentandam, vim maximam frumenti in horrea sua condit, vt de præstituto pretio reliqui emant oppidani, nullo labore terras alienas adeuntes, vnde quod opus fuerit, exportent sumptibus multo maioribus; quæ tibi laus, qui honores debentur propter conditas omnis generis sapientiæ diuitias, & opes infinitas, ex quo tanquam ex horreo referissimo sit, quod ad animum, non ad corpus, quod esset multo inferius, omni sapientiæ magnitudine, multitudineque litterarum complendum boni adolescentes & scientiarum studiosi depromant. Accipe igitur gradum, quem non volo excipi solam tibi arum castris suauissimis, sed & parietibus totius theatri prope gessientibus, & te, quod ego verbis præstare non possum, auditorum vniuersa multitudine ad tantum spectaculum effusa lætitiæque tanta, nostræ academiciæ honorificentissimè, magnificentissimeque summo omnis generis & ordinis Academiciæ alumnorum plausu & acclamatione cooptatum ascriptumque denuncio.

Tertia Oratio ex eisdem locis ad gradum Baccalavrei.

Cognitum istud est, & exploratum generi mortalium uniuerso, ad gradus summos, quenquam peruenire non posse, nisi imprimis constituerit: atque ob eam causam scalarum gradus quemcunque prius ascensurum esse primos & medios, quam summos, unde facilem patere aditum ad cubacula superiora videmus, & ad altiores ædium partes, & abditos & reconditos recessus lustrandos peragrandosque processus optatos. Vt enim in montis verticem, & summa fastigia non quisquam prius ascendit, quam ex imis radicibus adhibita corporis & animi contentione cœperit & ascendere perrexerit ad summum usque: sic equidem summum id, quod in aliqua re fuerit, consequi nemo speret, nisi principia, per quæ peruenitur ad illud, studiose, diligenterque tenuerit. Quod in litterariis honoribus non minus clare perspicueque videri potest: qui cum multi sint & suis gradibus singuli deferantur, summum cuiuscunque artis ac disciplinæ gradum, nisi prius consequuto primo quisquam se assequuturum esse desperet. Nam ad summum doctrinæ honorem nemini datur ascensus, nisi à Baccalavrei laurea primordia duxerit, & qui inter Baccalavrei & Doctoris insignia interiectus est, licentiati gradum obtinuerit. Mihi igitur ad summos sacræ Theologiæ honores aspiranti Baccalavrei primum decora & ornamenta sunt appetenda, sine quibus frustra ad summam Doctoris amplitudinem enitar atque contendam. Nam si in ordinem Theologorum Patrum celsissimorum ascendere voluero, si vestris insignibus honorificentissimis decorari, si cohonestari Patrum amplissimorum dignitate, si perfrui tanti confessus prærogatiuis & immunitatibus, si denique ex Doctoris dignitate fructum ferre, præmiumque magnificentissimum optem, mihi prius gradus est tenendus Baccalavrei. Quem, ut ad hæc summa præcellentissimaque decora & ornamenta vestræ dignitatis perueniam, mihi nunc postulanti non debes, Doctor amplissime, negare, sed potius visitato Academiæ more tua in cunctos palestræ litterariæ milites commendata liberalitate cōcedere. Etenim post confectum nostræ disciplinæ cursum, quis æquo animo ferre queat, omnem spem præsciendi, omnem videre aditum præclu-

sum, quem primus iste gradus patefacere visus est, & spem vestrum omnium honorum consequendorum certam & exploratam afferre? Cum pullos domi suæ continere vult aliquis, neque extra auiarium euolare suum, pennas incidit ilicò, quibus in sublime elati volatus susciperent, & quas locorum partes vellent, liberè celeriterque præteruolarent: Hoc alumniis disciplinarum, & studiosis maximarum doctrinarum cultoribus accidere necessarium est, quibus initio, si negentur primi gradus & honores, pennæ præcidentur proculdubio, nec in aula sapientiæ versari, non per Academiam, non per sapientiæ tabernacula, non per reliqua litterarum domicilia clari & illustres, & ferentes fructus disciplinæ perceptæ, aut spargentes opes & diuitias litterarum suarum, cursus & progressiones facere poterunt. Qui verò ad gradum hunc aspirant, alijs sui generis & ordinis relictis longius progredi nolentes, in medio itinere deficient, fracti, debilitatique concident animis, qui hac prima Baccalaurei gloria maximos sibi facerent animos, & ardentibus quasi flammis ad reliquum cursum inflammarentur. Quod malum auertere cupientes præceptores ab Academicis, cum in discipulos munifici semper ac liberales fuerint, tum maximè tu qui præceptor maximus, & princeps Academicæ ab hinc tot annos primariæ cathedræ gubernandæ tantæ cum nominis tui celebritate præfuisi, & liberalitatis istiusmodi tot dedisti documenta discipulis poscentibus, & efflagitantibus beneficentiam, & benignitatem tuam, minimè, nisi postulationis nostræ æquissimæ honestissimæque compotem, pro tua commodandi rebus litterarijs vsitata consuetudine demittes.

Responsio Præceptoris.

NVnquam Deus optimus ac maximus velit P. G. ut post labores maximos & intolerandos, quibus se fregerunt in litterario cursu bonarum artium ac disciplinarum amantes, fructu coreant laborum & vigiliarum suarum iusto ac debito, me præsertim auctore: qui si negassem vnquam præmium & honorem statis temporibus litterarum alumniis tribuendum, me proditorem & hostem Academicæ nostræ, & publicæ vtilitatis oppugnatorem, & Rerum publicarum euersorem appellerem, qui tanto bono de medio sublato, ablati litterarijs honoribus academias & Respublicas affictas ac perditas

perditas miserrimè concidere fecissem. Testarer non vestros solum animorum sensus meæ perpetuæ in studiosos & strenuos adolescentes voluntatis testes egregios, sed habitos de me sermones honorificos, & laudes in publicis circulis, in gymnasijs maximis, in celebrioribus disputationibus multorum oratione prædicatas istius meæ liberalitatis ergo magnificentiissimæ. Testarer etiam gymnasia maxima, & nostrum hoc, quod tantorum etiam diligentissimorum adolescentum numero ac frequentia celebratum aspexistis, & videtis istius dici luce iucundissima, qui me descendente de suggesto propter orationes in discipulorum laudem habitas in suos propè humeros sublatum fausta secundaque acclamatione extulerunt in perystilium. Sed id nolo testari multa verborum iactatione, quod omnibus notum est ac testatum, quod in præsentis dici litteraria celebritate negare me studioso, diligenti præstantique discipulo facinus esset & scelus maximum. In quem si cunctorum oculi propter diligentiam & assiduitatem suam in nostra facultate positam, & ora coniecta fuerunt in hunc usque diem, si progressiones suæ notæ sunt, & suorum condiscipulorum & cuiuscunque gymnasij bonorum adolescentum celebratæ sermonibus, si habitus illi fuit honos, & decus illustre gymnasij, si denique nihil de discipulo numeris omnibus absolutæ laudis expleto dici potest, quod non in tanti adolescentis præstantiam iure quidem optimo cadat, debeo profectò liberalis & munificus, in decus tantum, & ornamentum tam insigne dialecticorum animi præstantissimi propensione ferri. Quamobrem præmium, quod tuis meritis iure optimo debetur, quod omnes oculis in me suis & animis prorsus intentis expectant, baccalaurei scilicet primam lauream ad reliquorum Philosophiæ & sacre Theologiæ summos, qui te manent, honores aditum egregium & illustrem, mirifica voluntate gratificandi concedo.

*Quarta oratio ex mercatorum similitudine in petitione Baccalaureorum pro Complur.
Academia.*

CVM Mercatores P. G. in remotissimas Indiarum partes, auri, argentique coacervandi causa proficiscuntur, mirari profectò solemus, homines hos divitiarum aviditate capros tot

itinerata facere, tantos labores suscipere, maria nauigare vastissima, & alienissimo sæpè tempore, naufragij faciendi periculo passim expositos. Atque illi non terra latronum insidias, non hyemis asperitatem, non æstus, calores molestissimos extimescunt, neque mari pyratarum, prædonumque crudelitatem, non crebram maris mutationem, non fluctuum intumescentium vim, non tempestatum turbulentissimarum incitationem, quibus iactantur nauigantes, & modo tolli videntur in cælum, modò in imas deprimi profundi voragines, sed hæc omnia mala subeunt, & subituros se esse quanquam sciant, à nauigatione non abhorrent, vtilitatum, quas obtenturi sunt, si in Indiam appulerint, cupiditate succensi. Sic equidem in re litteraria versaturi laborum & molestiarum obliti, tantum & tam immensum pèlagus ingrediuntur, neque ab studijs longo & periculoso annorum curriculo, neque pecuniarum plurimarum sumptu, neque assiduarum multitudine vigiliarum, neque ingenti studiorum labore, neque quotidiana prælectionum frequentatione, neque hyemalis æstiuque temporis difficultatibus, neque apèrto sæpissime amittendæ vitæ discrimine deterri possunt: quin se dies noctesque in litterarum studia animorum singulari propensione conijciant in mediam vsque noctem vigilando, & multas sæpè noctes sine somno transigendo, nullum otiosum ducendo spiritum, vt ad id, quod enitebantur & contendebant, summa cum laude perueniant: Quamobrem quæstus faciendi præstantioris, & honoris Doctorum hominum illustriores comparandi causa laboribus tantopere fregerunt sese, vt vitam suam in apèrtum discrimen intulerint. Illud autem, quidquid valetudinis datur, multis morborum tentationibus, multis passim perturbationibus afflictatum & conuulsatum penè videtur in litteratis hominibus. Quamobrem debes hodierno die, Cancellarie maxime, talem te erga iuuenes hos præstantissimos litterarum mercibus abundantes post earum probitatem cognitam, & exploratam tantis periculis præstantiam præbere: vt eos hodierno die primæ laureæ insignibus & ornamentis afficias. Nam si mercatores quòd argentum, quòd aurum, quòd reliquas opes inuehunt in urbem, vtiles habentur Rebus publicis, quis verum argentum, verum aurum, & veras sapientiæ diuitias pro dignitate celebrabit? An verò quæ ad corpus pertinent, quæque inferunt mercatores in ciuitatem, magni faciemus; quæ vero animum

excolunt,

excolunt, & expoliunt, sapientiæ diuitias abijciemus? pro bonis ex imis terræ visceribus extractis, facis & sordium plenissimis laborare mercatores videbimus, nos pro copijs & opibus sapientiæ opulentissimis non laborem & diligentiam ponemus? mercatores tam diuites fortunatosque in orbe terrarum per vrbes, per populos, per provincias, per regna volitare cernemus, litteratos homines inopes & egentes intra parietes domesticos iacere patiemur, nulla suorum laborum & vigiliarum mercede cumulatos? præsertim cum ex latetibus & ex tenebris emergere debeant, & in cunctis terrarum partibus, hoc est, in omnium oculis & clarissima luce versari. Iacere profecto necessarium est litteras, & litteratos homines, si suis honoribus & præmijs ad opes explicandas, & in communem vtilitatem conferendas non excitentur. Quod ne nostræ academix studiosissimis adolescentibus, quos detrahitis pileis, solutis togis, & stantes adesse vides, accidere possit hoc tempore, tuum est, Doctor amplissime, primos liberalium artium honores, tam bene de academia meritis, & ad sacræ Theologiæ studia aspirantibus non largiri solum, sed tanta liberalitate, tanta beneficentia concedere, vt omnes quotquot præsentis sunt adolescentes, qui ad similes honores properant & accelerant, vires maximas & animos ad curriculum liberalium artium mirabili alacritate conficiendum, præmij præsentis, quod augurium est accipiendorum decursu temporis in hac academia Complutensi bonorum accepta mercede, capiant.

Responsio Cancellarij.

Qui seuit arborem aliquam in irriguo & amœno loco, & maximè fecundo, gaudet magnopere P. G. cum non solum folijs ac flosculis vestitam vider, & surculis, qui pullularunt minimè fallacibus virentem & nitentem valde, sed iam adultam, & adeo præceram, vt ramos in omnes partes diffundat bonorum vbertate pomorum abundantes. Quæ cum ad maturitatem peruenierunt, & à sua præstantia bonitateque commendantur, vt eis homines vescantur, & quæ optima præstantissimaque sunt, in mensam inferantur Regalem; vt post illorum commendationem restare videatur aliud nihil. Quotannis, Patres, seruntur in hac academia arbores multæ tenebræque sed tamen omnes aded pulchra mirabilitate adolescent & fructus

fructus tam præstantes ferunt & eximios, ut quocumque pretio dignæ videantur, & laude non vulgari. Quod si eos ad Principum & ad Regum utilitatem & delicias maximas querere studio magno perstiterint, egregiè fideles administri, gustum proculdubio suorum explebunt & suauitatem dominorum. Atque hos fructus non intelligatis, qui veniunt passim in foro fructuario, & ob odoris auiditatem ac gustus suauitatem quaruntur, & exquisito pretio comparantur; sed qui explent animum insaturabiliter, & auiditatem satiare nequeunt, propter admirandam saporis suauitatem, quin magis ac magis expectantur. Litterarum intelligo fructus vberrimos, & poma cuiuscumque generis in hoc amœnissimo sapientiæ vitidario, hoc est, in academia Complutensi florētissima summa fecunditate collecta: quæ ex tot hortis singulis annis colliguntur & deferuntur in omnes terrarum partes ad alendas sustentandasque Respublicas, & prouinciarum ac Regnorum conseruandam prouehendamque ditionem. Quos enim Dialecticæ pomatium fructus, quos iuris Pontificij horti, sacre Theologiæ agri fertiles & abundantes proferunt, ex tot arboribus, multitudine plurimis, pomorum diuersitate differentibus, & pulchritudine bonitateque præstantibus hos colligunt præceptores, tanquam coloni gnaui industriique & suis floribus distinctos & ornatos, facultatis & doctrinæ suæ insignibus decorandos, egregios & præstantes adolecentes Baccalaureos, viros etiam splendidissimos & ornatissimos licenciatos Magistros & Doctores mittunt in orbis gentium utilitatem maximam. Quarum arborum fructibus, & pomis suauissimis præcellentissimisque profecto si carerent Ciuitates & Regna, cum suis incolis & habitatoribus funditus interijssent. Damus igitur fructus, qui Præceptorum duorum sunt, quos ambo ex suis viridarijs suo labore collegerunt, quos ferunt academix, quos Respublicæ, Regnaque omnia deponunt ad conseruationem & amplificationem suam: qui non aquis ex fonte deductis ac deriuatis irrigati fuerunt, non vnus duntaxat anni redeuntis cursu producti, non temporum iniurijs & tempestatibus expositi, non postremò ad aspectum pulchri intus putrefacti, non opera conseruati rusticanorum, non breuiter absumendi ac mandendi dentibus, sed Sapientiæ perennibus & inexhaustis alii fontibus, tot annorum spatijs prolati, iam tandem in publicum, nulla temporum procella iactati turbulentissimorum, cum visendi ad oculorum aspectum, tum ad v-

utilita-

utilitatem præstantiores, & ipsorum prouecti sudoribus laboribusque litteratorum, atque adeo conseruandi ad temporis diuturnam memoriam. Quid quod non in cæthis, vt arborum fructus floribus adornatos, sed insignibus sapientiæ decoratos damus hoc felicissimo fortunatissimoque tempore, cum magis præstantes, magis doctos, magis nomine fama-que celebratos nunquam emittere potuerit Complutensis Academia?

Quinta oratio ex militum similitudine.

NUnquam profecto milites tot dies vel potius annos tantis periculis obijcerent sese, D. G. nisi sperarent victoriæ consequuta magnas se prædas facturos esse, quibus locupletati reuerterentur ad suos. Atque illa spes rebus præclare gestis, non præmiorum solum, quæ virtuti bellicæ consentanea essent, obtinendorum, sed nominis immortalitate sæculorum commendandi lætos & alacres reddit, vt militarem disciplinam, labores & pericula quæcunque leuiora ducant. Videbitis igitur milites sub pellibus esse, inediâ pati multorum dierum graui obsidione laborantes, in specula manere, vigilias agere, suo præsidio, vigilijs, custodia ciues vacuos omni metu reddere, transilire fossas, arcem ascendere, castella oppugnare, in mediam aciem conijcere sese, periculis omnibus offerre & multis acceptis illatisque vulneribus contra hostem pugnare, neque desistere nisi prælio confecto victoriæ potiantur, atque hæc non solum verno & æstiuo, sed prorsus à rebus militaribus alieno hyemali tempore perpeti: quæ non paterentur proculdubio, nisi maximorum spe præmiorum ad hos labores, & pericula subeunda magnopere commouerentur. Id quod Athenienses, quod Macedones, quod Persæ, quod Principes terrarum Romani tot præmijs, & honoribus bellicæ fortitudini constitutis præclare testatum posteritati reliquerunt. Ita sanè P. G. rebus litterarijs contigisse video, vt ad tantam laudis & honoris amplitudinem peruenerint: quoniam academiarum præmijs, maximorum principum liberalitate, Rerum publ. honoribus cultores bonarum artium & disciplinarum ad litterarum molestias deuotas, & ad superandas difficultates excitati fuerunt & inflammati. An vero fieri posse putamus, vt adolescentes è gremio complexuque parentum abstracti tantum studij litteris impertirent pro seculis disciplinarum

narum intimis percipiendis, pro Dialecticæ Philosophiæque difficultatibus peruestigandis, pro Iurisperitiæ Medicinæque studijs, pro sacræ Theologiæ mysterijs abditis & reconditis penitus intelligendis, priuatæ & publicæ vtilitati dignitatique consulentes, nisi præmijs afficerentur & decorarentur honoribus, quibus eorum labores compensari conquirerent, & alij tantis præmijs impulsu ad litterarum studium alacriores incumberent? Nisi verò difficilius putatis, sub pellibus esse milites, obsidere Castra, oppugnare arces, in aciem prodire mediam, caputque suum in mortis inferre pericula, quam noctes totas, somnum sæpe nullum sub oculis capere litterarum alumnos, quam cum otio, cum carne bellum assiduum gerere? quam animum vincere? voluntatem frangere? quam amittendæ vitæ pericula non reformidare, totiesq; in medio cursu mortem oppetere, quam fractis iam viribus ac prope debilitatis præ laboribus, præ difficultatibus tanta contemptione superatis, vix incolumes euadere potuerunt? Tuum est Magister sapientissime singula acerrimo ingenij tui acumine perpendere, & quæ militibus propter labores, & rei bellicæ discrimen præmia deferuntur, litterarum studiosis non minorem in re litteraria laborem patientibus, confecto laborioso difficilique studiorum curriculo minimæ denegare. Equidem si milites narrant pugnas, & commemorant prælia, res suas magnifice iactantes, sæpe adita pericula, gloriamque consequutam verborum inani iactatione tollentes, tu testis es optimus; Auditores, qui præsentés sunt, & nobiscum curriculum inierunt & persequuti sunt ad hodiernum vsque diem idem testari possunt: quoties in hunc solem & puluerem processerimus, quibus in certaminibus publicis declarauerimus nostrorum ingeniorum & studiorum documenta. Quemadmodum non defuerunt opinioni priuatæ, neque academiciæ matris honori quem plausum & acclamationem excitauerimus, aut aduersarijs respondendo, planeque occurrendo argumentorum, quæ iaciebantur, telis acerrimis, ita præterita tempora recordans hac optata honorificaque laurea, vigiliis & labores litterarios ornabis.

Respon-

Responsio Magistri ad lauream.

*Pro Granatensi, pro Osunensi, pro Hispalensi, pro
aliis Academicis, cum plures gradus
accepturi sunt.*

N^Ullus profecto, Auditores optimi, tam iniquus rerum
æstimator erit, qui si vacuus sit odio, invidia, aut alia,
quæ sensus animorum intimos absumere sæpe consue-
vit, animi perturbatione, non præclare de factis nostrorum
ingeniorum periculis æstimare, vigilias vestras, studia, labores
magnis frequenter laudibus celebrare non debeat: nullus
denique tam insensus & inimicus vobis & præceptoribus ve-
stris erit, aut tam invidus laudis academici tantæ, qui non
constanter confirmare cogatur, tantis vestrorum laborum
maximis clarissimisque testimonijs compulsus progressionum
magnitudine præstantiaque magnam academici virtutis & sa-
pientici accessionem fuisse. Quis enim vestrorum studio-
rum cursus & ad omnem laudem processus admirabilis exti-
terit, quæ Magistrorum diligentia, quod studium, qui labo-
res in res obscuras, assiduitas in commentationes, veritatis
inuestigandæ cura, doctrinæ verioris, proximeque tenendæ
ratio fuerit exquisita, ex ingeniorum vestrorum documentis,
ex mirificis præclarisque responsis clarè perspicueque vide-
runt omnes. Quod si non academici, in qua alti fuistis & edu-
cati, gloria, si præceptorum etiam, quorum doctrina & præ-
ceptis imbuti, nomen omnes provincias Bethicas terra-
rumque sedes disjunctissimas non pervasisset, specimen in-
genij, quod dedistis ad academici, & præceptorum laudem
claram & illustrem reddendam in omnium sæculorum me-
moriæ satis profecto fuisset. Atque si quemadmodum ora-
tor attingit, militici sui præmia quondam & ætate nostra pro-
posita fuerunt, ad milites alacres, & erectos, ad Patriæ, Rei-
que publicæ defensionem reddendos, debent esse Cancellario,
nobisque hoc munere fungentibus magnæ curæ litterarij
labores, qui magnitudine, difficultate, periculis militari-
bus non leuiore videntur esse. Atque si milites laudati quon-
dam inspectante exercitu fuerunt ab Imperatore, si torques,
si corona, si annulis donati, si denique stipendijs con-
fectis agrorum iugera suorum, & immunitates, præro-
gatiuæque

gatiuaſque & laudis ornamenta ſingularia retulerunt, adoleſcentibus in litterarum ſtudio, tanta ſemper alacritate verſantibus, conſecto iam facultatis, cui ſtrenuam operam nauabant curriculo, poſt tot difficultates & moleſtias, atque adeo vitæ pericula ſuperata, præmium & lauream non tribuemus honorificam? Vtinam Academia noſtra & quotquot ſunt toto terrarum orbe officinæ litterariæ, fama nominis & celebritate præſtantes fructus tuliffent ingeniorum & ſtudioꝝ tales, tam vberes, tam præclaros! haberemus ſpem per doctos homines egregieque litteratos ſapientiæ gloriæ in dies magis ac magis in poſterum amplificandi, & nos non fruſtra eadem iniecta ſpes teneret, ſed certam & exploratam haberemus in noſtra gymnaſia veſtro aduentu transferendi inſignia laudis non mediocriſ, obtinendique progreſſu temporum cum florem qui nulla temporum diuturnitate deleatur. Nunc quia mihi, Academicæque vos hodierno die tam inſigniter peperiftis, noſtris muſeis quod ſœlix fauſtumque ſit ad numinis memoriam ſempiternam gaudens ac lætus gratulator. Quamobrem quod tanta demiffione depoſcitis Baccalaurei decus & honorem non honori veſtro ſolum, ſed academiciæ noſtræ conſulentes, animo libenti deferimus.

Oratio Sexta.

Ex ſimilitudinum conglobatione ad lauream petendam.

CONſtat equidem inter omnes, Cancellariæ maxime, hominum animos præmijs præcipuè & honoribus ad labores adcundos vehementer commoueri. Nam agricolæ nunquam ad terram aratri vomere perſtringendam, ad ſemina agris mandanda, tantis laboribus, niuibus & pruinis, cæteriſque iniurijs hyemalibus perferendis adducerentur, niſi ſpem condendi frumenti in horrea magnam haberent. Si Mercator adit terras longo interuallo diſtantes, nauigat maria plurima vaſtiſſimaque alieno læpe tempore, & prædonibus non rarò reſerto mari, ſine dubitatione multis opibus auctum & cumulatam ſe rediturum eſſe in patriam ſperat, & quæſtus ſe facturum eſſe maximos importatis exportatiſque mercibus, quibus aliquando in otio eſſe poſſit cum honore &

re & dignitate maxima. Quid verò magis notum esse debet, quam militem in medias inimicorum acies irruere sapissimè, & vndique telis appetitum hostibus non extimescere mortem, ante oculos versantem, nec gladios oculorum aciem fulgore perstringentes victoriæ spe concitatum & præmiorum, quæ consequuturus est dulcedine captum? Cum ergo quibuscunque superioribus corporis exercitationibus contentiones literariæ præstantiores sint, & omnium sapientissimorum auctoritate clariore habeantur, consentaneum equidem rationi videri debet, ut litteratorum labores maximi, si non pro dignitate (quod enim præmium, quæ dignitas litterarum honori par vnquam esse poterit?) at vsitata saltem mercede compensentur, ut illorum accepto præmio reliqui excitentur ad se ipsos in litterarum studium animo voluntateque coniiciendos; cum litterarum præsidia sint & muri Rerum publicarum fortissimi, sine quibus neque agricola, neque mercatores suas artes exercere potuerint commodò & utilitate publica. Atque ipsi labores bellici, pericula capitis adita, victoriæ quæcunque reportata, regna siue ex inimicorum obsidione liberata, siue noua provinciarum accessione propagata, nulla quidem ducentur sine sapientiæ imperio ac potestate dominante: si tamen Romanorum res tandiu steterunt, si floruerunt Atheniensium imperia tanta nominis & fortunæ florētissimæ nota cunctis, testataque celebritate, id quidem litterarum præstantiæ retulit acceptum imperium vtriusque. Quemadmodum autem litterarum cursum inierim & conseruerim, quemadmodum opinioni bonorum adolescentum respondere studuerim, & expleuerim animos doctissimorum hominum, qui meis disputationibus interfuerunt, & cohonestare sæpè non inuitati voluerunt, Patrum extant de meis publicis actionibus graua & honoris plena iudicia, quibus adductus meos labores libentius hoc amplissimo præmio compensare debes. Quo si me affeceris, habebis adolescentem in posterum magis litterarum studiosum, qui se decoratum honore præsentem cernet, non ad vacandum litteris, non ad otium & desidiam, non postremo ad inania laureæ solum insignia iactanda, sed ad maiores labores & vigilias sine intermissione suscipiendas, ad maiorem in litteris curam assiduitatemque ponendam, ad doctorum hominum honorem conseruandum & amplificandum, & quod caput est, ad confectum istius Academiæ Patrum grauiusculorum illustrem quotidianis facultatis nostræ spectaculo.

lis editis honorificè decorandum. Tui verò, Doctor sapien-
tissime, vestrum omnium P. G. istorum parietum & florentis-
simæ Salmanticensis Academiæ nunquam obliuiscat, sed tan-
tum beneficium, præsentem lauream studio, labore, vigilan-
tia, perpetua denique grati animi recordatione colam, & dum
hiæce corporis compagibus includar, illustri prædicatione ce-
lebrabo. Dixi.

Oratio ad lauream deferendum.

TEstata sunt generi virorum doctissimorum præmia re-
bus litterarijs summa veterum & nostrorum hominum
consensione delata. Neque quisquam est tam ignorans re-
rum, tam parum de Repub. cogitans, qui non ingenuè fateatur,
multis corporis exercitationibus præstare litterarias conten-
tiones, quæ suscipiuntur totis non solum corporis & animi
viribus, sed etiam sine intermissione totos dies ac noctes, atque
adeo constanter, ut tum, cum maximè vacare videantur à labo-
re litterati, cum dormiunt paululum temporis humana imbe-
cillitati parendo, statim temporibus vescuntur, id faciant adeo
parcè moderateque, ut vires recreare videantur ac reficere: sic
etiam refectis corporibus à mensa surgunt, ut recreati quidem,
non oppleti studia repetere sæpe consueſcant. Illud autem,
quidquid est, quod exiguum certè est, cum capiant, vacare
mentem non sinunt in litteras & in studia semper animi cogi-
tatione defixam: sic spiritum nullum otiosum, nullum liberum
neque vacuum ducunt. Quæ si vera sunt, si litterarum munu-
mentis consignata: cur ea, quæ agricolas, quæ mercatores,
quæ denique milites consolatur in medijs laboribus, & ad fi-
nem usque properare facit summa celeritate, fructuum colli-
gendorum, & præmiorum obtinendorum spes optata, non ad-
erit aliquando rei litterariæ studiosis alumnijs? An verò feren-
dum erit, ut agricolarum horrea frumenti copia maxima com-
pleantur, cellæque vino & oleo redundant; ut mercatores ex
arte sua quæritus vberimos faciant & viuant diuites & opulen-
ti, bonorum omnium copijs affluentes; ut denique milites vi-
ctoria reportata spolijs potiantur, & honores & dignitates am-
plissimas Regum & Imperatorum liberalitate referant propter
labores & ad id pericula ex militari contentione, litterati vero
debitis præmijs, & honoribus priuentur, ut gradum, quem ex-
pectabant honoris non assequantur? ut denique hoc splendore
popu-

populari, hac orbis gentium clarissima luce careant? Non sic, non sic equidem ferendum puto, neque quisquam eorum, quos praesentes video, putabit unquam. Laborasti, vir sapientissime, laboris pretium feres: ratio id postulat, Academia parens nostra sanctionibus suis stabilivit, doctæ confirmant beneque constitutæ diuersarum gentium Academiae. Nam ut aliarum omittam arrium studiosos, & de vno solum milite loquar, si miles hyemat sub pellibus, in ediam tolerat, & perumpens inimicorum phalanges, capit arces, & fugatis caesisque inimicorum multis milibus victoriam consequitur & præmia refert, nomen suum immortalitati commendans, tu qui per quinque annium cum tuis commilitationibus tanta corporis & animi contentione litterarum studio vacasti, & otio desidiaque, terribilis hostilibus profigatis, tot molestiarum acerbitatibus fortiter patienterque toleratis, & adeo contra fragilitatem imbecillitatemque humanæ naturæ totus acerrime conflixisti, & victus non modò non excessisti, sed gloriosus ac triumphans præmium non referes amplum, & tuis laboribus constitutum, ut in oculis & in ore versere mortalium, & tuis laboribus, tuis vigilijs cum nominis illustri peruagataque gloria perfruaris? Fruere præstanti laureæ dignitate, & foelix ac fortunatus capias gradus insignia gloriosissima, ad quæ cum tua oratione, tum Auditorum declarata animorum eximia voluntate vocor.

Oratio septima.

Ad laureæ petitionem, ex Nautarum similitudine.

Qua vobis praesentibus, Doctq; sapientissime, P. G. oratione me uti deceat, prope iam ex magna iactatione terrâ videntem, & quem optabam, tutum & tranquillum portum ingredi-entem præ maximis tempestatibus, quas subiit quisque vestrum in litterarum longa periculosaque nauigatione, non ignoro scire præclare satis vnumquemque vestrum. Nam si nauæ cum aduersa tempestate iactantur in alto, & portum optatum tenuerunt, lætantur magnopere, quid me mare litterarum abhinc tot annos nauigantem dicturum esse putatis? quâ maris perturbationem, quam fluctuū vim incitatâ, quas scyllas, quos scopolos

vobis optimis testibus & scientissimis periculorum commẽ-
 moraturum? Cum altum naues tenuerunt, nec amplius appa-
 rent vlla terræ, & cœlum vndique, & vndique maria cernun-
 tur, & violenti ab imo mari venti fluctus instar montium altis-
 simorum tollunt in cœlum, toto mari iactantur nautæ, per-
 mixtusque imber & nimbus creber & horrificus diei, cœlique
 lucem offusis tenebris horrentibus aufert, i t temporis dispo-
 dere nubes, continuo tonitrus, & petruptione facta, crebro mi-
 care fulgura, & oculis obuersari fulminum iactus terrifici vi-
 dentur, & cursu nautæ scientes exenti, & cæcis in vndis errare,
 gubernator nesciens cœlo diem noctemque discernere.. Quid
 plura multos dies, & multas noctes toto iactari pelago vecto-
 res dicuntur obscura cæcæque caligine: donec post dies aliquot,
 tres, aut quatuor, visa est attollere sese terra, aperire procul
 montes, ac fumum voluere non obscurum incipiunt, lætari
 omnes, vela facere, & secare spumas festinanter, portus, ter-
 ræque capiendæ cupidissimi. Quam cum tenuere, quæ euase-
 runt, pericula recordari, vix apud se præ lætitia esse possunt, &
 exoneratis nauibus argento, auro, cunctis mercibus & diuitijs,
 tanto labore comparatis gaudentes potiuntur, ac lætantes. Nô
 hæc obscura species est, & adumbratio litterarum navigationis:
 in qua non per dies aliquot, sed per multos annos hyemalibus
 pruinis & iniurijs cœli semper expoliti, & aduersis valetudini
 temporibus non raro confictati estu, febrique vehementissima
 procul à patrijs sedibus, quæ nostræ salutis portus tutissimi fuis-
 sent, tanto naufragio fortunatum, & à parentibus disuncti, di-
 uulsique iactamur. Quamobrem cum appulimus portum opor-
 tû, periculis omnibus nauigationis susceptæ liberati reficimur,
 ac recreamur aspectu telluris opratæ, & in illa ex tam longo er-
 rore & tempestate pedem tandem aliquando ponentes in con-
 tinenti, incredibili lætitiæ voluptate perfruimur: & quos tanto
 labore diuitias comparauimus, quos quæstus in re litteraria fe-
 cimus, pluris habemus, & pretio constituto studiosis litterarum
 dignosamur. Cum præsertim sæpè tam perditæ valetudi-
 ne, tam fractis viribus euadamus, tam ex haustis diuitijs & opi-
 bus paternis, vt recuperandæ salutis integræ, opumque con-
 sumptarum, decursu temporis quascunque dignitates, quam-
 cumque requiem adepti spem non adeo magnam habeamus.
 Quamobrem pro laboris magnitudine, pro multitudine mole-
 stiarum, quas litterati deuorant, si mercedem persolvere acade-
 miarum

miarum gubernatores debent, & in tua dignitate positi viri præcellentes & honorati, non ab officio tuo videbitur alienum deposcentibus nobis licentiari lauream, in nos beneficium ac liberalem te præstare. Tu Cancellarie maxime, quæ tuæ sunt partes honorificentissimæ istiusmodi licentia honoris deferendi, pro dignitate, quam in hac alma Complutensi Academia consequutus es, munus tuum quemadmodum ego depono & omnes expectant libenter obibis, atque liberaliter.

Oratio ad gradum deferendum.

SI labores litterarij pro magnitudine compensandi fuissent, considerata præsertim dignitate litterarum, & eorum, qui litterarum studijs strenuam operam nauauerunt difficultatibus diligenter æstimatis, nulla reperietur æqua satis ac digna laborum merces. Id quod Isocrates eloquentissimus & sapientissimus deplorauit inuectus in Græcorum Principes, & Moderatores Rerum publicarum, qui certaminibus corporis præmia magna decreuissent, contentionibus tamen sapientiæ nullum. Nam quamuis litterati multis decorabantur honoribus, & dignitatibus amplissimis, nullus tamen Philosophus insignis ducebatur, pro litterarum & hominum doctissimorum eximijs & immortalibus meritis. Hoc cum animaduerto, laudo Academijs omnes, laudo Principes terrarum, qui sapientibus fauent, & quos ingenio, bonarum artium studijs generi mortalium cuiusque præcurrere conspiciunt, his insignia litterarum Præfecti Academiarum deferunt, & eos Reges in alto dignitatis gradu collocant, ne multi præmijs saltem, quæ deferri possunt, carentes, suos ad alias res animos voluntatesque conuertant: & qui in sapientiæ studium ingressi fuerunt, illud propter desidiam aut ignauiam deferant. Quamobrem dum mecum tacitus considero studium & laborem tuum in litteris positum, & temporis præteriti spatia longissima, progressiones plurimas, & maximis litterarijs actionibus testatas, comparatam ingenij acumine, studio, vigilantia, & assiduitate gloriam nominis immortalis, & quoniam maiorum nobilitate niti potuisses, tanta corporis & animi contentione cursum feliciter confectum, non possum non te magnopere commendare, non etiam Academiae nostræ gratulari splendorem, & decus nobis & huic ordini sapientissimorum Patrum ex accessione tui gradus al-

latum. Atque si nobis aliquando querendi tempus fuit, & hostibus rei literariæ facultas obijciendi floris bonorum ingeniorum ad litterarum aliqua ex parte iacentem fortunam subleuandam, hodierno præcipue die magno cum inimicorum nostrorum dolore rei literariæ augendæ an detur oblata fuisse nobis delato munere fungentibus occasio debita tuos labores & vigilias compensando. Quamobrem, quod deposcis, quod debetur tuis egregijs & singularibus meritis tanto auditorum, & Patrum grauissimorum plausu læti & hilares honoris insignes deferemus.

Oratio Octaua.

Ad petendum gradum, ex Græcorum antiqua consuetudine.

GRÆCIA illa, quæ fama semper & gloria, quæ bonis artibus & imperio quondam, & bellica laude floruit, Olympicos magna celebritate ludos statis temporibus ad vires exercendas, & ad eos, qui maximè cursu, saltu, cæterisque corporis contentionibus decertare vellent, claros & celebres reddendos constituisse fertur. In quibus, qui præstantiores fuerunt, præmijs magnis afficiebantur, in patriam redeuntes, curru triumphali vecti, oleaque virenti coronati. Atque illi disruptis ex vna parte mœnibus & patefactis, aditum habebant gloriosum & illustrem cantus modulatione suauissima concinente, multisque hominibus ornatu militari victoriam honorificè prædicantibus. Quæ res maximos viros ad ludorum celebritatem ex tota Græcia confluentes incredibili nominis comparandi cupiditate flagrantem traxit ad olympica certamina: qui non currere solum, & saltare, sed pugnos & plagas accipere & inferre didicerunt. Erii pugiles exercitati admodum, & viribus & agilitate valentes victores excellerunt. Si Græcia corporis exercendi gratia suis hominibus ludos hos & præmia constituit, qui literaria spectacula, certamina animorum gloriosa proposuerunt, insignia profecto laudis & honoris proposita victoribus non denegabant, qui rei literariæ multo clarioris & illustrioris per tot annorum curricula labores non susceperunt solum, sed artis & scientiæ suæ tot & tam gloriosa documenta dederunt. Quem nos la-

borem

borem & diligentiam adhibuerimus, quanto conatu corporis & animi defudauerimus, ut ad hanc præmij propositi postulationem descenderemus, non est oratione nostra celebrandum. Cum suam laudē & merita, nemo prædicare possit sine summo pudore, quò bonis moribus instituti, & indole præclara præditi afficiantur ferè semper: & de se nunquam cum aliqua laude loquantur, & cum id fecerint, parce nimis faciant & modestè. Atque si ex Græcia pugiles multi conuenerunt, quot ex diuersis terrarum partibus, & non ex patriæ propinquis solum sedibus, sed ex disiectissimis prouinciis, & regnorum finibus excedentes Salmantem conuenimus litteris bonis operam nauaturi? Qui si non plagas corporibus accepimus, aut si non intulimus, aut quoties distinximus gladios, & ingeniorum vitela contorsimus ad disputationum vtitata pectacula celebranda? quot morbos contraximus & pericula subiimus, ut hunc honoris & gloriæ apicem peteremus? Non in curram, sed in cathedram ascendenti facultatem, non olea, sed Doctoris insignia deposcimus, non muros patefieri parietum euerfione solita, sed aditum & litterarum honores bono Rerum publicarum postulamus. Non denique propter humiles illas & contentionis nomine indignas, sed propter vtilis, necessarias, & gloriofas rei litterariæ pugnas in hunc accessimus locum. Denique Patres, si pugiles in Olympicis ludis exercuerunt sese, suæ id duntaxat utilitatis & emolumentum priuati causa fecerunt, nihil aliud nisi futilem, & inanem gloriam contententes: nos Rerum pub. Christianæ Religionis commoda, & summum immortalis Dei decus & honorem sempiternum appetentes, studiorum laboriosam & arduam viam confecimus. Quamobrem, quod illi suis hominibus pugna commissâ, vos alumniis Academicæ, cursu tantæ disciplinæ confecto, liberaliter impertiri non desinetis.

Oratio ad lauream deferendam.

Diuinus ille Plato, Auditores optimi, cum multis terrarum partibus peragratâ bene moratam Rempub. quæsiuisset, finxit in libris ciuitatem, cui sapientes præessent; ut eodem, melius & accuratius leges ac iura seruarentur. Hanc ciuitatem, si quidem bonis moribus constitutam, & sanctissimis legibus temperatam, doctas ille sine dubitatione diceret Academias, tam æquitatis & iustitiæ magnitudine præclare

fundatas, & omni tempore virorum sapientissimorum doctrina conseruatas, in quibus vigilijs, laboribus, & virtuti suum præmium, quod facultates hominum tenues & exiguæ persolvere non possent, summa æquitate defertur. Neque quisquam erit tam infelix rerum, aut hospes in hac Academia peregrinabitur, errabitque, vt non præmia, ex multis audierit, quæ suorum laborum ampla satis & magnifica litterati spectent. Qui verò in gymnasijs nostris annum solum versati sunt, quæ præmia doctis hominibus tribuantur, quæ quorannis diuersarum artium & disciplinarum spectacula præbeantur, nouerunt equidem & testabuntur. Quod si reliquarum rerum concentum & harmoniam spectare voluerimus, ex publicis renuntiationibus, quæ antecesserunt, documenta maxima capiemus, in quibus nihil non summa æquitate iustitiaque factum reperietur. Sed ea non sunt huius instituti neque loci: partem tamen aliquam ex præsentis laureæ honore spectemus, quæ tanto multitudinis concursu, tanta nobilium celebritate, tanto doctissimorum hominum consensu, & totius Academiæ la tantis plausu defertur, ac tu Licentiæ sapientissime desiderare posses. Quod Academia dat satis amplum esse vides, sed maius gloriæ præmium, tanquam obsidem & pignus matris eximix, in te tuique similes litteratos & doctos viros liberalissime conferri videbimus. Nam cum honos iste sit aditus ad Doctorum ordinem sapientissimorum obtrinendum, ad auctoritatem & dignitatem tanti confessus ornandam illustrandamque, tum ille vim magnam habet ad honores Reipublicæ consequendos, & vt te Philippus Rex Hispaniarum potentissimus in amplissimo dignitatis gradu collocet. Quod ille faciet præfecto, cum te non litteris solum ornatum, sed ex horum Patrum doctissimorum florentissimo Senatu viderit te vnum esse, qui ad generis nobilitatem, ad maiorum vetustissimam & clarissimam stirpem, virtutem & litteras tanta cum gloria tui nominis adiunxeris. Et quanquam ex tot Patribus venerandis admodum, ex tot luminibus, & ornamentis ordinis huiusce clarissimi, non primus lauream Doctoris insignem accepisses, non exiguo tamen propter splendorem familiæ tuæ, & virtutum & litterarum cumulum, cum Academiæ, tum Reipublicæ Christianæ præsidio semper & ornamento videreris.

Oratio Nona.

*Ad gradum petendum, ex triumpho
Romanorum.*

NVlla gens fuit vnquam, P. G. ex omnibus quotquot propinqua aut disiuncta terrarum loca colunt & coluerunt vnquam, Romana clarior imperij opulentissimi potentissimique magnitudine. Quippe quæ suum imperium ab exiguis ortum initijs fortissimorum Ducum rebus præclare gestis extremis orbis terrarum finibus terminauit. Quod si causam quærere volueritis, illam auctorum eiusdem gentis, qui literis aliquid de Imperio Romano commendarunt, testimonijs comprobaram ex illorum facile annalibus eruetis. Nam cum nullum esset laudis præmium, nullum insigne gloriæ, nullum denique præmium laboris amplissimum, quod Romani fortissimis Ducibus & Imperatoribus victoria reportata. non liberalissime detulerint, triumphij præsertim gloria, fortes hos, & de Republica bene meritos viros afficiendos decorandisque S. P. Q. R. auctor tate cunctorum consentiente decreuit. Hinc Imperij Romani propagati fines, hinc tot Prouinciæ ad Romanorum ditionem & Imperium adiunctæ, hinc Reges orbis terræ potentissimi deditione facta populo Romano subiecti. Hinc postremo Roma facta fuit gentium & nationum cunctarum summa præpotensque domina. Quæ nunquam profecto rerum potita tantopere fuisset, nisi Camillos, Scipiones, Curtios, Pompeios, & reliquos Imperatores bellica laude florentes præmijs maximis & honore triumphij ad egregia facinorata & alacres reddidisset. Quæ si fuerunt Patres, quemadmodum veterum monumenta testari cognouimus, quid est quod consuetudinem rei litterariæ præmijs & honoribus excitandæ vetustissimam non omni laude & honore prosequamur? Non præmia spiritum academiæ, non vitam studiorum & disciplinarum appellabimus? An vero fieri posse putatis, ut homines tantis se laboribus periculisque obiecissent, nisi contentionis litterariæ fructum ferrent amplissimum? & primum hos honores vestros, & diuersarum scientiarum dignitatem, lauream suam & insignia proposita, atque lustrationem plenam dignitatis expectarent? inde ascensus ad cathedram, ad præceptoris munus, ad Ecclesiarum amplissima sacerdotia, ad Rei-

Prima oratio ad gradum petendum, ab exemplo petita.

Lysander ille Dux Lacedæmonum non obscurus interroganti Persæ, quam Rempub. maxime probaret, eam respondet, in qua viri fortes & strenui rebus præclare gestis consentaneum pretium referrent. Quibus verbis significare voluit virtutem præmijs excitari, ignaviam ignominia mulctari. Atque hæc Achilli causa fuit stomachandi apud Homerum, quod eundem honorem tribui videret ignavis, ac fortissimis ducebatur. Hoc sane frequenter experiuntur Respublicæ litterariæ, quæ cum præmijs præcipue laboribus constitutis nitantur, florent bonorum ingeniorum præstantiâ, & omnis ordinis litteratorum dignitate gloriosa, quæ iacerent profectò in tenebris & obscuritate maxima denegatis sapientiæ debitis honoribus, & gloriæ insignibus, quæ confecto cuiuscunque facultatis & disciplinæ curriculo honorificè deferuntur. Quod igitur laborare videtis & in litteris desudare adolescentes, quod gymnasia bonorum præceptorum voce personare, quod multitudine compleri studiosorum adolescentum, quod rem litterariam feruere maxime, argumentantibus & respondentibus condiscipulis, quod tot publicas actiones litterarias, & diuersarum artium & disciplinarum disputationes celebrari, quod tot Magistrorum, tot Doctorem florem intra scholas & amplissima theatra versari, quod tot in orbis gentium propinquas disunctasque partes, tanquam in Colonias milites quondam Romanos, vel ad Rerum publicarum gubernacula, vel ad opulentissima sacerdotia, atque adeo ad Pontificum sacras ritas emitti viros doctissimos sapientissimosque, quod denique magnum esse Salmanticensis Academiæ nomen, magnam famam apud omnes gentes, atque nationes, præmiorum multitudinem & præstantiam huiusce honoris & amplificationis admirandæ causam fuisse scitote. Quot enim academias habent Hispaniarum Regna, quàm multas in provincijs fere omnibus, & prope in cuiuscunque provincie maximis & amplissimis vrbibus fundatas, quæ præmijs vestriæ academiæ magnificentissimis carent, carent academiæ Salmanticensis celebritate. Huius laudis (vt alia omittam) testes erunt exquisiti præceptores aliarum academiarum, qui magnitudine stipendiorum Salmanticensium cuiuscunque Cathedræ excitati ad hanc ambien-

ambiendam præcipuis & primarijs relictis, quibus cum magna sui nominis gloria Magistrorum munere fungentes perfruebantur, edictis vestris palam propositis & emanantibus in vulgus Salmanticam summa aviditate decurrerunt. Hæc celebriora sunt, quam ut multis verbis indigeant: sed gradus & honores baccalaurei, licentiati, summus ille & præcellentissimus Salmanticensis Doctoris apex quanti habetur: quàm auide appetitur? quauero denique honore celebratur? Doctoris omnis laus in Salmanticensi laurea consistit, à qua quidem semper commendantur Doctores. Et Reges ad honores eisdem deferendos ipsius Salmanticæ solum audito Doctoris nomine ducuntur. Quid ergo in re litteraria, vestra in academia mihi abhinc tot annos versanti clarius accidere potuit, & ad nominis memoriam sempiternam illustrius, quàm Salmanticensem accipere lauream, illius honores & insignia deferre, quibus ornatus, ubicumque sis summa cum gloria, dignitates Reipub. appetam atque contendam? Vtrum ignauo an diligenti, litterarum experti, an iuris Pontificij studioso tanta gloria digno, an ex aliqua parte de academia Salmanticensi bene merito, oblituro in posterum vestram liberalitatem, an vestrorum in me beneficiorum memoriam in perpetuum conseruaturum lauream præsentem delaturi sitis ex præteriti temporis cursu, quem vobiscum confeci, poteritis intelligere. Ego quod meum est hodierno die munus, quod institutum præsentis litterariæ actionis, quod omnes, qui in hunc locum & theatrum prodeuntes, mei similes facerent, libens & audus vestri honoris facio, si nullum officium vestrum apud me intermoriturum existimatis: si nullo casu arbitramini, hoc grato memorique beneficiorum viro posse contingere, ut memoriam abiiciat vestrorum in me meritum, petam à vobis ut quales vos erga viros alios, & academiz Salmanticensis alumnos præstitistis adhuc, in me Doctoris insignibus ornando, & hanc diem honorificentissima celebritate decorando, liberalitate solita munificentiaque præstetis. Quòd equidem quoniam vos P. G. ex subscellijs, in quib, tanta cum amplitudine confidetis mihi significasse, lætantesque annuisse videmini: euan, qui totius academiz, & tanti senatus partes agis, Doctor sapientissime, vocem in hanc auditorum doctam & illustrem coronam tandem hoc expectato, præsentique iam felicissimo tempore mittendam expecto.

lis editis honorificè decorandum. Tui verò, Doctor sapien-
tissime, vestrum omnium P. G. istorum parietum & florentis-
simæ Salmanticensis Academiæ nunquam obliuiscar, sed tan-
tum beneficium, præsentem lauream studio, labore, vigilan-
tia, perpetua denique grati animi recordatione colam, & dum
hiscæ corporis compagibus includar, illustri prædicatione ce-
lebrabo. Dixi.

Oratio ad lauream deferendum.

TEstata sunt generi viro-
rum doctissimorum præmia re-
bus litterarijs summa veterum & nostrorum hominum
consensione delata. Neque quisquam est tam ignorans re-
rum, tam parum de Repub. cogitans, qui non ingenuè fateatur,
multis corporis exercitationibus præstare litterarias conten-
tiones, quæ suscipiuntur totis non solum corporis & animi
viribus, sed etiam sine intermissione totos dies ac noctes, atque
adeo constanter, ut tum, cum maximè vacare videantur à labo-
re litterati, cum dormiunt paululum temporis humana imbe-
cillitati parendo, statim temporibus vescuntur, id faciant adeo
parcè moderateque, ut vires recreare videantur ac reficere: sic
etiam relictis corporibus à mensa surgunt, ut recreari quidem,
non oppleri studii repetere sæpe consueſcant. Illud autem,
quidquid est, quod exiguum certè est, cum capiunt, vacare
mentem non sinunt in litteras & in studia semper animi cogi-
tatione defixam: sic spiritum nullum otiosum, nullum liberum
neque vacuum ducunt. Quæ si vera sunt, si litterarum munu-
mentis consignata: cur ea, quæ agricolas, quæ mercatores,
quæ denique milites consolatur in medijs laboribus, & ad fi-
nem vsque properare facit summa celeritate, fructuum colli-
gendorum, & præmiorum obtinendorum spes optata, non ad-
erit aliquando rei litterariæ studiosis alumnijs? An verò feren-
dum erit, ut agricolarum horrea frumenti copia maxima com-
pleantur, cellæque vino & oleo redundant; ut mercatores ex
arte sua quæritus vberissimos faciant & viuant diuites & opulen-
ti, bonorum omnium copijs affluentes; ut denique milites vi-
ctoria reportata spolijs potiantur, & honores & dignitates am-
plissimas Regum & Imperatorum liberalitate referant propter
labores & ad id pericula ex militari contentione, litterati vero
debitis præmijs, & honoribus priuentur, ut gradum, quem ex-
pectabant honoris non assequantur? ut denique hoc splendore
popu-

populari, hac orbis gentium clarissima luce careant? Non sic, non sic equidem ferendum puto, neque quisquam eorum, quos praesentes video, putabit unquam. Laborasti, vir sapientissime, laboris pretium feres: ratio id postulat, Academia parens nostra sanctionibus suis stabilivit, doctrinae confirmant beneque constitutae diuersarum gentium Academiae. Nam ut aliarum omittam artium studiosos, & de vno solum milite loquar, si miles hyemem sub pellibus, in ediam tolerat, & perumpens inimicorum phalanges, capite arces, & fugatis caesisque inimicorum multis milibus victoriam consequitur & praemia refert, nomen suum immortalitati commendans, tu qui per quinque annium cum tuis commilitationibus tanta corporis & animi contentione litterarum studio vacasti, & otio desidiaque, terribilis hostilibus profligatis, tot molestiarum acerbitatibus fortiter patienterque toleratis, & adeo contra fragilitatem imbecillitatemque humanae naturae totus acerrime conflixisti, & victus non modò non excessisti, sed gloriosus ac triumphans praemium non referes amplum, & tuis laboribus constitutum, ut in oculis & in ore versere mortalium, & tuis laboribus, tuis vigilijs cum nominis illustri peruagataque gloria perfruaris? Fruere praestanti laureae dignitate, & foelix ac fortunatus capias gradus insignia gloriosissima, ad quae cum tua oratione, tum Auditorum declarata animorum eximia voluntate vocor.

Oratio septima.

*Ad laureæ petitionem, ex Nautarum
similitudine.*

Qua vobis praesentibus, Doctor sapientissime, P. G. oratione me uti deceat, prope iam ex magna iactatione terram videntem, & quem oprabam, tutum & tranquillum portum ingredi-entem praemaximis tempestatibus, quas subiit quisque vestrum in litterarum longa periculosaque navigatione, non ignoro scire praecclare satis vnumquemque vestrum. Nam si nautae cum aduersa tempestate iactantur in alto, & portum opratum tenuerunt, laetantur magnopere, quid me mare litterarum abhinc tot annos nauigantem dicturum esse putatis? quae maris perturbationem, quam fluctuum vim incitatam, quas scyllas, quos scopulos

vobis optimis testibus & scientissimis periculorum commémoraturum? Cum altum naues tenuerunt, nec amplius apparent vllæ terræ, & cœlum vndique, & vndique maria cernuntur, & violenti ab imo mari venti fluctus instar montium altissimorum tollunt in cœlum, toto mari iactantur nautæ, permixtusque imber & nimbus creber & horrificus diei, cælique lucem offusis tenebris horrentibus aufert, ita temporis dispendere nubes, continuo tonitrus, & perturbatione facta, crebro micare fulgura, & oculis obuersari fulminum iactus terrifici videntur, & cursu nautæ scientes exuti, & cæcis in vndis errare, gubernator nesciens cœlo diem noctemque discernere. Quid plura multos dies, & multas noctes toto iactari pelago vectores dicuntur obscura cæcaque caligine: donec post dies aliquot, tres, aut quatuor, visa est attollere sese terra, aperire procul montes, ac fumum voluere non obscurum incipiunt, lætari omnes, vela facere, & secare spumas festinanter, portus, terræque capiendæ cupidissimi. Quam cum tenere, quæ evaserunt, pericula recordati, vix apud se præ lætitia esse possunt, & exoneratis nauibus argento, auro, cunctis mercibus & diuitijs, tanto labore comparatis gaudentes potiuntur, ac lætantes. Nō hæc obscura species est, & adumbratio litterarum navigationis: in qua non per dies aliquot, sed per multos annos hyemalibus pruinis & iniurijs cœli semper expositi, & aduersis valetudini temporibus non raro confecti estis, febrique vehementissima procul à patrijs sedibus, quæ nostræ salutis portus tutissimi fuisset, tanto naufragio fortunarum, & à parentibus disuncti, diuulsi que iactamur. Quamobrem cum appulimus portum operatū, periculis omnibus navigationis susceptæ liberati rescimur, ac recreamur aspectu relictis operatæ, & in illa ex tam longo errore & tempestate pedem tandem aliquando ponentes in continenti, incredibili lætitiæ voluptate perfruimur: & quas tanto labore diuitias comparauimus, quos quæstus in re litteraria fecimus, pluri habemus, & pretio constitutus studiosis litterarum dignosamur. Cum præsertim sæpè tam perditæ valetudine, tam fractis viribus euadamus, tam ex haustis diuitijs & opibus paternis, ut recuperandæ salutis integræ, opumque consumptarum, decursu temporis quascunque dignitates, quamcumque requiem adepti spem non adeo magnam habeamus. Quamobrem pro laboris magnitudine, pro multitudinem molestiarum, quas litterati deuorant, si mercedem persolvere academiarum

miarum gubernatores debent, & in tua dignitate positi viri præcellentes & honorati, non ab officio tuo videbitur alienum deposcentibus nobis licentiatam lauream, in nos beneficium ac liberalem te præstare. Tu Cancellarie maxime, quæ tuæ sunt partes honorificentissimæ istiusmodi licentia honoris deferendi, pro dignitate, quam in hac alma Complutensi Academia consequutus es, munus tuum quemadmodum ego depono & omnes expectant libenter obis, atque liberaliter.

Oratio ad gradum deferendum.

SI labores litterarij pro magnitudine compensandi fuissent, considerata præsertim dignitate litterarum, & eorum, qui litterarum studijs strenuam operam nauauerunt difficultatibus diligenter æstimatis, nulla reperietur æqua satis ac digna laborum merces. Id quod Isocrates eloquentissimus & sapientissimus deplorauit inuectus in Græcorum Principes, & Moderatores Rerum publicarum, qui certaminibus corporis præmia magna decreuissent, contentionibus tamen sapientiæ nullum. Nam quamuis litterati multis decorabantur honoribus, & dignitatibus amplissimis, nullus tamen Philosophus insignis ducebatur, pro litterarum & hominum doctissimorum eximjs & immortalibus meritis. Hoc cum animaduerto, laudo Academiæ omnes, laudo Principes terrarum, qui sapientibus fauent, & quos ingenio, bonarum artium studijs generi mortalium cuiusque præcurrere conspiciunt, his insignia litterarum Præfecti Academiarum deferunt, & eos Reges in alto dignitatis gradu collocant, ne multi præmijs saltem, quæ deferri possunt, carentes, suos ad alias res animos voluntatesque conuertant: & qui in sapientiæ studium ingressi fuerunt, illud propter desidia aut ignauiam deferant. Quamobrem dum mecum tacitus considero studium & laborem tuum in litteris positum, & temporis præteriti spatia longissima, progressiones plurimas, & maximis litterarijs actionibus testatas, comparatam ingenij acumine, studio, vigilantia, & assiduitate gloriam nominis immortalem, & , quanquam maiorum nobilitate niti potuisses, tanta corporis & animi contentione cursum foeliciter confectum, non possum non te magnopere commendare, non etiam Academiæ nostræ gratulari splendorem, & decus nobis & huic ordini sapientissimorum Patrum ex accessione tui gradus al-

latum. Atque si nobis aliquando querendi tempus fuit, & hostibus rei litterariæ facultas obijciendi floris bonorum ingeniorum ad litterarum aliqua ex parte iacentem fortunam subleuandam, hodierno præcipue die magno cum inimicorum nostrorum dolore rei litterariæ augendæ an detur oblata fuisse nobis delato munere fungentibus occasio debita tuos labores & vigilias compensando. Quamobrem, quod deposcis, quod deberur tuis egregijs & singularibus meritis tanto auditorum, & Patrum grauissimorum plausu læti & hilares honoris insigne deferemus.

Oratio Octaua.

Ad petendum gradum, ex Græcorum antiqua consuetudine.

GRÆCIA illa, quæ fama semper & gloria, quæ bonis artibus & imperio quondam, & bellica laude floruit, Olympicos magna celebritate ludos statis temporibus ad vires exercendas, & ad eos, qui maximè cursu, saltu, cæterisque corporis contentionibus decertare vellent, claros & celebres reddendos constituisse fertur. In quibus, qui præstantiores fuerunt, præmijs magnis afficiebantur, in patriam redeuntes, curru triumphali vecti, oleaque virenti coronati. Atque illi disruptis ex vna parte mœnibus & patefactis, aditum habebant gloriosum & illustrem cantus modulatione suauissima concinente, multisque hominibus ornatu militari victoriam honorificè prædicantibus. Quæ res maximos viros ad ludorum celebritatem ex tota Græcia confluentes incredibili nominis comparandi cupiditate flagrantem traxit ad olympica certamina: qui non currere solum, & saltare, sed pugnos & plagas accipere & inferre didicerunt. Et ij pugiles exercitati admodum, & viribus & agilitate valentes victores excellerunt. Si Græcia corporis exercendi gratia suis hominibus ludos hos & præmia constituit, qui litteraria spectacula, certamina animorum gloriosa proposuerunt, insignia profectò laudis & honoris proposita victoribus non denegabant, qui rei litterariæ multo clarioris & illustrioris per tot annorum curricula labores non susceperunt solum, sed artis & scientiæ suæ tot & tam gloriosa documenta dederunt. Quem nos laborem

borem & diligentiam adhibuerimus, quanto conatu corporis & animi desudauerimus; ut ad hanc præmij propositionem descenderemus, non est oratione nostra celebrandum. Cum suam laudē & merita, nemo prædicare possit sine summo pudore, quo bonis moribus instituti, & indole præclara prædici afficiantur ferè semper: & de se nunquam cum aliqua laude loquantur, & cum id fecerint, parce nimis faciant & modeste. Atque si ex Græcia pugiles multi conuenerunt, quot ex diuersis terrarum partibus, & non ex patriæ propinquis solum sedibus, sed ex disiectissimis prouinciis, & regnorum finibus excedentes Salmauricam conuenimus litteris bonis operam nauaturi? Qui si non plagas corporibus accepimus, aut si non intulimus, aut quoties distinximus gladios, & ingeniorum vitela contorsimus ad disputationum vstrata pectacula celebranda? quot morbos contraximus & pericula subiimus, ut hunc honoris & gloriæ apicem peteremus? Non in curram, sed in cathedram ascendenti facultatem, non olea, sed Doctoris insignia deposcimus, non muros patefieri parietum euerfione solita, sed aditum & litterarum honores bono Rerum publicarum postulamus. Non denique propter humiles illas & contentionis nomine indignas, sed propter utiles, necessarias, & gloriosas rei litterariæ pugnas in hunc accessimus locum. Denique Patres, si pugiles in Olympicis ludis exercuerunt sese, suæ id duntaxat utilitatis & emolumenti priuati causa fecerunt, nihil aliud nisi futilem, & inanem gloriam contententes: nos Rerum pub. Christianæ Religionis commoda, & summum immortalis Dei decus & honorem sempiternum appetentes, studiorum laboriosam & arduam viam confecimus. Quamobrem, quod illi suis hominibus pugna commissâ, vos alumniis Academicæ, cursu tantæ disciplinæ confecto, liberaliter impertiri non desinetis.

Oratio ad lauream deferendam.

Diuinus ille Plato, Auditores optimi, cum multis terrarum partibus peragratis bene moratam Rempub. quæsiuisset, finxit in libris ciuitatem, cui sapientes præessent; ut eo modo, melius & accuratius leges ac iura seruarentur. Hanc ciuitatem, si quidem bonis moribus constitutam, & sanctissimis legibus temperatam, doctas ille sine dubitatione diceret Academias, tam æquitatis & iustitiæ magnitudine præclare

fundates, & omni tempore virorum sapientissimorum doctrina
 conseruatas, in quibus vigilijs, laboribus, & virtuti suum præ-
 mium, quod facultates hominum tenues & exiguæ persolvere
 non possent, summa æquitate defertur. Neque quisquam erit
 tam inscius rerum, aut hospes in hac Academia peregrinabitur,
 errabitque, vt non præmia, ex multis audierit, quæ suorum la-
 borum ampla satis & magnifica litterati spectent. Qui verò in
 gymnasijs nostris annum solum versati sunt, quæ præmia do-
 ctis hominibus tribuantur, quæ quoranois diuersarum artium
 & disciplinarum spectacula præbeantur, nouerunt equidem &
 æstabuntur. Quod si reliquarum rerum concentum & harmo-
 niam spectare voluerimus, ex publicis renuntiationibus, quæ
 antecesserunt, documenta maxima capiemus, in quibus nihil
 non summa æquitate iustitiaque factum reperietur. Sed ea non
 sunt huius instituti neque loci: partem tamen aliquam ex præ-
 sentis laureæ honore spectemus, quæ tanto multitudinis con-
 cursu, tanta nobilium celebritate, tanto doctissimorum homi-
 num consensu, & totius Academiæ lætantis plausu defertur, ac
 tu Licentiate sapientissime desiderare posses. Quod Academia
 dat satis amplum esse vides, sed maius gloriæ præmium, tan-
 quam obsidem & pignus matris eximiz, in te tuique similes
 litteratos & doctos viros liberalissime conferri videbimus.
 Nam cum honos iste sit aditus ad Doctorum ordinem sapien-
 tissimorum obtinendum, ad auctoritatem & dignitatem tanti
 concessus ornandam illustrandamque, tum ille vim magnam
 habet ad honores Reipublicæ consequendos, & vt te Philippus
 Rex Hispaniarum potentissimus in amplissimo dignitatis gra-
 du collocet. Quod ille faciet præfecto, cum te non litteris solum
 ornatum, sed ex horum Patrum doctissimorum florentissimo
 Senatu viderit te vnum esse, qui ad generis nobilitatem, ad ma-
 iorum vetustissimam & clarissimam stirpem, virtutem & litem-
 ras tanta cum gloria tui nominis adiunxeris. Et quanquam ex
 tot Patribus venerandis admodum, ex tot luminibus, & orna-
 mentis ordinis huiusce clarissimi, non primus lauream Docto-
 ris insignem accepisses, non exiguo tamen propter splendorem
 familiæ tuæ, & virtutum & litterarum cumulum, cum Aca-
 demix, cum Reipublicæ Christianæ præsidio
 semper & ornamento videreris.

*Oratio Nona.**Ad gradum petendum, ex triumpho
Romanorum.*

NVlla gens fuit vnquam, P. G. ex omnibus quotquot propinqua aut disiuncta terrarum loca colunt & coluerunt vnquam, Romana clarior imperij opulentissimi potentissimique magnitudine. Quippe quæ suum imperium ab exiguis ortum initijs fortissimorum Ducum rebus præclare gestis extremis orbis terrarum finibus terminauit. Quod si causam querere volueritis, illam auctorum eiusdem gentis, qui literis aliquid de Imperio Romano commendarunt, testimonijs comprobaram ex illorum facile annalibus eruetis. Nam cum nullum esset laudis præmium, nullum insigne gloriæ, nullum denique præmium laboris amplissimum, quod Romani fortissimis Ducibus & Imperatoribus victoria reportata, non liberalissime detulerint, triumphi præsertim gloria, fortes hos, & de Republica bene meritos viros afficiendos decorandosque S. P. Q. R. auctor cunctorum consentiente decreuit. Hinc Imperij Romani propagati fines, hinc tot Prouinciæ ad Romanorum ditionem & Imperium adiunctæ, hinc Reges orbis terræ potentissimi deditione facta populo Romano subiecti. Hinc postremo Roma facta gentium & nationum cunctarum summa præpotensque domina. Quæ nunquam profectore rerum potita tantopere fuisset, nisi Camillos, Scipiones, Curtios, Pompeios, & reliquos Imperatores bellica laude florentes præmijs maximis & honore triumphi ad egregia facinoralaeros & alacres reddidisset. Quæ si fuerunt Patres, quemadmodum veterum monumenta testari cognouimus, quid est quod consuetudinem rei litterariæ præmijs & honoribus excitandæ vetustissimam non omni laude & honore prosequamur? Non præmia spiritum academiæ, non vitam studiorum & disciplinarum appellabimus? An vero fieri posse putatis, vt homines tantis se laboribus periculisque obiecissent, nisi contentionis litterariæ fructum ferrent amplissimum? & primum hos honores vestros, & diuersarum scientiarum dignitatem, lanceam suam & insignia proposita, atque lustrationem plenam dignitatis expectarent: inde ascensus ad cathedram, ad præceptoris munus, ad Ecclesiarum amplissima sacerdotia, ad Rei-

pub. præfecturas, ad concilia Regia ostenditur insignis. Factum est initium honorum rei litterariæ ab insignibus clarissimis, quibus ornati litterarum alumni dignitates & honores amplissimos capere possunt, & gerere magnificentissime. Hodierno die decus ego Iuri Pontificio debitum, clarum & illustre depono, lauream scilicet Doctoris, post Baccalaurei, post Licentiati gradum obtentum in hac Academia Salmanticensi florentissima. Cuius cum lustrationis mihi venit in mentem, cum vestræ dignitatis insignia ante oculos meos versantur, cum ille comitatus virorum generis nobilitate clarissimorum, qui se ad Magistros, ad Doctores cohonestandos adiunxerunt, clarus & illustis præire visus est, cum tantus splendor & pompa tympanorum pulsu tiliarumque cantu tota ciuitate perfonante, stupefactas reddit inuentium mentes animosque mortalium, tædet me veterum Romanorum honoris, & triumphi, qui post lustrationis iactationem & ostentationem inanissimam nihil habebat veri, nihil solidi. Tota triumphi magnificentia, & spectantium oculis obiecta celebritas animalium edita strage teterrima terminabatur. Hæc vero pompa ad Reipub. Christianæ gloriam magis augendam, honores & dignitates, quas accepturi sunt & gesturi, tantis insignibus ornati prædicere visa est ad spectaculum tam insigne, concurrentibus omnis generis & ordinis mortalibus, veri laboris, verique fructus appetentibus. Quamobrem tanti Doctoris apicem & lauream præsentem tanti habeo, ut pluris profecto habere nequeam. Cuius honore ut me velis afficere humiliter ac demisse flagito, nulla vnquam ex animo temporis longitudine tanti beneficii memoriam abiecturus.

Oratio ad lauream Doctoris deferendam.

QUod de Triumpho Romanorum ad gradus petitionem, tanta copia & ornatu protulisti, Doctor sapientissime, verum quidem est, & ad lauream præsentem nimis appositum est, sed cum aureo diademate caput triumphantis ornabatur, quid Romani significare voluerunt, & spectatorum oculis exponere? Illum scilicet Imperatorem dignum honore victorum, & cæteris mortalibus longo intervallo dominatione potentissima præstiturumque fore per omne tempus. O præcellens Doctoris laurea! O gloriosus honos! O decus insigne, verique hominis præstantiam honorificis insignibus extollens!

Fœlix

Fœlix ac faustus fuerit ultimus hic honos deferendus tuæ var-
 riarum multiplicique sapientiæ. Hic reſtabat, Doctor ſapientiſſi-
 me, vt de nefarijs hoſtibus, & maximè litterarijs rebus infeſtiſ-
 ſimis victorias ſtudioꝝ tuorum decurſu glorioſas admo-
 dum ſeportalle viderere. Nullus honos maior deferri poterat
 triumpho pomæ a ſoleanni honorificaque, nec vllus in academia
 de gradibus egregijs de glorioſis inſignibus maior inuenietur,
 neque honorificentior ad tuos labores ſuis præmijs & inſigni-
 bus compenſandos: ſed quemadmodum Imperatoribus hiſce
 fortiffimis Conſulatus & Dictatura, & ſæpe honores alij defe-
 rebantur pro ſua ſumma generique Romanorum teſtata forti-
 tudine; ſic tu quædem ſperare debes, ſi nobiſcum in academia
 permanſeris, te dignitates litteratis, tuique ſimilibus viris ſuo
 quidem optimo iure delatas tuis amicis & notis admodum
 multis, conſequuturum eſſe. Quas vt conſequaris, omnes o-
 ptant, vt academiæ vtilitati, & honori eſſe poſſis, & litterarum
 ſtudioſis ad initum curſum magna celeritate conſiciendum,
 incitamento quam ingenti. Intuere oculos & ora doctorum,
 ex illorum vultu tacitos animi ſenſus æſtimabis: Intuere cir-
 cumfulſam iuuentutis coronam, tanto concurſu frequentia-
 que conuenientem, & gloriæ huiusce diei mira alacritate ſpe-
 ſtantem: Quid hæc multitudo? quid alacritas prædicat, niſi ta-
 lem te eualiſſe, qualem velint & optent omnes ad cathedræ
 moderationem ſummo breuiter honore ſuſtinendam? Quid
 hic nobilitatis, quid tantus ſplendor equitum iſturiſſimo-
 rum? Hæc omnia fauorem in tuam lauream attulerunt, & præ-
 meritum tuorum magnitudine hanc lauream ornandam &
 cohoneſtandam omnibus oſtenderunt. Accipe ergo inſigne
 laureæ, quod tibi triumphum, tibi iſturationem, tibi pompam
 tantam attulit, quod afferet cathedram non vnā, ſed mul-
 tas; vt tuis gradibus ad primariam aſcendas cuncta geſtiente
 plaudenteque academia: quod honores afferet huiusmodi, pa-
 rietque dignitates tam honorificas, vt te maioribus (quod om-
 nes alij augurantur ex academia) præmijs ornandum fore vl-
 lum ex ſuis æmulis, & laborum conſortibus, qui ſunt omnes
 doctiſſimi, ſapientiſſimique, nequeat ſperare con-
 ſeſſus iſte Doctorum ampliſſi-
 mus. Dixi.

Ultima oratio ad gradum petendum, ab exemplo petita.

Lysander ille Dux Lacedæmonum non obscurus interroganti Persæ, quam Rempub. maxime probaret, eam respondet, in qua viri fortes & strenui rebus præclare gestis consentaneum pretium referrent. Quibus verbis significare voluit virtutem præmijs excitari, ignaviam ignominia molæstari. Atque hæc Achilli causa fuit stomachandi apud Homerum, quod eundem honorem tribui videres ignavis, ac fortissimis ducibus. Hæc sane frequenter experiuntur Respublicæ litterariæ, quæ cum præmijs præcipue laboribus constitutis nantur, florent bonorum ingeniorum præstantiâ, & omnis ordinis litteratorum dignitate gloriosa, quæ iacerent profectò in tenebris & obscuritate maxima denegatis sapientiæ debitis honoribus, & gloriæ insignibus, quæ confecto cuiuscumque facultatis & disciplinæ curriculo honorificè deferuntur. Quod igitur laborare videtis & in litteris desudare adolescentes, quod gymnasia bonorum præceptorum voce personare, quod multitudine compleri studiosorum adolescentum, quod rem litterariam feruere maxime, argumentantibus & respondentibus condiscipulis, quod tot publicas actiones litterarias, & diuersarum artium & disciplinarum disputationes celebrari, quod tot Magistrorum, tot Doctorum florem intra scholas & amplissima theatra versari, quod tot in orbis gentium propinquas disunctasque partes, tanquam in Colonias milites quondam Romanos, vel ad Rerum publicarum gubernacula, vel ad opulentissima sacerdotia, atque adeo ad Pontificum sacras ritas emitti viros doctissimos sapientissimosque, quod denique magnum esse Salmanticensis Academiæ nomen, magnam famam apud omnes gentes, atque nationes, præmiorum multitudinem & præstantiam huiusce honoris & amplificationis admirandæ causam fuisse scitote. Quot enim academias habent Hispaniarum Regna, quàm multas in provincijs fere omnibus, & prope in cuiuscumque provinciæ maximis & amplissimis vrbibus fundatas, quæ præmijs vestriæ academiæ magnificentissimis carent, carent academiæ Salmanticensis celebritate. Huius laudis (ut alia omittam) testes erunt exquisiti præceptores aliarum academiarum, qui magnitudine stipendiorum Salmanticensium cuiuscumque Cathedræ excitati ad hanc ambien-

ambiendam præcipuis & primarijs relictis, quibus cum magna sui nominis gloria Magistrorum munere fungentes perfruebantur, edictis vestris palam propositis & emanantibus in vulgus Salmanticam summa aviditate decurrerunt. Hæc celebriora sunt, quam ut multis verbis indigeant: sed gradus & honores baccalaurei, licentiati, summus ille & præcellentissimus Salmanticensis Doctoris apex quanti habetur: quàm auide appetitur? quanto denique honore celebratur? Doctoris omnis laus in Salmanticensi laurea consistit, à qua quidem semper commendantur Doctores. Et Reges ad honores eisdem deferendos ipsius Salmanticæ solum audito Doctoris nomine ducuntur. Quid ergo in re litteraria, vestra in academia mihi abhinc tot annos versanti clarius accidere potuit, & ad nominis memoriam sempiternam illustrius, quàm Salmanticensem accipere lauream, illius honores & insignia deferre, quibus ornatus, ubicumque sis summa cum gloria, dignitates Reipub. appetam atque contendam? Vtrum ignavo an diligenti, litterarum experti, an iuris Pontificij studioso tanta gloria digno, an ex aliqua parte de academia Salmanticensi bene merito, oblituro in posterum vestram liberalitatem, an vestrorum in me beneficiorum memoriam in perpetuum conservaturo lauream præsentem delaturi sitis ex præteriti temporis cursu, quem vobiscum confeci, poteritis intelligere. Ego quod meum est hodierno die munus, quod institutum præsentis litterariæ actionis, quod omnes, qui in hunc locum & theatrum prodeuntes, mei similes facerent, libens & avidus vestri honoris facio, si nullum officium vestrum apud me intermoriturum existimatis: si nullo casu arbitramini, hoc grato memorique beneficiorum viro posse contingere, ut memoriam abiiciat vestrorum in me meritorum, petam à vobis ut quales vos erga viros alios, & academix Salmanticensis alumnos præstitistis adhuc, in me Doctoris insignibus ornando, & hanc diem honorificentissima celebritate decorando, liberalitate solita munificentiaque præstetis. Quòd equidem quoniam vos P. G. ex subsellijs, in quib, tanta cum amplitudine confidetis mihi significasse, lætantesque annuisse videmini: euan, qui totius academix, & tanti senatus partes agis, Doctor sapientissime, vocem in hanc auditorum doctam & illustrem coronam tandem hoc expectato, præsentique iam felicitissimo tempore mittendam expecto.

Oratio ad lauream deferendam.

Quemadmodum morigeri semper, & parentum amantes,
 omni officio ac pietate parentibus satisfacere non desinunt,
 & quantum in ipsis est eorum utilitates & dignitatem augere: sic officium & munus bonorum parentum est, filiis optimis, & spectata præsertim virtute præditis, in amore respondere semper. Itaque hos filios opimos ac præstantissimos dies noctesque bonis omnibus augendos curant, ut non æquabiliter duntaxat, cum moriuntur, ad patrimonium, quod iure hæreditario obuenit, capiendum partiendumque cum cæteris testamento vocentur, sed ea præcipua parte, quam ad arbitrium & voluntatem relinquendi leges ac iura potestatem faciunt, aucti cumulatque præ reliquis filiis hæredes nominentur. Ita videre est bonorum filiorum obseruantiam in parentes, & parentum amorem in filios incredibilem, curam ad eos prouehendos & efferendos adhibitam singularem, quos vident effigiem alteram morum, vitæ, & memoriam sui nominis relicturos esse post mortem. Ut igitur parentes bonorum filiorum virtutem pari vicissitudine compensare student, sic & Academia mater filiorum indulgentissima gratiam laborum & virtutis referre studet, ut ij doctissimorum hominum honorificentissimis insignibus decorati gradum aliquem dignitatis amplissimum postea suis meritis, ac virtuti parem consequantur. Atque ob eam causam in hoc amplissimo augustissimoque theatro, tanta spectatorum circumfusa multitudine septi collocamur in hac sede dignitatis liberalitate Matris academix, & tanti confessus auctoritate summa, ut apicem honoris sibi, suisque similibus deferamus. Nam si filij parentibus morem gerunt; parendi pulcherrimum iusiurandum incunte anno litterarum alumni dant: si filij tales erga parentes seipso præbent, ut quorum stirpe procreati sunt, eorum sanguine digni videantur; filij academix quam operam & diligentiam adhibent, ut academix celebritatem & gloriam non dedecorent? Denique si parentes pro patrimonio filiis optimis amplo copioseque relinquendo, pro diuitijs, & opibus augendis, pro filiis denique talibus ac tantis ad honores euehendos laborem omnem suscipiunt; ut virtutis rationem habuisse videatur academia, quantopere suos filios præmijs propositis & honorum

honorum insignibus excitabit? De magnis istorum in Matrem Academiam meritis, pro breuitate temporis ad dicendum datur, quod & aliud tempus est decrandæ tantæ tamque præclaræ virtutis, quia laudes istiusmodi maioribus theatris propositæ sunt, & celebrabuntur illæ quidem oblata occasione aliorum dicendi peritissimorum oratorum sermonibus, atque linguis, consulto tacere volui. Atque quantò clarior sit & illustrior causa litteratorum, quibus nominibus excellat & præstet, quantum academix filijs debeant suis, probè teneo auditorum ignorare neminem. Cum animi poliendi, litterisque illustrandi prouinciam susceperit Academia, parentes corporis illius, quod nobis commune est cum brutis animantibus alendi vestiendique; cum litteræ, bona animi sint, & ad veram solidamque virtutem percipiendam multum adiumenti ferant, diuitiæ, fortunæ telis expositæ, fluxæ & caducæ; excitati igitur parentum bonorum exemplo, quod iubet & suis decretis sancitum habet Academia parens amplissima, laureæ postulatæ, & optimo quidem iure suo meritæ tibi decus honorificentissimum deferemus, & quo tua nostraque causa præstantior, maiore illustrioreque cum apparatu.

Oratio ad petendum Vetus Salmanticense Collegium, ex similitudine.

Appetenti mihi Collegium istud B. Bartholomæo sacrum & omnium, quæ in Academia Salmanticensi, maximorum Hispaniæ Principum, & Pontificum Ecclesiæ summorum liberalitate fundata, vetustissimum, veniunt in mentem præsidia, in quibus veterani præcipue versari solebant, ut cum prouinciam aliquam, vel ad defectionem spectantem, vel parum fidelem populo Romano, præsidijs suis armisque tutam & omni periculo liberam reddidissent, tum ex illis, qui maxime strenui, fortes, & insignes haberentur, ad militares honores efferrentur, & Ducum & Imperatorum officio, quod summum decus erat, fungerentur. Non aliter Patres, collegia sunt academijs, & omnium florentissima quatuor maiora, in quibus velut in præsidijs sunt homines litterati iam militiæ literariæ stipendijs confectis, & suarum artium, & disciplinarum

natum honorificentissimis insignibus ornati, unde propter sapientiam suam ad urbium præfecturas, ad Regum summa consilia, ad Ecclesiæ dignitates opportunis deducuntur temporibus. Si Duces enim deligebantur quondam, qui ducerent exercitus, res maximas gererent, prouincias pacarent, & ab incursionibus hostium liberas ac tutas redderent; si summi creabantur Imperatores, qui summa bellorum imperia tenerent, & prælijs acerrime commissis, non conseruarent solum, sed amplificarent Regnorum fines multarum accessione facta prouinciarum; quid vos putatis Collegas tot sapientissimos, ex maximis collegijs, & ex vestro præcipue vetustissimo celeberrimoque facturos esse, vel Canonicos vel Pontifices Ecclesiarum, vel Consiliarios regios, aut consortes sacrae Fidei ad partes Rerumpublicarum conseruandas, & omnibus virtutis & litterarum ornamentis, consilij, prudentiæ, magnitudine decorandas, ornandasque delectos? Non erunt præsidio solitudini atque inopiæ contra vim potentiamque multorum? non afferent opem labanti inclinataque Reipublicæ? non tutabuntur auctoritate sua fortunas, caput, & iugulum innocentum? non præclare constitutas Respublicas conseruabunt, & augebunt? non Ecclesias splendore litterarum clariores reddent, & illustriores? non etiam, ne longius abeamus, Academijs honorem & gloriam afferent in perpetuum? Vos cum talati vestitu conclusoque, & diuersi coloris longioribus focalibus ab utroque humero decidentibus, spirarum venustissima rotunditate, ab vna parte terminatis tanta cum grauitate binos intueor procedere, sijsque insignibus in tota academia, latissimis in peristyljs, aut in gymnasijs præceptorum munere fungentes, splendere tantopere, torques illos aureo, & illustri fulgore colucentes memoria repeto, galeas loricasque fulgentes recordor, quibus inter cæteros milites veteranos distincti extremis Reipub. temporibus præsidium desperatae salutis attulerunt: sic equidem ex Collegijs sapientissimis, ex vobis tanti Collegij Ducibus & Principibus, Reipublicæ nostræ, omnes Ecclesiæ, Pontificum sedes, consilia Regum, Regna Hispaniarum præsidium petunt, & à vobis allatum experiuntur & prædicant. Vos estis Coloniarum pulcherrimarum, Rerumpublicarum propugnacula, Ecclesiarum lumina, Regnorum ornamenta clarissima. Ut quocunque venerint homines, huiusce Collegij Principes, in honore summo, dignitateque collocati reperiantur, ut vobis Regnorum conseruatio, vobis tranquillitas, vobis dignitas

dignitas & Regnorum quæcunque accepta referatur amplificatione. Quamobrem si me ex horum numero cupientem esse, si Rebus publicis & Regnorum utilitatibus inservire volentem, atque adeo nostrorum laborum, & militiæ abhinc non paucos annos confectos ferre fructum aliquem conantem, & ad id, quod enitebamur contendebamusque, magis properantem festinantemque conspiciatis, cum industria nostra, litterarum aliqua comparata supellex, tum maxime veteris collegij insignia adjuvare poterunt, & mihi quodcumque in animo erit muneris appetendi & obtinendi sine dubitatione spem certam & exploratam afferre. Est equidem collegium hoc castellum veluti quoddam, & arx Doctorum munitissima, qui intra domesticos collegij parietes continentur scientissimi petitißimique, laboribus iamdiu perfuncti litterarum & insigni sapientiæ decorati. Hoc hoc inquam præsidio Reges litteratorum armis, id est, vestrarum litterarum præsidij Regna sua muniunt, firmanque. Quapropter si quid temporis diuturnitate in Iuris Pontificij facultate proteci, si meis litterarijs in actionibus, si publicis in disputationibus, si quotidianis in prælectionibus aliquod ingenij specimen præbui, si in licentiæ gradu cunctorum Doctorum consensione probatus adeo insigniter ex sacello D. Barbaræ sacro, quod cum cogitant, qui examinis periculum subituri sunt, totis artibus atque membris contremiscunt, nomen aliquod Iuris peritiæ comparatæ deportavi: si videris aditum aliquem parthesi ad cathedram appetendam, cum nonnulla mei nominis existimatione, & nulla vestrum, omniumque immunitione, nulla collegio iactura, si vos me ipsum vestra benignitate, vestrarum in me voluntatum non obscura significatione ad tanti collegij dignitatem & honorem appetendum excitastis: si nostræ societatis auiditate reliquas spes, quæ mihi videbantur allatæ, penitus abieci, quæso obtestorque vos, ne mihi præcludatis aditum, quem suffragijs vestrum omnium certissimis multi sibi persuaserunt, & quod vos ignorare non potestis, propter sermones & famam pervagatam nostræ expectationis. Quod sit ut spero, collegium, & insignia vestra consequutus fuero, non immemorem beneficii in me colati collegam in vestrum numerum ascribetis. Dixi.

*Oratio ad Collegium Complutense maximum
Beati Ildefonsi appetendum,
ex simili.*

Petiturus Collegium maximum Complutense, Rector illustris, collegæ sapientissimi, quod B. Ildefonsi nomine celebratum, reliquorum caput esse voluit seu piterna memoria dignissimus huiusce Complutensis academix fundator Franciscus Ximenius Cardinalis illustrissimus, non ab instituti mei officio alienum esse cuiquam videbitur, si montem editum & excelsum, ad cuius verticem & summa iuga magnolabore & defatigatione corporis sudantes & anhelantes, & totis viribus, nitentes homines ascendunt summo periculo dandi se precipites, antequam in montis præcella fastigia perveniant, ante oculos vestros statuero. Nam quemadmodum qui perfrui volunt, tot amœnitatibus vallium & camporum viriditatibus, hortorum & agrorum iucundissimo prospectu, & ex summo cacumine, quocunque se conuerterint multiplices ac variae ad corporis & ad animi oblectationem iucunditates capere, non recusant suscipere laborem, quem ascendendo capiunt, & omnes difficultates ac pericula capitis aperta subeunt; sic equidem qui vel Academix vestræ fructus ferre voluerint certos & exploratos, aut Ecclesiæ dignitates & honores capere, in artem hanc turissimam, & principem Castellorum, quibus vestræ scholæ munitæ vigent, omni contentione conscendant necesse est. Nam quamquam tot laboribus & vigilijs studiorum susceptis, & quod propter amplitudinem vestræ dignitatis & gloriam collegij maxmam orbe toto diffusam veteri debet doctissimus quisque periculum repulsæ maximæ, & honoris grauiissimum discrimen, gradum collegij maximi celsissimum reformidet, tamen fructibus academix & sacerdotijs amplissimis, & Ecclesiæ dignitatibus, atque nominis immortaligloria, & iucunditatibus veris ac solidis, quarum sapientes fructus percipiunt in hac academia versantes, raro profecto nisi collegæ maximi perfrui visi fuerunt. Quod si multi homines propter vestitus herbarum, & pulchritudinem florum, ut camporum, & vallium, & agrorum amœnitates capiant, intercluso prope spiritu, tanto corporis sudore, & animi difficillimis angustijs præcella mortium altissimorum cacumina petunt &

tunc & ascendunt; ut hortos liberalium artium, ut sacra Theologia amœnissima viridaria perambulemus, ut ex his & alijs pomarijs odoris suauitate poma fragrantia colligamus, & fasciculos florum diuersitate multiplici distinctos componamus, & hanc tantam lustremus academiam cum aliquo laborum nostrorum fructu, & nominis comparata gloria, ut ab his sedibus detur aditus ad honores & dignitates Ecclesiæ clarissimas, quem potissimum montem sapientiæ, dignitatis, honoris, gloriæ, splendoris facibus illustratum ascendemus, quàm celebre sacrumque D. Ildefonso Collegium maximum? Illi ut oculorum aspectum oblectent difficilem ascensum non recusant; nos ut animorum sensus dignitatis adeptæ dulcedine recreemus, in humili planoque loco consistere non desinemus? Illi corporis offensiones non metunt, ut quo peruenire volunt, ascendant; nos seuerissimam Iudiciorum aleam repulsæque metuendos euentus formidabimus? Illi ut ad exiguum temporis spatium, quæ loca sæpissime viderunt & adierunt, respicere possint, & aliquam auam suauissimam & lenissimam capere, montium difficultates ascendent; nos ut, quo nunquam peruenimus, quo tantis laboribus Principes sapientiæ contendunt, accedamus, non rumores inanissimæ gloriæ aucupaturi; sed laturi fructus laborum & vigiliarum nostrarum, non omnem operam, & studium adhibebimus? At affert magnum dolorem ab alijs candidatis superari quemquam, venire in discrimen & periculum honoris amittendi, pati repulsam, & alijs præpositis candidatis præteriri: eisdem se periculis obii-cunt, qui consequuntur collegium & insignia vestra. Quod si in vestrum ordinem non coopremur, non confestim facinus iacturam honoris, neque amittimus opinionem, quam de nobis concitauimus in Academia Complutensi: quod illa fuerit contentio cum doctissimis hominibus, cum maximis & acerrimis ingenijs, quibus si delatum fuerit collegium, non ignominiam ex repulsa reportabimus. Atque illud sæpe euenisse vidimus, ut inter duos æquales cum certamen suscipitur non minore gloria dignus fuisse videatur, qui cathedram aut collegium amiserit, atque ille, qui suffragiorum iusto numero fuerit consequutus. Quid quod in laboribus nostris, in actionibus publice habitis, in periculis ingenij & sciendi nostræ factis, in virtute, in humanitate, in præstantia tanti consilij nos habere spem æquum est. Illud vero, quæ & existimatio nominis, & doctrinæ, om-

num fere collegiorum honores assequuti gradatim, magnum momentum habent ad bene de vestra benignitate sperandum. Quod si recordari volueritis, quæ meminisse vos oportet, quem locum in publicis reuocationibus tenuerimus, tantum profecto nobis erit animi, quantum sumere non alienum erit à ratione candidatum, qui in primis semper constitit, & cui iure quidem suo, non gratia, non ambitione (quæ mala bonas sæpe Respub. euerterunt) hunc honorem delatum vniuersa semper plaudens academia comprobauit. Quare si me montem tantum ascendere cupientem, & summo discrimine verticem tam excelsum appetentem, & maximorum societate collegarum, vestris insignibus dignum esse iudicaris, vt viuidaria lustrem academix vestræ iucundissima, vt conscendam cathedram aliquam, aut honorem litterarum laboribus debitum, vt in sinu semper gremioque Academix matris indulgentissimæ acquiescam, & suis filiis & alumniis, si quid in me fuerit ingenij, & scientiæ, labore semper omni studioque non vos defuturos vnquam suffragijs ferendis vestri ordinis & academix ostendistis, si quæ sunt litterarum merita in me creando collega, & voluntate & sermone consensionem animorum singularem ostendite. Quod si vestræ voluntates in alium candidatum propensæ ferantur, quod iustitiæ consentaneum sit, vos fecisse iudicabo, æquissimorum integerrimorumque Patrum consentiente auctoritate conuictum.

*Oratio ad publicam prælectionem in Cathedra contentione,
pro Complutensis academix competitoribus, ex simili.*

Quæ prælegendi candidatis in cathedræ contentione leges imponuntur, ex iustis quidem sunt, & omnium orbis terra decretis academiæ comprobata, quibus tenentur vt sui specimen præbeant prius, quam ad suffragia scholasticorum cathedra reuocetur honoris, appetentes quicunque competitores. Nam vt præstantia sericorum exploratur prius in clarolumine, cum serica proferuntur in lucem mediamque claritatem: sic equidem accessiones studiorum, disciplinarum cultus, demersa veritas in profundo ex tenebris eruitur, & omnium ingenijs & iudicijs intelligentibus cernitur, cum quisque competitorum quantum arte sua valeat, & disciplina, protulerit in

nitin publicum prælegendo. Atque quemadmodum oculis serica videntur, attrectantur etiam manibus, cernuntur & respiciuntur atrenta consideratione, & illorum splendor nitidus & illustris magis bonitatem profert & ostendat: ita sane ex publicis prælectionibus auditis, quantum quisque ad tradendas bonas artes & disciplinas, ad formandam iuventutem competitorum adiumenti possint Academiæ ferre, suffragatores intelligunt. Quæritur optima præstantissimaque serica ad sarcinandas consciendasque vestes; quæ ramus ad artium & disciplinarum curriculum incundum absoluendumque exquisitum scientiam præceptorum: exploratur bonitas sericorum ad corporis cultum & ornatum; exploretur ad animorum lucem & splendorem bonorum cognitio magistrorum: non desinimus adire Mercatorum locupletum ædes, ut quæ optima sint & maxime præcellant, serica deligamus; deligantur & ex competitoribus, qui maxime bonis litteris & studiis omnibus instructi ornatique videantur. Sed qui facta solum corporis mentione serica præstantiora quæri diligenter dico & studiose, cum ad palatia vestienda, ad parietes ornandos fulgentibus peristromatis hanc ab opulentissimis hominibus adhiberi diligentiam videamus? Quasi vero non illa pluris æstimanda sint consilia Regum potentissimorum, & Ecclesiarum sedes amplissimæ, quibus litteratissimi sapientissimique Doctores consilio litterarumque cognitione & scientia tractantur, neque muti parietes decorantur, quod tribuitur sericorum pretioso fulgentique vestitui, sed ut prædixi, dicamque sæpe mortalium animi, ad constituendam Rempub. & ad conservanda Regna, & ad imperia novis in dies incrementis augenda & ad Ecclesiarum sedes & dignitates amplificandas, ad homines abstrahendos à vitijs, & in cælorum gloriam veri perspecta clarius cognitione perducendos. Quod igitur vobis datum est tempus explorandæ scientiæ, & progressionum cuiuscumque competitoris, id nunc præsens est, & ad academiam vestram ornandam decorandamque toties exoptatum. Prælectionibus interfuistis, & ex illarum ratione, reliquarumque rei litterariæ actionum celebritate videre potuistis, quantum cuique sit ingenij, quæ adiumenta & præsidia doctrinæ comparata ad Magistri personam sustinendam, quemadmodum partes præceptoris agere quisque possit, & cum scholasticorum commodo, & gloria Matris academiciæ rueri; atque si ad prælectionis munus præstitutum adiungatis documenta toties in academia nostræ facultatis

tis cum aliquo plausu data spectatoribus, non credo parum ea facere videbuntur ad cathedram libentioribus animis deferendam. Nam cum in argumentis ponendis, in responsis labefactandis, in obiiicendo semel & iterum ac sapius vim & facultatem nostram spectaueritis, quemadmodum errores ex animis eripere possimus discipulorum, dubitationem omnem & scrupulum euellere, cum pro posse nobis quidquam obiecerunt, facile recordamini. Cum sæpe etiam in præceptorum locum suffecti fuerimus & illorum abientiam nostra facultate suppleuerimus, magnum sane momentum habebit ad præceptoris dignitatem sustinendam: ita ut, quam nos viam tradenda disciplinæ nosse videbimur, quam rationem modumque tenuisse, quos perlegisse auctores, quid in locis difficillimis, & in quæstionibus profligandis adhibuisse studij, quam in arcanis Philosophiæ reconditis, attulisse lucem veritatis in profundo delitescentis, non admodum ignoretis. Quod si meminisse collegia tot alijs doctissimis præstantissimisque viris præteritis sine contentione mihi delata volueritis, primum in renuntiationibus licentiatorum locum obtentum, toties honorem examinandorum Baccalaureorum, designatorumque ad scientiæ gradum cum principibus Academiæ delatum, denique si labores & vigilias, & gloriam nostri nominis magis auctam & amplificatam, & ex alijs Academijs per litteras frequentissimo Patrum Senatu consentiente stipendia nobis minime contententibus oblata, & eadem in vestris sedibus & officinis litterarijs manendi cupiditate, liberalissime repudiata memineritis, neminem arbitror futurum esse tam parum de Matre Academia, deque utilitate minime cogitantem, qui non libenter cathedram his ornamentis ad præceptoris munus obeundum præsidij redundantem Doctori deferri velit. Quod ut sæliciter vobis eueniat, ille, qui potest & faciet, vestrum omnium mentes ad verum, & ad fucatum nitorem internoscendum

diudicandumque, incredibili suæ bonitatis &

sapientiæ magnitudine Deus im-

mortalis illustret.

Dixi.

Oratio ad Canonicatum Hispalensem appetendum, ex simili.

Satis arbitror P. G. vnumquemque vestrum intelligere, quantopere expediat in hanc confessus vestri sapientissimi, illustrissimique mediam lucem & claritatem, splendore Solis illustriorem prodeuntes candidatos dare sui ingenij, litterarum & virtutis specimen maximum. Nam, quemadmodum milites profecturi in bellum dant specimen fortitudinis & virium suarum: neque hos in certamen descendere videbitis, nisi armis fulgentibus munitos, quibus & propulsent impetus aduersariorum, & aduersus plagas, quas hostes conati fuerint inferre, seipsum tueantur, acerrime, vehementissimeque configentes: sic equidem in contentione presenti, certamine de sacerdotij Ecclesie Hispalensis opulentissimæ suscepto, ingenium oportet ostendent, & quasi prælijs grauib. iuris, telis sapientiæ iactis & intortis victoriam deportare contendant, qui tantam tamque amplam dignitatis sedem & vestri confessus ordinem amplissimum suis meritis assequi voluerint, iudiciorum, vestrorum aleam seuerissimam subeuntes optimi præstantissimique competitorum. Quamobrem non immerito tribunorum, quondam militarium munus erat, arma militum explorare, quibus regi deberent, & dato signo committendi prælium in hostem inuadere, versare gladios in omnes portas, opponere, cum opus esset, retardare impetus hostiles, in fugam aduersarios conicere, cæsum punctumque vulnerando, & an à patrijs sedibus, à tectis, à mœnibus, & à laribus arcere vim omnem & malum imminens inuicta fortitudine possent. Non dissimile profecto munus est, quod obituri vos estis in hac Hispaniarum principe Ecclesia Hispalensi, qui sacerdotium præsens litteris ac virtute appetentes Doctores cognitos omnino debetis habere, ut quibus armis, qua scientia, qua virtute contra fraudes & fallacias hostiles populum instruere valeant ex suggestis, quæ quoque tela subministrare contra novos incurtus & impetus hostis terrent in dies noctesque, neque cogitantibus, neque opinantibus hominibus sæpe faciendos cum cognoueritis, idoneum maxime tantoque sacerdotio dignissimum deligatis. Milites gladios dstringunt, ut seipsum & populum tueantur; concionatores diuini verbi rationes in dæmonem

afferent ad homines ex dæmonis faucibus eripiendos: milites gladijs & telis vtuntur ad vulnera, ad cædes faciendas; præcones diuini verbi sanctorum auctoritate, sacrorum Doctorem monumentis, ipsis sacrarum litterarum, & vtriusque testamenti telis & gladijs acerrimis dæmonem multis illatis vulneribus contra repentinos impetus celeriter arreptis armis, & multo ante comparatis occurrunt, novos in dies mores deprauatos, & noua surgentia passim monstra vitiorum plurimis comparatis & habitis in promptu litterarum ornamentis debunt & extinguunt: milites machinationibus bellicis tormentorum strepitum terrifico oppugnant, euertent & capient ciuitatem inimicorum contentione defensam; concionatores acrimonia partim Theologiæ sacræ, partim spiritu ac robore Pauli tonabunt, fulgurabunt, & dæmonem in animis multorum exultantem eiciunt, & ad caliginosas & obscuras inferorum sedes redire compellent frendentem trementemque: milites oppidanos metu maximo perterritos, & formidantes aduersariorum copias cogunt ad deditionem viribus martis inuicti; concionatores peccatorem totis artibus ac membris contremiscentem eo perducunt, vt peccati tyrannidem pertimescat, tanquam pestem & serpentem venenatum: denique milites quantum fortitudine valuerint, & quibus armis vsi fuerint aptis & paratis ad prælium rebus præclare gestis, aduersariorum edita strage, spolijs plurimis & magnificentissimis, & exitu tandem præliorum victoria terminata satis aperte testantur; concionatores non minus datis ingeniorum documentis, præmijs litterarum adeptis, consequutis aliarum Ecclesiarum honoribus, & fructu, quem hisce diebus afferre visi fuerunt, statuto ante oculos, & ora consentium, præscribere videbuntur iudicibus æquissimis, quid decernere debeant, vt scilicet tantarum progressionum euentu ducti suffragia sua ferant, & in sacerdotij sede collocent, quem Ecclesiæ vsui semper maiori & ornamento clariore futurum esse iudicauerint. Atque cum competitores maximo ingenij acumine, acri intelligentique iudicio, & sacrarum litterarum ornamentis præditi esse debeant, cum egregij Dialectici, præstantes Philosophi, & vtriusque Theologiæ tam placidæ, quam confectatoriæ periti, & in sacrorum Doctorem voluminibus versati, & diuinorum studiorum intelligentes commendentur, tum habeant oportet ad concionandum comparatam facultatem, & hanc

non sacris duntaxat, sed humanioribus litteris, veterum annalibus, eloquentiæ laude illustratam. Quod si ad naturæ præsidia, vocis sonus, vis & copia dicendi, vires oneris magnitudini pares, auctoritas & reliqua virtutis existimatio, adepta Collegia, honores delati, cathedræ consequutæ, celebritas nominis, & quæ vos omnes probè nostis, ornamenta cætera cernantur in competitore, hæc sunt tela potissimum spectanda, hæc diligenter exploranda, hæc sine dubitatione cognoscenda. His Theologi præsidij, hisce viribus muniti deligendi in tanti sacerdotij dignitatem amplissimam. Nam si milites eos non accipiebant unquam Imperatores, nisi probè inuestigatis & exploratis armorum generibus, quibus dato signo concurrendi fortiter animoseque configerent; ad bellum inferendum demoni sacrarum concionum contentione & reliquis tantæ dignitatis muneribus proprijs ac peculiaribus, quanto præstantiora requirerentur, & fortiora tela? Cum præsertim cum hoste omnium nequissimo, vetustissimoque pugna committenda sit, qui in gerendis bellis, in configendo, in vincendo, in edenda strage maxima mortalium, & in illorum infinita multitudine ad inferorum sedes deturbanda per tot sæculorum ætates exercitatus fuerit, & nunquā, (quæ illius immanis, & effera natura) defatigatus, belli faciundi, hauriendi bonorum sanguinis avidissimus. In quibusconque alijs sacerdotijs deferendis cum nobilitatis, splendoris, meritorum habeatur nonnulla ratio, quod sine litteris, sine doctrina multa sæpè demandentur aliquibus, aut liberalitate Pontificum Romanorum aut commutatione facta, aut quod nunc fieri videmus condiutoribus subrogatis, dummodo isti virtute ac religione vitæ commendentur, nihil mali timeri potest: At in istiusmodi sacerdotijs, quibus de nos ancipite contentione decertamus præter virtutum spectatam, quam multa desiderentur vos omnes testes estis. Cum agatur victus Candidari, agatur honos illius & gloria, agatur Ecclesiæ, quæ litterarum præcipuo splendore decoratur causa, agatur denique salus animorum, quibus isti candidari sacerdotij dignitate consequuta suis litteris & virtute consulunt. Quamobrem obsecro vos P. G. repetite temporum illorum memoriam, quæ unusquisque nostris in Academijs, in collegijs posuerit, statuite ante oculos cathedram & honores adeptos, præsentis actionis celebritatem, conciones habitas, ingeniorum & litteratorum Specimen datum, ex quibus singulorum armis probè cognitis,

quemadmodum alijs temporibus fecistis, & huiusce comitijs iustitiæ partem ad militiam animorum tractandam ex Ecclesiæ tantæ celsissima dignitate metiamini.

*Oratio ad Religionem B. Augustini appetendam, ex
Davidis exemplo petita.*

CVM vates ille Regius P. G. huiusce sæculi fluctibus obrutus, tempus sibi dare cuperet liberum & vacuum à negotijs, quorum intoleranda quasi mole Reges orbis terræ premuntur, ad cogitationem de Deo duntaxat immortalis suscipiendam, ad illius delicias, & solidas animi voluptates percipiendas, similis columbæ pennis in sublimi efferri cupiebat, ut urbis celebritatem fngeret, & in solitudinem summa celeritate volaret. Quod cum nactus fuisset, se fugisse cætus, inquit, mortalium, & in vastam ac desertam solitudinem abductum incredibili, ac diuina rerum cœlestium voluptate recreasse suum animum tot vndis & procellis regnotum antea turbulentissimis iactatum ac penè submersum. Quod desiderium sanctissimi Regis flagrans, & accensum cogitantibus sæpè viris in hoc sæculo versantibus, venire debet statim in mentem fragilitas humanæ naturæ, pericula maxima & innumerabilia, quibus frequenter exposita est humanæ vitæ ratio, si se saluos & incolumes seruare voluerint in perpetuum, atque illud sitienter appetere, & conari modis omnibus, quoad consequantur, non desinent, ut ab urbe discedant, secernant se ab hominum cœtibus, ingrediantur in Religionem solitudinis recessu satis insigniter expressam. Nam quemadmodum columba avis & simplex & sincera nimis, timida admodum & formidolosa, sibi ipsi cauens & consulens, & recessus quærit, & remotam ab hominum concursu, celebritateque solitudinem; tanta autem celeritate, quantam nouimus, & quotidie videmus, volatus illa suscipit, sese offerens in sublime, longissimos & altissimos; sic equidem nos, si saluos & incolumes animos cupiamus, urbium populorumque concursus fugiemus timidi nimium, & nobis consulentes, ne strepitu tumultuque urbano miserabiliter oppressi, laqueis & insidijs demonis, Mundi, & spurcissimæ carnis irretiamur. Quos hostes videre videor apertis & occultis cuniculis semper animum oppugnantes, ut capere possint, & in obscuras præcipitem agere regiones inferorum flammarum ardoribus torquen-

ORAT. VARIE DE RELIGIONE PETENDA. 89

quendum. Cum rationes sint multæ fortiter ac vehementer pugnandi, & ut declinemus simul laqueos, & iniecta passim rerum trium humani generis hostium terribiliorum, illa magnam vim habet, & diuinæ maiestatis imitanda consilia potissimum ante oculos statuit, quæ in sæculi fuga celeri posita sit & incitata: ea naturæ humanæ fragilitatem, & carnis nostræ debilitatem notam penitus & exploratam habens receptui iubet hominem canere, & infugam conijcere sese mirabili protinus celeritate, ne si vel punctum temporis constituta valentissimis belluis omni crudelitate dilanietur. Nam cum consilij Christi Iesu, leges Mundi contrariæ sint & infestæ, cum carni spiritus aduersetur, cum Deus immortalis bellum magnum & assiduum cum nequissimo dæmone gerat, & in cultorem diuinorum consiliorum tres hostes nequissimi omni copiarum genere abundantes exercitus educant, debilem & infirmam carnem nisi robore diuino fretam, & presidij Religionis adiutam, totæ profectiois viam ingressuram fuisse purabimus in medijs delicijs, & in sæculi voluptatibus, in tanto strepitu, tumultuque ciuitatis permanentem? Christus paupertatem suis perfectis cultoribus proponit; Mundus copiam & affluentiam bonorum omnium: Christus contemptionem omnem ac despicientiam statuit; Mundus ostentationem & iactationem superbissimam: Christus abiicit honores & Regiam dignitatem tanta ultro populi totius acclamatione delatam; Mundus diadema gemmis illuminatum fulgentibus appetit: Christus vult contemptissimas escas, temperatissimas perporationes, & cultum omnem & ornatum corporis inanissimum, docetque luctum & dolorem peccatorum; Mundus risus, cachinnationes & iucunditates offert: denique Christus factas iniurias, non modo non vindicandas, sed perferendas & condonandas libentissimè præscribit, & ad illas laxis & gestientibus animis, suos alumnos properare vult & imperat; Mundus irasci quemque iubet, & illata mala vlcersi grauissimè, neque desistere quemquam, nisi par pariretulerit, quo grauius offendant, & illum ab hominum linguis & sermonibus suis vsitatis legibus & sanctionibus laceret. Quid caro desiderat? molliter ac delicatè viuere, otio luxuriaque dissuere, & vitam voluptatibus confectam agere. Christus vult in omni corporis & animi contentione, suos exerceri cultores, frangere seipso laboribus, vigilijs, inedia, cilicio, domitas penitusque compressas habere cupiditas

cupiditates. Dæmon dies noctesque arcem animorum obsidet, ut homines carnis lenocinijs, & mundi nefarijs oblectationibus deuinctos constrictosque teneat; Christus viam demonstrat difficilem & arduam angustijs diuinorum consiliorum contentam. Videre quid agat Dæmon, quantis laqueis constrictum teneat hominum genus: cum nihil ferè videamus nisi turpes & obscenas voluptates, superbiam & insolentiam, fraudes & fallacias, furta, rapinas, inuidiam, iracundiam, obliuionem Dei immortalis, & omnium postremo scelerum & flagitiorum multitudinem, quorum & aliorum istiusmodi sexcentorum peccatorum execrandis exemplis stimulari hominem cernimus, & ad peccandum procliuem ferri: Nam quis picem (ut inquit sapiens) attinget, & non inquinabitur? Cum vero occasiones concurrant innumerabiles, quas semper in ipsis negotijs, quæ agimus, fugere ferè non posse videmur, cum cæca ac temeraria cupiditate ad maleficium animus inducatur, inuitetur blandis illecebris voluptatis, ad faciendas prædas incitetur lucro, damnis deterreatur ab oneris suscepti magnitudine, ignominia & dedecore nihil turpius ducat, assentatoribus aures patefaciat, siue valet homo, siue ægrotat, nunquam insidijs caret, salus negligentem, morbus tristem reddit, diuitiarum affluentia iactationem habet, rei familiaris angustie querelas. Omnia sunt, quæcumque se conuertat homo, plena laqueis, plena periculis, & ruinis exposita miserandis in hoc sæculo. Quid ergo agat homo quod tutius sit & ab his malis procul alienum? quo se conferet, nisi in Religionem columbæ volatus imitari velocissimos cupiens? An vero à Columba patiemur homines superari, quæ solum impellente natura fugit hominum cætus & procul in solitudinem, & miranda volocitate recipit sese, ne quidquam damni corpus accipiat, ne mortalium insidijs appetita capiatur, ne sagitta transfixa miserè prosternatur in terram, & fiat percussoris cibus, & esca necessaria; nos non ipsa natura solum, sed præstantia mentis, qua cunctis volucrum & animantium generibus præstamus, non in perfugium tutissimum compellet? Et quoniam multo facilius est nobis, quod nihil opus est, in solitudinem fugere non in lucos, non in loca syluestria nos abdere, non in montes editos & excelsos euolare, sed viribus ipsis atque adeo intra mœnia ciuitatis cœnobîa Religiosorum habemus, quorum parietibus tecti cunctas inimicorum insidias & pericula propulsabimus, & quod optabat Dauid ab hominum

minum celebritate separati divini numinis incredibili ac divina voluptate perfruemur, cur in periculis, cur in discrimine vos versari manifestò patiemur, & non ad Religionis studium incumbemus? David sanctissimus & in medijs Regnorum fluctibus, & turbulentissimis negotiorum tempestatibus cupiebat in solitudinem discedere, ut liberius, & suavius divinæ contemplationi vacaret, neque destitit, quoad votis & optatis facta responderunt: quid me æquum erit agere, Patres, tantarum non ignarum insidiarum? Cui Deus tantum lucis attulit, ut in sæculo manere, non sine timore maximo possim & exitij mei aperto discrimine? qui meæ sim imbecillitatis conscius, & hostium periculorum, quibus exposita est animi nostri dignitas? Ad vos Patres sanctissimi confugio, vestrum ordinem appetens, & in illum cupiò tantorum Patrum consensione cooptari. Nam cum omnes sacræ familiæ cunctissima mihi sint receptacula firmissimeque contra dæmonis incursum terretimos præsidia, tum B. Augustini Religionis mihi mentem Deus immortalis iniecit ab hinc multos dies. Cuius memoriam neque à me per tam longum tempus, quibus tentabam modis & rationibus dimittere potui, siue domi, siue foris essem, hæc sacra Religio sic in intimis visceribus ac medullis inhæsit, sic sæpè dormientem à somnis excitavit, ut nisi in vestram societatem ascribat, me salutis & gratiæ cœlestis adipiscendæ rationem non admodum exploratam habiturum esse putem. In illam admissus confido & spero portum me beatorum post illius vitæ curriculum obtenturum fœlicem, fortunatumque. Ut hunc obtineam, qui mihi vestræ Religionis appetendæ cupiditatem iniecit, mentem vobis omnibus per suam inædibilem mansuetudinem, & clementiam donandæ patefaciendæque Deus optimus ac maximus iniiciat.

*Oratio ad publicas Disputationes dedicandas,
ex simili.*

PArvulæ plantæ, ac teneræ, ut illustris, nisi ad arbores maximas, & radicibus infra terram actis stabiles, proceras & opacas, & patulis diffusas ramis adhæserint, quarum ope sustententur & alantur, & à temporum iniurijs, ventorum furentibus procellis sese tueantur ac defendant, neque adulescere possunt, neque in magnitudinem, nec in altitudinem suam evadent unquam, sed cum minus opinabuntur agricolæ, vi ven-

vi ventorum irruentium insana furentique vastabuntur, & euellentur radicitus, nulla prorsus agricolis eisdem arboris restituendæ spe relicta. Sic equidem fœtus ingeniorum suis principijs exigui admodum ac teneri, cum proferuntur in vulgus ad linguas maleuolorum præsciudendas, & ad fructus maturitatem aliquam, & ad spem reliqui temporis alendam sustentandamque magnorum hominum patrocinijs indigent: quorum ope si destituerentur, turbine quocumque restantis alueris fortunæ conciderent, & ad nihilum redigerentur cuiuscumque litterati hominis conatus & impetus fracti semel ac debilitati. Quodd si principijs progressus consentire debent, exitusque fœlices in obeundo litterarum munere, quo tempore magis patrocinium desiderabitur, quàm cum primis litterarum, & ingenij documenta dare cœperimus? cum velut arbores teneræ præsidio maximorum hominum fulciri debeamus ac sustentari, ne contentiones, quas deinceps post facta ingenij pericula nonnulla adhibere cœpimus, in medio cursu frangantur & concidant. Ad arbores arbusculæ admouentur contra procellas & turbines temporum perturbatione concitato; ad Principes maximos adhærescunt litterarum alumni contra maleuolorum virus & insanam temeritatem. Arbusculæ præsidio maximarum arborum crescunt & aluntur; studiosi litterarum, si conatus adhibere cœperunt, & impetus maximos ad studiorum scientiam, eos potentissimorum Heroum patrocinio contentione maiore in dies adhibebunt in finem usque. Denique non modò plantæ teneræ conseruantur, sed fructus ferunt vberes arborum ope maximarum; litterarum amantes virorum ornatissimorum auctoritate muniti suis progressionibus utilitates & adiumenta magna Rebus publicis afferunt. Quæ cum ita sint & testata mortalibus, cui melius, quam tibi, clarissime Princeps, hos meos studiorum primos fœtus, tanquam teneras ac paruulas plantas dicandas consecrandasque curare debeam non inuenio, qui maiorum tuorum illustri prosapia, generis antiquissima nobilitate, rerum egregiè gestarum celebrata magnitudine, tot monumentis virtutum maximarum statutis ad posteritatis memoriam sempiternam, adque adeo studio singulari, maximisque in litteratos beneficijs collatis, litterarum patrocinium & tutelam iure quasi tuo meruisse videaris. Atque arbores proceræ sæpè orta tempestate non minora detrimenta capiunt, quàm arbusculæ, cum ad has alendas & sustentandas contra tempestates turbulenti-

lentiſſimas infirmæ ſint ac debiles, & impetu ventorum furentium vna cum arbuſculis evertantur, aut euellantur radicibus: At tuæ nobilitatis imagines famoſæ, tot maiorum tuorum decora & ornamenta clariſſima, tantæ ditionis principatus ampliffimus. & tuæ virtutes cognitæ, teſtaturque mortalibus, quo vetuſtioribus titulis & monumentis immortalitatis antiquioribus nituntur, ad litteras a maleuolorum linguis & iniurijs tuendas vim habent, & auctoritatem maximam. Quamobrem accipe-vir illuſtriſſime, quas primum poſt Iuriſperitiæ curriculum, quinquennij diuturnitate conſectum diſputationes humiliter ac demiffè conſecramus: quas cum auctoritate tui nominis, tutatas proteſtasque viderimus, nullos maleuolorum ſermones paſſim ſparſos ac temerè iactatos tanti patriocinij auctoritate deſenſi metuemus.

Oratio ad virum illuſtrem ingredientem ingymnaſium, ex ſimili.

QVanam felicitàte noſtra factum fuiſſe dicam, illuſtriſſime vir, vt hodierna die nihil nobis tale cogitantibus, nec merentibus proſectò, noſtrum gymnaſium tui aduentus beneficio ſingulari cohoneſtare volueris. Atque hoc præcipue tempore, cum tuis negotijs maximis, & grauiffimis occupationibus diſtentes, vix otium habere videbaris, non ad inuiſendam ſolum Academiam, ſed neque ad pedem efferendum è tuarum ædium imine, tot præſertim ad gratulandū tibi de tuo in hanc urbem aduentu omnis generis & ordinis viris ſplendidiffimis manè vſperique concurrentibus. Quo magis inopinatum fuit & inſperatum iſtud beneficium, eò magis gratum & iucundum ordini Rhetorum vniuerſo accidit: qui ſic gaudet ac vehementer latatur huiuſce felicitàtis eximia magnitudine, vt ſuis alumniſ gratiùs nihil, neque iucundiùs accidere potuiſſe fateatur. Quemadmodum Vere ineunte omnia virent in agris, & amœniſſimè florent, virere campi, niterè colles, ſylvæ frondeſcere, montes floribus & herbis veſtiti longo in æruallo radijs Solis fulgentibus illuſtrati ſplendere videntur; horti plantis omnibus conſiti, nitidiores ſunt & amœniores, viridaria ſpeciem & formam claram & illuſtrem multiplici varietate diſtinctam oſtendunt, atque arbores, quæ hyeme erant nudatæ floſculis, deinde folijs veſtiuntur. Quæ ſata, quæ fruges, quæ paſcua, qui riuuli pelligidiſ

cidis aquis & cristallinis fluentes? qui carduelium, lusciniarum, & omnis generis auicularum volatus, & cantus dulcissimi, quanta suauitas auræ flantis lenissime? Animalia quidem in vbertate & quasi luxurie rerum summa lasciuire visa sunt. Omnia postremò, quæ hyemis asperitate deformia videbantur & horrida, nouam faciem & formam induunt iucundissima veris amœnitatè redeunte. Sic equidem aduentus tui fœlicitate, nescio quomodo Academia Rhetorum recreari visa est, & scholæ reliquæ, quæ sunt amœnissima litterarum viridaria, tanti Comitæ aspectu refici: quotquot autem istius gymnasij sedibus continentur, atque intra domesticos Mineræ parietes vîtrato more subsellia sua occupant exhilarari mirandum in modum videntur præsentia tua fausta fœlicique. Denique nullæ sunt officinæ litterariæ, quarum alumni plurimi non sese effuderint ad spectandam, vîsandamque tuam, hanc tantam auctoritatem, dignitatemque exiguis, & angustis vnius aulæ finibus contentam. Cùm autem tantum concursum & frequentiam, cùm tantam corporum & animorum alacritatem, cum in tu cunctorum oculos & ora coniecta, cùm admirationem & plausum maximum animaduertis, quoniam illi omnes loqui non possunt, mihi præcunctis dicendi data facultas est tibi Principi máximo potentissimoque gratias agendi. Quo nunc spectare dicemus hæc omnia, nisi, vt speciem quandam præbeant florentis & exhilaratæ admodum Academiæ? cuius alumni ac Rhetores nostri magnitudine tantæ liberalitatis excitati florere nunc videantur, & ad cursum magis litterarum, & ad virtutis actiones præclarè suscipiendas alacriores reddi. Vnde quæ species & forma Academiæ vetæ Christianæ, qui nitor omnis ordinis & ætatis adolescentum, quæ postremò vere ipso florentiora fortunatioaque tempora floribus & insignibus virtutis & sapientiæ clarissimis illustrata, de gymnasijs alijs omnibus ipsi loquentur, & nunquam tacebunt singulorum ordinum alumni præceptoresque: de nobis verò, de Rhetorum classe, quam aduentus tui splendore illustrare voluisti, & agris ipsis, ac viridarijs amœnitatè verni temporis iucundissimè florentibus florentiorem proculdubiò & magis nitidam & illustrem reddere voluisti, cum cogitamus, tunc verè Rhetoricem floridam & nitentem dicimus. Agri violis ac floribus strati, Academia Rhetorica vario multiplicique flore distincta nitebit. Agri vernæ viriditatis amœnitatè fructus proferunt vberes ac præstantes, Academia Rhetorum,

torum, tanti Principis illustrata splendore fœtus feret egregios & præcellentes. Agri denique nitere visunt & splendore vèris incuntis iucunditate, Academia Rhetorum aucta magnis suorum ornamentorum incrementis plus lucis & splendoris diffundet in omnes officinas litterarias. Quæ exercitationes in posterum? quæ carmina? quæ orationes omnibus Rhetoræ flosculis sparset, & clarissimis dicendi luminibus illustrat? & quod caput est, qui mores nostrorum militum? quæ virtutum actiones? quæ laus virtutis? quod studium honestatis accensum & inflammatum, quod remitti posse nunquam videatur, augeatur autem, & crescat in singulos dies magis ac magis? Vere ipso virere omnia videntur, & aspectu suo recreare mortalium oculos, & sensus omnes & animum incredibili voluptate reficere; sed quàm multi sunt dies, cum has amœnitates homines percipere nequeunt propter aquas, quas existere necessarium est hisce mensibus, ut plantæ, frugesque crescant, & alantur? quàm multi sunt dies, verno etiam tempore, aeris asperitate non procul ab hyemali abhorrentes? non parum infesti? quoties etiam Sol non oritur nitidus & illustris, abscessuque suo contrahuntur & mœrent omnia? Quoties denique aeris aduersi flatu marcescunt, quæ virebant & florebant iucundissimè? At dies iste faustus atque fœlix aduentu tuo certissimam ostendere visus est spem Academicæ capitis tollendi magis in posterum, & nullius, neque desidiæ, neque reliquorum rei litterariæ teteretorum hostium incursiones metuendi, ut semper florentem, semper fortunatam, & nouis incrementis auctam & amplificatam academiam aspiciamus. Nam si nobilitas generis quaeritur; quis te nobilior, cum tot Principibus Hispaniæ clarissimis sanguinis communione coniunctus orneris? si dignitas desideratur; in eo es gradu celsissimo collocatus, quem Marchionibus & Ducibus præcellentissimis proximum aspiciamus. si denique auctoritas valet plurimum; quantam tui generis claritate, dignitate honoris illustri, rerum præclare gestarum, virtutumque maximarum cumulo consequutus es auctoritatem? Testes sunt tot scholasticorum ordines ad litteras & ad virtutem colendam aduentus tui liberalitate concitati. Testis animorum voluntas, & incredibilis propensio; qui iam iam se erigere vellent omnes, atque si mos & tempora tulissent, si fieri etiam posset, nouæ dignitatis acceptæ beneficium solutis & ligatis orationibus posteritati com-

mendarent. Testes denique parietes ipsi, qui gestire videntur, & nouam faciem, & hilaritatem magnitudine beneficij præ se ferre iucundissim. m. qui quomodo possunt, tibi gratias agere gestiunt. Atque ego nomine cunctorum totius academix, & nostræ præcipuè societatis agens tibi gratias immortales, memoriam accepti beneficij iucundam & gloriosam polliceri non desinam in omnium deinceps sæculorum posteritatem sempiternam.

*Oratio secunda in alterius clarissimi viri
aduentu.*

Iberalitatæ eximix, illustrissime vir, qua se tantopere fortunatam videt academia nostra; magnitudinis ostendendæ necessitatem nobis hodierna dies attulerat. eademque de tuis maximis, & immortalibus in litteratos homines meritis materiam vsitato magistrorum Rhetoricæ more dicendi, subministrat, sed obstat temporis breuitas propter inopinatum tuum in hanc litterarum officinam aduentum, vt quantum magnitudo beneficij singularis, nobis cupientibus & gaudentibus alacritatis afferat, tantum facultatis inscientibus & imparatis magnæ, quibus vigemus, vt vix cogitandi spiritum habuerimus, angustia detrahant. Cum conuiuium aliquod instruitur, & ornatur, illud apparatissimum debet esse, & exquisitissimis cibis constructum, omni multitudine varietateque concelebratum escarum, quas dignitas & amplitudo conuiuarum postulant. Multos id ante dies Principes huiusce sæculi pro diuitijs & opibus suis maximis comparant, & in palatijs amplissimis aulaorum vestitu pretiosissimo splendentibus, lectis magnificentissimè stratis, mirifico mapparum candore nitentibus: abaci complures auro & argento collucent ornati: si tempus tulerit, floribus ac rosas mensæ sparguntur, vel si concelebrantur ab amœnitatibus verus alicuiusmodi tempore, succedunt odores suauissimi. Cum hora venit discumbendi, conuiuæ discumbunt ordine mirabili, fercula inferuntur varia, in multipliciaque, & expeditis & ministratis cibis noui semper recentioresque succedunt, & omnes cum exquisitissimi, & acerrima accusatione conditi, tum munditia & elegantia Aulicorum ritibus & cæremonijs planè Regijs, vt nihil ad ornatum & magnificentiam Regiam defuisse videatur. Horum quid simile nos facere possumus in tanta nobis
ad dicen-

ad dicendum breuitate concisa, qui sic Principum ingressum in gymnasium, quemadmodum ratio postulat, excipere deberemus? multos equidem ante dies eloquentiæ conuiuium comparatum oportebat esse, quod ornatum splendide ac magnifice, tantus & tam præpotens Princeps in tam alto dignitatis gradu, honoris causa lætus & hilaris ires, in quo ornatus cum copia de te concelebrando contenderet, & omnes fosculi spargerentur artis Oratoriæ, luminibusq; verborum & sententiarum distincta niteret & splenderet oratio; alijs ferculis alia succederent apparatusissima lautissimaque, quibus non modò gustatum expleremus auditorum, sed pascereus sensus omnes multitudine, varietateque iucundissima; denique conuiuium fieret nobilitate generis clarissimi, fumosis maiorum tuorum imaginibus instructum, & apparatus, quas corporis hæc præstas & excellens dignitas, & tanto cum lepore consentiens membrorum ex omni parte confirmatio consequeretur. His accederet diuitiarum affluentia & status dignitatis amplissimus, concelebrareturque magis hoc conuiuium rebus tuis præclare gestis, virtutibus maximis, & monumentis pietatis, & fortitudinis exstantibus ad nominis tui gloriam immortalem. Cum verò ad tantam benignitatis magnitudinem, ad collati beneficij præstantiam & dignitatem accederemus, atque illæ gratiæ iustæ ac debitæ pro muneris præsentis magnitudine agerentur, quid esset, quod ad magnificentiam desideraretur ac splendorem conuiuij? Vides quam in augustum omnia sint adducta, contractaque repente tantæ dignitatis aspectus, quam exiguæ sint opes facultatesque ad instituendum parandumque conuiuium tuis meritis & amplitudine dignum. Quod si per tempus liceret, illud Rhetoriæ solita niteret & splenderet elegantia munditiæque; conuiuium cibis exquisitis & apparatus admodum haberetur; oratio tuis ornata instructaque virtutibus, ac conuiuium numero diuersitateque escarum concelebraretur: oratio multitudine varietateque tuarum virtutum ornaretur. Accenduntur in conuiuijs odores suauissimi & ubique fragrant spirantes suauitatem suam mirificam: qui motus fierent in auditorum animis tantorum ornamentorum spectata magnitudine? succedunt alij alijs, noui recentisque cibi in conuiuijs: diuersitate luminum clarissimorum splenderet magis ac magis processus orationis mirabilis & exquisitus. Certat in conuiuijs abundantia cum magnificentia, magnitudo cum varietate, apparatus cum splendore, copia cum orna-

tu: sententiæ cum verborum nitore, laudes aliæ atque aliæ cum diuersis ornamentis & laudibus suis decertarent in oratione. Ad iniustri afferunt sæpè decus conuiuijs & splendorem: quoc & quanta tuis laudibus Rhetorum studia sese offerent acerrima semper de te te commendando contentione decertantium? qui plausus, quæ postremò cunctorum auditorum acclamatio? Semper Principum in hoc gymnasium ingredientium nomen celebratum fuit, & ornatum omni laude: tui quoque similium & tuo splendore florentium & dignitate decoratorum, esset laudibus honorificis sublatum in cælum. Quòd quidem in tantas angustias quemadmodum facere debebamus, hodierno die facere prohibemur, erit dies aliqua clarior, & illa illucescet aliquando ad tui mentionem faciendam illustrior diuini muneris beneficio præstitura, cum concelebrabimus magnificè splendideque conuiuium aliquod tuis ornamentis instructum immortalis memoria dignissimum. Interim tu, Comes clarissime, gaude tanti beneficii in hanc Rempublicam litterarium collati bono & quam epularum magnificentiam ostentare non potuimus, gratotum animotum voluntate compensabimus: & te tuasque præstantes virtutes, præsentis diei memoriam, prima quaque temporis opportunitate celebraturos nos esse speramus. Quòd, vt dicimus, tibi pollicemur, & eorum, qui præsentis sunt nomine, tanti beneficii magnitudine constricti defecimus.

*Amplificatio ex Descriptione ad Similitudinis
modum tractata.*

Incidit etiam Descriptio in similitudinem, ad cuius rationem tractatur, præposita Descriptione, quæ oppositis, & exemplis illustratur. Multa huiusce generis afferuntur exempla ex Christi Iesu vitæ præcipuis mysteriis, vt cum Rhetorica exercitatione pietatem & religionem Christiani Rhetores imbibant.

Ablutio pedum.

Complectere quæso animo Assertorem generis humani, suis vestibus exutum, linteo præcinctum albenti, infundentem aquam in peluim, agitantem & mouentem eam suis manibus sanctissimis, & in genua procumbentem, abiectum ad discipulorum pedes, sumentem in manus eosdem pedes singulorum, & abluentem, & extergentem illos linteo. Mirari discipuli, mirari præcipuè Petrus magnitudinem tantæ demissionis, contrahere humeros, continere pedes, negare denique constanter manu Præceptoris abluendos, donec ab Assertore Iesu verbum audiuit, plenissimum terroris ac mirarum, futurum scilicet, ut nihil secum Petro futurum esset, non illum in sua futurum esse societate, non illum diuinas præceptorum esse voluptates, si præceptori morem gerere recusaret, nisi domini dicto hac in re protinus audiens esset. Cum Christum Iesum pedes abluentem singulorum discipulorum contemplatus fueris, non omissum ludam aspicias, & plus fortasse temporis contemplabere impertinentem Iesum discipulo teterrimo, & oculos sæpè tollentem in ludam, si flectere posset & mollire durum & ferreum discipuli prodicionem molientis animum, tantæ mansuetudinis & demissionis facto præstantissimo. Quod demissionis exemplum ex præceptore tanto petere poterimus? quod animi mansueti signum? quæ documenta pietatis, & lenitatis infinitæ? quibus ille discipulos suos, præceptores virtutum cunctarum futuros, & magistros absoluta sanctitatis instructos & ornatos relinquere voluit in cruciatuum suorum pelagus immensum & infinitum ingressurus. Crudelis Iudas & impius, qui tantæ mansuetudinis exemplo leniri non vult, & ad pietatem & cultum suo præceptoris debita Religione præstandum reuocari. En iacet ad pedes sceleratissimi Iudæ Christus Iesus incredibili lenitate mansuetudineque; Iudas ferreo ac duro animo perstat in cogitatione prodicionis execrandæ: Christus lenire vult cor Iudæ nefarii, durum ac planè ferinum; Iudas magis obdurescit tygride durior & immanior: Iesus mirissimus ac lenissimus appellare ludam, deposcere pedes abluendos cernitur; Iudas nihil verborum faciens confirmare se ipsum ad prodicionem, facinoris immanitatem, & simulationis inuolucris velle tegere: Christus Iesus tollit oculos in

los in Iudam benignitatis & pietatis plenissimos; Iudas Christus illis oculis aspicere perstat, quibus solent scelerati, cum aliquid sceleris secum taciti moliantur: Christus immoratus de industria pergit magis ac magis pedes abluere, si possit à proditoris scelere Iudæ cogitationem auertere; Iudas nihil magis cogitare visus est, quam post factum Christi Iesu pulcherrimum properare statim ad principes sacerdotum prodendi, vendendique sui præceptoris causa: Christus secum tacite cogitare non desinit, quibus officijs, qua mansuetudinis testificatione mentem Iudæ deprauatam flecteret ad pietatem; Iudas nullam aliam cogitationem suscipere visus est, nisi de prodicione, nisi de pretio, nisi de Præceptore prodendo tradendoque nequiter. Quid agat Petrus? videt Iudas, quoddam cæteri Comites inuentur: videt ac notat admirationes Petri, audit Petri sermones cum Christo Iesu vicissim collatos, & il'am tandem morigeram, & Christo Iesu mancipatam omnino Petri voluntatem. Discipulus demisso vultu, collacrymantibus oculis, vix sui compos videbatur præ admiratione, præ stupore maximo. Cum ad suos pedes iacentem Christum Iesum aspiceret Petrus, quid puratis illorum verborum facturum esse? Tu (Petrus inquit) tu meos Christe Iesu mitissime lauas pedes? nonne tu Filius Patris Aeterni? pulchritudo cælestis aulae? non summus opifex & architectus cælorum? non paradysus diuinarum mentium? non effigies & splendor æterni Patris? non fons perennis & inexhaustus diuinæ sapientiæ? Tu Deus infinitæ maiestatis, & gloriæ sempiternæ facies huiusmodi officium adeo tantæ celsitatis magnitudine indignum? tu qui terram hanc sua formatam ac stabilitâ gravitate, tanta pulchritudine rerum & varietate distinxisti, qui fabricam & molem tantæ vniuersitatis elegantissimam manus diuinæ robore constrictam compressamque tenes: qui efficis cælorum conuersiones, moderaris terram, coerces maria, suisque continens finibus, temporum vicissitudinem partiris, cœtus diuinorum spirituum gloria cælesti cumulas, duci, dirigis & gubernas homines, & rerum omnium, quæ infra supraque Lunam sunt, multitudinem infinitam regis & administras, meos sumes pedes abluendos? tu mihi, mihi tu lauabis pedes? tuis inquam manibus diuinis atque cælestibus? mihi quam homini, mortali conditione nato, ex limo & argilla factio, puluere ac cinere, tot miserijs & æumnis oppresso, & quod deterius est, tantis peccatorum sordibus inquinato? tu,

tu Chri-

tu Christe Iesu, summe præpotensque Domine? mihi infimo contemptissimoque seruo, tu celsissimus Rex? celsitas tuæ maiestatis infinitæ, & humilitas & indignitas mea, maculæ ac sordes meæ cogunt me & compellunt ne pariar, ne feram: non pariar, non feram, non sinam. Omitte igitur hoc facere: mitte seruorum proprium & commune ministerium. Omitte tam humile tamque contemptum officium. Vide Præceptor sanctissime, ne cælum ipsum, ne naturam rerum vniuersam, ne filiam denique Sion non pudeat te ipsum ad hominum infimorum pedes abiectum & prostratum aspicere. Cum cælum tuæ diuini, potestatiq; subiectum, & in tuas ab æterno Patre manus traditum, infra terram sepositum conqueratur, manus tuas cœlestes atque diuinas infra piscatorum pedes positas aspiciens; cum moles hæc & vniuersitatis admiranda fabrica quoscunque præter tuos sanctissimos cœlestesque pedes fugiat; cum ipsa filia Sionis te videns & intuens linteo præcinctum illiusmodi repudiet, & abdicet sponsum, neque te velit eadem Deum suum & ducem immortalem. Hæc Petrus: qui quanquam ignarus mysterij, quod in tanto demissionis facto lateret abditum, tamen qui præ admiratione submissionis aspectæ vix animum ad facti pulcherrimi præstantiam cogitandam instituere potuisset. Omnes diuini spiritus de suis celsissimis sedibus spectaculum tantæ demissionis admirarentur, & obstupescerent sanè, cum opificem & Architectum cœli ad Apostolorum pedes prouolutum intuerentur. Quem hominum natura, nostræ conditionis contemptissimo crassissimoque vestitu amictum mirandum in modum admirati fuerunt suorum celebritate Natalitiorum, non hominis hunc, sed serui, neque serui tantum, sed contemptissimi mancipij officio fungentem magis obstupescerent. Vos ipsi indicate, & ex persona Regis alicuius terræque potentissimi Principis iudicium facite, quem cum imitorem Christi Iesu, & inopum abluentem pedes detracto diademate, Regijsque insignibus depositis, astantibus Imperij sui magnatibus, & vilitatis aulicorum cæremonijs ministrantibus aspiceretur, præ admiratione lacrymas continere non posses: Et quisquam erit tam inhumana, tam insolenti, tam intoleranda superbia præditus, qui sese non demittat tam admirandi facti virtute perspecta? Quisquam erit, qui se audeat esse deinceps & spiritus Luciferi ostentare superbissimos? Qui verbis, qui factis, qui cogitatione non fugiat elationem &

iactationem superbiorum insolentem? ideo ne Christus Iesus se comparat ad cruciatus pro genere mortalium subeundos demissionis virtute clarissima, ut nos animis & cogitationibus turres inanissimæ iactationis architectemur? Ideone Iesus se prosternit ad Apostolorum pedes, ut nos efferamus animos, & extollamus per superbiam & insolentiam maximam? Ideone Iesus abluit pedes discipulorum, ut nos obruti rerum humanarum strepitu, tumultuque superbissimo, appetamus honores & dignitates sæculi huiusce perituras? Ideone Christus Iesus iecit fundamenta passionis suæ factæ demissionis pulcherrimo, ut nos cognitiones inanis gloriæ suscipientes ad diuinæ pietatis & virtutis præcella fastigia necessarios aditus & ianuam præcludamus? Ideone Christus Iesus personam humilem & contemptam, non seruorum solum, sed mancipiorum suscepit, ut nos opulentissimorum hominum, dominatu potentissimo præcellentium statum & amplitudinem appetamus? Ideone ad infimorum hominum pedes Christus Iesus se abiecit, ut nos præferri generi cuiunque mortalium exoptemus, infimos autem & humili fortuna præditos contemnamus & pedibus iterum atque iterum proteramus? Ideone denique Iesus Iudæ nequissimi pedes abluet, & extergendos linteis sumet in manus, ut nos superbè & insolenter elati nostris inimicis insultemus, & illorum vitam & sanguinem siciamus in Imperij præsertim aliqua magna potestate constituti? An semel, & vno superbia genere peccamus? non ita quidem, non ita facimus. Cogitamus animis nostris nouis quotidie modos, & rationes efferendi nominis, & posterorum immortalitati sempiternæ commendandi artes & inuenta noua: nostris ingenijs comparatæ fraudes prodeunt in publicum cum pernicie Reipub. maxima, & apud Regem gratia & auctoritate illorum exstimationem imminuere, ut primum in aula Regia gradum obtineamus, sæpè ac sæpius solemus. Nonne iactamus nobilitatem generis? non ementimur sæpè clarissimarum, & nobilissimarum familiarum stirpem? nonne fastidio & arrogantiā minimè ferenda Regum iam more potentissimorum, & ceremonijs adiri visi fuimus Principum saltem clarissimorum? nonne spectante populo per vias, per plateas, per loca celebriora, quacunque contendimus, inanes efflamus ventos, & Regi æ quasi maiestatis speciem & iactationem superbissimam ostendamus? O summam Christi demissionem! O factum omni laude prædicandum! unde gradus est factus

factus, & aditus illustris ad reliquos cruciatus acerbissimos, quos pro genere mortalium tantus iste Dominus fortiter & libenter perpassurus erat. Per demissionem tanti Domini maximam, per lenitatem, & mansuetudinem summam, per exemplar admitandum non discipulis solum, sed Christianæ Religionis cultoribus propositum in perpetuum res præclaras in posterum agamus, & actiones virtutis suscipiamus, à demissione semper præclara primordia capientes.

Oratio Domini in horto, ex eiusdem locis.

Quid agis, amice mi? quid cogitas? non hoc præfectò tempus capiendi somni: veni mecum & contende in hortum Gethsemani, & auribus & oculis perspicies occulta prorsus & recondita cœlestis aulæ mysteria. Cernes mœrere lætitiā, tremere fortitudinem, deficere virtutem, occidi maiestatem, contrahi magnitudinem, obscurari gloriam diuinā. Christus enim Iesus cœna cum discipulis concelebrata, in oliuarum montem iuit oratum Patrem Æternum, antequam suæ passionis certamen & prælium grauissimum iniret, Petro, Ioanne Iacoboque tribus duntaxat carioribus discipulis comitatus: quo cum peruenisset, non multo interuallo à discipulis disjunctus in genua procumbit, & tensis manibus, sublati oculis in cœlum, magna vi & contentione preces æterno Patri adhibet, & à tanti numinis maiestate precatur, vt calicem cruciatuum & suppliciorum omnium, quem pro genere hominum in pristinā dignitatem vindicando haustus erat, si collibitum sibi fuerit, à Filio pius & benignus auertat. Id temporis Assertor generis humani tremere toto corpore, sudare plurimum, & sanguine manare à vertice ad pedes vsque. Adeste protinus Angelus; erigere Christum Iesum ad prælium ineundum, & ad Calicis acerbiteratē hauriendam confirmare. Non recusare Christus Iesus, gerere morem æterno Patri, & ab illo discedere deinde loco, erecto prorsus & confirmato animo, & ipsis occurrere satellitibus accelerantibus & festinantibus ad agnum comprehendendum. Sed ante comprehensionem, & à satellitibus iniectas manus assertori Iesu, animis cernite Christum Iesum orantem & precantem vehementer, & illos tres carissimos Comites & socios, quos potissimum ad gloriam diuinæ maiestatis aspiciendam in vertice ac summo iugo montis Thabor delegerat,

legerat, nunc dormientes, & somno grauissimo confopitos. Quid istud, auditores, somni, tantam vim & contentionem adhibente præceptore Iesu? Confederunt in mente Christi Iesu cruciatus acerbissimi, quos pro libertate generis humani recuperanda toleraturus erat, & hominum infinita millia, qui tantorum suppliciorum fructus nullos capturi essent, sed per summum scelus atque perfidiam partim oblituri, partim abiecturi cæci & amentes in suum exitium, & perniciem voluntariam ruentes. En Christus discedit ad precandum Patrem Æternum; tu quo mentem & animum effrenatæ libidines præcipientem agunt, nefarius ac furens excedis: Christus sola cogitatione suorum cruciatuum sanguinis vim & copiam maximam profundit; tu sceleribus tuis & flagitijs de tradendo Assertore Iesu in satellitum irruentium manus cogitas & agis: Christus voluntatem explere Patris Æterni tanto sui ipsius exitio non recusat dæmonis ab animo tuo propulsandi causa; tu dæmoni nequissimo nefarijsque inferorum legionibus te totum addicis, & in seruitutem perpetuam vincendum constringendumque tradis; Christus Iesus hac precatione magnitudinem multitudinemque suorum cruciatuum & tuorum immensitatem grauitatemque flagitiorum, ad mentem à sceleribus renouandam in memoriam tuam vult reducere; tu cruciatus non modo obliuisceris grauissimos & acerbissimos assertoris tui, verum etiam Domini benignitate & cruciatibus tantis ad scelera sceleribus & flagitia flagitijs cumulanda turpiter ac nefarie abuteris: Christus Iesus ut te ipsum à somno peccatorum exciter, iterum ac tertio discipulos excitatum iuit; tu grauissimo flagitiorum somno vehementer oppressus tot annos teter ac nefarius à furore & mentis insania non resipiscas aliquando? Christus post preces adhibitas & perspectam Patris Æterni voluntatem occurrit & obuiam procedit ludæorum iamiam ad comprehendendum accelerantium incitatae multitudini; tu neque mentem excitabis ad motus vehementes & sensus internos animi perspicendos, quibus mitissimus Agnus mentem afficit, ac percellit, ut viam flagitiorum omittas, & veniam suppliciter ac demissè postules? Scilicet generatim Christo Iesu obuersata fuit multitudo magnitudinæ flagitiosorum generis humani; non id temporis tui ipsius tantæ maiestati venit in mentem? non occurrerunt priuati tuæ libidines? non effrenatæ cupiditates? non iracundia? non vltiscendi libido? Speciatim omnia tua scelera ac peccata in Christi

Christi Iesu animo versata fuerunt, insederunt in mente cuiuscunque hominis privati crimina & facinora sigillatim. Neque hæc reprehendendi causa dico, non oratorio more loquor, consentiunt vna mente Doctores omnes Theologi, neque dubitandi cuiquam locum relinquit publicis litteris confirmata hæc de re communi cunctorum auctoritate confirmata sententia. Quod si tua peccator flagitia Iesum in tantas angustias adduxerunt, si memoria solum & recordatione sanguinem expresserunt, cur obliuisceris maximorum in te Christi Iesu meritum? Cur augebis & accumulabis peccata quotidie grauiora? cur magnitudinem & grauitatem criminum tuorum, dolorem & acerbicatem suppliciorum, quæ pro tua libertate Christus patienter pertulit, non animaduertes? Cur non statues modum tuis sceleribus & flagitijs effrenatis? An expectas iram diuini numinis & iustitiam tantæ maiestatis, quæ districto gladio mucronem in viscera insingat acerrimum, & de præcipitem in inferorum sedes obscurissimas? O diuinam Christi Iesu bonitatem! O mansuetudinem infinitam! O pietatem omnilaude, & prædicatione decorandam! Primum Pater Æternus ad misericordiam te inuitat peccator, qui tui tantam & tam insignem memoriam habuit, ut deprecantem Filium suppliciorum acerbicatem fluctibus obiecerit cruciatuum acerbissimorum, & cœlestem spiritum, eiusdem Domini confirmandi causa de cœlorum sedibus miserit. Ipse etiam cœlestis Paranympheus cum calice in Assessoris Iesu conspectum veniens, & æterni Patris mandata deferens vinculis acerrimis animum attingit tuum, & denudè obligat & deuincit obsequiis amoris diuini datis ad relictum virtutis iter omnistudio contentioneque repetendum. Quid dicam de Assessore Iesu, quem vides magno nunc & confirmato animo obuiam procedere festinanti ludæorum turmæ, ut se vincendum constringendumque dedat pro veteri tua dignitate recuperanda? Quid agis? quid expectas? an verò tam liberalissimus fuerit Christus Iesus ad se tradendum in hostium teterrimorum manus, tu promptus & paratus non eris ad iugum perennis hominum inimici, dæmonis crudelissimi deliciendum? Per preces Assessoris Iesu æterno Patri adhibitas, per humilem atque supplicem tanti Domini obsecrationem, per victimam corporis & capitis sui sanctissimi Patri æterno liberalissimè deuotam consecratamque, per sanguinem pro totius humani generis peccatorum memoria recordationeque

vniversè & speciatim expressum, per sudorem, per guttas sanguinis à capite in pedes vsque, profluentis, relinque peccator viam scelerum & flagitiorum tuorum, obliuiscere diuitiarum, & honorum huiusce sæculi, recordare iniuriam ac suppliciorum Christi Iesu grauiissimorum: luge tuorum scelerum prauitatem ac nequitiam quamcunque, si vis particeps esse Christi Iesu meritorum in genus humanum maximorum.

*Comprehensio Domini, ex eisdem
locis.*

Magna vis est orationis, multum valet obsecratio supplex ad reportandum id quod postulaueris, cultor Christianæ Religionis. Cerne Christum Iesum ex horto Gethsemani descendentem magno satis & confirmato animo, accelerantem ad cruciatus acerbissimos, & procedentem obuiam satellitibus, & ipsi Iudæ iam præeunti, cohortemque satellitum & administratorum crudelitatis nefariorum incitantem & inflammantem facibus verborum flagrantibus, dantemque signum eisdem ad internoscendum præceptorem, vincendumque acerrimè. Cùm in illorum conspectum Christus Iesus venisset, quàm erecto excelsoque statim animo incipit amici nomine Iudam appellare, & satellites causam aduentus sui rogare? Quanta vis diuini verbi, qui vno verbo solum facto multitudinem satellitum armatorum horrendo crepitu ac fragore prostrauit resupinos in terram? Iacent miseri, porrectis cruribus, & resupini omnes vasta illa suorum mole membrorum omnium, nequeunt commouere sese tergis in terram adhærentibus, & quasi defixis, tantum abest, vt habeant facultatem liberam solutamque surgendi, quoad facta potestate per Christum Iesum nefarij homines surgere potuerunt. Quo statim cæci & amentes à fronte, à tergo, à lateribus odoriri mitissimum Agnum quàm tumultuosissimè audent, comprehendere Dominum ex omni parte, acerrimè funem collo, vincula manibus sanctissimis iniicere, & impellendo, propellendoq; vehementer, & ictus infligendo grauiissimos, verbis & modis omnibus iniquissimis tractando, incitato gradu, celeritate præcipiti, dissonis & horrèdis clamoribus per vias publicas deferebant, tanquam perniciosum
& tur-

& turbulentum hominem, perturbatorum populorum, occisorem hominum. Excitari visus fuit Populus id temporis, multitudo effundere sese, viri & mulieres de fenestris, de locis omnibus spectare, commendare plurimi non desistebant Iesum, sanctitatem ponere extra culpam omnem, conferre causam comprehensionis in Principum & Phariseorum inuidiam. Ita sedantem & anhelantem Iesum, inflammato vultu, sine modo, sine ratione tractantes ad Iudicum & Pontificum aedes rapida, incitataque celeritate deferunt. Christus vero Iesus inter tantam vim & multitudinem iniuriarum, nullum verbum facere visus est, sed auctoritatem illam cœlestem atque diuinam nulla nec minima mutatione vultus, nec impatientiæ vel minima significatione data seruare. Quid istud conuersionis ac repentinæ mutationis, ut Innocentem comprehendant nocentes, lupi crudelissimi mitissimum Agnum, improbi, ac scelerati, virtutem ipsam, & sanctitatem, serui Dominum & præpotentem terræ, cælique dominatorem? Quem paucis ante diebus tantis honoribus extulerunt, nunc omnibus dedecoris & ignominie maculis afficiunt: quem Regem festa, secundaque acclamatione appellauerant, modò tanquam latronem grassatoremque viarum, ex cæde & ex sanguine viuentem horribilis clamoribus ad indices & Præsides deferant: quem ingredientem in urbem & equitantem palmarum honore virentium in triumphantis modum atque similitudinem exceperunt, modò vinculis constrictum, & indignissimis tractatum modis occidendum curant: quem vestibibus ramisque stratis viis omnibus, filium Davidis appellantes exceperunt, modò armorum strepitu ac tumultu nefariorum nominibus & iniurijs decorantes de medio tollendum crucifigendumque tradunt: quem denique Regem creare voluerunt, & tanto cum plausu & acclamatione suum Vindicem & Assertorem appellarunt, modò turpi cum probro ac dedecore, omni crudelitate, diritateque, neque dignum lucis istius vultu, curant atque proclamant. Quæ est ista tam impudens, tam immoderata, tamque inhumana crudelitas, ut contra leges omnes, contra ius hominum ac diuinum, contra naturam ipsam, nulla causa, nullis testibus, per summum duntaxat scelus & inuidiam Christum Iesum comprehendatis, comprehensum tam iniquis modis omni acerbitate crudelitæque tractetis? ut scelerati, nefarii que homines, quem paucis ante diebus, tot miracula publicè edentem, morbos lethales, cœlesti

virtute sanantem, atque mortuos excitantem vidistis, hoc tem-
 p^o re vinculis omnibus deuinctum constrictumque deferatis
 in Iudicium? Illudne corpus tanta conformatione lineamen-
 torum mirificè compositum fune constingeris? illasne manus
 quibus tot & tanta in vestrum genus, & gentem Iudæorum
 vniuersam beneficia collata sunt, vinculis comprimitis? illam
 tantam auctoritatem & maiestatem cœlestem ac diuinam, tan-
 ta ignominia & dedecore turpiter afficietis? Illud os, illam
 faciem diuinitatis splendore fulgentem, colaphis vestris de-
 formabitis atque a sedē in caput, in capillos, in barbam sanctis-
 simam inuolabitis? Quam causam afferitis vestræ prauitatis, ve-
 stræ nequitæ, vestræ crudelitatis? At Iudas discipulus istius
 Domini cum in vestras sacrilegas & furentes manus tradidit?
 quid deinde? An continuò vos inuadetis in innocentem, si pec-
 summam perfidiam nequam ille Iudas suum præceptorem pro-
 diderit? quam ille causam attulit prodicionis? nullam equidem:
 sed pretio vobiscum egit, conuenit etiam, & tandem triginta
 nummis addictum suum præceptorem pacis simulatione tra-
 didit. Nihil nunc dico de pretio, nihil de prodicione nefariæ:
 luet ille, & luet quidem suæ prodicionis pœnas inferorum sup-
 plicijs sempiternis. Ex vobis sceleratissimi Iudæi percontor,
 quæ est ista tanta, tam ferina crudelitas, vt quem Assertorem
 generis humani expectabatis, quem habuistis dono ac munere
 diuino Messiam datum, quem diuinis ac cœlestibus miraculis
 florentem aspexistis, quem Regem denique propter suam
 summam virtutem & sanctimoniam lætantes & exultantes
 excepistis, nunc tanquam nequam & hominem omnibus sce-
 leribus coopertum tractetis, & ad supplicium & ad eadem
 comprehendatis? nihil ne vos vita illius sanctissima, nihil
 miracula toties edita, nihil beneficia collata, nihil illius inte-
 gritas innocentiaque, nihil tot virtutum maximarum specta-
 cula commonere potuerunt? At si hæc oblici fuistis, cernite
 præsentia miracula tam præclara, tam eximia diuinæ vir-
 tutis magnitudine palam vobis inspectantibus edita. Cernite
 mansuetudinem illam diuinam, qua venientem ad se & acce-
 dentem Iudam deterrimum, & osculi simulatione prodentem
 præceptorem suum amici nomine compellauit. Hæc si non
 animaduerrere volueritis, si tantæ mansuetudinis rationem
 habere nolueritis, quæ in vestris oculis, in vestro conspectu
 edita fuerunt miracula recognoscite. Nonne vos vno verbo,

uno verbo facto duntaxat prostravit resupinos in terram? non ademit id temporis lucem oculorum? non cecos vestrum omnium oculos reddidit atque stupentes? Nonne tandem iaculistis illis vestris lateribus, illa gladiatoria corporum vastitate, quandiu voluit, & collibitum fuit istius Domini maiestati diuinæ? Usque eò autem iaculistis, quoad ille surgendi fecit vobis omnibus potestatem. Accedit etiam illud, quod vos etiam vidistis, quod Malchus testatur, cui abscissam aurem gladio Christus ipse Iesus sua cælesti virtute restituit. Non hæc commouere vos debuissent, si superiora, quæ commemorauimus apud vos non valuerunt? O crudelitatem immanem! O furorem & amentiam incredibilem! O belluas omni diritate terribiores! Quia à Deo derelicti sunt, quid non sceleris & flagitij suscipient? quo non cæci & amentes in suum exitium & perniciem vltimam irruent? surgitis & omni furore & amentia præcipites in Agnum inuaditis, quo prædixi modo, quæ crudelitate in mansuetissimum Dominum inuasistis? Si virum aliquem honoratum & splendidum, auctoritate magna præditum, multis egregijs virtutibus præstantem, notum omnibus propter iulius in Rempubl. egregia merita comprehensum à satellitibus, per vias publicas, fune de collo deiecto & vinctis a teigo manibus, multitudinis concursu, strepitu ac tumultu maximo, armorum crepitu ac fragore terrifico, milium armatorum clamoribus horrificis, vexatum, iactatum, & omnibus iniurijs affectum deferri viderent homines, quo sensu precor afficerentur omnes? quo dolore conflictarentur in tanto, tam horribili, miserandoque spectaculo? Tollite statim mentis oculos, Auditores, in Christum Iesum, & animis complectimini Dominum cælesti maiestate præditum, qui tot & tam admiranda paucos dies ante, & per omnem vitæ suæ cursum in vrbe Solymorum ediderat miracula; ad quem omnes varijs morborum generibus conflictati adiebant; quem precabantur & obsecrabant suppliciter; quem omne genus hominum venerabatur, & in suis miserijs & ærumnis diuinum huiusce Domini numen deposcebant. Intuemini modo raptim ac turbulenter à belluis immanissimis per vias publicas, & loca celebriora deferri, dedecore multo, & ignominia magna, incitato gradu, non illo, quem auctoritas, & maiestas tanti Domini postulabat, sed ad satellitum libidinem, & furis illis ac pestibus humani generis incitantibus & accelerantibus magis ac magis rapidum

ac præcipitem gradum, utrabiem & sitim principum ac Pharisæorum insatiabilem explerent, qui prædam sitientes appetebant & Creatoris nostri sanguinem ardentes sitiebant. Intuemini Dominum hunc procedentem ac progredientem ad satellitum libidinem nefariorum, derelictum iam à discipulis, carnificum improbissimorum multitudine stipatum, citato gradu, ducto frequenter anhelitu, colore mutato, & ore iam rubenti ex omni parte, incitata celeritate progrediendi, & in tantis iniurijs, in tantis probris & contumelijs tantam in ore modestiam, tantam in oculis gravitatem, & illam diuinam faciem, illum splendorem cœlestem in medijs alijs fluctibus ac procellis, diuina semper claritate fulgentem. Deinde altius ascendite, & in mentibus complectemini huiusce Domini dignitatem, verbum scilicet Patris æterni, sapientiam Dei sempiternam, virtutem infinitam, bonitatem summam, gloriam Beatorum, decus immortale cœlorum, speculum pulchritudinis. Considerate etiam homines, vestri generis causa virtutem astringi, comprehendi innocentiam, deludi sapientiam, honorem vituperari, cruciari gloriam, & deformari modis indignissimis splendorem pulchritudinis eximie. Cum Heli audiuisset captam arcam Domini, & in hostiles manus venisse, magnitudine doloris oppressus repente mortuus fracta ceruice cecidit. Cum David templum Domini captum & direptum videret ab hostibus omni auro diuitijsque suis spoliatum, & ab inimicorum teterrima gente pollutum, quem dolorem Regem hunc accepisse quamque magnum existimabimus? Nos arcam veram & diuitijs omnibus refertam, & thesauris abundantem cœlestibus, captam, & à belluis immanissimis crudeliter tractatam cum aspexerimus, quem dolorem accipiemus? quas lacrymas effundemus, spectaculi præsentis recreatione luctuosi? Obsecro Pater Æternæ non sumus ex illorum numero, qui vincula diuinis Filij tui manibus, nostris sceleribus ac flagitijs iniiciamus, per mansuetudinem tuam, per funem collo iniectum cœlesti, per manus vinculis acerrime constrictas, per comprehensionem, per iniurias nostræ libertatis & dignitatis recuperandæ causa cœlesti virtute toleratas, nos à scelerum, & flagitiorum prauitate liberos fac & solutos.

Virge Christi Iesu, ex eisdem locis.

Ingredere mecum homo in Pilati Præsidis palatium, & defer tecum comparatas etiam lachrymas. Quis enim illas tenere possit, cum videat Christum Iesum nudatum & spoliatum vestibus, alligatum ad columnam marmoream, acerrimis constrictum vinculis, & à dextra, & à sinistra valentissimos carnifices, qui virgis pulsan, & cædunt crudelissimè Christum Iesum horrendo crepitu & fragore maximo; quanta vi possunt & contentione brachiorum? Primum videbimus deformari terga Christi Iesu mansuetissimi vibicibus, deinde dirumpi cutem & auelli à tergo, prorumpere postea sanguinem & flumine multo profluere in terram vsque, discerpi, dilaniarique carnes, plagas plagis, vulnera vulneribus cumulari & adaugeri, ut iamiam parum abesse videatur, quin ossa pateant & cernantur. Et mirum quidem non confectum fuisse mitissimum Agnum, & conficeretur planè, nisi Patris Aeterni providentia summa ad reliquos maximos & acerbissimos cruciatus reseruaretur: sic plaga in medio tergo facta latissimè patebat, & disruptis dilaceratisque carnibus sanguinis flumine manabat. Fessis defatigatisque carnificibus, noui recentioresque succedebant. Columna tota cruore conspersa plurimo madebat, cuius extremitatem palus circumdabat latissima, quæ toto Pilati quidem atrio diffundeat sese fluctuans. Natabant pavimenta sanguine, madebant parietes, neque carnifices finem Agni cædendi faciebant. Cum homines omni diritate tetriores amplius millia quinque verberum in terga sanctissima deiecissent Iesu mansuetissimi, ille inter tantum virgarum crepitum & carnificinam factam, muti similis nullum verbum proloqui, neque minimum se commouere visus est, quin patatissimus erat ad ictus plures & virgarum multitudinem quamcumque perferendam pro libidinibus hominum parsoluendis. Quod spectaculum si mentis oculis acerrimè cernerent libidinosi, modum statuerent intemperantissimis carnis spurcissimæ voluptatibus. Carnifices alligant Christum Iesum; libidinosi vincula quidem acerrima tanto Domino iniiciunt. Carnifices Virgis cædunt vehementissimè; libidinosi suis turpissimis voluptatibus vehementius verberant atque tundunt. Carnifices sanguinem exprimunt; libidinosi ipsos incitant & inflammant, ad vim & copiam

sanguinis profundendam. Carnifices ad vim omnem brachiorum in Christi Iesu terga conferendam, atque adeo ad sanguinis fluium exprimendum incitati plagas plagis, & vulnera vulneribus cumulant; libidinosi facibus libidinum flagrantibus accensi has omnes efficiunt plagas & mediam in tergo luculen-
 tissimam. Carnificibus succedunt alij noui recentesque; libidinosi suis libidinibus alias & alias impuritates addentes, nouos & viribus integros ac valentes carnifices in Christi Iesu Corpus immittunt. Quoties enim, quoties libidinosi nefarias suscipitis cogitationes, & obscœnas libidinum impuritates, quoties verba turpia & impura facitis, quoties postremò vos effunditis in omnem carnis intemperantiam, & in effrenatos obscœnitatum appetitus, toties, toties inquam alligatis Christum Iesum ad columnam n armoream, toties eundem Dominum acerrimis vinculis astringitis, toties diritate virgarum per omne scelus, & impietatem excarnificatis, toties sanguinem eius, & plagis ac vulneribus grauissimis sua terga sanctissima discerpitis. At vna duntaxat vos libidinum genere turpiter inquinatis: semel duntaxat has impuritates turpes & obscœnas suscipitis: Nonne cogitationes omnes turpissimas in animum admittitis? nonne passim turpia verba facitis & obscœna? nonne committitis stupra, incesta, adulteria turpitudinum vestrarum cogitationibus impurissimis? quam Virginem, quam nuptam, quam viduam, cuius formam mulieris non appetiistis ad aspectum oculorum, ad vestrum appetitum pulchram, & venustam? Quas vires non peragratiss? quas non os non obsidetis meretricum profligatarum? quibus attrectationibus obscœnis appetitus carnis non excitatis intemperanter? Nulla equidem libido ab oculis, nulla à manibus vnquam absuit vestris: id quod spectaculum præsens flagellati Iesu ante vestros oculos propositum ostendit. Nihilne vos, vt abstineatis à libidinibus, vt dometis cupiditates effrenatas, vt voluptates tandem aliquando coercetis, columna præsens, nihil iniecta vincula Christo Iesu, nihil multitudo flagellorum in corpus immissa, nihil fluius sanguinis corpore toto perfluens, nihil plagæ plagis additæ, & vulnerum deformitas, nihil in medio tergo facta plaga luculentissima, nihil postremò illius carnes disruptæ, tergaque dilacerata commouere potuerunt? patere propè iam ostendit, vide is, aut parum abesse, quin oculis cernantur ipsi patet-
 cta

Et a diritate virgarum? ubi suis dies noctesque, quas admittatis libidines, quo cœno impuritatum tanquam lues spurcissimæ volutemini, has omnes in Christi lētu terga recidete. & ipsi vestras non animaduertitis lucere libidines? O feram & inhumanam belluam libidinem! ô voluptates effrenatas & indomitas! ô perniciosam & exitialem mortalibus carnem! in quas Allertorem lētum angustias adducitis? supplicium fuit istud antiquis temporibus erutorum, & omni sæculorum memoria apud omnes gentes atque nationes infama fortuna præditorum hominum. Supplicium istud adco turpe fuit & ignominiosum generi Romanorum, ut satis esset, quemquam ciuem Romanum esse, & in vrbe Roma natum & educatum & Romanorum stirpe ac sobole procreatum, ut quibuscunque flagitijs cooperatus adduceretur, virgis pulsari minime potuisset. Iam verò cum lege Iudæorum cædi quenquam virgis fas esset illis de causis, quas scimus, & ex veteris legis annalibus accēimus, quadraginta tamen flagris cædi non poterat Iudæorum nemo. Atque hanc causam legislator addidit, ne frater ad pedes tuos iaceat virgarum diritate concisus. O bone, benigneque Iesu! ô misericordissime mansuetissime Agne, omnes lege, omnia iura in te vno violantur, qui non modò Romanorum prærogatiuis & immunitatibus non frueris, sed Solymorum generi modum præfinitum, & tanto ampliorem & maiorem in infinito numero perfers. Quis vnquam hoc putaret? quis adduci posset, ut crederet in Christi terga Allertoris nostri virgas flagraque redundare? horum omnium auctor & princeps est libidinosus. Et quisquam non fugiet, & execrabitur libidinem? Obsecro, sanctissime Iesu, per columnam, ad quam alligatus fuisti, per virgas tanta patientiæ magnitudine toleratas, per sanguinis fluium corpore tuo profluentem, per plagas, per vulnera, per discerpras, dilaniatasque carnes sēda libidinem meam, coerce carnis appetitum, & omnem ardorem extingue cogitatione tuarum virgarum, & magnitudine tanti supplicij in animo inlærente meo, ut fructus columnæ, & vtilitatem virgarum, corporis & animi integritatem seruans percipiam in omnem sæculorum æternitatem.

Lacryma Beati Petri, ex eisdem locis.

Mouent me quidem lacrymæ B. Petri, quem foras exeu-

Mmm

a

tem

tem videre videor ad deplorandum scelus in suum præceptorem admissum. Eo enim, inquit, Petrus, petra & cautes durissima & omni saxo durior, & immani Tygride dirior ac terrior, qui tantum scelus admiserim & à præceptore per summam perfidiam defecerim, sceleratus, nequam, perfidus, & execrandus. Tunc Petrus Princeps lociorum? tunc Dux ille, & inuidissimus Imperator, qui multos ignavos ac timidos ad prælium ineundum excitare debebas fortiter ac magnanimiter præeundo? siccine defecisti? siccine cecidisti animo, ut vnus ex perfidis & sceleratis hominibus? tunc ille? ille inquam amicissimus & familiarissimus Christo Iesu? tunc vnus ex sociis delectis ad aspiciendam in monte Thabor gloriam diuinitatis cœlestem & immortalem? tunc Petrus summo Ecclesiæ principatu decoratus, & primus omnium, nec semel, sed iterum ac tertio socium esse te Christi Iesu negauisti, simul & tanti præceptoris discipulum? neque tibi notum illud vnquam fuisse dixeris, dixeris etiam nunquam te cum illo versatum, neque colloquutum fuisse? atque tertio, & cum iusiurando falso? tam citò, vno verbo ancillulæ victus, qui te perditum esse confirmabas antea Præceptori tuo, dum parato te dicebas animo esse, nimiumque confirmato ad mortem pro præceptore subeundam? Millies dicebas te mortem appetiturum esse priusquam defeciturum à Christo Iesu præceptore tuo? En magnum virum promissis & pollicitationibus, verbo magnum, re nullum & omnium deteritum. Abdam me, inquit Petrus, in locum occultissimum remotissimumque, ac ne lucem videre possim, etiam obscurissimum, vbi lachrymis & dolore nec conficiam. Tam erat Iesus sceleratus, tam ille erat improbus iudicio tuo Petre, ut illum nosse te puderet etiam? tam erat indignus, ut neque cum illo te colloquutum fuisse testareris? O senem deteritum, & omni petra duriolem? Vide quantam inter te, & inter Assertorem Iesum interstit. Aspexit me, inquit, Christus Iesus illis oculis diuinæ misericordiæ, quibus in viam redirem, & suorum in me beneficiorum recordaret. Quem Galli cantus à somno, quo consopitus eram, excitare non potuerat, excitauit oculi Christi Iesu in me ouem perditam & sauciatam coniectionis, qui suorum oblitus cruciatuum, oblitus suorum dolorum, & acerbitatum maximarum me misericors ac benignus aspexit, ut me ipsum respicerem, & perfidiæ crimen lachrymarum lago summe eluerem. Tu oblitus fuisti, Petre, præceptoris

tui; ille tui recordatus, discipuli præcipuè: tu deficis à Domino tuo nefariè; ille animi tui benignissime misertus; tu abiicisti gratiam tanti Domini; ille te in suam reducere amicitiam voluit statim: tu dolores & cruciatus non attendisti suos; ille te in medijs suppliciorum suorum acerbitatibus, in medijs probis, & conuijs tui potissimum memoriam habuit: tu labascis vno verbo ancillulæ victus; ille grauissimis ignominijs & supplicijs affectus, tui non potest memoriam abiicere: tu deficis à præceptore suorum oblitus in te meritorem; ille te non vult è sua societate Petrum excludere, te ipsum in memoria discipulum habens: tu neque nosse præceptorem tuum cum iureiurando confirmas; ille discipulum vult & agnoscit, & in consilij sui celsissimam restituere dignitatem auct: tu tot beneficijs affectus à Magistro Dominoque tuo ingratus & impius tot donorum magnitudinem & præstantiam negas; ille te respexit, vt pluribus donis ac muneribus cumularer & augeter: tu principatu Ecclesiæ præcellentissimo celsissimoque decoratus tantæ dignitatis sedi gloriosissimæ nuntium remiseras; ille vult in gradum tantæ dignitatis amplissimum reducere. Quid vis amplius? ille Deus summus ac præpotens; tu homo non admodum spectata fortuna: ille auctor & princeps sanctitatis; tu perfidiæ maculis inustus, & alijs infinitis miserijs & ærumnis oppressus: ille fons perennis & inexhaustus misericordiæ; tu ferreus, durus & petrae similis. Quid plura mouent me tuæ lachrymæ, vt mouerunt miseræ defectio- nis tuæ mitissimum Agnum Christum Iesum ad misericordiam. Quam perfidiam negare non possum in te multo terriorem, quàm in alijs & magis execrandam fuisse, qui tot beneficijs à Christo Iesu affectus, tot honoribus & ornamentis decoratus particeps tantopere diuinorum Christi Iesu consiliorum, & in tantam sedem dignitatis euectus, ad principatum Ecclesiæ celsissimum elatus, dux & antesignanus reliquorum Christi Iesu sociorum eosdem confirmare debueras robore ac magnitudine animi tui. Nam si cadat animo dux, si frangatur ac debilitetur metu Imperator, si fugiat hostis aspectum, si reformidet congressum, si non tueatur dignitatem Imperatoriam fortiter & magnanimiter, quid agent reliqui milites? quid exercitus vniversus? scilicet magna sunt consilia diuini numinis, recondita nimium & abstrusa, & à communi hominum intelligentia remotissima. Futurus eras Petre caput Ecclesiæ, Princeps & Dux militiæ Christianæ, Vicarius huiuscè Do-

mini summus ac præpotens, ac propterea sciens debebas esse nostræ conditionis, non ignatus imbecillitatis humanæ, ut nostrum omnium misereri scires, & in ruinis nostris & ærumnis operi & diuinum auxilium ferre, denique ut patefaceres aditum diuinæ misericordiæ redeuntibus in viam, & immortalis Dei opem implorantibus. Quid quod exemplo tuo testatum nobis Ch. istus Iesus voluit relinquere, quid post susceptum aliquod flagitium, post defectionis ac perfidiæ maculam facturi essemus, ut locum, ut personas, quæ peccandi causam attulerunt, fugeremus, & ad lugendum cœnem, ad veniam sceleris ac flagitij suscepti petendam nos animo ac voluntate conuerteremus? Discessisti, excessisti ex illo loco Petre continuo, atque te assexit Dominus ac præceptor tuus. Ad te redisti, contulisti te in remotum sanè locum, præcul ab hominum celebritate disiunctum: ibi te confecisti lachrymis ac dolore maximo, per omne vitæ tuæ tempus, licet peccati veniam tibi datam fuisse non ignorabas. Id quod Dauid sanctissimus quanquam in Regia dignitate positus, & tot Regnorum suorum negotijs maximis grauissimisque districtus facere non desisteat, neque prandere, neque bibere consuevit vnquam, nisi cibum potumque lacrymarum largo summine commiscens. Implorabat Rex sanctissimus opem diuini numinis, efflagitabat misericordiæ magnitudinem, multitudinemque monumentorum tantæ virtutis obsecratione frequenti repetebat. Quid hic Magdalenam afferam? quæ conuiuiis inspectantibus non erubuit demisso vultu, oculis in terram defixis, luctu ac mœnore prope confecta palatium intrare, in quo Christo Iesu conuiuium celebrabatur, atque à tergo abiiciens se ac prosteruens ad tantæ Domini pedes lacrymis pedes spargere, osculari iterum ac sæpissimè, & suorum veniam petens delictorum, capillis auri fulgore clarioribus abstergere, & adhærere ad pedes Domini, os, oculos, & vultum cum plantis sui Assertoris Christi Iesu coniungere, & osculandi finem facere nunquam destitit, lacrymas semper effundens, & fletus acerbissime, neque excedere voluit, quæ a I. veniæ datæ verbum ex ore Assertoris Iesu audiuit. Vos etiam obliuisci non potestis hæc & alia exemplis plenissima benignitatis, pietatisque diuinæ. Cur ergo Mortales a cœdo scelerati eritis? Cur in vestris iudice erabitis & contenesceis flagitijs? Quomodoque per Deum immortalem peccare delinetis, & in Deum summum ac præ-

potens

potentem flagitia suscipere ? quæ est ista nonnullorum elatio superbissima ? quæ aliorum ardens & insatiabilis argenti aurique cupiditas ? quæ rerum huiusce sæculi & honorum præcipuè inatissimorum auditas infinita ? cur congerendis cumulandisque opibus fluxis ac perituris tantopere miseri & infelices inhiant ? quæ tam indomitæ & effrænatae libidines placent ? Ira elati fines humanitatis transisse videntur, leuibus de causis succensentes, & inimicis vestris nunquam iniurias acceptas condonantes. Nota est inuidia, nota ventris ingluuius, nota desidia, & obliuio virtutis & gloriæ cælorum comparandæ, noti postremo mores corrupti ac deprauati ferè multorum, qui sic viuunt, ac si nullam Deo vitæ suæ rationem reddituri essent. At expectabunt multi senectutis tempus, ut reconcilient se Creatori suo & vitam vitiorum relinquunt. Hæcne vox hominis ratione præditi hocne responsum cultoris Christianæ Religionis ? quibus si certum esset & exploratum se ad senectutem peruenturos esse, tamen suæ vilitatis, & meritorum, quibus cumulati è viuis excederent, atque adeo diuinæ bonitatis & beneficentiæ recordari deberent. Quid quod mortis recordari debent, quæ singulis horis atque momentis tanquam saxum Tantalo imminet, & senes non solum, sed viros, & adulescentes & pueros de medio tollit, claros & illustres, humiles & abiectos, viribus valentes, infirmos & imbecilles, nobili genere & obscuris parentibus natos, & doctos, & literatos, inscios & ignaros litterarum, Principes huiusce sæculi, Reges potentissimos cum infima plebe & vulgi fece commixtos conficit & aufert è vitæ. Mouere nos debet B. Petri exemplum, quem peccasse fateor & iniquè quidem egisse: At simul atque mi iissimus Agnus suæ benignitatis oculos in illum coniecit, pœnitere confestim coepit illum perfidiæ suæ, nec punctum temporis moratus foras exiit ad scelæris sui prauitatem lugendam acerbissime. O præclarum Petri exemplum! O singularem petendæ veniæ formam! Quam si sequerentur qui imbecillitate carnis humanæ, qui nequitia prauitateque sua, qui modis alijs peruersis deprauatisque in Deum scelera commiserunt, citò ad se redirent, & melius cum illis, melius postremo cum animis ageretur. Obsecro vos, Auditores, imitami B. Petrum mecum in hunc modum, veniam petite sceltrum in Dei maiestatem admissorum. Tu sanctissime Iesu, Agne

mitissime, qui non vis peccatoris interitum, sed ut ad se redeat & veniam petat flagitiorum, humiliter atque demissè ad tuam infinitam misericordiam confugiens, qui veniam dedisti latroni pendenti tecum in cruce, qui Matthæum è telonio ad Apostoli dignitatem vocasti, qui Magdalenz preces & lacrymas respexisti, qui postremo Petrum oculis aspexisti tuæ diuinæ misericordiæ; nos omnes quorquot præsentés sumus, per tuam immensam misericordiam, per cruciatus omnes, per mortem acerbissimam, per omnia diuinæ tuæ misericordiæ monimenta, quæ extant & extabunt in perpetuum infinita, oculis tuæ benignitatis ac pietatis infinitæ in omne tempus respicere non desinas, ut scelerum omnium sentinam execrantes tibi summo præpotentiq; domino per omne vitæ curriculum egregiè semper & fideliter seruiamus.

Spinea Corona, ex eisdem locis.

PROcedite Filiz Syon in publicum, & suspicite Regem Salomonem ornatum diademate, quo mater illum in læta ac iucundâ suarum nuptiarum celebritate decorauit. Anime quid agis? mens mea quid cogitas? cur os meum non murmur es & lingue modò? cuius animus non frangetur ac diuellatur dolore? cuius inhumanitas non flectetur ad misericordiam? Quorum oculi lacrymas continere poterunt cum intueantur hoc tam triste ac luctuosum spectaculum? intueor mitissime Iesu caput tuum spineâ coronâ transfixum, & ex omni parte spinarum aculeis perfossum, effundens sanguinis rivos à vertice in pedes vsque, qui copiosè profluentes os sanctissimum, & lumen oculorum obscurant, barbam & corpus, & ob eam causam vestes madefaciunt & imbuunt, Dexterâ sceptrum tenes arundineum, in corpore geris purpuram vetustam, & attritam admodum, sedes in saxo, aut in humili contemptissimoque loco, satellites non defessi vigilis transactæ noctis probris, & iniurijs, contumelijs & ignominijs omnibus illatis, velo faciem cœlestem ac diuinam tegunt, & caput arundine percutientes, ut manum percussoris diuines, instant & urgent, non illudentes solum, sed ictus infligentes inhumaniter & crudeliter. Quid istud diadematis? quid coronæ eminentis in capite? quid sceptri genus? quid purpuræ squalor ac sordes? Accepi ex antiquissimis annalibus multiplicia ac varia coronarum genera, & Regium potissimum & excelsum diadema,

diadema, ex auro purissimo factum, gemmis vndique fulgentibus illuminatum; ex auro similiter factum Regale sceptrum, Purpuræ verò nitor quantus & quàm illustris? Omnia eiusmodi fuerunt ornamenta, quæ fulgore suo perstringerent oculorum aciem. Atque omnia non ad Principum solum, & Regum potentissimorum maiestatem clarissimam & celsissimam ostentandam, sed ad honorem clarum & illustrem eisdem summo obsequio & veneratione tribuendum. Diadema ex spinis factum, sceptrum ex arundine in manum impositum, purpura vilis & contempta, hæc omnia, quospectant, & pertinent? vt deludant & irrideant teipsum Christe Iesu, vt omnibus dedecoris & ignominie maculis afficiant, vt nouis, & inauditis ante hoc tempus supplicijs excrucient, cum sis summus præpotensque Rex, cum potentissimus cæli terræque Dominus, cum tu deferas ad voluntatem tuam Regnorum gubernacula summorum, & eadem, cum collibitum fuerit æquifimè sanctissimeque detrahas. Vbi diadema clarissimum? vbi sceptrum ex auro purissimo factum? vbi purpura fulgens? vbi solium Regale? vbi dignitas & maiestas excelsa? vbi honos administratorum, cunctorumque Regni Magnatum in tuis oculis, in ore Regio humiliter ac demisse astantium? vbi ritus & cæremoniæ aulae Regiæ? vbi postremo plausus, & acclamatio, & pendentes ex ore Regum oculi & ora ministrorum? non hæc insignia, quæ geris in capite, quæque in manu, summam dignitatem, sed deformitatem, non honorem, sed ignominiam, non obsequium, & obseruantiam, sed contemptum, & derisionem, non potestatem, sed humilitatem, & indignitatem, non plausum & acclamationem, sed dedecus & infamiam, non postremo summum imperium & principatum, sed inopiam & spoliationem præferuat, & ante oculos statuunt spectatorum. Cum mihi venit in mentem sanctissime Iesu illius tuæ pulchritudinis eximie & maiestatis excelsæ, virtutum maximarum præstantiæ, & spectaculi presentis imago lugubris ac miseranda meis oculis obuersatur, recordor magnitudinem diuinæ pulchritudinis, modestiam oculorum, lepotem ac suauitatem verborum, auctoritatem cœlestem, mansuetudinem admirandam, tranquillitatem frontis, & faciem omnî cultu religioneque dignissimam. Recordor demissionem in discipulos, affabilitatem & comitatem in inimicos, magnanimitatem in superbos, misericordiam in omne genus hominum, Contempler magnitudinem infinitæ patientiæ, pelagus im-

mensum, & inexhaustum sapientiæ, tuam in iudicando æqui-
 tatem & benignitatem commemorandam, aditus ad pietatem,
 & ad mansuetudinem tuam faciles, & semper patentes, libe-
 ralitatem, & largitatem ad ignoscendum: Atque cum tam ab-
 solutam, & omnibus numeris perfectam imaginem contem-
 plor, stupore penè opprimor, cum doloris plenissimum spe-
 ctaculum oculis obiectum intueor. Intueor enim caput, ante
 cuius celsitatem contremiscunt cœlestes spiritus, spinatum
 aculeis crudelissimè transfixum; Intueor faciem cœlestem ac
 diuinam sputis & colaphis deformatam, lucem frontis cla-
 rissimam flumine sanguinis obscuratam; Intueor rinos san-
 guinis diuini ex omni parte decedentes, & os cœleste præter-
 fluentes, & claritatem obscurantes diuinæ pulchritudinis.
 Quid obsecro sanctissime Iesu? quid inquam rei Agne mitissi-
 me? non satis erat te tot accepisse iniurias, tot contumelias &
 ignominias pertulisse? Non satis erat te ad columnam astri-
 ctum fuisse vinculis acerrimis? flagris cæsum ad carnificum
 satietatem? tot plagis ac vulneribus discerptum & excarnifi-
 catum? At noua inuenta, noua probra quæ tebas amoris tui
 ostendendi causa. Age bone Iesu proximâ, quæ præterierat,
 & exierat nocte, quantis probis & contumelijs oneratus? quâ-
 tis conuitijs, nouis & inauditis post hominum memoriam la-
 cessitus fuisti? noctem totam, quæ ad quiescendum: & ad cor-
 pus fessum & defatigatum ex diurno labore reficiendum da-
 tur generi mortaliū, in te modis iniquissimis tractando, in
 vexando eruciandoque corpore tuo sanctissimo Iudæi teter-
 rimi consumpserunt. Aures, oculi, sensus omnes, vocibus
 execrandis, sacrilegorum hominum factis immanissimis, &
 iniurijs intolerandis violati fuerunt, & crudelissimè cruciati.
 Iam verò mors quæ te manebat crucis acerbissimæ, quantum
 ponderis ac momenti habebat ad Patrem Æternum suis me-
 ritis & cœlesti virtute placandum? sed quid mortem profe-
 ro, cum vna gutta sanguinis tui sufficeret ad pœnas pro no-
 stris sceleribus ac flagitijs, absolutè satis & cumulatè persoluen-
 das. Miror equidem, ac vehementer miror Agni mitissimi pie-
 tatem, & amorem incredibilem, atque miror nostram peruer-
 sitatem & nequitiam maximam inuentricem tantorum sup-
 pliciorum, & maximè superbiam, & elationem filiorum
 Adami, ad quam comprimendam, cum coronam tanquam
 galeam, purpuram tanquam lorica, arundinem tanquam
 scutum, aut hastam acerrimam sumptis, adeo sint homines
 insolent-

insolentes, ut et ara verba, superba responsa, facta plenissima arrogant & fugere modis omnibus non studeant, animis autem ipsis inanissimas elationis turres architectentur, incellum omnem, statum, sessionem, motus omnes & actiones cum fastidio & arrogantia semper intoleranda non execrentur, quotidie novas illi vestes, novum cultum, & ornatum corporis excogitent, induant, & singulis propè diebus ad iactationem ostentationemque superbissimam mutant, domos pretiosis aulis, multa & tantà supellectili, abacis auro, & argento ornatis, omni superbissimo ornatu decorent, apparatuque magnificentissimo iidem exhauriant rem familiarem, consumant pecunias, obliguriant patrimonia, effundantque redditus omnes ad sumptus superuacaneos & inanes, ad equos, ad lecticas, ad numerum & gregem alendum sustentandumque servorum: ne quis ornatu apparatuque locupletissimo præeat & quoscunque in dignitate positos ante ellant, sui generis ac fortunæ opulentissimi & viris splendidissimis præsent. Quis hos exeuntes domo, listrantemque vias, & loca celebriora civitatis in equis ac lecticis tanto præcurrium, consequentiumque grege famulorum stipatos, tanto strepitu ac tumultu procedentes æquissimis oculis intuetur? Quos verò honores & dignitates isti homines fortunatissimi non appetunt? quos gradus celestissimos non contendunt? ubi eos conequuti fuerunt, quibus vitijs & flagitijs dedecorant, rebus publicis exitium & perniciem ultimam afferentes? & ut illos retineant, quas artes adhibent, quæ tetra scelera detestandaque flagitia moluntur? Mitimus cætera superioribus contentissimis & hos spinæ coronâ caput Christi Iesu trajice, hos tempora tanti Domini spinarum aculeis perterebrare, hos sanguinẽ summo vertice, cœlestique cerebro exprimere, hos in manum arundinẽ imponere, hos purpurâ contemptissimâ Agni mansuetissimi corpus induere, hos denique vultum & faciem Solis splendore clariorem obscurare, & illam cœlestem pulchritudinis dignitatem deformare magis ac magis certum est, quàm ut a me pro scelerum indignitate explicari possint oratione. suscipite igitur superbissimi homines Christum Iesum, & quem Pilatus spinæ coronâ traiecit, purpurâ indurum, arundinem pro sceptro gerentem, adeo deformatum, & vexatum generi Iudæorum ostendit, si cupiditatem reliqui sanguinis exhauriendi, vitæque adimendæ sitim infinitam satiare possit. Vobis Pater æternus Filium hac forma, figuraque luctuosa visendum spectandumque

dumque proponit. Intuemini coronam aculeis spinarum horrentem: intuemini spinas ad cerebrum vsque adactas; intuemini sanguinem, os & barbam deformantem; intuemini arundinem illam in dexterâ, qua cœlorum domicilia, terrarum loca omnia sustentantur, venti, tempestatesque sedantur, maria coercentur, omnis machina continetur istius vniuersitatis, pro scepro traditam, & ab illâ tantâ numinis sempiterni maiestate libenter acceptam. Intuemini purpura indutum, qui floribus agros, cœlorum facies syderibus distinguit, & ornat tantâ venustate specieque visendâ. Intuemini pulchritudinem diuinorum spirituum, speculum Mariæ, delicias & suauitatem Virginis, gloriam & decus Beatorum, splendorem & imaginem Patris Christum Iesum, superbix comprimendæ causantis probis & contumelijs, atque adeo supplicijs acerbissimis affectum. Horum omnium auctores fuerunt superbi & arrogantes homines. Vestes variæ, cultus magnificus, elata verba, honores appetiti, magistratus cum elatione gesti, spinas, arundinem, purpuram, & hanc tantam deformitatem Christo Iesu attulerunt. Vos, ne crudeliores nequissimâ Iudæorum gente, quos non aspectus Christi, non illius forma lugubris & tantopere deformata facies commouit, me præeuntem, quantâ potueritis voce contendentes, sequimini. Precamur te, O Pater Aterne, vt superbam belluam, tetram & immanem, spiritus omnes elationis & superbix, spinis hisce & aculeis acriter caput filij tui pungentibus, per spinas Christi Iesu, per arundinem in manum impositam, per purpuram contemptissimam, per sanguinem ex summo vertice diffluentem sedes & comprimas; vt humilitatis ac demissionis ornamenti decoratires humanas fluxas & caducas contemnamus, cœlestes ac diuinas, & in omnem sæculorum æternitatem permanuras sumentes appetamus.

Christus Iesus Crucem suis humeris portans, ex superiorum exercitationum locis ostenditur.

Comitantibus Assertorem Iesum, Crucem, tanquam molem & machinam ad evertendas terribissimi dæmonis opes in verticem vsque & excelsa iuga montis Caluariæ suis humeris comportantem, factum occurrit Isaac pulcherrimum,

qui

qui fuit species & adumbratio Christi Iesu mirifica nimium & singularis. Cum Abrahamus mandatum acceperat à diuina maiestate, vnius filij mactandi & sibi charissimi, & in tantis habitis delicijs Isaac, profectus è patrijs sedibus, in montem, quem sacræ litteræ tradiderunt, ignem ille, gladiumque portauit, Isaac fasciculum lignorum ad sacrificium, & ad victimam necessarium. Quo cum peruenisset pater & filius, Isaac à Patre constringi se ipsum, manus pedesque ligari passus est, & iam iam Abrahamus gladium intenderat, & in Isaac iugulum infigendum pararat; cum ecce Angelus visus est, qui brachium intentum & paratum Abrahami ad ictum retraxit, nuntians Deum Immortalem, promptissimâ illius voluntate paratissimoque animo contentum esse, neque quidquam amplius id temporis exigere. Simulachrum est istud facinus egregium Christi Iesu Filij Patris Aeterni, crucem suis humeris ad mortem pro genere humano subeundam, egregiâ admodum, præstantissimaque voluntate comportantis, quæm tanquam alterum Isaac animis quæso vestris complectimini ab ædibus Pilati proficiscentem, & loca celebriora Solymorum purpurâ indutum, spinarum terrificâ coronâ transfixum, & fune de collo pendente Corpus astringente sanctissimum, portantem lignum Crucis horrificum suis humeris & sanguinis flumine toto corpore profluente irrigantem vias & loca omnia, quacunque deferebatur, terrifico suis interuallis tubæ clangore personante, cunctorumque horrendum in modum aures horribili sono percellente. Interea militum armatorum gladijs fulgentibus, telisque micantibus longo interuallo perstringebatur acies oculorum, percrepabant armorum terrifico fragore loca omnia, per quæ deferebatur mitissimus Agnus, tanto strepitu, voce præconis tam intentâ supplicium prædicandis & causam eodem præconio affingentis, vt speciem aliquam execranda Pilati sententia iustæ damnationis habere videretur. Quod scilicet commouisset populum, concitasset seditiones, tanquam seditiosus ac turbulentus homo. Id temporis effundere sese multitudo omnis generis hominum ad spectaculum post hominum memoriam inauditum, concurrere viri mulieresque præsertim naturâ misericordes, lamentis & eiulatibus omnia complere, clamara multi, prædicare virum bonum & summa sanctimoniam præditum, multitudine miraculorum ac præstantiâ florentem, denique traditum per summam inuidiam à Principibus & sacerdoti-

terdotibus ipsius legis, Iudice Pilato morte s. damnatum, & cruci crudeliter addictum. Hac specie & luctuosa formâ Christus Iesus in montis vsque Calvarie præcella fastigia tanto dedecore affectus & ignominiâ tandem sellus & anhelans, sudans & multo sanguine profluens peruenit. Quam habeat Isaacus speciem & similitudinem Christi Iesu adumbratam aspiciamus, & imaginem Veri Isaaci Iesu Christi conferamus eum Isaaci simulachro proposito. Nonne aspicere videmini Isaacum Abrahamo Patri suo morigerum & obsequentem, & æterni Patris dictis omnibus, uti antea per omne vitæ suæ curriculum, nunc in extremo discessu obedientem Christum Iesum? Isaacus deferret lignum ad victimam & sacrificium; Christus Iesus lignum Crucis horribilum suis humeris comportat: Isaacus quasi mutus & elinguis, nullum verbum faciens, se vincendum constringendumque patri Abrahamo tradit; Christus vinculis omnibus, & acerrimo fure constringi se patitur ab administris crudelitatis intolerandæ: Isaacus ad locum vsque sacrificij lignum deferret, mandata exequens; Christus in excelsum vsque montis Calvarie verticem accessit: denique gladium non exhorruit Isaacus, neque manum patris iam in cervicem intentam; Christus pondus & gravitatem oneris summâ voluntate libentique animo fortis, & inuictus subiuit: Isaacus se obtulit, & caput denouit patris constanti deliberatæque voluntati; Christus caput ipsum tradidit & corpus satellitum crudelitati tollendum in cruce. Quid addi potest ad præsentis facti virtutem absolutam maius & illustrius? Omnia, quæ sunt in Isaaci facto præstantissimo, non modo in Christo Iesu videbitis inesse, sed multo clarius & illustrius, præstantiaque multò sublimiore, ut Isaacus filius Abrahami cedere debeat longo intervallo Christo Iesu: quemadmodum id, quod fictum & simulatum est, vero solidis ac viuis coloribus ex omni parte mirabiliter expresso. Nam Isaacus quid humeris comportabat, nisi fasciculum leuem admodum? Christus pondus maximum, suâ gravitate planè intolerandum ligni crassissimi longissimique: Isaacus integer ac valens onus humeris impositum facile perferebat; Christus tot iam supplicijs affectus, virgibus caesus, & spinarum aculeis transfixus sudans & anhelans crucem corpore suo comportabat: Isaacus ignarus fortassis facti, quod pater transacturus erat, ad locum vsque sacrificij pergebat, Christus ab ipsis cunabulis à præsepio ad necis vsque dedecus

dedecus & ignominiam subeundam se comparauit. Isaacus tandem nullo dedecore, & ignominia, & insolitudine procul ab hominum multitudine mortem, si quam oppeteret, subiturus erat; Christus probris omnibus & conuitijs, omni dedecore & infamia affectus, & vrbis locis celebrioribus peragratias, voce intentâ præconis ignominiosâ nece prædicatâ in inótis summo vertice fuit sublatuſ in crucem. Quid quod Isaacus non modo ignominia, sed morte liberatus saluus & incolumis redijt in patrias sedes Christus verò tanto cum probro & ignominia inter duos interiectus latrones extremum Æterno Patri spiritum exhalauit: O commemorandam Christi Iesu pietatem! O misericordiam inauditam! O benignitatem omni laude prædicationeque decorandam! Desideratis testes locupletissimos quos refutare nemo audeat? quos neque mendacij, neque maliciæ alicuius aut perfidiæ arguere quisquam valeat? Ut omittam mulieres, quæ ad omnem pietatem animi, lenitatemque propensæ feruntur, quas prosequentes à tergo Christum Iesum lamentantes lugentesque mentis oculis cernere potestis, cernite mentibus ipsis, quando oculis non potestis Ioannem Euangelistam, qui simul atque vexillum crucis horrificum aspexit, & Christum Iesum mortis damnatum audiuit, nullâ morâ interpositâ, celeritate maximâ concitato gradu properat ad Virginem, nuntium spectaculi præsentis miserum & luctuosum delaturus. In cuius conspectum cum venisset, sine cunctatione & ambagibus, quas angustia spectaculi luctuosi præcidebant, sic Euangelistam loquutum fuisse cogitate, & quidem summâ demissione, ingenti religione prostratum & abiectum ad Virginis pedes sanctissimos. Virgo sanctissima, decus Angelorum, Regina cœlestis aulae, ianua paradisi, salus iustorum, lætitia sanctorum, simulachrum cunctarum virtutum, speculum castitatis, exemplar patientiæ, effigies absolutz sanctimonix: vix mihi discipulo tui Iesu, vt non conficiar statim dolore! non concidam rerum, quas vidi meis oculis spectaculo miserabili! Quid plura? Reliqui filium tuum & præceptorem meum Iesum in manus potestatemque Iudæorum traditum, & quidem post virgas, post spinas, post cruciatus alios, iniuriat contumeliasque innumerabiles, molem iam & machinam crucis, in quam agendus est, suis humeris comportantem: veni statim, ni confectum & mortuum videre vis. Quis enim aliud loquar? Hoc graui luctuosoque nuntio perculsa Maria quid

quid ageret? mortuam id temporis non repente concidisse mirabile fuit: & spiritum exhalaret proculdubio, nisi consilio Patris Æterni ad reliquam passionis Christi tragœdiam reseruaretur. Continuo igitur properare Virgo, & quas animi dolor acerbitate suâ vires adimere posset, diuinus amor facibus planè ardentibus addebat. Audire longo interuallo Virgo sanctissima sonitum armorum concrepantium, strepitum & tumultum satellitum crudelissimorum, clamores multitudinis dissonos & horrendos, & vocem præconis mortem Christi Iesû prædicantis acerbissimam. Videre etiam eadem Virgo sanctissima paulò post fulgorem gladiorum & telorum micantium. Videre etiam vias sanguine multo filij sui perfusas, vestigijs sanctissimi cruoris notata loca, quæ satis essent, ut Matrem ad Filium nullo alio viarum indice deducerent. Accedere, magis ac magis appropinquare ad carum, & valdè dilectum sibi filium, conijcere statim oculos obscuratos multitudine lacrymarum & acerbitate doloris ingenti, si fortasse posset aspiceret, quem in præcordijs & intimis in medullis infixum & in hærentem habebat. O metus & amor Mariæ! videre equidem cupiebat vehementer, fugiebat tamen ac reformidabat spectare formam adeo luctuosam ac deformatam. Tandem accedens in eum locum unde videre potuit. Aspiciunt se vicissim illa duo lumina cœlestis aulae clarissima, atque ipsis oculis & aspectu mutuo cruciantur mirandum in modum ambo, torquenturque dolore grauissimo. Queniâ ve. ò mutuo alloqui se ipsos non poterant; cogitate vos, quos animis ipsis conferrent sermones, plenos doloris & acerbitalis maximæ. Filius orare matrem non desineret, ut inde discederet, & suam in domum reuerteretur, atque eam verbis amantissimis columbæ, & matris carissimæ nominans, ut reuerteretur inquam, & in cubiculum abderet sese, dum nimbus hic transiret, & tempestas concitata sedaretur. Non illius diceret candorem & virginis integritatem, non innocentiam, & pudorem integerrimum decere societatem latronum & homicidarum: Reuerrere, reuerrere, & peteret Filius ex intimis animi penetralibus, repperet & ingeminaret sæpe, columba mea, dilecta mihi, caraque admodum, reuerrere Mater amantissima, dum procellæ turbineque isti, & fluctus vehementissimè commoti, defutiant, atque sedentur, in ædem, in cubiculum, conclusa vacabis vsitatæ contemplationi, & à corporis sensibus ad cœlestes domos abstracta, ut potens dolorem hunc grauissimum

perferes. Hæc Matri Filius : Mater verò quid Filio responderet mente cogitationeque tacitâ ? Cur me iubes hinc discedere, fili mi ? cur domum repetere Matrem iubes, & è conspectu me tuo amovere procul ? scis optime summe præpotensque Domine, nullum aliud mihi iacrum, nullum alium contemplationi locum, nec videri necesse parenti tuæ, quàm ibi, ubi tu es. Nam quomodo à te abstrahar, nisi diuellar protinus à me ipsâ, confecta doloris magnitudine ? nihil aliud cogitare, nihil agere, nihil meditari possum, nisi te meum Iesum virgis cæsum, nisi te spinis coronatum ; nisi te portantem humeris crucem hanc, nisi deniq; tollendum in crucem. Tu intra mea viscera per nouem menses sedem & domicilium habuisti, cur ergo triduum hoc non in tuum cœleste pectus includar ? non me in tua viscera recipies ? non denique pectus & viscera tua tabernaculum & domum parenti tuæ patefacies ? si me in tua viscera sanctissima accipias & abdas, tecum cruci affixo subibo crucem ; tecum sepulto sepeliar, & in tuum inferar sepulchrum Mariæ ; tecum felle permixtum acetum bibam ; tecum adibo pœnam omnem, tecum in cruce denique spirante, extremum efflabo spiritum. Hæc secum tacite loqueretur Maria ad montis vsque Caluariæ fastigium. Non opus est plura testimonia proferre, satis locupletes sunt, & omni fide dignissimi Ioannes & Maria, satis ipse Christus Iesus : Cuius in re suâ propter suam summam sanctimoniam, valere debet præclarum hoc & cœleste testimonium, quo conuersus ad mulieres, iussit eas lugere factum, quod manebat filios suos ac nepotes, vt ultimam Hierosolymorum vastitatem. Non illa vera sunt ? non euentu consummata vidimus ? non captæ Hierosolymæ ? non ferro dirutæ ? non fame vastatæ ? non habitatores partim occisi, partim in seruitutem adducti ? non reliqui suis eiectione sedibus vagantur, & errant, per tot annos & sæcula, & errabunt & vagabuntur in omnem sæculorum memoriam ? quandiu genus hominum fuerit, & orbis terræ machina steterit, inopes & egentes, nullam sedem, nullum certum domicilium habebunt, miserij omnibus & ærumnis oppressi, tributis & vectigalibus vexati, in perpetuo dedecore & infamia viuent ? Quis exemplo præsentis, quis calamitate Indæorum miserrima, quis postremo tanti Domini cruce non commouebitur, vt crucem Christi Iesu suis humeris portet ad Regnum in sæculorum æternitatem infinitam cum summo Imperio maiestateque consequendam ? O cæcæ hominum mentes ! O temerarias hominum cogitationes !

O prauitatem peruersitatemque filiorum Adami! Quid agitis? quid cogitatis: siccine perlitatis saeculo vos inservire? siccine mundo nequissimo vos mancipare? siccine daemoni teterissimo vos dedere nequiter & voluptatibus corporis intemperanter? sic peritabitis, pro congerendis pecunijs, pro auro coaceruando, pro dignitatibus & honoribus perituris, tot suscipere labores, tot absorbere molestias, iugum tam intolerabile perferre vestris humeris, ut duram in hoc saeculo, post huius vitae discessum, diuorem seruitutem perferatis in perpetuum? Qui Christi iugum deiecerit ab humeris suis & crucem non sustinuerit, & perferendam non decreuerit ad extremum vitae spiritum, valere iubet Christi Iesu diuitias, valere Beatorum opes, valere gloriam coelorum, valere denique thesauros omnes, honores dignitatesque sanctorum. Quod quoniam eos, qui sana mente fuerint, facturos mihi non persuadeo, desinant sectatores saeculi iactare voces illas, quas iactant in vulgus, desinant iactare sermones, quos habent in conuenticulis, quos secum taciti conferunt animis ipsis atque cogitationibus, graue iugum esse Christi Iesu, graue nimis & intolerandum; Difficile esse pueris & adolescentibus in hac tenera aetate, in flore istiusmodi iuuentutis, ut iubentur, vim sibi ipsis inferre, remittere nuncium voluptatibus. Ita enim Christus Iesus viam hanc frondibus ac virgultis interclusam, suis cruciatibus reddidit facilem & expeditam. At obijcit mundus nequissimus honores; caro blanda conciliatricula voluptatum illecebras omnes, & lenocinia voluptatum excitat; daemon insidias parat & intendit laqueos ad perdendum delendumque genus hominum. Non nego: Sed fuge occasiones, comprime motus libidinis, inter bellum Domini Crucis Iesu Christi, meritis suae passionis, suis cruciatibus acerbissimis, muni mentem his omnibus praesidijs & animum, & omnes fluctus concitato diuina virtute sedabis. Quod ut facias per Iesu Christi sanguinem profusum, per ignominias & iniurias tanto Regi coelorum illatas, per crucem denique suis humeris comportatam, iterum atque iterum obsecro. Sic particeps meritorum Christi Iesu, & crucis inuicto robore munitus superatis hostibus, spolijs ac manubijs gloriosis onustus e viuis excedens, in coelestis aulae sedes & domicilia sempiterna exultans & triumphans ingredieris.

De Christo Iesu cruci affixo, ex eisdem locis.

Pervenimus tandem, anime mi, ad excelsam montis Calvariarum verticem, & accessimus ad summum salutis & instaurationis humanæ fastigium. Quod ut altius mente cogitationeque perpendas, complectere precor mente Christum Iesum, nudatum iterum & spoliatum suis vestibus, atque ita nudum, frigori expositum, & reliquis illius temporis procellis & tempestatibus maximis, tribus trajectum clavis, manus pedesque transfixum crudelitate Iudæorum hostili, sublatum iam in crucem, interiectum inter duos latrones, totum obductum vulneribus, & mille plagis concisum, sine decore veteri, sine forma pulcherrima pallidum & exhaustum iam, & à tergo, & à fronte multo sanguine in terram usque profluente, à suis derelictum discipulis, & in Ioannis oculis, & in matris conspectu, quæ dolorem & cruciatus magis augeat & amplificat. Latro pendens in cruce deridebat eum, deridebant Iudæi, & multis probis & conuijs verabant, ut & se & latrones, qui cum illo cruci fuerant affixi, sua virtute, qua multos alios incolumes reddiderat, supplicio mortis eriperet. Mouere capita multi, deludere, deridere teterimi, & intentis clamoribus appellare, ut suam & latronum vitam conservaret, descenderet de cruce, eriperet seipsum ac liberaret, qui multis alijs vitam & incolumitatem dedisset. Ille verò perpeti libenter ac patienter iniurias omnes, probra, contumelias, exhibitum sitienti acetum felle permixtum non recusare, latroni probra iacenti nihil respondere, alteri misericordiam suam imploranti polliceri cœlestis aulæ gloriam sempiternam. Orare etiam Patrem Æternum, ut satellitibus, & ministris tantæ crudelitatis tanquam inscijs & ignaris sceleris, quo se astringerent, veniam daret: Matrem Ioanni, Ioannem Matri commendare, ac tandem Spiritu Æterno Patri commendatæ animam efflare. Quid aliud expectatis homines? quid maius nostræ libertatis & dignitatis recuperandæ causa Christus Iesus facere potuit, quam in hunc montem deduci velle Calvariarum, quam in crucem tolli, quàm mortem subire tam crudelem & ignominiosam? Magnam fuit factum miseri ordiæ, Christum dedere se comprehendendum, vincendumque inimicis, maius perpeti tot indignissimis

Non à

modis,

modis, probris & iniurijs omnibus se vexari, maximum virgis velle cædi & spinis transfigi caput suum cœleste: quid dicam in Crucem tolli, vt te hominem ingratum, & immemorem beneficiorum in pristinum amissæ gratiæ statum vindicaret? In-
 tuere homo aculeis spinarum cerebrum Christi Iesu pertere-
 bratum, fenestras in circuitu patefactas, & ex illis riuos san-
 guinis vndique manentes: obrutos oculos, pallidam ac de-
 formatam faciem, genas depressas, liuida labia, sublatum pe-
 ctus, plagas ac vulnera corporis, pedes manusque transfixas,
 brachia ad vtramque crucis extremitatem extenta, laxata mem-
 bra, & suis prope sedibus ossa diuulsa, caput demissum, aperta
 brachia, latus lanceæ diritate patens. Te tanquam bonus pa-
 stor sibilis alijs & alijs in suos amplexus inuitat & prouocat:
 hæc supplicia ostendit Christus Iesus ad tuæ dignitatis recu-
 perationem se pertulisse, & paratus est, mortem iterum ac sæ-
 pius, si fuisset opus, tuæ salutis causa crudelissimam perpeti.
 Quid vis amplius? Quem in crucis ligno pendere vides, con-
 sidera Filium esse Patris Æterni; Deum summum ac præpo-
 tentem opificem & architectum cœlorum, celsitatem aulæ
 cœlestis, speculum absolutæ sanctimonix, maiestatem diuinæ
 celsitatis, auctorem & principem bonorum omnium. Cum
 in præsepio vagientem ac plorantem puerum & infantem te-
 nerum ac delicatum inter duo animalia interiectum; spiritus
 diuini viderunt toto corpore trementem, perferentem fri-
 gus & hyemales tempestates hominis forma ac figura prædi-
 tum, illi cœlestes continuò spiritus delapsi de cœli sedibus al-
 tissimis, & in porticum ingressi ruinofam ac malè materiaram,
 cœlesti concentu totum aera compleuerunt. Quid in hoc præ-
 sentitamque luctuoso facerent spectaculo, non hominis so-
 lum forma, sed latronis & damnati horrorem aspicientes? cum
 non in præsepio sed in ligno crucis, non in humili porticu, sed
 in monte Caluariæ, non plorantem ac vagientem, sed ab om-
 nibus atque adeo ab æterno Patre quasi derelictum, non blan-
 ditijs & delicijs Mariæ recreatum, sed conuitijs & probris ne-
 fariorum hominum vexatum, non inter duo interiectum a-
 nimalia, sed inter duos cæde & sanguine mortalium satura-
 tos latrones intuerentur? Ita iacebat in præsepio, vt Mater
 Filio suauitates verborum, & vsitatas blanditias diceret; ita
 vero pendebat in cruce, vt nihil nisi clamores, nisi probra in
 se coniecta Christus audire. Ita in cunis cubabat, vt brachijs &
 sinu matris nonnunquam demulceretur; ita autem pendebat
 in cruce

in cruce, vt sitienti Christo omni ditrate terriores homines acetum felle permistum præberent. Ita denique in cunis iacebat, vt pastores per Angelum, Reges per stellâ fulgentem ad honores puero tanquam immortalî Deo tribuendos, euocarentur; Ita vero pendens aspiciebatur in cruce, vt multi à Deo desertum putarent, & suæ virtutis, suæ diuinitatis, miraculorum, quæ toties cœlesti virtute ediderat in vita maximorum, vim & præstantiam latro sceleratus ad se ex tanti supplicij acerbitate liberandum audacter obiecerit. Vsq̃ue eo progressa fuit in nostri generis salute recuperanda tanti Assertoris infinita misericordia. Cuius si quæras, vbi illa pulchritudo vetus? vbi effigies & splendor æterni Patris? vbi diuinæ claritatis, magnitudo? vbi in monte Thabor diuinitatis gloria prolata foras, & inspectantibus tribus discipulis illustrior Solis splendore facies aspecta? vbi postremo suæ pulchritudinis & admirandæ potentix, maiestatis, & fortitudinis magnitudo? Omnia hæc vnus hominis ex dæmonis faucibus eripienda causa latere voluit, & quasi in tenebris & caligine iacere summus præpotensque cœlorum Dominus. O summum in genus hominum amorem! O charitatem infinitam! O pelagus bonitatis immensum! Quo magis deprimere velle vilis es gloriæ tuæ magnitudinem, & inuolucris quasi quibusdam, & tugumentis obducere, eo magis emerit & splenduit hoc ipso mortis oppetitæ luctuosæ tempore. Ecce enim velum templi discissum est, terra horrifico motu contremuit, petræ collisæ crepitu fragoreque terrifico, patefacta mortuorum sepulchra, & à mortuis excitari plurimi, Sol ipse è terris ablatu nunquam antea visa tam horribili defectione, cœlum tenebris obductum, & atra caligine circumfusus est. Omnia tandem elementa suum Creatorem Dominumque potentissimum recognoscere, testari maiestatem sui numinis excelsam, lugere mortis atrocitatem, & crudelitatis & impietatis ferinæ genus ludæorum deterrimum, arguere visa sunt. Quos non iniuriæ factæ toto cruciatuum grauissimorum decursu, non virgarum ictus infixi, non numeras flagellorum inauditus, non hæc carnificina tanta, non sanguis ad columnam profusus, non spinarum Corona capiti crudeliter imposita, non ad cerebrum adacti spinarum aculei, non tot fenestræ patefactæ aculeorum infixorum diritate, non ex cerebro sentibus impressis fontes cruoris largè copioseque manantes, non purpuræ squalor & sordes, non arundo pro sceptri honore tradita,

non ictus inflicti eadem arundine, non tot colaphi, tot sputa, tot iniuriarum inaudita, nunquamque post hominum memoriam crudelitatis genera cogitata satiare potuerunt: quin Crucem in humeris imposuerint, impostam tanto intervallo in Caluariae usque montis verticem comporeare coegerint, & in illam tanquam improbum & sceleratum impiè nefarieque sustulerint inter duos latrones interiectum. Quæ ille facta nefaria, quæ furta, quæ atrocinia, quas cædes fecerat? qui vos, omnibus bonorum copijs locupletauerat, & in deserta solitudine quadraginta annos esca cœlesti aluerat; qui ex Pharaonis dura seruitute eripuerat; qui per mare rubrum fluctibus instar maris ex utraque parte consistentibus, saluos & incolumes traduxerat, & introduxerat in terram summis delicijs abundantem, lacte ac plurimo melle manantem; qui cum Deus esset immortalis, naturam humanam vestris in sedibus, in Virginis visceribus integerrimis mira sibi societate copulauerat. Quem dum vidistis, dum vobiscū versatus fuit, ille semper integerrime, sanctissimeque vixerat, & suæ diuinitatis aperta documenta dederat, & signa clarissima: quod vos præ reliquis hominibus florentes, quod viribus inuictis præditos, quod signis cœlestibus illustratos, quod multis victorijs claros, quod gentibus ad interuersionem exigua sæpe manu deletis, vires vestras nationes plurimæ timuerunt, omnia hæc beneficia fuerunt in vos, maioresque vestros tanti Domini liberalitate collata: omnia suæ cœlestis diuinæque virtutis ad posteritatis memoriam immortalem monumenta magnificentissima. An hæc ignota vobis? non testata virtute tanti Regis fuerunt? Illa latuit naturæ humanæ tegumentis inuoluta diuina virtus? Crudeles, inhumani, belluis & feris immanibus terriores, non expectatis Messiam? non ex vestrorum Annalium monumentis Assertorem humani generis venturum acceperatis? Non vates vestri torante sæculis prædixerunt? non illud tempus apertis & testatis admodum signis adesse iam & præsens esse videtis? nullus est ignorantiae locus: nulla negandi causa. Responsis diuinorum vatum, & testimonijs luce clarioribus, virtute eiusdem Domini, & præsentia tanti numinis, atque in ipsa comprehensione miraculis palam editis constructi, deuinctique tenemini, ne possitis inficias ire, sed cogamini confiteri palam inuiti reluctantisque. Atque illa mansuetudo ipsius Agni, tanta benignitas, & misericordia, tam inuicta patientiæ magnitudo, tam plane cœlestis ac diuina

virtus,

virtus, conuictos vos crudelitatis, in humanitatis, perfidiae, & impietatis execrandae testatur. In exitu verò tragœdiæ luctuosissimæ, in ultimo iam actu pleno mœoris ac tristitiæ, quid lapidum & saxorum crepitus? quid velum in duas diuim partes? quid sepulchra mortuorum patefacta? quid in media diei claritate repentina Solis defectio, & orbi terrarum vniuerso offusæ tenebræ testatæ fuerunt, nisi vestrorum scelerum immanitatem, & tanti Messiae dignitatem excelsam & diuinitatis cœlestem, & omni cultu religioneque venerandam maiestatem? sed hæc de Iudæorum prauitate pro breuitate temporis. Quid verò dicemus de nefarijs & sceleratis aliquot Christianis, qui sic viuunt ac si Christum non haberent auctorem principemque suæ salutis? ac si Fidem illius sanctissimam, mandataque diuina non tenerent? quis suis sceleribus & flagitijs in crucem quotidie tollunt Assertorem tantum, atque illius manus pedesque diuinos traijciunt millies diritate clauorum? qui in sanctissimum latus hastam omni vi contentioneque brachiorum conijciunt & intorquent? siccine homines isti prandia faciant lautissima, concelebrent conuiuia magnificentissima, cibus omnibus se infereant, & vina veterrima suauissimaque bibant, cum tibi Christe Iesu sitienti, in tantis angustijs & cruciatibus mortis acerbissimis felle permistum acetum præbuerint Iudæi? Oblectent ipsæ sese lepore & suauitate verborum conditis sermonibus parasitorum, detrahant de honore bonorum & splendorum hominum? immuniant famam & opinionem aliorum partem, periuria vsurpent, probra & maledicta conijciant in omnes, verbis sese efferant, & omni iactatione superbissima, cum Iudæi crebro motu corporis frequenti iactatione capitis, omni speculatione deformi vexent & insectentur verbis perulantissimis Assertorem generis hominum? siccine lectos sterni faciunt molissimos, vestitum & cultum corporis pretiosum, domum amplam & ornatam, lauta magnificaque suppellectilia quarant, cum Christus in cruce pendeat nudus & spoliatus vestibus, frigori sæuienti ventisque flantibus expositus multò sæuioribus? siccine illi appetant honores, sitiant dignitates huiusce sæculi, cum Iesus ipse tanto cum probro ac dedecore sublati in crucem aspiciatur? O crux sanctissima, domus Dei Immortalis, ianua cœli, terra omnibus bonorum copijs affluens, perfugium salutis & receptaculum tutissimum!

Tu es arbor illa vitæ fructuosa ac fecunda, fructibus vberissimis ac præstantissimis æternæ vitæ onusta: tu scala illa Iacob terram cum Empyrea sede coniungens, per quam diuini spiritus in terrarum sedes descendunt, homines in cælorum domicilia conscendunt: tu es illa petra, quæ Virga Moysis percussa vim ingentem aquarum profudit ad multitudinis sitim explendam. Tu es illa petra Patriarchæ Iacob, oleo perfusa, & in celsiorem sublata locum, pignus & memoria fœderis & amicitiae initæ sempiterna: tu denique botrus à terra melle lacteque fluenti delatus, calcatus & expressus in torculari Crucis ad salutem hominum & fœlicitatem consequendam. Cur cultores Christianæ Religionis ad te non confugiunt? Cur in suis miserijs & ærumnis tuam opem non implorant? In te, in te Christi Iesu oculos conijciant, te medicum suum & pastorem, te Regem & Dominum præpotentem, te suum vindicem & assertorem pendentem de cruce cum videant, te quarant, te obsecrent & imitentur, te velint & vnice diligant, nihil præter Crucem, præter Christum Cruci affixum verum ac solidum intelligentes. Per Crucem tuam sanctissimam, per manus & pedes clauorum diritate transfixos, per latus hasta terrificata trajectum, per mortem denique tanta cum alacritate pro genere hominum appetitam, fac vt Crucifixi Iesu virtutis ac donorum participes in cœlestem Beatorum aulam veris ac sempiternis bonis in perpetuum redundaturi conscendant.

De lamentatione Virginis propè Crucem, ex superioris Exercitationis præceptionibus.

CVM Virgo Maria Corpus Christi Iesu sanctissimum iam ablatum de Cruce sumpsisset in brachia. & in sinu gremioque suo collocasset, pro puluino brachium capiti diuino subijciens sinistrum, quantum doloris acceperit, quantum lacrymarum profuderit, dicto profecto est incredibile: nam primum oculos illos collacrymantes in os & corpus Filij sui conijcere, defixis & stupentibus oculis intueri, respicere, contemplari, mox faciem suam in os vultumque filij amantissimi deijcere, & filij sanguine os cruentare suum, lacrymis faciem spargere Christi Iesu cruentatam, & inter spinas illas, & aculeos acriter vulnerantes faciem versare suam, osculari sæpè, ac sæpius, nec auelli posse magnitudine doloris infiniti ab ore vultuque

vultuque filij sui amantissimi videbatur. Cum verò paululum sustulit caput, & os suum, & oculos in faciem filij diuinam coniecit. cum caput illud spinarum aculeis, tot ex omni parte patentibus fenestris perterebratum, deformatam faciem, & sputis respersam plurimis, labia leporis & suauitatis plenissima, fœdata adeo, iuentiaque, manus illas clauis traiectas, pectus patens & apertum, pedes perfossos, totum corpus mille plagis ac vulneribus concisum aspiceret, & proloqui non posset, præ dolore, præ sensu maximo acerbissimoque, quid verborum in lam taesto secum animo tecille coniciemus? cœlestes ac diuini spiritus flete cum Virgine sanctissima, flete sedes cœlorum celsissimæ, flete orbis globique cœlestes, quæque toto Mundi ambitu continemini, fletum & lacrymas Mariæ comitamini. Complectitur Mater corpus filij discerptum ac dilaniatum, acriter vehementerque constrictum pectori suo admouet, & loqui secum incipit animo menteque cœlesti. Estue hic filius ille Nazareus, filius meus amantissimus Iesus, quem interuentu spiritus diuini concepi, quem tanto gaudio & voluptate edidi in hanc lucem, cuius natalitia cœlestes spiritus diuinis cantibus concelebrarunt? Vbi speculum pulchritudinis eximix? vbi splendor oculorum? vbi claritas oris diuini? vbi suauitas & dulcedo sermonis? vbi conformatio corporis tanta lineamentorum compositione decorata? nihil voces meæ, nihil taciti clamores valent? mutusne & elinguis es? oculi lucem amiserunt iucundissimam? non modò verus dignitas non est, sed summa apparet deformitas, vita extincta, lux obscurata, pulchritudo deformata cernitur. Quæ illæ manus, quæ tantopere faciem & os cœleste deformarunt? quam manibus meis coronam capiti spinarum impositam attrecto? quod intueor vulnus in tuo latere sanctissimo factum? O summum Dei sacerdotem! quæ meis oculis in tuo corpore intueor impressa insignia? quis maculis aspersit & notauit fœdissimis speculum, & pulchritudinem cœli clarissimam? hinc sunt oculi Solis splendore clariores? hæne manus, quibus à mortuis excitabantur homines? hocne os illud cœleste, vnde quatuor flumina paradisi profluebant? fili mi, dulcedo mea, ex me nate, caro & sanguis Mariæ, vnde hæc tanta tamque vehemens concitata tempestas? qui fluctus ac procellæ, vim in te suam incitatum contulerunt? fili mi, Christe Iesu, quid mihi fiet in posterum, quid Matri Mariæ sine te? quonam deinceps ibo? Quis opem & auxilium feret? cum viis, cum Mulieres Mariam adeant, vt à Filio

Tuo opem & auxilium in suis miserijs & periculis impetrent, ut tua virtute cœci lucem oculorum, claudi incessum, muti sermonem, & alijs membris quibuscumque capti liberam solutamque functionem recuperent, quodnam illis responsum largiar? mortuum iam, & inimicorum crudelitate peremptum, parentem generis hominum, perfugium & anchoram tutissimam, solatium & leuamentum afflictorum vnicum respondebo? Fili mi, Iesu mitissime, requies antea, suauitas & iucunditas Mariæ, modò gladius acerrimus, & telum doloris maximum, quidnam obsecro mali fecisti? quidnam sceleris admisisti, cur Iudæi te sustulerint in crucem ignominiosam? quanam causa mortis tam crudeliter allata? hæcne merces, hoc præmium virtuti persoluitur? sic homines grati sunt ac memores beneficiorum acceptorum? usque eò procedere potuit peruersitas & nequitia Mortalium? usque eò bonitas etiam progredi, misericordiaque Dei immortalis inhumana? tantopere maiestas diuini numinis peccati prauitatem odit & execratur? tanta est seueritas, tam grauis ac vehemens vindicta diuinæ Iustitiæ? tanti denique Deus immortalis salutem hominum & vitam immortalem facit? O suauissime iucundissimeque Iesu, te filium, te patrem, te sponsum, te Magistrum, te socium & comitem, te meum solatium, meum leuamentum, dulcedinem, suauitatem, ac requiem habebam: modo patre, sponso, præceptore, socio, iucunditate, suauitate, delicijs meis, requie, & bonis omnibus orbata sum, te mihi sublato Iesu sanctissimo, mitissimoque. Non iam videbo Iesum meum ingredientem domum meam, festum, & defatigatum ex itineribus: non amplius abstergam faciem tuam, vultumque diuinum, sudore manantem plurimo, non ardorem Solis patientem: non perferentem molestias itinerum & asperitates maximas reficiam ac recreabo: non te discumbentem mensæ cum Maria, & cibum manibus tuis sanctissimis capientem, & reficientem animum meum præsentia tui numinis aspiciam. Extincta iam est Mariæ gloria, iucunditas & lætitia Mariæ sublata abiit & excessit: hinc mœror, hinc luctus, hinc solitudo, hinc lamenta Mariæ incipiunt. Non loqueris verbum vllum mi Iesu: nullum verbum parenti tuæ facis, Agne mitissime? O diuinum os ac cœleste, cuius suauitate tot hominum millia à mœrore ad lætitiâ traducta fuerunt! Cuius virtute tot muti & elingues loquuti sunt, cur ita files & obmutescis, neque magni tuæ vno saltem verbo responsum largiris? cur vel legatum aliquod

aliquid ad animi mei consolationem, & ad tanti saltem doloris leuamentum non relinquis? tua venia facultateque concessa capiam legatum istiusmodi: coronam hanc crudelissimis sentibus in circuitu refertissimam, hanc hanc sanguine tuo stillantem iure hæreditario accipiam, has gemmas & margaritas pretiosas in animo reconditas & abstrusas seruabo: in visceribus meis inhærebunt clauitæ acuti, in medullis & præcordijs hærebunt infixi spinarum acriter pungentes aculei, tuæ virgæ, tua crux sanctissima. Hanc ego hæreditatem optimam & præclaram, hanc bonorum partem præcipuam, quæ hæres sum, quæ iure ac legibus in filij mei bona debeo succedere deligam, & per omne vitæ meæ tempus conseruabo. Quam breues sunt voluptates & gaudia huiusce sæculi! quam grauis & acerba doloris magnitudo! quem dolorem affert post secundam fortunam status aduersus! O Bethleem & Hierosolymæ, quam longè alij fuerunt & dissimiles admodum dies, quos in vtraque sede, mœstos ac lætos, tristes & iucundos egi! illa nox Natalitiorum filij mei, quam plena iucunditatis ac lætitiæ! dies hæc quantum mœroris & acerbissimi luctus affert? quantis illa nocte suauitatibus & iucunditatibus cœli, quantis opibus ac diuitijs cœlestibus abundauit! in quanto nunc mœrore ac dolore sum! quibus anxietatibus, & angustiis confictata! quam inops & rerum omnium egens! O paranymphe cœlestis! O diuine Gabriel, vbi salutationis antiquæ laudes amplissimæ? vbi cumulus ornamentorum? vbi tantus honos, & immortalis gloria tributa? Non immeritò aspexisti turbari Mariam, & expectare quorsum euaderet tantæ legationis gloriosa celebritas, & diuina prædicatio. Laudes enim & præconia tanta consequi debebat doloris magnitudo & crux acerbissima. Non afficit studiosos, & cultores sui nominis maximos suis donis ac muneribus maximis Deus immortalis, nisi expectans mutuam cœlestis gratiæ virtutisque impertitæ, vicissitudinem plurimam: nunquam honorem oneris expertem, neque principatum difficultatibus vacare maximis, neque gratiam labore liberam ac solutam esse Maiestas diuina voluit: id temporis me gratia cœlesti plenam appellasti; modo doloris acerbitate magnitudineque premor: id temporis fœlicem ac beatam præ reliquis dixisti mulieribus; modo præ cunctis anxiam afflictamque vides: id temporis Deum ipsum nunciasti cum Maria esse, mecumque commorari sede ac domicilio ab infinita sæculorum æternitate

nitare delecto suæ maiestatis, modò mecum præsens est, & adest, sed mortuus, & ut aspicio, crudelissima morte peremptus. O maxime generis humani vindex & Assertor benignissime, commeruinc istud mali, quod tantum edito te susceptoque in hanc lucem gaudium & voluptatem accepi? in culpane fuit illa lætitia incredibilis, qui tibi lac sugenti, & vberibus maternis inhianti mammas in os diuinum inferebam? Errauine fortasse, cum in tuis oculis, in tuo ore vultuque acquiescebam, neque à facie cœlesti oculos deiiciebam vnquam? cum te præsentem viderem? cum tuum sermonem audirem? cum tota ex ore tuo cœlesti diuinoque penderem, neque possem tantæ suauitatis, tantæ iucunditatis magnitudine meum vnquam explere satis animum? Peccaui ne, & contra tuam diuinam voluntatem veni, quæ carum aded, quæ tam eximium semper, quæ te meam voluptatem, quæ meas maximas delicias & amores habuerim, duxerimque semper? O Pater Æterne! O pie misericorsque Deus valde humani generis amans, & grauis ac vehemens in Filium! Tu nosti optimè fluctus & tempestates animi mei vehementissimas, tu testari potes toties Mariam mortem oppetijisse crudelissimam, quoties filius Christus Iesus virgas, quoties vulnera plagasque grauissimas suo corpore excepit. Sed adhuc præ cunctis mulieribus vexata conflictaque grauissime, pro tanto dolore, pro tantis acerbitatibus, & pro cruciatibus huiusmodi gratias tibi immortales ago. Id mihi satis est, te velle sempiternæ Deus, ut ego velim & appetam, & deoscam, dummodo tibi collibitum fuerit mucione n in viscera libens ac lætans infigam, proque beneficijs & pro doloribus, pro rebus secundis & aduersis laudem & honorem maiestati tuæ cœlesti tribuam. Cœlestes spiritus numen tuum eximij laudibus efferant; his lacrymis meis maiestatem tuam exollam. Sed obsecro te Pater Æterne, si tuæ bonitati collibitum fuerit tres & triginta continuos annos laborum & acerbitationum mearum plenissimos recorderis: his contentus esse velis, quum totos annos doloribus & cruciatibus acerbissimis nunquam vacuam me quidem egisse, tu testis es optimus. Ab illo puncto temporis cum calicem harum acerbitationum Simeon mihi prædixit in templo medijs meis lætitijs ac iucunditatibus, semper interuenit huiusce diei memoria, semper illius recordatio abstulit gaudium, & crebris incurSIONIBUS viscera Mariæ perculit in præcordijs inhærens acerrimè. Certò scio prouidentia singulari, maximoque tui nominis consilio constitutum

stitutum istud ac deliberatum, ut particeps essem & conscia
tanti mysterij, quamque filius ab illo puncto temporis cum
conceptus fuit in utero meo, cogitatione complexus fuit, &
ante oculos crucem habuit, ut mater etiam animo suo com-
plectere cur, & in præcordijs fixam habere nunquam desine-
ret: sed si diuinæ tuæ maiestati collibitum fuerit, statue iam
tandem modum hisce laboribus & cruciatibus & acertitati-
bus meis, ut cum filio meo moriatur mater & sepeliatur, nec ab il-
lo diuellatur in morte, quem viuens in oculis & in animo gessi
semper, atque adeo in præcordijs infixum & inhaerentem nun-
quam habere desij. O mors cur adeo crudelis, ut ab illo me
abstrahas, in cuius vita consistebat mea? Interdum crudelior
videris in conseruanda, quam in auferenda vita. Quam beni-
gna, ac misericors esses, si de medio utrumque abstulisses? nunc
crudelis es in auferendo filio, crudelis etiam in matris incolu-
mitate seruanda. Hæc secum tacite Virgo loqueretur, à cuius
luctu & lacrymis Ioannes & Magdalena non abstinere. Ioan-
nes sic loqueretur complexus corpus præceptoris sui. O præ-
ceptor optime, & summe præpotensque Domine, quis me dis-
ciplina cœlesti, & arcanis diuinis imbuet? ad quem dubitatio-
nes meas & quæstiones deferam in posterum? in cuius brachijs
complexuque acquiescam? quis me participem diuinarum re-
rum faciet? quæ hæc tam subita repentinaque conuersio? No-
cte cœnæ cœlestis cum discipulis concelebratæ recondita &
abstrusa cœli mysteria disciebam, in complexu tuo suauissi-
mum somnum capiens, & in brachijs tanquam in puluim
mollissimis acquiescens, modo gratiam referre videor te ipsum
in meis mortuum, & acerbissima morte confectum sustinens.
Hæcine facies illa diuina, quam in monte Thabor immortalis
gloriæ splendore circumfusam aspexi? hæcine facies Solis
splendore clarior & illustrior? hocine corpus, quod radijs
omni luce clarioribus & illustrioribus in montis illius summo
vertice micabat, & splendebat diuinitatis claritate cœlesti?
lugebat etiam & flebat acerbissimè Magdalena, & pedes am-
plectens & constringens Assertoris Iesu clamabat. O lumen
oculorum meorum! O remedium vnicum, & medicina salu-
tis meæ! si me pondere peccatorum oppressam, si grauitate
scelerum ac flagitiorum conflictatam meorum me aspexero,
quem adibo? cuius opem & auxilium implorabo? quis vulne-
ra, quis plagas meas sua virtute sanabit? quis opitulabitur mi-
hi Magdalene? quis meas ager partes, & ex Pharisei ore ac ser-
mone

mone defendet? quos ego pedes aspexi, quos splendere ac nitere vidi, cum ad plantas prouoluta supplex & lachrymans veniam petebam scelerum meorum, cum rigabam, cum perfundebam lachrymis, cum capillis meis extergebam pedes tuos sanctissimos, cum illis acquiescebam, cum osculabar, cum debita demissione colebam, cum in illis medicinam & leuamentum inueni, quos & quam longè alios, atque modo clauis transfixos, adeo deformatos, & sanguine manantes video! O lux ac vita mei animi! Egone te dicam amare? te vita mea cariorum habere? quum videam te mortuum non disrumpar, diuellarque dolore? In hunc modum flebat & lamentabatur omnis ille coetus, & corona sanctissima lachrymarum largo flumine spargens corpus Christi Iesu sanctissimum, quod syndone inuolutum, & in feretrum impositum, in sepulchrum, in quod antea nemo fuerat illatus, efferunt omnes, & honore sepulchri recentis afficiunt. Hic sepulchrum saxo fuit obductum, sed cor Virginis obscura mœroris caligine.

*De solitudine Virginis Maria, ex locis superiorum
exeritationum.*

Ferreus equidem erit ille & omni diritate ferior, qui solitudinem Virginis non sentiat, & dolere non studeat eorum hoc triduum sanctissimæ Matris orbitatem, quam videre videor conclusam in cubiculo, & in remotiore quodam angulo latentem & abditam, fenestris ac foribus occlusis in luctu ac mœrore iacentem, nec quidquam esse quod illam consolari queat, mortuo & è viuis crudeliter ablato Christo Iesu carissimo suo filio. Quid enim agat illa nisi flere, nisi gemere, nisi lamentari, quæ tantum boni amiserat, quæ tantum ac tam inclytum filium, nulla sua culpa, nullo scelere ac peccato, sed bonitate potius, & incredibili virtute, omnique sanctitatis laude cumulatam, ipsum auctorem virtutis, & principem innocentiae, tam crudeliter tractatum, tam indignissimis modis vexatum, omni diritate confectum & vira spoliatum videat. Repetebat memoria pulchritudinem filij veterem, dignitatem oris & lineamentorum omnium conformationem, illam antiquam grauitatem tanta comitate coniunctâ, tantum in ore leporem, tantam in sermone suauitatem, omni melle dulciorem, virtutem & sanctitatem absolutam, magnitudinem & præstantiam miraculorum, & illam diuinitatem cum natura humana
tam

tam admirabili societate coniunctam. Redigebat in memoriam legationem Gabrielis & nuntium ab æterno sibi Patre missum, tot & tam innumerabiles laudes, tantum cumulum virtutum maximarum, felicitàtem & diuinitus adiunctam fortunam Filij Dei immortalis in vtero concepti interuentu spiritus diuini, nulla filix Virginis labe, nec accepta offensione minima. Recordabatur natalitia Christi Iesu; veniebant in mentem cantus diuinorum spirituum; cultum & adorationem tanta cum demissione tributam ab pastoribus, & illud ex remotissimis orbis terræ partibus aduentum Regum Magorum, cum nominis immortalis gloria sibi comparata; denique præstantiam in gens Iudæorum, quæ mens cogitare posset, perpendebat & contemplabatur: singula Virgo meditabatur, & conferebat superiora cum præsentibus, natalitia cum morte filij, honorem cum ignominia, laudes & honores cum probris & contumelijs, dignitatem cœlestem Christi Iesu cum indignitate crudelitatemque Iudæorum, beneficia cum maleficijs hostilibus, tantam pulchritudinem cum tanti insigni deformitate, veterem formam & spectatam figuram, cum deformata, scdataque corporis & oris præstantia, denique mansuetudinem tanti Agni, cum impietate feritateque Solymorum, robur & magnitudinem patientiæ cum comprehensione, cum virgis, cum probris omnibus & allata morte crudelissima. Hæc omnia quoniam proloqui non posset, præ sensu, præ dolore maximo secum sic agitaret, versaretque animo, ut se ipsam modo, sæpe filium, inimicos aliquando, interdum Patrem Æternum alloqueretur; Obtestaretur cælum, imploraret diuinos spiritus, & hanc vniuersam molem & machinam in suos luctus & lacrymas adduceret. Cur illa tuorum natalitiorum gaudia in mœrorem essent luctumque conuersa? cur cantus diuinorum spirituum in dolorem & lacrymas mutatis? ubi, diceret, laudes Gabrielis? ubi lætitia nuncij allatis? ubi felicitàs fructus cœlestis? siccine Dominus mecum est, quem non viuum, sed mortuum & sepulturæ mandatum video? me præ cunctis mulieribus felicem ac fortunatam Gabriel prædicauit, quam nunc mœstam adeo & in luctu lacrymisque iacere necessarium est, magis vexatam, magis conflctatam quàm omnes, quotquot casibus & ærumnis acerbissimis in orbe terrarum vniuerso premuntur conflctanturque miserræ calamitosæque mulieres. Quid commeruisti fili, qui sanctitas es & innocentia, virtus absoluta, perfectaque gloria Beatorum,

torum, lætitia diuinorum spirituum, exemplar consummate perfectionis, speculum pulchritudinis immensæ, sens perennis & inexhaustus sapientiæ, effigies & splendor Patris Æterni, Deus summus & immortalis, opifex & architectus colorum, potentissimus Regum & Imperatorum huius sæculi maximorum Dominus? itane sanctitas supplicijs nequitia, innocentia pœnis facinorosorum afficitur? Virtus æque atque vitium & scelus mulcabitur? gloria pro dedecore & ignominia ducetur? lætitia in mœrore & luctu, in sordibus & squalore iacebit? exemplar virtutis absolutæ feret latronis & heluonis, & scelerati dedecus & ignominiam? speculum pulchritudinis maculis & noris omnibus turpitudinis aspergetur? sapientia feret pretium stultitiæ, imago diuini numinis maculabitur, speculum pulchritudinis notabitur labe detestandæ sceditatis? Deus ipse virgis cædetur, & spinis coronabitur, atque adeo vim & potentiam sui numinis occultabit, vt infirmitas habeatur, & imbecillitas summa? quas ego virgarum notas in tergo sanctissimo, quas plagas & vulnera grauissima vidi? Quam præcipue in medio tergo plagam luculentam disruptis ciscerpisq; omnino carnibus tuis integerrimis? Cum crucem humeris comportabas, non fune de collo pendente constructo corpore procedebas spinarum aculeis acerrime transfixus? Quæ illa Regis præpotentis insignia? non auro gemmisque micantibus diadema fulgebat in capite, sed sentes & spinæ terrificæ eminebant: non torquis colium circumdabat pretiosa, sed funis asperrimus crassissimusque: non nitor corporis & ornatus Regiam præferabat maiestatem, sed deformis & contempta purpura scedabat, dedecorabatque corpus tuum: non fasces Regiæ Imperatoriæque maiestatis præferebantur, sed damnati & ad mortem ignominiosam deducti: non pompa & apparatus Regius ornabat suam celsitatem, sed tumultus & strepitus satellitum mortem & ignominiam prædicantium: non ad arcem, non ad solium, sed ad mortem, ad patibulum deducebaris: non vlla misericordia, non benignitate, quæ damnatorum pœnam aliqua ex parte leuare videtur, sed inaudita crudelitate, ferinaque immanitate sedans & anhelans, cum pondere Crucis grauissimo, & voce præconis ignominia dedecorisque plenissima. Cum verò in crucem sublatus fuisti, quam inimici non exercuerunt crudelitatem? quod impietatis genus non exprompserunt? cum impetu magno, terrificoque fragore, crucem, cui iam affixus eras in foramen deiece-

funtimum hostes immanissimi. Atque id temporis contremesceri membra totius corporis sanctissima, partes discerpi dilacerarique magis necessarium erat. Mitto felle mistum acetum, quod ad firim explendam satellites crudelitatis porrexerunt. An oculos illos obrutos, pallidam faciem, os deformatum, sublatum pectus, corpus nudatum, expositum frigori flatibusque ventorum sine summo dolore recordari possumus? Nunc in meum latus extorqueri visa est, & pectus traicere ac vulnerare cor Virginis hasta vi summa contentioneque immissa brachiorum. Nunc mortuus & sepulturæ mandatus in meis hæres præcordijs ac visceribus Iesu sanctissime, tuas virgas, tuas spinas, tuam Crucem, tuam mortem perpetior: nec quid agam scio, dum delicias meas, & amores, vitam & suauitatem, tantam virtutem & sanctimoniam, tantam pulchritudinem & splendorem, sapientiam Patris, & gloriam cœlestis aulae Christum Iesum à me ipsa video abstractum crudelissimeque diuulsum, atque adeo vita per tantam impietatem orbatum. Si parentes, quæ filius aliqua virtute præditos amiserunt, quamquam cum honore sepultos videant, seipsas continere non possunt, quin lacrymas effundant acerbissimas, & in mœrore & sordibus iaceant multos dies luctu ac lacrymis propè confectæ: quæ filium interuentu Spiritus diuini conceptum & nulla labecula virginis editum in hanc lucem, filium Patris Æterni, Deum ipsum & opificem cœlorum amisi, quo sensu, quo dolore afficiat? Vos petra saxaque diuissima, horrendo discilla fragore à vestris omnino fuistis exulsa sedibus: vos sepulchra mortuorum testamini, quæ patefacta è sinu complexuque vestro multorum corpora emisistis in hanc auram vitalem: tu denique testare fulgentissima diei lampas Sol splendidissime, qui tantam facinoris immanitatem execrans offudisti tenebras orbi terrarum vniuerso, ablata de medio diei luce clarissima: & non mœroris caligine ac tenebris obscurissimis obducetur animus Mariæ, cum mutæ res, lapides ipsi expertes rationis, cuncta quæ creata sunt, lugeant & flegant, quo modo & qua ratione possunt creatorem suum? Quantum lacrymarum effuderit Ioannes Euangelista aspectu præceptoris mortui, qui memoria repetere potuerit arcana cœlestia in sinu complexuque præceptoris accepta, quot diuinitatis Christi Iesu in genus hominum merita commemorarit ad augendum amplificandumque suum dolorem, vos ipsi, Auditores, cogitare. Non obliuiscamini Magdalenæ in Christum Iesum

amorem ardentem & inflammatum, in hunc Dominum charitatem accensam & flagrantem, quam non modo ad Domini pedes iacentem & collacrymantem, petentem veniam peccatorum in suam gratiam Christus Iesus accepit, sed pastu diuinæ meditationis delicijs & iucunditatibus Beatorum mirificè recreauit, atque ad eam, quam ex sacris litteris accepimus, absolutæ sanctitatis amplitudinem euexit. In quanto illa mœrore ac luctu iacuerit, monumenta Patrum grauissimum testimonium posteritati reliquerunt. Cuius si dolor inconsolabilis videbatur, si mœrebat & angebatur incredibiliter Ioannes Euangelista, si visus fuit elementorum sensus apertè cunctorum, & Solis repentina defectione mors Domini generi mortalium denunciata fuit vniuerso, si parentes filiorum mortem ita dolent & lamentantur optimorum, quæ vnicè diligebat, Christum Iesum, quæ conscia tot mysteriorum, conscia diuinitatis, conscia virtutis diuinæ, quæ præ cunctis mulieribus tantis donis ac muneribus diuinis affecta fuerat, quæ tantam scientiam & notitiam habuerat, & omnium fuerat mansuetissima, mitissimaque mulierum secundum filium suum omnes virtute sanctitateque excellebat, ab Æterno Patre in Matris filij sui dignitatem ab infinita sæculorum æternitate delecta, & filium & parentem, & sponsum, & fontem bonorum omnium Christum Iesum recognouerit, quo mœrore, quo dolore, quo postremo sensu acerbissimo ob filij tanti mortem crudelissimam afficeretur? O belluam efferam! O feram immanem! O monstrum dirum & execrabile peccatum! In quas angustias duo hæc lumina cælorum matrem & filium adduxisti? Tu peccator post plagas, post vulnera Christo IESU facta, post tot iniurias & contumelias tanto Domino impositas, post virgarum diritatem, post spineam coronam, post crucem & mortem filio Mariæ allatam, Mariam Virginem sanctissimam & Matrem Christi Iesu dignissimam in tantum mœrorem & luctum attulisti: tu flagris, tu spinarum aculeis cor & viscera Mariæ faucisti: tu hasta cor eiusdem Virginis traiecisti: tu postremo morte crudelissima Virginem confecisses, nisi ad humani generis salutem, ad Ecclesiæ nascentis vtilitatem dono ac munere diuino Pater Æternus sua cœlesti providentia conseruasset. Si te non mouerunt adhuc vulnera filij sui, si non commouerunt cruciatus & acerbissima supplicia, si virgæ, si spinæ nihil adhuc apud te valuerunt, si mors oppetita pro salu-

te tua cor ferreum & ex adamante factum non flexit ad pietatem, ut tui ipsius, ut animi tui miserearis, ne tuas cæcus ac præceps in exitium tuum, nec te præcipitem agas in inferorum regiones, obsecro, matrem hanc intuere, respice mœrorem & luctum, respice lacrymas illius acerbissimas, respice præcordia Virginis Mariæ doloris magnitudine perfossa, respice Reginam cœlorum, ianuam paradisi, imperatricem diuinorum spirituum, tui causâ, tuis sceleribus in filium admissis in tanto luctu ac mœrore iacentem. Per luctum Virginis, per cruciatus acerbissimos, per lacrymas, per solitudinem tantæ Reginæ peccare desine in posterum: & cum illa luge mortuum & sepulcrum Christum Iesum. Ille qui pius est & benignus precibus tantæ Virginis animum durum ac ferreum cera ipsa molliorem ac leniorem reddet.

*In eum qui alapam inflixit in Anna Pontificis ade,
ex superiorum Exercitationum*

Loci.

ARdet animus, nec se continere potest, Audacissimè homo, quin facinoris tui audaciam ostendam paucissimis saltem verbis. Et quanquam audaciæ magnitudinem intolerandam dignè satis non ostendero, factum tamen audax & sceleratissimum proferam. Cerno enim mentis oculis Christum Iesum in Annæ domo luporum immanissimorum multitudine circumuentum: Dominum tantum accusant hostes, & arguunt seditionis, quæ ab auctore innocentis procul abest, & constructum vinculis acerrimis tenent Agnum mitissimum. Annæ percontationem audientem & ad vestram accusationem iniquam & sceleratam nihil verbi facientem, respondentem duntaxat ad eam, ut de sermone, de verbis, qui præsentibus fuerant, percontarentur. Ostendebat autem se nihil occultè, palam autem omnia & in templo colloquutum fuisse, quo multitudo ludæorum omnis ad illum audiendum magno sæpè concursu confluerat. Vix verbum hoc ex ore Christi Iesu exierat, cum proiecta & effrenata audacia minister vnus ex sacrilegorum hominum turba brachium intendens, manum apertam subulit, & quanta vi potuit (ut fragore multo personaret palatium) Assertori Iesu colaphum impegit, quinque digitos in illa cœlesti diuinaque facie relinquens expressos. Rubere statim os Assertoris, videri

Ooe 1

notæ

notæ signaque ictus vehementer infixi, notata facies quinque digitorum numero insigniter inusta rosas spirare flagrantes, neque Agnus mitissimus se commouere. Cum minister argueret illum inurbanitatis, & obiiceret honorem & dignitatem Pontificis suo responso violatam, nullum aliud Iesus proloqui verbum visus est, sed iubere quærere de ministro duntaxat, quinam crimen & culpam testaretur, proferret in publicum: si nihil meruisset, cur ita caderet? istud est primordium luctuosæ Christi Iesu tragadiæ: ab hoc audacissimo sceleratissimoque ministro factum initium inuadendi in os & in faciem Assertoris Iesu. En faciem illam omni venustate pulchriorem deformatam inflicti colaphi crudelitate, imaginem pulchritudinis ictus vehementissimi contentione perturbatam, splendorem Solis radijs illustriorem digitis audacissimi hominis turpiter obscuratum, exemplar Patris Æterni manus istius audacissimæ turpitudine scædatum. En speculum Mariæ crystallino fulgore clarius, scæditate spurcissimæ dextræ inquinatum. Non hic rubor ille naturalis, omni rubore clarior & illustrior, rosarum pulchritudinem obscurans, non forma cœlesti ruboreque diuino splendens, sed prauitate mortalium notis inustis ad dedecus & ignominiam maximam. Quod si repetere memoria volueris tanti Domini pulchritudinem, & eximiam illustremque dignitatem, formam figuramque spectatam, vincentem omnium pulchritudinem, & splendorem obscurantem virorum; considera fontem esse pulchritudinis eximæ, speculum cœlesti diuinæque claritatis, interuentu spī itus diuini in utero Virginis Mariæ conceptum, & illius decor illustris, dignitas insignis, conformatio miranda, denique cœlesti claritas & splendor, dotes omnes & lumina confestim apparebunt. Interim quomodo mortales ex rerum pulcherrimarum aspectu consequi possunt huiusce Domini pulchritudinis diuinæ particulam aliquam. Complectamur illum mentis oculis illa tranquillitate frontis, splendore oculorum, dignitate oris, suauitate sermonis, compositione corporis, conformatione lineamentorum & incessu, in statu, in motu, singulari grauitate, auctoritate cœlesti, dignitate diuina, vt nihil oculis hominum neque cogitatione possit obseruari ex omni parte præfectius, neque quidquam magis absolutum reperiat, vt quæquam in aula cœlesti, cuius pulchritudo venustatem & aspectum cœli, terræ, omnis generis mortalium obscurat, à te sacræ lege minister, homo nefarie, violatus est & ictu colaphi

phi percussus. Age quem percusseris non animaduertisti? in quem irrueris audacia tam effrenata non vidisti? cedo causam, quam afferes impudentiæ tuæ, & furoris rationem? Tu imprimis vnus ex præsentibus, primus ex tanto sceleratorum grege, tu princeps & auctor inuadendi: à te cæteri, qui postea violarunt IESVM, qui in caput illius, qui in capillos, qui in faciem irruerunt, occasionem ad suscipiendum tam immane facinus arripuerunt. Te præeuntem quasi Antesignanum sceleris, Principem tantæ audaciæ consequuti fuerunt. Quod in Caiphæ ædibus, tot postea ictibus percussos idem Dominus, quod tot colaphis nefariè cæsus, quod impetus in illum toties factus, quod facies diuina tegumento veli obducta, quod alia in tam mansuetum & mitem Agnum in eadem domo commissa scelera fuerunt, tu princeps & auctor fuisse visus es, primum manus iniciens ori diuino, & in faciem cœlestem, ictu tam vehementi furenter inuadens. At quomodo irruisti? quem ictum inflixisti? quanta vi, contentioneque manus potuisti? intendisti brachium, sustulisti manum, aperuisti palmam sacrilegam, & porrectis & intentis digitis omnibus, audacter in faciem Assertoris inuasisti. O bellua, O fera immanis! Tunc illam inuadere faciem, tu in os irruere IESV Christi? tunc manibus sacrilegis genam appetere? Tunc alapam impingere? tunc signatum os relinquere ictus vehementissimi robore diceris? cuius os nemo vnquam a'picere, nisi summa religione, nemo videre, nisi venerabundus, & ad tantam maiestatem prouolutus intueri audebat? Oza, quod arcam Domini tetigerit, & animo retinendi, ne præceps rueret in terram, repentina morte confectus humi concidit: multi quod templum Domino consecratum audacia proiecta, cœcoque furore violare ausi fuerunt, pœnas graues audaciæ suæ dementiæque dede. ūitu arcam veram, viuum templum Christum Iesum, Deum immortalem aggredieris, violabis, & Iesum vehementissime cædes? En manum tuam indicem sceleris, en digitos auctores tanti flagitij & notas & vestigia audaciæ, execrandique facinoris in ore Domini expressa ad amentiam tuam testimonium, memoriamque detestabilem: tui sunt illi digitus, tuæ manus & digitorum est illa effigies imagoque nefaria. Quid habes quod respondeas audacissime sceleratissimeque homo? non Agni modestiam, non oris dignitatem, non in tanta facinoris audacia demissionem, admirandamque mansuetudinem animaduertis? non patimentiæ magnitudinem, non ad al-

reram genam offerendam, præbendamque tuæ sacrilegæ manui promptissimam paratissimamque voluntatem intueris? Quam affers causam audaciæ, quam facinoris excusationem? Age, purga te ipsum de tanto facinore præsentibus. Quod audacter, quod intemperanter, inquis, Iesus responderat Pontifici. Quod initius dari responsum, quod leuius fieri verbum potuit? Quod magis ad Pontificis explendum animum, & ad rei, quam ab illo perconctatus est Pontifex idem, veritatem testandam magis appositum esset? Pontifex testimonium quaerit, testes efflagitat: quos vult ille, producit Iudæos ipsos inimicos Christi IESU? Christus Iesus omne genus hominum, viros omnes, qui in templum ad illum audiendum confluxerant, qui se Iesum in conuentu maximo frequentiaque verba tanta facientem audierant, omnes adhibet, nullum recusat, te ipsum non excipit testem sceleratissime nequissimeque homo. Non Ioannem, non Petrum, non aliquem ex discipulis, ex socijs & comitibus suis profert neminem. An quidquam Domino huic magis infestum, an quidquam eidem IESU magis perniciosum? Accusa Iesum si quid audisti contrarium legibus vestris fecisse: si quid infestum illum diuinis præceptis præstitisse. Non populum concitauit, non abduxit multitudinem, non à cultu religioneque Dei immortalis abstraxit. Obiurgauit vitia, increpauit superbiam, reprehendit scelera, in crimina publicè commissa fuit inuectus, & viam ille cœlestis aulae patefecit, & ad illam omne genus hominum excitauit. Ita concionatus fuit, vt conciones robore diuini spiritus munierit. Ita verba fecit, vt omnes illum loquentem verbaque facientem admirati fuerint. Ita vobiscum versatus fuit, vt illius verbis vita sanctissima integerrimaque consensanea fuerit. Hanc diuinis operibus, stupendis miraculis, omni virtute cœlesti confirmauit. In templo, in templo inquam concionatus fuit, non in remotis sive conuersu, desertisque locis, in magno hominum concursu celebritateque, non in conuenticulis, nocturnisque conciliabulis, in media lucis claritate, non in tenebris & caligine, Pontificibus ipsis & Phariseis præsentibus, cum his non colloquutus solum, sed acerrimè disputauit, eisdem non respondit duntaxat, sed satisfacit cumulatè atque conuicit sapissimè, magnificeque superans, mutos & elingues reddidit. Ad hos non verba solum fecit, sed eos inscios & ignaros sacrarum litterarum docuit, & præceptis diuinis imbuendos, informandosque curauit. At seruus tu Pontificis, minister

ster Annæ, illius pane vesceris, sumptibus & expensis aleris: seruus Annæ debes illius honori inferuire, respicere dignitatem, & auctoritatem Heri in Pontificia sed de collocati. Isto seruieris, aut ministraris eidem. Demus hoc impudentiæ tuæ, demus audaciæ, concedamus furori: sed Annæ questus? iniuriam illam duxit? ded tibi partes vlciscendi? minimè innuit, vt inuaderes, neque id quidem visus est significare. Cur ergo id facis? tuum illud scelus, audacia tua fuit, cæcus ac præceps furor: a te factum est initium violandi Christi Iesu. Fuëis minister, id est seruus, infima fortuna, conditione contemptissima, obscuro genere, nullo honore, nulla æstimatione, scelere, perfidia, audacia, impudentiaque notatissimus; scilicet in brachia, in corpus, in collum inuasisti, in aliquam non tam præcipuam corporis partem distaxuisti, propulisti Dominum, aut minitatus obiecisti solum os tuum impudens, & sacrilegum, oculos ardentes, inflammatum vultum? O furia! O pestis! O labes, ac perniciēs! in faciem, in faciem inquam, in celsiorem Domini partem, in os diuinum inuasisti. Quod spiritus diuini contemplantur assidue, & illius aspectu reficiuntur mirandum in modum, quod est claritate cœlesti circumfusus, atque aded cœlorum pulchritudine, Solis splendore, omni re quacunque speciosissima clariùs & illustriùs. Quod cum vidisset Petrus in monte Thabor immortalis gloriæ claritate splendidissimum, illius splendoris magnitudinem admiratus ad tria tabernacula facienda Christum inuitauit. Quid dicam de B. Maria, de Matre Virgine integerrima? Quæ Christi IESV faciem, delicias suas, quam voluptatem dicebat suam? eas se oblectabat, illius pulchritudine se reficiebat, pascebat animum, demulcebat sensus omnes, & de tantæ pulchritudinis magnitudine dies noctesque cogitabat. Iesum absentem mente complectebatur, neque demittebat cogitationem illius vnquam: in præsentis ore vultuque acquiescebat, nec à tanta pulchritudine deiciebat oculos, suauitatem suam, suam iucunditatem & voluptatem cœlestem ducens, & habens omni vitæ suæ tempore. Hanc tu igitur faciem appetes? hanc lædes? hanc violabis iniquissimè dementissimeque minister? Quod non simul atque brachium sustulisti, & potentasti manum illam, illa cohorruerit antequam furenter in Domini faciem irmitis- ses; quod non tu mortuus concideris morte repentina, antequam scelus tam immane susci-peres, mirum fuit & stupendum

planè. Minoribus quidem flagitijs inquinati vitam amiserunt in ipsa sceleris suscipiendi cogitatione, cum nondum conata perfecissent. Sed abieris tu scelerate, euaseris impunè, abi, concita alios ad similes in Caiphæ ædibus ictus infigendos, ad similes impingendas alapas. Non hoc contentus erit vno deterrimo facinore, qui tantam semel & tam furenter perfidiam susceperit. Vos verò Auditores, obsecro à maleficijs abstinere manus: ne bonis alienis iniiciatis manus: ne violetis manuum vestrarum ictu splendidum, nec minimum aliquem hominem, nec cuiquam iniuriam faciatis: ne dedecoris & ignominiae maculam inuratis, per faciem hanc cœlestem ac diuinam, per alapam, per ictum tanta magnitudine patientiae toleratum; per ruborem exortum statim, atque colaphus fuit inflictus, per animum, per voluntatem Christi Iesu ad plures humani generis causa colaphos & ictus perferendos alacrem & erectam, sic expertes huiusce reliquorumque flagitiorum culpa vacui pœnas ministri istius audaciae furorique debitas, nullo ynquam tempore formidabitis.

*In Pilatum qui Christum Iesum mortis damnauerat,
exercitatio ex superioribus locis
constans.*

TAndem aliquando ad Pontium Pilatum iudicem iniquissimum veniamus, & illius sententiam ex scelere & mendacio latam in humani generis Assertorem excutiamus, & quantum puerisitatis quantum prauitatis & nequitiae fuerit in illo, perspiciamus. Non enim contentus fuit supplicijs grauissimis in Agnum mitissimum constitutis, nisi tandem in exitu huius tragediae luctuosae auctorem innocentiae mortis condemnaret crudelissime. In qua re primum cernite mentis oculis quanto strepitu ac tumultu, quo fragore militum armatorum, quibus & quàm horrendis clamoribus in Pilati palatium Christus introducatur. Ille autem amota turba, procul à multitudinis concursu, remotis arbitris deducere secum Christum Iesum, conuenire, alloqui, quod fieri solet in lite intenta, & in iudicio grauissimo seuerissimoque excutere, tanquam reum Christum Iesum rogare multa, obiicere, quæ in illum accusatores conferebant, considerare primò rem attēpissimè, nihil mali in Christo reperire, culpa potius vacuum, &

omni

omni criminis suspitione liberum aspicere, denique diligenter attendere Principum & Phariseorum invidiam, & hanc causam ad scelerati Christi Iesu, & per summum scelus accusari. Itaque multo post intervallo, aut cum aliquid spatij intercessisset ad consilium capiendum, & ad internoscendam causam redire visus est Pilatus ad multitudinem & auctores accusationis. Principes multitudinis alloqui, & quidem humaniter & comiter satis, ut ad lenitatem aliquam eorum animos traduceret. & ab exitio Christi Iesu, de cuius pernicie cogitabant, mentes abduceret. Non desijt dicere, confirmareque constanter, extra omnem culpam esse Christum Iesum, nec ullam se hominis innocentis, & omni culpa vacui damnandi causam inuenire: sed si mos esset, & illorum inueterata consuetudo hominis alicuius dimittendi, se dimissurum esse lætis his & celebrioribus Agni diebus Christum Iesum, traditurum autem insignem & valde celebrem latronem Barrabam, seditiosum, & turbulentum hominem, & propter cædem factam in vincula coniectum. Quid hic existimatis respondisse Principes? Quid Phariseos? quid denique cæteros consortes tantæ comprehensionis satellites & ministros? O consilia summi præpotentisque Domini! O cœlestia diuini numinis arcana! O cogitationes sempiternæ maiestatis reconditas & abstrusas, & tam ab humanis mentibus longe disiunctas! omnes vnâ vociferationibus & clamoribus horrendis dimittendum Barrabam, Crucifigendum Christum Iesum deposcunt. Quid agere Pilatus, quid contendere visus est? primum voluit obistere populi clamoribus, deinde flagris cæsum, & spinis coronatum tradere Christum tollendum in crucem. O sententiam execrandam! O iudicium nefarium! O Iudicem sceleratum & impium! Attende Pilate confessionem: sis apud te, sis ad veritatem, obsecro. nonne excussisti causam? non Iesum extra culpam posuisti? non id dixisti, confirmastique constantissime? non innocentiam testatus, & virtutem Christi Iesu maximam? non tu adhibuisti locum, tempus, consilium? Qua igitur de causa mortis damnas, & tollendum in crucem Christum Iesum sententiæ tuæ auctoritate decernis? Quis vnquam Iudex id fecit? quis statuit, ac decreuit pauperem & manifestum, nullis probationibus, nullis instrumentis, nullis testibus, nullius criminis convicto reo. Adeone ex corses, & amens? ut repugnantia & longe disiuncta inter se non animaduertas? Rerum omni scelere facere, & extra culpam esse testaris, & nullius malefici conu-

stum, per summum scelus & nequitiam damnas? si innocent
 est, & integer pœnas afficiendum decernes? Atque non quæro,
 quàm iniquè egerint Annas, quàm nefariè Caiphas, quàm te-
 merariè Herodes, qui quancquam omni supplicio pœnaque di-
 gni fuerint, quod in vnus ædibus alapa cæsus fuerit Christus
 Iesus, in Caiphæ per totam noctem pro ridiculo ac delecta-
 mento militum habitus; delusus & vexatus omnibus in-
 iurijs, omnibus contumelijs & probris laceratus, & colaphis
 plurimis cæsus, quod etiam Herodes albente veste indutum,
 tanquam insanum & amentem, & omni iudicio spoliatum de-
 miserit ad te Pilate: quancquam hæc sunt maiestate Assertoris
 indigna, quancquam impiè & nefariè commissa, quancquam in-
 tolerabilia planè; tamen si conferantur cum sententia à te alla-
 ta, cum supplicijs mandato tuo exerceatis, cum supplicio mor-
 tis acerbissimo, quid habent indignitatis & acerbitatis? O cru-
 delis, O fetox! Iudexne tu Pilate? tunc ad dirimendas quæstio-
 nes, ad contentiones componendas, ad odia placanda, ad se-
 ditiones & turbas sedendas, ad ius omnia quabilitate consti-
 tuendum sedes ad Reipublicæ gubernacula, vt contra ius fas-
 que omne sententiam feras atrocissimam? Scilicet placare vo-
 lens multitudinem, spoliatum vestibus, & alligatum ad co-
 lumnæ virgis innumerabilibus discerpisti, plagis infinitis
 concisum ac dilaceratum cum corona spinea, & arundine
 in manu, verustissima contemptissimaque purpura amictum
 multitudini visendum spectandumque proposuisti, si fortasse
 rabiem Principum & Phariseorum, insatiabilemque sangui-
 nis Christi Iesu exhauriendi sitim explere potuisses. O spectac-
 lum terræ cœloque luctuosum, ipsis hominibus nunquam vi-
 sum, Deo immortali diuinisque mentibus vindicandum! sic-
 cine te seruare leges, sic cine te obire partes iustitiæ, sic cine lu-
 dicis officio fungi, sic cine sedare temerè concitatum popu-
 lum, ad scelus, ad flagitium sententiæ viribus incitando, at-
 que adeo imperij tibi traditi gubernaculis, & potestatis Pon-
 tificiæ fascibus horrendis Rempublicam conturbare, innocen-
 tiam opprimere, & vita priuare crudelissime omni culpa va-
 cuum Christum Iesum aspiciamus? Quid illa confessio? quid
 responsum Principibus & Phariseis datum? Quid testata co-
 ties & confirmata tuo testimonio innocentia deposcebat? An
 vero manus abluendo sordes elui conscientiæ putas, & inu-
 stas animo maculas morte condemnati Christi Iesu? Quid te
 impe-

impedit, ne liberes, ne absolvas hominem innocentem? voces populi, clamores Principum synagogæ, contentio tantorum hominum & adhibita vis, oppositæ minæ, terrores iactati, intenta pericula? Hæc p'us apud te valere debent, quam æquitaris vis, & ratio veritatis, quam iura omnia humana ac diuina, quam ipsa conscientia, quæ id temporis inorsus efficeret acerrimos, stimularet ac vexaret animum, neque dies, noctesque sine summo angore cruciatuque respirare sineret? Atque eodem tempore vxor, quum ad te nuncios misit, quanta vi, quantaque tecum contentione egit, ne Iesum insontem damnares, vt solueres illum, ne traderes in Iudæorum manus, admonens iterum atque iterum, & narrans imaginem, qua in somnis deterrita, tardas quasi ardentes videre videbatur, & pestem ultimam tibi tuisque fortunis inuehendam? Hæc si sana mente, si integro iudicio fuisses, si partem vllam haberes humanitatis, non te ipsum à scelere tanto, tantoque crimine abducere debuissent? non vt tecum ageres prius, admonebant? quis ille, quis reus in tuum iudicium adductus? qui accusatores? qui testes? quod crimen, vt deliberares, an mortis sententiam ferres, an omni pœna solum demitteres? Dices præuidisse te hæc omnia: neque dubitasse vnquam de Christi Iesu virtute, de summa tanti Domini innocentia, simul & perfidiam Principum & peruersitatem Phariseorum agnouisse: quemadmodum Christum Iesum per summam inuidiam tradiderunt in manus tuas, & damnandum, morteque crudelissima mulcandum contenderint. Audio quod dieis: quod verum est, quod tu ipse testatus es. Quid ergo? mortis es damnaturus? sis apud te, non potes aliud facere? quamobrem? quia premunt & urgent Iædæi: quinam? qui principatum tenent, qui religionem colunt. Qui sunt isti cultores Religionis? qui mendacia confingunt? qui Religionem violant? & hos verum credes dicere? minime. Quid ergo? coactus ascendendo tribunal, sedeo, inquires, Pontificis auctoritate, fero sententiam contra voluntatem, contra veritatem, contra innocentiam. Opprimes igitur Iustum, mortis innocentiam damnabis, in Principes, in Pontifices, in genus istud hominum sacrilegorum pestis, exitiumque conferetur, & auctorem putas abiturum inipune? nullas te daturum pœnas? te tuamque familiam farum exiretum manet, vnde tantum tamque iniquum iudicium legibus, & Deo prorsus aduersum profluxit & emanauit ad Christi Iesu mortem crudelissimam. Si non supplicia superiora, si pœnæ in Christum

tam acerbæ constitutæ crudelitatem ludæorum satiare non
 potuerunt, continuo ne mortis illum condemnabis? Quid ini-
 quius? A mortuo putas illos cohibituos manus? non in cruce
 pendenti illaturos inaudita mala? sed ut es mente captus, ut re-
 bus humanis obsecutus, video non te attendere, quæ si anim-
 aduertisses paululum, fortasse mitigares lenireque sententiam,
 non ad mortem, non ad exitum Christi Iesu ultimum progred-
 dereris. Quem condemnes, quem supplicio mortis addicas,
 non aspicias? num hominem duntaxat, an hominem & Deum?
 an Assertorem generis humani? an Messiam expectatum, re-
 sponsum diuinorum vatum prædictum, tot precibus patrum
 sanctissimorum efflagitatum? O ferox! O dæmon! Hunc mor-
 te mulctandum, hunc tollendum in crucem decernes? Nonne
 ad hoc intelligendum integerrima vita, sanctissimi mores, mi-
 racula stupenda te compellere potuerunt? nonne in ipsis me-
 dijs fluctibus, & suorum cruciatuum tempestate turbulentissi-
 ma tanta patientiæ magnitudo, tam immensum bonitatis pe-
 lagus, ipsa potius infinita bonitas & mansuetudo, in veram di-
 uinitatis cognitionem adducere debuisset? sed fueris inscius,
 fueris ignarus tantæ diuinitatis, putans Christum esse homi-
 nem solum, humana duntaxat natura prædictum: an Crucis
 mortem subire coges tantum & tam præstantem hominem,
 tam illustrem & tam insignem, tanta sapientiæ, virtutumque
 maximarum opinione florentem, Regia & excelsa sanguinis &
 nobilitatis stirpe procreatum? sed quid Regiam nobilitatem,
 quid Christi Iesu claritatem & splendorem, a Regibus Iudææ
 potentissimis, principibusque clarissimis repetitam ad tantæ
 innocentie defensionem profero? Cum Regem hoc more ma-
 ctari leges ac iura prohibeant, neque Regem solum, sed Iudæo-
 rum Regem, Iudææ Regem, Regem eius imperij, in quo crucis
 sententia iniquissima fertur, & turpissima, iubeas in crucem
 tollere? Quis hoc vnquam suis in finibus, in sedibus regni sui
 imperijque notissimi, nisi demens, & omni diritate tetrior
 fuisset, facere non dicam, sed vel tentare auderet? Recito testi-
 monium tuum, quod negare non poteris. Regem (inquit) ve-
 strum crucifigam? si sententiam aliam verba hæc habeant, ede,
 profer modo. Recito præterea testimonium aliud litteris Lati-
 nis, Græcis & Hebraicis consignatum, tuique imperij auctori-
 tate confirmatum ad posteritatis memoriam sempiternam,
 quod in cruce omnis generis homines legerunt, insigniter in-
 cisum, quod tu ipse minime tollendum dixisti, quod idem po-
 stea

ftea confirmasti, instantibus & vrgentibus aduersarijs, vt ille
 titulus de medio tolleretur, ne daretur sermo populis ac natio-
 nibus ad Iudæorum dedecus & ignominiam maximam. Sup-
 plicium erat istud Regis, an infimi Principis? clarissimi, an ob-
 scuro loco nati? tanta virtute præditi, an omnibus vitijs inqu-
 nati? Regis, an la-ronis? Cedo causam Pilate nequissime, tantæ
 tamque execranda sententiæ. Mitte clamores populi, mitte se-
 ditiones concitatae multitudinis, mitte conspiracyonem Prin-
 cipum, mitte coniurationem Pontificum & Phariseorum in
 Christum Iesum factam: nulla hæc causa defensionis, atque
 istud est officium æqui bonique Iudicis, leges ac iura seruan-
 tis, nullis precibus, nulla contentione, nulla potentissimorum
 hominum vi, à vero iustitiæ tramite deflectere. O nefariam re-
 gnandi cupiditatem! O cæcam ac temerariam sectatorum sæ-
 culi prauitatem! O peruersam & execrandam diuitiarum &
 honorum ambitionem! Vt retineas Cæsaris amicitiam Pilate,
 vt conserues illius gratiam, ne deijciaris de dignitate tua, ne
 deturberis de Præsidis gradu, amittes amicitiam Dei, amittes
 gratiarum immortalis numinis, atque adeo effundes? præcludes
 tibi aditum ad maiestatem tantum? repudiabis honores & di-
 gnitates cæli, nullo vnquam æuo perituras? affiges cruci hu-
 manæ diuinæque naturæ participem Christum Iesum, Filium
 Patris Æterni, vindicem humanæ libertatis? atque assisces ti-
 bi pestem & exitium vltimum in inferorum sedes præceps a-
 gendus in perpetuum? Deus immortalis, auditores, per Christi
 Iesu mortem acerbissimam, per illius crucem sanctissimam, per
 ignominiam & dedecus in cruce nostræ libertatis recuperan-
 dæ causa tam libenter appetitum, nos in illius officio ac fide
 manere velit in posterum. Faxit Iesus clementissimus, ne va-
 quam per scelus & flagitium gratiam Dei Optimi ac Maximi
 effundamus, vt excedentes è vita, humanis opibus spoliati,
 veras & sempiternas diuitias summa cum læti-
 tia consequamur.

De Christo Iesu à mortuis sua diuina virtute suscitato.

Ab exordio, descriptione, simili, dissimili, exemplis, reprehensione, præoccupatione & obsecratione.

INfinitæ lætitiæ, qua genus hominum, hodierna die Christo Iesu à mortuis sua cœlesti virtute suscitato consecratâ, mirandum in modum afficitur, gaudijs omnibus ac lætitijs instaurandæ, cœlum ipsum, & res omnes terræ cœlique ambitu contentæ, Patres veteris Testamenti, discipuli Assertoris nostri, Magdalena & comites illius, ac Virgo præcipue Maria, causam iustam ac necessariam attulit. Tantam enim lætitiâ fabricæ vniuersæ huiusce mundi elegantissimæ, tantam omnis generis mortalium iucunditatem, tantam sanctissimorum Patrum ac Virginis Mariæ voluptatem cœlestem, ac planè diuinam taciti nullo modo præterire possumus: Christo enim Iesu robore suo suæ diuinæ virtutis à mortuis existenti non solum vnius loci, aut celebritatis diem lætum ac iucundum, sed terræ cœlique instauracionem nouis gaudijs & lætitijs omnibus celebrandam, inter nosque recolendam video. Dolebamus ac vehementer omnes antea angebamur, cum videremus aditum hominibus ad cœlorum sedes præclusum, & in mœrore iacebant Patres sanctissimi, vatesque diuini, cum in inferorum sedibus tot annos conclusi tenerentur, discipuli omnes, & Virgo Maria in mœrore ac dolore maximo erant, cum illi viderent Christum Iesum ablatum è viuis & crudelissima morte confectum. Neque temperare lacrymas, neque luctum suum poterant, nisi in hanc lucem humani generis Assertore redeunte. Ergo & mihi, & vobis omnibus huiusce diei celebritatis recolendæ more institutoque Matris Ecclesiæ, & ad lætitiâ & veram animorum voluptatem capiendam materiam Christus Iesus huic vitæ restitutus, redditusque attulisse visus est. Quis est enim, aut erit vnquam, tanto Assertore hominum, aut meritis, aut splendoris, aut immortalis gloriæ magnitudine clarior? Nullius tantum est flumen ingenij, nulla tanta dicendi, aut scribendi vis, tantaque copia, quæ non dicam, minimam huiusce Domini gloriam adornare possit, sed neque adumbiare dicendo. Nam cum a mortuis existeret ipse tantus, tamque præpotens Dominus, videre quidem esset illum cœlesti gloria

circumfufum, & immortalitatis fuæ splendore, claritateque beatæ gloriæ splendentem adeo, adeoque ex omni parte fulgentem, vt Solis (tum cum ifta fulgentiffima lampas die tranquillo ac ferenò, media diei claritatē splendidiſſima micat, & lucet) fuo splendore cœleſti radios obſcuraret: corpus ita diuinæ gloriæ radijs cœleſtibus illuſtratum micabat, vt radiaret caput, niteret corpus, vulnera fulgerent ſanctiſſima, pedes ipſi, manuſque ſplenderent clariſſimè: maximè autem latus diuino ſplendore micabat; & ex ore, & ex oculis cœleſtis ac diuinæ claritas diffundebatur. Hæc diuina claritas & ſplendor immortalis nullis verbis, nulla facultate dicendi explicari poteſt, ſed pars aliqua præſenti ſimilitudine nobis adumbrabitur. Id accidere ſæpiſſime ſolet, vt nubem aliquam ad Occidentis partem ſpectemus obſcuram & caliginofam, & ſuis tenebris horridam ac deformem: Cum autem Sol ad occaſum properat, atque feſtinat, & iamiam vult occidere, ſuum curſum viſitata conuerſione peragens, dictu eſt incredibile, quam nitidam & illuſtrem reddit, & fulgentis auri ſplendore micantem, ſuis iam illam radijs ſplendentibus illatis & inſertis, vt fulgoribus ſuis niditis & clariſſimis, Solis ipſius luce ſplendiſſimâ fulgentis, ſpeciem & ſimilitudinem tam eximio multoque fulgore circumfuſa referat. Chriſtus Ieſus tot ſupplicijs pro humano genere patienter toleratis, atque crucis ignominioſâ morte libenter oppetitâ, adeo deformatus, & vulneribus grauiffimis fœdatus fuit, vt vix hominis formam ac figuram haberet. Corpus virgarum diſſectum, caput ſpinarum aculeis ad cerebrum adaſtis perfoſſum, manus & pedes clavis crudeliſſime tranſfixi: ipſe multis vulneribus conciſus tranſfixis manibus, & ſanguine multo ex cerebro, ex corpore, ex pedibus profluente, pallore multo prope ſine ſpecie, ſine forma, effigie mœſtiſſimâ luëtuoſiſſimâque viſus. Quem qui aſpicerent comites ac diſcipuli, virgo etiam Mater ſanctiſſima vix internoscere poſſe videretur præ commutatâ figurâ, & pene proſus amiſſâ veteri formâ. Hunc igitur tantis ignominijs appetitum, tantis ſuppliciorum generibus excarnificatum, adeo fœdatum, ac deformatum multitudine diſſectæque tormentorum, claritate nouæ lucis illuſtrem, nouis gloriæ immortalis inſignibus, & ſplendoris diuini luce cœleſti micantem, gloriolum & immortalem à mortuis exiſtentem aſpicimus, & gaudijs omnibus ac lætitijs geſtientem videmus. Quæ clarior

dies

dies ac fœlicior? quæ gaudendi lætandique maiorum occasione, & causam magis iustam, magis necessariam fœlicissima fortunatissimaque luce generi mortalium afferer? O diem faustum ac fœlicem, O iucundum ac fortunatum! O vere diem Domini nuncupatum! Simul atque anima Christi Iesu sanctissima in corpus, quod reliquerat in sepulturâ tantopere deformatum ingressa fuit, & intulit sese divina virtute, nouâ lucis claritate, sui splendoris diuini radijs clarum adeo reddidit & illustre, vt tenebras in lucem, caliginem omnem in claritatem, deformitatem in cœlestem pulchritudinem conuerterit, & ex corpore supplicijs omnibus & cruciatibus fœdato deformatoquetantopere, pulcherrimum & splendidissimum reddiderit. Hac immortalis gloriæ magnitudinæ clarus & illustris redijt in hanc lucem Assertor generis humani gloriosus & immortalis, effigies & imago Beatorum gloriæ cœlestis. Vulnera plagæque corporis non deformes ac horridæ videbantur, sed illustres & claræ micabant: foramina pedum ac manuum sanctissimarum non sanguine stillabant, sed splendore cœlesti nitebant: caput sanctissimum non spuiis core natum, sed principis cœlitum diademate fulgenti decoratum cernebantur: Latrus non deformitatem neque horrorem præferibat, sed diuinæ claritatis splendorem: Corpus diuinis insignibus & luminibus Solis fulgore clarioribus diffundebat radios vbique clarissimos & splendidissimos in fronte, in oculis, in ore, in corpore, in pedibus ac manibus latissime longissimeque cœlestis ac diuina Regis cœlorum claritas emicabat. Nihil Christo Iesu clarius, nihil illustrius fingi aut excogitari potest. Hic est ille Beatus Patriarcha Ioseph solutus iam carcere, cultu & ornatu immortalis collucens, potentissimo totius Ægypti dominatu florens admodum. Hic est ille sanctissimus Moyles, qui ex maris vndis ac fluctibus erutus, cutrum Pharaonis obruit atque deprellit in imas vsque profundis voragines demergens. Hic est ille Mardocheus insignis, spoliatus iam sacco cilicioque horribili, & Regijs insignibus, & stemmatibus illustratus, qui hoste deuicto superatoque magnificentissimè populum vniuersum, & sui generis homines è morte crudelissima liberavit. Hic est ille Daniel sanctitate clarus, qui è leonum ferocissimorum ore ac faucibus ereptus, nullo accepto detrimento, è lacu, in quem fuerat inclusus, saluus & incolumis euasit. Hic est Samson ille fortissimus, qui suorum inimicorum multitudine circumuentus, & obsidione oppressus ve-

bemen-

hementissimè, media nocte surrexit, & portis omnibus, ac repagulis perfractis conatus hostiles & furentes animos fregit ac debilitavit. Hic denique est Ionas ille, qui in ventrem immanissimæ belluæ vastissimum iniecti se passus est, ut maris turbulentissima tempestate concitati socios & comites liberaret, & triduo postquam in illius lateribus ac penetralibus vastissimis delituit, & continuit sese; datus est foras, & in vrbis Niniue litus eiectus. Quæ gloria illustrior præsentis diei celebritate, & ad Christianorem honorem, & ad Christi lesu decus immortalè? testes fuerunt discipuli, qui tantæ gloriæ semel, iterum, ac sæpe participes fuerunt. Testis est Magdalena, quæ Domini gloriam socijs ac comitibus alacris & læta nunciavit. Testis Virgo sanctissima, cui primum omnium Christus Iesus à mortuis existens & immortalitatis splendore circumfusus se visendum spectandumque præbuit. Testis denique est pignus gloriæ cœlestis, quam Christi Domini illustris & gloriosæ resurrectionis generi mortalium ad bene de cætra bonitatè sperandum; ad cœlestem illam, & nullo xuo perituram Beatorum gloriam consequendam huiusce diei lætissimâ fortunatissimâque anniuersariâ celebritate præfert. Et quidem miseros & infœlices appellamus, Christi lesu gloria prorsus indignos, & à Beatorum societate cœtuque procul amandandos homines minimè participes Christi lesu cruciatuum suppliciorumque acerbissimorum, qui nihil amant nisi lætos ac iucundos dies, nihil nisi ludos & spectacula, nihil nisi gaudia & voluptates huiusce sæculi: nesciunt autem cruciatus, nesciunt dolores, nesciunt acerbitates, & cum accedunt in prouidentiam Domini inuehuntur, ferunt iniquissimis animis, se miseros, & ærumnosos dicunt, afflictos & calamitosos, quibus nihil mitius, nihil calamitosius esse videatur. His certum & exploratum sit Christum Iesum minimè cum hominibus istius generis, suæ resurrectionis gloriam, sui ipsius à mortuis excitati gloriosi & immortalis gaudia, & voluptates veras ac solidas communicaturum esse, qui participes cruciatuum suorum, & acerbissimorum suppliciorum esse noluerunt: Calicem ergo, calicem inquam acerbitarum hauriamus, & ad mortem vsque cruciatus omnes fortiter patienterque to'ceremus, nec ex ore nostro vquam illa verba exeat satis pœnarum, satis cruciatuum nos perpassisse: licet semel & iterum, aut sæpius in vitâ rebus aduersis confictaremur; licet quotidie torqueremur, & lauciaremur vulneribus grauissimis & omnibus acerbis

rimis telis aduersæ fortunæ vulneratemur. In mortis usque tempus, ad extremum usque spiritum Christi Iesu imitatores præstantes & magni, iniurias, probra, carceres, vincula mortis, grauissima quæque supplicia debemus appetere, si Christo à mortuis existente glorioso ac triumphante perfrui voluerimus. Vt enim omittam ortum Christi Iesu, ut lacrymas, ut octauo die sanguinem profusum, ut per omne vitæ suæ tempus generis humani causa toleratas malorum acerbitates, an iniurijs, an contumelijs, an probris innumerabilibus, an virgis, an spinis contentus fuit? crucem, crucem ipsam in montis usque Caluariæ verticem, ac summa iuga perduxit, & in crucem sublatus extremum spiritum exhalauit. At dicis hanc perfectionem summam esse, absolutamque sanctitatem, propriam Religiosorum hominum, propriam Antonij, Hilarij, & reliquorum summam sanctimoniam prædicatorum Christi Iesu cultorum, & imitatorum maximorum, qui remiserunt nuncium rebus huiusce sæculi, remiserunt nuncium voluptatibus, & honoribus cunctis, diuitijs, & facultatibus maximis, patrimonio à maioribus accipiendo; ut consilia Christi Iesu sanctissima sequerentur. Hoccine est hominum dictum? hæccine verba Christianæ Religionis cultorum? hæccine hominum, de Christianâ fide, de nostrâ Religione cogitantium? Quasi vero labores, & pericula, casus & ærumnas, aduersos fortunæ resistentes euentus non homines huiusce sæculi sæpe in domibus suis, atque adeo in filijs, in vxoribus, in fortunis & in suis corporibus non excipiant, cum iacturam rei familiaris accipiant sæpe ac sapius, cum classis deprimatur onusta mercibus, & auro argentoque onerata, cum filij maximi natu aut occumbant in iuuentutis flore, vel hostili gladio necentur cum postremo parentes de gradu deiciantur honoris amplissimi, cum spolientur famâ, honore, dignitatibusque maximis. Non sit opus hoc tempore robore ac magnitudine animi? non patientiæ scuto, fideique galeâ fortissimâ? Hunc diem foelicissimum, hanc inquam resurgentis Christi Iesu faustam, lætamque celebritatem mentis precor oculis complectamur, ad cuius veras & solidas voluptates percipiendas à Christi Iesu laboribus maximis, & cruciatibus acerbissimis, & morte suâ sanctissimâ peruenire debemus. Hunc diem lætis & gesticientibus animis, celebremus, quo terra vestitu vario multiplicique florum gestire visa est. aeris circumfusa regio carduelium, lusciniarum, & omnis generis auicularum cantibus suauissimis gestic, & mare

paca tie

pacatis & sedatis fluctibus, noua tranquillitate & aura secundissima, cursum facilem ac secundum nauigantibus ostendit. Cœlum omne gestit serena & illustri facie, ac Sol præcipue clarius, quam vnquam antea, insolita splendoris claritate fulgens. Omnia gestiunt elementa, quæ profecto, quemadmodum sui Creatoris mortem acerbissimam luxerunt, nunc eiusdem redeuntis in hanc lucem virtutem diuinam recognoscunt, atque profitentur. Comitemur socios Christi Iesu, B. Magdalenam, Virginem integerrimam, reditum tantæ Domini fœlicitissimum, fortunatissimumque solidis gaudijs & cœlestibus lætitijs prosequentem. Sic equidem sperare poterimus, post huiusce vitæ discessum voluptatem nos & lætitiâ Beatorum cœlestem & immortalem consequuturos esse.

*De Christo Iesu in cœlorum sedes
ascendente.*

ab exordio, descriptione, simili, dissimili, exemplis, obsecratione, & commodis, quæ attulit idem Dominus ascendens in cœlum.

Dies hic sacer atque solennis, quo Christus Iesus spolijs & manubijs, quas sibi belli victor effecerat, ornatus, gloriosus & immortalis, & magnificentissime gloriosissimeque triumphans in cœli sedes altissimas, suo robore ac virtute cœlesti conscendit, nouum & exquisitum orationis genus, notum ornatum & insignia facultatis oratoris, suo merito quidem optimo deposcebat: nam cum eloquentia, quanta semper veteri Romanorum, & nostrorum hominum ætate fuit habita, rebus clarissimorum Principum & Ducum fortissimorum præclare gestis, debita laude commendandis inseruierit; certe quantum in Christianis oratoribus eloquentiæ fuerit, totum id in CHRISTI IESU triumphum gloriosum & immortalem animorum propensa voluntate, si non pro meritis & dignitate, saltem pro humanarum virium imbecillitate celebrandum prædicandumque, conferri debet. CHRISTO enim IESU in cœlestem urbem ascendente, & à beatis mentibus tanto plausu & acclamatione, magnificentissimaque triumphi gloria decorato, non solum impe-

ratoris tanti merita præcellentissima cohonestantur, sed humanæ naturæ humilitas ad celsissimam dignitatis amplitudinem euecta supra diuinarum mentium sedes amplissimas collocata, cœlestis gloriæ possessionem Christi Iesu ad Patris Æterni dexteram confidente capit. Quod si cœlestes spiritus, in ferenda gratia Assertori Iesu, propter sedes improborum Angelorum ruina vacuas ab hodierna die gloriose nimis inflauandas, tam alacres videntur, & gestientes, certe nostram non minus animorum voluntatem, in aliqua tantorum in nos meritum parte persoluenda, æquum est diligenter & studiose laborare. Quamobrem dum ascendentis Christi Iesu gloriam ante oculos vestros statuo, meam beneuolis & attentis aurbus orationem excipite. Atque vt ab hac parte proposita initium dicendi faciam, cum quadraginta iam dies à Resurrectionis sacris & solennibus ferijs præterijssent, iatuemini, Auditores, Christum Iesum suo robore ac virtute cœlesti paulatim à terra efferentem sese, & altius atque altius ascendentem, donec è conspectu Virginis, & reliquorum comitum ac sociorum ablatus, immortalis gloriæ splendore circumfusus in diuinas sedes & domicilia cœlestis aulæ intulit sese: suspicere Virgo Maria, & omnes discipuli sublati & intentis oculis in Dominum ac præceptorem suum, lacrymæ oboriri præ magnitudine tanti spectaculi, præ dulcedine gloriæ præsentis, atque adeo præ amore summo in Dominum discendentem & abeuntem à sedibus his terrarum infimis, & à societate sua; sanctorum Patrum, diuinorum vatum, Regum clarissimorum, & reliquæ sanctissimorum Heroum cohortes grauissimæ, qui ex inferorum carcere, potenti virtute Christi Iesu fuerant educti, legiones diuinorum spirituum innumerabiles, nubem, in qua tanquam in curru deaurato ac triumphali procedebat, circumfistere, & comitari triumphantem Christum Iesum magnificentissime; obuiam alij occurrere, infinita multitudo effundere sese, & cohonestare pompam triumphi gloriosissimi, progrediens ordine mirifico, & illustri splendore, pompa splendenti, & vias omnes, plateasque auro nitenti stratas, & loca celebriora cœlestis aulæ lustrare incipit cantibus mirifice concinentibus, & omni suauitate diuinarum vocum. Visebantur arcus triumphales, & artes admirandæ, nunquam visa monumenta, litteris consecrata diuinis, & titulis ornata splendentibus trophæorum, quæ Christus Iesus ex hostibus deterrimis

inuieta

inuiſta virtute deporrauerat, donec ad ſanctiſſimæ Triados tabernaculum peruentum eſt, & tanti numinis maietas filium excepit. Filius Eterno Patri manubias & opima ſpolia, quæ nefarijs & ferociſſimis hoſtibus detraxerat, & ſuo cœleſti robore pepererat, obtulit, deuouitque gratiſſimus. Pater ipſe Filium ad dexteram ſuam collocauit, cœleſtis maietate viſendum, quoſque ſecum Heroas inclitos detulit, pro meritis & dignitate cuiusque præſtantiſſima meritis & honoribus ſempiternæ gloriæ decorauit. Incipiunt recipere ſeſe diuini ſpiritus in ſuas ſedes, ſinguli ſuas adire ſtationes, & ad ſpectacula ſeſe comparare, & ad ludos apparatiſſimos magnificentiſſimoſque. Cogitate fieri ſtatim ludos, præberi ſpectacula, cætatim contendere beatos ciues, nouis artibus, nouis inuentis, omnis generis ornatu, apparatuque viſendo tantum ſplendorem magnificentiâque triumphî mirandam concelebrare & à minoribus diuinarum mentium ordinibus fieri ſpectaculorum initium, his & alijs ſuperiorum ordinem cœtus clariores ſuccedere, obire ſuum munus primi ordinis & proximè conſequentium ordinatim. Videretis, hic ardoris & pietatis nomini- bus claros ſpiritus, ſuis locis & temporibus magis viſendos ſpectandosque celebritatem ornare principatum & poteſtatem obtinentes ampliſſimam. Itaque nemo erat, qui non ageret partes ſuas inſigniter, & ſeſe cum ſuis inſignibus & ornatu ſpecioſiſſimo, tum modis mirificis, & artibus inauditis non iactaret & oſtenderet mirabiliter. Quid hic commemorem demiffionis inſignia, patientiæ laudes, ſigna manſuetudinis, ſimulachra virtutum reliquarum? Quid proferam titulos? quid Emblemata? quid ſpecie viſenda trophæa, monumentaque triumphî ſuis præcipuis laudibus & honoribus decorata cœleſtibus? An vero clauorum & virgarum inſignia ornamenta, ſpinæ coronæ, ſcalæ, mallei, trophæa ſanctiſſimæ Crucis, cunctorum cruciatuum laudibus tributos honores, characteres incifos grandiores & illuminatos diſtinctosque multipliciter & eximie, quiſquam commemorare poſſit? Atque hæc omnia ſuaui- tate cœleſtis harmoniæ, cantibus mirifice tota aula Beatorum perſonantibus, & in ore, & in oculis ſanctiſſimæ Triados auguſtiſſima ſeliſſimaque præſentia ludos & ſpectacula cohonestantis celebrantur. Fœlices labores, fœlices virgæ, fœlices ſpinæ, fœlices cruciatus, fœlix denique mors, quæ tantum honorem & gloriâ conſequuta fuiſti. Fuiſti comprehenſus Chriſte Ieſu à erudeſſimis carnificibus, modo exceptus in aula cœleſti à

diuinis beatisque spiritibus: appetitus fuisti omnibus iniurijs
 & contumelijs; modo laudibus & honoribus eximijs affectus:
 spoliatus vestibus, & virgis crudelissime casus; modo immor-
 talitatis splendore coluces, & collucebis illustratus in per-
 petuum: deformabant corpus tuum ictus & vulnera facta cru-
 delissime; modo non solum eadem illud cohonestant, sed solis
 radijs clariora micant, & illustriora: manabas torus flumine
 sanguinis largè copioseque ad terram vsque; modo à vertice
 ad pedes vsque non splendes solum clarissimè, sed splendoris
 tui radijs totam cœlestem aulam illustras: caput tuum sanctis-
 simum spinea corona fuit transfixum; modo diademate sma-
 ragdis illuminato fulgentibus splendet atque collucet. Tene-
 farij homines probris & contumelijs omnibus afficiebant;
 modo Beati ciues honorem tuum & gloriam omnibus diuinis
 cantibus prosequuntur. Transfixus clavis mortem obiisti ig-
 nominiolam sublatus in crucem; modo tot in signibus immor-
 talitatis ornatus, sedes ad Patris Æterni dexteram cœlestis Re-
 gni maximus florentissimusque Dominus. In cruce penden-
 tem te deridebant, & sibilis insectabantur homines nefarij; mo-
 do in tuis oculis, in tuo ore, vultuque acquiescunt incolæ & ha-
 bitatores cœlestis aulae, & te suum decus, suam gloriam, suum
 cibum, & escam cœlestem ducunt. Te præpotentem Domi-
 num, te patronum suum, fontem bonorum omnium, causam
 vitæ, salutisque suæ victorem nostrorum hostium, instaurationem
 Regni cœlorum, Deum suum omni religione colendum
 prædicant atque testantur. Quod hostiles copiae superatæ sunt,
 quod inimicorum vires fractæ, quod furor dæmonis compres-
 sus, quod tyrannis peccati subiugata, quod imperium mortis
 deletum, quod Ecclesiam habemus tot honorum insignibus
 ornata, tot præfidijs salutis æternæ redundantem, tot orna-
 mentis gloriæ sempiternæ florentem, tot Confessorum, tot
 Virginum, tot Martyrum inuictissimorum, tot omnis generis
 & ordinis cœlitum Heroibus illustrissimis fulgentem, quod
 denique nouimus & habemus patefactas cœli sedes, & Beato-
 rum gloriæ domicilia celsissima, tot comparata præmia, tot
 honores & dignitates, tot gradus & sedes amplissimas alum-
 norum egregie fidelium Christianæ Religionis virtutibus præ-
 finitas, quæ laus est immortalis, tuarum rerum præclare gesta-
 rum gloria, tua trophæa, tua postremo cœlestia, diuinæque
 monumenta. Cœli palatia tuis diuinis laudibus Christe Iesu
 perso-

personent, & omnibus cœlestis gloriæ honoribus, tuam maiestatem diuini spiritus prosequantur. Sis in æterna gloria, qui tot bonorum & ornamentorum omnium multitudine cultores tui numinis egregios infinita tua virtute cumulasti. Ascendisti bone Iesu, ut nos ad cœlorum gloriam excitares, ut nostræ cogitationes & spes in te vno Patreque tuo Æterno collocarentur, ut natura generis humani eueheretur in sublimem dignitatis gradum, ut abijciamus res humanas & cito periteras, & illas appetamus Beatorum opes, illas dignitates & sedes altissimas, quæ gaudijs æternis & honoribus redundante: ut te denique Duce habeamus, & Principem nostrarum rerum, te patronum & deprecatores apud Patrem Æternum, quem precaberis ad tanti Domini dexteram confidens, vulnera tui corporis, manus & pedes clavis transfixos, latus hastæ diritate trajectum ostendens. Descendisti in hanc infimam terram, ut tuæ doctrinæ luce mentes nostras illustrares. Versatus fuisti nobiscum, ut nos tuæ sanctitatis exemplo ac diuinis verbis ad omne pietatis & veritatis studium excitares. Obijisti mortem in cruce, ut nos ex ore Dæmonis ac faucibus eriperes. Corpus fuit sepulturæ mandatum, ut à nobis pestem mortis terribilissimam depelleres. Descendisti in inferorum sedes obscuras, ut diiperes & spoliare Regnum & patriam miserorum. Excitatus fuisti à mortuis tua diuina virtute ad futuræ vitæ spem in nostris animis excitandam. Denique ascendisti gloriosus & immortalis ad cœleste Regnum, hodierna die triumphum agens gloriosissimum, ut viam cœli nostrorum defectione parentum oclusam patefaceres, O iterum atque iterum imperio Beatorum sempiterno potire! frui gloria cœlesti Regis æterni in omnem sæculorum æternitatem. Sit ascensus tuus in cœlorum sedes ad decus æternum, ad requiem immortalem, & ad fructus laborum virtutis, cruciatuum, mortis tuæ sanctissimæ percipiendos in omnem æuum sempiternum, & ad illos communicandos cum omni proborum genere mortalium in posterum, qui tuorum meritorum, qui virtutis, qui cruciatuum, & gloriæ immortalis participes erunt in perpetuum. Ascende tuo robore ac virtute diuina, ascende cœlestis arca Domini, nullis fluctibus, neque tempestatibus submersa. Ingressus fuit Aba. u. in urbem Babylonem spiritu quodam diuino duce: Elias in mediam, & à terra tanto interuallo distantem aeris regionem igneo curru sublatu: Aues efferuntur in sublime suarum præsidio pentarum:

nubes in eandem regionem excitatis terræ vaporibus sua le-
uitate supera petentes efferuntur : Christus Iesus sua virtute
cœlesti, nullius rei ope, nullo auxilio. Veteres Romani suos
Imperatores deuictis hostibus & nationibus ad suum impe-
rium & ditionem adiunctis patentibus portis, & locis cele-
brioribus ciuitatis peragratis, triumphum agentes quadrigis
vectos tanto pompa tantoque apparatu vijs omnibus herbis ac
floribus stratis, parietibus peristromatis & aulæis pretiosis-
simis conuestitis, erectis aris, & odorum suauitate fragrantibus, ar-
cubus varia, multiplicique artis factis plurimis vbique statutis
monumentis trophæisque virtutis Imperatoris, laudibus & ti-
tulis passim rerum gestarum incis, & tibiarum modulatè so-
nantium vicissimque vocum modulatione iucundissima, præ-
latis spolijs, & prædijs ex hoste delectis, tot imaginibus, tot si-
mulachris vrbium, populorum & prouinciarum, effigie multi-
plici Ducum & Regum bello subiugatorum, atque hostibus
vinctis, & ante currum tractis, tot militibus, tot Centurio-
nibus, tot Ducibus, socijs & comitibus præliorum pompam
triumphi comitantibus in Capitolium vsque deducebant. Se-
natus Populusque Romanus, Magistratus omnes, & Consules
suis insignibus ornati in illam Capitolij vsque partem trium-
phantem Imperatorem cohonestabant. Sed videte nunc pom-
pam huiusce diei, tantum splendorem, tantam gloriam, Christi
Iesu, ingredientis cœleste regnum. Quid splendoris habet illa
pompa Romanorum, cum triumpho cœlestis gloria? Quid
vros Romana cum cœlesti Regno? quid ciues? quid Senatus?
quid equites, cum cœtu diuinorum spirituum, cum tot or-
dinibus cœlestis aulæ gloriosis, cum cœtibus principatu
potestateque præcellenti fulgentibus? Quid dignitas Con-
sulum, quid Magistratum cum Magnatibus Beatorum aulæ,
Principibusque clarissimis? quid præda, quid spolia plaustris
comportata plenissimis, cum Patribus antiquissimis, cum po-
tentissimis Regibus, cum varibus diuinis? Quid illa Sena-
tus auctoritas cum augustissima celsissimaque sanctissimæ
Triados maiestate? Quid apparatus omnis & ornatus, cum
spectaculis, cum ludis diuinarum Mentium apparatissimis?
Quid Imperatores Romani cum Imperatøre inuictissimo
Christo Iesu? Quid vestes Romanorum albentes, cum splen-
dore gloriæ immortalis, qua Christus Iesus circumfusus totum
cœleste Regnum illustrabat? quid Imperator Romanus præter
urbem, præter prouinciam, præter Ducem aut Regem bello
deuictum

deuictum præferebat? Christus autem Iesus dæmonem ipsum, tyrannidem peccati, carnem indomitam & effrænatam beluam, mortem & vitiorum omnium agmina suis prælijs maximis secundissimisque superauerat. O gloriosum Christi Iesu in cælorum sedes, ascensum! O gloriam triumphi commemorandam! O decus immortalis gloria prædicandum! Quis ascendentis Domini gloriam, vnde tot in genus hominum commoda redundarunt non omni laude & honore prosequatur? Quod nos ascensus tanti Domini vocat, quod excitat & inflammatur, quod postremo nostræ felicitatis, nostræ dignitatis caput & auctor Christus Iesus ascendit, nos omni studio, præclaris virtutibus, moribus integerrimis ascendere studeamus. Per beneficia tanti Domini in genus humanum collata, per gloriam hodiernæ felicitatis cœlestem, per possessionem à Christo Iesu Regni cælorum captam, in ascendentem Christum Iesum, in impetium & potestatem ab æterno Patre traditam animos & mentes intendamus; in cœlestis Regni sedem, in diuina domicilia omni festinatione properemus. Huic Christo Iesu, Principi bonorum omnium, auctori nostræ salutis, recuperatori libertatis dignitatisque nostræ maximo grati modis omnibus esse nunquam desinamus. Ad Patris Æterni dexteram confidet summus viuorum mortuorumque Iudex constitutus, insignis generis humani patronus precatorque maximus, ille suos clauos, ille latus apertum, ille postremo plagas pro genere mortalium æterno Patri libens ostendit, atque proferit. Spem in illo habeamus certam, & exploratam, si fuerimus, qui debemus esse diuinæ virtutis cultores, & imitatores maximi, nos meritis Christi Iesu sempiternam esse Beatorum gloriam adepturos.

De Aduentu Spiritus Diuini.

Ex eisdem locis exercitatio penita.

TAndem ad Pentecostes, quemadmodum alij appellant diem solennem, vt alij ad spiritus diuini aduentum decorandum oratione nostrâ, Mater Ecclesia, viroque nomine cohonestati accessimus. Rem vobis proponam & mysterium cœleste, vos illud vtriusque nominis pondere penditote. Beneficium ipsum prius spiritus diuini venientis cognoscite Auditores: deinde procul dubiò satis clarè cognos-

cetis, vtrôque nomine nuncupandum diem hunc sacrum solennemque. Nego in Christianâ Religione tam locupletē, tam veteri, tot populis, tot vrbibus, tot prouincijs, tot Regnis florente vllum factum virtutis pulcherrimum, vllum Religionis opuse egregium, vllam hominis ad nostram fidem traductio-
 nem fuisse: nego vllam gemmam honestatis, aut margaritam caritatis fuisse: aut quidquam ab Apostolis sanctissimis, & reliquis egregiē fidelibus diuinæ Fidei præconibus ex ore verbum exiisse sanctissimum ad animarum commodum & vtilitatem factum, ex tot miraculis & stupendis diuinæ virtutis spectaculis, signum editum fuisse, nisi diuini Spiritus virtute cœlesti. Nego etiam aduentum Christi Iesû in terrarum sola, natalitia eiusdem tanti Domini, cursum omnem vitæ suæ clarissimum integerrimumque, labores, vigilias, conciones, cruciatus omnes, virgas & spineam coronam, mortem & crucem suam sanctissimam, atque à mortuis excitati gloriam, & in cœlorum aulam ascendentis immortale decus, omnia postremò merita sua maxima quidem & immortalia & infiniti pretij & virtutis infinitæ tantam in terris habitura vim esse, nisi de cœlo diuinitus Apostolorum cœtui, reliquoque generi mortalium bonorum impetrato Spiritu diuino. Quemadmodum enim si quis pharmacum aliquod, aut medicamentum tantæ æstimationis ac roboris habuisset, vt illius viribus & præstantiâ nullum morbi genus, nullæ ægrotationes, nulla pericula valetudinis humanæ non propulsarentur, illud equidem, nisi ad corporis humani partes ægrotantes adhiberetur, nihil virium, nihil efficacitatis haberet: Ita sanè quid profuissent homini tot Christi Iesû merita, virtutesque præclarissimæ, tot vitæ actiones sanctissimæ, tot cruciatus & suppliciorum acerbitates, si spiritus diuini virtute non conaremur ad depellendos animi morbos, & ad gratiam recuperandam, & ad munera cœlorum, ac dona sempiterna consequenda?
 An quisquam cum in Indiam locupletem, & argento, auro, gemmisque refertissimam peruenit, vllos ex opulentissimis patribus fructus feret, nisi particeps esse studeat opum & diuitiarum Indæ maximarum? Quam afferet homini in cubiculo delitescenti, foribus & ianuis omnibus occlusis, atque aded quibuscunque foraminibus, per quæ lux Solis in cubiculum sese inferret, vtilitatem Sol roto orbe longè lateque diffusus, nisi per aliquem in lecto tibi iacenti vel in cubiculo latenti
fores

fores vel fenestraz ad aspicendam lucem diei clarissimam aperirentur? Videamus vim & efficacitatem Spiritus aduenientis in terrarum sola, ut illius amore flagremus, illum ab æterno Patre, filio precante flagitemus. Quam enim Assertor humani generis victor bellorum ascendens ab æterno Patre mittendi Spiritus diuini in hæc terrarum sola, ad animos mentesque discipulorum, cœlestium donorum largitate complendas, fidem egregiam & illustrem dederat, hodiernâ die, quod fœlix faustumque sit generi Christianorum, ut cumulatius nihil fieri possit magnificentissimè cumulatissimeque præstitit. Nam cum iam decem dies ab ascensu Christi in cœlestem ciuitatem gloriose præterissent, expectantibus socijs comitibusque & flagitantibus summis & assidujs precibus, promissus cœlestis iste Spiritus, in eorum animos intulit sese magno strepitu, & quasi fragore ruentis cœli delapsus. Non quò crepitu maximo discipuli perturbarentur, & suis artubus atque membris contremiscerent, sed quo suauitate mirificâ afficerentur, & diuinâ cœlestique voluptate perfunderentur omnes, quo vix apud se viderentur esse præ eximiâ gaudij lætitiæque magnitudine. Delapsus autem fuit Spiritus iste cœlestis in status vehementissimi speciem & similitudinem coruscantis ignis; quo sic omnes ferri visi fuerunt magnitudine diuini Spiritus, & illius igne flammato flagrare, ut illius vim immensam, infinitamque, ardorem inflammatum & flagrantem, qui præsentès erapt, qui ex diuersis terrarum partibus conuenerant, intentis oculis in discipulos & animis stupentibus admirarentur; multi, quique rebus Apostolorum & Religioni Christi Iesu fuerant infesti, vino obrutos putarent, ac dicerent temulentos Apostolos: ipsi tamen Apostoli ab illo puncto temporis, diuersis in locis celebrioribus in plateis amplis ac patentibus, in templo Salomonis amplissimo magno semper conuentu hominum atque frequentia concionari, habere sermones ad multitudinem, quæ innumerabilis ad audiendum nouitate rei stupefactâ confluebat, enuntiare mysteria nostræ Religionis, prædicare Christum Iesum Assertorem generis hominum, à Iudæis sublatum in Crucem, excitatum à mortuis eximiâ suâ virtute, & in cœlorum sedes suo quoque robore diuino iam ante dies decem elatum, adhibere testes fide egregia singulique præditos ex Solymorum, qui spectaculo tanto interfuerunt, gente clarissima, hortari ad virtutem, ad novos mores ad cœlorum gloriam, ad colendam, suscipiendamque tanti

Domini

Domini maiestatem. Atque idem munus obire videbantur, cum magnâ vi contentioneque verborum, tum ore vultuque diuinæ claritatis luce nimis inflammati, vt ex ore, ex oculis cœlestes flammæ spirare viderentur: tam etiam animis flagrantibus id præstabant, vt in illis cœleste robur, & præsentia diuini spiritus emicare cerneretur. Quid quod illorum, qui præsententes erant, (conuenerant autem ex diuersis gentibus atque nationibus innumerabiles) patrio sermone concionantes Christi discipulos nemo non audire videbatur, & profitebantur omnes, planeque recognoscebant. Admirari etiam plurimi non desistebant, & illi sapientiæ celebritate clari, qui probè nouerant neque litteris imbutos, neque vllâ discipulos doctrinâ præditos fuisse, & ignaros diuersarum præsertim linguarum, tot res admiratione plenissimas, tam cœlestes ac diuinas, tam procul ab hominum cognitione disiunctas enunciaré, & tam dissimilibus, longeque differentibus diuersarum gentium ac nationum sermonibus. Discipuli persequi conciones suas, & innumerabilem multitudinem ad Christi Iesu Religionem traducere, suarum vi facultateque cœlesti concionum omni contentione properabant. Quis hoc existimaret? quis in animum suum induceret, homines rudes & indoctos, ignaros & expertes litterarum, nullâ vnquam scientiâ, nec minimâ cognitione præditos prodituros in publicum, piscatores inopes, & victum piscatu antea comparantes, in conspectu tantarum gentium ac nationum verba facturos esse? Qui neque verbum vllum à præceptoribus acceperant, qui neque in studijs sacrarum litterarum versati fuerant, qui vulgo contempti erant, & nullius apud Principes, apud Pontifices æstimationis, in litteratorum & sapientissimorum legis antiquæ Doctorum oculis & ore concionaturos esse & interpretaturos diuinæ scripturæ res absconditas & abstrusas, & contra istorum Principum opinionem, contra auctoritatem venturos, & de Christi Iesu aduentu, de morte suâ, de resurrectione, denique de Ascensu in cœlorum sedes multa palam enuntiaturus? Atque quod Doctores veteris legis ægrè ferebant, quod audire non poterant de Messia Christo Iesu misso ab immortali Deo, de legis Mosaicæ tandem occasu, & interitu vltimo, iam succedente multo clariore & illustriore Messia, id est, Christi Iesu sanctissimâ, verissimaque Religione, & ad salutem animorum, ad cœli gloriam & consequendam planissimè necessaria, Apostolos dicturos quis putaret?

putaret? Atque ad hæc confirmanda, ad Principum infringendam auctoritatem, ad conuincendas opiniones illos tot rationes, tot argumenta afferre, exponere sacros libros & monumenta diuinorum varum, quis non admiraretur? Quis denique apud se statuere posset, id quod postea vidit, tantam multitudinem omnis generis hominum, neque ex Iudæis solum, sed ex omnibus gentibus, ac nationibus, qui ad Iudææ principem ciuitatem confluxerant, traducendam ad sacram Christi IESV Religionem, Moysis iam legis, & idolorum superstitionibus, & erroribus nefarijs nuncio remisso? O vim spiritus diuini præclaram! O virtutem singularem atque diuinam! Qui latebant in obscuro tenebrarum loco, prodeunt iam in publicum: qui nullas vnquam litteras, neque minimam notitiam acceperant, sacrarum litterarum monumenta interpretantur: qui piscatu vivebant & arte capiendorum piscium alebantur, capiunt iam hominum animos, & ad veritatis cognitionem adducunt; qui nunquam à Iudææ finibus excesserant, omnium gentium ac nationum linguis loquuntur: qui in infimâ plebe numerabantur, in magno iam pretio & æstimatione habentur: qui probris & iniurijs afficiebantur, maximâ gloriâ & honore decorantur: qui deserti & derelicti ab omnibus fuerant, illorum modò audiuntur, & summâ cum admiratione conciones excipiuntur, & ad eorum pedes innumerabilis multitudo spectantibus & frementibus veteris legis Principibus & maxime Pontificibus, se abicit atque prosternunt. Quid hoc discipuli? Quid istud obsecro verborum socij ac comites Christi Iesu? Vosne illi, qui comprehenso Christo Iesu profugistis statim, & dispersi ac dissipati tenebras & caliginem quæsiuistis? vosne illi, qui abiecti debilitatique meru deseruistis præceptorem vestrum? neque in publico versari ausi fuistis in posterum? tunc ille Petre, qui semel iterum ac tertio, vno verbo ancillulæ victus & cum iureiurando negauisti præceptorem Iesum? tunc Thoma, qui certior factus de Christo excitato iam à mortuis, cum discipuli nunciarent; cum confirmarent constantissime, cum suis se oculis vidisse testarentur, nunquam fidem adhibuisti, neque crediturum id te esse constanter asseuerasti, nisi tuis eundem oculis aspexisses, nisi in pedes, in manus, atque adeò in latus lanceæ diritate traiectum manum & digitos tuos intulisses? unde quæso tantum roboris? unde tanta animi magnitudo? vosne Iudæorum Pontificibus, vosne Principibus veteris legis

ad cō

ad eò vehementer oblitescere aufi fueritis ? vosne cum illis argumentari, vos contendere velle atque disceptare peristi. ^{et} Vos denique illis presentibus suæ legis mysteria velle exponere, & tanquam ignaros & imperitos mysteriorum vestris concionibus instituere velle Doctores hos in scriptura versatos, magistros synagogæ, præceptores suæ legis viti fueritis. Magna vis est diuini Spiritus, magnum robur & planè celeste. Lux de cœlo delapsa mentes discipulorum illustrauit Auditores, & tam fortes, tamque constantes in mediam Principum & Phariseorum phalangem & turmam coniecit. Non videtis discipulos claritatis diuinæ splendore collucere ? non in capitis emineret linguas ignis coruscantis ardore flagrantibus ? non illorum ora, vultusque ardere cœlesti claritate fulgentes ? non in animis vim inesse diuini Spiritus robore ac virtute confirmatam ? Qui obicere tantæ sapientiæ magnitudini, tanti luminis fulgori, tot radijs diuinæ doctrinæ, viribus Dei immortalis inuictis & cœlestibus armis audeant sese ? Non afferamus ad Spiritus diuini vim & robur ostendendum, admirationem multitudinis : Si leamus stuporem omnis generis diuersarum gentium ac nationum : Non ponamus in oratione fractos ac debilitatos Principum ac Phariseorum spiritus insolentes : Recordamini vnam duntaxat B. Petri concionem, in qua sic tonare ac fulgurare visus fuit, sic infinitam hominum multitudinem commouere, tonitruis ac fulminibus verborum suorum, vt amplius triginta mortalium millia ad Fidei Christianæ veritatem cognoscendam colendamque Princeps iste Ecclesiæ clarissimus traduxerit. Recordamini conciliabula Principum, & Phariseorum, fremitus eorum & furorem rædis ardentibus inflammatum, qui profectò cum conciones Apostolorum audirent, cum concursum & frequentiam omnis generis mortalium, cum admirationes maximas, cum denique traductionem infinitæ multitudinis ad Christi Fidem viderent, conuentus agebant suos, frequenter contuebant, occultè & palàm ad Apostolos & Discipulos è ciuitate è Iudææ sinibus eiiciendos, exterminandosque conspirabant. Recordamini testimonia alienigenarum & cuiuscunque nationis & barbaræ & humanitate culturæ mortalium, qui cum sermone suo discipulos Christi Iesu loquentes audirent, clamores plenissimos admirationis tollerent in cœlum : neque id fieri posse sine summo miraculo, sine virtute cœlesti constan-

stantissimè, confirmarent, & planè conciones, planè fidem, quam discipuli enuntiabant veram summaque Religione colendam testarentur, atque hanc testimonijs clarissimis & miraculis stupendis comprobarent. Quòd si altius mentibus vestris contemplari volueritis, planè reperietis discrimen veteris & noui legis perspicuum. Illa lex scripta fuit in tabulis lapideis; hæc in hominum animis infixæ: illa informabat animos & illustrabat, hæc clariorem lucem affert, & in Dei immortalis amorem facies ardentes admouet: illa viam solum ostendebat in cælum; hæc & viam demonstrat ad iter faciendum, & ad ingredien- tum in Beatorum sedes ingentes animos facit: illa poenis & terroribus animos in officio continebat; hæc amore magis ad virtutis & Religionis studium allicit. Quamobrem illam legem timoris, hanc amoris; illam seruorum, qui metu suppliciorum à sceleribus deterreantur, hanc filiorum, qui magis amore ad parendum diuinæ voluntati ducuntur, putatote. Quamobrem cum illa ferretur, tantoties facti fuerunt, atque debilitati filij Israël, vt toris artibus atque membris contremiscentes, vix suæ mentis compotes à Moysce flagitauerint, vt ille, ille inquam, non Deus immortalis, ne repentina morte conciderent, legem populo Soly- morum ferret. Quid quòd Moyses legem illam tulit, hanc verò Christus Iesus, Filius Patris Æterni? Quod si Iudæi qui- cumque toto terrarum orbe fuissent sparsi diffusique, relictis ciuitatibus, & oppidis omnibus, longissimis itineribus suscep- tis, magnis laboribus, & aditis periculis Pascharis sui ad diem statum solenneinque celebrandum studiosissimè concu- rebant, si alienigenæ ex plurimis disunctissimis, longeque distantibus terrarum partibus in Soly morum urbem huiusce diei celebritate totum orbem peruagata conueniebant ad Pen- tecostes sacras solennesque ferias, ad Spiritus diuini glorio- sum & immortalem diem recolendum, inter seque instau- randum, quanta animorum religione flagrate debemus, & inflammari facibus veluti ardentibus accensi, tot præser- tum donis ac muneribus diuini spiritus afficiundi, ad vitæ nostræ cursum alacriter, sancteque conficiendum? Cum fratres Ioseph patri nunciaissent, Ioseph filium suum, non so- lum superstitem esse, sed opibus abundantem, imperio floren- tem, Ægypti tenere principatum amplissimum, magnitudine nuntij stupefactus, vix illud in animum inducere sibi poterat.

At ubi dona ac munera magnificentissima, diuitias & opes maximas, plaustra multitudine rerum ac donorum maximorum complera suis oculis aspexit, quasi è graui somno excitatus, nihil signi desiderabat amplius. Itaque Patris animus, & in Ægyptum adeundi, & filii inuisendi incredibili cupiditate flagrabat. Non fidem adhibebant Iudæi prius verbis discipulorum, Christi Iesu Resurrectionem prædicantium: At ubi vim, ardorem, dona ac munera magnificentissima, multitudinem miraculorum, claritatem lucis illustrem, flammarum faciem, & illam virtutem cœlestem, magnanimitatem, pacem, gaudium, lætitiā, fortitudinem, & magnitudinem animorum, tam cœlestem sapientiam, ac planè diuinam spectarunt, & suis oculis & auribus acceperunt, tantorum operum admirabilitate commoti, sapientes veritatem plurimè profiteri & testari cogebantur: prædicabantque illam Apostolorum fidem vna cum alienigenis tollentes clamores magnos in cœlum. Sed quid Apostoli non agerent? quid discipuli non præstarent claritatis tantæ radijs illustrati, tanto mentis ardore, tantis diuini Spiritus facibus inflammati, tantorum, & tam cœlestium cognitione mysteriorum imbuti? continere se possent, quin multis vocibus & magnis clamoribus immensam diuinæ virtutis magnitudinem enantiarent? Quid aliud facerent, qui lucis claritate, magnitudine cognitionis Patriarchas omnes, vates omnes diuinos longo intervallo superabant? hæc igne cœlesti animis æstuantibus, quam ratione flammæ illius cohibere possent Apostoli? si aqua, quæ naturâ grauis est, & in inferiorem locum impetu naturali fertur, postquam igni admota vehementem ignis calorem concepit, velut naturæ suæ oblita in superiorem locum nititur, nec intra valis angustias continetur, sed erumpens & ex omni parte redundans, effundit ac proiicit sese foras, quid mirum si Apostolorum animi huiusce ignis flagrantibus facibus ardentes in has laudes, & prædicationis voces erumpant? id non linguæ solùm igneæ, sed flatus vehementissimus, quo tota domus commota fuit mirandum in modum testabatur. Hac enim de causâ Spiritus iste cœlestis in vehementis auræ similitudinem venit, vt ipsa species, quæ sensibus obiecta erat, latentem eiusdem vim & impetum, quod nos ad virtutis & sanctitatis amorem exsuscitat, demonstraret. Cum aura enim vehemens & concitata fiat, in quascumque res incurrat, eas impellit vehementissimè: sic impetu

magno

Magno, celeritate mirabili naues incitatae medium mare praeteruolant : vento minime flante , non modò non persequuntur suum cursum, sed nec mouentur quidem. Sed quid in Apostolis solum sanctissimis , & Principibus Ecclesiae vim tantispiritus ostendo, & robur infinitum istius temporis, cum illius celesti uirtute muniti totum postea terrarum orbem peragruerint , uniuersa maria nauigauerint , & omnes gentes atque nationes à Solis ortu in occasum usque in Christi Iesu ditionem potestatemque redegerint ? Quòd si sectatores huiusce saeculi animaduertent , si uellent attentissimam cogitationem perpendere vim diuinam & celestem spiritus sanctissimi uirtutem, illius amore flagrant incredibiliter. An uerò uos putatis homines istius saeculi sic appetere diuitias, sitire honores, dignitates, & voluptates suas, imperia conlectari, an sic existimatis Caesares illos , Alexandros , reliquosque terrarum Principes tantis uitae periculis aditis , honoris & gloriae humanae desiderio flagrasse, atque cultores Christi fidei sanctissimi huiusce diuini Spiritus facibus ardentem , praeter cogitationem omnem, celestium rerum amore flagrant, & sese in labores, in pericula, in aperta capitis discrimina contecerunt ? cuius obsecro aucti hominis studium, ardor, labores & pericula, cum B. Pauli studio, ardore , laboribus & periculis conferentur ? Neque uerò Paulum dumtaxat, sed Laurentios, Sebastianos, Vincentios, & alios innumerabiles Martyrum inuictissimorum exercitus proferre potuissemus, qui flagrantiori studio, & ardentiori charitate succensi uitam cum sanguine pro Christi Iesu Religione profuderunt, quam honores & dignitates, quam diuitias & opes, quam Regnorum sceptrapotentissimorum, sectatores istius saeculi concupuerunt. An non hoc facile (ut alios omittamus) Beatus Ignatius ostendit, qui tam ingenti Martyris lauteam cupiditate sitiebat , ut ad bestias damnatus studio eas & auaritia flagrantem desiderauerit ? O felices belluas, dicebat, quae comparantur mihi ! & quando praesentes erunt ? quando emittentur foras ? quando in me impetum facient ? quando carnes dilacerabunt, dilaniabuntque meas ? quando eisdem uescuntur insaturationem ? Quas equidem in me cupio multo uehementiores esse, quam ad hoc usque tempus fuerint : nec à me ipso, ab hoc corpore, ab Ignatii carnibus ora sua inbiantia continere. Quae si morabuntur, ego Ignatius ultro lacellam, prouocabo belluas , & ad irruendum in me uehementer incitabo, meque ipsum, si opus fuerit, in illarum os & fauces insec-

ram, & intrudam. Quid hac animi magnitudine præclarius? quid præfenti robore, ac fortitudine præstantius? unde robur & animi magnitudo tam inuicta, nisi ab hoc spiritu vehementi, qui in Apostolorum animos hodierna die intulit sese? O diuinam spiritus vim! O robur inuictum! O vires admirandas, quibus quicumque munitus fuerit, non robore solum & magnitudine animi præstantissima præditus erit, sed omnibus ornamentis absolutæ sanctitatis illustratus. Ille præceptor est & magister actionum & virtutum maximarum. Ille auctor & princeps Ecclesiæ Christi Iesu conseruandæ, & ad tantam quantam aspicimus, dignitatem & amplitudinem euehendæ. Ille in rebus gerendis hominum animos luce suæ cognitionis illustrat, in rebus aduersis perfugium præbet, in dubijs & obscuris lucem affert, labantes sustinet & confirmat ad certamina subeunda, & ad pericula adeunda fortitudine maxima corroborat, diuitijs omnibus & ornamentis cœlestibus locupletat, mites reddit & mansuetos, benignos ac liberales, patientes in casibus & calamitatibus passim euenientibus, hominibus cœlestes quosdam spiritus, omnis sanctitatis absolutione cumulat, impertitur, qui quascumque res huiusce sæculi contemnant, fecem & sordes ducant, nihil quod præter Deum immortalem sit, & ad illum dirigat, deducatque expetendum putent, ut quanquam corporibus in terra sint, animis tamen in cœlo versentur, ut muneribus illius redundantes in cœlorum gloriam immortalem corporis compagibus soluti euolent. Utinam his donis ac muneribus diuini spiritus in hunc modum locupletemur, ut ad hæreditatem Beatorum acquirendam cumulum illorum & magnitudinem, felices ac verè fortunati consequamur. Dixi.

De Oratione funebri, ex Argumentis superioribus,
auxilio tamen aliorum ornata.

O Ratio funebri in hanc partem cadere potest: qua maxime splendet, & illustratur Similibus, Comparatis, & exemplis. Illa autem componitur locis & capitibus exornationis, & deliberationis. Nam continet laudem personae, quae excessus est vitae: quoniam fuerit bona, sapiens utilis Reipublicae. Habet laudem personarum, rerum & factorum, diligenter observatis & descriptis ad commiserationem circumstantijs: loci communes & amplificationes inseruntur: in eum qui causa fuit mortis inaequae adhibetur, si res postulet, querimonia ad Deum, qui passus fuit: ita tam utilem, & tantum virum è medio tolli. Adhortatio etiam adhibetur & ad vindicandum, & ad imitandum. Ut si laudaretur Caesar, miseratio adhiberetur descriptione mortis, denique adhortatio ad mortem vindicandam, insectatione Bruti, Cassij & occisorum. Talem funebrem teste Cicerone, habuit Antonius post mortem Caesaris. Alter est modus, & hunc imitabitur Ecclesiastes, qui tractabit materiam ad Auditorum institutionem accommodatam, ut de preparatione ad mortem, de morte, de miserijs vitae humanae, de earum liberatione post mortem, de contemptione rerum humanarum, de expetenda felicitate Beatorum, de animorum immortalitate, de extremo iudicio, de reddenda ratione omnis antea vitae, de supplicijs inferorum, de iustitijs aut Dei misericordia: non lugendos immoderate mortuos, sed agendas immortalis Dei gratias, qui malis omnibus illos eripuerit: deinde data occasione de laudibus mortui, auditores ad imitationem excitare poterunt.

De primo modo.

*In obitu Domini Ioannis ab Austria, fratris Philippi, hoc
nomine secundi, Regis Hispaniarum
potentissimi.*

Mœroris ingentis, quo fuerunt hisce temporibus affecta, Domini Ioannis ab Austria è viuis immaturo discessu nuntiato, Hispaniarum imperia partim tanti viri meritis maximis, partim nostrarum rerum iactura dolorem hodiernus dies renouabit: idemque necessitatem afferret obductarum aliqua ex parte cicerum (quas fugit ac reformidat animus) diei præsentis acerbitate refricandarum. Tantam enim fortitudinem, tam incredibilem & inuictam virtutem, tantam in summo ornamentorum cumulo defendendæ Religionis auiditatem, tam expressam ac planè paternæ virtutis imaginem necessario in memoriam redigere debemus. Præcellentissimo enim Domino Ioanne Austriaco, & Philippo Regi potentissimo, & suis Regnis & imperijs ablato, non solum illius virtutem amissam, sed Christianam Rempub. magno opere sauciatam, afflictamque videbitis. Dolent enim Hispani ac vehementer anguntur, cum vident talem Ducem, qui in Religionis causa suscipienda talem se præstiterit, quamuis mortali conditione natum, tamen non multo plures annos & sæculorum ætates plurimas, permansisse. Nec sibi persuadere possunt, neque fas esse quidquam aliud cogitare putant, quin Deus immortalis fuerit iratus hisce formidolosis & adeo calamitosis temporibus tanto defensore Fidei propugnatoreque acerrimo è viuis ablato. Sane & mihi de tanto Principe dicturo, & exequiarum cunctis spectatoribus, maximum animi mœrorem doloremque renouauit præsens spectaculum, & ad lacrymas eliciendas, & ad omnem sensum doloris acerbissimum occasionem & necessitatem maximam attulit. Quid agam Auditores? Quid primum querar? aut quid potissimum deplem? Sanctissime Deus, quibusnam tan is sceleribus nostris & flagitijs grauissimis spes tantas Hispaniarum Regnis præcidisti? tantum propugnaculum Reipub. Christianæ eripuisti? hoc ipso tempore, cum illo magis Religionis res indigere videbantur? cum Flandriæ sperabatur ad nostram fidem vniuersæ traductio futura tanta

Impe-

Imperatoris felicitàte clarissimi? cum Romana sedes, cuius armis tot & tanta præclaræ res gestæ fuerant contra Mauros, contra Turcas, eius inuictissima dextera Flandriam matris Ecclesiæ gremio ac complexui reddendam restituendamque speraret? Cum denique nouæ singulis propè diebus & secundum nuntij venirent in Hispaniam, & toto terrarum orbe commearent, litteræque volitarent creberrimæ de rebus in Flandria per tantum Imperatorem, fortiter gestis; de prælijs felicitàssimè commissis, de ciuitatibus captis, de expugnatis oppidis, de traditis imperio suo, deditisque populis atque prouincijs, de spe denique deditiois prope certa explorataque hoc felicitàssimo tempore. Tam secundo vento, cum res Flandriæ, cum Hispaniarum status, cum causa Fidei veheretur, ablatum est columen Imperij, præstium Hispaniarum, propugnaculum Religionis. Si nostris sceleribus violauimus maiestatem tui numinis utinam poenis alijs nostra scelera lueremus! utinam in nos alia supplicia statueres, & auctores & principes scelerum deleres potius, quàm tantum decus & lumen extingueres! Eius interitum acerbissimo mæret Hispania, squalent Hispanorum Regna, Roma conflictatur, maximè sacra luget Religio omni veteri hilaritate exuta, omni splendore spoliata sedes & domicilia Christianorum in sordibus & squalore iacent: ipsi verò Principes terrarum quàm grauitè mortem tulerint, quàm dolenter Magnates Hispaniarum acceperint, atque ille ipse vnicum nostræ Fidei fundamentum frater tanti principis, cui æquè carus erat, atque sibi ipsimet Philippus Rex Hispaniæ potentissimus, quanto sensu ac dolore animi affectus fuerit, declarauit ille dies, cum litteris nuntiisque de morte venientibus, ad tantam maiestatem, qui redderent litteras, qui nunciare auderent, vix reperiiebatur vnus, ne mortis nuncio mortem quoque tanto Regi terrarum afferre videretur. Videbant id quod re comprobatum fuit, aut morbum ex mœnore tracturum aliquem, aut ex dolore repentino non parum detrimenti accepturum esse Regem eum, qui videbat in fratre, quantum momenti positum esset, ad Fidei religionem defendendam, ad metum iniiciendum hostibus, ad Flandriam recuperandam, ad ægras & propè deplorandas tantarum prouinciarum partes sanandas. Qui si malum illud non deleteret, quis obsecro delere possit? an Principes Germaniæ? at plurimi hæreseos labe contaminati? an Elisabeth crudelis & impia, quæ de perdenda Scoria, de tota Anglia delenda, & hæreseos,

rus bellicis rationibus sedaret. Quorum opera quamquam ad bellum conficiendum vsus fuit, tamen Ducem belli totius præposuit Dominum Ioannem Austriam adolescentem magni animi, magnæ spei, auidum paternæ virtutis imitandæ, & imperatoriæ suis egregijs facinoribus comparandæ. Istius videre erat per omne tempus (quod asperum & hyemale fuerat) industriam in agendo, consilium in prouidendo, tolerantiam in patiando, fortitudinem in resistendo, quæ in bello maximæ clarissimæque virtutes perspectæ fuerunt in adolescente clarissimo. Cum itinera facienda essent, transmittendi colles, prætereundæ sylvæ, calcandæ niues, & aliæ innumerabiles superandæ difficultates, quàm ad omnia se præstitit diligentem, industrium, patientem, inuictum, vt Annibal iam adolescens videretur, qui Saguntho fame capto, altissimas Alpes, in Italiam descensurus, ducens exercitum, omni contentione penetravit: velater Cn. Pompeius, qui adolescens à Sylla præfectus exercitui contra tres Duces fortissimos, & Principes Marianæ factionis exercitatus, fudit, fugauitque copias omni ferocitate, Romanam in nobilitatem, in Senatum & in totam Rempublicam, insultantes. Videretis circumuenire hostes, intercludere fugam, transitu prohibere, expectare, persequi, prælia plurima facere, cogere ad seditionem illum ex vna, ex altera parte Ducem de Sesa ad bellum conficiendum omni ratione contendere, donec confecerunt ac profligarunt partim hostes, partim coegerunt ad deditiorem. Ita bellum magnum & periculosum per annos paucos summa contentione gestum Duce Domino Ioanne ab Austria confectum est. Cuius magnitudo belli non tanta principio videbatur, quanta postea visa fuit, & re ipsa nostros experiri necessarium erat. Nam cum omnes concitati essent, & ex Africanis sedibus euocati innumerabiles venissent, in montes altissimos sese receperunt Agareni, Maurique coniuncti, quod propter difficultatem, propter altitudinem suam, propter locorum inscientiam, maximè propter asperitatem hyemis, propter paludes stagnantes, & oppositas niuium moles altissimas immanissimasque omnes aditus præcludebantur, neque nostri ad hostem nisi magno periculo, & hostilibus semper insidijs circumuenti accessum habere poterant. Ita quidē quem Sylla Pompeio victori honorem tribuit, vt militibus audientibus Imperatorem appellaret, hunc omnes milites, clyto Ioanni ab

Austria fortissimo felicissimoque Duci impetiri potuerunt. Atque in hoc clarior Cn. Pompeio Dominus Ioannes ab Austria, quod ille fugauit copias inimicorum; hic superauit & in deditiōem accepit. Ille vno percusso reliquos equites peditesque perterritos in fugam coniecit; Ioannes fortissimus, plurimis vulneratis, alijs interfectis reliquos belli viribus subiugauit. Quorum eum perfidiam metueret Rex Catholicus, neque fortunam tentandam iterum putaret, si fortasse defecissent, per totam Bethicam & alias Castellæ partes semen excreandi generis dispersum statim asperimus. Quid tam inusitatum, quàm adolescentem rei militaris impemum gerere? at præfectus fuit bello, Granatensi Dux præcellentiissimus Ioannes ab Austria. Quid magis nouum, quàm in bello nunquam antea versatum, disciplina duntaxat militari instructum, & ipsa indole & animi virtute tanquam exercitatum multum diuque Ducem assuefactum rem bellicam administrare? quid tam inauditum, quàm id temporis exercitui præpositum esse, cum nunquam in hostem hastam coniecisset, nunquam in acie versatus esset, neque ipsas vidisset suis vnquam oculis copias instructas tam fortiter belli munera difficillima præstare, vt prælijs plurimis contenderet cum hostibus, & in illis cædes fecerit, & strages plurimas? Quid denique magis stupendum? quid tam præter communem hominum expectationem, quàm adolescentem, vix annos viginti natum Ducis partes agere, præire Ducem, dare signum, acerrimè configere, persequi bellum, vsque eò progredi cædes innumera-biles facientem, quoad hostium copias tantâ multitudine redundantes victor affligeret atque perdidit? Omnia hæc adolescens Dominus Ioannes ab Austria præstitit. Satis longum sermonem habuimus de primo bello, Patres, & non sine causa, vt ex principijs his reliqua colligeretis. Audite, audite nunc nauale prælium, quod neque Cæsar neque Pompeius Imperator magnus, neque victores Imperatores Romani tanta cum felicitate confecerunt. Nota fuit omnibus conspiratio Christianorum Principum, Pio Quinto Pontifice maximo suadente in Turcarum Regem superbissimum, qui postea quam maximam ornauit ædificauitque classem, innumera-bilemque multitudinem quibuscunque ex gentibus potuit, comparauit, Christianæ genti cladem & calamitatem horrendam minitatus est. Liceat mihi paulò clarius exponere mentem

Turca

Turcarum insanissimam : liceat impetus & furores illorum nefarios proferte : liceat deniq; superbiam & arrogantiam ostendere eorum qui cum paucos ante annos freti victoria cōsequuta venissent, quos spiritus, quos animos sumpserant? instruxerat, & conaucterat impius Turcarum Rex classem talem ac tam superbam, rebus omnibus bellicis militibus suis veteranis, & Ducibus fortissimis munitam atque confirmatam, qualem nunquam antea, nec ille, neque Maiores sui vlla sæculorum memoria, quæ inflammato studio in nostra Regna rapiebatur, vagabatur toto mari prædonum innumerabilis multitudo exultans a que furens, & nostras sanè fortunas, nostra Regna, nostrum sanguinem, & si potuissent, nostrum omnino exitium & interitum sitiens, nisi nostrorum hominum classis non tanto numero neque multitudine, sed animis atque virtute freta maiore acriter obstitisset. Conspirauerant enim Duces multi Italix, Venetorum Senatus florentissimus, & Pij Quinti Pontificis maximi iussu Rex iple potentissimus Hispaniarum; copias suas etiam Pontifex ipse sanctissimus adiunxerat, & cuncti vires suas ad perdendam delendamque Turcarum potentiam contulerunt. Talis classis instructa fuerat, sic omnibus rebus ornata, & ad congregiendum paratissima, vt Religionis veritati fidens, & inuictæ virtuti Christi Iesu, pugnam non recusaret. Videre erat classem hanc tam florentem, tam munitam, tam ornatam ex omni Christianorum flore delectam, vastissimum mare sulcantem, quærentem aduersariam, & inimicam, & illius hostiles congressus appetentem, & eum, qui præpositus fuerat, Imperatorem, qui totius classis summum Imperium tenebat Dominum Ioannem ab Austria in ipso flore inuenturis positum nondum sex & viginti annos natum, excitantem animos suorum ad pugnam, paucos post dies committendam. Hoc interea spatio, quæ preces Christianorum? quæ sacrificia facta? quæ vota nuncupata? vt immanes & efferos Turcas nostri vincerent, & illorum exultantem audaciam ferocitatemque comprimerent? O Calendæ Octobris felices, atque faustæ, quæ tantum Christianis gaudium, tantum boni, victoria de Turcis comparata attulistis? Venit in conspectum nostræ tandem aliquando classis inimicorum, quæ ventris primo secundis in nostros vehebatur, exaltare caput cœpit, & quasi explorata victoria tota in nostros parata iam ad dimicandum in mediæ Lunæ speciem furens ac fremens ferebatur. Ecce subito, cum iam fugiendi ne-

mini daretur potestas, restare ventus visus est & nostris spirare secundissimus: configitur ab vtraque parte fortiter atque vehementer, & per multum tempus dubio & ancipiti Marte, suos semper hortante incitanteque milites ad pugnam Imperatore Ioanne fortissimo. Quid ego dicam fuisse superatos & victos hostes, cum pauci illorum fuga euaserint? quid captas triremes plurimas in Christianorum venisse potestatem, cum centum & nonaginta quinque Turcarum triremes, aliaque complura nauigiorum genera à nostris capta fuisse constet? Quid vulneratos hostes? & alios captos commemorem, cum quadraginta hostium millia cæsa fuerint & decem millia, & his amplius capta fuerint à nobis? An ignoramus ex captiuis nostris, quos secum remiges Turcæ habebant, plurimos recuperatos & seruitute liberatos fuisse, cum amplius decem millia captiuorum in libertatem vindicarentur? An verò victoriam extitisse nobis gloriosam prædicem, cum post hominum memoriam & veterum & Christianorum, similem nunquam, neque legerimus, neque audiuerimus vnquam? cum ex Turcarum tanta multitudine vix vnus immanissimus prædo, & vnus item sæuissimi piratæ Adadeni filius fuga liberaretur, qui ad immanissimum Turcarum Regem tantæ nuncium insperatæ cladis miserrimum & luctuosissimum deferret? Possumus recordari Cruciferorum B. Ioannis fortitudinem, in quos immanissimi Turcæ furenter inuasunt. Omnium maximè recordari debemus triremem Imperatoris inuictissimi Iohannis ab Austria ab hostibus circumuentam, totam oppugnatam acerrimè tormentis omnibus appetitam vehementissimeque verberatam, & puppiam suarum iam iam illatam in Imperatoriam obstrusamque, quod factu facillimum erat propter hostilium multitudinem triremium. Scimus in his angustiis nostræ Prætoriz triremi venisse subsidio Marchionem de sancta Cruce, ipsam Prætoriam fortiter se defendentem contra numerum tantum inimicorum pugnantem semper & acerrimè resistente Imperatore fortissimo Ioanne ab Austria, quoad Christi Iesu effigies in edito fuit præcelsoque statua loco, caput Ducis Turcarum à cervicibus abscissum, & elatum in sublime, vt à suis omnibus cerneretur. His iam cadere videres Turcarum animos, nostris cedere, dedere se plurimos, & triremes tradere, deprimi plurimas, & in profundum deiici, plurimas capi, & omnes in nostrorum hominum potestatem venire, præter nominati superius à nobis

bis prædonis vnus pauculas, quæ in cæcis illis nûbibus ac te-
 nebris fuga elapsæ fuerunt. Inclamare continuo nostri victo-
 riani. Qua victoria reportata, quæ glorioſior vnquam fuit? quæ
 commendatior hominum memoriæ ſempiternæ? Ago ſui
 gratias iogentes immortalis Deus, qui tantum roboris ac tor-
 titudinis Chriſtianorum genti tribuiſti: quod talem ac tan-
 tum Ducem, & Imperatorem in tanta annorum paucitate
 largitus es, qualem cucatus fortiffimus teſtari potuit. Quod
 igitur exultantem Turcarum audaciam compreſſam, quod
 maria ex omni parte prædonum refertiſſima poſtea patèſacta,
 & omnino liberata, quod gladiorum muciones à Chriſtianorû
 iugulis depulſos, quod cædes, quod incendia, quod rapinas à
 noſtrorum teſtis, fortunisque ſublataſ, quod à templis ſacrile-
 gia, ab oppidis direptiones, ab Italia præcipuè vaſtitatem,
 ab omnium vira crudelitatem depulſam fuiſſe videmus, tor-
 titudo fecit, & ſummum inuiſtiſſimi Ioannis conſilium, at-
 que prudentia, cui nullas ſtatuas, nullos arcus triumphales, nul-
 la trophæa, nulli ſignia laudis, nulla monumeta honoris pro
 magnitudine rerum ab eo geſtarum ſatiſfacere poſſe puramus.
 Quò tantum & tam ſœlicem Imperatorem & inuiſtum, tanta
 comparati nominis celebritate clarum reſerues, niſi ad Chri-
 ſtianæ Reipublicæ deſenſionem, ad hoſtium Fidei conatus re-
 primendos? O verum Caroli Quinti Imperatoris filium! O fi-
 lium memorem Patris, imitatoremiqûe paternæ virtutis! Au-
 dieras adoleſcens, & ex Hiſpaniarum annalibus acceperas, for-
 titudinem parentis tui, inuiſtam Caroli fortitudinem, omnium
 Imperatorum Romanorum laudibus obſcuritatem afferen-
 tem. Audieras expugnatam in Africa, opibus & viribus flo-
 rentiſſimam urbem Tunetum, turpiter expulſo fugatoqûe ty-
 ranno. Audieras propulſatum ab Vngariæ Poloniæqûe fini-
 bus immaniſſimum Turcarum Regem. Audieras Rhenum ip-
 ſum fractis ſubactiſqûe Germaniæ Principibus ab eodem Im-
 peratore occupatum. Audieras Italiam ſibi ſuiſqûe militibus
 deditam, & terrarum principem Romam imperio ſuo paren-
 tem. Audieras Argelium Turcarum receptaculum & aſylum
 commune, ad Hiſpaniæ mala paſſim inferenda repentinis in-
 cuſſionibus & aduentu ſæpe inopinato, ab eodem Imperato-
 re, niſi ſæua tempeſtas obſtituiſſet, ſerè captum, & in Imperato-
 riæ manus breuiter eſſe venturum. Audieras motus tem-
 porum turbulentiffimorum abſente Carolo, tot populorum,

tot vrbiũm, tot Principum conspirationem Hispanorum compressam atque sedatam, totam Hispaniam, suas prouincias sua Regna potentissima vnus parentis aduentu robore, consilio, pacata. Audieras tremuisse Mauros, metuisse valdè Turcas, formidasse Anglos, & gentes omnes ac nationes vnus Caroli inuictam virtutem exhoruisse. Audieras denique, & victoriarum monumenta clarissimarum consequutum Carolum Imperatorem, plusquam Cæsarem, plusquam Alexandrum fuisse, & honoratum ab omnibus orbis terræ propinquis remotissimisque nationibus. Hac tanta stirpe procreatus, hoc inuicto parente susceptus non peteras, non animum inuictum, non spiritus magnos, atque verè Imperatorios in Turcas immanes, in vniuersos Christianæ Religionis hostes, in dies confidentius non suscipere. Raro equidem otio torporeque iacent, quos paterna auitaque laus ad res fortiter gerendas exuseirat. Quo igitur ibis, post tot spes excitatas præcelsissime Ioannes? ad cuius rei studium post naualem pugnam incumbes, vt parentis te similem, vt suarum virtutum, æmulum, & imitatore præbeas? Ad te se nostra tandem aliquando conuertat oratio Philippe potentissime. Audio enim fratrem à te mitti Ioannem in Flandriam, vt quam neque Duces multi, neque Dux Albani sedare potuerit, eam aduentu suo frater tuus quietam reddat atque pacatam. Fecisti Rex Catholice, quod tuos consilio, quod prudentia, quod fide tua religioneque sanctissima dignissimum est: Dedisti fratri segetem copiosam & materiam abundantem, in qua illius fortitudo latius potuisset excurrere. Quem enim tanta fortitudine, tantis bellicis laudibus victorem naualis pugnae, repressorem Tuxcarum & extinctorem, tantæ felicitatis Flandri audierunt, timebunt omnes, & illi se libentius animis subijcient. Complectimini vos iam cogitationibus vestris Dominum Ioannem ab Austria ingredientem in Flandriam, accipientem tot Flandriæ prouinciarum gubernacula, res multas præclare gerentem, horum deditionem oppidorum, aliorum timorem, & paratissimam voluntatem ad omnia, quæ ille vellet & imperaret. Denique res illius semper secundo fortunæ flatu vehi, hæreseos imminutionem fieri, fidei restitutionem in multis Flandriæ partibus amissæ videri, atque vt concludam breui totam Flandriam venturam in tanti Principis potestatem ditionemque felicissimam. Quid tanto Principe foelicius? quid Domino Ioanne ab Austria fortunatius esse videbatur? O di-

tam, & immanem mortem! O crudelem & atrocem Parcā quæ in tanta rerum secundarum fœlicitate, vitam in secundo suæ vitæ flatu, cursuque tam prospero de medio auferes! è vita tolles nobis & vniuersæ Reipub. Christianæ tantum & tam insignem Imperatorem? Heu cum magis putabamus victurum esse & conseruandum ad persequendum conficiendumque cursum prouinciæ demandatæ tam fœliciter institutum, audimus mortuum esse, diem suum obijisse præcellentissimum Ioannem ab Austria, columnen Hispaniarum, Granatensis Regni conseruatorem, depulso rem Turcarum immanissimorum, victorem gentium ferocissimarum. Atque prius mortuum audiuius, quàm in morbum incidisse nunciij litteræque detulerunt. Non ego hic consistam? non deplorem casum miserabilem? non ærumnas nostras & miseras, non vestram O Flandri sortem miserrimam? Qui si iacetis adhuc in sordibus & in squalore, si vestris in erroribus verſamini, si laqueis hæreseos implicati constrictique tenemini, si à gremio Matris Ecclesiæ abstracti diuulsiq; à cœlorum regionibus tam procul aberratis, si ab hinc tot annos neque pacem, neque otium habetis, si semper bella, semper arma tractatis Hispaniarum Regi Philippo vestro Domino, vestro Regi legitimo. & ipsi Matri Ecclesiæ bellum omni crudelitate imbutum facitis, si tot millia vestrum quotidie deturbantur in inferorum regiones, neque vlla ferè spes est abiectis sacris, dirutis templis, prostratis simulachris, deletō cultu, Religioneque extincta, conculeato Christo Iesu ad vos redeundi, quam causam dicam fuisse huiusce mali communis pestisque deterrimæ, quæ vos ad hunc vsque diem depopulatur & absumit? quæ fuit (& vos mihi date veniam Duces Hispaniarum, ignoscite Leones fortissimi) quæ fuit inquam causa naualis pugnæ contra Angliam non committendæ, non reprimendæ Anglorum Reginæ Elizabethæ deterrimæ, & totius Angliæ ad fidem Christianam Religionemque reuocandæ? quæ denique videtur causa hisce proximis miserrimis temporibus belli contra hostes alios non confecti, quos neque alij Duces, neque nostri Hispani reprimere potuerunt? insultarunt potius illi, & contra nos bellum voce præconis, & tubarum clangore flamma ferroque gerendum prædicarunt. Si tu superstes esse fortissimè Ioannes, si tantum de terris præsidium ablatum non esset, haberemus, quem hisce furijs omnibus, atque procellis Religionis opponeremus. Sed quando nostris sceleribus superstitem retinere

nere non meruimus, deploremus miseras nostras, lugeamus casus miseros & ætumnosos; lugeamus calamitates & clades rebus nostris inuectas: nihil esse mali, quod peccatum non possit inferre, nihil calamitatis, quam non importare soleat rebus humanis intelligamus. Nos ipsos moresque nostros corrigamus, si voluerimus viros utiles Reipub: necessarios Religioni conseruare, neque nostras spes, ex animis excidere, sed alii, augeri que successu quotidie maximarum rerum secundissimo. Cum Flandria, cum reliquæ partes, tu præcipuè Hispania vulnus grauissimum acceperis, huic quemadmodum mederi valeamus, nescio, Auditores, nisi præcati à mitissimo Iesu fuerimus, ut quem, habemus Regem, diu per multos annos saluum & incolumem conseruet. In illo omnia Hispaniarum Regna, omnis salus & incolumitas nostra, omnis propulsandæ delendæque hærescos spes, omnis denique defendendæ Catholicæ sedis hæcæ temporibus in sua dignitate, vires positæ sunt atque facultates. Hunc Regem per clementiam & mansuetudinem tuam Christe Iesu, per caritatem incredibilem, & æterno Patri tributam obedientiam, per liberalitatem, & in omne genus hominum beneficentiam inauditam, per cruciatos tuos, per sanguinem profusum, & mortem in crucis ligno pro generis humani salute libenter opperitam, tuere atque conserua. Nam de præmijs tanto Duci pro suis diuinis atque immortalibus in Christianam Religionem meritis solita tua liberalitate tributis, cum virtus Ducis fortissimi, tum tuæ maximæ fidei que pollicitationes, ne dubitare debeam, certam mihi & exploratam auditoribus spem afferre potuerunt. Dixi.

*De secundo modo orationis funebris in morte Sebastiani
Regis Lusitanorum.*

Omniū consummationis vidi finem.

Vellem Deus immortalis fecisset, illustrissimi viri, ut viuo potius Rege Sebastiano gratias ageremus, quam mortuo iusta celebraremus. Nec verò dubito, quin si Rex ipse reditum ad nos habuisset, victoria nobis esset, & illius fortitudo prædicanda: sed quoniam ira tulit casus infestus, ut in grauissimo periculosissimoque prælio, fortiter & acriter con-

fuger

Rigens occubuerit, mortem exultantem in Regum funeribus
 aspiciamus, vt quantum nobis ipsis consulere debeamus & si-
 bi quoque Magnates Lusitaniæ, qui propius ad Regiam maie-
 statem accedunt, cum prouiderint mortem propter incertos
 casus quotidie imminentem, sibi suisque animis consulant,
 quæ quamuis longè abesse videatur propter adolescentiam,
 & corporis vires valentes, eam tamen præter opinionem ag-
 gressuram, & nobilissimum quemque pignoraturam fuisse sibi
 genus omne hominum ex præsentī casu miserrimo persuadere
 potest. Quæ enim Regibus non pepercit, minimè parcat me-
 diocribus, aut in aliquo dignitatis gradu collocatis. Præclatè
 serenissimi Regis discessum à mortalibus in Beatorum regna
 vates ille diuinus ante oculos statuit, cum inquit, Omnis con-
 summationis vidi finem: vt nullus eorum, qui præsentēs sunt,
 cuiuscunque status, atque fortunæ, fuerit, mortem euasurum se
 esse putet, sed moriturum certè, & incertum se esse quando,
 quando nihil est in humanis tam illustri specie, neque absolu-
 tione perfectum, quod non aliquando necessariò sit occasu-
 rum. Consideremus terram hanc vestitam herbis ac frugibus,
 decoratam violis ac rosīs, & omni pulchritudinis varietate di-
 stinctam. Quæ in aeris circumfusi regione multitudo variet-
 atisque avium volatus conficit incredibili celeritate sublatis in
 cælum, aut demissos in terram? quæ sunt animantium siue mi-
 nium, siue immitium genera multiplicia? Omnis in rerum na-
 tura ad vsus & ad delicias nostras varietas & pulchritudo crea-
 ta spectatur. Quidquamne futurum esse putatis perpetuum? ni-
 hil est, quod permanere possit ad perpetuitatem. Hac natura
 sunt, quæ infra Lunam procreata fuerunt, vt alijs alia succedant,
 & omnia futura non sint perpetua. Qua legè minimè quidem
 solum est genus hominum: sed cum naturæ conditione fue-
 rit, susceptum in hanc lucem, tum grauioribus malis expositum
 est calamitatibus, vt nulla perniciēs, neque calamitas aliarum
 rerum genus & diuersitatem quancunque peruadere possit,
 quæ per homines cuiuscunque status & conditionis liberius &
 impunitus non peruat, & ab initio nascentis mundi, non per-
 ualerit: Vt melius videretur actum cum multis hominibus,
 nunquam natos, quam illos in tantas misérias & ærumnas fuisse
 coniectos, quas quomodo declinent, neq; quemadmodū ad
 eas propulsandas animos instruere valeant, intelligunt. sic illos
 vndiq; mala circumstant; sic mors semper insequi videtur à ter-
 go miseros & calamitosos, siue debilitate naturæ, siue virium
 imbec-

imbecillitate, siue casibus repentinis, siue periculis intentis aut impendentibus malis, aut morborum varietate gravissimorum vel impetu subito, nullo habito discrimine neque ratione personarum. Quod si quis propter nobilitatem generis putat serius se moriturum esse, non parentes iam, & principes & auctores sui generis ac sanguinis antiquissimi mortuos considerabit? si propter florem iuventutis, quot iuvenes, pulchritudine sua, & ætate præditos in memoriam rediget? si propter bonorum abundantiam, quot seipso locupletiores, & qui maiores redditus habebant in hoc sæculo, recordari poterit mortuos? si propter vires ac bonam valetudinem, quot illo valentiores? quot constitutione mira corporis præditos leui de causa de medio sublatos meminerit? si propter ingenium & litterarum cognitionem, non plures Theologi præstantiores, & omnibus artibus, atque disciplinis maximis ornati spectaculum præbunt generi mortalium miserum satis atque luctuosum? Quid de Thiaris, quid de dignitatibus dicam? reperiuntur Pontifices creati, sed qui sedem suam non occupant; & in his rebus humanis spem ullam habebimus? in nostris viribus, in bona valetudine, in elegantia corporis, in affluentia bonorum, in litterarum cognitione, in honoribus & dignitatibus confidemus? Non is benè profecto recordatus vatis divini sententiam, non præpositum Psalmi versiculum, nō illa paucula verba in memoria habet, aut si habet, animum non attendit ad ea, quæ tanti sua interfuit attendisse. Nihil ut quæ ad tantam amplitudinē ad tantum fastigium ascendit, quod non mole sua ruerit, vel temporum inclinatione, vel vicissitudine fortunæ, vel aliarum incurſu graviore calamitatum. Cerno animo montes altissimos, & cælo ipsi propter altitudinem suam quasi imminentes, tanta firmitate stabilitos, atque inhærentes in imis terræ visceribus pavatim prolatos erectos & ex celsos, & ad altitudinem infinitam elatos, quorum verticem & summa iuga neque consequi possunt oculi mortales, neque in summum & præcelsum cacumen ascendisse scimus unquam. Aves mehercule, quasi metuere videntur, & in aere medio tutiores videntur esse, quàm in summo istorum montium altissimorum iugo, ne vento perflante vehementissimo, alarum debilitate suarum, contra vim magnitudinemque ventorum frustra contendentes, ad saxeta deferantur, & illidantur miserissime. At quoties montes hos vidimus vetustate excisæ multis in partibus, in alijs horridos atque deformes, in æqua-

tes & lacunosos, atque decursu temporis sedibus suis euul-
 sos, deiectos in planiciem aliquam, cum campis patentibus,
 cum infimis vallibus adæquatos ? *mons cadens defluit*. Hæc
 verba facit Iob, post expositam communem humani generis
 conditionem, & necessitatem moriendi cunctis mortalibus
 impositam, quos cum prædixisset, sicut flores agrorum alben-
 te cælo nasci, ad Solis occasum occidere, & ad breue tempus,
 ad punctum, ut ita dicam & momentum videri, quasi speciem
 aliquam & umbram ostendit, quæ cum apparet, nihil habet
 firmi, nihil solidi. Conqueri videtur de misera nostra ærumno-
 saque conditione; & quantum inter illam, & ligna contemptis-
 sima interest ? mortuus homo in lucem hanc non reuocatur,
 neque redeundi spem ullam ad vitam habet: lignum præcisum
 cum fuerit, rursus reuiuiscere constat, & pullulare ramos il-
 lius, germinare folia, flores & fructus restitui, ac veterem spe-
 ciem, & pulchritudinem suam arborem recuperare: hominem
 semel mortuum recipiendæ lucis, & vitæ semel amissæ recu-
 perandæ spem non habere. Nec tamen hac lege fuisse solutos
 potentes: nec in hanc vitam redeundi diuitijs, nobilitati, ho-
 noribus, gloriæ prærogatiuam immanitatemque datam fuisse
 videmus. En Iob montes addit etiam cadere: Montes, in-
 tellige nobiles scilicet & generis claritudine præstantes & pa-
 rentum stemmatibus antiquissimis insignes. Montes, copio-
 sos ac benè nummatus, omnibus in hoc sæculo bonorum co-
 pijs circumfluentes. Montes, honoribus multis, & dignita-
 tibus ornatos, per populos, per prouincias, per Regna cum
 dominatu, cum imperio volitantes. Montes, litteratos, Iu-
 risperitos, Theologos, Principes Ecclesiarum, atque thiaris
 Præsules oculorum aciem perstringentes. Montes, quos
 aspicio in hac Ecclesia, in hoc sacello Regio tanta cum
 auctoritate, tanta cum dignitate confidentes: qui nihil lo-
 quuntur, nihil cogitant, nihil gerunt, nisi principatum,
 nisi ditionem amplissimorum Comitum, Marchionum,
 Ducum: quibus nihil clarius, nihil illustrius, nihil poten-
 tius esse potest. Qui magnates Regnorum sunt, à Rege se-
 cundi, præpotentesque Domini in Regno Lusitaniz, hos
 omnes non mors excipit, non eximit. Non enim inuadit so-
 lum, sed eos de culmine celsissimo deiicit vno ictu, quasi tur-
 bine repentino statuas de loco celsiore eiectas, ut non à
 mortuis excitandi sint, non ad hanc vitam reuocandi. An
 quomodo? ruina, Auditores sæpe miseranda, qua cadunt, euer-

tuntur suis bonis, fortunis omnibus, honoribus amplissimis, dignitatum gradu celsissimo, acerbioris sensu, grauiore dolore, fortunæ gradu celsissimo deiectioni; quia cum laqueis districti, & implicati vinculis rerum humanarum tenerentur, eos solui profecto summis anxietatibus, & totius corporis, & animi cruciatibus necessarium erat. Quod in pauperem, in bonum virum minimè cadit. Quid enim est, cur pauper mortem metuat, qui viuens vitam vivebat miserrimam? Neque ad victum, neque ad vestitum corporis habebat quidquam? qui erogare vicatim stipem cogebatur, si se veller alere, semper se videbat famelicum, nunquam saturum; nudum, non vestitum, contemptum ab hominibus, non honoratum, patientem frigoris hyeme, calorum æstiuo tempore, sub dio, aut in Xenodochio, non sub tecto, non in æde pernoctantem, operas præstantem, sudantem, & anhelantem, & inservientem fortasse duro semper & difficili quidem hero. Scilicet is mortem æquo animo non feret, cui nihil melius accidere possit, neque ad corporis utilitatem, neque si in gratia Dei immortalis fuerit, quidquam ad animi requiem sempiternam optatus. Cadent equidem, non stabunt montes, licet videantur, qui erecto collo, lætantibus oculis, excelsa corpore, mulo grege famulorum, in equis pulcherrime stratis, aut in lecticis summo fragore percrepantibus, vias omnes, plateas, loca celebriora peragrent, seipsos suamque fortunam magnificentissimè iactantes. Qui quo in altiore gradum ascendunt, magis periculis omnibus, telis fortunæ, & morti passim imminenti videntur expositi fuisse. Ut fumus superiora loca petit & in mediam aeris regionem ascendit altissimus, sic calamitates, mala, febres, ægrotationes mortiferæ, potentissimos homines inuadunt. Quid Atheniensium viros summos, quid Persarum imperatores? Quid Rom. Reipub. Pompeios, Scipiones, ex veterum annalibus eruamus? Inspicite in Cænophium mole superbissima extructum, in parietes hos amictu pullo coopertos, in multitudinem tantam funaliuni accensorum, in præsentem luctum atque mœtorem, in vos Magnates mutata veste squalidos & sordidatos, in tantum florem Portugalliæ Principum atratorum, in exequias & iusta, quæ hoc tempore luctuosissimo persolvuntur. Quid dicam Auditores, prohibet me sensus acerbissimus, prohibet grauissimus animi dolor, & vestrum omnium gemitus & suspiria, luctus & lamenta, vel vna recordatione tanti Regis prohibent dicere. Heu mulie-

mulierum ciulatu, adolescentum luctu, fletu vestro, lamentis omnium personat Ecclesia: neque cum ad iusta Christianissimo, potentissimo, sanctissimoque Regi Sebastiano persolvenda conuenimus, quemadmodum vellemus animos nobis facere possumus ad dicendum. Hic qua ætate mortem obiit? in ipso flore iuuentutis, telis inimicorum traiectus. Atque vbinam ille iacet? mortuum scimus, cadauer illius vbinam iaceat ignoramus: scimus tamen insepultum iacuisse suo sanguine imbutum, arena fœdatum atque deformatum, in campis patentibus, in horrido atque sterili Africæ solo, sine nomine, sine honore inter reliqua subditorum cadauera iacentium, & longè lateque multa camporum iugera occupantium. Non igitur in hoc cœnotaphio, non in magnifico sepulchro iacet: id h saltem de malis omnibus nobis reliquum fecisset fortuna nostra, misera multumque iactata conditione Portugallenses mei aliquid consolationis haberetis: si corpus illius inter Portugallensium Regum, inter Manuelis, inter Ioannis cadauera suo in loco, pro antiquitate dignitateque fuisset asservatum, suis vnguentis suauissimis conditum iacere videremus ad memoriam habitæ Regiæ maiestatis sempiternam. Appulerat fugatus post Pharsalicam pugnam exercitu fuso Pompeius in Ægyptum, & Regis non solum ingrati, sed etiam impij perfidia fraudeque necatus, in littoris Ægyptij media arena relictus obtruncatus relinquitur. Magnus Imperator sine specie, sine forma iacens, corporis sui sanguine cruentatus fœdissime! in fugientem, sed iam mortuum, quem magna festinatione insequutus fuerat, Cæsar incidit: Ad huius cadauer constituisse dicitur, multum diuque, & similis stupentis & attoniti, collacrymasse spectaculo ante suos oculos proposito, misisse denique voces plenas doloris & sensus acerbissimi, quo cor illius discumbi diuellique videbatur. Hiccine (dicebat Cæsar) est ille Cn. Pompeius decus & lumen Imperij Romani? hiccine tot honoribus & Consulatibus plurimis illustratus? hiccine socius & comes in triumviratu potentissimus? hiccine victor tot gentium atque nationum? hiccine Dominus (vt ita dicam) populi Romani, ad quem honores omnes, dignitates omnes, imperia summa deferebantur? hiccine quem extremis vitæ temporibus Imperatorem bellorum ciuiliū S. P. Q. R. delegit? quem flos nobilitatis, quem Senatores, quem Consulares, quem Prætores, quem Tribuni plebis, quem Consules, quem Magistratus, quem omnis Resp. suis quasi sedibus euulsa, tot

Reges externi, orbis ipse terrarum toto quasi humano genere conueniente in campis Pharsalicis prosequi videbatur? vbi tot honores? vbi Consulatus? vbi terrarum imperium? vbi tot res præclarè gestæ? vbi tot insignes victoriæ reportatæ? vbi denique de tribus terrarum partibus acti tres triumphi gloriosissimi? Tunc Pompei Tygrannem Regem ad tua genua procumbentem manu subleuasti, in Regnum restituiti? Tu Ptolomæum Ægypti Regem, supplicem & tuam opem implorantem in amillam sedem Regiam reduxisti: te ipsum tu neque reducere, neque quos tu reduxisti, iidem te ad recuperandam veterem tuam dignitatem adiuuare potuerunt? O quantæ sunt in hominibus fallaciæ, quantæ fraudes & scelera! si te viuum, si superstitem, nactus essem, te in tuam sedem restituerem, vte restituto maiorem gloriam, quàm hac mea manu confecto, consequeretur. Quod Pompeio Imperatori Maximo, id tibi Sebastiane serenissime, accidit. Neque quisquam fuit eorum qui in tua ditione ac potestate erant qui te nosset, qui te iacentem subleuaret, ex aceruo cadauerum iacentium interciperet, & ad condendum in auitis sepulchris, & asseruandum extraheret: tanta multitudo cadauerum congestorum, tanta vis & copia hostium erat, & Maurorum fluctus irruentium, vt neque Regis internoscendi, neque extrahendi facultas daretur. Ex Regijs insignibus, ex armis splendentibus, ex corporis habitu, ex forma & dignitate Regis internoscere nemo potuit. Quod hostis Cæsar in Pompeio, tui multo libentius, si nosset, si potuissent, in te vno facient asseruando. Sed saluum te & incolumem, superstitem multi putabant: neque tam feram & immanem mortem futuram esse, quæ Regem Portugalsensem tam crudeliter mulctaret, quisquam fuit arbitratus? Quæ tua Rex serenissime profectio? qui tuorum comitatus? quæ classis? quàm instructa? quam rebus omnibus ornata? quod robur Portugalsensium? qui flos nobilitatis? quàm delecti milites? quàm fortes? quàm parati ad dimicandum? quæ tua animi magnitudo? qui splendor? quæ Regia celsitas? quacumque præteribat classis, quemcumque capiebat portum, illuc omnis multitudo propin quarum vrbiũ & populorum confluebat, tuæ maiestatis inuisendæ spectandæque classis causa. Dicant Gaditani qui se foelicissimos duxerint excipiendi Regis Sebastiani, & ludis & spectaculis omnibus cohonestandi valde cupidi, & appetentes, totque dies coniugiuos intenti. Cum classis postea nullo amicu cooperta, demissis


missis & deiectis regijs vexillis in tabulationem nauium infimam, plenissima sordium & squaloris, magna ex parte nauibus vacuis & inanibus, sine Ducibus, sine Principibus, sine suo Rege reuerteretur, qui luctus Gaditanorum? qui moeror omnium? qui florentem & ornata ante viderant, & in Africam incitato cursu properantem, postea in Portugalliam, miseranda specie, luctuosaeque forma, summo silentio redeuntem reuiderunt? Versabatur ante oculos captiuorum multitudo, horum militum spoliatio, gemmis antea auroque fulgentium illorum vexatio, aliorum vulnera, plurimorum in praelio prostratorum, caesorumque sanguis profusus, cadaverum plurimorum super alia iacentium acerui, tot Principum, tot Magnatum mortes indignissimae & ipsius Regis Sebastiani miseranda nimis & tam immatura mors. Inde infidebat in animo classis accessus ad Portugalliam, paucorum redeuntium foeditas & dissipatio, eiulatus mulierum, lamentationes Virginum, ploratus puerorum, fletus tota Portugallia, morusque vniuersi facti propter suorum, & mortem Regis miserandam. Hi propinquos, ille parentes suos, alij fratres, omnes amissum Regem, & repentinam Regni conuersionem lugebant. Tragica haec res est & vehementer calamitosa, Auditores, quae necessitatem affert omnibus mortis eiusdem subeundae mortalibus, quae tenet dominationem, & imperium amplissimum in Reges etiam potentissimos. Commemoremus, si placet, breuiter virtutes tanti Regis, ut plus admirationis afferat Regis Sebastiani mors immatura: quae meditata nobis in perpetuum esse debet. Non ego hic indolem Sebastiani, & à natura ad virtutem colendam propensionem insitam commemorabo. Non dicam à puero bonis moribus imbutum, & virtutis praeceptis salutaribus informatum. Non ostendam politioribus literis, & studijs illis, quibus Regia dignitas informari solet ad omnem elegantiam excultum politumque: quis est, qui nesciat ad virtutis studium semper à pueritia Regem incubuisse Sebastianum? An vero maiora virtutis documenta dare potuit Rex inclytus, quam cum saepius ille per sacram confessionem expiaret conscientiam per vnum annum, quam alij per vitae suae curriculum principes huiusce saeculi? Qui saepius cum viris omni sanctitatis laude cumulatis egit, quam alij cum hominibus etiam saeculi eo fuerunt intervallo versati? saepius de diuino numine colendo suspiciendoque sanctissime castissimeque suo in Regno sermones habuit, quam alij Principes de

humanis opibus acquirendis cumulandisque? Cuius pueritia non ad licentiam puerorum vsratam, sed ad carnem cohibendam à libidinibus; non ad Mundi leges, sed ad Dei mandata exequenda; non ad inanem iactationem, & aulicorum insaniam, sed ad Dei placita diuinamque voluntatem; non ad exhauriendam Rempub. compilandasque Prouincias, sed ad bene merendum de genere mortalium liberalitate, misericordia, magnanimitate, & omni genere virtutis informata fuit. Non illum peccatum capitale fugisse semper, non se castum & integrum in mortem vsque seruasse scimus? Quid maius, quid illustrius in Rege prædicari poterat? omnes fuerunt in illo Regiæ virtutes, quas vos ignorare non arbitror, sed præcipuè Religionis amplificandæ studium inflammatum. Illud iure quasi hæreditario à parentibus acceperat, qui ad laponium vsque Regnum classem tanta distantia locorum, & interuallo per maria maxima periculossimæque ad fidem diuulgandam singulis annis miserunt. Qui Patres Societatis Iesu & inter alios primum Beatissimum Patrem Franciscum Xavierium æterna memoria dignissimum, miraculis omnibus, & absoluta Christianæ vitæ perfectione præstantissimum ad Indiarum gentium conuersionem à Romanis Pontificibus impetrarunt. Cuius de virtute quoniam non est locus hic tempusque dicendi in Sebastianum parentum imitatore mentes & animos intendamus: qui nouas alias Indias: noua Regna, non ad amplificandam Portugalliæ ditionem, sed ad Christi Iesu honorem, ad suam fidem in Africam reducendam, restituendamque quærebat. Et quoniam duæ causæ Sebastiano Regi Christianissimo expeditionis huiusce fuerunt, vna Regis restituendi, qui ad Sebastiani fidem, supplex & Regno spoliatus confugerat; altera Religionis in Africam reducendæ; qui in adolescentia tam ingentem animum, tam cœlestem spiritum sumpserat, quem ostenderet, cum se corroborasset, & iam vir inter viros fuisset, quid magis regium erat, quàm vt Regem è suo patrio auitoque Regno expulsum, afflictum ac perditum, rebus omnibus dissidentem, qui fidem illius suppliciter implorauerat, suum in Regnum reducendum curaret? Neque per duces suos, neque per classes solum, sed per seipsum, suis armis, suo robore discrimine ac periculo vitæ reddendum curauit? Id fecit Sebastianus, quod Pompeius quondam, qui, vt prædixi, Tygrānem ad genua pro-

procumbentem in pristinam dignitatem restituit: Quod Cæsar in duobus conseruandis Regibus, Patre & Filio Deiotaro non minus se ostendit munificum & liberalem: Quod Tygranes qui Mitridatem Regno fugientem non excepit solum & exercitu omni copiarum genere abundante adiuuit, sed cum ille in acie contra Romanos Imperatores fuit, Mitridatisque hostem populum Rom. hostem esse duxit suum: Quod senatus Populusque Rom. qui in nullum genus hominum liberalior fuit, neque magis profusus, quam in Reges, in suum Regnum dignitatemq; restituendos: Sebastianus hos omnes partim imitatus est, partim superauit ipsa magnificentia liberalitateq; Regis restituendi. O ingenium Sebastiani planè Regium! O verè Regalem animum! qui quod in Regibus obseruauit potentissimis, & in Populo Romano, victor cunctarum gentium ipse adolescens, nondum ætate firmatus, maiore cum præstantia præstitit & laude Regia. Habetis vnam belli contra Africanos suscipiendi causam, accipite nunc alteram, eamque videte omnes clariorem & illustriorem, Sebastiani institutione dignissimam, dignam parentum suorum Religione, dignam idemque Rege ad omnem pietatem & virtutem singulariter instituto. Illa fidei defensionem continet: vnde fides ipsa eiecta fuerat, in Africam per se restituenda videbatur. Huius rei conficiendæ causa classem armauit, instruxitque rebus omnibus, & tanquam alter quondam Scipio Carthaginis debellandæ gratia classem in Africam vsque transmisit: venit in hostium conspectum, castra posuit, fortiter confluxit, pro reducendo Rege, pro Fide Christiana restituenda, Barbarorum circumuentus multitudo cecidit. Si hoc est cadere, vnde perpetuam ille gloriam, & cælorum immortalitatem comparauit conijcimus: quod fortiter rem aggressus fuerit, laus est Sebastiano tribuenda; quod non reportata victoria, illa fortuna fuit belli, quæ sæpe exultantem deiecit de gradu & perculit ab inferis re. Quot enim Imperatores in re bellica exercitatissimi, aut loci difficultate, vel hostium multitudo, vel alia calamitate superati? Exemplum à Pompeio petamus, qui post tres terrarum partes bello superatas, etiam opportunitate loci, numero, milium & robore, victor a propè explorata cum superior esset, fusus tamen atque fugatus fuit à Cæsare. desinamus cau'as, quærere partæ vel amissæ victoriæ, quæ exiguis momentis pendet, & rerum inclinatione sæpe parua; deploremus nostram vi-

cem, nostrum lugeamus casum, qui non tanti Regis præstantia digni fuerimus. Tempus aderit, & illucescet illa dies, qua Portugallienſes in Africam reuententur instructa classe, viciscuntur allatam Regi Sebastiano mortem, calamitatem Regno Portugallia importatam, denique conuersionem, & commutationem regni semper florentissimi repentinam. Tunc Heroes magni recuperabitis animos, excitabitis vestram fortitudinem, qua quondam in Indorum gentes barbaras & immanes vestri maiores vſi fuerunt. Qua homines vestri noua Regna non magna sæpè classe duobus aut tribus nauigijs non patefecerunt solum, sed in Portugallensium ditio-nem imperiumque redegerunt, qua iidem Lusitani Regno-rum sæpè maximorum exercitus plurimos, & copias prostra-uistis. Qua mucrones gladiatorum vestrorum Africano san-guine manantes, post stragem Maurorum infinitam in Por-tugalliam reportabitis exultantes atque triumphantes de ge-nere aduersariorum deterrimo. Tu, tu ipse vicisceris præci-pue Rex Enrice clarissime. Viciscetur etiam, qui te iure hæ-reditario sequetur Rex Catholicus, ad quem propter san-guinem suum, propter mortem generi allatam, magis quam ad aliarum terrarum Reges, Regiæ mortis viciscendæ causa pertinebit. Viciscetur Deus ipse immortalis, qui in suum tempus pœnas tantæ calamitatis reseruat, & quanquam morari videatur, non remoratur, mihi credite, vindictam, sed ad gladium in perfidos Fidei hostes acrius ac vehemen-tius distringendum, vt Portugallensium manu ac ferro con-cidant belluæ immanissimæ, & in Africam Christianæ Reli-gionis arma victores inferamus. Interim spectaculum præ-sens intueamur, Regias exequias, luctum & mœrorem at-tendamus: non frustra tantam calamitatem, nos accepisse putemus, nisi vt de Regibus æstimeris, quid vobis, quid cun-ctis Principibus futurum sit? quemadmodum in media æta-te, in flore iuuentutis, tum cum minus opinemini Magnates ante tribunal supremi Iudicis sistendi sitis, vbi stetit iam vester Rex Sebastianus, cui de vestris actionibus, de vi-ta præterita, de cogitationibus minimis rationem estis reddi-turi? & quàm summo iure, quàm ad viuum omnia rescanda sunt? velleris tunc in causa Fidei, in causa Religionis, in præ-lío, pro Christo Iesu in Africam reuocando, vitam cum san-guine profudisse. Magnam habet laudem in homine fuisse Magnatem Portugallia, vnum de Principibus Lusitaniae cla-rissi-

rissimis, vos honore, dignitateque secundos ab ipso Rege fuisse: sed virtute, castitate, liberalitate, beneficentia, fide, fortitudine, reliquis virtutibus Regem tantum imitamini, qui docuit in vita exemplo suo, & mortis spectaculo, nihil infra Lunam futurum esse perpetuum. Vbi pulchritudo Sebastiani? vbi dignitas oris? vbi conformatio lineamentorum? vbi diadema Regium? vbi sceptrum? vbi solium? vbi spes illa capiundæ Africæ? vbi expectatio diadematis imperatoris in Africæ Principe Marrochio consequendi? vbi reditus in Portugalliam? vbi nuptiæ, quæ comparabantur cum Hispaniarum infante celsissima? vbi denique reliquus apparatus? gaza Regia? Regius splendor? omnia ad nihilum redacta cernitis, & nihil infra Lunam esse quod varias non possit habere mutationes, quod non innumeris fortunæ telis expositum sit, & tandem aliquando periturum. Tu Christe Iesu, cuius maximè gloriam & honorem Sebastianus augendum curavit illatis armis & copijs in Africam, ad leniendum mœrorem hunc & luctum, in quo sumus ex morte Christianissimi sanctissimiq̃ue Regis, signum aliquod infinitæ tuæ in gentem Portugallensem placatæ maiestatis munificus ac liberalis in posterum dare non desinas, nos oculis tuæ benignitatis respiciens, ac potius alijs supplicijs grauissimis, quàm bonorum Regum de medio ablata virtute nostrorum scelerum ac flagitiorum multitudinē magnitudinēq̃; mulctans. Dixi.



De Consolatione.

Quoniam magna pars Consolationis ex voluminis huius locis petitur, ea nobis pratermittenda non est. Consolatio est præsentis doloris dissuasio, medicina & remedium. Consolari enim est dissuadere dolorem. Consolationis quaestio sit. An sit, verbi gratia, propter hunc casum dolendum homini Hispano. Consolari afflictos, & iacentes erigere, quicumque volet, principium consolationis prudenter capiet ab insinuatione: primumque dicet merito esse dolendum, simul atque suum dolorem significauit additis rationibus, & sensu publici mali se vehementer affici demonstrabit, augendo casum acerbum, quod magnus sit & multa mala importarit.

Angebis hic orator interdum imbecillitatem natura humana, breuitatem vite, commutationem fortune, similitudinibus & comparat onibus, & exemplis & testimonijs ad rem accommo-
datis, utetur locis, & facibus misericordie.

Confirmatio sumetur ex locis deliberationis, ab honesto, ex prouidentia Dei, à iustitia diuini numinis, à signis patet ad dilectionis, ab effectu electionis diuina : Quia quos Deus elegit, hos glorificauit: à promissionibus Dei, qui vires suppeditat, & tentari non patitur suos ultra quàm vires perferre possint: ab exemplis sanctorum, & Christi Iesu, quem imitari debemus. Ab exemplis Ethnicorum, ut Socratis Reguli: adhibebuntur comparationes, similitudines & testimonia. Hic locus communis fortitudinis ostendende in rebus aduersis sedem habet.

Ab utili, id est premijs, qua manent post mortem, patientes: ab exemplo, quod ex mea patientia reliqui petent rerum aduersarum ferendarum patienter. Tum hic quantum mali in ceror, asserat, ostendatur.

A iucundo: gaudebant Apostoli, D. Laurentius alij quasi in palatijs ac violis stratis in ambulare videbantur.

A necessario: ne in impatientiam incidamus, ne superbire videamur. Nam aut in hoc seculo patiendum, aut in altero, melius est autem pati in vita breuissima quàm in altera aeterna cruciari per omnem seculorum eternitatem.

A facili: statuet Deus his malis omnibus finem: à presenti auxilio Spiritus Sancti, nostram infirmitatem adiuvantis. Deum amanti nihil est difficile, ob quem omnia difficillima facta sunt: mala qua nos premunt, Deum adire compellunt. Ostendemus rem exiguan esse comparatione aliorum malorum, qua vel paria, vel maiora passus est, & gratulabimur propter aliorum declinationem malorum, quod exemplis confirmabit.

Cohortatio adhibebitur ad execrationem scelerum, ad peccata lugenda, ad mores & vitam commutandam, ut diuinum nomen placeamus.

Consolatio ad Hispanos, propter classem in Angliam profectam, subita tempestate submersam.

Magno in dolore sumus, & summo quidem in mœrore, Hispani fortissimi, ex classe in Angliam profecta, ante prælium cum hostibus commissum subita tempestate partim dissipata, partim submersa, paucis nauibus, ex his, quæ soluerant Vlisippone, salutis & incolumibus. Tantam enim iacturam, tantum & tam delectum Hispaniarum florem, tam fortes & inuictos Duces, tam denique instructam & ornatam rebus omnibus classem amissam dolere quidem vehementer debemus. Classe enim submersa, maximis & illustrissimis orbata Principibus Hispania, non solum se afflictam, sed in multum tempus amissam ac perditam putat. Dolemus enim iure quidem optimo ac vehementer cruciamur, cum videamus tales viros, qui ad fidem defendendam animati tantopere contendebant talibus studijs, & animis incensos interiisse, nec verò adduci possumus, nec vilo modo à nobis impetrari posse putamus, ut versemur nos in aliquo gaudio illis præsidijs & propugnaculis fortissimis ab Hispania nostra sublatis. Ergo & mihi faciundum, & singulari veltræ pietati consentaneum, ut medicinam expectandam quasi de cœlo temporibus hisce calamitosiis allatam arbitremur. Difficilis est consolatio, cum mortiferum est vulnus; non facilis est Medicina, cum desperata fuerit curatio: sed ubi malum redundat, consilium & virtus moderatur omnia, de quorum præstantia cum cogito, facile ad dolorem leniendum adducor. Atque ut omnes intelligatis me huic calamitati, tantum impertiri grauitatis, quantum grauissimis acerbissimisque malis, & omnibus miserrimis casibus tribui videatur; dico istius grauitate mali classem ornatissimam, quæ in Anglia inflammato studio rapiebatur, tempestate partim dissipatam, partim fuisse submersam, fortesque viros, & inuictos Duces vi eiusdem tempestatis obrutos: eadem tempestate robur maximum nostrorum militum, & incredibilem nobilissimorum adolescentum partem, quæ prima belli stipendia faciebat, & rei militaris via ire constituerat, per iactationem multam vehementissimamque periisse, non paucas naues refertas plurimorum militum veteranorum ab hostibus captas, atque aliquot, quæ se dedere recusarunt vi tormentorum depressas, magnam copiam clarissimorum hominum

num, omne firmamentum classis atque præsidium, ipsos Duces Ildephonsum Leiuam, & huius alios similes non paucos eiusdem maris turbulentissimi fluctibus perijisse, paucos saluos & incolumes euasisse, atque hos triremium dissipatis armamentis omuib, magis diuino beneficio, quàm vlla nauigandi scientia in portum eiectionis fuisse. Satis opinor hoc esse mali, atque ita reputo, vt hoc vos etiam intelligatis, à nullo istorum, qui classem amissam dolent, calamitatem nostram grauius amplificandam esse. Requiretur fortasse, quemadmodum cum hæc ita sint, nostra iactura tolerabilis esse possit. Attendite Hispani: non sine causa consolationem videbor instituisse. Primum nihil factum putetis sine summa immortalis Dei providentia, qui nouit causam vtriusque partis, & nostram multò sanè superiorem: quæ contra hæreseos fraudes fictasque fallacias venit, venit contra iniurias Christianis, & nobis præcipuè Hispanis illatas, quæ ad gentem Catholicam tristem ac mœstam erigendam, ad Christianorum animos prostratos & iacentes subleuandos, ad fidem ex illis Regnis eiectionem, reddendam, restituendamque contendebat. Atque idem Dominus istius tantæ vniuersitatis, nihil nisi summo consilio, & bono suorum ad cæli felicitatem sempiternam delectorum facit, siue cum illis adest & indulget, propter virtutem suam; siue pœna afficit, propter improborum scelera ac flagitia Christianorum, vt ex bonis & ex malis semper compareret suis bonis cultoribus commoda maxima, ad vtilitatem & emolumentum animorum spectantia, quæ pluris hominibus esse debent, quàm corpora, quàm fortunæ fluxæ atque eaducæ. Neque putemus cum nobis res prosperè cadunt, atque statu vehuntur fortunæ secundo, tum melius nobis esse, melius cum animis actum esse, quorum in calamitatibus præcipua semper ratio haberi debet. An verò quidquam magis in vulgo iactari solet, quàm id, quod ex sacris annalibus peticum est, qui filios caros habuerint, in hos supplicia parentes maxime statuere, atque pœnas de mortalibus sumptas magno quidem argumento esse diuinæ in homines eximiaque caritatis? Si Deus igitur immortalis nostris rebus adest, si respicit de cœlorum sedibus præcipuo quodam amore ac singulari, cum pœnam irrogat, cum malum inuehit, cum re cariore, nobisque (quomodo iudicarent homines) vtiliore, magisque necessaria priuat, & id temporis, quod alienum à malis, beneficijs accipiendis opportunum videtur, si gerere

visus est se liberalissimè magnificentissimèque , quid est quod de tolerantia rerum aduersarum dubitemus ? scilicet milites Christi Iesu fortissimi non afflictati , non incommodis maximis vexati, non fortunis, bonis, vita, & honore spoliati fuerunt ? an Iob obliuisci possumus, & alios diuinæ maiestatis amicissimos, qui in medijs calamitatibus, in suis ærumnis atque miserijs, in fluctibus grauissimarum vehementissimarumque tempestatum magis erecti, magisque confirmati videbantur, & ad carceres, vincula, & ad mortem, & ad omnes cruciatus intolerabiles læti alacresque properabant ? Necessè quidem est, si veri volumus esse Christianæ Religionis alumni, & ad Christi Iesu mores similitudinemque sanctissimam deduci, nos discipulos & filios suos, Dominum eundem ingenti ligno Crucis suis humeris imposito præeuntem sequi. Quod si hæc à nobis considerata non fuissent, neque præuisa, tamen cum in viris clarissimis, etiam Religionis expertibus hanc animorum patientiam, tolerantiamque laborum aspiceremus, ad fortitudinem & constantiam ostendendam spiritus & animos maximos sumere debuissimus. An verò Socrates cum sententijs impiorum hominum damnatus esset, non æquissimo animo dixit se mortem oppetere ? neque iudicibus supplex fuit, sed adhibuit stabilitatem & magnitudinem animi constantissimam, cum ipso vitæ supremo die de animorum immortalitate iucundè nimis disputauit ? Cum fugiendi data facultate, fugere noluit ? cum ad mortem porrexit lætus & hilaris, tanquam ad honores, & ad Academicæ gymnasia ? Denique ut alios multos præteream, Regulus primo bello Punico missus Romam à pœnis retineri non poterat à propinquis & amicis, sed ad supplicium rediit, & resectis oculorum palpebris, illigatus in machina, vigilando necabatur acerbissimè, & ferebat patienter constanterque mortis acerbiterem. Non ille derelictionem patriæ, non orbitatem suorum, non spoliationem honoris, non mortis crudelitatem metuit : nos Christiani diuinis præceptis instituti, tot exemplis docti Sanctorum, ipso Christo Iesu præeunte duce, dolebimus, angemur, cruciabimur ? Non agamus iam generatim, sed speciatim de nostro casu quaeremus. Cum in illa expeditione quaereretur gloria Dei immortalis, cum dignitas fidei Christianæ, cum tranquillitas afflictorum in Anglia Catholicorum, cum recuperatio veteris status Reginæ Mariæ foelicissimi, cum factorum restitutio, cum Religionis nostræ

nost æ defensio quæreretur ; minimum erat iniurias à prædonibus factas vlcisci, vindicare latronicia, prædas, direptionem insularum, purgare maria omnia, & ab his nefarijs prædonibus tuta reddere ac libera, comprimere sceleratos impetus, tantam audaciam & insolentiam frænare, qui Domino præpotenti terrarum Catholico Regi audebant insultare, & ex angustijs, & ex latebris suis erumpere, & in nostras insulas invadere, attentare Portugalliæ Regnum, & in nostris oculis in Gaditanorum conspectu, luceque volitare: Quid dicam sollicitare Regna aliena, concitare Reges suæ sectæ terribiles, & ad immanissimum Turcarum Regem mittere litteras legatosque suos contra Hispaniarum vires, atque Philippi potentiam formidandam? Parum erat nefarios piratas occupare maria nostra, infesta reddere suis nauigijs, expectare nostras classes, si quam à cæteris disunctam, aut tarde naugantem, aut reliquis longo intervallo præcuntem viderent, in hanc euadere, multis eandem circumfistere, vsque eo multitudine tormentorum opprimere, quoad deprimerent, aut caperent, captam ingrederentur, & in omnibus bonis, & mercibus rapacissime impudentissimeque prædarentur: nam ad manus peruenire, naues nostras oppugnare nisi magno numero prædones circumfistentes ab omni parte, non audebant. In hac caula tam æqua, tam iusta, tot præsertim factis & illatis iniurijs an mori non æquum videbitur? non gloriosum, & illustre erit? & ad immortalis Dei gloriam & decus pertinebit? Quid ergo dolēbimus? quid suspirabimus? lamentabimur? Quanto magis afficeremini si luctuosum Angliæ statum videretis, si vestris animis, quando oculis non potestis, cerneretis, si primum Catholicos, qui sunt in Anglia afflictos videretis latitantes domibus, nunquam prodeuntes in publicum, in agris, in solitudine vagantes, ab urbium celebritate disunctos? Cùm veniunt in vrbes, tenebris, atque caligine, mutata veste in habitu peregrinorum, aut militum, aut mercatorum, quibus nihil sollicitius, neque miserius videtur, veniunt: quod hostes illorum redditum odorari, inuestigare sciant, suis ex latebris extrahere, in custodiam tradere, multis iniurijs afficere, in caliginosa tenebrosaque loca conicere vinclis constrictos, ferroque oneratos Christianæ Fidei veros cultores, quibus cibum introferri nec permittant hæretici nisi pauculum panis atri, neque sæpe, sed cum collibitum fuerit, & iam morituros certo sciant, nisi

quid

quid detur ad retinendam animam, quam fame enecti vix trahere videntur, in præcordijs propè morte concepta. Sed quid ego Catholicorum miseras Anglorum commemoro? cum effecta sit de suis finibus Fides Christiana, nullum templum, nullæ aræ sint, neque sacrificia Religionis, nullæ videantur sanctorum imagines: si quæ repertæ fuerint in angulos coniectæ sunt, plenissimæ pulveris, plenissima sordium, pedibus conculcatæ sacri legis, perditæ, attritæ, comminutæ, aliæ sine capite, sine forma, tanquam lapides parietibus adhærentes, aut tanquam ædificiorum ruinis, humi iacentes confusæ permixtæ quo cum reliquis parietinis. Iacent humi plurima prostrata templa disiectis parietibus, tectis everfis, & cum arcibus coæquata, quod baiulorum, quo infimorum multitudo confluit corporis necessitatibus obtemperare volens. Multa conuersa sunt in popinas, fumo nidereque redundantes gancarum: multa in vsus & habitationem hæreticorum mutata, quo ganeones, cerdoneque nequissimi sua concubacula, sua nefaria sacra, suorum sermonum virus pestilentissimum, ad se, cibo vinoque complendos statis diebus inferunt. Nullum rei diuinæ sacrificium fit in Anglia, nullæ preces neque recitatæ, neque decantatæ exaudiuntur, nullæ personant concionibus præconum diuini verbi templa Catholicorum, sed dissonis & horrendis clamoribus hæreticorum, confessiones ablatae de Regno, sublata sacramenta, hostia abiecta conculcataque sanctissima, Romano Pontifici nullam obsequium, nulla obseruantia, nullus denique diuinæ maiestati cultus tribuitur. Hæresis erecta ceruice, euaginato gladio mortem & crudelitatem spirans latissimè dominatur: quo se conuertant Catholici, nisi ad Regem Catholicum, habent neminem. Philippi auxilium implorauerunt, Philippi fidem adhuc tellantur, & illam reperunt maiestatem Regiam, quam primum cum Mariam Reginam duxisset uxorem, restituit in Anglia: satis hoc causæ esse videtur, cur non illi solum, sed vos etiam vitam cum sanguine perderetis. Sulpicius, quod difficillimo Reipublicæ tempore contra vim grauitatemque morbi contendens, ut ad castra M. Antonij perueniret, in obeundæ legationis meditatione nondum congressus cum Antonio, diem suum obiit, quasi re confecta præmio afficitur S. P. Q. R. consentiente. Vos honore iam & gloria vestris hominibus in regione cælorum debita præstitaque, & ut conicere potestis, pro suis in

Religio-

Religionem animis, iam persolura, mœrorem & luctum non deponitis? si pro patria fœlices quondam putabantur, qui acerrimè dimicantes occumbebant; quod decus satis illustre, putandum est, deberi ijs, qui pro Fide Christiana nihil maris filius immensitatem, nihil fluctus intumescens pelagi, nihil vehementissimas tempestates passim concitatas timuerunt? An vero ignorare potuerunt pelagus illud periculosum multis mutationibus, & ventorum varietati subiectum? in quo cum Cæsar in Angliam nauigaret, ea tempestas fœda vehemensque commota fuit, qua parum à morte legimus Imperatorem abfuisse. Quid hic Decios ad motis calcaribus equos incitantes, & in medias acies irruentes pro patria fortiter tanta nominis gloria cecidisse dicam? Quid Curtios nobilissimos Romanos, armis fulgentibus munitos pro salute patriæ in medium se terræ patentis hiatum dedisse precipites commendem, cum vtriusque virtutis factum Reipub. salutem, nostrorum Hispanorum expeditio Religionem Christianam attingeret? O fortunata mors, quæ naturæ debita pro Religione est potissimum reddita! in prælio ipso Mars ex acie fortissimum quemque pignorare solet. Quid igitur miramini, si in medio mari, mors tot viros fortissimos, nondum ad arma congressos præoccupauerit? Quanquam quid est, quod dico, nondum in prælio versantes, nostros fuisse præoccupatos morte? Iam ab illo puncto temporis cum se dederunt in hostium conspectum, & nostra classis aduersariam exspectabat, & illam nostri alacres in sequebantur, appetebant prælium, non deposcebant solum, nisi continuisset illos Imperator, & ad suum tempus congressum reservasset. Est gloria quidem huiusmodi, quæ luctum omnem debeat abstergere. Quid si utilitates animorum perceptas consideremus, deinamus lugere vitam ablata, quod antiquorum erat, quod miserorum hominum est, quod improborum proprium, qui mortui ad inferorum sedes pœnas flagitiorum suorum luunt: Nostri vero, qui in expeditione vim tempestatis subierunt, cum à tempestate ad tranquillitatem, à fluctibus ad quietem, à laboribus ad præmia, ab hoc sæculo ad cœlorum immortalē gloriam vocati fuerint, quid est, quod nobis angorem aliquid aut luctum afferant? Qui tam sanctè comparati, qui maculis omnibus peccatorum elutis in difficilem hanc navigationem se dederunt, & ad mortem pro Religione subeundam alacres volitabant piorum sedem & locum non consequuntur.

Quanti fuisse putabuntur? Brevis futura quidem est vita; quam acturi erant, atque hæc non multos annos duratura, plena laborum, plena sollicitudinis, plena miseriarum: Cur non igitur actum præclare cum illis; quibus breuitas cum longitudine, fortunæ humanæ cum cœlestibus, fletus cum gaudijs, labores cum quiete, miseræ cum fœlicitate, spes cum immortalibus præmijs, vestri honores humani cum cœlestium sempiternis dignitatibus, vestet aspectus cum oculis & ore sempiterni numinis commutatus fuit? Abiecti quidem animi, & parum de immortalitate cogitantis videtur esse, gaudia fœlicitatemque nostrorum hominum lachrymis & luctu præsentī quenquam videri contaminare. Sed hæc ad illorum utilitatem pertinent: Vestræ etiam res aguntur Hispani, & utilitates non vulgares. Quibus de rebus cum agam, non salutem hic, quam fletu plurimo constat debilitari, viresque infringi mortalium pensandam intelligite. Nec enim ij esse debetis, si vultis de numero illorum, qui sapiant, haberi, qui vos angoribus conficiatis; quibus multi malo suo cum se dedissent, breui confecerunt sese: sed per Deum immortalem utilitates plurimas conspiciate vobis allatas. Quis est qui nesciat, nos natura superbos esse, sæpe pares rebus, vno flatu secundæ fortunæ efferti nos plurimum, & inani iactatione intumescere, neque scire modum, neque moderationem tenere? Quamobrem diuino consilio incidunt sæpe aduersa tempora, quibus iactamur tanquam tempestate vehementi, & parum abest, quin fluctibus intumescantibus obruamur. Dat occasiones plurimas & præclaras Deus immortalis; quibus demittamus nos ipsos & abiiciamus suppliciter atque demissè cœlestem opem implorantes, potestatem diuini numinis dignitatemque celsissimam sitientes. Quod igitur nostri classe mentissima mittebantur in Angliam, quod tantus flos & robur excesserat ex Hispania; quod congressi victoria reportata fortasse non tantam Deo gratiam relaturi essent; ante susceptum facinus, quum se munierant ad prælium, positi in Christi Iesu gratia, de medio ablati fuerunt. Quid quod cum victoria comparata ad Hispaniarum Imperium adiunctam Angliam extulissemus, fortassè superbiæ materiam præcidit Deus immortalis, qui nos vult esse summa demissione? Quid ergo nos cor ac talibus Ducibus orbari faciemus? non desunt alij viri fortissimi, qui Ducibus occisis, cum successerint, nomen illorum & gloriam tuebuntur. Alia sunt tempora, & expectantur illa quidem op-

portuna hostium vlciscendorum, quin delatione temporis vires augebuntur nostræ, exhaurientur aduersariæ, qui cum nos quotannis classes parare, delectus habere, exercitus facere audiunt propter immensam ac prope interminatam Hispaniarum potentiam, & multitudinem hostium diuersitatemque locorum, quo milites mittendi sunt, aut exercitus debeant venire subsidio, cum ignorent, semper in armis sunt, sumptus nunquam facere desistunt. Magnum nomen Hispaniarum, magna dignitas, & agnus honos: Neque vlla gens, non Anglorum dicam, quorum vsque ad hanc memoriam vires nunquam cum Hispania confixerunt, non Maurorum, quorum gentem Hispani semper contempserunt & aspernari fuerunt, non Germanorum, quorum sclicitas multis prælijs acerrimè commissis ab Hispanis fracta fuit, atque compressa, non Indorum, quorum in disiunctissimas oras Hispaniarum imperia peruenerunt, non denique Turcarum, qui latissimè dominari videntur, quibuscum Hispani pedestres sæpe, equestresque pugnas commiserunt, neque defenderunt arces solum Christianorum, sed soluere obsidionem, mouere castra, ac fugæ se præcipiti mandare Regem ipsum Turcarum coegerunt, sed prælijs naualibus post hominum memoriam maximis superarunt partim captis, partim depressis nauibus, paucissimis & his dissipatis, laceratisque omnibus armamentis, fuga plena dedecoris & infamiæ præter opinionem euadentibus; sed Regum omnium potentia nostris hominibus & potentissimi Philippi viribus obsistere profecto non potest. Non videtis quantam inuidiam excitauit apud omnes gentes nomen Hispaniarum, quemadmodum in illam conspirasse videantur Reges omnes ac Principes terrarum, quod tantam molem Regnorum, tantam Imperiorum potentiam, tam ad veterum Romanorum amplitudinem & culmen peruenientem ferre non posse videntur? hæccine parua vobis videntur, aut non eiusmodi, quibus tuti possimus esse, & nos contra quascumque gentes, atque natio es terrarum opponere? Quantopere aberratis, si classis amissæ, malum maximum ducitis, cum grauiora passi fuerunt Lusitani in Africano bello? Cum viderint exercitum amissum, florem Portugallensium partim confectum, partim captum ab hostibus, & suum Regem, & qualem Regem, & quantum, omni virtutum genere florentem, inter reliquorum cadauera permixtum, & iacentem, ut internosci non posset, neque reperiri præ cadauerum incredibili cumulo camporum immen-

immensam latitudinem longitudinemque cooperientium. Quid quo! minimè nunc primum classem hanc amisit? Hispania amisit alias classes alijs temporibus fœda tempestate iactatas. Amisit classem illis temporibus, cum Carolus Imperator invictissimus Argelum traiecit: amisimus sæpe naues ex Indijs redeuntes, aut nauigantes in utramque Indiam, & iam quidem consuetudine nauium amittendarum sensum omnem doloris amittere debuissimus. Quod si aut consuetudo, aut iactura facta alijs temporibus nostros animos non præmunisset & instruxisset contra iniuriam omnem tempestatemque turbulentissimorum temporum; tamen cum Hispaniarum Regna iam sua mole quodammodo laborare videantur, quin in maximis lateque patentibus imperijs iacturæ faciendæ sint aliquot, persuasum nobis habere debebamus. Quos modo tumultuari, quos oblatrare videtis Hispaniæ, quos vni & alteri insulæ minitari direptionem, interturbare partes à nobis disiectissimas, contemnite hos Hispani: qui nihil equidem ausi fuissent, si sua Regna finibus exiguis non continerent sese, atque eadem continuata coniunctaque non essent ex omni parte, ut vno penè puncto temporis ad defendendum quemcunque locum confluere possint sui in finibus, angustissimisque limitibus manentes. A Philippo Rege prudentiam petite; discite sapere vos oro, atque obsecro; cui cum Principes pro veteri more misissent legatos ad dolorem ex amissa classe abstergendam, post mutua Regiæ munditiæ, & elegantiae officia consueta, post gratias actas iustas ac debitas, eorum cuidam illum respondisse scimus, quod ad classem amissam attrineret, nihil sua referre, rem id incommodi habere, quod annus ad alteram classem comparandam fuisset expectandus: atque in istud tempus deferretur in Angliam reditus Hispanorum. O vocem magnificam atque liberalem! O verè Regiam & excelsum! O dignam cum Regibus, cum potentissimo Hispaniarum Philippo Rege! sic visus est Rex Catholicus sese habere cum his hostibus, ut vir fortis cum catello, qui cum latret semper, & oblatrandi prætereuntibus finem non faciat, non metuit, latratus aut verbo, aut manu fugat & deterret; aliquando fessus & in illum imperum volens facere, cum fustim, quem habebat sustulisset intentum ad feriendum, antequam ictum infingeret, catellus fugit & è conspectu subduxit sese, in quem si ictus fuisset infixus, proculdubio non latraret iterum, ita cum prædones isti nauibus aliquot prædandi cupidissimi toties no-

stros laceſſant , & inſulis & portubus Hiſpaniarum imminere non deſinant & inſultare, ad illos hoſtes comprimendos, claſſem armauit, quæ ſi appuliſſet in Angliam, actum de Angliſ proculdubio fuiſſet, ſed vim illius & incitatos impetus, antequam in Angliam veniret, fluctus concitatae tempeſtatis fregerunt. Quis conſilia Domini recondita conſequetur? ſed frangentur aliquando furores hæreticorum, & Catholicos Anglos, & noſtros Hiſpanos reſpiciet ſuo tempore Deus immortalis. Ætas ſuccedit ætati, & ijdem ſunt qui fuerunt id temporis Reges Hiſpaniarum: redibunt ad vlciscendas noſtris hominibus illatas iniurias, redibunt ad cauſam Religionis agendam, redibunt ad Catholicos Principes, ad Chriſtianos Anglos, ad homines temporum iniquitate depulſos in patriam reducendos, redibunt ad perditum Angliæ ſtatum in veterem dignitatem reſtituendum, redibunt denique ad eiectam & exterminatam Fidem Catholicam in ſuas ſedes & Regna reuocandam. Vos erigite & confirmate veſtros animos, & à luctu, & mœrore auocate, robore ac præſidio inuiſtæ fortitudinis corroborate, quid cauſa honeſtatis, quid animorum vtilitas poſtulat conſiderate. Quam facilia recuperatu ſunt, quæ amiſimus, & quæ exſpectentur vlciscendi tempora legitima, ne obliuiſcamini. Quam neceſſitatem afferat moles imperiorum, quam multa grauiora gentes aliæ perpeſſæ fuerint cogitate, neque nobis genus iſtud mali nunc primum inauditum oſtendite. Denique quod ex magnanimitate Philippi debeatis exemplum petere, veſtris animis complectimini. Cum in Rege noſtro, tum præcipuè in cauſa fidei, in ſummo præpotentique cœlorum opifice veſtras ſpes collocate, futurum equidem ſpero, vt horum memoria repetita, luctum omnem & animi dolorem leniatis, & contra omnes fortunæ roſitrus, & contra fulminum ictus terrificos magnos animos & inuictos geratis in poſterum. Declariſſimis viris, quos amiſimus in claſſe, quoties cogitabimus, toties de ſua fortitudine, toties de virtute Hiſpaniarum, toties de præmijs conſequentis, toties de Religionis ſtudio, de noſtrorum ad Chriſtianam fidem defendendam ardore, toties de gloria Dei immortalis, pro qua tutanda in maris vaſtiſſimi concitataeque vehementiſſime tempeſtates ſe coniecerunt cogitate. Denique prece-mur ſupplices Deum immortalem, vt nos, qui hoc genere fortiſſimorum virorum nati ſumus, virtutem tantorum Ducum retineamus, & ad honorem, & ad gloriam diuinæ maiestatis

statis defendendam in hac terrarum sede diuino robore & auxilio muniti, vires omnes neruosque contendamus.

De Querimonia.

*Querimonia ex causis & adiunctis, exemplorum ope, simi-
lium & comparatorum exornata.*

SI querar apud vos scholasticos de cathedra, quã me cuncto-
rum ferè suffragijs obtenturum esse sperabam, nemo mirari
debet Auditorum. Nam neque iustit̃e vlla querela videbitur vn-
quam fuisse, quam præsens, quæ non iræ undia quidem vlla, ne-
que verbo me vlciscend. causa, qui mali vobis nihil afferre pos-
sim, ad hunc locum venire compellit; sed vt meum in Acade-
miam animum, nonnullorum voluntatem minus cognitam o-
stendam, qui si fuissent ij, qui debuerunt, grati & memores no-
stræ disciplinæ, nunquam in hunc locum adduxissent hominẽ
de Academia bene meritum, & matris honorem suis commo-
dis, laboribus, & offensionibus, ac periculis anteponentem. Sed
quoniam ita tulit fortuna misera, vt in hac contentione cathe-
dræ repulsam passus fuerim, tam præter hominum opinionem,
& bene de studijs, de nostris laboribus iudicantium, ferã æquo
animo casum Auditores: neque tanta rerum nostratum incli-
natio à voluntate seruiendi Academiæ parenti nostræ abaliena-
uit, vt sine cuiusquam offensione causas quæram, quas habueri-
tis ad me de Cathedræ possessione deturbandum, & ad alium me
ipso multo recetiorẽ, tanto cum plausu collocandum. Quod
si nunquam antea moderatus fuissẽ cathedram hanc, si tunc
primum ad eam petendum surrexissem, si nostram non illi pro-
bassent doctrinam, aut desiderassent vnuquam diligentiam,
nunquam quidẽ ad deferendam querelam hanc, aut os, aut
animum ostendissem. Quid igitur erit causæ, cur cathedra præ-
terito die tam ignominiosè priuaret? Adolescens nẽ eram, vo-
bis ignotus, aut si notus, adeo ineptus, vt illo, quem contende-
bam, honore viderer indignus? Primum ætas notis auctorita-
tem affert, oboriri incipientes cani, barbaque ex aliqua parte
canescens hunc errorem eripit. Notus qui non poteram non
vobis esse, qui octo iam continuos annos prælegerim, qui bis

de cathedra decertaueram, bis cum doctissimis hominibus cō-
tenderam, bis cathedram plurimorum suffragiorum numero
detuleram, bis me in cathedram Authomedon Achillem suum
in currum imposuistis, quem præceptorem tot annos ante
habuit Academia, & vos Theologorum Scholam nostris vo-
cibus personare audieratis, quibus nostra scientia, nostra me-
thodus, nostra scripta probata fuerunt semper, ad quem au-
diendum primum omnium tanto concursu confluxistis om-
nes (quod intenta voce dicam) Theologo absente nemine.
Placuit tot ante annos scientia mea doctissimis hominibus:
placuit magistris cuiuscumque artis & facultatis: placuit præ-
ceptoribus mei laboris & studij consortibus, quorum semper
in hac Academia valuit auctoritas: placuit idem, quod cun-
ctis, vestrum cuiusque, cum multi meas prælectiones admi-
rantes laudaretis, cum me prælegendæ sacræ Theologiæ na-
tum præceptorem iactaretis. Maxime verò meum prælegendi
modum, Rector ipse doctissimus comprobavit, qui ut me præ-
legentem audierat, discedens è gymnasio gratulatus Acade-
miæ, mea disciplina Theologiæ gymnasium auctoritatem ma-
ximam retenturum esse dixit. Sed quid ego singulos com-
memoro? frequentissimo Patrum ordini sic placuit, ut esset ne-
mo, qui mihi non, ut Primario Professori, & de disciplina tan-
ta bene merito Theologorum difficultates, & ancipites tantæ
disciplinæ quæstiones afferret. Sed quoniam illos, quos tales
actam locupletes testes produxi, quotidie videris, & alloqui
potestis, proferamus absentes, qui Principes ex ordine Theo-
logorum duo maximi sunt. Episcopus Salmanticensis summa
scientia, incredibili auctoritate, ingenio, doctrina, laude or-
natus, meis scriptis, quæ vos me dictante prælegenteque ex-
cepistis, quantam auctoritatem tribuit? eisque illi ipsi, ut ex
illius litteris, & multorum sermonibus amici sui exceperunt,
magni Doctores Salmantenses assensu fuerunt, qui honos ca-
thedram bis consequuto habitus est de Academia Complutensi
præterea nemini. Episcopus etiam Cordubensis, quibus pecu-
nijs, quibus librarijs, ad scripta nostra describenda conductis,
& ad id muneris præstandum delectis potissimum usus est: Ke-
liqui de nostra, de alijs Academjs, de sacris Religiosorum cœ-
nobijs quibuscumque nostra describenda & modis omni-
bus comparanda scripta curarunt. Hos ex sacræ Theologiæ
facultate delectos homines, cum auctores & Principes suf-
fragiorum vestrorum potuissetis habere, aliorum vos fauto-

men admissorum sic pœnituit semper, vt obliuisci non posset, & sola recordatione in lacrymas totus solueretur acerbissimas. Ad gradum etiam diuinæ contemplationis tam sublimem euectum, & in via illuminante tanta cum excellentia, & splendore cœlesti versantem, quis pro meritis commendare poterit? Quæ denique (vt alia omitram) fuit contemplationis magnitudo? qui gradus tam exœltus, & sublatum ad Dei cognitionem summam atque supremam? Non diſſam amplius, quàm quæd sui, quod vitæ Ignatij studiosi nouerunt, quod admirari debemus, & summo quidem iure obstupescere, sic se habuisse in rerum cœlestium spectatione Patriarcham cœlestem, vt patiporius quàm agere videretur, aded ferebatur ab humanis abstractus ad cœlestia. Cuius gradus celsissimi testes sunt visionis diuinæ de sanctissima Triade, mentis oculis obiectæ, & in illius animo tam insigniter impressæ, vt nullis adhuc literis præditus librum de sanctissimæ Triados altissimo mysterio composuerit literisque mandauerit ad suorum consolationem filiorum, & ad liberalitatem in suos diuinamque largitatem magnificè prædicandam. Testes sunt visiones Virginis Mariæ Filij sui Christi Iesu, nunc istius Domini terræ cœlique supremi, nunc Reginæ cœlestis aulae, nunc vtriusque, & tanto cum splendore, tam clato lumine sæpe ac sæpius, vt nihil supra. Testis visio sanctissimæ Triados Patris, Filij, & Spiritus, En Pater Filio commendat Ignatium, & Filius in suam tutelam accipit, & Spiritus Diuini radijs, & clarissima multorum cœlestium arcanorum cognitione compleretur. Testes multi, qui cùm contemplantem & spectantem arcana cœlestia cernerent, faciem sæpe splendore circumfusam viderunt, & loca, in quibus erat spectator cœlestis & Angelicus, lucis immensa magnitudine clarissimè collucentia. Testes denique innumerabiles, qui sublatum à terra superas res meditantem, cœlique voluptates haurientem conſpexerunt, & quidem longo interuallo, & quasi corporis mole carentem. Quid ergo raptus, vt ita dicam, & extases diuinas: volo enim hisce vocabulis vti; quibus rem clarius auditores intelligunt, commemorem? Cùm communia fuerint Confessori sanctissimo hæc omnia, cùm nunquam non cum Deo esse, cum eodem versari amicissimè familiarissimeque videretur. Hanc propriam meditandi rationem propriam Societatis voluit esse Patriarcha celsissimus. Ab hac instituere voluit alumnos suarum rerum actiones ante lucis diuinæ ortum, & cubitum nunquam eodem ire, nisi eius meditationis

pastu recreatos, Hæc monumentum Societatis celsissimum instituit, prouehendum conseruandumque censuit, atque decreuit. Hæc à translatione sua semper cum heroe cœlesti versata fuisse visa est, & egisse totos dies ac noctes. Indeliber exercitationum spiritualium ad suorum vsum & progressus maximos, & ad aliorum cuiuscunque generis ac fortunæ hominum, à peccatis abstrahendam multitudinem ingentem, & ad eandem in gratia diuina conseruandam, ad eandem multitudinem in gradus euehendam altissimos diuinæ familiaritatis commodo tanto, & incremento Christianæ Religionis exijt, & emanauit in lucem. Qui cœlestis Christianæ Religionis heros si in suæ translationis cunabulis, in illis primis ineuntis, & ingredientis viam spiritus rudimentis tantam diuinæ contemplationis vim & affluentiam obtinuit, quid illum progressu temporis consequutum fuisse diuinarum consolationum, quod cœlestium iocunditatum & solidatum voluptatum obtinuisse, hausisseque dicimus? Qui nihil vnquam nisi immortalis Dei gloriam apperijt, nihil quæsiuit amplius, neque studiosius, neque vehementius. Cuius Itemmata fuerunt non lupi, non lebetes, non reliqua generis ac familiæ Lololarum insignia: sed Iesus ipse, illa tria verba, Ad maiorem Dei gloriam: O Diuinum Confessorem! O Cœlestem Patriarcham! O verum Pastorem, & auctorem Religionis sociorum Christi Iesu dignissimum! Quas ego tuas alias virtutes clarissimas, quos titulos illustres & excelsos, quos tuorum fructus toto teriarum Orbe tanti Parentis patrocinio ac virtute perceptos, numerarem? Quæ proferrem tua miracula nobiscum agentis, & in cœlo commorantis, miranda quidem & stupenda? Sed ad aliam orationem reseruo. Quanquam nullum natus virtutis testimonium, neque illustrius sanctitatis monumentum proferri potest, & poterit vnquam, ad Sanctorum laudem suis trophæis & monumentis virtutum maximarum immortalibus. Fruere his omnibus laudis insignibus Patriarcha celsissime, atque hæc, quæ prædiximus, & patriæ, & generis, & fortitudinis, & virtutum maximarum lumina tam illustria, trophæa permansura ad sæculorum omnium immortalitatem, hac militanti triumphantiq̃ue Ecclesia tot titulis & insignibus honorificentissimis illustrata, recognoscemus omnes & veneramur. Et quod illorum studiosi sumus, quod participes eorundem esse cupimus; quod tanto tuo bono gaudemus, quod filij tuorum, & ob eam causam tibi dediti esse volumus, memoria beneficiorum immortalium obligati.

ligati. Quòd quem modò Beatum colimus, & in Beatorum numerum ascriptum ferijs tam sacris tamque solennibus suspicimus, atque veneramur, & in Sanctorum ordinem ascriptum, quàm breuiter Pauli hoc nomine Quinti, Vicarij Christi Iesu auctoritate referendum esse speramus, & ad has nos ferias colendas, venerandas non minore Religione, iucunditateque animorum incredibili, maiore quidem apparatu, maiore pompa & splendore nos comparamus, adesse & præsentes esse cupientes, & sola recordatione gestientes incredibiliter, tuis nos precibus in itinere virtutis adiuna, tuo patrocinio tuere, quod si adfuerit, vt adfuturum sine dubitatione speramus, erimus, qui debemus esse, virtutis fideles egregijque maiestatis diuinæ cultores. Dixi.

F I N I S.



CAMPI

res suffragatorum esse maluistis, quàm mei ipsius Primarij iam Professoris. Doctior, credo, erat aduersarius, aut in Theologorum disciplina magis versatus, ad quem in Academia continendum vestros animos, viresque cuncti conteadistis, ad idque prælegendi lepos, sacrae Theologiae cognitio, gradus inter doctos consequutus ingenij monumenta, vt enixè contenderitis, compulerunt. Non est in animo de scientia doctissimi hominis, in tanto præsertim gradu collocati, vestrum omnium, præsertim Primarij Professoris approbatione renunciati verbum vllum facere: quod vos, quod Academia nostra recognoscere incipit, id vt recognoscat magis indies cupio, vehementerque precor: sed fructus vellem nostros, labores, & vigilias, nostra scripta, nostros in hac disciplina consumptos annos, opinionem de nobis conceptam non conseruatam solum, sed auctam & amplificatam non parum animaduerteteris, & recordaremini vellem: tum conferre potuissetis annos meos, cum aduersarij nostri ætate; nostros cum illius fructibus; mea, tum illius beneficijs maximis, in Academiam merita; cursum meorum studiorum, cum competitoris mei laboribus; honores in Academia consequutos, cum præmijs ab eodem acceptis; sermones hominum de laude nostra, cum opinione de competitore nostro vulgo concepta; denique spes vnius & alterius excitatas: si superior fuisset candidatus, non dubito, quin ad vestra suffragia meum ego libens adiungerem: sed si in nulla re superior saltem erat, quia par fuisset, non illi potius, quam mihi suffragari debuissetis: cum apud Doctos valeat antiquitas, valeant anni, valeant in Academiam officia, valeat denique nostra in vos explorata voluntas. Cui mutuam non præstare voluntatem, non parem referre gratiam ingratorum quidem hominum videbatur esse. Nam vbi compensatio laborum? vbi nostrarum remuneratio vigiliarum? vbi fructus vtriusque rei percepti? vbi obseruantia discipulorum in præceptores, qui parentum loco haberi debent, & debita coli semper & obseruari pietate? Non dico id, quod verissimè testari possem: præceptorem nullum fuisse, cui non vel amore, vel labore vel pietate, vel perseverantia in labore, vel vllò genere, meritum in discipulos vlla ex parte præstarem, sed si nulla in re meum officium desiderauistis, si nunquam me vobis defuisse dicetis, si non requisitis minimis in rebus studium & operam nostram (& vestrum omnium animos &

Conscientias testor) cur ita mihi cathedram ademistis, & cathedra spoliatione commodum, commodis ablatis honorem & Gloriam comparatam? cur fecistis me in luctu & squalore iacere tanquam expertem totius Theologiæ parietum umbraculis tectum, & occultatum in posterum, nulli iam vsui non Academiæ modò, sed neque priuatim amicis futurum, carentem huius Academiæ celebritate, Doctorum augustissimæ confessu, priuatim, & orbatum scholasticorum, qua semper tantopere delectabar, vsitata frequentia, vestro deinde sermone, suauissimis colloquijs, disputationibus, congressu cunctorum, communique aspectu, & omni humana consolatione destitutum? Nam ego vt adduci possim ad vestrâ Academiam, ad repetendas litterarias concertationes, ad hanc respiciendam Academiæ lucem, neque erit quidem animi mei, & cum ad vos redirem toties, putarem ego tacitè me ab omnibus impudentiæ vel temeritatis notari, vel, quod minimum vellem, stultitiæ, qui tanta iniuria accepta ad vos reuerterer, neque haberem rationem honoris, neque dignitatis meæ. Vidi enim, vidi multos candidatos, qui prima contentione cathedram non assequuti per multos dies domi se continuerunt, & non ausi fuerunt in publicum prodire, deiectis oculis in tertam præ pudore maximo, præ sensu doloris, quasi fracti debilitatiq; inter Scholasticos versabantur. Audiuimus omnes de alijs viris doctissimis, qui cathedra priuati, sua diuersa fortuna iactati, non modò ad vos, ad scholas vestras non redierunt, sed repulsæ nuncio accepto, continuo ascendentes in equum ex vrbe exierunt, neque manu prehensi detineri potuerunt, non ab amicis visati in vestrum conspectum retrahi, salutem Academiæ vestræ dicentes in perpetuum, quæ scientiam & dignitatem adeptam per alumnos suos tam indignissimis modis tractasset: multi verò Doctores, quoties à litteris ad otium, quoties ab Academicis ad curiam Regiam, quoties à prælegendi munere ad causarum patrocinia conuerterunt sese, plus quietis habituros se esse rati murata tatione viuendi, quam inter tantas dimicationes contentionesque litterarias expositi periculo, quem semel consequuti fuerant cum honore gradum, cum ignominia summa, & dignitatis suæ detrimento ventis contrarijs voluntatum resstantibus admittendi. Hanc scilicet gratiam retribuit Archiæ Cicero, qui quod in se fuit ingenij, quæcunque exercitatio dicendi, in qua magnopere fuerat versatus, quæ-

cumque

cumque vllius rei ratio ab optimarum artium studijs & discipli-
na profecta, earum omnium rerum vel imprimis ad Archiam
defendendum, fructus vberrimos contulit: ita se memorem
præstitit Alexander victor orbis terrarum Aristoteli præce-
ptori suo. Cicero in iudicio defendit magistrum suum Ar-
chiam; vos me præceptorem vestrum in contentione cathedræ
vestris suffragijs oppugnastis. Cicero omnem orationis vim
& facultatem conuertit ad honorem præceptori tribuendum;
vos me vestrorum spoliatione suffragiorum ignominia affeci-
stis. Cicero non destitit, quoad in ciuitate retinendum, & pro
ciue habendum Archiam Iudices suis sententijs confirmarunt;
vos vsque eo in meam perniciem conspirastis, vt ex Academia
eijciendum relegandumque curaueritis. Alexander Aristotelis
patriam, matrem indulgentissimam, ferri viribus excisam.
solloque adæquatam petenti, vel significanti potius præce-
ptori instaurandam curauit & dixit: vos me à gremio comple-
xuque parentis meæ Academicæ abstraxistis animorum aliena-
tione vestrorum, & à gymnasijs exulem & extorrem fecistis.
Testor Academiam parentem omnium communem, testor of-
ficinas omnes & tabernacula studiorum, reque imprimis sedes
ac tabernaculum sacræ Theologiæ, testor in calamitate mea,
nihil mihi grauius neque molestius accidisse, quàm à te diuelli,
quàm abstrahi, inuitum me cedere, cedere fortunæ, cedere in-
uidiæ, denique cedere temporibus. Cùm vis affertur, ratio
non valet: ante opprimimur, quàm nos possimus defende-
re: si manerem, quam ego de meis rebus, de consilio, de
litteris redderem rationem necessarijs, qui factam sibi ducunt
iniuriam, & nos sibi confirmant iniuriam facturos esse man-
sione nostra? Ibo quò me fortuna duxerit, vbi gratæ sint &
acceptæ litteræ: vbi compensentur hominum labores, &
cum nihil suppetat ad remunerandum, voluntas tamen præste-
tur, & præclarus animus. De tuis Mater Academia in me
beneficijs, de maximis & immortalibus in me meaque stu-
dia meritis exstantibus nullo silebo tempore, sed præ me fe-
ram beneficia, quibus vsus fuerim: tu mater indulgentissima
veniam dabis, cui melius forlasse erit discessu meo, aut sal-
tem hoc consequeris boni, vt filij tui sapientiam non eijciant
sedibus tuis: vt enim prosequar querimoniam meam, si sunt
audi sapientiæ filij tui, si virtus colitur in academijs, præci-
puè si iusta merces ac debita persoluitur laboribus, non video
abitu meo, quem ferat fructum sapientia, quem labores, qui


si iustitiz partes desertas fuisse dixerō, non mentiar. Quæ de causa Academia conditæ fuerunt, nemo ignorat, quam ut bonæ litterę percipiuntur, colantur studia, ingenia acuantur, limentur doctrina, perficiantur & consummentur omnes disciplinae, & ea de causa præmijs incitati maximis & distinctissimis terrarum patribus euocantur præceptores, qui venerint, detineantur, ornentur cumulenturque honoribus. sunt Academiae officinae bonarum artium, emporia disciplinarum maximarum, altrices summorum ingeniorum, lumina gentium & nationum cunctarum: quæ tunc his distincta luminibus micabunt, cum præceptorum præstantia excelluerint, & illis eiectis & expulsis iacebunt semper in luctu & in squalore, neque ullam habebunt veram ac solidam sapientiæ rationem, sed fucatam & ementitam speciem. Neque me putent istud, Auditores, insolenter iactare, & hominibus doctissimi, atque Theologiæ principis meis sermonibus nomen inane prætendere; non is sum, qui tantum velim mihi præripere nominis atque gloriæ: sed qui sum, quicumque sim, qui scio quam sim nullus, is totus ego sum beneficio academici, sapientia præceptorum suorum: sed ut si quem locum nacti fuerunt, quem tueri valeant præceptores boni cum aliqua Academiae laude, hunc non adimendum intelligant egregiè præceptorum amantes si ij, si bonorum copia præceptorum abundantem videre voluerint parentem suam. Nam de me quod factum fuerit, si qua vel inscientia vel alio modo, (neque enim grauißimum scelestissimumque prauitatis nomen mihi venit in mentem) alumni Academiae iniqui in me fuerint, nihil curo, totum vobis remitto atque condono: tantum abest, ut vobis succenseam: ut his et tot tantisque damnis, in fortunas, in honorem meum factis nullam querelam haberem, nisi putarem me ad has scholas rediturum esse nunquam, neque vobiscum, quod antea mihi summum fuit semper gaudium, deinceps versaturum: sed cum me ab incunabulis studiorum meorum, multis maximisque beneficijs & honoribus ornatum vidissem, præmonendos putavi vos alumnos, ut academiae progressionibus, ut bonorum præceptorum honori consuleretis in posterum; ne matrem, quam omnibus ornamentis & honoribus afficere debetis, vestris factis discerpatis atque dilanietis. Quod procul dubio futurum vobis persuadere, si sapientiam in Academia non retinendam, conseruandamque curaueritis. De me vobis istud persuasum habe-

habere, vbi cunq; locorum fuerim, siue auocer in aliam literarum officinam, siue ad honorem aliquem beneficio Dei immortalis, qui in illo sperantibus benignè solet succurrere, prouehat, neque me vestrorum meritorum, neque academix obliturum esse. Vestrum erit nostros labores, nostra scripta, consequutos in academia honores, doctorum de nobis iudicia facta, præceptoribus officium debitum, dignitatem sapientix, iustitiæ vim, mercedem laborum, academix damna facta, diligenter considerare: si deinceps in creandis præceptoribus, in deferendis cathedris, in mandatis honoribus officium vestrum iustum ac debitum deferere nolueritis. Dixi.

F I N I S.



INDEX



INDEX R E R V M NOTABILIVM VOLVMI- NIS SECVNDI CAMPO- RVM ELOQVENTIÆ.

A.

A Blutiopodum à Christo facta.	901
Abraham Isaac & Iacob à Philosophia docti.	735
Abrahami cum Christo collatio.	925
Abrahami sacrificium.	ibid.
Academia honores confert alumni suis. 869. usq. ad 878. palastia, vel Castello veteris militia comparatur. 879. educat litteratos publicis officiis aptos. 879. hortu delitiosis praeferaunda. 883	
Academia similes hortis Excultis.	860. 815
Academiarum utilitas, situs, laudes. 747. & sequens. studia.	748
Academia parentes alteri. 744. Academia Complutensis & Sal- maticensis fundatores Rex & Cardinalis. 745	
Academiarum laus.	1018
Adamus à Dei Iustitia punitus.	826
Adamanti Robur & Natura.	558
Adrianus Imperator poeta.	787. 774
Adolescentis peruersio.	579
Aduentus Spiritus S. 971. cur in anima vehemens.	976
Aegestas potens orator.	845
Aeneas novum regnum condit.	684
Aestas similis extremo diei Iudicij.	548
Aethopia quid, quotuplex sit, qua tempora spectet. 694. Exem- plum. 695. & 699. 719.	
Affectus dolorosi in morte Christi.	937
Agarenicum bellum qui confectum. 989. quam periculosum. ibid.	
Agamemnon nestorem ob Eloquentiam magni facit.	801
Ager culens & insculens cum villa.	556

I N D E X

<i>Agriculturarum labor.</i> 852. <i>ſpes frugum in eis.</i>	864
<i>Aiaci geſta.</i>	571
<i>Alapa Chriſto impaſta.</i> 947. & ſeq. <i>autor eius graniter arguitur.</i>	
949	
<i>Alexander Præceptorem honorat.</i>	1017
<i>Alexander Magnus medicina peritus.</i>	808
<i>Alexandri affectus ad Poëſim.</i>	781
<i>Alphonſus Rex aſtologus.</i>	720
<i>Ambroſius S. Chryſoſtomo comparatur.</i> 740. & ſeq. <i>laus utriuſque.</i>	ibid.
<i>Amplificatio ab Exemplo.</i> 621. à ſimilibus & diſſimil.	557
Ab Etymologia.	674
<i>Angelus conſortans Chriſtum.</i>	905
<i>Angeli arte medendi utuntur.</i>	808
<i>Angli Catholici dura paſſi ob fidem.</i>	584
<i>Angeli gaudent aſcendente Domino.</i>	964
<i>Anglia regina in ſanctos impietas.</i>	662
<i>Anglica Eccleſia ſuccurrendum.</i>	1012
<i>Anglorum Catholicorum afflictio.</i> 1006. <i>vaſtitas templorum.</i> 007. <i>petunt auxilium à Rege Hiſpania.</i>	ibid.
<i>Annas Pontificis Socer.</i> 947. <i>quid Chriſtus apud eum paſſus.</i>	948
<i>Anima volatus, contemplatio eſt cœleſtium.</i>	561. 566
<i>Anacephaleoſis perorationis.</i>	804
<i>Antithēſis Chriſti inter & mundi doctrinam.</i>	891
<i>Antithēſis vera religionis & Hæreſis.</i>	840
<i>Antithēſes Chriſti & Iuda.</i> 901. <i>nati Chriſti & crucifixi.</i> 932. <i>Chriſti & Iſaaci.</i> 926. <i>Chriſti patientis & Petri.</i> 916. <i>Chriſti & peccatoris.</i> 606. <i>ſcientis Chriſti, & hominum helluonum.</i> 933. <i>gaudij & latitia in Maria.</i> 939. <i>patientis Chriſti.</i> 944. <i>Chriſti paſſi & redimiui.</i>	966
<i>Antithēſes bonorum & malorum Rhetorum.</i>	803
<i>Apes in ore pindari.</i>	779
<i>Apoſtoli Spiritum S. accipiunt.</i> 971. <i>quid poſtea egerint.</i> 972. <i>eruditi à Spiritu S.</i> 972. <i>conuertunt homines.</i> 973. <i>fortitudo animi Apoſtolorum.</i> 974. <i>ardor eorum.</i>	977
<i>Apoſtoli tres in horto, & Thabor.</i>	905
<i>Apoſtrophes.</i> 657. 662. <i>Ad ſtudioſum Adoleſ.</i>	572
<i>Appollo inuentor medicina.</i>	806
<i>Ariſtoteles præceptor Alexandri.</i> 711. <i>dialectica eius à magnis & ſanctis uſurpata.</i>	ibid.
<i>Ariſtoteles à diſcipulo Alexandro honoratus.</i>	1017
Archias	

<i>Archias Poeta à discipulo Cicerone defensus.</i>	<i>ibid.</i>
<i>Arborum plantatio loco apto.</i>	852
<i>Arbuseulus similes studiosi.</i>	894
<i>Arma prohibita Iudæis quare.</i>	716
<i>Armilustrum.</i>	887
<i>Arrogantiam hominum laus Christus.</i>	923
<i>Artium principes imitandi.</i>	658
<i>Artes varia. 829. 830. Artes alia deseruiunt Theologia.</i>	847
<i>Ascensus sit gradatim.</i>	851
<i>Ascensus Christi in celos. 964. pompa eius. ibid. quæ nobis inde bona sint. 967. ascendendum nobis quo?</i>	969
<i>Astrologorum & Astrologia laudes, cultores, utilitates. 720. & seq. quid doceat. 721. pestes auerit. 722. Astrologos qui persecuti. 724.</i>	
<i>Astrologia quæ bona, quæ mala. 725. 725. alijs Artibus præfertur.</i>	
726	
<i>Athenienses principes Eloquentiæ studuerunt.</i>	795. 796
<i>Athenienses ignari veri Dei.</i>	838
<i>Attentionis & beneuolentiæ captatio.</i>	805. & 806
<i>Athlas cur cælum ferre dicatur.</i>	720
<i>Auaria Iudæ.</i>	670
<i>Auaria detestatio.</i>	577
<i>Auari insana cupiditas.</i>	577
<i>Auis in libertate describitur laqueos fugientem.</i>	560
<i>Aura vehemens Spiritus S.</i>	976
<i>Autores latinitatis imitandi.</i>	648

B.

<i>Baccalaureatus dignitas.</i>	855
<i>Bacchus ebrius describitur.</i>	889
<i>Baiulatio Crucis Christi.</i>	925
<i>Balthasar Rex punitus.</i>	771
<i>Barbara S. virtus sceleri Patri opponitur.</i>	186
<i>Basilius & Gregorius condiscipuli.</i>	869
<i>Belli fortuna varia.</i>	999
<i>Belli mala.</i>	718. & seq.
<i>Belli duces Græci.</i>	637
<i>Bellica laude clari.</i>	632
<i>Bellica virtutes. 989. belli duces adolescentes.</i>	<i>ibid.</i>
<i>Bellum Agarenum Ioannes de Austria confecit.</i>	<i>ibid.</i>
<i>Belgarum mala ex heresi.</i>	989
<i>Belhemiticum stabulum, & pompa eius.</i>	118

I N D E X

<i>Bona mundi caduca.</i>	1001
<i>Bona per Christum parata.</i>	966. 967
<i>Byzantiani Ebrietati dediti.</i>	689

C.

<i>Cæsar fere merſus tempeſtate.</i>	1008
<i>Cæsaris oratio pathetica ad cadauer Pompei. 995. pietas in Deiotar- es.</i>	999
<i>Cæsaris clementia.</i>	644
<i>Cæsaris mors narratur.</i>	703
<i>Cæsaris mors miſera.</i>	625
<i>Cæsaris amicitia à Pilato prelata Deo.</i>	957
<i>Carolus V. naues perdit.</i>	1011
<i>Caroli Quinti egregia facta.</i>	987
<i>Carolus Quintus multa geſſit pro patria.</i>	571
<i>Caro noſtra prodiſtori comparatur. 557. duriter habenda.</i>	558
<i>Carnus ſtudia & opera.</i>	891
<i>Cœleſtia magis quam humana quærenda ſtudioſe.</i>	567
<i>Cœleſtis patria deſcribitur.</i>	752
<i>Cœlum Deus.</i>	856
<i>Cato pacificus bellicoſo Cæsari præfertur.</i>	829
<i>Cadaver inhumatum. 995. cadaver pompeij proiectum.</i>	ibid.
<i>Caduca omnia in mundo.</i>	1001
<i>Cardinalis Ximenij laudes.</i>	746
<i>Carthuſiani utiles Eccleſia.</i>	634
<i>Caſtellum Doctorum & Academia.</i>	880. 881
<i>Caſtigantur filij.</i>	1004
<i>Captiuitas Chriſti. 908. 911. arca.</i>	912
<i>Caput Chriſti ſpinis coronatum.</i>	920. 921. 922
<i>Cayphas, & quid in domo eius luerit Chriſtus.</i>	949
<i>Cathedra non adepta iuſta quarimonia.</i>	579
<i>Catellus latrans oſtentatione fuſtus compeſcitur.</i>	1011
<i>Cerberus triceps Philoſophiam ſignat.</i>	735
<i>Chria à ſententia qui diſſerat.</i>	690
<i>Chriſtus verbo milites proſternit. 908. fert magnam crudelitatem. 909. flagellatio eius. 913. coronatio ſpinea. 920. irriſio. 921. nocte paſſionis mala tractatio. 922. Crucis baiulatio. 925. Abraham eius figura. ibid. Crucifixio. 931. & ſeq. ſplendor eius & obſcura- tio. 931. miracula in morte eius. 933. dignitas paſſionis eius. 944.</i>	648
<i>Chriſtus paupertatem, contemptum, crucem eligit.</i>	Christus

R E R V M.

Christus abluit pedes. 901. Iuda benefacit. ibid. orat in horto. 905.	
Christi lucta in horto. ibid. captiuitas. 908. beneficia eius in Iu-	
daos. 934. bona in eo. 942. 943	
Proditio Iuda. 901. antitheses eius cum Christo.	ibid.
Christi familiaritas cum dilectis suis.	634
Christi Iesu humilitas & patientia.	750
Christi cruciatus pro peccatore tolerati.	660
Christi crucifixio Iudeis exprobratur. 611. deslenda Christianis. 612	
Christi lex amoris. 975. dona Spiritus Sancti.	976
Christi leges. 891. beneficia in hominem.	931
Christi excarnificati descriptio. 944. 945. alapa ei impacta descri-	
bitur. 947. & seq. damnatur ad mortem. 953	
Christi doctoris boni laus.	691
Christi damnationis iniquitas. 956. resurrectio Christi. 958. & seq.	
figura eius. 960. corpus eius male tractatum. 959. vulnera cor-	
poris Christi.	960
Christiani ad omnia dura ferenda parati.	657
Christo compatiendum ut congaudeamus. 961. Ascensus in cælum.	
963. & seq. pompa ascendenti. 964. &c. bona per ipsum parta.	
966	
Chrysostomus B. Ambrosio comparatur. 740. & seq. laus viri ius-	
que.	ibid.
Chrysostomi nominis ethymologia.	675
Chria quid sit, quotuplex, & partes eius.	686
Ciceronis laus. 617. Eloquentis ante annum 20. contra Roscium. 639	
Cicero ab exilio detinendus suadetur.	659
Cicero Praeceptorem defendit.	1017
Cicero Imperator dictus.	651
Cicero cultus & amatus à condiscipulis. 669. ob eloquentiam quan-	
tus consul Imperator. 797. facta eius bellica. 800	
Cicero honore dignus ob coniurationem depulsam.	591
Ciuitas pessime constituta.	733
Claritas rediniui Christi.	959
Classis Hispana tendens in Angliam pessundata. 1003. dolor ob eam.	
ibid. providentia Dei in eo. 1004	
Classis parata magno plausu excepta. 996. victa magno luctu.	
991	
Classis Turcarum & Catholicorum.	985
Cænoby descriptio.	589
Columba fuga in desertum. 890. similitudo eius cum probo viro.	
ibid.	

I. N. D. E. X.

Collegia studioforum diuersa.	747
Collegij ius petitur à studiosis.	882
Comotes in Lusitania quid portenderit.	712
Comparatio quid, & eius partes ac materia. 544. 716. Exempla eius varia. 590. & seq.	744. 751
Comparationes varia ad amplificationem utiles. 590. vsq; 614. diuersi modo comparationum.	ibid.
Compassio creaturarum cum Christo.	933. 946
Contemptum Christus eligit.	648
Contraria qua dicta. 542. eorum species. 543. amplificationes ab eis.	584 & seq.
Conuiuij apparatus magnus.	898. 899
Concionatores militibus collati. 887. officia eorum. 888. eligere aptimos oportet.	889
Corpus Christi male habitum, & lucidum.	959. 960
Consolatio quid sit, & quomodo facienda.	1001. 1002
Consulatus, & Imperatoria dign. discrimen.	636
Corona spinea Christi. 920. corona ornatus Regum.	921
Corpus ornatur, anima negligitur.	571
Condiscipulorum magna coniunctio.	668
Consuetudo virtutis. 673. peccati facti.	674
Contrariorum varia conflictatio.	584
Con: ha gemmam occulit.	849
Creatura congaudentes Christo.	962
Creatura Christo compatientes.	931. 946
Crudelitas in Christum. 910. 911. & seq. vsq; ad	936
Crudeles homines.	642
Cruce Christi patientia & humilitatis index.	760
Crucis Christi baiulatio. 925. & seq. crucis laus. 935. symbola. ibid.	ibid.
Crucis supplicium ignominiosum.	957
Crucifixio Christi quantum scelus.	611
Cur'us per viam virtutis suadetur.	568
Curtij mors pro Patria.	1008

D.

Damasus B. comparatur Adamanti.	559
Daniel lacu ereptus.	960
Dauid contemplatur cœlestia inter regni curas. 561. 566. currit viam mandatorum Dei.	568
Dauid inter curas rebus diuinis vacat.	616
Dauid.	

Davidis genus, fortitudo, pigna, victoriaque contra Goliath.	762. & seq. S. Michaeli comparatur.	765. Torquato, Horatioq; preferatur.	767. cum Christo comparatur.	770
Davidis poenitentia.				918
Damon aucupus instar homini insidiatur.	560.	Lupi instar.		563
Damon hostis haminæ.				892
Decij mors pro patria.				1008
Deorum veterum & Deorum multitudo.	835. cælum, terra, lupus, Leo, cæpe, allia & ly veterum.			856
Deus infirma manu hostes debellat.		763. & seq.		
Deus lex homini sapienti.				825
Dialectica cultores & eius utilitas.				655
Dialectica laudes, necessitas, cultores studiosi.	711. & seq. utilitates.			
712. mures aliarum artium. ibid. pugna ibid. necessaria ad alias artes.	713. studendum ei, 714. abrogantes eam.			716
Dialectica difficultas refutatur.	717. via, sepulcro, virga Moisis comparatur.			718
Dies lata resurrectionis.	960. 961. creatura omnes illi adgestiunt.			902
Difficilia saepe utilia.				717
Diligentis & negligentis scholastici dissimilitudo.				575
Dissimilitudo quid sit & quotuplex.	541. unde ducatur.			542
Dissimilium varia conflictatio & exempla.	569. usq; ad			580
Diuites an pauperes studiis aptiores.				609
Diuites à pauperibus iniuriantur, ut vites adminiculis.				550
Diuitijs arca inclusis comparatur sapientia.		850. 851.		
Dixeyor & dixeror.				821
Doctus Scholasticus.	612. & ingeniosus.			652
Doctus ad obeundas legationes aptus.				629
Docti ad officia euehendi.				387
Docti, indoctiq; comparatio.				601
Doctilais.	854. Rebus pub. utilis.	860. honores.	869. usq; 873.	
Doctus honor confertur.			869. usq; 875	
Doctrina gemma pretiosa comparatur.	849. necessaria est reipub.			
850. arca diuitias includenti similis	850. serico similis.			
885				
Doctrina experimenta capiuntur in Academiis.				885
Doctrinatus honor petitur.		869. usq; ad 877		
Dolor ob præteritam vitam malam.				700
Doloris affectus.				937
Domitius proditor.				672

I N D E X

<i>Dominici S. Spiritum Religionis fax & stella indicat.</i>	558
<i>Dominici S. infantia dura.</i>	556
<i>Dona Spiritus S.</i>	976
<i>Dura ferre Christianorum est.</i>	657

E.

<i>Ebrii famuli pueris lacedamonii ad detestationem obijciuntur.</i>	687.
<i>ebrii descriptio.</i>	688. exempla ebriorum.
<i>Ecclesia bonum zelant Ambros. & Chrysest.</i>	742
<i>Elisabetha anglica proditrix.</i>	671
<i>Elisabetha Anglicana impia in Christum & SS.</i>	662
<i>Elemosyna eroganda suadetur.</i>	599. pro captiuis redimendis prestat.
<i>data mendicis.</i>	608
<i>Eloquentia vide Rhetorica.</i>	
<i>Eloquentia Ciceronis quanta fecerit.</i>	800
<i>Eloquentia magni facta apud Romanos & Athen.</i>	666
<i>Eloquens homo.</i>	631
<i>Ennius poeta qualis genere.</i>	788
<i>Epilogi seu perorationes.</i>	659. & seq.
<i>Epularum descriptio.</i>	666
<i>Equis bonis emendat diligentia adhibetur.</i>	606
<i>Ermenegildi S. animus supra res creatas.</i>	566
<i>Ethymologia quid sit & quotuplex.</i>	546
<i>Ethymologia nominum plurimum SS.</i>	675. 676
<i>Eucharistia dignitas & utilitas.</i>	591
<i>Eucharistia sacra beneficium maximum.</i>	581. Manna vincit.
<i>gratitudo ob eam.</i>	593. 594
<i>Eudoxia Imperatrix à S. Chrysestomo castigatur.</i>	743
<i>Exempla quomodo amplificanda.</i>	615. varia genera eorum.
<i>quomodo perorandum ab his.</i>	660. quomodo ab his exordiendum.
<i>Exempla multum fatiant ad virtutem.</i>	760
<i>Exordium exempla.</i>	661. 665

F.

<i>Fabula quid sit.</i>	681
<i>Fabula partes.</i>	ibid.
<i>Facies Christi.</i>	948. 951. pulchritudinis.
<i>Familiaritas cum Christo.</i>	634
<i>Fides ianua ad cælum.</i>	705
<i>Filius</i>	

R E R V M.

<i>Filius prodigus receptus in gratiam.</i>	364
<i>Filij bene educandi.</i>	605
<i>Filij boni parentibus chari.</i>	878
<i>Filij castigantur.</i>	1004
<i>Finem habent omnia creata.</i>	991
<i>Flagellatio Christi 913. 914. flagellorum usus & modus.</i>	915
<i>Flandria subuenit Ioannes ab Austria. 988. Flandria mala.</i>	989
<i>Fortitudo Pastorum Ecclesie Dei.</i>	618
<i>Fortitudinis Christiana Exempla.</i>	632
<i>Fortuna belli varia.</i>	999
<i>Fortuna humana mutabilitas in Pompeio.</i>	995. & seq.
<i>Franciscus S. carnem duriter habet.</i>	558
<i>Franciscus stigmata Iesu ascipit.</i>	635
<i>Franciscus paupertatem mire amat. 621. coram Patre & Episcopo vestibus se spoliatur. 622. Christo similis mori voluit.</i>	624
<i>Francisci humilitas.</i>	615
<i>Francisci S. humilitas meruit honorem summum.</i>	755
<i>Franciscus Ximinius Archiep. & Cardin. fundator Complutensis Academia laudatur.</i>	745
<i>Fuga seculi suadetur similitudine Columba.</i>	890
<i>Fumus alta petis.</i>	994
<i>Funebris orationis partes & modus.</i>	979
<i>Funebris oratio de Ioanne de Austria. 980. Sebastiani Regis.</i>	991
<i>Furtis assuetus.</i>	674

G.

<i>Gaudia mundi amantes gaudijs Christi priuantur.</i>	961
<i>Gemma aestimatio magna. 848. concha sacra vilescit. 849. gemma & sapientia comparatio.</i>	849
<i>Goliath superbia, vires, pugna, mors.</i>	761. & seq.
<i>Gradus literatorum postulandi mos.</i>	848. vsq. 878
<i>Gradatim ascendendum.</i>	855
<i>Graci duces belli.</i>	637
<i>Gratiarum actio ob visitatas scholas.</i>	895. 896. 898. 899
<i>Gratia habenda cum reddi nequeunt.</i>	744
<i>Gratia Deo reddenda.</i>	595. 596
<i>Gubernatori nauis perito similis viri probi in vita hac.</i>	616
<i>Gygantum superbia.</i>	698

H.

Hæretici peccatores pessimi. 705. 706. bellua immanis. ibid. in

I N D E X

omnes flagitiosi. 706. flammis iuste exuruntur.	707 & seq.
Hæreticorum machina & ausus.	841. & seq. antihæses
Hæreticorum cum Doctoribus Catholicis.	846. effectus hæresis. ibid.
Hæresis gesta in Anglia.	1006. & seq.
Hannibal Romanis negotium magnum faceffit.	641
Hannibal adolescens dux belli.	989
Hannibalis laus. 737. Comparatur Scipioni.	ibid. & seq.
Helena rapta causa belli Troiani.	683
Heli mors.	912
Hercules Cerberum domans Philosophus est.	735
Herodes Rex turbatus ob Magos.	617
Hierosolyma eversa.	929
Hispani fidem martyrio propagant.	638
Holofernes in ebrietate perit.	689
Homo, efferus fuisset sine lege.	823
Homo habet laqueos multos damonis & carnis fugere. 560. passeri elabenti rete comparatur. 61. columba ad supera volantis. ibid.	
Oni errabunda homo peccator similis.	568
Homines viles virtute nobilitatem & triumphos assequuntur.	650
Homo laude dignissimus, alter vituperio.	569
Homerus Alexandro carissimus.	781
Honor familia defendendus urgetur.	572
Honor doctis conferri solitus.	869. usq. ad 878
Horem & gloriam fugientes Ethnici. 646. Christiani.	647
Horatius oculus vir fortissimus.	767
Horatii Lyrici laus.	682
Horatius Poeta qualis genere. 787. turpis.	791
Horatius unus tres Curiatios sternit.	
Horti & Academia collatio.	860
Hostes hominū potentes.	891
Hostes tres homini aduersantes.	930
Hostiles clades.	766
Humiles describuntur.	692
Humilitas homini necessaria.	771
Humilitas Christi exemplo suadetur 903. 904. effectus eius contrarij effectibus superborum.	ibid.
Humilitas è cælo allata à Christo. 751. Deo gratissima. 758. hortatio ad eam.	780
Humilitatis exempla.	642
Humilitatis & Patientia comparatio. 751. è cælo data. 752. magnitudo	

R E R V M.

Iudo utriusq. 753. & seq. exempla utriusq. 755. & seq.
Hyemis effectus. 347

I.

<i>Idololatria veterum. 815. cultores Roma & Athen.</i>	838
<i>Iesux nomen cordi Ignatii impressum.</i>	549
<i>Ignea columna Israelitarum.</i>	554
<i>Ignis amoris Apostolos urget.</i>	976. 977
<i>Igni similis S. Ignatius M.</i>	548. 549
<i>Ignatius M. Igni similis ostenditur. 548. Virtutes eius. ibid. nomen</i>	
<i>Iesu in ore & corde gessit.</i>	549
<i>Ignatius Loiol. plenus spiritu Dei fulget.</i>	553. 554
<i>Ignatij ethymologia ab igne ducta.</i>	675. 676. 677. 678. 679
<i>Ignatij Martyris ardor animi.</i>	977
<i>Ignatij ignis illustratur. 581. scientia eius hausta diuinitus ampli-</i>	
<i>catur. 582. Extasis eius.</i>	583
<i>Imirandi Artium principes.</i>	658
<i>Imperium dñi Roma non tulit.</i>	635
<i>Indignitas in Christophoro.</i>	944
<i>Indoles ficta ad bonum.</i>	609
<i>Innocentia oppressa.</i>	944
<i>Iu. C. graui in peccatores. 919. 930. 986. in colaphizantem Chri-</i>	
<i>stum.</i>	949
<i>Interrogationis figura exempla.</i>	654. 657
<i>Ioannes 22. Pap. medicina peritus.</i>	810
<i>Ioannis ab Austria mors, & iactura quanta 980. xelum propaganda</i>	
<i>fidei in eo. ibid. Luctus Magnatum ob mortem eius. 981. Philippi</i>	
<i>Regis fratris luctus. ibid. in adolescentia omnes coetaneos superat.</i>	
<i>982. Exercitus praefectus adolescens ob virtutes bellicas. 983. A-</i>	
<i>garenū bellum confecit. ibid. Naua ipralio contra Turcam vi-</i>	
<i>ctor. 984. & seq. expeditio eius in Belgium. 988. mors eius lu-</i>	
<i>ctuosissima.</i>	989
<i>Ioannis Euang. compassio in morte Christi. 941. 945. Annuntiat B.</i>	
<i>Virginis educationem Christi.</i>	917
<i>Ioanni ab Austria egregia facta.</i>	600
<i>Ioseph patriarcha.</i>	960
<i>Ioseph iustus dictus.</i>	816
<i>Iosephi vita vix creditur à patre. 975. munera ab eo Patri missa.</i>	
<i>976</i>	
<i>Ionas rediitum.</i>	961
	Iracundia

I N D E X

<i>Invidia reprehenditur.</i>	608
<i>Isaacus cum Christo collatus.</i>	926
<i>Iuda proditio & durus animus.</i>	901
<i>Iuda proditoris crimen exaggeratur.</i>	670
<i>Iudai Messia aduentum negligunt. 618. vitijs se dedunt. 619. bellua & portenta in figura hominum.</i>	ibid.
<i>Iudaorum mutabilitas circa Christum. 909. beneficia Christi in Iu- deos.</i>	934
<i>Iudaorum crudelitas in Christum. 908. vsq; 936. Messia presentis signa habent.</i>	934
<i>Iudith Holofernum occidit.</i>	689
<i>Iugum mundi graue.</i>	930
<i>Iulianus artes tollit maxime Dialecticam.</i>	716
<i>Iusiurandum falsum graue peccatum.</i>	667
<i>Iurisprudentia ambulantur aliqui. 827. militari scientia praefer- tur. 728. 829. affectus Iurisprudentia 829. medicina praefertur. ibid Rhetorica alijsq; scientijs praefertur. 830. Reipub. bonus sta- tus ab eo pendet.</i>	ibid.
<i>Iurisprudentia à Philosophia pendet.</i>	732
<i>Iurisprudentia medicina praeferenda. 605. eius effectus.</i>	ibid.
<i>Iurisprudentia laus. origo, 819. Iurisperiti Minos, Lycurgas, alijsq; ibid. in maximis officijs hominem constituit.</i>	824
<i>Iurisprudentia cum medicina confertur.</i>	815
<i>Iustitia sceleratos castigat.</i>	826
<i>Iustitia quid sit, quomodo totum Orbem regat. 820. 821. quos effectus in reipub. habeat.</i>	823. 824
<i>Iustitia effigies.</i>	821
<i>Iusti Zacharias, Elisabeth, Stephanus, dicti.</i>	825
<i>Iusti nomen cui competat.</i>	825
<i>Iustinianus Imp. ius promouet.</i>	821

L.

<i>Labor ad studia literarum requiritur.</i>	587
<i>Labor pro cæli gloria adhibendus.</i>	567
<i>Labores Adolescentum apud Lacedæmonios.</i>	687
<i>Labores litterarij comparati varijs. 852. vsq; 871. premia ijs debita. ibid.</i>	852. 871
<i>Lachryma S. Petri.</i>	916
<i>Lacedæmoniorum laus in Educatione puerorum.</i>	687
<i>Latitia in Christi resurrectione.</i>	958. 960
	Latitia

R E R V M.

<i>Latitia orbis in Christi resurrectione.</i>	962
<i>Latitia cum resurgente Christo.</i>	958. 962
<i>Latinitati auctores imitandi.</i>	648
<i>Laurentius S. Hispanus.</i>	638
<i>Laurentij tormenta omnem crudelitatem superant.</i>	643
<i>Laurea Doctoralis petitur.</i>	869. vsq. ad 877
<i>Lex homini sapienti Deus est. 821. lex iusta requirit ibid. leges Tyrannorum non sunt leges. 821. lex donum Dei. ibid. Leges à Deo omnes. ibid. Legis & decreti differentia. 823. murus ciuitatis lex. ibid.</i>	
<i>Leges arcant omnia vitia & mala.</i>	814
<i>Leges sunt sepimentum spinosum contra feras.</i>	ibid.
<i>Legislatores. 819. à Deo impelluntur. 823. Dij legum auctores habiti. ibid. & 820</i>	
<i>Legis noua & veteris discrimen. 975. lex timoris & amoris fuerunt. ibid.</i>	
<i>Libido inimica Deo. 620. 685. quo supplicio digna.</i>	ibid.
<i>Libido fugienda.</i>	685
<i>Libidinosi Christum flagellant. 913. 914. collatio eorum cum Christi carnificibus.</i>	913
<i>Libidinosorum poena.</i>	620
<i>Liberalitas in pauperes. 607. in captiuos profusa.</i>	608
<i>Lingua ignea super Apostolos.</i>	974
<i>Lignorum vita praefertur hominis vita.</i>	993
<i>Liberarum amantes Scipio & Hannibal.</i>	438
<i>Literarum bonarum hostis</i>	584
<i>Literatorum labores. 869. 870. comparati Nautis, Palastritis, alijsq. 867. & seq.</i>	
<i>Locus communis quid, & eius regula.</i>	704
<i>Lucifer à Deo Iustitia punitus.</i>	826
<i>Lucifer superbia & omnis mali origo.</i>	751
<i>Luciferi casus & ruina. 765. Goliatho comparatur.</i>	ibid.
<i>Luciferi superbia.</i>	693
<i>Lucerna noctu lucens spiritus Religionis similis.</i>	552
<i>Ludouici Regis S. humilitas & patientia.</i>	756
<i>Ludouicus Rex Sanctus, virtute praestans multa.</i>	966
<i>Lucretius ob classem pessundatam.</i>	997
<i>Luna Dea veterum.</i>	856
<i>Lusitania Regum pietas & Zelus religionis</i>	998
<i>Lusitani in Affricano bello cladem passi.</i>	1010
	Maccarij

I N D E X

M.

<i>Maccarij S. laus.</i>	685
<i>Magdalena mortem Christi luget.</i>	941. 946
<i>Magdalena pœnitentia.</i>	918
<i>Magi ab Oriente Venientes. 617. eorum virius & fides. ibid. cum</i>	
<i>Iudeis conferuntur.</i>	619
<i>Magnates omnes morti subiecti</i>	995
<i>Magistri boniflos sunt Academicarum.</i>	1018
<i>Manna Hebraorum.</i>	595
<i>Manlius Torquatus fortissimus.</i>	767
<i>Maria Virgo omnium SS merita & gloriam superat.</i>	601
<i>Maria & S. Ioannis compassio.</i>	660
<i>Maria Deipara dolor & amor in passione. 928. Prosepopeia eius dolo-</i>	
<i>rosa ad filiũm. 929. 943. alia eiusdem ad mortuum. 937. Lamen-</i>	
<i>tatio eius post filij mortem. 936. 943. querela eiu. pia ad Gabrie-</i>	
<i>lem.</i>	939
<i>Maria dolor in filij morte. 945. & seq. peccantes emendat.</i>	947
<i>Martyres fortes.</i>	632
<i>Martyrij expetendi causa, & impulsus.</i>	638. 640
<i>Martyrum causa fauit Deus.</i>	625
<i>Mardocheus Christi figura.</i>	960
<i>Mardocheus exaltatus.</i>	960
<i>Mecanates studiosarum.</i>	894
<i>Medicina Iuris prudentia posthabetur.</i>	819
<i>Medicina etsi circa sordida versatur, nobilis est.</i>	817
<i>Medicina effectus.</i>	604
<i>Medicina artis origo ab Adamo. 806. ab Apolline & alijs Dijs. ibid.</i>	
<i>Christus Medicus 807. Medicina in S. Scriptura laudata. ibid.</i>	
<i>Reges Medicina docti. 809. Pontifices medicina periti 810. Utilitas</i>	
<i>medicina. 811. animo etiam menetur. 813. Sancti medicina periti.</i>	
<i>814. Incunditas 815. Iuris prudentia præsertur.</i>	ibid.
<i>Medicamentorum varia genera.</i>	812
<i>Medania Arx expugnata.</i>	747
<i>Menelaus Helena raptum vindicat.</i>	683
<i>Mercurius inuentor medicina. 806. Mercurialis herba.</i>	ibid.
<i>Mercatorum labor & pericula ob lucrum faciendum.</i>	858. 864
<i>Messie præsentis indicia.</i>	934
<i>Michael S. medicus. 808. in gargano beluam conficit.</i>	ibid.
<i>Milites strenui cum Concionatoribus conferuntur. 887. milium</i>	
<i>strenu. gesta.</i>	888
<i>Milium labor & honor Literatorum labori minor.</i>	864
	Minus

R E R V M.

<i>Minus argumentum ad maius.</i>	813.814
<i>Missacula in morte Christi.</i>	933.935 946
<i>Mons altissimus. 992. aequatur solo. 991. Montes qui.</i>	993
<i>Mors pro religione felix 1008. non lugenda.</i>	ibid.
<i>Mors misera Pompeij & Caesaris</i>	625
<i>Mors bonorum principum & peccata populi.</i>	990
<i>Mors nemini parcit. 991. nec doctis. nec fortibus. nec diuitibus.</i>	992
<i>Mortem non timet pauper.</i>	994
<i>Mortis desiderium.</i>	816
<i>Morborum magna utilitas.</i>	816
<i>Morus animorum qui excitet.</i>	843
<i>Moyse Christi figura.</i>	960
<i>Moyse Pharaonem mergens.</i>	960
<i>Moyse Lex.</i>	975
<i>Mulieris fucus & ornatus prohibitus.</i>	687
<i>Mundi Leges</i>	891
<i>Musica abusus.</i>	716
<i>Mutabilitas humana fortuna.</i>	996.997

N.

<i>Narratio quid. & quomodo fiat.</i>	702
<i>Navalis copia Turcarum & Catholicorum.</i>	985
<i>Navalis victoria contra Turcas.</i>	986
<i>Nautarum pericula & labores. 868. comparantur his studioforum labores.</i>	ibid.
<i>Nicolaus S. Pont. medicina peritus.</i>	810
<i>Nicephus Rex astrologus.</i>	720
<i>Nobilitatem factis viles assequuntur. 650. nobilitas non triumphat sed virtus.</i>	651
<i>Nestoris eloquentia quanta.</i>	801
<i>Nubes opaca & lucida Christus fuit.</i>	959
<i>Nubibus similis Religiosi homines.</i>	562

O.

<i>Obuiam ire Principi decens.</i>	614
<i>Oculi custodiendi.</i>	699
<i>Occasiones peccandi.</i>	892
<i>Olympicorum labores & pramia.</i>	870
<i>Oratio funebris qui tractanda.</i>	972
<i>Oratio Christi in hortis.</i>	905
	Oratores

I N D E X

<i>Oratores clari, Reges, Imperatores, diuites, &c. 796. & seq. sacri.</i>	
803	
<i>Ouidius poeta qualis genere. 787. turpis.</i>	791
<i>Quis vaga, cui homo peccator similis, describitur.</i>	563
<i>Oza punitio.</i>	949

P.

<i>Paridis fabula detestandas voluptates carnis indicat. 682. describitur factum.</i>	683
<i>Parentes in bonos filios liberales.</i>	878
<i>Parentes Filios puniunt sancte.</i>	555
<i>Pastor bonus Christus.</i>	564
<i>Passiones Christi.</i>	660
<i>Passione Christi cor hominis molliendum.</i>	596
<i>Patria à doctis viris suis laudatur.</i>	551
<i>Patria defensores sua eloquentia & virtute.</i>	640
<i>Patria cœlestis descriptio.</i>	752
<i>Patria amor mortem superat.</i>	1008
<i>Patientia opus secularibus hominibus. 962. cum humilitate comparatur.</i>	751
<i>Patientia opus ad probam vitam.</i>	621
<i>Patientia exempla Christiana & Ethnica.</i>	1005
<i>Paupertas B. Francisci. 621. S. Dominici & Ignatij 623. paupertatis laudes.</i>	624
<i>Pauper non timet mortem.</i>	994
<i>Pauperibus studiosis collegia seruiunt.</i>	749
<i>Pauperibus subueniendum.</i>	599
<i>Pauperes praestant diuitibus in labore studiorum.</i>	610
<i>Pauperes diuitibus utiles.</i>	550
<i>Peccator cæcus, & tenebrismersus est.</i>	597
<i>Peccator à peccatis per Christi poenas auertitur.</i>	661
<i>Peccata populi mortes bonorum Principum causant.</i>	990
<i>Peccatorum conuersio suadetur. 919. 924. 930. 946. in peccatores inuectio.</i>	ibid. & 930. 935
<i>Peccandi occasiones in homine.</i>	892
<i>Pentecoste.</i>	969
<i>Permanens nihil in orbe terrarum.</i>	991
<i>Peroratio grauis ac vehemens.</i>	804
<i>Peroratio cum anacephaleosi.</i>	718. 818
<i>Pericles orator potens.</i>	843
	<i>Perfectio</i>

<i>Perfectio Christiana & Religiosos & Saculares docet.</i>	984
<i>Pastor astrologi prouident, prouidentq.</i>	722. 723
<i>Petrus conuertit 30000 una concione.</i>	974
<i>Petri Apost. humilitas in pedum lotione. 901. Prosopopœia eius. 905.</i>	
<i>Prosopopœia desientis suum peccatum. 916. poenitentia.</i>	ibid.
<i>Pharao aquis obrutus.</i>	625
<i>Philippus 3. Hisp. Rex inducitur loqui. 691. eius regna & opes. ibid.</i>	
<i>educatio & institutio eius in latinis & grecis. 696. Conuerſatio</i>	
<i>697. zelus boni communis.</i>	698
<i>Philippi regis fortitudo in c. assè amissa.</i>	1011
<i>Philosophia laus. 730. & sequent. Reges ei studuerunt. ibid. est su-</i>	
<i>pra corporis & fortuna bona. 730. creatarum rerum contemptum</i>	
<i>docet. 731. eius incrementum. 732. necessaria Medico & Iurisper-</i>	
<i>rito. ibid. Poesis praefertur. 734. eius effectus. ibid. tres eiu. partes</i>	
<i>tribus Patriarchis, Cerbero, tribus Dijs comparatur.</i>	735
<i>Philistai vetant arma tractare Iudaos.</i>	716
<i>Philistai hostes populi Dei.</i>	763
<i>Pilatus Christum iniuste damnat 952. 953. inuectiua in eum dura.</i>	
<i>954 Vxor eius pietas. 955. Caesaris amicitiam Deo p. asfert impie.</i>	
<i>957</i>	
<i>Pindari Poesis per apes significata in ore.</i>	779
<i>Pius 5. Pontifex contra Turcam bellum excitat.</i>	585
<i>Plantis parvulis similes literarum studiosi.</i>	894
<i>Poesis abusus.</i>	720
<i>Poesis dignitas & laus. 773. & seq. Poesis cultores & amatores. ibid.</i>	
<i>Artes alia per poesim tradita. ibid. & 782. Deus & Pri. cipes</i>	
<i>maximè poesi celebrantur. 775. usus in bellis.</i>	776
<i>Poesios praestantia. 777. ad omnes animi affectiones bonas mouet 778.</i>	
<i>sucunditas. 779. pictura excellenti similis. ibid. populorum ad eam</i>	
<i>affectus. 781. Laudes poesis refutantur. 783. & seq. Poesis turpis.</i>	
<i>791</i>	
<i>Poeta veteres. 773. magni à Regibus facti. 780. & seq. poeta humili</i>	
<i>loco nati. 787. turpes. 791. Sirenibus similes. 791 779. ciuitatibus</i>	
<i>eiekti.</i>	792
<i>Pompeius adolescens dux belli. 989. Imperator à milite dictus. ibid.</i>	
<i>Pompei cadaver inhumatum. 995. Casarem ad plandum mouet.</i>	
<i>ibid. Pompei gloria. ibid. praeclare gesta. 996. pietas in Tygranem.</i>	
<i>998. Fortuna aduersa belli ultima.</i>	999
<i>Pompeij laudes. 645. Imperator dictus primus. 646. 651. Tres trium-</i>	
<i>phi ei decreti.</i>	ibid.
<i>Pompeij mors misera.</i>	625

I N D E X

<i>Pompa cœlestis in ascensione Christi.</i>	965
<i>Pontifices se contra Hæresim fortiter opponunt.</i>	627
<i>Potentia Hispanica quanta.</i>	1010
<i>Præceptor doctus & perfectus.</i>	588
<i>Pramia æterna magno quærenda</i>	633
<i>Pramia iustus danda extremo die iudicij:</i>	548
<i>Pramia debita laboribus studi- forum. 869. vsq; 879. debita virtuti.</i>	
876	
<i>Præsentia Dei ubiq; peccatores consinet.</i>	649
<i>Prator iustus & iniustus.</i>	672
<i>Præteritiones.</i>	766
<i>Præteritionis figura.</i>	652. 653. & seq.
<i>Præterita vita mala pœnitudo.</i>	700
<i>Proborum & Improborum similitudo cum Hyeme & Vere.</i>	347
<i>Prodigus Filius à Patre in gratiam receptus.</i>	864
<i>Prodigus omnium diuitiarum.</i>	603
<i>Proditores impij. 670. pluribus sceleribus redundant.</i>	672
<i>Prosopopœia Maria V. ad filium patientem. 929. ad mortuum. 937.</i>	
<i>Ioannus ad Christum mortuum 941. Magdalena ad eundẽ. ibid.</i>	
<i>Providentia Dei in classe submersa.</i>	1004
<i>Pullis cur penna in scissa.</i>	856
<i>Pulchritudo Christi.</i>	948

R.

<i>Regis decora in Christo cumulata.</i>	921
<i>Regis Hisp. visitantis Academiam exceptio.</i>	663
<i>Reguli fortitudo animi.</i>	1005
<i>Reipublica necessaria est doctrina.</i>	850
<i>Religiosi gloriam mundi fugiunt.</i>	647
<i>Religiosi homines nubibus similes.</i>	563
<i>Religiosi non tantum perfecti esse debent.</i>	962
<i>Religiosi ordines bono proximorum student omnes.</i>	633
<i>Religiosa vita voluptas. 699. exercitationes.</i>	ibid.
<i>Religionis iactura in Anglia.</i>	1006. & seq.
<i>Religionis solitudo suadetur 891. 892. 893. petitur.</i>	ibid.
<i>Religionis Spiritus: vide Spiritus Relig.</i>	
<i>Religionis vera effectus.</i>	846
<i>Repetitio figura.</i>	652. & seq.
<i>Repugnatum varia conflictatio.</i>	580. vsq; ad 583
<i>Resurrectio Christi lata. 938. & seq. claritas eius.</i>	959
	Respectus

<i>Respectus humani in Pilato.</i>	954 955
<i>Rhetor Grammatico haud coniungendus.</i>	625
<i>Rhetorica arte clari Reges & Principes</i> 797. <i>viles ad magna euecti.</i>	
<i>ibid.</i> <i>Diuites sunt Rhetores, Poeta pauperes.</i> 798. <i>Reges & Imperatores belli & urbium.</i> 799. <i>Ciceroniana rhetorica ius.</i> 801. <i>utilitates rhetorica.</i>	802
<i>Rhetorica classis turbata omnino.</i>	604
<i>Rhetorica poesi praefertur.</i> 784. <i>& seq. origo.</i> 793. <i>vis & potentia.</i> 795.	
<i>Roma & Athenis floruit.</i>	795
<i>Rhetorica artis abusus.</i>	726
<i>Roma Cicerone felix.</i> 63. <i>prope deleta ab Hannibale.</i>	641
<i>Romani bellica laude clari.</i>	631
<i>Romani haud flagellati.</i>	915
<i>Romani imperij amplitudo.</i> 873. <i>propagatio.</i> <i>ibid.</i> <i>triumphicus apud Romanis inuenti.</i> 873. <i>mos comm.</i>	968
<i>Romani populi hostes.</i>	641
<i>Romani Principes Eloquentia studuerunt.</i>	795. & 796
<i>Romanorum liberalitas in petentes auxilium.</i>	999
<i>Rusticus stragem edit hostium in lusu Schachij.</i>	764

S.

<i>Salomon medicina peritus.</i>	808
<i>Samson Christi figura.</i>	960
<i>Samson excaecatus peccatorem refert.</i>	597
<i>Samson victor.</i>	960
<i>Sapientia gemma comparatur.</i> 849. <i>arca etiam diuitias includenti.</i>	
850	
<i>Schola à morbo vastata & imminuta.</i>	576
<i>Schachij lusos fortuna.</i>	764
<i>Scipionis laus.</i> 737. <i>comparatur Hannibali.</i>	<i>ibid. & seq.</i>
<i>Sebastiani Regis mors.</i> 995. <i>cadaver inhumatum</i> <i>ibid.</i> <i>pietas.</i> 997. <i>confessio crebra.</i> <i>ibid.</i> <i>virtutes alia.</i> <i>ibid.</i> <i>causa belli in Africa gesti ab eo.</i>	998. 999
<i>Sententia quomodo tractanda</i>	690
<i>Senectus pro conuersione non expectanda.</i>	919
<i>Senes honorandi à Iunioribus.</i>	654
<i>Sententia à Chria qui differat.</i>	649
<i>Sepulchrum rude desoris, alterum politum.</i>	718
<i>Sericum probatur quale sit.</i> 884. <i>ad quod adhibeatur.</i>	885
<i>Silla Imperatorem belli Pompeium statuit.</i>	989

I N D E X

<i>Simon Machabaeus in ebrietate perit.</i>	689
<i>Similitudo quid & quortuplex. 40. unde ducenda.</i>	ibid.
<i>Similitudo hominis probi cum Aui erepta laqueo. 560. religiosi cum nubibus. 562. peccatoris cum Oue erratica. 863. cursoris cum homine iusto. 565. negotiatorum cum eodem.</i>	567
<i>Similitudo ignis cum S. Ignatio M. 548. Horti frugiferi cum patria Doctum virorum. 551. Lucerna cum spiritu in Relig. statu. 552. Carnis nostra cum proditore. 557. hominis cum Aui libera. 560</i>	
<i>Similitudo proborum & improborum cum hyeme & vere. 547. astatis cum die retributionis bonorum.</i>	548
<i>Sirenibus cur Poeta comparantur.</i>	779-792
<i>Socrates discipulos futuros speculum intneri iubet.</i>	732
<i>Socratis patientia, & contemptus mortis.</i>	1005
<i>Sodalitatis Magistratus.</i>	636
<i>Sodoma & Gomorrha peccata puniuntur diviter.</i>	616
<i>Solitudo homini pio quarenda.</i>	890
<i>Solitudinis amans studiosus amore sui profectus.</i>	589
<i>Somnus nimius arguitur.</i>	557
<i>Speculum cur discipuli Philosophia intuiti.</i>	730
<i>Spinea Christi coronatio.</i>	920. & seq.
<i>Spiritus S. causa bonorum omnium in Ecclesia. 970. datus ex promisso Christi. 971. modus aduenientis. ibid. dona eius.</i>	976
<i>Spiritus verus Religionis. 552. lucerna similis. ibid. gubernatori nautis similis. 553. hostes eius. ibid. eluxit in S. Dominico & S. Ignatio.</i>	ibid.
<i>Spolia hostium.</i>	766
<i>Stellatrium Magorum.</i>	554
<i>Studiosus improbus, seditiosus. 653. ingeniosus. 652. doctus. 652. propensus ad studia.</i>	656
<i>Studiosis literarum labores deuorandi.</i>	587
<i>Solitudo amanda.</i>	589
<i>Studiosi literarum opus habent Mecenatibus.</i>	894
<i>Studiosi pauperis & Diuitis collatio.</i>	585
<i>Studioforum labores comparati Nautis, Palastritis.</i>	868. 870
<i>Studioforum labor agricolarum laborem superat. 852. utilior est. 854. Mercatorum labori superior. 858. Hortulanis similes. 860. Militibus superiores</i>	864
<i>Superbia causa est quod vincamur.</i>	1009
<i>Superbia fugienda. 903. superbia effectus. 904. 923. superbiam nostram luit Christus in spinea corona.</i>	922
<i>Superbiam mundo inuexit Lucifer.</i>	751
	Superbia

R E R V M.

<i>Superbi describuntur.</i>	691. exempla Gygantes & Lucifer.	693
<i>Superba Deus sternit.</i>		771
<i>Sylla crudelitas.</i>		644

T.

<i>Tarpeia cupiditate auara perijt.</i>		577
<i>Tempestas descriptio.</i>		868
<i>Templorum vastitas in Anglia.</i>		1007
<i>Tenebra peccantis anima magna.</i>	596. Ægyptiorum tenebras superant.	597
<i>Terra à fertilitate commendatur.</i>		551
<i>Terra Dea veterum.</i>		856
<i>Theologia facit omnia terrena contemnere.</i>	841. omnia vitia coercet.	
<i>ibid. prima ei debentur.</i>	842. efficacissima ad motus animi concitandos.	
<i>843. Hæreses debellat.</i>	845. aliarum scientiarum regina est.	847
<i>Theologia dignitas supra omnes artes.</i>	831. autor eius Christus.	832.
<i>cultores eiusdem magni.</i>	833. ius Pontificium comprehendit, & excellit.	834.
<i>utilitates maxima.</i>	835. Deum manifestat.	838.
<i>docet SS. Trinitatem.</i>	839. mysteria eius aliqua Philosophi veteres didicerunt.	839.
<i>qua mysteria alia doceat.</i>	<i>ibid.</i>	840
<i>Theodosius Imperator à S. Ambrosio punitur.</i>		743
<i>Thesis quid, quotuplex & quomodo tractetur.</i>		710
<i>Thoma Cantuariensis virtus commendatur.</i>		614
<i>Tirreus dux Laconum luscus claudus sed poeta.</i>		777
<i>Trebonianus ius collegit.</i>		821
<i>Triumphus Christi cælum ascendens.</i>		964
<i>Triumphus Romanorum mos.</i>	968. Christi triumphus maior.	968
<i>Triumphus virtuti non nobilitati decretus.</i>		651
<i>Triumphatores clari.</i>		631
<i>Triumphus cur inuenti.</i>	833. mos apud Romanos.	968
<i>Trinitatis SS. mysterium Theologia explicat.</i>		839
<i>Trium Magorum stella.</i>		554
<i>Turcarum bellum contra Ioannem de Austria.</i>		985
<i>Turca ducis capus rescissum animas Christianos.</i>		986
<i>Tygranis pietas.</i>		999
<i>Tyranni.</i>		643
<i>Tyrannorum decreta non sunt leges.</i>		811

INDEX RERVM.

V.

<i>Verbas cum herba.</i>	80
<i>Veris & Hyemis effectus.</i>	54
<i>Vernum tempus.</i>	896. 899
<i>Vexationes Christo illata.</i>	913. vsqz 936
<i>Via virtutis decurrenda.</i>	568
<i>Victoria naualis magna contra turcas.</i>	986
<i>Victoriam Deus non concedit ad Humiliationem.</i>	1009
<i>Virga Moysis nodosa, sed apprehensa edit miracula.</i>	718
<i>Virgilius & Homerus Ciceronem & Demosthenem superant.</i>	778.
<i>quales poeta. 788. turpes.</i>	791
<i>Virtutes bellica.</i>	989
<i>Virtutes cum vitijs contrariis.</i>	570
<i>Virtutis consuetudo quantum possit.</i>	673
<i>Virtutum autor Deus & Christus.</i>	751
<i>Visitatio Academia à Rege.</i>	663
<i>Visitatio Scholarum ab illustri persona.</i>	896. 898. 899
<i>Verno tempori comparatur. ibid. Conuiuij apparatus.</i>	898
<i>Vituperium probi abstergitur.</i>	613
<i>Vita hac, Mare.</i>	626
<i>Vita humana fragilitas.</i>	993
<i>Vites non culta. 547. Viti innixi adminiculis diuites similes fiunt.</i>	550
<i>Vlyssis gesta.</i>	571
<i>Vlyssis virtus in Troiana expeditione.</i>	627

F I N I S.





